

道藏 32

道門通教必用集	序	32--1-2
道門通教必用集	目錄	32--3
道門通教必用集	卷一	32--3-8
道門通教必用集	卷二	32--9-18
道門通教必用集	卷三	32--19-20
道門通教必用集	卷四	32--21-24
道門通教必用集	卷五	32--25-36
道門通教必用集	卷六	32--37
道門通教必用集	卷七	32--37-44
道門通教必用集	卷八	32--45-46
道門通教必用集	卷九	32--47-52
太上助國救民總真秘要	序	32--53
太上助國救民總真秘要	卷一	32--53-56
太上助國救民總真秘要	卷二	32--57-64
太上助國救民總真秘要	卷三	32--65-74
太上助國救民總真秘要	卷四	32--75-78
太上助國救民總真秘要	卷五	32--79-82
太上助國救民總真秘要	卷六	32--83-90
太上助國救民總真秘要	卷七	32--91-102
太上助國救民總真秘要	卷八	32--103-108
太上助國救民總真秘要	卷九	32--109-116
太上助國救民總真秘要	卷十	32--117-124

正一論	32--125-126
全真坐鉢捷法	32--127-128
太平御覽道部 卷上	32--129-132
太平御覽道部 卷中	32--133-138
太平御覽道部 卷下	32--139-142
道書授神契	32--143-146
道門十規	32--147-152
重陽立教十五論	32--153-154
丹陽真人直言	32--155-156
全真清規	32--157-160
太上出家傳度儀	32--161-166
三洞修道儀	32--167-168
傳授經戒儀注訣	32--169-174
正一修真略儀	32--175-182
洞玄靈寶道士受三洞經誡法 擇日歷	32--183-184
傳授三洞經戒法籙略說 卷上	32--185-190
傳授三洞經戒法籙略說 卷下	32--191-198
正一法文法籙部儀	32--199-206
正一法文太上外籙儀	32--207-216
受籙次第法信儀	32--217-226
洞玄靈寶道士明鏡法	32--227
洞玄靈寶課中法	32--227-228
太清玉司左院秘要上法	32--229-232
三洞群仙錄 序	32--233-234

三洞群仙錄	卷一	32--235-242
三洞群仙錄	卷二	32--243-250
三洞群仙錄	卷三	32--251-256
三洞群仙錄	卷四	32--257-262
三洞群仙錄	卷五	32--263-268
三洞群仙錄	卷六	32--269-276
三洞群仙錄	卷七	32--277-282
三洞群仙錄	卷八	32--283-290
三洞群仙錄	卷九	32--291-296
三洞群仙錄	卷十	32--297-304
三洞群仙錄	卷十一	32--305-310
三洞群仙錄	卷十二	32--311-318
三洞群仙錄	卷十三	32--319-324
三洞群仙錄	卷十四	32--325-332
三洞群仙錄	卷十五	32--333-336
三洞群仙錄	卷十六	32--337-344
三洞群仙錄	卷十七	32--345-350
三洞群仙錄	卷十八	32--351-356
三洞群仙錄	卷十九	32--357-362
三洞群仙錄	卷二十	32--363-368
三十代天師虛靖真君語錄	序	32--369
三十代天師虛靖真君語錄	卷一	32--369-370
三十代天師虛靖真君語錄	卷二	32--371-372
三十代天師虛靖真君語錄	卷三	32--373-374

三十代天師虛靖真君語錄	卷四	32--375-376
三十代天師虛靖真君語錄	卷五	32--377-382
三十代天師虛靖真君語錄	卷六	32--383-388
三十代天師虛靖真君語錄	卷七	32--389-390
沖虛通妙侍宸王先生家話		32--391-394
虛靜沖和先生徐神翁語錄	序	32--395
虛靜沖和先生徐神翁語錄	卷上	32--395-404
虛靜沖和先生徐神翁語錄	卷下	32--405-410
靜餘玄問		32--411-412
道法心傳		32--413-424
雷法議玄篇		32--425-428
老子微旨例略		32--429-432
真仙直指語錄	卷上	32--433-440
真仙直指語錄	卷下	32--441-444
群仙要語纂集	卷上	32--445-452
群仙要語纂集	卷下	32--453-458
諸真內丹集要	卷上	32--459-462
諸真內丹集要	卷中	32--463-468
諸真內丹集要	卷下	32--469-472
龍虎精微論		32--473-474
三要達道篇		32--475
六根歸道篇		32--475-476
意林	序	32--477
意林	目錄	32--477-478

意林 卷一	32--479-488
意林 卷二	32--489-498
意林 卷三	32--499-506
意林 卷四	32--507-514
意林 卷五	32--515-522
莊列十論	32--523-530
離峰老人集 卷上	32--531-538
離峰老人集 卷下	32--539-548
北帝七元紫庭延生秘訣	32--549-552
鄧天君玄靈八門報應內旨	32--553-556
九天上聖秘傳金符經	32--557-562
天皇太一神律避穢經	32--563
上清修身要事經	32--563-572
正一法文修真旨要	32--573-578
洞玄靈寶真人修行延年益算法	32--579-582
三洞道士居山修煉科	32--583-592
正一天師告趙昇口訣	32--593
玄和子十二月卦金訣	32--593-596
雨暘氣候親機	32--597-600
盤天經	32--601-606
道法宗旨圖衍義 序	32--607
道法宗旨圖衍義 卷上	32--607-612
道法宗旨圖衍義 卷下	32--613-618
洞玄靈寶五感文	32--619-620

靈書肘后鈔	32--621-622
玄壇刊誤論	32--623-628
五獄真形序論	32--629-636
高上神霄宗師受經式	32--637-638
太上洞神行道授度儀	32--639-644
太上洞神三皇傳授儀	32--645-648
翊聖保德傳 序	32--649
翊聖保德傳 卷上	32--649-652
翊聖保德傳 卷中	32--653-656
翊聖保德傳 卷下	32--657-660
廬山太平興國宮 訪真君事實 序	32--661
廬山太平興國宮 訪真君事實 卷一	32--661-664
廬山太平興國宮 訪真君事實 卷二	32--665-670
廬山太平興國宮 訪真君事實 卷三	32--671-676
廬山太平興國宮 訪真君事實 卷四	32--677-678
廬山太平興國宮 訪真君事實 卷五	32--679-682
廬山太平興國宮 訪真君事實 卷六	32--683-696
廬山太平興國宮 訪真君事實 卷七	32--697-702
正一法文經護國醮海品	32--703-706
元辰章醮立成歷 卷上	32--707-712
元辰章醮立成歷 卷下	32--713-716
六十甲子本命元辰歷	32--717-718
太上洞神洞淵神咒治病口章	32--719-730
上清經秘訣	32--731-732

靈寶煉度五仙安靈鎮神黃繒章法	32--733-734
上清太微帝君結帶真文法	32--735
上清黃書過度儀	32--735-742
太上洞玄靈寶二部傳授儀	32--743-746
洞玄靈寶八節齊宿啓儀	32--747-748
洞玄靈寶五老攝召北酆鬼魔赤書玉訣	32--749-752
四聖真君靈籤	32--753-768
玄真靈應寶籤 序	32--769
玄真靈應寶籤 卷上	32--769-780
玄真靈應寶籤 卷中	32--781-792
玄真靈應寶籤 卷下	32--793-806
大慈好生九天衛房聖母元君靈應寶籤	32--807-814
洪恩靈濟真君靈籤	32--815-816
靈濟真君注生堂靈籤	32--817-820
扶天廣聖如意靈籤	32--821-840
護國嘉濟江東王靈籤	32--841-856

道門通教集序

帳一

天師立教於西蜀廣成終老於益州故蜀之人奉道為盛而儀注亦甚詳第所得素無刊本差誤實夥頃觀中藏書既成適左史簡池劉公太常眉山朱公官中都元素因宗丞二江李公有請得都下道經數百卷皆吾蜀所缺者其間科儀居多乃令小師太古參較同異考古辨今始自童蒙訖於行教綴緝成集以貽後人會掌兩川黃錄四方同人莫不輻湊用是俾錄諸本與眾共之予嘗患不善斲者旁觀袖手又從而指笑之或則鉗口結舌秘為己私終身不肯吐一辭與吾徒是正豈太上為人則愈有愈多之意教門缺典不特此識者尚同是念以修正一廣成之風不亦宜乎嘉泰改元辛酉季夏江原樓庵道士呂元素書

道門通教必用集序

天師因經立教而易祭祀為齋醮之科法天象地備物表誠行道誦經飛章達款亦將有以舉洪儀修清祀也是故歌雅詩頌清廟使聲成文謂之音可以通于神明禱于上下唱步虛詠洞章原其理也亦無二致自天師立教之後而道家者流合規儀者則失於聲音之學得音聲者失於規儀之備亦猶公輸子之巧不以規矩安可以制其方圓乎宋時鶴林呂氏因詣京師覽藏典而搜括道玄編成集策目之曰通教集焉上自天子下至庶人為國為家為存為亡崇修熙祭欽崇道教無不旁通抑亦使學人必以規矩而通達其教典觀其用心亦普矣雲臺何公亦因而發明而使人誦鍊科教編類鍊教集通行於世二書之中互有得失觀覽之者不無疑焉今錦城三井觀道士馬道逸遵跡於簪裳者積有年矣留心於科教者未嘗時輟於是混通教鍊教二集取其長者類聚以成一家之言錄梓以廣其傳囑予以叙其意愚曰講學之中予每留心科教之內積年以

來予亦荒嬉子以為教而弘是心予敢不勉以成其美學人得此以知執範志士修之以通神明是亦教門之盛事也誰不予之歲在元貞中秋仁安觀長講弘道悟真天師韓混成謹序

道門通教必用集

目錄

慕道之初必求標準發願持戒經訓具存自漢及今扶宗立教人天師表皆可模範故立於式篇第一

太上出家經訓

歷代宗師略傳

童蒙入道應和居先起自啓堂訖于解聖皆可讚頌著於經科點後之初可無善本故立詞讚篇第二

步虛詞及讚頌

祝諸品真文符簡

五方消災真文

十二願念

童子長成教習音韻單聲誦念讚助行持傳聞舛差踏襲蕪鄙悉加釐正俾就謹嚴故立讚詠篇第三

五方衛靈呪

五劫生尸章

外壇讚詠

法橋文

為亡者歸依三寶懺罪兩章

安慰亡者并奉送文

舊本步虛篇第四

今刪出步虛添鍊教啓奏篇

關奏啓白

上御案香

祝香後入意

啓壇文

黃錄齋祝香後文

宿啓白五師文

建壇發爐

啓齋五師前啓師

黃錄為國三時告師

本命經文

真武經文

安宅經文

冠簡之初必由讚佐內外法事非止一條文或未安本或多誤初步宜謹擇善而從故立職佐篇第五

職佐篇第五

三日歎經文

黃錄啓散懺悔

消災明真懺悔

開五方文

三度召請文

呪食儀沐浴儀

舉揚之職分司威儀節奏詳明音韻典雅廣成著述專立為科必得其人以動眾聽故立讚導篇第六

讚導篇第六

杜天師讚道儀序

開壇儀軌

宿啓儀軌

行道儀軌

諸懺舉方

轉經儀軌

齋堂儀軌

言功設醮儀軌

古稱威儀今號都講一壇節奏同著前篇敕水戒嚴啓經讚述皆為緊要尚多訛誤故立威儀篇第七

威儀篇第七

救壇儀

九時引經文

高功之任道德威儀徽召存思百靈咸聽各有儀注考諸前人集為一篇以備講究故立

精思篇第八

發奏訣法

白事說

升壇關奏說

朝夜出戶入戶呪

禮師存念法

鳴法鼓說

步虛命魔存思法

誦經靜念訣

開經蓋呪首四

出官精思存神訣

宣章讀太清衛說歌并

印章七元符說并

通天門符聚散形呪并

伏章步斗圖歌并

右八篇皆從道教經科及歷代宗師近世知

名之士參詳考究集為一編不敢少有臆說

以誤後賢秘為一家之私則非通論爰錄諸

本與同學共有為傳道度人指教之須吾儕

勿以輕投白衣之徒自取悔吝蓋此集稍似

詳備彼必棄棄皆本從事於斯他日救亡不

無謗怨其如老莊玄虛之學金丹養鍊之方

奉道之家人人有分非此道之在世係乎

朝廷科制也通識之士必以斯言為然嘉泰

辛酉季夏中泠江原鶴林道士呂太古書

道門通教必用集卷之一

鶴林道士呂太古集

矜式篇

太上出家經訓

出家因緣經云道士凡有七階天尊言一者

天真謂體合自然內外純靜二者神仙謂變

化不測超離凡界三者幽逸謂含光藏輝不

拘世累四者山居謂幽潛學道仁智自安五

者出家謂捨諸有愛脫落囂塵六者在家居謂

和光同塵抱道懷德七者祭酒謂屈已塵凡

救度危苦所以名道士者謂行住坐卧舉念

運心惟道是修惟德是務持齋禮拜誦經燒

香奉戒修身然燈懺悔布施願念講說大乘

教導衆生發大道心造諸功德普為一切後

已先人不雜塵勞惟行道業故得天上地下

六道四生禮拜敬最為尊勝不朝天子不

揖諸侯作人天福田為三界依怙

玄門入道求出家法身十七願念

一願不殺生命斷聖種故二願永不飲酒敗

習性故三願永不血味與體同故四願不食

五辛障生天故五願不犯姪欲自亂心故六願不說他過人惡聞故七願不貪財貨為妨道故八願勤修功德自莊嚴故九願不惱亂人成怨業故十願利人不捨不異我故十一願永不妄語人不信故十二願永不懈怠退道心故十三願修學一切方便成種智故十四願永不盜一切物必倍償故十五願長內修齋得齊心故十六願常照諸法空靜速進道故十七願常默然如愚自安靜故

已上並童子入道受持

○昇玄經云為道士者與彼俗人事事有反目不多瞻見好不驚耳不聽讒不聽亂聲鼻不嗅香芬芳之腥口不嗜甘茹犯衆生心不想欲財色華榮手不好用足不惡踐此道士之行也

昇玄經云凡出家者除去飾好服御巾褐卑牀小屋容身而已不得奢侈除病及遊行就請外淨居閑處軌玄樂道此謂聞道初門大德之本也

定志經云昔有十二年少處世閑樂共作好

食酣飲嬉戲或復論議為道持戒之難易天專於大定見之以此年少前世各為人師秘法經典致諸弟子亦多猶豫今墮俗塵因此微緣猶可救度天尊即化為人從會中過因悉共語化人曰持戒甚易不持反難諸人

聞之食然問曰云何先生持戒云易不持反難化人曰立身如戒不畏天子不畏鬼神何為不易如違戒者是人悉畏復畏鬼神云何不難於是十二年少聞化人語皆憶宿命發心持戒同證道果

○法輪經云太上玄真人告葛仙公曰我昔受師訓切厲備經痛如刀割剋如毒錐俛仰伏事恒不敢虧痛不敢辭毒不敢言今成道果難報師恩

太真科云道士修習經業以五千文為先講說通解度人濟已開化無窮此為大乘之人太真科云開闢之初聖真仙人皆宣道氣立法相傳同宗太上俱稱學士以道為事事道有功昇號道士

明威經云為學不可不精邪正相似不可不

明不明墮於難境明者班於易途明與不明由心詳辨辨之法偏學衆經歷試取驗自然朗明在世間法出世間法有為無為無不究悉自然測三清之妙趣也

歷代宗師略傳

道家之學尚矣黃帝老子清靜為事尹令莊列之徒推而大之流傳至樂臣公公教蓋公蓋公教曹參其言之有效於經世者如此況黃老之道哉噫嘻世尚奢泰此道遂隱神仙之學盛禱祠之法興自東漢而下說

○聖朝之初蓬丘子賈善翔集以斯道鳴世者百餘人為高道傳爰授其尤者十數去繁取要著子經訓之末俾吾徒知所矜式焉

張天師

天師姓張名道陵字翰漢性沉默好古博極經史兼明星緯賤人之急不擇踈戚世以是推之就弟子列者甚衆章帝召不就喟然與弟子決唯王長留侍乃入潛衡至中獄得九丹書丹成謂長曰吾未有大功豈敢遽服宜須為國為家除害與利乃可輕舉遂感太上

下降授以正一盟威之法降羣魔至女別立二十四治教人謝過祈禱設為科教蜀人化之遷善遠罪後於雲臺峯太上遺靈輿下迎白日上昇

葛仙公

仙公姓葛名玄字孝先自少好學經傳子史靡不諳覽名振江左常好彈琴誦老安閒恬淡內足無求乃入赤城山修道復遊括蒼羅浮金精閭皂玉笥天台等山修行研誦遂感太極三真人下授三洞寶經年十八道成。變化巨測嘗集三洞之要為九幽懺者老子及諸經數十卷一日告弟子鄭思遠等曰吾為吳主所留不得誦洞經先作尸解乃得升天及期解化支體柔輒香炁滿室至五日大風忽起燈燭皆滅及火至失尸所在

王纂

道士王纂居馬跡山常以陰功利物值西晉末中原亂離饑饉疫癘民多斃無救纂憫之遂於靜室飛章告天泣涕不已經三夕室中有光如晝已而祥風景雲紛郁空際異香天

樂下集子庭介士幡幢青童玉女龍虎備衛俄而笙篳之音自西北至五色光中仙官一人告纂曰太上道君至于是百寶大坐自空而下道君乃據坐纂拜首跪伏而前道君曰子憫生民形于章奏刺心投血感動幽明地

司列言吾得以鑒矜于子道君於是為說陰陽代謝人鬼升淪六天羣魔敗軍死將因表伺隙戕害生民吾以陽威憚之神呪伏之自然弭戢即命侍童授纂神化神呪二經及三五齋訣曰勉而行之真階可冀纂按行江表疫癘遂息

陸天師

陸脩靜字元德篤好墳典考究象緯既而歎曰欲鍊形合道與天俱畢非此之謂也遂精專道教不捨寤寐聞異人所在雖遠必訪棲于荆岫而江漢之人聆聲而赴虛往實歸宋元嘉末文帝召不起至明帝欲以清靜濟民於淳樸素欽先生乃禮致再三遂奉詔出山熊虎豫鳥悲鳴擁路其感物如此至闕投館于外俾朝野得師事焉先生為指別邪正校

核真偽由是翕然一變頹俗嘗以三洞經法糝雜皆刊而正之又著齋戒儀範為後世法與陶淵明為方外友則其人可知也元徽五年正月忽謂門人曰吾迫於恩命違其宿尚今將還舊山矣弟子許之至三月二日忽然解化膚色輝映異香芳郁後三日廬山諸徒見車從霓旌紛然歸舊止斯須不知所在詔謚簡寂先生

寇天師

寇謙之字輔真年十八傾心慕道幽感上玄有仙人成公興備身於其家謙之一日算周髀音鼻乃不合公興因教之應手而成有頃謂謙之曰法師有志學道可能與某遁乎遂與之遊華山採藥而食謙之自是不復飢一日謂某出當有人將藥相遺但食之果如所言視其藥皆毒蟲臭惡物乃懼而出興還具對且歎曰法師未易得仙乃可為王者師復曰某明日當去及期果化謙之遂居嵩陽不復出神瑞二年夏四月一日忽有二人乘龍持麾來曰老君至斯須太上乘九龍玉車神

仙導從集於山頂謙之虔心作禮太上教王
 方平引謙之前曰吾得中嶽集仙宮主表稱
 張道陵登真以來修學之人無所師授今有
 中嶽道士冠謙之行合自然宜處師位吾故
 授汝以天師之任及雲中音誦即華夏頌
步虛聲新
 科經戒汝宜宣之佐國扶世以化生民謙之
 受訖五雲臺殿俱隱謙之自是志行日新始
 先中朝廷遣官召至闕下司徒崔浩師事之
 主上前席問道禮遇甚恭遂建都壇以舍之
 由是天下歸仰焉天師嘗於中嶽為帝祈福
 精誠通感太上密授帝太平真君之號是歲
 改太平真君元年至九年正月謂弟子曰吾
 夢成公與召我於中嶽仙宮及五月羽化有
 青炁若烟自口中出至天半乃消其體漸縮
 識者謂之尸解年八十四後沈默見於中嶽
 頂身作銀色光明如日由是知為仙人

王道義

道士王道義魏時人博覽羣書明緯候知終
 南有尹真之所將弟子六七十人來居之與道
 士尹靈鑒等四十餘人數洪道化朝野欽奉

時歲歉常住不充道義大修觀宇丁匠百數
 而用度不乏人咸知師之神化陰有神助由
 是樓觀殿宇一一鼎新令門人購集真經萬
 餘卷皆自己力未始求人其性浩然無累後
 室中嘗有人語弟子伺之皆具仙集焉永平
 中返真之際白雲異香滿室踰日方散聖人
 有自外歸者見道義乘鹿而去

正一先生

司馬承禎字子微事隋師正得錄形術無不
 通妙師異之盡付陶隱居正一法久之辭去
 遍遊名山抵天台構層軒於壇上目為衆妙
 臺武后召之未幾去與陳子昂盧藏用宋之
 問王適畢構李白孟浩然王維賀知章為仙
 宗十友唐宗復召命其兄承禎宣命期以必
 來既至引入中掖延問以術先生曰為道日
 損以至於無為凡耳目所知見每損之尚不
 能已況攻異端而增智慮哉帝曰治身則爾
 治國若何對曰國猶身也故游心於淡合氣
 於漢任物自然而無私則天下治矣帝歎曰
 廣成子之言也因請還山賜寶衣霞綬轅命

公卿賦詩送之明皇詔於玉屋山建壇宮令
 居時女真無辭真泛海詣蓬萊求師至一山
 見道者謂曰天台山司馬子微名在瓊臺身
 居赤城真良師也靜真還詣先生受道未幾
 升仙嘗降謂薛季昌曰先生得道高於陶都
 水當為東華上清真人先生忽一日謂羣弟
 子曰吾於玉霄峯東望蓬萊有羣仙降駕令
 駕東華青童君召必須往赴俄頃化去詔贈
 銀青光祿大夫謚正一先生帝親文其碑先
 生嘗撰修真秘旨天也官府圖坐忘論登真
 系等行世

李含光

道士李含光年十三篤好道學雖處暗室如
 對君父工篆隸人稱過其父一聞之終身不
 復作師司馬正一先生見之曰真玉清之客
 也戒曰抱虛無而積功其道無窮託鶴阜而
 滅迹於德不淺遂盡付寶書俾先救人含光
 既稟訓忘情於身周急於物每啓齋醮齋心
 潔已不少怠明皇詔見問理化對曰道德經
 者君王師也漢文行而躋民於仁壽又問金

鼎曰道德者公也輕舉者公中之私也若求生徇欲類於繁風不亦難乎帝嘉之優禮以待未幾請還向曲詔為紫陽觀以居之帝受福祚真經請為師不赴於大同殿具辭選請仰號玄靜先生嘗著仙學傳天玄異同論年八十有七謂弟子吾將往茅山遂順化於時祥雲降芝草生位為茅山仙官矣

吳宗元

吳筠字貞節通經誼美文辭舉進士不中去居倚帝山天寶初召至京師請諫道士籍依潘師正先生究其道南遊天台觀滄海與道士相從文詞傳至京師明皇召見與語甚悅款待詔翰林獻玄綱三篇帝嘗問道對曰深於道者無如老子陛下自求之於五千文可也復問神仙治鍊對曰此野人事非人主宜留意筠每開陳皆名教世務以微言諷諫天子重之羣沙門嫉其見遇高力士素事浮屠共短筠於帝筠求還嵩山詔為立館嘗論谷神之妙則有玄綱論衷達心高目之遠於道則有神仙可學論疏滄溟雪使無落吾事則

有洗心賦崑崙賦修胃中之誠而休乎天均則有心目論契神頌若遊仙步虛王化雜感之作凡四百五十餘詩權德輿集而為序後解化詔謚宗元先生

劉知古

劉知古字先玄沛人中山靖王遠孫上世官遊臨邛遂家焉母吳氏感異夢而生明慧秀正不喜利名惟從事於道出家隸太清觀受三洞經錄至於八公寶章三洞寶錄丹經脉訣之旨出生入死之道罔不洞曉唐宗召問道業稱旨特加崇錫後還山關元中復召為民獨瘦真人視色代脉布氣除病民賴以安十有八九上寵錫不受乞歸蜀請以居第為大千秋觀上親書額李邕文其碑後因天長節改為天長觀復讓別營修或有客至授以黃白術雖飛堯連攝頗極壯麗所費萬計未始資於人工畢容復至約於東陽伏牛山既至其下有古觀葺而居之行三奔九道之要十年怒室中有光產丹芝一壺扣之作金玉聲忽夢神人謂曰後山滴泉之下石中有金

魚跨之可以升天矣非此芝扣石不可致後訪之以芝扣石如風雷之震巨石迸裂得金魚長三尺許乘空飛騰雲霧旋擁而去真人嘗為母薦福置九幽燈金錄白簡式至今遵用幽冥利益誰可量哉又有日月玄樞指迷歌行於世聖宋宣和中改為仙隱觀在成都北城內

傅練師

傅仙宗長安人父倫資陽令仙宗幼好道家學遂隱資陽山未幾有神人告玉按山可修行遂建千齡觀居之一紀一日又有神數人告曰其主山神也自師居此其等日不違安況此未為福地州西平岡山可居師然其說鬼神侍衛即至其所建壇室以居明皇崇道召赴闕過利州桔柏津水怪為民害師以二石板書符投水中有二大魚曝於灘腹下有丹字曰赤鯉赤鯉生居河水不避仙官理得其死刺史具以聞詔立師祠於津渚至都俾於上清宮設醮帝親臨壇師行事至請東方青童君從官將吏頃間天兵遍壇之東上恐

懼既罷問修何道致此曰臣所修務安人利物恬淡簡易澄之不清攪之不濁以此自勝故尔上欽悅久之乞還山詔尋其親親書額改曰應真乾元三年十月十四日忽聞空中云太上有勅召遂沐浴登榻而化有人見之簡州乘青驃而去信尸解也

問丘先生

問丘方遠字大方年十六通經史二十九入道師尤元澤一日澤謂曰子不聞老氏云吾有大患為吾有身蓋身從無為而生有為今却反本是曰無為無為者言無即著空言有即成礙執有無即成滯但於有無一致泯然無心則庶幾乎道且釋氏以此為禪宗孔子謂寂然不動者其揆一也老氏又云迎不見首隨不見後此何物耶子能默契又何求焉何必空山長松之下所惜者子之才器足可為真門標表也方遠受教而去復事劉處靜葉藏資授道籙兼稚川貞白之為人聲猷益盛吳越錢錄欽其清高訪於大滌洞築室以居之昭宗累詔不赴就賜命服號妙有大師

元同先生弟子二百餘人惟十餘輩深得修真練神之旨後一日忽沐浴端坐而化及就壙空棺而已

杜天師

杜元庭字賓聖為時名儒試萬言不中遂入道事應先生為高弟嘗謂道門科教自漢天師陸脩靜撰集以來歲久廢墜乃考真偽條列始末故天下羽檣至今遵行僖宗召充麟德殿文章應制嘗時推伏曰詞林萬葉學海千尋扶宗立教天下第一中利初扈從幸蜀因老於成都王建據蜀召為皇子師嘗謂徐光溥曰余初學於上庠書籍皆備一月之內分日而習一日誦經書二日覽子史三日學為文四日記故事五日燕閒養志一月率五日終始不五七年經籍備熟光溥蓋蜀相嘗師事之天師始遇陳休復得神樂後於成都朱仙依之久唱撼庭秋辭卒不遇一日忽謂門人曰昨夢朝上帝以吾為岷峨主司時方營真宮於青城山告成遂披法服禮辭昇堂集弟子囑別而化歸葬青城但聞棺輕啟之

惟留一篋而已嘗著混元圖翼紀聖賦廣聖義歷帝記靈驗記科教儀範章詞表式歌詩雜文數百卷目曰廣成集謚錫廣成先生號云

蘇澄隱

道士蘇澄隱居鎮陽龍興觀通老莊善攝養開寶二年太祖皇帝駐鎮陽召之掖昇殿上曰師年逾八十容貌甚少是能養生宜以見教朕澄隱曰臣之養生不過精思鍊神而已帝王養生則異於是老子曰我無為而民自化我無欲而民自朴無為無欲凝神太和軒帝唐堯享國永年得此道也上嘉其說寵錫殊厚

張無夢

張無夢字靈隱篤孝聞於鄉里好清靜通易及冠委資產於其弟入華山與种放劉海蟾結交事希夷先生多得微旨久之遊天台赤城結廬十餘載修行精練以內事形于歌詠成百首曰還元篇夏英公入山見之得其詩歸葦下王冀公執政英公以還元篇獻之未

幾以聞真宗問以長久之策無夢曰臣野人但於山中誦老子周易而已其他不知也上令講易即講謙卦上曰獨說謙何也無夢曰方大有之時宜守以謙上喜其說除著作佐郎不受一日復召講還元篇賜飲遣使送金

帛皆不受復賜處士先生號亦不受上因以歌賜行曰混元為教合醇精視之無迹聽無聲唯有達人臻此理造造物外事沉冥浮雲舒卷絕常勢流水方圓靡定形乘興偶然辭澗戶談真俄爾謁王庭順風已得聞宗旨枕

石還期適性情王帛簪纓非所重長歌聊復寵歸程明日遂行有旨令台州給著佐俸至山亦不請其終始清節如此年九十九終于金陵經三日頂中白氣出高三尺有瓊臺詩行於世碧虛子陳景元蓋其弟子得老莊宗旨云

劉先生

劉從善字順夫自幼雅好道家學於建隆觀試業為道士天聖初承旨住景靈宮上與太后欲受法錄詔觀妙先生朱自英於至清昭

應宮建壇命從善同壇受錄上嚴於孝其遣使諭以先帝忌辰令於神御前呪食乃編三洞經內呪傷尋進呪食文上嘉之賜金素之號仍以文頌諸宮觀呪食之科自從善始時延寧宮成詔撰聖像五藏銘應制者甚眾唯

從善稱旨以金玉牌刻其文仁宗不豫召從善入內奏章命執政代命伏章詎問曰章達否曰已達時晏駕已數刻忽復精神明奏傳宣曰問葛將軍何神從善曰三天門下有神曰中元葛將軍主通章之神也復傳宣令設

位翌日聖體遂康諭左右曰朕昨夜至天門有葛將軍云皇帝未合來急借馬道回遂寤上解御服衽席金帛賜之欲以先生號加錫固辭英宗朝丞相韓魏公復請先生號賜之又辭熙寧三年七月二十八日沐浴訖集弟子于前曰吾俟大風至即去須臾果風作如

說而化後有客自蜀還京見先生乘白馬入蜀祝云見吾徒為言之由是知為尸解矣嘗撰集齋科及拜章法及有歌詩行世道門通教必用集卷之一

道門通教必用集卷之二

帳二

鶴林道士呂太古集

詞譜篇

啓堂頌

學道當勤苦欽信運丹誠燒香歸太上真氣

雜烟馨惟希開大宥七祖離幽冥

焚牒頌

瑤璣星運轉玉漏響初傳告牒真官訖虔誠

啓醮延忱詞析肝靈發露倍精專仰望真仙

衆依稀下九天

智慧頌

智慧生戒根真道戒為主三寶由是興高真

所崇受定此不死丹倏欬濟大有當此說戒

時諸天來稽首

奉戒頌

道為無心宗一切作福田立功無定主本願

各由人虛己應衆生注心莫不均大聖崇至

教亦由雨降天高陵靡不周常卑故成淵海

為百川王是能舍龍鱗萬劫保智用意豈但在

取年奉戒不暫虧世世善結緣精思念大乘

會當體道真

請師頌

人各恭敬

古儀請師止是經籍度三師作三翻請且在正壇禮師存念之先乃自己傳度三世

之師後人不知考究誤以三師為天上仙官故列為五師今既如是不可復改可尊五師中三師為天上鬱羅翹真人真定光真人先妙音真人此乃天台葛仙公授經時三師亦以見經教授傳之祖不忘所自也如三清亦號三師已在正壇奉事不可降為五師也玄中所以主教當在第三師次之監齋又次之

修齋行道奉請 玄中大法師降臨壇所
修齋行道奉請 經籍度三師降臨壇所
修齋行道奉請 監齋大法師降臨壇所
雲與已降鶴駕來臨齋事周圓還當奉送

唱道讚

道場眾等人各蓮心眾和皈命三寶一切念

華夏讚

學言學行言

三啓頌三首

樂法以為妻愛經如珠玉持戒制六情念道遣所欲淡泊正氣停蕭然神靜默天魔並敬護世世受大福

鬱鬱家國盛濟濟經道興天人同其願縹緲入大乘因心立福田靡靡法輪升七祖生天堂我身白日騰

大道洞玄虛有念無不契鍊質入仙真遂成金剛體超度三界難地獄五苦解悉歸太上經盡念稽首禮

王京步虛詞十首

稽首禮太上燒香歸虛無流明隨我迴法輪亦三周玄願四大興靈慶及王侯七祖生天堂煌煌耀景敷嘯歌觀太漢天樂適我娛齊馨無上德下仙不與儔妙想朗玄覺說說巡虛遊

旋行躡雲綱乘虛步玄紀吟詠帝一尊百關自調理俯命八海童仰携高仙子諸天散香花蕭然靈風起宿願定命根故致標高擬歡

樂太上前萬劫猶未始

嗟我玄都山十方宗皇一岩岩天寶臺光明焰流日煒燁玉林華蓓榮耀朱實常念靈元精鍊液固形質金光散紫微窈窕大乘逸俯仰存太上華景秀丹田左顧提鸞儀右眄

雙結璘六度觀梵行道德隨日新宿命積福應聞經若至親天挺超大才樂誦希微篇冲虛太和氣吐納流霞精胎息靜百關家家究三便泥丸洞明照遂成金華仙魔王敬受事故能朝詣天皆從齋戒起累功結宿緣飛行凌太虛擬擣高上仙

控轡適十方旋憇玄景阿仰觀劫仞臺俯眄紫雲羅道遙太上京相與坐蓮花積學為真人恬然榮衛和永享無期壽萬椿奚足多大道師玄寂真仙有無英公子度靈符太一捧洞章舍利耀金姿龍駕欲來迎天尊躬雲輿飄飄乘虛翔香花若飛雪紛霑茂玄梁頭腦禮金闕携手遊玉京窳樹圓景園煥爛七寶林天獸三百名師子巨萬尋飛龍躡蹠鳴神風應節吟靈風扇奇花清香散人襟自無

高仙才焉能就此心

嚴我九龍駕乘虛以道遙八天如指掌六合
何足遼衆仙誦洞經太上唱清誥香花隨風
散玉音成紫霄五苦一時迸八難順經家妙
哉靈寶固興此大法橋

天真帝一宮靄靄觀曜靈流煥法輪綱旋空
入無形虛皇撫雲璈衆真誦洞經高仙凜手
讚彌劫保利身

至真無所待時或轡飛龍長齋會玄都鳴玉
叩瓊鐘十華諸仙集紫烟結成宮寶蓋羅太
上真人把芙蓉散花陳我頌握節微魔王法
鼓會羣仙靈唱靡不同無可無不可思與希
微通

金闕步虛詞

始青款元蓋金香結朱烟飛神總翹轡稽首
玉帝前帝心浩以舒錫吾太靈篇是謂不滅
道萬天衆吾權吾行空洞中下仙味其淵

步虛詞十首

太極分高厚輕清上屬天人能修至道身乃
作真仙行溢三千數時丁四萬年丹臺開寶

笈金口爲流傳

大梵三天主虛皇五老尊尚難窺微妙豈復
入名言寶座臨金殿霞冠照玉軒萬真朝帝
所飛鳥躡雲根

濛濛如細霧冉冉曳絳衣妙逐祥烟上輕隨

綵鳳飛幾陪瑤池宴忽指洞天歸佇立扶桑

岸高奔日帝暉

旋步雲綱上天風飄爾吹飄裾凌斗柄秉拂

揖參旗獅子嚙丹綾麒麟導翠輜飛行周八

極幾見發椿枝

綠鬢頽雲鬢青霞絡羽衣晨趨陽德館夜造

月華扉搏弄周天火韜藏起陸機玉房留不

住却向九霄飛

昔在延恩殿中霄降九皇六真分左右黃霧

繞軒廊廣內學宸御仙丘護道場孝孫今繼

志咫尺對靈光

寶籙修真範丹誠奏上蒼冰淵臨兆庶宵旰

致平康萬物消疵癘三辰効吉祥步虛聲已

徹更詠洞元章

宛宛神州地巍巍衆妙壇鶴袍來羽客鳧鳥

下仙官玉律斟元醴琅函啓太丹至誠何以

祝四海永澄瀾

水唳魔宮懾燈闌夜府明九天風靜默四極

氣澄清嘯詠朱陵曲翔翔白玉京至誠何以

祝國祚永安榮

華夏吟哦遠人聲自抑揚沖虛歸道德曲折

合宮商殿閣沉檀散樓臺月露涼至誠何以

祝多稼永豐穰

王清樂

地居天上接空居萬象森羅遍八區功用不

知誰主宰絳霞丹霧闕清都

碧落空歌黍米珠十方勃勃入無餘聞經慶

喜難言說九色龍騰八景輿

五色雲營鑿鑿屯三三洞戶敞瓊門何方道

士通朱表玉女飛函達上尊

上清樂

紫清天上育華林絳實朱柯竹葉深咀嚼繁

英身不老下觀鳥兔換光陰

元君八氣號青靈錦帔飛裾住玉城把握帝

符司道籍枝除塵累濟羣生

九日宮中四老真廣霞山上宴仙賓鳴鐘鼓
瑟行靈醕碧落融融別有春

太清樂

太一元君掌列仙形輝絳彩射芝田功圓會
遇刊冥籍可待洪崖笑拍肩

金闕明光後聖君流精煥彩結丹雲不因太
上相傳授安得人間有玉文

五節清香半夜焚天人玉女盡遙聞味同氣
合迥相應絳節霓旌下五雲

白鶴詞

白鶴初生在紫微且當洞府養毛衣借問仙
人何日至莫言不解伴雲飛

白鶴千年始一歸山川依舊世人非不因華
表分明語誰識當初丁令威

白鶴飛來下九天數聲嘹唳出祥烟日月相
催人易老不如修道學神仙

太一真人冰雪容步虛來往本無蹤蓬萊要
去而今去雲在總前鶴在松

白鶴天生壽命長翔翔仙境侍虛皇千春一
到華旌上却歸霄漢自然鄉

白鶴飛翔在玉京往來三界現長生修行若
達神仙境便乘真馭入雲庭

白鶴詞

白鶴凝霜一頂紅常居碧落香冥中三清好
是逍遙處天上人間事不同

白鶴詞

八景戒期登秘宇九清敷佑協祥經曾雲頌
頑瞻仙羽暴日徘徊在福庭

白鶴詞

胎化靈禽啖九天雪毛丹頂兩相鮮世人莫
認歸華表來瑞升平億萬年

出堂頌

道以齋為先勤行登金闕故設大法橋普度
諸天物宿世恩德報道心超然發身飛昇仙
都七祖咸解脫

經儀三歸依讚

人各恭敬
至心歸依十方道寶當願眾生起心回向一
切信禮

至心歸依十方經寶當願眾生心開悟解受

持轉誦

至心歸依十方師寶當願眾生善上法橋無
有障礙

道場眾等人各執簡當心平坐讚誦如法

宿命讚

宿命有信緣弱長謂之無皆欲眼前見過目
即言悠大賢明道教慘感慙夫依依念子
苦勤勤令我憂

啓經讚

稽首虛皇天尊前

送經讚

無量玄玄也

解生讚

為諸來生作善因緣如家開悟仰荷聖恩

七具讚

太上玄虛宗弘道尊其經俯仰已得仙歷劫
無數齡巍巍太真德寂寂因無生實景結空
構乘虛自然征日月為炳灼安和樂未央
學仙絕華念念念和因積去來亂我神神躁
靡不歷滅念停虛聞蕭蕭入空寂請經若飢

渴持志如金石保子飛仙路五靈度符籍
濟我六度行故能解三羅清齋禮太素吐納
養雲芽道遠金闕內玉京為余家自然生七
寶人人坐蓮華仰爵玄都椽俯酣空洞瓜客
顏耀十日奚計年劫多法鼓會天仙鳴鐘微
大魔

靈風扇香華燦爛開紫松太真撫雲霞眾仙
彈靈琴雅歌三天景散惠玉華林七祖生天
堂由此步玄音前世德未足斯書邈難尋信
道情不盡圖飛乃及沉太上無為道弘之在
光心

學道由丹信奉師如至親抱景偶清虛孜孜
隨日新衆人未得度終不度我身大願有重
報玄德必信然陰惡罪至深對來若轉輪
學道甚亦苦晨夜建福田種德猶植樹積貴
而成山子能就玄尚飄爾分清天修是無為
道當與善結緣太至上至隱書名曰智慧篇披
苦由大才超俗以得仙靈安世所奇輝若淵
中蓮
人行各有本皆由宿世功立德務及時發願

莫不從善惡俱待對倚伏理難窮賢士奉法
言通亦在兼忘解是大智慧是為太極公寶
蓋連玉與命駕御九龍金華空洞經捧香悉
仙童嘯歌徹玄都鳴玉扣瓊鐘
疎身凌太清起景逸紫霄保元持法網遊玄
極道遙萬劫猶昨夜千春如展朝巍然陰雲
華手攀寶林條香烟自然生玄階與扶搖靈
燭順風散繁想應時消滅智弘大混無為為
清謠

小學仙讚
學仙行為急奉戒制情心虛爽正氣居仙聖
自相尋若不信法言胡為栖山林

焚章頌
太上垂科教勤行福壽長延生依王訣請命
奏金章罪名除比府生籍上南昌見在保延
壽過去升福堂

又
太虛感靈會命我生神章一唱洞九玄二誦
天地通混合自相和九遍成人功大聖讚元
吉散花禮太空析真真必佑請福福當洪諧

天並歡悅一切稽首恭

焚詞頌

人生多障難大道實於憐救度留科戒威令
懺罪緣愆辜編地府登結已聞天發露析真
佑冥心仰聖賢虔恭禮三寶願得壽長年焚
詞飛上界奏名玉帝前

度簡頌

赤明開元圖和陽通上靈元始敷靈華十部
飛天書開度九幽祖萬過道自俱玉皇秀瓊
林生死福德虛自無黃錄簡苦根焉得除旋
行誦靈章五老還相扶

符戒頌

稽首無上道歸心元始專至真妙應主開化
飛玄門妙戒怡五靈金書舉萬神察命定錄
籍靈符度苦竟乘雲朝玉帝齊契玄中人

焚簡頌

天尊垂憫濟救苦最為先金錄白簡妙真符
玄又玄地府稟聖教鄭都禮此言拔度諸業
障告盟前罪愆九幽咸解脫亡竟生九天
山簡頌

析真登紫府告命詣靈山玉女謠梵響金童
散香烟書名通九地列字上三天永享無期
壽克成高上仙

水簡頌

天尊留戒律太上演真經奉法須勤苦功德
貫精誠虔心啓三寶焚香告百靈書名投水
府功勳達上清

三塗五苦頌

三才及萬物倚仗各有齡終始代劫數福盡
天地傾往返於五道苦哉更死生展轉三塗
中去來與禍并

明燈頌

大道滿十方華燈通精誠諸天悉開曜九地
皆朗明我身亦光徹五藏生華榮炎景照太
無遐想通玉京

散花樂

散花林散香林散香花滿道場上真前供養
玉京山上朝真會散花林十仙齊奏步虛音滿
道場至真前供養

空同一聲來月下 步虛三唱入雲間

古散花樂

元始傳言齊受錄 道君開教盡皈依
小有洞中三秀草 玉京山上萬年桃
五色雲中呈綵鳳 一爐香裏見朱鬃
三真玉女持花節 一雙童子捧金爐
五色綵雲來覆地 九天真氣遠香壇
九龍關上集真聖 八仙臺畔聽清謠
三疊羽人朝象闕 九天仙子下瑤臺
五色彩雲隨步起 六銖仙服著身來
三疊羽人來入座 十洲鸞鶴引冲天
太上散花陳我願 扣鐘鳴鼓會羣仙
萬朵蓮燈開夜月 滿壇香霧雜天花
五字散花樂

絳節徘徊引天花散漫飛高真無染著片片
不沾衣

聖境三千歲仙花始一開如何金籙會併奉
列仙來

八陸旋瑤級千花鍊錦英六溥并紫捺煥麗
不知名

淺淺黃金萼勺勺碧玉英天風隨羽蓋吹滿

九重城

綽約縈空際繽紛落坐隅韶華長不老何處
見仙都
淨侶吟仙曲人人讚善哉萬花興供養飛舞
自天來

寶葉開琪圓珍柯在紫微不教蝴蝶採長伴
綵鸞飛

几席延颺馭香燈建寶壇丹心無可獻碎錦
洒雲端

碧綠相差次紅黃造淺深化工應自失雕斲
本何心

洞按爐烟起無為道德香同根無異氣噴鼻
更馨香

散花詞

天上春常在花開不計時瑤壇沾瑞霧芳氣
更芬滋

玉宇千門啓金爐百和然芬芳盈法座祇煉
待羣仙

空裏花無際元生玉帝宮只來臨靖館不去
遂和風

焚朱表頌

太空包有象至道杳無形神和通妙氣應感
連衷情倏歛周八極依稀降萬靈散花陳素
悃委質表丹誠遠汎翔鸞蓋遠攀倚鳳旌烟
宮高鬱鬱雲闕上亭亭瓊鳳出霄漢金龍入
太清甘露洽人世景福被幽冥

解壇頌

眇眇空無象悠悠感有情敬則垂天貺褻則
被魔精吉凶隨運起否泰應緣生道不賈珠
玉神惟在至誠丹碧盡勤苦懇欵竭衷情自
○然通大聖皆得降明靈檢香陳所願稽首冀
嘉禎天尊常寂靜回心禮杳冥

還戒頌

天尊大慈悲說戒度衆生威德被幽顯果報
感眞靈諸天來稽首羣魔自束形過去超八
苦見在保安寧齋福行當息相共送天眞流
梵逸雲響飛香雜烟馨瓊鳳來丹輦金龍駕
綠耕生姓皆快樂家國悉安寧

辭師頌

修齋已訖仰荷洪恩稽首歸依奉辭

玄中大法師

經法雖玄妙崇奉悉因師凡欲立善者咸當
禮敬之氣專功易就心慢悔難追若能勤繫
念朝夕自仙飛
修齋已訖仰荷洪恩稽首歸依奉辭

經籍度三師

道以齋爲重法以朝爲常不信不奉者焉能
遊帝鄉有骨入仙品自然開紫房玉女登雲
臺但見金銀房是故謝三師稽首禮虛皇
修齋已訖仰荷洪恩稽首皈依奉辭

監齋大法師

迢迢玉京山仙都高巍巍衆真乘虛步明朗
長夜開大道由人信心至神自歸修齋行道
訖稽首辭正師

雲輿弗駐鶴駕難留後有告祈還當奉請

向來修齋功德上祝

皇帝聖壽無疆咸賴善功成無上道一切信
禮

奉送讚

奉送諸天仙金書捧金蓮玉女麗琪花直上

寶臺前

難思議讚 每句下和
碧石落天中法會時寶珠初現甚纖微大聖珠
中傳妙道無邊聖衆盡相隨

祝鎮天真文

出九天生神廣儀

玄上高靈元始尊神大聖徘徊萬真臨軒三
景散輝瑞雲四陳上吉較圖推算九天丹書
赤字自然眞文上告五帝記名玉篇萬神監
映日月盟言願度願生願神願仙天地星宿
玄照 我 身三官九府五嶽大神溥告無窮削
除罪根修齋行道請福祈恩元始大明莫不
細言得與三景同暉紫宸輪轉不滅身得飛
仙

一鍊度眞文

元始太帝高上玉皇八天符命普告十方無
上無下無極神鄉三十二天隱韻靈章五文
結氣八會流光今日大宥萬善敷張定名仙
圖列籍紫房修齋行道用技先亡幽關超度
冥夜開光超登三界景侍虛皇家訟絕息見
在興昌萬靈監映福祿殊常災凶掃蕩眷屬

安康請如所告金馬騰驥

又一首

無上至真大聖高真布化運氣三十二天八會九光自然成真安鎮天地保制劫年元始符命普告三元下勅九地上聞諸天中告海

嶽名山大川今日上告萬神咸聞修齋行道

拔度幽冤三官九府削滅罪根永度三塗五

苦之源代代受福記名丹篇神生福堂鍊化

自然生死開度億劫長存九天符命金馬驛

傳

五方消災真文正字

東方青帝消災真文歲星輔肝角亢正真氏

房心尾四景回旋箕主七辰正斗明輪承氣

捕非掃除災孽

南方赤帝消災真文熒惑輔心井鬼守房柳

星張翼抗御四鄉軫主七宿回轉天常召運

促會正道驛行

西方白帝消災真文太白檢肺奎婁守鬼胃

昂畢甯主制七關參總斗魁受符北元北方黑帝消災真文北辰輔腎斗牛衛扉女

虛危室豁落四開壁總七星執凶糾非却災掃穢明道輪驛

中央黃帝消災真文鎮星輔脾迴度北元魁魁主非截邪斬根魁魁掃穢除氛卷正玄斗明度天關九天符命金馬驛傳

祝消災真文

元始上天三光高明回景照曜四方肅清運度所衝激揚流星五分錯越三統失寧五斗總辰七宿明靈真君大魁厥諱玉精夫人皇妃字曰育嬰總御仙闕回轉諸天今有弟子恐有災星懸告不祥請以真文赤書上陳散髮謝愆披露丹誠乞垂玄監回復天經氣不妄越災不橫生焚燒真文散烟玉庭上景監度普告萬靈氣清三關災滅九冥陰陽調和眷屬安寧請以真文風火驛傳

祝符戒

元始上聖玉帝高真丹文告命濟死度生金籙妙戒極度幽冥白簡實符九真仙經解削罪咎寬債和平救苦真人削除罪刑察命童子注上生名護戒威神引詣福庭超離五苦

乘駕雲駟輪轉得道飛升上清

祝交龍

元始符命下入重泉幽闕夜府罪苦銜冤通幽負信魚龍告宜寬免受鍊得離冥關神公性化上昇三天一如告命交龍驛傳

十二念

一念天地交泰二念大道興行三念陰陽叶序四念日月齊明五念廟社安泰六念聖算延齡七念兆民康輯八念百穀豐盈九念異人間出十念災害不生十一念休祥荐至十二念治定功成

十二願

一願乾亨坤順二願道尊德隆三願五行不忒四願九廟來崇五願一人有慶六願四海會同七願萬物茂遂八願百穀滋豐九願君唱臣和十願俗洽時雍十一願與道合契十二願億載無窮

又

一願乾坤明素二願氣象清玄三願聖人萬壽四願化洽八埏五願天垂甘露六願地發

祥烟七願四時應節八願百物生全九願家
多孝悌十願國富才賢十一願鄴都罷對十
二願學道成仙

古儀十二願念統括無遺方見願力之廣
以是願念回向家國幽明蓋科儀中文意
亦復如此信古儀之盡善也如巢觀先生
願念則不然為國專以國事薦幽專以還
技消灾專以祈禳蓋其所著之儀亦復如
此故也今並錄之俾行持者自擇

巢儀十二念 為圖

一念天無氛穢二念地無妖塵三念神風靜
默四念日月照明五念八景冥合六念十方
肅清七念普受開度八念民稱太平九念萬
神侍衛十念諸天書名十一念功德甚重十
二念咸得長生

又 還投

十七

一願人無天橫二願澤及滿泉三願冤仇解
釋四願苦爽昇遷五願冢訟俱息六願復運
不經七願九龍馳命八願寬門錄仙九願幽
牢罷對十願七祖生天十一願朱陵度度十

二願坐致自然

又 消災

一願闔門康健二願父母長生三願萬邪歸
正四願眾惡不萌五願五路通達六願宅舍
安寧七願營業稱遂八願六畜興生九願疾
病痊差十願財物豐盈十一願橫事不起十
二願永享利貞

普供養讚

人各存念注想天尊稽首歸依焚香供養願
香氣氤氳遍滿十方界上至無上大羅天仙
都王京蕭臺絳闕七寶紫微宮元始天尊虛
皇太上十方眾聖三境真仙寶藏靈文玄中
教主敬發心回向同入法門願以此香烟虔
誠供養供養普遍皈命禮至真三寶

祝八威真文

安靖安宅

三光開明迴轉天常運推數終百六乘綱大
劫交會萬妖爭行比鄴不拘放逸鬼宗孽魔
縱肆效閉天光上帝有命普告十方演明天
度法教開張宣道治民攝除不祥有何小妖
羣聚為場赤書玉文檢攝鬼鄉比鄴三官明

速傳行千魔東奕萬鬼送形流鈴交煥激氣
太陽金虎四遊天丁捕亡大小齊到不得匿
藏乞如所言列奏上蒼

八威真文

東山神呪攝召九天赤書玉字制會鄴山東
魔送鬼所誅無錮悉詣木官敢有稽延方東
北攝鄴山東送魔宗符教所討明列罪原南
山神呪威伏百方羣妖滅奕萬試摧亡方南
赤書玉字九天真文攝召萬氣普歸帝君方西
方北山神呪激陽起雷流鈴煥落鑊天振威
北邙部部萬妖滅摧方北
故攝北帝遏塞鬼門剪除不祥莫敢當前方中

道門通教必用集卷之二

道門通教必用集卷之三

帳三

鶴林道士呂太古集

讚詠篇

東方

九氣青天明星大神煥照東鄉洞映九門轉燭陽光掃穢除氛開明童子備衛我軒收魔

東妖上對帝君奉承正道亦書王文九天符命攝龍驛傳普天安鎮我得飛仙衆和末句以下同

南方
南方丹天三氣流光熒星轉燭洞照太陽上有赤精開明靈童總御火兵備守三宮斬邪

東妖翦截魔王北帝所承此呪皆以制魔伏凡行道之人爾凡伏羣魔皆屬北帝此云北帝所承或有以高南方呪改高亦帝誦之誤也此高害義風火八衝流鈴交煥敢有不從正道流行我享上功保天長存億劫無終翦魔王字藏中科儀一曰魔凶則顯方叶爾

西方

七氣素天太白流精光耀金門洞照太冥中有素皇號曰帝靈保神安鎮衛我身形斷絕邪源王道正明宮殿整肅三景齊升道合自然飛升紫庭靈寶符命普惠萬生功加一切

北方

北方玄天五氣徘徊辰星燦爛光耀太微黑靈尊神飛玄羽衣謂黑靈尊神飛玄之羽衣或為飛仙羽衣別義備守五門檢精捕非敢有干試豁落斬摧玉符所告神振八威邪門閉塞正道明開映照我身三光同輝謂身與三光同輝或兼空駕浮舉形仙飛

中央
黃中總氣總統仙真鎮星吐輝流煥九天開光童子一十二人元氣炎精鍊上朱烟儀中鍊上或曰洞照壇所及得我身百邪摧落却鬼萬千中山神呪普天使然五靈安鎮身飛上仙

五鍊生尸寶章

東方龍漢始青九陽梵華之氣寶章九陽迴妙氣三景散元精碧靄浮靈篆青林繁淑英超遙玉清府遠邈達萊瀧真化通無間神風滋萬生

南方亦明丹光三陽梵靈之炁寶章浩劫開神運龍文泛赤霞八威奔電激九風破凶邪鍊度丹皇室飛升元始家炎明常繼照靈慶襲晨華

西方延康素靈七陽梵英之氣寶章皇老儲靈粹金精耀斗威六天成馘滅萬寶復幽微奕氣浮高闕寒光靄素輝空洞披玉勒空洞之文勒字玉簡故云玉勒披開也華麗九霄飛

北方開皇玄上五陽梵混之氣寶章五氣符元妙諸天混太冥神旌飛羽黑神旌羽高飾玉女散花青紫策封天寶玄文凜帝女天之文凜重秘于帝耳文言為凜也女天玄風皆誤羣魔欽至化萬國保安寧

中央上皇中靈一陽梵寶之氣寶章混黃生一氣感化結真形上德持柔順金光洞杳冥建中該九極執本統三辰燁燁天端

上飛芒耀玉靈

外壇讚詠

壇外法事字字皆以拔度為本誠非細
事況是施主追悼之際慘戚裝懷謳歌
詞曲尤為不便今取前有偈頌及新添
以助行事庶幾典雅

開方偈趙明舉

先今此偈然後開方
四人送唱以意辨揚

六靖回馭息虞泉城郭樓臺入暮烟夜漏初
傳人已靜陰關仍闢鬼為塵王隆有會如何
向里域分司守護堅欲得大方隨處去須憑
真誥為敷宣

第一度召請諸神偈

新添以大聖仙
元教主四聲吟

龍駕相將下紫清遍延羣聖鑿橋旌諸神恣
自無方至雲裏追班聽蹕聲

第二度召亡人偈

夜府多寒閉苦冤女青天詔制辭溫靈橋啓
道招遊爽符吏匆匆為駭奔

第三度召請偈

大道夜深六趣幽長於苦海駕慈舟紫壇夜

水開方便躋入洪鈞一氣收

深浴偈想同誦八天梵文今法師存
然後吟此偈偈單一
童子誦文引科偈

總因心垢難滌洗苦海漂流不淨身津津惡
障未祛除穢穢清光難禮觀金龍負致長庚

水王女分傳御坐香三熏三沐整威儀躡景
乘虛朝太上

引沐浴儀語

新添

上來奉召所薦亡者已承溫詔得出寒鄉隨
符吏之匆匆不行而至望播竿之鈔鈔應召
而來將朝對於軒墀即受傳於符戒先須滌
身浴德振衣彈冠敬憑神呪以護符請就蘭
湯而濯濯四靈備衛九氣密羅澡浴儀文請
為宣示

法橋偈

普獻無邊聖香煙散十方願乘七寶量垂光
五濁世永度人天眾咸令上法橋同會證無
為勤修不退轉

法橋文

合道場人至心歸命十極虛皇之聖五靈引

導之童願賜慈悲特垂救度竊以欲海深而

易溺當究溫觴道岸高而難登孰為援手由

性情之迷悟致霄壤之升淪嗟彼眾生處於

濁世愛流成海危浪滔天會噴騰洶洶之波

結習自涓涓之滴遂物而就死者滿目皆是

反身而達岸者舉世實希豈無汲引之門救

此漂淪之苦惟

太上憫眾生之俱溺設妙法以為橋命十極

天尊作聖涯之砥柱詔五靈童子為道海

之津梁拔出迷途達于彼岸濟弱水三千萬

里搏剛風五百億重不踰俛仰之間即至

逍遙之境端在心源自反法力愈加一舉足

而不失正因九頓首而上朝元始更惟眾聖

密賜護持庶令苦海之冤俱遂法橋之上

次和

法橋大度天尊

引亡人上法橋

次舉

下橋偈

津梁苦海法為橋太上慈悲願力饒虐浪中

流達砥柱愛河斷岸得仙船形公子靈樁祛
塵滯天尊援手互招邀接武下橋趨玉陸大
方無礙信逍遙

為亡者皈依三寶懺罪

亡過恭等已承告召得屆道場將傳金口之
戒言祇佩丹文之簡蘇然未祛於宿障恐莫
悟於至言敬依

三寶之威光為懺六根之罪累蓋罪從心起
滅心則萬咎冰消志以道寧見道則一靈朝
徹宜在洗清情識濁潔性靈速捨妄以歸真
庶聞經而契道夫作善建齋傳符受戒者先
當皈命無上至真十方三寶仰仗三寶靈力
為亡者懺悔三業罪愆故經云若不皈依三
寶是故善法無所依憑合道場人同誠皈命
皈命十方道寶頂禮元始天尊能為所薦亡
魂解除身業罪

懺悔亡者身業無邊罪種種益難量舉止去
來間滯染諸塵垢華飾貪逸樂做誕世間人
今對大慈尊一心陳懺悔願此身業罪消除
永不生清靜契神仙永離三邊界

皈命上清經寶頂禮太上道君能為過去亡
魂解除心業罪

懺悔亡者心業無邊罪種種益難量喜并
愛憎妄想從心起嗜欲兼虛妄嫉妬世間人
今對大慈尊一心陳懺悔願此心業罪消除

永不生智識均開明洞達希夷理
皈命太清師寶頂禮太上老君能為過去亡
魂解除口業罪

懺悔亡者口業無邊罪種種益難量兩舌及
浮言毀謗諸經教咬食有情物害辱世間人
今對大慈尊一心陳懺悔願此口業罪消除

永不生絕彼是非言常演真經教
向來皈依三寶懺悔勝因惟願亡人往生天
界花臺寶蓋雲際來迎絳節青幢空中接引
駕林樹下常聽仙經寶月池邊惟聞雅梵生

前萬罪從此消除破後三塗因今解釋乘龍
駕鶴逍遙十極之天悟道登真自在三清之
境福流見在再果常來此世他生長親至道
洪惟

上聖允鑒精誠撈渡羣生俱登道岸和不可
思議功

德

又一首

稽首歸依道大羅元始尊香冥開祖劫泥沈
立元根願垂清靜教救度此亡魂和往生
神仙界下

稽首歸依經真文煥八方鍊金成鳳篆抹玉
寫龍章願開金口演救度此亡魂

稽首歸依師三乘眾中尊先天垂慈濟歷劫
度迷昏願垂無量法救度此亡魂

懺悔亡者眼耳鼻舌身意罪六根六欲六情
慾管絃嘹亮少真音耳紫綠輝華非正色眼
蘭麝兢煖馨香處鼻車馬爭馳馳騁時身甘
辛不節自傷神口喜怒無常惟奪算意係六
根之罪

六根每引輪回路或以六根為三寶常關揀
三途誤也拔門以今發露首前愆總願罪根盡消滅

次懺慳貪賤怒愚癡罪邪姓偷盜殺生愆謗
經毀教不皈依怨道各師違誓約身心妄想
無休息眼耳生貪不吐時未來過去及今生

三世罪根難可測此日發心陳懺悔從前障
惱願消除言詞既向道前陳眾聖定於空裏

鑒不可思議功德眾等各各彈指為二者懺
罪願亡者身業消滅心業消滅口業消滅六
根消滅冤債消滅業障消滅萬罪消滅

願亡者眾罪如霜露晷日普消融今世與來
生受性常清靜亡竟出長夜滯爽達仙源北

都除愆過之文南府注長生之字詠讚仙歌

空洞響不聞地獄苦冤聲眾等各發至誠心

亡者生天受快樂已上兩篇並出九幽儀係廣成先生修定

懺罪投戒訖引亡人歸位次安慰云

亡者某等已對三清親傳九戒即爾恭而諦

受宜寅畏以欽承仍備詳筵各惟就序享芬

芳之嘉薦俟周滿之洪因齋主望靈虔誠設

拜或咒食即於此為之或末咒食於此回向出九幽儀

送亡人法事出四橋儀

今則齋事周圓法筵斯罷宜承善利共沐殊

勲遂慧光而觀天尊捧符命而登仙界亡過

某等既已聞經聽法必能見性知天仰侍丹

輿便昇雲路上昇仙橋於此際登朱陵府向

令時既得超生各流恩福齋主虔誠謹當奉

送

偈

法筵勝會功圓滿遂逝新亡盡往生齊向昇

仙橋上過各齋功德禮

三清

道門通教必用集卷之三

道門通教必用集卷之四

帳四

道士 呂太古集

啓奏篇

高功上御案香祝

玉華散景 九氣合烟香 雲密羅 運衝九天

侍香金童 傳言玉女上闕帝前 令臣所啓

感乞如言

上手爐香祝

道由心學 心假香傳 手執玉爐 心存九天

真靈下盼 仙旆臨軒 令臣關告 逕御三天

上洞案香祝

朱陽九霄 蔚馮元晶 靈鳳來翔 上朝玉京

流結感化 仙道克成 願此丹禱 隨烟迅升

上手爐香祝

百神羅刑 心存洞陽 左合真伯 右挹元皇

開發靈篇 大梵隆昌 紫烟上達 萬道丕張

祝香後入意文

伏聞香杳太清境隔世幾塵龜龜無上尊與
人絕迹敬憑齋戒輒布懇祈願垂降鑒之私
少示感通之妙遙瞻雲馭暫離紫霄終闕之

嚴駢列星冠共啓玉璣珠橋之祕用陳誠意
上瀆
天顏云

啓壇文

伏聞雲層我我天不閱感通之路人遁渺渺
聖常垂臨下之私嚴敬家庭恭修淨醮薦齋
繫於下土通香火於上蒼敢布愚衷仰干
洪造入意今則恭蒞仙科仰延真馭允謂建
齋之始初嚴事帝之誠懶祭雖微龍車望幸
惟喧囂之穢土懼瀆高明瞻彷彿之醉容愈
增戰慄伏望

雲與鶴馭下天門之九重絳節竟旌駐人間
之五濁

玉虛三境金闕萬靈暫辭遊之天下副度
虔之懇命里域靈官肅嚴醮席救衛增將吏
驅斥妖氛使精意感通齊功成就即荷上聖
降臨之恩臣云

啓壇文用

臣聞湛寂高真本無為而善應玄虛妙道常
有感以潛通非虔仗於靈科孰仰干於聖造

今則華壇既啟離禮將陳先懇祝於皇靈次
披宣於道範惟冀洞貫九天之上咸使聞知
昭回三界之中曲蒙感格廣垂至德兼覆含
生

黃錄齋祝香入意後文

洪惟黃錄寶齋紫陽秘格上可以鎮天安地
下可以保國寧家濟存拔亡延生度厄萬天
所重千聖收遵救演九時取則九陽之數壇
開三級旁分三氣之華配八卦於八方定十
千於十位乾天門而異地尸良鬼道而坤人
途莫不弓旗鑑劔以列於威儀邊豆陶匏以
薦乎凡品予以法天而象地予以通真而召
靈臣等拜賤有初謁真伊始想玉階方寸之
地無敢不恭瞻天顏咫尺之威如在其上伏
望

三清十極萬聖千真暫辭金闕之崇高俯罄
塵寰之湫隘坐使環堵一屋之地化為清都
太微之居欽埃降臨不勝延佇臣等

諸齋祝香陳願意後文

於是壇場初啓閭闔洞開肅清衆以無譁聲

丹衷而有恪崇效天而卑法地制備乾坤左
顧儀而右盼璚門開日月寓精意於蘊藻頌
繫之內格實具於杳冥恍惚之間七日戒而
三日齋敬效昔人之事帝內盡志而外盡物
誓堅今日之推誠開衆妙之寶壇往年今時之

素願旅延羽士歌詠洞章清蹕舉而雷動風
馳法水噴而雲行兩施伏望

星官月殿絳闕清都玄之又玄盡重玄之列
聖上極無上過最上之高真降自天中之天
來從象外之象遊空飛步芝童執節以前趨
駕景乘龍仙馭控馭而直下來顧蕊芬之薦
俯歆蟪蛄之誠貽貺存亡覃恩幽顯即荷上
靈之監敢忘不應之符欽俟降臨曷勝延佇
日某云

啓壇文

三界應感一切真靈願聞奏俯降香壇既
沐垂光少歇懇悃注想仙音清嘒羽衛森羅
飄飄垂風幄雲軒隱隱現霓旌絡節至真所
格凡居為紫府丹霄仙仗來臨塵世變瑤池
玉闕暫停鸞駕俯察丹衷輒露微誠仰干

洪造入意臣聞

道常應人天惟聽下既有投誠之切敢忘謹始之嚴內竭精衷外殫庶物壇壝法規而則矩陶匏尚質而去文信幣交陳各象五方之色替蒙爾列爰分衆職之班燭龍交映於神

光香獸互疑於瑞霧莫不溪毛蠲潔華蓋纒紛當尊卑奠位之初乃天人交感之際天威咫尺雲氣晏清松篁降臨務先嚴肅伏願帝顏允瞻閭闔齊開萬乘啓途百神戒道師

子白鶴擁天仗以來臨應龍青虬輓帝車而條至不違凡悃庶畢齋功即荷衆聖降臨之恩臣等

啓壇告真吉用

並願蕭韶前引軒蓋後隨霧捲霓雲浮月帔風伯清道雨師灑塵界清蹕於天衢散寶花於法界迅飛部從降格道場幸披霧以觀瞻願刻心而控想今有云云

茲夕精誠爰啓懇惻斯陳請迎之禮既殫鑒格之情無奕壇排圓級位列高真羣仙雜碧洞瓊宮衆聖下金樓玉殿莫不憧幡引駕寶

蓋隨軒雲繚如王彩光天霧集若星輝燦目帝顏穆穆凝凝續以俟聽凡情岱嶽巖巖捧金編而鑒觀醮禮南曹梁翰將錄善以上生北府揮毫俟紀功而落死當此之際有片善者奚患三界之弗知運此之心有寸功者勿

訝衆真之弗錄況夫精崇妙會嚴設香壇具十二念之善心遵三九等之齋法者孰謂聖賢之不接物何疑幽顯之不沾思非道弘人入能弘道今則延仙游之瞻願按科法以聞盟數叙凡誠仰千洪造伏願三清三境十極

十華妙行真人至真大聖九天星象三界咸靈放五色之祥光陰九華之寶蓋迂臨法席成就善功成所禱祈即遂通感臣與云

宿啓白五師文

醮筵乍啓齋事云初望三境之鬱羅冥心注想延九清之醜馭拜手翹勤列冠珮之巍義接威神於恍惚切慮王京金闕紫府丹臺日月星宮璇霄斗極高超象外迥出人間難通葵藿之誠莫遠蘋蘩之薦洪惟師寶久願道恩凡茲設醮以建齋須賴敷誠

而達個今有某伏念素叨玄化久沐真風爰卜今辰欽鼎志願吉山禮盡恭而貌盡敬應以實而不以文重念史用道備未聞具筮莫曉誤蒙請命承乏闡宣伏乞

靈寶五師道德衆聖不違懇請天賜舍洪分造四司曹僚五帝官屬證明齋事騰達願誠省覽詞章潛垂恩祐乞使速時關奏祈禱感道志願克諧善功昭著誓堅誠懇仰答恩休臣等云云

建壇發爐

切以露丹懸於高天心修事帝俯察雲於十地式按招真屬聖凡交感之初正壇陞吉謁之始為摠誠個干冒天威奉道其幸以宿困獲生華旦有域中四大之德預天下萬物之靈穀服絲身僅免啼號之患天形道貌幸全稟貸之仁報未見於消埃念不忘於夙夜謹消吉旦恭了初心方此漏箭初傳更聲乍警明九微燭燒衆妙香薰塵淨而天風清陰氣升而夜光冷凡四宵修敬之事在一步復踐之初伏冀凡悃升聞帝聰遙徹暫出鴻濛之

境來臨圭潔之場王女金童散天香而郁蕩
霓旌絡節雜花雨之繽紛不遺一芥之賤微
少慰歷年之素願天上云云

啓齋五師前

臣聞先天主教混元已退於無為歷劫度人

師實上膺於春命是以玄中莅職監齋糾非
經籍度之相傳天地人之共賴隨機赴感有
願必從今建寶齋並幽明而利濟願臨塵界
垂恩惠以單延謹登凡情仰干
師造

清旦

切以大明生於東方了無塵翳平旦之存夜
氣豈有枯亡雲車鶴駕之徘徊野馬塵埃之
不動屬陳度命若消災之悃上瀆好生之慈
意以今清旦行道關奏上靈伏望師真俯垂
恩祐導達誠悃如果日之上昇潛削愆瑕若
薄冰之渙散使斤善克無於魔障而洪恩罩
及於幽明感戴之心始終在念云云

臨午

齋事有嚴謹終謹始聖心之格無黨無偏觀

聖人揭大中以示人若職馭正離明而燭下
無幽不照萬物資之以生成有感皆通一念
扣之而通達爰當臨午再至輸誠敷露詞情
冒干師聽以今云云

靜夜

四氣朗清天無氛穢神風靜默地絕妖塵斗
柄橫空揭心詞於霄漢月光洗夜寒膽氣於
骨毛戰戰兢兢克伸昭事高厚厚諒賜聞
知用扣師真庶周能事今有云云

本命經文

上象渾天分三辰於經緯
太清立教播二斗於坎離宣本命之宏綱闡
玄靈之要訣蓋人之根本攸繫七元有斗
魁對酌元氣性命五體屬乎主張壽夭一生
歸之于奪凡律曆之周運宜瞻六度以降下
人間伸香火之皈依故得三生之長為男子
修齋設醮量力建功酌水獻花隨緣報本既
良辰之每不虛度必上壽之所可增延應似
谷聲答如光影入意

真武經文

宴處太清色相非無而湛寂下臨北極威權
有赫以慈仁視民如傷切齒羣魔之肆獷好
生為重推心兆庶之興衰輔正權邪消災降
福雖四十二年之修道三千餘行之成功本
從金闕之化身明示衆生之證果所以周行
六合威攝萬靈凡五瘟之小魔與六天之故
氣白虹影裏化作塵埃雙睛電中勦無餘類
故得邪妖殄滅家國咸寧每月三七之辰是
真君降凡之日宜伸香火以答恩休

安宅經文

切聞有巢氏之世食橡栗而栖木居巢軒轅
氏之時易棟宇以待風茫兩使民人之老幼
安作息於曉昏唯聖人初物之宜為天下所
利之大然陰陽有倚伏之變災患有疢瘍之
邪人或冒之災所不免於是

太上命神靈而授職為凡夫衛宅宇以分司
以太歲為尊以一年為準法好生之為重務
去惡之居先立天坑麻口之神吞魔食鬼豹
尾黃幡之屬護正權邪正位辨方安靈守職
宜太上威權之化防衆生橫害之虞豈期入

有賢愚同明禁忌神唯勇悍莫問幽明犯之則無故悞之分于之則必示災凶之變幸惟太上再閱凡夫出符文以安寧宣呪法以警戒百神聽其令幽鬼稟其盟使悞犯者轉禍為祥飯投者却災致福人天蒙利家

國沾恩

惟四九

道門通教必用集卷之四

道門通教必用集卷之五

六同

帳五

職佐篇

翰林道士呂太古集

黃錄第一日為 國歎經文

夫道德經者無為之文自然之化落落太漠之表巍巍象帝之先二氣資之以立根三光持之以成象細無不入大無不包其真以治一身其土行直音足以治天下其功以度羣品而微妙則能致神仙昔老子之過函關授八十一章而徑去漢文之從河上蓋千七百年而僅傳窮乎無窮極手罔極以宣道德之要以為帝王之師至如身玄演清淨之音入衆妙門而離諸染者徵文列懺悔之品度一切厄而所履平安黃帝著陰符之書可以用師於萬倍青羅傳星曜之呪可以推運於五行是皆扶一神道於幽微聞玄宗之隱與誦之則聲參太極研之則治化昇平禍滅九陰澤含萬宇慶疏宗杜坐對無疆之休棧格神人潛消難解之厄再伸偏竊以盡讚揚先天立極浩難名恍惚希夷種本根天步

水清旋日月道樞不動轉乾坤靈源直斷羣迷徑仙路宏開衆妙門聖壽綿長皇極建願言辰極與齊尊

第二日遷拔歎經文

天度人經者三洞上品一乘妙言參衆魔之歌音宣百靈之隱韻音授於碧落之土而藏於紫微之宮梵氣彌羅周十方無極之界金真朗郁煥八天空洞之章文暢而曲不華越幽而義益與極玄中之妙有非世上之常辭詠之者名列玉房聞之者神飛金闕萬帝設禮羣妖東形以至生天通微奧之言清靜格真常之性十方嚴救苦之寶訓九幽授心印之靈篇普度天人津梁生死俾眾對於長夜咸列名於上清再引偈章以伸濟度

王書金簡度人深流出慈尊廣大心梵氣惟五結成無極界天風飄泛自然音九幽破械冰消戟八極飛香月滿襟稽首無英齊接引神光一道破重陰

第三日消災歎經文

伏聞太極既判兩儀肇生闢妙道於虛無寓

至神於水火欽純陰肅肅之象宣至陽赫赫之精氣氣不停生生相續實之以坎畫於朔易之都虛之以離煥乎文明之位陶鑄萬品統御三元五行得之以成七政得之以運道生於一而著於水火之用物散於萬而極於水火之功南北二經蓋盡茲蓋昔太上之下降命天師之密傳浮玉局於地中敷揚秘訣化鶴鳴之山上親授靈文可以薦福消災可以注生削死永除業障漸入仙宗且天童開護命之符而真武有降福之願上智廣真一之訓報劬勞恩靜觀達智慧之門明解脫義功德甚重不可具陳輒引偈章以伸讚歎

芝壇香鶴露華稀雲際風高鶴蓋飛玉宇寥寥鳴警蹕金光奕奕下丹墀願傾法雨除塵垢更乞仙丹造道微兩卷真經香一瓣自茲根極欲知歸

懺悔

道家儀文至於崇先生號為大備文字皆有所出或儒書或道書制裁鋪張自有體製一字不可移易惟懺悔文消災遷拔兩

篇又多取莊子使人聞之洗濯疏倫有清心向道之意末燭厥理者或有改易增加書字殊為可笑故書之以告將來

黃錄啟壇懺悔

臣法衆等至心歸身歸神歸命

十方無極太上靈寶天尊圓宵列曜星辰厚地洞天海嶽巖庭感降一切真靈伏願大慈洞回昭鑒同垂巨澤普降洪恩臣聞天無親而所輔在德福無門而所召在人仰歸衆妙之門必應羣心之用寶笈著度人之法獨步玉京驛龍馳奏善之章上朝金闕每靈心之丕應見天意之孔昭皆太上垂慈濟拔之科而天下奉道修為之路躬蠶如答神明周道伏念臣法衆等暨齋官某等生逢盛明志慕虛靜清天君而疏倫斷業障以皈依謁款在辰齋明有翼將以交三靈於恍惚禱百順以延長尚慮宿運功微前緣德薄今生往劫多縱罪根俗骨凡胎未階真品雖道心之甚固恐天聽之難聞伏願

上聖哀憐洪恩蕩宥拔九祖之厄於既往貸

三世之罪於將來洗六根以一新東純誠而無貳庶幾寡過仰格上真用修黃錄之科延召紫清之福臣等稽首禮謝

無上至真三寶

散壇懺悔

臣聞強名曰道本清靜以無為不測者神有感通而必應再蕩滌於尸穢終對越於靈真伏念臣等仙品未充業根尚在雖稽察於寶錄常諷誦於真經宣舉教科修行齋真慮有違於道範曾未沃於靈心輒更澄練身形洗除塵染擴性天而一毫莫翳拂心鑒而內境圓明藉此修持用祈感格伏願眾真濶略上聖涵容凡朝謁非儀壇壇不肅千愆萬過並乞貸原臣等稽首禮謝

無上至真三寶

消災懺悔

臣聞盡天下之物不足以交神明修習中之誠斯可以應天地矧乃玄元之教莫非清靜之門儻三業六根之過存豈一精二純之能格當齋科之謹始欲塵累以先除庶藉宣揚

以伸昭格臣今懺悔奉道某等因從曠劫逮及今生有妙湛之體而為情所昏有虛明之用而為物所蔽欲惡盛而性有^{完音}章聞見疎而智亦聾盲不能外身而多身殃不能緘口而多口過意有所至愛有所忘積其有涯之生造徧無邊之罪今則對

列真而懺悔體妙道以修為諸業生於諸根塵塵是妄有身孰不有患物物迷真爰即靈壇盡祛往咎心疏淪而內觀無礙性虛靜而外境不移誦誦之伎皆除津津之惡悉去已作之故業永不蹈於覆轍未造之新殃更不投於深窞庶全身而速害無見利以忘真伏願眾聖洞昭皇靈運燭以瑤池之水洒濯於羣心以甘露之華洗除於眾垢衰相罪根之消滅靈光慧性之圓明恪遵儲福之科用副延生之格若非生日行懺恪堅為善之心仰俟降康之澤禍沉九地福遍十方且等稽首禮謝

無上至真三寶
運拔懺悔

此懺悔之意止為見存懺罪將以清心靜念昭事

上真非是為亡八懺悔性性誤認旨意引亡人姓名不知人理大不相干

臣聞探真精於象外道本冲虛發洪願於寰

中理歸清淨非滌除於外慮不見以將上靈

非懺洗於塵緣不可以奉齋直臣今懺悔奉道某等自從曠劫逮及今生身口意之所為

天地人之六見有身斯有大患久積罪愆諸業生於諸根未祛惡障軌染聲色放蕩心形

血氣盛而爭鬪之患生嗜欲盈而性命之情病每背真而就偽難解心而釋神當齋事之

格行恐層霄之有隔欲以太玄之水洗諸惡根欲求六度之舟達于道岸植無漏果塞眾

邪門洗除其五蓋六塵斷滅乎十纏九結一心已悟萬罪皆空誓從今日至來生永不將

身靈業網伏願清都委鑿紫極回光察素悃之克勤霽洪恩而允洽陰愆陽過悞犯故為

或上世流注之殃或六親連逮之投上世六親或宿世所造或仇家所誣毒風惡氣之侵

凌魔鬼凶人之傷害並願道風掃蕩流諸法除俾澄練於氣形無對揚於壇壇拔九祖之

寬於既往證上仙之果於將來九天不夜之長春願陟洞陽之境三業無根而自落長辭

萬鬼之羣福遍滿於十方禍永沉於九夜臣

等稽首禮謝

無上至真三寶

外壇開方

開方文非一本無出於巢先生所修為善其他或紀五行之德或叙鬼神之由皆

切當無如止行此文

九龍街詔遷升積夜之鬼六鬼交鋒邊絕更生之路太上昭垂於明訓神公為掃於不祥

敬奉典彝恭伸闢告欲冀明靈之感格先憑梵唄音之稱揚仰仗眾慈同聲相應

皈命東方主玉寶皇上天尊皈命南方主玄真萬福天尊皈命西方主太妙至極天尊皈

命北方主玄上玉宸天尊皈命中央主太乙救苦天尊不可思議功德

以今焚香虔誠告召地界主者五方開路大

神伏望神慈降格香壇證明虔禱入意竊以陰陽不測者神之妙變化無方者道之真惟太上以陰陽不測之神盡變化無方之道六通四關其用長存倏往忽來洞然無礙降神而赴感體道以應人受度者無間於存亡皈真者豈分於遠近當使千載之久可頃刻而來萬里之遙如咫尺而至臨詣離席參聽法音朝上帝以登真聽空歌而悟道儻或所追靈識不即赴壇一切地司妄生邀截致幽鬼之阻滯隔生路之開通天憲甚嚴真科不貸。今者齊宮某家大啓殊常之齋範逾延三界之高真星燈爛接於玉繩香靄上通於金闕聞諸天一聲之隱韻百生之業障俱空聽司馬九過之洞章三萬之形神皆備前亡後化時刻昇遷尚慮三世幽冤九泉滯魄未經薦拔極用悲酸乃請長生救苦之符敬讓克勤之戒將欲宣之於黃籙壇內授之於太上御前先當告戒神祇開闢五路使者如不繫之舟去來無礙若出籠之鶴騰者自由咨爾眾靈廓開道路所有文牒謹當宣告宣訖上來

文牒過諭柔祇若無牒即從道路下云上來啓告遍諭柔祇宜爾神司速依道訓當界土地里杜城隍守疆護界一切正神請闢道路接引亡人有關者速開有津者速度勿墜勿遏勿稽勿停有陰訟者勿得拘留有冤對者勿得纏縛東來而青騎將軍扶擁西來而兌卦大神護持南來而朱雀之地疏通北來而玄武之方開豁無遠無近無親無疎依女青之詔書閱先靈之名姓沿路關報逐界申聞撥發前來斯須無滯即使亡過某等如晨風之趨林如夜蛾之赴火如水之東注如馬之出奔逕赴道場領密功德若有六天故氣孽鬼妖神妄肆猖狂敢生邀阻請戮路左以明天誅道法甚嚴天威難犯度人功大風火不停道路山川急急傳命載伸傳頌感格神靈舉不可思議功德
大聖玄元教主
元始有命 上開八門 死寇受錄 無量度人
天關一轉 飛天法輪 咨爾東方 震上諸神
咨爾南方 離上諸神 咨爾西方 兌上諸神

咨爾北方 坎上諸神 東北良方 號曰鬼門
東南巽方 地戶所存 西南坤方 號曰人門
西北乾方 天門所經 地界主者 八方之靈
請闢道路 接引亡人 使詣靈壇 聽法聞經
領沾功德 保命生根 敢有拒逆 逼合鬼羣
翦形截首 風火無停
今法眾等合道場人稱首皈依東方青帝
南方赤帝 西方白帝 北方黑帝 中央黃帝
開路將軍鑒察弟子丹誠闢闢五方道路
偈曰
上來儀範戒乘祇 想爾八方盡遍知
應有關津蒙濟度 更無道路敢稽違
亡冤已出寒庭獄 丹霍行升火鍊池
空洞謠歌齊讚詠 敢憑道力拯靈儀
黃籙大齋第一度召請祀典神祇
伏蒙戒夜沉瀝澄空佇神聽之格思控忱誠
而惕若入意以今恭率法眾第一度召請古
先帝王道德眾聖忠貞勳烈歷朝文武重臣
凡該祀典諸廟福德靈享伏願暫迂颺馭降
赴道場領錄齋功證明修奉

伏以大道弘化真一播靈三清為衆聖之先
彌羅冠萬天之首考分九氣復品四人踰劫
歷之先出陰陽之表三界為超凡之始八梵
為元陽之初上闢清圓下凝方濁玄黃交感
太素流形對越在天准尊元首於是冬居營
室夏處層巢飲血茹毛結繩識事造及燧人
鑽火伏犧畫爻炎帝肇基有熊御世帝嚳順
天而行義高陽任地以依神夏后祖于唐虞
殷命法乎三聖文武為繼代之主漢唐宗撥
亂之君莫不能虎勃興風雲際會又况世分
治亂臣有忠良莫非理國以輯民皆務積功
而累行故在天為星象在地為神明德被羣
生澤流萬世膺上帝之休命授列職之仙班
故混元圖翼所載云伏犧為太一真君神農
為南極真君軒轅為中黃太帝少昊為太虛
真君帝嚳為太玄真君顓頊為北宮真君帝
堯為太微真君帝舜為太極真君夏禹為紫
庭真君殷湯為北玄真君武丁為紫微真君
陽甲為蒼元真君文王為太虛真君武王為
太平真君康王為太華真君穆王為九元真

君僕高皇為北帝賓友文帝為通玄真君景
帝為太一真君宣帝為紫華仙伯武帝為玄
成真人凡諸神聖膺哲之君皆證清高崇峻
之位曳裾八極騰景九天經若不傳世莫能
顯復有忠臣賢佐良輔元勳位列仙階名垂
信史或享世間廟食之盛或主嶽瀆鬼神之
權故風后為太華真人力牧為玄山真人太
山稽為洞庭真人蒼頡為九華真人容成為
應化真人大撓為玄光真人奚仲為太感真
人傳說為左言上相叔齊為金闕僕射伯夷
為太微侍郎周公為紫微都護太公為紫府
道統越范相為金天真人漢留侯為太玄童
子東方曼倩為歲星真人楊子雲為河源丞
孔安國為太玄監又真靈位業圖所載召公
季子皆為南明北明之公齊桓晉文並領司
命都禁之職第五元規勿與為左司禁元直深源
為侍帝展陶士衡為河西侯温太真為監海
伯凡諸賢哲皆有典司計年限以進陞視功
勤而超證故北帝則三千年而易獄瀆則
六百載而始遷武解為地下鬼王文解為地

下主者至忠至孝至貞至廉初為鬼官轉升
洞府類皆百四十年而進補入宴東華階分
二十七品以歷陞方逃大劫惟上天黜陟之
甚闕非下界耳目之可窺諒累積於巍功方
漸登於仙位况茲庸蜀并絡之地實依曾昌
建福之休金馬君雞之神昭垂漢策銅關王
壘之廟大庇坤維羣望分司示列止自蜀
郡以類而推廣過率土皆有於綱維山川九
州玉帛萬國鬼神司之幽隱廟貌遍於邇遐
功憂在民靡神不舉今有奉道某家遵九壇
之典訓奉三錄之曩儀上極鬱羅之天中該
乾坤之界下際洞淵之府幽覃朔都之鄉一
念感通百靈交會凡天地水陸遍祈而致禱
宜山川鬼神咸集於無方伏願大恢得一之
靈悉自無方而至為奉碧簡招真之命並邁
金闕朝真之班對揚天休保安國祚封掌生
死仍開方便之門把握陰陽盡躋皇極之世
伏願暫駐風雲之馭俯飲蘋藻之羞陰佑齋
功克諧願望再伸頌感格威靈
帝王稽古代天工 異教同風建大中

元首股肱無二用 鬼神賢聖信兼隆
人間祀典思遺列 天上仙班答駿功
香火載嚴遵薄告 願驅雲馭格精衷

第二度召請亡冤

遊魂為變大夜不棲必傾九色之金光用掣
重陰之鐵鎖大方無礙萬法照融

舉天尊

有物混成寔生天地圓清方濁厥中生人是
名三才各具道性天長地久無古今推盡
陰陽裁割昏曉一氣不息萬形以生卓然有
神是為造化人居其上配兩儀貴賤雖殊
賢愚有間其所稟受同此一初負陰抱陽圓
首方趾始從嬰孺精守神全天真不虧混沌
未鑿不慕富貴不羞賤貧雖含識知純粹精
白名真實性無邪偽心得生為人所貴在此
洎及長大身與世交漸喪天真熏煎人欲赤
子之性日削月蝕林林而生滔滔皆是惟務
逐物不知愛緣豈識此身上配天地始從胎
育降氣九天十月既圓萬神備守一形既誕
七竅開明頭布九宮九真所蒞中分五藏各

有一神三冤處肝欲人為善七魄居肺欲人
為非二十四真分列三部紫戶玉閣絳宮丹
田中有真人號曰赤子天地神氣三萬六千
關節機微皆歸掌握入之一身豈不至貴尤
所貴者唯吾一真是厥初生純粹精白人能
處世各知自存周身神欣喜踊躍頂戴之
星光明照耀其或精鍊可致神仙真正慈仁
亦能久視如其反此莫匪惡緣神氣日采星
光日暗一真之性至死不知上辜大道混成
之緣下負兩儀受中之道冥冥長往與鬼為
徒萬神悲哀各去其體或淪幽夜或屬鬼官
欲求超生渺無涯俟惟我太上歷劫宣慈於
生死流關津梁路神播啓道普詔招冤香水
蕩瑕法橋拯溺靈符起死妙戒歸真雲象遠
神法燈破暗昭垂道妙還復性真使諸眾生
從死滅後於諸苦趣發回向心認處天真懺
悔惡業乘六通惠出萬鬼羣得親天尊說無
上道鍊形火府度品南宮各隨本人根品深
淺其如頓悟便超人天以漸進修復生正性
如上所說具載真經危哉一心生死輪轉使

我太上弘誓不忘願諸眾生皆得悟道今有
某家薰修妙供啓迪生方謹即長途以伸告
召當願亡者各識天真以本性靈合諸冤氣
大聲疾呼名姓不迷廣進康衢山川不隔一
念千里彈指三生即到道前了無壅滯再伸
仙偈招引亡冤

道通天地獨人倫 一聚天真萬寶身
逐物便淪生死海 觀身誰作聖賢人
精金百鍊猶諸性 流火重燒復本真
舉起神幡祛壅滯 盡招冤爽出迷津

第三度

沉陰戒夜鬼正可呼滯葵迷方通常善救入
意

舉聖號

爰有太極兩儀肇分輕清為天三辰蒸布重
濁為地萬物叢生六合之間有中有一氣
之運有正有邪中有冲和列為人品間氣之
積篤生聖賢林林而居混為凡庶乖戾所聚
是為鬼魔駭雜之餘下為禽獸世界肇造羣
品自分草昧倥侗不安性命從上古聖制作

是與貴賤尊卑華戎人獸各得其所無使顛
隋崑崙所臨下為中國聖賢傳道允執厥中
仁義定名忠孝同出以信以悌以禮以刑設
為多方防其一念一念適正不踰其闕為天
為人為神為聖其如乖戾驚暴凶復甘入魔

羣與諸天關人道之內缺犯綱常一失人身
隨諸地獄鐵城火繞銅柱膏然種種負償究
究報對魍魎問影觸骸稱孤溟漠無依吁嗟
長歎貪瞋癡業無所解知餓鬼旁生隨業受
報諸趣升墮悉本於人危哉寸心力敵造化

一悟充積先天弗違一迷不迴諸聖莫救方
寸之內六趣輪迴三界之中歷劫往返業火
熾盛焚燒大千逝水沙瀾飄淪八極到此境
界奔迸倉皇呼叫悲號孰為救度惟我大慈
悲父元始天尊放大光明普照無外於業力
海穩駕慈航於虐焰城沛為法雨王頰惻隱
金手提携以大神通啓其真性一彈指頃盡
出苦輪一閉目間各識宿命衆生未度悲願
長存盡諸未來普令解脫今者某家仰依洪
誓大闡良因親親仁仁咸皆薦拔自色欲界

及洞淵泉自中華區遍無量國天人鬼獄異
趣殊倫轉大乘轉典之俱載伏願各乘法力
俱到道前瞻對天尊平等受度一聲空洞洗
清投芥之誠萬類含生盡入慧珠之寂再伸
偈頌以攝遊覽

上從雲誓下淵泉 六合旁通過大千
達者自居形器外 迷徒寧免死生纏
業輪盡逐攀緣轉 仙品誰知體悟還
空際寶珠通竅道 真心元始乞哀憐
沐浴度冤儀

伏以黃泉溟漠疑濁滯染於神冤黑壤幽陰
積穢沉埋於靈爽昏昏長夜難遂超昇是以
太上慈濟元皇悲愍垂洗滌塵勞之法宣沐
浴鍊度之儀即使業網斷除罪根編釋今則
嚴陳寶室潔備蘭湯設五香盥盟之儀按三
錄揆拔之格奉請亡過某等赴室沐浴蕩濁
流清事畢嚴莊歸位聽法
伏以泉路幽深寒庭積穢使神冤而冥昧至
靈爽以昏蒙非憑資薦薦之功莫遂超昇之望
請法衆等奉為亡靈上資往生仙界念沐浴

蕩穢呪
天澄氣清 五色高明 日月吐輝 濯練身形
神津內渙 香湯氣精 光景洞曜 煥映上清
氣不受穢 五府納靈 罪滅三塗 禍消九冥
惡根斷絕 福慶自生 今日大願 一切告盟

身受開度 昇入帝庭
伏以神飛仙境須憑鍊度之功魄離幽陰可
證昇真之果斷除塵穢速得往生集和氣於
身田解宿冤於業網請法衆等奉為亡靈上
資往生仙界念沐浴鍊真呪

太上高真 九靈之精 使鬼飛仙 上登紫庭
沐浴華池 身神澄清 精過太虛 萬氣自生
伏以黃籙垂科紫清設教濟生度死咸入法
門開流火之神庭鍊陰除穢激清華之法水
洗滌塵勞可登清淨之鄉得見虛無之聖請
法衆等奉為亡靈上資往生仙界誦丹陽鍊
度亡鬼呪
龍漢蕩蕩 無形無名 渺渺億劫 皇道開明
神清朗曜 九鬼吐精 玉虛澄輝 太霞高明
元始開化 諸天齊臨 三元道養 二象攝生

未度者度 未成者成 已死即化 已枯即榮
 蠢動蛸息 一切冥靈 懷胎含孕 咸得受生
 今日大吉 皆得光明 五帝鑒映 普告萬靈
 天地神祇 及諸河源 五嶽四瀆 及諸名山
 洞元洞虛 洞空洞仙 無極大聖 至真尊神
 無窮無極 普鑒度生 地根斷絕 元都記名
 眾真普應 一切咸聽
 伏以泉為滯爽因法力以超昇苦海冥冥聽
 仙音而解脫速離濁浪徑上清都託化人中
 常居福壽請法眾等奉為亡靈上資往生仙
 界念沐浴東井呪
 天河灌東井 石鏡水粲精 圓光拂靈曜
 玄輝瑩高明 元始扶重夜 天人逐月生
 沐浴蘭池上 龍負長庚瓶 金童洒香水
 王女流五星 冠帶濯玉津 練度五仙形
 體芳萬神降 乘景登高明
 伏以慈心救物經法度人開度羣生咸令皈
 向灌濯先資於清淨寬靈始獲於逍遙請法
 眾等奉為亡靈上資往生仙界念清水度靈
 呪

魏魏道德尊 功德已周圍 降身來接引
 師保自相携 慈悲妙法水 以用洗愚迷
 永度三清岸 長辭五濁泥
 伏以激濁揚清已周於品格昇真度厄用濟
 於幽明今則沐浴既終氛穢已蕩神識清淨
 苦惱蠲除奉請亡人儼新冠帶來詣道前恭
 禮慈尊聽受符戒請法眾等奉為亡靈上資
 往生仙界念著衣冠帶呪
 五濁已清 八景已明 今日受鍊 罪滅福生
 長與五帝 齊參上靈 形神俱妙 上生南庭
 今則沐浴既畢嚴潔已成寬衣楚楚以飄香
 雲趾徐徐而離室謹對
 三清之御座宣聆九籥之真科傳戒受符超
 几入聖庶克成於妙果期達證於仙鄉神寬
 如存俯從迎請
 呪施甘露法食儀
 法師就坐立誦
 元始天尊啓請呪畢然後坐行呪食事
 元尊出教高為萬道之宗歷劫度人流演重
 玄之義欲廣津梁之路必先啓告之儀冀洪

造之鑒觀作幽菟之依怙天光所燭甘露有
 靈各堅誠感之誠上格
 虛無之聖誦玉清慧命啓請呪曰
 稽首冥慈虛無尊稽首皈命重玄主裁成
 天地無德稱悉為眾生作恃怙慈悲五道
 轉輪寬哀救三塗地獄苦皈命金闕天中
 尊皈命六度慈悲父皈命玉清無上尊已
 離生死長綿綿出有入虛無所待能令枯
 朽變成仙千劫萬劫難一遇為眾廣說業
 因緣回駭起死水長存使其形神無變遷
 聚則為生四體固資於飲啄散則為氣一靈
 豈假於盤飧知死之說則形充空虛達生之
 情則氣吞萬象苟性靈之不悟則業識以相
 迷冤氣何所不之自為封滯形骸與物俱化
 尤覺繁纏想念一興殃考俱至負罪障則業
 風披拂備歷辛酸思飲食則飢火燎焚無由
 飽滿似茲顛倒難得超昇是以
 太上慈憐元尊悲愍託香着而見道妙呪法
 水而作清涼開冥路之重昏沾溉眾生之
 內熱功德至重利益無邊今有醮官某家奉

爲亡過其等奪奪塵寰恐沉幽夜精展追思
之念恭修薦拔之壇潔人世之蕙肴仗
天尊之法施爾等各宜割^音枯心之實味道之
腴^音飲神仙沉滯之津食太極冲和之氣樂
南面之說者從然以天地爲春秋復上首而
生者卓爾以死生爲夜旦一言契悟萬劫道
遙更憑甘露之章啓發自明之性

誦開業道通真呪

功德金色光微微開幽關華池流真香蓮
蓋隨雲浮千靈重元和長居十二樓急宣
靈寶自在天堂遊

靈泉合抱於五行利萬物而故幾於道法水
流通於百谷受衆垢而無所不容稟天一而
爲尊生上善而爲德因地而爲曲直隨器而
爲方圓以理推其源也窮愈遠而極愈深以
道彰其用也澄不清而撓不漏外以洗滌其
六根十惡不經於熱惱焦勞外以灌注其九
竅百骸可至於金漿玉液天尊設教用濟幽
牢憑此讚揚廣伸供養

奉爲亡者誦開咽喉普潤法食呪

悲夫長夜苦熱惱三途中猛火入咽喉長
生飢渴念一洒甘露漿如熱得清涼神寬
生大羅潤及於一切

香

香飄無價焚之而七返氤氳道貫自然祝之
而九光馥郁故道由心學而心假香傳作如
是用則非火非烟作如是觀則非黍非稷厥
中不昧其香遠聞上達於三境十天下徹於
九幽五道明其奧理用薦亡靈藪向爐中廣
伸供養

奉獻諸天無價名香

返窻名香返風名香逆風名香七色名香
天寶名香香氣氤氳周遍十方廣伸供養

花

玉京山上自然生七寶之林大有庭中彌覆
有八零之樹森羅煥麗秀鬱青葱食壽樹之
葉乃爲玉仙一身若琉璃而洞徹煥寶林之
花而變金骨五藏如寶鑑以圓明惟天真無
染無著一片宜有沾衣故人世不種不生五
葉何得結實金花玉藥華池黃芽妙無出於

凡軀鍊必成於仙骨三花聚頂九氣結形憑
此讚揚廣伸供養

奉獻諸天異境奇花

九靈太妙真花五靈小妙奇花碧藥黃金
艷花黃藥紫金耀花闌花青瓊瑤花瓊林
流光寶花花光燦爛照映十方廣伸供養

水

混沌未分元是一壺靈液神奇已具散爲九
醞清糟幾人識得聖賢濟世須知厚薄若能
味乎味始見醇乎醇儻飲三盃必通大道謹
將奉獻願歎芬馨聚爲滿腹之陽春散布漫
天之甘露貫三才於不言不笑混萬物於一
醉一醒撥琴而鼓白雪黃鸞蓋蓋而遊清風明
月樂壺中之天地遊物外之烟霞慕道洪崖
公尋真白雲子神仙妙藥大聖靈丹捧此靈
寶音伸供養

奉獻諸天七種寶漿

日精寶漿月華寶漿星光寶漿甘露寶漿
金液寶漿靈光寶漿寶漿玉醴寶漿飲之無盡
周流十方廣伸供養

果

果因花結當資種植之功心靜道生必假栽培之力故有蟠桃紫椀火棗交梨近取於身遠取於物儻心田之瑩潔則米實繁榮或荆棘之叢生則根苗枯槁色如橘而甜如蜜成有歲而熟有時有三千載而結成有頃刻間而頓熟咀嚼而精神爽快玩味而性識清通若結果而收因當玄華而務實宜於此際方寸了然憑此讚揚廣伸供養

奉獻諸天瓊林珍果

○ 空洞靈瓜萬歲仙桃金紫交梨元光素椀赤靈火棗飛丹紫榴香氣布濃食之無盡周流十方廣伸供養

飯

天人之糧淡泊無味事載黃庭黍米之珠登引無餘功標靈寶故茲上聖唯嚙味於沖和觀彼下凡恣膏粱於厭飲惟天厨之香飯四種民中種來且世間之稻粱百粒粒粒從苦得享福不耕而食者宜思本始知足有餘而得者切莫輕拋今法會之崇修作蕙餼之

珍供故將香饌廣度死冤憑此讚揚廣伸供養

奉獻諸天四種香飯

豐山香飯龍山香飯青精香飯太和香飯香氣布濃食之無盡周流十方普伸供養
○ 心花智果金飯玉漿靈寶慧香芬芳法味皆託物而顯道宜即色以明心各推廣博之誠轉作無窮之施願大地悉臻於飽滿無一物不被於薰陶更藉宣揚以全啓迪重聞反慧照於大無圓通眾妙煉真光於法體嚙味沖和能取足於諸身初不資於外物况食之後冀汝亡靈挹內景之靈芒定中央之正位飲靈樹瓊瑰之澤食黃華璧玉之柔道契杳冥神凝遼廓宅元房而偃息助真化以周流

奉為亡者上資往生天界誦玉清大

慈天尊甘露法食呪曰
回首仰圓羅合景挹靈芒拘冤制七魄思臍定中央行住履虛無寢息宴元房飢飧黃璧華渴飲瓊根漿神旌命天魔合體鍊真光復照觀太無長在空中遊圓通泯波

際真化靡終期杳冥無終始行者當明知寂寥忘理教應運歲宏規鑑道不自昭要當先所施會歸無二處隨心自合離方雜乎芒芴之間通變未乘於一氣欲反其知識之本造形必自於三光宜嘯詠於清謚以發揮於生路况食之後冀汝亡靈負陰抱陽稟日月高奔之氣陶寬鑄魄儲坎離交構之精三宮滿盈十相具足早超通達之國長遊智慧之門

奉為亡者上資往生天界誦三光澤

嬰甘露法食呪曰
浩晶生元氣氤氳太空中兩曜共明徹五緯交相同三光煥已明寶氣盈三宮帝鄉會九老咽服百體豐金華照光景身與日月同念道上聖前萬劫壽無終

天生蒸民積三萬六千之神氣世喪大道隳一百八十之靈關自靈損於真根莫數榮於玉樹神不自許魄與鬼遊欲反生源必資梵唱况食之後冀汝亡靈得衆化之元精復五神之真宅白元右衛公子左扶頂飛翠蓋之

浮足有金蓮之擁香雲覆體甘露洒心湛恍
惚之元靈養希夷之正氣

奉為亡者上資往生天界誦玉清大
悲雲宮陰生梵唱生冤浴魄呪曰

雲根無垠眾化之精中凝七魄內結三魂

二十四真出入無門杳冥之精恍惚元靈

隨劫存亡逐氣而生內疑混撲外養七經

五神植華三台教榮紫閣素童反冤歸嬰

騰雲而仙騁霧浮空中有玉京號曰神公

左挾無英右衛白元玄獸過後丹禽擁前

上浮翠蓋下擁金蓮香雲凝空甘露無窮

用之不盡尋之不終

九幽黑暗六賊之所徃牢一念虛明大方初

無吟域欲優游於正處宜咀嚼於太和更仗

寶章以嚴法味呪食之後冀汝亡靈挹甘露

之零濛永清心垢隨王音之歌嘯坐致神遊

看酒未清八極周遍

奉為亡者上資往生天界誦九幽超

生甘露法食呪曰

於於甘露滋法味難思議霧林流七珍永

除飢渴想受此法施食生天登紫房餘潤
發清涼遍及於一切

地獄幽沉舉有鐵圍之固天堂遼廓眇無階

級之昇憑萬道之金光破九陰之泉路呪食

之後冀汝亡靈泰定發乎天光吉祥生於虛

室玉樓十二通救燕於華池泥丸九真默朝

參於上帝此即昇天之徑路長舒破獄之祥

光致極高明得大自在

奉為亡者上資往生天界誦破地獄

昇天呪曰

茫茫鄴都中重重金剛山靈寶無量光洞

照炎池煩七祖諸幽鬼身隨香雲與定惠

青蓮花上生身永安

三光流精凝結為洞真之體一念不善淪淪

於眾惡之途永下出於淵泉必仰資於神呪

呪食之後冀汝亡靈反一氣之氤氳凝九華

之煥爛混沌無礙函乾坤造化之先崑崙為

冢出雲雨冥濛之上

奉為亡者上資往生天界誦三光流

精甘露法食呪曰

妙道分一氣氣中分陰陽凝化日月精燦

然流三光九華舍九道八色怡八方煥爛

洞真體流精歸太陛下生淵泉官上列無

何鄉縱體復飛跡忽然都相忘七寶凝精

潔混沌雜華芳無服九氣雲此樂殊未央

向來宣演靈章寶偈並是

元尊神呪諸聖真詮九丹妙訣甘露法言妙

理難思殊因莫測總用資薦亡過甚等享淡

泊之正味眾美皆從得恍惚之元精長生不

死仍推餘慶垂光見存上窮圓蓋下布方輿

俱沐良緣齊登道岸

施食

一切福田施食為先當來淨土衣食自然

是故供養普獻諸天

法食

香廚妙供上獻天尊中奉真聖下及萬類

合生普同供養

亡人食

所餘齋胙回施冥路食者充飢免諸困苦

大道慈悲引歸仙路

道門通教必用集卷之五

道門通教必用集卷之六

鶴林道士呂太古集

讚導篇

廣成先生讚導儀序云經科所稱齊官之內謂行齊道官也以道德專高者為法師即高功

明練法度為都講讚導引法則軌儀皆其

職也欲令羣官整肅儀軌森然須先鳴鼓擊

磬齊眾而後陞壇讚唱或都講年德稍高不

欲一一勞止即於眾官之內補一人執磬唱

禮蓋事出一時元非古制今知磬是也已著儀尚簡今法事煩多故也

高功法師職在敷奏進止俯仰

居眾之先或昏耄不任自可求退不可委之

他人類冗職監齋秉執科憲彈糾愆違若

有虧犯預須以罰簡告之受罰之人亦須甘

心伏罪不得使彈糾之際彼此諠然取笑眾

人貽咎玄聖侍經則檢校壇場主張法席經

科凡按供養所須施利敷張皆須整治況舊

法於齋堂之內即今之壇場也置兩高坐三時講讚

自法師以下明經者請升法座至誦經之時眾官既坐一人

行淨侍香行香侍經行經誦經既畢收經安

置安於齋堂之中嚴持供養不得虛參職任
使几案縱橫壇場汗雜并外人凌冒輕觸神
真侍香所職具在簡詞近者因循多不供職
侍燈唯在勤勵與廢合儀微暗續明斯為稱
職近有不經之士不使侍經整飾壇筵別置

直壇之號今之直壇昔六職之外頗有冗員

蓋由焉中之侍經是也又有外壇法事非眾

職眾為事有懷曠遂今三侍兼宣詞職分行

外壇致使侍經侍贊本職者而不問事

職分委職事亦須法事之服當與檢按庶合

儀軌又按金錄古儀及黃錄舊法宿啓之夜

及言功之時皆先作自然朝即禮十方儀然

後行事故啟齋儀軌止是成時迎官列位於

玄師前一人讀職狀訖即投詞于正壇上十

方香升內壇上香禮師發爐下俯伏依然朝

次讀齋詞大謝後宣戒都講署職之官受職

宣科禁發願復爐出戶至玄師前補向所以

云須明且晨晚依法行道此法自張天師陸

簡寂寇天師張清都相傳至今頗歷年代皆

以齋法出於自然朝示不忘本也近有庸流

不達古賢之情先於玄師前補署六職宣科
授簡然後陞壇仍云簡竊先生齋法謬誤飾

非謗說詞理紛然寡識無知一至於此尚有
其黨相做行之不唯獲亂法之愆實亦受謗
賢之罪達教君子宜共斥之東瀛子杜光庭
書

歷觀古儀並無祝香庭參并發奏楊公傑
學士重修金籙儀節次有祝香一節乃是
官道場之制班定上香拜訖令表白道士
一員具齋意祝香訖然後退就玄師前補
職今醮事祝香則高功為之古儀非無參
神即宿啓是也所以廣成先生反覆論之
是以補職說戒居宣詞之後乃是先關告
上真啓白修齋之意初非降聖酌獻之時
自悟微子著刊誤論徇一己之見乃云豈
有徹祭之後方且補職說戒楊公傑承悟
微之失遂遷補職說戒於啓事之先大失
歷世宗師本旨今有參神又有宿啓又有
啓壇之初壇外關告殆似屋下蓋屋屋上
張蓋者也行之既久難以改更但直免壇
下宿啓及三日清旦關告亦稱通也謹取
廣成先生及楊公學士及孫公教師所定
書

道門通教必用集卷之六

節次參詳古儀編成諸道儀古便今以助
道化云

道門通教必用集卷之七

鶴林道士呂太古集

帳六

威儀篇

勅壇儀並取社天師楊次公
張麻童三本契勅

凡壇場正北則都講按便當地戶謂壇
外也張萬福天師序事儀內載壇圖以
都講按為威儀按謂一壇威儀皆自都
講讚導也則勅壇當是都講為之爾楊
傑次公乃云選有威儀道士一員勅壇
是不知都講為威儀也又云置劔水於
地戶不知都講所立即地戶也若壇不
正北則宜遷之

白事存想

杜天師云威儀法師玄冠絳褐立於地
戶上啓事

吳所受經錄治職臣未伏聞運陰陽者莫過
於百靈濟宋國者宜逾於大道故君若有失
祥之變可以消穰黃籙有拯後之科許令修
奉臣等竊慕真化叨稱治官所歷山川敢忘
報効今奉為某中處修建某齋若干日夜行

道轉經依科闡奏臣等澡鍊形氣疏淪精神
尅期奉行敢不上達伏惟
太上布惟新之令開覆育之恩勅下真官分
司降墜使烟雲暫息於三景風雨無施於四
溟懺謝必聞啓傳無間臣等不任望恩之至
精思念真伏待報應

楊公本云白事前先存三師在西次存

唐葛周三真君在前唐君朱陽憤通天

冠絳章單衣執龍頭寶劍左手持符葛

君衣服同執王戟周君冠服同執玉陽

之節

次存真官朱衣乘九鳳乘斗而下臨壇

所收穢

次存七星覆已頭上柄指前勿令遮已

自然後白事不若白事下存想併存四

靈在左右前後日月五星在頭此出杜儀

存想畢以簡投侍者

次握固垂手召四靈握固以大指插中
指中節四指齊收

心于手

東方青龍角亢之精吐雲鬱氣噓雷發聲飛

翔八極周遊四溟來立吾左

西方白虎上應腎象英英素質肅肅清音威

懾禽獸嘯動山林來立吾右

南方朱雀象禽之長丹穴化生碧霄流響奇

彩五色神儀六象來導吾前

北方玄武太陰化生虛危表質龜蛇合形盤

遊九地統攝萬靈來從吾後

次兩手捧心足復丁字

吾召四靈四靈既集即當遊帶日挾月行九

州十六神將為吾使太一星君都下有十六
神將主知天下災福或

有未嘗知聞達天地水官同其休天地水字
改為六十神將

才步就劍水出揚後善儀皆

云天官地官水官揚本為善

次右手執劍

五行所運火木水土金吾佩劍繫勅鬼神

二十八宿隨吾指陳北斗七星挾輔靈真周

流萬方百福同臻此出杜儀

次左手執水碗

江河淮海非神水謂水為神水江河淮海
皆凡水有或改為凡水字

乃所見五龍吐出清天地大帝服之千萬年

今日吾將淨妖氣

次劍水相向呪曰

謹請東方青龍銜符帶劍降真氣入吾水中

南方赤龍銜符帶劍降真氣入吾水中西方

白龍銜符帶劍降真氣入吾水中北方黑龍

銜符帶劍降真氣入吾水中中央黃龍銜符

帶劍降真氣入吾水中吾水非常之水五龍

五星真氣之水吾劍非凡之劍九鍊堅剛七

星挾旁踏躡北斗跨踞魁罡太一作水杜張
作字揚本是在
字作字為善

清無過水濁無過穢以清蕩濁以水治穢無亦
無亦

速去萬里不急急如律令勅攝向破水揚
得停止字

向或有不便心存之可也

次至西南方誦淨天地呪

洞中玄虛晃曜太元八方威神使我自然靈

寶符命普告九天乾羅荅那洞罡太玄斬妖

縛邪殺鬼萬千中山神呪元始玉文我誦一

遍却鬼延年按行五嶽八海知聞魔王東首

侍衛我真凶穢消蕩道氣長存急急如律令

次至西北方誦安土地呪

元始安鎮傳告萬靈穢漬真官土地祇靈左

杜右授不得妄驚回向正道內外澄清各安
方位備守帝庭太上有命搜捕邪精護法神
王保衛道場飯依大道永享利貞急急如律
令

次至東北方誦淨壇呪

吾是洞中太一真頭戴天罡步四靈守把龍
力巽上立迤邐旋行直至坤地戶良宮須結
界不得分外停妖氣禹步魁罡正乾亥直至
天門謁帝君急急如律令

次至東南存天蓬元帥在上誦呪

本號北帝五靈元老呪出正一考
召斬邪引

天蓬天蓬九玄殺童五丁都司高刁北公七
政八靈太上皓凶長顯巨獸手把帝鐘素集
三辰嚴駕變龍威劍神王斬邪滅蹤紫氣乘
天丹霞赫衝吞魔食鬼橫身飲風蒼舌綠齒
四目老公天丁力士威南禦凶天濤激厲威
北銜鋒三十萬兵衛我九重辟尸千里祛却
不祥敢有小鬼欲來見狀饗天大斧斬鬼五
形炎帝裂血北斗然骨四明破骸天猷滅類

神刀一下萬鬼自潰急急如律令

次至西南存天猷副元帥誦呪

天猷神將威制羣魔頭戴天圓足履地方冠
帶九氣結為衣裳日為圓象月為圓光身披
北斗六甲九章左踞河魁右倚天罡能伏邪
鬼蟻除不祥神丁一諭鬼穢消亡急急如律
令

次至西北存真武將軍誦呪

謂真武居右
黑殺居左

太陰化生水位之精虛危上應龜蛇合形周
行六合威攝萬靈無幽不察無願不成劫終
劫始剪伐魔精救護羣品家國安寧敢有小
鬼欲來見形吾目一視五嶽摧傾急急如律
令

次至東北存黑煞將軍誦呪

北方黑煞五氣天君光華日月威備乾坤走
符攝錄斷絕鬼門行神布氣辟除五瘟左右
吏兵三五將軍雷公霹靂電掣風奔刀劍如
雨隊仗如雲手執帝鐘頭戴崑崙行遠天下
收捉鬼神九州社令血祀之兵不許拒逆敢

有張鱗鎮星縛手北帝收鬼三台七星持刀
斬身邪精魁魁耳不得聞聞吾呪滅碎如微
塵急急如律令

次至東南誦解穢呪

謹上請東方青帝木官解穢君吏九人南方
赤帝火官解穢君吏三人西方白帝金官解
穢君吏七人北方黑帝水官解穢君吏五人
中央黃帝土官解穢君吏一十二人天上直
符解穢君吏地下直符解穢君吏今歲今月
今日今時直符解穢吏兵童子玉女各百二
十人一合具官來下降此壇所解除天獸地
穢人獸鬼穢所有六畜禽蟲不淨之穢仰破
穢鳳凰從前至後自東及西一一解除密顯
清淨不得停止急急如律令

次至西方立面東存青帝君誦東方

五方五靈五老帝君保國學
仙呪出洞淵神呪經消災品

元精混沌青氣散分神童十二係鎮肝鬼二
七四五變化雲營九竈九柱老木不溥神虎
吐毒劍舞火焚掃滅青疰光景妖氛識神真
正安保帝君急急一如東方九氣天君律令

次至北方立面南存赤帝君誦呪

赤明開圖炎精扇殿三童一宅煥赫浮觀司明得失萬帝宗朝朱鳳吐火金石化消流鈴飛電誠罰赤妖束縛九醜灰覆火燒爾清皇祚道德道追急急一如南方三氣天君律令

次東方立面西存白帝君誦呪

金精耀景太白西分帝君靈符流飄素雲召龍負水殺滅赫烟長牙巨獸討捕光華魄靈安鎮我得自然急急一如西方七炁天君律令

令

次至南方立面北存黑帝君誦呪

元光豁落五氣流行雙闕上帝萬神化生安志守智敢食爽精蒼龍吐電摧破魔兵胡切晶振劔奔飛火鈴三天力士收滅萬精保家安國道治昇平急急一如北方五氣天君律令

律令

次至中央存黃帝君誦呪

混沌元一黃氣交馳感履真老變化嬰兒養育元氣胎兩儀日月騰景星辰下垂風火爭擊矛劔交施六天九醜奕破心雜太上符

告何敢不隨有生安樂入道無為急急一如中央一氣天君律令

次舉天尊救身若遭拔可削法師神劔存神望齋官喫水呪曰

水無定形以呪為定在吾手中號曰神水喫

天廓清喫地水寧喫人長生喫鬼滅形一喫如霜二喫如雪三喫之後萬邪斷絕鬼魅潛伏災殃殄滅南斗上生壽同日月急急如律令

次誦救身呪想弟子身神隨神呪各

守宮室

凡欲朝真謁聖先當解穢淨身俾形氣之肅清庶天人之感格

具位謹教齋官某某等身中五體真官五藏六腑七政九宮十二神室四肢五體筋骨髓腦

皮膚血脉九竅榮衛一百八十靈關三百六十骨節千二百形影萬二千精光左三靈右七魄三部八景二十四神某某乃太上之子元皇之孫頭冠朱雀足履玄武左御青龍右踞白虎青龍扶迎白虎扶送朱雀導前持幢攝

真武從後負鐘鼓使齋主某心不受邪肝不受病肺不受毒腎不受昏脾不受死膽不受怖胃不受穢一身清淨萬邪不干吏兵導引五神侍側急急如律令

次誦黃庭經五藏呪

謹教齋主某某身中心神丹元守靈君肺神皓華虛成君肝神龍烟合明君腎神玄明育嬰君脾神常在寬停君膽神龍耀威明君重樓一十二真人五藏六腑神體精皆在心內運天經晝夜存之自長生急急如律令

次誦黃庭面部呪

謹教齋主某某身中髮神蒼華太元君腦神精根泥丸君眼神明上英玄君鼻神王隴靈堅君耳神空闌幽田君舌神通命正倫君齒神鈿鋒羅千君面部之神自相守攝寬運魄水無傾急急如律令

次誦北斗都管消災呪存北斗加於

齋主頭上想魁蓋頂柄向前

北斗七星天中大神上朝金闕下覆崑崙調理網紀指揮乾坤貪狼巨門棟存文曲廉貞

武曲破軍輔弼大同沙界細入微塵何災不滅何福不臻元皇正氣來覆弟子之身天罡所指日夜長輪隔居小人好道求靈常見尊儀願賜長生高上王皇紫微帝君保弟子處世常享安寧三台三台生弟子來三台三台養弟子來三台三台護弟子來急急如律令當願齋主某某等淨身之後氣爽神清寢安魄暢百關淨而華池充滿諸漏消而丹府光明茂對天休潛祛世患吉無不利動則有成稽首皈依

無極大道
次舉劍巡行至西南隅誦消禁百怪

口舌呪

六甲九章天圓地方四時五行日月為光禹步治道蚩尤辟兵青龍拔我戟白虎扶我行焚惑前引却除不祥北斗誅惡滅去凶殃五神侍衛周遊四方左杜右櫻為吾鈴縛千口萬舌惡人惡鬼虎狼盜賊緘閉伏藏急急如律令

次至西北誦禹步八卦呪出金鎖流

珠引思四靈訖口誦呪足禹步總三
步九跡

右足八 右足六 右足二 右竊
左足七 右足四 左足一
左足九 左足五 左足三 左竊

乾尊耀靈坤順內管二儀交泰六合利亨配天享地永寧肅清應感元黃上衣下裳震登艮興坎盛離明巽旺兌生虎步龍驟楊本乾坤艮巽虎步龍驟震離坎兌巽發扶將張本如天門地戶人門鬼門為我者誰昊天昊蒼今日禹步上應天罡鬼神竄伏下辟不祥所求如願萬靈敢當急急如律令

次結界口誦呪足履丁字九步

謹請東方青童君從官將吏杜本有九乘東方歲星真氣浮空而來降臨壇所行神布氣搜索邪精驅除鬼賊有罪無赦臣從東北隅結界至東南隅急急如律令

杜本降臨壇下臣從東北隅結界至東南隅行神布氣云云張本同楊本唯東南隅有一切邪穢無動無作兩句

次誦呪丁步至東南方向南嚀水

謹請南方赤童君從官將吏乘南方熒惑星真氣浮空而來降臨壇所行神布氣搜索邪精焚燒鬼賊有罪無赦臣從東南隅結界至西南隅急急如律令

次誦呪丁步至西南方向西嚀水

謹請西方白童君從官將吏乘西方太白星真氣浮空而來降臨壇所行神布氣搜索邪精誅斬鬼賊有罪無赦臣從西南隅結界至西北隅急急如律令

次誦呪丁步至西北隅向北嚀水

謹請北方黑童君從官將吏乘北方辰星真氣浮空而來降臨壇所行神布氣搜索邪精漂蕩鬼賊有罪無赦臣從西北隅結界至東北隅急急如律令


次誦呪散行至壇中丁步向西北嚀

水

謹請中央黃童君從官將吏乘中央鎮星真氣浮空而來降臨壇所行神布氣搜索邪精埋藏鬼賊有罪無赦臣從上方結界至于壇所急急如律令

次就地戶上步七星皆建向破

謂正月建寅背寅而步第一星旋身入斗中存天官日月星宿五獄四瀆兵馬在目前四靈並羅列在左右前後次誦北斗七元星君神呪



七曜靈靈斗柄前星貪狼獾惡食鬼吞精巨門垣赫照耀登明祿存奔騫統攝天兵霞衝文曲光徹廉貞威臨武曲真人輔星上天節度破軍星君四門閉塞濁氣奔騰常持斧鉞手把天丁威南一喝膽碎心傾令召巡檢聽察尋聲九州社令無不呼名誅鋤兇惡獲罪非輕凶逆者死慈善者生斷頭截足杵碎身形鬼妖蕩盡人道安寧治病除邪救到奉行急急如律令

次稱位請官

具位令謹為某家修建大齋依科行事謹上請此下便巡行至鬼門為止天仙兵馬地仙兵馬飛仙兵馬真人兵馬日月星宿兵馬九官五帝兵馬三河四海兵馬各請嚴裝絡繹五六

同赴壇場遶壇三匝先有壇場寬狹念呪至各請嚴裝處足到鬼門上以劍首畫地左轉三市◎蓋壇三重◎上張天羅橫畫七畫三下布地網立畫七畫三所有伏尸故氣土木百精於道不順者收付魁罡之下入地萬丈無動無作急急如律令救

書鬼字卓劍於鬼心噴水隨水呪曰五行相推罡最持威六紀輔我三台辟非天迴地轉陰陽闔開長生度世日月同輝急急如律令

天赦煌煌地赦正方禹步其至百鬼伏藏急急如律令

嚶水唱攝即右旋身出斗避踏星網踢印便出呪云一切邪穢無動無作叩齒三下畢歸位

右轉畫鬼字並重疊為之謂之收一切邪穢印

杜天師殺劍呪

太上有命普告萬靈促召天真俱會帝庭一下降雙皇翊精監察禦邪理氣攝生若有不祥干試神明七神秉鉞天鋒右征揮劍前驅煥擲火鈴激命甲騎虎卒天丁風火齊戰伐邪絞精上威六天下攝魔靈魔靈既攝萬凶滅神戈擊電掃姦妖無生先皇建節有命敢停拒節違命是誅汝形各敬各慎保茲黃寧九天有命萬神咸聽急急如律令

張無盡金籙儀中然劍呪

太上有命普告萬靈命天將統天丁伐天鼓揚天旌揮金星擲火鈴捕無影搜無聲正泰階掃攬搶蕩邪風於十極布真氣於八絃天真下降威光上清羣魔匿跡萬怪滅形九天告命萬神咸聽急急如律令

楊次公救水啓白

河圖上瑞示天意之昭明金錄洪儀遇聖時而建設巨竊暮真化切稱治官所禱應誠敢

忘報效入意錄

同上
張無盡啓白

太極函三混茫無象大塊吹萬參差不齊數
有適來道常善救元始有玉文之旨紫皇垂
金錄之科臣叨備法官奉行真教受辭析禱
敢不奏聞入意錄同上

又

真馭下翔息神風而靜默薰場中敞掃穢氣
之紛葩十方煥空洞之王光四氣示澄清之
天宇豈容妖惡敢爾尚存當資納水之神以
解壇場之穢庶迴颺景臨鑒齊明入意臣等
敢不澡鍊形氣疏滄精神解穢除氛延真降
聖恩惟

太上布惟新之令天專推至大之恩申命真
官分司降鑒使天無氛穢地無妖塵陰雷廓
清陽光爽霽風師戢禁而纖埃不動雲將揚
輝而瑞氣浮空庶誠悃之昇聞格靈心之如
答臣俯伏思神念真伏待報應

又

至道之宗隱妙用於混茫之首神具之德顯

靈化於開闢之前絳是模範百王生成萬彙
為沖虛道德之祖垂八景之靈文繼玄元清
淨之宗降三天之寶錄法傳正一職治陽平
故輔玄傳教天師受之而攝邪歸正水曰五
行之首有穢皆除劍為百鍊之剛無妖不斬

臣等早鍾宿慶繼踵真風黃素飛章傳九鳳
破穢之錄青絲結紐受十元召龍之文約以
行持誓當濟物既奉來詞之切敢忘裂券之
盟入意臣等澡鍊華池之水歲揚大教之風
欽翊羽儀掃蕩妖氛之氣肅清雲路前瞻睥
穆之容洪惟

大有高真太無上聖廓雲霓而俯集闕閭闔
以來臨申飭攸司肅清壇壝庶天人之脗合
俾幽顯之潛通式副凡情孔昭天道臣等凝
神碧落結志丹霄俯伏思神恭俟昭報

新修

伏以帝車所莅豈容諸穢之傳心室未虛庸
有外邪之瞰因事天而養性敢除地以為壇
雖曰罔有不欽猶恐未能盡善欲奉崇真之
禮先陳解穢之儀神呪所加妖氛盡弭入意

後文如前

臣等敢不洗清心地結為類帝之壇獨潔物
儀式展事天之禮大懼妖塵之障難迂颺欵
之臨伏願

太上申救千官戒嚴萬騎廓清四界森潔衛
於薰場振被羣凶降颺存於黼座息凌雨宸
風於昏曉瞻景星瑞日於晦明庶茂對於明
威俾克成於釐事臣等馳心丹陛屏息紫壇
俯伏思神恭俟昭報

道門通教必用集卷之七

。

道門通教必用集卷之八

帳七

鶴林道士呂太古集

威儀篇卷九

第一時

以今第一遍為國祈祥祝延

聖壽雲集道衆陞壇持念天尊聖號轉誦太上混元上德皇帝道德真經蓋此經者從五太之初二儀未判靈風集妙空洞凝華寶章結於混成王字標於獨化挺乎杳冥之際煥乎玄黃之先日月得之以照臨乾坤資之而運載於是

虛皇上帝乃命元始天王判之於玉章編之於玉簡藏之於寶匣集之於瓊臺初秘上元未流下土降鑒有道乃錫斯文伏羲受靈圖軒轅受符扎高辛受經誥大禹受洛書故神道設教垂文起於茲矣洎及混元降聖歷為帝師于時大道不行人倫澆薄故陳道德五千之旨以示淳樸還返之源其言也大無不包細無不入理窮衆妙義同虛無內以理身外以經國研之則聲參太極行之則造化昇

平為萬物之祖宗作天地之根始斯經專妙難盡稱揚集此殊勳恭用祝延

今上皇帝伏願聖躬安暢辰極齊年天書降而大業興隆帝曆延而國根深固干戈戢而寰宇靜淳風振而泰階平兩順風調家豐

國富有生含識俱契道真異域遐陬同歸正見仰憑清衆各運誠心先持誦淨天地神呪淨心口神呪安土地神呪

玉清元始天尊上清靈寶天尊太清降生天尊昊天玉皇上帝上宮天皇大帝中天北極天帝后土皇地祇玉清虛無天尊玉清太慈

天尊玉清大悲天尊玉清大帝虛皇天尊玉清後聖金闕天尊玉清後聖瓊闕天尊玉清後聖太平天尊太平護國天尊昌國化人天尊成就國土天尊興國太平天尊玄都萬壽天尊保制劫運天尊難思聖德天尊海空智藏真人溥德妙行真人不可思議功德

次各轉混元上德皇帝道德真經

以今第二遍正天分度解穰陽九百六之災

兵戈疾疫水火旱蝗饑饉之厄悉令壇道衆持念天尊聖號轉誦太上十一曜大消災神呪經靈寶天尊樓炎度厄真經蓋以四海之內九地之中上至帝王侯伯之尊下及人民品物之衆皆稟五行之推運悉繫眾曜之照

臨善惡一興禍福應見天有陽九之數地有百六之災使日月之失昏致星宿之錯度大則憂形帝主小則災及生靈或乃兵革四興或乃災祥競起饑荒疾疫之苦蟲蝗水火之虞欲免災以除凶當誦經而行道昔者大羅

天上元始慈尊鳴法鼓而叩瓊鐘召十方而集衆聖說善惡之報應示罪福之因緣演出是經慈茲未悟功德深重喜慶難言凡有修崇當勤誦伏願七政齊而聖功顯五星聚而國作昌潛消災變之虞丕顯照臨之德景雲呈瑞妖氣屏收世臻極治之安人識有生之樂仰憑清衆各持念上元日宮皇極天尊中元宮正一天尊下元星宮衆妙天尊運明廣照天尊開輝保生天尊日月光明天尊清淨流光天尊收慮滅

惱天尊疑彩光華天尊護國永安天尊日光
真人月光真人星光真人不可思議功德

次各轉十一曜大消災神呪經靈寶
禳災度厄真經

第三時

以今第三遍奉為溥天之下有功於國應該
祀典諸廟福德正神增助威光保寧

國界憑合壇道衆持念天尊聖號轉誦太上

昇玄消災護命妙經黃帝陰符經以伸回施

蓋以天不任察司察者付之鬼神君主無為

有為者委之臣子以忠事

國以道相天得聰明正直之心稟仁孝公廉

之行生為將相位擢神靈享廟食於人間受

封崇於有國至若淮水石犀李太守以石犀
沉水為誓又刻

水型為准不許越過其唯以准字讀若誤也如秦太守之盛德流

汗木馬見晉神君之殊功王化一方宣威四

海邦家賴以安鎮士庶從之禱祈茲建黃壇

恭披紫策庶德道力仰讚靈光伏願福祐皇

圖水致萬方之泰定名登仙籍愈闡威力之

變通然後錫祐齊官流祥舉室無災不解有

願皆從仰賴恩尤著勳崇報敬憑清衆各持
念 玄元闡教天尊與大福力天尊慈濟永
劫天尊廣度東尼天尊大通靈應天尊變見
無邊天尊神力無礙天尊妙行真人廣信真
人不可思議功德

次各轉昇玄消災護命妙經黃帝陰

符經

第四時

以今第四遍為齋官某家所薦上代家親一

行亡人等遷拔鬼神超昇淨界憑闡壇法衆

持念天尊聖號轉誦太上洞玄靈寶無量度

人上品妙經且洞玄靈寶者則三洞中洞之

一部無量度人者則中洞一部之一卷修習

之法則一部多門諷誦之篇則此卷為首昔

在淳黎真境紀談受之初秘於紫微上官顯

緘藏之蹟實諸天之隱韻為大範之仙章八

角垂芒本由於宸翰千牋列衛淨度於人倫

其或毓質圓方稟和霄壤少思寡欲皆偽歸

真端慮以潔齋洗心而成誦精專內積純粹

外充信可以自晦而明無幽不燭類虛室之

生自由溫泉之盪和熙而陟春臺濟濟而
登壽域至誠所及介福何窮靈寶度人經讚
歎難窮盡集茲妙善淨度亡冤伏願上代祖
先一行冤識聞經之後洞明真理不昧本源
翺翔功德之林解脫幽明之趣靈書度命斷
宿累於迷途丹火鍊形宅報身於道域然後
上窮碧落下際金輪凡屬有情齊登道岸仰
憑道衆為如上緣各請持淨天地神呪淨心
口神呪安土地神呪

王清虛無天尊玉宸妙道天尊金闕至真天

尊太一救苦天尊常濟苦海天尊法橋大度

天尊香林說法天尊度幽明真天尊護冤無

滯天尊廣開方便天尊隨願往生天尊分配

受生天尊逍遙快樂天尊大慈救苦真人大

悲拔罪真人不可思議功德

次各轉太上洞玄靈寶無量度人上

品妙經

第五時

以今第五遍奉為地府鄴都大帝陰宮夜境

官屬水府扶桑大帝珠宮貝闕衆靈憑合壇

道衆轉誦太上老君常清淨經生天得道真經溥伸回施蓋以地司水府兼考治於罪寬北帝陰官昔受傳於教教敬憑妙與仰讚靈光庶同仗於真功悉舉遵於仙職兼資長夜盡觀光明次及見存成消罪谷仰憑清淨各持念

法藏瓊文天尊慈周三界天尊廣化六道天尊龍王變度天尊轉輪聖王天尊法界應慈天尊度人衆妙天尊妙行真人妙相真人不可思議功德

次各轉元始天尊生天得道真經太

上老君常清淨經
第六時

以今第六遍為九泉六道五姓孤冤等衆憑法衆持念天尊聖號轉誦太上九幽拔罪心印經十方救苦妙經蓋以萬劫沉淪初本生於一念九幽迷暗實自昧於三光既無濟度之津梁誰借超騰之梯級屬開法會廣濟沉寃頓聞正法之音盡悟真常之理仰憑法衆各持念

化三途天尊救八苦天尊除煩惱天尊超生死天尊色無盡天尊空無相天尊無邊際天尊功德海天尊大隱真人救脫真人不可思議功德

次各轉九幽拔罪心印經十方救苦

妙經
第七時

以今第七遍奉為齋主某家解災度厄祈福延生憑合壇道衆持念天尊聖號轉誦南北二斗延生真經以祈景貺竊以人身難得中土難生假使得生正法難遇茲仙經之所載惟道力以能誥自起信心定由宿習昔我混元道祖俯慈羣迷正一真人親傳藥笈或受之玉局或降自鶴鳴皆九天八會之真文三洞三清之上道利益一切津梁衆生凡在見聞豈更輕生而迷本能動請誦故令知命以歸真爰祗建於寶壇用披宣於奧旨當願齊官某等復茲修奉仗此誦持北府除殃南官注祿道心開發慧性圓明洗滌塵勞祛除迷妄俾漸登於妙果庶重立於玄功善及存

亡功需水陸永起俗網俱入金門克符真一之宗俱契希夷之旨仰憑清衆先持誦淨天地神呪淨心口神呪安土地神呪
玉清降福天尊上清常湛天尊太清靈變天尊長生保命天尊福生無量天尊消災解厄天尊延壽益算天尊紫清介福天尊九官捍厄天尊八卦護身天尊寶策定壽天尊金闕延祥天尊自然智慧法身真人玄妙虛無上德真人不可思議功德

次各轉太上玄靈北斗本命延生真經一卷
經一卷
第八時

第八時

以今第八遍為齋主某家報答父母劬勞深重大思憑合壇道衆持念天尊聖號轉誦太上真一報父母恩重經真武報父母恩重經蓋以一元初判九氣結形氣氣不停生生相續萬物至衆唯人最靈雖稟氣於陰陽實受形於父母髮膚身體遞代相傳億劫以來莫知其數我相既立始相旋衰因我相故遂有

六親枝派既分源流漸失論身世則古今雖異致善惡則彼此相關如影隨形決不可離昔者西那玉國

天尊演難報之恩開皇劫中

太上戒不孝之子為人後者得不念或敬因

黃籙之修式演琅函之秘上祝在堂父母者

伏願錫之上壽等千歲之松椿願俾茲顏若

香風之桃李普恭勤於菽水庶少答於劬勞

過去父母者身脫幽都耳聆真諦使九泉之

下無報對之冤而三界之中獲逍遙之樂庶

伸閭極少慰永思仰憑清衆各持念

無量化身天尊度世聖王天尊圓滿正智天

尊隨緣赴感天尊遐宣道蔭天尊隨功度人

天尊法解真人太極真人不可思議功德

次各轉太上真一報父母恩重經具

武靈應真君報父母恩重經

第九時

以今第九遍奉為三洞法籙官將吏兵三界

功曹四直使者土地里域申奏等神衛護靈

壇官屬憑合壇道東持念天尊聖號轉誦太

清天童經智慧觀身經以伸回施蓋以四霄三書荷騰達於凡情願滿功成寔有勞於神助雖章奏為陳其還實兼誦持重表於欽罰更希保佑之恩庶賴始終之賜仰憑清衆為上因緣各請念

真靈感應天尊靈應無窮天尊常增上善天

尊光顯神功天尊和神利物天尊功德圓滿

天尊實相真人轉輪真人不可思議功德

次各轉太上太清天童護命妙經智

慧觀身經

道門通教必用集卷之八

道門通教必用集卷之九

鶴林道士呂太古集

帳八

精思篇

發奏

古儀無關告土地使外壇宿啓後世增

修為文止是啓告尋置文牒復有行法

而居師位者又加以印訣符呪命召土

地諸神蓋出於天心正法今遂為成規

既坐命諸神皆須如法文變神指訣方

可施行用考詳著于篇首云

發奏於天門設土地等神坐法師於東南隅

設坐法師入坐先存己身如天師戴魚尾冠

披魚鬣衣朱履便指變神訣左手小指從四

指後入中指根四指曲指掌心中指勾定

小指用大指掐中指中節彈了大指却掐第

二指根此乃本師印訣存六甲六丁四門

王青龍白虎朱雀玄武羅列圍繞次存土地

申奏官屬在天門聽命一一分明然後宣召

入意指揮訖發引遣表法師左手掐印訣二

指升文右手仗三昧火劍四指根節誦劔水

呪嬰水訖卓劔于坐右卓劔訣右手中指振節彈向劔處次焚香仍掐前變神訣想三台星在大指背名七星訣念文宣牒訖道牒誦呪存太陽赤氣太陰白氣三台七星真氣流注水中執劔取氣喫水訖法師以舌主上脣化為金橋令土地申奏從橋上逕達天門事訖還神回向上天心

白事

滑都法師張萬福云夫齋法精嚴諸天上聖垂降鑒每事須合法度不得遲留稽廢法儀又大洞法師謝方來曰凡高功啓奏之時東向平立神講以下皆西向為一班平立執簡鞠躬調聲正氣直詞小語朴素典素不得厲聲過失煩飾言詞取節情理須中勿事奇麗失其誠意凡諸祈請先自悔過然後白事張法師又曰行道登壇皆香水盥漱名曰蕩穢出亦盥之名曰閉真氣

陞壇

謹按張杜二公所定科儀凡行事先請玄師前列班唱道至壇所地戶上持呪旋遶陞天

門上十方香次至上級本位上香行事並不著壇下關告一節不知自何人增為殊失旨意蓋自禮師存神發爐皆是整飭內外靈官威儀訖然後稱法位上啓諸具聖宣詞啓告其理甚分曉直須削壇下關告庶釋疑候

夜入戶呪

四明功曹龍虎使者正一生氣侍靖素女夜有所啓願得開明童子元少女與我俱入壇殿通達所啓皆得上聞

夜出戶呪

元上太陰八牒開明向來所陳少女通靈事畢復位萬神潛寧

朝入戶呪

四明功曹通真使者傳言玉童侍靖素女為我通達壇殿正神上元生氣降入我身

朝出戶呪

出陰入陽萬神開通關奏事畢請闈黃房侍靖玉女明備神官已上出陞天師明真科

存思

簡寂陸天師曰道以齋為先齋以經為首修

齋禮請以精思為先奉經威儀以靜念為本本不正則威儀失序不合經典豈能感通玄聖致福慧邪用博採眾經標明至要祖述修緒以備修行自為道法精思存神訣

各禮師存念如法

先存太上三尊在天寶臺中左有三十六部尊經右有玄中大法師十真五帝羣仙侍衛如會朝之儀

次存經師所在心拜三過籍師之師

次存籍師所在心拜三過度師之師

次存度師所在心拜三過自己之師

願我三師上登高仙為我開度七祖父母早登天堂我身名入仙籍永為真人

平旦寅時當思青氣從肝而出如雲之昇布繞壇殿青龍獅子備守前後仙童玉女天仙

地仙日月星宿五帝兵馬各九億萬騎監齋

直事三界官屬羅列左右以雲氣往覆弟子

居宅大小之身

正中午時當思赤氣從心而出如雲之昇布

繞壇殿朱雀白鶴備守前後仙童玉女天仙

繞壇殿

繞壇殿

地仙日月星宿五帝兵馬監齋直事三界官屬羅列左右以雲氣覆弟子居宅大小之身入夜戌時當思白氣從肺而出如雲之升市繞壇殿白虎麒麟備守四方仙童玉女天仙地仙日月星宿五帝兵馬監齋直事三界官屬羅列左右以雲氣往覆弟子居宅大小之身

又思五星五嶽五帝備守身形五藏之氣仰昇紛錯冠覆一身如在烟霧之中金華映蓋體作金色先從肺出頂後有圓光如日之象照明十方身中了然盡見內外然後修行妙觀洞入虛玄晝夜三時並用此法

次鳴法鼓二十四通

法鼓者內集神氣外感魔靈法事所先也當門上下齒相叩名曰法鼓每八通小停三八二十四氣之象張萬福天師曰鳴法鼓經說凡有三種一上下相觸不令耳聞二纜令耳聞三虛口緩頰令有深聲遠響此自入靖可矣若法眾既多一時煩聒不令耳聞者為妙如此則精審細密便可一念專注神氣安和

故也

已上存念叩齒出威儀自然經及金錄簡文

按陸天師所定精思訣今所謂命魔存想乃是為步虛而設以步虛在命魔之後先存想而後命魔繼以步虛其實步虛中事所以皆與玉京步虛經相合故爾今依陸說詳著千篇

步虛精思

陸天師曰誦步虛經詞先叩齒三通嚥液三過心存日月在已面上從鼻孔中入洞房金華宮光明出項後煥然作九色圓象薄入玉枕徹照十方隨我繞經旋迴而行畢叩齒三通嚥液三過出太上王經德注

釋訣亦是陸天師所釋

存日月在已面上日色亦有紫光九芒月色黃有白光十芒日左月右去自己面九尺日之光芒直來從左鼻入月之光芒直來從右鼻入俱入洞房金華宮金華宮者從兩眉間直入五寸是也光明薄入玉枕出項後也頭

總名泥丸宮眉間入一寸為明堂宮二寸為洞房宮三寸為丹田宮四寸為流珠宮五寸為金華唯一洞房宮一曰玉帝宮宮各一寸故曰泥丸洞明鏡遂成金華仙之類是也存思畢然後誦步虛之章

按杜天師所著儀命魔法師於鬼門上望西而立都講於天門上望東而立唱各思九色圓象嚥液命魔密呪自高功而下各各存思自揚公傑定金錄儀遂著於天門上命魔今不復易因書本末各從所見而行之

命魔呪

黃中策氣斬妖察制殭精斷邪翳太上有命太上房急召北帝詣玉宮受承威令宣魔王五氣翁鬱與命衝秘藏玉文方就隆三天運明六天終贊者

杜天師曰此呪密念不得令已耳聞達之有咎慎之慎之右出五符趙明舉法師曰雖分九色止玄元始而已蓋九色自三氣為祖青黃

白是也若細分紫碧等色則繁而素止以三氣分為九氣爾

命魔說

清都法師張萬福曰天尊未說經之前諸天三界魔王為萬鬼之宗行威縱毒殘害生人天尊說經之後摩魔伏化衛道護法臣御眾魔係試修真之人方入僊品所以云敢有干試拒遏上真金鉞前戮巨天後刑又云大勲魔王保舉上仙道備克得遊行三界升入金門又云東送妖魔精斬滅六鬼鋒是也所以命魔者命諸天魔王保舉齊功察制妖鬼。步虛經云魔王敬受事故能朝諸天天魔並敬護世世受大福散花陳我願握節微魔王是也

誦經靜念訣

按杜天師讚導儀所著誦經節次至靜念如法則法師依經存思誦經臨呪然儀文中不著存思法今依陸天師圖訣錄之于編
道德經精思存神訣

太極隱注曰讀太上道德經先燒香整服禮三拜心存玄中大法師太上老君老君昔為玄中法師河上真人尹先生誦經臨呪曰

玄玄至道宗上德體洪元天真雖速妙近緣泥丸君雖速而反近緣泥丸君之官乃玉帝所遊也即關中宮室皆七

寶應牖自分明清靜常致真駕景兼紫雲日月左右照昇仙長年存七祖上生天世為道德門畢叩齒三十六通嚙液三十六過心存左青龍右白虎前朱雀後玄武坐八卦神龜三十六師子前伏頭中七星以斗杓前向

五藏五色之氣如羅文覆蓋一身三一真人立經前師也三十乘萬騎備衛左右了然分曉然後誦經

四極科曰讀誦經文當令心口相應目無他視心無他念言句周竟不得越畧天音三犯有責

太極隱注曰讀經五百言叩齒三下舌紙上下唇咽液三過使人不極也

度人經精思存神訣

經云行道之日香湯沐浴齋戒入室東向叩

齒三十二通上聞三十二天心拜三十二過閉目靜思身坐青黃白三色雲氣之中內外翳冥有青龍白虎朱雀玄武師子白鶴羅列左右日月照明洞煥室內項生圓象光映十方如此分明密呪曰云云

釋訣

叩齒心拜存三十二天於四方青龍在左白虎在右朱雀在前玄武在後白鶴師子各分列于前日月在面前九尺光照十方以鼻引氣三十二過無使耳聞訖東向誦經

南北斗經精思存神訣

向北正坐叩齒二十四通心存太上老君三天法師左右真人在上心拜三禮次存南斗六星在右北斗七星在左虔誠祈禱願意想十戒仙官及南陵使者三千人北斗七千神將左右備衛了然分明次誦經臨呪

昔在東漢末永壽改元初天師兼白鶴太上駕龍車五雲自天下仙仗來成都地神湧玉局其高可丈餘太上升玉座傳授九天書削死延生法七元總篆區延壽度人經六司皆

有符奉道修行人讀之災厄除臣今誦靈篇
將史陰相扶會當立玄功妙道證虛無

道德經玄蘊呪

歷劫天人師大聖玄元君昔於太清宮著書
五千文虞舜以至孝傳於無上尊事秘不示
世綿區無得聞周末昭王時飛天行紫雲尹
喜司函開瞻望迎颺輪西度流沙來太上果
到關乃於日中時再傳道德經義無大不包
亦無細不論臣今關真編敷釋天地根願依
至道宗家國沾殊恩

帝王保萬壽終期朝帝閣

度人經玄蘊呪

善哉元始尊昔於始青天懸珠如黍未登引
十方仙說法以度人寶章名洞玄三十二天
帝內名隱諱全三界大魔王所歌空洞篇大
梵隱語音皇人親以編高真垂拯拔傳世度
宿緣五劫開化久所度無有邊臣今東向誦
願與天齊年帝王保安鎮九祖俱升仙功滿
德就日高舉昇雲烟

生神經玄蘊呪

善哉元始尊偃息黃房宮希夷養太素空碧
練冲融飛天來稽首具陳劫運絃宜有大法
行廣度諸愚蒙天尊拯慈智玉笈開玲瓏出
示生神章敷釋九氣宗研心稽首誦所度無
終窮臣今披雲錦九遍成人功功滿德就日
秉景乘雲龍

出官精思存神

叩齒二十四通臨目謂微開兩目也先存三清在頂
道德眾尊皆會于前青龍白虎朱雀玄武在
左右前後已身長丈餘遍體作金華之色顯
門朱戶闕闕於頂上真官吏兵皆從頂門出
虎賁將軍在鼻天丁力士在肩狼吏在頸直
使在兩頰天騎在兩臂甲卒在手指察姦鈎
騎在腹三將軍在心科車赤符在臍三官僕
射在胃罡風騎置在膝驛馬上章在脛收氣
諸吏在背二十四骨社邑君青衣在前直使
功曹擎持章按一一分明然後開目啓事畢
叩齒三通嚙液三過

宣章讀太清衛說

尹真人問科經及天師問法經云天師告太

上曰見有讀太清畢讀以聞者或先讀以聞
後太清者或先讀太清字次讀以聞次臣姓
或斷後讀太清者有此不同何者為法太上
曰以聞畢次臣姓次太清次年號各去三行
此寫章不易之法也惟宣讀之時讀以聞畢
長跪執板先讀太清細字畧出聲不可高厲不
得嚙液咳嗽一氣宣讀次臣姓次年號此天
帝具法也

趙明舉法師布氣熏衛歌

三氣由來合體成元皇相好便分明箇中的
有玄无理但恐清流學不精

印章七元魁杓具形符

章中使印諸經科儀並不經見如赤松
子寶章麻廣成先生章式及金籙儀章
式亦不記載須詢訪宿德謂言吾為童
時尚見前輩臨時以朱筆作此符於章
文中其高下作北斗象蓋所以護衛章
文使之必達爾最後看廣成紫庭比陰
儀以黃絹第七元符裏卷詞文封入函
中方信宿德之言不誣也謹刊行之併

又其所以云今易為印者後來之私意也



太具部



再拜



以聞



再拜



臣姓




太清上



太清下



太歲



三將軍

印於章
函之右

六甲陰陽符二道自甲子乙丑各有一符下必以陰符陽符終之甲子為陽乙丑為陰陽主陽界陰主陰界今騰章係陽界事當用陽符而流傳多作陰符於函上用並刻二符并呪於其下




中天大聖飛天捷疾收捉陽王玉界之中下方無道之鬼付天一比獄依律定罪唐葛周將軍真武將軍




卓劍相持 陽符 中天大聖飛天捷疾收捉陰王玉界之中五方無道之鬼付天一比獄依律定罪唐葛周將軍天地水三

散形




陰符准此



收捉陽玉界之鬼至唐葛周將軍

伏章步斗圖



步斗歌

坎雙良隻步交乾震上雙行兌亦然坤隻離雙單步巽三台歸去便朝天

存章思神法孫公教師籍中具載比蓋

太上隱秘雖存諸編冊至於心法自得之妙不可言傳以孫公既以宣露且言吾徒宜祕斯文勿輕以告人茲不復錄板多泄天祕後之留意者宜求之孫本索其隱於先達云道門通教必用集卷之九

太上助國救民總真秘要序

對一

臣竊聞

太上開化運真氣以育群生正一傳宗闡明威而顯幽諫然則神章妙典雖遇時而當出元科真律實戒之於妄傳恭承仁聖在上受天寶命闡揚至道可謂至矣近又建寶錄之官於都城設傳度之壇於禁近拯濟符藥保安黎元受厚惠者日有千人向真風者十踰八九哀訪仙經補完遺闕周於海寓無不畢集繼用校讎秘藏將以刊鑄傳諸無窮俾天下洽於淳古人民教於性命可謂道然純全之運太平萬世之時也臣夙遭幸會叨居羽屬遊歷四方名山靈嶽尋訪師法三十餘年粗得衆要備其施用敢不激勵于其時者哉臣曩寓南陽遂寧以符水拯其疾苦僅及數年仕民獲効者不可勝數一旦叨承詔旨遣赴闕門繼蒙命號詰錫之寵自揣何功上報天澤臣於前歲七月被旨差入經局詳定訪遺及瓊文藏經開板符篆因得竊覽經錄殆至周遍神章寶象靡所不有獨於救世治療

符法適時可施之術殊為隱闕未有完顯備用之文臣不敢惜其所聞忘其淺陋輒以所授符法秘用口訣分為十卷名曰

太上助國救民總真秘要繕寫成編冒昧上進庶以少裨聖志搜揚道法萬分之一且獲資於後學少益見聞亦愚臣在道之至願也政和六年閏正月十五日臣妙宗謹序

太上助國救民總真秘要卷之一

洞幽法師元妙宗編

上清北極天心正法序并驅邪院請

治行用格

臣聞天心之法北極中斗之法也北極者天之中極萬象之所會北斗者天之中斗萬象之所稟故為天之心則其法本之於此也同出乎正一之宗為勅治之樞轄自昔饒君夙著陰功簡在天意神付真籙受訣紫霄嗣系逸傳其法透明之于世若乃致召福社祛息邪戾統辨陰陽之理分諫幽顯之情事靡不備法用簡要莫大於斯近世高行之士助天行化輔國救民尤尚此法其於施用功驗或鮮者蓋由傳受不該於精博學之未詳於至街道力罔周神奇難備徒榮名實反何益之於事哉臣謹將本法兼秘授口訣撫集符印步綱躡斗旁通之要盡其隱奧闡未明之旨略已見之文貴在行持曲達元妙庶於流演津利無涯矣

按律天心正法太上秘訣凡傳授須按年

限告明科典之式真靈報應之驗乃可施用不許妄授違擅科禁犯者不唯神氣不行又有幽顯考罰殃咎非輕其傳度自有典儀具於後卷學者宜以此審知耳

祈求讓詩

一國家祈求雨澤或久晴不雨或螟蝗災蟲為害人民災傷妖星照臨分野或邊寇侵境陣敵臨赴蛟龍水怪漂蕩人物傾覆舟船如此等類事無巨細並用飛奏

上天請天兵誅滅及申諸天星府五嶽四續四海九江龍神牒本屬城隍山川道路合屬地分及六丁六甲雲雷兩部須得當任掌首靈司或民庶投狀稱說某界內為某事已於某處開建道場壇席恭俊感應後當修設大醮以謝

天恩具狀保奏差來吏兵還治進爵加秩以為効信務要精誠克彰靈應若或懈慢則四司彈糾三官考錄有違天科罪當不赦

癩邪鬼祟

一治癩邪鬼祟先取本人詣實文狀據其事理合用申行去處先劄付本家司命五道土地次牒所屬州縣城隍或奏本部兵將收捉或用奏

上天建立天獄收捉鬼祟凡申發文字及差兵將先用賞設訖方給帖牒關引等付之案今奉行次給符水與病人吞佩蒙恩之後再用賞兵及修設齋醮謝天以答靈其齋醮法信量貧富豐儉為之如妻貴既家貧不能辦者師為代備之若富者蒙恩之後却性財物不修報謝有昧妄將之功即反招殃咎難以權解

山魃精怪

一山魃精是五行不正之精詐稱賢聖私通婦女起水放火拋擲磚石引弄六畜變現光怪依附生形晝夜遊走驚懼人口一切怪異先詳看狀詞情理切害者咸依上條飛奏

上天申某嶽借兵或牒本處城隍其所用法信賞一如上例

停尸復連

一斷絕傳尸復連解呪詛等並先取本人狀

詞稱為某人所患某疾本家曾於某年月日某人因此疾亡或後來又因此疾亡幾人須一一具亡過姓名或曾作其功德追薦未退即當飛奏

上天及申東嶽移牒地府給假差人押赴某處生天臺露迹顯現聽受經法當建黃籙道場幾晝夜沐浴化衣設食受戒焚龍童子傳

太上救苦真符拜奏章表立名追薦齋畢差四直使者齋券驗壇牒押亡人下地府計會功德司及生天案官吏與依例受生後賞兵訖下醮蓋法永斷後患及付符水與病人吞佩若頻夢先亡來為禍害附著人體指說事理若非外鬼當須功德薦助生界凡係同親尊長及從房骨肉為崇亦用追悼可得存亡共濟患害不與事訖謝兵一如上例其呪詛如有因此死者量力貧富合作功德拔贖訖次行申奏止絕呪詛之處干繫符廟不得舉行須管永遠斷絕

遣治瘟疫

一發遣瘟部鬼神傷寒熱病癰疽赤眼口瘡五癘寒熱狂邪瀉痢等病服藥不進祈禳不應者先取本人事狀詣實申牒劄付所屬或飛奏

上天今修醮謝罪懺雪過犯方給符水吞佩牒十二年王收攝先行毒藥毒氣不得傳染家門仍以靈符鎮斷及下醮蓋法水遠不患瘟疫仍須賞兵餞送瘟部鬼神速去事平之日醮謝

上天以答恩祐

祈請嗣息

一祈求嗣息若人婚娶多年不生男女或乳產不育或多女無男或幼年早夭蓋為六害相刑或值孤辰寡宿或先緣積惡嗣續難成凡似此類當具夫婦生年月日時飛奏

上天及申監生注生案仍申東嶽特與注一男與某人仍付符與吞佩須令預作功德及修聖像之事伺候感應蒙恩之後當

設齋醮以謝上真所賜之恩

禱謝災病

一禱災悔過連年災害困苦林枕藥食不療祈告無驗或值星曜照臨或冤邪尅害或犯土司禁忌或先緣見世業報所櫻是致上天譴責下鬼訐誣若欲祈禳皆先首悔修齋設醮拜表投詞冀聖道哀憫赦其過咎

破不正符廟

一破諸不正神廟謂非國朝祀典之神依草附木或盤泊泉池之中野怪山精侵人害物橫求血食與作疾病一切不祥之事若有狀詞投告當申東嶽飛奏

上天差天兵收擒詐亂邪神及焚毀祠宇按律治罪若私者者煙之祠有福德及一方之民者取來保鄉人等文狀

保明中奏上天乞賜還奏依治鬼律應正許今重立祠廟今人承奉廟係國家祀典之神不得曲邀祭享私受血食厭禱令人咒詛枉取生人魂魄禁閉使人入投水火自欲殘刑性命不務生理多生公訟一切疾病所作不利耗失家財

許人陳狀詳委是實申奏候報應施行若生人誤有觸犯牽及神理鑿證猥事致生災難亦許首謝不得刑害居民性命至死若有干冒雖係流仍聽求謝也

雜類邪氣等

一鬼怪雜類輒行邪氣敗壞人酒醋之類或犯禁忌家宅不寧發掘古墓伏屍為害六畜作怪生子自食蟲鼠怪鳴雌雞夜啼蛇蟻流毒入宅為害刀槍棒劍妄作聲響夜行見鬼心生恐怖鬼開閉人門戶敲打什物陳設盃器飲食使人持刀投井自縊使人或哭或歌憂愁不樂使耗散家財借人衣物放火燒宅呼人姓名鬼惡入人心腹惡夢鬼魅驚魘寐寐不寧使人多公事口舌夫妻不和產乳難生使人田蠶荒耗種蔣不豐經商虧折萬事不遂或新屋內鬼神聚集旋風入宅狐狸亂鳴大木無風倒折金鳴并溢家事器物輒自行動小兒夜啼不宜男女奴婢多走牛馬瘟疫死傷白晝鬼物見形怪聲光影千幻萬妖侵生靈

物之事卒述難窮今略舉此數例庶知法中有律制伏事無巨細皆有法度其或調理無憑涉於虛誑者不在行遣之限其蒙恩之後所用賞兵醮謝之禮並須隨力供給不可全闕科儀神明不遠在人耳目之前苟有不生信心輕毀侮黷罪延先世禍及于孫災害鋒起悔何可及

右以上錄出法中條例備此數門品貫詳明了然可解標為圖像顯於人庶凡有患請治者按行而不疑不信輕黷者講聞而知悔此則代天濟物的不可苟求於貨財彼或請命投誠切勿違慢於科律應詣當院投狀及請乞符水者並詳此知悉

太上助國救民總真秘要卷之一

太上助國救民總真秘要卷之二

對三

上清北極天心正法斗下靈文符呪

存變遣治訣

凡辟除瘟疫治危病斷傳尸瘴氣制伏狂邪

鬼神破不正符廟並先精潔焚香步綱畢

變神默以虔告上清北極大帝後便步斗

網念斗呪至破軍上念天綱大聖呪彈却

斗訣後以天丁訣直至而行次依四季殿

朝

玉皇上帝錄其因依節事情依式上奏候玉皇教旨却往某

人家指揮二神將隨後至某人家門外用

變神句呼神將同用上帝及天丁訣存帶

去人為四立功曹六丁六甲將軍雷界土

身要用訣目耳北斗七星局邪訣存北斗

星覆鎮頭上以綱網存兩手肘膊臂為一

座斗星畢後步北斗七王入門從食後步起以綱網

前指至廳上坐存已身為北極驅邪院使

服飾交赤冠魚鬚爪朱履左右存四大天王八大

金剛十二大神子丑寅卯辰巳午未申酉戌亥十二時神六丁

六甲將軍當直日時二功曹然後據事依法行持

變神訣

凡行持遣救並先變神指本師訣存為驅邪

院使天師服飾左右說次用上帝訣

變神訣念呪次遣用指上帝訣兩手俱作

叩齒三十六通次步綱如常法微祝曰

授太上法籙弟子具位謹召年神月將六甲

吏兵今日今時直符籙中神將統兵助法神

將一千兵馬直日六丁騎吏兵馬一合下來

行神布氣又叩齒七通呪曰結變神印念變神呪

吾非凡之身頭似黑雲髮如亂星左目如日

右目如月鼻如火鈴耳如金鐘上脣雨師下

脣風伯牙如劍樹十指如功曹救吾左肋岷

山君救吾右肋廬山君救吾左足左雷將軍

救吾右足右雷將軍救吾脊骨泰山君三十

六禽二十八宿並應吾身急急如律令

識法中聖像

北極五靈老君玄冠羽服煥然如望日輪中

有帝王髮髯左右侍玉女策之徐徐而侍從

如帝註明

上台真君身長一丈面黃吐黃氣散髮道裝
淺黃之衣手執玉圭乘三素玄雲頂中有黃
炁名產

中台真君身長一丈面白光吐白炁滿天下

道裝白衣執白圭乘白雲頂中有白炁名六

下台真君身長一丈面青有光芒氣如絲射

暗立青氣中道服青衣執青圭名曲

貪狼星君身長一丈二尺如曠野鬼帥披髮

面色青赤左手拄白棒右手按前

巨門星君如美婦人披纓絡戴五色花冠執

通明寶扇青衣女子侍從

祿存星君如二十美丈夫花貌披草木執敵

筆正面立

文曲星君披髮執文字騎五色雲龍預如婦

女

廉貞星君獨坐騎白龍戴七寶冠執者四人

武曲星君象頭人面仗劍披纓絡從者四人

各執戟隨從

破軍星君豬頭人面手持歡喜團披白素衣

口吐赤炁光明奪日立斗柄頭

輔星冠冕服執簡如世宰輔之服

七元星君皆道裝黃衣乘黃雲白圭頂中出

玄氣

弼星緋衣同七星長一丈執圭出五色雲氣

天剛大聖上帝封為遼羅王乃七元之領袖

身長百尺著素羅披髮左手叉腰右手仗劍

跣足丁立面紫色頂中出氣兩條一青一白

於青白中復有赤炁如絲以訣取之

真武身長百尺散髮金鏤甲胄足踏五色靈

龜又名騰蛇八卦之龜按劍立眼如雷光凡

用真武符即取氣以為功曹注入筆頭墨現

中後以斗訣書之左右執旗執共

天丁力士緋衣大袖弁冠執戟姓名民于

神將卑衣緋抹額如神人統兵仗劍助法執

戟或作將軍狀本師訣句之呪曰

北帝有將職主驅邪神通廣大利爪長牙威

動天地氣若雲霞統領吏兵驅使夜叉後擁

劍戟前走雷車威風展地走石揚砂功賞正

遺收捕精邪為禍等鬼盡底擒拏急急如律

令出將

北帝有將職主驅瘟上承聖旨下救生民德

合天地威動乾坤脚踏滄海頭戴崑崙後有

力士前擁三軍驅雷走火劍戟如雲關開人

路滄寒鬼門夜殺惡鬼日吞五瘟一切禍鬼

捉赴帝君寸斬無赦碎如微塵急急如律令

功曹戴冠朱復仗劍以本將日

土地白欄衫裹幘頭著靴身長三尺二寸以

○本

子日直符鼠頭人身黑衣持銀

丑日直符牛頭人身黃衣執如前

寅日直符虎頭人身著青持鈔鈔者戟上

卯日直符兔頭人身著青持鈔

辰日直符龍頭人身黃衣持鈔

巳日直符蛇頭人身赤衣持戟有縛

午日直符馬頭人身赤衣持戟

未日直符羊頭人身黃衣持戟

申日直符猴頭人身白衣持槍

酉日直符雞頭人身白衣持槍
戌日直符狗頭人身黃衣持槍
亥日直符猪頭人身黑衣持鑲

已上直符同撤兵勇猛鬼神帶甲持戟
天界直符焦公奴

地界直符鄭元喜

空界直符張元伯

驅邪院使張天師披白魚鬚服交泰冠足躡

朱履左手持都天大法主印右手仗三昧火

鈴北斗神劍

傳教譚先生松形鶴體戴華陽巾衣紫鶴筆

字凌虛

傳教饒先生眉目疎秀形儀長五尺餘舉止

端雅衣鶴筆華陽帽

東嶽差來補充統兵神將一員裏朝天幘頭

阜繡金花袍紅羅抹額碧玉束帶金鎖甲蒼

龍紋靴身長十二丈執鏗鋼長劍乘赤馬

擁紅繡旗主統吏兵護衛正法若遇有救應

收擒鬼賊誅伐行事乃主通傳教令明白約

束激勵部伍克敵克勝若有使令即時受事

事畢明通報應

助法神將持黃鉞斧乘白馬擁黃繡旗衣冠

甲冑等同統兵神將並齊心協志統攝吏兵

衛護法師若有救應收擒鬼賊誅伐等事皆

同謀慮通傳教令整肅兵威制勝敵敵有所

使今明作報應二主將十亞將二十兵頭部

伍五龍神五嶽主精兵一千人一規儀使二

主簿官十二曹使四直功曹一土地

亞將十員形貌不一各長一文冠帶兜鍪黃

金甲手執弓矢戈劍各五色旗乘馬二主將

驅率所部兵衆擁敵收擒誅伐聽主將擊勵

兵陣務要威猛

兵頭部伍長二十員銀兜鍪鎖甲操利器身

長九尺五寸或乘或步常佐十亞將驅策部

伍震動威猛救應勤勞務功立事

防禦五龍神祇應五人常制禦龍神防護道

法若本院有所祈禱雨澤助園利民主驅發

引龍務降時雨若本院有收擒精怪誅伐則

破蕩窟穴夷滅官廟摧裂山澤掃蕩邪精流

布旺悉治怪妖

左右震奮力士二人掌立斗獄躬親護衛

九獄主九人本院有囚禁鬼神繫勘之事各

率神兵堅固緊切不得透漏現露蹤跡聲色

形狀明使報應解獄交付主者各要執持器

杖枷械繫縛鞭扑之具

精兵一千衆各長九尺衣雜綠衣銅兜鍪鐵

甲各執器仗弓劍並五人為伍五伍為兩四

兩為一亞將所管二兩為一兵頭部伍長所

管皆以英傑勇銳猛捷收擒鬼賊制伏精怪

若鬼魅兇狂敢行抗捍則各整器械盡力誅

斬務立功勳亞將部伍長明教令無使懈慢

直壇規儀一員冠古大夫冠衣古大夫服佩

劍指笏履烏糾察將吏兵衆務令整肅常有

規儀若遇救應收擒舉覺將吏兵衆有功者

舉賞犯者無赦

兵府行司主簿一員從事四員掌握兵籍名

數凡將吏兵衆誅伐救療錄功畫過畫一申

聞機宜許置同贊長副審而行之

隨兵從事八人主隨主將掌職庶事有職備

使未有常任隨事使令通傳號令

當直年月日時使者四員以精兵協佐機宜
謹密句呼鬼神通傳號令奉受文誥進發表
章關文狀牒明通報應無輒稽遲

直壇土地一員以行司所到處土地充主管
界內鬼神本院有關告通傳教令句集搜捉

邪崇傳逆關牒行司所主隔絕克惡小人虎
狼毒蛇厭穢不祥伏尸注蒸檢察逼絕無不
叮嚀

監兵厨主吏一員掌本院飲食羞饌凡宴饗
庖饌務在精潔驅逐鼠蟻蠅蟲猫犬諸穢若
有鬼賊偷藏及有聚汗仰立顯威靈務令驚
畏職各有任故莫可闕

發功曹法呪

教某日當直功曹使者諦聽吾言吾奉

上天敕命佐天行化助國救民治病除妖剪

邪立正使汝上天為吾徑赴天曹使汝入地

為吾直往地府使汝入水為吾徑入水府三

界之內應有邪祟鬼神不問高下速就速處

收捉吾今治病除妖更莫住滯明承牒命無
輒故違稟

教奉行急急吾在壇前卓劍相待右手福四指根如地

勿在

發土地呪

天靈地靈天地交并承帖土地不得留停速
去速來吾在壇前卓劍相待

書符訣

凡書符先須告三界直符使者今關告符中
所請符中諸大聖眾願降威光灌注符筆

凡欲為人書符行法及自修真步網履斗皆
須隨陰陽日行用若不依此少驗無靈矣

陽日甲丙戊庚壬
陰日乙丁巳辛癸

凡欲書符使用斗訣三台星形逐星落筆取

炁灌注筆中

上台頂出黃炁

中台頂出白炁

下台頂出青炁

凡書符三台星用三台呪數字墨書玉皇日
月并天剛大聖字孟用朱書念天帝七星
念并黑殺大聖一併前三清敕墨書用聖字

念天蓬咒天蓬煞字用上鬼字用斗七縛七

訣語盡筆盡煞念咒各

凡書符行法先靜其心更勿雜想坐建向破

可存本師在前傳及祖師在後祖師上清大

帝有天蓬天猷三十六員大將侍衛祖師大

帝存自身為驅邪院使如天師狀戴斗前足

踏剛星後足踏魁星取日月天剛真炁入口

中後逐法盡吹之次第而取不得差亂其炁

太陽真炁火色太陰真炁銀色天剛真炁赤

色
右書符取炁並用前法
三光正炁及祝筆呪

月君七縛呪

唵嚩明囉唵囉婆娑薩訶

日君七煞呪

唵嚩明囉囉軍掣利娑訶

天剛正炁呪

天帝釋章佩帶天剛五方凶惡之鬼何不消

亡飛仙一吸萬鬼伏藏天剛大聖收入鬼心

念日月天剛咒並

祝筆呪


天剛大聖北斗尊星誅斬凶惡滅跡除形魔
王畏懼膽碎心傾救民疾苦大賜威靈治病
去禍回死作生天符到處斷絕妖精降臨真
炁聖威奉行急急如律令

三清敕訣


敕王清敕 敕上清敕 月三清敕
敕太清敕 却後存取

凡驅滅強邪猛鬼神風狂怪惡瘟疫傳尸即
用三清敕小事只依常式書之

三台星形



北斗星形



四一閉黑濁然混常持執弄于把天丁威
高一呼時碎心頃靈若道檢聽家尊聲九州
社令一一呼名殊顯凶惡靈不輯凶惡者
死惡善者生新頭靈足并碎共形鬼妖蕩盡
人道安寧法病驅邪符
則奉行急急如律令

天剛符

天剛大聖符為國樓災日月失度彗星畫出
早滂蟲蝗瘟疫流熾凶惡鬼神入境出見醜
惡怪形入人宅舍拋擲擲瓦使風放火迷惑
生人即書天剛大聖符真形存破軍星正炁
如法取而書之

凡有上件事書此符者依此法書預前一日
夜備置香花酒果供養天剛大聖并露紙筆
墨於香案前至曉可屏絕外念清靜身心依
法書篆此符餘皆做此
散形

天字式

一 玉清上帝 一 上清大帝 一 太清大帝 一 玉皇上帝

剛字式

一 天剛大聖 一 北斗尊星 一 林我凶惡 一 滅跡除形
一 魔去靈懼 一 膽碎心傾 一 救民善 一 大賜威靈
一 法病如福 一 回死作生 一 天符到處 一 斷絕妖精

降臨真炁聖威奉行急急如律令

大字式

真炁符使大逞威靈 投捉出禍 收攝附體七魂
救民疾苦斷絕邪符 滅跡除形 安寧護身去禍
永保民生眾神噴噴怒下奉行

聖字式

一 乾 一 元 一 亨 一 利 一 貞 邪不干正 一 六甲
一 空 一 季 一 名 一 五雷 一 使者 一 風伯 一 雨師
執符而行急急如律令

敕字式

一 玉清上帝 一 上清大帝 一 太清大帝 一 四大天王
一 五部大神都法主金水火土五靈尊神 一 六甲六丁將軍
一 七元尊神 一 左輔右弼星君 一 八大金剛人 九天元君
一 十方護法神 一 玉皇上帝敕

煞字式

一 北極大帝 一 秀靈神 一 玄靈神 一 天靈神 一 紫雲神
一 水官尊神 一 天煞神君 一 地煞神君 一 水煞神君
一 年煞神君 一 月煞神君 一 日煞神君 一 時煞神君
無邪無道鬼神皇天不索地府不究

鬼字式

〔天帝釋尊〕佩帶天剛一五方凶惡之鬼一何不清亡
飛仙一吸一萬鬼伏藏一天剛大聖收入鬼心符見上天
虎威軍毒星真形與天符中

聚形




三光符

散形

一天帝釋尊一佩帶天剛一五方凶惡之鬼何不清亡
飛仙一吸一萬鬼伏藏一〔開六門〕開地戶一留入門一靈見
念月君七律咒七邊取系 念日君七律咒七邊取系
天帝釋尊佩帶天剛五方凶惡之鬼何不清亡飛仙一吸萬鬼伏
藏天剛大聖收入鬼心取系

聚形



真武符

散形

〔開六門〕開地戶一留入門一靈見
念月君七律咒七邊取系 念日君七律咒七邊取系
天帝釋尊佩帶天剛五方凶惡之鬼何不清亡飛仙一吸萬鬼伏
藏天剛大聖收入鬼心取系

聚形



違符法

右真武真形護身鎮宅驅制鬼神邪魔解冤
呪詛治瘟病伏尸鬼症依存變書之想見符
使披髮跣足黑衣乘黑雲二十八宿從之呪

曰

玄武符使大逞威靈救民疾苦斷絕邪精搜
捉凶禍辟滅其形收魂附體七魄安寧護身
去禍永保長生東神懷懷救到奉行急急如
律令

次用雷公局發符閃目三度存為雷電光明

霹靂打破病人家住宅化為神仙宅金塔玉
殿人皆為神仙並無凡物

祭造法印式

昔先師所受真人北極驅邪院并都天大法
主印二面可以雷震草木用六丁六甲日至
誠焚香齋戒潔淨命匠開之却以甲子夜星
月明煥於華蓋上用糞湯二十四盞特果二
十四椽茶酒香等先具闌奏呈樣仍獻錢馬
等上驅邪院法主開印入印聖眾天丁力士
五雷使者風伯雨師六丁六甲飛符走印將
吏監印掌印尊神捧印童子印中聖眾

北極驅邪院印樣



都天大法主印樣



驅邪院印并都天大法主印各方一寸八分
以金玉為之雷震草木亦得召六丁六甲使

者結界守護置訖以紅朱傳印面上先開奏上天次申東巖及關合屬去表照會方得使

敕印呪凡祭印使印光誦之

北極神印佩帶真靈三師下降依吾旨陳神印一下福壽來臻邪魔皈正道悉長存急急如律令

開印呪

天印靈靈玉皇上帝敕行驅邪法主監印天丁力士捧行邪道聞知膽碎病人見即安寧凶逆為禍者滅慈善為福者亨急急如律令

使印呪

天帝神印印山成湖印石成途印樹樹枯印地地裂印木木折印水水絕印上徹下印外徹裏印前徹後印左徹右印邪邪止印鬼鬼滅印病病除印痛痛散破除鬼流殃墓注急自走去正神來居我處急急如律令

入印呪

天丁力士入天印猛裂邪魔化作塵急急如律令

合墨法

細墨二兩辰砂桃油柳油椿油煙各一分以少許清酒煮草茨子膠攪和之五月五日午時作之呪曰

六甲六丁神墨靈靈五老真炁北方化生玄元道本誅斬邪精人神清淨鬼妖滅形發符秦牒奉命速行急急如律令

祝硯水法

四大開明天地為常三光神水辟除不祥書符殺鬼伏吾魁雙星守護七靈通光邪神翼伏萬无混康急急如律令

朱墨筆呪

太陽俱照陰鬼當衰神朱明日光露太微我今所化萬鬼俱摧七炁成斗三炁成台三星俱照符到速追筆為神鈎墨為戈戟筆法治病萬邪俱伏急急如律令取太陽炁注其

星

磨墨法

先右轉四十九轉念十二時辰二十八宿日月貪狼至破軍次左磨七轉念魁魁魁魁魁魁魁魁記取各星真炁吹入硯中

收筆并祭法

以六丁六甲日或五月五日繫之共十二管長七寸一分用紫毫三副上應三台以甲子日夜星月分明時沐浴更衣行持燒香用表燒獻天剛大聖錢馬向華蓋上用臘茶十二十六

蓋指本師訣存六丁六甲從天門出乘黑雲下降化筆為六甲六丁神將呪曰

天丁力士六甲六丁聰明正直操惡最靈鬼神畏懼邪鬼心傾佐天行化掃蕩妖精助吾道法救護群生救下神筆速降威靈書符殺鬼滅跡除形上帝救下急急奉行

收水并祭法先用本師訣次用上帝訣二呪同使

每月天德月德日六甲六丁日及婆羅王下降日遇天雨降收入瓶中逐月華蓋上望天剛大聖天德月德五帝龍君醮祭靜心齋潔存聖眾從天門乘黑雲降下化入水中用本師訣湯茶十二盞錢馬等詞呪罷燒之先化土地一分吹化丁甲錢馬祭筆亦如之呪曰

天德月德五帝龍君上天節度破軍尊星統領神將六甲六丁神通第一威猛最靈救下

神水救度群生書符篆錄收斬妖精治病除
崇香絕其形急急如律令

化錢呪 變神為本師右
手抱伏如訣


無為法象用火為得燒化錢財雲香馥郁唯
願神仙留恩降福 第三度云大道神仙留恩
降福其錢馬文字並一畫
排定

北帝符 此諸符皆本與天心法
兼行今以附錄於此

散形

- 一 飛龍卷一 霹靂指毒毒 / 清靈靈通 / 太清境太上老君
- 一 玉皇大帝一 北極大帝一 紫微大帝一 左輔右弼均君
- 一 上元大帝一 中元大帝一 下元大帝一 上皇靈符一 中台六洋
- 一 下台曲生口 玉皇解回萬兵 / 天蓬天冲 / 七七事冲
- 一 書篆 青背青袖將 / 赤龍卷毒身及龍卷毒 / 書篆 十時神將
- 一 季高兵陽先師陰先覆 八 華蓋七星 地 余巨神靈廣武破
- 一 天師印印數 書篆 甲乙丙丁戊己庚辛壬癸 壬式六室空印相持

聚形




太上梅檀九獄符

散形

- 一 書篆 青背青袖將 / 中宮天靈 / 飛龍卷毒 / 十靈廣符
- 一 天師天靈 三三 七改將軍 六 空靈靈靈靈靈靈靈靈靈靈靈
- 一 事 子季高兵陽先師陰先覆 一 上元府將軍 一 中元府將軍
- 一 一 下元府將軍 一 乾坎震兌 一 巽離兌 一 開天符 一 開地
- 一 留人門 一 塞鬼路 一 轉六神藏 一 轉四煞沒 一 轉動天地四轉轉天關五轉邪無路六轉鬼消滅 小 天不容地 不受一切逆天無道鬼神赴陰獄中受死 一 天蓬天將從部 都山下來收無道鬼賊

聚形



凡篆此符先依式步斗取剛炁存三師中宮
旃檀大將九獄符吏當界土地里域真官正
神及其身中法錄吏兵左右圍繞三市訖默
奏曰為某人甚事仗侍香功曹通奏徑達
上帝乞降斗剛真炁助臣筆法驅邪輔正與
道合真

次存斗剛炁入筆敕筆呪

神筆靈靈與神交并神筆一下萬鬼自刑急
急急如律令 用七星印
并功曹印

九獄官呪

公 星 崔 陳 曹 馬 張 夏 侯
右九獄官收捉斷頭落角逆天無道一十
五種不正為禍鬼神赴吾陰獄中受死 天取
剛炁中
入符中

次念旃檀神王呪

唵縛藥又炎奢炎奢那闍炎舍耶毗奢來也
哆囉哆囉旃荼旃荼摩竭虎竭萬來耶敕救
救勒勒勒朴勒朴旃持呪持呪呼鉢連嚩訶


次念七星呪

北斗七星吾召汝名凶神伏尸土鬼潛形八
旺隨吾所行吏兵速出護吾之身急急如律
令

次念天蓬呪

天蓬天蓬九元煞童五丁都司高刁北第七
政八靈太上浩凶長願巨獸手把帝鍾素意
三乘嚴駕靈龍威劍神王斬邪滅蹤紫炁乘
天丹霞赫衝吞魔食鬼橫身飲風蒼舌綠齒

色真炁下灌符筆一炁書之掛於房閣之中
其孕婦未當臨產之時勿得令見蓋恐動胎
耳符樣



若催生以三寸方圓紙書符存見四溟使者
裏拳脚撲頭單巾抹額著緋大袖之衣布列
然鬼雷電火車以符自咬定默咒七遍咒曰
天地合 日月合 人鬼合念一炁
次存符兵雷電火車與符入腹中以新汲水
吞下男左女右手中捏出

許真君咒水治病咒

南招搖北玄武東老君西白虎天上翁地下
母五方神水啓錄降臨敕先誦過咒一萬遍
每用時只咒七遍
凡咒先握雷公局一炁念三七遍取五方炁
并天剛炁灌入水中如遇一切病患可施此
術施布大功更以三光符同用甚妙

雷公局

仰左手合右手以左手第四指鈎右手第三
指右手第二指壓左手第四指左手第三指

鈎右手第四指左手第五指背壓右手第四
指背中節右手第五指鈎左手第五指左手
大指掐左手第二指中節右手大指掐子文

太上助國救民總真秘要卷之二

太上助國救民總真秘要卷之三

洞山法師元妙宗編

祛除勞瘵來病符訣并天蓬誠邪真法

治勞瘵說文

夫屍蟲傳症之患始自瘵疾而起於嗜慾嗜
慾不已而至喪逆然雖早歿其如天限未盡
而皆為枉天冥司未有拘管未受輪回是以
魂爽滯留無由超脫遂化為陰邪之氣傳染
骨肉大率無他欲依托生炁而已其蟲食人
精血枯悴以至於五臟傳遍而流症不已往
往舉族由此傾陷益可傷痛其病之甚藥餌
不能療鍼灸不能及假使桑公在世華他再
生則曷能起之也惜乎生民非辜枉遭陷溺
由是上天哀憫而道法出焉經云其疾日月
高淺關節未過者可以治之如已過關節者
治弗痊遇治符法則絕後來之患應救度須
令病家縷細具狀述患人從初得疾日月處
所因依及亡者入夢勾連邪鬼妖怪之事凡
欲行持惟在誠恪所有科法供獻誓真諸炁
之儀量力厚薄隨分等降出之若貧寒之家


或法師出備自富之家宜按科法以備醮禮
上答天恩行法之師切戒貪為己用所得科
物一以充香火焚誦之用二則濟山林寒棲
塵世窮困之人但合規儀亦不可鄙惜財貨
輕慢秘術泄贖

上聖則招謫責條憲昭昭誠可慎之今以經
驗衆符備列于左



斷尸症日吞符 卷內符并衆形並米書

殺傳症之蟲滅屍鬼符



右符笈單用淨素合盛以淨水安在病人前
將符列令一人持符投在水中不令動著七
日內符沈則症鬼疰蟲自死病頓愈矣若符
不沈而浮者其瘳遲安神驗不傳非人

太上紫庭符

凡書紫庭符先燒香步剛斗呪所患事理存

見五方金木水火土五真君在案前各出身
光化炁入現中變現為黑龍地墨為戈戟筆
為神劔然後磨墨四十九轉左磨之點念入
現次右磨四十九轉將七星名八卦神君吹
現中次想現中光明奪日然後指玉皇訣呪

筆曰


天圓地方六律九章神筆一下萬鬼消亡急
急如律令

呪筆則卓筆三卓或畫三畫於案上而書符
謂陰日則畫陽日則卓也

散形

- 一 燕隄成 二 儀交泰 三 永 三 文 四 金 五 木
- 天圓於天門上起筆 口 地方自地土起筆 一 實 一 實
- 六丁居左 • 白虎居右 • 天左 • 斬身符 • 辟除傳信
- 一 筆畫天動云轉天地明三轉三轉軍四轉四轉天五轉五轉助神

聚形



右於列紙上書此符同前第一斷症日吞符
一處燒服如欲服者先灑掃一淨室男左女
右置燈一盞備油半銚子至夜靜將符於針
頭上穿定燒作灰於淨盞中焚香祝病人姓
氏生月年紀并得患因依所告符中真聖次
以法水同符灰一處調吞之今病人面向本
命方坐不得言語令一二人相伴須臾患者
或似夢寐中見鬼物來辭別當問姓氏或只
見蟲自身中即速捉蟲內油銚中煎之送長
流水中永絕傳染矣

咒水治勞法 雜病通用

太一之水祖且良舉水入口續神光大腸涉
瀝至膀胱蕩滌五臟入胞腹百病除愈邪鬼
亡上合天地體輕強急急如律令
右呪水朝向太陽夜望剛星默念七遍吸炁
吹入水中調符追蟲用之患人蟲出後每日
早晚須服三光弄五雷等符取下五臟中積
聚惡物過一月後一向平復亦常戒喜怒嗜
慾及諸生冷油膩之物尤妙矣

五雷靈符

臣妙宗昔年過人常授五雷等符二十餘年治救危篤疾患及婦人鬼胎鬼胎腹中癖塊橫生死胎一切邪病活全困苦者不可勝紀伏遇

聖上奉道祕法不敢隱藏謹編類之於此流傳後學慎宜寶之耳


散形

一開天門一閉地戶一留人門一塞鬼路一穿鬼心一破鬼肚

一轉雷又動二轉符靈登三轉動天地四轉回聖人五轉五微劫六轉為病滅七轉七星位八轉分精

聚形

病在心 上出筆向上
病在 心下 出筆向下
通目見鬼神符



右符以未行持前書此三道欲行持或照時吞一五行持或照罷吞二道先念咒七過然

後吞之縱未見形亦能聞鬼音響也咒曰
日是吾父月是吾母五星是吾兄吾行神符
攝收鬼神急急如律令
又符



此符收醮之後於燈下用朱書紙上燒為灰置水枕中用洗眼令靜立見鬼神以水洗耳則聞鬼神言語若被鬼神所害先用此符大驗勝矣

用咒 同前

陰符 應符下可書陽日書
陽符陰日書陰符

散形

中官大靈 飛仙 搜疾 陰微散界木神靈靈方靈藥
折足不正無道靈靈通吐

聚形



陽符

散形

中官大靈 飛仙 搜疾 陽微散界木神靈靈方靈藥
折足不正無道靈靈通吐



散形

山天黃神 尸 天地水官 太上老君 中黃老君
十書表金萬三三三 陰靈靈靈靈靈 三三三 日月星辰祭見

三三三 天宿祭鬼三三 祭鬼靈靈三三 祭鬼靈靈三三 祭鬼靈靈三三
祭鬼靈靈三三 祭鬼靈靈三三 祭鬼靈靈三三 祭鬼靈靈三三

聚形



火鈴符

散形

一靈寶天華 一太上老君 八官 合靈神曰 奉龍曰 右鬼
曰 前朱雀曰 後玄武 上九層將軍 中元萬將軍 下九層將軍

聚形

凡書火鈴符存變身火以至滿室如給與人亦想火光而前去臨燒灰法水調下或戴此符除一切邪祟用之書符呪曰

太上火鈴炎帝之精光霞掣雷明耀三清流
火萬里鬼賊滅形神印一著灰滅邪精三五
將軍豁落更兵平天戾地誅鬼不停飛符走
印頭戴五星擲火前殺萬鬼十精六天故炁
付與天丁五靈真老是吾本師無礙神通萬
靈同歸惡鬼絕滅不祥者追中皇九道威布
四維伏匿故炁不遺纖微五瘟七疰吾能殺
之何神敢逆何鬼敢窺都戮形此斗斬死
神印鑱下萬鬼消瘴急急如律令


北帝符

散形

一 上元將軍 一 中元將軍 一 下元將軍 一 金水火土
一 魁一 地一 爐一 地一 魁一 地一 魁一 地一
。角各書符。北帝將軍。水書。北帝將軍。北帝將軍。北帝將軍。
一 開八門 一 開地戶 一 留入門 一 塞鬼路

一 穿九牛 破鬼肚

聚形



凡篆北帝符以庚申甲子夜西北燒香畢
取剛黑書之即誦呪曰

天圓地方六律九章符筆一下萬鬼消亡急

急如律令誦呪七遍可呪曰

黃元六甲萬神遣靈精氣輔我神仙佐形急

急如律令

誦說以未書但一切邪惡傷寒鬼炁胎小
兒驚啼以桃柳心煎法水燒符成灰以法水
調下臨卧服之凡給符與人即念北帝通神
呪曰

深底帝塗酥又阿若密帝烏都又深者又波
賴牽又耶彌若又烏都又勾羅帝邪麼又

瀝血符

散形

一 寫真一 香一 地管一 香一 香一 香一
一 石白虎 一 開八門 一 開地戶 一 留入門 一 塞鬼路

山 玉清大帝 上清大帝 太清大帝 北極帝 復帝 仰天仙果

口 蓬萊帝師 天鼓對帝 胡皇保德真君 真武靈應真君

一 布機保一 聖至挂一 制鬼心一 破鬼胆一 折鬼足一 元交卷

一 筆行是打靈位神咒 一 咒鬼 一 咒鬼 一 咒鬼 一 咒鬼 一 咒鬼

一 速魔神咒 一 然 一 然 一 然 一 然 一 然 一 然 一 然 一 然

一 轉六神藏符 一 轉六神藏符 一 轉六神藏符 一 轉六神藏符

六轉山及元善此切無道鬼神正炁住邪炁

聚形



大火鈴符

散形

一 東抄子交 一 西備那反 一 開八門 一 開地戶
一 留入門 一 塞鬼路 一 留入門 一 塞鬼路

一 北極大帝 一 元善君 一 郭順夫 一 五雷 一 六洞 一 萬鬼 一 天

聚形



凡書大火鈴符先如前法行持步七星網指
 玉皇訣存想各方大火炎炎下灌朱筆硯中
 成符安在為怪處鎮之主驗矣

鐵扇千符

舉意如見太陽左手捻功曹印步乾元網然

後想書案為壇紙為帛練墨為百藥筆為利
 刀取北斗七星各色真炁吹入硯中然後磨
 墨左磨十二轉用十二月將右磨十二轉用
 十二時神共二十四轉應二十四炁咒筆書
 符呪曰

天圓地方六律九章神筆一下萬鬼消亡急
 念如律令

散形

一開天門 一開地戶 一留人門 一蓋鬼路 一穿鬼心

一破鬼社 一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

聚形



又呪曰

太上神刀殺震動三千界法水流人心萬病
 自然差陶賓奴是汝之父畢楊奴是汝之母
 速作速作汝若不作吾差天兵到來伐汝祖
 父虛遭六塵魁胎魁胎魁胎魁胎急急奉
 上帝敕

追魂靈符

散形

一開天門 一開地戶 一留人門 一蓋鬼路 一穿鬼心

一破鬼社 一破鬼障 一破鬼宅 一破鬼門 一破鬼路 一破鬼心

聚形



黑殺靈符

散形

一開天門 一開地戶 一留人門 一蓋鬼路 一穿鬼心

一破鬼社 一破鬼障 一破鬼宅 一破鬼門 一破鬼路 一破鬼心


聚形

一破鬼障 一破鬼宅 一破鬼門 一破鬼路 一破鬼心

呪曰

黑殺靈符鎮宅安龍驅遣五瘟七疰行病之
 鬼新死故亡唯雄注射傳屍復連山墮泉石
 何草附木應有一切不道鬼神閑殃虛耗准
 太上符到速去他方急急知律令

催生符



每道收東方太陽炁吹入指龍訣從寅上點
 至申落至戌挑申即是也呪曰
 日出靈光遍照十方交纓合富上合太陽變
 女為男女即邊強百神安穩壽命延長監生
 在前司命在後手把符出速生速生急急如
 帝君律令

散形

一開天門 一開地戶 一留人門 一蓋鬼路 一穿鬼心

一破鬼社 一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

一破鬼障 一破鬼宅 一破鬼門 一破鬼路 一破鬼心

一開符一開地戶一開人門一塞鬼一守惡
一破鬼 鬼鬼鬼鬼鬼鬼鬼

聚形

書符畢文咒曰

吾今救汝身立為監生重為吾傳符到子母
速分離急急如上帝敕咒筆發符想來人為
人接符用左右手知男女如吞符時用順
流水面北吞之發符時用當公訣發之

火輪符於火日午時集如不能
便得火日但用陽日

變神為天師左手結金槍印面向太陽念無
量無定極真君向日以金槍寫火字一箇念
南方火德炎感真君又寫一火字念萬應赤
帝真君又寫一火字又念三真君一遍鼻引
日中三道火炁來在心中

散形

一乾坎 一艮震 一巽兌 一坤九

念真君 念真君 念真君 念真君
每字念輪轉百

聚形

以緋紙朱書發符亦念三真君存太陽并南

方火炁炎炎下注符中

天蓬救治法

按天蓬神即北帝下將也經云天蓬本形是
北斗第九星也即金眉老君化身伏魔護
眾生無問男女悉可奉之常以月五及二十

五日是天蓬大聖下日此日即以清水一椀
劔一口香一盞茶一張如法焚香白膠亦得
煎栢湯餅麩百花五果隨意供養若三元日

即繫七星燈壇養花果供養
若是行禁之時先須捏固眼目存神叩齒鳴

天鼓三通當臨目存思五藏五炁變為五神
左青龍右白虎前朱雀後玄武頭中七星足

下麒麟三台之形天剛所向三歷鬼道結伏
魔印破邪鬼矣若啓請之時先存左日右月

北極大帝玄冠羽服七星真君朱衣赤憤次
存北斗十中真人玉女三元將吏從空玄之

中騰空身形次存天蓬金頭大聖四面八手
身長五十大著金甲手持劔戰帝鍾神印兵

三十萬騎雷師電師仙童玉女羽仗赫然各
持金劔從空降臨前後訖然後焚香啓請欲

念天蓬神咒先中齒三十六通次掐天蓬交

鬼目目在左手手中指第二節上掐訖咒曰

天蓬天蓬九元龍童五丁都司高刀北翁七
政八靈太上浩山長願巨獸手把帝鍾素乘
三乘嚴駕變龍威劔神王斬邪滅蹤紫氣乘

天丹霞赫衝吞魔食鬼橫身飲風吞舌綠齒
四目老翁天丁力士威南禦山天駟激辰威

北銜鋒三十萬兵衛我九重辟尸千里祛却
不祥敢有小鬼欲來見狀鏗天大斧斬鬼五

形炎帝烈血北斗然骨四明破骸天獸滅類
神刀一下萬鬼自潰

言殺字日常持念不須念殺字恐有所傷鬼
神念萬遍功成矣凡誦此咒四言一隊齒以

為常節此是修真之科若晝夜而誦不必一
隊齒若有鬼難依法端坐一依四言一隊

齒或先唸七隊誦之三遍更唸七隊陳懇心
願為崇之鬼皆眼暗首爛而身死此咒北帝

秘之
若世人得此咒法常能行之制御諸惡添神
益祿延年却禍度厄攘災救護生人無有枉

橫男女長幼可以行之修誦者當須傾心事
一不得雜事諸法邪術並安同室此皆六天
惡神贖犯靈直或笑誦神呪以似常文天蓬
作怨能令人癡狂自投水火考延墳墓壘流
一門殃咎七祖不可不慎勿輕真秘矣

天蓬追鬼法并符

凡有人來請法師先取來人炁三通足下步
斗起至斗口後點丑地斗至上發存斗口
蓋頭存斗杓指前出門存一天官下今先去
却從辰上發天兵戌上發地兵後行三十六
步次發一斗發五嶽并三光等兵馬將兵兼
發城隍土地橋梁五道後到惠家門裏用小
功曹局一道次用立牙歷毒印點于午斗如
追鬼神不至即發密存黑海用鑿鐵鼓印存
臺按為神龍又先存天地水三官次城隍土
地後發五嶽府君等兵馬搜捕書符時先取
天剛炁伏在心上化身為天蓬大將嚴駕乘
龍在左六甲六丁神在右并六大直符使祇
候相筆為劍紙為鐵板磨墨念天蓬呪王遍
每遇念畢取天剛炁一口吹入墨內畢後書

符筆畫方成符

徽形

二上元將軍 三中元將軍 三下元將軍 天蓬大將長釘龍
三委身事 不龍客不老 聖聖人 大將橫劍
此法長與神炁為神鬼
女不去者符吾地剛之下死脫



聚形

天蓬三十六將符口訣并序

大唐時麻姑山甘麻姑於此山符中有一人
姓鄧名紫陽修修道典於此山中修鄧都之
術在此山洞之中五載矣日夜修持略無懈
怠誦天蓬神呪無時暫捨時遇上元之夜天
色晏然月明如晝紫陽焚香啓奏願降真靈
依前誦念忽天降一書素絹黑文光明數道
飛入室中暫然不見紫陽嗟嘆莫測徑際遂
定意於磐石之坐瞑目之間如寐見一神人
帶甲仗劍告紫陽曰吾是北天六丁使者奉

上帝敕賜爾黑篆神符三十六道內有二字
禁其施用備載於此也

天蓬三十六符今鮮有行者世雖有文然見
其多是三十六單字亦不得其秘文合形之
妙訣臣昔授此文並有合形特異於世之有
之者施而用之殊顯靈効謹具于錄



天蓬



九元

此是天蓬大元帥真符想北斗第五星降青
色真炁注符筆可以誅符破廟禁錄一切凶
猛鬼神伏藏連屍妖精怪異雌雄之病若但
至誠存想書符吞帶千鬼萬怪見者滅形耳
此是天殺大將軍存想北斗第六星降黑色
真炁注筆成符去除邪魔痲疾痲瘋狂風走者
書此符吞帶即去除邪鬼魍魎逃遁遠離

五丁 都司

此是六丁大神將存北斗第五星紫色真炁
注筆成符可以制伏癘鬼五癩之病但書符
吞帶其病立差



高刀
北翁

此是北斗七元想北斗第七星黃色真炁注
筆成符欲見王侯尊官但書帶之貴人見無
不欽愛也




七政
八靈

此是三殺大將軍存北斗第四星青色真炁
注筆成符止五瘟瘴癘及赤眼頭疼等但書
符吞貼即獲大驗矣



太上
浩山

此是太上浩凶神將存北斗赤色真炁注筆
成符軍陣鬪敵但書帶佩即有強兵戰勝之
力自在驅役邪魔鬼神攝錄山精妖魅




長願
巨歌

此是海龍王收攝三精鬼神存見北斗第四
星赤色真炁注筆成符制伏虎狼蛇蟲蜂蝎
一切毒蟲螫咬疼痛膿血者但書損處貼吞
立差




手把
帝鐘

此是五嶽大神將存見北斗第二星黃色真
炁注筆成符不計官私佩者大吉



素東
三乘



此是三千大魔八景大神將存想北斗第三
星黃色真炁注筆成符佩者不被惡魔惱亂
惡心向者悉皆歸順不能加害返當胎谷寬
橫水消干試不犯也



嚴駕
變龍

此神常在
王皇上帝處使之凡間不得驅策同用之返

為殃害



成勿
神王

此是威南大神存北斗第五星青色真炁注
筆成符可以制客死之鬼兼伏尸若與人為
患者但書此符吞貼其鬼祟忤者見符當走
十里潛形



斬邪
滅醜

此是常在

上帝玉皇前使用下方不得驅策返招殃禍



紫炁
乘天

此是北帝鎮錄神王存北斗第五星白色真
炁注筆成符欲求官祿事無不應若佩之無
惡夢令人形神皆安元氣鎮體疾惡不侵長
保利貞也



丹霞
赫衛

此是玄都大神將想北斗第七星紫色真炁

注筆成符但書佩帶可以破散盜賊入行惡心返歸善矣




此是黑殺大神將想北斗第七星黑色真炁

注筆成符可以縛賊禁船辟除顛魔及除埋葬故墓伏尸之鬼男殍女殍凶惡之鬼




橫身 欬風

此是二十四大神將存想北斗第五星白色真炁注筆成符可以破樹木精魅石精鬼怪但書符貼鎮皆不敢為患悉皆敗藏



蒼舌 綠齒


此是日月大神王想北斗第二星紫色真炁注筆成符可以辟除官私口舌一切橫禍並可消弭也



四目 老翁


此是四目老翁大神王領百萬眾想北斗第

六星赤色真炁注筆成符可以療諸邪鬼胎癥瘕痲痺之炁及一切腫膿疼痛書之吞貼立効矣




天丁 力士

此是天丁大神將想北斗第六星真炁注筆成符可以制伏凶魔遍身邪炁疼痛頭昏書之吞貼立有神驗



威南 禦凶

此是上清威南大神將想北斗第七星黃色真炁注筆成符可以伏百鬼令男女孝順



天騶 激灰


存天騶大神怒目震睛想北斗第三星紫色真炁注筆成符可以呼五嶽之神收捉邪鬼祛攝妖氛也



威北 銜鋒

此是威北之神可想從北斗下降次存北斗

第八火車之炁注筆成符治小兒邪炁之疾吞服佩帶護身大吉



三十 萬兵

此是三十萬大神將兵士皆隨從天蓬大元帥左右侍衛可以賓伏萬魔東行惡意相向但書帶佩之無患




衛我 九重

此是北極帝君想北斗第七星黃色真炁注筆成符請廟靈神親佩符者悉皆避之若度虛危險厄切宜佩之



辟尸 千里


此是太玄殺大神將想北斗內赤色真炁注筆成符可以除滅疫癘若夜行佩之去除恐怖鎮衛神魂也



祛却 不祥

此是天丁吏大神將想北斗第六星黃色真

炁注筆成符可以破除男女不祥之鬼并竈井之神宅神作諸禍患帶貼立免矣



致有小鬼

此是五帝之兵存月中光炁直注筆中成符隨炁書之可以療百蟲毒所傷及瘡癩等但書在水枕中用水洗之瘡疥即差



欲來見狀

此是三洞六宮真君想北斗第六星黃色真炁注筆成符辟除心腹脹滿鬼炁胎氣促疼痛宿食不消



雙天大芥

此是天蓬大元帥手下持金斧斬殺諸惡鬼神想北斗第二星青色真炁注筆成符可除骨節疼痛



新鬼玉形

此是北帝狼戾大神將想月華真炁注筆成

符可以斬殺萬怪千精并一切惡夢書之吞貼立差



炎帝烈血

此是四明炎帝南方乘車而來日真炁注筆成符可以療積年腫瘡蟲蛆惡毒蜂螫所害顯廢疾滿湯火所傷打折撲損吞貼立差




北斗然骨

此是北極大帝使者用火燒百鬼骸骨存北斗第五星黑色真炁注筆成符若被呪詛及毒藥傷害但書符吞佩其藥毒立吐出呪詛消散




四明破骸

此是四明功曹使者存北斗第二星青色真炁注筆成符可以辟除蝗蟲鼠耗等如有此災書符貼於竹竿上蟲鼠立絕




天獸滅類

此是天獸大神將存北斗第五星青色炁注筆成符可追捉虛空飛走鬼神及飛鳥作怪書符鎮之立滅



神力一下

此是大黑殺神將存北斗赤炁注筆成符辟除五兵萬鬼古廟之神書而鎮之走散遠離本廟如當歸伏即有報應



萬鬼自潰

此是三十六將舉戈齊征千萬重又存太微黑殺真炁注筆成符可以禁制不從我者萬種鬼神及妖怪皆悉敗散

諸學道之士若遇此聖文真法直須仰重志依此迷字存想真炁書之即通靈聖大有

神驗密用修之勿得輕慢不許妄示非道之流恐生輕易貽於損害之禍矣

太上助國救民總真秘要卷之三

太上助國救民總真秘要卷之四 對四

上清隱書骨髓靈文上

骨髓靈文唐葉法善天師所傳出自漢正一天師之遺法也功驗神奇莫可擬測舊


以九符常用傳授其餘隱秘莫不聞見臣昔於九符之外復得十符謹續本文之次別成中卷稍闡元綱以廣妙用也其於條律自如舊本載之于後云耳

火鈴驍將飛捷符 卷內乘形符除陰符黑書外餘並朱書

散形

上清上帝 樓閣天門 天圓地方置書卷壹符則卷陰若陽卷左轉

唐宏 〇 萬班 〇 周武



金木水火周 貴書三交禮皇太一延官 天列宿星君 飛符使地天翻地裏火雲



乘天製劔逆烈風雷上張天羅下方地網今日 直符太清三天三官使者赴某處使捉邪鬼

聚形




太乙奔星收邪符

散形




金木水火周 精靈靈靈 六甲六丁三 隨音奉行 官四將入

嚴寫髮龍 卍 練靈動靈 卍 奉鬼靈靈靈靈



右白虎從紫 紫白氣 三子載 吾唱出

聚形



右此二符欲書先望天剛在何位並用黃絹

陽日墨書陽日朱書步天星取天剛氣左手

結紫微印右手擎符呪曰

天剛七星三天神兵翻天撼地兵三天大魔

王玉清侍御飛符使者從天降下從吾太上

真符今日今時隨此神符赴某處家何事追

捉邪鬼今日功曹直符北帝斬鬼吏兵等侍

吾左右用引一道 執符從天門上步斗至天

魁上地戶上步到天剛覆身再入魁上面魁

燒符為灰叩齒七遍又念前呪左手握符灰

右手仗劔倒移三步至網上立喝符使功曹往某處不得住滯以氣吹劔一指所往方上然後以水巽之此法可達天門五嶽四瀆江河淮濟無所不通可用一丈二尺黃絹書常用不必也凡用須如法大驗無術可加故此二符為首

撼山符

散形


此符為地此符為月星書夜三書皆書

春雷夏雷秋雷冬雷 飛龍老君移星 翻天撼地奔萬

夜盡盡盡 有降乘飛雲 筆指出動 筆書得道

出東不極長谷佛佛何物書不得噴 思思思思思思思

聚形



大鎖龍符


散形

天尊帝敕 五皇上帝敕 五雷飛符 一一天地水三官

明日太陽日月陰君 三天安更兵 三天雷火符


一條鐵柱李全受受子
謹護神位係水飲此死

鐵柱文加嚴實火車牌
龍教龍吐水復強海



鐵騎奔衝鐵海傳符者形不全上帝教流金火鈴天
力天丁可付水帝承上文何敢不從今日布悉九道蓋蓋

聚形




右此上二符書當於月建上步斗綱然後看
天剛在何處取氣閉息氣逆行舌柱上勝捻
手中中指中節不得離於斗口上書符捻訣
目祝曰

行上清無極大道法主其謹召水官地官某
界土地官像道使河侯山祇某處某事吾謹
敕此符閉逐三江注游五海地界水界中或
有妖怪潛越水府不時興作殘害下民吾使
丁亥丁丑甲戌甲申神將統馮天撼地兵隨
此神符一下乃定一依吾告指揮叩齒二十
四通下筆便書撤山符以緋絹一丈二尺書
此符時高叱於某山山當振動鬼神奔走知

鎮龍神怪異以鐵板一尺二寸書篆鎖龍符
安岸壁上則物不能過如投入湖潭龍怪衝
符者死


上清飛暴捉神符

散形 三台星用三台
况在第二卷



右腹月陰日先書者
左腹日陽先書者
左腹日陰先書者
右腹日陰先書者
左腹日陰先書者
右腹日陰先書者
左腹日陰先書者
右腹日陰先書者
左腹日陰先書者
右腹日陰先書者

聚形




右書此符先自本命上起斗變神為上清法
師再於斗口內返步至剛用白絹一丈二尺
朱書取剛炁存入朱筆中指第一節烈
火燒香祝奏請

三天門下三師及兵吏九天大統兵太一真
官日月真境平天大魔王天丁力士六甲布
陣使五雷君雲中飛符捷疾使速速急急從

天門降下從地湧出上張天羅下布地網炎
雷火車風威刮地隨此神符速赴某處收捉
為禍之鬼或妖精之類當見吾前無令住滯
急急如律令

書符時先咒三通發符時咒一遍此符與火
鈴飛捷符一法用之

散形 陽符




太陽君某
日五符
陽君某神念應應應
應應應此字指日君於
清微人為林
天大赤天

聚形



飛雷時受雨
炁六丁符筆行
一解神威神回救以神動也應也神
轉何聲轉立陽威威一切不祥之鬼

散形 陰符



太陰君某日直符生子
八宿南斗散重隨者筆行
右轉七轉日月君訣
應應應應應應應
應應應應應應應
應應應應應應應
應應應應應應應

陰重散天
再動靈靈解動星光輝動靈靈日再動鬼神起者筆死

聚形



右此一符分陰陽日假令甲子日為陽日用陽符使乙丑日為陰日用陰符可滅萬怪仍


依法步斗戴剛陽日未書陰日墨書凡磨未墨陰日取月氣陽日取日氣呪曰

天道魁張使陰驅陽陰陽真炁赴吾魁剛吾符一著萬鬼潛藏發符陽日指日君訣念日

君名字七遍陰日指月君訣念月君名字七遍存真炁灌注神符驅逐鬼邪精符貼鑑

面上鬼神悉滅形矣

上清倒海致雨符



源公尸行九江九河此八字書在符脚下

右此一符欲書致雨先行聞奏及九江水帝就近河源泉穴若天時有雨即自陰靈報應

若天時無雨即指射河潭湖之類列其事

由飛奏

祖師上清大帝

昊天玉皇上帝伏乞特降

敕命指揮某處河源官吏伺候投符立便拯

救施雨布散某處封部取足某尺為定伏乞

九臣所奏施行仍申天地水三官牒雷雨電

部天丁力士行兩龍王風伯雨師且速奏聞

兼劄子付某處指揮有水去處分明開坐伺

候投符證驗立便施行仍建道場三日或建

五日關奏了當於人退後取朱砂一兩隨日

研細淨筆一管鐵葉一片長一尺二寸闊四

寸依法步綱取炁了返斗倒行立月建上便

朱書不得添減書訖以黃絹封之用都天法

主印印之具全銜位押字不出名又別寫引

一遣掐天丁訣念變神呪訖句天丁力士來

吾為某處久愆雨澤已具奏聞今指定某處

湖潭如列有逆定今下雨今乃差汝隨符投

落某處急使計會行兩龍部眾取某日時降

雨施布不得住滯書符訖面讀指揮罷投於

水中莫不應時雷雨張布其行違不得差誤

文字並用都天法主印印之

上清大力縛龍符

散形

巽漢天馬草龍山 巽巽山之元雷其所步

左方天子漢案餘錄集錄四海左元無何君高餘之老


沸騰之元君復發靈助身君步力天丁右騎吏

乾坎震巽其高坤兌善備字時念天管是吾使地管是吾使水

官是吾使九江河是吾使數法元煉水潔淨雷水不取天

時散書物命方錄決于甲錄決是欲不愛縛天丁割汝服

聚形



右此一符用栢木或鐵板長一尺二寸亦先

變神請召符中官君直符三官具陳某事安

排朱砂淨筆立在天門望斗步綱返倒兩次

入斗口中下筆便書仍須閉氣書符分付與

天丁力士掐天丁訣句具某事欲往某處江

河潭湖之內句當某事或驅或縛發符了便

奏
祖師上清大帝

吳天玉皇上帝依臣所行須奏狀開說分明
不得錯誤就便劄付所行遣河海官吏及牒
九江水帝具說事體訖再步斗呼召天丁捧
文字發符彈訣目如是發符仍須念令人奔
走恐雷聲海水驚人也

識符使形狀法

飛捷符使頂冠騎龍仗劍金甲著緋衣使入
病家及驅遣鬼邪除去伏屍也

收邪符使披髮仗劍著皂衣甲可使入水府

泉源遣禍逐鬼若貼人本命上則夜間趕人
精神也

鎖龍符使三目披髮銀甲乘金翅鳥朱雀之
氣可使鎖斷水妖水怪伏蟄蛟龍魚怪之類
置符之處水怪等並不敢衝犯

撼山符使四目八手騎火龍乘黑雲從官將
吏兵三千人可使穿地撼山五嶽大山風雨
摧折不可妄用此符

捉神符使披髮帶金甲自有火光手把斬妖
劍乘火雲走如飛雷可使捉鬼神石銅山精

莫不裂碎

陰符使裏懷頭仗劍著皂繡衣乘符魄隨逐

兵吏驅斷鬼怪莫不盡滅

陽符使裏懷頭仗劍著紫繡衣乘符魂隨逐

兵吏斷諸驚怪魘魅立便消除作兩像兼此

乃天之告命之文天之真信三光之靈文也

縛龍符使此一符乃太一元君鐵索鎖怪之

祕文者也用之看下文不可妄傳此符也

太上助國救民總真祕要卷之四

太上助國救民總真祕要卷之五

對五
洞山法師元步中編

上清隱書骨髓靈文中

五獄符

五獄符者用金木水火土五行之炁以結獄

禁攝邪崇姦惡鬼靈各隨時之旺相所主而

書符建獄可以考驅微應也

土獄符



朱書黃炁元
以釘釘於微
內然後布灰

凡作土獄書此符先想見符使緋抹額口中
朱衣執鐵棒自空而降次存筆為黃龍口吐
光炁而成其符欲下筆先念咒七遍又念土
星名七遍而書符臨煞筆又念土星名三遍

念三縛字七遍呪曰

養俱羅鉢辣那夜野大陀阿華帝靈帝帝虎
羅耳呀提唵伊醯婁醯然煞婆訶取土星名

軍吒利此是土星名諱三縛書符煞筆念此二字

木獄符



朱書青紙上
置於獄內然
後布灰

凡作木獄符存歲星自東而來降下化為青
炁灌頂中而入後想自己頂星冠著青衣朱

履左手執青圭右手書符想筆作青龍口吐


光炁而成符欲下筆先念咒七遍

太上治書此字念太上七統書此字念七統星書此字念星救書此字念救炁書此字念炁吹書此字念吹各書此字念各七書此字念七通書此字念通急書此字念急召書此字念召此書此字念此

鬼書此字念鬼熱書此字念熱時書此字念時便書此字念便取書此字念取天書此字念天剛書此字念剛炁書此字念炁吹書此字念吹各書此字念各七書此字念七通書此字念通急書此字念急召書此字念召此書此字念此

東方青靈神炁攝取炁吹

火獄符



墨書此符青
紙上置於獄
內然後布灰

凡作火獄符先存南方真火之炁自南方而

來如練入眼中灌注遍身火發光燄又想身

成三頭四臂後想筆為火龍口吐光炁而成

符欲下筆先念咒七遍後書符咒曰

噯叮囉檀曼哩囉夜野尼鉢叱呼婆訶

筆念南方丹靈神炁攝取炁吹



朱書此符黑
紙上置獄內
依法行持

水獄符

凡作水獄符先存北方玄真之炁自北方而

來如練入耳中灌注遍身玄光之炁霽霽然

忽變身為天丁左手仗劍右手書此符想筆

為黑龍口吐光炁而成符欲下筆先念咒曰

辰星見祥萬鬼伏藏天帝召汝執執敢隱藏一

切凶坎赴獄見形急急如律令然筆念北方

玄靈神炁攝取炁吹

金獄符



朱書此符於白
素上置於獄中
然後行持

凡作金獄符先存白光之炁自西方而來如

練入鼻灌注遍體如月之光華忽變形為太

白星冠素服左手掐追鬼訣右手書符想筆

為白龍口吐光炁而成符欲下筆先念咒七

遍咒曰

太白皓靈收攝邪凶不正之鬼天地莫容金

虎揚威摧滅妖鋒一切隱惡神吏追窮急急

如律令然筆念西方素靈神炁攝取炁吹

右此五符立獄並先安符於中間次逆步二

十八宿丁綱而遠之凡起此獄亦書此符燒

與病人吞服依五行水一火二之數用之

建五獄法

凡立五獄申奏文字並依天心法天獄法式

施行方位同前用之獄圓闊三十六寸以符

安獄中心符上羅細灰厚二分內水獄用三

斗犬淨新盆一隻不浸漏者盛淨水七分用

大明照子一面照上朱書山精野怪符一道

符在盆心點長明燈一椀淨水面上

添盆上橫法劍一口用卑羅一匹卑銷亦得

五方紙錢共一束步馬五匹繫於空中去盆

上地面相離四十九寸如木盆土火獄只用

照子放灰上燈一盞虛祭照上劍卑燈秀絲

隨方色餘依式

立五獄榜式

北極驅邪院榜 曉示永帖神將大判官等

當院於今月某日某時具狀飛奏

上天及申東嶽牒都大城隍乞差神將判官吏兵等收捉某人家為禍邪祟鬼賊赴此獄中顯現蹤由分明報應仰千繫等神吏知委以憑申解者

石曉示承帖神將大判官吏兵等衆各知委

太歲某年某月


日時

榜

法師半街

押

獄樣圖



建獄畢洗

逆見符符

在天獄式

建獄啓祝

凡建獄畢然後焚香變神步七星綱如前法陳述建獄因依都監訣默召城隍勾本家司命五道土地隣近杜廟等神分明指揮神將吏兵等責勒近限須管於限內收捉為禍

邪見上獄顯現蹤由分明報應以憑申解不

今懈慢稍有不依今來指揮應千繫等神一例申送泰山根究知情斷罪稟此奉行

立獄祝與天獄呪同用獄內驗鬼跡亦同本法如經兩日未見報應依法再申牒催促施行

行

召山精野怪符

此符用朱書指玄武訣想身為真武披髮手仗三昧火鈴神劍足踏龜蛇指天丁訣召天丁力士四直神將想在左右先發訣拋斗以綱在前指有鬼神處後至案前呪曰

吾佩太上印速赴此間行神布炁斷鬼除妖


四直使六丁六甲為吾急召速赴壇前吾

在此間卓劍相待急急如律令念呪畢想六

甲六丁及四直神將使吏兵遍往搜羅驅

赴壇下符用朱書

散形



陰斗




二十



八省

承奉卷尾收控功罪道

聚形



此符違召山精野怪


建五獄可書照上

追風法

凡人或有路中逢惡風此大惡神之所作也如與人為禍即指天丁訣想身為天丁力士結天剛斬鬼印想四直神將驅定為禍邪怪拋陰斗單定以金刀訣印斬之其風分為兩段再以陰斗單金刀印斬之其風自斷或分散下必有血


驅雨法并符

凡少雨早先於壬癸子丑日作醮先五十六步綱仗劍想身為天丁力士朱衣赤馬向當日辰上呼功曹及先擲此符於所在江河中其雨自作耳此符朱書鐵板上作之



拜章法


凡行符治病驅逐強惡之患必須齋沐履莊
淨衣設壇置醮上章行事仍先吞解穢符



右書符時靜心向王方閃烝啄齒三通以朱
篆二道篆畢一符燒投沐浴水中洗身以朱
內淨水盪中吞服洗滌五藏潔滌內外邪穢
之烝耳

次拍三台訣誦咒書都匠符隨訣誦三台名
○虛精六淳曲生畢次誦呪曰
天地運用日月之精光徹四海能斬邪精斬
妖去病身有光明神水既作萬禍滅形急急
如律令咒畢即握筆書符

陰陽日都匠符



明日 朱書
書日 墨書

右二符陽日以朱書陽日符陰日以墨書陰
日符每書用其日符二道一符燒之成灰淨
水調服一符鋪拜章案下書時勿令雜人見
之伏章法

凡上章朝天法師具法服就案步斗綱身在
斗口放章案上先存己身為驅邪院使伏地
冥心存二童子執劍持印并龍虎朱雀玄武
在其前後左右日月之華映照兩目五星在
頭青黃白三色之烝繞身九色圓光出於項
後內外洞徹即見上元烝真君執符居前左
中元葛真君執戟居前右下元周真君執節
居前中直使功曹左右使者金童玉女章中
從事身中五體真官神將君吏錄中法中神
將官吏金剛力士等布列圍繞前後次存己
身駕丹瓊車乘赤紅之雲自西北而昇初入
剛風世界見日月交映黃道坦直入五色雲
中過天門次經欲界無色界過種民之天皆
有七寶瓊林森森然夾道靈風振之自成音
韻過黃道比有紫雲成蓋遙見金闕門題之
太清太極宮當去闕百步下車留侍衛官將

不進唯與旬中玉女捧章玉童齋章由前引
急趨入闕門次入金闕第二重題之太上三
天門下即不入此門次向西下詣太元都門
入門之北天樞院見大殿下謁正一張天師
拜陳上章之因天師稱善即自殿門東出曰

步北向詣鳳闕下少頃見玉童一人朱衣黑
冠自門而出就捧章玉童手中接章函入進
太上御前次有領仙侍郎引見

太上戴九德之冠著九色雲霞之帔正殿而
坐左右二真人侍立稱真翊衛太一朱衣在

太上前覽章文又自密陳章中之意

太上宣太一於太清玉陛下書依字即於玉
殿右階付今日直官曹官畢即拜辭

太上次出辭天師即與向來門下官吏并躍
還車經歷所來威儀如初至案前稱以聞再
拜興

太上助國救民總真秘要卷之五

太上助國救民總真秘要卷之六 對六

洞幽法 師元妙宗編

上清隱書骨髓靈文鬼律玉格儀式下

凡十門 共一百一十五條

道法門 二十條

諸行法官乃陽行陰報並依式歲考功績如

能止邪抑非治困拯危度死超生含靈受

賜解除冤仇者依儀遷職如傍循私曲隨

曲隨惡長姦者許三官糾察以聞當議重

行黜責

諸發遣文字危急行劄子限當時謂病篤會

立獄催鬼神限二日常程給限並不過三

日輒有留滯半日杖一百涉私故徒一年

情重者加一等在道阻節者以其罪罪之

諸應管東獄差到神將吏兵三年一替一年

者並具勞績過犯報本獄考察賞罰仍於

去替一月前預差替兵願留再任者關本

獄應替不替不應替而替者杖一百有故

者勿論

諸神將被命報應稽遲者杖一百緣事害人

受賂者徒二年天兵將吏仍具所犯因依

奏聞

諸行法事有不便者不得擅行改易即時奏

請以俟報應謂如違鬼不去即違者徒二

年非行法官輒干預者徒三年

諸差使鬼神不任職誤取生人魂魄或令發

狂致疾者流二千里因而害人性命加二

等毀法不遵者處死

諸行法官所至許帶符印隨行在處稱行司

應有須索呼召將吏等輒違戾者徒一年

干仙班者具事因奏聞

諸承受文字遺墜者獲時經驅邪院自陳檢

會別行仍責限追尋不獲者杖一百限內

尋獲與免罪

諸鬼神應送所置輒違而不往者流三千里

累犯者處死

諸神將吏兵等因追捕鬼崇殘害受賂者徒

二年若隱庇縱令逃避者以犯人罪罪之

若罪人在壇顯驗通露後忽因事身死者

具將吏所責情狀奏聞

諸神將名山大川城隍社令及三品神衆凡

遇承受驅邪院文字並須驗認印記嚴謹

護持速具報應輒有輕易者徒二年

諸鬼神等受驅邪院發遣經宿不離當處者

一日徒一年十日加一等罪止徒三年

諸邪崇經驅遣而六甲土公司命等神輒隱

藏不發去者徒三年因而害人性命者流

三千里天曹降旨留住者勿論

諸民人有事告訴行法官受接不行雖行而

苟簡及妄入鬼神罪目者杖一百不候告

而列指事故行遣者非

諸當職之神輒與民人婦女私通者流三千

里情理重者奏裁如地分鬼神犯者加一

等

諸鬼神無故害人性命及偷盜人間財物不

受咨懇被捉者處死所屬城隍土地等故

縱者同罪失覺察者杖一百

諸被使鬼神不即時往幹者杖一百緊切事

干人命徒二年因而至死流三千里受杖

符違而不去者處死

諸蝗蟲旱澇天霜雪雹害民稼穡本地分神

衆不能救濟驅邪院差將吏同力止絕違

者杖一百事干天曹時行年災許具章表

奏聞

諸神將吏兵應使而不使不應使而使者一

人杖一百十人加一等罪止徒三年

諸救濟民人疾苦合用干礙神鬼呼召輒不

到者流三千里雖到而不協心搜捕幹捷

者徒二年天府差幹他事者勿論

諸天行疫疾令人患瘡腫走痛之類隸十二

年王統行所主神鬼受驅邪院遣除事合

遵稟天曹拘收者即時報應具奏上界違

者杖一百

諸山川土地司命城隍受命搜捕邪祟輒有

違滯故縱於經歷地分害人者直送東獄

處斷主者失覺察杖一百

諸提舉城隍社令有過者具奏北極取旨三

官糾察關驅邪院施行

諸方境內遇年災大疫損傷人民牛馬畜獸

之類被告即闢年王神收毒仍奏知上界

違者杖一百

諸困囹久淹受苦之人所犯非辜實負冤屈

諸處雪理不明即委當處城隍獄神顯諭

推勘官吏省悟實情立為與決違者徒一

年如囚人實犯陰誑者勿論

諸神將天丁兵吏輒離行法官者杖一百遇

有急關許於近便神祠差借共不得過五

百人幹辦訖稿賞推恩申奏所屬錄功

諸鬼神承受天符委幹稽留不行五日杖一

百十日加一等罪止徒三年有緣故者具

奏天府

諸林谷妖異累害人者處死所部鬼物非過

千累及者送東獄處分應干經歷地分不

覺察杖一百同情犯者罪亦如之

諸林木散大為人欽仰立祠祈禱無福報者

並除之因立祠而不為善善能興福於人

聽以有無功績奏聞違者杖一百

太戊門傳十

諸地杰所產育養之物遇災年須出生地毛

如鬼神無故出入別興風雨因而損傷稼

穡害及人命者並流二千里仙官拘執六

地犯者具奏天府

諸神鬼盜人財物滿千錢者流二千里不滿

千錢徒二年若常住供獻之物不以多寡

減形

諸地分主首故縱邪祟於部下為害者闕日

遊神吏騰報違者杖一百

諸掌文字管攝邪魔差當日功曹將吏承受

有稽遲投至不明磨擦損汙者杖一百私

拆封角稅者徒二年奏書有漏泄遺墜者

流三千里

諸鬼神妄攝人魂者流三千里因而致斃者

死

諸神鬼呼召不至輒違慢不恭者徒三年

諸神鬼非攝受於人世不得與生靈混處違

者杖一百天府神如妄假名目僥求祭祀

者徒二年切害者送東獄處置拒捕者死

諸鬼神無故在人家潛伏妄興妖祟為害經

宿不去者杖一百五日加一等罪止徒二年神命不去者死

諸人間染疾旬月淹延不退夢與鬼魅交通者委所居地祇具事狀申東嶽誅滅違者杖一百

諸驅邪院官行天符委山川地主收捕鬼祟不即力幹違慢者徒一年

正一門條四

諸稱水者不以大小淺深善能滋養稼穡而不隨時者許九江水帝察其功過保奏違者杖一百

諸龍神在江河湖潭湫水有所王者謂之主正則祠之若因大風雨無故非理出遊害人稼穡者徒一年妄邀祭祀者徒二年掌水司引水因漂溺田屋苗稼被害及五十家已上者流三千里不及五十家徒三年災年時行地分變異者勿論仍具表以聞諸龍神鬼主江河汙流去處若故曲邀舟車祭祀者徒二年妄興風雨翻陷田屋至傷人命一人流三十里十人處死十人已上

滅形干涉湖潭主首並同罪本地不分糾者罪亦如之

諸隱伏鬼神合起雨澤不急救旱苦水一同情隱不為放靈者並徒三年

亡崇門條六

諸亡者有怨於生人曾經地府陳理未結絕而擅於人家作妖異尅害他人僥求功果為報雖非損人命而動煩立獄仇對平人者關地府滅形

諸無道邪祟隱顯形影放火撒血引弄家屬之類驚犯生人者流三千里至害性命者死

諸鬼祟放火在人居室或籠櫃中燒毀財物舍宅及十戶者死不及十戶徒三年送鄴都重役地分知情故縱不糾者流三千里

諸伏尸鬼怪古物精妖一切無名之鬼妄託不繫籍身死輒停世間不去者徒一年妄假威勢曲求祭祀陷害生人流二千里地分主者知而不糾同罪

諸鬼祟傷害生人因追捉藏伏者徒三年拒

捕輒與吏兵鬪敵者死

諸孤露無主邪鬼假於新死故亡之便纏繞生人有所求者流二千里傷人命者滅形委是家親眷屬逐時有闕祭祀因而作祟者以饋饌祭饗善功為報化論遣退若受祭饗福力後依前為害生人者送東嶽於下鬼籍中拘係

國祀門條五

諸國家不載祀典神廟妄與妖孽誑惑人民輒為禍福者流三千里曾傷人命者滅形

諸鬼神雖不載祠典而能福及於民者當考功績以聞推恩若自矜其功捷便妄以妖異於人與疾疫須求禱祀而不退者徒三年至傷人命者流三千里及十人者死十人已上滅形

諸里社本界神祠水陸二路見係陽界靈威該在祀典不得受人間曲祀及不得受人厭呪生命違者糾察申三官當議重行黜責

諸祀典福神有害於人間者具所犯奏取赦

裁

諸朝列功臣名賢因立廟祠後有害於民者立便遣之違而不去關東獄并具所犯奏聞

飛奏門二條

諸急切飛奏限兩時報應上天急切與地獄仙官行報者不同若違時不報或因騰奏有失者並杖一百仍許再奏候報施行如驅邪院誤報因而違者勿論

諸奏書緊切限一日次緊限三日常程限七日報應並謂奏上天者皆用引劄通落須經歷地分護送出界輒違難拘滯者一日杖一百二日加一等罪止徒三年若情理切害者並具事因奏聞

玉格正條十六條

諸應本院官法服星冠朱履非行持伏鬼魔者不得披戴違者徒一年不因法中事儀以勞鬼神者徒二年

諸應本院官法職乃上清玉籍補充統攝三界邪魔所授正法中誥籙並以黃花帛上

朱墨間寫裝嚴卷軸給付訖本師告諭戒

行勤切應係法中秘語靈文口傳心授不得隱落違者三官糾察

諸行法官若善能傳授正法與有道之士行持救濟生民有感格者歲許具表章奏陳當議不次推恩

當議不次推恩

諸應選人材可保奏而不奏不可奏而奏者

並徒一年未經奏陳輒傳印訣者罪亦同上百日內本師自覺舉限內不首陳罪亦如之

如之

諸應奏名後不依師旨及有違背事儀者徒

一年情理切害者本師具實告奏先減一身後罪九族

諸應有道士告傳正法以救民人主師圖其

財利輒生難阻者杖一百妄授貨者一匹

徒一年十匹加一等罪止徒三年仍降兩

資法職不滿一匹杖一百饋送酒食亦同

諸行法官每歲拯救危篤病及二十人轉一

資二十人已上依仙班格陞職功行遷轉

法位奏聞若人間告訴不為度理畫即救

濟并妄遷補法位不實者並徒一年

諸奏名人未奏詐稱法職者徒二年已奏而

報應未下保舉審察不當即議重奏不俟

報而妄稱師弟各徒二年

諸新補本院法官習篆天符星斗印訣綱步

之類以金玉香木板書習了畫時以香水

洗脫棄於長流水中違者徒一年

諸以正法妄傳非人而希求財利或得財而

中悔不傳者並徒二年未得財同假以他法影

應為正法傳之者徒三年

諸以正法鬼律示非人或假借倩人傳寫侮

翫不恭與非行人持論泄漏訣目者徒

三年以法示翫鬼神者徒一年故令他人

以法陷鬼神者徒二年至死者流三千里

不具威儀精潔觀讀者流二千里

諸奏上清表章詞文闕直日功曹通落東嶽

文狀付沿路土地收捕鬼祟差本院神將

吏兵告奏事定輕重行遣如合奏而不奏

不合奏而奏者已上並杖一百

諸正法天書秘錄符篆傳授與人者許騰寫

故本藏之名山大川龕岳石匣中法官敕
誥符文經轉審盡將已前所授者皆焚化
置之江湖中止得留見任官文書如不燒
化以故法衣裏投於江河內篆符替下
筆墨末紙硯水道冠法服諸般應替之物
盡火化沈向水中或埋在洞府石室之內
並以訣法藏之違者徒一年

諸傳度正法聽以甲子庚申三元八節五臘
本命日奏名跪受劔印訣目筆硯朱墨法
具皆祭而用之銀券管信器具金銀等物
鈺鎔售錢置供獻拯濟貧人不得入已侵
使違者徒三年

諸行法官急速去世者預顯異境此乃上天
告命遂使卒然而去無靈異者即是有司
追取證對不明事宜令嗣法親眷速以符
誥敕牒法服謂其行法之師先所受本法
誥敕之文并本身所服階品
之冠也焚為灰投長江關水官逐與其人幽
司導行違者徒二年
諸法官功行果滿被召者法體二上三下如
蛇蟲行耳似有風聲目無神光天柱不起

天鼓不鳴便穴腎堂皆痛神悉自湧泉穴
出頂門即便以誥錄符印函藏一處更新
衣法服端坐遺囑嗣法親眷託蛇去前有
瑞雲仙仗迎引直赴洞府受仙官領職治
事若法體覺知不能支持當處土地寵助
嗣法親眷依上法函藏違者流三千里情
理重者處死

儀三十
五條

諸應正法鬼律文篆並以香篋綵囊巾筒貯
之遇檢閱存神冥目結界入靜方得開卷
不得過五行秘之慎勿令鬼神盜觀
諸善民能驅邪輔正實有濟物之功者收錄
奏名傳度正法補職受位
諸應院中法具謂如劔甲筆墨朱
硯冠履法水之類未經奏祭
並不得擅便私用

諸應傳度弟子肘步投師師昇壇說戒露剝
飲丹分鑲破券以誓盟言次與訣目符文
宣示真誥跪受官職印劔之類師啓白上
真落三尸於四體釋萬罪於九玄關報所
屬行持上合天心

諸應神將吏兵謂東嶽
差到者明受報應到院訖以
酒食錢馬犒設常守本職准備驅用不得
私使

諸行法官經過有神祠處拍天丁訣鳴天鼓
集身中靈官護法將吏隨行以布威儀神
自畏伏

諸行法官早朝取服旺氣作用奏書設醮不
得燒檀乳香

諸應世間人命稟天注壽祿如經本院拯救
所病不起即是數盡劫終此即不可行移
文字必為虛設

諸應拯濟世人行道文理不得繁雜止可直
言至誠之事仍聲說前人性命繫係天司
奪祿減算乞不在今來所陳之限明乞報
應

諸受披訴狂邪妖怪者法官變神受詞押印
遣行

諸應醮設許奏
三清玉帝表章等非時不得輒有聚醮焚
奏表章先以鎮信同化差功曹直符齋送

諸應醮奏於

三清玉帝位傍列採訪使者一位餘位不得近帝座

諸應入靜燒香行事修寫法中文字先以斗蓋勿得雜視

諸被告詐致死而來呼然以覆蓋鎮之

諸應治牛馬六畜瘟疫者問所損過數牒年

王神驅之

諸應投質信量其至誠收售之價錢為三分

許用一置供獻一施食者一即贖道

諸立獄治病移文字不伏者並攝囚治之

諸魅亂發覺心腎虛困者以符錄吞佩鎮之

諸應治小兒驚叫夜啼委家竈簪神四天王

飛天捷疾神以三光符治之

諸應行法官逐日拯救世人合用贖道之費

無受民賄自然上天賜祿遇闕即上章表

言誠自有陰助更無乏少如輒受民物則

世用不扶

諸人家竈鑄管業被邪厭閉者以三光符遣

神治之

諸應修造管葺之類牒太歲安撫所轄土公

等神無令與害

諸應有怪異居於陂塘堤岸以至修築不常

非時為害損壞者委當處土地驅逐離彼

仍以三光符鎮之違而不去者依法斷遣

諸遇瘟疫流行人罹疾苦依格割付委土地

等神外牒年王神收回毒氣合飛奏者本

院官馬步變神默言口章以聞

諸孤民不宜男女貧窮無嗣息先以法退三

刑六害星仍以籙佩

諸應世人所居不利陰陽不和上下剋害連

年因篤累歲連遭者授之以正籙

諸應治事最其輕重行持不得妄動神將吏

兵如接押詞狀畫時行違勿入鬼神之罪

諸應傳度正法以法中用日設醮一座名曰

傳度醮奏獻錢馬一百二十分以章醮儀

中聖位列獻如數內減半奏者從之告報

天地授舉官保明狀託依法付屬符訣官

誥真籙之類關報東嶽劉移名籍附天曹

原赦九族出離幽冥超昇生界登壇節次

行事並依本法

諸應驅邪院行法官並稱都大統攝三界邪

魔事初補右判官次右大判官次左判官

次左大判官已上並謂同管句院事次功

格高者昇入仙班補為都天大法主同判

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

院事次加九天金闕大夫謂一年內救民

能治江河湖海蛟龍作害山崩沘決實有利國濟民餘除大孽之功者加無極上相已上自日直元君至無極上相計九位遺職者合授上清九等大錄方許入此憲格餘職並依諸仙官以三元為首洞神已下轉行初下元一品仙官次知北極驅邪院使中元一品仙官判北極驅邪院次上元一品仙官判酆都使已上有功行果滿次第遷轉身登金闕侍列

三清

諸應發

三清玉帝北斗三光符行事官變神上奏具所請事因稱臣今准式付發遺願如臣言祝畢即便給直符使符到奉行

諸應行法官出入常存領六丁四直土地監

印力士等神隨行以法囑之無令失事

諸行法官朝

上帝驅瘟邪斷怪崇須先戴三台北斗變為驅邪院使

諸朝見

上帝元正日登黃金殿春登瑠璃殿夏登寶珠殿秋登白銀殿冬登水晶殿

諸朝

上帝奏請畢即詣天樞院部領四天王十二大神八金剛六丁六甲天蓬天猷元帥

火鈴將軍五雷風雨神直出天門

諸立獄須奏聞申泰山具事儀稱述已於某

月日於某方立建天獄奏

上帝言五斗獄

式八條

諸篆天文符籙以天德月德水六甲六丁筆

黑帝墨太陽靈朱五龍寶硯一如傳度法

訣收取奏訖方用

諸應伏兇猛鬼神切要委曲神將仍左右拍

局邪訣入以左右斗蓋之已身宣敕云汝

過罪疏之吾以救民為心

諸應奏醮為民懷災先奏星宿真君科狀後

坐稱弟子穰災集福延齡命素代厄衣祿

虔誠置備知鑿達誠

諸應

上清綱步念斗咒至天剛住便彈却印訣却用天剛印指出若以符中咒唯步斗以貪狼星起之

諸祭神以春夏秋冬四季六甲日祀之春六甲夏六丙秋六庚冬六癸日於門戶外

以齋果香菓湯三分供養三界直符四直

功曹一位土地先化土地錢後具述情意

云吾奉

玉皇敕佐天行化助國救民凡行符法斷

絕為禍邪崇治病扶危作福祈祥皆憑使

者通達上下諸位聖眾今日齋備酒果錢

馬以伸醮禮伏望使者恩慈大布威光特

垂靈祐次三上酒化錢念咒

誓功曹文

吾聞風修大道今作至神莫不以功行居先

救民是切故顯幽赴冥出水入火變見千連

威通萬狀荷戈挂甲負鼓擊鐘出沒縱橫來

去無礙邪魔聞之膽碎疾病見之安寧吾以

正法降魔用汝風靈佐助收伏鬼祟斷絕禍

原福及良民功歸善道今以祭禮略報神勲

少謝功勤用答靈威深勞戮力伏請各各辭飽

誓神將文

汝等各宜醉飽酒食整肅威儀具嚴天戒祇威帝命奮威武之柄致平定之功嘉績有成明敦響答奉啟東嶽差來神將兵眾素藉神武風蘊機謀聞望清嚴儀德英偉響應鎮嶽之命來專討伐之權震動則兇魁滅形眦眦則風雲變色靈戈所指大惡無前輔國救民濟時利物推心事道宜莫好功當院早膺仙誥素被道庥誤叨天吏之權惟藉至神之祐上則鎮身保命學道事天資我身真冀膺天爵中則顯揚聖化昭布陰功推此威靈願成續緒下則救人利物治病祛邪誅翦兇妖興隆福泰庶使累成善效響應幽微德著而汝等同分其利功成則汝等共享其榮盡舉當世之便宜共望正法之超冠利而不害威而有懲凡事虧中失順害物違天致討行誅艾邪輔正以終功而勝凶德以神化而勝奸謀其何以當人孰能禦惟爾有神輔我大道急

急如律令

諸應神將吏兵以法訣付囑常當守護行持

正法榜之本院曉諭

北極驅邪院

當院見管神將吏兵等係奉

玉帝敕命差撥赴本院護法行化助國濟民救度群品咸歸正道切慮不知本院有天印方一寸八分或方二寸一分或方三寸或方五寸管轄天兵百千億萬垓印篆一毫一紋容隱三十六萬垓兵將隨吾印

轉邪魔聞之膽碎病者見之安寧

上帝賜之力士捧擎從吾所行印中兵將百千萬億垓來往如風無形無跡變化不窮隱吾印中召之則至或見大身徧滿虛空頭戴須彌肩擔日月手把帝鍾足踏變龍或見小身入微塵中於絲髮內現大威通護持正法千變萬化救度有情不自伐功玄妙之力道法無窮切恐所管神將吏兵等不知有此法令故意違慢違汝受罪不輕當院令將天兵將吏獄兵將吏分屯

審次准備緩急使喚如聞當院呼召急須速至如不係當番或不呼召並仰潛隱六合之內自隱自伏具下項

一天兵將吏等常切准備呼召如不呼召不得擅離天界

南斗天兵三千六百人

黑煞神兵五萬人

四輪正一部兵將

放光一部兵將

天丁眾神

力士眾神

金剛眾神

大明眾神

飛龍騎吏一千人

斬龍騎吏一千人

決龍騎吏一千人

統兵助法神將二員

一泰山差到兵將仰分作兩番每一日一替參隨當院行法官出入遇有急速幹事不在此限仍只得於本院安泊無輒慢易仍

委自統兵助法神將常切提轄

統兵神將一員

助法神將一員

馬步兵若干人關東畿關
別人數

右件兵將神吏等今出榜曉諭仰詳前項指

揮遵依奉行如稍有違必無輕恕汝等有功

即當賞犒具奏

上界賜之恩果的無虛示各宜知悉

某年月 日

具法位 押

太上助國救民總真秘要卷之六

太上助國救民總真秘要卷之七

潤曲法師元妙系編

輔正除邪考召法序

夫考召之法出於正一之道故有三五考召

之錄官將吏兵本文備載又按金瓚流珠作

考召法師須於明師受本經錄自有三元五
行將軍六甲

助國安邦救治百姓又受考召正法之師比

世天官亦同大郡守之任身法不輕百日一

思巡檢世之鬼神鬼十日一存用法觀世
恩業精罪令不為崇

界恐有惡精邪神城隍鬼精妄為崇害及天

地毒惡禍亂於人又恐風雨不時此等事外

即自理身常令魂魄俱正正云夫為考召

法思巡遊天下十方世界救度人物常行平

等為國治家及身救濟人物著功於天地之

間行德聞於玉京之上者功滿則

上帝使仙使迎之上對七補為大仙真之任白日

上昇自人皇行之逮至樂已之後得道高真

於施持用者莫可能紀竊以學者世之宗師

事失原本不能達正真之大體執偏末雜施

之小術故隨名假用往往失之於鄙陋道隱

小成豈足貴之於道者哉若不叙其本而辨其末則元機妙贖愈霽昧而不明瑣細緒餘擅見聞於專業使學者豈得推窮於玄奧博該通於極致乎謹以古法考召綱要之旨叙之於前旁助雜術編之於次庶乃別其源流以明於本末者也

考召六種功德

後聖君告天師曰此考召法通於人以成功德有六種

第一能與治邪注疾病收捉誅斬崇妖

第二能與人勘天曹地府年命長短貧富貴

第三善能與人禁斷公私冤對相害

第四能與人夫妻男女生命相剋者令不相

剋末世相宜出得金木之災水火之害從順

無礙

第五能與人解除公私咒詛冤鬼害神生人

死鬼圖謀口舌之害皆能消之彼此無害

第六能除天地災害風雨不時四炁不正毒

龍凶神淫水溢旱癘毒鬼炁若非正天行者

龍凶神淫水溢旱癘毒鬼炁若非正天行者

此法能除之又告天師曰此六等之法是
太上大道君結習天地正真之炁為符籙一
千三百八十一階具足即今為考召大法如
此者是大道上妙救人濟物之大法能行不
欺不妄立取上真此法功滿三千白日拔宅
家口雞犬共得昇天

立壇存師訣

按正一考召儀曰夫考召法是考召鬼神也
須安壇立幕建獄開門引繩繫壇及獄開四
門禁步結界以香案明燈於上中夜為步步
於中心丁字繞外結界勅水訖即西向立存
三元考召正一法師李尊師存細頭大度師
李忠舉尊師存
時亦可小兼
字其名也紫衣飄飄具冠劍乘九色師子
紫雲從西北而來繞壇三匝心存即與臣
祭壇又領陽兵往天曹人間共臣身中錄兵
同心併力為某家或為惡鬼或為治某事專
師又領陰兵助身中錄兵入地獄及水中或
於墳墓中捉祟害某家鬼賊來到壇中勘問
所由開啓開奏

口奏式

追捉臣某謹依天科行法願陽師陰師如無
陽師
則存代作本師身即抽天師
訣今天師降真系下身中 佐臣行兵布炁
放水發火遣三元大將軍師子猛獸與臣同
心併力共擊破某山某廟某賊凶囚宅舍惡
鬼營窟悉令潰敗瓦碎火燒水湧捉取精祟
腰斬今除病疾差愈某事即遂任意此下添
事作辭亦帶

考召恩吏兵訣

凡行考召先思存師於身之前放大光明兵
士自光明中湧出領三元三將軍五德將軍
五人兵馬百千萬人亦可存六甲十二神將
大力天丁羅列圍繞彼人屋宅及用備衛把
截自己門戶每一門差一十六人立兩邊執
刀槍一如行軍布列行陣嚴勅訖即又存師
及臣領兵巡前件人門戶上下然後結界禁
祝行符牒追捉

存恩治病訣

凡存師治病病於光明中湧出兵士羅海截
地繞天搜獄與某拔出某人三魂七魄女人
十四魄得離鬼庭之中附者本身今疾病即
時差愈補三師訣在左子第五指第一節是
也本師訣第二指第三節是也天師

訣第二節是也

思存行考召訣

凡考召思師出兵一一如法即存二十八宿
羅列於身上次三將軍吏兵三元備具二元
兵將
具足即拍三將軍訣訣在左子大指
第一節是也畢即向
案邊坐依儀讀文即召鬼神考問作祟者名
字判付收禁如是頑惡後上赤章請天兵誅
斬鬼神今疾病速差及某事速遂畢即答恩
効上謝師尊

考召存祝護身救人訣

考召法師常能朝旦入靜室中佩帶符籙握
訣步網躡斗吐炁為紫雲光蓋自己身令鬼
神不能返害訖次治病即存蓋彼病人之屋
周匝四面及患者身以五方兵陣使之圍繞
彼人身家今應驗立在須臾而成即搗都監
訣存北斗七星蓋頭三台覆背上以懸星指
之其方呪曰
太上傳教後聖流行天師親受九千萬兵巡
察十方布炁三清神無凶黨鬼無妖精人鬼
各居不得有爭行禍者死行福者生禍福吾

知隨手分明左指三滅右指四傾勿犯吾道
吾道甚平有罪無赦無罪自寧天賜吾法令
吾按行莫犯吾威威猛七星飲汝血食汝精
一切坦平吾道不刑一切毒害吾道令行急
急如律令

呪畢又閉炁為步左手持道父父者陽也男以左手持之
忽起於手中如人頭戴蓮花冠紫服漸漸從
手心上到心前如自身長短却存身長九尺
四邊兵將四象各各羅列分明右手搥鬼目
神目以朱塗之左右手相對於心前或存身
為考召法師或為考召使即叩齒三十六通
呪曰

天明明地靈靈吾為考召主先天地始生巡
為天地使立為天地兵禍惡逢自滅福德見
自生非但禁虎狼兼亦攝五兵神龍不敢神
邪鬼不敢靈指山山為崩指水水為竭指石
石走轉指日月為明吾身行坐處衛從十萬
兵隨吾手指者風火電光生急急如律令

三元將軍真諱
上元將軍唐諱宏

中元將軍葛諱雍
下元將軍周諱武

五德將軍真諱
東青龍將軍諱孟章
西白虎將軍諱監兵

南朱雀將軍諱陵光
北玄武將軍諱執明

中央勾陳將軍諱黃庭
凡行考召法救治生靈清淨身心持戒積行
受佩符籙並如前說應治疾患令患家周細
具狀陳得病緣由為崇之因至於年甲逐一
訴說然後依法行持考治救療事涉稍大仍
作壇念淨天地北帝神呪三七遍解穢驅氛
約束神祇啓禱天真叙陳事理惟在志誠成
就功德一有鬼崇其精怪應處先用北帝天單法拘單鬼神不令逃竄

次立壇布法
次握訣叩齒召神將吏兵驅攝鬼神
次用呪法照現邪形
次用符法驅蕩邪炁
次使吏人勘問為崇根源

次或奸邪惡鬼未伏者即立獄禁止
次如天心法申奏帖牒
次搯斗蓋藏患家
次戒家神營護
北帝普天單法

法靈靈動天地移星辰撥天關轉地軸驅山
嶽罩鬼神吾法非凡之法三清正道上至八
極下入九泉東連扶桑西徹耶尼南抵海門
北到酆都太玄然炁橫天亂地上鬼不得下
下鬼不得上吾上張天羅下布地網天鬼不
令下界地鬼不令露形巡遊四世界惡鬼皆
在吾單中謹請三五大將五湖大將三元大
將豁落大將三師門下吏兵北斗魁中吏兵
河祿吏兵雷電吏兵南斗然鬼使者北斗炎
鑪使者天驕甲卒威劍萬丈高擎大鼓大威
力士五眼三眼六臂天丁銅牙鐵爪電目六
睛九頭八角朱髮藍身金槍銀甲遍滿虛空
青龍白虎朱雀騰蛇猛惡巨獸飛泉鉤索天
蓬豁落大力飛天魔王五方金剛五方力士
五方吏兵五方夜叉五斗下營八方雲合五

湖七澤五嶽七廟二十四治坑坎洞穴等等
列陣步步排兵山林樹木細細搜尋何神不
伏吾罩下無鬼不在吾網中順吾者昌逆吾
者亡慈善善者生凶惡者死急急如太陰北帝
律令勅

右法行持之時先存心火炎繞一身澡鍊形
神乃想身為考君使威神赫怒吼聲如雷便
丁立南向以兩手結天羅地網印出杰似霹
靂即急念前咒畢吸杰吹入印中望行法處
拋印祝之

杰化成鐵網如黑雲暗霧彌綸天地罩定邪
鬼之方其羅網印以左手三指四指五指句
右手三四五指右手大指掐左手大指甲下
以左右手二指開念咒畢印二指相掐撒向
病家然後行持諸法禁治

照鬼現形法

先令患人立地戶上合眼少時次法師用鑑
于一面右手執擎左目於鑑內存書符一道
畢即放鑑於案上便雙手結師子印加鑑面
符上然後法師持鑑於自身胸前合定念咒

曰
天神地祇萬靈同歸合明天帝勅攝謹請八
方追鬼捷疾使者速捉為崇邪鬼現形攝

次呼神名曰


嗒判崇嗒判崇判居輪判居輪取判取判錫
利錫判窮蘆窮蘆捉鬼來捉鬼來速捉來速
捉來急急如律令謹請當坊日遊使者追鬼
攝謹請當坊土地追鬼攝謹請當坊五道使
者追鬼攝念畢將鑑向北照一照復念咒一
遍再照再念三照三念咒畢便將鑑令患人
吹杰入鑑內令開眼看鑑內見是何鬼崇或
精怪或家親或外鬼悉是一一見之

存鑑內符咒

天皇地皇人皇天人皇地人皇人人皇嗒皇
帝君吒利當境土地力士攝天陽地陰鬼神
無處藏左青龍將軍斬鬼右白虎將軍斬鬼
天丁釘鬼地丁釘鬼頭戴華蓋脚踏魁剛乾
坎艮震巽离坤兌黃頭將赤頭將青頭將藥
叉將旃檀將火輪將火頭將大力天丁將無
量無定極真君南方受惑真君萬應赤帝真

君火輪帝君火輪帝君火輪帝君

鑑內符式卷內附刊
並朱書



右法淨身存變為北方陰神陰神乃九
天女也右手

持明鑑左手指第二指第一節目想鑑中出
五色圓光微照一方之地無物不鑑逐一作
法攝召為禍鬼神不得逃匿悉皆出現於法
鑑之前

水照法

山水會斬鬼
地中斬鬼
天宮斬鬼、逆水水危
萬水不流斬祭禁道
逆地地危
之鬼逆在南山脚下
逆天天危
定死急急如律令

右法以右手中指於空中寫前山水二字隨
手念上咒字成咒盡以右手從空撮入水中
水用淨盆盛之次令患人吹杰入水中咒曰
當直日功曹使者十二時神速攝此間土地
里域正神追捉為崇病人邪鬼急急現形勅
攝呪畢再令患人吹杰入水中見何等鬼怪
一一分明直說不得容隱吾行
太上之法務在制鬼救人急急如律令

暗處照鬼現形法

謹請天真天洞六甲陽神六甲陰神四直使者驅魂使者急驅冤魂黑處現形急急如律令勅攝

右先令患人低頭合眼念前咒一遍吹患人

頂門却引炁至黑處如此吹炁三口令患人

觀黑處有祟是何人如却要赴患人體再念

前咒一遍不令黑處現形字却念急急驅魂速赴病人借口通傳其祟

即時赴體通傳

控縛鬼法

謹請上清三天力士八殺將軍急急為吾控

縛邪鬼不得走失急急如律令

右法面北正心左手指第二指寅上念咒吸

炁三口吹病人身即自控縛

十二神將捉鬼枷縛考責法

謹請證明神將河魁神將從魁神將傳送神

將小吉神將勝先神將太一神將天剛神將

太衝神將功曹神將大吉神將神后神將

右法變神為天一責神頭戴三台北斗面向

西地立足踏丁綱以左手指亥上起周布至

子為訣目召神將稱急速為吾追捉病人某身中祟病鬼神不以廟社竈君宅神凶死惡亡精靈妖怪之鬼應曾作害病人者一一追收立附患人身體受吾正法考問通說因依姓名速則六合八荒之間近則不離家舍內外須管追到急急如律令

右此法以六甲日亥時祭醮於星辰之下用

青布一匹縫作四方淨中下用淨席襯布用

時花淨果棗湯清醴燈燭十三分薦獻其詞

祭之自亥時供養周戌時一晝夜讀詞禱祝

啓願通靈治身救人之意仍祭處周回以茅

香煎湯灑淨不令雜人雜大觸之祭畢取祭

物自飲食餘者散於流水中不可與他人若

有疾病急難禱祝貴人而召之立有報應其

神將各各統領兵吏為人救苦切在志誠如

法行持慎不可輕試也

大力天丁追捉邪魔惡鬼法

先立壇選真武下降日受持祭醮用淨席一

領以淨潔黃土鋪地高半寸令平後舒淨席

在土上上安香四盞時果鹿脯清酌四分列

之四方然燈燒香法師整服臨壇卓劔於壇上北向朝禮太上老君北極大帝四聖真君諸位神將吏兵次存北帝在法師頂上於空懸之中披玄龍之服戴平天冠躡皂履佩劔儼若彩畫儀像衛以四聖然後召大力天丁

四位神將各領吏兵從天降下壇場款受醮

享次讀祭文委曲祝之凡三祝三上香酒但

不拜祭畢即收攝位牌於神將堂供養後有

攝召一如下文具威儀如左

東方大力天丁追鬼神將溫玉著青衣大袖

戴青幘赤面手持雙刀

南方大力天丁捉鬼神將李公達披赤文大

袖頭戴赤幘面色赤黃手執鐵棒

西方大力天丁縛鬼神將吳天安身著金甲

頭冠素幘面色黃白手把鐵索

北方大力天丁考鬼神將劉武真身著皂衣

大袖頭冠黑幘面目青黑執戟

右各依其方召請祭醮後有邪神惡鬼作法

請召追捉考問使之立有靈驗

北斗布炁治百病法

若治疾病行法之師北向令患人當前法師存食狼星君身長十丈著素羅之衣披髮口吐青炁想單問所疾之因隨聲吸病人炁次念貪狼唵取貪狼青炁吹於病人病處用右手收之後念呪曰

委委冥冥甲乙丙丁天地所生神不反養鬼不反生急急應吾口急急應吾聲急急如律令念畢再結印收之病即時愈矣

北帝劈鬼胎鬼塊邪炁法

先面北存身為六丁右手持鉞斧左手掐第三指第二節六丁訣不得輒動動則不靈次存地為酆都黑獄以香焚左右次屈左足跪右足淨斧一柄放於面前次令患人面南對法師立或坐以右手割地書田字

田字式

- 一 開天門 一 開地戶 一 留人門 一 塞鬼路
- 一 穿鬼心 一 破鬼肚

次重念呪書田字呪曰

謹請大黑天神六通斬急煞攝呪盡字成便令患人咳嗽一聲取炁吹於田字中心急以

右手持淨斧隨炁劈之即時鬼胎鬼塊鬼炁消散

三官搜邪符


散形

上元賜福天官 中元赦罪地官 下元解厄水官 左青龍

右白虎 上朱雀 下玄武 三五將軍

手執騰蛇長萬丈口吐炎為星燒殺一切無道邪鬼攝

聚形



右符存身為考召法師祝筆墨後書之

祝筆呪

三毛留布天下所尊乾坤定位萬鬼敢存左陽右陰北斗魁剛誅邪斬鬼滅滅凶殃神筆一落萬鬼伏藏急急如律令

祝墨呪

神墨靈靈月中真精書符禁鬼邪魔滅形病身吞帶水保康寧急急如律令

辟諸邪魅鬼神

五斗戰鬼符

散形

本 子寅 子辰 子未 子申 子酉 子戌 子亥

• 應地魁地魁應 • 月星某宿 • 井至於宿 • 奎至某宿

• 斗五靈宿 思 十月神將 太陽君 太陰君

聚形



右此符依前法書篆若有鬼人將符在頭上即戰無鬼不戰也

拷鬼法

奉請北斗靈官下一尊神號曰無面目大將軍九天聖母攝拷鬼速通靈急急如律令

釣鬼法

天剛大神與吾拼釣六丁將軍速與加刑急急如律令

右念三遍了取天剛炁吹在患人頂門上高聲云拚鈞起

捉控六甲法

凡行法須先祭醮六甲神將及識六甲神儀使用驅捉邪鬼呼之立至祭時用黃紙十二束馬十二匹酒果十二分於庚申甲子或丁甲日祭之

第一神將通寶靈在吾前

第二神將文化通在吾後

第三神將靈寶貴在吾左

第四神將靈通辨在吾右

第五神將宋保義在吾上

第六神將黃聖夷在吾下吾行百步神將相隨吾行萬里在吾左右前後急急捉控鬼神不得踈慢急急如律令

杖子拷法

杖子拷法

烏東赤帝神五雷使降靈手執決龍杖拷鬼速通名急急如律令

右面北左手掐天丁訣右手把杖子念呪三遍取天剛炁吹在杖子上存天丁力士持杖

子打拷令通姓名

山字照鬼法

天圓四巽冤魂上驅六丁六甲天丁力士天洞天真勅速疾驅來見急急如律令

右以左手結山字印以手帛子蒙印面向東

此念呪三遍取玄色真炁吹在病人頂門上

令病人合眼咳嗽聲隨聲取炁吹於印上令

病人開眼視之即見為祟鬼也如要附身令

病人再合眼以右手掐劍訣趕入頂門再念

追鬼呪曰

青青靈立降飛魂附入病身通說姓名急急如律令念之三遍取天剛炁三口吹於病

人頂門上令抱頭枷下著自然枷下通傳也

太陽針法

天地太陽日角神光灌滂尸疾邪炁消亡急

急勅殺攝

右以雷震棗木造針一枚長三寸六分臨治

疾時香上度過右手握針左手拍第三指甲

下仰手於心前瞻望太陽一炁念前呪三遍

吸炁吹於針上針諸疾痛疾病無不應驗

天剛罩凶邪狂病法

若有狂邪亂走呼笑奔人者急認活曜天剛所指之方叩齒三通以左手大指掐第二指

甲下閉炁想見天剛大聖散髮身披素衣跣

足仗劍空中頂出九色圓光炎火繞劍烈烈

見畢以右手向空書符一道隨手呪曰

天剛靈靈收攝鬼神勅一炁念之三遍吸炁

實邪人邪人即自伏或縛首而求罪乞去其

符具如後

咒棗治百病法

用香水淨洗棗不拘多少凡遇三七日於淨

室內或功德前焚香禮拜畢面北立先將棗

掐開念呪曰臣謹請

昊天玉皇上帝速降火龍攝念呪畢存想真

武真君取青色真炁吹棗上凡治百病以呪

水嚮下无不應驗

北帝肘後七星布炁法

其法以甲子庚申本命日及三七日夜正旦

等日受持用淨麻索一條如三指大以淨木

梳通令勻淨更用五色絲線二十五條或五條亦得將四字古老錢一文以左手同線左握作索子穿古老錢一結念呪一遍呪曰井星井星金星星魂迷魂迷魂魂魂魂魂奉請南方真火護助弟子弔法急急如律令次日初出時再如前受持受持畢每用時於錢眼內穿過於肘後印之每禁疾痛等取炁一口以手緊繫之立驗若禁制鬼神斷除邪怪鎮壓凶宅以物勾掛於正堂及鬼神顯應來路上其鬼立去佩帶不得入神廟并忌婦人雜大雜物觸之。

天師考竈篡鬼法

用木一尺二寸作三級為壇化作三台星存身為考召法師外路七元網至竈前下篡時先令家長把篡師自於地上書鬼字一箇念開天門閉地戶留人門塞鬼路繞鬼字轉三轉念唐葛周三將軍急上急便令家長將篡於竈上打三下便自接取想二使者打到竈君使去鬼字上下篡打七下念魁魁魁魁魁魁魁後於篡頭上結獄印一道牢頭紐鬼印

存追打竈君紐在獄中却用付獄紐鬼印存再紐定竈君然後戒竈君曰咄咄咄汝是張喏之子

上帝封汝為竈君合保護家門何得放入外鬼為禍搔擾宅舍立須發遣速去若不遵吾言當申奏

上帝北帝牒天曹莫言不道急急發遣外鬼速去不得久停罪有歸處三日起纂燒錢與阿鉢羅二使者如用紐鬼印先念日月二君呪然後踏天剛大聖太陽太陰願降毫光本色真炁入臣紐鬼印中

紐鬼印

辰辰上批出辰中指中第寅陰日右手陽日左手交加樣下

禁鬼火牢法

其上於東南地戶上用細灰先布一重平地圓三尺六寸開南門又灰一重開北門其鬼驅自北門入其南門以灰書火字於門口後閉牢門時亦使灰書火字閉之

火牢圖



立火牢呪

謹請南方火鈴神將火鈴吏兵從天降下為吾閉定獄門驅縛邪鬼戮加考刑急急如律令呪畢吸炁吹入牢內法師置牢之時先存身為朱陵大帝左手掐三指甲下足躡丁綱而呪之如鬼邪凶惡加以當日考鬼人數多者或有未了邪祟之事即驅入火牢禁之

鎖門法

天殺皇皇地攝正方千邪萬鬼誰復敢藏飛步一吸萬鬼滅亡左魁右魁神聖攝鎖者不管走透神將疾鎖吾奉北帝勅

此法若人來投狀稱有邪祟作害法師先變神接押了候發遣投狀人出門法師隨手結鎖印三步丁綱呼神將取天剛炁向西北念三遍再取日脚炁吹印往患人住處方位默言神將疾與鎖者不管稍有走透想四五六甲力士往彼圍定鎖下鬼祟

北斗入門護身法

北斗七星吾召汝名山神伏尸土鬼潛形八王所隨所出地兵千里謹護吾身急急如律令

右法師至患家入門行數步存身為真武披

髮仗劍四直使者天關地軸儀仗隨從以左手結斗印默念法三遍至患人家廳上坐令驅患邪人出來勘問子細施行

四靈捉鬼法

鐘真子景降寬列聖急急四靈三昧降真四位神將速捉冤魂急急如律令

右今患人當面立令合眼次法師面北左手掐卯文念法三遍取四方炁各一口吸水少許同炁嘆患人面上喝神將疾捉鬼付體是驗也

又捉法

謹請南方真君在於丙地急降真火入吾水中天獸天殺助吾呪力助吾道法速捉鬼神急急如律令
右面南左手掐斗訣右手掐子文持淨水一

枕吸太陽真炁一口念法三遍取四方炁各

一口吹於水內次想南方火炎連天一炁吸入口中吹於水內如此作法三遍次令患人服之即時戰也如不欲驅考即不得將法水令喫即法師自吸噴於暗處令患人看之問見何鬼祟

縛鬼法

奏請北帝酆都之神北帝靈君助吾聖法行索捉縛邪精謹請天獄大神縛法降臨天獄鐵紐搗縛鬼手疾疾速速與吾搗縛急急如律令

右面北作惡以兩手結縛鬼印念法三遍取炁三口吸水少許嘆患人面上喝神將抱頭縛着如便縛起時只云緊縛

枷鬼法

謹請年直月直日直時直六陰甲子六陽甲子三陽會首九州社令四力士八金剛十二時辰使者且令與吾把鬼枷下吾奉北帝勅凡鬼祟捉下後問不語時法師面北左手掐鬼目念前法書枷鬼符一道呪盡筆盡再念

法將符燒為灰吹於患人頭上喝云枷下

枷鬼符式



又法

奉請北斗七星天剛大神左驅六甲右驅六丁丁卯連今鬼丁追魂四大神州捉加疾付鬼身鬼付人身鐵枷既到力重千斤急急如律令

右用此法於就近城隍靈廟處借枷即先望北念法三遍左手掐日辰訣吹往借枷處方位復以兩手結枷鬼印念法三遍吸炁吹放於患人項上想神將枷鬼喝疾

五斗拷鬼法

奉請五斗正炁北帝令行要辦祟神即加憲刑急拷鬼身吾手下四力士八金剛天剛大將天丁力士天獄大神疾速拷鬼通名急急如律令

又法師面北執刺子三條念法三遍取五方炁各一口吹於杖子上將一條放患人背上

兩條靠兩腿再念法一遍吸天剛炁一口吹之喝神將打

又法

謹請北方黑殺真炁降靈手持鐵杖拷鬼過名拷鬼除根打鬼斷形天轉地裂人生鬼滅

法到奉行急急如律令

此法用杖子同前取天剛炁吹之

壓鬼法

謹請大力天元大力將大力天光大力將大力天冲大力將大力大同大力將急急如律令

右法師面向天門左手結山字印右手執紙筆念法三通取炁一口吹印於紙上再結印念法書山字一箇咒盡筆盡吹印放字上將在患人背上喝神將壓下

又法

泰山揭底摧壓鬼莫延遲巨靈透入耳鬼魅化作泥急急如律令

右法師面東兩手結山字印念法三通取炁想見巨靈神擎泰山猛放患人頭上

李尊師撲鬼法

謹請天靈天地之神金木水火土通靈大力鬼王行法魘魘魁魁勇士金甲將軍法力力士左右把下李真君用劍在手行法捉邪急急如律令

右法師面北作惡左手結斗印右手指子文念法三通取炁三口吹患人面上喝神將把下如教打自打教撲即自撲也

燒鬼法

謹請南方丙丁將火鈴將天剛火神火龍大將火輪大將燒鬼大將急速與吾燒鬼急急如律令

右法師面南雙手結火輪印念法三通吸炁吹印於朱盞朱筆上後以早紙一片以左手掐小火印書火輪符於患人背上令燒書符并燒

符各念
後既咒

火輪符



中心七轉念
二十八宿

謹請東方太陽君二請南方火德君三請西

方火山神四請北方大火輪五請中央降真火吾手中執定大火輪燒鬼身不存急急如律令一炁念之咒盡成符

四瀆冰崇法

奉請四瀆源君九江大神攝力冰魂急速疾

冰急急如律令

右法師面北以右手指子文執淨水一椀念法三通吸炁吹於水內再念法一遍望北吸水炁一口吸水嚥患人喝神將疾與吾冰患人

照鬼法

謹請神明神促地神驅魂大神軍急奉靈追魂大將軍須管照真形與吾所降者為吾所顯者急急如律令

右法師先面北將紙一片念法三通取炁吹

紙上令患人揪作紙脚兩箇一左一右於油內蘸過再念法一遍吹於紙脚上令親人然燈扶患人於房內照之法師袖內結鐵棒印照之眾人皆可見為崇鬼也

追土地法

謹請北方黑帝神急速追某家土地吾奉
三清之勅聞之勅到身委重刑衆神侍立不
敢離位速追赴壇下急急如律令

右法師面北念法一遍取炁吹於地上云追
某家土地來隨次書追土地符一道燒為灰

以左手指地雷訣是也念法一遍吹符反云
速追來候處分神將權押崇在一邊再念法

吸水少許噴患人面喝神將驅土地赴患人
體分明報應唱喏示意劫同了便却令神將
押歸本處常切巡護再驅崇來劫問門街

法道之一

追土地符



黑殺靈黑殺聖追土地聚攝庭急急如律令
先面北念法一遍取炁吹於筆上再念法書
之呪盡符成

追魂法

謹請北帝大神九天玉女六丁六甲天魔大
王左魂神將右魄神將速追真炁速付真形

急急如律令

右法師向東念法三通取炁三口吹於患人
身上次將黃紙二片朱筆一管念法一遍取
炁吹紙筆上以左手結六丁印書追魂符二
道以針籤定以紙燈燒為灰用法水調下如

患大段不省人事牙關噤硬心頭熱未絕者
急以符水灌於耳內令人將照子一面於
耳邊打高聲呼姓名少時即活當書追魂符



是咒用

謹請六丁六甲神六丁六甲將賜吾靈文追
元辰在東北怎去得許昌偈念咒書符

移降法

奉請飛騰七降赴體通名急召騰魂使者速
來騰魂急急如律令

右此法為患人瘦弱不禁驅考即別喚一人
今與病人相對立先令患人吹炁今立者人
吸之兩人並令合眼法師面北念法三通取
炁吹患人頭上復念法一遍吸患人炁吹於
代人身上喝疾赴體

又法

奉請黑路天神與吾起身吾奉北帝勅
右此法為小兒患語言不得法師先令姪子
抱孩兒當面立吸孩兒炁一口合眼法師以
兩手結金槍印向北念法三通取炁三口望

面吹之喝神將速驅赴體加起體精神

抹塊法

謹請六通大聖大力天丁助吾通靈同共搜
捉邪炁入筆不得動作吾奉

上帝勅

右先問病人塊大小令自以手緊捉定塊將
厚紙一片於卓子上以左手結金槍印右手
執筆存筆為金槍紙為病塊向天門上念法
三通吸炁吹入筆中次以左手指卯文紙上
書田字一箇念開天門開地戶留人門塞鬼
今病人咳嗽一聲隨聲吸炁吹於卯文上
緊指定以筆抹田字先從天門上抹至東南
問減多少再取炁抹之並須連筆念

治小兒驚風吊法

斬腰截手劈腹刺心六丁下刀

右法師將墨筆一管念法一遍取天剛炁吹入筆中次以左手結金刀訣以五指壓四指三指念法上一句於孩兒手心書月字一箇第二句書刀字一箇再取太陽炁呵頂門上如眼稍下急令洗去字

手內字式



男先書左手
女先書右手

治小兒疳癆法

勅吾中宮順土地精咩魂絕攝
先問癆大小次將紙一片厚者令一人以手捉定癆塊須令小兒哭一聲吸炁念法三遍吹於紙筆上依病癆大小畫之於紙上以左手結金刀訣念法一遍吸炁吹於紙上急裂作兩三段再念法取炁細裂之立効三七

治吹妳法三七

左青龍急消滅右白虎急消滅
右令患人面西向法師立不拘遠近如患左妳令自捉定咳嗽三聲逐聲吸炁念法吹於法師手上自尋左妳三次攝之如患右邊則

七次為之

九天玄女飛針法

神針靈靈上合太清三塗苦疾病見自驚針合天曹天曹亦知再合地府地府須聞吾奉太上老君勅針教不得再施病教不得再發急急知律令

右此法先須用火日採桃木東南第一枝直者長一尺二寸即時面向北念法七遍取天剛炁吹之後以紅羅袋子收之如用治患時今患人對法師立可離一丈遠近問患甚處疼痛今自以手指定次法師以左手結金槍印右手持針安於卯文上指定左手叉腰右手當習念法七遍取天剛炁吹於針上令患人咳嗽一聲吸炁念法一遍吹於右手卯文上以針左轉三轉右轉七轉念法想病處進針

四聖布炁法

謹請天蓬天猷黑殺真武禁武斬殺咩
右先令患人面向西南立次法師焚香變神為驅邪院使以兩手掐子文退步步七星網


陽人以左脚乘網指之陰人以右足丁網指患人法師定身瞑目默念法一遍想見四聖從空而降急吸炁望病人吹之令病人鼻中吸炁咽之却於口中吐出邪炁呼吸不得令自己耳聞之治教四人獻錢馬四分以封狀具述治教人事意謝恩甚不可闕二六

破祟錄

魁魁魁魁魁魁

法寶及真武聖勅攝

奉請羅天大將廣明鬼王



具患人鄉貫生年月日時

法師具半銜

復現錄

勅法趙公明勅法將來似鬼形

步臨臨步臨臨步臨臨步臨臨步臨攝

具患人生年月日時

法師具半銜

右此二錄先令病家子細具狀方與書之書時先焚香啓祝狀內事意畢後搯五嶽三塗誅書之逐符取鬼門炁同訣吹入其破祟錄

令到家將紙錢一千貫燒之復現錄今安病人頭邊卧褥下候少時鬼祟即自顯現形影或赴體通說姓名也

五嶽三塗訣

以左手指卯文云磨針次搯中指上節云縛
○ 羅次搯四指中節云紅杏搯中指近掌文
云墨黑次搯中指中節云靈寶次搯卯文云
都功成切角鎮次搯辰文云與生獨隸可韓
聚魂公都聚魂攝入符中

祭醮法中神將法

此是雜法中別訣人亦用而多驗附之于此

凡祭告法中諸神將等過三七日甲子庚申
日夜備錢馬酒果香燈宿蒸餅一枚以阜絹
旗一面竹刀二張杖子三條辰砂二錢淨醋
半盞於淨室中排備從人定後啓請祝白再
三上香酒候至三更盡收錢馬旗杖等燒之

蒸餅砂醋等法師食之後於供養處寧心瞑
目端坐或卧亦得少頃見一人裹帽著衫繫
腰帶來共法師論話或有忘記即行追降法
即便自然省記也凡獻錢馬逐一具狀開牌
位獻之

捉將崔舒宣

縛將盧機權

柳將實楊捶

揚光

黃頭將陳鎮

蓬頭將劉仲

牢頭將楊政

五方追鬼將趙公明

左右急捉將姚端

火輪將宋無忌

考鬼將鄧行文

斬頭瀝血將劉炎

藥叉將陳守忠

靈官五郎馬勝

禁蠍法

若蠍毒螫著人者急搯左手第二指第一節

念咒吹之痛處以禁之其痛即止咒曰

八威吐毒急急如律令

又法

訣曰

天蠍柳析水毒滅日望太陽夜望斗綱取蒸

蒸一口咽下其痛即止



右念前咒書符貼之立差
太上助國救民總真秘要卷之七

太上助國救民總真秘要卷之八 對八

洞幽法師元妙宗編

太上正法禹步斗綱掌目訣法圖文

按禹步綱斗掌目之訣為道之大要法之元紀也步綱者乘於正氣以御物訣目者主於神機而運化修仙鍊真劾召制伏莫不資之於此矣法書舊本雖載其略舉用之闕者亦為不少今以所授總而備之庶少該博法家之妙盡於施用之功也

禹步斗綱訣

夫禹步者法乎造化之象日月運度之行也一月三交一交三句三句者三盈數也一時三交三交者九句也是以一步一交一交三跡三步九跡象一時也併足象天交也先舉左足者春秋之步也先舉右足者冬夏之步也春秋之孟者陽辰也冬夏之孟者陰辰也故生殺制御用春秋收藏積聚用冬夏也又云男當用春秋女用冬夏也又云三步九跡者法步三元九炁也又十二跡者法於律呂也又十五跡者法三五之數也因用制宜之

術存乎法訣之輕重然而稱禹步者云大禹治水以成厥功蓋天真授此步訣以制神召靈遂因名為禹步耳凡步躡之訣存身為驅邪院使正一法師三元五德將軍吏兵功曹師子白鶴侍衛森列仍先念洗身呪按經法能以神存心步尤為妙用不必於形跡履踐也經曰禹步是禹受於

太上而演天綱地紀出為禹步求真禁百物

人神龍鬼惡獸蛇毒之蟲等伏而勿殺拒而不伏者誅之其理有併五斗作三步九跡或

十二跡或三十五跡或一十五跡又有順倒

返三市之訣列之于後如步七星即從第一

從第七至第一謂之倒行復從第一至第七

謂之逆行地紀綱起於地戶從地戶上天之

義也

三步九跡法



經曰初為飛天綱躡地紀禹步翻為九跡亦中斗數也順倒返三市三遍復不如三若欲

急速得力但三步履舊網左右各一遍男重

左女重右左右說更須重


十二跡禹步法



三五跡禹步法



躡地紀飛天綱法



右禹步飛天網躡地紀並須倒返三遍為之

經曰行陰功助國護身救人者先躡地紀三遍訖即飛天網三遍即散變三步九跡步轉天關擊止之如恐不止即十二步禹步一遍又或步一十五步存上中下三將軍兵眾及六甲諸神等轉天關以指之如是三度萬事自消亦不苦損陰靈物命若六度為之所制立可殞滅禁其妄行損人功德

經曰步此有所制滅並指左右刀支訣在左手第五指第若治山人指惡人刀支在右手第三指上行遠右主殺左主生不可妄行切須察其理治惡鬼指鬼刀支在左手第五指第

經曰凶神毒龍妖鬼妄行狂風暴雨傷損人物不論水陸須步躡天網地紀各三遍散為


禹步九跡或二十五跡或三返為之先九步返網頭每為十二步又返為十五步左配衣左手把履呈指之轉天關舉手指之三或六或九致損病九度必死滅難為禁非道亦不可不慎其理也度其妖崇止則放不可便殺若人物不安水旱妖星皆可禁治

右天網地紀三五禹步眾圖事用甚大自各有經訣今略明其標要所貴法家知其奧妙之階梯識元真之閭闕也

登步洗身呪

吾以日洗身以月鍊真仙人輔我日月佐形二十八宿與吾合并千邪萬穢逐水而清急急如律令

天地交泰禹步法



凡登禹步先呪曰

吾是洞中太一真頭戴七星步四靈手執金劍翼上立逸運巡行直至坤地戶巽宮須結界直至天門謁帝君三步九跡登明星三災九厄離身形急急如律令

凡禹步訖念呪曰

乾尊曜靈坤順內營二儀交泰六合利貞配天亨地承寧肅清應感元黃上衣下裳震登艮興坎順離明巽旺兌生虎步龍驟天門地戶人門鬼門衛我者誰

昊天昊蒼今日禹步上應天綱鬼神賓伏下辟不祥所求如願應時靈光急急如律令

右步呪畢如法隨心行事

交乾禹步法



訣曰

坎雙艮隻步交乾震上雙行允亦然坤隻離單雙步巽三台歸去便朝天

右步畢結紫微印乾上化身乘白鶴飄飄至天門朝帝君述心事奏達乞賜

救命如願又再從天門返步歸巽於淨室壇上逐日子午時登壇禹步亦可披髮仗劍步

向乾上入壇心正坐瞑目呪曰

乾元亨利貞日月蔽吾形萬災不能干壽與天同齡急急如律令

又呪曰


吾是道門行法之主水火刀兵不能及吾疾

病盜賊不能及吾吾與日月同光所行萬事

吉昌急急如律令

右步呪畢如法行事


既濟禹步法 陽日可用



未濟禹步法 陰日可用

右二步法呪並同前

步火鈴斗訣 新權一
切凶神



火鈴神呪

太上神鈴炎帝之精光霞雷掣明耀三清流
火萬里鬼無逃形神印一著灰滅邪精三五
將軍豁落吏兵平天曷地誅鬼不停飛符走
印頭戴五星擲火前殺萬鬼千精六天鬼賊
付與神丁五靈真老是吾本師無礙神通萬
靈同歸惡鬼絕滅不祥連追中皇九道威布
四維伏匿故烝不遺纖微五瘟七疰吾能殺
之何神敢逆何鬼敢虧鄴都戮形北斗斬尸
神印一著萬鬼消糜急急如

大帝真君律令

左手把印右手把劍念火鈴呪七遍一星一
呪步相似北斗初左步貪狼次巨門右步次
祿存左點次文曲左步次廉貞右步次武曲
左步次破軍右步祿存星勿令步履星上七
星步一步存一星如金色於足下七步只同
也將印印有疑之處也印上一一塗好朱砂
雄黃也

步三台七星斗法 凡救治事
可步此斗



入斗步法 有所啓祝違動
之事用此斗



凡步此斗先念呪曰

我是天目與天相逐精如雷電光耀八極明
徹表裏無物不伏急急如律令

凡步斗入斗內有所啓祝違救並如本意施
行如欲解穢治疾行事即念淨天地呪
洞中玄虛晃朗太无八方威神使我自然靈
寶符命普告九天乾羅答那個置太玄斬妖
縛邪殺鬼萬千中山神呪元始王文我誦一
遍却鬼延年按行五嶽八海知聞魔王東首
侍衛靈真凶穢蕩淨道炁長存急急如律令
又呪曰
清清之水日月華開中有北斗內隱三台神

水噴噴禍去福來急急如律令

又呪曰


吾左目為日右目為月日為將軍月為司馬
五使噴水治穢無不除者掃除凶妖辟除五
惡百穢之鬼速走萬里急急如律令如印病

使出斗馬步念馬步咒至病人所
念天蓬殺鬼茅咒以去水實治之

凡步斗行事舉出斗呪曰

五行相催剛劬持威六甲輔我三台辟非天
回地轉陰陽開闢長生度世日月同輝急急
如律令

步鈴落斗法



步鈴落斗呪訣

斗要妙兮十二辰承天網兮威武陳烝鬻鬻
兮如浮雲七炁度兮上應天知變化兮有時
日入斗宿兮度天關六甲律兮持合乙復天
英兮乘天任傍天柱兮擁天心從茲度兮過

天禽傍天輔兮望天衝入天內兮出天蓬斗
道要兮剛柔濟添福祿兮留後世出幽冥兮
千萬歲急急如律令

右此斗如詳度臨時有所施為步舉隨意

別念呪法

步三攝綱法

三攝綱乃此神三攝綱誅一切精邪鬼魅瘟
黃之鬼



步雷火斗法

一轉指寅二轉指辰三轉指午四轉指子五
轉指申六轉指酉七轉指戌八轉指亥

步三才網法



三步丁字網法

凡取劍水用此網步

步霹靂解呪殺鬼網法

先指左手無名指甲下乃北斗交脚手收遊
魂誅鬼滅形



步網救水殺鬼都官呪

謹救咄叱赤身童童燒破天公天是吾父地
是吾母日是吾兄月是吾姊吾左行青龍右
行白虎前使千里之網後使白陽之劍吾召
五方五龍入吾水中召五方烏利並入吾水
中收付一切兇人惡鬼盜賊虎狼欲相謀害
者收付天剛之下無令動作急急如律令

關閉七步鐵蓋網法

指左手中指上節閉四山三轉收鬼山精社
廟入九泉下即以鐵蓋蓋之後指四指根歸
位



指掌飛五斗法

夫治病驅邪拘魂制魄藏神庇身立獄追鬼
蓋宅護民以至法師降伏神鬼邪魔魍魎精
靈妖怪魑魅之屬皆須自先飛捨五斗纏身
保固已形安藏魂魄然後施行諸法制劾邪
魔若斥逐鬼邪患者稍安明見祟已遠則宜
以飛五斗圍衛患者之身亦以周回先姓名
香粉令盛潔無諸穢氣襲瀆斗星若病人魂
神久為死者勿引去住身形倏經符法驅遣
日下不來作害者急以飛捨五斗而蓋庇之

若立獄召鬼鎮宅安人俱以飛捨五斗之訣
布市其方切須依按圖書明解指節三叩尚
逐斗閉炁默念星名而飛捨之

飛捨南斗法

第八

飛捨北斗法

飛捨東斗法

飛陰陽中斗法陽日李
陰日李為之



飛捨西斗法

陽日雷火斗法

陰日雷火斗法

禁治掌目訣圖



都天法主印訣四指須藏五爪玉清訣中指
拜表及天仙朝奏及存變用
用又云上上帝訣玉帝訣同此使
中指上節向上清兵太清訣中指北帝訣中指
與二指五指大指中節化身為北帝天師訣
大指三指二指入朝破廟等用之天師訣
指第一節本師訣大指抽二指按句神將紫
微訣小指從四指背過中指句定大指抽四
印又於腦下日君訣中指上節念日君
君訣第四指上節念月君明堂訣第二指天
綱訣第二指太陰取用之天丁訣中指根句
又天丁訣根以四指從中指背入二指抽大指

直中於下局五雷訣大指抽四指根餘四
邪祟於下局五雷訣大指抽四指根餘四
當前門燈無入病家用丁甲訣抽四指根餘四
指壓天門都監訣大指抽四指根餘四
領兵變神訣小指從四指背入中指句
馬從前局邪訣小指從四指背入中指句
來面上局邪訣小指從四指背入中指句
由臂大指頭八
壓定二指句功曹訣抽二指至收瘟訣
入症家指揮三指抽乾之二位指斗訣
指探閉地戶二指甲留入門中指根塞鬼路
中指甲上從鬼戶邪甲留入門中指根塞鬼路
甲初鬼訣大指抽四指五指亦相又中指三指
大指抽禁鬼訣四指五指亦相又中指三指
實上指禁鬼訣四指五指亦相又中指三指
仲小指今鬼通傳發兵訣大指抽四指根餘四
庚等用四山訣中指抽四指根餘四
月辰訣正月寅日抽四指根餘四
追鬼訣鬼用收遊魂在四指中節五嶽中
發收聚金丁訣中指抽四指根餘四
開印訣中指抽四指根餘四
入印訣大指於中指引鬼神赴獄訣抽四指根餘四
移中指抽掌心大指抽却金城訣中指抽四指根餘四
壓四指抽小指中節抽驅蝗蟲訣中指抽四指根餘四
百怪訣右手大指抽甲抽之驅蝗蟲訣中指抽四指根餘四
乘雲訣第四指抽鬼訣自實抽
右件訣目並以左手為之

入廟訣二指破廟訣二指驅病中指
 訣大指縛鬼訣二指白虎中指
 訣大指青龍訣二指白虎中指
 訣大指青龍訣二指白虎中指
 追魂訣大指勒鬼訣二指解龍訣二指
 卓劍訣大指勒鬼訣二指解龍訣二指

右件訣目並以右手為之

七星本訣

第一魁星文在左手第二節上
 第二魁星文在左手第一節上
 第三魁星文在左手第二節
 第四魁星文在左手第一節
 第五魁星文在左手第二節
 第六魁星文在左手第二節
 第七魁星文在左手第二節

五行主五等訣

木訣在左手第二節火訣在左手第三節
 土訣在左手第三節金訣在左手第三節
 水訣在左手第三節龍蛟刀支目在左手第三節

節上右邊絲線急縛
 之狀怪死自降也
 左邊常朱
 地心小刀支門目在左手對根節
 地單訣又殺鬼刀支訣在左手第五指第三
 名洞天訣破賊刀支訣東方以木人刀支
 遠則放之也
 金北來以水四季來以土刀支展成五來以
 四季抽此刀支以左手自滴訖又隨方色塗
 之木刀支以黃金白色金刀支以火赤色水
 以土黃色火以水黑色土以木青色塗之
 降七魔斬二鬼刀支訣在左手大指破五
 若八難九厄百病刀支訣金命人指大指
 水命人指土命人指木命人指火命人指
 木刀支土命人指木刀支
 手第三招星訣在左手第四指第一節見星
 指中下招星訣入所在分野欲呼之則抽此

天師書符存功曹神將法

左手大指為陽炁功曹凡書秦天曹符文存
 之為主

左手二指為地戶功曹凡書厭土殺土炁符
 文存之為主

左手三指為中主功曹主管五嶽凡書符禁
 一切山川精邪及書五嶽四瀆符文存之為
 主

左手第四指為迎送功曹書一切人和合佩

厭反覆符之存文為主

左手第五指為百會功曹管一切湯火鑪竈
 蛟蜃龍魚等書厭符文存之為主

左手大指下虎口紋主書斷一切虎狼符存
 之閉炁書之

左手大指中紋主書辟瘟疫及斷諸災障毒
 炁精邪伏尸等符存為大殺神

左手第二指近掌紋節主書厭官府口舌利
 市百蟲怪異等符存為無上天師

左手第二指中節主書死喪防四隣刑害修
 造等符

左手第二指上節主書厭狗犬婦人難產胎
 衣不下子死腹中等符

左手第三指近掌文為隄防使者主他人咒
 詛符與被厭人吞之

左手第三指中節為橫網使者主書昇壇謁
 貴人取索和合等符

左手第四指近掌文為聰明目書厭夜眠汗
 睡咬齒及小兒夜啼魂神不安等符

左手第四指中節為平目主書野獸入宅諸

般怪異等符

左手第五指近掌文主書一切疼痛腫癰符
左手五指中節為制伏神使主書一切蟲鼠
蠅螿符

左手五指上節為大力士使者主書厭船筏
酒酢等符

凡行步問病治邪入廟渡江入山書符並須
掐訣目發行問病步綱入門存左右二使者
二十八宿在身四周四直四靈在前後想身
為天蓬搖左手中指中文入山中行存青龍
白虎在左右日直時直在前後步斗綱搖左
手亥上入山入廟破廟存所授籙職想天蓬
身長五十丈領兵士萬萬億衆捕鬼使者天
丁力士北帝敕神祠大將一百二十人令行
入廟後搖大指第一文為破廟目第二文為
入廟目過渡江河存想天地水三官在前四
直在後本籙中吏兵在左右搖右手中指第
二節制伏大虎用法取炁搖左手辰下為大
虎目則虎伏目不敢視也凡伏惡鬼存身為
天蓬閉目伏印想天蓬咒內三十六將列在

前後監兵孟章列兵前後陵光執明建節持
幢向陳穹隆立在臣身中步七星行發印驅
病逐鬼指卯上為伏鬼目發符牒斬鬼存身
本籙天官執符牒在手步綱呼吏兵敕北帝
南斗大元殺童北帝敕斬鬼玄武使者授吾
符牒准此奉行先發牒行准前發牒目次指
右手掌心下文為斬鬼目如惡人戰鬪存身
為周武將軍身長九十六丈天冠赤憤絳章
丹衣手執玉陽之節領兵三十萬衆執符步
綱指左手中指第三文為戰陣目降伏五方
鬼神凶怪存身披髮仗劍步綱用雷師電師
印都天法主印次指左手掌心取天剛炁北
斗蓋頭四靈在前後次指大指下節下為魁
中五星入病人家存身為天醫令左右吏童
侍藥真童隨吾所行指右手寅上為病目凡
人生惡心多行咒詛用符厭已病生不知求
醫無差但依吾法步斗望天剛取炁書符與
著病人指右手于上為翻咒詛目則咒之人
反著而百術不解
太上助國救民總真秘要卷之八

太上助國救民總真秘要卷之九 對九


洞幽法師元妙編

傳度立獄生天臺醮蓋斗燈推占訣法

天心正法符券

夫版符者以版為之上書符咒鐵券者以鐵
葉為之上以雌黃為地朱書券文又或有以
黃花繒帛為之上書符券言不必用鐵止以
鐵為堅確之意案乎古法各有意義大體表
其誠信永堅固而已今且以所授舊法列如
後式

鐵券樣 以鐵葉為之方圓三寸
封於版符內卷內符並朱書



版符券文式 以絹木為之厚二
分高七寸闊九寸

維某年歲次某某月朔某日某辰本貫
大明國某州郡某鄉里某官觀道士某人本
命某甲日時生即日虔心奉詣
上清大洞法師某君門下傳授
上清北極天心正法斗下靈文版符鐵券助

國教民行持
道法拯拔衆生苦難斷絕邪精去除瘟疫洞
濟幽冥者



呪曰庚申時
衆神撥首邪
魔皈正敢有
惡逆化作微
塵悉忘如
上帝律令敕

券文

- 一券傳法弟子某所施大道仙法救治衆民
疾苦常行正直動合天心慎勿邪諂妄行
欺濫
- 一券傳法弟子某凡所施為將身比身孝養
二親恭事師長治救貧寒老病孤幼見之
即救慎勿貪取
- 一券傳法弟子某行持天法仙符一依正教
志心嚴潔慎勿輕泄漏慢不敢不取師旨
妄傳他人苟有所違臨事不神
- 牒前件弟子某性本清虛欽崇
大道志究仙法願指群迷事須給版符鐵券
鎮身護命延年益算謹請四大天王天龍八

部九天元君八大金剛十方護法神王六丁
六甲神將天丁力士五雷使者風伯雨師五
嶽四瀆洞府名山三界一切明神常切衛護
本人行持

太上道法教民疾苦驅瘟剪邪盡副願望准
此奉行

保舉師具位押

監度師具位押

度師具位押

先度師具位姓名

版券封面題式

版符鐵券給付傳法弟子某人鎮身護命行
持

傳度師具位押

對元

封

道法助國教民剪邪立正准此奉行急急如
律令

版券背面題式

保舉師具位某君保舉

監度師具位某君監度於某年某月某日拜
授



真文契文式 以黃素高一尺二寸造
寸間一尺八寸造

清微天

禹餘天


大赤天

斗 北 三台



太上正法玄科律令
日月星辰為證一如
答師令與師分食復養身靈約對
身處風刀萬劫不原上與七祖同受不敢違道
師令與師分食復養身靈約對

維某年庚子某月某日某州縣官觀弟子某
人奉命某年某月某日時生行年歲履歷籍貫
奉詣
北極驅邪院
上清法師某門下傳授
上清北極天心正法手下靈文一部唯願教民
疾苦斷我精保身命度厄延年傳授之後
不敢不奉
師首至傳此道無德之人及傳此道者當財道
昧公道斷我精保身命度厄延年傳授之後
法傳交授師不得隱其出偽欺騙弟子某其身
謝天地水三官若弟子違盟犯約難於辨當
身處風刀萬劫不原上與七祖同受不敢違道
各師令與師分食復養身靈約對
日月星辰為證一如
太上正法玄科律令



太上元君三子... 北極星君... 傳度師具位... 監度師具位... 傳度師具位... 惟三天正法萬道同師... 汝心之難勉宜補北極驅邪院右判官同... 句院事准... 式以...

新授法人補驅邪院官誥式

敕三台門下

據驅邪院某官姓某乞保奏某人稟性純
 素守善存心每宗奉於
 高真常歸依於
 大道頗有助國救民之志願欲傳受
 天心正法符籙保護身命位
 天行化利濟群生某年甲若干某月日
 時生上屬
 北斗某星君躬候
 俯報者



保舉師具位 臣姓某
 監度師具位 臣姓某
 傳度師具位 臣姓某

惟三天正法萬道同師... 汝心之難勉宜補北極驅邪院右判官同... 句院事准... 式以...

右牒奉
 上清玉帝
 敕符到奉行
 某年月日
 度師具位 臣姓某
 誥行

補職後得報應謝表式

臣某言臣聞大道無形育包萬化上德不宰
 運轉三元庶彙咸彰景靈居首不二之法非
 離乎本守一之要蓋出於誠自願凡材獲參
 仙品臣誠惶誠恐頓首頓首恭惟

太清大帝
 祖師上清大帝

王清大帝開天御曆執符為九百九十九億
 萬之道君闢地赤明龍漢乃十號十真百靈
 源之經寶三天正法五帝真符布化降祥垂

先應物 臣居凡賤叨奉至猷獲脫塵寰喜劇
 仙籍敢不上遵天戒下盡人情救苦為心報
 恩是切謹具表謝冒瀆
 天威下情無任望
 聖激切屏營之至 臣某誠惶誠恐頓首頓首
 謹言

太歲某年月 日具全銜 臣姓名上表
 立天獄法
 凡建立天獄先須依方所建置淨室一間並
 須緊密掃洒潔淨然後建獄

辨方訣

正月在子五九同 二月十六兔園中
 三十一馬欄內 四八十二入雞籠
 凡建獄先須變神後三步丁網存左右有捧
 劔印青衣二童子自身為驅邪院使戴交泰

冠披魚鬚服右手仗三昧火鈴劔左手執都
天法主印於建獄室中步七星網令人隨步
插竹子後用左紐緋繩一條逐星繫之先寫
追鬼符兩道一朱篆一墨篆以紙錢伍帖於
獄前燒符存追鬼符使如急脚之狀便掐追

鬼訣訣在第九卷 咒曰

天獄靈靈上帝敕行都天法令授命嚴行收
捉邪鬼無輒容情急急如律令

用紙一條朱書云泰山差來承帖神將應捉
到為禍鬼神並赴此獄復於此文上寫法師

銜位一行下押花字又於押字上寫准上帝
敕念前天獄呪次以上帝訣天丁訣貼於天

獄竹子存黑絹作黑雲錢化北斗作黑
暗獄天獄八星陽日用石及陰日用炭灰為
之各闊七寸武曲星下立獄圓闊一尺二寸

用青竹九莖各長四尺九寸星并獄各以細
灰為之以竹子逐位標定乃以竹為直獄將



吏以阜帛九條各長九寸闊一寸二分於竹
子頭星下七寸繫定朱書八星名於阜帛上

日間夜開慎防動觸並不用燈燭如治病以

網指病人卧房餘所雜事即以網指月建如
經兩宿天獄上未見蹤由即依前行文字催
承帖神將於立獄房門上貼天獄二字大書
事有報應未報應相度施行一依陽道公法
不順人情立獄不得令人見只常自己出入

驅邪院五獄主直壇土地亦須先燒錢馬

追鬼符式寫時向月建燒時觀之日所
有為禍邪祟速就原項焚味



獄內驗鬼跡法

若是狂猛凶惡鬼神即見本相如是陰沉之
鬼只露蹤跡如是命當終亡即病人本命星
下獄上現雙跡乃追魂使者報應也宜詳之
急罷獄若似雞跡是客亡似人跡大小五通

似貓鼠狐狸跡山精似人手足龐大猛惡山
神似蛇蟾跡竈神佛像土地壇席鬼若似鴉
鴨跡有血點者傷亡鬼若貢起者廟宇僧院
神靈為禍如刀挑起成小跡多者本家修造
觸犯如騾驢牛馬跡大者家盡毒小者隣家

毒如布索拖拽痕者自縊鬼如蟻跡雜亂者
伏尸癆鬼似小指兩頭一般大小塚墓注鬼
小者山林��池觸犯為禍

罷天獄法

變神為驅邪院使令鬼神先赴星壇顯現訖
依公以狀申解東嶽及以帖付神將管押前
去獄下出頭逐一封角文字了畢供養錢馬
便指揮二神將仰處分泰山差來神將及城
隍下神將速於天獄中交領某家為禍鬼神
於案前伺候指揮想見領到即便指揮依位
賜酒食錢馬訖即將管押鬼神文帖公引發
付了一面令人拆獄焚之砂灰並送江河內
申解狀式具列卷在第十卷


建生天臺法

詳投狀詞理分明依狀施行如不著實指定

因由即海行文字申獄乞指揮差神將同本屬城隍被呪家司命五遁逐村杜廟靈壇乃至內外子細察探是何色人以何師巫在何鬼廟許何物色枉殺良民未能解釋當院於奉入家建生天臺未審前件去處仰神將就彼管押赴臺候到即時行遣存見本人冤魂默言云弟子某與汝先有冤恨汝何故牽纏於陰司為禍至此見今某卧疾今吾為汝廣為齋醮經文錢馬資薦令汝就此臺生天今後須管改心易行更莫似前執對若不稟此指揮歷劫冤對不能托化如不聽吾言當禁汝入斗獄碎汝形影化為微塵急急知律今依法存變了即出牒引交付與神將押去東嶽仍闔沿路土地迤相防送直至府君殿下乃告府君指揮速報司勾除冤報捷疾取下詞狀放今生天其生天臺於生炁方上用廿松沉檀酒水拌砂為之三層下闊二尺高三寸中闊一尺五寸高二寸上闊一尺高七寸上層用鑑一面安富心中層四角安燈四盞臺前點七星燈以柄指病人房臺上一籤書

云生天臺三字又用卓子一隻列時果香燈茶酒供養卓子後用一牌闊三指高六寸上書云
稽首祖師上清大帝牌用斗後再三祝白事
意伏乞

祖師上清大帝特降敕旨依臣所奏施行
生天臺樣



下隴蓋法

先具狀飛奏上帝申北斗七王并泰山乞降指揮本屬城隍差神將同某人家司命土地等神專切巡護係隴蓋人口一年之內無諸災害行遣了畢狀式具後用鐵柱一枝若手大指大長一尺二寸象十二月上刻七節象北斗七王官存為金階玉室寶殿用一小淨瓶盛符用鐵一片長七寸闊二寸上篆三光

符鎮之

鐵柱樣



鐵版符樣



符用黃絹一尺二寸上篆三台下篆北斗七星象七王官分各逐本屬星下書弟子姓名年月日時

網符樣



網符盛於瓶中并係隴蓋人隨年錢以一大瓶到入隴蓋下小瓶選逐月華蓋方上掘地

深一尺二寸埋之華蓋方然後變神步七星
網用天丁訣從食狼起至破軍下禁其步網
念呪曰


北斗靈靈斗柄前星貪狼攝惡食鬼吞精巨
門烜赫照耀光明祿存奔霧統攝符兵霞衝
文曲光微廉貞威靈武曲真人輔星天綱大
聖急急如律令下錢并符

下隱蓋念呪曰

天為我蓋地為我載北斗懸星為我衣裳吾
藏弟子其人幾口在北斗七元之內流火之
庭干不能侵支不能傷為我者太陽不為我
者滅亡急急如律令

下禁埋瓶插鐵符於前安鐵柱於後即存四
天門王鎮四角存係隱蓋人在七王宮次想
城隍下兵圍繞巡護訖叩齒而退候年終開
隱蓋即備酒食錢馬獻符中聖眾三台北斗
本命星辰隨方備醮答謝
恩祐仍犒賞巡護神將兵眾當境土地逐一
具牒狀發道回嶽交還候交領兵將訖明乞
報應

敕字延生燈式敕字四十九差延字
三十六差生字二十



凡治瘟疫狂邪病患醮謝並點此燈常點辟
瘟延壽並各用石灰作痕後安燈點之先步
七星網誦呪曰

北斗七星玉真仙靈貪狼巨門保臣長榮祿
存文曲使臣聰明廉貞武曲保臣長寧破軍
輔弼護臣身形常居吉慶永保福齡注上生
籍除落死名神清燕潔洞達幽冥禦邪攝鬼
群妖摧傾學道修真我願合成七元扶衛飛
昇紫庭急急如律令
從用五雷訣閃目三轉作電光滿室挑發訣
即調發燈呪曰
上帝有敕發點斗燈七玉來降照護眾生左

右輔弼親見威靈天蓬元帥統領天兵五雷
使者六甲六丁玄武大聖台中三星去病除
禍誅斬妖精三魂輔體七魄安寧達救者死
稟救者亨延生一點身它光明急急如律令
然後點燈如人病患淹延醫治不可者宜點

此燈先用淨油六六十四兩木一兩甘草一兩
腦子一分桃枝一兩每條長九寸雄黃半兩
朱砂半兩已上除朱砂外一時入油中浸七
日向長生上以大黑煞符守護三光符封瓶
口候日數足取出去藥將油入淨盞中盞緣
四周用硃砂塗令厚從病人本命星上閉炁
步網如前點之以斗柄指病人卧房不得用
紙燈點宜用松明發之不得泄氣如其夜患
人本命燈先死便與家長言不可救也或明
權復有飛蛾投之人安鬼伏也如蛾活燈死
鬼盛人衰切在臨時詳之或暗不滅則知人
命不妨止是病未安也

點燈占住宅災福
宜於六會夜如前法安排醮祭占之事燈明
則吉暗則凶若有青色須有伏屍赤色忘血

光災白色有喪服或外孝黑色有病及官事
求家神黃色有熾炁焰長明者吉成輪光者
凶暗而復明主有凶惡

華蓋法

正月子方 二月丑方 三月寅方 四月卯方

五月辰方 六月巳方 七月午方 八月未方

九月申方 十月酉方 十一月戌方 十二月亥方

逐月在其方地謂之華蓋上建立醮蓋并生
天臺點延生燈也

紫微七政總天活曜天剛法

天剛所臨一切
山神惡煞悉皆
畏避不敢當也

七星日夜轉青天 魁在頭方剛尾邊

一日時中十二時 十二時中常成起

訣曰

但每夜戌時以戌上剛如月建上一時移一
位周而復始萬年亦同用之

又古天剛法

月月常加戌 時時起破軍

太陽未過宮前起亥太陽過宮後起戌常以
月建上以亥戌起到正時即便見天剛行度

推太陽方

正九出乙入庚方 二八尋兔入酉剛

三七上甲入辛位 四六生寅到戌鄉

五月入乾從艮出 十月巽身入坤方

十一十二居辰上 此是天心合太陽

推太陰方

正九先從丑位通 二八還歸千水宮

三七亥方四六戌 五月西天正歸東

十一十二居辰上 順數加時退一宮

入式坐端法

後見太陰臨照處 此是月光取炁同

入式之法妙通玄月將加時位上端便視何

神同一位用起人元建日千剋者為元從旺

斷五行之內審須看辯其神將詳凶吉方察

來人見的端動者為客不動主神將為財定

剋看主剋財方財不動財剋主主爭官客

剋主主來索物主剋客方客不歡加到本鄉

財不動相生忻喜物團圓二木為爻財難得

二土俱比遲晚間二金相剋都無順二火為

災百事殘二水皆須為大吉水來入火婦難

安全入木鄉口舌起火入金鄉有連連木來

入土為刑獄土來入水競在田上剋下時從

外入下剋上時向外邊常取寅申為貴客子

午卯酉酒食筵已亥定須來索物辰戌聞訟

競留連丑為銅鐵金銀類小吉婦人酒食錢

四位相生萬事吉內中刑剋不須言此是孫

賓真甲子天地移來掌內傳

推病狀法

問人年紀病根源 月將加時命上傳

見木便言風氣病 酉金氣滿肺相連

逢火內外皆生熱 見水冷病在腰間

遇土有刑生瘡腫 相生病體易為安

要見驚盤尋好醜 貴神位上共同看

又法

占病之法要須論 月將加時位上明

四仲即言病苦疾 常須四孟是天行

四季定之長病患 唯看刑剋辨浮沉

剋金為喘剋土服 剋水運為多難迅

剋木即為肝家病 剋火應長心裏連

此是神仙真妙訣 孫賓十法不令傳

定病人生死法

來人方上辯生死 貴神月將同用此
貴神與將若相剋 定知病重幸難止
人元方位更傷殘 昏沈應是難療治
命與財傷氣木金 此文秘奧通仙旨

定病人生死鬼限法

甲子巳午九宮傳 乙庚丑未八由年
丙辛寅申七行位 丁壬卯酉六行言
戊癸辰戌五行位 巳亥四殺本根元
辛命得日支干上 在何宮宿所相連

一坎二地三在雷 四風中五不堪言
六丁伴尋過七宅 九火仙人度八山
立春辰旺在山頭 八節隨卦順行流
旺相胎沒無餘事 囚死非中夜可愁
就中休廢兼逢鬼 便排棺擲赴荒丘

除法 水一火二木三金四土五
六七八九十黑紅青白黃
天除一地除二人除三四時除四五行除五
六甲除六七星除七八卦除八九曜除九不
盡者是算壽并鬼之數隨位辨其衣服色目
也

推取伏尸法

伏尸之法不為難此法元來有妙玄月將加
時知去處魯都之下伏尸安乙庚勝先尋方
位丙辛二日在坤邊戌癸功曹魯都吏丁壬
亥上傍於乾甲巳之日小吉下魯都之下是
枯泉魯都戌巳伏尸隱剋魯之處取應難

課崇是何神法

人來課崇求神意 月將加時方上覓
亥為爺娘北仙神 巳上電家相為崇
子為講龍玄武神 午為湯妨心中撒
丑為伏尸河伯神 未為中官或自縊
寅為刀兵樹龍神 申為口願功德崇
卯為客死外亡人 酉為佛像產死鬼
辰是天心家宅神 戌為觸犯家土地

推病崇圖

神崇 坎 坤 艮 震 巽 離 兌 乾
中 坎 坤 艮 震 巽 離 兌 乾
家神 坎 坤 艮 震 巽 離 兌 乾
家神 坎 坤 艮 震 巽 離 兌 乾

凡看病但問來人其患人在何方位卧地如
在兌上即知是家神少女其餘皆倣此臨時
書符行牒或劄子行遣驅逐也

行符吉山時辰法

甲乙日在寅卯丙丁日在辰巳戊己日在午
未庚辛日在申酉壬癸日在戌亥
右巳上日治病行符不可去大山

行符治病法

來人請符定時辰月將加時問病人傳到本
中看剋王建時運悉細推尋但俱亥上為正
月逆位分明十二神病人命上無相剋依時
符水得安寧

十二月行符雜忌法

正二三四五六七八九十月
大煞 戊巳午未寅卯辰亥子丑申酉
小煞 丑戌未辰戌未辰戌未辰
天獄 卯寅丑子亥戌酉申未午巳辰
地獄 戌酉申未午巳辰卯寅丑亥
天魂 丁丙乙甲癸壬辛庚丁丙乙甲
地魄 癸壬辛庚丁丙乙甲癸壬辛庚

天賊 酉寅未子乙戌卯甲丑午亥

月德 丁坤壬辛乾甲癸辰丙甲巽庚

右凡每月內值大煞小煞月煞書符行符並

凶宜厭怪煞孤梟吉凡往病家忌於矣地獄

方上入門并病人不可在獄方上向師治病

凡人命與天地魂同者其日不書符亦不違

符犯之殺人其天魂地魄方上當月不釘符

入地犯者田蠶死亡百事皆凶假令丁癸甲

庚生人正四月及丁癸日不為人書符亦不

與丁癸生人符是其例也

凡月德方上宜移病人牀在上治之吉

四季天一所在方

春卯

夏午

秋酉

冬子

凡書符下照在貴人方上大吉或設天一座

各依方色氣數置符上禮之春九夏三秋七

冬五度訖託人神驗

太上助國救民總真秘要卷之九

太上助國救民總真秘要卷之十 對十

洞幽法師元妙宗編

上清北極驅邪院行遣公文式

按法科凡有事端關牒靈祇申奏

神真最為綱要文式典則不可不備今以

應係合用行遣之式修定開列貴無闕悞

云耳凡因事應合行遣文字此更不一

具載如有不備者並比類格式隨意

傳法人投狀式

某州縣村郭坊市弟子姓某

右某謹齋法信物色何罄竭精誠投詣

上清法師某乙門下誓願乞傳授

比極天心正法一部志願助

天行化佐國救民治病扶危斷絕邪魔行持

已後並依師指不敢妄傳非道之士及恃此

違昧

大道稍敢有違乞先滅一身後罪七祖乞申

奏

七元高真 東嶽聖帝乞賜

慈念許與傳授謹狀

某年月 日具位姓某

諸應弟子求保舉師狀式

某州縣鄉坊村里保姓某

右某昨於某年月日具辭躬詣

上清法師某人門下求授

天心正法一部志願助

天行化佐國救民治病扶危斷絕邪崇已蒙

許賜勉日奏名奉命依法訪尋有道名師保

舉傳授竊念某生身幸處於中華存心久棲

於象外尋師屢訪於知已傾誠始遇於

明人比者伏惟

某門下得法至精與揚

大道救民及物拯濟殊深某謹投

門下願求保舉儻蒙

收錄則某敢不堅心剋志鍊骨銘骸至願修

行上報提拔之賜不勝幸甚謹具狀告

闕伏候

法旨 國號某年月 日具位姓某

狀

諸應弟子投師傳法辭式

某州縣鄉坊村里保姓名

右某本命年月日時生所屬

北斗某星君謹齋金九兩金銀一對命素一端以代質信青絲四兩以代剪髮丹砂七兩

以代歛血棒誦

法師某人門下求授

天心正法意欲助

天行化為國救民以其竊觀浮世之數常憂

危脆之身愧除害以不能冀與利而無術操

修既怠惶恐且深豈期多劫而來以整今辰

之會伏聞

某人不掩玄都之路特揚

太上之風抱行持一法之心增光道教垂拔

度群生之手拆破塵籠殿持枯朽之根上賴

栽培之力其於行已豈敢為非苟忘教育之

恩甘受沈淪之苦輪迴得度竭志奉修元運

相違盡心報答伏望

某人大開慈造少鑿微誠塵瀆之辭乞垂

憫念下情無任望恩之至謹辭

憫念下情無任望恩之至謹辭

國號年月日

法師為弟子啓表狀式

具法師全銜臣姓名

右臣今據某州縣坊郭弟子某已投狀陳述

及齋法信之儀詣臣門下乞傳授

北極天心正法志願助

天行化佐國安民救病濟苦斷絕邪魔行持

已後並依師指不敢妄傳非道之人及恃此

違昧

大道稍若不依此言甘當先滅一身及罪七

祖乞申奏外依格傳授者臣已審詳其人實

謂稟性純素守善存心每崇奉於

高真常歸依於

大道頗有救民之志願欲傳授正法及三光

北斗天剛大聖直武黑殺天符巨乞收補某

乙充某官并

呈奏

北極驅邪院印式及給付符文訣目依格付

度臣今未敢專擅謹先具謄錄事狀奏

聞伏乞

太清大帝

祖師上清大帝

玉清上帝特降

勅命指揮泰山所屬給遣神符兵吏付某已

院內佐助道法乞賜

聖慈許臣傳授依法付度以期報應冒職

天聰臣誠惶誠恐稽首頓首謹奏

某年月日具法師全銜臣姓名 狀奏

奏表關引式

北極驅邪院關某日當直功曹使者

○ 今月某日時發奏狀一通紙角封印皮筒

重封全赴

天樞院通落者

右本關付某日當直功曹使者准此

指揮疾速依例傳遞前去通落在路不得稽

遲損汗揩磨封頭不明一切不虞罪不輕恕

無致慢易不得有違故關

某年月日時關

都天大法主判北極驅邪院事

申泰山狀式

押

都天統攝邪魔歸正具銜姓名

當院本月某日據某州縣坊郭弟子某乙

齋心信投告當院乞傳授

北極天心正法輔正驅邪佐

天行化救民疾苦斷絕鬼祟志願行持者

右某已先具錄事狀聞奏

上帝并收補某乙充某官仍給付符文訣目

及驅邪院印式依格傳度行去訖謹具申

東嶽天齊仁聖帝伏乞

聖聰俯賜

指揮通行告示三界內城隍大王并所隸正

法曾用官典按分及五嶽四瀆名山大川宮

觀里社山川靈澤一切神明豫令知委某乙

授法領職後來或為人治病除邪切須佐助

道法收捕鬼祟無縱慢易并乞依例抽差神

通廣大威猛神將二員神兵一千人發遣往

新授法職某乙院內統轄助法指使其某乙

合用都天大法主印及本人親書花押某乙

給付行使去訖今頭連印文一本在前伏乞

照會其印文即不與諸處符印相同修其文

篆一歸真道此去某人應有申報狀牒文字

伏望

驗認印文施行所貴不致偽冒謹狀

某年月 日具位姓名

狀

凡申泰山狀發引式

北極驅邪院

本月某日時發實封申狀一紙角往

東嶽天齊仁聖帝御前通落者

右引出付泰山浴路土地速疾齋前件文字

遞相轉送前去通落不得稍有住滯措擦損

汗跡虞如違罪有所歸必定報究施行的無

輕恕

某年月 日時引

北極驅邪院使

凡奏表申天樞院狀式

北極驅邪院

本月某日發實封奏狀一通為某州縣鄉

坊某乙某事須至申上者

右件奏文候到日乞不以諸處章表為類伏

望徑為通

奏謹具狀申

天樞院謹狀

某年月 日具位姓名

狀

祈雨奏狀式

具法師銜全銜巨姓名

右巨據某州縣某乙陳狀為某處苗稼乾

損舉家骨肉晚夕憂惶供輸官中租賦浩

大無從出納一家良賤恐罹饑荒患難性

命不存乞行救濟巨已即時審察委於甚

年月內闕雨至今入事伏望

祖師上清大帝

太清大帝

玉清上帝聖慈特依巨所奏乞賜

勅旨下所屬委六丁六甲雷公電母風伯

雨師天丁力士五方龍王速為行布雨澤

救濟民苦巨已於某處起建淨醮以祈報

應謹錄狀奏

聞謹奏

某年月 日具位銜巨姓名 狀奏

牒雨部式

北極驅邪院 牒雲雷雨部六丁六甲神衆

如逆位行 牒寫佳也

當院據某人牒一如前須專行遣者

牒具如前當院已具事因聞奏

上帝及於某處啟建醮筵祈乞報應外今請

雲雷雨部六丁六甲神衆速於本地分大降

雨澤普濟民田救接苗稼無令損傷人命幸

不住滯謹牒

某年某月某日牒

具法師全銜姓

治伏屍邪魅所撓劄子式

北極驅邪院

某處某乙患某事今仰起遣本人家自前伏

屍客亡山邪鬼魅古竈土壠及先死伏屍傳

屍山精木客杜廟獵神一切為禍患祟速離

本人家舍任便往別處棲止即不得准前在

此別致禍患侵害生民速令患人魂魄附身

所病消散如受此

指揮後依前容今作祟其應千神吏等並與

邪祟鬼一例重行黜責聞報

東嶽水失生路

右劄付某乙家所屬司命五道土地杜廟

等處神吏准此

某年月日

治時瘟疫癘劄子式

北極驅邪院

某處某乙家患時疫病作深恐損傷人命仰

行瘟使臣立便收攝某乙家患人今日已前

身中八萬四千真神并五臟六腑神君及蕩

散某乙自前所受毒藥毒炁各令三魂七魄

歸體平復如常應是邪魔速離本人家舍無

令更有留滯或本人家中含有命終之人明

係天司勾滅仰具刺狀開破仍直申當完

照會若係命終之人天司切要追攝即仰一

面具此因依回報差來使者但稱已准驅邪

院指揮拘留即不得一例勾取仍委自司命

五道等神分明告知無令損失人命須議指

揮

右劄付行瘟使臣准此

某年月日

押

斷絕傳屍勞鬼所式

北極驅邪院 牒上 東嶽某案

准 貴嶽差到神將報應解鬼神以此言為某處

某乙患某事服藥作善消穰未退稱有傳

屍勞鬼纏繞勾連無由安樂急須披告乞

賜救護者

牒當院已於某乙家建立天獄及其狀奏

聞外伏請

指揮差神將同本屬城隍將吏司命五道神

衆立便往本人身一追取應係作禍邪鬼并

傳屍復連之鬼速押赴天獄顯見蹤跡守待

施行仍下地府候當院罷獄結斷了日即依

品例於生界托化無致勾連謹牒

某年某月某日牒

具法師全銜姓

押

轉牒行往逃處經由道路式

北極驅邪院 轉牒自某州某縣某路界山

林道路

當院今月某日某時起發往某處干繫某

事自當所至某處通計多少里數切慮地

祇等不知當院出入兼道路所隱虎狼鬼

物及邪精侵害須至專行轉牒者

牒具如前今牒某州界自此州至某處一路逐程山林符廟泉源窟穴陂池之所本屬地祇往廟靈祠等准此指揮常切鈐轄郭下所

統鬼神邪精務要潛息不得當截道路有妨當院往還經遊應係轄下鬼神當今在路嚴切祇候當院使役不得輒然怠慢如稍有違應係道路承受指揮等靈祇立當申送

泰山重行勘斷的不虛行故牒

○ 太歲某年某月 日 時牒

朱批事因依

具法位姓

右發此一道差本處土地齋行逐程轉近

帖土地等神拘管鬼邪式

北極驅邪院 帖某處土地司命五道合干

等靈祇

當院據某家狀稱某月日具述事件鬼神

千變萬化妖怪山精五通群鬼作陣無術

制伏並須子細開坐切慮向去及目下別致人命

須議專行指揮者

右帖付前項某處土地司命五道等神准此指揮看覩見患人是何鬼邪因何動作致此變化興禍生民應係出入經遊地分一面把

截不管走失已牒本屬城隍更差神將同共收捉須管敗獲伺候當院到來置獄勘問因

依別有行遣如稍有走透及不公其地分干繫等神立當具同罪因依

聞奏送

泰山決配施行不管時刻住滯

○ 太歲某甲子某年某月某日帖

下朱批

具法位

右向土地當面發遣如地遠差神將或日

直功曹將去叮嚀指揮或要發遣便內說

發遣前去要令人顯現知委次牒城隍

牒城隍救治式

北極驅邪院 牒 某處城隍

當院據州縣鄉里居住某人投狀稱為某

事便須子細說事不得漏落須議專行公

文者

牒具如前當院據本人情理具狀申

東嶽外事須牒本屬某處城隍候到請詳前

項牒內事件徑差神將帶領合要吏兵就往某處某家如置獄真言差神將勘問如起發某處某家言起發某家邪源候勒格斷遣者

勘會問為禍邪源從初因依勒令在獄顯現本相蹤由以待別作行遣謹牒

○ 太歲 年 月 日 時牒

下朱批

具法位

牒送邪祟赴城隍式

北極驅邪院 牒 飛處城隍

當院據某州縣居住某人投狀稱某人患

何疾及鬼邪等當院今住本處勾問遂得

前項某人身中鬼邪招伏因依真他所說

須至專行公牒就彼所斷遣者准

勅條諸鬼神具因依開坐條貫斷遣

牒具如前事牒

某處城隍候到請依降

勅條依公斷遣記請牒

五道都審物收仍請報應施行謹牒

太歲年月日時牒

下朱批

具法位

牒城隍及隣近神祠假借神將吏兵

式

北極驅邪院 牒 某廟靈祠

當院據某州縣鄉里某入狀投稱有某事

當院今看詳得狀內事理次第顯現有鬼

神如此動作具述狀內今當院合用下項

○ 兵吏等須至專行假借神將某員神兵某

千須至公牒者

牒具如前除當院具狀飛奏乞降

勅命指揮外事須牒某處靈相候到請詳前

項牒內事由徑差大將管押神兵某千赴某

方上建壇之所會集收捉妖怪仍叮嚀指揮

差來神將依例管押前來赴當所究氣搜捉

邪精鬼賊伺候了日別具公文開坐申

奏推行賞秘讀牒

太歲年月日時牒

下朱批

具法位

匱蓋奏狀式

具全街巨姓某

右臣某據國號某州縣某人狀投稱將帶

家眷等處計向去各人行年不正別受災厄

防保無門乞賜匱蓋覆護願獲平安巨遂

依式將某人等共計幾人年命於本家某

方上下匱蓋申寄

北斗七王官并申泰山計會本屬州縣城

隍同差神將千繫等神巡護係匱蓋人口

○ 一年之內管獲平安無諸災禍候年終滿

日別行開匱蓋今具某人等年命寄匱蓋

官分如後一人弟子某本命甲子某月日

時生寄入

北斗第一貪狼天門王官六十甲子生無

寄臣以依前項施行訖外謹具狀飛奏伏

乞

太清大帝

祖師上清大帝

玉清上帝

天恩特降

勅命指揮許依臣所奏施行冒瀆

聖聰臣誠惶誠恐稽首頓首死罪謹奏

太歲年月 日全街巨姓某 狀奏

申北斗七王官狀式

北極驅邪院

當院據國號某州縣某人狀投稱將帶家

眷深慮各人此去年度不正別受災厄乞

賜匱蓋衛護願獲平安當院遂依式將某

人年命於某處方下匱蓋具事由飛

奏并申泰山請計會本屬城隍差神將同

千繫等神巡護係匱蓋人口一年之內管

獲平安無諸災禍今具某人等年命寄匱

蓋官分如後

一人弟子某本命丑亥生行年幾歲寄

入北斗巨門少卿王官

右具如前當院已具前項事理施行去訖謹

具狀申

北斗七王官伏乞

聖慈特降

恩命指揮謹錄狀

上謹狀

太歲年月 日全銜姓 某 狀

申泰山請神將來防護匾蓋狀式

北極驅邪院

當院據國號某州縣某入狀投稱將帶家眷慮恐各人行年不正運值災星別受災厄無門防保乞賜匾蓋衛護各人身命一年之內乞獲平安無諸橫禍願賜清吉候

年終滿日別具醮禮開匾上答

天恩者

右具如前除當院已依式於甚處某方上建立匾蓋一座具狀飛奏及申寄

北斗七王官分外謹錄本人事由申

東嶽天齊仁聖帝伏乞

指揮計會本屬州縣城隍大王抽差有心力能勾當威雄大將各一員先請取索差來神將結罪事狀入案後便請疾速發遣前來某處某人家同住宅家神司命五道土地十二

禁忌干繫等神不住日夜常切巡護係匾蓋

人口幾名一年之內管獲平安無諸災咎出入清吉動止安居候年終滿日別具醮禮開

匾答謝

聖恩及乞指揮州縣城隍常切就便四季提

舉無致神將等怠慢容庇邪道與民為害如

稍放違便請檢錄元狀施行所貴邪道靜絕

民庶安居然乞某等今去身度通泰運限先

明永遠康寧不逢災難謹錄狀

上謹狀

太歲年月 日全銜姓 某 狀

開匾發遣神將牒式

北極驅邪院

當院先於某年月日具狀申

泰山請計會貴廟據差來神將在某家防

護係匾蓋人口即無闕事今來年限過滿

須至發遣者

牒具如前當院今據檢會前項神將在某入

家防護係匾蓋人口即無闕事除已帖元差

來神將回還外謹錄回牒報

聞候到請

指揮收入本直仍舊管役謹牒

太歲 年 月 日牒

具法位全銜姓

替統兵助法神將兵眾式

北極驅邪院

當院先於某年月日具狀申

貴嶽抽選到統兵助法二員神將部轄神

兵一千前來輔佐行持道法助國救民治

病除妖勦邪立正今已一年當滿須至專

行替換者

右具如前當院今檢會神將二員神兵一千

在當院指使並無闕事謹具狀申

東嶽泰山天齊仁聖帝伏乞

指揮選差足神通有威力神將二員一員充

統兵神將一員充助法神將神兵一千前來

當院對替元差來神兵乞賜先取下神將結

罪事狀入案後乞指揮日後專切隨逐當院

出入輔佐行持

道法一一稟聽指揮使喚凡是收擒邪祟勦

截民禍之際各仰大逞威力顯現神通收擒凶惡如王民疾患速令平復即不得時暫輒離左右無令神兵怠慢候年滿日別行替換并仰神將到日分明影響報應以憑拘管無令有失規儀謹錄狀

上謹狀

十七

大歲年月 日全銜姓 某 狀

設祭吏兵曉示式

北極驅邪院

○ 當院取今月日時賞設嶽下差來統兵助

○ 法神將神兵一千 或當替者 酒食錢馬 如

人行事即具地 齋設者 主名云齋設者

右具如前事須曉示前項神將兵衆各令知委至時齊集無令有失規儀

某年月 日

具半街

諸神司合用牒帖引劄目

五嶽聖帝法師請乞事用申本院用牒浴路

土地傳迎公文用引帖

地府水府主者並當院用關牒年直功曹傳

逝文字用關引帖六丁城隍太歲並用牒關

當界土地本家司命用引帖劄子指揮

名山福地文字並關六甲六丁通進

監守鬼神用東嶽神將

廣脫亡魂牒地獄道

計會久病牒天曹案

舉行功德牒校量案

計會鬼神牒五道都案

計會大厄牒生證見案

遷陟功德牒司命添祿壽案

○ 勾卒死人牒張都案判官

傷寒難得汗牒發汗案

陽道受罪牒傳錄事

傷寒難得解牒發汗案

計會壽數牒注命案

放生計會牒生命案

死經三日未冷絕牒還魂案

赦罪計會地府案判官

計會道經數牒鬼仙案

亡財失帛計會掠刺案

乞資算數牒短命案

亡過資薦功德牒地府保形案

見在功德計會天道案

計會年病牒行病案

計會生死牒萬里都案

人口併沒牒李都案判官

計會亡人牒六道內案

凡注福注壽天上授福司命注祿大壽祿添財帛等並須酌量事理輕重條制可否方可

與行遣計會凡刀山鑊湯灰河劍樹拔舌磨

○ 碓等獄判官亦看生存行何德行方可施行

仍須詳度品秩高下公文務合宜則

凡文官七品已上並屬天曹判官武官七

品已上並屬天曹李判官

四瀆水帝

九江水帝江瀆廣源王

九江水帝河瀆靈源王

淮水上相淮瀆長源王

濟水上相濟瀆清源王

太上助國救民總真秘要卷之十

終

正一論 全真坐鉢 捷法附

極一

有客難曰蓋聞三生萬物大道無私賦命自天皇天弗欺受載於地謂地必厚生非所迎而來死非所送而去道法自然人亦則之吉凶定分各自得也豈是要福所能遠禍乎且

聖人垂教應有定期如何世道參差或新或舊九十六種各稱妙化道家復何以旨教靈寶一法二用故當服膺從之懼乖先王之法行一差毫毛之機長懷千里之失望古與悲詬疑莫辯是以望雲欽響踟躕仙駕側席下風仰延高誨

答曰探微測妙之說辯幽論玄之事故當求其理顯然徵其形跡為據至理絕言非言無以載其極至德不形非形無以驗其有夫在形言寧無善惡禍是福之所倚故明其有微也福是禍之所伏故明其有主也有微有主孰為不信端形不招直影而直影自見和聲無追順響而順響必至倚伏循環寧在定分是以聖人立教遷善伐惡化惡伏善其化用不一者是關人情之有淳薄風俗之有興鄙

人淳則滋章不行禮薄則法令競起教以順民化以從俗是以太伯文身於東夷仲尼裹裳於西裸誠非至德之盛化然應變有方行藏之理抑亦在時博施於民而能濟眾者豈曰無功蓋亦從物情而成業者耳若保專一不離則天清地寧矣此則達人之高尚非庸才之所及一者正一也張君以正一統世八極無二玄綱一舉六合同風天覆地載教養修道非正一焉可得語其優劣哉余幸會大明洪流闡化欽風先聖味道餘生羨章雲梯

馳情天路籍素移年閑虛已日不勝飲露秋松荷澤春芳魚悅水深鳥希木茂栢林一枝閱河量腹但才愧尺短情非寸長智乏玄解識非通悟鑠管鑿光何酬明詰難曰聖人設教情無彼此何忌靈寶清齋音

教塗炭謝邪
答曰古教齋法及塗炭謝儀共出一卷經中聖人豈容應令修天師之謝而不修天師之齋若其齋可略其謝可換充靈寶闕者恐不但天師不許深非葛君之意特由世學者欲

截鶴接鳧耳誠願其長短齊一然要非可相換也

難曰塗炭儀所說云悉如靈寶法推之斯言可得兼用

答曰塗炭法者由羣生發障既深非大功不釋宿對根密非塗炭不解結考不解則學仙不成厄世不度天師以漢安元年十月十五日下午旨教於陽平山以教眾官今入仙目王趙修之卒登上道冥爾之時塗炭之謝已行而靈寶齋儀未敷唯五符而已豈得兼行推年檢事足明為謬斯乃造作支流穿鑿真交足此數字欲令張葛二教俱同一用信不足有不信矣

難曰竊聞議者所說旨教齋者天師以教治官而已此是小乘之法非靈寶道士之所宜修

答曰天師所說云吾以此法教治官道民令免災厄為後世種民種民之許寧忘道士道士之儔孰非治官治官不修種民焉度十苦八難非功不濟功違正一難與論德在位謀

正君子同所懷寶迷邦蓋亦愚夫之所深有失矣

難曰法以從善必可化以會時為用旨教齋法雖真而古拙凡朴通居凡素之跡不宜以施盛觀

答曰夫信言不美古自常然美言不信今也居之古不會今誠如來告未辯盛觀終何所宜若所宜在我有乖大丈夫處厚之情必移之於人豈得兼愛之旨無欲觀妙情歸玄極重察盛觀之意將非聖人之糟粕邪大音希

聲非無聲焉是以湯雷動執螽蟊為之解甲大象無形非無形焉是以二儀覆載合生得所戴履五行通風四時成俗萬物負陰抱陽亭毒育養窈然而見精恍兮而示象于未帝之先母無名之始師絕言之業資不可名之

教然後抱一以為式矣陳言示形以為不藏至理病是以病也豈可同乎塊然之器木石之流而齊於觀化者哉

難曰按前來說靈寶齋儀起於葛氏言教齋法出自天師天師葛氏相去近一百許年葛

氏未生之前已有塗炭不宜今者引入靈寶敬如清旨未詳葛氏所敷為當可用而不宜行邪

答曰再拱而治洪堯之軌墳索爛然盛周之風何必以結繩之純真而苟貶書記之淡泊

也古而不今則質在文無今而不古則質喪文行吾疑子以舊故見遺子乃以新知相嫌大略為疑者子復不文質彬彬耳

難曰若新舊之教理宜兼行而今子之所修唯舊宗新行與言乖的何為許

答曰魚鳥異效各自得之飛沈川陸天情不共五常同稟或剛柔殊操余蓬軀稗質紆曲任風若水之念從善如流心忘得失不以寵辱見驚志存天道無親疎間然不勝效新者多邪復留心舊教耳何必非今世之古人後生之一標誌哉

難曰天師大聖設教救物何今今者廢而不修將非三天之法有鄙正一之化不神通邪答曰上士聞道必行故松喬其人焉下士聞道太玄蓋亦丘壑之徒矣至道不行者豈非

松喬之黨妙丘壑之類多故鳳麟罕出而莫用雞駟雲疇以常馳不修之理居其然乎物勢之所之若颯風之所衝人情之所注如驟雨之所泊但颯風不可移崇朝驟雨難為日用耳道隱無名誰與名焉大辯若訥故誰與

辯焉知我者希則我者貴馬凌霜之幹不俟陽春易彩既震之雷無待絃鐘示音萬羅捕馬成功一目鑽燧颺煙與自無朕何必須區區於人物灼灼於榮華哉絕聖棄智民利百倍絕仁棄義民復孝慈絕巧棄利盜賊無有

夫天化覆育仁教弘愍大聖恢恢全生濟物豈得崇智棄聖喪德於慈聽者乎蓋非至道之所取矣至道所取引心長霄之上投節清都之官埋迹眾妙之門送心玄玄之無窮冥朝陽以栖影庇太虛以席空揖虛皇以畢性

習玄老之秘蹤佩蘭蕙以齊芳尚松桂以易容附青煙以傳誠留白日以照忠情無事於易俗德自可以移風名良友於東華叱鬼爽於北鄴正一何所鄙哉想不惑於今日耳相望吾子廓然自曉若被太陽於深夜矣

正一論



全真坐鉢捷法

嘗觀古人皆按宣洞陽城歎漏且自今年冬至起算來年冬至日止所謂周天之正數一日一夜通計一百刻每八刻二十分爲一時惟寅申巳亥有九刻皆以子午定其晝夜今者所在壺漏異常不遵古法務在機巧各肆醫術工匠一時胷臆之見制度既無軌則時刻宜乎差誤有過與不及之失今輟撰成滴漏循環之法積年而成不勞人力不費工財妙用玄微至簡且捷即出萬里之外篋笥皆可附行於几案之隅所謂天運璇璣盡在日中矣切見好事君子或用表標或用煙篆然香燥則易薰香潤則燼緩天晴日表可驗陰晦又不可孝三者但非悠久之法但依此造似乎簡易而精通玄微妙中之妙也

造孟之法

其法以銅孟二隻一隻大一隻小大者貯水初無定制但寬大過於小者足矣如無以磁孟代之小者重五兩高三寸四分面底並闊四寸七分上下四直造之恐度量差殊當以

太平錢五十文惟其輕重造畢於孟底微鑽一竅如針眼大浮於水盆上令水顛倒自穴外逆通上入小孟中用籌探之水至于子時子時至午則午至更則一更矣他皆倣此

下漏之法

每日天曉日將出時將一小孟浮於大孟水面上至日入時自然水滿小孟沈於水底爲度却取出小孟去其水再浮於水面上至來日天曉仍舊沈於水底昏曉二時俱以水滿爲度定其晝夜其日停水之時切須澄濾極淨毋使塵滓隘其水穴庶幾水無緩迫之矣

造籌之法

用薄木竹片皆可爲篋篋樣隨尺寸高下書寫時刻用採水定驗時辰更點尤是簡捷凡籌三十四分均布十二段每段該二分五釐惟寅申巳亥上分外加添四分謂維偏添之數也閏餘成歲折蹉之數也今皆捷取一路以浮魚指點處是也凡一年十二月止用太平錢二十文隨月加減鎮壓小孟

加減之法

十一月節晝用二十文太平錢勾鋪小孟底
 夜用空孟十二月節晝用太平錢十九文夜
 用一文自十二月節為始晝減一文夜添一
 文七日一次加減正月節晝用十一文夜用
 九文二月節晝用十文夜用十文三月節晝
 用九文夜用十一文三月節為始每七日一
 次晝減一文夜增一文四月節晝用一文夜
 用十九文五月節晝用空孟夜用二十文六
 月節晝用一文夜用十九文自六月節為始
 每七日一次晝增一文夜減一文七月節晝
 用九文夜用十一文八月節晝夜各用十
 文九月節晝用十一文夜用九文自九月節
 為始每七日一次晝添一文夜減一文十月
 節晝用十一文夜用九文


定太陽出沒法

正九出乙入庚方 二八出兔入雞場
 三七發甲入辛地 四六生寅入犬藏
 五月生艮歸乾上 仲冬出巽入坤方
 惟有十月十二月 出辰入申仔細詳

九陽真人

卷一

全真坐鉢捷法終



太平御覽卷上

道部

理所

五嶽山名圖曰性命魂神之所屬皆有理所
 神異經曰崑崙有銅柱其高凌雲所謂天柱
 圍三千里負曲如削下有仙曹九府治所
 又曰崑崙三么用其一角正北千辰星名曰閻
 風巔其一角正西名曰玄圃臺其一角正東
 名曰崑崙官上有玉樓十二景雲映日朱霞
 九光西王母之治所真官仙靈之所宗登真
 隱訣曰上清之境九天之門上皇太皇帝君
 玉尊集群神於其中以定天下萬民之罪福
 又曰西華堂在上清王母所居
 又曰文德宮取叔隱處之
 又曰八景城在上清玉晨道君所居
 又曰赤城太元真人所居
 又曰上清有寥陽殿上皇太帝玉尊集群真
 於內
 又曰希琳殿在上清東海八停山上太帝君
 所居

又曰琅玕殿在上清金闕聖君所居也
又曰上清之境有丹城紫臺上皇大帝君玉
尊集處

又曰七靈臺在上清境玉晨道君所居
又曰明真臺在上清境東海八停太山上帝

所居

又曰那弗臺在上清境方諸東華山上青童
君所居

又曰上清境有希琳臺太帝道君居之

東方朔十洲記曰有光碧室西王母所處也
○三九素語曰蘭臺宮赤桂玉女處之王房宮
黃帝之女處之

又曰滄浪海島上有積石室多石象八石腦
石桂英也

又曰紫石官室九老仙都治處也

又曰崑崙山一名崑陵山一名玄圃臺上有
積石圃大冶井王母宴會之所也

又曰崑崙有瓊華室西王母處之

又曰玄洲在北海亥地有太玄仙都伯真公
所治也

又曰聚窟洲在西海中北接崑崙上多真仙
官第有辟和天祿之獸洲上有大樹與楓木
相似而芳華開數里

又曰神仙島有紫石官室九老仙都治處仙
官數萬人

又曰方丈在東海中三天司命所居處群仙
皆往來其上大洞真經曰大素三元山有中
黃太一上帝之館

又曰玉晨大道君治藥珠日闕

又曰玉皇道君居青雲之城王階文陛

○又曰玉容堂者虛無真人之逸宅亦具氣之
明堂

又曰玉容堂者太上之明堂也得道符籍之
所在

又曰萬華宮在小有玉真之天小有先生治
所

又曰絕空之官在玄洲之北九真仙上帝司

禁君會仙處也

又曰圓華宮黃老之所處

又曰太霞之中太虛元君之所處也

又曰秀華山太極真人呼曰圓明丹室玉靈
真君處之

又曰青精君登紫空之山化玉室之內

又曰崑崙山有金丹流雲之堂上接璇璣之
輪下在太室之中西王母所治真仙之女所
處也

又曰玉室青精君之所遊處

又曰玉華三元君處流逸之室

又曰太虛有太霞之室合九雲而立于太虛
元君之所處也

○又曰青華之室青童君乘玉雕之耕御圓珠
之氣而入山室

又曰太老之室在上清八皇老君乘廣珠車
而入

又曰流剛山上有暉景之室西王母治所也
金根經曰青要帝君在丘玉國黃金紫殿青
要帝君所處

又曰八闕天人散香其闕上有金臺九層

臺上玉晨道君所進居也有金輝紫殿後聖
金闕帝君所居處也

上清經曰上清南極長生司命君藏瑤臺丹靈宮

又曰在蘭庭雲臺又登絕空之中紫碧玄臺

又曰有紫微玄琳殿中央黃老君居之

又曰協晨虛觀棲曾之室太上大道君閑居處也

又曰元始居紫雲之闕碧霞為城

又曰有黃房之室一名玉容之堂真晨道君治其中太真科崇玄臺天師朝禮處

又曰有燕仙室天師教化處也

南真說曰西王母女媚蘭字申林治滄浪山受書為雲林夫人

又曰北元中玄道君李慶賓女受書為東宮靈昭夫人治方丈臺第十三朱館中

又曰閭野者閭風之府是也崑崙上有九府是為九宮太極為太宮諸仙皆是九宮之官僚耳至于真人乃九宮之公卿也

又曰大方諸宮青君常治處也其上人皆天真高仙太極公卿諸司命所處有服日月芒法雖已得道為真猶故服之霍山赤城亦為

司命之府惟太元真人南嶽夫人在焉李仲甫在西方韓象在南方餘三十一司命皆在東華東華青童為大司命總統也楊君亦去東軫執事不知當在幾耳

又曰句曲山漢三茅君治其上各乘一白鶴集於處所時人互有見者山生黃金漢靈帝時詔勅郡縣採句曲之金以充武庫至孫權時又遣宿衛人採金常輸於官

又曰方丈西北有陰成大山滄浪西南有陽長大山其山多真仙之所處是陽九百六應數之標揭也秀華山有五堂乃五靈真君所處也

又曰金華山上有五官太一所處

又曰玄洲之上有景暉之室西王母之治所神州七轉七變經曰西隴濛汜之濱紫微玉堂王母請誥靈素章之處也

飛龍隱訣曰北極真君治於北極廣靈之室大洞雌一篇曰一元君在元虛之室

元始序曰寒靈丹殿在上清太玄玉都道君請真文之處

又有玉寶之殿帝尊所處也

王君內傳曰紫清太素瓊闕太素三元道君之所治也

洞玄經曰太極紫瑤之闕太極玄光真君所治之處自天地以來人之生死簿籍在其中

玉清書曰玉戶瓊門九皇上真在其中

茅君內傳曰玉清天中有散華臺是四斗七晨道君所治也

列仙傳曰太虛瓊臺太平道君處之上清八景飛經曰玉寶臺三元君所登處也

三元真一經曰黃闕紫戶玄精之室身中一尊君常栖息之所

神祝經曰太上玄堂天人所止

本行經曰有三元洞室妙真之所處也

道學傳曰茅山鸞口洞女冠錢妙真登壇處也

定志經曰天尊靜處玄都元陽七寶紫微宮

太一洞真經曰有太極紫房宮天帝寶神所處也

玉清經曰玉清官高真玉皇出入處

洞冥記曰宜都崇堂在紫泥之海東方朔宴息之所也

洞真經曰太老寢堂八皇老君居處也

三元王檢經曰廣靈之堂太素三元君處之在上清天

玄母八門經曰五通仙堂者五通帝君在其內

又曰散花玉室三素元君在其內

王清隱書曰瓊琳堂上皇玉帝寢宴處也

道學傳曰洞室中有太陰堂龍威丈人所見真文之所處也

龜山元錄曰文龜洞室上元君坐之處也

葛洪神仙傳曰金華山有石室一所丹溪人皇初平之隱處也

清虛真人王君內傳曰委羽山洞周迴萬里名曰大有空明天司馬季主在其中

又曰西域玉山洞周迴三千里名太玄總真天司命君之所處也

名山記曰益州西南青城山一名青城郡山形似城其山有崖舍赤壁張天師所治處南

連峨嶺山遙望唯見兩青嶺山如蠶蛾之眉亦有洞天諸靈書所藏不知當是第幾洞天也

又曰赤城丹山洞周迴三百里名曰上清平天此山下洞臺方二百里司命君之府也

玉京經曰玄都玉京山有七寶城太上無極大道虛皇君之所治也高仙之玄都焉

大有經曰太清極玄宮在元景之上太上道君居之

三元布經曰上清玉景宮佩三元布人在其中

道迹經曰秀華玉室五靈具之所處也

又曰洞真堂元始天王太一高聖君說觀身大戒之所也

昇玄經曰玉清臺仙聖遊行之所

七星移度經曰帝君上登太極瓊臺

上原經曰眉竺仙公住南嶽

五符經曰皇人在峨嶺山北絕巖之下蒼玉為屋

龜山元錄曰紫閣西華玉女居之

神祝經曰九合之室太上有在其內

王晨明鏡經曰有太玄玉晨金華之室三素元君處之

真誥曰大茅山西南有四平山谷呼為方山其下有洞室名曰方臺洞與華陽通號為別宇幽館得道者處之

又曰方隅山下有洞室名曰方源館幽人居之

又曰包山下有石室銀戶方圓百里

又曰有天市壇范丘林受口訣處

又曰存方臺仙人蔡天生隱其內

又曰清虛宮司馬季主隱處也

又曰積石臺朱孺子居之

又曰寢靜之室消子處之

又曰蓬萊仙公洛廣休治蓬萊山

又曰許玉斧居方山洞為上清仙公

又曰羨門今在蒙山大洞黃金之庭受書為中元仙卿

又曰廣漢郡綿竹縣東九里有山昔韓象於上得仙有大石銅為誌治應其宿

又曰廣漢郡新都縣去成都一百五十里山有芝草神藥前有池水中有神魚五頭昔王方平於此與太上相見治應斗宿

又曰越雋郡邛都縣有小山大山名蒙治山其高無踰伊尹於此學道上有芝英金液草

服之度世治應奎宿

又曰雲臺山有桃一樹三年一花五年一實懸絕無底之谷唯趙昇乃自擲取得桃子餘者無能取之治應胃宿

又曰天柱山有玉女乘白鶴仙人乘白鹿在雲臺治前有两碑

又曰玉局治在成都南水壽元年正月七日太上乘白鹿張天師乘白鶴來至此坐局脚玉牀即名玉局治應鬼宿

又曰鍾山在北海子地隔弱水自生神草仙家種芝課計頃畝如稻狀亦有玉石泉上有九源丈人官主領天下水神

又曰扶桑在碧海中大帝宮太真東王所治處也

又曰蓬萊山上有九天真宮蓋太真仙人所

居

玉京山經曰方諸宮青童君治之太丹宮南極元君治之白山宮太素真君治之西城宮總真王君治之

太真科曰有無央宮高上大真居之

龜山元籙白金華宮西華玉女處之

上清經曰啓金宮玉寶九霄丈人居之七映宮紫映九霄真王居之玉清元寶宮高上虛

皇君處之金靈宮紫虛高上元皇道君居之

朱靈宮上皇虛君居之洞雲宮上帝君處

之金輝宮紫皇君居之靈映宮高亭君居之

變化宮玉皇先生居之玉寶宮紫精君居之

飛玄宮玄一君居之玄上宮玉皇先生居之

變雲宮太帝君居之金門宮上帝君居之

陽明宮洞真君居之元景宮太素君處之紫

瑤宮北玄君居之納靈宮南朱君居之音光

宮西華君居之靈金宮中元君居之紫微宮

東明君居之鳳生宮高上君居之朗乾宮元

辰君居之七瑤宮九元君居之鬱森宮大明

君居之雲森宮元靈君居之洞霄宮三元君

居之返香宮元昭君居之長命宮太極元君

居之高虛宮紫元君居之飛玄宮上真老君

居之瓊容宮洞景君居之耀瓊宮太陽君居

之明真宮景元君居之紫耀宮司命君居之

通妙宮天皇君居之金華宮黃房君居之天

皇宮太一君居之開清府九天丈人居之又

有丹府三天玉童居之又有重冥府玉寶九

霄丈人居之鳳生府九霄真人居之金府靈

皇君居之丹神府上皇元道君居之生真府

玉虛君居之金魄府萬始先生居之務虛府

皇帝君居之紫耀府紫皇君居之神變府

元君居之九合府玉皇先生居之

又曰有護曾之室玉晨道君處之

又曰禕綠之室太元真人處之

漢武內傳曰有紫桂宮太上丈人居之

太平御覽卷上

〇〇

太平御覽卷中

摠二

道部

冠 幘 帔 巾 襪 履
 袍 裘 衣 佩 綬 襦
 板 笏 羣 鈴 杖 屐
 即 履 屐 帷 帳 席

真誥曰有一老人著繡裳戴芙蓉冠正倚赤九
 節杖而立芙蓉冠即禮之爵弁粗欲相似但
 不知真人以何物作之耳自非已成真不得
 冠此

又曰遠遊冠桐栢真人戴此冠女真已并者
 亦戴冠惟西王母首戴玉勝又女真未并者
 則三環角結或飛雲編結餘髮垂兩肩至腰
 中也龍冠金精巾虎巾青巾虎巾金巾此
 天真冠中之名不詳其制
 又曰男真未冠真並飛天文結
 道學傳曰王母二玉女侍王母上殿戴太真
 晨纓之冠復女瓊鳳文鳥
 又曰孟景翼字輔明義熹構難景翼星夜往

赴經行失道時一人黃衣之冠在其前引路

既得道乃失所在

海空經曰真仙道士並戴此冠披翠帔

太真科曰解褐披絳絹之冠釋巾著遠遊之冠

冠

又曰人皇著七寶珠

上清經曰元始皇上帝大人戴紫耀之冠佩九

色自然之綬

又曰高靈九天建金華七耀之冠

又曰王真九天大人建飛精百變之冠佩九

元道真之策

又曰上三天玉童建三華寶耀洞天玉冠

四明科曰凡脩上清道經大洞真經入宣之

日當身冠法服

又曰凡女子學上清之法受寶經玉訣脩行

太洞皆元君夫人之位入宣之日當冠元君

之服萬真束帶玉童玉女各二十人其掌法

服無此服不得升於上清

洞神經曰受道之人皆玄冠草履

傳授經曰老子去周左慈在魏並葛巾單裙

不著褐

又曰陸先生云對上下接謂之俯仰之格披

褐二服也

又曰冠戴二儀衣被四象故謂之法服

道學傳曰西母結大華之髻戴太真晨纓之

冠履玄瓊鳳文之鳥

上清變化經云紫映玉霄具王建三華天冠

帶交金之鈎

又曰上皇玉靈君建七耀華冠佩丹文紫綬

又曰皇上帝君建七色失精華冠

又曰太素高虛上極紫皇建七寶冠帶精神

交虬之綬

又曰虛明紫蘭中元高嶠君建三華之冠帶

流金紫章

又曰太素真君建紫晨巾乘青龍紫羽蓋

玉珮金璫經曰元始天王披九色離羅之帔

帶寶冠

又曰太帝建七氣朱冠

又曰華山君建六元通神飛冠佩交靈之綬

又曰嵩高君建中元黃晨玉冠佩黃神中皇

之章

又曰玉佩帝君建紫冠

真誥曰上元夫人服赤霜袍披青毛錦囊頭作三角髻散髮至於腰戴元晨夜月之冠帶六山火玉之佩腰鳳文琳華太綬執流黃揮精之劍

上清變化經曰太元真人巾芙蓉冠

上清元錄曰九天元父戴寶天之冠

太上五帝內真經曰青帝君建九元通天冠

又曰赤帝君建三氣玄梁寶冠

又曰白帝君建七氣明光寶冠

又曰黑帝君建五氣玄晨之冠

又曰黃帝君建黃晨通天冠佩黃晨越元之策帶靈飛紫綬

太上飛行羽經曰九晨君建飛精玉冠衣九

色之鳳披

又曰元晨君建飛天玉冠衣九龍天衣

又曰蓋晨君建三晨寶冠衣丹錦飛裳

又曰上晨君建玄精玉冠衣玄羽飛裳

又曰華晨君建飛晨寶冠衣青羽飛裳

太上飛行羽經曰靈妃元皇夫人建晨纓寶冠

昇玄經曰仙人定于明者黃褐玄巾

大洞玉訣曰皇初紫元天中真人披朱錦之

服巾綠霞之冠

山西經曰玉女建白冠

洞神經曰天皇君戴九元冠地皇君戴二晨

玉冠執元皇定錄策人皇君戴七色冠執上

皇保命玉策

又曰上清瓊宮南極玉真赤帝君建進賢之冠

又曰北極玉真黑帝君建玄寶之冠西極玉

真白帝君建通天寶冠中極玉真黃帝君建

通元五氣之冠

玉精真訣曰東方九靈真人戴九氣冠南極

真人戴進賢冠衣絳章之衣西方素靈真人

戴二寶玄冠北方玄靈真人戴玄冠中央總

元三靈真人戴黃晨玉冠

五光八景經曰東元景道君冠七色耀天玉

冠躡九色之履

金根經曰九天元父戴七色珠玉之憤無極進賢之冠

又曰九天玄母著青寶神光錦繡霜羅九色

之綬戴紫元玄黃寶冠

大有經曰玉清之母戴七神朱玉之髻巾無

極進賢之冠著玄黃素靈之綬在太極朱宮

又曰九天真女戴玄黃七稱進賢之冠

又曰上清真女戴玉冠著九色之綬居太幽

宮中

又曰太極帝妃冠無極進賢之冠衣五色鳳

文之綬在太清極玄宮中

又曰太上君戴三寶玉冠著九色之綬在無

極真宮中

又曰啓明天君冠青精進晨玉冠

太一洞真玄經曰三素老君服錦衣建龍虎

冠

又曰太一公子白元司命桃君五人皆著朱

衣絳中典主符籙在太微紫房宮

登真隱訣曰太玄上丹霞玉女戴紫巾又戴紫華芙蓉巾及金精巾飛巾虎文巾金巾

龍山元錄曰元始皇一丈人冠九氣紫曜之冠衣九光錦袍佩九色無縫自然之綬帶六山色三在上清之上又帶九天仙鍊之劍衣九色斑文袍常乘十二飛麟帶金虎鳳文之綬

金真玉光經曰元景道君曳玄黃之綬建七色玉冠

又曰元景道君衣丹錦之綬戴進賢玉冠乘玄景綠輿恭駕鳳凰又太陽上府紫微宮中道君曳絳錦丹綬戴玉冠躡九色之履執制魔之章又元景太一君曳玄黃素綬戴七寶冠執命神之策乘玉輦五采蓋紫雲車駮駕六龍

又曰桐柏山真人王子喬年甚少整頓非常建芙蓉冠著朱衣以白珠綴衣絳帶劬多論

金庭山中事言於世不真

太上素靈經曰太上神仙戴飛展寶冠又戴青精晨玉冠遊雲寶冠玉精寶冠通天玉寶冠三玄寶冠上清仙公並建扶華杳霞大冠道君冠九德之冠

太極左仙公起居注曰太上三天錫仙公芙蓉晨冠

靈飛六甲經曰上清瓊官東極玉真建九氣通精之冠玉京真人戴通陽玉晨冠少陽真人戴通曜之冠太素三元君建寶琅扶晨羽冠紫素元君建太真晨纓之冠三角髻餘髮散之於腰

太極金書曰元始建洞天之冠上君建青精天王之冠太真人建三寶玉冠二天童建三華寶曜洞天玉冠

大洞玉經云紫元真人被朱錦之服巾綠霞之冠

五嶽真形圖曰東嶽太山戴倉碧七稱之冠南嶽衡山戴九丹日精之冠中嶽嵩山冠黃玉太玄之冠西嶽華山建太初九流之冠北嶽恒山建太冥靈陰之冠青城丈人戴蓋天之冠

昇玄經曰昔有仙人豆子明建黃褐玄巾

憤

紫書金根經曰九天元父戴七色珠玉之憤

敷齊經曰正一功曹冠朱陽之憤

帔

太極金書曰元始天帝被九色羅帔丹絳之裾珠繡霞帔

太極左仙公起居注曰太上三天錫仙公丹錦繡帔

靈書紫文經曰青童大君衣飛青翠羽龍帔雌一五老經曰太素三元君服紫氣浮雲錦帔又紫繡毛帔又鳳文錦帔

無上真人內傳曰九色錦繡華文之帔

太元真人茅君內傳曰繡羽紫帔

九真中經云青玉錦帔絳玉素玉玄玉黃玉錦帔

又云青華丹藻玉白琳四出龍帔玄玉九道雲錦帔黃雲山文錦帔

褐

仙公請問經曰太極真人曰夫學道當潔淨衣服備巾褐制度名曰道之法服

靈寶真一自然經訣曰至具已得道人披九光七色法服

靈飛六甲經曰南極玉真著緋羅法服
上清紫宸經曰修七轉之道者上皇君以法
服飛仙羽章投之仍戴以紫元飛霜七色之
冠

襦

上清經曰高上玉皇衣玉文明光飛雲之襦
龜山元錄曰九天玄母衣霜羅九色之襦又
衣青羅之襦

五嶽真形圖曰五嶽使者服緋襦

三元布經曰紫素元君衣紫錦袂襦白素元

君衣白錦光明之襦

龜山元錄曰九色飛雲錦襦九色自然之襦

玉文明光飛錦之襦九色珠絳雲光錦襦丹

錦七色文光之襦

袍

太極金書曰元始披霜珠之袍

上清經曰三天玉童衣青黃錦袍

五嶽真形圖曰東嶽君服朱光袍

龜山元錄曰有明光飛錦珠袍五色雲羅之

袍七色鳳雲之袍九色斑文月包

茅君內傳曰有赤霜之袍

裘

大洞玉經曰司禁真伯乘日月之軒披虎文
之裘

八表經曰白素元君衣黃綠曜光雲文之裘

五帝內真經曰有玄文明光之裘九色斑裘

龜山元錄曰有雲文丹錦之裘

衣

三洞順行經曰玉景真人衣玄雲錦衣

老子歷藏中經曰東父者清陽之氣萬神之

先衣五采衣

龜山元錄曰有明光錦九朱飛文法衣三素

飛文錦衣五色斑衣九色龍衣又有青黃紫

三色羽衣又有九色鳳衣亦有九天鳳衣

珮

大成經曰太極真人曰凡謹事法服則著冠

冕玉珮

三元布經曰六山大玉之珮

綬

八素經曰太素元君衣流光雲文綬始素元

君衣紫光雲文素綬玄素元君衣飛雲九變
綬紫素元君衣玄黃九色素羅之綬黃素元
君衣飛雲素錦之綬

三元布經云紫素元君交帶靈飛大綬白素
元君珮青林華綬

太上飛行羽經曰九鈴之綬飛靈紫綬六山

飛晨之綬九光之綬

金真玉光經云紫青之綬丹錦之綬絳丹綬

玄黃素綬白文素靈之綬玄靈五色之綬

元始經曰九天玄母帶流蘇紫綬

又曰九元先延紫綬靈飛紫綬交靈素綬九

色自然之綬金虎鳳文之綬

又曰太上九氣命靈之章帶翠羽文靈之綬

昇玄經曰太上曰十方奉經真官五帝真事

符童傳言謁者皆冠帶垂纓齊執玉板羅列

鹵簿對我前後左右

笏

昇玄經曰太上勅陵陽監受教稽首而起執

笏戶東面西而立

笏戶東面西而立

帶

太上飛行羽經曰上君衣鳳衣斑衣虎帶

太上素靈經曰太上神仙衣青錦單帶青綾

帶雲錦絳章丹帶絳衣飛帶黃金錦帶

三元布經曰太素三元君服九色龍錦羽帶

紫素元君衣飛霜羅帶

太極左仙公起居注曰太上三天錫仙公緋

羅帶

龜山元錄曰有丹錦飛帶色龍錦羽帶

太上飛行羽經曰七色夜先雲錦帶

九真中經曰蒼華飛羽帶丹華飛羽帶白羽

飛華帶亦有黑羽黃羽飛華帶

又曰翠龍華文飛羽帶朱華鳳帶素羽寫章

帶黑羽龍文帶綠羽鳳華繡帶

鈴

移度曰南方真皇君垂靈霜鳳華龍鈴帶虎

書建玄晨之冠飛青錦衣乘丹霞絳與

龜山元錄曰有玉鈴又有晨光明月之鈴

列仙傳曰北元中文道君李慶賓女為靈昭

夫人著紫錦衣帶佛虎符握流金鈴有兩侍

女侍女年可二十許夫人年可十三四聞呼

一侍女名隱暉侍女皆青綾衣捧赤玉箱二

枚青帶絡之題曰玉檢曰太上章一檢曰太

上文夫人帶青玉色綬如世人帶章囊狀隱

章當長五文許大三四尺

又曰太極有四真人中黃君處其左佩神虎

之符帶流金之鈴執紫毛之節頂金精之中

又曰仙道有紫繡毛幘丹青飛裙翠羽華衣

金鈴青帶曲晨飛蓋御之自飛

杖

龜山元錄曰冬三月三天玉童化為老人手

把九節杖行洞耀玉清之中

聖紀經曰有老人握青竹杖與老子談天地

之數

赤書玉訣上經曰當取靈山向陽竹令長丈

有七節作神杖使長上下通直甘竹乃佳印

以元始之章動息坐起恒以自隨有五帝直

符更輔翼上真

茅君傳曰朱官使者把綠節杖瓊干羽旄

又曰太素真人把八景飛杖九色之節出入

上清三天玉童頭連三角黃巾手把九節金

杖

節

列仙傳曰太元真人杖紫毛之節紫微王夫

人與一神女俱降神女著雲錦綺上丹下青

文采相照腰有綠繡帶帶繫平餘小鈴鈴青

色黃色更相參劄左帶玉佩佩如人間佩佩

但幾小耳衣服倏倏有光照映室內如日中

視雲母也雲髮鬢鬢整頓絕倫髻在頂中垂

餘髮至腰指著金錄白珠約臂視之年可堪

十三四左右兩侍女其一侍女著朱衣帶青

章囊手中又持一錦囊囊長尺餘以盛書十

餘卷以白玉檢上刺字云玉清神虎內真紫

元丹章其一侍女著青衣捧一白箱以絳帶

絡之箱似象牙箱形二侍女年可堪十七八

整飾非常

又曰裴真人從者侍青毛之節一童帶繡囊

周君從者持黃毛之節無囊二君各有六童

又曰東卿大臣見降侍從七人一人執紫毛

節一人執華幡一名十絕靈幡一人帶綠章

囊三人捧牙箱一人握流金鈴侍者並朱衣東御形甚少於二弟二弟著青錦繡紫毛被中芙蓉冠二弟並同來倚立東御命坐言語良久時乙丑歲晉興寧三年七月四日降於楊君之家也

又曰先道有三十七種色之節以給仙人

履

九真中經曰凡學道者勿令人犯履履行道尤多禁忌

金真玉光經曰有五色師子之履

玉光八景經曰東北始陽宮牛元景足躡五色履

鳥

龜山元錄曰領仙王奉元始命使宵晨纓玉冠鳳雲之鳥給上真仙母又有神雲鳳鳥

列仙傳曰安期先生賣藥海邊時人言千歲翁秦始皇召與語三夕賜金璧數千萬出於皇鄉亭皆置去留書以赤玉鳥一量為報曰後千歲求我蓬萊山下始皇即遣使者入海未至蓬萊山輒風波而還

上真元錄曰九天元父曳神雲鳳鳥帶素雲之綬

帷帳

神州經曰九河帝君坐玉牀五色帷帳內外光明玉佩千垂

席

玉佩金璫經曰仙人鄭段者坐玉華之席

太平御覽卷中

太平御覽卷下

道部

簡章

極四

玉帝七聖玄記曰七聖定簡五帝記名

登真隱訣曰小有天王太素清虛真人登白

空山詣紫虛太真三元君受流金火鈴豁落

七元八景飛晨策玉璽

又曰太一有玉璽金丹虎符

至清隱書曰有太上飛行九晨玉經金簡內

又曰玉璽鳳函金真玉光紫文單章在其內

九幽經曰帝尊在三元宮中總校圖錄

又曰善功注名黃錄金格玉簡陳列三清四

極

明科經曰若有玄名帝圖紫簡綠字千年得

傳也

又曰五老實經青綠為字以書其章又八素

真經太上之隱書也八色采筆金闕帝君自

書之為致真之法以付太虛真人南嶽赤松

子使下授學道宿有真金玉字刻在金閣當

為真人者不得越傳地仙又五符經一道通書以南和丹縉封以金英之函印以玄都之章付震水洞室之君又靈寶真一自然經眾真佩此經者以黃錦為地丹金書之永谷道真享之無期也元始說經中所言並是諸天上帝內名隱韻之音非世之常辭也

又曰雌一玉檢五寶經秘在九天之上大有之宮太玄靈寶室玉房之中紫金為素以撰其文青綠為字以書其章

又曰有妙經刻玉為簡傳於天帝君

太上八素真經曰司命著籍玉簡丹書編以金纏纏以青絲千億萬年無所復疑

又曰太上吉日即以三元之章又印以太玄之章又印以高皇之章又印以中黃之章

又曰西華官有琅簡藥書也

又曰太上以白玉為簡丹玉書亦用青碧玄玉黃金為之

八素經曰八素真經玄文生於太空之內見於西龜之山玄圖之上積石之陰高玄羽章眾真章禮稱慶上清

上清經曰三天玉童帶朱精禁天之章而上玉皇佩丹皇玉章

又曰紫映九霄真玉佩金鳳璽

又曰太素三元君有雲瓊之版九變虎書

又曰高靈九帝帶元光紫綬流精飛瓊之章

又曰三天玉童帶九天之章

又曰高上虛皇君佩丹皇玉章

又曰玉真九天丈人佩九元通真之策

又曰紫靈皇上帝元皇佩封靈召真玉策帶流

光鳳章

又曰皇上帝君帶神虎玉章

又曰三元大明上皇君帶神虎紫章

又曰皇上帝始先生佩金虎鳳文帶丹皇紫章

章

又曰皇上帝君帶神虎玉章

又曰上極紫皇君佩六山玉帶神精交蛇之章綬

太霄琅書曰太微天帝君以紫蘭結紫皮經

篇目也

又曰有帝章之印

又曰瓊文帝章當刻書兼心之木受於絕巖之中

又曰太霄琅書乃九天飛霄之典瓊文帝章乃上文也並以元始生於自然空洞之中靈皇玉帝受於九玄鑄金為簡刻玉結篇金鏤

玉字以明寶文秘於九天之上

洞神經曰有三都印三皇印九天印鉅天下

又曰有三皇玉券一名金契

又曰受三皇法須玉簡長一尺二寸廣一寸厚三分無者椹桐准也

又曰通謁三皇之簡以青玉作之赤金為字

金根經曰金簡玉札出自太上靈都之官書以朱文編以朱繩

又曰有神華玉門真人投金簡之處

又曰領仙玉郎齋金簡紫籍來於東華青宮

校定玉名

又曰玉皇刻丹精玉芝金璽鳳章也玉寶

青宮之內有金章鳳璽

又曰青宮北殿上有金章鳳璽真人得之

又曰青宮之內北殿上有仙格也

格上有

金格也

格上有

金格也

學仙簿錄及玄名年月深淺金簡玉札有十萬篇領仙玉郎之典也

又曰青宮無金簡之錄玉格無玄編之名神經亦不可得披

太洞玉經曰讀玄一洞經者神臺刊名於福

運之簡太上金簡玉札名為福連之書也

又曰真陽者上清之宮名福連之簡刊其內

五符經曰真一食五牙天文西母刻以黃金之札封以丹芝光草印以太上中章

茅君內傳曰茅盈在恆山內夢太玄玉女把玉札携之

又曰太上道君有玉輿鳳璽

又曰太元真人有一人帶綠草囊又一人帶

繡章囊一人帶錦囊言

金真玉光經曰有招靈之章保生玉章

又曰此經高妙衆經之尊總御萬真匡御群

仙玄符流映洞明紫晨秘於九天之宮鑄金為簡以撰靈支刻玉丹書八明其篇目也

又靈寶自然經曰太上諸仙真以黃金為簡

丹玉書之又太真科以玉牒金書七寶為簡

玉帝七聖玄紀曰刻以白銀之間結以飛青之文

又曰廣靈之堂迴天九霄白簡青錄刻其內

太真科曰丹簡者以朱漆簡明火立陽也墨

錄者以墨書文明水主陰人學長生故名丹

簡墨錄秘不妄傳

又曰天皇執飛仙玉策人皇執上皇保命玉

策地皇執元皇定錄之策

三華寶曜內真上經曰大帝靈都宮中有二

十四萬上真仙人皆鑄金為簡白銀結編紫

華書文誦詠此篇

三天正法曰三天九微玄都太真靈錄者秘

在太上靈都之宮刻以紫玉為簡黃金為文

付五老上真仙都左公封以紫藥玉笈或以

雲錦之囊

南嶽夫人內傳曰白簡素錄以白玉為簡以

青玉為字故謂之白簡青錄皆記得道之人

姓名

道學傳曰金簡有玉元規之筆迹

太上素經曰凡受太上黃素經者傳盟用玉

札一枚長一尺五分廣一寸四分又云有三元秀簡

真誥曰清虛真人詣三元君受玉璽金真

龜山元錄曰丹文紫章神虎玉章七元交光

之章流金紫章太上命神之章夜光寶章九

色雜羅之章

靈書紫文經曰靈書紫文上經刻以紫玉為

簡青金為文

黃錄簡文經曰投金龍一枚丹書玉札青絲

纏之以關靈山五帝昇度之信封於絕巖之

中一依舊法

又曰丹書玉札一枚金龍一以青絲繫石沈

三河以關水帝昇度之信一依玉訣舊文

大洞玉經曰太上經簡玉札名為福連之書

又曰太上書以形玉之札則玉映之堂可見

四明之門可入也

後聖道君列紀曰刻以紫玉為簡青金為文

龜母按筆真童拂進玉童結編名之曰靈書

龍飛尺素隱訣曰太微天帝君命羽仙侍郎

捧金按以請飛行羽章

太一洞真玄經曰白元司命五人朱衣絳巾各捧一白玉案上有所主簡
紫度炎光經曰龜母捧筆太一拂燧天妃侍香玉筆結編以白玉爲簡金書保仙上符仙都也左公封以玉笈雲錦之囊

變化經曰金光立空之紫雲錦之囊封九赤班符於玄元之中南極長生司命君得之玉佩金璫上經曰九老仙都捧金精立空之案上請寶文以授衆真

雪洞靈章經曰白簡度品青錄定仙

太元上上經曰非有瓊錄玉名刻簡三清者不得金虎內符

靈書經曰東方九氣天中靈寶度命品章出自元始東華青童君封之青玉寶函之中印以元始九氣之章

神仙中經曰老子度關時爲尹喜著五千言解五十五章是手所書也能行此道知元氣父母天地之先不知此者徒自苦耳太微天帝君以紫簡注紫度炎光經篇目金簡書其正文玄章在焉

玉皇譜錄曰高上衆真結自然之章
金玄羽章經曰玉清八景隱書金玄內文生於大始之先即天之書也以威百神諸天內音經曰天有飛玄自然之氣合和五音以成天中無量洞章

赤書玉訣上曰無始靈寶告水帝削除罪簡上聞九天金龍驛傳在朱書銀木簡以投三河之淵初用金紐九雙連簡沈之於清冷之泉埋本命之嶽三官九府書人功過其理甚明

隱元內文經曰青童君延萬帝於曲字講寶訣之妙章

洞真經曰六層玉臺在九天圖之上臺上有金蘭玉札及紫鳳丹章十萬篇太上具文玉即典之

玉光八景經曰玉寶臺太空之章封其內飛行羽經曰上皇九轉之道絳簡紫書祕於紫天元臺

二十四生圖曰披九光玉蘊出金書紫字玉文丹章三部八景二十四生圖置白玉案上

靈寶隱書曰玉誕者曇指天十都名也上有大洞之章紫書玉字煥手上清
玉京山齋曰諸高仙真人大會太上玄都坡空洞歌章

靈書經曰東方九氣天中靈寶度命品章出自天元始東華青童君封之青玉寶函之中中以元始九氣之章入南方三氣丹天靈寶度命玉章出自元始朱陵上宮南極上元君封之赤玉寶函之中印以太丹三氣之章又西方七氣天中靈寶度命玉章出自元始西華宮中金母封之白玉寶函之中印以太素七氣之章

又云北方五氣天靈寶度命玉章出自元始北上宮中玉晨君封之玄玉函之中印以太玄五氣之章

三元布經曰高上三元經者乃三清真書也上真玉檢飛空之篇上元檢天大錄中元檢仙真書下元檢地玉文如是寶篇高上皆刻金丹書或以自然雲錦囊封以三元寶神之章藏於九天之上大有之宮金臺玉室九曲

丹房

靈寶赤書曰元始命太真按筆玉妃拂筵鑄金為簡刻書玉篇五老掌錄於九天靈都之宮

迴天九霄經曰於是太一拂筵天妃侍香玉

華執中丹書紫字刻於白金隱起靈類結於

玉篇題以青錄得道之名龍景九文

紫鳳赤書經曰太上命太極真人授以玉簡

金書寶洞飛霄絕玄之章

玉帝玄記曰中皇元年九月七日七聖齋靈

清長官記其得道之篇刻以白銀之簡藏於

雲錦之囊封以啓命之章付以五老仙都玄

公掌錄瓊宮

又曰古空洞之中有迴天上文四司所保五

帝所詮七聖定簡舉形合元

大有經曰太上玉章刻玉為簡總御萬真

真經曰東方歲星青帝勾芒佩通明之印南

方榮感赤帝太昊佩太陽之印西方太白白

帝少昊佩通陰之印北方辰星黑帝頤頌佩

通神之印中央鎮星大帝文昌佩方神之印

本際經曰有十二法印

紫書金根經曰有青精玉璽

金房上經曰大帝靈神都官中有金房度命

迴年之訣鑄金為簡刻白銀之編紫筆書文

消魔經曰發九天之朱匱望上清之瓊札玄

書既刻於玉章准名以判於靈關

大洞真經曰八景玉錄藏於太素瑤臺玄書

羽室封以鬱森之笈玉清三元之章簡札品

曰青童君曰無金簡者銀水亦可當也無玉

札者桐木亦可當也但令猜好也真理無有

間節當取札於雲錦之囊此上真之至號玉

帝之靈篇也

上清九真中經內訣有玄靈元君寶秘弃日

月之玉章

神州七變經曰太陰玉晨九天真妃紫晨君

受流精飛景寶章

太清中經曰有天一八極璽

龜山元錄曰有流金鳳璽

又曰天皇大帝遣繡衣使者冷廣子期授茅

盈以神璽玉章金闕聖君命太極真人使正

一上玄玉郎王忠絕兵等與茅盈佩璽

太上飛行羽經曰太真人衣九色飛雲曜

光羽書

靈飛六甲經曰玉真青君帶流金鳳章太上

九赤班符

五帝內真經曰封靈制魔之章黃神中皇之

章

三皇經曰三皇自然之文皆以金玉為用天

皇所授玄玉為簡青玉為文地皇所授黃玉

為簡白玉為文綴以金鈎聯以金鍊

紫覆以朱巾寶蓋珍琳安之青宮閉之紫闕

芬以五香侍以十華也

神州七轉七變經曰流金鳳璽紫宸上皇先

生所佩

三皇序目曰九天印文以召九天校事也

上清變化經曰高上虛皇君佩丹皇玉章

又云三元大明上皇君帶神虎紫章又有皇

上帝君佩金虎鳳文帶神虎玉章

又曰九霄真玉佩金鳳璽

歷藏經曰天王侯帶紫綬金印

五嶽真圖曰太山君佩東陽大明之印衡山君佩夜光天真之印嵩山君佩神宗陽和之印華山君佩開天通真之印恒山君佩長津悟真之印青城丈人佩三庭之印

後聖列紀曰紫微上真天帝玉清君遣八景

瓊輿來迎聖君以登上清宮賜藥剛丹玉鳳璽

後聖九玄道君列紀曰太陰法有死生有黑錄白簿真青丹編簡受先後之相次也

後聖道君列紀曰玉清君賜道君玉鳳璽

飛行三界經曰下有太一紫綬金印咸喜天帝信靈修靈寶飛行三界之道真人所佩

五稱符上經曰五星通靈之印印五星靈符

道學傳曰吳王闔閭得真文不解封以黃金之檢印以玉皇之章以問魯大夫孔子

又曰禹封五符以金英之函檢以玄都之印

神仙傳曰衛叔卿語其子度世云可於室西北柱下取我仙方接而服之令人長生度世

掘得玉函封以飛仙之印取接之服五色靈母仙去

北帝經曰鄴郡秘印用救世間攝制鬼神
集仙錄曰杜蘭香女仙也於洞庭包山降張碩家碩蓋修道者也授以飛化之道留玉簡玉唾孟又齋黃麟羽帔此上仙之所服非洞天之所有也

太平御覽卷下

道書援神契序

禮五

世之議老子教者皆曰異端其初本於儒而未之流自異也儒不可謂之教天下常道也堯舜禹湯文武周公孔子相繼而作何教之云周道衰禮樂廢而俗多詐視孔子之道若與時異因指為教其本諸此老子與孔子同時最號知禮孔子常問以禮老子以道莫行於亂世潔己去國務為清虛孔子憫道之不行斯文將喪歷聘諸國其進退不同衣服禮法未嘗異也後世孔子徒之服隨國俗變老子徒之服不與俗移故今之道士服類古之儒服也至於修養性命則本乎易醮祭鬼神則本乎周禮春官宗伯符檄冠佩又未嘗不本乎古之制也因未流之弊列于巫祝作是書而大之本其源流凡三十四條名之曰道書援神契大德九年序

道書援神契

宮觀

古者王侯之居皆曰宮城門之兩旁高樓謂之觀殿堂分東西階連以門廡宗廟亦然今天尊殿與大成殿同古之制也詩曰雍雍在宮傳曰遂登觀臺

懸壇

古者祭皆有壇後世州郡有社稷壇記曰壇而不屋古懸壇在野今於屋下從簡也

鐘磬

古者祭樂有編鐘編磬每架十六以應十二律及四宮清聲又有特懸鐘特懸磬特懸者獨懸也今洞案金鐘玉磬又有大鐘等皆本諸此其大銅磬本諸擊缶周禮堯氏為鐘磬氏為磬

香燈

古者祭祀有燔燎至漢武帝祠太一始用香燈禮記曰既奠然後炳蕭

神祇

古有重黎氏能降天神地祇書曰乃命重黎

絕地天通周禮春官冬至奏樂於圓丘樂六變而天神皆降夏至奏樂方澤樂六變地祇皆出

餅果酒用

古者祭用黍稷犧牲梁武帝以麩為犧牲代之唐玄宗又以餅餌代之周禮邊人掌菓栗菱芡又有糗餅粉養又酒正掌五齊三酒

帳幕

古者官室皆有幕帝周禮幕人掌之

法服

古者祭祀法服有中單敝膝佩裳之屬今法服乃其流也孟子曰衣服不備不敢以祭禮記曰古之君子必佩玉

冠裳

古者士大夫皆有冠但纓而不簪唯弁冕簪纓全夫子戴章甫冠曰吾長於宋故冠宋之冠莊子曰原憲華冠藜杖即樺皮冠也禮記

有侈袂大袖衣也遺衣其類也唐李泌為道士賜紫後人因以為常直領者取其蕭散之意也

圭簡

古之公侯皆執圭周禮有桓圭信圭躬圭禮記士執魚須緝文竹木簡之類也

位牌

古者祭宗廟有木主祭社稷有石主見禮記今位牌即其類也

符簡

古者以竹二尺為簡以及連字之又有以木片者謂之牘今符簡象此也春秋序曰小事簡牘而已孔子修春秋筆則筆削則削是木版也古者召命有符節符以竹片為之今黃紙召神符代竹也人形符象使者也

步虛

古者祭祀歌樂章或歌毛詩今法事長吟本諸此也書曰聲依永律和聲

章表

古者祭祀有祝版後世用紙也書曰史乃冊祝周禮大宗伯掌其祝統盛奏方函代版匣也殷浩寄書誤達空函是木匣也

跪拜

周禮拜有九等今稽首周法也書曰拜稽首禮記曰受立不跪

法尺

古者絛除不祥用桃枝后羿死於桃棒故後世逐鬼用之今天蓬又是其類也周禮曰巫

祝桃茷

法劍

古之士大夫皆佩劍漢書劍履上殿周禮有敕日月之弓矢此其流也勅水雨師清塵之義也

方絲

古者祭五帝各隨其方色五方信絲是也

禁祝

古以呪字作祝字從口旁乃後人俗字也成湯祝網果蠱祝螟蛉即此意也

符文

周禮禮祿者鳥者以方書十日之號十二月之號十二歲之號懸樹上即去古人用篆字今之符文猶似之也

鋪燈

古者倉頡制字而天雨粟鬼夜哭故道法劃地為畝以米為界後世凡鋪燈皆用米本諸此也

附體

古來祭必有尸尸者以孫為之服其祖之服坐于神位之席又謂之嘏禮記曰祝以孝告嘏以慈告今之薦先亡而借體通傳者本諸此也

手爐

古者灌獻之禮用圭瓚瓚之形如盤柄象圭盛酒其中執瓚則不執圭今道士執手爐則不執簡亦此意也

帝鐘

古之祀神舞者執鏡帝鐘鏡之小者耳

氣訣

道書作炁字取炁之道呼吸陰陽之義也易畧例曰命官而商應修下而高者降鼓舞盡神之義也齊女號而起風鄉衍哭而降霜吹律而和氣至皆此類也

令牌

周禮牙璋以起軍旅漢銅虎符上圓下方刻五牙文若垂露狀背文作一坐虎形銘其旁曰知古牙璋作虎符今召將用令牌此法也

禧幢

周禮有旌旄旂旒之屬此其製也

雲徽

古者祭祀有樂此微之也其常高於常樂全用循聲達於天地手執者象天樂可遊行而奏也

禱疾

語曰子疾病子路請禱尚書武王疾周公立三壇以禱之

晴雨

古有祭雩之祭水旱之祭也成湯以身代犧牲而禱於桑林之野董仲舒春秋繁露有請

雨止雨法隨日辰造五色龍各有法式此不再具禮火春秋昭公十八年宋衛陳鄭同日火子產為火故大為社被禳於四方振除火災

休糧

孔子家語曰食氣者神明而壽食穀者智慧而巧不食者不死

道士

孔子曰士志於道而恥惡衣惡食者未足與議也

道書援神契

道門十規

正嗣教道本齊則徒能其大領道學自與字知機道

檢六

伏聞聖人以神道設教

太上以虛無為宗其廣演宏敷自歷劫以來愈彰愈著原其本也雖有道經師三寶之分而始自

太上授道德五千言於關令尹其所謂無為不爭之旨始殷三代之初則廣成子蒙黃帝問道於崆峒等而上之道所由立出乎太上一也修諸已而合夫內聖外王之道

者則有關文莊列諸子之遺言治諸世而驗夫清靜無為之化者則有蓋公曹叅二公之善政迨我祖天師立教於東漢葛仙公許旌陽演派於吳晉曰教則有正一全真之分曰法則有清微靈寶雷霆之日非究源以求流必忘本以逐末然云道之盛宋元已稱特至我朝欽蒙

太祖高皇帝御注道德上下經立成道門上範清理道教崇獎備至謂道教之設中古有之如黃帝謁廣成子於崆峒祖天師鍊

丹於龍虎役使鬼神禦災捍患所以歷代不磨禱祈有應無不周悉永樂初元首蒙皇上聖恩申明眷諭彌篤務令一遵

太祖成憲由是觀之吾道之光赫又豈前之所企及也我永樂四年夏伏蒙

聖恩委以纂修道典入閣通類切念臣宇初匪材涼德學識淺陋忝竊是懼徒承之於

遺宗曷負勝於重任然雖撫躬慊慊

詔命莫辭兩承

勅旨之頒時蒙

宣室之問揆之駕劣慚悚益增稽之遺遇

喜懼交集又念吾道自近代以來

玄綱日墜

道化莫敷實喪名存領衰衰至常懷振迪

之思莫遂激揚之志茲蓋伏遇

聖明御極

神睿統天偃武修文成功定難

聖德合於天心禎祥疊見

皇猷孚於華夏道德斯昌實道門千載一時

之遇成太平萬世不涇之典是用旦夕搜

采前代定規羣師遺則撰成道門十規志
在激勸流風昭宣

聖治永為奕世繩規玄門祖述庶幾上不負
朝廷崇獎之恩下有資道流趨學之運其茂

闡

玄元之化益宏清靜之宗陰綱

邦祚大振教護深有望於將來期永規於
厥後也乎

一道教源派始自

太上三代之前則黃帝問道廣成子即太
上也及曰生於殷末仕於周初在文王時
為柱下史迨武王時遷藏室史其所著則
道德上下經其徒則有關文莊列充倉柏
矩之流其言則修齊治平富國強兵經世
出世之術互有之矣見之太史氏曰道家
者流精神專一言廣易操斯可知矣故所
謂先黃老而後六經甚則以黃老倫於刑
名則為過矣其曰元始靈寶乃混沌之初
玄元始三氣化生其本則一後之闡化則
有祖天師許真君葛仙翁茅真君諸仙之

派世降之久不究其源各尊派系若祖師
之曰正一許君之曰淨明仙公之曰靈寶
茅君之曰上清此皆設教之異名其本皆
從太上而授凡符籙經教齋品道法之傳
雖傳世之久各尊所聞增減去取或有不

同而源委則一內而修之則有內外丹之
傳其見諸經典者諸子未嘗言之丹砂藥
術其曰修煉止性命神氣之說自秦漢以
來方士競出若文成五利之以金石草木
徒殺身取禍遂世稱方術美外而施之則
有禱檜祠祝之事自冠杜葛陸之徒其說
方盛由後之師匠增損誇誕奔競聲利而
世曰異端矣然二者太上之初所未彰顯
後之不究其本不探其源者流而忘返眩
異失同則去太上立教之本虛無清靜無
為不言之妙日遠矣凡習吾道者必根據
經書探索源流務歸於正勿為邪說淫辭
之所汨遂乃迥相鼓惑深失祖風蓋經曰
虛無自然道所從出真不二體性湛然
圓明自足是闡立教之源以為入道之本

所宜首務也

一道門經錄太上三洞諸品經典乃元始天
尊靈寶天尊太上道德天尊金口所宣歷
劫相傳諸師闡化若元始說經當以度人
上品為諸經之首靈寶說經當以定觀內
觀為要太上立教當以道德日用為規內
而修己則虛皇四十九章經洞古大通生
天清靜諸經最為捷要外而濟世度幽則
黃帝陰符經玉樞北斗消災救苦五廚生
神諸經玉樞朝天九幽諸懺是皆入道之
梯航修真之蹊徑是以從道之士先當恭
敬神明焚修香火積誦經語皈依大道首
宿今之業若召福澤之良因故經曰一切
神仙真人皆以無上要言得成道果仙師
云經以欽心經以著念使晨夕能焚誦不
輟消除魔障增廣道緣誠為方便中第一
事也凡持誦之士必當齋戒身心洗心滌
慮存神默誦誠如對越上帝默與心神交
會心念無二句字真正調聲正氣神暢氣
和庶幾有功則玉音攝氣靈韻交乎自然

和天安地善俗化民福集禍消存亡家惠苟若口誦心違形留神往不存誠敬手息足揚雖日誦千百卷於己何益又豈能消災散禍也哉若為人持誦猶當持敬存誠以致齋主之敬以通信嚮之誠庶不致虛受齋供布施為之祈福消愆自然有感如或語言接對嬉笑談諧思念不專熏穢披誦不徒無益於齋主反以貽愆於己身似此皆然深宜規戒兼以年代之遠經文訛舛多後代師德之所撰注謬誤不無因生輕慢如或有疑自信不篤則守以一誠慎勿鼓和輕薄浮妄之徒擅生慢毀自貽厥咎其太上諸品經錄若祖天師所受則盟威都功葛仙翁所受則中盟四仙茅真君所受則上清大洞其餘符籙彌多皆所以

福

國裕民寧家保己是以歷代崇奉皈依者皆獲感應隨所禱叩旋有異徵其太上設教之驗信不誣矣然而代深年遠其或字畫訛謬句讀乖舛有之不得一祭非議毀譽

四方博識師德善加考證詮決申送教門改正刊行猶為善果之一助也

一坐園守靜為入道之本蓋太上立教度人

正為超脫幻化了悟生死若非究竟本來了達性命則何所謂學道之士也經曰積

心善行絕世所欲不興妄想無有染著不

滯有無永絕生滅是名真人近世以禪為

性宗道為命宗全真為性命雙修正一則

惟習科教孰知學道之本非性命二事而

何雖科教之設亦惟性命之學而已若夫

修己利人濟幽度顯非明性命根基曷得

功行全備況自上古以來太上座劫化現

諸師之修鍊成道皆自靜定之工庶得道

功克就神通自在迨宋金之初重陽王祖

師過鐘呂之傳始立全真之教蓋本經曰

養其無體體故全真是教則猶以坐園守

靜為要五祖則太上東華鍾呂海蟾也七

真則丘劉譚馬郝孫王也其下綿延暨王

苗析完之輩殆今學之者眾皆以真功實行為本其初入道先擇明師恭禮開發性

地慾守修真十戒白祖師馮尊師堂規等

文收習身心操持節操究竟經典既知入

道之門然後擇山水明秀形全氣固之地

創立菴舍把茆蓋頭聊避風雨風餐露宿

水跡雲蹤次結道伴惟務真素樸實之人

晨夕為侶供送飲食草木食單食穀飲

但獲止飢蔽寒而已直候百日立基十月

胎圓三年圓畢或留園或出定惟斷絕人

事情消緣滅去來自其或有力之家布

施齋糧衣鉢隨分自給而已不得妄貪過

取亦不得假設誇誕之辭驚世駭俗務吊

虛名其補破遽寒乞食化衣真功苦行搗

木死灰乃磨勵身心分內之事庶不負四

恩殃及九祖苟或退息則羣魔作障其其

供園道伴竭力扶持寒暑疾厄務盡勤勞

亦積已之功成人之善也不得假以禪宗

棒喝且爭人我取世非議所究丹經惟石壁記龍虎經參同契悟真篇翠虛篇還源篇指玄篇大道歌崔公入藥鏡金丹四百字并諸仙語錄皆誘人修真入聖之梯航

所宜潛心研究庶無差戾其旁門左道之言不許經目留心候已惑人甚則毀謗經典借證其非則貽寔謹必矣

一齋法行持乃上古額天檢祭之禮自靈寶天尊受元始說經以來為立教之本其目最多其文最浩然自太極徐真人仙翁葛真人朱陽鄭真人三師而下則杜葛陸寧項冠又其最名世者由是而分則有林田金白諸師遂有東華南昌之分派雖不同而其源則一故符篆呪訣亦相去不遠是皆後之師德各立宗門接引後來之一端初無二道也舍此數派稱為正宗餘不足師者多矣世傳三籙內文金書玉鑑道門定制立成儀等書已有定規凡行持之士必廣參博究務明性命根宗累積真功實行凡過行持必須齋明盛服潔已清心先鍊諸已後可度寬必齋戒以通神明外絕塵務內鍊形神非符籙簡札之事不得妄與凡陞壇朝叩之次務積一誠精思默存為眾所模範庶上可以感天地鬼神下則

不負幽冥之苦趣如三籙之設金籙惟

帝王可建玉籙惟

后妃可建黃籙則士庶可建大小各依分數不可借亂定規一遵

太祖皇帝立成儀範恪守為則凡其符籙簡

札之類亦不得增損移易其增儀科典皆

設像陰陽取則經緯一無妄違苟不以誠

敬齋莊為本惟務鍾鼓喧譁花眩彩語

言嬉笑舉動輕浮何以對越上帝通誠三

界不惟無以感召休祥亦且反增罪業矣

傳曰鬼神無常享享於克誠誠則有神其

理甚著故潤溪沼沚之毛蘋蘩蘊藻之菜

皆可羞之鬼神薦之上帝也此所以為高

功鍊師者必擇同道端潔諳通之士同壇

共事庶無貽咎於己亦為齋主消愆而致

福其所用雲樂之外其餘鏡鈸鈴鐸之類

不得雜用甚為褻瀆至若趨歸真林靈素

之徒偶為世主之所崇尚敬禮即為富貴

所驕有失君臣之分過設誇誕之辭不以

慈儉自守亦取議當時後世多矣是切為

後戒

一道法傳緒清微始於元始天尊神霄始於

玉清真王自歷代傳緒以來清微自魏祖

二師而下則有朱李南黃諸師傳衍猶盛

凡符章經道齋法雷法之文率多黃師所

衍神霄自汪王二師而下則有張李白陸

潘楊唐莫諸師恢弘猶至凡天雷霹靂之

文各相師授或一將而數派不同或一派

而符呪亦異以是訛舛失真隱真出偽者

多因而互生謗惑

凡行持之士必有戒行為先次以參究為

務先求巖谷明師草衣木食之士開發萬

法根宗精勵香火止佩一法一籙一職苟

能晨夕鍊神養氣修持不怠與神明交格

言行無慊何患法之不靈將之不枯雖職

小法專亦驗苟惟務虛名奔逐聲利必求

參當世顯達為師誇名眩世不修香火荒

怠修持佩法縱多徒若商賈之負販錄職

貴於高大出處務於誇眩耽肆酒食矜伐

怨欲不異井巷巫覡之徒未嘗留念神明

輒誇符咒之驗呼僞誇類第相鼓惑甚則假以謝師稿將徵索酒食誠有悞於叩忻且深乖於教範又輒妄為人師以盲引瞽內無功行外結是非深為大戒果為高行之士惟務致虛守靜一念不生萬緣俱寂

性天道法心地雷霆不落萬緣之窩曰惟究向上之真宗斯為上士也又等圓光附體降將附其扶鸞照水諸項邪說行持正法之士所不宜道亦不得惑感邪言誘眾害道凡行符水之士務以利濟存心以丹砂藥術兼濟不得妄受資財及與鬼神構怨以至法術不驗亦不得濫投道法輕泄玄機雖入道之人崇教之士言行不莊慢忽香火者亦宜寶秘慎勿妄傳而況市井屠釣之徒苟利眩名輒納為徒浮談誑語

自貽律譴罪所不原

一住持領袖凡名山福地靖廬治化叢林官觀住持之士或甲乙往還或本山推舉必得高年耆德剛方正直之士言行端莊問學明博足為叢林之師表福地之依皈者

為之庶足儀刑後進準則前修其居是者務必慈仁儉約德量含弘規矩公正先開接引之方導愚畜眾以謹焚修之職請福消愆裕

國祝釐莫大於報本專經闡教莫大於推誠

其畜眾之方先嚴戒行規矩為要鑿言以罪福因果之報曰糧委庫職管給賦稅任砧基應充飲食修造各謹司存晨昏以神明為謹修葺為心五湖四海高人羽士或挂搭安單柶冬結夏設知堂一負廣於接待

素食粗衣隨緣安駐務令身口安閑逍遙

無念庶進道有基身心無慮其刻苦修持者猶當周給其入山檀施喜捨隨緣或建齋設醮薦祖度親隨力行持一遵齋科大小濟利毋校所施厚薄經曰一切諸福皆自歡喜中來一切布施生歡喜心種種善果福報無邊其官貴賓客往還素齋一食過夜則宿不得干與公事延留惹非明望宣明訓戒開示激揚務修本面家風究竟本宗事業毋貪富貴毋嗜喧囂因而爭相

做效華衣美食廣廈細艷昧公營私出入騎乘呵擁僕御交接權勢以致教化不行源汗流濁甚則耽迷聲色外飾內乘不畏香火神明靈壇古跡私蓄俗眷穢褻神祇所轄住持宜聞於有司處決下山不得蒙昧阿私有壞規法其後進不遵輕薄之流不習本宗惟圖頑橫自貽過咎必宜依

律違斷庶獲規繩嚴肅教範宣揚如或一

舉容情罪宜均受近者郡邑道憲儀範猶乖紀綱不振所合整肅一守定規

一雲水叅訪凡出家之人上離父母之親下

棄祖宗之嗣志在出世離塵必當以超脫幻化了悟生死為心苟若仍前汨迷塵網晝夜奔波無有出期與俗何異經曰學道之士以清靜為本觀諸邪道如親仇讎遠諸愛慾如避臭穢除苦惱根斷親愛緣是故出家之後離情割愛舍妄歸真必當以究明心地修養性天為務操修戒行磨鍊身心隻笠單瓢孤雲野鶴或遇名山洞府挂搭安單叅謁明眼師匠問道親師切究

性命根深探道德之要悟徹宗門玩味法乳不於利名挂意富貴留心雖飢寒風暑之切身不易其操雖困苦貧賤之役心不奪其志忍辱藏垢言行謙和卑下柔弱精神純一心存柔遜性戒剛強務居山林巖洞人跡稀絕之地草衣木食以養生菓居穴處以守道各依師授修鍊本來其出外參求風喰兩宿忍凍受飢躡屨擔簦勞包頂鉢不懼萬里之遙務登名師大匠之門一言之下頓悟萬劫之果遂周致凡出處之間悉遵白祖師馮尊師諸師匠堂規畫林儀範而行凡有過失悉依責罰其或非實際悟明真積力久性天瑩徹塵垢磋磨好為人師以自大者必擇而師之不得惟慕虛名趨媚顯達貪迷聲利不究實地工夫至乃前工盡廢業障徒存其蓋朋霞友之徒亦須志合道同方乃不生魔識共成道願先擇後交猶為自裁苟或師友得人堅心苦行普資羣品度脫幽沈則臣事三境起神八極為不難矣

一立觀度人為出家接續之首務凡名山山洞府洞天福地古跡靈壇皆古昔仙真靈跡去處其欲香火綿遠必以度人為先須擇名器之家資性淳良庶可訓誨苟非道材法器汎濫收錄或不取材肆暴為非固守戒訓不惟貽玷玄門又且成敗興廢所繫或多來塵汗雜出處卑微甚則累辱冠裳尤宜自慎必得其人然後聽言觀行察審詳實為其登名臘籍長幼各依齒叙不得徇私紊亂書記會眾舉試道門經典務要習熟諸通掌籍類名申送道司俟度牒開通依例申名朝廷關給方可替披為道士既頂冠裳之後掌籍常加鈐束房長晨夕訓戒務守清規恭敬神明焚誦經誥凡係本宗科典經書齋醮道法詞意榜語必當貫熟該通潛心究竟出處語默修習為常行有餘力若儒之性理釋之禪宗更能融通一貫猶為上士暇日則舉唱法事焚香揮塵論道卷真或吟詩撫琴以自怡或佩法坐園以自究

或有應緣經難務必齋戒存誠一遵前訓齋羹糲食楮被布衣乃出家常事不得瀾同世俗故違規矩博奕肆酒交友奸邪長幼參商支分派別考試不中舉唱不齊視科典為文具因果為虛談歌談妖豔之詞汨沒利名之域貪迷富貴耽戀紛華不究本面家風日墜祖宗基業輕則議罰容以自悛重則一遵戒條下山除籍庶激勵於將來使四方之遵守一金穀田糧多累朝給賜田土或前代師德所置祖產前後禮越所施專為瞻眾香燈之用其常住庫堂設職管紹出納其各寮院宜導常住定規長幼輪次管紹其租課金穀簿書庫堂則都監上座監臨掌之寮院則房長掌之以下者止依臘叙長幼輪管凡一歲賦稅科差殿堂修造房院修葺春秋祭祀時序薦誦吉凶吊賀關防火盜必以瞻眾為先悠久為志務要公同出納明白登載不得指私為公各富私財互分各據擅自支遣務令老安幼懷香燈不乏

報祀以時修葺勤謹賦稅預備則上下雍睦香火悠久公私無窘逼之憂官觀無興替之患疾病互相扶持死亡務從儉約薦送俱不得昧公營私虧贖入己苟求衣食欺誑神明租課湮沒修造不舉祭祀荒違以致科差點充上下靡寧甚則攘竊非為有乖教法不懼天理之誅有負擅施之願在公庫則眾職舉行方丈會眾查理議罰計其輕重甚則更替輕則罰倍其數入庫公用其寮院則專長舉行亦會眾查理輕重亦照常任行之申呈方丈從公遣逐如眾職互相容蔽以掩己私專長姑息不言暗相護恃隣眷亦宜舉行公議以明去就懲一戒百其常住田土例不許賣亦不得私立契約破蕩賣易其應充科役宜遵定制設碇基道人支應燕不一弊汗雜染習澆風切須自慎神鑒孔昭各宜勉之

一宮觀修葺凡名山福地真靈香火之所多宋元

本朝所建宮宇上以祝釐福

國下以容眾安軍每因兵燹之餘遂乃廢弛不舉其各宮觀若殿宇法堂齋堂官舍雲堂道館兩廡庖庖所不可無雖戶有田糧或所任非人沈匿租課入己肆非妄為毀滅神像傾頽屋舍者多務以科差藉口甚則典賣常住器皿房屋卒為瓦礫榛蕪終身不思艾整者有之或各有私財分煙異爨因而做習成風昨蒙聖恩清理其凡係前代真仙古跡靈壇豈宜廢弛必合依時修葺或戶下田糧荒熟不等賦稅輕重又或產去稅存不時各須臨田查理開報有司立碑刻石毋致湮滅與公庫職負公同出納務以修葺瞻眾為先專設直歲一員知庫一員每歲修補漏爛整築墻籬潔淨道路肅清壇宇善景山林使神明有所依栖四眾亦獲安逸如田糧所用不敷或資於經醮或藉於題注眾力經營隨宜整葺亦不得假此名色在外交結官貴誘透商賈強人謀為非出善願因而招惹是非返為宮觀之累如或田糧香

花可充修造肥己不為故行穿鑿山林有傷風水諸伐林木以充口腹同處職眷迤相覺察聞於道司舉行定奪如悛過自新方許同處其或頑悞不遵聽自有司區處務在革替一新常川修葺庶無傾廢水振前規凡在玄門各宜遵守

道門十規

重陽立教十五論

摠七

第一住庵

凡出家者先須投庵庵者舍也一身依倚身有依倚心漸得安氣神和暢入真道矣凡有動作不可過勞過勞則損氣不可不動不動則氣血凝滯須要動靜得其中然後可以守常安分此是住安之法

第二雲遊

凡遊歷之道有二一者看山水明秀花木之紅翠或觀州府之繁華或賞寺觀之樓閣或尋朋友以縱意或為衣食而留心如此之人雖行萬里之途勞形費力遍覽天下之景心亂氣衰此乃虛雲遊之人二者恭尋性命求問妙玄登巖嶮之高山訪明師之不倦渡喧轟之遠水問道無厭若一句相投便有圓光內發了生死之大事作全真之丈夫如此之人乃真雲遊也

第三學書

學書之道不可尋文而亂目當宜採意以合心捨書探意採理捨理採趣採得趣則可以

收之入心久久精誠自然心光洋溢智神踴躍無所不通無所不解若到此則可以收養不可馳騁耳恐失於性命若不窮書之本意只欲記多念廣人前談說誇訝才俊無益於修行有傷於神氣雖多看書與道何益既得書意可深藏之

第四論合藥

藥者乃山川之秀氣草木之精華一溫一寒可補可泄一厚一薄可表可托肯精學者活人之性命若盲醫者損人之形體學道之人不可不通若不通者無以助道不可執著則有損於陰功外貪財貨內費修真不足今生招愆切忌來生之報吾門高弟仔細恭詳

第五論蓋造

茅庵草舍須要遮形露宿野眠觸犯日月苟或雕梁峻宇亦非上士之作為大殿高堂豈是道人之活計斫伐樹木斷地脉之津液化道貨財取人家之血脉只修外功不修內行如畫研充飢積雪為糧虛勞衆力到了成空有志之人早當覓身中寶殿體外朱樓不辭

修完者看倒塌聰明君子細細察詳

第六論合道伴

道人合伴本欲疾病相扶你死我埋我死你埋然先擇人而後合伴不可先合伴而後擇人不可相戀相戀則繫其心不可不戀不戀則情相離戀欲不戀得其中道可矣有三合三不合明心有慧有志此三合也不明者外境無智慧性愚濁無志氣乾打闕此三不合也立身之本在叢林全憑心志不可順人情不可取相貌唯擇高明者是上法也

第七論打坐

凡打坐者非言形體端然瞑目合眼此是假坐也真坐者須要十二时辰住行坐卧一切動靜中間心如泰山不動不搖把斷四門眼耳口鼻不令外景入內但有絲毫動靜思念即不名靜坐能如此者雖身處於塵世名已列於仙位不須遠叅他人便是身內賢聖百

第八論降心

凡論心之道若常湛然其心不動昏昏默默

不見萬物冥冥杳杳不內不外無絲毫念想此是定心不可降也若隨境生心顛顛倒倒尋頭覓尾此名亂心也適當剪除不可縱放敗壞道德損失性命住行坐卧常勤降聞見知覺為病患矣

第九論鍊性

理性如調琴絃緊則有斷慢則不應緊慢得中琴可調矣則又如鑄劍剛多則折錫多則捲剛錫得中則劍可矣調鍊性者體此二法則自妙也

第十論匹配五氣

五氣聚於中宮三元攢於頂上青龍噴赤霧白虎吐烏煙萬神羅列百脉流冲丹砂晃朗鉛汞凝澄身且寄向人間神已遊於天上

第十一論混性命

性者神也命者氣也性若見命如禽得風颺颺輕舉省力易成陰符經云禽之制在氣是也修真之士不可不參不可泄漏於下士恐有神明降責性命是修行之根本謹繫鍛鍊矣

第十二論聖道

入聖之道須是苦志多年積功累行高明之士賢達之流方可入聖之道也身居一空之中性滿乾坤普天聖眾默然護持無極仙君冥冥圍遶名集紫府位列仙階形且寄於塵中心已明於物外矣

第十三論超三界

欲界色界無色界此乃三界也心忘慮念即超欲界心忘諸境即超色界不著空見即超無色界離此三界神居仙聖之鄉性在玉清之境矣

第十四論養身之法

法身者無形之相也不空不有無後無前不下不高非短非長用則無所不通藏之則昏默無跡若得此道正可養之養之多則功多養少則功少不可願歸不可戀世去住自然矣

第十五論離凡世

離凡世者非身離也言心地也身如藕根心似蓮花根在泥而花在虛空矣得道之人身

在凡而心在聖境矣今之人欲永不死而離凡世者大愚不達道理也言十五論者警門中有志之人深可詳察知之

重陽立教十五論終

丹陽真人直言

示門人

真人在龍門山重陽會上謂眾曰日用者上不得欺謾天地常謹謹修行寸陰可惜莫虛度日須索減省睡眠亦是人之所欲須要換過則不是打坐長要心定行住坐卧皆是行道諸公休起心動念疾搜性命但能澄心遣欲便是神仙別休認休生疑此是端真實語惟要長清長淨勉力行之但悟萬悟屢假自心澄欲自遣性自傳命自住丹自結仙自做他人不能替得自家做修行各各用力休太急常逍遙自在弟子若不是師父說破不能認此為妙法今不敢傳與他人諸公但請休生疑心無疑心便是得道之人常處無為清淨自然之理更要發煙火如此作用真神仙也師父言曰十二時辰天地運行斡旋造化還有息否凡行道之人切須象天之道亦要十二時中無暫停住自己斡旋造化常要清淨莫起纖毫塵念乃是修行如此行持做神仙指日成矣或十二時中未有一箇時辰專

心在道將來怎得了達受十方施主供養如何還得一朝合眼死入鄴都長劫受苦永無出期我今叮嚀說與汝等如何是道依此行持不得錯了汝每行持不到却道掌教的人不是各人豈不念七祖生前造無邊苦業受無極苦惱望子孫成道仗天赦救拔得生天界師父為眾言曰汝等每日不可忘日用事其日用有二有外日用有內日用外日用者大忌見他人之過自誇己德妬賢嫉能起無明火塵俗念生勝眾之心人我是非口辯憎愛內日用者休起狐疑心長莫忘於內若雲遊住坐亦澄心遣欲無掛無礙不滌不著真清真淨逍遙自在如同一日存思於道如飢思飯如渴思漿稍覺偏頗即當改正依此修行決做神仙矣必不到錯了如錯了汝等罰我永墮地獄耳切須戒之行之師父言曰汝等地久天長始心如故莫生退怠勿令妄做守其自然停其喜怒外則應緣內則養固心上忘機意不著物觸處不生嫉妬二氣常要清淨一神自住水火交合坎離異戶無臭無

聲無往無路動而不生守之得趣其曰神仙甚曰甘露行到自知者怎生悟夫大道無形氣之祖也神之母也神氣是性命性命是龍虎龍虎是鉛汞鉛汞是水火水火是嬰姪嬰姪是陰陽真陰真陽即是神氣種種異名皆不用著只是神氣二字欲要養氣全神須常屏盡萬緣裏清淨綿綿固守不動三年不漏下丹結六年不漏中丹結九年不漏大丹結圓備此名九轉大功亦名三千功滿三田圓備謂之神丹法身輕舉永為神仙倒笑天地不能長久何為天有崩地有陷山有摧海有竭有形必有壞能修先之物無形無象豈有壞乎

丹陽真人直言終

全真清規

姚江春庵通玄子陸道和編集

禮八

大凡初真童蒙出家尋問明師然後投禮既
然出家聽從師訓長必成人師接弟子先問
悟透善根淺深又觀祖上門風善惡便着本
人才不才方可收錄先要脫俗改粧衣服仙
風道氣教而訓之後必有異太上云常知楷
式是謂玄德能為天下式者天下法式也
規矩也模樣也繩墨也式從古有堂自近興
明師接人教而訓之先從有為後學無為高
門良子時時習之有所得也而無所悟愚迷
之師接度弟子自無所知教他無為蠢之又
蠢迷之又迷生賴教門死入寒池填還口債
永劫輪迴有志之人親奉明師朝暮禮聽
而從之習學經典遵守清規日至黃昏燒香
上燈禮謝天地朝拜聖賢侍奉師尊諸事既
了收斂身心端身靜坐無起妄想豎起脊梁
右脚在下抄手靜默心不外想瞑目而坐或
一更二更此為功課睡至五更未開靜時切

宜早起洗面梳頭穿衣侍眾待殿上鐘聲初
通響時童子殿列班在內二通鐘聲者宿
上殿列班在外三通鐘絕盡主者上殿居於
正中誦經已畢童子先出道誦經童子在前
前諸殿班次亦復如是誦經已了主者入座
童子躬身便呼圓揖大眾俱坐便過茶湯收
斂了畢大眾都散童子再入師父房內稽首
作揖聽從師命或學經教或去掃地各有事
幹但見尊長又手在心側身並拱傍侍立
侍尊長已過方可迴身或見客人必先稽首
通報尊長準備茶湯先迎主人後過客人又
手侍立先收客醜後收主醜客若起身先出
開門捲簾客主出而後隨之或隨師出入不
可同坐又手侍立但凡出入稽首朋眾一切
授物稽首謝之不可自是不得妄言去除雜
念常行慈善念道思真行須緩步語訥低聲
救濟患難接待往來心量寬弘慈愛柔和濟
物利人積功累行依此行持道不遠矣

替披次序

棄俗替披先將替冠道具等安於祖師案上

大眾圓坐拜辭俗親更換衣服鞋襪等事跪
在祖師之前引度之師梳頭替披道眾上殿
開卷誦經引領祝聖立於香案前表白讀詞
三拜上香復退六拜祝念已畢入真官堂誦
經行禮祖師之前亦復如是誦經已畢大眾
復坐香燭如法本師之前引度復進跪在師
前三拜迎香再拜向前親手遞詞跪在師前
表白接而讀之聽從本師授道又再三拜稽
首已畢擡香燭案去就尊長逐一之前各各
拈香並同如前行禮已畢次入齋堂受供祖
師之前炷香三拜大眾兩邊炷香六拜勸齋
齋畢起座送客送客回來再向廚中並行謝
之日用所行諸事方便苦己利人降心滅念
敬師奉友母起俗情常檢已過性上用心參
請前輩謹守清規

遊方禮師

既遊諸方參訪師德且要道具整肅初到入
院便者西廊有息肩二字或駐鶴二字於此
便歇或久住檐子平放或經過頭高頭低靠
在壁上便取髦衣搭在左手或有直堂知客

出來便穿冕衣稽首賓主或問來歷某州某觀師某姓答曰某處某州某姓問答已畢請入若旦過除鋪蓋外並皆入包鋪單了畢洗足更衣復見知客行禮曰即日恭惟知賓大德先生起居多福某久聞仙隱特來瞻仰荷蒙收錄鋪單展鉢不勝感激之至稽首領見主者禮曰即日恭惟提點真人起居清福某久聞道風廣博特來座下瞻仰尊顏荷蒙收錄鋪單展鉢不勝感激之至稽首或留茶畢起身相謝適間輕踐方丈荷蒙煎點下情無任激切屏營之至稽首行禮已畢歸單主者答曰山門有幸鶴駕來臨有失迎接不勝云云又起單相留曰院門寂寥堂廚淡薄敢望高士久留鶴駕起助道風無任攀戀望思之至稽首

堂門戒臘

接衆者先須且過三日然後請入庫廳看驗文憑某處某年某月某日投師檢道書錄青冊然後安單便看青冊排名排姓各看排單知已知人便遵戒臘前後必讓尊卑遠近上

殿登堂依次序而行行住坐卧分長幼而居各守戒臘莫犯高低依院門之次序行方外之尊卑

坐鉢規式

夫坐鉢者自十月初一日為始集衆過冬至新年正月中旬滿散百日為期如入堂者各請情願本來各各專為自己生死事大無常迅速迫相究竟琢磨參問師德聽從規矩鉢有動靜動則許容徐徐運動靜則不然如有神昏點頭搖撼身屈主鉢先行巡牌以牌掛在昏者身上三擊而退然後輕輕取牌徐徐起身巡究他人後犯者替或鉢未終鐘未鳴靜牌未換無故出入語話動搖不依規矩者並行責罰

一如有違犯前項事者副鉢舉行主鉢責罰初犯白堂再犯罰茶三犯出堂重者並行清規

祖師則例

一晝夜十二鉢以按十二時三靜九混以按三元九氣又曰三返九還

一每日至五更寅時開靜板響各請洗漱朝真禮聖卯時早齋辰時混坐巳時靜鐘三通各各靜坐如法用功午時赴齋未時混坐申時如前入靜酉時晚齋戌時混坐茶湯亥時如前入靜用功如法子時歌詠教演詩詞以敵睡魔主鉢先舉每行三遍不可以多丑時放參各請隨意副鉢專一提鉢不可久沈人各誠敬

三不起身

夫不起身者大衆常住自有知客或有直堂應答酬酢迎接賓客相送往來衆不可動以亂堂式

一打坐不起澄湛天心調息元和究竟本來點運玄機體若太虛不搖不動任從來往人各誠心靜坐如法
二誦經不起人各運心感儀整肅調聲運氣心思解耳聞目視音聲相和前後相隨任人來往各自皈依誦經如法
三赴齋不起念道思真心清意靜神定氣

和靜默受供展鉢無聲登堂不語任他
短長人各恭敬齋坐如法

全真體用

祖師設教仙聖度人開大乘之門徑通衆妙
之要津俾歸元而造理警心妄以全真貴忠
心於清靜務圓性於朴淳深明短景至樂長
春故不掛利名毋黏世事明大體金潔玉瑩
為心養元襟介石潔冰為志濟人利物融一
理以周通鍊已遂元總萬德而中備任其偏
執之徒修證圓機之士無辨無爭不矜不是
也清居琳宇混處雲堂莫覩他非過短當除
自是強梁心脫洒隨方和順量豁暢到處溫
良早晚赴齋當拱手誠心而默坐朝昏恭聖
務擎拳緩步以趨銷體上達威儀整肅居下
流舉措荒唐速乎密叩真機恭同玄奧奉師
至敬篤恭問道精誠虔告曉萬理以還元疑
一真而妙用豁開道眼安然默照於妙微瑩
徹天心感應返觀於靈激逆則含容犯休譏
誚低心敬承乎同袍克己靜待乎不肖大凡
參詳教典講習經書當實窮靈源根本毋虛

朔口鼓之乎徹聖心之意外融自性之元初
參問精明方為絕學窮通博貫始樂無為心
條達性玲瓏自然真樂無極氣融沖神寂默
卓爾體同太虛若水之平清柔順如雲之縹
緲卷舒原夫欲其達道了心全在實行真功

戒狂放則不墮偏邪處厚實則了歸中止去
已非常樂安和不自是誰與爭競情淡則心
閑塵清則垢淨處治規劃毋獨主以專行公
務作為隨常住之普請奸猾慵狡則敗德招
愆嫉妬欺瞞則喪身失命逐聲色好勝則凡
忌人我息中則聖是以大達多多陰德真人
暗暗偷功常存道氣迴避俗風戒行精嚴斷
無四非八識功夫綿密決證九轉六通恣愛
慕逐邪魔之境貪口腹墮餓鬼之中常寂坐
而慧燭莫肆情而迷蒙志存平等心樂齊同
見物休懷私昧應緣力務公忠切要行止順
時云為先燭偏倚速改差過早復心彎曲則
處處爭差性停當則人人信伏猖狂驕傲性
必輕浮佞慢詐欺命恩薄福上士厚氣以敦
願高明卑謙而目牧毋忝教法清高莫犯堂

規罰辱敬體前因各宜雅肅融精神以固守
持元氣以不先體證金蓮果登玉境同逍遙
玄元之末始共快樂象帝之先天嘆天圓地
方應規矩性靈命豐合金仙

鉢室賦

全真道海仙聖心淵於中明太極向裏隱壺
天竅眼通中象靈泉而上涌鉢心透底使神
水之昇誕高明處則仰虛中主宰上善居則
柔順乎淵泉息波浪則心如碧水靜風濤則
性體金蓮一志湛寂而不變三心澄澈以無
遷毋滾流則安於止定若靜息則可以方圓
原夫坐鉢習定入室修功有虛中而洞達從
實處以圓通會天地於半升鐳內潛情性於
一鉢室中融玄元之祖氣鼓浩劫之真風萬
法徹通兮肅清絳闕諸塵淨盡兮皎潔靈臺
雲朋心一而敬比霞友志和以合同大凡攝
念潛心返情復性起居最要安常餐飲切休
過盛妄心滅而寂照元神真息調而融沖慧
命入坐時含光默默以虛心開靜時返視徐
徐而出定睡魔倏至人人不覺頭點身搖昏

障忽來箇箇鮮知口開氣進巡行專在於警
 提掛牌務存於救正當自返以謙柔休昧已
 而強硬本為生死修持母生人我辯競切宜
 起離昏散抖搜精神恭身先拜仙聖回首次
 謝志仁當生惟喜母起怒嗔自然心中安泰
 伏樂壹內熙春克已報德實於上士強懷反
 恨真是小人莫自是徒為虛詐當省非厚養
 朴淳詳夫先聖規矩祖師鉢義全返本乃鉢
 之源情歸性乃鉢之理鉢圓混以象乾元中
 虛猶太始森羅悉備其中造化皆全箇衷因
 有透漏不覺而沈由無點滴忽然而起冰澄
 湛而悟歸源鉢浮沈而明返已大抵以無喻
 有假實體虛琢磨必從師友了達須下功夫
 當恭明父母未生之始常返照身心徹勤之
 初實純志士須謙卑而遵近怪友狂朋必柔
 順以遠疎壹公覓蹟真樂無極願于草臥至
 樂有餘體聖仙隱凡而密處效真人圍堵以
 淵居得平安靜樂乎恬如審乎鉢室連草蓋
 林知識共處歷劫希逢宿生難遇空碧鍊真
 兮共樂始青虛室生白兮同安太素自始了

終從朝至暮中期不可改移圓滿任從去住
 閑閉上智心豁暢飄逸白雲憾憾下愚性執
 救迷蒙黑霧二時綿密有神靈百日安常凝
 氣固且夕緩舒食可接氣衣堪禦寒過用則
 臟腑失理調停則神氣常安苦志精修廢寢
 忘餐常寂照甘心磨鍊返真觀捨身努力養
 得氣神一定自然性命雙全一貫三才無極
 妙闕六通四達有太虛寬可報禮那信供足
 酬主者安單頓超妄幻永樂真懽噫脫生滅
 之境界超造化之乾坤遊詠先天而道遠大
 象彷徨無極而快樂真元輝輝然全真而最
 上巍巍乎獨立以尊先既處玄門當遵教法
 欲超道岸必假慈航

教主重陽帝君責罰榜

天道之理者杳冥太極之上豈可易見故天
 下尊者多悟者少空虛無為之道乾坤浩浩
 自然之氣陰陽光而生物像有作奈何今萬
 古遠矣且以藤納孤行而自份也動止形儀
 不可違也茲者以得居善地私結聖堂率千
 里而來之善侶合十方有信之良朋故立教

規幸希笑覽

- 一犯國法遣出
 - 二偷盜財物遺送尊長者燒毀衣鉢罰出
 - 三說是談非擾堂開東者竹篾罰出
 - 四酒色財氣食葷但犯一者罰出
 - 五奸猾慵狡嫉妬欺騙者罰出
 - 六猖狂驕傲動不隨眾者罰齋
 - 七高言大語作事躁暴者罰香
 - 八說怪事戲言無故出巷門者罰油
 - 九幹事不專奸猾慵懶者罰茶
 - 十犯事輕者並行罰拜
- 右伏以遍請知音今依此法三人行必有我
 師焉一室而居與鶩子勤勞言化而自我法
 不加於上善剛不過於至柔聖人三省其身
 可謂大夫幸遇明師善逢聖教若不教行豈
 為上善晚示合堂常加覺察毋致違犯依此
 禁戒之後不得男女混雜縱心恣意切恐十
 方施主飲食難消不念寸陰可惜不得虛度
 謹慎修持庶得道心堅固不戒恐失前程請

細思詳謹榜

了真子昇堂文

切以玄元聖祖廣開衆妙之門大道全真善化羣生之教瑤池仙子重陽金蓮七朵蘭苑瓊林長春玉花萬葉雖則枝分梢異到了萬葉歸根然則派別流差必竟百川還海方設教會四海之雲朋處處與緣聚三山之霞友茅蒼草舍善修寶殿琳宮紙襖麻衣恩賜星冠月珮可謂人能弘道闡先聖之規模自然道法應人開後世之眼目了真堂上元無一點繁心萬行門頭正好諸人著力在上者當處寬慈在下者常存敬順塵心爭辯不顯體玄之家風道眼相從依舊丹陽之活計宿為物外之仙屬今作門中之法眷住世同修道果超凡共列仙班出家仙子青眼研窮離塵烈士赤心照察欲待廣談秘奧仍妨久立仙班稽首雲朋伏惟珍重

長春真人規榜

夫住庵者清虛冷澹瀟灑寂寥見性為體養命為用柔弱為常謙和為德慈悲為本方便

為門在衆者常存低下處靜者勿起塵情所有塵勞量力運用不可過度每一衣一食不過而用之每計庵糧不可積剩治身衣物不可貪求或常住之物有餘者濟贍往來經過貧難之士或於他處行緣或以備齋設會十二時中不著於假常要明真掃除塵垢刷釜汲水擔薪炊膳除已私意勿起嗔心各處一室澄心辨道各分局次當占一科或以互換調鍊真性不得執著為用亦不得迥相是非謹要降心削除人我泯於聲色離形去智湛然無欲見三教門人須當平待不得怠慢心無事不得出庵舍晚夕早高其戶寅旦晚啓其門有送供者平常接待無施利者勿生二心凡有遊歷之士旦過三日是高明者舉進住坐無志氣者他處遊行次驗脚色公據詳察緣由若若不明其間恐有隱匿詐偽之人不穩便更防一等道人愚徒之輩奸詐之人一言相惑點污徒衆破除庵舍常談誹謗便合遣出若有投庵出家者不得擅便引進先觀道氣次看悟道或祖上家風善惡及自己

德行淺深高明者誘之愚蠢者抑之或於庵中幹辦等事先問庵主次與合堂道衆評論出家無問早晚不擇老幼但理明心者堪為上人也凡有化道不得詐託師家名目亦不得私心指托庵舍取要擅越等物自己用度便是私瞞常住上天鑒察必無輕謫故茲榜示各宜知悉

朗然子家書

夫人身難得中土難生正法難遇全此三者幸莫大焉況今諸仙出世立登天之梯登渡苦海之舟船默露玄機不可不應猛悟先陰迅速頓知世境浮蕘念含慕古聖之玄風頭頭效達人之返朴隨擲火坑便步清涼之地解脫塵勞永居自在之鄉莫待老之將至寧知身後如何既悟須當斬釘截鐵休教滾水拖泥改非從是一刀兩段若不斷於貪嗔恚得心田清靜須當絕乎愛慾乃得法器圓成不了真心終歸幻夢掣開愛網跳出凡籠便超紫府仙鄉永脫紅塵異趣一條藜杖汎雲

水之三千半片衲水訪洞天之十二清靜門
中無爲路上法味滋身洞然真樂宴坐茅堂
飲清風而推開玄妙之門閑居士屋賞明月
而把握陰陽之髓雖則妻妾兒孫如同棲之
宿鳥金銀珠玉似過眼之浮雲是以喜捨家
緣便歸洞府斷絃不續潑水難收父母妻男
各從方便自今如陌路之人永作他鄉之客
彼出家者並無怠惰之心今在家者一任分
飛之意故所願也謹奉鄙書伏惟珍重
○全真清規終

太上出家傳度儀

攝九

在衛州監國於書院門前奉憲德信長師實善勳編集

引弟子於大道前禮三拜上香度師

祝香

以今焚香供養

三清上聖十極高真玉皇大帝紫微天皇
大帝紫微北極大帝后土皇地祇聖祖天尊
大帝元天大聖后三十二天帝君十神太一
真君十一曜星官天地水三官南北二斗星
官四方二十八宿星官四聖真君三元真君
○玄中大法師經籍度三師正一真人五嶽聖
帝儲副佐命大洞仙官三十六洞天仙官七
十二福地三十六靖廬二十四化仙官等四
瀆源玉四海九江水帝龍王地府酆都北帝
出家弟子本命星官宮觀里域真官天曹地
府一切威靈令辰謹有某人弟子某人勿離
俗網早慕
真風今蒙
國恩許圓道相答壇場於茲且服冠簡於昌
時庶竭焚修上報真聖仰冀三境慈尊十方

真宰天曹地府一切聖賢曲賜

證明少延輻馭稽首皈依

無極大道

次度師於三師前設案坐華夏引弟

子禮度師三拜面北長跪聽說出家

因緣設香花供養度師上香

謹接真一本際經云爾時青童君問出家之
法何如

天尊曰夫出家者義趣甚深利益洪遠出家

有二種一者恩愛二者諸有始學之人既值

明師志能勤苦執事奉承餐受妙訓若居

家父母妻子愛累相纏如處囹圄不得自在

適意從容遠近隨師詢請玄業故告父母請

別妻子捨離居室遠遊山林依憑道舍棄俗

服玩黃褐玄巾拾世榮華隨緣告乞廣建福

田惟道是務是名初出恩愛之家既出家已

勤行齋戒免離三塗信根已立學靜入室離

三界愛登入九清是名出諸有之家也

青童君曰我今乃離三惡道願得出離諸有

家不知何者名立正教

天尊曰若有經文具十二部應三洞者是名正經自此之外須辨邪正方可受持當自請師審定分別青童君聞是說已歡喜踊躍稽首而退自是及後凡出家之人既辭恩愛來入法門當發神仙行願貴在自利利他屏去兇心惟生善念敬上接下動止柔和每遇設像諸聖誦真諦信不二晨香夜燈圍繞贊歎五體投地禮拜供養惟冀今生來世與道有緣月披星冠雲軒羽駕名列九天之上位居三島之中且金簡玉書不容妄度五逆十惡穢雜下流若違明科度師獲罪而況太上垂經天尊說戒遇人不度殃及己身非人而傳禍延祖考所以法門傳授戒慎為先今汝道心深重得生中華仍捨業緣乃趨真教

謹按經云人身難得中土難生假使得生正法難遇多迷真道多入邪宗多縱罪根多諸巧詐多恣淫殺多好羣情多愛貪嗔多沈地獄多失人身如此等緣衆生不悟不知正道迷惑者多我今哀見此等衆生故垂教法為

說良緣今使知道知身性命皆從道生了悟此因長生入道種子不絕世世為人無道之鄉不斷人之根本更能心修正道漸入仙宗永離輪迴超昇三界汝既以難生而生難遇而遇不迷真道不入邪宗不縱罪根不為巧詐不好淫殺不愛貪嗔如此則骨相合經堪為法器傳經演教佐國度人今遇良辰圓具道相當知此出家因緣勿生疑惑苟有異志即為下鬼汝其諦聽戒之慎之

今再白汝今出家一人有慶九祖沾恩况汝骨氣通仙神情合道慕清虛之聖境脫穢濁之樊籠願效鶩鈍永歸真聖深雲形體破裂俗裝先為召百靈監度五帝證明冀汝名書玉簡體掛霞衣便隨羽客以朝真早獲仙丹而出世今宜先禮

帝主次別慈親後成出世之高人永作登真之上士而今而後只可朝真禮聖不可享鬼拜邪凡所立功先資家國今於庭下拜辭以俟披度

次引弟子於庭下北向禮

帝王
汝欲窺眾妙將悟重玄當脫縫掖之衣即披彩霞之帔永忝玉帝上謝人君便長遠於道遙更不須於趨折教起金母勿自軒皇宜北向禮

皇帝四拜

次謝先祖

汝由先祖積慶福及後昆故捨繁華之緣來持清淨之教惟憑焚誦以致薦修每逢真祭之時輒修拜跪之禮宜望先隴四拜

次辭父母

汝自違甘旨來入法門雖辜罔極之深恩蓋慕無為之妙道庶持經法以報劬勞由此拜辭有違定省宜辭父母伯叔兄長各四拜

次辭親知朋友

汝久侍巾瓶致疎交友息芳春之駘蕩樂清境之追遊今披羽衣不復俗禮宜辭親知朋友四拜

次華夏引弟子至三師前立知聲請
三師法事

次三歸依

次弟子長跪具白刺自陳如念不得以木簡寫如不用簡紙亦得

某伏念螻蟻穢質不自揆量輒罄愚誠願親眾妙茲者幸承睿旨許具冠裳今就度師虔請教戒庶從願念不敢有違苟違明科不辭陰譴某誠惶誠恐謹言禮三拜訖即立

次度師讀白文

恭以三洞垂文七真演教咸令披度得入妙門功德難思天人稱慶斯乃從凡入聖階淺及深名奏天曹身居仙列苟非宿命寧合因緣汝既自陳道心堅固當報四恩三有以悟獨立重玄今則百靈降格萬聖傾光直須默運虔誠無致褻慢宜請保舉二師為脫俗衣以圓道相

次保舉師與脫俗衣先著履度師讚

汝先足躡雙履永離六塵經云千里之行始於足下此一步為初之意也願汝一心奉道履踐靈壇凡所行遊不步凶惡之地常登法

會運陟仙階每遇二漏之時即須改換

次繫裙度師讚云

裙者羣也以羣統為意羣於道友統以清淨又謂之裳蓋在上為衣在下為裳以表守謙下為常行之法則能如是者災害不生諸聖佑護

次著雲袖度師讚云

輕剪黃雲裁成法服上以襯霜羅之帔下以統飛霄之裙為中道之衣不可須臾離體

次披道服度師讚云

道服者乃天尊老君之法服也真聖護持人天讚仰既沾於體當自欽崇可以緘三世之愆尤可以令九先之超度行住坐卧常須護持不可置之以穢器不得雜之以俗衣苟不如是當招惡報

次知磬舉仙衣讚

上界神仙服天寶自然裳輕盈六銖妙佩服齊三光願今一披奉道遙不死鄉

次頂簪冠度師持於手中讚云

汝頂星冠冠者冠也一身之上最處崇高總

括束髮斗星燦爛岳執藝我像列真之朝元

作三洞之妙士不為臣妾蓋假於茲宜其晨夕護持勿令塵埃染汗如自輕慢則天曹奪算念茲在茲則神仙可冀

次令弟子就坐側長跪度師與戴冠

云與道合同三遍

次知磬吟星冠讚

燦耀七星冠翻翻降自天授之有科戒宿命應神仙願今一頂戴永保大椿年

次執簡度師讚云

夫簡者以簡事為言收心欽意為用簡則心專持則有守瞻星禮斗祝聖朝真為道法之光容作人天之儀範能如是者方獲執持

次知磬舉三啓頌

次度師說十戒弟子長跪

夫戒者止惡防非護正摧邪無令傲忽弗敢輕侮今授汝十戒以護身心諦聽受持不可懈怠

第一戒者心不惡妬無生陰賊檢口慎過想念在法能持否答云能下同

第二戒者守仁不殺憫濟羣生慈愛廣潤及一切能持否

第三戒者守正讓義不欺不盜常行善念損己濟物能持否

第四戒者不貪不慾心無放蕩清潔守慎行無惡污能持否

第五戒者口無惡言言不華綺內外中直不犯口過能持否

第六戒者不得嗔怒調和氣性神無所傷不犯眾惡能持否

第七戒者不嫉人勝已爭競功名每事遜讓退身度人能持否

第八戒者不得評論經教訾毀聖文躬心奉法常如對神能持否

第九戒者不得爭競是非評論四輩天人怨恨損傷神氣能持否

第十戒者舉動施為每合天心常行大慈普度厄難能持否

天尊曰戒有二種一者有得二者無得有得戒者三戒五戒十戒二十七戒百八十戒三

百大戒止惡防非未達方便名有得戒也止離三塗及人中苦未入道分若識識法畢竟空寂是名正戒無持無犯開正觀門為道根本此名出家持戒也

次舉智慧頌

次聽度師教戒弟子長跪

汝既圓道相初入法門目今已後語默動靜常須念道念經念師名曰三寶作汝皈依處

所

夫念道寶者能制滅一切惡相猶金剛刀無所不斷猶如猛火無所不燒念有二種一念

道身七十二相八十一好具足微妙人間天上三界持尊是我歸依覆護之處二念法身猶如虛空圓滿清靜即是真道亦名真身亦名道性常以正念無間餘心是名念道

其次念經寶者有三種洞真洞玄及以洞神係心受持常生信慕存想不移審知是法是出世道無他雜念是名念經若知諸法本無文字正觀實相達其旨趣亦名念經是名善解念經之相

其次念師寶師寶者父也我若無師不能得道是故應當遠近隨逐心親觀想常在目前不替須臾無諸雜想是名念師三念既已當上報四恩一天地恩二國王恩三生身父母恩四師長恩次當下資三有一資天徒二資地徒三資水徒汝當發大善心晨昏暮燈誦經行道於諸大道前樁花果寶禮拜供養上

頌

皇帝萬歲家國太平次願生身父母九祖先亡幽顯沾恩已身得道次願師尊長壽法屬

興隆次願十方信施常蒙道蔭次願江山朋友學道知音早遂初心光榮門族次當誘化一切有情令於三清諸聖結大善緣或建宮觀或造經像或度出家法身此乃自利利他功德無量常須柔弱不得剛強經云柔勝剛

弱勝強者是也凡朝禮時節開靜即起入靜即息對諸大衆不得高聲舉步安庠慎勿粗行苟非病患不得飲酒茹葷每遇齋筵慎勿語笑疊足端坐令人天敬仰接見賓客先自和顏貧富貴賤各隨其心方便應對不得輕

其大戒止惡防非未達方便名有得戒也止離三塗及人中苦未入道分若識識法畢竟空寂是名正戒無持無犯開正觀門為道根本此名出家持戒也

於貧賤而奉富貴裙褐冠簡鞋履襯袖務在潔淨勿要鮮華又不得殺一切物命每見人殺當須勸誘他人有短慎勿言之縱有陰私亦勿舉訐若違此戒身謝之後永墮惡趣餓鬼畜生受諸苦報良朋善友常須親近凶徒惡黨輒勿交遊又不得奉事鬼神學諸邪法不惟洩蹟清靜之教抑亦自招陰譴或登靈壇或預經席乘簡端謹如對君父晝夜便旋不得向北當解裙褐以就掩限仍避神祠及諸尊貴事已淨手方拈法服忽見師長及尊宿煖帽方巾道遙急須撤去盤折問訊常懷慈憫拯濟危急勿貪名利勿畜貨財勿攻異端勿習幻術勿捨吾教妄親別法勿生健羨以破道心此為修行之要也一動一靜當依十事威儀即無違科背律之誼汝既出家紹隆教法將入眾妙與道合真當須屏去三惡洒落六情勸人忠孝勸人樂善不得陰謀不得是非不得訛謗不得色慾不得輕慢不得以強凌弱不得以勢欺人不得竊盜三寶常住及諸尊像衣冠服色竊之即眉鬚墮落足

跛手孿死入寒泉受種種苦報常孝順師事及汝父母見男官女冠法身逆相供養勿生彼我當異骨成親服飾售用及諸五穀蔬茹等物常宜愛惜見男弟子女弟子常須演經化誘入我法門令悟重玄朝禮聖真五體投地侍奉師長旦夕問安送入迎稽首珍重持守清淨恬淡無為不以富貴聲利輒動身心宜行陰德以作今世來生因果冀遇神仙證無上道且九先超度乃在於汝九先沈墮乃在於汝汝當洗心刻意念無差一切聖賢歷不昭鑒今先參禮三師捨依教成。

禮經師

次引新戒禮三師

列真雅誥上聖論言蘊三洞之琅函禮九天之金格青囊紫笈寶閣雲房掌八千之靈篇傳四萬之大劫既為道士先奉經師凡所誦持勿令穢觸當運至誠參禮經師三拜

禮籍師

玉錄高真金符上聖主八景之龍章鳳篆藏三清之寶策瑤圖衆聖靈音諸天隱語凡為

道士須奉籍師每當佩錄行符切在施功布德當運至誠參禮籍師三拜

禮度師

化導真師拔俗至聖蒙度之者星冠月帔荷指之者大戒沖科漸拋塵土之蹤得遂神仙之列幸為道士切奉度師永荷真符常當信禮當運至誠參禮度師三拜

次十二願

次學仙頌

次回向念善

次引新戒禮大道功德

次禮度師等

太上出家傳度儀

三洞修道儀

檀子

夫道以元精一氣陶育三才爰及萬物有情無情咸稟此氣得之者外可以輔元化內可以登至真昧之者反溥以為瀉攪清以為濁汩亂神性淪為下鬼何神仙之可冀乎雖大象無形不可得於視聽然悟證者實資於傳授按上清大有妙經至道始自玄聖傳與神真神真傳與靈仙此三真口口相授未有文字至亦明開圖方者文篆追龍漢延康漸降靈寶金闕王格自是乃踏出教之科文此時太平靈寶行於諸天洎列紀若始傳於黃帝靈寶既隱封五符於鍾山至大禹理水受之疏達之後復藏之於石磧震水所謂靈寶或隱或顯是也後聖黃老帝君傳洞神經諸符圖號黃老道德於世世之隱逸者默修其道洞神漸替東漢末三天法師張君方受太上正一科法先是蜀宮鬼宿之分下有二十四治陰司以調二十四氣此中一治在洛陽者以鎮陰後為大天魔鬼占據號曰鬼管天師以正一法而降制焉至今列為陰局鬼為陰

更天師之裔世傳一人即信州龍虎山張家也大約此教盛於吳蜀迄于魏世有葛徽寇謙之天師復大弘闡歷于唐季其間道業彰灼者江左即有若簡寂先生陸公修靜中守即有若隱真趙先生潘天師澄源季先生司

馬天師宗元先生吳天師牛先生葉孤雲葉廣寒二天師希和季先生皆傳教之光明者具載道門七葉圖其於枝分脉散不可勝數李氏革隋太上告以受命之符由是尊祖奉冊與國同休故得芝壇紫殿羅布四裔三洞科格自正一至大洞凡七等錄有一百二十

階科有二十四百律有一千二百戒有一千二百仍以四輔真經以佐之為從凡入聖之門助國治身之業五季之衰道教微弱星弁霓襟逃難解散經籍止逸宮宇摧頽歸然獨存者唯亳州太清宮矣次有北印陽臺陽輔慶唐數觀高有典刑天台衡湘豫章滿嶽不甚凌毀山東即隣於掃地矣鄙以頑固粗通道教嘗遇至人勗以整綴從事荊州難得經書每想台嶠融峯恨無羽翼癸卯歲有陽臺

道士劉君名若拙曳策南來延於所居劉君精熟法教因得口授入道儀式冠服品位編為一卷聊備所闕他年更睹大教別俟校勘之是歲九月二十六日荆南葆光子孫夷中集

初入道儀

凡初欲學道男七歲號錄生弟子女十歲號南生弟子始授訓師門性行稍淳與授三戒五戒漸止掌血自此後不更婚嫁如已成夫婦者男稱清真弟子女稱清信弟子常依科齋戒兼行黃赤交接之道能便斷得即為佳也其童男女兼持至十五歲方與詣師請求出家捨俗者不稱少長稟承戒律稍精方求入道摺戒三師稱智慧十戒弟子戴二儀冠黃綾衣七條素裙七幅靱鞋而已次遷經法於十部大乘之內精一帙業成後授初真八十一戒授竟及保舉戒師七人稱太上初真弟子號白簡道士冠七真冠披黃褐文左九右十白裳黃裙九幅檀香木簡玄履鋪黃坐壇始入靖誦經思神行道次後不選年代經業轉精

明鍊法式方參洞經初詣三師保舉五人請授正一盟威錄二十四品正一部中別有一百二十階出黃

道法者是陰教輔助太極也正一天師子嗣師法者是陰教輔助太極也正一天師子嗣

禁咒之道小術福祐以養生民即今世上所行神法亦有籍文非上真所修所謂白黑道也此制治萬神陰陽神府之微人鬼區分之法

岸上樓天與下助王化律帝王延期益昇反朴運厚其次大地生民能奉此道者可以洗心罪免其夫撰其有夫編者今選時日順陰陽行文接即所有男女老幼皆宜上聖慈氣亦欲令其保身愛惜不食貪淫乃上聖慈慈拯濟之方仗此身愛惜不食貪淫乃上聖慈

授正一錄後方可以為人章醮為帝王封署山嶽辟召妖毒朝拜星辰以銓律候稱太上

正一盟威弟子係天師某治某氣祭酒所編者取生月生赤天三五步綱元命真人日所主不同某

凡道士未受經法通稱小兆可也冠玄冠朱帔二十四條黃裳蒼裙佩炎光大玉佩帶斬邪威神劍佩黃神越章印綾木雕鋪八卦壇

所授經業正一法文經一百二十卷大章三百六十通小章一千二百通朝天醮儀三百

座修真要十卷玉經三卷指要三卷太靈陰陽推遷曆六十卷禁咒文五卷按摩通精文

三卷修元命真文一千字禹步星綱一卷以

前正一所行皆在三界內所言十部大乘者多述罪福寬對說有說空凡一千卷已來修正一道成告白真官遷齋上室

洞神部道士 自正一授金剛洞神錄此乃上三皇法稱太

上洞神法師如捨俗入道者自此夫冠交泰冠絳褐黃裳丹裙玄履執白簡佩青光玉佩

四道帶皇極洞神印綾佩陰陽斬魔劍華陽中方勝帽坐九官辰象壇參洞神十二部經

高玄部道士亦云高上紫虛 自修洞神有功後遷授太上高玄錄稱太上

紫虛高玄弟子高玄法師遊玄先生臣某姓名冠五徽冠碧帔三十二條白裳黃裙玄履

執長生木簡坐四氣壇素光丹纓佩帶五老交真印綾佩金剛洞清劍戴麈尾巾成昌帽

參究道德經西昇經玉曆經妙真經寶光經枕中經存思神圖太上文節解內解自然齋

法儀道德威儀一百五十條道德律五百條道德戒一百八十三科

昇玄部道士

自高玄部遷授太上昇玄錄稱太上靈寶昇玄內教弟子昇玄真一法師無上等光明星真人臣某姓名冠芙蓉冠綠帔四十二條素

裳丹裙玄履白簡素文壇逍遙巾月紗帽參授昇玄錄一卷昇玄指戒三百餘明真科三

卷五儀律三卷昇天券一道昇玄朝禮儀一卷昇玄經十卷到此觀六度光氣即三界外

中盟洞玄部道士 自昇玄遷授中盟錄九卷計三十六階九券

恩徽定志券金馬驛程券五帝解形券自然券大明券三皇券水官解七祖券昇天券解

地根券稱太上靈寶洞玄弟子無上洞玄法師東嶽先生青帝真人臣某姓名戴遠遊冠

五色紫帔絳綃裳丹青裙朱履五辰紫色壇青玉交文佩佩八景金真印帶陽光洞神劍

版朝天帽即舊巾三辰巾參靈寶洞玄經一十二部

三洞部道士 自修洞玄部遷授三洞寶錄二十四階計二

十四卷券亦二十四道金鈕九雙銀錄一十

二對金龍一對玉魚一對玉龜一玉馬一蒼玉簡一黃玉簡一玄玉簡一龍頭金刀一雙稱三洞法師東嶽青帝真人昇玄先生巨某姓名冠合景冠青霞帔四十九條丹光裳黃裙朱履坐召真壇黃玉佩三辰印銷魔綉服綠華巾五嶽帽授三洞經教九真科法自此明鍊所業奔諸有為動合真妙方遷大洞上法

大洞部道士

自修三洞法後次參上清金闕清精選法應為得道者稱上清大洞三景弟子無上三洞法師東嶽真人道德先生某姓名冠紫宸通精冠九色離羅帔紫裳丹光若執籙笏朱履坐震靈壇佩九光玉佩帶無上畢道印綬帶景精綉服黃寧帽授三官解祖考契斷地根券昇天券五帝大魔合保舉券三十二天帝君識功券飛步諸法金丹大訣自此以畢法相次傳與世之學道者一世傳一人昇黃壇告九天歎血歎身取也分券斷契以金魚玉龍赤玉珪圓瑤告捨萬靈方傳上法傳法

之後始有迴車之道功行圓滿與弟子告別造素木車一乘弟子親侍駕旋掃車跡入所在名山修行至山門谷口方焚此車從此師一向修金闕後聖飛昇之道此出三界也永不入世間也

居山道士

居山道士冠平氣冠山水雲霞袖帔黃布裳布裙白履草履坐七星壇佩二禁印東西伏神劔玄巾此所行之道各據所得自務幽寂不救世人教文所謂山林寒棲道士也

洞淵道士

此道稱三昧法師冠通玄冠青文帔三十一條丹裳黃裙玄履執簡坐黃文壇佩洞淵五部印帶洞光劔所行洞淵三昧法其法上辟飛天之魔中治五氣下絕萬妖亦多救世也

北帝太玄道士

此道稱上清北帝太玄弟子冠星紀冠玄羽服白裳黃裙玄履坐召靈壇執簡佩都印帶斬尾劔授北帝籙二卷伏魔經三卷天蓬經十卷北帝禁呪經三卷飛玄羽章經十卷

北帝降靈召覓經三卷北帝雷公法一卷都靈經三卷傳尾策三卷北帝三部符一卷北帝朝儀一卷治六天鬼神辟邪禳禍之事也

女官部

其儀式參授諸法籙與男官一般參大乘經法者稱太上天真女弟子巨某姓名冠三葉玄冠服關霞十二條葉青束帶繫右肩素裳黃裙握節靴鞋

正一盟威女官

稱玄都正一盟威女弟子係天師君門下某治某氣赤天三五步綱元童巨某姓名冠洞陰冠黃霞帔二十四條紅文裳黃裙玄履執簡坐八卦壇所謂赤天三五者大凡日月運行皆依黃赤二道號曰二景凡真人掌黃赤道事以正陰陽用日月星宮為治所也更有白道法自月一日至望為白為明自十六日至晦為黑為暗道民或求小小福祐以白即祈月以黑即祈星於是有黑白之道黑白之說此二道早於黃赤也

洞神女官

稱太上洞神女弟子洞靈元妃臣某姓名冠朱陽冠朱帔三十二條黃裳丹裙玄履執簡坐九宮壇

高玄女官

稱太上高玄女弟子紫虛童君臣某姓名冠遊玄冠黃褐碧裳素裙玄履執簡坐青壇

昇玄女官

稱太上昇玄女弟子無上內教真一靈真妃云小真臣某姓名冠四玄冠碧霞帔黃裳丹裙玄履執簡坐綠壇

中盟女官

稱太上靈寶洞玄女弟子亦稱洞玄法師東嶽夫人臣某姓名冠芙蓉冠紫褐碧裳丹裙執簡佩陽光劍白旒珠佩三道元虛印綬坐五氣壇

三洞女官

稱上清三洞女弟子無上三洞法師東嶽蒼靈夫人臣某姓名冠連雲冠朱褐青裳綠裙玄履執簡坐四神壇佩青玉佩白旒帶三洞

印綬九真劍

上清女官

稱上清大洞三景女弟子奉行無上三洞法師東嶽蒼靈元君臣某姓名冠玄靈飛鳳冠五色雲霞帔青裳紅紗裙朱履坐震靈壇執簡其於迴車入山之法一切與男官同

居山女道士

稱大道女弟子臣某姓名冠二氣冠衲帔二十四條青絹裳黃布裙草履坐八景壇執簡三洞修道儀

傳授經戒儀注訣

極十一

師曰老君者得道之大聖幽顯所共師者也應感則變化隨方功成則隱淪常住無所住常無不在之在在乎無極無極之極極乎太玄太玄者大宗極主之所都也小宗未極之主相導歸乎此都此都無際包羅畢周最大無比故謂為太有而難見故謂為玄凡眼雖不能觀慧目迺能觀之研習經文施行善事存念宗主不忘須臾主本無名標曰太上應感爰臻得斯目慧慧目之果由於良因因由明師師道不二經又一同同乎道德道德之極主三合之所成成一之尊住太玄之都化應十方數有無之妙妙極在老老為宗師師體周巾道成特高故曰太玄高上老君積學輪轉位登聖真應接無窮不可稱述近世出生手十一商時降迹和光誕於庶類示明胎育可以學真雖居下界無累得道厥母道遙李樹之間思聞清風以祛塵迹玉安輝然儵爾挺質無坳無副二體一和遂因李為姓以耳為名居於楚國苦縣瀨鄉曲仁里中

周流六虛教化三界出世間法在世間法有為無為莫不畢究文王之時仕為守藏史或出或處二百餘載至昭王二十四年太歲癸丑十二月二十八日為關令尹先生說五千文文出無始說亦無窮藏明隱晦智及流源

慈音應感或顯或幽宣行一切傳者不同各從緣解慎勿相非但勤精思謹憶所知久習神降授以要言自然玄鏡洞達智慧之源也經戒儀法者凡二十四條輔成三乘上中下品共所宜用中人已下末略多違中人已上

勤行無替無替由於志堅勇猛遂能兼濟此大乘之才智士之所慕者也識淺情弱弗辨興功所進寡薄墜則難歸中小之乘其業已劣況于凡下寧可為傳高慮達人務弘妙法超三界之外與上聖為倫矣

序次經法第一

淳古事少法或不多轉久稍澆科戒遞出隨病與藥輕重不同方術彌積條律漸繁世運使然不可頓革至德聖師隨宜宣行既道忌滋章理實簡要略非凡所明繁滋非愚所

瞻愚智可得相關繁簡必須折衷衷在得正正在無邪邪正了解解在兼通通則得道道則無滯滯少謂多執多識少皆非通人悉事道體務思此意必感神明神明開道必登勝域今撰正文傳授十卷並見真經同出聖口

見善勤行無所致惑昔尹子初受大字三篇中經在太清部中所以付上下兩卷漢文精感真人降迹得此章句所滯即通登於金華友諸天人隱注云讚河上一章則徹太上玉京諸天仙入义手稱善傳聲三界魔王禮於

空中鄧都執敬稽首於法師人生多滯章句能通故次於大字係師得道化道西蜀蜀風淺末未曉深言託遙想爾以訓初理初理之倫多同蜀淺辭說切近因物賦通三品要戒濟眾大航故次於河上河上想爾注解已自

有殊大字文體意況亦復有異皆緣時所須轉訓成義舛文同歸隨分所及值兼則兼通值偏則偏解偏解終還於兼未還慎其識諛諛諛招愆生死受苦離苦昇樂由於周通周道路遠未即了然直能修此不訶於彼便為

上善善之上者華素兩弘虛實備解乃會真源若乃時研則言華世素則辭質或激素以華或勵華以素或前約後繁先與後奪或初多終少始往末歸大巧若拙未易可豈正言若反宜伊可詰但勇猛思惟以期兼解志徹

玉京不慮不通通乎大道此為其最存思有法授受有科朝禮齋請悉有儀制究此十卷自足兼通未暢之間精求悉備求未能精方須因感但篤感因必獲妙果妙果有期不假他尋果期未至且覽眾篇至於首引內解別次在後餘力觀之幸亦無妨要所留心其目

如左

- 太玄部卷第一 一本道經上
- 太玄部卷第二 一本道經下
- 太玄部卷第三 一本道經上
- 太玄部卷第四 一本道經上
- 太玄部卷第五 一本道經上
- 太玄部卷第六 一本道經上
- 太玄部卷第七 一本道經上
- 太玄部卷第八 一本道經上

太玄部卷第九 老君自然
太玄部卷第十 老君自然

右十卷授經之日師料付之受經之時勿妄請問于時天地水官十方職局三界內外一切神司並共監臨察人善惡舉止云

為唯盡恭肅慎勿推遷更相詰却有所窒礙事竟諮審師為解說分明語之脫有忘漏即尋經科依按本文勿妄增損不可改易參差前後謬濫甲非護短速誤衆生彼此相牽淪陷荼毒一失福路求遠諒難巨

石墜海望出豈易罪苦可畏務宜防之精加詳謹幽顯取知無相欺罔違負人神能如是者必俱成真但妙義要訣多在口中中所說經之所包文苑事深須口辯嚴嚴實訓經不得越典一時所須或出他部墳籍難遭搜尋巨得此儀總略網紀宗源智者思之過不啻半矣

傳授齋法第二

傳授之重聖賢所崇吉人君子專之必齋齋供豐儉隨時施設大法清虛簡素為上

賢應得啓告而付若服師已同心齊人立服勤師門並不須別更定齋戒同志保誼和風多賢起發功德易說禱學以隨階道難早修未備會良無其人師賢對善宜加精思早修也 若在世間行教習學授受之人先共對齋乃是共修精解入神非指二人對靜而已當延請師之朋友門徒眷屬男女多少隨所能供多乃至無數法限三十八人少不可減六人六人為通齋官備足一人為師五人為保保者何也實也荷也次日明也證也度也成也相重如實任荷可教明其誠丹證其業善度其試難成其至真若山居湖處則對景斷金窮地單寡三隨時必是同志不可異人或生參差破壞善事師與弟子精共詳宜齋法九日七日五日三日勿啓一日啓一日者會而非齋散財飯賢謂之為會文書啓告請監會官凡一日齋拘涉三日也

請師保法第三

受道管齋用王相之日本命甲子朔望皆佳事辦須速亦得弗擇然延請師保其應充者善會難諧乖闕易致彌須注心祈賢降德指日投疏依如常儀所請之人次第如左

第一日三師以三人為之其一人為正師一人為監度師一人為證盟師第二日五保以五人為鄰講第三日六明以六人為監書第四日七證以七人為侍經第五日八度以八人為侍香第六日九成以九人為侍燈

右六品三十八人不能備者多少隨緣皆是師之同學高德親知或神智滿足俊彥英才同為署辭更相獎勸敬之如師號曰尊人奉獻巾刀以期拂拭塵垢斷割纏縛解釋煩惱之羅破除障滯之網義存解脫遺逸淨明淺識末學勿叨此吹可得預齋暫兼保證不得署辭勿受巾刀之獻自依齋官當常流之職耳

書經法第四

凡一齋之限三日之中繕寫經書未悉備得先起或文朝儀為次在師門者亦得逆書積漸取辦不必齋時力少可得借人借人難得不齋之時受法之後徐竟能書清嚴道士敬信之人別住靜室觸物精新自就師請經卷卷皆拜受竟又拜送恭肅兢兢所受部

屬悉應寫之皆用縑素抄之則紙充乃應師手書一通以授弟子弟子手書一通以奉師宗功既難就或拙乘毫許得准借精校分明慎勿漏誤誤則奪年算遭災禍其罰深重五技十校講習相符玄神祐人延壽成聖恩濟

一切非特已身受是經戒各治二通一通常鎮柏函盛之架以局案置高座近前亦可別臺封之不可妄開若應暴曬齋淨出之竟又密藏慎勿泄露一通常隨齋請思議誦習簡素及紙潢漆裝嚴首目帶軸袂藍巾箱皆令貞潔不得雜他自非同志慎勿假借竊寫盜取其罪尤深朽故更起焚者沈淵或納幽洞不則淨之去失首悔立功受寫後師異法使焚勿從即得道亦不可也有不解了且存供養先師盟誓不可負違萬師一心超三界也

書表法第五

黃素二尺五寸言辭多少隨時取足朱界朱書書如章法能四分二十四則益善言三清玉皇天尊夫上此四號皆懸一字餘號悉不須懸重字不得點死罪不得露重名不得乖

又不得露量度上下使踈穢相容言專極處去下二寸皆上上去下三寸依法隔一字拜字下一寸猶容奏字奏字懸之逼下則上上三分九行一如章法亦名為章三師行紙章悉以素為表無表亦可用紙章表可手言也

書三師諱法第六

某年太歲某某月朔日某子某郡縣鄉里男女弟子姓名年若干歲某於某州郡縣鄉里某山館宅舍受道德五千文三品要戒三師姓諱如左

度師某州郡縣鄉里男女官道士先生姓某諱某年若干歲字某籍師某州郡縣鄉里男女官道士先生姓某諱某年若干歲字某經師某州郡縣鄉里男女官道士先生姓某諱某年若干歲字某

右墨書黃素五寸

辨信物法第七

白紋五文科素與靈寶同限高才至五十好誦誦求自然飛仙之道者其法信紋增五十好與靈寶一時於名山齋受若錄運未遇靈寶

自可直受道德經文於家清淨不必山林僻信蓋心其有三一者拾財說道漸添勝風二者因物取訓涉解入宗三者校有練無業礙取通所以用欲崇象者連五十其尺理裝依公分明正理窮數盡在道無礙勝境斯登道遙長存道俗成濟矣

凡門內門外弟子不同而同而又異或有在外而勤或有在內而惰惰則雖數而踈勤則雖踈而親親仁育德異同在茲勤者不假物以明心惰者宜因信以督志惰而不滯乎財勤而未能遺物或有緣而貧或富須獎勵師友親朋幸有代出依法施散廣勸立功贊揚成義斯德益深若窮地無紋他物準當當時窘闕從隨補充淡然追道安貧從師重賢忘物亦可都無所須直答告而授明匠自詳衷焉

授度所須物法第八

青絲一繩八條合之整長九尺金鈕一枚徑一寸無一寸者可用常鏢大小刀子礎槌各一枚礎槌槌柄金刺堅木作紙筆線紙以裹之名云五千文鈿和乃隨人丹水具先磨研勝枕中厚薄調適過半成之手巾刀子保多中人各一

右六件皆令新淨不侵公私悉當預備不得臨時更相煎切稽廢天儀實主招咎悔謝無及先勞後逸無憚初煩朋友相成更相贊助共思詳量務充法用

衣服法第九

衣者身之章也禮十一道俗不可混雜若出家起世一通而已至於陸通散髮徒跣保形有之與無弗拘限制其涉世居家又不得過三通通過三者急以施人積而能散轉偽成真真人建學修身率眾應須兩通常令新淨故隨布施施與法人人非法者不得充用穢辱真正深宜防之良無其人火淨如法非唯衣服爰及屋宇牀席幃帳履屐被氈得食器書疏觸物堪施則施人不堪則淨巾帽服飾袴衫裙襦行膝臂衣事事各二其一分別異室安處法事則著事竟脫之別箱各區內外不參每使香潔齋整副稱大小厚薄布絹隨時富不得奢靡貧不得穢陋調和中適依按師儀受法之初便應令備貧未悉具浣濯中延要服所須大略如左

葛巾 單衣 被 履 手板

右五件皆應新淨勿用故敗老君去周左中單衣不着楊也故自天子至于庶人同用此儀故楊像玉隨人所辦女子性極黃家鳥履不得金玉飾 煥裝嚴

詣師投辭法第十

凡受妙法皆詣師門不得屈尊曲從鄙舍若遊行法師延請隨時來學則志篤往教則業輕得心忘迹者稀所以深宜防慎齋必經日者師徒相許論序科儀供辦法物足以申意未齋之前久得研詳師徒脫有緩急齋日或少或多三時六時隨人所辦初集之夕依法投辭書治禮拜具在自然儀中辭之消息增損隨時准擬舊文古本如左此本是四時所與自然法相參取宜三洞法師某岳先生某治某氣某道士如干錄生某州郡縣鄉里奉道男女民生弟子臣妾小兆姓名如干歲某歲生某月某日時建生今住居某州郡縣鄉里某官第府解館舍山鎮中歸命死罪乞道辭積善之因世崇玄化得見三寶踴躍歡欣不揆下愚遠慕上學

竊聞道德五千文淵奧遐邇仰希稟受以遂至心謹依法齋信清齋奉辭伏願法師賜垂成就謹辭詣

太上高玄大法師某先生門下
太歲某某月日時於某州郡縣鄉里山

奉辭

齋儀增損法第十一

受道法齋雖依自然儀宿啓及三上香十方及大懺文當隨事增損師若未嘗受錄治氣不參齋不出官竟不言功言功之體首謝不及又云受往事竟還臣身中此則操復在事竟之後齋初不得即復而出官末云功曹使者飛龍騎吏列啓事竟各還臣身此是宣傳營齋之意事竟即還不關白衛齋所諸官齋所諸官侍齋畢度事都竟乃言功而復若不禮十一出官止出入密祝發復香爐關啓請願餘儀悉同
齋竟奏表法第十二
授經之時當取齋限之後平旦朝禮行道竟未可言功復爐三時則其朝應朝六時則其朝行通初齋出官後則未可

闕七寶玉陛下

太歲某年某月朔某日某時於某州某縣某鄉某里中上奏

傳授經戒儀注訣林

正一修真略儀

肆一

真經解云錄錄也修其之士既神靈明正然攝天地靈祇制魔伏鬼隨其功業列品仙階出有入元長生度世與道玄合故能濟度死厄救拔生靈巍巍功德莫不由修奉三洞真經金書寶錄為之津要也錄者太上神真之靈文九天衆聖之秘言將以檢勅三界官屬御運元元統握群品鑒隲罪福考明功過善惡輕重紀于簡籍校誠宣示之文掌覽靈圖推定陽九百六天元劫數又當詔令天地萬靈隨功役使分別仙品衆官吏兵億乘萬騎仙童玉女列職主事驅策給侍之數目浩劫無窮太上十方至真衆聖皆互稟師資結盟受授從俗登真永保生道漸位于極必使依科次第明曉階秩詳審義目解其要旨然後行一宜依籙文明科禁誡安可率易乃罪福得失之驗如其文也且夫神符寶籙其出自然故於元始亦明浩劫之初彈冠之際空中自結飛玄妙氣成龍篆之章乃元始神專化靈應氣然也是以生天立地萬化明分

皆因道氣與靈文也經云未始無道未始無氣未始無文由是而言萬靈相資與化齊有者也故知天地萬靈不死皆由我心非我心知之即天地萬靈變化之道其誰是哉故云天地萬物最靈者人也可不察歎但悲夫稟性暗惑或生微土而與法莫化五常莫知安可聞上聖之言三清妙法斯天罰也嗟乎慧福業全生達聖運靈文備世大法可傳而封滯俗情不能信受亦與夫愚微同矣世人受道經戒佩服籙文縱未能次第依法修行亦已不為下鬼輪轉不滅與道有緣而況親行之乎功用淺深不離於已不可預說今且聊解三洞籙文修行大旨將知至聖神真靈詔法教其文其執威謂符合于玄玄之道焉
太上三五正一盟威寶錄二十四階
太最尊也太也極也道也三界獨尊衆聖之極即所謂道君也於理即天尊道君老君一也三清應化之階即有方品之異矣今於此籙而言老君也授正一盟威籙於三天法師以傳于世使過度衆災落陰黑簿召鬼役

靈進品仙職故曰三五正一盟威寶籙三者三才各備五者黃中總數統御生死以攝萬靈安鎮人身元精固守也又以三五為日月之數戊巳配於坎離也人稟陰陽正氣三元五運萬象必全由心而正心正則精神不虧與我為一然後全日月之明合五靈之本故能死生無變於已何邪異之所能干由是煥照群陰威伏六賊是謂正一盟威學道之士

用此天真靈文赤章雲篆保守正真永為身寶故曰寶籙然後可以隨功舉遷後靈君鬼

玉女給侍仙廚備供乘虛躡煙亦不待諸法但緣俗闇紛擾心不能精故應驗不至耳昔張天師所受傳示所以隨其修用臨事制御階級不同名目甚衆至於修身度厄以保真正者師師相傳二十四階以應上八景中八景下八景二十四氣也籙生必先受持七十五仙官將軍七十五靈官將軍是為百五十將軍所以先正人身二具內外神靈品數仙靈二品各有符一通太上神文也凡在籙諸符篆亦不可備識但當按法而行其解釋符

篆別具三洞符解然亦有未詳者自非得道合神不能備悉又不宜曲以俗解深悞聖旨也其仙靈二官百五十將軍籙一階中仙童玉女功曹吏兵皆應氣而有雖約以位數若變化無窮固不可勝紀今且聊釋陰陽大數云

太上三五正一盟威仙靈百五十將軍籙

仙官三陽之氣其數七十五者卯辰巳為三陽卯數六辰數五巳數四而以三五乘之得也所以用五乘之者五為中央戊巳終始之大紀也以五乘六五六三十以五乘五五二十五以五乘四四五十故得七十五也仙官主治內以保臟府關竅筋骨氣血一身之事也人不犯衆惡不逆三陽則仙官祐人血氣和平五臟納靈神室明正通真契道也佩受寶籙深宜保之靈官三陰之氣其數七十五者酉戌亥為三陰酉數六戌數五亥數四而以三五乘之如三陽數均得七十五也靈官主治外以守衛人身形舍宇治邑四墟

所至也人不犯衆惡不逆三陰保守中和之道幽明咸暢天地同德佩受靈文以時齋醮祈請靈官吏兵神童玉女應人驅使可往八海之外求取妙藥與已同飛洞府諸靈山功德圓滿得具上帝任為正一真人之秩受道佩籙可不勉歟已前仙靈二官百五十將軍籙具如數解是陰陽六氣之正神然而陰中有陽陽中有陰仙靈亦有靈官靈官亦有仙靈不可一致但陰陽各以所治為師長也言將軍所以主領群使以齊禦備衛也餘一一依籙文而行不復具述

太上三五正一盟威三元將軍籙

唐葛周三將軍是太上三元官三氣正神水火之元精也下應人身心官兩腎在天主治北斗中圖形數及符璽靈文盟券具籙令人知道保真佩服寶籙言功醮請以時則三將軍見形功業既圖於是三神與已俱昇也別具醮法於後

太上三五正一盟威混沌元命赤籙

混沌始生元胎結形皆稟璇璣七政分化萬

靈修存之事具如錄文功成道備元真合昇
太上三五正一盟威都天九鳳破穢
錄

丹元之精為九色神鳳足步星罡鼓翼振威
導達天路故六官陰氣萬類妖氛莫得干犯
真官也學士佩受此錄以盪諸穢穢凡施為
法事宜以為先精思存注不可闕怠也久而
行之鳳宜令人形體洞潔耳目聰明徹視無
外修行功滿與已齊昇九天也

太上三五正一盟威護命長生錄

佩受精持此錄即北宮落死南斗注生三辰
煥形天地同壽扁鵲醫史玉女仙人存念醮
請一如錄部

太上三五正一盟威九宮捍厄八卦
護身錄

此錄是九真神籍八卦靈文太上密旨勅勒
八方九地主厄之神使驅除眾害無犯正氣
度陽九百六陰陽災運久而修之八卦真神
與已同昇為九天之任當隨功果而遷也

太上三五正一盟威太玄四部禁氣

錄

夫制禦萬靈通真達道無不由禁攝五行之
精吐納元氣握覽文節關啓機源取捨在已
存乎指掌以統天地速乎昆蟲毒蠱微蔑蠅
喘禽魚鳥獸鱗甲羽毛有形無形群精異類
莫不調伏從吾禁舍者矣受氣諸法雖具錄
文亦在明師事事口訣斯四部禁氣錄以錄
章表上聞以為禁術之總統也深宜佩受奉
而修之以助真道耳

太上三五正一盟威龍虎斬邪錄

龍虎者金木之精道君左右之衛神震威以
視則萬魔攝伏群妖束形修之感通得仙道
之時龍虎挾已而昇也

太上三五正一盟威都章畢印錄

以錄六甲印文中部諸印織封章表符圖並
主之錄中執印將吏仙童玉女等以學人勤
修精感則給受驅役宜醮祭不闕以期靈應
其造印諸法別具儀注

太上三五正一盟威步星綱錄

仙術出有入無變化萬端皆由步綱躡紀其

法皆象三辰之氣以致神靈自有上中下三
洞網訣隨其所用不同一如本錄修學此乃
中部三五赤天步星綱事佩受此錄可以總
括諸禁法久久精勤當乘空步虛白日昇仙
也

太上三五正一盟威天靈赤官斬邪
錄

此錄是三五赤天丹極元陽君威震萬邪洞
煥凶逆誅剪群魔惡鬼使從道化修事有功
濟度死厄使人鍊質昇天也

太上三五正一盟威九州社令錄

能召命九州里社地司眾靈一依錄文行事
太上三五正一盟威百鬼召錄

以召百鬼萬靈指攝從命不使恣恣淫害以
擾兆民當依律令其法具錄文及師傳授之

太上三五正一盟威考召錄

世有雲中鬼子九醜眾精及土木水石隸形
異質變化諸妖有類魑魅為生民害當以三
五考召符吏追而問之法具錄訣從師授之

太上三五正一盟威斬千鬼萬神錄

萬邪凶逆干擾世間不從道化當召三五赤
天吏兵大震神威施斧鉞以誅滅之不可常
用

太上三五正一盟威九天兵符錄
太上九天真符錄

太上九天都統畢錄

此已上錄都統九天三五靈官吏兵四荒八
極無缺數眾畢具佩受修行宜三會言日簡
閱醮請言功舉邊一如錄文行事

太上華蓋斬邪錄

太上三五辟邪錄

請辟邪斬邪約十餘階隨師所傳不可為定
數

太上三皇捍厄錄

太上諸度厄過災錄

太上解六宮神符錄

有諸穢却毒驚萬害符籙等約十餘階不可
定數當隨師而傳

太上女青詔書錄

太上九光萬勝錄

太上中部赤錄

太上北帝錄

太上七星錄

太上丹剛粉火錄

太上北斗真券錄

諸錄各依本師傳授一如錄文奉行其階數
應氣止於二十四階

太上童子一將軍錄

此為童子佩持亦三五正一之部具如科文

三五真券

師管授受之約道科傳付經訣皆結盟立誓
期以勿洩於非其人當分環破券飲丹告誓
不負道真修諸善事不殺生淫祀妄作邪偽
違天背道盟約故有其真券共三洞法各依
本科備之器具傳授儀

天師治局

張天師修治正一法於西蜀各依本奉本法
感應之處是為靜治以象二十四氣亦有諸
治舍散在名山按宜當配五行依本命生月
以受之每一治應一氣治之長曰陽早治應

左平氣女人應右平氣一如科儀本法若都
受諸治氣傳天師三師都功版今受治正一
籙林傳本屬治氣也事具治儀

正一經

正一朝真儀

正一齋儀

關奏章表儀

閱籙儀

醮籙儀

此已上儀注科文具正一經其八節甲子庚
申本命三會三元朔望日或朝禮或醮閱或
言功奏章各具本儀依師授傳行之
右已上為正一盟威一部次進受洞神參為
中法儀具三洞奉道科

真文三卷

諸天內音

靈寶真文

八景天書

五法五卷

老君六甲秘符

靈寶五符

五嶽真形圖

三皇內文

西嶽公禁山文

已上並各依本文存思修奉

此中法都是為洞玄參于上法具三洞奉道科目正一籙已釋其文既歷要門感應斯驗參乎中法具如科條然三洞靈文非不周細修行之要在於服氣若五氣大全則神真咸備師傳修氣之訣不在籙文今謹述五氣星網真訣真師曰含生感稟一氣受化於陰陽以遂其動用唯人最靈四大五常自然全備動用微妙與神靈通夫動念所通無分速通幽深也不疾而速不行而至感通之理豈外物哉故萬法去來由心自造夫唯無為無造故能無所不造人能淡泊清靜真氣自全是故無為也能為萬物之主而無所不為焉若滑欲亂神則不能感其應物也但人間多事觸情縱欲散擾神氣必累幽明禍業先後驗之非速可不畏欺人能無虧於五常不亂於

神氣但得千日不間雜者則可以通感神靈解脫殃厄受洞玄清靜謹守必五靈真氣見形方可存注仙真衆聖之形得步躡星網俯仰如法勤修五年或七年九年則可以致五帝雲輦真官下迎當獲仙道存亡自在也守

真存氣躡紀昇綱勿犯五常勿亂精神勿穢觸臟腑勿履雜處精思齋室日日為常無使間闕一年之應便可以威制萬魔役使鬼吏當隨意思念攻擊患害救諸疾苦無不立應不擇遠近萬里瞬息間也所謂萬化之中唯人最靈也能存其靈真保其神氣乃為仙人故曰宇宙在乎手萬化生乎身法象之大修術之原當佩靈寶五符五嶽真形圖修存五靈氣步躡九元握覽玄機以通天達地也世有不負四大無虧五常者可按而行其術也

訣曰

子若虧於仁則青帝非真 子若虧於義則白帝非真 子若虧於禮則赤帝非真 子若虧於智則黑帝非真 子若虧於信則黃帝非真

夫五氣之道體通神其子不負道違其即可修用是以道君保而傳之於至人以助自然以調元化修之於身而感於天乃五行順序地乃五嶽安鎮人乃五臟保和神乃五靈運御是故惟虧五德凶惡順焉真人存用五

氣法先當勿食葷血之物勿履殘汗絕除欲念檢身口意業今得清淨續別造一室沐浴盛潔以立春日雞鳴時面月建寅方平坐調氣瞑目叩齒三十六通叩齒欲深而微緩漱咽津液督目左右各三握固瞞目都忘萬慮放乎太空無起無絕良久覺身中通暖當搖動支體任吐濁氣即又調息當抱守氣海朝太淵北極丹田真宮稍用力深深滿甚太淵則覺百關氣歸朝其內也如此數過復其心太空若東方洞然無有隔礙徐徐引氣使極存見五臟覺東方青帝真氣從肝中周迴內外一體念身中三萬六千神與青帝其氣合又調息咽液良久起立再拜事竟如此日日勿闕至驚蟄面卯也盡寅卯節至清明日面辰存黃氣從脾中周迴內外洞徹也至立

夏日面已存赤氣從心中周迴內外也芒種日面午也小暑面未存黃氣從脾中周迴內外也至立秋日面申存白氣從肺中出周迴內外也白露日面酉至寒露面戌存黃氣從脾中出周迴內外也至立冬面亥存黑氣從腎中出周迴內外也至大雪面子也至小寒面丑存黃氣從脾中出周迴內外也此一周年五氣備全矣其存想調息次第法用如初說管目叩齒亦初數不須等級可也至明年立春日重習三日或五日七日九日如去年次第為常以朝其氣也用氣由心由心應手當抱覽三才五行萬靈之目也夫掌訣以推固為總法所謂運魁網封五嶽關三畢捉鬼道攬河源固真氣而幽顯備統之也事竟即隨息訣遣以散其氣凡指訣女人尚右男子即尚左陰陽之體然大指屬土食指火中指木無名金小指水從根節為孟仲節頭節季指甲之目為五行刀支刀支主殺也斬邪誅逆用之五氣既全當隨五類互相制伏無不如意握固法以大指捺四指經人門畢鬼

道三過隨文闡氣握之指節按十二辰亦隨其相生相剋類例用之也諸步網起於三步九跡是謂禹步其來甚遠而夏禹得之因而傳世非禹所作所以統三元九星三極九宮以應太陽大數其法先舉左一跬一步一前一後一陰一陽初與終同步置腳橫直互相承如丁字所以亦象陰陽之會也踵小虛相及勿使步闊狹失規矩當握固閉氣實于太淵宮管目三臨日叩齒存神使四靈衛已騎吏羅列前後左右五方五帝兵馬都本位北斗覆頭斗杓在前指其方常背建擊破也步九跡竟閉氣却退復本跡又進是為三支即左轉身都遣神氣綱目直如本意攻患宮除遣眾事行用訖却閉目存神調氣歸息于太淵宮當咽液九過其禁勅符水等請五方五帝真氣如常言真師曰先習五氣一年乃習三步九跡星網一年無差然後行諸禁法隨意剋中如神也能清慎守道久久飛仙度世古人真仙聖王皆得之以佐世治俗但世傳不真妄生穿鑿惟按此行之乃見其驗先師

云三步九跡如既濟卦得星網真訣又須修習五帝之氣及握固掌訣始合其宜是以通徹真原也若但受持符圖寶籙不得師傳修用之門終不獲靈驗一如籙文不爾且謂等奉供養而已為之善緣用資業者

右已上五法受氣行氣訣禹步星網及掌訣真師曰有道之士得佩受修奉諸天內音靈寶真文赤書玉訣八景天書鍊真秘道修服老君六甲符靈寶五符五嶽真形圖三皇內文西嶽公禁山等符籙一一依科宜受持存修不怠者便得鍊形易骨坐在立亡位為洞玄上真之任也籙中行事訣各具本文并在師傳付別有要妙修持洞玄部竟神真感應得參上清諸法

上清籙二十四階

太極左真人曲素訣辭一名九天鳳氣玄丘太真書籙 三天正法籙 上皇玉籙 龜山元籙 飛行三界籙 飛行羽章籙 三元玉檢籙 上元檢天大籙 下元檢地玉籙 中元檢仙真書籙 上清檢人仙籙

靈飛六甲籙 靈飛六甲內思籙 六甲素
奏丹符籙 元始二皇譜籙 太微黃書九
天八籙 太微天帝君金虎真符籙 太上
神虎玉籙 八威召龍籙 河圖靈籙
太上八景晨圖籙 豁落七元真符一名帝
君威靈籙 流金火鈴籙 攝山精園籙

上清洞真諸券

紫紋交帶 白紋交帶 迴車畢道

右已前上清部是為洞真 此略述師傳以陳棟錄其受法

茲經諸具本道科也

夫三洞六科總六十階及三洞真經共計一十八萬億三千一百八十卷今此世綿歷劫運凶災彌流仙曹代遷洞府收隱存世者鮮又為世間傳寫文篆錯謬或偽加刑定隨俗造作以要名勢資求財賄先師代代修定文儀亦不能要其准的所以爾者由其世教之疑情偽之異也吾又安知三界內外諸天世間既有文字言教亦因事跡而遷乎今當隨世所傳以其天書靈文信質于道但當平等一心仁孝一切斷情去欲清虛無為事付至

公理歸至當洞達無礙不滯有無是為洞真之要旨也

修寫經籙訣

真師云至誠感神精誠必應世間受經籙多不合儀則又師傳幽莽而修奉懈怠或謂道籙不靈神仙無効斯自咎矣先師寫經籙儀範別有一卷今且略述其要買紙素丹青筆墨工用等物皆當合道貴其本之所來不得與人乘爭言利宜之情必虛懷潤物清靜謹慎精意修理勿得穢雜難犬異類及婦人目視既齋沐經月餘別處一靖室東向開小牕常燒香於左右施筆數本文嚴整衣冠心存玄師密啓其意調氣染筆依儀篆寫丹青所用切忌牛皮膠即靈氣不降也當用鹿角膠和少乳頭香即得不脫以素以紙其揆一也籙卷上下長九寸以法太陽之大數欄頭上下朱郭凡九分上法九天下法九地其上下朱郭以法丹元之氣謂赤書玉文至陽之色象以破邪陰也上下朱郭各一分以法一氣之周布也欄頭上下皆雙界不得隙絕不均

所以法四時也上法春夏下法秋冬其行長七寸以法七政也行闊五分以法五行若楷隸字數每行不過二十字要令調而勻不得懸生露死謂死字不居行首生字不在行下當度其行間若弟子名號宜甚謹細亦勿使居行之首也此其法則不可不審至符篆圖畫務令均勻得所以畫籙文在其精詳用意為之每階未近軸留三行署監度保舉度師等三師法位姓名其裝飾標軸宜適豐儉隨力所辦務在嚴潔勿為分外妄生憂慮其質信等物及符板絨囊皆先備擬一依科儀所說修寫都畢隨部入函盛之封題如法晨夕焚香於靜室勿使雜觸至受法齋辰師當啓授如儀

正一修真略儀

洞玄靈寶道士受三洞經誡法錄擇日曆

京三洞弟子清都觀道士張萬福撰

伏尋三洞經教四輔法文元始所說道君傳授而衆聖修行群真禮誦秘之三境流布十方代歷塵沙年踰浩劫方乎日月論之水火凡聖共觀人天等用法雖無量軌範不殊世雖有革威儀恒一至如出家入道須有受持大德法師宜相指授弟子既來丹倒師主當備科儀理須敬奉經文遵承典格必使三盟可則六證匪虧學道有師持經不犯而辭誓已納齋奏在期各從所請預宜擇日期之經法難以改移須自分明詎容混漫頃諸師者先用甲子為良或以正一受道曆通傳三洞且如甲子道德三皇用之受道之曆治籙符圖等事至於上清靈寶自有吉辰豈得雷同莫分涇渭而吳蜀二境京洛兩都迺相承用因循靡革萬福仰惟積善慶及庸微既劇道流又參真秘自升淨域向五十許年從師結誓亦四十餘載敢窺瓊檢竊誦金章香燈之暇輒此撰錄祇望示之門人未敢聞之于外

先修三洞衆戒已具二十一卷中恐披卷軸繁多罕能存錄今指行此一卷庶弟子誌之正一仙靈符錄等

甲子和合乙丑上剋下丙寅丁卯和合戊辰自刑己巳和合庚午下剋上辛未和合

壬申癸酉和合甲戌上剋下乙亥和合丙子下剋上丁丑相生戊寅下剋上己卯下

剋上庚辰相生自刑辛巳下剋上壬午上剋下癸未下剋上甲申乙酉下剋上丙戌

上生下和合丁亥下剋上戊子上剋下己丑專和合吉庚寅上剋下辛卯上剋下壬

辰下剋上癸巳上剋下甲午上生下乙未上剋下丙申丁酉上剋下凶戊戌專吉是

天門不入靖己亥上剋下自刑庚子和合辛丑下生上和合壬寅癸卯上生下和合

甲辰上剋下自刑乙巳上生下吉丙午專火自刑丁未上生下吉戊申己酉上生下

自刑庚戌下生上吉辛亥上生下自刑壬子專水吉癸丑下剋上甲寅乙卯專木吉

丙辰自刑丁巳專火吉戊午下生上自刑

己未專土吉庚申專金吉辛酉專金自刑壬戌下剋上癸亥專水自刑

凡受道合和上下相生大吉專小吉自刑上下相剋凶不可度法籙經戒

陽早鹿堂等二十四治及遊散宿治

正月二月子日五十倍丑日二十倍寅日

殺子卯日殺婦辰日大吉己日自如午日九倍未日殺身申日殺婦酉日小吉戌日七十倍亥日五十倍

三月四月子日五十倍丑日殺母寅日大通卯日小吉辰日小凶巳日十倍午日師

自殃未日三十倍申日三十倍酉日五十倍戌日二十倍亥日二十倍

五月六月子日殺母丑日宮母寅日大凶卯日殺父辰日殺母己日小凶午日殺子

未日殺子申日殺母酉日五十倍戌日二十倍亥日不吉

七月八月子日大通丑日大凶寅日小凶卯日殺父辰日殺母己日二十倍午日殺

母未日五十倍申日殺子酉日殺母戌日

二十倍亥日五十倍

九月十月子日自如丑日自如寅日小凶

卯日二十倍辰日五倍巳日六十倍午日

大凶未日三十倍申日二十倍酉日二十

倍戌日殺子亥日殺婦

十一月十二月子日殺子丑日殺婦寅日

小凶卯日五十倍辰日五十倍巳日殺婦

午日殺父未日七十倍申日三十倍酉日

三十倍戌日大凶亥日殺婦

凡十二件度道吉凶日明尋之勿犯二

條出正一法文度錄度治儀

老君金鈕及經目并經等

右凡受道營齋用王相本命甲子朔望日

皆佳出太玄部老君傳儀注訣

神呪符契圖經等

右用正月上甲及每月一日十五日卯酉

時良出神呪經

洞神三皇符圖經等

右齋之辰及傳授皆擇王相本命甲子甲

申甲寅此為三元最吉出洞神經十四卷

洞玄靈寶自然券中盟經真文二錄靈策神

杖等

右春用甲寅乙卯夏用丁巳丙午四季用

戊辰戌戌巳未巳丑秋用庚申辛酉冬用

癸亥壬子建王之日登壇也

五法

右受六甲符當以甲子日夜於庭壇風雨

入室禁山云以夜半設祭不言其日五嶽

用月上建夜半三皇云夜半於庭壇敷席

不言日五符云吉日清淨夜半時於庭壇

敷席出陶公傳儀今以六甲附老經禁山

三皇洞洞神法五嶽五符依靈寶法也

河圖寶籙

右以元正之夜行之最吉諸月三日二十

七日此是尊皇降見之日及甲子甲午庚

申本命太歲八節日皆大吉出九皇醮儀

上清七券經目及經三籙諸法太素玄都紫

紋交帶等
正月九日十日二月八日九日三月七日

八日四月六日七日五月五日六日六月

四日五日七月三日四月八月二月三日

九月一日二日十月十日十一日十一月

十一日十二日十二月十二日十三日

已上謂之天關九關之日亦曰朝太素

日陶云今歲庚子直辰天關九關每月

止一日藏宗道云傳三洞經法用天關

九關日出上清經及其語中

凡厥受道皆有三盟初中微心以誠信又須

六證監視威儀正其虧闕既人有利鈍致法

有尊卑而漸頓宜殊勤怠須隔自微至著以

近涉深聖人垂旨接引如流即初請法各有

階差依其次第不可乘越但以世中道士衣

食累身且救目前未思死後少能向道已是

勇猛難勝若不獲勇提便恐歸依路絕所以一

壇之內數法不同三盟之中來受各異若人

人別受法殊禮非唯唯師與弟子弊其形勞

抑亦仙官煩於召請欲使古今取則凡聖合

宜事以道通法用人制庶上則諧於聖旨下

則得於凡心即天尊善權至道舍育其為博

也如抱惡不變執滯匪移實恐接接路迷信

向情斷其有假道書法求利取人同冒賢良欺謾愚駭而高張聲譽遂俟招呼妄設軌模空為法則者置之言外吾所不論也竊見男女同壇或師弟不相對齋或師弟各自遊行或結齋之後始來告赴或不投辭拉或抱素盡空或師借經法及假人經法或師為出法信或數師同壇或不書表刺不分契券或法次交互不期良日或虛注保證及廣書名德如此之流情所不忍復有無經法恃其豪富勢力及名望高遠耻人不歸強相招引為他傳授亦有曾受一法兩法或道德十戒乃唱言自云凡諸道法我並師受或簿解符章禁祝小技出入天庭或富貴人驅使或百姓信向豐衣足食少有僮僕使人傳唱招致弟子為傳經法或恃以年高德重俄然戴冠為人師範比之流例舉自皆是豈思冥咎罪殃及乎已身分甘冥苦其奈七祖九玄所生父母何世有殺父弑君及天違地自取夷滅者亦同怪乎哉既一壇之內參受不同宜就專法告齋立限取其良日其中小法齋內傳授昔

嘗遊江淮吳蜀而師資付度甚自輕率至於齋靜殊不盡心唯專醮祭夜中施設近來此風少行京洛良由供奉道士多此中人持茲鄙俗施於帝里又云靖忌道父母忌不入靖燒香愚人景慕用為奇訣其道父母靖忌上禁祭酒奏章設醮元不及三洞上法至如戊辰己巳戊戌己亥隨日流行而十齋八節五通太素朝第山等天之定日求仙要領若與之會得不朝真者乎此蓋濟世小道非修身上法汝之弟子宜識之焉其或十齋八節既是眾聖按行條記功過亦曰良辰雖經不指言例之為善傳道所用必諧聖旨復有上帝殺伐日云不可舉百事此祇合樂營違諸所禁防至於受道固應無礙而始學初門幸能避之佳也三洞上法久悟法人自不拘也按金明道科但法具周辦即登齋告盟未使擇日賢者詳之

傳授三洞經戒法籙略說 肆三
前闕
張萬福伏尋經旨人從虛無自然中來結形抱識法天象地備舍萬類神明保衛實不可稱尊亦巨匹而染習塵勞流浪生死不能自悟天尊大慈善勸方便說經演戒開度天人普使男女同登正道然氣有清濁人有賢愚故教有三乘形分萬等法門漸顯蓋有由矣略說傳授指要如左
戒目
三歸戒此三戒者初起心入道受令歸依三寶也
五戒此五戒者令除五欲修五德持五戒出五濁也
八戒此八戒者持八事以契八神上二戒錄生所愛以契八無上十戒此十戒者在俗男女所無上十戒受斷十惡行十善也
初其戒此初其戒者初出家也受謂始脫俗服入道也
七十二戒此七十二戒者正一弟子所受即仙靈錄是也
百八十戒此百八十戒者正一道士所受老君授于吉者也
天尊十戒此天尊十戒者此清信弟子受也
大清陰陽戒此大清陰陽戒者此清信弟子受也
想爾二十七戒此想爾二十七戒者此清信弟子受也

洞玄靈寶道士受三洞經誡法籙擇日曆

洞神三洞要言五戒十三戒七百二十戒

此三皇弟子所受

百二十九戒此昇玄內教弟子所受

閉塞六情戒此靈寶初盟所受即破自然卷也

智慧上品大戒此靈寶中盟所受入帙經同所受

三百八十戒此靈寶大盟所受

智慧觀身三百大戒此清道土所受

元始天尊以開皇元年七月一日午時於西

那玉國鬱察山浮羅之嶽長桑林中授太上

道君智慧上品大戒法天文尊告太上道君

曰今當普宣通法音開悟群生為諸男女解

災却患請福度命拔諸苦根使生者見道身

脫八難死者歡樂飲食天堂早生人中轉輪

聖王修齋求道皆當一心請奉十戒諦受勿

忘專精默念洞思自然勿得雜想撓亂形神

天尊又曰夫欲安身治國使門戶清貴天神

祐護地祇敬愛當修善功勤心齋戒廣施法

門先人後身有惠於萬物功善於一切功滿

三千白日昇天修善有餘天降雲車弘道無

已自致不死斯本行之上戒可不尊奉之手

又智慧觀身戒太微天帝曰我始學之時唯

知請經不知尋戒乃歷劫生死不奉觀身大

戒當何由得仙乎故道學當以戒律為先道

家之宗尊焉法應習誦上品大聖皆秘而不

書若有法而無戒猶欲涉海而無舟楫猶有

口而無舌何緣度兆身耶先須誦習不容懈

惰萬福曰凡初入法門皆須持戒戒者防非

止惡進善登仙衆行之門以之為鍵夫六情

染著五欲沈迷內濁亂心外昏穢境馳逐名

利耽滯色聲動入惡源求乖賢域自非持戒

莫之能返故經云持戒制六情念道遣所欲

又云學道不修齋戒徒勞山林又云皆從齋

戒起累功結宿緣飛行凌太虛提携高上人

凡受戒皆須詣師伏受抄寫誦習若兼經受

者則不須也

正一法目

一將軍錄 十將軍錄此二件董陽主

仙官七十五將軍錄陽主

靈官七十五將軍錄除主女此二錄男女

合名仙靈百五十將

九宮扞厄 六害神符 田部禁炁

都章卑 九天破殘 大小斬邪

天靈赤官 元命赤錄 大小召錄

九州社令 九天兵符 九天真符

翻天倒地 青甲 赤甲

赤丙 無終 八牒

五牒 八宿 七星

紫宮 紫臺 三將軍此二十

十六錄舉其大略餘一百卷附具有本經今不詳備

正一法文科戒品曰總統天地一切神鬼誅

伏邪魔斬滅妖精徵靈召氣制御山川滌蕩

氛穢章奏傳驛通達神仙莫先乎正一矣

萬福曰凡人未受正氣皆被六天鬼神妖精

魍魎一切邪魔之所中害不能分解以自免

脫煩惱在身痛苦疾病妨於修道天人年莖

太上慈悲出法施化制伏強梁建神立疏布

炁微靈消滅邪魔摧攝精魁使清濁殊貫人

鬼區分正已除邪一以統萬而邪由正理萬

自一宗故總錄群靈同歸其道也其天丁甲

卒仙官吏兵蓋道一分靈凝神布炁外光妙

用內發精明虛映既彰真官斯應可以神會
難用慮思凡諸經所明莫得詳究矣
道德經目

道德上下二卷 河上公注上下二卷
想爾注上下二卷 大存圖一卷

傳儀一卷 此太古經所明
齋儀一卷 應受持修行 朝儀一卷

老君西昇一卷 妙真上下二卷
內解二卷 節解二卷
高上傳一卷 無上真人傳一卷

紫虛錄一卷 此左仙公及金明
所撰傳授修行也
太極左仙公道德經序訣云夫五千文宣道
德之源大無不包細無不入天人之自然經
也老君以上皇元年正月十二日丙午太歲
丁卯下為周師到無極元年太歲癸丑五月
壬午去周以其年十二月二十五日度關以
二十八日授尹真人太上道德經其經十方
諸天人神仙鬼神所宗奉也道士鄭思遠曰
余師萬仙公受大極真人道德經教以口訣
云此經道之祖宗也誦誦萬遍夷心注玄者

皆以升仙太上玉經隱注曰常能讀五千文
萬遍太上雲龍下迎萬遍畢未去者一月三
讀之耳須雲駕至便升仙也隱注又曰居家
學道當受五千文月朔半晦本今日八節日
日中夜半時各一遍讀之耳志心奉行經上
妙事託形太陰之精天帝雲車迎人身神不
經泰山三官地獄考罰之中也上生天堂天
帝之前下生人間侯王之家相好具足亦轉
女為男結緣上清此經博通群品無大無小
隨志所求無有拘礙送死養生聲無不宜也
亦能安國寧人制伏邊夷莫不順道者也斯
經妙矣弗有高焉
萬福曰夫五千文蓋三洞之精華一乘之與
旨理身理國道有歸無言象莫詮尋難極
而百王楷式千劫不刊之文也故太極左右
宮得道諸仙及太玄都山聖真常研味道德
誦誦幽玄矣凡夫得之清齋千日誦之萬遍
雲龍下迎仙童侍衛萬劫長存之術耳老君
授尹喜行之道成從老君化胡周遊天下出
有入無變見自在為無上真人文始先生亦

為先師矣
三皇法目

全剛童子錄 普下版 三一真講
三將軍圖 九皇圖 三皇內文
三皇大字

洞神經十四卷 陶先生所
傳十三卷

靈寶經云神寶君者則洞神之尊神至上皇
元年出書時號三皇洞神太清太極宮經云
三皇者則三洞之尊神大有之祖炁天皇主
炁地皇主神人皇主生三合成德萬物化焉
洞神三皇之經傳訓下世領化佐國扶助此
人故天子得之風風下降祥瑞出見役使百
神無所不辟若入名山遊行八極天下鬼神
無敢當之上士昇仙
萬福曰夫得道諸仙真聖雖超出凡界亦有
攝化職統主諸天地洞府山川召鬼役靈呼
雲制雨以活萬姓也此文蓋太上自然之章
神真之信神寶君所說化乎九仙三皇各受
一篇而天下大化因號之焉文字宛與理事
精微具載經中卒難詳備矣

靈寶法目

自然券 中盟經四十七卷

大盟真文 八景內音

真文赤書經云元始洞玄靈寶赤書玉篇真文生於元始之先空洞之中天地未根日月未光幽冥冥無祖無宗靈文晦曖乍存乍亡二儀待之以分太陽待之以明靈圖革運玄象推遷乘機應會於是存焉天地得之而分判三景得之而發光靈文鬱秀洞映上清發乎始青之天而色無定方支勢曲折不可尋詳元始鍊之於洞陽之館治之於流火之庭鮮其正文瑩發光芒洞陽炁赤故號赤書靈圖既煥萬帝朝真飛空步虛旋行上官燒香散花口誦靈章是時天啓十二玄瑞地發二十四應上慶九天之靈與讚三天之寶明神風既鼓皇道咸暢元始登命太真按筆玉妃拂筵鑄金為簡刻書玉篇五老掌錄秘於九天靈都之官玉女典香太華執巾玉童侍衛玉陛朝軒九天上書非鬼神所聞天寶之以致浮地秘之以致安玉帝掌之以得鎮三

光乘之以高明上聖奉之以致真五嶽從之以得靈天子得之以致理國祚享之以太平寔靈文之妙德迺天地之玄根威靈厥靡普加無窮蕩蕩大化為神明之宗其量莫測魏乎太空又云元始五老赤書玉篇出於空洞自然之文於未有之中生天立地開化神明上謂之靈施鎮五嶽安國長存下謂之寶靈寶玄妙為萬物之尊東方真文曰生神寶真洞玄章南曰南雲通天寶靈林中曰寶劫洞清九天靈書西曰金真寶洞微篇北曰元神生真寶明文五老玉篇皆空洞自然之書秘於九天靈都紫微宮七寶玄臺侍衛五帝神官依玄科四萬劫一出靈寶真文以赤明開玄之始號曰空洞赤書景皇真文天地分判天號之靈地號之寶故曰靈寶二十四生經云上皇元年九月二日後聖李君出遊西河值元始天王李君稽首曰昔蒙訓授天書玉字二十四圖雖得其文未究妙旨今遇天尊願垂成就於是天王口吐洞玄內觀玉符以授於君使清齋千日東向服符形神備

見自當洞達諸疑頓了李君稽首奉承教旨具依天儀長齋千日東向服符八景神並見身中金書玉字二十四圖空中而明文彩光鮮洞徹無窮亦明元年正月上寅一日午時元始天尊於赤明天中南霍之丘丹靈洞宮數羅五色黃金為壇白銀為地七寶告靈傳度洞玄金書紫字玉文丹章自然靈圖二十四真三部景神天仙飛仙神仙地仙兵馬乘騎以受太上無極道君依威儀玄格明真科文度人九萬九千九百九十九人宿有金名列字諸天應仙之人大運之終當收文還上大羅七寶玄臺紫微宮中玉字上經曰天真皇人曰天書玉字凝飛玄之炁以成靈文合八會以成音和五合而成章大運落期琳琅自生神風虛奏韶響洞鳴煥乎諸天之上朗耀太幽之中與龍漢而俱化披赤明於延康二儀待之以判三景待之以分上聖乘之以神五嶽寶之以靈一切得之以生國祚享之以安落落大範魏魏高尊奉之者長存寶之者具降修之者神仙度死骸於長夜鍊生魂

於朱官妙化之文出於自然混之不濁澄之不清毀之不滅滅而復生高秀太虛萬帝之宗威靈恢廓難可名焉天真皇人曰度授諸天內音自然玉字當依明具典格以朱書白素上質七寶錄靈金續効心拜黃繒章表告

諸天度文露文中壇三日三宿不遇風雨文無飛揚合真以傳天真皇人曰修飛仙之道及滅度之法尸解隱化輪轉生死隨運道遷無拘太陰當朱書諸天玉字無量內音白素佩身隨文服御心不受穢五內清和六府恬

寂空碧無為八年洞達諸天生見十方神真交降體生玉光馳聘龍駕白日登晨玉章上道四萬劫一傳隨御服御百日語天記錄地官削簡八年神真自降體生王光洞達幽虛坐觀自然死尸更生反胎還人轉輪不滅生死得仙輕洩漏慢身負河源風刀萬劫終不得仙明真舊格宜秘之焉

萬福曰夫靈寶真文生於空洞之中元始之先天地未報日月未光幽冥冥無祖無宗元始鍊之於洞陽之館治之於流火之庭鮮

其正文瑩發光芒於是太真按筆玉妃拂筵金童散花瓊女揚烟五帝侍衛三界朝軒天寶之以致泐地祕之以致安五嶽享之而安鎮一人則之以太平保制劫運吐納陰陽教化一切儀範萬天諸得道大聖象至真諸君

丈人莫不奉行靈寶論諫其篇與天地而同沒共日月以俱懸大周天地近存我身勤修之不死暫行之長年為天人之舟楫寔幽明之福田其理宛奧莫得而言傳之活劫惡置知焉

靈寶五符

太玄經曰天地萬神皆六甲之部使也老君行之長生度世坐致行廚隱形易體坐在立亡出不擇日行不擇時盡監萬神辟除疾病踰江越海不避風波從天入淵虛無自然還

入崑崙不死之道上升太清登造紫微萬福曰夫陰陽者道之本寒暑生殺動靜之炁也而清浮圓動明陽也濁沈方靜暗陰也陽不能獨生待陰而成陰不能自成須陽以生一消一息有虛有盈二炁和合萬象乃形

男東女西金白木青水流土止天動地寧上下交泰變化百靈乾坤分判迴轉千精微妙莫測陰陽遠呈甲乙曰千子丑為支以相配合數成六焉千者日也陽之精稱奇一三五七九數也支者辰也陰之靈稱偶二四六八

十數也陰陽翕開萬二千物具有神焉主之者六甲也天不用六甲三景失倫地不用六甲五嶽崩摧天子不用六甲百官乖緒學道不用六甲違其妙理六甲者一切之綱紀也行得其道萬邪皆伏鬼神為使故道士佩

之坐在立亡神仙不死逆知未來也

開元經云靈寶五符道之隱文結飛玄之炁自然成章字方一丈八角垂芒生於元始之先空洞之中保制劫運使天長存梵炁彌羅萬範開張十方已得道一切諸神仙莫不佩奉而得長存變化自在驅馭百神并入無形與道合真矣

萬福曰靈寶五符生天生地分化五行與炁混合吐納百神乘運隱顯劫劫長存輪轉五劫布氣十天軒轅受之於天真皇人傳之於

子孫夏禹得之於鐘山祕之於洞岷吳王池之國祚不隆道士佩之道不離身神將炁化和理於心神道炁一變化自然壽齊天地鍊景入真沒身不殆永劫獨存功齊太虛德冥自然輕泄毀誹罪延無窮保慎敬愛福常在焉修行法則具之經文

東西禁文

萬福曰其符離合三皇文白羊公介君所受制虎豹蟲狼山川百精之鬼不敢為害故馭虎撰蛇即其事也道士祕之焉

五嶽真形圖

五嶽真形圖序云漢孝武帝好長生之道常祈祀靈嶽以求神仙元封元年正月甲子登嵩高山起道宮帝齋七日祠訖乃還到四月戊辰夜闕居東方朔董仲君在側焉忽有一女人著青衣非常麗也帝問何女女曰我壙宮玉女為王母使從崑山來語帝聞子欲輕四海尋道求生降尊王之位而屢禱山嶽勤哉有心仙道可教者百日清齋不交人事到七月七日西王母當暫來也武帝下席跪諾

言訖女隱忽然失所帝於是登尋其之臺齋誠存道其四方之事權委於冢宰焉到七月七日乃爾除宮掖設座大殿以紫羅薦地燭百和香張雲錦帷燃九光微燈設蒲萄蜜為客主之饌帝乃盛服立於階下內外謠寂以俟仙官到夜二唱後忽見天西南如白雲起鬱鬱直來逕趨宮庭須臾轉近聞雲中有簫鼓之聲人馬之響復半食頃王母至也群仙數十光耀庭宇別有五十天仙皆身長一丈王母上殿東向坐年可三十許脩短得中雲顏絕世真靈人也下車登牀武帝拜跪問案溫畢立如也因呼帝坐王母自設廚非常豐珍非地所有甘氣絕殊帝不能名也帝見王母中器中有一小卷書盛以紫錦囊帝請問此書王母示之五嶽真形圖也此乃三天太上所出文祕禁重宣汝穢質所宜佩乎昔上皇清虛元年三天太上道君下觀六合瞻河海短長察丘山高卑乃因山源之規矩觀河嶽之盤曲陵回阜轉山高隴長周旋委蛇形似書字是故因象制名定名實之號畫形於

玄臺而出為靈真之信諸仙佩之皆如傳章道士執之經行山川百神群靈尊奉親迎欣子有心今以相與當深奉慎如事君父泄示凡人必致禍考聽四十年得傳一人四十年無其人聽八十年頓二人耳授非其人是為泄天道可傳而不授是為閉天寶不計限而妄授是為輕天老受而不敬是為慢天濞泄閉輕慢四者延禍之車也泄則身死道路受土形濡骸裂閉則盲聾於來生命凋枉於卒般輕則禍鍾於父母詣玄都而考罰慢則暴終而墮惡或惡疾於後世復有愈此罪者宗斷而族沒同道謂之天親同心謂之地愛傳授當相親愛共均榮辱營心真一珍惜精液共養和氣氣全神歸必齊靈會如其不爾天降汝厲此皆道之科禁不可不慎汝欲有所授董仲君者以其人也即命傳單更取一圖王母手付帝帝再拜跪受王母曰三年更來告汝道也帝既見王母乃信天下有神仙之事欲有去世計數矣而淫色恣性殺伐不休百姓歎於勞役死者怨於無辜不從聖母之

言遂不復來也所與帝經圖之屬感以黃金之甌封以白玉之函安著栢梁臺上後到太初元年天火焚臺遂爾燒失王母當以武帝不從訓誨而災之耳但帝先承王母言以圖授董仲君仲君騰寫賴此得存也魯女生長

樂人少好道絕穀八十餘年色如桃華一日能行三百里世傳見之二百餘年後採藥嵩山忽見三天太上侍官以五嶽真形圖與之并告其施用節度女生道成一旦入華山後五十年先識者逢女生於華山廟前乘白鹿從玉女三十人并令謝其鄉里親族故人甚分明今得此圖見於世間者起由董仲君及女生二人仲君臨去傳樂巴女生傳封君達葛洪曰昔白鄭君五嶽真形吳越之人無有得傳不審先生有不鄭君曰吾似有之傳授禁重不可妄泄廿三卿極有心是故相告且勿宣之吾先人受此書於青牛先生自吾受圖不傳一人當以此文與卿今施用節度皆出於鄭君也青牛先生言家有五嶽真形一嶽各遣五神來衛護圖書所居山川近者山澤神

又常遣侍官防身營家凶逆欲見傷害皆反其殃辟除五兵五瘟可帶履鋒刃帶此文乃執持以履山林者百山地源靈官主司皆出境拜迎專貴國信鬼神猶執卑降之禮何凡人而可慢懣哉

萬福曰夫五嶽真形圖上聖高真神仙所寶道士佩之遊行山澤千山百川之神皆出迎之家有此圖仙靈侍衛萬屬潛伏仕官高遠財產豐積子孫昌盛門戶興隆修行佩奉自有法矣

三皇內文

三皇經曰三皇自然之文皆以金玉為用天皇所受玄玉為簡青玉為文地皇所受黃玉為簡白玉為文人皇所受赤玉為簡黃玉為文綴以金鈎聯以金鎖擊以玉按覆以珠巾芬以五香持以十華玉童玉女執拂左右真官仙職司承去來辟邪獅子麒麟鳳凰青龍白虎玄武朱雀靈禽聖獸無量伎樂六甲六丁三五僚屬防護宿衛奉茲文矣
萬福曰其三皇文即洞神經亦曰洞仙三皇

受之召制天地萬靈百精之神道士佩之化景飛空出入自然呼雲降雨役使鬼神所願立尅益壽延年生死獲慶享福無窮矣
傳授三洞經戒法錄略說

傳授三洞經戒法錄略說

肆四

三天正法除六天五文

道曰吾生眇莽之內幽幽冥冥幽冥之中生乎空洞空洞之內生乎太無太無變化而三炁明焉三炁混沌生乎太虛因虛而立洞因洞而入無因無而生有有生而立空空無之化虛生自然上炁曰始中炁曰元下炁曰玄玄炁所生出乎空元炁所生出乎洞始炁所生出乎無故一生二二生三三生化生以至九玄從九反一乃入道真炁清成天降凝成地中炁為和以成於人三炁分判萬化稟生日月列照五宿煥明上三天生於三炁之精處於無上之上極乎無極故無極也履大運所不能改經大劫所不能易總真高虛可謂高也故號三天正法九天之號亦生於三三炁生三故號九天其六天總民應化順運與日月推遷陰陽否勃天地炁反小劫交周萬帝易位九炁改度當此之時凶穢滅種善民存焉大劫交時天翻地覆海涌河決而萬惡絕種鬼魔滅迹八荒四極萬不遺一自非勤心

於存思佩除六天之文修行三天正法不得免過此克奉迎聖君於上清宮也除六天文元始天王所出始青飛玄之炁結成玉文以告六天運周度交收炁檢神還及土上正一始生之天佩者制靈使炁威攝十方出空入

無萬道開張經大劫所不能毀履洪波所不能沈萬神稽首五嶽司迎侍童六百人五女六百人營衛佩文者身太上所寶秘之六合紫房萬劫一傳太上受之於九天真玉元君受之於三天玉童黃軒受之於太上元君西王母受之於元始天王四極受之於東海小童紫陽真人受之於太上大夫審封受之於清天上皇君唐堯受之於後聖帝君自唐之後得文乃七千人皆得駕龍飛空也高上玉晨鳳臺曲素上經云玄都九曲峻增鳳臺結自然風氣以成瓊房處於九天之上玉京之陽虛生八會交真之氣十折九曲洞達八方上招扶搖之翮傍通明於玄臺之上字方一文文蔚煥爛洞明九天飛鳳雲蓋紫雲鸞藻遊麟之獸交蹕馳橫六領師子備于下關五

帝玉仙執五色命魔靈輜以威御五方右侍太華玉女左衛金仙玉童各三千人侍真典香日月俠映七元迴靈三晨齊景玄光洞明瓊林振條玉籟激庭七寶華光流曜上清即高上玉晨太上帝君所治玄都丈人以鳳

文真書憂樂之曲玄授於道君焉如是上天萬真及五嶽飛仙悉皆以月十五日十五日三登鳳臺禮旋香誦誅憂樂之辭也上慶神真下悲兆民其辭虛微玉朗洞清四真稽首萬仙禮音散香逸霄流烟虛庭凡上宮已成真人及始學為仙者莫不備修九天風氣玄丘真書誦憂樂之曲也玄古皆萬劫一傳今有其人七百年中聽得三傳得有其文飛行上清登九曲鳳臺朝謁玉真也輕泄失明七租死責慎則神仙太上授太極真人以傳東海方諸青童大君使傳道士宿有金名應為神仙真人者佩之得見三元君迎聖君於上清金闕萬福曰夫化化者不生不生不生不化則長存不滅不生則永劫無傾斯道神妙修之

可得而獲焉凡一切有形道之委悉合精通神識自生動自行明辯日月智落天地思過鬼神妙合陰陽莫不由道而神理在焉若乃延促齡於浩劫摧朽神於億天迴玄抱景登真守元萬劫未始千椿童顏周天地於瞬息役風雷於曾端愛養群品師範衆真布天慈於種智作仁父於本元自非元始之法玉太上之玄經孰能易之哉而愚者不知大道之化元始之尊不信神仙不死迴顏駐年亦猶朝菌不知晦朔蟪蛄不知春秋吁可痛矣且天迴星轉地靜川流四炁生成五行交錯風雲聚散寒暑生殺詎無主而宰之焉蓋至道神化分靈布炁羅絡統御而主之也雖諸天五億世界三千仙真聖尊開方立域說法教化變見無窮真應法身靈應難測其統之者皆元始矣即人身足行手持目視耳聽口語鼻欲心通意識魄靜魂動皮膚居外筋骨持內血脉榮衛晝夜運動豈無君而御之哉斯固司命納生桃君保精白元營魄無英制魂二十四真和理百神太一元父總統我身虛

靜則末世不傾煩躁則倏忽天齡矣夫人從虛無自然中來受神抱識湛然清淨及稟形之後則衆欲生而患累起見世則三災九厄十苦八難痛痒疥癩生老病死煩惱形神死則魂入幽牢受諸苦惱晝夜拷掠神痛楚動經萬劫莫能自免天尊大慈觀見衆生愛念在心乃分靈亦化降迹接凡天上人間遊行教化分身百萬散景億千隨其機緣廣說經教欲使衆生離苦永免輪迴今天昔天法門常一也經云思微定志者令人安神念道保其身也思微者念昔受生之初神本清淨也定志者除諸妄想絕思惟也人所以生者神在形也所以死者炁離身也子欲長生定其心也身有百神心爲之主故老君內觀經云心者禁也一身之主禁制形神使不邪也心則神也變化不測無定形也魂在肝魄在肺精在腎志在脾神在心所以字殊隨處名也神明依泊從所名也其神也非青非白非赤非黃非大非小非短非長非曲非直非柔非剛非厚非薄非圓非方變化莫測

混合陰陽大包天地細入毫芒制之則正放之則狂清淨則生濁躁則亡明照八表暗迷一方但能虛寂生道自常永保無爲其身則昌世以無形莫之能名禍福吉凶悉由之矣又云從道受分謂之命自一稟形謂之性所以任物謂之心心有所憶謂之意意之所之謂之志事無不知謂之智智周萬物謂之慧所以通生謂之道道者有而無形無而有情變化不測通神群生在人一身則爲神明所謂心也所以教人修道即修心也教人修心即修道也道不可見因生以明之也生不可常用道以守之也若生亡則道廢道廢則生亡生道合一則長生不死羽化神仙人不能保者以其不內觀於心故也內觀不遺生道常存又云道以心得心以遠明心明則道降道降則心通神明之在身猶火之在危明從火起火自炁存炁因油潤油藉危停四者若廢明何生焉亦如明緣神照神託心存心由形有形以道全一物不足明何依焉所以謂之神明者眼見耳聞意知身覺分別物理微

細悉知由神以明故曰神明老君曰所以言
虛心者遣其實也無心者除其有也定心者
今不動也安心者使不危也靜心者今不亂
也正心者使不邪也清心者今不濁也淨心
者使不穢也此皆已有今使除也心直者不
反覆也心平者無高低也心明者不暗昧也
心通者不窒礙也此皆本自然也粗言數者
餘可思也學道之夫當熟觀之矣

詳夫三洞經教萬術千方雖廣略不同皆制
人之心也而心有明暗智有淺深由形器有
清濁稟炁有薄厚耳然是非好惡喜怒趨捨
莫不悉從於心未知是心誰之所使若也定
由於心也心何自取俎落哉然則尋其本莫
得其源察其流靡窮其際而究其終始則卒
歸其自然也嘗試論之夫道以一動生萬物
萬物由一以生一在人身即老君魂也亦謂
之道識也照生我神即我魂也亦謂之我識
既身由一生神由道照則心由於神明矣由
是言之神見則心朗神隱則心昏神之隱見
由心之清濁也假如油清則燈照油濁則景

微矣

經云心則神也神則心也心神不殊是以心
由神照則經之燈喻是也智者諦詳之焉

明科信品格

凡人初入法門先受諸戒以防患止罪次佩
符籙制斷妖精係中神炁次受五千文誡明
道德生化源起次受三皇漸登下乘緣羸入
妙次受靈寶進昇中乘轉神入慧次受洞真
鍊景歸無還源反一證於常道經云知常容
容乃公公乃王王乃天天乃道道乃久沒身
不殆此謂天地雖沒而身常存不危殆也
凡道由心得心以道通誠至感神明降接
是以古人求心末世求財古人非心不度末
世非財不仙是故須財以對心明心而財見
譬諸世人欲求心佳偶良寶珍物心之所愛
豈計價直也此暫時賞心悅目高竭所懷況
乎真道得不貴耳世人惜財不受經不肯奉
師重道乃將神仙為虛說長壽為自然不亦
慨哉而聖人善勸方便質求其心或七寶告
靈或六誓傳道良有以也豈徒然哉必使經

道流通人神合契信行不忒師弟無違矣

七寶

黃金白銀一珊瑚二琥珀三碑礪四瑪瑙五
真珠六碧玉七一云瑠璃蘇牙白玉真珠碑
礪瑪瑙琥珀

義曰道以一炁化生三炁三炁化生九炁九
炁各生三炁為三十六天洞徹無礙名曰道
境號天中之天從是以下二炁流降分化五
行元和降精凝魂生身元父玄母神散五靈
在人形中謂之五藏外通七竅以照七元含
陰吐陽養神育氣為我身之寶謂之七寶而
腎戴偶故金銀共焉元始五老分位五方三
五流輝結神五藏所以將此七寶上告明靈
質對我心莫通神道矣

金銀二十四兩

義曰紫微二十四高真分靈下降生於人身
保神養炁變化自然出有人無調理百關炁
血流轉由二十四高真所以常存故言鎮二
十四生炁也

上金九兩

義曰人之受生九天悉降迴黃轉白守一抱元晝夜變化以成我身也及九月神具司命告靈萬神侍衛而得生焉故上誓九天贊其生元也

金環十口

義曰天迴地轉陰陽生成日東月西晝夜分位周天三百六十五度四分度之一陰缺陽舒天之常道一歲十二月四時生化悉周十天故質告十方通誠十極則神道聞於遠近真靈降於身形也

金龍三枚金紐二十七口

義曰龍者鱗蟲之長稟少陽之炁合歲星之精木之靈獸變化自在故東方七宿象為青龍悉轉五方或遍九方隨處言之則有五龍六龍九龍之號而得道者馭之如世之乘馬所以世事云龍以馭天馬以行地是也今所以用龍者傳言驛奏聞諸天曹地司狀學道者之功過也紐以馭龍猶馬之銜勒也

金龍玉壁簡文

義曰人受命長短善惡富貴貧賤愚智窮通

吉凶禍福乃至草木蟲魚風雲電霞莫不由之於天天主有北極天尊主之而天高聽卑察人善惡司其得失若能至誠則感之於天是以善惡發乎心吉凶應乎天矣聖人慈悲廣救方便接引令改惡從善祈於上玄立詞致

歎書於簡牘祈之於天身中吏兵善惡童子及四司五帝土地真官關白太上三曹告下諸天諸地日月官府百二十曹二萬四千靈司令茶乙紀善報惡續短延長則周公金滕仲尼元辰子韋移星魯陽迴日等是其事也故簡者求事之詞璧乃質誠之信龍即傳奏之驛猶諸方奏貢列詞狀物馳於闕庭耳

金環玉環

義曰環者圓而能通空而不滯金剛能斷柔而不撓玉潔匪淪光而有潤欲使行人決斷世網從順經道與代和光處凡無滌外則不滯於境內則常虛其心親物緣情攀懷自息亦柁始得其環中前心後心如之不絕故也

斷環

義曰斷世恩愛共契師資生死未捐經法相

繼亦是師資同心其利斷金又金為義義能斷剷除惡就善內絕疑網外捐嗜欲則妄想煩惱未消除也

素絲五十尺若百尺五兩十兩

義曰素絲天然質素柔潔明淨隨物宛約順世光塵貫穿珠玉織成錦綺或聖人所服或凡夫所衣天上人間共相寶貴欲使行人身心清淨內外柔和除其剛強不染穢濁則人天愛護仙聖降臨微妙難思寶貴斯極五應五炁五德五方百應百神百關百結尺有分寸須識短長兩與物齊自明輕重也

青絲

義曰青者天之色莫擊悉於天又東方之色庶發生於善欲使行人當如天行道慈育蒼生似春之德滋榮一切也

斷髮歃血

義曰割身自信誓於明神也

絳巾碧巾

義曰絳丹色以代歃血碧青色用代落髮真人不欲傷人大慈之化也

五香

沈香^一薰陸^二白檀^三青木^四丁香^五龍腦^七砂^三雄^四

義曰撒五薰之悉降五方之靈也

方綵

義曰五帝主人善惡籍錄以色幣質之經云用跪五方元老之官也天子用匹公王以丈庶人以尺各依方數也

命繒

義曰人受生天與四萬三千二百算為一百二十年而不滿此者皆犯天地日月星辰違盟負約背道叛師不從經戒為三官奪減算命所致也故以紋繒跪對天官乞延算命名命繒也唯天子用紫紋或羅一百二十四皇后天子比之餘依年加匹丈尺王公貴人用匹富者用丈貧賤以尺

命米

義曰食者人之天人不食而死米者人之所食切已難忘命祿少多係於天府天祿若盡壽命便終故用益天倉冀延短壽所以正一

經云算盡為延祿盡為益是也

金羊

義曰羊能跪乳謂之禮獸欲使行人孝於師父慈於一切也

玉鷹

義曰鴈陽鳥也秋南而春北順陰陽以往來又有行伍知其次序欲使行人隨順法教令威儀有度知其階位不違品次也

金魚玉魚

義曰魚為陰蟲水官之使傳驛文牒詣河侯之所又斷北帝之長簿奉水官之符狀玉取潔白入水不渝金取堅剛得水柔潤亦取其檢口不言陰潛自處也

五色錦

義曰錦者禁也五色繪而成文欲使人處五欲而成道先須伏從科戒以禁於心也

青羅紫羅

義曰繒華之微細輕妙唯羅之最美也青紫天之色重經貴道之士以此精物跪有經之師充法服之用冀體妙入微同天合道也

青布

義曰青清也亦春之色布遍也使行人清心淨行通行諸法慈愛萬物仁若春陽也又云仙人食金玉衣青素故以金玉青素為盟亦一方之談未為絕論也

紙筆墨

義曰天曹雖遠神與世通列狀言情事資文墨故以此具跪對天曹庶文字上聞言詞可記也

券契

義曰受道之日關奏天曹地府四司五帝一切神仙以為監證所以召七祖以監臨對五帝而結券若後違盟犯約背道輕師則勘契合券以自證驗亦猶世之交易各執券契以相信也亦曰昇天券得道之日過天門地戶魔王主司以相按驗乃至神仙洞府諸天曹局悉皆勘會如世之公驗也券即正一真券五色券八道券三五券洞神券昇玄券自然券上清七券等例是也契即正一黃契三五契三十六部尊經契上清四契等例是也

盟

義曰盟明也彼此未信對神以相明也神者無形實不測莫觀其端若違盟約必致殃考是其驗耳依盟崇約福亦無忒但以凡心易動神理難明故須立約以契之必令通神合道也盟即靈寶初中大等是也

誓

義曰誓制也以言契心告神盟也而自制其情欲不使放逸期於會道耳夫上士聞道勤能行之不須盟誓以自契也中士已下引之則進排之則退故須盟誓制止其心令不改也蓋聖人大慈之教勸於合道既授之以法又使從科戒必令不犯克得道也所以末代傳道皆須共立盟誓也誓即六誓十二誓等是也夫天道無形天理遠曠幽昧不測言議莫知若能精至便即通感所以令其馳信用質於心也心信則輕財財輕乃貴道賤財則神明降接晚命可延命久年長神仙可得未有神仙不能體變入化與道長存也世人不悟遂妄生非毀外不行功立德內不洗垢清

神而貪穢滿心愛憎恣意徒言入定躁甚羈獲唐說淨心臭踰涸豕但見坐禪者毒心彌盛穢迹逾彰虛語內修竟無中實至於飢寒痛痒病惱煩怨不異常人矯云同俗吁可悲也愚人聞余此言謂之誹謗吾豈欲術於言

詞而自陷也直欲使人釋迷從悟耳智者幸熟思之勿役妄也其所用法信事畢並依經散之也伏尋經中信物或云出自神州非世間所有今請以某物準當者將欲引接於貧賤使同入道也若富有之家幸得力辦未宜準當之且金錢七寶天子儲君皇后妃主公王能有豈凡賤得辦也其金龍玉龍金魚玉魚金羊玉鷹羅錦之流又非寒栖所得皆聽以雜物準當若要令依法則經道永闕難於引接耳又經中法物自屬明靈須依色目力營取辦若信物自是弟子施師多少無限或名衣上服牀帳卧具茵席几杖玩弄器物餅罐履屐車馬奴僕莊園屋宅金銀珠玉綾羅錦綺錢絹布帛釵梳環釧米麥花果供養法具繩牀坐褥緣身所有施道及師立觀度人

寫經造像放贖生命拯濟飢寒免賤為良免囚宥罪廣行慈救大設悲田發無上心大弘勝業為家為國濟物及身遍為三塗眾生苦惱各隨心力屬在一時任其所懷亦無定格若貧賤之人供師使役不憚苦辛遠近陪隨給侍香火修營觀宇植種果林墾闢田園栽蒔花藥捨身落髮剋己自勞毫分之間無所吝惜晝夜不懈供事師尊如此勤勞至手得道也竊見金仙玉真二公主以景雲二年歲次辛亥春正月十八日甲子於大內歸真觀中詣三洞大法師金紫光祿大夫鴻臚卿河內郡開國公上柱國太清觀主史尊師受道破靈寶自然券受中盟八帙經四十七卷真文二籙佩符策杖乃塤土為壇三級高一丈二尺金蓮華纂紫金題榜青絲周遶壇內東方青錦南方丹錦西方白錦北方紫錦中央黃錦為褥復有龍鬚鳳翮等席藉地五方案各依方色制錦虬金龍玉壁鎮之又青羅十匹緋羅六匹白羅十四匹皂羅十匹黃羅二十四匹以安五方紫羅二百四十匹緋四

百八十四錢二百四十貫黃金二百兩五色雲錦二十五匹香一百二十斤七寶周足青絲五百兩奏紙二萬四千番筆墨各二百四十管挺書刀十二口護戒刀巾各三十八具金龍六枚金鈕五十四枚俱用鎮於壇中以質靈官也復有盤龍香鑪舞鳳香鑪瑞葉香鑪祥花香鑪蓮花香鑪芝草香鑪并香合香奩並純金純銀製造復有對鶴雙鸞飛龍宛鳳錦帕數案復有金剛神王仙童神女烟雲山水草樹蟲魚聖獸靈禽瓊奇珍物繡韞履經復有彫玉之案鑲金之案紫檀之案白檀之案沈香之案皆作翔鸞舞鶴金花玉葉裝飾彫錫復有七寶函九仙函黃金函白玉函以盛於經復有青錦之囊絳錦之囊素錦之囊紫錦之囊黃錦之囊雲錦之囊五色繡囊以盛法錄復有廚盈筍藏皆珠玉裝飾巧妙華麗非世所有眼未曾親價直億千也又有真人播玉童玉女播金剛神王播蓮花鑲播芝草鑲播盤龍鑲播舞鳳鑲播翔鸞鑲播飛鶴鑲播或霏雲耀日隱景含煙轉字開花連

全綴玉或山水畫象鳥獸奇形瑞草祥花披雲漏日懸壇之四面復有金蓮花樹銀蓮花樹七寶花樹五色花樹千株萬株列壇上下及觀院內光明洞徹復有五色花燭金盤龍燭銀翔鸞燭千葉蓮燭九色雲燭同心之燈分華之燈連珠之燭貫花之燈轉輪神燈飛臺靈燈紫焰蘭燈青光芝燈膏華百枝燈月照千葉燈五星燈七曜燈二十八宿燈三十六天燈韜光燈滅煙燈照耀內外二七日夜行道禮誦始啓齋則瑞雪飄花將露真文乃卿雲浮蓋其夜四更老君降壇與公主語傳法之日瑞雲五色香煙八引傳法既畢二公主各捨牀卧几褥音樂器具及在俗衣服各五百副絹一萬匹羅錦錢絲并供養法具等價逾萬貫鎮壇法物仍不在其數又以先天元年壬子歲冬十月二十八日甲子復受五法上清經法具依科格別院建壇法天象地內園外方裝嚴妙麗乃至法物信物鎮絲命繒等物皆勝於前百千萬倍其經法並金書寶軸繡帙錦表悉珠玉連綴代未曾有不可

名目

萬福自惟凡鄙戒行無取謬奉恩旨濫預臨壇大德證法三師既親茲法會實懷悚作緣公主受道並別有記今麤書之莫萬代之後知道法之尊重也大唐先天元年歲次壬子十二月丙申十二日丁未太清觀道士張萬福謹記

傳授三洞經戒法錄略說


正一法文法籙部儀

黃素三盟登壇儀

肆五

某國號某年太歲某月朔日子某時係天師某治炁太一道士三洞法師五嶽遊行先生某郡某縣某鄉某里真人男官某昔從三洞法師太一道士男官某受老君元義天地日月五星上三天真一太一普督五億五萬五千五百五十五億萬重諸天諸日月星辰諸仙府諸世間諸地山嶽天神地祇五嶽四瀆三河九江四海八極山神水靈千鬼萬靈一切皆屬上三天真一太一今謹以其歲月朔日子某時傳付某郡縣鄉里真人某甲年如千歲稟炁清淳好道樂生陰陽中和五炁治身先受黃圖契令真天赤籙真天三一真一太一素券從來積年未能飛仙今求進受上三天真一太一三十二天帝位符信受持金剛分真形投金魚稱與諸天地水三官結盟對共分金破契刻臂喻血飲丹結髮身命為誓與某甲共為一身同心合契奉行天真修行神仙志同齊舉飛昇上天不得耽染色

慾不專正一旦受道之後三十六年過賢聽傳可授之人不得妄傳不得自欲高位不崇根本背向異辭二心兩舌誹謗師道攻伐師主一旦違負契令身謝三官長為下鬼削除生名不得怨恨甲自好樂神仙時不拘進手共畫一為信




右太一真盟上契左右書之


國號某年太歲某月朔日子某時某郡縣鄉里男女官太一道士真人某甲年如千歲詣某度受太一登壇盟約真一口訣結盟拔度生死不得負違一如

老君律令

右太一中盟契



係天師某治炁五嶽遊行先生臣姓某乙以去某年太歲某月某日某時從三洞法師陽平治功平五炁左平炁某嶽先生真人姓某乙受太一真契三盟之法拔度生死上遷九幽之中七祖名籍下度己身三男之庭保成上仙太一同轉太一道士某郡縣鄉里男女生某乙於某郡縣鄉里中結盟奉受拔髮結髮生死為誓不負太一帝君神仙大盟律令五帝魔王過度太一道士甲生死三界名上仙品



右太一下盟左右書之

夫受三盟者應須五人七人九人同共結盟
臧此不合法也上拔度百曹之罪下過度三
界宮真妙之事極於三盟生死成仙無有差
違受者結人為盟未至五日遂上盟刺條郡
縣治位告下二十四獄拔出甲等七祖父母
遷達沐浴竟五日然後而授此秘之師口萬
金不傳傳之後賢非賢勿泄

某郡縣鄉里男女官某甲年如千歲

右如千人先受黃圖赤籙三一真一太一一

言之訣從來積年未能幽究宿緣今齋信詣

臣求受太一真一契三盟都奉請授謹狀

係天師某治系某嶽先生臣姓某乙

上言謹按文書臣以人微肌脛骨脆謬蒙明

時師老布化之際過泰負荷教化無效宣勸

通替夙夜戰慄如履冰谷有男女官太一道

士某甲等如千人年如千歲先受訣言未受

太一三盟秘法今各齋法信詣臣乞結盟元

元丹赤感於神明求乞之至微於影像巨輒

受法信教以訣言道室人輕不敢便授共登

黃壇授以盟言要誓天地日月為盟刻臂飲

丹誓告神明不敢妄傳甲受盟之後不得輕
傳泄露真要自當奉承承師法皆如今約一旦
負違今誓甲當以身謝天地水三官萬殛之
後不敢有怨乞原甲未受訣之前所犯一切
赦貸恩惟

太上太一帝君慈父聖母則蒙

省理

右操臣度太一登壇三盟付授訣言

黃素中章

某郡縣鄉里男官某甲年如千歲等乞恩辭

某素以胎生肉人千載有幸得在道門戶屬

師主某甲治以係天命昔蒙明時得參中秘

黃圖赤籙三一真一太一迴車畢卷之訣從

積年而善功未立謹闕非一夙夜憂懼若履

冰谷雖復導生養系蒙恩無他未得奉修九

誠百二十事仰謝三十二天請度宿命之法

無上三天真一太一登壇大盟實所未聞不

惟六菽知進忘退謹齋法物三十二種奉操

詣治乞丐成就如蒙教授不敢泄露攻根伐

本負違契令某等以身謝天地水三官發命

敢恨謹辭

太歲云云

某郡縣鄉里男女官某甲等謹條法信如左

生米一斛緋緇六十四尺柳薪一束筆一雙

鐵二百五十斤墨一九玄緋二百五十尺書

刀一口黃金十二兩大席一領黃素二百四

十尺真珠一兩法巾一枚褐一領金環一雙

法案五枚明鏡一面威戒五絲法囊一枚法

信盟錢三萬二千盛經集文錦囊一枚命絲

三十二兩清淨甕盤七各一枚青銅劍一枚

和香五奩生口男女替代各一人明光錦百

二十尺銅八十斤青緋八十一尺生硃砂六

十四兩白銀十二兩大紙一百張白緋三百

六十疋

右三十二種奉操詣治受登壇三盟

上言謹按文書臣以人微忝佩太一尊任授

授賢能應補仙品者有牒男女官某乙等累

杰清淳好道樂生今奉受五杰陰陽治身鍊

杰積年材堪進補上三天真一太一極品上

統五億五萬五千五百五十五億諸天諸日

諸月諸星宿諸仙府諸仙聖諸仙關諸山嶽
天神地祇五嶽四瀆三河九江四海八極九
宮八卦神室山神水靈一切千鬼萬神普攝
衆神三萬六千普統衆靈總御衆官侍從衆
仙及家國三魂七魄三鬼五神千二百形影

萬二千精光一時並來更仙練某等今一旦
受上三天真一太一之後不得背違上三天
盟誓攻伐師主輕泄妄傳必須擇賢三十三
年一傳不得違約違約之日某等身神統轄
長為下鬼命為土塵削除仙名不得廁預仙
品長歿三官考召君吏所考事立所召者諸
肉人元元須待拜署謹為拜章一通上詣
上三天無上太上一君太上上三天太上
帝君上三天太上元君三天太元一君上三
天大道萬道根宗天地本始上至無上下洞
無窮遠至無邊無極幽微衆官萬靈上三天
之上五億五萬五千五百五十五億諸天君
將吏功曹使者謁者僕射書佐小吏將軍吏
兵馬騎乘各從官五億五萬五千五百五十
五億萬衆一合從上上無上上三天之上

蓋天來下入甲等身中從頭至足布帛骨節
五藏六府九宮十二神室四肢五體百八十
關節三百六十骨節孔竅管衝筋骨血脉安
其等三魂定某等七魄仙某等三魂正五神
生五藏應五星召還三萬六千餘神署生官
各安宮室使仙道畢成舉形飛昇上為真人
更定仙壽萬八千歲願上三天太一天尊萬
道之主萬神之宗將從天仙鎮某等身中檢
錄萬神願上三天之上飛仙君將神仙君將
度世君將神人君將真人君將元陽君將萬
生君將萬炁君將導仙君將胎息君將元精
君將延壽君將太極君將太一君將清微天
禹餘天大赤天君將吏兵馬騎乘一合來下
入某身中學生養性還年補腦行生布炁金
丹神漿玉液入某等身神玉女侍衛左右九
天丞相剷除死籍上名三天生錄與天地無
窮周旋天下六合載名山嶽出入人間延年
益壽辟斥五兵水火災危縣官口舌疾病喪
禍虎狼猛獸毒蟲冤家盜賊伏匿黃淵埋頭
萬丈不得妄宣若有符師道士支散雜靈六

天故炁飲食鬼神一切逆匿登山履嶮萬神
扶將周旋天下地上神明交降所在立驗仙
道必成胎息服御導引神炁內外光明雲行
身中上昇清天黃老立宥神仙結友交遊真
人飛騰高舉上補天仙乘雲駕龍拜謁道君
壽終不老與日月齊明飛行超越隱顯浮輪
并遷某家七世父母上至億曾萬祖皆昇三
天列補仙官恩惟
太上無極太一君垂恩省納分別求哀
右破三盟契後付授赤章

太一黃素三盟儀

謹啓黃素丹盟告諸弟子某甲等應諾太清
太一無量清法門下真一五炁太一九宮成
具滿足便得仙度太上於崑崙進登天音大
治七寶觀上召天師張道陵而告之曰吾道
出於無先太初之前無所從生靡所不成吾
昔於此觀上啓受妙法吾以聰明智慧攝意
奉行便得微妙玄通求道上仙莫有疎怠之
名奉行黃老之道生死之訣當畏法慎戒生
門之中生道有一死道有九驗於大度當當

戰戰如履冰劍把毒常懼害及其身謙謙曲躬卑辭下物勤心苦行無虧孝敬受訣之後奉行法戒無違分數九一之法生道之極耶天師再拜承盟奉修位登天師後授王長趙昇三夫人洛下三公皆得白日昇天登壇如

左

註五

八

謹請盟誓列啓三官甲等受盟誓天地為信指日月為盟引三曾五祖七世父母自身證約不輕傳泄登壇之訣九年聽傳三人若世無可傳者啓宣三官發先盟書封諸事訣藏之深山石室不違盟約甲等七祖父母上昇玄宮受福天官身得仙度福流萬世世蒙榮寵若妄傳非其人甲等七祖父母下受風刀之考身沒積夜之河殃流萬世世受考喻血飲丹披靈赤心啓封三官日月所照天地所開結盟之後司命削某等死籍度著生籍使天官注仙名地官除死籍水官絕殃考壇上三官考君君吏并甲等所佩將軍吏兵保護肉人必使仙度若甲等先世因緣宿對未應即仙要須尸解經太陰者甲等以得登

壇大度結盟三官罪滅福生應昇神室福堂二十四神自守衛甲等形骸不使魂魄離散骨肉是腐二十四年舉形化出宿緣應死超然後生枯腐之骸枯骨受仙沈淪隱見無所拘閉此是登壇結盟三官之力超登殊劫過死度生之福明自修慎不敢違負今約

註五

九

謹宣盟約告諸弟子同壇共視師某父母若有克難當聚共濟若橫羅縲繼當審明極窮濟之趣急度疾厄不得輕師負盟親相捐棄若如此而不救告而不赴者有厄之身發盟告神求乞免度違盟者受考告靈者得福若在克難之中不測之地向師存亡所在靜夜披露丹心啓求度脫若未蒙濟免自當神告景應知其罪福盟誓君吏壇上三官自應侍衛營護必得無他但當敬承盟約不違信誓自得仙度衛護君吏考功記過壇上三官主償罪福明白證慎某國號太歲某月朔日於某州郡縣鄉里中係天師某治炁臣某甲從某治道士某奉受傳某郡縣鄉里某甲

太上黃素丹盟三條登壇者各朱書黃素佩隨身生則受仙之券死則拔遠之根三官證拔生生受福無復罪緣

太一登壇黃素三盟逆刺付授儀十四曲二

謹出臣身中五體真官神仙五炁功曹史出太一金剛元炁直使功曹通神功曹五元功曹和合功曹運炁功曹統仙功曹各二十四人出王炁左官使者平炁右官使者陰陽神決吏仙化吏科車赤符吏剛風騎置驛馬上章吏官各二十四人出某郡縣鄉里中真正之官監察注炁考召四君速召諸君將吏等左右平炁君左右都候君左右執平君左右執法君東方九天九炁君南方三極三炁君西方七合七炁君北方五元五炁君中央一炁君陽平鹿堂等二十四治炁三十六靜虛天師門下君將吏兵所布下道上二玄三元四始五德六合甲子諸官君周天八極飛仙君養性長生青龍騰蛇君等奉行文書事謹採臣為男女生民太一道士某乙度金剛畢

奏或登壇黃素三盟拜露刺一通刺令露在中庭玉案上請省功曹使者將軍吏兵須考正甲等合悉連名保負須所召者詣所下者至功成事立臣拜章報授單各還臣官室中伏須效應匍匐當刺

右授金剛畢券上刺出官

授太一三盟大券口刺

某郡縣鄉里男女生官某甲等年如千歲字某乙戶屬師主某乙治男女官某乙等稟性慈仁素體溫良鍊悉積年廁身秘門參染真要階緣上道奉受太一金剛契令曉知三炁飛仙之訣雖備眾契未遂登壇生死大盟今齋信儀連名誓身束骸告臣求受太一三盟登壇大券明真大諱三百六十圖號千二百口訣依先師本法告傳謹狀

其位係天師臣治炁臣某甲稽首再拜上啓太上无極大道太上老君太上丈人太一帝君皇天上帝无極元君道德眾尊三天法師正一人門下典者施行飛仙君吏臣運逢天道係命玄教銜宣法化搜索有道遊行世

界拔度天人今有宿命因緣從虛元中來某郡縣鄉里男女官某甲年如千歲臣等素染玄教練備真文奉受眾契修行真秘雖備上法未破玄誓今相攜率操齋法儀束骸詣臣求受太一登壇三盟生死處仙太券黃素證

誓臣昔從大洞真人某奉受約當傳授後賢察甲等專誠樂道在可成就輒剋某月某日時於某嶽山之中共立黃壇證誓五帝分符破契告盟天地付授秘局施行口訣謹先於此某郡縣鄉里中露白刺奏上

天曹特願

太一帝君皇上大道留神照察若甲等有骨法合便依法付授玄都無骨法願為考正徒上玉籙名備天仙到某日某時良日吉辰靈獄之中黃壇之上稽首告盟誓天證地付授玄一高上之道生死大盟存亡成仙謹以啓聞立須報應臣甲誠惶誠恐稽首再拜以聞

臣姓

太上大道无上三天太一帝君太清玉陛下

太歲

右口刺

謹重勅五體仙官騎乘將吏騰臣所上某刺上詣

太上左君玉閣下付與侍香青腰玉女等所

言倒錯越失不得舊法者願為考正依本法文若有干截公文者將吏神仙騎乘收付所

在獄中依事治罪令臣所啓上達伏須告報

所上事訖向出仙官吏兵各還官室彌綸五官六府安官復職至日呼召復出鳴鼓十三通

太一三盟付授儀東向叩齒二十四通

謹出臣身中神仙直使正一神官功曹陰陽

運悉明先使者左右官使者陰陽神決吏科

車赤符吏剛風騎置驛馬上章吏飛龍騎吏

左右龍虎君赤飛仙童官各二十四人出出

者嚴裝顯服具列威儀謹關某郡縣鄉里中

真官注炁監察考召四君將吏社里邑君土

地靈祇八方監察神並備其位係天師太

一炁無極金剛畢券某嶽先生臣某稽首再

拜上啓

太上無極大道太上老君諸君丈人太一帝君天帝君皇上帝大道天師三師君太一神仙玉曆真科付授威儀使者典行飛仙事臣萬劫因緣謬聞大法運值有幸遇大洞法師真人某甲授臣登壇大盟生死證誓飛昇至道玄元要訣衆真之券萬幸宿生悟性臣受法以來積有年載雖未能察幽親冥坐在立亡重希玄降於身有科承科傳授以付後賢某郡縣鄉里某甲年如千歲前蒙黃籙契令奉受五金剛契令被炁積年練悉紀綱今操齋信儀詣臣求受登壇三盟大訣目承先師本法與甲等對共立壇證誓五帝分金破券喻丹告盟甲等受道之後永為身寶不得攻根伐本指師謗道唱露要訣傳非其人中泄靈文施布世間一旦有違生死父母沈淪罪由萬劫無原謹以啓聞須可奉行臣甲誠惶誠恐稽首再拜

次讀券 讀黃盟
次畫一

正一法文法籙部儀

畫一左手指天右手畫地以左手指中央師便言係天師某治陳昔從大洞弟子某受太一登壇盟券今依法傳授弟子某甲受此證約當依真師盟壇大約不得攻根伐本指師謗道泄露靈盟一旦有違萬殛謝罪生死沈淪上告天靈下示地祇中誓賢人三證靈盟義不相負謹共畫一為信

次下髮

作結一結言清微天泓二結言禹餘天澄三結言大赤天明上三天之帝真重為誓結髮盟壇不負靈約次刻錄言古老大一開開刻中言大上太一門石門也

次弟子盟丹水

某郡縣鄉里男女生太一道士某甲敢告丹水甲好仙樂聖詣太一無極道士某甲受太一三盟登壇大券明真大諱三百六十圖號千二百口訣次甲為弟子不得背叛師道妄傳世人違盟族傾背誓不生共喻丹水為盟指天畫地以生神靈急急如律令

次師命丹法

太一無極道士姓某甲敢告丹水有某郡縣

鄉里某甲求受臣太一三盟登壇大券明真大諱之訣萬道之神甲為弟子不得背違券契上盟三天老君所明急急如律令

次師左手弟子右手共持丹水更喻

之各三止弟子先喻師後喻
醮壇法用醮具五盤香五鑪用棗五梓東向東向
醮具九盤香九鑪用棗九梓東向東向

係天師太一無極某治真人臣甲謹上詣東方青帝南方赤帝西方白帝北方黑帝中央黃帝太一帝君皇天大道太清玉陛下從官九億萬騎搖天動地降此靈嶽皇壇之上臨饗微醮屈靈鬻臨謹有男女官某乙等受黃素太盟長生拔仙大券施設微心上請天尊伏願神顏曲盼世界眷慈蒼生愆闕不及以唯乞願原赦便再拜十五

次受契者先五拜次師左手授契與弟子弟子左手取之三繞身畢東向三迴九拜次又北向九拜太一君三迴三拜又向師九拜次俱起於地戶

指天畫地左行三迴右轉召弟子七

祖證明如具

次重勅法

謹出_臣身中五體真官功曹吏出太一金剛長壽功曹二百四十人太一度世功曹二百

四十人太一度命功曹二百四十人出太一

青腰玉女二百四十人出太一娥皇玉女二

百四十人出五老君將吏二百四十人出長

生永終吏二百四十人出東九夷南八蠻西

六戎北五狄中央三秦君將吏各二百四十

人出千乘億騎蓋天來下剛風騎置驛馬上

章吏官各二百四十人出今授甲等

太一三盟登壇大泰明真大諱之訣_{或全剛一言之}

當令甲等受道之後長生久視同襟仙聖

齊肩保器神耀不求而前祐令神丹金液靈

芝衆藥服練身形千道萬神爲甲驅使坐起

行住太陽在左太陰在右青龍白虎朱雀玄

武俠從前後天神當下地神並出五老神君

除甲死籍青書黃簡上甲生名七玄父母返

胎南宮合家大小皆享永延甲一旦違盟考

甲百曾捷蒙山之石填塞三河長充下鬼永爲土囚一如契令依如

太上老君太上衆尊無極大道無上玄老五

炁道德萬生萬度萬福君丈人新出老君太

清玄元上三天無極及道太上老君太上丈

人太上三炁君天帝君太上五炁律令

泰玄都正一平炁係天師某治太一道士太

上曾孫小兆_臣甲稽首再拜

上言謹按文書_臣等素自蟲蟻枯骨子孫千

載有幸得在道門被蒙大恩不以頑愚竊好

生法並蒙師老賜佩太一契令不唯功少希

慕上真以今月某日率同學某甲等詣無極

太一中宮道士某治郡縣鄉里某乙進受

無上太一證誓三天登壇死生三盟上拔七

世父母幽魂苦爽次以昇度某乙等生死之

愆腐骨臭肉未有微勤荷施山嶽非_臣甲等

輕愚所享不勝重沓謹伏地拜章謝聞願上

官典者哀矜_臣等乞上生名太清仙都玉曆

得在神仙種民輩中謹遣_臣等身中三官考

召君將吏天官考地官考水官考清微天考

禹餘天考大赤天考此里中四面真官注炁

監察考召諸官將吏_臣等投身託命生炁一

節奉承元老_臣等所備宜畢真妙中玄皇壇

山岑之上太陽之下伏地拜赤中章一通上

奏至極太一_臣等從_臣某乙共上告皇

靈下指地祇冒_臣以傳受恩惟玄極映明真

君獨明注炁謹請無極自然神仙先天帝太

元君姓字率將騎乘日月五星五帝九宮五

嶽四海璇璣玉衡三河九江神仙兵馬太一

騎乘獨轅之車駕無極之馬前導至真精神

後從五帝陛下神仙騎乘俠從左右前無不

祥後無殃咎頭上璇璣足步北斗日月五星

導前從後震天動地一合來下各按次第左

右從_臣某乙等三元會官中一爲神主仙帝

之皇當爲_臣等延上三天生炁太一神丹金

液玉漿入_臣等身中八十一宮十二神室太

玄四注_臣等五神太一神精五炁纏絡九元

鍊命三丹度生却死昇上最極注入玄宮翔

翔五嶽高舉飄騰耀影金闕鳳舉紫庭仙道

早成毛羽時生遨遊八表戲觀八臺交闡華

霍賜與丹精九靈合華七祖昇遷魂入道鄉
關樂之堂衣食自然_且等同盟之人有危之
日當更相救濟拔度為先上存法師次存同
盟人名自今以後不敢負三盟約言宗崇法
師唯善為先既往之罪負盟之愆唯乞原赦
恩惟

太上無極大道無上玄太上三炁天帝君
分別求哀_且等謹因二官直使正一功曹上
右官使者陰陽神決吏科車赤符吏剛風騎
置驛馬上章吏官各二人出操_且等受太一
三盟拜上三日謝恩_且章一通上詣
天曹伏須告報_且甲誠惶誠恐稽首再拜
右三日謝恩章

四極明科開度文訣_{葛仙公撰}
夫受靈寶三十六部專經不受迴案即萬劫
之中不得傳受既受迴案不破太一登壇三
盟金真妙契則七玄不離於_{都那}可便為
人師三盟既竟即七玄超度生死同仙便拜
迴案按為洞玄法師若七祖未拔三盟不破
輕授迴案則師受泄經之罪賤實之愆依四

極明科荷風刀之考依三盟解釋則存亡起
拔標名諸天故拜為靈寶法師夫受靈寶開
度不顯於師則死籍不解瓊文無名徒受寶
經永無傳付閉塞大法於身為損受經既竟
便為開度上顯諸天下標諸地名徹諸真為

師上盟五帝為洞玄師若無此之功師輕度
迴案師則受輕泄違誤之罪身受風刀萬劫
無原後世為明識此言勿作輕說考及汝身
沈淪罪網萬劫無原考屬四極曹有急危災
疾呼太一名以左手執道父便仰頭三呼無
極太一君諱我今有某急危君當過我湯火
之中白刃之下過度九危之中知道為神知
道為真左迴還兩顧
子狩士徐名他二名上鼠頭人身黑衣持鑲
丑狩士秦何牛頭人身黑衣持鑲寅狩士徐
方虎頭人身青衣持鑲卯狩士徐澤兔頭人
身青衣持鑲辰狩士徐皇龍頭人身青衣持
鑲巳狩士徐千蛇頭人身赤衣持戟午狩士
司馬籍馬頭人身赤衣持戟未狩士公孫昔
羊頭人身赤衣持戟申狩士石勝猴頭人身

白衣持弩酉狩士石衰雞頭人身白衣持弩
戌狩士徐阿狗頭人身白衣持弩亥狩士公
孫昔猪頭人身黑衣持鑲
右十二時狩士真名服符存呼之不得傳
非其人秘之慎之戴先生授謝顥川謝顥
川授道士陳藝道士陳藝授母仲度度授
劉散騎道符授道士丁玄真
九和香法燒之香聞九里感徹神明
沉香一斤 陸香一斤 檀香一斤 青漸
沉香一斤 雀頭香一斤 大乾葉二十枚
凡九種各異擣下篩以白蜜和令相著密器
中封其口三宿三日香成聞九里其法秘不
妄傳欲致神明合諸丹者燒之稍稍分著別
器中令炁不泄_{此古九和也}

正一法文法籙部儀

正一法文太上外籙儀

肆六

凡男女師皆立治所貴賤拜敬進止依科自往教之輕道明來學之重真其間小師未能立治履歷民間行化自効因緣變爾不拘大儀若街法求利不明正典傳非習謬迷誤後生後生緣薄率爾逐易不尋高德苟貪受名名而無實望福得禍禍加考深宜慎之焉

五種女人受要錄

第一處女 凡處女在家隨父母教之從師

受法父母為辭稱鄉居男女民生官姓名某年某月日時生

○歲某月日時生荷道重恩得生子息息女某

年某歲至心樂道雖是愚蒙庶有蒙進今歸

師門乞賜成就依法操信奉辭以聞請受某

籙修行如法伏願明師特垂允許謹辭疾元

前儀皆依

凡在家受法臨嫁啓師不在者同道高德

章書奏聞須至夫某氏別更上聞

凡入夫家告夫所受夫啓父母就師騰言改

姓而已不須易文在家稱父姓通人稱夫姓

第二出家女 凡女挺命不願適人啓告父

母出家學道或別立靖舍或投師門男師獨

立不得受女弟子師若婦即號師母女弟子

來得依師母無師母者別憑女師女師出家

志業和念從師受籙辭信依科貧無信物師

代出之辭稱父鄉居男民生官姓名息女某

年歲某月日時生父亡稱母母取父姓母亡

先緣罪重生受女身孱弱愚頑不願出嫁

在父母家無由得學今誓歸命仰憑師門盡

力竭誠灑掃自効單生續明朝夕香火不敢

中悔無有退心依科辭信奉辭以聞唯願明

師賜垂成就謹辭後悔有考無悔違

第三嫁婦 凡為人婦事勢多端或不欲嫁

專上逼之或為貴勢俗家迫取或待奉法或

無所奉先所受者悉即還師師即啓若夫

奉道捐改本姓若未有受隨夫受之夫妻同

師師脫速隔得就高德投辭如科夫鄉居男

生姓名妻某歲某月日時生幸藉宿緣得奉

大道雖稟女弱得依道若高德甲乙之宋

方竭丹誠陪執箕帚仰道延生讚揚妙化剋

荷玄祐永充種人謹依法資信奉辭以聞請

受某籙如或修唯願明師特賜垂允謹辭

第四寡婦 凡寡婦多種有結帶便寡搭不

重嫁或有男胤年高不出或年大無兒富不

肯行或貧無人娶或病不能去尚有產業不

還本家如此投師辭稱鄉居身故男姓名

妻某歲某月日時生塵穢既深生受女弱出

嫁夫某涉歷某年月年數隨實言之宿新

罪重凶罰奄臻某夫婿以其年月日時捐背

疾病某故暴殞喪亡衒哀自咎不敢有怨迨

恐亡者多愆殃延後人自慮咎積不保推遷

○雀鼠樂活憑道乞生希附師門濟度身命依

法資信奉辭以聞請受某籙果心如志唯願

明師賜副飢渴謹辭

第五歸居女 凡嫁喪夫或犯七出或卒命

相剋致使離居不自存立還依本家憂患相

纏歸命師門投辭稱父鄉居如處女若夫妻

和美大義不絕特以塔亡單寡而歸後命過

者還塔合葬如此依前寡婦儀但辭中共同

隨宜消息

凡出嫁寡婦居三者後皆准婦儀其中辭狀

陳前說後吉凶備述不得全用

下人四夷受要錄

太平經云奴婢順從君主學善能賢免為善人良民良民善人學不止成賢人賢人學不止成聖人聖人學不止成道人道人學不止成仙人仙人學不止成真人真人學不止成大神人大神人學不止成委悉神人此元品人上極入道道教愚下下人得學學依吾人受錄如法稱君主鄉居男女民生官姓名私人某賜姓者得言姓年歲某月日時生家生

蠻貊狄獠隨實言之叩搏奉辭先緣罪深今生底下甘苦在心不敢有怨蟲草有幸符奉道門聞見善事誠欣誠躍某雖早頑謬知謹慎夙夜盡勤小心敢懈貪生願活伏事君郎承順大家仰希道祐乞以休息時治灑掃君

上賜與之物蒙分撰持換易香油給治淨舍今賣法信請受符籙伏願明師賜垂哀遂謹辭四夷云某東西南北四方荒外或某州郡縣山川界內夷狄羌戎姓名今居某處改姓某易名某年歲某月日時生叩搏奉辭先因

醜惡生出邊荒不識禮法不知義方疊穢之中善根未絕某年月日時為某事隨某事得來中國聞見道科彌增喜躍念悉願活意真乞生依法費信奉辭以聞伏願明師特垂矜副謹辭

凡下人受錄之後別立白籍師為緘封三告上言皆得預會觀聽申今有功德者善人放之依良民也

受錄後三日謝恩章
是三日也詣師再拜三叩搏止又再拜跪信起請章章應自書之若未能者假子同法亦自拜奏又未能者師友代之代之者願呪發鑪出官操章復鑪出呪願悉依別儀受錄者於靖外隨師拜伏師出官稱此錄生名教其叩齒咽炁若朋友奏者隨朋友同就位叩齒拜伏咽炁依朋友朋友示語言之

七十五進百五十籙謝恩章
具法位巨某誠惶誠恐稽首頓首再拜

上言謹案文書某年歲昔以樂化制屬諸君丈人道炁某好道樂神前詣天師某官祭酒姓名受某官七十五將軍籙積有年載某未有微功以報所受擬以今月某日係天師某治炁某考召賞錄賜某官七十五將軍籙并前百五十將軍籙某被蒙大恩喜懼交集玄施洪深誠自勸進謹拜章一通上詣天曹願垂矜省某蒙考召君吏速召君吏并某先所受某官七十五將軍籙吏兵營護者勳今謁為言功舉遷各加其秩如天曹常科皆依錄謁署便曹隱職無令失意事訖各還官室如故某晚生後長希遭火化未知逆順宿新愆多今誓改柱修來漸自精勤乞百前後所犯罪過一切昇舉原赦當令某自今以後所向金石為開水火為滅千鬼萬神盡為伏諾所化者化所治者羞被蒙大恩以勸未悟恩惟

太上分別哀臣愚劣謹因二官直使正一功曹左右官使者陰陽神決吏科車亦符吏剛風騎置吏驛馬上章吏官各二人出操臣謹

為某等拜上某章一通上詣

三天某曹伏須告報臣某誠惶誠恐稽首頓首再拜以

聞

空三行

臣某屬 某宮焚修

空三行

其後漢代某某某朝某日某時某於某處某處禮拜上

空三行

可漏用令紙一幅為之

○太清無上三天無極大道太清金闕黃帝陛下 靈臺靈官某某某謹封

內方函

謹 謹 上 詣

其章某法係某某某書

外方函

單六

六

謹 謹 上 詣

其章某法係某某某書

三天門下請進

童子超受十誠及七十五將軍籙謝

恩章

上言謹案文書某年某歲月日時生幸藉餘

慶世崇大道過荷玄祐聞見正法奇方異術

志願修行齡齒蒙稚未能受習曲奉師恩賜

以起擢之榮開晦導昧引入日燭之路今月

某日男女師姓名依科考召授某某官某料

軍籙洪慈特被祇仰屏營驚欣踴躍謹拜章

謝聞伏願

太上三天曹上官典者省覽所陳某蒙考召

逮召某將軍吏兵真神正炁來某身中同心

并力建德立功善業昇進剋成種人天官有

功謁為舉遵各加其秩如天曹常科比署便

○曹隱職無令失意受功事訖各還本官一如

故事當令某心明意解動靜合真幽顯歸附

以為効信思惟

太上云云

成人超受百五十將軍籙言功章

上言謹案文書某年某歲月日時生宿有善

緣世奉大道若新化云宿罪深重久奉六天

緣得糾好道樂神至誠無已實希稍進敢願

超階不悟先因福厚今師恩深捨濁汚之類

班清雲之儔開以拔群之方處以不次之位

某月某日男女師姓名依科考召授某百五

十將軍籙吏兵光顯天官威嚴輔正滅邪幽

顯敬伏望某草蟲所可剋當不勝感荷屏營

謹拜章謝聞伏願

三天曹特降垂省某考召君并所受將軍籙

吏兵營護有功今謂為言功舉逸各加其秩

如天曹常科比署便曹隱職無令失意事訖

各還官室一如故事某未受籙之前億罪兆

過即日乞丐一切赦賞令某自今以後所向

金石為開水火為滅千鬼萬神盡為伏諾所

○化者化所治者差被受大恩以勸未悟思惟

太上云云

進籙刺章

某州郡縣鄉里男女生姓名年歲被某官召

戶屬男女主者姓名治男女姓名

保舉

右牒男女生某前受禁官若干將軍吏兵籙

奉法修真堪任進授今求遷署請某官若干

將軍吏兵籙如法請給係天師某治炁祭酒

臣某稽首再拜謹刺

上言如牒男女生某前受某官若干將軍吏兵錄奉法精修堪任進授今求遷署請某官若干將軍吏兵錄謹條行狀州郡縣鄉里姓名年紀所遷請將軍種數所屬天師主者并保舉人姓名如牒謹遣功曹使者考召君吏考殿內人審知情實某應良選及時當下內人元元須待拜署謁言上官謹以刺言臣某誠惶誠恐稽首再拜詣
考召

臣姓某

四君

上言謹案文書男女生姓名年歲前授某官若干將軍吏兵錄今遷署如干將軍錄所請吏兵種數昨入刺如牒須待拜署諸應下者及時所遷某官將軍吏兵營護內人有功一切還中官言功舉遷加秩等數如天曹常科比考召君吏所考事立下將軍吏兵付授內人隨逐覆蓋恩惟
太上云云
右進錄章刺章出官操復悉依前儀約勅授

受亦如初法

凡先受後受同一師者後不須米薪唯紙筆等如舊異師各信不可虧
凡受更令五年得進一將軍四年十將軍三年七十五將軍二年百五十將軍一年若志行庸愚無長進者悉又倍年三倍無功不知建德直置而已都不合遷其中聰明才智秀異功德超群不計年限

事錄行戒

事錄之法恒存其官憶識位次人數少多文武所主有急呼之文常佩身唯欲楚脫若兼象漆自可脫之秘錄淨處勿令去失去失有罰依案科儀穿壞改易淨之如法夫妻同道非為淫穢帶之存之彌不可脫脫之為淫更增重考若入餘處凶喪之間危險鬼賊恒佩勿脫神入體中不存素上錄符在身存師在心帶之不捨以堅忠信若有喪產及行出觸穢皆即解除依太上敕教
凡為道民便受護身符及三戒進五戒八戒然後受錄受錄之前未受者受錄之後依次

受之誦習通利恒存思行諸識不諫忘則犯科未受錄時無所呼召受錄之後動靜呼神不行戒者呼之不至破戒之人吏兵遠身還上天曹考官便速致諸厄疾公私災橫輒軻表否所作不成成功立德捨闇入明施善穰惡以吉除凶要在行戒神即祐之戒有別文精詳修習或有不解或有遺忘或有誤誤或冒禁故為或專上逼迫或畏死犯之皆是愆招悉名破戒即應懺悔首謝自新大略如後消息施行

凡違戒者背負鞠言協道信邪雜事信俗此為不專中心懷二愚迷猶豫惑障纏深師三誨之必能改革守一不惑召神有効三誨不悛是為叛道乖逆師尊法應奪錄違真奉俗及無所事師慈愍之不追外責怨對事他棄本逐末雖名奉道實犯正科師移諸官不得容受積久知悔更立殊功乞還聽許依德昇遷若瞋恚委遁不輸錄符師勿苦求但移而已又外犯陽官死罪從刑即是負道皆應奪錄鞭笞贖罰章奏解之刑而枉者啓告勿奪

又內犯陰官師友諫喻苟作不從皆宜格奪
輕重詳量師朋評議令法取允幽顯貴知破
戒謬溫師資格同罪奪之後首悔立功隨宜
進署依科遵行去失錄者輸罰更受

凡失更令罰薪五束朱三兩飯賢三人皆中府也

失一將軍薪半車朱四兩飯賢五人失十將

軍薪一車朱五兩飯賢十人失七十五將軍

薪二車朱七兩飯賢五十人失百五十將軍

薪三車朱九兩飯賢百人失三百五十將軍

將軍皆輸罰單得受更令隨功進若有殊功

○異德超復由師

凡輸罰後操辭送信皆如初

立功求進

凡能志學皆應從師如戒修行立功建德德

者五德也功者九功也

一曰仁好生惡殺二曰禮敬慎十一和柔三曰信

忠直不妄四曰義明斷無邪五曰智清正通

達一曰理元杰願念無形二曰理上天志存

大神三曰理下地守靜思真四曰理四時隨

順仙化五曰理五行宣揚大道六曰理陰陽

係續聖種七曰理文書讚弘道法八曰理草
穀攝延凡命九曰理財貨利下通上此九與
五具在經中諳識文字諳受口訣依案施行
堅固精進誓無退轉是為立功功被於外德
充於內內外雖殊功德合也有德立功聽求

進業辭隨時宜大略如左某州郡縣鄉里男

女生姓名年歲叩摺乞恩辭幸藉善緣崇奉

大法某年月日時蒙師若先以他師云蒙男

女師某州郡縣鄉里姓名賜授某官籙奉法

以來積如干年月依案旨訣遵行鞠言伏從

戒律不敢違負愚短未達犯或不知才力未

深修行未究思此慙忤寔忘寢食自揆庸品

簡悟未弘某年某月日起習某事從來至今

粗有効驗功微業淺不敢闕寧仰希寸進以

獎惡蔽謹質科信冒辭以聞伏願明師賜垂

成就塵黷玄鑒追紙驚惶謹辭

太歲某某月日奉辭

五德九功各有經法法有內外學者兼行仁

禮信義智及諸理內祕在心外現在迹迹及

心術更受名金木火水土穀謂為六府正

德利用厚生謂為三事三事六府又號九功
道德仁義禮文武辦法此即九經九經之中
備有功德功德之名為善總稱總稱之中三
術為要隱形藏名遺榮是也內以心知外以
迹辯迹有事事即為業業在有為心存無

為為簡為素十二棄指繁華期至無為也簡素之

迹始於身口終以檢心起修五德九功

五德

一者長齋乾蔬不食肥鮮放生救死平等一

心

二者供養三寶禮拜盡節承奉和順不生忌

慢

三者言語真實無有虛詐方便依法不損物

益已

四者辯是明非諮師問友布施平正斷決邪

疑

五者智慧精審所說依經經通無礙動靜會

道不自作一法違負幽明

九功

一者勸諸同志念身無為思身洞白委而無

形

二者守形虛白若玉無瑕
三者積精內視數髮至足

四者思五藏神見與言語

五者念召體神使四時五行

六者醮六甲解六八吏符刺地神

七者役使社稷山川衆神

八者習延精炁占說是非

九者呼鬼問以吉凶

右五德九功隨人所能能行之者總名為功

○功者工也工者能也能救世者助國扶命益

物濟身幽顯有實自六功至九其事多邪不

精持戒必陷魔群道之下品有此三階法甚

危險慎之乃佳佳者求進辭略言之

選賢薦德

師量弟子計功補過小愆可恕大德宜嘉凡

立功德五九相和九經三術各有所長修此

業者又有洪纖小弱卑微擬門驅使負薪汲

水隨力効勤中人侍衛拂拭左右灑掃庭內

端正香燈摩研點筆傳譯語言大者富貴勢

力讚揚聖化化惡為善導歸師門必此功勤

感動幽顯未敢求進師當薦之遷錄不依年

限隨次或超受兼自察前儀消息刺語若必

賢能堪執刀筆薦為書吏其文如左

某州群縣鄉里男女生姓名年歲字某某月

日生

右一人某年月日時從臣或師男女官祭酒

道士姓名受某官錄在治効勤涉如千年月

太玄都正一平炁係天師某治炁祭酒臣某

叩頭死罪再拜

○上言謹案文書前狀某奉法精修弘道進德

立功勤欵宜蒙顯署已被仙官吏兵以自防

衛某不以微賤貪生樂活願慕清化習學方

術書畫並精才識朗達求為書吏助時理炁

某自誓三年洗心試効臣案師法領戶十以

上署書吏一人五十戶以上署二人三百戶

以上署四人五百戶以上署八人千戶以上

署十二人二千戶以上依此為率臣某今領

戶如干依科應署書吏如干人識真者稀堪

事者少今搜索忠賢隨能署置前舉某鄉里

男女生姓名補任所闕未充或未有所舉於

事是須今請以某為一時有好道欲樂補者

來復續上願

太上諸君丈人天師君以道炁覆蓋臣某及

某身今在事日覺聰明心開意悟不使凡俗

所見仙訣臣某當與某併心盡力為太上驅

馳不致通懈省某情行自誓年滿堪為民主

當別騰言署為祭酒拜授之日自更刺章肉

人元元誠可哀愍願道炁歸流赦降愆咎臣

某不勝受恩謹拜章上聞願天曹典者科省

聽許思惟

太上云云

右署書吏章書吏對奏奏竟九拜而已前禮

請謝師如常書吏拜後三月言功准錄生儀

褒賞謙讓

書吏錄生慧解易悟骨炁合真自然有分先

習散炁散炁者童男童女諸閻生炁不死之

方粗知終始便進散化散化一將軍錄稱散

炁童男童女祭酒十將軍錄稱散官保炁祭

酒七十五錄稱散官持炁祭酒百五十錄稱

時悉祭酒皆行符勒水教訓萬民章表奏聞
濟生救死化得三人為一功三功為一勳三
勳為一勳勳者有德仍得署治內外星宿隨
次受之有勳德者師友褒賞其文如左
國號如千年太歲某某月朔日子係天師某
治悉祭酒姓名叩頭死罪敢言之

天師門下伏聞

大道應感化導善人先亦妙法兼法須才
者執法幹事功成思濟蒼生澤潤幽顯竊見
某州郡縣鄉里男女生姓名年歲字某稟性
淵深少明經術持戒精嚴處事平允剛而能
柔通而能斷風亮高朗人鬼所憚實宣化之
良才救時之俊士毀至不威譽來不欣幽既
獨善顯必兼通宜進真化以契後賢且其在
任已經年所書局應遷親臨正化仰惟明師
善於信受冒獻丹誠言不人廢所貢勳動伏
待嘉吉某叩頭叩頭死罪死罪師教所舉唯
賢實允時務即命門下頃刻施行此救出後
謙讓如左

某錄男女生姓名惶恐言伏見男女生官姓

名褒文謬舉聖旨曲章祇奉驚怒心形飛越
其幸遭妙化恩溢生涯方思竭誠專修所忝
懼於負殿實敢希遷教許守分法開濟時謹
冒披丹理乖飾讓伏願尊慈特迴成命賜迷
愚欵息切非換免忘寵之答全保寡之真蒙
斯載躍不敢塵嚴其誠惶誠恐叩頭叩頭死
罪死罪

太歲某某月日

師教敷化須賢待才甚渴眾議勿違宜寢謹
讓師之所命友之所推勞不敢憚逸不敢欣
苟有不堪志有所慕具得自陳
辭一不三
得不多
過度散化章
某州郡縣鄉里男女姓名年歲
若童男女父
母於師為
妻之若夫妻原同
受師不得偏出狀某稟性質直志念忠樸
心好長生行應端慈清虛苦實宜稟中真依
科漸昇請受散杰
某年月日男女生官姓名
右五人保舉
上言謹案文書臣以碩昧宣化無方雖思精
誠補益師老而愆多功薄恒懼危墜大慈含

某錄男女生姓名惶恐言伏見男女生官姓

弘賜全首領誓立微勤仰酬
皇極依法投賢宣和正悉右牒男女生官姓
名生長流浪之俗而能潔己守真願樂清玄
屬素通詣進問師法延生之方元元之情著
於丹亦求乞之勤感於影像臣以玄中至妙
道法所重愚俗守迷修奉者少其今專信情
在不移伏想

皇極當所思聞輒具告真言陰陽之施夫妻
二儀種民之要三五七九更相過度同出三
界道遠三清謹為請陰陽生悉度道君吏九
炁丈人遠召君吏消災散禍解厄君將吏天
地水三官考召君將吏等一合下入某身中
經營內外辟除患害安魂定魄斷滅三蟲養
育玄根又遣臣所佩左右官使者陰陽神決
吏二人上詣
泰清仙都玉曆著某生錄削某死籍當令某
長生久祝永為種民某以單衣一要為信乞
未奉道之前千罪萬過冷悉赦實恩惟
太上如常中言攝臣為男女生姓名上詣
職在
太上如常中言攝臣為男女生姓名上詣
職在

某錄男女生姓名惶恐言伏見男女生官姓

凡受散化具得治寫二十四卷習讀存思頌
中章驅使未備真炁不得為師

有愆悔謝

凡有愆罪招奪符籙或去失皆投辭悔謝大
體如左

某州郡縣鄉里男女姓名年歲匍匐頓頌謝
罪乞恩辭某以草苗謬遭大化乞垂慈育賜
以生津某年月日蒙署某籙施行越科致招
考隨某年月日時某事觸忤公私犯負

三尊師命門人招奪所佩某籙或某年月日
時於某處某事去失所佩某籙從實言之責
躬自咎殺身無補雀鼠顧活冒乞更造之恩
誓澆心腹希重蘇之澤改往修來不敢以前
為比伏願玄慈特垂一開大宥賜使朽骨更
肉榮勗已枯還冀謹冒依科輸罰如法曲蒙

愍恕萬沒猶生仰塵清嚴伏增汗悚謹辭

太歲某某月日時奉辭

師受辭後詳量輕重依科奏聞隨宜授署三
失三愆不得重受殊功異德二十五年乃得
受耳凡殊功異德不可勝言譽其大較觸類

準用其才智濟世文武匡時建立治舍宣揚
玄風化惡還善執正除邪傾國倒家供養三
寶遠略權謀誅鬼滅賊平定四方安寧杜稷
救死濟生興隆道教盡力竭財積無退悔能
如斯者是殊功異德也

受誼後無功

凡有過即謝不得逾時實時有過不得過卯
若事趣逾時不得問日三日不謝罰又倍之
九日不謝謝不得原原在九日之內原後三
日便應立功九日之內不能立功或愚頑早
○
狠不知自効或衰老貧病財力不充或童蒙
未悟父母又凡不能代兒立績輸勤逆乃歷
年直置勿署久久之後忽有殊功隨德次進
明師量也

受誼後有功

凡受誼之後三日九日或悔謝有期限限畢
訖輸罰如科依例得署不問小大皆從更令
始有殊功者趣集隨宜
凡有罪奪籙後原更受同去失之科輸罰飯
賢不得致關師取其先籙依法淨之去失格

奪首謝日周師為奏考章

失籙首謝乞恩還考章未受治不得自還考
已受出官得自奏章也

上言謹案文書某州郡縣鄉里男女生姓名
年歲某月日時生叩搏首罪乞恩辭某下官

子孫千載運會得隸道門奉屬

太上諸君丈人道法垂護以自保持蒙恩端
正誠自勸進某昔以某年月日時詣師或天
師某官姓名謝受某官將軍籙吏兵營衛稽
年安隱某施行多違罪過山疊招延考罰非
○
意去失某年月日時於家或在某處遭公私
逼迫水火盜賊依實言之不知所佩籙何在
尋檢不得或恐燒沒凶人將去隨事言之依
法自誦輪新如千車設廚如千人以贖除罪
過得受更令臣妾不勝見肉人元元謹為拜

章以聞願上官典者分別省理乞丐亦赦某
身十罪萬過宿新愆障一切蕩除依宗科制

輪失伏罪首過乞恩得署九官別當刺請今

先陳言

勅某自誓改往修來原罪除咎功行日新與

之更始保其慎終所失將軍吏兵致有考召
謁還天曹各安官府無有恚恨恩惟太上云

有治者失錄自遷考章

上言謹案文書某以凡微千載之會得在道
化効勤無績愆闕屢修彰上師家以自保持

蒙賜如干將軍錄內以治身外以治病得有
今日誠自歡慰豈是肉人所能負荷而奉修

不謹無狀多違招延考謫忽以某月日零失
所佩推尋追求不知所在某恩過自責差從

受錄以來實無功賞獎助之勤吏兵坐某致
有罪負繫在三官至今削奪零失所佩伏自

剋責追謝前愆歸命

大道乞一切之恩謹冒罪拜章謝聞上官典
者通行文曹赦千罪萬過某雖憑請高在化

日淺不知逆順今剋心蕩腸改惡修善乞原
往日之釁更錄將來之誠所求錄上將軍吏

兵遷還本職今依科輸讀布德道門恩惟
太上裁垂省察分別求哀

此失錄解考謝罪
章事託輸解吏罰
自改

輸罰未備遷考章

上言謹案文書某州郡縣鄉里男女生姓名
年歲妻息年歲叩頭自搏首罪乞恩辭列素

肉人頑愚無知貪生樂活以某年月日詣某
官祭酒姓名受某錄吏兵以自保持從來受

恩身體強健肉人奉法懈怠防險不固以某
年月日行於某處忽然失去符錄思過責躬

累自首謝從道求哀比加賞慕四出尋博遂
失所在有罪頑愚觸壁致招深尤某年月日

時為某事犯違師法所佩某錄被奪悔謝剋
躬誓自改勵叩頭向臣求乞平省伏案師法

去失有罰罰後更署立功依科某失如干將
軍錄罰薪如干車飯賢如干人制罰責者以

肅其違值今災厄私門困苦敢緣

大道慈仁含弘每愍凡愚法有申延某失某
錄即應被罰但某童蒙加且女弱或又老年

不任樵伐未辦飯賢誓志為計展其立功求
乞哀恕臣輒愚情量儀準法使行送罰薪如

干車飯賢如干人以為微漸懼不上合伏用
悚息如蒙矜允所送薪及飯賢如干人共值

如干又詣治請受更令九官錄謹為上聞尋

頑白刺其飯賢如干人剋良日於治施教
所餘薪及飯賢未具須費詣治解了解了之
後進受仙靈二官某自申明

太上天師洪澤大恩臣草苗小子不明大度
謹冒湯火拜章上聞願上官典者特垂矜省

原某愆失千罪萬過若有考召君吏為言功
舉遷加官益秩無令恚恨恩惟

太上云云

送罰遷考後受九官刺

某州郡縣鄉里男女姓名年歲字某戶屬男

女主者姓名治男女生姓名保舉

右牒男女生某某年月日時從臣或男女官
祭酒姓名天師如干世男子孫張某受如干

將軍錄奉法違科致招考罰某年月日時於
某處為某事或無故不覺去失水火盜賊逼

奪隨事言之尋免積日盡心竭力遂不能得
未測所在甘罪吞音不敢怨訴但蟲蟻願活

草苗貪生恐值年世百毒流行罪穢肉身無
所佩帶深懼遭罪命若畧刻仰緣

大道慈父聖母含弘曲濟開許自新某今改

往修來依科輸罰沈心欵到遷考乞恩請署更令九官吏兵如法請給係天師某治祭酒臣某稽首再拜謹刺

上言如牒男女生某前受某官錄罪考去失今輸罰乞署謹條州郡縣鄉里姓名年紀所屬主者保舉人名謹遣功曹使者考召君等署正肉人審知識狀某應蒙原恕宜署九官及時當下肉人元元須待拜署謁言上宮謹以刺言臣某誠惶誠恐稽首再拜請如前

送署遷考後受九官章

○上言謹案文書某州郡縣鄉里男女生姓名年歲某年月日時生今住某處即日叩頭自搏首罪乞恩辭某實凡微蟲草之末謬藉先善叨廁人流良緣增長聞見正真前以慕化制屬大法好道樂神願得久視某年月日時詣天師某官祭酒姓名受仙靈第廿三若干將軍錄積若干年無功罪積為考所逮某年月日失所佩籙無狀所招比過自責推求不得某從來實不自關啓諸有負坐跪君跪吏閉繫三官願為原赦刑罪功賞時達還官復職各如

故事某以晚生遭化日淺未解逆順今當自責出若干某物以自拔贖備錄科格某改往修來乞丐原赦前後刑隨與之更始特蒙矜愍即日署更令九官其時向入刺如牒須待報應拜授諸應下者及時營護肉人有功遷序依天曹科比所考事立九官吏兵隨逐覆祐滅罪興福道德日昇功業成就思惟太上云云

輸罰受錄後三日謝恩言功章

○上言謹案文書某以無狀罪過委積以某月日時忘失所佩如干將軍錄恩愆自責推求不得從實關啓被蒙恩覆男女師姓名某月日更賜拜署非肉人所可重招不勝喜悅拜章以聞先跪君跪吏閉繫在三官者乞一切之恩願為赦貸刑罪還官復職各如故事某遭化日淺未知逆順今誓改往修來不敢以先為比違負之愆特丐更始願從今以去金石為開水火為滅所治者差所化者化以明師道有信之効輒當勸示愚民不敢懈怠思惟

太上云云

正一法文太上外籙儀

受籙次第法信儀

肆七

初受道法信

銀鑲一雙 細紙一百張 刀一口

筆兩管 朱砂一兩 墨一挺

青絲五兩 細席一領 薪十束

米一碩二斗 絹一百二十尺

錦囊一或

受四部禁氣法信

大刀一口 命米兩碩四斗

薪一百束 絳紋七尺五寸

銀鑲一雙 白素四十尺

紙一百張 墨一挺 香十兩

書刀一口 朱砂二兩

受二十八宿及諸籙等法信

金龍六頭 銀鑲八枚

命繒年加一尺肆七 鎮錢一千二百文

受治職法信

朱五斗 薪一束 章紙一百張

筆兩管 墨一挺 書刀一口

單衣一領 黑幘一枚 履一綱

飯賢二十四人

受道德經法信

銀鑲一枚 青絲一百二十尺

手巾布一丈五尺 朱砂一兩

刀子一口 白綾五十尺

刺板十二片長一尺一寸闊五分 錦囊一或

受紫虛籙法信

紫紋八十一尺 五方綵各四十尺

金鑲五枚 刀子一口 香五斤

手巾五枚

受洞神三皇法信

白絹四十尺 金二兩 銀二兩

真丹二兩 朱五斗 薪二束

手巾九枚 刀子九口

黃素四十尺 銀鑲一雙

金鑲六雙肆七 絳紋四十尺

紫紋四十尺 朱砂五兩

碧線五兩 黃布八十一尺 筆一管

黃紙一百張 金刀子一口

淨甕一枚 盟盃一枚

東方青紋九尺 南方緋紋三尺

西方白紋七尺 北方阜紋五尺

中央黃紋一丈二尺 席一領

金龍五枚 香一斤

佩版二片長一尺二寸闊五分外厚二分內厚二分

版衣紫紋七尺 青絲四條

朱蠟一兩 錦囊一或

受靈寶真文法信

金錢二萬四千質二十 朱砂一兩

上金九兩上質九錢 五色紋繒各四十尺上質

本命紋繒二十四尺 青紙十張

金鑲二十四枚 金龍九頭內三頭各連九朝投箭用

中盟龍一頭 鎮龍五枚 香二斤

青絲四條

神策杖一枚長短等身八節尤空一左一右穿作五孔以標為頭

杖中五色符各方二寸

杖衣絳紋長一丈 杖足餘五

版衣絳紋長一丈

佩版三片長一尺二寸外厚三分闊二寸四分內厚二分

謁版一十五枚各長一尺二寸闊一寸二分 朱蠟一兩

受五符法信

金錄三雙

手巾一枚長五尺

絹三尺

銀二兩

鏡五面九寸

五方絲各一疋

佩版二片大小與

版衣絳紋七尺

青絲線四條

朱蠟一兩

受上清法信

上金九兩

明鏡五面

青羅九十尺

絳紋四十尺

白紋四十尺

黃紋四十尺

青紋四十尺

紫紋四十尺

本命紋繒隨年加一尺 緋羅巾五尺

香爐五枚

香合五具

香案五具

大席五領

青絲繩九尺

金錄十四枚

鎮龍三枚

玉龍三枚

玉魚三枚

玉人四枚

金人四枚

金魚三枚

絹五疋

朱砂一兩

佩版二片

版衣碧紋七尺

朱蠟一兩

青絲線四條

錫版十七片

投版三片

受畢仙券法信

金錄三雙

上金九兩

明鏡五面

香一斤

五方絲各一疋

本命紋繒年加一尺

筆一管

刀子一口

手巾一枚

墨一挺

朱一碩二斗

薪十束

席五領

細紙一百張

絹五疋

金童僕一人五尺五寸

受法職位次第

正一法位

清信道士

十戒弟子

籙生弟子

正一盟威弟子

係天師某治太上中氣左右某氣正一盟威弟子

正一盟威弟子三五步綱元命真人

受七星籙

北斗七元真人

受都功版券

門下大都功

受道德法位

金鈕弟子

太上高玄法師某嶽先生

太玄都太上三寶弟子

受洞神法位

洞淵神呪又稱洞淵神九又稱洞淵神天又稱洞淵神法師又稱洞淵神小兆真人又稱洞淵神

洞神弟子

洞神太一金剛畢券弟子

受昇玄法位

靈寶昇玄內教法師

受洞玄法位

靈寶弟子

洞玄弟子

太上靈寶无上洞玄弟子某嶽先生女曰

受五符法位

洞神三皇內景弟子

太上靈寶无上洞神弟子

受河圖法位

太玄河圖寶籙九宮真人

受洞真法位

上清弟子

上清大洞弟子

上清大洞三景弟子某嶽真人

受畢道法位

上清玄都大洞三景弟子某真人

用印法

封真文策上用元始印下用五老印皆字首

向外

封杖上用元始之章印下用五老之章印

封三皇版以九老仙都印紫衣上下並同以印

向外後

封五符策以三天太上印紫衣

封上清策以十迴之印紫衣

命係氣籍

正月二月生命係九氣天君青天領籍目七

四月五月生命係三氣天君丹天領籍赤天

七月八月生命係七氣天君素天領籍赤天

十月十一月生命係五氣天君玄天領籍黑天

三月六月九月十二月生命係一氣天君黃

天領籍一云梵氣天君

八景內音云某於某氣天者

正月二月受法於九氣天中

四月五月受法於三氣天中

七月八月受法於七氣天中

十月十一月受法於五氣天中

三月六月九月十二月生受法於一氣天中

一云梵氣天中

寅卯生人青帝領籍

巳午生人赤帝領籍

申酉生人白帝領籍

亥子生人黑帝領籍

辰戌丑未生人黃帝領籍

金剛童子錄中召氣

正月生東上夷平氣長生氣君召

二月生中夷素養氣君召目七

三月生九夷下元歷氣君召

四月生南八蠻上元素歷生氣君召

五月生中元三陽觀機瀝氣君召

六月生下元歷度三陽樂生君召

七月生西上戎上仙真明君召

八月生中戎中仙真神氣君召

九月生下戎下仙真陽氣君召

十月生北上狄和明氣君召

十一月生北中狄練仙氣君召

十二月生北下狄練神真文氣君召

右已上如不知生月即男從正月女從十月為定

領籍

寅卯生人青帝東嶽太山命係九氣天東斗

領籍

巳午生人赤帝南嶽衡山命係三氣天南斗

領籍

申酉生人白帝西嶽華山命係七氣天西斗

領籍

亥子生人黑帝北嶽恒山命係五氣天北斗

領籍

辰戌丑未生人黃帝中嶽嵩高山命係一氣

天中斗領籍

正月生人四月胎丹天降真

二月生人五月胎丹天降真

三月生人六月胎黃天降真
 四月生人七月胎素天降真
 五月生人八月胎素天降真
 六月生人九月胎黃天降真
 七月生人十月胎玄天降真
 八月生人十一月胎玄天降真
 九月生人十二月胎黃天降真
 十月生人正月胎青天降真
 十一月生人二月胎青天降真
 十二月生人三月胎黃天降真

○

星屬

子生人屬第一陽明星
 丑亥生人屬第二陰精星
 寅戌生人屬第三真人星
 卯酉生人屬第四玄冥星
 辰申生人屬第五丹元星
 巳未生人屬第六北極星
 午生人屬第七天關星

正月二月生青天度氣統真
 四月五月生赤天度氣統真

七月八月生素天度氣統真
 十月十一月生玄天度氣統真
 三月六月九月十二月生黃天度氣統真
 右已上填八景紫虛籙及紫虛表並同用

仙召

正月生被微清氣君召
 二月生被玉理通氣君召
 三月生被中玄曜氣君召
 四月生被下玄微明化氣君召
 五月生被左官歷氣君召
 六月生被中官左歷氣君召
 七月生被左官歷氣君召
 八月生被中夷化氣君召
 九月生被中辟萬道氣君召
 十月生被上始明歷氣君召
 十一月生被上始明歷氣君召
 十二月生被始明道氣君召

右件召與金剛童子籙通用

靈召

正月生被東上夷君召

二月生被東中夷君召
 三月生被東下夷君召
 四月生被南上蠻君召
 五月生被南中蠻君召
 六月生被南下蠻君召
 七月生被西上戎君召
 八月生被西中戎君召
 九月生被西下戎君召
 十月生被北上狄君召
 十一月生被北中狄君召
 十二月生被北下狄君召

右件召氣諸治並同用

上清謁版文十七片
長一尺

鬱單无量天玉郎門下
 禪善无量壽天玉郎門下
 梵監須延天玉郎門下
 寂然兜術天玉郎門下
 波羅尼密不驕樂天玉郎門下
 化應聲天玉郎門下
 梵寶天玉郎門下

梵摩迦夷天玉郎門下

彼黎答想天玉郎門下

南嶽上真紫虛元君魏夫人門下

玄師楊真人門下

侍帝宸許先生門下

太極真人徐法師門下

太上玄一第一真人門下

太上玄一第二真人門下

太上玄一第三真人門下

太上正一真人三天法師門下

真文謁版十五片

東方无極太上靈寶天尊東鄉諸靈官座下

洞神弟子某乙稽首再拜謁已後十方并五真人準此

道德刺版文十二片九行界

某府某縣某觀正一弟子某乙年若干歲

請受老子道德經十一

上清玄都大洞三景弟子奉行三洞法師臣

某乙稽首再拜白刺

右牒府縣宮觀年名所請經法具如前件

明日卯時付授謹以今時先白版刺請某

官兵馬至時監臨臣某乙稽首再拜

白刺詣

太歲某月某朔某日臣姓某府縣觀今於

某處宮觀中白刺

某官門下 某官如後

天官地官水官青帝赤帝黃帝白帝黑帝司

命司錄司非司危

諸治名目

陽平治左平氣金

鶴鳴治左長氣金

葛瓊治左都領氣火

秦中治左領神氣水

右八治上品无上治

昌利治左都監氣土

湧泉治左監神氣木

稠稂治左監察氣水

蒙泰治左領功氣火

右八治中品玄老治

雲臺治左監功氣火

後城治左都氣土

鹿堂治右平氣木

瀉沉治右長氣土

更除治右都領氣水

真多治右領神氣金

隸上治右都監氣土

具山治右監神氣金

本竹治右監察氣木

平蓋治右領功氣土

瀘口治右監功氣木

公慕治右都氣金

平剛治左貢氣水

玉局治左察氣水

右八治下品太上治

三師五保名諱形狀居觀方所次第

經云非師不度非師不仙又云先存三師然後行道十一

皆先禮師存念次當起願開度九粗及以已

身此法不遵真靈不降禮師須知方所存念

則審識形容受道之時師當指授故自正一

已上至乎洞真參受三師名諱形狀住觀方

所具列如左

三師諱

大明某年某歲某月某朔某日某子某州某

縣某鄉某里某觀正一盟威弟子係天師某

治太上中氣某氣正一盟威弟子三五步綱

元命真人斗七元真人門下大都功金鈕

弟子太上高玄法師某先生太玄都太上三

寶弟子洞淵神呪九天法師小兆真人洞神

弟子洞神太一金剛畢奏弟子靈寶昇玄內

教法師靈寶弟子洞玄弟子太上靈寶无上

洞玄弟子某嶽先生洞神三皇內景弟子太
上靈寶无上洞神弟子太玄河圖寶籙九宮
真人上清弟子上清大洞弟子上清大洞三
景弟子某嶽真人上清玄都大洞三景弟子
某嶽真人姓名年若干歲本命某子某月生
今於本府縣某觀中奉受正一及三洞經法
請三師名諱如左

度師上清玄都大洞法師姓名年若干歲次
形赤

籍師上清玄都大洞法師姓諱年若干歲次
形赤
○形赤唐色少有髭

經師上清玄都大洞法師姓諱年七十二次
黃白色

臨壇三師名諱

上清玄都大洞法師姓名

上清玄都大洞法師姓名

上清玄都大洞法師姓名

五保師名諱

上清大洞三景弟子姓名

上清大洞三景弟子姓名

上清太洞三景弟子姓名

上清太洞三景弟子姓名

上清大洞三景弟子姓名

右三師五保皆是師之同學高德親知或
上足弟子後彥英才同為署辟更相獎勵

敬之如師號曰三師奉獻巾刀以其拂拭
塵垢斷割纏縛解釋煩惱之羅破除障滯

之網義存解脫逍遙淨明淺識末學忽叨
此籙云弟子某甲謹依師法受三師名諱

如前終身存念不敢違犯違者七祖同受
○風刀稽首再拜

凡寫師諱經籍度師等皆須具所屬州縣觀
年姓名形狀法位臨壇三師五保不用年幾

亦須具法位

上將軍一人 偏將軍一人 中將軍一人

右男女受取此三將軍男則取左女則取
右常例也

填三將軍籙中君名

子生中玄三氣君名 丑生下玄三氣君名

寅生泰始三氣君名 卯生上始三氣君名

辰生中始三氣君名 巳生下始三氣君名

午生泰元三氣君名 未生上元三氣君名

申生中元三氣君名 酉生下元三氣君名

戌生泰玄三氣君名 亥生上玄三氣君名

右三將軍籙隨人所屬召十二月生召同
此用之

上清觀版文五行

大明某年太歲某甲某月某朔某日某甲某
處某觀道士某乙年若干歲謹拜受

蓬萊高上真書玄成青天上皇昔以傳寶封
佩此真策橫行江河四海群龍衛從水精震

伏一名蓬萊太玄之札一名九流真書北陵
丈人以授馬皇致龍來乘而昇天

三皇觀版文五行

大明某年太歲某甲某月某朔某日某甲某
處某觀道士某乙年若干歲今奉受

太上本文三皇符傳以勅召萬神某為君遊
行天下名山大川群靈司迎出入天門上謁

真人如九老仙都符信

五符觀版文五行

五符觀版文五行

五符觀版文五行

五符觀版文五行

五符觀版文五行

五符觀版文五行

五符觀版文五行

五符觀版文五行

大明某年太歲某甲某月某朔某日某甲某
處某觀道士某乙年若干歲今奉受
三天太上八威神策以召伏山精龍虎入山
林渡江海履刀兵疫毒千災萬害不得加某
乙身

真文觀版文師文有符者是

大明年月朔日某辰靈寶某帝真人某乙佩
元始上三天太上大道君制六天總八威策
文召天下神攝地東靈封山呼雲判河上龍
承師某帝先生某君元始之章

下版弟子文

某府某州某縣某觀弟子某乙年若干歲某
月生太歲某子某月某朔某日某辰謹於某
氣天中請
太上靈寶八威策文

天師治儀上

十三世孫無武陵王府奉軍改辨撰
治名氣

第一陽平治主金
上治角宿在蜀郡繁縣

第二鹿堂治主木

上治亢宿在蜀郡繁縣

第三鶴鳴治主金

上治辰宿在蜀郡臨邛縣

第四漓沅治主土

上治房宿在蜀郡繁縣

第五葛瓊治主火

上治心宿在蜀郡繁縣

第六更除治主水

上治尾宿在廣漢郡陽泉縣

第七秦中治主水

上治箕宿在廣漢郡綿竹縣

第八真多治主金

上治斗宿在蜀郡新都縣

右上一品无上治

第一昌利治主土

上治牛宿在廣漢郡雒縣

第二隸上治主土

上治女宿在廣漢郡陽泉縣

第三涌泉治主木

上治虛宿在廣漢郡綿竹縣

第四具山治主金

上治危宿在犍為郡南安縣

第五稠稔治主水

上治室宿在犍為郡南安縣

第六本竹治主木

上治東壁宿在犍為郡南安縣

第七蒙秦治主火

上治奎宿在越嵩郡都縣

第八平蓋治主土

上治婁宿在犍為郡江陽縣

右中八品玄老治

第一雲臺治主火

上治胃宿在巴西郡閬中縣

第二瀘口治主木

上治昴宿在漢中郡江陽縣

第三後城治主土

上治畢宿在漢中郡南鄭縣

第四公墓治主金

上治觜宿在漢中郡南鄭縣

第五平岡治 主水

上治參宿在犍為郡南安縣

第六主簿治 主金

上治東井宿在犍為郡楚道縣

第七玉局治 主水

上治舉鬼宿在蜀郡成都縣

第八北邙治 主土

上治柳宿在京兆府長安縣

右下八品太上治

太上以漢安二年正月七日中時下二十四

治三八應天二十四氣合二十八宿付天師

張道陵奉行布化受者上廚飯賢二十四人

左平氣一陽平鹿堂

左長氣二鶴鳴海沅

左都領三芎墳更除

左領神四秦中真多

左都監五昌利隸上

左監神六涌泉具山

左監察七稠稷本竹

左領功八蒙秦平蓋

左監功九雲臺瀘口 右監功

左都氣十後城公慕 右都氣

左貢氣十一平岡主簿 右貢氣

左察氣十二玉局北邙 右察氣

右陰陽二十四氣官祭酒位號同日付道

陵氣唯二本宛同如上餘三本從長氣以去各各顛倒不可攷理今定以宛同為

於其下竟筆記識次第并各以次配同為

以女共出官儀云儀名屬女陽號主男男則

女共出官儀云儀名屬女陽號主男男則

楓陽平越任男號哉斯理決非其典也

第一剛互治 主火

上治星宿在漢陽縣界

第二白石治 主金

上治張宿在漢陽縣界

第三鐘茂治 主水

上治翼宿在涪口縣界

第四具山治 主土

上治軫宿在廣陽縣界

天師以建安三年太真科正月七日出下四

治付嗣師嗣師付系師以備二十八宿受治

飯賢十八人大真科云在外名別治在內名

第一滿沅治 主金

第二利里治 主木

第三平公治 主水

第四公慕治 主土

第五天台治 主木

第六瀨鄉治 主木

第七樽領治 主木

第八代沅治 主金

天師以建安元年十月五日出時下八品

配治付嗣師嗣師傳付系師受治飯賢十四

人一本云十四人一本云十二人一本云飯

賢若承前云次而得十四數允十二恐

誤而四本並有石室元禱領元石室太

真科亦元石室而有禱領今定取禱領

為是也尋斯並配中八而獨關具山越

及其雲臺備配其中以來可領關一彌生

連配焉而不見在那縣疑

第一峨嶓治 主金

第二青城治 主水

第三太華治 主木

在京兆長安四本作木蓋誤

第四黃金治 主木 在蜀郡曲陽縣

第五慈母治 主金 在成都郡

第六阿逢治 主火

第七平都治 主水 在犍為郡

第八吉陽治 主土 在魏郡鄴縣

右八品系師所立以建安三年十月五日

布受治飯賢十二人 此名遊治次第今與

左領訣 儀或云吉陽第七 右領訣

左宣威 儀或云吉陽第七 右宣威

左功平 儀或云吉陽第七 右功平

左廉平 儀或云吉陽第七 右廉平

左行教 儀或云吉陽第七 右行教

左威儀 儀或云吉陽第七 右威儀

左承氣 儀或云吉陽第七 右承氣

左建儀 儀或云吉陽第七 右建儀

右十六官祭酒系師所立 唯二本次第完

郡合四品四十四治 按治儀式從早至尊先

治三次三八正治四次四品治也木具
科所列第一別治第二遊治第三配治
第四國治推科而言便是遊治專外別
所付非也何以知之遊治系所立則天
有孫立而專手祖歲斯次非也定依或
釋之者平遊專
別是真符矣

功平職主天地氣數與師併位統領諸治攝


知鬼職

本命符


元始青帝真符東嶽先生某乙年若干本命

某某月生


元始青帝真符 青書赤地




元始赤帝真符 赤書黃地




元始黃帝真符 黃書白地



元始白帝真符 白書黑地



元始黑帝真符 黑書青地




騰天藉地符



三皇版符 黃地 版衣紫紋七尺



上清版符 黄地版衣 碧文七尺



五符版符 白地版衣 绿文七尺




真文版符 黄地版衣 绿文一丈二尺




真文觀版符 黄地




策杖内符 朱地青符




黄地朱符




白地黄符



黑地白符



青地黑符



受籙次第法信儀

洞玄靈寶道士明鏡法法附

肆八

照鏡欲見形法當小開戶居指向明漸閉目思想見面形初時漠漠殊無所見中宿之後漸漸洞遠自見面意思憶心中朗朗開明平旦夕日未入此時最好若日中感明之時小

閉戶在灼灼中閱鏡無所見也莫在火下照鏡當以火自遠勿得過近火光若宜欲開目照鏡自視形體當在灼灼明中無所苦若欲閉目思見面形居暗向明然後見形耳照鏡

大要當安卧牀思想精誠欲坐欲卧之間體脩脩當須臾之頃當有赤黃從額上出照耀

一室中於是髮髯恍惚如覺如卧便自面形在光中對共相視如須即便消滅卧覺之後輒復照鏡欲卧思之如前法夕夕自見也或卧覺兩面相對或見己形兩人共伴坐或卧

寢間見好神畫玉女年五六歲許好衣服頭額端正見輒再拜或耳邊聞語聲天下吉凶萬事皆預知之或在壁東見壁西或卧夢照鏡或還光內視五藏照鏡當以申始

立視之法明鏡九寸無令面有瑕瑕正令清

明左右各人一尺壽與天地同自齋謹澡盆感并華水著下也夜照鏡宜同麻油火也自見其形分明下再拜長跪言吾與子同體今與子分形萬年乞改常與子相隨身形不衰萬年相隨受視中明鏡先視形見眾物聽聞

人語聲脩照鏡有三童九女侍之三童長六尺九女長五尺青腰衣青裳彩衣內紫女衣黑素女衣白皇女衣赤玉女衣紅帳上衣細二十通

明鏡君官屬將百二十人治開陽宮主人兩目童子精光相視見景知吉凶

昔有摩鏡道士賃為百姓摩鏡財責六七鏡無他法唯以藥塗拭之而鏡明有素仲陽問之道士告明鏡之道可分形變化又能令人聰明達知方來有能令與天地諸神相見行

其道得法則諸神仙皆來道士得道矣道士在石室中常當懸明鏡九寸於背後以辟眾惡又百鬼老物雖能變形而不使鏡中影變也其形在鏡中銷亡無為害也道士摩鏡藥方出白子高經中

向得摩鏡人云藥用鎔鋌邊有鐵鏗赤者好打鐵人燒鎔鋌打之即出銀鐵亦有之名赤粗是取之於鐵曰中熟搗細篩用帛子篩過又用蛇黃亦搗細篩用生油和此二物即是藥也

洞玄靈寶道士明鏡法

洞玄靈寶課中法

紫虛錄儀

維某年歲次月朔日辰某嶽真人某乙本命
 某年月日時生係某天領籍其所係以納音
 推如本命是蒼天氣係某天君只如甲子丙
 子是係禁上天今於某氣天中此是師之氣
 東青南赤云

寅卯青帝 巳午赤帝 申酉白帝
 亥子黑帝 辰戌丑未黃帝
 寅卯九天九氣 巳午三天三氣
 申酉七天七氣 亥子五天五氣
 辰戌丑未一天一氣



受正一籙中所受某階法籙課召氣每階各
 別不同今列於左

子生中玄三氣君召 卯生上始三氣君召
 午生太元三氣君召 酉生下元三氣君召
 丑生下玄三氣君召 辰生中始三氣君召
 未生上元三氣君召 戌生太玄三氣君召
 寅生太始三氣君召 巳生下始三氣君召
 申生中元三氣君召 亥生上玄三氣君召
 右件三將軍召氣如前星剛亦同用
 此召

寅申巳亥四孟生言被太上清微天化氣君召
 子午卯酉四仲生言被太上禹餘天保氣君召
 辰戌丑未四季生言被太上大赤天籙氣君召
 右件百鬼召籙氣召斬邪籙亦同用
 此召
 甲子至戊辰清微天泰清太陽君召
 甲寅至戊午清微天泰清通陽君召

甲辰至戊申禹餘天泰玄微陽君召
 甲午至戊戌禹餘天泰元太陰君召
 甲申至戊子大赤天泰元通陰君召
 甲戌至戊寅大赤天泰始微陰君召
 己巳至癸酉清微天泰始太陽君召
 己未至癸亥清微天泰玄微陽君召
 己酉至癸丑禹餘天泰玄通陽君召
 己亥至癸卯禹餘天泰元太陰君召
 己丑至癸巳大赤天泰始微陰君召
 己卯至癸未大赤天泰始通陰君召
 右件青甲籙召取弟子行年為對

子生北大神重明君召
 午生南大熒惑太陽耀氣君召
 左太玄中秋君召 右元太帝中靈君召
 丑主北大神辰中黃神氣君召
 未生南大熒惑中黃靈化君召
 中元七寶玉理君召 中黃三泰始氣君召
 寅生東重華顯陽君召
 申生西太白留金城耀陰君召
 左玄道氣上夷君召 右驛導真上戌君召

卯生東重華耀陽君召

酉生西太白了留金城重耀天君召

左玄通明中夷君召 右太素中戎君召

辰生東重華中黃明化君召

戌生西太白了留金城中黃化北君召

中黃三泰始氣九真君召

中泰五氣原君召

己生南大榮感陽明君召

亥生北大辰耀輝君召

右元洞明上蠻君召 左始洞真上狄君召

右赤甲籙仙召 元命赤籙科召如左

正月生上夷君召 二月生中夷君召

三月生下夷君召 四月生上蠻君召

五月生中蠻君召 六月生下蠻君召

七月生上戎君召 八月生中戎君召

九月生下戎君召 十月生上狄君召

十一月生中狄君召 十二月生下狄君召

右元命赤籙男不知年男九下女不

知年男九下女不百五十將軍籙科生月

召如左

正月生下太玄清微中耀五氣君召

二月生玄理玉通氣君召

三月生被中玄耀氣右官重光君召

四月生下玄微生化氣君召

五月生太玄中元官微明曆氣君召

六月生上元中官左曆氣君召

七月生中元左官曆氣君召

八月生下元重光中機化氣君召

九月生太始中辟萬導神氣君召

十月生上始始明導驛氣君召

右男女受仙靈名若不知生月宜取

十二月召

上靈官籙召如左

正月生被無下九老東上夷君召

二月生被無下九老東中夷君召

三月生被無下九老東下夷君召

四月生被無下九老南上蠻君召

五月生被無下九老南中蠻君召

六月生被無下九老南下蠻君召

七月生被無下九老西上戎君召

八月生被無下九老西中戎君召

九月生被無下九老西下戎君召

十月生被無下九老北上狄君召

十一月生被無下九老北中狄君召

十二月生被無下九老北下狄君召

右男女所受上靈官籙科召不知生

月即取十二月召

子生人屬貪狼星黑帝子虛无魁衛天

丑生人屬巨門星黃帝子上明七曜天

寅生人屬祿存星青帝子元明文舉天

卯生人屬文曲星青帝子

辰生人屬廉貞星黃帝子觀明瑞靜天

巳生人屬武曲星赤帝子

午生人屬破軍星赤帝子

未生人屬武曲星黃帝子

申生人屬廉貞星白帝子養明瑞靜天

酉生人屬文曲星白帝子

戌生人屬祿存星黃帝子元明文舉天

亥生人屬巨門星黑帝子上明七曜天

解籙略說正一之儀

錄者戒錄情性止塞愆非制斷惡根發生道業從凡入聖自始及終先從戒錄然始登真夫事悉兩存兩存理無不通錄亦云錄三天之妙氣十方神仙靈官名號與奉道之人修行故經云生無道位死為下鬼俗士高人有希道之心未能捨世榮祿初閉不可頓受也且受三五階若修奉有功然更遷受上古真人尋諸經記唯受一二階修行便登上真之位若多受不修行又不曾至理師又不明修行之由不能有益道在用心須真而又正修行契合道無不應其應如神矣夫正一錄初流傳於世總有二十四階以應二十四生氣今略明一二階以明正一之由正一三五一百五十將軍錄有兩階上階云上仙下階云上靈俱是人身上二儀之正神也又釋正一三五混沌元命真人赤錄之由正一者法中王也制伏邪偽悉歸正道混沌者是我身初生受氣之時亦如天地混沌之初也元命者有我身之元命也知道修其元命可為真人矣元命之理修長事難具載臨壇授法度師

合明示及弟子令識元命之由餘階之理不離身上解釋也夫萬法悉有內外兩存以天中指事者正一盟威慶平皇漢斗官之中若內指事以身中者即三丹田為三氣正神變化有千二百形影萬二千精光故云得三氣之所生能知六數之所因則陽氣化為龍車陰氣變為玉女騰轉无方輪舞空玄之上又云氣之所在隨神所生焉神在則氣成神去則氣零氣者則二十四神之正氣也氣亦成神神亦成氣氣散之為雲霧合之為形影出為仙化入為真一上結三元下結萬物靜用為我身動用為我神故知道成動用悉在我身修鍊之人陰氣自消陽氣自降既無陰氣自然九天之上無陰九地之下無陽此之謂也正一之理即在茲乎

洞玄靈寶課中法

大清玉司左院秘要上法 肆九
洞山真人霞映撰次
大清玉司左院法以
中央黃老君太清仙主為教主即太上老君也又為勾陳六星中一星最明者號曰
天皇大帝曜冕寶君其玉司者謂
大清玉帝之司也有左右院者蓋受法男女官之別局也治在太清太極宮以主世間疾病水火天災人事鬼神三元五嶽四瀆八海九州無不關預者與他法不同以太清仙官之法故也昔太清仙伯授之於太清寶真太清寶真以授東華王真人道成去世當為太極左卿時以太清玉司之法護世救民今撰次秘要以為完書不煩口訣以授王氏子孫使世世為嗣師以行太清玉司之法指天為誓軟丹為盟繼世嗣法以佐道化福及天人子孫萬年劫換世滅其法再出貪淫不善法當不行授太清玉司法占日齋戒預拜表
太清仙境太上老君全關天皇大帝陳授法

之意禮師次以甲子庚申或修道吉日入室北向默朝九仙教主中央黃老君太清仙主黃老居太清太極金宮黃闕之裏下在人身以夜半居泥丸洞房中食時左脾中脯在下丹中

黃老君在洞房脾中丹田各有名字在上經法中思我眉間入二寸有金宮黃闕中見黃老君戴金芙蓉冠貌如嬰兒始生之形著黃錦玉衣龍虎之章坐金牀紫雲中面向外存授法者已形小如蓮實在

黃老前叩請行持太清玉司上法禁勅鬼神次存黃老君親賜玉印綬見太清靈官童子各一千二百人赫然自眉間躍出在已左右圍遠各繡衣金甲玉斧森列次存

上元唐矩 中元李拒 下元徐康又

上元唐宏 中元葛雍 下元周武

又徐李樂 又李黃王

將軍從已三部出列在左右金甲仗劔次存五方太清仙兵騎吏五萬人各服方色衣從已五臟中出陣列四向次存金宮中有紫雲

如香煙出已頂上布成紫雲遍滿天地雲上見

黃老君化身身長九尺黃色鳥喙隆鼻眉長五寸耳長七寸額有三理上下微足有八卦次神龜為牀金樓玉堂白銀為階五色雲為衣

重臺之冠鋒鏃之劍從黃童一百二十人左

有十二青龍右有二十六白虎前有四朱雀

後有七十二玄武前導十二窮奇從後三十

六辟邪雷電在其中晃晃無極擁天兵百萬

金容儼坐即指太清訣中指根是也存身為太清

天童君戴通天冠玉佩帶劔紅錦衣朱履啓

曰行太清玉司左院事且某伏為某事若授

法即於此拜一表詣黃老君若篆符禁邪考

召隨事畢各存神歸身中夜半至早時黃老


君在洞房午時及脯各隨其處淨穢入室更

不別立法式已上存思日能為之佳或過事


為之亦可仍卧隨天臣坐立常思北斗頭身

五雲為覆

太清教主印



五司院印



以霹靂裏心刻斗下庚申日祭之

太清玉司其聖書符治事啓祝

太清仙境太上老君金闕天皇大帝

九仙教主中央黃老君太清仙王

天皇元君 地皇元君

玉皇元君 天寶真君

太一真君 太一左元君

太一右元君 北斗七元君

天委神君 太清天童君

太清靈官千二百人

太清仙童一千二百人及存見身中真神將軍名號等其玉司左院奏狀章表並先以狀開太一元生府請速進御地祇主者文事書差直日童子若干大事遣靈官請太清兵馬靈官童子每以千二百人為額自量功德表請人數下降助行天法文字行遣如世有司高下隨宜在人為用太清真人天書

太清上院千二百靈官

虛 張 也 靈
 孫 二 月 雲
 周

太清玉司靈官童子姓名

掌法靈官張 離明而黑有鬚年五十六
 直事靈官孟 可言而黃白年三十四
 助道靈官李 國平而白微髭年四十七
 勅符靈官朱 士登而朱有髭年四十九

行印靈官黃 彥先面紫髭鬚年五十一

考按靈官趙 伯靈面白年二十一

追問靈官尚 祺一面黃白有鬚年三十

對定靈官張 康勇面微黑無髭年六十二

上奏靈官王 子明面青有髭年三十八

直獄靈官陳 彥卿面白年二十一

並玄冠朱衣青履仗劍

太清直事童子

鄧 沖卿蘇進卿 賈 道卿夏 為卿董 耀卿王 正卿

並雙髻青衣朱履

法師書符庚申甲子北向以丹書之存思如上法及常持護命呪發符並通用

太上太清天童護命呪

皇天生我自持言我治人曰汝

至急急如律令天童護命符合呪成符

筆法墨書

皇天 皇地 日月 北斗

生我 載我 照我 輔我

星辰 江河渡我 起百神侍我

榮我 從此轉筆 至五帝衛我

天門開我自

天門拂出

起我著我至

與天為誓

念所為者成

魁至何令不行

左有 右有 青龍 白虎

上台虛精 中台六純 下台幽生

畫為法更隨事勅用

我上有 下有 朱雀 玄武

念愛我者生 至如律令勅 七星名一曰呪 一筆呪盡筆

地戶通我自

地戶拂出

我上有一

念愛我者生

至如律令勅

七星名一曰呪

一筆呪盡筆

畫為法更隨事勅用

念愛我者生

至如律令勅

七星名一曰呪

一筆呪盡筆

畫為法更隨事勅用

念愛我者生

至如律令勅

七星名一曰呪

一筆呪盡筆

畫為法更隨事勅用

念愛我者生

至如律令勅



七星名一曰呪

一筆呪盡筆

畫為法更隨事勅用

主除 鬼怪 主權 惡夢 主催 生產

太清二十四符



鑿宅 鑿宅
 鑿宅 鑿宅
 鑿宅 鑿宅
 鑿宅 鑿宅

鑿女 鑿女
 鑿女 鑿女
 鑿女 鑿女
 鑿女 鑿女

鑿無 鑿無
 鑿無 鑿無
 鑿無 鑿無
 鑿無 鑿無

鑿官 鑿官
 鑿官 鑿官
 鑿官 鑿官
 鑿官 鑿官

鑿火 鑿火
 鑿火 鑿火
 鑿火 鑿火
 鑿火 鑿火

鑿年 鑿年
 鑿年 鑿年
 鑿年 鑿年
 鑿年 鑿年

鑿身 鑿身
 鑿身 鑿身
 鑿身 鑿身
 鑿身 鑿身

右二十四符皆可吞服佩帶禳鎮考召注事於下安其所隨師指勅凡書符先存已神入

斗口現
 天地玉皇天寶太一左元右元七元君如臣

對君研朱墨無數握筆默呪曰

七元君助筆驅邪救萬靈急急如律令然後

太清道主黃老君符 插中指中節存

神為太清天童君黃老在額上開
 氣心念一筆書之

外方 內中 神在 黃老紫炁 生金官

統餘擲火光八衝黃關神兵百萬重新威邪
 陸災山急急如律令

太清玉司勅天兵騎吏靈官靈童急攝傳注
 病氣五方八邪收付天罡制社令五道主者
 大神收捉無道傷亡五百山魃蕭文覺子孫
 斷頭落脚一十五種鬼賊攝入禁獄不得妄
 動煞煞勅印七元名天罡氣封



聚形

三天大法師正一真人二十四執筆法青城
 山鬼城洞刻石秘文

斬斷 斬斷
 斬斷 斬斷
 斬斷 斬斷
 斬斷 斬斷

雷擊 雷擊
 雷擊 雷擊
 雷擊 雷擊
 雷擊 雷擊

刺鋒 刺鋒
 刺鋒 刺鋒
 刺鋒 刺鋒
 刺鋒 刺鋒

騰逐 騰逐
 騰逐 騰逐
 騰逐 騰逐
 騰逐 騰逐

海怪 海怪
 海怪 海怪
 海怪 海怪
 海怪 海怪

師音 師音
 師音 師音
 師音 師音
 師音 師音

天豆 天豆
 天豆 天豆
 天豆 天豆
 天豆 天豆

虎食 虎食
 虎食 虎食
 虎食 虎食
 虎食 虎食

已上二十四符並一筆取成貴其像似至於落筆有逆順蟠屈上下取與以意求之看其遲疾輕重取勢名以用之如太陽鳥啄勢則存我手及筆為太陽神來啄殺鬼物也利刃揮邪則存劍揮劍斬之須下筆奔速令像此勢

天委神將符治萬邪



先篆
火篆

左七轉
陽斗名



右七轉
陰斗名



東華王真人玄師師授四符



已上治病去邪通用

篆符手訣 大指以第二指指第四指
治人手訣 大指第二指指
大指上指

治鬼手訣 第二指指下指
太清真人口訣常思
黃老君真形咽黃老口中紫氣百數則鬼神畏伏能知黃老內諱則為太極公卿大夫之官矣篆符取黃老真氣并加天罡吸北斗赤光則劾制如響矣

太清玉司左院秘要上法終

三洞羣仙錄序

正一道士陳葆光撰集

建一

闕地求泉雖至愚知其可得鍊形致仙雖賢者不能篤信故神仙顯跡昭示世人使鍊炁存真保命養神以祈度世脫蓋塵超凡穢而游乎八極之外其利物濟人之意弘矣然仙凡異質淨穢志殊人之生也資形以栖神資物以養生其弊也役神以養形逐物以喪真自壯而老自老而衰自衰而死骨肉復土形神離矣仙者養形以存生也氣專志一不以好惡累其心不以得喪汨其和游心於澹合氣於漠其至也心靜而神完德全而不虧故能出入虛無獨與道俱壽同天地飛升太虛而為真仙矣然嵇康謂神仙稟之自然非積學所致吳筠謂神仙可學而成二人矛盾如此僕謂神仙苟非積學所致則上帝之詔旌陽也曰學仙童子許遜即在多劫之前積修至道勤苦備嬰萬法千門罔不師歷救災打難除害靈效功濟生靈名列仙籍泉真保舉宜有甄升可授九州高明太史

又詔曰學仙童子許遜脫子前世貪狡匪不祀先祖之罪錄于今生咒水行藥治病伐惡誠毒之功仰潛山司命君傳金丹於下界閉債封形回子身及家口厨宅百好歸三天兩詔皆曰學仙童子又曰積修至道勤苦備要

是神仙果可學而致也茅盈未生也秦始皇三十一年其祖初成於華山乘雲白日昇天邑民謂之曰神仙得者茅初成駕龍上升入太清時下玄洲戲赤城繼世而往在我盈帝若學之臘嘉平按盈內傳及盈九錫碑言盈生於漢景帝中元五年蓋未生前七十二年始皇世已謠當仙矣漢哀帝元壽二年上帝授位太元真人東嶽上卿司命神君時年一百四十有五歲如此則神仙豈非稟之自然二百一十七年盈胎未兆前已謠當仙實識於未然審爾豈積學所致也未學之夫謂神仙非積學所致而忽於勤修者自賊其身者也謂可學而能致者欲磨碑為鏡坐禪成佛者也夫忠信之道無他誠一而已誠之與一入水不溺入火不焦金石為開虎豹莫

賊如商丘開如呂梁大夫彼一而猶若是况神仙者形神俱妙與道合真其坐在立亡分形散體倏忽萬變飛行八極宜矣修具之士虛緣葆真抱一冲素以慈為實以靜為基朝徹見獨昭曠冥冥其要不離於老子莊周之書捨是皆矯誣之論非聖之書也黃帝之遺

玄珠七聖迷道而象罔獨得儵忽之過混沌日鑿一竅而返致其死是明道者當遺形去智虛無寂淡靜一而不變純粹而不雜此養形神反造化之本也秦漢之君侈於嗜慾蕩於紛華慕神仙之術欲長年而保其尊榮信金丹之說資藥力以濟其荒滿於是方士並出而幻譎變化之術始彰乃有合鉛汞結丹砂而名大藥噉津氣存龍虎以為內丹木公金母之名蛇文嬰兒之滿黃芽白雪之緝七返九還之訣其上則玄都絳闕之異赤明龍漢之紀三洞符籙之科九壇齋醮之式下逮尸解繼形技胎奪舍飛符布帛勅鬼治邪之術悉由恍惚而立象從虛無以謀有千門萬戶錯出旁門及其成功則殊途同歸百慮而

一致也天下之士無本不立無文不成虛緣葆真抱一冲素本也變化飛升尸解布帛未也故曰本立而末自應始質而文成自然之理也江陰靜應庵道士陳葆先慎末學之夫急於勤修果於自弄生存行尸死為下鬼乃

網羅九派百氏之書下逮釋官俚語之說凡載神仙事者莫為此書以曉後學使知夫列仙修具之勤濟物之功奉天之嚴得法之艱如此之勤苦勞動卒能有成丕顯其光與天為徒也昔司馬子微著坐忘樞陳碧崖作混元鑑以啟後人皆首趣深遠初學蒙叟無自而入今陳君集仙之行事揚高真之偉烈以明示向道者使開卷洞然知神仙之可學歷世聖賢之跡萃於目前如視諸掌激之勸之使憤排奮發踴躍精進以祈度世如置尋通衢人人可以酌取自飲則其遺迷迴教濟物利人豈淺淺者陳君神氣虛靜德性粹和佩三洞之靈文神飛碧落窺九清之秘笈名籍丹臺他日繼列仙而授位載雲氣而上浮五帝校籍三官策勲所以酬著書之勤而警夫

偷隨之士使知有補於世者天必有以報也
紹興甲戌中元日巽里竹軒書

三洞羣仙錄卷之一

正一道士陳葆光撰集

盤古物祖黃帝道宗

述異記盤古氏天地萬物之祖也其後也頭為五嶽目為日月脂膏為江海毫髮為草木一云頭為東嶽腹為中嶽左臂為南嶽右臂為北嶽足為西嶽泣為江河氣為風雷喜為晴怒為陰久徐盤三五層記云天地渾沌如雞子盤古在其中萬八千歲天地開闢陽清為天陰濁為地盤古在其中一日九變神於天至於地天日高一丈地日厚一丈盤古日長一丈如此萬八千歲天數極深地數極厚盤古極長後乃有三皇數起於一立於三成於五成於七成於九故天去地九萬里又真書曰二儀未分溟涬洪濛未有成形日月未具狀如雞子渾沌玄黃已有盤古真人天地之精自稱元始天王道學傳黃帝少典之子姓公孫孫常鴻氏一孫歸藏氏又有縉雲之瑞亦稱縉雲氏

瑤曰始又有土德之瑞故稱曰黃帝弱而能言聖而預知好道希妙故為道東之宗也少昊歌瑟顓帝錫鐘拾遺記少昊以金德王天下皇城處璇宮而夜織或乘持木而晝遊經歷窮桑滄茫之浦時有神童容貌絕俗稱為白帝之子即太白精降乎水際與皇娥譙戲又云西海之濱有孤桑之木直上千尋葉紅椹紫萬歲一實食之後天而老帝子與皇娥泛於海上帝子與皇娥並坐撫桐峰紫雲皇娥倚瑟而清歌曰天清地曠浩茫茫為象迴薄化無方冷天蕩蕩望滄溟乘桴輕漾著日傍當期何所至窮桑心知和樂悅未央白帝子答歌曰四維八埏眇難極驅光逐影窮水城璇宮夜靜當軒織桐峰之梓千尋直代梓作瑟成琴瑟清歌流暢樂難極滄溟海浦來棲息及皇娥生少昊瑤曰窮桑氏亦曰桑丘氏

又顓帝高陽氏黃帝孫昌意子昌意出河濱遇黑龍負元玉圖時有一老史謂昌意

云生子必叶水德而王至十年顛帝生手
 有文如龍亦有玉圖之象其夜昌意仰視
 天北辰下化為老史及帝即位奇祥衆社
 莫不總集不稟正朔者越山航海而皆至
 也帝乃揖四方之靈羣后執珪以禮百辟
 各有班序受文德者錫以鐘磬受武德者
 錫以干戈有淳金之鐘沉羽之磬以羽毛
 拂之聲振百里

○唐堯鳴鶴夏禹乘龍
 拾遺記唐堯在位聖德光洽河洛之濱得
 玉版方赤圖天地之形又獲金壁之瑞文
 字炳烈記天地造化之始四凶既誅善人
 來服分職設官彝倫攸叙乃命大禹疏川
 瀦澤有吳之鄉有北之地無有妖災沉翔
 之類自相馴擾幽州之墟羽山之北有善
 鳴之禽其聲似鐘磬笙等也世語青鶴鳴
 時太平

又南潯之國有洞穴陰源其下通地脉中
 有毛龍時蛻骨於曠澤之中魚龍同穴而
 處其國獻毛龍一雌一雄放置秦龍之宮

至夏代秦龍不絕因以命族至禹導百川
 乘此龍及四海攸同乃放河泊

伯陽帝師仲尼真公
 廣記老子名耳字伯陽楚國苦縣曲仁里
 人也其母感太流星而有娠或云老子先
 天地而生或云天之精魂蓋神靈之屬剖
 母左腋而生生而白首故謂之老子伏羲
 時出為師蹄元化子教示伏羲推舊法演
 陰陽正八方定八卦神農時出為師蹄大
 成子教神農掌百草種五穀與民播殖祝
 融時出為師蹄廣成子教修三綱齊七政
 黃帝時出為師蹄力牧子消息陰陽作道
 誠經以至少皞高辛堯舜禹湯老君皆出
 為帝師各有其跡各傳其經各授其道千
 變萬化不可窮詰昭王時出開化導西胡
 至幽王時却還中夏故孔子適周而問乎
 禮曰吾今日見老子其猶龍乎老子知禮
 樂之原則道德之歸真吾師也

史記丘云字仲尼姓孔氏拾遺記孔子生
 之夜有二蒼龍自天而下有二神女擎香

露於空中以沐浴微在天帝下奏鈞天之
 樂有五老列於庭則五星之精也先是有
 麟吐玉書於闕里人家云水精之子系表
 周而素王故二龍遶室五星降庭微在以
 繡衣繫麟角及夫子將終乃抱麟解紱而
 泣丹臺新錄云孔子為太極上真公治九
 嶷山

傳說比星鄒屠夢日
 莊子曰傳說得之以相武丁奄有天下乘
 東維騎箕尾而比於列星拾遺記帝嚳之
 妃鄒屠氏之女也黃帝去蚩尤之凶遷其
 民善者於鄒屠之地遷惡者於有北之鄉
 其先以地命族分為鄒氏屠氏女行不踐
 地常履風雲游於伊洛帝乃期焉納以為
 妃妃常夢吞日則生一子凡經八夢則生
 八子世謂為八神亦謂八翌翌明也亦謂
 八英亦謂八力其神力英明翌成萬象億
 兆派其神睿焉

公孫撫琴師延吹律
 晉逸史公孫鳳隱于九域山冬則單衣寢

處土床夏則并食于器今臭然後食之每撫琴吟詠陶然自得人皆異之

拾遺記師延者商之樂人師延精述陰陽曉明象緯莫測其為人總修三皇五帝之樂撫一絃琴則地祇皆升吹玉律則天神俱降當黃帝時已數百歲又能奏清商流徵潞角之音迷魂淫魄之曲

子房萬戶涉正一室

列仙傳張良字子房佐漢高祖功成乃曰余以三寸舌為帝者師封萬戶位列侯此布衣之極於良足矣願棄人間事欲從赤松子游耳

神仙傳涉正已東人說秦始皇時事了若親見嘗閉目行弟子隨之數十年莫有見其開目者有人固請之正乃開目有光如電照耀一室李八百呼為千歲小兒馬底肥道昭微隱逸

仙傳拾遺馬底子者不知何許人與何丹陽隱居蜀鶴鳴山修八道望雲之法肥遁歷年後於洞府探石函得黃帝金鼎之訣

鍊丹於山上丹成服之昇天

本傳隋李昭徽志好隱逸慕葛洪之為人尋師訪道不遠千里為高唐尉大業中將妻子隱於嵩山時號黃冠子

簡狄聖子蘭公仙王

王子年拾遺商之始也有神女簡狄游於桑野見黑鳥遺卵於地有五色文作八百字簡狄拾之貯於玉筒覆以朱綵夜夢神女謂之曰爾懷此卵即生聖子以繼金德狄乃懷卵一年而有娠經十四月而生契

詐以八百叶卵之女也雖遭旱厄後嗣興焉廣記蘭公兗州人家有百餘口精專孝行感動神明一日遇月中真人下降其室自稱孝悌明王云子居日中為仙王居月中為明王居人間為孝悌王夫孝至於天日月為之明孝至於地萬物為之生孝至於民王道為之成且三才肇分始於三氣三氣者乃玉清三天也吾於上清托化人間示陳孝悌之教晉有許真人傳吾孝道之宗得為衆仙之長今授汝秘密言訖而不

見蘭公頓悟真機道成白日昇騰

虞舜玉瑄漢武錦囊

廣記虞舜即位西王母遣使授舜白玉環又授以益地之圖遂廣黃帝九州為十二州王母又遣使獻舜白玉瑄吹之以和八風漢武內傳武帝見西王母巾箱中有一卷小書感以紫錦囊帝見瞻覽母曰此五嶽真形圖也昨青城諸仙就我請求乃三天太上所出其文秘禁豈汝穢質所宜佩乎子恭秘術長壽禁方

賢已集杜子恭有秘術嘗就人借瓜刀其主求之子恭曰當即相還耳既而刀主行至嘉興有魚躍入船中破魚得瓜刀其為神効往往如此

史記扁鵲者渤海郡鄭人也姓秦氏名越人少時為人舍長舍客長桑君過扁鵲獨奇之常謹過之長桑君亦知扁鵲非常人也出入十餘年乃呼扁鵲私坐間與語曰我有禁方年老欲傳與公公母泄扁鵲曰敬諾乃出懷中藥子扁鵲曰飲是以上池

之水三十日當知物矣乃悉以其禁方書
盡與扁鵲忽然不見殆非人也扁鵲以其
言飲藥三十日視見道一方人以此視病
盡見五藏癥結特以詠脈為名耳

寶蓮金液萬史玉漿

神仙傳寶蓮者扶風人也當西晉懷愍之
時王室凌微中原板蕩年將蓋仕痛此亂
離遠慕羨門松喬之跡奇峯遠洞靡不
栖託凝思至道累經試難一夕神光照室
異香滿谷天樂漸近侍官數百有一真仙
項佩圓明乘車而下二女扶翊羣官後從
年三十餘虬髯鶴質自稱平都山陰長生
也愍以勤苦授金液九丹之訣盟傳告普
徧畢而去

廣記萬史萬山老史也晉人因墜高山洞
穴中巡穴而行見穴中一物如青泥史食
之不飢遂巡穴出忽到家問張華曰此乃
洞府也所食者玉漿也子其仙乎

惠超故俗元素通跡

仙傳拾遺唐胡惠超故俗有道士也慶

東人中則頭出衆人之上雖至長者繞及
其肩時人謂之胡長仙善能使使鬼神
宣室志昭慶民路元素為小吏一日遁跡
而去令怒分捕甚急遂匿身山中忽遇一
老翁策杖立於長松之下召素訊之曰爾

安得至此耶素以實對與翁見容引元素
入深山僅行十餘里見二茅齋前臨積水
琢木奇花羅列左右侍童二人年甚少居
于西齋其東齋有一藥竈命元素候火老
翁自縛束真以藥數粒令素餌之且曰可
以療飢矣自是元素絕粒僅歲餘授以符
術及吸氣之法盡得其妙一日謂素曰子
可歸矣既而送元素至縣南數十里執手
而別元素自此以符術聞里中神効不可
具紀

知古金魚安期玉局

高道傳道士劉知古字光元唐宗召見問
道家稱首持加榮錫開元中天災流行疾
疫者十有八九上召知古治之乃歎曰大
德曰生至人亦病下法錄藥上醫察聲至

於針艾不其速矣遂以色代脈用氣錫病
故能膏肓河決膝理雪散其精妙至此
上寵錫皆不受東陽紫山下有古觀因葺
而居之忽室中有光產丹芝一莖扣之有
金玉聲夢神人謂曰後山壁中有金魚跨
之可以冲天非此芝扣石不可致速明訪
金魚茫然不知其所是夕復夢曰滴泉之
下是也既至以芝扣如風雷之震巨石迸
裂得金魚長三尺許乘之飛空雲霧旋擁
而去

列仙傳安期先生者瑯琊阜鄉人也實兼
海邊時人皆言千歲秦始皇請見之與語
賜金璧數千萬出於阜鄉亭置去留書以
赤玉局為報曰千歲來我於蓬萊山下

壽光少容玉真吳色

神仙傳靈壽光年七十餘遇異人得服食
之訣顏容更少如二十許人至建安元年
已二百餘歲解化殯之開棺無尸唯一履
存焉又玉真年七十九歲方知學道得胎
息之法斷殺三十餘年肉少而色美行及

奔馬武帝召見如二十許人問其里人皆言
四百餘歲帝奉之如神辭歸日行三百里
景純無成子年略得

列仙傳郭璞字景純又西山記云真君許
遜見晉室衰亂干戈屢起思有以弭其未
然乃與吳君往詣王敦時郭璞先在敦府
與之有舊乃俱見敦敦謂真君曰子夢以
木破天先生其占之先生曰木上破天未
字也公未可妄動手敦復令郭璞筮之璞
曰無成敦不悅曰子壽幾何璞曰公若舉
事禍將不久若選武昌壽不可測敦大怒
○曰君壽幾何璞曰壽盡今日日中敦令武
士擒璞將殺之真君以酒杯擲起化為白
鶴飛繞梁上敦方舉首已失二君所在矣
後敦竟不免

晉書王嘉字子年不食五穀不衣美麗不
與世人交游隱于東陽谷人候之者至心
則見或不至心則隱形不見姚萇欲殺符
堅問嘉嘉曰略得之長怒曰得當云得何
略之有遂斬之先此釋道安謂嘉曰世故

方殷可以行矣嘉曰卿其先行吾負債未
果去俄而道安亡至是而嘉死至長子
興字子略方故堅略得之謂也嘉之死日
人有隴上見之

范欽桂水張賜腴膏

列仙傳范蠡字少伯徐州人也事周師太
公好服桂飲水為越大夫勾踐破吳後乘
輕舟入海變姓名又適齊為鴟夷子皮後
百餘年見於陶居累億萬蹄陶朱公後棄
之蘭陵賣藥後人世世見識之仙傳拾遺

○張雲靈修道於南嶽招仙觀精思感通天
降真密授其內養元和默朝大帝之道行
之十三年神遊大无面朝皇極大帝賜以
瓊腴琅膏混神合景之液受而服之變化
恍惚神用無方建興元年九月三日昇天

靈蕭握粟王聚得桃

真誥九華真妃字靈蕭時同紫陽夫人降
楊真人之室夫人問楊曰世上曾見此人
否楊曰靈尊高秀無以為喻夫人大笑妃
握粟三枚令人各食之真妃曰君師南嶽

夫人司命兼推道高妙備實良德之宗也
揚云兼無核其味有似於梨也

王氏神仙傳王聚昔為王屋令誦黃庭經
每欲詮註而未曉玄理已誦六十餘遍時
素官入洞尋真訪道誓不期返一日深入

洞中見石床几案之上有經旁有神人告
之曰子其志乎吾乃仙人王太虛也註此
經已七百年矣今授於子仍將一桃與之
曰此桃非中土所有汝今得之食之者白
日飛昇

○妙想謁舜良御為堯

集仙錄王妙想蒼梧女道士也辟殺服氣
想念丹府由是感通常有光景靈物之異
靈香郁烈天樂之音震動林壑須臾千乘
萬騎轟空而下儀衛數千人皆長丈餘執
戈戟兵仗旌幢良久乃見鶴駕鳳車導九
龍之輦下于壇前有一人冠劍曳履陞殿
而坐身有五色光羣仙擁從亦數百人妙
想即徃視謁大仙謂妙想曰吾乃帝舜耳
昔勞獻萬國養道此山每欲誘教後遣使

世人知無可教授者且夫道在於內不在於外道在爾身不在他人玄經所謂修之身其德乃真非他所能致也吾親見司秦汝於此山三十餘歲初終如一守道不邪汝亦至矣於是命侍臣以道德二經及駐景靈丹授之而去如是一年或三五降於黃庭觀數年後妙想上昇

括吳志陳良卿景祐四年自永州隨鄉書赴禮部試十月至長沙夢一人引導入巨艦中見一道士自稱青精先生與之談論

辭語高古謂陳曰吾已薦子於堯為直言

極諫臣陳曰堯今何在曰見司南嶽陳曰堯之由古聖君也安可在公侯之列先生曰堯人間之帝也兼火德而王棄天下而神位乎南方子何疑焉陳辭以名官未立

俟他日應乃許以十年為期既誓甚惡之為異夢錄以自寬明年登甲第調全州判官道出嶽州南驛偶晝寢夢使者持檄來召遽驚覺謂曰堯堯命乎同行相勉以夢不足信後執書秩卧讀之晚食具呼之已

遊矣

何知沙麓裴憶藍橋

仙傳拾遺何丹陽隴右人仕於漢季為尚書郎袁平間王室陵夷謂人曰今日之事非人力所制蓋世教有之昔沙麓傾有知

數者云五百年後齊有聖女與今丞相齊國田氏之後聖后當其運華漢之命與齊

之業在此時矣遂放志山林以求度世耳常服松花身輕目明乃棄官隱遁居蜀之名山太平上真降授以攀魁乘龍之道後

上升

傳記裴航備舟于襄漢同舟樊氏夫人國

色也航賂婢裴煙達詩曰同舟胡越猶懷思况遇天仙隔錦屏儻若玉京朝會去願隨鸞鶴入青冥夫人曰妾有夫在漢南幸

無以諧詭為意與郎君小有因緣他日必為姻懿答詩曰一飲瓊漿百感生玄霜搗

盡見雲英藍橋便是神仙窟何必崎嶇上玉京後經藍橋驛渴甚節舍老嫗編麻揖

之求漿嫗曰雲英擊一椀漿來航接飲之

真玉液也航謂嫗曰小娘子艷麗驚人願

娶如何嫗曰老病有此女孫神仙遺藥一乃圭得玉曰杵搗一百日方就欲娶此女

但得玉曰杵其餘金帛吾無所用航恨恨而去月餘果獲曰杵挈抵藍橋嫗襟帶間

解藥航即為搗之嫗夜收藥航窺之有玉兔持杵雪光曜室百日足嫗吞藥曰吾入

洞為裴郎具帷帳俄見大第仙童侍女引航入帳諸親皆神仙中人有一女子云是

妻姊曰不憶鄂渚同舟抵襄漢乎左右云是雲翹夫人劉綱天師之妻為玉皇女史

航將妻入玉蜂洞中餌絳雪瑤英之丹超為上仙

武宿鳥巢端窺蝶駭

湘山野錄祖宗潛耀日嘗與一道士游於關河無定姓名自曰混沌武每有之則探

索金愈探愈出三人者每劇飲爛醉生善歌步虛為戲能引其暎於杳冥間作清微之聲時或二句隨天風飄下唯祖宗聞之曰金猴虎頭四真龍得真位至醒語之則

曰醉夢語耳豈足憑耶至膺圖受禪之日乃庚申正月初四日也自御極不再見下詔草澤遍訪之或見於輟轅道中或嵩洛間後十六載乃開寶乙亥歲也時上已核楔駕幸西沼生醉坐於岸木陰下笑揖太

祖曰別來喜安上大喜遂遣中人密引至後掖恐其遁急回蹕與見之一如平時抵掌浩飲上曰我久欲見汝決刻一事無他壽選得幾多在生曰祖今年十月二十夜

晴則可延一紀不爾則當速措置上酷留之俾泊後苑苑吏或見宿於樹木鳥巢中搜神記謝端於邑下得一大螺取以歸貯

瓮中一日窺其家見一少女從瓮中出至竈下燃火端問之答曰我天漢中白水素女天帝哀卿少孤恭慎自守故使我權相

為守炊烹數年中使卿居富得婦自當還去而卿無故竊相伺掩吾形已見不宜復留當相委去留此殼以貯米穀常可不乏

端請留不肯時天忽風雨翕然而去採訪下官成子中岳

廣異記唐玄宗夢神仙羽衛千乘萬騎自空中而下有一朱衣金冠神人前謁於帝曰我九天採訪使欲於廬山西置一下宮自有木植基址但須工力而已帝悟遣使者詣山果有基址巨木千萬段自然而至

云是九江王採作宮殿神人運來以供所用帝即時詔造殿宇不旬月畢工一如化成今江州太平觀是也抱朴子成子者姓容不知何許人每多與

業父許由相會今在中岳服三黃而得神仙三黃者雄黃雌黃黃芩是也趙度逐兔石巨化鶴

仙傳拾遺趙度不知何許人因獵於大房山逐一白兔因入於伏龍穴中見瑤臺玉堂壁立千仞有白蝙蝠其大如鴉因與羣

仙相遇授靈藥而得仙廣異記石巨者胡人也性好服食大曆中遇疾百餘日形體羸瘦神氣不衰因命其子於河橋召一老媪卜之巨卧堂前紙隔

中媪徑造巨言其細密人莫得聞良久媪

去後數日但有二白鶴從空而下穿巨紙隔入巨所和鳴食頃俄從孔中三白鶴飛去巨子往視之不復見巨便隨鶴逼至城東大墩上見大白鶴數十相隨上天冉冉而去組常幽館許肇靈閣

真誥大茅西平山俗謂之方山下有洞室名曰方臺其洞與華陽相通號為幽館惟得道者處焉祖常託醉墜車而死隱身幽館修守一之業而成道

又許肇字子阿長史七世祖也肇有賤死之仁拯飢之德至許暎被三官遣使執之而

暎叱其使曰我七世祖積仁著德音和鳥獸救人之患如己之疾已死之命在於阿手窮垂之身撫之如子度脫凶年仁德不墜是以功書上帝德判靈閣故使度世者

五登仙者三汝可知乎孔昇靈鶴華陀五禽

天寶遺事明皇自為上皇嘗玩一紫玉笛一日吹笛有靈鶴下顧左右曰上帝召吾為孔昇真人未幾而仙去

魏書華陀字元化善養生年百歲猶有少容弟子廣陵吳普彭城樊阿受術於陀時語普曰體欲得勞但不當令極耳身常能動搖則穀悉消化血脉通流病乃不生譬戶樞不蠹之義是也昔有道士鮑倩為引導之事作熊經鳥伸引挽腰脊動關節以求難老吾有一術名五禽戲也

仙人毀屋貧士施金

七命注昔有仙人見二人爭實仙人乃自毀千金壁二人曰彼千金壁尚且不愛况此乎二人爭訟遂息文選

野人間話龍華禪院本詩僧貫休歸寂門人曇域主掌曇域每因眾僧齋後必為貧士設食有一貧士授食後不去遍尋院內顧觀上下從容謂曇域曰弟子雖貧每感上人設食今有少許施利敢乞一人相隨曇域不之信堅請再四遂令院內苦行醋頭僧一人相隨與之偕行城北門外約行十五餘里於一小店中止泊房內則別無所有但見空床兩張而已其夜宿於店內

因問院中僧數及修添屋宇僧曰若論院中修葺屋宇豈止千緡貧士遂起燈火於床下滌破埽數角囊中取藥燈下點之遶巡光彩盡變為金自將秤分一十斤付與僧且謂之曰將充添修常住慎勿取之陵

晨遂辭去不復見
采和歌拍段數語吟

續仙傳藍采和不知何許人常著破藍衫木屐腰帶一脚著靴行歌於市持拍版乞索於人老少隨之諧謔笑者皆倒似狂非狂其詞云踏踏歌藍采和人生能幾何紅顏一春樹流年一擲梭古人混混去不返今人紛紛來更多朝騎鸞鳳至碧落暮見桑田生白波長景明輝在空際金銀宮闕高差我一日踏歌於濠梁間酒樓上騰雲上昇遺下衫靴拍板

拈異志段較者許州人累舉進士家豐于財後忽如狂日夕冠幘衣布袍白銀帶行將歷市中嘔吟云一間茆屋尚自修治信任風吹連簷破碎斗拱斜欹看看倒也

昭王絕怒子休恥媼

子年拾遺燕昭王假寐忽夢羽衣人與語問以上仙之術羽人曰大正精智未開欲求長生久視不可得也王跪而請受絕欲之教羽人以指畫王心應手即裂王乃驚寤而血濕衿席因患心疾即却饒徹樂移於旬日忽見所夢者復來語曰先欲易王之心乃出方寸綠囊中有續脉明丹補血精散以手摩王之臆俄而即愈王即請此藥貯以王在絨以金繩王以塗足則飛天地萬里之外如遊咫尺之內有得服者後天而老

東方朔內傳秦併六國太白星精織女侍兒梁玉清衛承莊逃入衛城小仙洞四十六日不出天帝怒命五岳搜捕焉太白歸位衛承莊逃焉梁玉清有子名子休玉清

三三二二四二

請於北斗下常春其子乃配於河伯滕乘
行雨子休每至小仙洞和其母淫奔之所
輒回馭故此地常少雨焉

三洞羣仙錄卷之一

三洞羣仙錄卷之二

卷二

正一道士陳葆光撰集

楊君司命子晉侍宸

真誥楊義和句容人幼而通靈與二許結
神仙交道成真仙屢降授以道法九華真
妃告之曰夫處風塵之休戚者乃多罪之
下鬼趨死之老質也夫富貴淫靡是斷骨
之斤鋸有似載罪之舟車自後眾真屢降
月無虛日至二十年楊君乘雲鶴白日昇
天補華陽司命真人王氏神仙傳王喬字
子晉周靈王之太子生而神明幼而好道
好吹笙作鳳鳴之音而白鶴朱鳳翔集復
過浮丘公授以道要接上嵩山不歸一日
忽乘鶴駐山巔而童謠曰王子喬好神仙
七月七日上賓天初補南嶽司命侍宸再
補桐栢真人

謙之師位道翔仙真

高道傳道士寇謙之隱嵩陽修鍊感太上
道君下降勅仙伯王初平引謙之而前曰
吾得中嶽圭表云自張天師登真之後而

作善之人無所師授今道士寇謙之行合
自然宜處師位

真誥道翔許長史第三子之字也君謙批
世務專修上道長史君器之極通真靈與
師契合今在東華為仙真授書除侍帝宸
俞史誠魄夏履鍊魂

宣室志唐王公潛節制荆南有呂氏子窮
窘來謁公公不為禮寓居逆旅月餘嘗甚
需所乘驢於市中市門監俞史者召生問
其所由生曰吾家渭北家貧親老王公乃
吾之重表父也乃不遠而來公不一顧豈
非命也叟曰我見子有飢色今夕為子具
食幸宿我宇下於是延入一陋室共坐弊
席陶器進脫粟飯而已夜徐謂生曰當為
子設小術致歸洛之費因取一小缶合於
地上食頃舉手視之見一人長五寸許紫
綬金章俞曰此王公之魄也俞誠之曰呂
乃汝之表姪家貧遠來曾不為禮豈親親
之道耶可厚其資賄以一馬一僕二百緡
遺之紫衣者僂首受教於是却以缶合於

上有項視之亡矣明日王公果召生宴游累月生告去贈以僕馬及二百縑生歸渭北不敢形言後數年方告於人

真誥司命君曰夏顏少好道入吳造赤須先生授鍊魂之法再遇桐栢真父得道今在洞中仙矣

道榮焚觀惠宗積薪

高道傳道士勾道榮不知何許人名聞於蜀與華陽丞呂翼友善自言去世月日當送我東郊巨松之下以薪火燎棺為惠翼

與其友童升常聚數十輩共誌其日以之前一夕道榮徧詣知友家飲酒言笑至暮宿於逆旅翼使密視之見寢處如常黎明則已化而顏色不變於是為置棺觀送於巨松之下致薪次火已發棺中烈燄不可近見道榮出於煙焰上冉冉凌虛而去

又趙惠宗天寶末忽於郡之東積薪自焚僚庶往觀惠宗怡然坐火中誦度人經斯須化為瑞雲仙鶴而火盡其下草猶綠遺簡得二詩其一曰生我於塵置我於無至

精為神元無為軀散陽為明合陰為符形為灰土神與仙俱眾垢畢萬事永除其二吾駕時馬日月為衛洞躍九霄上謁天帝明明我眾及我門人偽道養形真道養神懋哉懋哉餘無所陳

徐鈞塗心錢朗補腦

續仙傳徐鈞者不知何許人自稱蓬萊釣者常腰一葫蘆樽扁舟泛五湖所得魚治江博酒吟詠而歸或見疾病者取藥一粒如麻子許令人以酒塗心上皆安或有問之此藥可食否曰可食恐憎飯耳有好事者吞之自然絕食人方信之一旦逝去

又錢朗登甲科累歷清顯所治皆有遺愛後棄官入廬山遇人得還元補腦之術年一百五十歲其類如童子有玄孫數人出仕皆皓首朗一日與別云我處世多年道為上清所召今當往矣遂解化去

伯高方基玄解真島
真誥東御君曰龍伯高漢人也伏波將軍或其兄子稱此人之佳可法伯高後從仙人刁道林授胎息之法託形醉亡隱處方

廣記祈玄解老而顏童憲宗異之召問曰先生年高而色不老何也答曰臣海上常食靈芝故得然也遂刺木作海上三島綵繪以珠玉帝觀之曰若非上仙無由及此

境玄解曰三島咫尺試為陛下一遊即隱身而入漸覺身小無復見矣帝嘆異之因誦其山為真島

陰生乞兒寒島貧道
列仙傳陰生者乃長安之乞兒也常於市中求乞市人厭賤遂以糞潑之而衣不污疑以為妖囚之依前市人行長安有歌云見乞兒與美酒庶免壞屋之咎而劉向云陰生乞兒人厭其瀆識真者希累其囚辱於我無污彼灾其屋

廣記寒島子隱於天台好吟詩多述山林幽隱之句桐栢真人序而集之以行於世咸過間出謁李褐褐見其藍縷不禮之次日更衣乘白馬而來待之甚厚老人曰子

廣記寒島子隱於天台好吟詩多述山林幽隱之句桐栢真人序而集之以行於世咸過間出謁李褐褐見其藍縷不禮之次日更衣乘白馬而來待之甚厚老人曰子

知有寒崑子耶曰知老人曰貧道即是也
吾謂子為可教今則未然也子未知其門
曰內修其心外檢其身所以無過知亦守
謙所以安身不善歸已所以積德如是可
以異道之髣髴遂鞭馬而去

谿父煉瓜孟節含棗

列仙傳谿父居山間有神人來往賣瓜常
止其家遂授父以煉瓜子之法令春分食
之二十餘年昇山入水百餘歲絕居山頂
呼父說事遂去

西漢逸史孟節西漢人有道術含一棗核
可至十年不飢又能結氣不息身不動搖
可至一年許士庶慕之為神仙後入山不
出

時荷一食青精丸

西山真君傳時真君名荷鉅鹿人少時入
四明山遇神人教以丹訣點化金玉潤濟
困苦民受其賜後能驅逐邪魅使鬼神
事母以孝聞善胎息得坐忘法或百日一
食半年一寢晉明帝時待之甚厚及許真

君上昇師亦從而昇天

神仙傳青精先生年十歲色如童子行步
日過五百里能終歲不食亦能一日九食
天師三境翊聖九壇

本傳張道陵留侯六代孫也舉賢良方正

雖仕而志在鍊形遂退隱北印山章帝以
三品印綬起之不就入嵩山遇神人告之
曰石室中藏黃帝丹經琅函玉笈之書子
行必獲矣師從之果得其書於是築壇朝

真以煉九丹丹成謂弟子王長曰服丹當

冲天然吾未有大功豈敢遽服宜為國家
除害興利然後服之則吾臣事三境亦無
愧矣

翊聖傳 本朝建隆初翊聖真君降謂張
守真曰壇法有九上三壇為國家設中三

壇為臣僚設下三壇為百姓設而九壇各
有儀式焉

玄甫五藏叔期三關

真誥王玄甫授仙人吞日景之法積三十
四年乃能內見五藏冥中夜書道成太上

遣羽車迎玄甫乘雲駕龍白日登天今在
玄圃堦受化為中嶽真人

又趙叔期於王屋山學道見一卜者曰欲
入天門詣三關存朱雀正崑崙叔期異之
拜請要訣卜者授書一卷曰三關者口為

天關足為地關手為人關三關調則五藏
安五藏安則舉身無病而仙道成矣

道君授劍玉女獻環

本傳天師功成太上道君下降授以雌雄
二劍而劍各有日月星斗之文道君乃曰

吾憫下元生人執係幽魂人鬼雜處今予
為吾分別人鬼異位則子之功無量矣

又天師至仁壽縣遇十二天游玉女各獻
玉環一隻願事天師師合而為一環謂之

曰吾投於地中先得之者納馬玉女爭取
愈取愈深即禁之不出因化為豐井公私
取之以為利其邑因為陵郡自道陵始也

聖母穿雲周生取月

廣記聖母海陵人適杜氏為母遇人能易
形變化而夫不之信反以為妖告官下獄

而毋自憚中飛出人見穿雲去時留履一
緗於牕下海陵人為之立祠誦曰聖母祠
宣室志周生有道術游吳楚人多敬之時
抵廣陵坐中秋夜會月色明瑩眾人談及
明皇游月宮之事周生笑曰吾常學於師

亦可以取之因取數百筋繩而祭之曰我
將此梯取月乃閉戶久之客步庭中俟焉
忽天地曠黑仰視又無纖雲俄聞生呼曰
甚至矣手舉其衣出月半寸許一室盡明
寒入肌骨食頃如初

商唱陽春張吟白雪

詩史商七七有異術過潤州與客飲云某
有一藝為歡即顧屏上畫婦人曰可歌陽
春曲婦人應聲遂歌其音清亮似從屏中
出歌曰愁見唱陽春令人離腸結郎去未

歸家柳自飄香雪如此者十餘曲

悟真篇序天台張伯端字平叔嘗磬所得
吟成律詩九九八十一首歸曰悟真篇文
多不錄其九轉金液還丹詩一篇云黃芽
白雪卒難尋達者須憑德行深四象五行

全籍土三元八卦豈離去鍊成靈質人難
識消盡陰魔鬼莫侵欲向人間留秘訣未
違一箇是知音

張觀樓臺逢升官閣

北夢瑣言張達章好經史每以清淨為念
時往渤海遇風見一青衣人相引登山至
島上觀見樓臺歸然中有仙女處處侍衛
甚感留飲少頃曰子不欺暗室可謂古之
君子矣遂令青童送還

廣記逢女幼而不食心慕清虛父母以為
虛言忽一日見神仙在空中自南至北將
逾千里湧出金城玉樓於山頂一人招女
升宮闕衆仙羅列儀仗肅然曰汝有骨錄
當為上真太上命我授汝以靈寶具文按
而行之飛升有期後果及期升虛矣

棲崑洞室徐姑掘穴

傳記許棲崑舉進士第而志在修鍊時因
入蜀登危棧忽與馬俱墜棧下進退不能
即隨馬而行至一洞室見諸仙羅列皆喜
曰此乃長史公之孫也有仙相矣衆真命

坐賜飲且曰此石髓也汝得之矣無輸泄
無荒淫後復來相見遂以所乘之馬送行
曰此吾洞中之龍也因責出負荷子有仙
骨故得遇之若到人間放之任其所適後
棲崑遂巡到故居而馬化為龍飛舉

廣記徐仙姑年數百歲而貌若二十許人
多游名山或時止宿於林巖窟穴之中往
來江表吳人見之三四十十年顏色不改行
步如飛咸通間至剡縣謂人曰我先君仕
於北齊有陰功而後及於我已得延年後
人以此詳之方知姑即丞相徐之才之女
也

德玄五嶽偉道九疑

真誥東卿君云宋德玄周宣王時人也服
靈飛六甲符得道日行三千里變形易質
今在嵩山游行五嶽

又韓佛道不知何許人隨宋德玄出入以
師事之而德玄授以道法今道成常出入
九疑山

徐福白鹿履去黃鸞

廣記秦始皇遣徐福并童男童女三千人往東海取長生不死之草不歸及沈彘得道黃老君遣徐福乘白鹿車來迎沈真人方知徐福之得道

又元藏幾自稱元慶士隋大業中奉使過

海遇神人留外國遍歷仙境一日思歸即時津遣不旬日至東萊問其國乃皇唐也尋其子孫皆無人唯有二鳥類黃鸝隨慶士出入每翔蕭索帝呼之即下能傳口中言語

裴謚佳會蘭香玄期

廣記裴謚昔與王敬伯梁芳為方外友入山學道梁芳死敬伯下山調官至正元中奉使淮南邂逅裴謚維舟慰問汝何所須謚曰吾儕野人心近雲鶴廣陵之西即吾宅也條然鼓篋而去敬伯詣宅見謚承冠偉然設宴就座謚酒酣謂左右曰此人乃吾昔山中之友道心不固以明自賊將浮沈於生死海中求崖未得今日之嘉會誠難得也子其往矣

又有漁父於湘江岸側聞小兒啼聲四顧無人唯有一女子三歲許父抱歸養之十餘歲天姿奇偉忽一日見一青童自空而下携女子而去謂其父曰我仙女杜蘭香有過讀於人間玄期有限今往矣

謫仙呼鼠祝公養雞

廣記永明中鍾山有隱者蔡生每養老鼠數十枚呼之即來令之即去語言怪異時人謂之謫仙

列仙傳祝公洛人也居北山好養雞百餘

年雞千隻皆有名字暮棲木上日放散去呼名即至積錢千萬置錢去其開池養魚

登吳山有白鶴孔雀數百常止其旁

李珣販釋安公伏治

續仙傳李珣世居廣陵城市以販釋為業年十五父傳業而珣受之升斗俾之自量不計時之貴賤衣食豐足年八十不改其業適會李珣相公出鎮淮南而珣改名寬一夕李公夢入洞府有金書李珣名視之甚喜忽見二仙童自石壁出珣問曰此何

所二童曰此華陽洞天也此名非相公也公曰非我何人童曰公之部民也珣悟適尋問於里巷得李寬之名迎入府拜為年兄問以道術寬曰不知所修具以販釋事對公曰此常人之難事陰功不可及後寬

尸解蟬蛻

列仙傳陶安公鑄冶師也數行大火一旦散上紫色衝天安公伏治下求哀須臾米崔止治上曰安公安公治與天通七月七日當迎爾以赤龍至其日赤龍果至安公騎之上昇而去

馬湘紙糊章震泥馬

續仙傳馬湘字自然錢塘人幼好文學有道術一日過菜園見蘿蔔甚盛因丐之園吏弗與湘於篋中取紙裂為一稿子又裂一鴛鴦飛走園中而稿子趕赴之菜踐踏俱碎園吏知是異人乃祈謝之於是取紙稿及鴛鴦致篋中視菜如故略無所損抱朴子章震在周幽王時屢召不起師長桑子得其術能分形化影折草化為龍虎

噴水為珠玉一日與弟子行即以泥圓化為馬乘之日行千里後入崆峒山白日上

昇

程妻致縊蘇母思鮮

神仙傳期門郎程偉妻者能神通變化偉

當從駕出行而服飾不備甚以為憂妻曰

出而闕衣何愁之有妻即為致兩縊忽然

自至前偉復作黃白術連作不成妻乃出

其囊中藥少許投采銀中煎之須臾成銀

欲從求方終不可得云偉骨未應得之逼

不已妻尸解而去

蘇仙傳仙君姓蘇名耽桂陽郡郴邑人也

生於前漢幼丁父憂奉母潘氏以孝聞溫

清定省禮無違者晨羞夕饌人莫及焉常

感神仙授以道術能隱形變化一旦侍朝

於於母母曰吾思鮮汝可致之曰唯即捨

七筋輟食携金而去須臾持鮮而至母食

未畢得鮮甚喜母曰此去市甚遠何處得

之其速如此答曰便縣市中買來母曰便

縣山路危險去一百二十里如此之速汝

誰我也答曰買鮮之時見舅在便市語

曰明日來此請待舅來以驗虛實翌日舅

果至乃首說市中相見之事母始知其非

常乃潛察之見常持一青竹杖衆疑之為

神杖也

道人兩口先生愛蹀

王氏見聞錄梁況之居鄂州忽一道士至

況之與之對飲道人求綿袴遂與即捲投

衣袖中將投語曰入袖中再入凡投十數

次皆不能入道人咨嗟曰不免為寇萊公

矣道人遂引去約當再來後月餘復至門

人欲入白即曰不須見侍郎但報先去也

俟到彼相見況之貶化州久之一道人兩

口腹上亦一口既至廳舍索酒一斗引而

盡見況之言曰記得鄂州相見否音聲雖

同形貌非矣索錢二十七文而去出門以

檐穿腹中口鼓鐵笛取漁舟獨立其上風

引渡江而去後二十七日況之謝世

道學傳簡寂先生陸修靜字元德具與東

遷人吳丞相凱之後也母姚氏懷之有一

老姥告之曰生子當為人天師及生足有

靈蹀掌有大字家本奧室早涉垣管嘗謂

同僚曰時難再得乃遣妻妻子脫落營務

專精教法不捨寤寐卜居廬嶽召赴金陵

一旦謂門人曰吾將還舊隱俄然解化

膚色暉映異香芬馥山中諸徒悉見先生

還山儀服鮮華衆皆驚異俄失其所

樊英喫水朱倫駕煙

漢書樊英者濟南人也善圖經緯洞達幽

微隱於壺山之陽辟召不應嘗有暴風從

西方來英謂生徒曰城都市火甚威因舍

水西向喫之輒記其時日後有客從蜀郡

來者云是日大火須臾有黑雲從東起大

雨滅矣英嘗云淳立公與我遊天壇之上

一旦遂去

丹臺新錄朱倫字德元疑心抱一不替威

太上下降開瓊蘊給丹符與之曰爾能精

修上道守之能堅保爾昇度凌虛駕煙遵

則福降慢則禍纏子能行之慎勿輕傳倫

道成景王時太上授書除中嶽仙官

抱一龍杖清虛地鞭

高道傳趙抱一年十二因牧牛遇一老人問之子飢否先生但點頭而已老人探手囊中取食與之其狀如蘿蔔而味甘又與拄杖一條瓢子一枚中有藥乃豇豆也諭之令人服食於是沈痾新疾服者無不愈先生自食蘿蔔不復思煙火食之一日信步抵京城之西已樓院過涅槃堂聞有呻吟聲先生問何人若此僧曰斃童行時疫方甚先生自瓢中取豇豆以新水令嚙之即時汗如新沐人經夕皆愈後請樂者如市傳于裏外時真宗東封未還丞相向公留守京師陰遣人察其實飛奏詣行在迨車駕還召見真宗欣然拊其背曰子乃朕之姓也對御披度為道士未幾求歸賜金鍍龍頭杖銅朱記瘦木柸香藥等差中使張茂先道士胡太易送至石門山特與建真寂觀以為登真之所

仙傳拾遺廖冲字清虛連山郡人也以才德見稱為本郡主簿後辭其印綬遊探道

要於衡嶽遇太平真人授道後歸鄉里常乘一虎執地為鞭先天二年風雲晦冥騰舉而失所在

劉邦賓友度子高仙

真誥劉邦沛人起自布衣破秦平項創漢之基於漢有功上帝補為南明公賓友而弟君云先世有陰德者徑補仙官或入南官受化不拘職位之高下例皆速詣南官受化

又華陰山中有學道尹度子武帝時人遇異人服丹霞之道行之五十年色如童子

今太一君遣迎乘雲昇天在元州為高仙矣

彭鏗出處仲倫留連

真誥彭鏗即彭祖也年八百歲而不作尸

解之絕南嶽夫人云諸公自欲出處語默肥遁山林以遊仙為樂以升虛為誠非不能登天也不為耳

王氏神仙傳王仲倫時居鶴鳴山石自響田宜見而問之曰彼何人也曰我神仙王

仲倫也愛此石之奇響故留連而聽之耳

三洞群仙錄卷之二

其二

六

三洞羣仙錄卷之三

筵三

正一道士陳葆光撰集

明期廳室素臺真館

真誥衡山有學道者治明期以魏末入山服食與張禮正同止巖穴受西城王君丹法已四十三年矣內外洞徹日行五百里今在方諸室為上仙

又定錄君云易遷重初二宮是男女之堂館凡地下主者之高者便得真仙之館今有女真趙素臺在易遷宮已四百年不肯

遷云天下無復樂於此處也

茅君鷄子聖姑鵝卵

神仙錄茅君學道於齊後道成治於茅山有疾病者往請願常煮鷄子十枚內帳中須臾茅君擲子還之歸破之皆無中黃者病人當愈若中有土者病即不愈以為常候鷄子如故無破處也

南史蕭昂為彭城太守時有女子年二十許散髮黃衣在武窟山石室中無所修行雖不甚食或出人間飲少酒鵝卵一枚呼

聖姑就求子往往有効造者充滿山谷昂呼問無所對以為妖惑鞭之三十瘡即瘥後失所在

道義馴鹿君友引犬

高道傳道士王道義知終南山有君喜真人登真之所大和中自姑射山將門弟子六七人來居樓觀以永平三年師羽化白雲滿室異香盈庭有白鹿卧於庭中旬日或隱或見既殯乃絕鄉人見道義乘白鹿冲天矣

茅亭客話遂州小溪縣石城鎮村民和君友於雲頂山寺遇一道士布衣鹿憤引一

黑犬令君友攜壺杖到青城山初由荒徑見怪石夾道細竹桃花飛泉鳴瀨至一觀字令君友致囊杖于塔上云爾有仙表乃

取藥一粒令吞之曰九月八日復當來此乃遣君友歸家了無飢渴之念至其日是

夕山谷月皎風清君友如有所待達旦雲霞相映如有五色君友仰觀躡空祥風綠霧鬱然而起遂越巨壑層嶺而去極目乃

沒

干朴識陶和璞笑瑄

丹臺新錄嘗有人從江外還忽逢一人乘小小鹿頭船子劣客一人從浪中直來便呼其人姓名曰顧道度下都去吾欲寄尺書與茅山陶隱居正爾作書番當見投忽云罷君會不往山中我尋自下去此人至都果忽忽便往廣陵後子良問洪先生洪云此人乃中嶽仙干朴其前生經識陶某耳非今生相識也豈復來此耶

高道傳邢和璞不知何許人隱居瀛海間時房瑄為盧氏宰待和璞甚善因携手不覺行數十里至夏谷村有廢佛堂松竹森

映共坐其下和璞以杖擊地令侍者掘之深數尺得一瓦甕中有婁師德與永公書

和璞笑謂瑄曰省此乎瑄髮髯記前世嘗為僧名永和璞復曰君當為輔相善自愛

梅姑履水道華登松

異苑秦時丹陽縣湖側有梅姑廟生時有

道術能著履行水上至今廟晦望之日見水霧中曖然有履形

高道傳侯道華凡所居之觀有損處即持斧斤以葺之勤苦備歷一日修殿宇忽於梁間得丹一粒即吞之觀門前有一松木道華登松去其枝梢人責之荅曰恐礙我上界人皆以為狂後七日凌晨道華昇松頂揮手謝曰我受玉皇詔授仙臺郎知上清宮善信院今去矣復留詩云帖裏大還丹多年色不移前宵盜喫却今日碧空飛

俄頃雲中音樂聲幢幡隱隱空而去
令威仙鶴宋織人龍

搜神記遼東城門華表柱有仙鶴立其上人不知欲射之其鶴飛於空中自歌云有鳥有鳥丁令威去家千歲今來歸城郭猶是人民非何不學仙塚壘壘後人於華表柱立二鶴自此始矣
晉逸史宋織有才藻去官不與人交遊隱居酒泉弟子受業者三千人酒泉太守圖其像於閣上出入祝公頌曰為枕何石為

漱何流形雖可見名不可求遂造其門而嘆曰名可聞而身不可見德可仰而形不可觀而今而後知先生乃人中之龍也

王鼎物外垂崖夢中

雅言雜載王鼎書歌詩好神仙心遊物外時人或謂有所得問之終不泄露詩百餘篇傳於人間如風落靈枝驚鶴去水流山果向人來贈程明甫云古縣枕前灘官閑道自安執盃山鳥唱曬藥野樵看石縫橫琴筆槎頭挿釣竿不知陶靖節早晚入雲

端

忠定公錄張平崖在成都夢謁紫府真君接語未久忽報請到西門黃蕪濟承事承事以幅巾道服而趨真君降階接之禮頗隆盡且揖張公坐黃之下諭顧詳款似有欽嘆之意公朔旦即遣吏詣西門召黃承事者戒令身常所衣之服來比黃既至果如夢中公即以所夢告之問平日有何陰德蒙真君厚遇如此黃曰無他長母歲過米麥熟時以錢收糴至明年米麥未熟小

民艱食之際糴之價直不增升斗亦無高下在我者初無所損而細民得濟所急公曰此承事所以坐某之上也乃令吏掖而拜之

順興宿德少道陰功

丹臺新錄李先字順興京兆人也因秋分之夕忽有飛仙千餘騎翔集空中有二人在庭謂先生曰上帝有命遣仙官於紫閣上石室中相待也吾二人乃直日之神奉使來召宜即展駕先生與之相隨越度

峯谷若乘飛颺倏然便至乃見三真人各坐一牀自然有五色雲霞羅覆其上侍從僚屬精光璨燦幢幡羽蓋非可名字先生即稽首請白曰內飛之道真人曰子有宿德位階仙官而欲形神同舉不足為難也王氏神仙傳王少道以陰功救人積德成仙常語人曰功滿三千白日昇天修善有餘坐降雲車弘道無己自致不死斯言信哉而真語云童初府有王少道漢時人也杜沙龍飛馬符鼠伏

丹臺新錄杜昇真人莫測其年壽絕粒飲水如二十許人能以沙書一龍字浮於水上叱之則變為小龍飛起丈餘隱隱震雷生呼之即下

神仙傳馬湘遍遊名山人皆不知有道術常州太守馬公聞之召以年兄待之公曰城中多鼠湘即書符令人貼於壁下長嘯一聲而羣鼠湊集湘乃呼其大者而前曰爾乃天生微物天與粒食何以撓於相公今不欲殺爾宜速去大者迴而小者俯伏堦前成羣而去

韓湘藍關尹喜函谷

青瑣韓湘字清夫文公姪也落魄不羈嘗醉吟曰青山雲水窟此地是吾家後夜流瓊液凌晨咀絳霞琴彈碧玉調鑪鍊白朱砂寶鼎存金虎玄田養白鷄一瓢藏世界三尺斬妖邪解造逡巡酒能開頃刻花有人能學我同共看仙葩公問曰子安能奪造化開花乎湘曰此事甚易取土聚之以盆俄頃碧蓮二朵類牡丹花葉有小金字

云雲橫秦嶺家何在雪擁藍關馬不前公莫曉句意後言佛骨謫潮州時大雪塗中遇湘曰憶向花上之句乎詢地名即藍關也公方驚悟乃續其詩曰一封朝奏九重天夕貶潮陽路八千本為聖明除弊事敢將衰朽惜殘年雲橫秦嶺家何在雪擁藍關馬不前知汝遠來深有意好收吾骨瘞江邊湘後與公俱至沅湘莫知所之廣記函谷關令尹喜占風氣逆知當有神人來過乃掃道四十里見老子而知是也

老子在中國都未有所授知喜命應得乃停關授以道要
肝真母部黃君父屬

西山記肝真君諱烈字道微事母以孝聞而母亦有志學道與母同往西山見許真君叩頭求哀真君念之使築室於所居之西侍母居焉授以道術及許真君上昇道微與母皆受玉皇詔部分許君家屬昇天又真君姓黃名仁覽字紫庭父名輔字萬石有高尚行事親以孝聞州郡舉孝廉魏帝

時仕至御史紫庭少俊拔有清致許真君以女妻之萬石事許君執弟子之禮及紫庭受玉皇詔與父母家屬昇天今高安縣祥符觀有丹井存焉乃其故居也
修公化羊尹澄憫鹿

列仙傳修羊公隱華山石室中服黃精室有石牀公卧其上而石盡穿景帝聞名詔之公即於牀上化為白羊題其脇曰羊公謝天子帝後置石羊於臺上公復化而隱不知所在

丹臺新錄尹澄有道術始皇累詔不起澄厭喧譁意以山林為樂改名尹林子遠遁林谷時見羣鹿有一傷足者躑躅不前澄憫其苦乃藥封其足復遇大雨食盡困於林數時羣鹿奄至飢則吮乳寒則臥懷相隨累月遇神人授秘訣乃能生骸護病年三百四十歲白日上昇而真誥名尹林子者漢末入茅山今以為真人矣

志真繫虎子英捕魚
高道傳呂志真廣成先生弟子居石室十

餘年善以藥石救人入林谷則虎豹隨之問其道則默無所對出商山道中忽失色不前人皆訝之且曰前有剽掠者果果見兵刃至志真謂賊曰此行皆吾弟子無得干之其徒欲往避路不復敢前又至一谷口曰此有害人之物同行欲見之遂入林中以繩繫二虎而出由是知志真深得廣成之道焉

列仙傳子英者舒鄉人也善入水捕魚得赤鯉魚愛其色持歸著池中數以米穀食之一年長一丈餘遂生角有翅翼子英怖而謝之魚曰我來迎汝爾可上我背與汝俱去須臾暴雨子英乃上其背騰空而去子先二狗沉建一驢

列仙傳子先姓呼漢時人卜師壽百餘歲好飲酒有一姬待之甚厚未嘗問及酒資一日忽呼姬曰急裝當與共行是夜有神人持二茅狗來子先與姬共乘之入華陰山大呼云子先酒家母在此仙傳拾遺沉建有延年却死之術一日遠

行寄驢一頭并犬羊於主人之家各付藥一粒而去主人曰此客可怪寄下十五口並無一文當若之何建出三年乃還奴婢驢羊如故建輕舉矣或去或還如此三百餘年人皆不曉後不知所在

韓眾巨勝廷瑞菖蒲

總仙記樂子長齊人少好道入霍林山遇韓眾授以菖勝赤杯散服之年可八十歲色如少女後昇仙補為修門郎

郡閭雅談沈道士名廷瑞故吏部彬之子居玉笥山每遇深山古洞終日忘返一日辭道侶坐集仙亭上念人生幾何賦畢乃卒葬後越二年有閭皂山會昭瑩於山門數里相遇其閭皂玉笥相去一百六十里曾問所往云暫到廬山尋知己且留詩一首為別云南北東西路人生會不無早曾依閭皂又却上元都雲片隨天閣泉聲落石孤何期早相遇樂共煮菖蒲曾歸玉笥話及方知師尸解矣俱鳳蘭昔持滿侏儒

北夢瑣言後唐同光中有狂生桑俱鳳蘭茸埃賦不近人情神異不一至渚宮謁南平王一足草履一足麻鞋號為野人河東記唐汝陽王璉能劇飲術士葉法能過之王強以酒不可曰某有生徒酒量可與王敵明日使謁王詰旦有投刺者曰道士常持滿王遽引入形狀侏儒然神氣彩瑩音韻鏗然既坐善談胚臍王命飲道士忻然王以醇酒寫大斛中沃以巨觥王既醺然而道士風韻高爽良久忽謂王曰某止此一杯醉矣王強之道士曰王不知量有限手何必強之復勸一杯忽然倒地視之乃一大酒榼耳受五斗焉

瑤池白橘滄洲碧棗

神仙傳周穆王會西王母於瑤池食素蓬黑棗碧藕白橘桂陽雜編隋處士元藏幾為海使判官遇風船壞破木載至洲島人曰此乃滄洲去國千萬里花木常如二三月人多不死產分蒂瓜長二尺碧棗丹粒皆大如梨池中

有四足金魚金蓮花婦人採為首飾曰不戴金蓮花不得到仙家藏幾思中國洲人製凌風舸送之激水如箭旬日達東萊問其國乃唐也自大業至貞元二百年矣右英五芝鳳網百草

真詰右英夫人吟曰有心許斧子言當採五芝芝草必不得汝亦不能來

廣記鳳網者漢陽人嘗採百草花以水漬泥封之自正月始盡九月末止埋之百日絞煎丸之卒死者以此藥內口中皆立生

也網服藥數歲不老後入地肺山公成偃逸宋來酒掃

真詰趙公成昔患脚疾不能步履心常默拜太上三十年精專不替感太上賜藥一劑服之即愈後得道今在鶴鳴山行道之時未嘗少忘此所謂內研太元偃逸神府者也

又宋來子楚莊公時為市長常酒掃於市見一乞食翁歌於市云天庭發雙華山源障陰邪清晨按天馬來詣太真家歌此乞

食於市人無有識者獨來子知之遂以師禮事之積三十年授來子以中仙之道今在中嶽方知乞食翁乃西嶽真人馮延壽也注云手為天馬鼻為山源宮蒿長生郭延不老

抱朴子宮蒿有文才年數百歲色如童子遇仙人于吉得其書多論陰陽否泰之事有天道焉有地道焉有人道焉治國者用之以致太平治身者用之以保長生此其道也

神仙傳東郭延者山陽人服靈飛散夜書在冥室中身皆生光又能遠望見平地數十里上小物知其采色天下當死者識與不識皆逆知之如其言在鄉里四五百歲不老一旦有數十人乘虎豹來迎比鄰盡見之辭別而去入崑崙山中

祭女繡鳳志和雕鸞

廣記蔡女仙襄陽人也幼而慧巧善刺繡鄰里稱之一日綉雙鳳方成五綵霞煥忽一老人詣門請觀為安眼眼成雙鳳翔舉

而老叟同女子各乘鳳去即降襄陽山南之林後因號襄陽山為鳳林山置鳳林關乃敕其宅為鳳林靜真觀立女冠像又韓志和外國人入中國為衛士雕木為鸞鶴鳥鵲之形置機於腹中發之則翔空百步之外又能作龍御牀履之則牙爪皆動天矯如飛憲宗悅之甚厚賜而志和悉散與人後遁去不知所之

樂巴破廟谷青發棺

廣記樂巴時為成都功曹而太守問曰功曹有道可試之乎曰唯即時入壁冉冉如雲氣之狀巴失巴所在後除郎官遷豫章太守其山有廟甚靈能使江船分風使帆巴至失神所在巴曰廟鬼詐矣遂破其廟鬼走化為書生往齊國而太守以女妻之

巴往齊國見太守遂書符長齋令書生出相見叱之化為狸即斬殺之

列仙傳谷青成帝時侍郎也因病死而尸不冷入殯不釘至二年見青冠帽坐於縣門上家人迎之不下發棺無尸後入太白

山人爲之立祠而青時復往來於祠中
梁伯求衛孝惠祠韓

神仙傳孝武帝遣使者梁伯至山中求衛叔卿不見但見其子度世與之俱入太華山尋訪度世望見父與數人博戲於石上坐白玉牀度世問博者爲誰曰洪崖先生許由巢父王子晉也曰我有仙方在所居柱下度世歸掘之得玉函封以飛仙之印乃五色雲母也度世服之仙去

拾遺記漢孝惠帝時有道士韓稚解絕國。人言有泥離國來朝人長四尺兩角如蠶牙出於唇處於深穴其壽不可測帝使稚問之經見幾代荅云五代事相承迭生迭死如飛塵細雨存沒不可論又記女媧及軒黃以來事了如在目稚以聞於帝帝嘆曰悠哉杳昧非通神達理難可語乎斯遠矣稚於斯退莫知所之帝使諸方士立仙館於長安北名曰祠韓

若山脫屣任敢棄官

廣記唐若山開元中出鎮潤州日與僚友

賓客三五人整棹浮江將遊金山寺既及中流江霧晦冥咫尺不辨若山獨見老叟棹魚舟直抵舫側若山入魚舟中超然而去几案間得若山訣別之書又得遺表一紙其略云臣運屬休明累叨榮爵夙悟升沉之理深知止足之規棲心玄關早得真訣黃金可作信淮南之昔言白日可延察真經之妙用既得之矣餘復何求是用揮手紅塵騰神碧落扶桑在望蓬島非遠遐瞻帝闕不勝犬馬戀軒之至明皇省表異之

道學傳任敦字子尚永嘉初天下擾攘棄官南渡遂抗志俗外居於山林忽有一人長文許敦問之此人自稱是阿那窟老君見使來問訊敦問老君常在何許荅曰常在天上復遊世間又恒經過而去復有所止荅云時往大治及仙園中敦後逆知孫恩之禍乃尸解於木沼山

稚川金闕公遠碧落

本傳玉皇詔葛真人曰洪久傳心要善養

胎真演神方治病於生靈迷先典廣行於塵世陰功濟物密行齊真名係玉都身歸金闕可宜於三月三日寅時昇車上天者本傳詔羅真人云公遠能除水怪救濟生靈誠崇駭邪召龍致雨有行藥瘥病之善有施符遣疾之功內修三一外養四生名著仙都身歸碧落可宜於正月十五日午時駕赤龍車歸天者

沈羲龍虎公陽鸞鶴

抱朴子沈羲吳人也學道於蜀救人利物德感上帝一日出行塗中忽見青龍白虎車各一乘從者十數人皆朱衣仗節滿道問曰君見沈道士乎羲曰某是也吏曰子有功於民黃老君遣仙官來迎子爲碧落侍郎於是昇天

西山記鍾離嘉字公陽許真君之甥也好處林巒許君愛其有授道之質遂付以秘訣今密修之許君上昇告以冲昇之日紫雲自天而下青鸞白鶴翔舞於庭仙童玉女下迎公陽白日上昇

帛公素書甘君仙藥

神仙傳于君者因病癩數十年百藥不能愈忽見市中賣藥公姓帛因往問之云可救以素書二卷授之曰不但愈病而已當得長年于君再拜受之于君思得其意內以治身修性外以消災救疾無不愈者道成仙去

西山記甘真君字伯武以孝行見推於鄉里仗劍隨許真君除妖其功居多許君授以秘訣而君潛匿形影人莫之測一日天際忽聞天樂之聲須臾祥雲絳霞暉映而君昇天

鄭公崑臺子廉魏閣

青瑣進士牛益出都門息柳陰之下夢至高門大第吏云此羣玉宮也執視乃故人呂臻曰吾掌此宮蓋見殿上有白玉牌朱篆蒙以絳紗大字云中州天仙籍其次皆名氏數千其中唯識數人呂及夷簡李迪余靖而已益問天仙之詳呂曰自有次序真命上非子可知益曰今世卿相率皆

仙乎曰十中有七八益曰富公弼國之元老豈其仙也曰富公是崑臺真人壽九十歲方還崑府益曰公今何職曰更三百年補地上主者益曰王者人是何官曰掌五嶽四瀆名山大川者也

括異志衡嶽道士率子廉落魄嗜酒性獷疾易辱人以言人亦少與之接故以牛呼焉居山之魏閣禮部侍郎王公祐守潭州立夏將命祀祝融至衡嶽因訪所謂魏閣者及至則子廉方醉寢王公與語甚異之

遂載與還郡日與之飲酒間辭歸山復止魏閣者一日忽謂人曰我將遠行當一別王公即日扁舟下潭來謁且曰將有所適王公留與之飲居二日辭歸至日以書別衡山觀主李公盪浴服飾焚香秉簡而蛇去聞者驚異李為買棺厚葬之殆半歲有衡嶽僧自京師至安上門外子廉來看京師云即途時蒙李觀主厚有書行懷中出一書附僧為謝李發封乃真子廉書也人皆嘆王公之默識

三洞羣仙錄卷之四

正一道士陳葆先撰集

尊師何先生僕僕

神仙傳衡山有一道士不示姓名或問其姓則曰何問其名則曰何時人因呼為何尊師或問師無言何以開悟後人曰知不知上不知知病誰能擊混沌之竅而達自然之理邪遂杖藜入山而虎豹隨之司馬先生曰此可謂才全而德不形者也後尸解雷震尸遂不見

廣記僕僕先生不知何許人自云姓僕時人因號僕僕先生寓光州黃土山即三十餘年餌杏丹飲食如常人貨藥為業人皆不識之時王舟遇之而授丹以杏丹之訣先生即時昇雲天太守李休光聞之以為不祥先生復降休光之府休光曰若仙當往去而復來妖也先生曰麻姑茅君皆問道於我子以為妖何也休光叱左右執之即時龍虎君見於前而先生上昇煙雲四合雷電震動觀者奔走休光謝罪明皇詔

立宮觀至今存焉

侯觀三松蘇蒼兩竹

高道傳道士侯楷字法光京兆人也魏正始中為道士授天文秘訣晨夕之奉久而愈勤卜居於寒谷行三奔術誦大洞經及

三皇內文劾召之法其居有清泉環流三松偃覆洒然幽寂是為栖真之所遂號三松觀

松觀

柳江集蘇真君耽母年百餘歲無疾奄然而逝鄉人為立封木以禮歛葬是日郡東

北隅牛脾山上有紫雲覆木瀰漫不散又有白馬一疋繫於林間遂聞山嶺上有號哭之聲皆云蘇君歸持母服鄉人竟往即之其草蒼前哭泣之所基址平坦有竹兩株無風自搖掃其地終年常淨三年之後無復哭聲白馬亦不復見矣

胡傲斲金雍伯種玉

神仙傳唐陳休復號七子貞元中來居褒城耕農採樵與常無異多變化之術好事少年五七人求學其術勤動不已語未終

忽暴卒須臾竟敗眾皆驚走莫敢回視自此少年不敢干之昌明胡傲常師事之將赴任留錢五千為休復市酒笑而不取曰吾金玉甚多恨不能用爾以鋤授傲使之斲地不二三寸金玉錢貨隨斲而出曰人間之物固若是但世人賦分有定不合多取若用之豈有限約乎

廣記楊雍伯事親以孝聞及父母死葬於高山雍伯廬於墓側晝夜號慟甘泉湧出以濟行人忽有一飲馬者來將白石一升與雍伯曰種之當生美玉果生白璧長二尺許不計其數一日出遊偶至海上遇羣仙曰此種玉雍伯也一仙曰汝有孝行神真所感此宮即汝他日所居也雍伯歸數年夫婦俱上昇今者所居之宅號玉田坊

道成跨驪敬之射鹿

柳江集慶歷中有處士遊東嶽謁主簿郭及甫既坐視其刺字乃羅道成詢其鄉里曰郴州人也及甫留飲處士曰久思東州之遊前日到泰山已遊歷遍也旦夕回南

方乃借紙筆為詩曰因思靈秀偶來遊碧玉寒堆萬疊秋直上太平高處望根盤連接十餘州復自和云水雲蹤跡日閑遊夏谷陰寒冷勝秋猿鳥性情猶戀舊翻身却去海邊州及甫見詩不勝嘆美既去及甫遣人送之至邸又為一詩付史曰白驪代步若奔雲閭人所至留詩跡欲知名姓問源流請看柳陽山下石後詢郴人地有白驪真君觀因得道跨白驪行石壁上其驪迹至今存焉

西山記許真君名遜字敬之世為許昌人後從豫章避生而穎悟姿容秀偉少不羈喜畋獵嘗射一鹿子墮地母以舌舐之未已而死因感悟毀棄弓箭矢刻意讀書弱冠旁通經史善音律天文地理五行讖記之書悉皆極致尤慕神仙之道後披宅上昇

廖扶北郭王績東臯

本傳後漢廖扶絕志世外專精經典尤明天文讖緯風角推步之術公府辟召皆不應時人號為北郭先生

唐隱逸傳王績字無功授揚州六合縣丞棄官還鄉里績河渚中先有田數十頃鄰渚有隱士仲長子先服食養性績重其真素願與相近乃結廬河渚以琴酒自樂故時人號為東臯子

董奉食粟債偷桃

神仙傳董奉字君異侯官人也居廬山不田作為人治病亦不取錢物但使人重病得愈者為栽杏五株輕病得愈者栽杏一株如此數年杏有萬株鬱然成林羣蟲戲

其下常無生草有如耘除也於是杏子大熟奉嘗語人曰欲買杏者不須來報之但徑自往取之一器穀便得一器杏嘗有穀往少而多取杏者即有虎號嘯而逐之所得之穀救賑貧乏供給行旅歲消三百斛而所餘猶多一旦昇天去

漢武內傳武帝忽見青衣女子曰七月七日王母暫來帝問東方朔此何人朔曰西王母紫蘭室女傳命往來至日帝盛服立階下夜聞空中有簫鼓聲王母乘紫雲車

駕九色班龍別有天仙皆長一丈王母上殿自設精饌以棹盛桃七枚帝食之甚美母曰此桃三千歲一實方朔曾三來偷桃矣

山甫玄髮姚泓綠毛

抱朴子伯山甫居華山精思不食二百餘年玄髮不老後以其術授之於女子色如桃花有一老翁鬚眉皓白而來女子笞之怪而問之女曰此是妾兒不肯用山甫之法致令衰老故杖之耳

廣記唐時有一僧居於南嶽夜見一物綠毛覆體直至座前僧曰貧僧禪居不撓生靈鬼神有知無相惱也其物曰子知有晉宋乎僧曰自晉至唐四百年矣其物曰師知有姚泓乎僧曰吾聞泓已死矣其物曰

我泓也其時示之以死脫身逃遁遊行福地唯塗柏葉遍身生毛

王母擊節子登彈璇

集仙錄九微元君龜山王母三元夫人泊諸真人仙眾至降於小有清虛上宮絳房

之中夫人與王君為賓主各命侍女陳曲成之鈞九虛合節八音靈祭王母擊節而歌

漢武內傳王母命侍女王子登彈八琅之璈董雙成吹雲和之笛許飛瓊鼓靈虛之

黃安法嬰歌玄靈之曲

人間長史山中宰相

真誥長史姓許諱謚字思玄肇七代孫也君博學高第初為餘姚令累遷尚書護國長史密修上道真仙屢降而真妃授書云

玉醴金漿交生神梨方丈棗當與山中許道士不與人間許長史

又陶弘景字通明權進士第遷侍讀年三十有七無意於仕乃曰仲尼曰隱居以求其志行義以達其道我今義達無復其方

請從求志之業遂自稱為華陽隱居脫朝服樹於神虎門襲鹿巾衣道服入華陽居積金峯修真誥梁武帝累召不至或有所議遣使就問時人號曰山中宰相

法進帝前奉仙天上

王氏神仙傳王法進幼而好道一日忽遇二仙童告之曰汝有仙骨不忘於道上帝救我來迎汝授事於天上不覺隨二女凌虛至於帝前而帝告之曰人處三才之中不易得也付謝罪科一卷汝下諭生民亦汝之功也天寶中白日上昇

又王奉仙宣氏女也幼時遇青衣童子十餘人與之遊戲言笑自夜達旦父母疑為妖詰之奉仙曰女所遇者道也所見者上仙也初刻天上見天人羅列一仙人云汝有仙骨五十年後當復來此然百穀之實傷人真氣奉仙自後絕食嘗謂人曰其所見天上神仙與道家之流無異遂畫天朝會圖號混天圖

元一感壺長房投杖

丹臺新錄謝元一號壺公即孔子三千弟子之數也常懸一空壺市肆貨藥日入之後公輒感入壺中舉市無人見者惟費長房於樓上見之往拜焉以師事之
又汝南費長房為市掾時遇壺公公知其

篤信語長房曰我感入壺時卿便効我自當得入既入壺之後不復見壺但見瓊樓金闕物象妍秀玉童玉女俠侍公語長房曰我仙人也君好道否長房哀懇授以劾鬼治病之術但不得仙道耳又以一竹杖與之騎此到家訖以杖投葛陂中長房如其言投於陂中遂化龍去

緱山王喬礪溪呂尚

神仙傳王喬字子晉遇浮丘公得仙友人桓良遇子晉於緱山之上謂良曰七月七日我當昇天可與故人會別也至是與故人羣官登山見子晉乘所乘馬於澗下昇天而去是時羣官拜別回見所乘馬亦飛空而去今名為拜馬澗焉

又呂尚冀州人幼而智慧預知存亡避紂

之亂隱於遼東二十餘年西適周匿磻溪垂釣三年不獲一魚比問曰可已矣尚曰非汝所知而獲魚於腹中得兵鈔之書或云玉鈔文王夢得聖人聞尚之賢載歸同治於周功成告亡開棺無尸惟有玉鈔

六篇在棺中

石子東府廣利南宮

真語大茅君曰昔有白石子以石為精故世號白石先生此至人也今補為東府右仙卿入山斷穀煮石食之煮白石自有方乃石生所造也

又中茅君曰韓太華者安國之妹也漢將軍李廣利之婦也廣利在世有功及物今在南宮受化

紫陽役使魯連飛沖

天蓬呪序鄧紫陽入麻姑山日夜誦天蓬神呪感金甲神人與語曰吾是北方六天使者緣子念誦靈文帝君已署子之功矣遂令降墨篆神符真形上有神仙之術中有役使鬼神下有救療疾病子宜秘之後當為王者師次日果於石室中得其真形符篆行持有驗
王氏神仙傳王魯連乃神仙王剛之女也得父之道入陸渾之山不出後遇太一真人授以飛沖之法修之白日昇天

郭文馴虎瞿君駕龍

仙傳拾遺郭文字文舉洛陽人居大壁巖
 一旦有虎張口至前若有所告文舉以手
 探虎口中得骨去之明日虎銜一死鹿致
 石室之外自後虎常馴擾於左右亦可撫
 而狎之文舉出山虎亦隨焉雖在 cities 衆
 人之中虎俛首隨行不敢肆暴如羊犬耳
 或負書冊鹽米歸山晉帝聞之詔詣闕下
 問先生馴虎有術耶對曰自然耳人無害
 獸之心獸無傷人之意何必有術撫我則
 后虎猶民也虐我則離民猶虎也亦何異
 哉帝高其言拜官不就隱菴亭山
 又瞿君者南安人也漢章和間隱居平岡
 山黃帝降授龍躡之道能控御雲龍後入
 峨眉山修洞房明鑑之術臨欲昇天辭訣
 親友駕龍而去今平岡化有龍巖山繫龍
 溪

黃石地下李整洞中

前漢列傳張良遇一老人墮履於地下顧
 良曰孺子取履良取進老人曰孺子可教

遂與之期曰後五日與我期於此如是三
 次如期而來老人曰當如此遂出書與良
 曰讀是則為王者師後十三年見齊此穀
 城山下黃石即我也南嶽夫人曰信者得
 失之關鍵張良三期可謂篤道而明心矣
 真誥中茅君曰河內李整昔守一之道初
 在洛陽近遷在華陽洞中主考注民間之
 事

趙昇露宿馬湘壁睡

神仙傳天師張道陵有九鼎大要唯付弟
 子王長曰而後合有一人從東方來當得
 之此人必以正月七日日到具說長短
 形狀果有趙昇從東方來生平未相見其
 形貌一如陵所說陵乃七度試昇皆過乃
 授昇丹經第一試昇初到門不為通使人
 罵四十餘日老露宿不去
 續仙傳馬湘字自然有道術因入長溪縣
 界投宿主人戲言無宿處若壁上睡可矣
 日暮弟子切於止宿湘曰爾乃眾人中睡
 我坐可到明眾人皆睡湘躍身梁上以一

脚掛梁倒垂身睡主人夜起燭火照見大
 驚異之湘曰梁上猶能壁上何難俄而入
 壁主人祈謝乃出
 稷丘擁琴漁父鼓柁

列仙傳稷丘君者泰山下道士也武帝時
 以道術受賞賜髮白更黑齒落更生上東
 巡狩太山稷丘乃冠章甫衣黃衣擁琴而
 來迎

五代逸史潯陽太守孫恂於渚際見一輕
 舟凌波隱現俄而見一漁父垂綸鼓柁長
 嘯清虛公問有魚乎荅曰其釣非釣寧有
 魚耶公異之遂褰裳涉水謂之曰觀先生
 有道耶方今文明之治何不贊緝熙之治
 乎荅曰僕山海狂人不達世務未辨貧賤
 無論富貴乃歌曰竹竿簞籊籊河水悠悠相
 忘為樂貪餌含鈞非夷非惠聊以忘憂遂
 鼓柁而去

道開食麓石坦衣弊

茆亭記單道開惡食惡衣不畏飢寒好山
 居而山神木精屢試之而不懼後遷入羅

浮山獨處茅茨蕭然物外百餘歲尸解
晉逸史石坦自稱北海人居無定所不營
定所不求美衣衣弊或有與之者則反施
於人或送葬杖策而吊之路無遠近時
有寒暑必在其中同時同日皆至焉人莫
測以為神明後不知所在

司馬白雲巫談紫氣

神仙傳司馬承禎善篆別為一體名為金
剪刀書隱居天台玉霄峯號白雲子睿宗
召見既歸朝士賦詩送之盈編自號為白
雲記

又漢駙馬都尉巫談字子都北海人也漢
武帝出子都見於滑橋其頭上有紫氣帝
召問君年幾何對曰臣年一百三十八歲
帝問東方朔朔曰此君有陰道之術武帝

屏左右問之子都曰臣昔年六十五有時
腰痛口燥舌燥涕出得此以來七十二年
有子三十六人身健如少武帝受其術不
盡然壽最勝別帝
琴高控鯉黃安坐龜

抱朴子琴高多遊江浙每於水中行時人
以為水仙昔浙江南鍊丹丹成潑於江
化為小魚時人因號為琴高魚後遊吳控
赤鯉上昇

列仙傳黃安代郡之卒常坐一龜闊三尺

許或問此龜幾年曰昔伏羲造網結罟以
授子其背已平矣此出畏日月之光三千
年一出頭吾坐此已五見出頭矣

珍服桃核回書榴皮

王氏仙傳王珍為王屋令常念黃庭經六
千遍末了深義罷官絕穀咽氣入洞中有
嵌室石牀案上古經一軸珍再拜曰臣竊
入洞天萬劫良會今睹玄經願許塵目一
披忽有一人曰吾東極真人王太虛黃庭
經吾所注授於子復與桃核大如數斗磨
而服之愈疾延年子未可居此更二十年
期珍携核與經而歸
搜神秘覽湖州沈借秀才父以其晚年自
號東老延賓客多釀酒以供肴饌苟有至
者無問貴賤悉皆酌之一日有術者造謁

與東老對飲高談瓊瑤洞達微妙夜以繼
日酒屢竭壺術者神色自若詰姓氏終不
答因以石榴皮書于壁曰西鄰已富憂不
足東老雖貧樂有餘白酒釀來因好客黃
金散盡為收書後題曰回山人東老醉遂
失之其去後人多以為呂公所題之字削
去更生東坡有詩甚詳

焦光石芋羊情雲芝

抱朴子焦光居山每煮白石如芋食之或
時入山伐薪以施於人及魏受禪乃居河
濱結菴以居不設席其身垢汚如泥漆或
數日一食持不語老少不常如此在人間
二百餘年後不知所之

續仙傳羊情常棲括蒼山後遊阮郎亭崖
上去地十餘丈有篆書刻石字極大傳云
漢阮肇所題驗之乃李陽冰嘗為縉雲令
遊此亭題詩曰阮客自何所仙雲洞口橫
人間不到處今日此中行情於亭側與縉
雲道士花時飲酒忽仆地若斃乃昇還家
七日乃醒情曰初有一人青幘綠服自稱

靈英邀入洞府見樓臺鸞鶴之異石穴中有物飛去靈英指之曰此青雲芝也食之得仙情食之覺身輕行步如飛後入委羽山隱矣

三洞羣仙錄卷之四

三洞羣仙錄卷之五

正一道士陳葆光撰集

卷五

善俊烏龍叔卿白鶴

高道傳道士善俊訪道周遊名山遇神仙授三皇徽召之文得神仙之道常攜一

黑犬號曰烏龍所至之處必分食以飼之一日將遊少林寺僧方齋善俊乃牽犬於其側分齋食以飼焉僧曰人未食而食犬可乎曰吾過矣乃謝之尋出寺去眾望之師行愈遠而犬愈大遂化為烏龍師乘之而去

神仙傳衛叔卿服雲母得仙漢儀鳳二年八月壬辰孝武帝殿上見一人乘雲車駕白鶴集於殿前帝驚問為誰答曰我中山衛叔卿也帝曰子乃朕之臣也可前共語叔卿本意謁帝謂帝好道見之必加優禮而帝今云是朕臣也於是大失望默然不應忽不知所在帝甚悔焉

萬象貨藥季主賣卜

續仙傳羅萬象不知何許人也久居王屋

山後南遊羅浮嘆曰此山朱明之洞天葛稚川曾棲此雖無鄧底相留聊自駐矣乃結菴而隱或遊城市貨藥飲酒往來無定忽一膳則數人之食不謂之多或不食則莫知歲月日可行三四百里後不復出

丹臺新錄司馬季主賣卜於長安宋忠實誼俱出休沐往見之季主趣向高妙忠等忽自失茫然無色悵然嚙口不能言於是攝衣而起再拜而辭出市門僅能上車伏軾低頭卒不能出氣居三日忠見賈誼殿門外語曰道高益安勢高益危居赫赫之勢失身且有日矣

景闕碎金趙明燃屋

仙傳拾遺秦景闕不知何許人也會昌中寓止會稽市不常其居或飲酒伴狂凡十年好事者稍疑其異會稽張公家每加飲禮焉忽一旦取秤鏈手授良久引之如錫取鐵杵搏之為餅良久皆復如故張素貧景闕曰我將去矣命張取金擊碎之以炭相雜壘於鑪內熾火加藥闕戶告張曰炭

火息後可取所化之物以豐爾家念道濟人可也世享其富矣翌日張視之皆紫金也

抱朴子趙明左慈皆以氣禁水水為之逆流又於茅屋上燃火煮鷄鷄熟而茅屋不燃禁水著中庭大寒露之不冰禁一里中使灼者不熱

秦遊桃源田居柳谷

桃源記晉太康中武陵漁人黃道真泛舟自沅泝流而入見山中桃花夾岸落英繽紛觀一石洞消流中吐寒聲漱玉居室蟬聯池亭連貫雖男冠女服略同於外然所服鮮潔顏色燦然見道真甚悅遽邀至家為具酒食問今所歷代道真具以實告眾皆感歎曰何人世之多遷賢也道真辭出他日復尋花源之路乃遂不復見矣

真詰雷平山之北昔名柳谷有田公者來居此其北有柳汧水或名為田公泉云此水是玉砂之流津服之除腹中三蟲矣

緱姑青鳥女真白猿

壙城記緱仙姑長沙人入道居衡山年八十餘容色甚少於魏夫人仙壇精修香火子然無侶數年復有青鳥形如鳩鴿紅頂長尾飛來居所自語云我南嶽夫人使也以姑修道精苦獨棲窮林命我為伴又曰

西王母姓緱乃姑之祖也河南緱氏乃王母修道之故山也每有人遊山必青鳥預說其姓名後知四海多難乃隱九嶷山

仙傳拾遺薛女真者不知何許人也晉時世弊京師不寧有道之者多棲寫山林以避世因居衡嶽尋真臺外示同凡內修真道出行常有黃鳥白猿白豹隨之後乃昇天

真論宗性張講還元

神仙傳五代聶鍊師名紹元築室於問政山不偶世俗自號無名子嘗撰宗性論修真秘訣徐錯甚稱賞曰吳筠施有吾無以過焉

高道傳道士張無夢號鴻濛子嘗遊天台登赤城廬於瓊臺行赤松導引安期還丹

之法真宗名對講易即說謙卦上問曰獨說謙卦何也曰方大有之時宜守之以謙復命講還元篇無夢曰國猶身也心無為則氣和和則萬神結矣心有為則氣亂亂則英華散矣此還元之大旨也上說其說

洞賓蓬島景世雲駢

丹訣呂洞賓舉進士兩至禮部皆不利曰既不利人間舉當修天上舉唐末因遊廬山遇鍾離先生得其道每持惜氣貨筆墨往來京畿衡嶽之間人多不識其洞賓也而先生授以秘訣云三花和會化火龍直出昏衢千日功成驂鶴駕先歸蓬島

真詰灞山有學道者鄭景世張重華晉初受仙人孟德然口訣以入山行守五藏合日法兼服胡麻及仙丹久久不復飲食而身體輕強反易故形忽一日北方老君遣太一迎以雲輦白日昇天

房逢西白徐遇東專

實宿錄唐房山長陰符大冊經序曰予少

好學道而慕長生見陰符言上有神仙抱一之道後人只究以安邦治國之法鮮知神仙至樂之術貞觀三年予遊泰山遂逢一老自稱西白不知其姓因語陰符全在神仙大丹之極要世莫能知遂傳以驪山母所注即神仙抱一之道見焉

神仙傳徐定辭蓬州人咸平中隸役于郡國輦帛入關宿華陰客邸遇夜有書生自稱東專者指定辭而坐相得甚懽留飲浹日及告行書生曰吾陳搏也以君非凡骨

故得邂逅于此定辭喜懼因懇求異術曰術不貴異但蓄精神不以好惡內傷甚善於是袖出藥一刀圭曰君餌此當壽百歲翌日訪之不復見其後亦尸解矣

契虛三彭上元五性

宣望志契虛者神骨狹秀居長安佛寺避祿山入太白山忽遇至人勸遊稚川府居一日登山頂見有城邑宮闕殿上有具簪冕者貌甚偉憑玉几而坐侍衛環列問曰子絕三彭之仇乎契虛無以對曰慎不可

留乃引去契虛後遁去不知所之稚川則葛真人也

漢武內傳上元夫人謂帝曰汝好道乎數召方士登山祠神亦為勤矣然汝胎性暴胎性淫胎性奢胎性酷胎性賊五者常舍

汝榮衛之中五臟之內若從今捨爾五性反諸柔善常為陰德救濟死厄不泄精液齋戒勤儉鳴天鼓飲玉漿蕩華池叩金梁按而行之當有異耳

郝鑒司直呂誨糾正

列仙傳郝鑒初同周撫為南門亭長今遷北帝靈關侯再遷高明司直之任高明之任如世之尚書僕射

翰府名談呂誨獻可以言事出安州一日獨坐小軒因合目即有所見一碧衣童子

云玉帝南遊交洲君子隨行糾正羣仙自此口食天府身遊紫府交洲苦執上帝賜汝清涼丹一粒公拜賜而咽之下喉若冰雪公自知不久於世有朱明復者湘江道中有金甲吏兵數百人公跨玉角青鹿明

復拜曰公其仙乎笑而不答口占詩曰功行偶然書玉闕衣冠無限葬塵埃我今從帝為司糾更有何人直柏臺

季偉定錄思和保命

茅君記茅中君諱固字季偉舉賢良方正累遷金吾閫兄大茅君得道遂棄官入山遇兄引見西城王君得仙補定錄真人

又小茅君諱衷字思和累遷五更大夫同中君入山尋司命君君引見龜山王母授道要補保命真人大茅君告曰吾今既去

便有職任不可數相往來每年三月十八十二月初二日邀師命友下臨句曲若有學仙好善男子至其日詣山吾因料理必相教誨於未悟者令茅山朝山之會自茲始也

董重復活甘始治病

真誥董君臨淮人行氣鍊丹百餘歲不老一日因事繫大獄中伴死臭爛生蟲昇至家復活後遂成仙又甘始太原人善行氣不飲食依容成子

得元素之法治用之有效治病不用針灸湯藥在入間百餘年後入王屋山昇仙

青州從事紫府真人

西山記黃真君諱仁覽字紫庭其先武陵人力學有聞後棄官入道紫庭師事許君得其道尚為青州從事紫庭道成從許真君飛昇

青瑣高議右侍禁孫勉為元城埽官岸多墊陷埽卒曰有巨窟穴其下天晴輒出勉伺其出引矢射之正中其頸勉書夢一吏

召曰子殺龜今召子證隨至一宮闕吏曰紫府真人宮也勉曰真人何姓氏曰韓魏公也勉思念向蒙公提拂見當求助入望公坐殿上侍立皆碧衣童子勉再拜乞真人大庇公顧左右取青囊中黃誥讀誥曰五百世方比人身之貴穴殘埽岸事乃勉職也公命遣去

王暉虎耕陸羽鳥耘

高道傳道士王暉居華嶽熊牢嶺洞真觀常種黃精於谿側則虎豹為之耕耘出入

亦乘虎豹具鞭策如人乘馬無異著秘訣以教人修養其事隱而人莫之曉

唐逸史陸羽不知所生有僧得之於水濱

及長成聰慧能文以易筮之得漸卦取鴻漸于陸為姓名隱於茗溪自號桑苧翁閉

門著書或時行歌于野吟詩擊木故時人謂之今接輿羽嗜茶著茶經人以為茶神又云陸羽象耕而鳥耘

仙柯給炭宣平負薪

仙傳拾遺王仙柯青城橫源人好行仁惠

家富巨萬所居之側山頗宜薪炭忽聞盜斫柴者仙柯因檢行見乃一道士爾曰某

於谷中燒鍊丹藥每為闕炭因竊此柴燒之仙柯問其所用幾何可以并為致之不

煩自致也道士忻然謝曰藥成後必當奉報如是仙柯時往訪之一旦藥已成矣自

此為別也留丹數粒而去仙柯服丹自覺氣逸身輕門側有大柏樹騰身而舉已往

木杪因此飛昇而去

廣記許宣平新安畝人也景雲年中隱於

城陽山南塢或負薪以賣每醉吟曰負薪朝出賣沽酒日西歸路人莫問歸何處穿白雲行入翠微

費公石墨耿女雪銀

茅山記費長房遇壺公得其術書符行於

世寓茅山之東書符救人有功一日出山傾硯水於石澗中其石變黑因號為石墨至今取其墨亦可書符

女仙傳女冠耿先生者耿謙之女嘗因大雪令宮妓以金盤貯雪搗為銀錠投洪鑪

中須臾成金指痕猶在又異人錄云先生取雪實之劑如銀錠投熾炭中及冷爛然為錠銀矣

虛寂馬鳴大亮牛喘

高道傳舒虛寂字得真居新繁銅馬觀常

與人言昔黃帝與甯先生天真皇人眾真會於此號其地為三會臺有銅馬隱於林

間今龍橋乃其舊迹後人於銅馬隱處築臺以誌之秋夕澄霽忽銅馬騰躍嘶鳴見

之者得道虛寂居此三十年幸一見之一

日忽謂鄰母曰旦夕將他適欲以後事為託因指示其地囑曰瘞我於此當深三尺餘吾必有厚報是夕卒鄰母如其言而瘞之果得金一鎰以聞官驗所瘞但杖屨而已

仙傳拾遺馮大亮家貧好道亦無所習每遇道士及方術之人經過其門必留連延接唯一牛拽步磨以自給一旦牛死其妻楊氏對泣傷嘆曰衣食所給在此一牛耳牛既死何以資其口食乎時慈母山道士每過其家來即懇歇累日時道士果來夫婦以此語之道士曰皮角在乎曰在即取繫綴如牛形以木為脚以繩繫其口驅叱遂起肥健如常道士亦不復見數年盛夏牛喘甚急牧童見之私解其口遽成皮骨而已

太和鶴駕法善龍筆

王氏神仙傳真人王君好道與妻俱入山絕人事香火精勤積數十年遇神人授以素書且告之曰爾仙名已定但奉行此道

子必為真人矣後一日上帝遣龍車鶴駕下迎白日上昇補為太和真人

高道傳葉法善天師時居四明忽見一老叟號泣求救師問之荅曰某東海龍王也太帝敕主八海之寶近緣遼羅門逞幻術晨夕禁呪五月五日海水將竭夫統天鎮海之寶上帝制靈之物必為所取至日乞以丹符相救師即為飛符海水仍舊異日龍輦寶貨為謝師不受謂龍曰巖石之上去水且遠若致一清泉即佳也是夕聞風雨瀟瀟之聲達旦繞山齋石渠泉水環流至今目之為天師集

玉札賢安金書妙典

廣記魏夫人名華存字賢安晉文康公舒之女也幼而學道九經書史無不該覽年十五慕神仙吐納不辭勤苦至二十父母強令適劉又為妻生二子夫人訓誨二子成立遂告別寢修鍊勤至感太極真人及方諸青童君等降謂夫人曰太上已注子之仙名於玉札矣子其勉哉

又魯妙典者九嶷山女冠也生而敏慧及笄遇人授黃庭經而告之曰此經扶桑大帝官中金書誦詠萬遍得為神仙但在勤心爾經云誦之萬遍昇三天千災已消萬病痊居山誦此如與千人同侶惟患人不能修妙典遂入九嶷山誦經十年真仙下降白日昇天至今仙壇石上履迹存焉

老叟蒸兒孺子烹犬

神仙傳維陽十友者家富足拉為道友遽以酒食為娛常有一老叟弊衣繼屨每造其席眾亦不拒一日酒酣謂眾曰某雖貧乏欲具一會奉酬可乎眾皆唯明日乃延入一茅舍中丐者數輩相邀環坐乃早一巨板以油幕之揭視即爛蒸小兒眾深惡之皆不食叟曰此千歲人參也頗不易得欲以此報既不食命也各自分食乃昇天而去

高道傳朱孺子師道士王元正居大箬巖一日溪側見二小花犬異而逐之入枸杞叢下因與師掘把叢得二枸杞根壯如犬

師令烹之孺子看火三日因先嘗味又見根爛乃食之孺子忽出覺身輕飛於峯上雲氣擁之而去元正食其餘亦得不死今謂之童子峯

高閣笑蟹曹操驚鱸

括異志高閣得養生術飲酒至數斗不亂

申郎中為江東漕每按部必拉之同行嘗艤舟貴池其有九華李山人者與高友舊因謁申延之使飲各盡二斗餘殊無醉態高取釣竿曰各釣一魚以資語笑然不得

取蟹乃釣餌投坐前甕罇中俄頃李引一蟹出高笑曰始釣魚今得蟹可謂也

後漢隱逸傳左慈字元放嘗在司空曹操坐操從容顧衆賓曰今日高會珍羞略備所少吳松江鱸魚耳元放於下坐應之曰此可得也因求銅盤貯水以竹竿餌釣於盤中須臾引一鱸魚出操與會者皆驚操曰一魚不周坐席可更得手元放乃更餌釣沉之須臾復引皆長三尺餘生鮮可愛操使目前繪之周浹會者

馮良棄世杜契隱居

真語馮良為縣吏自恥無志毀車殺牛裂敗衣憤學道術抗志嚴恪州郡禮辟不就朝廷聞三公爭讓位於良不就後漢時人也六十七歲遂棄世東渡入茅山今在鹿

跡洞中

又杜契建安初渡江依孫策入會稽為孫權校尉黃武二十年遇介先生授以守元白之術遂隱居大茅之東能隱形亦數見身出或採伐貿易衣糧而人不知

泰宜寶洞元真仙墟

丹臺新錄周亮字泰宜師姚坦得其術人有能飛沙走石一切妖魅事亮即持經誦呪邪物各復其形或死於左右常與神仙遊行寶洞嘯詠終日

廣記薛元真少好道時棲五嶺謂人曰九嶷五嶺神仙之墟山水幽奇煙霞勝異如陽朔之峯巒挺拔博羅之洞府清虛不可忘也所以祝融樓神於衡阜虞舜登仙於蒼梧赫胥耀跡於瀟峯黃帝飛輪於鼎湖

其餘高仙列真神人輔相騰者道遠者其故何哉山幽而靈水深而清松竹交映雲蘿杳冥固非凡骨塵心之所愛也況遂洞之中別開天地瓊漿滴乳靈草秀芝豈塵目能窺凡屣所履矣得延年之道而優游其地信為樂哉

世雲羽扇玄同颯車

高道傳吳猛字世雲自鍾陵還欲濟大江遇飄風怒濤遂以白羽扇畫水而渡衆皆異之

集仙錄薛玄同號玄同子誦黃庭經不替遇神仙下降告之曰子誦黃庭有功地司累奏簡在紫虛之府因授口訣至咸通間紫虛元君降授九華之丹曰服此當遣颯車迎汝歸嵩山矣是夕解化無尸表奏僖宗異之

成連刺船頤和擊石

樂府解題水仙操伯牙學琴於成連先生云吾師方子春在東海中能移人精乃與伯牙俱往至蓬萊山留伯牙曰吾將迎師

刺船而去旬日不返伯牙但聞水聲瀟瀟
山林杳冥羣鳥悲號歎曰先生將移我精
援琴而歌頓悟妙旨成連刺船迎之伯牙
遂妙天下

女仙傳太元女姓顛名和自少行道能開
關鑰指山山傾指木木倒常將弟子行山
日暮以杖擊石石為之開便親門戶牀帳
酒肴之物如此萬里須臾之間老少無常
後入抱犢山昇天

崇子致舉秦林閉息

真誥東卿君曰昔有邪崇子與弟兄四人
俱為惡人所擊傷其臂三弟大怒欲治之
崇子曰無用怒乃遣去此人後出任官而
崇子致舉數數非一此人往謝之而猶譽
不止其人曰我惡人也不可以受君之施
遂自殺崇子後得道而太極真人以崇子
有殺人之過不得為真人上仙耳
又東卿君曰劉奉林學道於嵩山積四百
年三合神丹而為邪物所敗乃徙入委羽
山閉氣不息於今千餘年矣猶未昇仙云

此人但得不死未能有所役使
通和青紫清虛黃赤

高道傳賀知章為秘書監開元中遇通和
先生授以丹告之曰先盟而後授然仙家
品秩如青紫階級不可驟進必以退節為
首退節則寡欲寡欲則神逸神逸則無為
無不為及此而求道猶却馬以追奔子其
志之知章後棄官乞為道士

真誥清虛真人告楊君曰夫黃赤之道混
氣之法是張陵授世人種子之術耳非真
人事也吾數見行此而絕種未見種子而
得生夫存心色觀兼行上道所謂抱玉赴
火金棺葬狗也夫色觀謂之黃赤上道謂
之隱書

涓子至函公弼石壁

蘇林傳涓子者古之神仙也昔撫綸於河
上遇東海小童君告之曰子勤心至道外
假弋釣餌而不釣養生之全也若獲鯉魚
試剖之言訖而去涓子果獲一鯉剖之腹
中得一青玉函開視乃金闕帝君所受三

元真一之法涓子從而修之能興雲致雨
乘虛上霄

高道傳張公弼不知何許人劉法師居雲
臺鍊氣二十餘年每三元常見赴會無言
而去師因問之則答曰公弼住蓮華峯下
師與之同往至一所見石壁高直千尋公
弼叩之劃開內有天地森羅萬象張公語
其徒曰法師在此可具食作戲與師觀其
徒巽水俄見蒼龍白象各一對舞舞甚妙
丹鳳青鸞各一對歌歌甚清仍與法師水
一盃刀圭粉和之令飲其味甘且香有頃
公弼與法師別出反顧但見石壁而已

三洞羣仙錄卷之五

三洞羣仙錄卷之六

蓮

正一道士陳葆光撰集

王器自滿陶穀履空

高道傳道士王延字子元師華山雲臺觀
焦曠真人授三洞秘訣真經後周武帝欽

向乃遣使召之焦真人謂曰道教陵夷久
失拯援汝可力闡無令不振吾自此逝矣
師至都久之得請還觀復詔增修以居之
然山石無土致之極勞因虛默禱天忽踊
土出於觀側取多而不竭常苦乏油又置

一器經夕自滿久用而有餘

晉逸史陶潛少有高趣任真自得宅邊有
五株柳故嘗著五柳先生傳以自況曰先
生不知何許人亦不詳姓字宅邊有五柳
因以為號焉閑靜少言不慕榮利好讀書
不求其解每有會意欣然忘食性嗜酒而
家貧不能常得親舊知其如此或置酒招
之造飲必盡期在必醉既醉而退曾不吝
情環堵蕭然不蔽風日短褐穿結簞瓢屢
空晏如也

宋香足雨吳符止風

高道傳道士宋元白一日越州大旱方曝
晒撤龍以祈雨久之亢陽愈甚元白謂人
曰凡所降雨須俟天符非上奏無以致於
是止於元真觀焚香上祝經夕大雨告足

越人神異之信州復旱郡將特請禱元白

遂作術以告城隍之像則須臾致雨

西山記吳真君猛字世雲嘗有暴風起世

雲書符櫛屋上有青鳥嚙去須臾風止人

問其故答曰南湖有舟過此風有二道士

呼天求救故以此符止之耳驗之果然

尊師伏虎處士養龍

野人閑話閩州雲臺化昔老君張天師經
遊之所觀內有一道士裴浩中者不知何
許人年逾百歲多食松枝或鍊氣而已每
因握固數息冥目靜坐必有猛虎馴擾於
左右同住者亦嘗見之一旦謂門人曰余
有所往爾等好住無替修習門人固留不
住遂褰衣上峭壁若履平地如飛鳥捷猿
直上峯頂杳杳而不見之後鄉里有虎暴

者競畫尊師形像以厭之謂之伏虎尊師
尚書故實牛相國鎮襄陽久早有處士衆
云養龍者公請致雨處士曰江漢間無龍
獨一湫泊中有黑龍強驅必為災難制公
固命之果有大雨漂流萬戶

孝先水上德閩甕中

高道傳葛孝先人呼仙翁嘗從吳王船行
至三江口阻風船多漂沒仙翁船亦不知
所在吳王歎曰仙翁有道德何不能免此乎
乃遣使求之踰宿忽見翁水上行來衣履
不濕既至頗有酒容詰其故曰昨伍子胥
強邀留飲淹屈陛下於此上忻然

天師內傳張仲常字德閩天師玄孫常應
聘至闕潛歸嘆曰吾幾落世網室中常埋
一甕每對妻子茹葷飲酒夜皆在甕中經
日不出

赤松雨師元芝水母

列仙傳云赤松子者神農時雨師也服水
玉以教神農能入火不燒往崑崙山西王
母石室中隨風雨而上下炎帝少女追之

亦得仙俱去高辛時復為雨師焉

晉逸史趙元芝一日出行遇一道士相揖遂引入水去深夜月中行泥濘不污傍見一物如蛇形有五色之光元芝驚異問此何物耶道士曰此謂之水母見者神仙

洞源鳴鐘薦明聞鼓

本傳瞿柏庭師事桃源黃洞源法師一日拜辭洞源問汝辭吾將安往荅曰歸洞府欲留之不克見柏庭顏色光彩異常服短布衣烏縉巾逡巡却行三移足忽然不見洞源與道徒皆愕眙求之無蹤跡鳴鐘集觀戶將大索林莽觀戶至東北林際遇一大蛇當路而止

高道傳道士張薦明通老莊高祖召見問道家可以治國乎對曰道者妙萬物而為言得其極者尸居衽席之間可以治天下高祖大其言延入內殿講道德經拜以為師忽一日聞禁中奏時鼓曰陛下聞鼓乎其聲一而已五聲十二律鼓無一焉然和之者鼓也夫一萬事之本也能守一者可

以治天下高祖善之賜通玄先生後不知所之

剪韭務光服葵桂父

列仙傳務光者夏時人也耳長七寸好琴服蒲韭根殷湯伐桀因光而謀曰非吾事

也湯曰孰可曰吾不知也湯曰伊尹何如曰強力忍垢吾不知他湯既克桀以天下讓光曰智者謀之武者遂之仁者居之古之道也吾子胡不遂之請相吾子光辭曰廢上非義也殺人非仁也人犯其難我享

其利非廉也吾聞非義不食其祿無道之世不踐其位況於尊我我不忍也遂負石自沉蓼水已而自匿後四百餘年至武丁時復見武丁欲相之不從武丁以輿迎而從辟不以禮遂投河浮山後遊尚父山真

語云務光剪韭以入清冷之泉是也又桂父者象林人時黑時白時赤時黃南海人見而尊事之常服桂及葵以龜腦和之千九十九斤桂父累世見之今荊州之南尚有桂丸焉

仙流譚宜容作子主

仙傳拾遺唐譚宜開元末生墜地能言數歲身逾六尺髭鬚風骨不與常兒同不飲食行及奔馬後忽失所在遠近異之以為神人鄉里立廟祀之大曆中忽還家即霞冠羽衣真仙流也告別父母訖騰空而去

列仙傳子主者不知何處人也詣江都王自言甯先生雇我客作二百餘年不得作真人以為狂王問先生居止云在龍眉山上王遣吏將上龍山巔果見甯先生毛身廣耳披髮鼓瑟主見之叩頭吏致王命先生曰此主是我比舍九世孫也汝勿預吾客事吏乃下山

師文泉涌長洪雪飛

列子瓠巴鼓瑟而鳥舞魚躍鄭師文聞之棄家從師襄遊師襄曰子之琴何如師文曰得之矣請嘗試之於是當春而叩商弦以召南呂涼風忽至草木成實及秋而叩角弦以激夾鍾溫風徐回草木發榮當夏而叩羽弦以召黃鍾霜雪交下川池暴涸

當冬而中徵弦以激蕤，質陽光熾烈，堅冰立散，將終而命宮以總四弦，則景風翔慶，雲浮甘露，降醴泉湧。

拾遺記靈王二十三年起昆昭之臺，亦名宣昭臺，高百丈，昇之以望雲色，時有黃洪能招致羣異，王乃登臺望雲，氣翁鬱忽見二人乘雲而至，鬚髮皆黃，遊龍飛鳳之輦，駕以青螭，其衣皆縫緝毛羽也。王即迎之上，席時天下大旱，地烈木燃，一人先唱能為霜雪引氣一噴，則雲起雪飛，坐者皆凜然。宮中池井堅冰可琢，又設狐腋素裘，紫羅文褥，褥是西域所獻也。又有一人唱能使即席為炎，乃以指彈席上而暄風入室，裘褥皆棄於臺下也。

蕭隨弄玉，配連眉。

列仙傳蕭史者，秦穆公時人能致孔雀白鶴，舞穆公有女，字弄玉，好之，公以女妻之，遂教弄玉作鳳鳴，居數十年，吹簫作鳳聲，鳳來止其屋，穆公作鳳臺，夫婦止其上，不下數年，一旦皆隨鳳去，故秦人為作鳳女。

祠於雍宮，時有蕭聲。

神仙傳黑山仙人犢子者，鄴人也，居黑山採松子茯苓，餌之已數百年，時壯時老，時美時醜，乃知其仙人也。都陽女者，生而連眉耳細，而長眾以為異，俗皆云天人也。會犢子求耦，都女悅之，遂留相奉，時出門共牽犢耳而走，莫能追之。左太冲魏都賦曰：昌容線色，犢配連眉。昌容事載別卷。

張老席帽，孟岐草衣。

神仙傳張老楊州六合縣園叟也，因娶比鄰韋怨女為妻，一日乃挈妻去，且曰：某土居山下，有小莊，明旦且歸，他年相思可令大兄往天壇山南相訪，去數年絕無消息。韋念其女，令男義方訪之，至天壇南有崑崙，如迎拜至一甲第樓閣，花木異常，見一人戴遠遊冠，朱履儀狀，偉然細視之，乃張老也。引入堂內見妹，且碧窓珠箔，服飾之盛，世所未見。進饌精美，留經日而別，贈金二十鎰，并一席帽，曰：兄若無錢，可於楊州北郊賣藥，王家取錢一千萬，特此信既。

歸五六年間，金盡訪王老，取錢果留帽付錢，乃信真神仙也。

仙傳拾遺孟岐清河逸人也，年七百餘歲，言及周時事，如在目前。云曾侍周公升壇，以手摩周公之足，而周公以玉笏一投，與之岐常執之，今已銳矣。每切桂葉而食，漢武帝好神仙，遂披草衣而來，帝異之，驪母射木槎容支機。

廣記李筌往嵩山石室中，得黃帝陰符經，本未曉其義理，因往驪山於路傍見火起。

燒木有一老姥曰：火生於木，禍發必克。筌聞之大驚，曰：此黃帝陰符之秘文，姥何得而言之？姥曰：吾受經已三元六周甲子矣。筌於是拜請與義姥曰：吾受此符，名列仙籍，而後可語至道之妙。夫陰符者，上清所秘，玄臺所尊，理國則太平，理身則得道，非奇人不可妄傳。泄天機者，沉乎三劫，不可戒哉。

博物志：客有居河濱者，年八月十五日，浮槎來，過至不期，客陰異之，乃多膏糈。

棄權去任其所之怒至一城郭處望見織婦因問不答但取支機小石與之曰可將此蜀中問嚴君平客還問君平君平曰去年七月七日客星犯牛女即是汝矣
芝耕雲卧松餐澗飯

仙傳拾遺吳錫自號洞陽子年十五篤志於道善屬文攻楷隸舉進士三教九流靡不周覽隱居南陽倚帝山芝耕雲卧聲利不入

高道傳道士王延字子元九歲好道師正懿先生陳寶熾至十八受業於樓觀與真人李順興相友善未幾訪華山雲臺觀復師焦曠真人授三洞祕訣真經唯松餐澗飲以希真理

司命寶齋老父神枕

仙傳拾遺司命君者常在於民門與御史康元瓌幼小同學嘗贈元瓌一飲器如玉非玉不言其名自此敘別不復再見一旦有商明詣東都所居謁元瓌曰宅中有奇寶之氣願得一見元瓌以他物示之皆非

也乃出司命所與器商胡見頓首曰此天帝流華寶齋耳致於日中則白氣連天承以玉梓則紅光照室此器太上鎮中華之寶亦不久留於人間即當飛去得此寶者受福七世元瓌以玉梓承之夜現紅光滿

室

神仙傳云太上老父者失其姓名漢孝武帝東巡狩見老父鋤於道頭上白光怪而問之老父答曰臣年八十五垂死有道士教臣服木飲水并神枕之中有三十二藥物二十四件應二十四氣其八毒藥應其八風今臣之年轉少此之故也

嚴青夜行園珍書寢

神仙傳嚴青會稽人也居貧常於山中作炭忽有一人與青語臨別授以一書曰汝骨相應得道并教以服石腦法青自得神書之後常覺有數十人侍從時都督逢青夜行因叱從兵錄之青亦叱其從神錄之都督與從者皆不得去明旦行人曰此必是嚴公也家人往叩頭謝過乃放還歸

高道傳巨法師名國珍好神仙學名利兩忘喜怒俱遣食蔬衣弊所守彌篤忽感疾人勉之以藥曰道勝則疾除何慮之有自信之如此一日晝寢門人忽聞車馬往來有頃瓦屋皆震師遂化去

洞府天倉靈壇石廩

神仙感遇傳河東薛逢為綿州刺史夢入洞府肴饌甚多有人謂曰此天倉也既覺即使道士孫靈詠與親吏訪焉至州界昌明縣有洞曰天倉者師乃入洞見石牀羅列飲食名品極多食之味皆甘香敬賞歸以奉薛及出洞門形狀宛然皆化為石矣
湘川記朱陵之靈壇太虛之寶洞當翼軫之宿度應璣衡故曰衡山山有五峯而石廩預其一馬山多詞人樵夫舟子往往能詩嘗有廣州從事舟行聞人詠云野鶴灘西一棹孤月光遠接洞庭湖堪憎回鷹峯前過望斷家山一字無

寡言石室靈府草堂

高道傳道士陳寡言隱王霄峯以琴酒吟

詩放情自任未嘗加飾其山居詩云醉卧
茅堂不閉闌覺來滿目見青山松花落處
宿猿在麋鹿羣羣林際還又曰照水冰作
鑑掃雪玉爲塵何須問今古便是上皇人
將尸解謂弟子曰當感我以青布囊於石
室中慎勿土木爲也臨終以詩示其徒云
我本無形暫有形偶來人世逐營營輪回
債負都還了搔首索然歸上清

又徐道士名靈府號默希子居天台雲蓋
峯建草堂以居之日以修鍊自樂嘗作詩
云寂寂凝神太極初無心應物降雲與性
修自性非求得欲識真精只是渠又曰學
道全真在此生迷途待死更求生今生不
了無生理縱得生知何處生會昌初武宗
詔浙東廉使以起之辭不復出見廉使獻
言志詩曰野性歌三樂皇恩出九重傳來
紫宸命遣下白雲峯多愧書傳鶴深慚紙
書龍將何佐明主甘老在巖松廉使表以
哀稿免命由此絕粒久凝寂而化
劉寬府帥賀元貞郎

真誥劉寬字文饒後漢人今在洞中作董
初府帥正侯主始學道者

陳無已傳賀元世莫知年與其鄉里仕石
晉爲郎章聖皇帝東封有布衣巾裹謁於
道左稱晉水部負外郎賀元帝知其仙者
夜閱榜子得之大驚使求之不獲每與莊
獻皇后言之以爲恨天聖中賀使其弟子
喻澄詣闕獻金銀銅道像直數十萬后怪
之召問澄澄以師對問師曰賀也后亦大
驚問今安在可得見耶澄曰在淮南使臣
有獻固願見也后喜過望遣使隨澄求之
淮南與俱來后爲幸鴻福寺見之其言皆
人所難切於時者后不樂罷之
何元仙品丁義神方

真誥何元盧江瀟人也累遷尚書世業奉
教多施惠立功德永和二年尸解受化南
宮升居仙品以其多施惠故也
西山記吳真君名猛字世雲七歲有孝行
夏不驅蚊懼其去已而噬親也年四十
邑人丁義授以神方復師南海太守鮑靚

得其秘法黃龍中嘗天降白雲符遂以道
術盛行於吳晉之間矣

湘媪丹篆郭公青囊

女仙傳唐貞元中湘潭有一媪不云姓氏
但稱湘媪常易止人舍十有餘年每以丹
篆字救疾閭里莫不應驗媪鬢髮如雲肌
潔如雪策杖曳履日可數百里忽有道士
與媪相遇甚相慰悅或詰道士道士曰此
劉綱真君之妻樊夫人也方知媪即樊夫
人矣

神仙傳晉郭璞好經術博學有高才而訥
於言論詞賦爲中興之冠好古之奇尤妙
於陰陽有郭公者客居河東精於卜筮璞
從之受公以青囊中書九卷與之由是五
行天文卜筮之術樸火轉福通致無方雖
京房管輅不能過也璞門人趙戴嘗竊青
囊書未及讀而爲火所焚

子春青肯遊宮痼疾

幽怪錄杜子春落魄資產蕩盡有一老人
與錢三百萬不告姓名而去旬歲稍盡去

馬而驢去驢而徒老人又與錢千萬數年後負過昔日老人又與錢三千萬曰此而不瘡貧在膏肓矣

唐史隱逸田遊巖京兆三原人初補大學生其母及妻子並有方外志後入箕山就許由廟東築室而居自稱許由東鄰調露中高宗幸嵩山遣中書侍郎薛元超就問其母遊嵩山衣田冠出拜帝令左右扶止之謂先生養道山中皆得佳否遊巖曰臣泉石膏肓煙霞痼疾既逢聖代幸得道遠帝曰朕今得卿何異漢獲四皓乎薛元起曰漢高祖欲廢嫡立庶黃綺方來豈如陛下崇重隱淪親問巖穴帝甚歡

王質爛柯徐甲枯骨

王氏神仙傳王質東陽人時入山伐木偶於石室中見數童子下碁質坐斧柯上觀之童子將棗與質食之无飢渴童子下碁未終一童子曰子可去來已久矣質起視斧柯已爛矣還家親戚無有存者後入山昇天今衢州有爛柯山

神仙傳老子西度關關令尹喜知其非常人從之問道時有客徐甲約日雇百錢計欠甲七百二十萬錢甲見老子出關遠行索債不可得作辭詣關令以訟老子喜得辭大驚乃見老子老子問甲曰汝久應死

吾昔倩汝為吾官卑家貧無有使役故以太女生符與汝所以至今日汝何以言吾乃使甲張口嚮地而太玄符立出於地丹書文字如新甲成一聚枯骨矣

仲節學道觀子奉師

真誥有學道者平仲節河中人渡江入括蒼山受師宋君存心鏡之道具百神行洞房事如此積四十五年精思身形更少體有真氣今年五月一日黃老遣迎日乘雲駕龍白日昇天今在滄浪雲臺

又黃觀子自少好學道而家中奉師朝朝拜禮願乞長生如此積四十九年太上真人以一百四十事試之皆過遂與之金丹而入焦山誦大洞經今補仙官為太極右卿有志者也非師所能致是其寸心定耳

園客瓊圃巴邛益橘

仙傳拾遺園客者濟陰人也安貌端美而良邑人以女妻之客終不取常種五色香草積數十年服食一旦有五色蛾止其香末客衣而薦之以布生花蠶焉至蠶時有女夜半至自稱客妻道蠶狀客與俱往得一百二十頭繭皆如甕大纒一繭六十日乃盡訖則俱去矣莫知所之濟陰人祠華蠶設祠室也

真怪錄巴邛人不知姓家有橘園因霜後盡收餘有二大橘如三四斗益巴人異之剖開每橘有二老叟鬚眉皓然相對象戲亦不驚怖一叟曰恨不得深根固蒂以盡暮中之樂一叟曰君輸我海龍王第七女髮十兩智瓊額黃十二枚紫綃被一副絳臺山霞寶散二度瀛洲玉塵九斛阿母療髓凝酒四勝阿母女熊飛娘躋虛龍縞襪八綉後日於王先生青城草堂還我耳一叟曰橘中之樂不減商山一叟曰僕飢虛矣即於袖中取龍根脯食之如一草根方

圓徑寸形狀宛轉如龍毫釐罔不周悉因削食之隨削復滿食訖以水喫之化爲一龍二叟共乘之足下泄泄雲起須臾風雨晦冥不知所在

金城絳闕清都紫微

逸史有崔生者於青城山下洞見金城絳闕仙翁羽衣霞帔留生酒食以女妻之取青囊藥兩粒令服之每朔望乘鶴上朝藥官歲餘請歸得隱形符乃潛遊宮禁竊錦綵上令羅公遠作法照之殿後果有崔生上令答死公遠曰此人已居上界殺之非國家福上遣兵仗送至青城山洞口果見金城絳闕生妻擲一領巾化爲五色絳橋令生渡橋隨步隨滅須臾雲霧四合但聞鸞鶴笙歌之聲

列子周穆王遊化人之宮化人之宮構以金銀絡以珠玉出雲雨之上而不知下之據望之若屯雲馬耳目所觀聽鼻口所納嘗皆非人間之有王實以爲清都紫微鈞天廣樂帝之所居王俯而視之其宮榭若

累塊積蘇焉

希夷館柏守微茹芝

唐史屬辭王希夷隱嵩山餌松柏雜葷羊七十餘筋力柔彊明皇東巡詔見行在訪以政事與語甚悅

世六

十六

高道傳道士李守微不知何許人常遊蜀談論多滑稽不拘小節人常輕侮之忽謂人曰余將遊五嶽諸山今往矣或問求利術則曰浮生瞬息間益尋真訪道脫灑塵網至若脫氣鍊丹茹芝絕粒皆有益也何區區於利術哉遂遁去嘗與祠部韓岷友善岷贈詩云一定童顏老歲華貧寒遊歷貴人家錄成正氣功雖大忘却元神道更差馬夷鶴毛乾髭髮杖攜龍甲瘦查牙如何舊隱不歸去落盡蟠桃幾着花

世六

伯玉娶婦薊子還兒

三洞珠囊褚伯玉字元璩吳郡錢塘人父爲取婦入前門間伯玉從後門而出往剡居瀑布山修道又嘗遊南嶽路入閩中飛湍赴險伯玉舟航逼晚泊涯際而衝颺

夕震山洪暴起激船於萬仞之上傾墜絕崖徒侶在前判其冰碎緣岨尋求已見伯玉怡然自若後至霍山鍊氣餐霞積年絕粒也

神仙傳薊子訓齊人舉孝廉除郎中又爲

世六

十七

都尉年二百餘顏色不老曾求抱鄰舍嬰兒誤墮地死死家素尊子訓即埋之二十餘日子訓自外來抱兒還之家恐是鬼拯視所埋但泥而已

居士芒屨道者麻衣

仙傳拾遺朱桃推者成都人隱於郭外結草爲廬或伴狂放誕或終日不言益州牧竇軌辟之爲掾不就遺以衣服棄而逃去每織芒屨致於路側行者見之爲留米置於本處桃推夕而取之人謂之居士屨

冷齋夜話有史宗者號麻衣道者坐廣陵白土埭江都檀祇與語多無畔岸索紙賦詩曰有欲苦不足無欲即無憂未若清虛者帶索被玄裘浮游一州間汎若不繫舟要當滅塵慮棲息老山丘檀祇異之陶淵

明記曰白土埭逢三異比丘此其一也有

狂道士借海鹽令所畜小兒登小山山有

屋數椽道人三四輩相勞苦其言小兒一

不能解但得食一既如飴又有問道士曰

謫者何時竟答曰在徐州江北廣陵白土

埭計其謫行當竟矣仍作書授小兒曰為

達之繫小兒衣帶上令還海鹽令喜問曰

衣中何有曰書跡耳又呼問小兒至何處

小兒曰為前道士捉杖飄然去但聞足下

波浪聲至一山中山中人寄書與白土埭

上即引衣帶示令一不能曉小兒歸詣

史宗宗驚曰汝乃蓬萊山中來耶

三洞羣仙錄卷之六

三洞羣仙錄卷之七

筵七

正一道士陳葆光撰集

保言真吏曼卿鬼仙

北夢瑣言道士秦保言勤於焚修嘗白南

嶽真君云上真何以須紙錢為有所未諭

既而夜夢真君曰紙錢即冥吏所藉我又

何須由是獄中益信之

撫遣西蜀崔存訪道尋直於王屋西峯見

石延年曼卿蘇舜欽子美二人對坐隔一

小溪存再拜曰存脫棄利祿以求大道固

有日矣今幸遇二仙於此溪水視之淺而

測之深不得立侍左右何也又聞學士已

作鬼仙乎蘇曰妄也純陽即仙純陰即鬼

既為仙又為鬼乎二仙乃命青童取牋管

作詩以授存存得詩俄見一翠鳥啣一書

置二仙前蘇曰瀛洲君名吾二人乃飛踰

山頂而去

章令飛翠小直擢遷

列仙傳主柱子不知何許人一日上宕山

云此山有丹砂可得數百斤已令章公聞

之即時封山而丹砂自流出如火主柱子

取丹砂與邑令餌之章既餌砂不五年身

輕能飛舉遂與柱子俱飛去

廣記韋小真母許氏守孀事舅姑以孝聞

惟有此女十二歲聰慧無病而卒未殮復

活云初聞召韋小真昇天見天上人皆衣

錦綉引小真見韓司命君曰汝九世祖有

功於國近擢為地下主者今遷地仙之品

汝母有孝道已遷仙階而汝三世已生天

小真自後奉道至長慶年上昇

郭親負擔黃齋挽船

真誥郭親少孤依栖無所隨鄭先生負擔

經七年勤謹無懈怠先生憫其勞苦遂授

以導引法壽至三百歲復遇赤松子授道

法今在大有洞中為真人

廣記書齋者蜀之偏將也常好道行陰功

有歲年矣於朝天嶺遇一老人顏色嬰孺

肌膚如玉與之語曰子既好道五年之後

當有大厄吾必相救勉思陰德無退前志

其後牽下峽舟船覆溺至灘上如有相拯

得及於岸視之乃所遇老人也尋失所在
長房縮地女媧補天

丹臺新錄後漢費長房既遇仙翁欲求道而顧家人為憂翁乃斷一青竹與長房身齊使掛之舍後家人見即其形也以為縊死矣遂葬之長房隨入深山羣虎中留使獨處長房不恐又卧於空室以朽索引萬斤石於心上眾蛇來齧索斷長房亦不移翁曰子可教也復使食糞糞中有蟲甚長房得意之翁曰子幾得道恨此不成長房辭歸長房能縮地脉數千里奄在目前放之還舒也

淮南子女媧氏鍊五色石以補蒼天斷龍足以立四極殺黑龍以濟冀州積盧灰以止淫水蒼天補四極正淫水潤冀州平後

蟲死顯民生

藍方温厚初成慈憫

青瑣藍方字元道亳州父老言自兒童時見先生狀貌迄今如一温厚接物小大皆得其歡心仁宗朝嘗見館於芳林園先生

告去乃賜號曰南嶽養素先生時學士賈公昌朝贈公詩云聖澤濃沾隱逸身道裝宜用葛為巾祝融峯下醉明月湖水源頭釣紫鱗曾見海桃三結子不知卯豆幾回春他年我若功成去願作靈橋跪履人先生和曰近告明君乞得身不妨林下戴紗巾滿斟野酒浮瓊蟻旋釣溪魚贈錦鱗元府烏雛飛後夜洞中龍子養長春君今儻若為同志續有壺天兩箇人一日先生沐浴乃奄然而逝至今往來湖湘間人或見之

馬明富盛同休貧窘

廣記茅濠字初成即東鄉君之高祖也君性慈憫好行陰德周衰入華山師鬼谷先生得其道乘龍上昇故童謠歌曰神仙學者茅初成乘龍上天入太清蓋謂此也

去來狀如飛鳥馬家遂致富盛資產巨萬年老命終明子洪洪弟真罕子智等猶共遵向末年事師乃弛廢之耳

酉陽雜俎秀才權同休元和間落第旅遊蘇湖間遇疾貧窘有走使者本村野人雇已一年矣秀才謂曰子貧迫若此無以寸進因持垢衣授之可以辦少酒肉子將會村老丐少道路資也雇者微笑曰此固不足辦其當營之乃斫一枯桑枝成數段扎聚於盤上喫之悉成牛肉復吸數瓶水傾之乃旨酒也村老皆醉飽獲束縑雖物雇者乃辭去

薛昌瓊卽申屠瓶隱

仙傳拾遺薛昌幽薊人好道訪奇天寶七年於洞天觀樓止累月忽有山翁攜大章陸一根形如巨龜文甲頭足一周備與觀中道士曰此藥可切細令乾用米以麩醱醞酒熟半年外飲者登仙道士如其言醞造一日道士皆赴齋醮唯昌不出越三日道士歸見昌卽瓊側耳鼻血流數日乃

魁身輕日明勢欲飛舉雖山川巖壁不能
隔礙後入大面山不知所之
樹堂記申屠有涯放曠林泉常攜一瓶一
日躍身入瓶中時號為飛隱
元泰龍軒公度鳳勒

丹臺新錄姚坦字元泰平陽人雅操遐標
深根內植乃託影神鄉遠期真隱遂遁幽
巖日誦五千文遇許真人授以元白回黃
之道行之雨不沾衣泥不汚履自有神光
如電簡王時駕龍軒以昇天

又尹軌真人字公度太原人也絕粒行氣
專修上道能變化無常或為道士或為儒
生或為童孺或為長老或與羣真乘仙驂
龍割鳳巢空駕虛雲馳電邁出有入無分
形散影處處遊集云吾今已年一千三百
歲所歷甚多非爾曹短札所能記錄一日
忽竦身入雲騰空冉冉而去但聞笙簫之
聲唯餘器服細素存焉
始皇起臺黃帝置觀

拾遺記始皇起雲明臺窮四方之珍木搜

天下之工巧南得煙丘碧木鄼水燃沙貴
都朱泥雲罔素竹東得葱鬱錦柏煙燧龍
松寒河星拓岬雲之梓西得漏海浮金狼
淵羽墾滌嶂霞桑沈塘負籌北得冥阜乾
漆陰阪文梓寨流黑鬼閩海香瓊珍異是
集工人騰虛浚木揮斤斧於空中子時起
工午時已畢秦人謂之子午臺

黃帝內傳王母飲帝以碧霞之漿赤精之
果因授帝白玉像五軀曰此則元始天尊
之真容也又授帝二儀本形圖還丹十九
首帝乃作禮置於高觀之上親自供養后
妃臣妾莫得親之其觀上常有異色雲氣
奇香聞數百步時人謂之道觀道觀之號
自此始也

黃安舌耕和璞心筭

列仙傳云黃安自云早穉不獲處人間遂
執鞭誦書劃地計之一夕地成裂時人謂
黃安舌耕年八十色如童子
仙傳拾遺邪和璞隱居瀛海間得神仙之
道使人以心注念於物布筭而知之無不

中者居高頴聞者書三篇曰頴陽書有筭
心旋空之訣

廣成窈冥盧敖汗漫

神仙傳廣成子者古之仙人也居崆峒之
山石室之中黃帝膝行而前再拜請問治
身之道廣成答曰至道之精窈窈冥冥至
道之極昏昏默默無視無聽抱神以靜形
將自正必靜必清無勞爾形無搖爾精乃
可長生

又盧敖見一士深目而結喉鵠肩而脩頸
豐上而殺下据龜殼而食蛤蟹謂敖曰吾
與汗漫期於九垓之外不可久留而去
齊女玉鈎傳生木鑽

女仙傳鈎翼夫人齊女也姓趙好清靜病
卧六年右手拳飲食少漢武帝時望氣者
云東北有貴人氣推而得之召到姿色甚
偉帝發其手即展而得玉鈎幸之生昭帝
武帝尋宮之殯尸不冷而香昭帝即位更
葬之棺空但有絲履故名其宮曰鈎翼
真誥昔有傳先生者少好道入焦山石室

中積七年而大極真人接之與一木鑽今鑽一石盤厚五尺許告之曰穿此石透當得道其人心專晝夜鑽之積四十七年不替鑽盡石穿遂得神丹今為西嶽真人淮陽一老開皇九仙

本傳前漢應曜隱於淮陽山中與四皓俱召曜獨不至時人詩曰南山四皓不如淮陽一老後漢應邵八代祖也

仙傳拾遺開皇九仙者孔丘明楊元忠張法樞吳天印陳志空駱法通鄒武君謝幽

巖周仙用鄧希元當漢楚交兵之際無栖此之所各有修道之志避世入山契為兄弟同遊五嶽後居洪州西山皆得仙矣至隋開皇中鸞鶴儀衛會於玉笥山中九仙臺上徘徊終日一時昇天

喜稱文始周號闡編

丹臺新錄尹喜初為函谷關令見一老人乘青牛薄輦車來喜頓首而前曰聖欲何之曰吾在關東田在關西時來採薪吾無道德學子問訊老人再三辭喜不得乃曰

子既知吾吾亦知子有信道之心遂授以道德喜道成德備號文始先生補無上其人

真誥莊周師長桑公子授以微言謂之莊子也隱於抱犢山修煉著書服北育火丹

白日昇天上補太極闡編即

軒集採葉馬湘摸錢

高道傳羅浮先生軒轅集居羅浮山人傳數百歲顏色不老髮長至地坐暗室則目光長數丈採藥巖谷長有毒龍猛獸衛護

赴民家請齋者百餘處無不分身宣宗召入禁中問長生可致乎集曰絕聲色薄滋味哀樂一致德施無偏自然與天地合德日月齊明雖堯舜禹湯自可致況長生乎先生能以桐竹葉按成錢

神仙傳馬湘字自然有道德術嘗於江南刺史馬植座上以酒盃盛土種瓜須臾引蔓花實食之甚美又能徧身摸青錢投井中呼之即出

靈輿福地山圖洞天

高道傳王靈輿者九江道士居五老峯夜

有神人告曰得道者各有其地如植五穀於沙石之間則不能成既有飛仙之骨當

得福地靈墟可以變化非其地則魔壞其功無由冀矣師曰可栖者何地曰朱陵之

上峯紫蓋之鄰岫乃洞天福地也可以冲天師從之遂遷居衡山一紀功成天監中

白日上昇

真誥山圖子者周哀王時大夫亦仙人也授張激子服九雲水法而激子修此道上

補九宮水今山圖子亦在洞天中與激子對局

對局

達靈復髭張果擊齒

超化寺壁誌唐黃門內侍謁者任達靈題云予自知命之年從鸞輿西幸當天寶丁

亥十二月得青城丈人授真元丹訣而意未曉屬駐蹕行在掌命頗煩及肅宗至德

丁酉歲啣命經於高丘復遇丈人始全使神水黃芽之道洎畢請告回觀宸扈乞骸

歸田會南曹郎張公去非左史程公大虛

皆以其故廬共製神室皇天春祐丹鼎融
光服餌浹辰肌容發爽凌虛不懾意愈通
神自餌靈丹起至德丁酉迄今上乾符甲
午歷春秋一百一十有八載更十二朝遂
得還童復髫矣

明皇雜錄張果者明皇召見一日嘗賜董
斟飲之果遂舉三卮醺然有醉色顧謂左
右曰此酒非佳味也即偃而卧食頃方寤
忽覽鏡視其齒皆斑然焦黑遽取鐵如意
擊其齒盡墮以藥傅齒又寢久之再引鑑
視其齒已生堅然光瑩愈於前也

雞師救病警靈導水

戎幕閑談唐蜀川費雞師者目赤無黑善
知將來事能與人禳救其術或疾病來告
者雞師即抱一雞而往設祭於庭又取一
石如雞卵大令病人握之乃置步作氣噓
叱雞旋轉而死石亦四破則病者瘥矣因
號雞師云

仙傳拾遺警靈楚人也死棄其尸於江中
泝流而上至汶山下慶然而起隱於蜀山

中以變化驅役鬼神之術聞於世時峽中
山摧堰江不流杜宇苦之聞警靈着術使
彼金堂山瞿塘峽導水東注復舊所人得
陸處宇遜位數百年遊天柱山遇天真集
焉遂昇天而去

葛由刻木張辭剪紙

列仙傳葛由蜀人周成王時常刻木為羊
賣一日騎羊入蜀王侯貴人迎之至綏山
隨之者皆得一桃不還里人諺曰得綏山
一桃雖不仙亦足豪

廣記張辭有才學養氣絕食嗜酒耽碁嘗
吟云爭奈金烏何頭上飛不住紅鑪謾燒
藥玉顏安可駐今年花發枝明年花滿樹
不如且飲酒朝暮復朝暮時或以紙剪蝴
蝶數十枚以氣吹之成列而飛拍手即下
或一日剪一鶴以水噀之俄而飛翥辭曰
爾先去我後來

馬儉制邪劉根召鬼

丹臺新錄馬儉通詩禮年十七遇人得道
甲鳥角鳥情縉候之設善攝召萬靈制邪

伏魔一旦感天神降與語曰法師宿有功
德必得度世何須召役鬼神可秘其術絕
其往來怡神抱一真仙自降儉從之白日
上昇

神仙傳劉根能治病驅役潁川太守杜新
聞之以為妖妄因呼根至郡謂根曰君有
何能而常惑眾根曰某能令人見鬼新曰
今即試看若無鬼汝當見誅根曰鬼甚易
見可借府君前筆硯新從之根書符作長
嘯聲須臾廳南壁忽開數尺見有四五百

人赤衣操刀劍從壞壁中入至墀下面縛
府君父母而來泣曰汝何為犯神仙尊官
使我被縛困辱如此府君叩頭求乞放赦
根戒救遣之遂免後一月府君與夫人郭
氏皆卒

陳長架屋嚴青挽舟

抱朴子陳長居茅蕘山已六百餘年山中
人為之架屋每四時祭祀之陳不飲不食
顏如五六十人葶蕈山方千里上有千餘
家風俗與吳同

又嚴青會稽人食貧販炭忽於塗中遇異人授以素書一卷青曰我不識字神人曰不須讀但置於靜處可也青自後神通潛有人為挽舟而入只見炭船自行後為人治病即以所授之書到家其人自愈入小

霍山得仙

卷七

希夷堯舜洪崖巢由

神仙傳陳搏字圖南號希夷先生時遇金甲神人指隱華山太宗皇帝召見問曰朕欲以堯舜之道治天下可乎對曰臣聞堯舜土階三尺節茨不剪陛下若能如此正所謂今之堯舜也

高道傳道士張氲號洪崖子隱豫章山開元中明皇召問朕何如堯舜先生何如許由對曰陛下道高堯舜臣德謝許由昔堯召由而由不至今陛下召臣而臣來上嘉之拜先生太常卿累遷至司徒皆不受乃曰陛下何惜一山一水令臣追迹巢由上許之居於西山巨崖乃先生舊隱之處也豫章記云隋開皇改為洪州以先生所居

山名而名之

程戒二虎陶畫兩牛

高道傳程太虛果州西充人幼好道年十五登所居之東山飄然有凌虛意尋有五色雲霞擁其身及長絕粒坐忘常有二虎隨侍出入師因名之曰善言善行乃撫其背而授以三歸之戒二虎跪伏以聽自後呼名則至

隱居傳陶隱居先生居積金峯修真誥梁武帝屢詔不起先生即畫兩牛以進一牛

散放水草中一牛著金勒有人執之帝曰先生意效曳尾龜也不可致之

許尋偃月杜拜庭秋

列仙傳許借過遊名山所至處題字云尋偃月子到此忽作一詩云閨苑花前是醉

鄉誤翻王母九霞觴羣仙拍手嫌輕薄謫向人間作酒狂於酒樓乘雲而去

高道傳杜光庭字賓聖號廣成先生唐末有狂道士晦名謁先生求寓泊之所先生雖諾之未嘗與之相見道士日貨藥於市

得錢即沽酒飲之唯唱感庭秋時人呼為感庭秋凡半年人亦不知其異一夕大醉

唱聲愈高有窺之者見燈燭綵綉筵具器皿羅列甚盛青童侍立斟酒而唱窺者具

以白先生先生乃款其戶曰光庭量識膚

淺不意上仙降鑒深為罪戾願匍匐一拜

光靈以消塵障道士曰何辱勤奉之若是當出奉見道士即時收筵具及童子置於

冠中啓戶空室耳

方朔窺窓張平鑿井

漢武帝故事七月七日上御承華殿有二青鳥來集殿前上問東方朔朔曰西王母欲來有頃母至時南窓下有窺看帝驚問

何人母曰是汝侍郎東方朔性滑稽我鄰

家小兒也

廣記唐刺史張士平中年夫婦俱雙瞽遂杜門醮謝以祈保佑愈久愈勤元和間忽

遇一書生曰此疾不假藥餌但於福地鑿井得水洗之可也君從之開井取水洗眼即時明淨夫婦作禮厚謝書生不受曰吾

乃太白星官也以子抱疾不忘於道精勤無怠上帝遣我授汝道術以荅修奉之勤金帛之遺非吾所好

白至仙居李踐真境

廣記白幽求貞元中下第入海風飄雨馳

維舟山下夜聞風擊木葉相摩如人誦詩之聲云玉幢亘碧虛此乃仙人居之句俄而見千餘人騎龍控鶴乘龜履魚而至以手拍水如在月中行有呼水府使者白幽求而授以水府之牒幽求隨行忽至一島上望見人煙遂歸家無有存者云已數代矣

仙傳拾遺李琳燕人也寶曆中與友人遊五臺山偶墮於風穴中見一人形如獅子引入洞中即以水令琳飲之且曰汝雖凡流得入吾洞府踐吾真境亦有道分矣汝有希生之心今暫歸他日可復來飲此神漿亦可延年益壽矣

昭王懷珠玄帝埋鼎

仙傳拾遺昔黃帝時務成子遊寒山之嶺

見黑蚌在高崖之上故知黑蚌能飛矣至

燕昭王時其國獻於昭王昭王取珪璋之水洗其沙泥乃嘆曰自有日月以來見黑蚌生珠已八九十過此蚌千歲一珠也王暑月常懷此珠體自輕涼號銷暑招涼珠

真誥大茅山有玄帝時銅鼎鼎可容四五斛在山獨高處入土八尺許上有盤石掩鼎上玄帝時命東海神使埋藏於此

武丁被召少君言請

仙傳拾遺成武丁桂陽人也年十三為縣

宰遣送物上州州牧周忻異之留為文學主簿因被使自京還過長沙郡投郵舍不及遂宿野木下忽聞人有語云向長沙市藥平旦見二鶴君異之遂往市門伺候果見二老人君從之數里老人問子隨我何求耶曰聞君有濟生之術因來侍從耳老人顧笑於袖中出玉函看素書果有武丁姓名各出藥一粒與之因而得道一日謂弟曰七月七日牽牛詣織女吾被召還宮不得久留言訖而卒後葬太守使人發棺

不復見尸但有青竹杖弄焉而已

神仙傳李少君嘗合丹丹未成謂武帝曰陛下不能絕奢侈遠聲色殺伐不止喜怒不除萬里有不歸之鬼帝朝有流血之鬼神丹大道未可得成也少君忽稱病是夕

帝夢與少君俱上嵩山^{十六}道有使者乘龍持節從雲中下言太一請少君帝覺謂近臣曰少君將舍我去明日少君疾因帝自往視則已化矣帝曰故化去耳歛而失之

三洞羣仙錄卷之七

三洞羣仙錄卷之八

建八

正一道士陳葆光撰集

漆園傲吏煙波釣徒

晉郭璞遊仙詩曰漆園有傲吏萊氏有逸妻注云莊子嘗為漆園吏楚威王使厚幣

迎許以為相莊周笑謂楚使曰巫去無汗我漆園傲吏

漁歌記憲宗來訪玄真子漁歌李德裕為

潤州刺史乃獲之玄真子張志和也自號

煙波釣徒歌曰西塞山邊白鳥飛桃花流

水鱖魚肥青箬笠綠蓑衣斜風細雨不須

歸二曰釣漁父褐為裘兩兩三三舴艋舟

能縱棹慣乘流長江白浪不曾憂三曰雪

溪灣裏釣魚翁舴艋為家西復東江上雪

浦邊風笑著荷衣不嘆窮四曰松江蟹舍

主人歡菰飯是八蓴羹亦共飡楓葉落荻花乾

醉拍漁舟不覺寒五曰青草湖中月正圓

巴陵漁父棹歌蓮釣車子擷頭船樂在風

波不用仙

蘇耽鶴櫃孫真牛車

郴江集蘇仙君耽忽一日掃洒庭宇具衣

冠若有所待俄見西北雲鶴翔集從空而

下君乃入跪白母曰太上召補為真官儀

衛已至不得終養言訖拜辭子母歎歎久

之母曰汝去後使我何以存養君因留一

櫃扁鑲甚固曰有所闕乏可扣櫃呼之所

須即至慎勿開也自後母但有所闕叩櫃

其物立至母一日心疑其櫃開視之有雙

鶴飛去自後雖扣無復應矣

抱朴子孫真事帛和先生得其道一日告

行先生將一符函與之云前有牛車迎汝

即乘之所有供給行廚食之無疑切不可

開函真跪受以行前果有牛車來問曰君

是孫道士乎帛君遣車相迎真上車如飛

每渡水不由橋梁酒食供給悉備一日弟

子竊開只見畫牛車一乘即時不知所在

真後亦數與帛和乘車出入

彌明賦鼎陶白攜壺

高道傳道士軒轅彌明往來衡湘間與劉

師服友善彌明自衡山過太白知師服在

京夜抵其居校書郎侯喜有詩名與師服

擁爐說詩彌明在座貌甚陋喜視之蔑如

也彌明因指爐中石鼎曰二子能賦此乎

師服雖舊識不知其有文也劉先生吟曰

巧匠斲山骨剝中事煎烹次侯曰直柄未

當權塞口且吞聲彌明啞然笑曰子詩如

是而已因高吟迭賦十餘韻彌明應之如

響二子思竭不能續起謝曰尊師非世人

能出也其輩伏矣

廣記陶太白公每以採藥為業一日攜壺

拉友遊嵩山坐於林下聞松梢有笑語之

聲仰視果有二人公曰君必神仙可能下

降而共飲乎俄見一丈夫女子古服而下

曰予乃秦之役夫也毛女乃秦之宮人與

予同脫驪山之禍乃匿於此陶曰今遇真

仙金丹大藥可得聞乎曰予本凡人但能

絕世食木實乃得凌虛不覺生之與死俗

之與仙如何耳遂折松枝叩壺而歌曰餌

柏身輕疊嶂間是非無意到人家冠裳暫

備論浮世一餉雲遊碧落間

子良青簡永叔丹書

真誥周子良陶隱居之弟子自幼溫雅肅然高邁天監中真仙屢降其室曰周生修功積德可為不負其志矣子良曰枉蒙上真賜降欣懼交心無以自措司命君曰近往東華見子之名已上青簡保列保晨司矣

青瑣歐陽永叔與梅聖俞遊嵩山醉望西峯崖上有丹書四大字云神清之洞永叔指示聖俞聞無所見公乃不言洎乞身告世作詩曰四字丹書萬仞崖神清之洞鏤樓臺煙霞極目無人到鸞鶴今應待我來後數日公薨

元化滌腸黃眉洗髓

後漢華陀字元化仙人也沛相陳珪舉孝廉太尉黃琬辟皆不就精於方藥處劑不過數種若疾發結於內針藥所不能及者乃先令以酒服麻沸散既醉無所覺因剗破腸背抽割積聚若在腸胃則斷截澆洗除去疾穢既而縫合傳以神膏四五日則

愈一月之間皆平復

漢武故事東方朔生三日而父母俱亡或得之而不知其姓以見時東方始明因以為姓既長常空中獨語後遊鴻濛之澤有老母採桑自言朔母一黃眉翁至指朔曰此吾兒也吾却食服氣三千年一反骨洗髓二千年一剥皮伐毛吾生已三洗髓五伐毛矣

郝姑桃蔬許僕市米

女仙傳郝姑祠在莫州莫縣西北俗傳云郝姑者字女君魏青龍中與鄰女於滹沱水邊桃蔬忽二青童至前曰東海公娶女君為婦言訖敷連襪於水上行坐往來有若陸地童子侍側泐流而下鄰女告其家人人往看莫能得也女君遙語曰幸憑水仙願勿憂怖後立祠水際祠前忽生青白石一縱一橫闊可三尺高二尺餘有舊題云此姑夫上馬石至今存焉皇朝類苑洪州西山有許大夫婦出入山中相傳許旌陽僕也方與妻市米於西嶺

及歸而許君已拔宅上昇矣許大有詩云自從明府歸仙後出入塵寰直至今不是藏名混時俗賣柴沽酒要安心許君乃授以地仙之術改姓千大至今人多見之戲臣鼓吻狂士掩耳

酉陽雜俎邢和璞嘗延一客鼓髯大笑吻角侵耳與邢劇談而去或問之曰上帝戲臣也

神仙傳和州南門外見一縷縷狂士賣葫蘆子云一二年間甚有用處卒無人曉其理或時兩手掩耳急走言風水聲何太甚邪孩童隨之時人呼為掩耳先生來年秋江水漲泛淹沒數百家眾人皆見狂士在水上坐一大瓢兩手掩耳大呼風水聲何太甚泛江而去

北海掛冠南陽遺履

後漢逸史逢萌字子廉北海都昌人也家貧給事縣為亭長時尉行過亭萌候迎拜謁既而擲楯嘆曰大丈夫安能為人役哉即解冠掛東都城門歸將家屬浮海客於

遼東後之瑯琊勞山養志修道人皆化其德

集仙傳漢南陽公主出降王咸屬王莽秉政公主夙慕清虛尚崇至道每追文景宗之爲理又知武帝之世累降神仙謂咸曰國

祚如此非女子可以扶持但當自保恬和退身修道稍遠冀競必可延生若碌碌隨時恐不免於支離之患遂入華山結廬精思真靈屢降道成乘雲飛昇而去但於嶺上遺朱履一雙前取之已化爲石因謂之公主峯

王卿白兔呂公青蛇

原化記王卿爲天師守丹竈竊發其封而窺一白兔躍出衆皆曰丹已去矣一道士化爲鶴飛去須臾擒兔來復投筭中

青瑣賈師雄郎中有古鐵鑑甚寶之久欲淬磨有回處士言善磨鑑筭中取藥堆鑑上曰藥少須歸取之既去久不至遣人詢其宿止乃在寺中題詩寺門上手內青蛇凌白日洞中仙果艷長春須知物外煙霞

容不是塵中磨鏡人公視鑑上藥已飛去一點表裏光明又贈張洎云朝遊南越暮蒼梧袖裏青蛇膽氣鹿三入岳陽人不識高吟飛過洞庭湖

錢真飛練女褒浣紗

茅山記女真錢氏二姊妹依止茅山隱陶居誦黃庭經積三十年一日告別先生曰何之荅曰上賓金闕先生以詩贈之云道士送仙客送到茅東太華十萬里遠望杳冥鴻真人荅詩曰師住好師住勞師遠相送仙籍有仙名在蓬萊洞即時飛練入洞及女弟至則洞已扁矣即今燕洞是也有紫萸蒲碧桃馬故田霖有詩云燕洞龍泓氣象清錢真此處有遺靈仙兄去後師猶在女弟回時洞已扁雲片尚如披白練泉聲長似誦黃庭碧桃花發萸蒲紫萸與人間作畫屏

仙傳拾遺褒女者漢中人也居瀘沔二水之間幼慕神寂既笄因浣紗於水際雲雨晦冥若有所感而孕父母育之憂志而疾

臨終謂其母曰死後當以牛車載送西山之上即所願也言訖而終父母置之於車中未及駕牛而車自行踰漢澗二水橫流而渡直上平原山嶺家人追之但見五雲如蓋天樂震空幢節導從其女昇天視車

中空棺而已

張白飲酒樵青煎茶

括異志張白字虛白自稱白雲子好沈靜博學能文兩舉不第每沉湎於酒會親喪乃泣曰祿以養親今親不逮于祿何爲遂辟穀養氣全神爲事因脫去儒服爲道士入鄜中多行詬罵切中人微隱之事風雪苦寒必破冰深入水中安坐氣如蒸炊指顧之間悉以乾燥居常飲崔氏酒肆嘗題其壁云武陵溪畔崔家酒地上應無天上

有南來道士飲一斗醉卧白雲深洞口其後解去

陸說張志和有奴曰漁童婢曰樵青或問其故曰奴使捧釣取鱸蘆中鼓柁婢使樵蘭新桂竹裏煎茶

王老打麥張洎破瓜

神仙傳王老房州宜君縣人也居於村野頗好道愛客一旦有繼縷道士造門王老與妻延禮之居月餘道士俄遍身惡瘡王老為求醫看瘡益動道士言不煩以凡藥但得美酒數斛浸之自愈王老乃為造酒及熟道士命貯以大甕自加藥浸之遂入甕二日方出鬚髮俱黑顏復少年肌若凝脂焉仍令王老飲之王老時方打麥與其妻子并打麥人共飲皆大醉道士亦飲云可上天去否於是祥風忽起綵雲如蒸全家人物雞犬一時飛去空中猶聞打麥之聲全宜君縣西有昇仙村存焉

楊文公談苑張洎家居城外有一隱士乃呂仙翁姓名洎倒屣見之索紙筆八分書七言詩一章留與洎頗言將相鼎鼐之意其末句云功成當在破瓜年俗以破瓜字為二八洎果得六十八乃其識也

巫山雲雨姑射冰雪
集仙錄雲華夫人王母第二十三女名瑤

姬嘗遊東海還過江上有巫山焉峯崑挺拔林壑幽麗巨石如壇留連久之時大禹理水駐於山下大風卒至崖谷振墮力不可制因與瑤姬相值拜而求助即教侍女授禹策召鬼神因命其神助禹斬石疏波決塞道阨以存其流禹嘗詣之於崇嶽顧眇之際化而為石或倏然飛騰散為輕雲或悠然而止聚為夕雨或為飛龍或為翔鶴千態萬狀不可親也其後楚大夫宋玉以其事言於襄王王不能訪其道要以求長生築臺於高唐之館作陽臺之宮以祀之宋玉作神女賦以寓情荒淫託辭穢蕪高真上仙豈可誣而降之也

莊子藐姑射之山有神人居焉肌膚若冰雪綽約若處子不食五穀吸風飲露乘雲氣御飛龍而遊乎四海之外

元嘉六舉素卿三絕
朝野僉載唐元嘉少聰俊左手畫圓右手畫方口誦經史目數羣羊兼成四十字詩一時而就足書一絕六事齊舉時號神仙

童子
實賓錄五代蜀道士張素卿畫獻神仙十
二軸歐陽炯為讚水部貧外郎皇居寒八
分題之號三絕

樂巴斬狸長房訶龍
神仙傳樂巴聞廬山廟有神與人語於帳中巴未到十數日廟中神不復作聲遂逃不知所任巴自行逐捕鬼乃化為書生到齊齊太守見其姿容妖麗又有才辯乃以女妻之生一男巴到齊謁太守聞卿有好女婿明於五經可得見否太守遂令婿出婿拒辭不出巴求之不已婿告婦曰今日出必死如之何女怪之巴知其不出乃以符付太守婿得符涕泣而去巴厲聲訶之為狸遂斬其頭子亦化狸并殺之矣

又費長房為市掾過壺公得道能治鬼汝南郡中常歲鬼怪每來時導從威儀如太守入府打鼓周行及去甚悲後長房詣府而正值此鬼長房厲聲呼使捉來鬼乃下車叩頭乞得自改長房呵曰不念溫良無

故導從唐突郡守復汝真形須臾成一大
鼉長房令持符送與葛陂君流涕而去使
人追視之至陂鼉死矣

雷劔衝斗堯查貫月

晉書云牛之間有紫氣雷煥曰寶劔之精

上徹於天云在豫章豐城乃掘獄屋基入
地四丈得石函中有雙劔一曰龍泉二曰
太阿煥得劔送一與張華一自佩及華誅
朱劔所在及煥卒其子眾持劔行經延平
津忽於腰下躍出墮水使人入水見兩龍
盤合光照水而去煥曾云靈異之物終當
化去果然

仙傳拾遺堯登位三十年有巨查浮於西
海查上有光夜明晝滅海人望其光乍大
乍小若星月之出入矣查常浮繞四海十

二年一周天周而復始名曰貫月查

張哥呼蝶初平叱羊

散仙傳慶曆間有張九哥者在京師有道
術燕王一日登樓上命呼之嘗賜以酒九
哥曰某有小伎欲以悅王可乎王曰何伎

也九哥曰借王帛一疋并金剪一柄王悉
與之取羅碎剪為蜂蝶狀隨剪皆飛去莫
知其數或集王衣或聚美人釵釵上王驚
顧大喜九哥曰恐失王之帛乃呼之一一
皆來復為羅一端羅中間一缺似一蝶之

痕乃一蝶為宮人所捕也王曰此一蝶可
復歸乎曰不可也若隨呼而來即可既久
即已亦留此為異也乃別去

神仙傳黃初平家使牧羊有道士將入金
華山不歸兄初起求之不得後於市中見
一道士問之道士曰金華山下一牧羊小
兒非是耶初起隨道士往見其弟問羊何
在初平曰羊在山東起往視之但見白石
初平叱之白石皆化為羊

順興辟戎進賢罵羗

丹臺新錄李順興年十一與道士籍一日
有飛仙千數集空中神光照室命侍經仙
郎開九色流霞之蘊出經二卷以授之魏
文帝嘗召入都城朝野欽信稱為李鍊師
年三十八大統六年託疾告終葬日有姪

過於驪山道中謂曰若天子尚未忘我則
可於此作吾像北向居之當為國家辟北
戎之淫俗也姪還家方知已化遂以寶奏
遣使發視則空棺而已乃立祠於沙苑號
李聖

真誥王衍為晉武帝尚書令其女字進賢
為愍懷太子妃洛陽陷劉曜石勒掠進賢
渡孟津於河中欲妻之進賢罵曰我皇太
子婦司徒公之女而胡羗小子敢干我乎
言畢即投河中其侍婢名六出復言曰大

既有之小亦宜然後投河中時遇嵩高女
真韓西華出遊而愍之撫接二人遂獲內
救外示死形體實密濟使將入嵩高山令
在華陽宮洞中易遷之宮六出時年二十
二三體貌亦整善有心節本姓田漁陽人
魏故浚儀令田諷之孫諷曾有陰德之行
以及六出耳

孟欽風旋丘林雲翔

晉逸史孟欽得左慈劉根之法百姓歸向
之時符堅惡其惑眾欲誅之俄而欽至堅

留之飲酒酣今左右執之欽化為旋風而去有告在城東忽前溪水不能渡真詰范丘林在華陽宮為保命丞善長嘯如百鳥之雜鳴或如風激眾林或如伐鼓之音須臾雲翔其上衝氣動林

休復妓侮徐姑僧僵

仙傳拾遺陳休復者號陳七子嘗於巴南太守筵中為酒妓所侮休復笑視其面須臾妓者鬚長數尺泣訴於守守為祈謝休復呪一杯酒使飲之良久如舊

廣記徐仙姑者北齊僕射徐之才之女也年數百歲狀貌常如二十四五歲喜禁咒之術名山勝景無不周遊多宿巖麓之中寓止僧院忽為豪僧數輩微辭巧言侮之姑罵之羣僧激怒色愈悖姑笑曰我女子也而能棄家雲水不避蛟龍虎狼豈懼汝鼠輩乎姑即解衣而卧遽徹其燭僧喜以為得志洎明姑理策出山諸僧一夕皆僵立尸坐口不能言姑去數里僧乃如故淮南八公田谷十老

神仙傳淮南王劉安折節下士有八公者詣其門門吏曰王上欲延壽命以期長生不老之道今公皆老矣公曰若王必欲見少年謂之有道謹以少矣言訖皆化為童子色如桃花

高道傳法師嚴達字道通幼有方外志與王延蘇道標程法明周化生王真微史道樂于長文張法成伏道崇等十人以道術相忌同於出處世號十老

趙昇取桃田師降囊

神仙傳漢天師將諸弟子登雲臺絕巖之上下有桃一株如人臂傍生石壁下臨不測之淵桃大有實天師謂諸弟子曰有人能得此桃實當告以道要於時伏而窺者二百餘人股戰流汗無敢久臨視者莫不却退而還謝不能得昇乃從上投擲木上足不蹉跌取桃實滿懷天師乃分賜諸弟子後授以至道白日上昇高道傳田法師者名任文古邠人也授三洞經法服餌鍊氣齋戒修奉未嘗少輟每

與人祈福及救疾無不通感即獲平愈陳綱嘗請作醮忽神降囊數顆在壇食之則非人間所有者夢昌戴花子韋被草郡閣雅談伊夢昌不知何許人因夢兩日遂立其名唐末不仕披羽褐遊山水散逸愛戴花又青瑣後集夢昌嘗題攸縣司空觀仙壇云唯有青松空弄日更無雲鶴暗迷人題黃蜀葵云露凝金盞滴殘酒檀點佳人噴異香夢昌後尸解人發其棺無尸

太平廣記宋景公之世有善星文者許以上大夫之位處層樓延閣之上以望氣象設以珍食施以寶衣忽有野人被草負笈叩門而進請見景公公延之崇堂語則及未來之兆及已往之事萬不失一夜則觀星氣晝則執算披圖不服寶衣不甘奇食景公謝曰今國喪亂微君何以輔之曰德之不均亂將及矣修德以來人則天降之祥人美其化景公稱善遂賜姓曰子名之韋即子韋也

韋即子韋也

萬傳八音韋贈三寶

仙傳拾遺萬寶常者不知何許人也幼達音律因於郊中遇十許人車服鮮麗摩幢森列召之曰上帝以子天授音律之性將傳八音於季世故將壞之樂然正始之音子未備知也命坐乃教以歷代之樂治亂之音靡不周述寶常畢記之由是羣仙凌空而去寶常自此人間之樂無不精究神仙感應傳韋命字景昭因下第遊蜀至鄭氏園亭見仙子數十左右侍衛華裾麗服非世所觀謂曰予有新曲名曰紫雲今天子崇尚神仙之道吾欲以此樂授與吾子而貢於聖唐之君以此相託可乎弁曰某儒生耳素非知音固不可為也美人曰既不能余當寓夢以授於天子也然子已至此亦道分使然願以三寶為贈其舊之可以畢世而富命侍者出一杯謂之碧瑤杯又出一枕似玉而粟其紋又出一紫玉函皆光彩瑩徹俱受於弁拜而謝之即別去回顧夫向亭臺矣

叔隱仙伯周顛鬼官

丹臺新錄秦叔隱今在華山為仙伯真誥周顛為鬼官司帥注云周顛字伯仁汝南安城人仕晉過江位至尚書僕射元帝永昌元年王敦南下遣收於石頭南門被害年五十四歲追贈光祿開府謚康侯賈耽偷書神通竊丹
逸史賈耽一日令健卒入枯井中取文書果得數軸皆道書也遂遺十餘人寫纔畢一有道士突入呼賈公姓名叫罵曰爭敢偷書耽避謝道士復持去
高道傳輔神通幼孤貧為人牧牛以自給每於牧所見一道士往來久而稔熟謂神通曰能為弟子乎曰可乃引入水汝宜隨之無憚既入見所居嚴潔有藥臺丹竈使神通看火兼教黃白術經三年神通輒思人間會道士出乃竊丹別貯之既歸問丹所在則隱而不言道士嘆息曰吾本與汝道要今若是曷足授教雖備解諸法然無益長生遂引去

廖冲鶴骨平阿玉顏

實賓錄唐蔣防為連州靜福山廖先生碑曰冲先生名也清靈先生字也靜福先生家也先生之名玉堂金簡之名矣先生之家紅霞外景之家矣至於鶴骨松貌味淳含虛寓形人間天地無累與夫扶桑公陶隱居張天師為師友矣
神仙傳劉平阿不示名字漢末為九江平阿長因為號行醫救人見人之病如己之病後遇神人授以隱存之道服日月精氣居方臺館其顏色如玉
守真三劍楊寶四環
翊聖傳建隆初黑殺降謂張守真曰汝乃貞潔之士可以驅邪吾先授汝劍法為民除妖然劍法有三以銅鐵煨為利刃吾目一視便可用之有疾者但揮之邪氣自釋地祇作孽水族生妖以上劍治之山澤怪異以中劍治之魍魎害人以下劍治之續齋諧志楊寶見一黃雀為鷓所搏寶取置梁上啖以黃花毛羽成朝去暮來夜有

黃衣童子曰我王母使者昔使蓬萊為鷓
所搏承君見救以四環與寶曰今君子孫
潔白位登三公事如此環寶生震四世名
公

三洞羣仙錄卷之八

三洞羣仙錄卷之九

筵九

正一道士陳葆光撰集

赤脚仙人黃髮老叟

括異志樂學士史景德末為西京留臺御
史嘗夢一人具冠服稱帝命來召俄見宮
闕壯麗因問使者云此帝所也既升陛見
帝謂曰而主求嗣吾為擇之少選一人至
帝曰中原求嗣汝往勿辭頓首求免者再
三帝曰往哉遂唯而去傍拱立者曰此南
嶽赤脚李仙人也嘗酣於酒明年果生仁

宗皇帝

拾遺記李聃衰周之末居反景日室之山
與世人絕跡惟有黃髮老叟五人或乘鴻
鶴或衣羽毛耳出於頂瞳子皆方面色玉
潔手握青筠之杖與聃共談天地之數及
聃退迹柱下史求天下服道之術四海名
士莫不爭至五老即五方之精也

景唐玉案明星石曰

稽神錄崔景唐汝陰人有道士自言姓梅
來訪崔崔客之數月景唐市得玉案將之

壽春以獻節度使高審思為梅曰先生但
居此吾將詣壽春旬日而還使兒姪輩奉
事無所憂也梅曰子乃壽春人也將此訪
一親知亦將還矣君其先往也久居于此
思有以奉報君家有水銀乎曰有即以十
兩奉之梅乃置鼎中以火煉之少頃即成
銀矣謂景唐曰贈此為路糧君至壽春可
於城東訪吾家也由是別去崔後至城東
求訪梅氏數日不得村人皆曰此中無姓
梅為道士者唯淮南王廟中有梅真人像
得非此耶如其言訪之果梅真君矣自後
不復遇

集仙錄明星玉女者居華山服玉漿白日
昇天山頂石龜其廣數畝高三仞有五石
曰號曰玉女洗頭盆其中水色碧綠澄澈
雨不加溢旱不減耗祠內有玉石馬一匹
馬

何姑故人李昇舊友

撫遺洪州袁夏秀才侍親過永州因見何
仙姑曰吾鄉有故人亭永亦有之此是則

彼非此非則彼是幸仙決之也仙曰此亭名因選詩而得之也選詩曰洞庭值歸客瀟湘逢故人夫洞庭之水與瀟湘之流一源耳今永之境湘水出其左瀟水會其右以二水所出故為永字今永初此亭得其實也彼則非也因贈詩曰全永從來稱舊郡瀟湘源上構軒新門自古有流水亭上如今無故人風細日斜南楚晚鳥啼花落浙東春因君問我昔時事江左亭名不是真

○集仙傳李昇字雲舉有煉氣養形之術元稹廉察浙東白居易出牧錢塘以昇舊友皆慕昇之文學道術邀致於賓席問昇云當太平何不就榮祿而為布衣先生徐吟曰生在儒家偶太平玄纁重滯布衣輕安能世路趨名利臣事玉皇歸上清

成子蛇噬陳純鶴嘔

真誥昔問成子少好長生學道四十餘年後入荆山中積七十餘歲為荆山山神所試成子謂是真入拜而求道而為大蛇所

噬殆至於死賴悟之速而存太上想七星以却之因而得免

青瑯陳純至桃源愛其溪山秀絕畧糧沿溪尋勝凡九日至萬仞絕壁下夜聞壁間人語純糧盡因卧忽聞美香有巨花十餘

片流出因取食之復見青衣採蘋岸下乃詰之曰此即三源夫人之地中秋夕三仙將會於此俄三夫人邀入見碧憲朱戶非世所有宴會樂作與純酬唱極洽仍戒曰君慎無往南軒純潛往軒中見案間有一玉笛試取吹之忽見故鄉人物山川儼然妻兒聚會笑語久之不見純不覺嘔一卵墮地化鶴飛去仙責曰不聽吾戒莫非命也後三十年復當來此乃以舟送純歸

四明賓友九宮仙嬪

真誥魏武帝為北君太傅孫策漢高祖晉武帝荀彧為四明賓友

女仙傳帝高辛時蜀地未立君長無所統攝迺相吞噬蠶女之父為鄰所掠唯所乘馬猶在女念其父殆廢飲食其母慰撫之

因誓於眾曰有得父還者以此女妻之然無能得父歸者一旦其馬絕絆而去載其父歸自此馬嘶鳴不肯飲啮父曰誓於人馬配人而偶非類可乎父怒射殺之曝其皮於庭女過其皮忽起卷女飛去旬日皮

復棲於桑女化為蠶食桑吐絲成繭衣被人問父母念之不已忽見蠶女乘雲駕此馬自天而下謂父母曰太上以我孝授以九宮仙嬪無復憂念也冲雲而去蜀之風俗宮觀皆塑女子披以馬皮謂之馬頭娘

○子以析蠶桑馬鬱夷金霧蒼梧珠塵拾遺記蓬萊東有鬱夷國時有金霧常浮轉低昂有如山架樓室常向明以開戶牖及霧滅歇戶皆向北又岱輿山南平沙千里色如金若矜肩靡靡常流鳥獸行則沒足風吹沙起如霧亦名金霧

又舜時有鳥如雀自丹洲而來吐五色之氣氤氳如雲名曰憑霄雀能羣飛嚙青沙珠輕細風吹塵起名曰珠塵今蒼梧之外

山人採藥時得青石圓結如珠服之不死帶之身輕故仙人方因遊南嶽七言贊曰珠塵圓靜輕且明有道服之得長生

馬明救病峭崿極貧

列仙傳馬明生者少為縣吏為賊所殺垂死遇神人以藥救之即活方知長生之術有驗遂隨之負藥笈至廬山以受道要馬明自後周遊天下勞苦辛勤願合藥以救人病不願昇天每居人間人多不知其神仙也

高道傳譚峭者茅山道士寶曆中遊天台江浙間貌如二十許人人亦不知其有道務以陰功救物常遺金於塗以拯貧乏或報之殊不認問其故則曰陰真君化土為金以賑不足吾恨未能且無用之物以遺人亦何怪久而知其有神丹化金子章剪崇元澤管神

高道傳法師子章字長文開皇間受黃化丈人太極真公六十甲子及五帝五嶽符印凡百三十六首并論天地原流符之本

末置壇法式乃錄受符日月及真仙誥訣次第記之由是知師通冥之心與日俱進故除妖剪祟其神變不可量而流俗雷惠日益多矣

又左元澤温州青障觀有土地里人常以血食祀之苟祀之不至則為祟元澤以杖笞神背三下翌日有大狸死於庭背有杖痕者三里人復夢神告曰託附吾者為仙官杖死慎勿以血食祭我也

禹鈞五枝季卿一葉

實諫議錄實禹鈞嘗夢祖考告以無子及壽數不永後十年復夢其祖考告之曰汝三十年前實無子分又壽促我私告汝今汝自數年以來名掛天曹陰府以汝有陰德延算三紀賜五子皆榮顯仍以福壽而終死後當留洞天充真人位故馮道贈禹鈞詩曰燕山實十郎教子以義方靈椿一株老仙桂五枝芳蓋謂此也

華夷圖季卿嘆曰十年辭家辛苦萬里何由泳淮泛洛至于家山耶翁笑曰此不難致命侍童折塔前一竹葉置於圖中渭水之上注目於此舟可如向來之願矣季卿瞪目覺渭水波動竹葉已成巨舟恍然舟從遂及於家見兄弟妻子忻喜迎拜復辭家登舟至渭濱欻然如夢坐在畫圖之前仙翁擁鑪如舊季卿謝之因問翁姓名翁曰吾不欲姓名示於人間但居終南山已七百年矣子有道骨故相值爾

馮俊負囊王遙擔篋

原化記廣陵馮俊以傭賃資生常過一道士於市買藥置一囊可重百餘斤售俊負之至六合乃登小舟頃之忽抵廬山星子灣也見平湖渺然山嶺疊秀道士上岸行約五六里至一山下有大石方數丈道士以石扣之石遂開有二小童出於石間洞中有數道士奕奕甚感笑道士曰樁人甚肌乃與胡麻飯食之謂俊曰勞汝遠來授與錢一千文俊辭歸乃指一石若虎形狀令

俊乘之道士鞭石其去如飛不覺已在廣陵門外比至家昏膜方始舉燭解腰下皆金錢也

神仙傳王遙遇雨使弟子以九節杖擔篋不沾濕

盧生叱賊劉馮止劫

酉陽雜俎盧生者因到復州與數人閑行途遇六七人盛服俱帶酒氣遂與盧生忽叱之曰汝等所爲不悛性命無幾其人悉羅拜塵中俯伏聽命其侶訝之盧曰此輩劫江賊也其異如此

神仙傳劉馮者沛人也有軍功學道時長安諸賈客隨馮行雜貨萬金忽山中逢劫賊數百人仗白刃張弓四面馮語賊曰汝輩居官食祿我夫佃婦織云何斷道危人利已於是賊愈怒馮大聲曰天兵先打賊一時反手自縛口中血出欲死餘者尚能語乃乞活改惡爲善馮曰本欲盡殺汝馮救天兵放賊皆立起也
野夫一柺子芝二榼

冷齋夜話劉野夫跛足拄一柺每歲必至洛中看花爲人談噱有味嘗作長短句曰跛子年來形容何似儼然一部髭鬚世間許大柺上有工夫選甚南州北縣逢者處酒滿葫蘆釀醺醉不知來日何處度朝暉

洛陽花看了歸來帝里一事全無與飲羹

鐔飢再作門徒鷲地思量下水輕船上蘆蓆橫鋪呵呵笑睚陽門外有箇好西湖

神仙感遇傳王子芝字仙苗常遊京洛間蒲帥郡公重盈作鎮之初年仙苗居於

紫極宮王待之甚厚又聞其嗜酒日以二榼餉之仙苗自云是河南緱氏族狀貌常

如四十許人好養氣然莫知其甲子也

李釣不餌陶琴無絃

高道傳道士李道盛與鄭邀羅隱之爲友

邀種田隱之貨藥以自給道盛有釣魚術

釣而不餌又能化石爲金邀嘗驗之信而不求俱好酒能詩善奕棊長瀟有大馱云

可辟寒暑置酒於其中經時味不壞日攜

就花木水石間一觴一詠嘗因酒酣聯句

鄭曰一壺天上有名物兩箇世間無事人

羅曰醉却隱之雲吏後不知何物是天真

吾隱逸傳陶潛字元亮性不解音唯善無

弦琴一張每因朋酒之會則撫而和之但

識琴中趣何勞弦上聲

炎皇鑽火封子隨煙

仙傳拾遺燕昭王即位好神仙之道仙人

甘需事之王行道既久谷將子乘虛而集

告於王曰西王母將降觀爾之所修示爾

以靈元之要後一年王母果至與王游燧

林之下說炎皇鑽火之術燃綠桂膏以照

夜忽有飛蛾啣火集王之官得負丘沙珠

結而爲珮登握日之臺得神鳥所銜洞光

之珠以消煩暑自是王母三降於燕宮而

昭王徇於攻取不能遵甘需澄清之旨王

母亦不復至

列仙傳竊封子者黃帝時人也世傳爲黃

帝陶正有人過之爲其掌火能出入五色

煙久則以教封子封子積火自燒而隨煙

伯仁西補度生東遷

真誥定錄君云近見周伯仁補為西明公中都護中都護如世間太傅之官也

又度生者晉度亮太尉也大帝補為吳越鬼神之司王事靡盬斯亦勞矣元子云度

生今遷為東海侯

昌齡策杖世雲乘船

西清詩話頴陽石唐山一峯雄秀上有石室即那和璞算心處也治平中許昌齡安世登得神仙術策杖來居天下傾焉後遊

太清宮時歐陽文忠公守亳社公生平不道釋聞之邀致州舍與語豁然有悟贈之詩云綠髮青腫瘦骨輕飄然乘鶴去吹笙郡齋坐覺風生竹疑是孫登長嘯聲公又嘗書昌齡南莊相對北莊居更卜深山十里餘幽徑每尋樵徑上真情還與世情殊雲山犬吠流星過天外雞鳴曉日初昨日有人相問訊旋將落葉寫回書讀此想見其人矣
西山記吳猛字世雲嘗乘鐵船於廬山之

頂俄有赤龍負之而遊於海
越溪道士少室仙伯

撫遺秦川城北山絕頂之上有隗宮宮之壯麗莫得狀之門限皆琢青玉為之瑩微如瑠璃蜀中道士云古仙人有詩在限

下土際求之果爾其詩曰越溪道士人不識上天下天鶴一隻洞門深鎖玉窗寒滴露研硃點周易

王氏神仙傳王仙君以天復初自上黨雲遊經北邙緱氏入嵩山放志林谷迷其所

之歲餘門人道士與其弟姪自壺關大行南遊嵩少廡間所經宮觀物色求之乃於嵩山西北絕崖中見之仙君端居巖實之內宴坐凝然門人等皆炷香瞻禮不忍捨去君曰太上以我夙有微功召為少室仙

伯仙凡路隔勿復悲戀言訖騰空而去
畢靈引艘仙柯技宅

晉史畢靈建昌人也性少言與小人羣居多見侵辱而無愠色邑里號之癡時順陽樊長賓為建昌令發百姓作官船於建城

山中船成當下水以二百人引一艘不能動方請益人靈曰此以過足但部分未至耳靈請自牽之惟用數人而去如流眾大驚怪咸稱其神

北夢瑣言唐儀鳳中青城縣橫源翠園山下有民王仙柯服道士所遺靈丹技宅上昇已具仙傳拾遺

瞿生攝遁羅郁罪謫

廣記道士瞿生被師攝急遁入一室穴中頃時持一碁子出曰適遇秦人下碁留飲

此碁子乃秦之物也師視碁子狀如小龜光潤如玉

真誥粵綠華女仙之真也於晉昇平間降于羊權之家云我本九疑山得道神仙羅郁是也以罪謫暫降混濁之世以償其過乃謂權曰無思無慮無貪無求無事無為行人所不能行學人所不能學恬淡苦勤內行故我行之已九百年矣今授汝以尸解之訣權亦得道今在湘山不出
千部天書王褒神策

續仙傳葉千詔事西山道士學十二真君之術隱居深山遇神將帶劍佩龍虎符有黃衣綠衣二人執簿書前拜曰天命授君此簿神將吏兵充備役使以救世人千詔授天書閱之若人間之兵籍也有事呼召即至自後凡有邪祟聞千詔之名自愈得符者終身不病人皆以為神

王氏仙傳王褒入華山一夕忽聞簫鼓之音千乘萬騎浮空而下見一神人曰吾乃太極真人聞子劬勞山林未該真要良可憐也後命郭靈蓋授君神策玉璽拜為清虛真人理小有洞天事

自東擊虺趙昱斬蛟

傳奇章自東遇一道士曰吾合龍虎丹信宿將成多有妖魔須得勇夫烈士仗劍攔截藥成當分惠自東從道士之高峯石洞燒丹之室道士曰五更初仗劍立洞門見精怪擊之無懼也俄有巨虺來自東以劍擊之而去
異人錄趙昱從道士李珪隱青城山隋煬

帝知其賢起為嘉州太守時變為潭中有老蛟為害昱蒞政五月沒舟船七百艘昱大怒率甲士千人夾江鼓噪聲振天地昱持刀沒水有頃江水盡赤石崖傾吼如雷昱左手執蛟頭右手持刀奮波而出

韋見斷筆曹視東郭

廣記唐西川採訪使韋行武有姪曰子威有部卒丁約者執役於部下一日別去不可留曰五十年近京相見子威自後尋訪絕亡蹤跡子威後調官道由驪山旅舍聞通衢謔甚出視之則兵仗嚴衛桎梏累累其中一人乃約也子威驚認之際丁笑密謂威曰尚記臨別否一瞬五十年矣威問何為而致此耶約曰吾言之久矣何逃哉威問所須云須筆威搜囊中以進臨刑之日子威往觀丁亦目子威微笑及揮刃之際子威獨見斷筆霜鋒倏及之次而丁囚已躍出謂威曰自此返適矣勉於奉道猶隔兩塵當候於崑崙石室言訖而去道謂之塵釋謂之劫俗謂之世也

丹臺新錄左慈字元放能變化術曹操求之不與曹公欲殺之備令逐捕人見慈即當殺之數日或有見慈者輒便就斬持其頭以白曹公公大喜就視之乃一束芻耳左蛟感縮陳虎咆哮

高道傳左元澤居一巖室左右有大竹十本前池於曲渚中有碧芙蓉數十朵禽數十隻類鸕鶿遊泳其間嘉其趣因宿室中至夜有物環其身既覺唯瞑目坐忽達旦方解去視其布褐唯聞腥涎是夕復坐室中布網步以伺之果一物自池出長數丈兩目光射人若蛟螭狀甫巖呵喻徐而感縮入池因戒曰後學輩無術慎勿獨棲巖穴也

又正懿先生姓陳名寶熾誦大洞經通感故珍禽異獸常來侍衛每朝老子祠及八節投龍簡則白虎馴繞左右導從往來人或有意惡則咆哮震雷觸觀左之槐使彼惡者驚畏自匿因號曰考虎木
公助遺鼠忠恕稱貓

仙傳拾遺唐公昉師李八百得其神丹遂舉家拔宅昇天雞犬皆去唯鼠空中自墮腸出一月三易其腸今山下有拖腸鼠束廣微所謂唐鼠也

志林郭恕字忠恕周廣順中為周易博士貶乾州司戶秩滿遂不復任多遊岐雍京洛間縱酒逢人無貴賤常口稱猫遇山水佳處輒絕糧不食盛夏曝日中體不沾汗窮冬大寒鑿河冰而浴傍冰皆釋復辛葬於道傍及改葬視之空空如蟬蛻焉

趙熙救惠董奉活爨

直諫趙熙漢時為幽州刺史能濟貧人於河中救王惠等於誅族數十事其身得詣朱陵而子孫並在洞天中
神仙傳董奉字君異時杜燮為交州刺史得毒病死三日奉時在南方往以三圓藥納口中食頃爨閑目動手足顏色還故半日能起坐遂活人問其故曰初見赤衣吏追云董直君有命遂得回耳

郊公觀像曹王出獵

廣記杜郊公悰幼時嘗至昭應縣與羣兒戲於野外有一道士獨呼悰以手摩掌曰郎君勤讀書多與諸兒戲指其觀曰吾居此頗能相訪否既去悰即詣之見荒村古觀巋然一殿存焉內有老君像初道士半

面紫黑色至是詳觀頗類向者所見之道士也乃半面為漏雨所淋也

原化記唐曹王貶衡州時有張山人伎術之士也王嘗出獵得鹿十頭圍已合失之不知其處召山人問之山人曰此是術者所隱耳遂索水以術禁之俄於水中見一

道士長纜及寸資囊杖而行王問山人曰可追否曰可王令追之道士笑而來王問鹿何在道士曰向見鹿即死故哀而隱之今在山側王遣人視之皆隱於小坡而不動王笑而遣之

童子回舟老翁負笈

稽神錄婺源公山二洞有穴如井咸通末有鄭道士以繩縋下百餘丈傍有光往視之路窮阻水隔岸有花木二道士對某使

一童子刺舟而至問欲渡否答曰當運童子回舟而去鄭復縋而出明日井中有石筍塞其口自是無入者

幽怪錄侯通劔門外見四黃石大如斗枚之皆化為金通貨財百萬市美妻百餘人

大第良田甚多忽一老翁負笈曰吾來求君償債將我金去不記憶乎盡取適伎妾投於笈亦不覺窄須臾已失所在後數年見老翁攜伎行問之皆笑不言逼之又失所在

子陽桃皮田鸞柏葉

真誥黃子陽魏人也少知長生之妙入博落山中學道九十餘年但食桃皮飲石中黃水後遇司馬季主遂得度世

廣記田鸞入華山遇異人指柏木示之曰此長生藥也何求於遠鸞歸服柏葉數年自覺身輕一夕夢神仙持節相引入洞眾仙皆曰服柏仙人來勒名上清玉策金字復告之曰爾且止於人間候有位即召遂悟自後隱於嵩陽百二十三歲少容

三洞羣仙錄卷之九

三洞羣仙錄卷之十

建

正一道士陳葆光撰集

郭無四壁劉有二困

真境錄郭文字文舉嘗於華陰山石室中得神虎內真紫元丹章值晉室衰乃負笈

入餘杭大滌山伐木倚林苦覆為舍不置

四壁葛裘鹿巾區種菽麥及採茗以買鹽酪或餘食即施貧者乾符中封靈曜真君

山中遺跡甚多

晉逸史劉麟之字子驥少尚質素虛退寡

欲不修儀操人莫知之好遊山澤志在逸

嘗採藥至衡山深入忘返見有一澗水

水南有二石困一困閉一困開深廣不得

過欲還失道遇伐薪人問徑僅得還家或

說困中皆仙靈方藥諸雜物麟之欲更尋

索終不知處也

孝成束帶自然綸巾

丹臺新錄梁諶字孝成諶好樂仙道年十

七為道士即持齋誦經廣建功德濟諸苦

厄視地而履恐傷含氣有鳥獸當衢每下

路避之見人卑恭泊然虛靜一旦謂弟子

王子年曰吾屬良友待我於南津當往彼

爾可知之乃束帶南出子年隨之惟覺雲

氣鬱鬱絃覆林谷良久諶忽躡身騰雲條

已不見遠聞鼓吹之音而已

本朝蒙求趙自然太平州人夢一人綸巾

素袍鬚髮斑白自云姓陰引之登山曰汝

有道氣教以辟穀法乃出青柏枝令嚼夢

中食之及覺遂不食

青巾佳客白衣老人

神仙傳陳希夷先生一日謂門人賈昇曰

今日有佳客至速報少頃一人衣褐青巾

扣門賈走報其人已行賈逐之見一老人

衣鹿皮賈問前老人去遠否老人曰此是

神仙李八百動則八百里而鹿皮老人亦

不見先生曰老人者乃太清得道白鹿先

生也今既不見鹿皮者又去吾不可久留

乃返真

漢武傳武帝出遊岱山遇一白衣老人耳

聳於頂髮垂於肩頭有數尺之光帝異而

問之老人曰予聞嵩山有菖蒲一寸九節服之長生遂不見帝曰此乃岳神也時王興聞之服菖蒲得仙

鄧丹一斗翁藥千緡

續仙傳處州松陽乃張天師修真之所鄧

去蒼慕前人之迹結菴以居朝夕焚修山南有一巨石嘗坐其上感神人告之曰天師丹劍在此石下可以取之師曰此石天設非人力可加神人曰勤修不怠丹劍可致師如其言不三年神人送丹一斗劍一

口師後施丹治病功成上昇

又賣藥翁莫知其姓名常提一大葫蘆賣藥人以疾苦求藥得錢不得錢悉與之無不神驗或戲問之有大還丹否曰有一粒厥直千緡人皆笑之以為風狂後於長安賣藥料撒其葫蘆已空只餘一粒安於掌中曰百年賣藥無一人買者深可哀哉今當自喫藥方入口足下五色雲生騰空而去

銅牌誌鹿金盆射鵲

高道傳明皇狩于咸陽獲大鹿命庖人欲烹之張果奏曰此仙鹿也已滿千歲昔漢武元狩五年臣曾侍從畋之于上林獲此鹿乃放之時以銅牌誌於左角遂命驗之果然有銅牌二寸許但文字彫暗耳

又軒轅集宣宗嘗召入問長生可致乎集曰絕聲色薄滋味哀樂一致德施無偏自然與天地合德日月齊明雖堯舜禹湯之道自可致況長生久視乎及退又以金盆覆白鵲試之時集方休於館謂中人曰皇

帝安能更令老夫射覆乎中人不諭其意上復令速至集纔及玉陛謂上曰盆下白鵲宜放之上大笑

李明合丹伯真採藥

茅山記李明長官避世不仕隱句曲鬱岡山合丹丹成而昇玄洲除大卿之任至今舊迹壇井存焉

真誥姜伯真入猛山中行道採藥奄遇仙人令伯真平倚日中其影偏仙人曰子知道之貴而篤志學之不知不正之為失君

欲使心正常以日出時錯手著兩肩上以日當心覺腹煖則心正矣常行之為佳

葛氏蛟帳女媧雲幕

徂異志九夷山樵者婦諸葛氏感時疾數日起白舅姑曰新婦不唯疾平復且得仙矣俄出門乘雲而去又數日復回云天上樓觀皆碧玉碾成窻戶悉以珠密綴蛟絲帳幔五色相照行空明中燃不死之香我今暫來相看俄有五色車駕雙龍力士御之女童為從婦乘之冉冉而去

事始云女媧氏作雲幕又煉五色石以補天

劉安雞犬靜之龜鶴

續仙傳劉安即漢高祖之孫也安好神仙煉大丹丹成乃去時人傳云安臨去時有餘藥在器內置於庭中雞犬舐啄盡得昇天故人云雞鳴天上犬吠雲中

列仙傳蕭靜之絕粒學道一日掘地得一物似人手即時食之遇一異人告之曰子必餌仙藥矣子所食者肉芝也得肉芝食

者壽齊龜鶴宜隱山林以期至道遂遁去
德休霹靂王興雲車

神仙傳曹德休自言從東海青嶼山來遊
於江西人見之三十餘年顏貌不改有疾
者以符藥救之無不愈有一女年二十餘

將聘於人忽有邪物所魅百方治之益甚
其父詣德休具陳病狀德休曰汝家居近
山溪有潭穴汝女春月閑步溪側為蛟所
窺以拘攝精魂入其穴矣可將吾一符投
於潭中少頃有驗投符後忽見潭水翻涌

水中霹靂聲須臾有一物浮出長二丈餘
形如烏蛇頭若大杓已劈死矣女病亦尋
愈

王氏神仙傳王興蜀人昔為蒲江主簿而
境有靈迹興喜之遂去官隱於山中九年
忽見洞中瓊花吐艷金蟾跳躍遂入洞中
得仙丹服之即時乘雲車上昇今人以洞
號主簿治自此始也

浮胡白豹雷公黃蛇
神仙傳施存真人號浮胡先生師黃蘆子

得三皇內文驅策虎豹之術隱衡嶽石室
山每跨白豹出入晉元康間白日騰昇
廣異記武勝之嘗於江灘見雷公逐一黃
蛇或以石投之鏗然有聲雷公飛去得一
銅劍有文云許旌陽真君斬蛟第三劍
無競懷果孫鍾設瓜

青瑣李無競入都調官至朱遷鎮有句者
喧爭於路一姬曰我終身乞句聚得少金
此子貸去不償無競取金如所逋數與白
者謝曰吾實逋其錢君行路人能償之又
解其闕何以報德吾家在隆和曲筠柵青
簾乃所居也子能訪我否無競異之即往
馬入門見數句者擁爐共火喜見於色命
坐具小酌無競頗疑其人終不飲但濡脣
而已待大寒盤中皆夏果取小御桃三枚

懷歸句者以詩送曰君子多疑即多誤世
人無信即無誠吾家路徑手如砥何事夫
君不肯行無競至即取桃視之乃紫金也
後琢其金為酒器年七十面色紅潤豈酒
濡脣之力乎

幽寘錄孫鍾少時家貧種瓜瓜熟府三人
來乞瓜鍾為設瓜曰我司命也化白鶴飛
去

陵陽沆瀣曼卿沈霞
列仙傳陵陽子春食朝霞夏食沆瀣是夜
半天地女黃之氣也霞日初出青黃氣即
朝霞也

抱朴子項曼卿河東蒲坂人入山修道一
日有仙人來迎到天上見紫府金牀玉几
仙人飲以流霞一杯輒不飢渴忽思家為
帝所斥遂還河東呼為斥仙人
明皇紫雲元之絳雪

宣室志唐明皇夢仙子十餘輩御卿雲下
列於庭各執樂器而奏之其度曲清越殆
非人世也及樂闕有一仙子前而言曰陛
下知此樂乎此神仙紫雲曲也今傳授陛
下為唐正始音明皇甚喜即傳教焉及寤
以玉笛吹令習之盡得其節奏
仙傳拾遺申元之不知何許人開元中詔
至上都開元觀恩渥愈厚明皇與論道動

移畧刻嘗命趙雲容侍元之茶藝意甚恭
恪乘間乞藥少許以延其生元之曰我無
所惜但爾不久處世耳愈切懇告乃與絳
雪丹一粒曰服此丹死必不壞但能大其
棺廣其穴舍以珠玉踈而有風鬼不蕩空
鬼不淪鬻百年外可以復生此為太陰煉
形之道後雲容從幸東洛病於蘭宮得以
此事白於貴妃如其所謂

道元觀燈知微說月

仙傳拾遺葉法善天師字道元開元初正
月望夜明皇移仗上陽宮以觀燈焉尚方
匠毛順心結綵樓三十餘間金翠珠玉間
廁其內樓高百五十尺微風所動鏗然成
韻以燈為龍鳳螭豹騰擲之狀似非人力
上見大悅師曰影燈之盛固無比矣然西
京今夕之燈亦以如此適自彼來上異其
語今欲一往得乎曰此易爾於是令上閉
目俄而至焉上稱其感者久之請迴復閉
目頃之已在樓下而歌舞之曲未終上於
涼州以鐵如意貫酒翌日命中使託以他

事求如意以還驗之非謬

三水小牘道士趙知微有道術中秋積陰
不解眾惜良辰知微曰可備酒看登天柱
峯詭月既出門天色開晴及登峯月如畫
至月落方歸下山則淒風苦雨陰晦如前

禦寇剖心道君剪舌

雲溪友議列禦寇墓在鄭郊有胡生者家
貧少為洗鑑鍤釘之業號胡釘鉸有美酒
茶果輒祭禦寇祠以求聰明夢一人刀割
其腹以一卷書致于心腑及覺乃能詩嘗
贈韓少府云忽聞梅福來相訪笑著荷衣
出草堂兒童不慣見車馬爭入蘆花深處
藏

廣異記夔州有道士王洪明舌長呼字不
正乃曰誦道德經忽夢道君為剪其舌既
覺語遂正

灰袋佯狂麻襦卓越

神仙傳蜀有道士佯狂俗號為灰袋翟天
師之弟子也翟每戒其徒勿輕此人吾所
不及嘗大雪中布衣褐入青城山暮投蘭

若求宿僧曰貧僧一衲而已矣天寒如此
奈何灰袋曰一牀足矣夜半風雪益甚僧
意其卒往視之去牀數尺氣如蒸炊流汗
袒寢未曉不辭而去曾病口瘡數月狀若
將死村人素神之因為設齋齋散忽謂眾

曰試鏡吾口中何物乃張口如箕五臟悉
露莫不驚異後不知所終
晉逸史麻襦者莫得其姓名石季龍時在
魏乞白常著麻襦布衣故時人謂之麻襦
言語卓越狀如狂者乞得米穀不食輒散

之頗顯神異與高僧圖澄極為交友
蒯廬蟲流王辰泉浦

神仙傳劄子訓嘗駕驢車與諸生俱詣許
下道過滎陽止主人舍而所駕之驢忽然
卒僵蛆蟲流出主遽白之子訓曰乃爾乎
方安坐飯食畢徐出以杖扣之驢應聲奮
起行步如初

茆亭客話王客者失其名及鄉里常攜筇
挈籃引一斑犬往來叩雙間以採藥為事
天禧戊午歲遊青城山迴臨叩宰師仲冉

名之與語曰吾野人也久居城市頗思歸鄉誠有奉託宰亦莫諭其意一日獨攜笈往國寧寺於寺門下坐卒鄉者聞官瘞之道左師宰聞之曰曩所言斯之謂乎遣吏往彼焚之發其屍顏貌如生四肢皆軟若熟麻馬頂之屍下清泉涌出浮屍而起遂就更衣沐浴以殮之

方遠辯慧道華惠愔

高道傳閭丘方遠字大方幼辯慧通經史昭宗累詔不起就錫命服賜號玄同先生羅隱每詣受書先生輒閉目授之曰隱才高識下蓋正容悟物故隱卒保終吉先生一日忽沐浴焚香端坐返真顏色不變異香三日不散時錢武肅夢先生騎鶴訪別明日計至及就殯但空棺而已

又侯道華常如風狂人人多侮之未嘗有愠色好讀丹經子史或問誦此奚爲曰天上無愚情神仙

楊雄墟墓周暢義塚

仙傳拾遺楊雄字子雲口吃善屬文王莽

篡位聞理獄使者欲來收雄雄恐不免時校書於天祿閣上自投幾死天鳳中辭疾還蜀卒於家乾符中進士趙郁臥疾於嘉州開元觀稍愈於殿上見一少年弊蓋鴉衣白潔與郁並坐郁因言此觀巨功製作

國力興創何乃俯逼殿後而有墟墓也嘗問郡人皆不知少年笑曰此漢相留侯之後辟強之孫天師之祖也爲南安太守歿於郡而葬於此乃說兩漢魏晉間事皆若目擊郁問以姓氏答曰子雲姓楊乃強力隨之遂出門而去至今往往有見者真語周暢好行陰德功不在覺時歲大旱客死者數萬而暢收骸骨萬餘具立義塚時或祭祀之應時大雨今在洞中爲明晨侍郎

自然雷鳴法樂震擁

雲笈七籤馬湘字自然狀若風狂能治病有告之者湘無藥但以竹杖打病處或以竹杖指之口吹杖頭如雷鳴便愈或遊官觀巖洞多留詩句其登杭州秦望山詩曰

太一初分何處尋空留歷數變人心九天日月移朝夕萬里山川換古今風動水光舍遠嶠雨添嵐氣沒高林秦皇謾作驅山計江海茫茫轉更深

高道傳道士張法樂居跌谷之西抱元守

一凡三十餘年雲生梁棟霞擁憲扉自號爲雲居觀久而道成猛虎馴伏侍側後屍解蟬蛻焉

李預餐玉王捷燒金

感應錄後魏李預得古人餐玉法乃採訪藍田躬往攻掘得若環壁雜器形者大小百餘枚預乃推七十枚爲屑食之及疾篤謂妻曰吾死體必當有異勿速殯令後人知餐服之妙時七月中旬長安毒熱預停之四宿未殮而體色不變其妻常氏以玉珠二枚舍之口閉妻謂曰君自云餐玉有神驗何不受珠言訖啓齒納珠因噓其口都無穢氣舉殮屍不傾委

灑水燕談江州王捷少商江淮間咸平中遇一人於南康逆旅衣道士服儀狀甚偉

授捷黃金術仍付以神劍且戒之曰非遇人君不可妄泄後佯狂叫呼上饒市中配流嶺南逃歸京師搥登聞鼓自陳宋真宗皇帝召與語悅之更名中正寓居中官劉承珪家數聞中正與人語聲如童子云我司令君也嘗以藥金銀獻上以助國世謂之燒金王先生

賀瑒女筮秋夫鬼針

南史賀瑒字伯祖道養工卜筮經遇工歌女子病死為筮之曰此非死也天帝召之

歌耳乃土塊加心上俄頃而蘇

感應錄宋徐文伯東海人濮陽太守熙曾孫也好黃老隱居秦望山遇道士過求飲留一鉢瓢與之曰君子孫宜以道術救世當得二千石熙開之乃扁鵲鑑經一卷因

精學之遂名震海內其後秋夫彌攻其術仕至社陽令嘗夜有鬼呻吟聲恇悽秋夫問何人頃答曰某東陽人患腰痛死為鬼猶難忍請療之秋夫曰云何措法曰請為芻人按穴針之秋夫如言乃為灸針設祭

理之明日見一人來謝忽然不見當世伏其通靈

盧度應鹿龜年辨禽

賢已集盧度有道術少時阻淮水不得渡過心誓曰若得免死從今不復殺生須臾見兩楫流來接之得渡後隱居廬陵西昌三顧山鳥獸隨之夜有鹿觸其壁度曰汝壞我壁鹿應聲去屋前有池養魚皆名呼之次第來飲食而去

翰府名談白龜年乃白居易之孫於嵩山

遇李太白招之與語曰吾自水解之後放遁山水間因思故鄉西歸嵩峯中帝飛章上奏見辟掌殿奏於此今已百年矣近過潼關有詞曰言宴桃源深洞一曲歌鸞舞鳳常記欲別時明月落花煙重如夢如夢和淚出門相送乃出書一卷遺之曰讀此可辨九天大地禽獸語言汝更修陰德可作地仙也

上竈延頸老夫正心

括異志郭上竈天禧中嘗備於東京州橋

滌器于茶肆有青巾布袍者神彩凜然疑其呂公也即走拜于前曰際遇先生願為僕斯先生曰若真欲事我可受吾一劍郭唯唯延頸以俟引劍將擊郭大呼已失公矣郭後尸解視其棺敗絮而已

廣記唐末有一老人攜壺賣藥於益州得錢則散與貧者常謂人曰夫欲人之無病必先正其心心無亂求無狂思無嗜欲無迷惑則心無病而內之六腑雖有病不難治也老夫賣藥嘗以此告人矣一日詣錦

江沐浴探囊取丹吞之遂化白鶴飛去

金闕帝君玉仙聖母

三洞珠囊云金闕帝君上相青童秉碧霞九雲流景雲輿飛青羽蓋上詣太上靈都宮朝三天靈錄之文也

玉仙傳聖母生於炎帝之代推其鄉里即武陽郡人也有絕世之容其親所配瑯琊家將以適矣聞鄰人曰瑯琊好惑之士也聖母聞之遂泣而辭親登一小舟恣泛於大溟任風所送至仙都山在高麗國中也

其山上有峯曰玉仙峯中有洞曰玉仙洞
下有溪曰玉仙溪聖母泊於此山守志固
節後半年遇女華聖母口傳飛神入鼎之
道中源主神之法丹火養神之術得之而
成道玉仙號者蓋因山洞而賜名玉仙祠
前有方池嘗取玉仙溪水貯之後人投紙
以占災福

張忠安車董京環堵

晉逸史道士張忠永嘉之初隱于泰山服
氣食芝穴地窟為室弟子亦穴居其教以
形不以言朝廷累召所賜不受上曰欲屈
先生仕尚父可乎忠曰昔避地與鳥獸為
侶年衰志謝不堪展效乞還故山從之以
安車送還謚安道先生

又董京時至洛陽披髮而行道遙吟詠嘗
宿於社中乞索於市結網自覆十五或有所與
金帛不肯受時太守就社與語曰方今堯
舜之時胡為懷道迷邦耶荅曰萬物皆賤
惟人為貴動以九州為狹靜以環堵為大
遂遁去不知所

冲素精素道全勤苦

真境錄精思院蓋冲素先生鄭元章所居
先生常齋居危坐纖介不入南華所謂用
志不分乃凝於神者其所以感動天上仙
人時降芝輶屬雲霽月白之夕惟弟子闕
關得聽其論則世莫得聞也精思院在杭
州洞霄宮

神仙傳尹道全真人隱於衡嶽感上真降
謂之曰白日昇騰者當有其材而後成其
道汝受其一事而有冲舉之望斯乃勤苦
所得爾宿分所值矣遂授以五嶽真形圖
取其山之向背泉液之所出金寶之所藏
通而為之圖告曰汝能自修奉而獲感應
乃知文始之裔太和之族世有神仙矣言
訖而去道全於晉永嘉中上昇

貧士抱龍稚川除虎

野人閑話灌口白沙有泰山府君廟每至
春三月蜀人輒集忽一人鵝衣百結顏貌
憔悴亦往廟所眾人輕之行次江際乃坐
於石上逡巡謂人曰此水中有睡龍眾不

之應遂解衣入水抱一龍出腥穢頗甚深
閉兩目而不牙鱗角悉備雲霧旋合風起
水涌眾皆驚走貧士亦瞥然不見
神仙傳葛洪字稚川洪嘗養牛數為虎所
暴乃書符劾之見一人自稱高山君白洪
曰虎狼為害當已除之矣

三洞羣仙錄卷之十

三洞群仙錄卷之十一

設一

慶回旌節元卿琅玕

正一道士陳作光撰集

野人閑話王慶回侍中延接布素之士一日有道士於竹葉上大書道士朱挑枝奉謁公出見從容致酒談論豐壘雍容可觀處回曰久存志於道常欲於青城山致一道院以遂閑適道士曰未也即於囊中取花子二粒種之以盆覆於上逡巡去盆花已生矣頃刻長四五尺層層生花道士曰此仙家旌節花後公果建節兩鎮廣記謝元卿遇神仙見丹柯碧葉微風時扣五音相節云此琅玕木也

炭婦許遜木仙魯般

西山記許真君避門下學者數百人一日

欲以事試之因化炭為婦人散諸諸弟子其不為所染纔十人耳即他日上昇諸真君是也今有炭婦市炭婦坊在建昌縣界酉陽雜俎魯般燉煌人莫詳年代功伴造化於涼州造浮圖作木鳥每擊換三下乘

之以歸無何其妻有姓父母詰之妻具說其故其父後因得驚擊換十餘下乘之遂至吳會吳人以為妖遂殺之般又為木鳥乘之遂獲父屍怨吳人殺其父於肅州城南作一木仙人舉手指東南吳地大旱三年後知般所作也齋物具牛謝之般為斷其兩手其月吳中大雨國初吳人尚祈禱其木仙

法善寶函王喬玉棺

集異記葉法善字道元嘗於洪州西山養

神修道一日括蒼三神人降傳

太上之命汝當輔我睿宗及開元聖帝未可隱跡山巖以曠委任言訖而去時二帝未立而廟號年號皆已先知其後果有命詔入京後乃平章后立相王睿宗明皇承祚繼統師於上京左右聖主凡吉凶動靜必預奏聞會土蕃遣使進寶函封曰請陛下自開無令他人知機密朝廷默然唯法善曰此是凶函令蕃使自開上從之及令蕃使自開及函中弩發中蕃使死果如法

善言

王氏神仙傳王喬後漢顯宗時為葉縣令一日天降玉棺喬曰天帝召我耶乃沐浴入棺遂葬於城東土自成墳其夕縣中牛馬皆流汗喘乏人莫知之後人為立廟號

葉君祠

王母靈鳳夫妻彩鸞

唐隱逸傳道士王遠知梁揚州刺史雲選之子母丁氏嘗晝寢夢靈鳳集其身因而有娠又聞腹中啼聲沙門寶誌謂雲選曰生子當為神仙之宗伯煬帝為晉王時亦遣使召之遠知來謁見斯須而鬚髮變白王懼而遣之

仙傳拾遺文蕭寓洪州許真君宅遊惟觀八月十五上昇之辰士女雲集連袂踏歌謂之酬願忽見一妓歌詞潛合其名姓復是神仙之語詞曰若能相伴陟仙壇應得文蕭駕彩鸞自有綉襦并甲帳瓊室不怕雪霜寒蕭異之歌罷蕭徐行隨入大松徑中所居蕭然侍衛環列有几案簿書若官

府亦有案牘斷割多為江湖沒溺之事蕭再三詰之乃曰此不可輕泄吾當為子受禍矣果有黃衣使曰吳彩鸞為私欲泄天機謫為民妻一紀乃與蕭歸金陵僦居其後乘虎俱入越王山不知所之

劉照青萊穆敬黃竹

仙傳拾遺劉向成帝之末校書於天祿閣夜遇一老人黃衣植青藜杖叩門而進問姓名我即太一之精天帝聞卯金之子有博學之才而下觀之遂出懷中所牒有天

文地圖之書授向而去
穆天子傳天子南遊黃臺之立以觀夏啓之所居獵平澤大寒雨雪作詩三章以哀民曰我徂黃竹口員闕寒帝牧九行嗟我公侯百辟冢卿皇我萬民旦夕勿忘

赤松明囊白雲仙錄

齊諧志鄧紹八月旦入華山見童子執五色囊盛栢葉上露曰赤松先生取以明目今人八月旦作明囊是也
列仙傳劉白雲江都人也多陰德遇樂子

長曰子有仙籍天骨而流浪塵土中何也因授以錄且告之曰子先得變化而後可授道白雲依而行之變化萬端日行七百里再遇子長服丹千日上昇

侯楷同塵幽棲混俗

高道傳侯楷字法先十四師正懿先生學道先生曰汝束心勵節於道不懈苟非棲隱山樊不易得也楷曰道在方寸何必山樊先生曰吾固知之然神仙多託巖數及成真之後出而同塵

又薛幽棲開元中登進士第勇退不仕入鶴鳴山訪漢天師治所修行僅一紀道氣愈充天寶初遊南嶽卜棲真之地遊心於自得之場曠然無所係而能和光混俗變方瓦合於三洞經教摩不該覽故出入逸客鸞風稟受嘗進元微論及注解度人經行于世

王生桑田麻姑陵陸

宣室志王先生有道術晦跡烏江人皆不識之洪農史晦之聞其名謁之抵暮先生

以杖劃庭下則雷霆震動巖谷重疊湖水極目先生曰陵陸遽遷而有桑田之變坐客惶恐先生曰所以為娛耳即以帚掃庭寂靜如故

神仙傳麻姑時降秦經之家入見王方平遂拜之姑曰自接待以來見東海三為桑田向見蓬萊又淺於往時至復還為陸陵乎方平笑曰聖人皆云海中復揚塵也

玉壇風吟瑤臺露清

稽神錄建鄴市有卜者忽於紫微宮題壁云昨日朝天過紫微玉壇風吟杏花稀碧桃泥我傳消息何事人間更不歸自是絕跡人皆言其上昇

逸史唐開成初進士許溼遊河中忽得重病不知人至三日覺然而起取筆大書於壁曰曉入瑤臺露氣清坐中唯有許飛瓊塵心未悟俗緣在十里下山空月明書訖復寐及明且又驚起改其第二句曰天風吹下虛聲言訖兀然如醉醒不復寐矣良久漸言曰昨夢到瑤臺有女仙三百餘

人內一人云是許飛瓊遺賦詩及成復令改曰不欲世間人知有我既畢甚被賞令諸仙皆和曰君終當至此且歸若有人導引者遂得回耳

李賀樓記方朔寶銘

書法苑李賀將死時有緋衣人駕赤虬持一板書者太古篆如霹靂古文云召賀了不能讀下榻叩頭言阿彌老且病不願去緋衣人曰帝成白玉樓立召為記天上差樂不苦也少頃氣絕賀學語時呼太夫人為阿彌

拾遺記黃帝時碼碯甕至堯時猶存甘露尚在其中盈而不竭謂之寶露以班賜群臣至舜時露漸滅隨世之汗隆時淳則露滿時澆則露竭秦始皇通汨羅之流掘地得赤玉甕可容八斗置於舜廟漢東方朔識之乃作甕銘曰寶雲生於露壇祥風起於月館望三壺如盈尺規八鴻如紫帶李通丹臺子微赤城六帖紫陽真人周季通入蒙山中遇富門

子再拜乞長生訣富門子曰名在丹臺玉室中何憂不仙

神仙傳司馬天師名承禎字子微女真謝自然汎海詣蓬萊求師至一山見道士謂曰天台司馬承禎名在丹臺身居赤城真

良師也自然遂還求之得度有弟子七十餘人一旦曰吾於玉霄峯東望蓬萊常有

真仙降駕今為青童君所召須往矣俄頃蛻去詔贈銀青光祿大夫謚正一先生帝親文其碑有集行于世

彭蛇盤躡王鶴飛騰

丹臺新錄彭宗字法先年二十服業於杜冲真人深蒙賞接栖真味道精貫神入山中有毒蛇猛虎宗每以氣禁之潛伏盤躡雖摩觸終不得動宗解之方去

王氏神仙傳丞相王徽女幼年慕道持經撫琴嘗曰洞宮有召命當補仙職題詩曰既水登山無足時諸仙頻下聽琴詩此心不戀居人世唯見天邊雙鶴飛是夕奄然而卒及明有雙鶴飛騰於庭木音樂異香

滿野舉形就木空衣而已
空洞靈瓜噉洲甜雪

拾遺記後漢明帝陰貴人夢食瓜甚美帝使求諸方國時燉煌獻異瓜種恒山獻巨桃核瓜名穹隆長三尺而形屈曲味美如

飽昔道士從蓬萊山得此瓜云是空洞靈瓜四劫一實西王母遺於此地世代遐絕其實頗在又說巨桃霜下結花隆暑方熟亦云仙人所食

又穆王東遊大騎之谷指春宵官集諸方士仙術之要西王母乘翠鳳之輦而來前導以文虎文豹後列雕麟紫磨曳丹王之履數碧蒲之蓆黃管之薦共玉帳高會薦清澄琬琰之膏以為酒又進洞淵紅鷓噉洲甜雪

伯微金灼仁本玉屑

丹臺新錄莊伯微少好道常以日入時正西北向閉目握固想見崑崙積二十一年後服食入山學道猶存此法當復十許年後閉目乃奄見崑崙存之不止遂見仙人

授以金鈞之方因而得道猶是精感道應使之然也非此術之妙矣

酉陽雜俎鄭仁本與其中表遊山途路見一人枕一椽物而坐問之乃云君知有七寶城乎常有八萬二千戶修之我其一也

因開襟視之有斤斧數事玉屑飯兩裏分遺鄭曰食此可以畢世無病矣

李對道德嚴議優劣

高道傳道士李含光者晉陵人年十三寫好道學雖處暗室如對君父人見之情景皆欽明皇召見問理化對曰道德經者君王師也昔漢文行而躋民於仁壽又問金鼎曰道德者公也輕舉者公中之私也雖時見其私亦聖人存教爾若求生徇欲類於繫風不亦難乎帝甚嘉之

又嚴達者字道通始髻亂已有方外志周武建德中詔法師於便殿是時已沙汰浮屠氏又下議公卿復欲去道家流上問法師道與釋孰優曰主優而客劣上曰主客奚辨曰釋出西方得非客乎道出中夏得

非主乎上曰客既西歸主無送耶曰客歸則有益胡主主在則無損中華去者不追居者自保又何送乎上嘉其對

寫呼錢飛宋指燈滅

丹臺新錄葛仙翁嘗取錢使人投於井中公往井上以器呼錢人見其錢一一飛從井中出入公器中

續仙傳宋知白為道士眉目如畫言談秀麗夏則衣綿冬則卧於雪中去身一丈餘

周匝氣如蒸出而雪不凝又指燈即滅指人則如隙風所吹或食彘肉五斤蒜薤一

盆飲酒三斗到處住則以金帛求置一二美女行則捨之人以為得補腦還元之術

後之撫州南城縣白日上昇

陶挂朝服夏懸辟書

丹臺新錄陶隱居除奉朝請頗快與從兄書曰昔任官意以體中打斷必期四左右作尚書郎出為浙東一好古縣粗得山水便投簪高邁宿昔之志謂言指掌今年三十六矣方除奉朝請不如早去無自

勞辱欲脫朝服挂神虎門襲鹿中徑出東亭因與王晏別語及此事晏曰主上性存嚴治不許人作高奇事朕致忤旨便恐違卿高志如何先生嘿思良久曰吾本為身非為名若有此慮亦奚如此於是不詣省直表辭而已

真誥明晨侍郎夏馥字子治陳留人也服木餌和雲母少時被公府辟召懸辟書著桑樹乃去其用懷高邁如此

月支獻獸麻村射猪

列仙傳漢武帝幸安定月支國遣使獻者四兩大如雀卵黑如桑椹又獻猛獸一頭形如狸其毛黃色帝曰此小物何謂猛獸使者對云夫威於百禽者不必計其大小是以神麟為巨象之王鳳凰為大鵬之宗亦不在其巨細也臣國去此三萬里常占東風入律青雲于呂謂中國將有好道之君故以二物來獻豈圖陛下乃不知真乎帝恨使者言不遜欲罪之明日遂失使者猛獸所在

廣記麻陽村人見一野猪射之至一石室中見一老人曰此非真猪速宜出去童子送出門村人曰老人誰耶曰河上公也上帝命為諸仙講易又問童子汝誰耶曰我王輔嗣也未能精通於易被罰守門童子

以石塞門四顧茫然不知所在

揚君問龍葛公借魚

真誥揚羲夢登高山四面皆大水見一白龍身長數丈東向飛行空中光彩耀天又見白衣女子入口中須臾三入三出乃止

又還羲右邊而立又覺羲左邊有一老公着繡裳芙蓉冠柱赤九節杖而立俱視白龍某問何等女子徑入龍口耶公對曰此太素玉女蕭子夫取龍氣以煉形也又問公何人來登此字公答曰我蓬萊仙公洛

廣休此蓬萊山吾治此立府君故來乃得相見我耳某又問此龍可乘否答曰此龍真人張誘世石慶安許玉斧丁瑋寧也又問一龍而四人乘耶公曰此侍晨官龍如世之輶車

神仙傳葛仙公出行於路見人賣魚謂魚主曰欲借此魚到河伯所可乎主曰魚已死公即書符內魚口中投之於水魚即跳起

襲祖輕舉自真昇虛

高道傳道士雙襲祖栖白馬巖誦黃庭經功成閉室七日不出弟子驚異視之忽然輕舉而昇遺仙帔於木杪及崑中卧蓆後百餘年皆不壞

又道士賀自真有學趣嚮高邁居嵩山修道一日雲鶴音樂雜滿空際自真遂昇虛而去處士陳陶與洛人賸之因賦詩曰子晉鸞飛古洛川金桃再熟賀郎仙三清樂奏嵩山下五色雲花御苑前朱頂舞迎低絳節青鬟歌引駐香輶誰能白晝相悲泣

太極先陰億萬年

劉翊陰德韓崇仁政

真誥劉翊家巨富周給困窮好行陰德累遷陳留太守損己分人遇馬皇先生告之曰子仁感天地德動鬼神太上嘉子之用

情使我來携子以長生吾仙官爾能隨吾去否翊從之而行遂授以服五星之華法今在華陽洞中為右理監

又韓宗毗陵人遇神人王偉元授以流珠丹元法語之曰子行此道可以仕官功成之日無妨仙舉崇初為宛陵令行仁政以撫民蝗不集界後遷太守視民如傷政化洽晉復遇偉元再授隱遁解形法遂入大霍山以度世今在華陽為左理監

蕭文補復負局磨鏡

神仙傳蕭文常在市中為人補履十數年人皆不知其神仙也只見其不老好事者欽之就求道術不能得之惟梁母得其作火之法一日上三亮山與梁母相別列數大火而昇

列仙傳有一磨鏡叟常負一鑑局於市中不識姓名皆不知其神仙只以負局呼之或時貨藥服之者皆愈

顧和執蓋淳于典柄
真誥顧和吳人也少孤有志操仕晉為中

承遷尚書僕射永和元年尸解

太上迎補為執蓋郎今在華陽洞中

列仙傳淳于上虞人也自少好道長於十

筮入天目山隱居遇仙人惠車子授丹經

功成今在洞中為典柄郎主試有道之士

韓康避名戴孟改姓

後漢逸史韓康字伯休常採藥名山賣藥

長安路口不二價三十餘年時有女子買

藥康守價不移女子怒曰公是韓康伯休

耶乃不二價乎康嘆曰我本為避名今女

子皆知有我焉用藥為乃避入霸陵山中

公車連召不至

高道傳道士戴孟本姓燕名濟漢末人以

謂養生者隱其名字藏其所生之時改姓

戴託仕於武帝之朝孟少好道事母以孝

母服除入華山服木遇裝真人授以玉珮

金璫經遂能輕身周遊名山日行七百里

黃符瘴疫蘇香返魂

搜神秘覽長安有黃公者嘗售得一僕負

擔相從幾一二歲家貧窘夫婦悲嘆僕聆

之問曰主人所須得幾何曰得五百千僕

云某有小術可以致之因市好紙并筆硯

瓦缶芻茭各一明晨與俱往市中僕乃疊

紙數百重持筆謂人曰今書一符在紙面

使皆津透來年長安大疫此符可瘳每道

當為五十金後日果五百千矣遂行氣吹

嗑草生火光焰相燭以瓦缶覆其首入坐

於火中乃不知所在來年長安果火疫有

符者免焉

洞微志有蘇德哥者善合返魂香但殂經

八十一年已上者即不可返時司天主簿

徐肇嘗泣告之曰父母曾相皆欲一拜之

蘇唯唯乃懷中取一貼如白檀香撮於盥

中煙氣裊裊直上其香甚於龍腦蘇微吟

曰徐肇欲見先靈願此香煙用為追引食

頃忽然驚風拂幕見其祖曾父母俱至肇

泣拜熟視之其衣冠裝著悉如平時曰今

日嘉會誠亦難得飲訖徐徐出幕為煙霧

而散德哥後亦不知所之

土危娘子金華仙人

幽怪錄有崔書生於東周遷谷口見一女

郎具聘娶之崔母曰新婦妖美必是狐媚

傷害於汝女曰本侍箕帚便望終天專夫

人待以狐媚明日便行矣明日入山遂失

所在後有胡僧曰君所納妻乃仙女王危

娘子若住一年舉家必仙矣崔生歎恨而

已

大洞玉訣曰太初天有流汨之池池中有

王樹周回蓮華十丈池廣千里水乃香美

金華仙人恒處蓮華之中飲流汨之水則

五臟明徹面生紫雲

張誤食厭應不如葷

括異志龍圖張公燾即樞密直學士奎之

子也樞直為殿中丞日奉朝請在京稅宅

子居常閉關一日有人叩門頗急大呼曰

小師入去何故便不放出張起視之乃一

老道士也疑其狂且醉不復與之較量良

久乃去邑君先妊娠是夕生壽景祐元年

第甲科後嘗誤食大肉夢黃衣使者追至

一府見一道士謂曰何故食厭物張自辯

曰非敢故食誤耳道士曰若然者且止此
吾為若言少選復出呼張曰可謝恩乃引
至一殿前通曰張燾誤食厭物謝既再拜
而悟汗流浹體公神骨清粹矜懷夷曠豈
非仙曹被謫者歟

高道傳道士應夷節母夢流星入牖驚寤
室有光因而孕焉既生不喜童茹授正一
紫虛等錄師行之精謹嘗謂弟子曰吾以
維持教法不能滅迹匿端能道不違人而
勤行方至然玉京金闕泉曲鄩都相去幾
何唯心自兆耳爾等勉之

子晉窺井士則叩門

拾遺記大始元年魏帝為陳留王之歲有
頻斯國中有丹石井非人之所鑿下及漏
泉水常沸湧仙欲飲之時以長綆引汲也
其國人皆多力不食五穀日中無影飲桂
漿雲霧羽毛為衣髮大如縷堅韌如筋伸
之幾至一丈置之自縮如蟲續人髮以為
繩汲丹井之水水中有白蛙兩翅常來去
井上仙者食之王子晉臨井而窺有青雀

銜玉杓以授子晉子晉取而視之乃有雲
起雪飛子晉以袖揮之則雲雪自止白蛙
化為雙鳩入雲遂滅

劇談錄嚴士則穆宗朝為尚衣奉御因入
山採藥觀一茅舍煙蘿四合見一人偃卧

石上士則問侯答曰子自安史犯順居此
避世不知年代仍無煙火念君遠來無以
療飢乃取紙囊中如棉豆形者取一粒汲
泉煮之良久香熟令啗之即覺豐飽曰汝
得至此亦宿有分汝他時位至方伯儻能
脫去塵華長生必得矣

三洞群仙錄卷之十一

三洞群仙錄卷之十二

正一道士陳葆光撰集 設二

何侯灑酒道士潑墨

總仙記何侯堯時隱蒼梧山舜南狩止何
侯家大帝五老來謁舜曰昇舉有期翌日

五帝下迎舜白日昇天五帝以藥一器與
何侯使投酒中一家三百餘口飲不竭以
餘酒灑屋宇拔宅上昇位為太極真人今
九疑山有侯廟在舜廟側

小仙傳吳道子得神仙術畫妙入神唐太
宗聞之詔入宮庭有粉牆數尋俾畫山水

道子即命帳幕蒙其牆以墨漿潑於牆
上復以幕覆之良久曰請陛下觀畫其山
林草木人煙鳥獸無不具備上顧眇久之
見巖石之下有一小洞道子指曰此洞多

有神仙扣之必有應者於是用手擊之洞
門岩開有童子在側道子曰洞中甚有佳
致請陛下觀道子乃躍入洞中以手招
上上不敢入洞門復閉道子自此不知所
在

兼瓊酒星張魯米賊

逸史章仇兼瓊尚書鎮西川嘗令左右搜訪道術之士有一鬻酒者酒勝其黨又不急於利賒貸甚衆每有紗帽杖藜四人來飲酒皆至數斗積債十餘石即併還之談諧笑謔酣暢而去或報章公公遂專令探伺自後月餘不至忽一日又來章乃潛駕往詣公服至前躍出再拜相顧徐起遂失四人所在時明皇好道章公奏其事詔召孫公問之公曰此太白酒星耳

天師傳張魯字公期漢中南鄭二郡太守每行法治疾立復康愈每授法治病者令致米一斛遂積鉅萬魏王輔政謂之米賊遣將統兵來討時諸弟子見兵馬至驚懼走告師師以手板畫地河流湍急兵不得渡遂用水軍師又以手板畫空即九重峰嶺直接重霄兵不得前遂聞魏王遣使追謝就拜梁益二州刺史鎮南將軍封關中侯後飛昇
歸真示書伯醜譚易

湘山野錄熙寧丙辰歲交賊寇邕郡倅唐著作子正盡室遇害唐桂州人治平中赴京調舉至全州中塗欲僦一僕乃遊袁州日所役舊奴也挈重擔勁若健羽雖鞭馬疾追長先百步之外恐他逸遂遣去其僕當日自全州行至唐州凡二千七百餘里日午已到留書祝驛吏曰候桂州唐秀才至即付之君後月餘方抵唐下馬於驛驛吏前曰君非唐秀才否一月前有人留一書在此因出書示之曰歸真子謹封唐因

起封惟一詩曰袁山相見又之全不遇先生道末圓大抵有心求富貴到頭無分學神仙箇中靈藥宜頻施鼎內丹砂莫妄傳待得角龍為燕會好求黃壁卧林泉問其形貌乃全州黥僕及唐遇害當丙辰正合詩中所謂角龍也
仙傳拾遺楊伯醜好讀易隱華山何安嘗問易之所學曰太華下金天洞中我羲皇所教之易與大道元同理窮衆妙豈可與世儒常譚而測神仙之旨乎

葛符上下鄭風南北

丹臺新錄葛仙翁嘗船行弟子見公箱中有十許符因問曰此符之驗盡何事可得見否公曰神符亦無所不為弟子欲願見之公乃取一符投水中水迅急符逐水而流下公曰如何客曰今凡人投之亦當爾復投一符即迎水送上公曰如何客曰異矣復取一符投水中符亭亭不上不下須臾上符下符上會中央三符同聚而不流

鄭洪傳會稽記曰射的山南有白鶴山此鶴為仙人取箭漢太尉鄭洪採薪得一遺箭箭頭有人覓洪洪還之問何所欲洪識其神人也常患若耶溪載薪為難願旦南風暮北風後果然故若耶溪風至今猶然呼為鄭公風
戴洋短陋李阿貧窮
晉史戴洋字國流吳興長城人年十二病死五日而甦說死時天使其為酒藏吏授符錄結吏從瘡魔將上蓬萊崑崙積石太

室恒廬衡等諸山既而遣歸逢一老父謂之曰汝後當得道為貴人所識及長遂善風角妙占候卜數無風望好道術為人短陋

神仙傳李阿蜀人常乞於成都而所得復以散貧窮夜去朝還人莫知其止宿後一日語人云子被召崑崙當往遂不復見

劉寬長者夏啓明公

真誥後漢劉寬靈帝時為太尉嘗坐客遣蒼頭市酒迂久大醉而還客不堪之罵曰畜產寬須臾遣人視之疑必自殺顧左右曰此人也罵畜產辱孰甚焉故吾懼其死也夫人欲試寬今志伺當朝會麗服已訖使侍婢奉肉羹翻汗朝衣婢遽收之寬色不異乃徐言曰羹爛汝手其性度如此海內稱為長者

李羸蛟室思邈龍宮

闡幽微篇云夏啓文王邵公爽吳季札夏啓為東明公此四明公後並當昇仙階也主領四方鬼事

樹萱記李羸遇神女遺以匹素云蛟室所織後遇胡人以三百萬易之云此龍領小髯織成三十小劫方斷一綜

續仙傳孫思邈見人殺蛇解衣而贖用藥以封投於草中去數月忽有人邀至一城郭若王者之居見一絳衣人相謝曰前者小兒蒙救孫潛問左右此何所答曰涇陽水府留飲問所須孫曰山居樂道故無所欲君取龍宮方三十首此方可以濟世救人孫歸歷試諸方救人不計數著千金方

葛期致兩趙炳呼風

散龍宮方於其內唐高宗聞名除諫議不受後尸解空衣今為孫真人

交炳乃酌東流水為酒削桑皮為餠皆極醉飽曾至河欲渡岸傍求船船人不應炳乃鋪蓋水上而坐呼風亂流而濟悉無沾濕時人神異之

阮丘貨葱文賓餌菊

列仙傳黃阮丘者睦山道士也衣裘披髮耳長六七寸口中無齒日行四五百里每止於山上種葱貨藥以度世百有餘年人皆不識之及朱璜指出方知其神人候之已不見矣

又文賓者太丘人也賣草履為業一日棄妻入山餌菊不出妻老入山尋夫見賓更少亦不肯下山賓曰汝亦好道遂令妻餌菊養氣夫妻俱得道

謝敷少微李至亢宿

晉逸史謝敷字慶緒會稽人也入太白山十餘年鎮軍郗愔召為主簿臺召博士皆不就初月犯少微少微一名處士星占者以隱士當之譙國戴逵有美才人或憂之既而敷死故會稽人士以嘲吳人云吳中

高士便是求死不得死

王壺清話李至南宮嘗作宥宿賦其賦序曰予少多疾羸不勝衣庚寅歲忽夢遊一道官金碧明煥一巨殿一寶牀巋然於中一金龍盤于牀上碧髻金鬚光射天地旁

有綠鬚道士轉盼若雷電謂予曰此宥宿宮也大象無停輪宜速拜之汝將事此龍積疾亦消予將拜龍輒先拜至道初太宗

皇帝立真宗皇帝為皇太子命公與李元相並為賓客太宗皇帝戒真宗二臣皆宿

儒重德不可輕待吾選正人輔導於汝宗基國本吾無慮矣真宗恭稟皇訓見必先拜符宥宮之兆也

王畫瓦龜黃折草鹿

酉陽雜俎王瓊有道術取一瓦片畫作龜

甲懷之少頃取出置地則成真龜循行庭下經數日成瓦

西山記黃真君名仁賢字紫庭一日受玉皇詔上昇而二弟尚在獵所紫庭遽往召之乃曰我等受性遊逸不堪作仙但願舉

家昇騰我等未欲去世亦恐捕鹿冥數未足致此迷執紫庭以其分然乃付地仙之術教其修化復折草化鹿止其妄心二弟後隱於西山

觀香脫網許映解東

真誥王觀香靈王之女喬之妹也得喬飛解脫網之道與喬入山積三十九年道成授書為紫青官妃主領東宮

丹臺新錄許映長丈之兄也映絕志山林勤心味道遇王世龍受解東之道修運行

之法服玉液朝腦精二三年中面有光華還頹反少但恨其所稟不饒不得其高品之通耳司命勅吾舉之使奏聞上官移名東渚立為地仙

周驅邪魅劉役鬼神

西山記周真君諱廣字惠常入蜀得驅邪逐魅之術以拯救疾苦聞許真君在旌陽

以符呪療疾速近赴邇乃自蜀雲臺山至旌陽求見願事門下許君從之盡得其妙要後從許君上昇

神仙傳劉根漢武帝時棄官學道入嵩山石室中廟據王珍因請問根學仙時本末根曰吾昔入山精思無所不到後於華陰山見一人乘白鹿車從者十餘人左右玉女執朱旌之節余再拜稽首求乞一言神

人告曰爾聞有韓眾否答曰實聞之神人曰我是也遂授以道要夫道有昇天躡雲者有遊行五嶽者有不死者有尸解者藥

之上者有九轉還丹太一金液服之皆立登天不積日月矣其次有雲母雄黃之屬

雖不即乘雲駕龍亦可役使鬼神變化長生其次草亦諸藥能治百病補虛駐顏斷穀益氣不能使人不死也

李臻晦迹張暗登真

高道傳李臻家甚貧一日有道士張齊物

謁臻求寓泊之地臻待之甚厚張每醉或罵警嘔汗卧具奴僕皆惡之而臻未嘗介

意張因謂臻曰蒙君厚顧如此今別去能相送數里乎遂與之偕行張曰余周遊人間五十年未嘗見仁厚如君者遂以黃白

術授臻辭以命薄不敢受張茫然自失曰君之道非某所及也於是抽簪引以為劍乃割地隨手而裂曰自此為列乃投身入地而沒臻異之

張皓漢永初中嘗詔逸人為道士皓年二十歲與其選一日封衡忽至皓望風伏膺求啓未悟衡因觀其心遣涉于深淵則遇蛟鯨迫之而貌不變誘之以色試之以財而心不動衡曰可教也於是付青腰紫書金根上經及神丹半兩而誡之曰勤則得之替則失之皓俯伏受命遂入赤城山服丹行道至魏太初登真安妃貴客孫登奇人

真誥興寧二年紫微夫人與安妃同降楊真人室紫微曰今日有貴客來相詣安妃神女乃李夫人之女昔往龜山學上清道成受太上書補為九華真妃賜姓安氏以遊行於太清也抱朴子云孫登奇人也無家屬每於山間穴地而處冬則單衣大寒披髮自覆其身

而真誥亦云孫登獨弦而成八音真奇士道者樓芾先生布巾

茅亭記雍法志嘗供養一石老君每誦天蓬咒不輟一夕夢神人於石像前取一樓芾與之曰但有患者以帚掃之言訖而覺自後有疾者來以帚拂之應手而愈時人為頌曰雍道者掃盲能視拂跛能履患者雲集

丹臺新錄軒轅集居羅浮山自號羅浮先生人傳數百歲每入山採藥而龍虎隨侍而行師能分形化影無所不至每出入持一布巾見有疾病以布拂之應時而愈後不知所在

天台劉阮合浦元柳

神仙傳劉晨阮肇嘗往天台山採藥迷失道路因過溪見二女子顏色殊絕邀至家設甘酒下胡麻飯山羊脯食之甚美館于山中半年許洎歸鄉邑零落已七百年矣傳奇元和中元微柳實居于衡山欲越海艦舟合浦忽颶風飄入大海莫知所適

俄至孤島而風止二子登岸忽見雙鬟女子二人因叩頭求哀乞返人世二女憫之乃引謁南溟夫人告以姓名夫人笑曰昔有劉阮今有元柳豈非天也命二女送客以玉壺一枚贈之題詩曰來從一葉舟中來去向百花橋上去若到人間扣玉壺鴛鴦自解分明語俄有橋長數百步欄檻上皆有異花二子登橋遂抵合浦回視已無橋矣將歸衡山中塗以手扣玉壺果有鴛鴦語曰當欲飲食前行自遇耳忽道左有盤錯飲食豐備二子食之不飢後遇一叟曰太極先生以壺告之先生曰吾貯玉液壺也亡來已久後二子隨叟隱祝融峰疑自此得道也

少君眉目子榮鼻口

神仙傳李少君齊人也聞漢武帝好神仙少君以神方干武帝云丹砂可作黃金服之能昇天時見武帝御座有銅器曰此齊威公之器也帝驗其刻鏤之文果是乃知少君數百歲肌膚光澤其眉目口齒如童

子馬

丹臺新錄趙瞿字子榮時患癩疾毒死自厭入山以身投虎狼不歸忽遇異人授以服食法而疾除身體輕強年一百七十歲有少容臨卧時見二美女出入口鼻之間耳聞琴瑟之聲在人間三百餘年色如童子

真多朝元可居占斗

列仙傳李真多者神仙李脫之妹也隨兄修煉而兄授之以朝元之要行僅百年狀如二十許遇太上降授以飛昇之道今蜀中有真多治是也

高道傳道士任可居者不知何許人年四十木訥愚慙負囊事道士向道榮道榮憐其志以鎮元策靈寶訣付之戒曰十八年後方可以示人災福之驗勿窺榮利無妄傳授此道得之者神仙泄之者天枉可居自後漸言人休咎或為人禳醮每占先令其人齋戒向壁列斗魁之像坐其前則禍福吉凶歷歷如見

李泌潑蒜叔茂種韭

鄭侯家傳李泌少時身極輕能於屏風上立有異人云此兒十五必昇騰父母惡之忽聞空中異香作蒜汁潑之恐其飛騰也既長辟穀每道引骨節珊珊人謂之鏤子骨嘗作歌曰天覆吾地載吾天地生吾有意無不然絕粒昇天衢不然鳴珂遊帝都馬能不貴復不去空作昂藏一丈夫

真語秦時巴陵侯姜叔茂來住句曲山下種五果并五辛菜常賣以市丹砂而用之今山間猶有韭薤即其遺種耶秦孝王時封侯今名此地為姜巴者是矣

龍君橋社漁父杏壇

仙傳拾遺柳毅家于江湘儀鳳中下第將還鄉里其故人客寓涇陽者往別之未至六七里見美婦人牧羊於野心甚易之問其故云洞庭龍君小女也嫁于涇川小龍為夫所薄憇於舅姑舅愛其子黜之以至于此因託教寓書于洞庭之北有巨橋謂之橋社鄉里祠之至其所以物擊木三五

聲書可達矣毅如其言有武夫出波間引毅入波中其官闕如王者之居於是留毅

官中歡宴累日既還贈遺珍怪不可名述南華真經孔子遊乎緇帷之林休坐乎杏壇之上弟子讀書孔子絃歌鼓琴奏曲未半有漁父者下船而來鬢眉交白披髮揄袂行原以上距陸而上左手據膝右手持頤以聽曲終

張灊飲水伯陽餌丹

仙傳拾遺張灊武陵人幼而好學常注念於桃源觀願遇靈仙以希度世亦髣髴通感秘而不言乾符中鄭渚出牧武陵因述詞文虔禱祝以灊牙將之中素勤道法今齋其詞致齋法事未畢有仙樂五雲之異良久垂一瑠璃瓶自空而下灊捧接之及一瓶水耳盡飲之甘美無比忽然騰躍昇天而去
神仙傳魏伯陽入山作神丹將弟子三人丹成知弟子心未盡乃試之曰丹雖成當試之以大大飛者可服之若犬死不可服

也乃以丹餌犬食即死伯陽曰吾輩達世俗委家入山不得仙道亦恥歸死之與生吾當服之丹入口又死徐二弟子相顧曰作丹以求長生今服却死何如不服乃出山管棺木一人去後伯陽即起與服丹弟子姓虞及白大而出逢其入山伐薪人作手書與鄉里寄二弟子二弟爾時乃醒悔恨而已

驟客排闥胡琮啓關

神仙傳茅山黃尊師學行甚高開講之次衆方雲集忽有一人排闥而呼曰道士奴天正熟聚衆何為何不入深山學道敢漫語耶師不對良久色稍和曰豈非要錢修造乎可盡取破釜雜鐵來師如其旨即命掘地為爐以熾火銷鎔取少藥攪之少頃去火已成白金矣師感謝笑而出門不知所之後有人見於京師腰插一鞭逐一驟其去如飛或目之為驟客
搜神覽江州太平觀道正胡用琮雙目失明罷職嘗令人引行觀中至門時天大雪

人言有貧者口銜一筋坐塔砌上貨墨一金一寸人稀售之琮問其故曰今日大雪不能入城遂憇此而人少顧者琮憫焉以之五十金日以為常忽一日叩門告辭關捷不開相隔而語曰我贈君墨一寸請自保之隨意而用若有患磨服之不復有苦琮謝之問其姓曰我賣墨牌榜即姓氏也乃置墨而去漸聞聲遠啓關無及矣琮因磨墨飲之即覺兩目明徹或曰以筋界口乃呂字疑其洞實也

沈彬石榔表祀銅棺

賈氏錄談沈彬郎中少好道將卒戒其子云吾所居堂中正是吉地即葬之子孫不敢違既兆其穴開之見石榔一所甚寬廣及有青石蓮燈三枚鐫刻甚妙又有石記云開成二年開雖開亦不埋漆燈猶未照留待沈彬來後人見棲於西山天寶洞袁府君祠堂記云府君後漢人也按北齊修文御覽云陽羨初立縣時會稽袁玘生有神異而君始為令於此逆知水旱自言

死當為神或寢息繼日夢與神宴會一旦無疾暴亡殯後風雨晦冥忽失柩所在有民夜聞荆南山若數千人聲晨往視之而柩在焉亟抵縣白之吏民馳至柩已神藏止見石壇石冢而已於是改荆南山為君山至今俗呼為銅棺山以謂府君亡時天降銅棺如王喬為葉今天降玉棺類也
紫雲乘風黃梅墮井

紀聞錄唐開元二十四年春二月駕在東京以李適之為河南尹其日大風有女冠

乘風至玉真觀集于鍾樓人觀者如堵以聞於尹尹率略人也怒其聚衆袒而笞之而乘風者既不哀析亦無傷損顏色不變適之大駭方禮謁奏聞勅召入內殿訪其故乃蒲州紫雲觀女道士也辟穀久輕因風遂飛至此後因大風復飛去不返
廣異記黃梅縣女道士張連翹年八九歲常持瓶汲水忽見井中有蓮花如小盤漸漸出井口往取便縮不取又出如是數四遂墮井家人怪久不還往視見連翹立井

水上自後不食父母命出家為道士年十八晝日於觀中獨坐見天上雨錢又雨黃藥吞二粒覺神情倍於常日

魯聰致雷王向分影

續仙傳葉千韶字魯聰有道術嘗遇歲旱

人請祈禱師即焚香啓祝須臾降雨人有請致雷者以足擦地便鳴從地底輾輾聲一日於城市忽驅叱以振威人詰之曰我見某處火災故救之耳驗之信然

列仙傳王向生而秀異日望終南山高峰

謂父母曰兒長大必居此山人甚器之既冠不願仕以坐忘遺照為事遇神仙孟先生授以道法能變化分形化影

謝雲一川王濤萬頃

集仙錄果州謝自然絕粒多言道家事詞

氣高異刺史韓侑至郡疑其妄延入州閉之累月率長幼開籥出之膚體儼然侑即使女自明師事之又於大方山置壇請道士程太虛具三洞錄遷自然居於州郭正元九年刺史李堅致任自然告云居城郭

非便願依泉石堅即築室於金泉山一日詣州與李堅別即於金泉山白日上昇士女數千人咸共瞻仰須臾五色雲遮巨一

川

墨客揮犀王平甫熙寧癸丑歲直宿崇文

館夢有人邀之至海上見中央宮殿甚盛其中作樂笙簫鼓吹之伎甚衆題其宮曰靈芝宮平甫欲與俱往有人在宮側隔水謂曰時未至且令去他日當迎之至此恍然夢覺時禁中已鍾鳴矣為詩曰萬頃波

濤木葉飛笙簫宮殿號靈芝揮毫不似人間世長樂鐘聲夢斷時

秀川鐵扇觀福金餅

野人閑話祠部員外郎彭曉字秀川自號

真一子常謂人曰我錢鏐之後世有得道者余雖披朱紫食祿利未嘗懈怠於修煉去作一代之高人終不為下鬼者矣宰金堂縣則恒騎一白牛於昌利山往來似有會真之所往往有白鶴飛鳴前後曉注陰符經解參同契每篆符謂之鐵扇子有疾

者餅之輒愈

集仙錄黃觀福家貧每以栢葉為香焚之食栢不嗜五穀既笄欲嫁之忽謂父母曰門前井中極有異物往看之水果洶湧乃自投水中良久不出漉之得一古像天尊狀貌與女無異水即澄靜便以木像置路側號泣而歸其母時來視之懷念不已忽有綵雲仙樂導衛甚多與女子三人下其庭中為父母曰女本上清仙人也有小過謫在人間年限既畢復歸天上無致憂念也又曰此今年疾疫死者甚多移家益州以避凶年即留金數餅昇天而去

三洞群仙錄卷之十二

改二

十八

三洞群仙錄卷之十三

設三

沙苑矯翅華陽養嗣

正一道士陳燕光撰集

高道傳益州城西有道觀非修習者莫之居徐佐卿嘗自稱青城道士一歲三四至

天寶中重陽日明皇獵于沙苑見雲間一孤鶴翔飛上射中之帶箭而墜倏然矯翅着于東南是日佐卿獲箭而來神采不怡謂人曰吾行山中偶為此物所加已無恙矣此箭非人間所有越明年箭主到此當付之遂留於後壁復題其時云十三載九月九日也明皇狩蜀至觀因幸道院見前箭命取閱之即御箭爾上驚異詢之道士以實對即知前歲沙苑中所射之鶴乃徐佐卿也復覽其題則又知當日自沙苑一

者而至于斯也今有飛仙領傳佐卿帶箭飛泊之所下有飛仙觀存焉

真誥姜叔茂為巴陵侯棄官入句曲山修煉道成寄書與僚友云我昔學道於鬼谷道成於少室養嗣於華陽待舉於逸城時

乘輿輪宴我句曲悟我永嘆代謝之速
馮長回黃世京守白

真誥馮長守延年十五通陰陽占候之術感鄧真人授書能回黃轉赤而面生玉澤道成今為西嶽真人

又陳世京守玄白之道常旦且坐卧任意存泥丸黑氣心中白氣臍中黃氣三氣俱生如雲以覆其身因變成火火燒於身洞徹內外如此且且行之服氣二十過畢乃止所謂知白守黑欲死不得知黑守白萬邪消却世京後得仙

裴雲盤旋威霞煥赫

續仙傳裴元靜幼而恬淡及笄願入道父母曰女生有歸遂逼之以適李言為妻夫妻如賓幾月乃告於夫曰神人不許為君妻請絕之獨居一室中夜嘗聞談笑之聲夫疑而潛窺之光明滿室及旦與夫別去而雲霞盤旋仙女奏樂而元靜上昇
戚氏號道遙好道誦經不輟及笄父母強適劉尋為妻而道遙獨處一室絕粒靜坐

而人莫得而測一夕聞屋裂如雷聲但見衣裳在室仰視雲霞煥赫而道遙上昇
正節野人舍光清客

高道傳吳筠天師守正節天寶初至京師係道士籍入嵩山依潘師正究其術明皇聞名召與語甚悅上復問道對於道者無如老子五千言復問神仙治鍊法對曰此野人之事積歲月求之非人主宜留意筠每開陳皆名教世務以微言諷天子天子重之

道士李含光工篆隸或稱過其父一聞之終身不書後師正一先生雲篆寶書傾囊相付且曰李含光真玉清之客也
隱柱羅遠入圖柳成

逸史道士羅公遠時明皇一日召見問隱形術對曰陛下以玉書金格簡於九清矣豈以社稷之重而輕徇小術耶上怒公辱罵之走入殿柱中數上過上愈怒劈柱追之既見入玉碣中又碎碣為十數塊皆有公遠之形上謝之乃如故上復強之不已

因教焉然不肯盡其術試自隱常露衣帶或見影迹上怒遂斬之有中使輔仙玉自蜀還逢公遠駕與語袖出一書及蜀當歸為寄仙玉具以奏上頗加悔恨天寶末果西蜀之幸當歸不誣矣

酉陽雜俎正元末有畫人竄采圖為竹林會甚工坐客郭嘗柳成二秀才每以氣相軋柳忽眊圖謂曰今欲為公設薄伎不施五色今其精采殊勝如何郭殊不信柳曰當入彼畫中治之乃騰身起入圖而滅坐

客大駭圖表於壁衆模索不獲久之忽語曰郭子信矣聲若出畫中也食頃瞥自圖上墜下指阮籍像曰工夫抵及此衆視之覺阮籍圖像獨異胥若方嘯竄采觀之不復認意其得道與郭俱謝之數日遂遁去

子虛學古桃俊明經

真境錄暨天師名齊物字子虛學古通經傳時有浮屠梵驟問道釋所起之由師為分其同異曰道無前後香不可稱論也且老子即長生仙道屬太上左宮故老子生

左腋手舉於左故貴左法教服其黃黃者陽也得其道則存亡在已出入無間大劫有窮而吾道不泯太子即輪轉生死之道滅度之法屬太上右宮故太子生右腋手舉於右故貴右法教服其緇緇者陰也命盡而有死其二法殊途同歸於太上非至人莫見其真也聽者嘆服

真語桃俊字翁仲少為郡幹佐明經術晚為交趾太守遇東郭幼平服九精鍊氣輔星在心之術俊修之得道今在洞中

滕公火鈴許君燈禁

灑水醮談滕宗諒待制守歷陽聞山中有逸人隱居窮僻滕訪之會其方眠呼覺揖滕偶坐言極有理滕詢其山居幾許年月始避兵寇獨處於此但見花卉滿中即知為春草木搖落即知為秋大寒大暑即知冬夏坐久顧滕曰日向夕當亦必飢有山芋野栗可以充飧乃撥松卉火炮芋栗遺滕食訖語以手拈火得無苦耶欲致一火鈴可否笑曰久處山中安於恬淡不欲以

物役心鈴無用日暮滕悽然而歸後再遣人致問已不復知所止矣

西山記許真君與吳君還豫章因歸道遙山日與弟子講論教戒鄉里人皆遷善遠罪仁孝興行嘗有以鐵燈禁詣山售者真君買之夜為燈照漆剝處細視之乃黃金也連訪其人還之

伯慈疾愈禮正身輕

真語范伯慈有邪勞之疾頓卧經年費用家財而疾不除於是發心入道棄俗務靜坐修養五十日而疾愈於是入天目山服食精思十九年感真仙降授丹藥服食白日昇天補為元一真人

衡山有學道者張禮正初遇西城王君授丹方服食自後目明身輕日行五百里東華帝君遣迎白日乘雲上昇

漢武四多黃帝七味

仙傳拾遺月支使者謂武帝曰眼多視則貪恣口多言則犯難心多動則淫賊身多飭則奢侈未有此四多而天下成治者

也

黃帝內傳王母授帝七昧之術帝曰何謂七昧王母曰目昧即不明耳昧即不聰口昧即不爽鼻昧即不通手昧即不固足昧即不正心昧即不真但心不亂即真矣目不昧即明矣耳不昧即聰矣口不昧即爽矣鼻不昧即通矣手不昧即固矣足不昧即正矣是知七昧其要在一一之稍昧六昧俱塞則一身不沾近於死也

黃覺錢客仙鳳赴會

劉賁父詩話黃覺善詩嘗錢客都門外至則客已遠不及旅舍中見一羽士在側因取所携酒肴呼道士共飲食既罷道士舉血撫水寫呂字覺始悟其為洞賓也道士曰明年江南見君覺果得江南官及期見道士出懷中大錢七其次又三小錢曰數不可益也予藥可數寸許告曰歲旦以酒磨服之可保一歲之疾覺如其言至七十藥亦垂盡作詩曰牀頭曆日無多子屈指來年七十三果以是歲終

仙傳拾遺劉仙鳳者九隴道士也因入白鹿山見神人授隱秘之術糊口山有大雪寺方眾會仙鳳與道流十餘人赴其會既不為之禮鳳與道流纜出忽聞齋處眾人驚徹連聲不已云籬外籬中有虎三十餘頭縱橫出入眾不暇食憂懼莫知所為僧知其術也命眾人與眾僧望仙鳳焚香致禮悔謝虎乃息

元卿麟脂介象鱗膽

續仙傳謝元卿遇神仙設鳳冠粟龍精稻麟脂斑螭髓玄洲白捺空洞靈瓜扶桑丹榷清河文藻又有瓊粕酒桂腦芸英又彈八琅之漱叢霄之笙洞陰之磬奏元鈞之歌回鸞轉鳳之舞

廣記介象字元則與吳王論膾何者最美

象曰海中鮒魚為上請於殿前作方坎汲水滿之象垂綸於坎中食頃得鮒魚作膾章后折爪守一破塊感應錄陳武帝章皇后母蘇氏嘗遇一道士以一小龜遺之光彩五色曰三年有應

及期后生紫光照室因失龜所在后少美容儀手爪長五寸色並紅白每有期功之服則一爪先折

王氏神仙傳王守一貞觀初自號終南山人王布衣賣藥於洛陽富人柳信生一子眉上一肉塊布衣壺中搗藥一粒傳之須臾肉破有小蛇突出五色爛然漸及一丈許布衣叱之蛇躍起雲霧昏暗布衣乘蛇而去

王倪飛步許鶴上昇

王氏神仙傳王倪即齧缺師也得道於羲農之間黃帝過之以傳道要歷少昊顓帝世常遊人間行飛步之道堯舜之時猶見者後一日昇天

郡閣雅談許鶴真人唐末遊南嶽招仙觀壁上題歌一首云洪鑪烹鍊人性命器用不同分皆定妖精鬼魅聞神通只自干邪不干正黃口小兒初學行唯知日月東西生還為萬靈威聖力移月在南日在北玉是玉兮石是石蘊素深泥終不易鄧通餓

死嚴陵貧帝王豈是無人力丈夫未達莫
相侵攀龍附鳳損精神題後數日上昇
子長德合圖南道成

真誥太上真人告長史云我見南陽樂子
長淳朴之人不師不受順天命亦不知
修生之方行不犯惡德合自然雖不得延
年度世死登福堂煉神受氣名賓帝錄今
補脩文郎天資有分亦由先世積德流慶
所及若使有攝生之理兼行太上之訣以
此求道無往不舉矣

高道傳陳搏字圖南舉進士不第肆志山
水間凡二十餘年夜於庭間見一金甲神
人持劍曰子道成矣當有歸成之地先生
曰何謂歸成金人云歸成之地者蓋秋為
萬寶之所歛而歸者也吾其隱於西方乎

遂遷入華山居
淳風占日薛贖諫星

國史異纂唐太史李淳風校新曆日太陽
合朔當蝕既於占不吉太宗不悅曰日或
不食卿將何以自處曰如有不蝕臣請死

之及期帝使人於庭謂淳風曰吾放汝與
妻子別對以尚早一刻指表影曰至此則
蝕如言而蝕不差毫髮又嘗奏曰北斗七
星當化為人明日至西市飲酒宜令候取
太宗從之乃使人候有婆羅門僧七人入
自金光門至西市酒肆登樓而飲使者登
樓宣勅曰今請師等至宮胡僧相顧而笑
曰必李淳風小兒言我也飲畢下樓已失
胡僧所在

仙傳拾遺薛贖河東汾陰人後居渭州去
俗為道士明於天文律曆太宗將封禪有
羣見贖諫而止之每奏災祥與李淳風符
契後無疾而卒有異香雲鶴天樂之異山
下及觀中咸聞見之及葬空棺而已
子華太霄遠遊上清

真誥山陽呂子華陰君之弟子也服虹丹
之液未讀內經來從太君授太霄隱書而
誦之常以幽館方臺為樂而不願造仙位
許先生邁改名遠遊乃長史之兄也君清
虛懷道幽棲野外遇異人授返行之法服

玉液朝腦精而面光華還顏返少晉永和
中嘉道不返後棲大滌中峰丹成天降玉
童白鹿下迎今南陵院乃其遺跡
公房砥瘡張蒼吮乳

神仙傳李八百蜀人也年八百歲因為
號或隱山林或出市里唐公房有至心而
不遇明師李欲試之為作偏容公房不知
是仙人八百驅使用意過於他客公房甚
愛之後八百偽作病困欲死公房為迎醫
合藥價數十萬不以為損憂念之竟形於
顏色八百轉作惡瘡遍身臭不可近八百
曰吾瘡若得君砥之當愈公房即為砥八
百曰君砥復不能愈君婦砥之當愈公房
乃使婦砥八百曰然三十斛美酒浴當即
愈公房乃為具酒浴瘡體如凝脂亦無餘
痕乃告公房曰吾是仙人子至心故相試
爾子可教也以丹經一函授之公房入雲
臺山中合丹丹成而白日昇天
抱朴子漢丞相張蒼偶得小術吮婦人乳
汁得一百八十歲此蓋道薄者耳而蒼為

之猶得中壽之三倍況於備術行諸秘妙
何為不得長生乎

沙海石藥唐昌玉葉

拾遺記黃帝使風后負書常伯荷劔且遊
涇沙夕歸陰浦萬里一息涇沙有石藥一
莖百葉千年一花其地一名沙瀾沙湧起
成波瀾也中有神龍魚鼈皆能飛翔仙人
寧封食飛魚而死二百年更生故寧先生
遊沙海頌云青葉的嶸千載舒百齡暫死
食飛魚

劇談錄長安唐昌觀有玉葉花車馬尋
者相繼一日有女子年可十七八衣繡衣
垂鬟容色婉婉從以二女冠三小僕僕皆
非髻容彩端麗無比異香馥郁佇立良久
令小僕取花數枝曰曩有玉峰之期此可
以行矣舉樂須臾已在半天方悟神仙之
遊也

道士振衣將軍舉塵

括異志方道士失其名隱於滄陽之西山
磁州有護國靈應公祠每歲二三月天下

所獻奇禽異獸巧工妙伎珍肴異果無所
不有人多會於祠下遊覽宴聚以至夏初
社人罷去及期方道士無歲不來常以九
蒸黃精以遺交舊一歲忽不至皆謂徙居
他山或以為物故春城隍廟神座後有死
人塵埃厚且寸餘官吏將檢視忽振衣而
起乃方道士也復陪諸君酣飲月餘乃去
自是不復來

真誥保命君語揚真人曰許子能委形冥
化從張鎮南受夜解法云許子即許掾是
也系師為鎮南將軍尸解葬鄰東後四十
四年至魏時遇大風木棺開見尸如生舉
塵尾覆面而大笑
使者迎茅天王問許

茅山記三天使者乘紫雲轡手玉板披繡衣
齋命至大茅山迎大茅君君授命而赴赤
城之任今茅山有繡衣亭是當時受九錫
之處也

真誥仙人王子登位為小有天王東卿知
許長史之慈肅而子登問此人今何在東

卿曰是我鄉人也內明真正外混世業乃
良才也今脩上道
掉花飲酒擊竹和歌

郡閣雅談李夢符梁開平初鍾傳鎮洪州
日與布衣飲酒狂吟放逸四時常掉花以
釣竿掛一魚向市肆蹈漁父引賣其辭好
事者爭買得錢便入酒家其辭有千餘首
傳於江表略其一兩首云村寺鐘聲渡遠
灘半輪殘月落前山徐徐撥棹却歸灣浪
疊朝霞碎錦翻又曰漁弟漁兄喜到來婆
官賽却生江隈擲榆杓子木瘤杯爛煮鱸
魚滿案堆鍾傳以其狂妄惑眾將罪之夢
符於獄中獻詩十餘首其略曰掉花飲酒
無妨事樵唱漁歌不礙時鍾不之罪遣之
後不知所在

神仙傳擊竹子不知其姓氏在成都酒肆
中手持一竹節相擊鏗然有聲歌以和之
所歌辭旨皆合道意如此十餘年一日東
市藥肆語黃氏子曰余知長者好道今欲
以誠奉託可乎黃曰願聞其所須曰我乞

士也在七里亭橋下今病甚且死死之日幸火焚之然慎勿觸我心翌日至橋下見之擊竹子欣然感謝言訖而逝黃為置衣余具棺歛焚於郊外即聞異香馥郁鳥鳴至晚其心不化且如斗大黃氏子以日暮欲歸誤以杖觸其心忽炮聲如雷人馬驚駭見有人長尺餘自煙焰中即擊竹子也手擊其竹噉然有聲杳杳入雲中而去厲畫一鷄董歎二總

高道傳道士厲歸真唐末遊洪州信果觀見三官殿功德塑像乃明皇詔以夾紵製作甚妙然主者不甚嚴護常有雀鴿糞點汗歸真遂於壁畫一鷄自此雀鴿無復栖止後有人見歸真於羅浮山登真晉逸史董養字仲通陳留浚儀人秦始初到洛下不干祿求榮永嘉中洛城東北步廣里中地陷有二鷄出焉其蒼者飛去白者不能飛養聞嘆曰昔周時所盟會狄泉即此地也今有二鷄蒼者胡象白者國家之象其可盡言乎顧謂謝綬阮字曰易稱

知機其神乎君等可深藏矣乃與妻荷擔入蜀莫知所終

德誠蛇劔陶侃龍梭仙傳拾遺鄧德誠者撫州臨川人世崇於道每焚香常誓佐國扶教入道於麻姑山親友聞其志或謂曰夫佐國之功非文武不可也吾子退為道士何以遂斯志邪笑曰此志非世人所知也忽一日自山中還私第中道逢巨蛇橫路擲水以噀之曰汝若龍也當隨水飛騰勿障行徑蛇忽化為劔持之以歸一旦有道士見之曰此神劔也乃教以所用之法明皇耽味至道博訪道術詔至京師暇日因謂德誠曰石堡之城頗為邊患德誠曰臣以草野之賤荷非次之恩敢不效用以安聖慮乃然七燈以象斗形焚香冥祝乃有一燈飛去熾若流星石堡之城為灰燼矣

玉源寶馬芙蓉素驪

青瑣劉丞相赴舉京師過獨木鎮有老叟贈詩曰今年且跨窮驪去異日當乘寶馬歸又曰公自是羅浮山玉源道君

歐陽詩話石曼卿死後人有恍惚見之者

云我今為仙主芙蓉城騎一素驪如飛後又降於舉子家留詩云鶯聲不逐春光老花影長隨日脚移

煙蘿三友竹溪六逸

真誥鄭遨字雲叟舉進士不第唐末振衣遠去入少室山為道士有二青童一鶴一琴從之遊處與梁室權臣李振友善振欲祿之拒而不諾既而振得罪南遷邀徒步千里往省之由是聞者益高其行遶聞華山有五粒松脂淪地千年化為藥能去三尸因徙居華山與道士李道盛羅隱之三人為煙蘿友世目之為三高士

唐李白善縱橫術擊劔為任俠輕財重施客任城與魯中諸生孔巢父韓準裴政張叔明陶沔居徂來山日沉飲酣歌號竹溪

六逸

王探投簪韋節還紱

丹臺新錄王探字養伯太原人也神標穎

秀幽樞潛密靈規洞冷絳精凝皓景霽霄

衝誠疑玉陛所以瑤林翳會仙浪濛濛故

能驪首拔藻延頤入素初因呂后攝政權

任中常之職至文帝龍飛乃投簪鳳闕天

子禮賢以道稱為逸人

神仙傳法師韋節後魏莊帝時為陽夏守

師道士趙通法師逶迤簪紱於朝受三洞

靈文神方秘訣後卜居華山之陽人因號

為華陽子

澤民燕堂杜冲寢室

翰林名談張澤民元豐中死而復生云至

一處若瓊瑤世界有堂榜曰五相清燕之

堂詢門吏可得入手吏曰此神仙所聚爾

不可入問五相姓名曰呂夷簡子迪劉寵

龐籍富弼也俄呵道自中出其乘馬者貌

類劉夔侍郎呼澤民與語張曰公今去世

為仙乎劉曰吾今為土地主比人間守令

功行未至何敢望仙被會督役令方畢工

軒窗階砌皆明王也己命王元澤作記耶

踈篆矣張曰富相當安何故先有此堂劉

曰更三年至矣

丹臺新錄杜冲師文始先生經上十年感

展真人降於寢室授冲丹方謂冲曰地司

舉子之功老君遣我授子仙經冲依奉修

煉行之有驗能驅策虎豹役使鬼神為通

幽洞冥莫測其端矣

于吉療病法滿寢疾

江表傳吳孫策時有道士于吉讀道書制

作符水以療病吳會多事之策常會客郡

樓吉趨度門下諸將賓客三分之二下樓

拜之止之不能策即收之策毋曰于先生

亦助軍作福醫護將士不可殺之策不從

俄見吉卒後葬之失尸所在

真境錄法師朱君緒字法滿居玉清觀即

解紛異俗尚行全真閉戶閑庭下惟虛室

器宇宏雅奉定發乎天先情性淵默雷聲

洊乎江表爰以王清本觀地迫諠煩天柱

古壇境遠閑靜乃拂衣不駐策杖收徒數

年之間諸業未就忽寢微疾一朝倏起命

水澡浴具冠服焚香端坐語弟子曰吾於

彭殤存亡齊之久矣然道妙寂寂感者通

馬神理冥冥契者昭焉吾言之矣汝知之

矣經法戒行爾其勉諸言訖奄然而逝

三洞群仙錄卷之十三

三洞群仙錄卷之十四

設四

清虛小有寒華大茅

正一道士陳葆光撰集

王氏神仙傳王褒字子登鹿巾披褐徧遊名山精感吳宮夜半忽聞林中人馬之聲簫鼓亂音須臾千乘萬騎浮空而至神人乘三雲之輦手把虎符停駕而告言曰子玄錄上清金書東華名編清虛位登小有必當掌括寶籙為天王之任耳

茅山記孫寒華即吳帝之孫女於茅山修道

道成冲虛而去因號其山為華姥山真誥曰寒華乃神仙杜契之弟子行元白法而得少容今在大茅之間時或出入有見之者

王錫甘露田生神膠

總仙秘錄真人王錫嘗因大疫入息山採藥散施活人無數忽遇一道士謂曰子有風骨而又積德多矣因授以飡風飲露之術一日天降甘露於所居之側竹木枝葉上真人得以飲之遂昇天

仙傳拾遺田先生隱於鄱亭作小學時饒

守齊推有女嫁李生者數月而孕李生赴舉長安其婦將產忽為鬼所害而卒李生下第歸饒於野中見其妻訴鬼所害之事曰可於鄱亭告田先生或可再生李如其言即往村學見先生哀祈之先生曰但屋舍已壞矣先生即從舍出乃呼地界而問曰刺史女因產為鬼所殺屋舍已壞如何一吏曰只追李妻魂魄合為一體以神膠塗之即生矣李妻乃活遂失先生所在

遊周詩誠忠恕字朝

高道傳李遐周有道術開元中召入禁掖久之天寶末一旦遁去但於所居壁上題詩識祿山僭竊及幸蜀之事人莫能曉而後皆有所驗其末篇云燕市人皆去函關馬不歸若逢山下鬼環上繫羅衣燕市人皆去者假幽薊之衆而起也函關馬不歸者哥輪翰潼關之敗足馬不還也若逢山下鬼者即鬼字馬鬼驛名也環上繫羅衣者貴妃小字玉環馬鬼時高力士以羅巾

縊之其所先見皆此類也

玉壺清話郭忠恕惟縱無檢多突忤於人聶崇義建隆初拜學官河洛之師儒也趙翰王嘗拜之郭便酒誅其姓玩之曰近貴全為贖攀龍即是龍耳雖然三箇耳其奈不成聰崇義應聲反以忠恕二字解其嘲曰勿笑有三耳全勝蓄二心郭大慚終以此敗後坐謫時政擅質官物流登州中途卒藁葬於官道之傍他日親及殮葬發土視之若蟬蛻殆非區中之物也

脫空王老詐死馬郊

神仙有王老者莫知年歲自言姓王不知何許人或示死於此即生於彼屢於人間蟬蛻時人謂之脫空王老江淮異人錄司馬郊一名疑躡履而行一日可千里性僿暴人無敢近之者能詐死以至青腫臭腐俄而復活嘗止宣城逆旅召主人與飲因而凌辱而更繫之既而互相搏擊郊忽捨地視之已死體冷色變一市皆聚觀乃召鄉里縛其主人將送於官

時已向夕欲明且乃行至夜復聞唐中噓然曰失司馬尊師矣而人方悟郊詐死也文侯布穀郭璞散巨

高道傳道士牛文侯性識穎拔學洞古今多誨人為善每冬凜則布穀于地使禽虫有所食陰功密惠大以父於人小以及於物脩身積德久而愈篤

方術傳郭璞至廬江太守胡孟康家將趨裝去之愛主人婢無由而得乃取小豆三升繞主人宅散之主人晨見赤衣人數千圍其家就視則滅其惡之請璞為卦璞曰君家不宜存此婢可於東南二十里賣之慎勿爭價則此災可除王人從之璞陰令人買此婢復為符投於井中數千赤衣人皆反縛一一自投于井主人大悅

王纂飛章張殖易奏

王氏神仙傳王纂當晉室擾攘之時憫斯民之苦每夜飛章以告上帝俄感太上自空而下告之曰子憫生民形于章奏吾得鑒聽于子遂命侍童取三五齋談授於纂

曰勉而行之真仙可冀

廣記張殖者彭州道江人遇道士姜真辨授以六丁驅役之術大曆中西川節度使崔宓常有密切之事差人走馬入奏發已三日忽於案上文籍中見所奏淨本猶在其函中所封乃表草耳計人馬之力不可復追憂惶不已莫知為計知殖有術召而語之殖曰此奏可易不足憂耳乃炷香一爐以所寫淨表置香烟上忽然飛去食頃得所封草墜於殖前及使回問之並不知覺進表之時封印如舊崔公深異之

師皇龍針崔煒蛇灸

列仙傳馬師皇即黃帝馬醫也識馬生死之診治之無不愈者忽見一龍下向之垂耳張口師皇曰此龍有疾知我能治遂取針以針其脣其龍乃去後數年數數有龍見負師皇去
廣記崔煒於正元間遇一老嫗自稱鮑姑授艾少許云每遇痲贅不過一炷言訖不見煒莫之曉一夕忽墮於枯井中無計而

出旁見一白蛇蟠屈數丈煒視其脣亦有疣偶因野燒延火飄入井中煒取火依鮑姑之言以灸之其疣應手而墜煒知龍也遂跨其背而蛇身光燭相照昇騰行至一洞中見一青衣童子曰玉京子也已送崔

君來煒至問童子鮑姑何人曰鮑觀女葛洪之妻也多行灸道於南海煒方駭之又問玉京子何人曰安期生常跨斯龍朝玉京號玉京子也

賀乞鑑湖葛求句漏

高道傳賀知章字季真越州永興人性曠夷初擢進士第累遷寶客授秘書監晚節尤誕放天寶初病夢遊帝居數日寤乃請為道士還鄉里詔許宅為千秋觀又乞官湖為放生池又詔賜鑑湖剡川一曲既行帝賜詩寵行人比之為二疎

神仙傳葛洪字稚川本姓諸葛遠祖征江漢次丹陽之句容因止而嘆曰獨我在此何諸之有遂去諸字葛姓之興始於此也究覽典籍尤好神仙親友薦洪才器宜長

國史選為散騎常侍洪固辭不受加以年老欲合丹藥聞交趾出丹砂乃求為句漏令遂將子姪俱行焉

公昉仙酒法先神燈

撫遺唐公昉興元府人興元有斗山觀自

平川內聳出一山四面壁立其上如斗底故以名之薛蘿杉栢景象奇妙昔公昉飲李八百仙酒舉家拔宅上昇故後人題云霞盃欲舉醉陶陶不覺全家住絳霄公宅只知雞犬在上天誰信路岐遙三清寥

廓拋塵夢入景雲寬事早朝惟有故林蒼栢在露華烟靄鎖驚廳今有故基存焉

丹臺新錄彭宗字法先嘗服業於杜冲真人栖真味道精貫人神一日夜間行道有神燈數枝浮空映席凝輝流耀人皆異之

君賢易姓拱壽塗名

馬君內傳馬明生本姓和字君賢少為縣吏捕賊為賊所傷當時殆死忽道傍見一女人年可十六七衣服奇麗姿容絕世行步於其間明生知是神仙因叩頭乞治女

人即與藥一粒大如小豆與服之於是即愈明生乃棄職易姓名隨神女還岱宗神女知其可教乃令安期生授金液丹方明生後服丹上昇

括異志范公仲淹倅陳州時郡守母病召

道士秦章公笑曰庸人安能達章帝所耶道士乘簡伏壇終夜不動試捫其軀則僵矣五更手足微動良久謂守曰夫人壽有六年所苦勿慮守問今夕拜章何其久也曰方出天門遇放明年進士春榜觀者駢

道以故稽留公問狀元何姓曰姓王二名

下一字墨塗旁注一字遠不可辨既而郡守母病愈明春狀元乃王拱壽御筆改為拱辰公始歎道士之通神

鬼谷犬履山陰鶴經

仙傳拾遺鬼谷晉平公時人隱居嵩陽鬼谷因以為號先生姓王名詡蘇秦張儀從之學縱橫術智謀相傾奪不可化以至道臨別去先生與一隻履化為犬以引二子即日別秦矣先生在人間數百歲後不知

所之

真誥注王逸少即王廙兒曠之子有風味善書後為會稽太守永和十一年去郡不復仕先與許先生周旋頗亦慕道又晉書羲之愛鶴時山陰道士好養鶴羲之往觀

焉意甚悅因求市之道士云為我寫黃庭

舉羣相贈耳羲之欣然寫畢籠鶴而歸

列仙傳偃佺槐山採藥人也好食松實形體生毛行走如飛年三百歲劉向為之頌曰偃佺餌松體逸眸方足躡鸞鳳走起騰

馳

仙傳拾遺葛永瑣常居蜀之上清山志希度世巨松之下時有夜光因得茯苓其狀如人形鍊而食之能飛行變化丹成服之

白日昇天因號上清山為葛瑣山

天師鬼降真君牛鬪

高道傳天師張道陵昔成都與鬼戰奪二十四獄俱為福庭降二十八宿以通正氣時有鬼帥尚居青城山下為人鬼貿易之

所謂之鬼市天師至則化為寶座居之
兵固不能刃火亦不能焚於是鬼帥降焉
西山記許真人遜還豫章周覽城邑忽遇
一美少年自稱姓慎來謁禮貌勤厚詞語
辨捷欲少留之遠告去真君謂門人曰此

非人乃蜃精耳得非聞吾有除害之意來
見試耶若不誅之終為大患遂乘高迹其
所之乃往江潞化為黃牛戲龍沙上真人
遂剪紙化黑牛往闔之令弟子施茶持劍
至其所且戒之曰俟牛闔酣即以劍揮其
黃者施君如命一揮中其左股遂奔入城
西門外橫泉井中而黑牛復化為紙矣
王授琵琶集獻蓋

秘閣閣談王保義為荆南高從誨行軍司
馬生女不食葷血五歲能誦黃庭經及長
夢渡水登山見金銀宮闕云是方丈山女
仙數十人曰麻姑相結姊妹授以琵琶數
曲自是數夜一過歲餘得百餘曲其尤妙
者有獨指商以一指彈一曲後夢麻姑曰
即當相邀明日庭中有雲鶴音樂奄然而

辛
高道傳道士軒轅集居羅浮山宣宗嘗召
入內時京師素無苴菴荔枝花上因語及
俄頃二花皆至枝葉芳茂如裁剪者

道源推步虛中章奏

本傳丘濬字道源能通陰陽太極數早歲
欲遊華陽洞天求為句容令任滿以詩寄
茅山道友云鳴鳳相邀覽德輝松蘿從此
與心違孤峯萬仞月正照古屋數間人未
歸欲助唐虞闢有道深漸茅許勸忘機明
朝又引輕帆去紫水年年空自肥濬嘗語
家人曰吾壽終九九一朝起與沐寵索
筆作春草詩一章詩畢端坐而逝是年八
十一及殮空然眾謂尸解池守光祿滕公
甫元發記其事葬於九華後數年有黃衣
急足持漆書抵于滁陽家人啓封黃衣忽
不知所在書中云吾本預仙籍以推步象
數謫為泰山主宰
獨異志唐正元中丹陽令王瓊三年調集
皆黜落甚悅憤乃詣茅山道士葉虛中求

奏章以問吉凶虛中為奏其章隨香烟飛
上縹緲不見食頃復墜地有朱書批其末
云受金百兩折祿三年枉殺二人死後處
分後一歲瓊無疾暴終

可交酒料文祥栗

續仙傳王可交秀州華亭人以耕釣為業
一日鼓柁江行忽見一綵畫花舫中有道
士七人呼可交姓名可交驚異有侍從懸
角者引交上舫七人面前各有青玉盤酒
器果實瑩徹一人曰好骨相今生於凡賤
間已多破矣一人曰與酒喫待者瀉酒罇
中酒再三斟不出一人曰與栗其栗青光
如棗長二寸許肉脆而甘命一黃衣人送
之瞑目間忽坐於天台山瀑布寺前離家
已半年矣
雲笈七籤殷文祥名道筮目號七七嘗預
官僚公宴一日有酒倡優者侮之七七語
主人曰以二粟為令可手舉皆忻然乃以
粟巡行嗅之皆聞異香惟佐酒笑七七者
二人嗅之化作石綴於鼻掣不落但言穢

氣不可堪二人共起狂舞花鈿委地相次
悲啼粉黛交下優伶輩一時亂舞鼓樂自
作聲頗合節奏曲止而舞不已一席之人
笑皆絕倒主人祈謝之有頃石自鼻落及
花鈿粉黛悉如舊焉

元女華幄太真霓裳

拾遺記燕昭王時廣延國來獻二女一名
旋波二名捉琰王好神仙之道故二女託
形下降並玉質凝膚體輕氣馥王處以單
綃華幄飲以瓊瑛之膏二女皆善舞其所
至之處香風欲起徘徊翔轉殆不自支王
以纓拂之皆舞容冶妖麗綺靡鸞翔玉復
以袖麾之舞者皆止王知其神異乃處以
崇霞之臺及設麟文之席散荼毒之香香
出波弋國

逸史天寶初中秋夜羅公遠曰陛下能從
臣月中遊乎取桂枝擲空爲大橋色如白
金上行至月官女仙數百素衣飄然舞於
廣庭上問何曲曰霓裳羽衣也又天寶四
載冊太真宮女真楊氏爲貴妃后服進見

之日奏霓裳羽衣曲劉禹錫詩云開元天
子萬事足惟恨當時光景促三鄉陌上望
仙山歸作霓裳羽衣曲仙心從此在瑤池
三清八景相追隨天上忽乘白雲去世間
空有秋風詞

太子服液長胡獻霜

丹臺新錄釋道微世法蘭閣葛仙翁曰道
起無先無後不可稱論不審老子太子孰
爲先後公答曰微乎子之所問乃合正真
道素無先無後無左無右存亡高下貴賤
無形無像所以字之曰道不可稱言也太
子生老子後前世有功德得服太上金液
一升身若紫金光襲故號金仙氏爾
真語北戎長胡大王獻帝舜以白瓊之霜
十轉紫華服之使人長生飛仙與天地相
傾舜即服之陟方死葬蒼梧之野蓋龍奏
靈阿鳳鼓雲池而猶尸解託死欲斷生死
之情示民有終始之限耳

隱仙白石盧生黃粮

神仙傳白石先生不肯修昇仙之法但取

不死而已不失人間之樂彭祖問之答曰
天上多至尊相奉苦於人間時呼爲隱仙
枕中記開元中道者呂公經邯鄲道上邸
舍中有邑少年盧生同止於邸主人方蒸
黃粮共待其熟盧不覺長嘆翁問之具言

生世困厄翁取囊中枕以授盧曰枕此當
榮適如願生僂首但記身入枕穴中遂至
其家未幾登高第歷臺閣出入將相五十
年子孫皆列顯仕榮盛無比上疏曰臣年
逾八十位歷三台空負深恩永辭聖代其
夕卒盧生欠伸而寤呂翁在旁黃粮尚未
熟生謝曰此先生所以室吾欲也敢不受
教再拜而去

魯公尸解顏回坐忘

紀異錄真卿問罪李希烈內外知公不還
親族餞於長樂坡公醉跳踰前楹曰吾早
遇道士陶八八受刀圭碧霞丹至今不衰
又曰七十有厄即吉他日待我於羅浮山
得非今日之厄乎公至太梁希烈命縊殺
之瘞于城南希烈敗家人啓柩見狀貌如

生徧身金色爪甲出手背鬚髮長數尺歸葬偃師北山後有商人至於羅浮山有二道士圍碁一曰何人至此對曰小客洛陽人道士笑曰幸寄一書達吾家遣童取紙筆作書至北山顏家子孫得書大驚曰先

太師親翰也發塚開棺已空矣

丹臺新錄頽回為明泉侍郎三天司直嘗謂仲尼曰回益矣回坐忘矣仲尼蹙然曰

何謂坐忘墜肢體黜聰明離形去智同於大通此之謂坐忘仲尼曰同則無好也化則無常也而果其賢乎丘請從其後也見

莊子

趙高懷雀陶淡養鹿

拾遺記秦王子嬰沉趙高於井七日不死以錢湯煮七日不沸乃戮之獄吏曰高初

囚時懷中有一青圓大如雀卵方士云高先世受韓衆丹法冬卧堅冰夏卧爐上不覺寒熱高死一青雀從屍中飛入雲中九轉之驗也

晉隱逸陶淡字處靜太尉侃之孫也淡幼

孤好導養之術謂仙道可期年十五六便服氣絕穀不婚娶家累千金僮客百數終日端拱曾不營問頗好讀書善卜筮於長沙臨湘山中結廬居之養一白鹿以自偶親故有候之者輒移渡澗水莫得近之

州舉秀才淡聞遂轉逃羅縣埤山中終身不反莫知所終

王母瑤池老君玉局

列子周穆王昇崑崙之丘以觀黃帝之宮而封之以貽後世遂賓于西王母觴于瑤池之上又穆天子傳吉日甲子天子執白

珪玄壁見西王母獻錦組百純白組三百純西王母再拜受之觴於瑤池之上西王母為謠曰白雲在天山陵自出道理脩遠山川間之將子無死尚能復來天子答曰

子歸東土和洽諸夏萬民平均吾願見汝天師傳永壽元年老君降蜀都地神湧出一玉局座於是老君昇玉局坐授與天師

南北二斗經訣今天師普濟眾生以救下民

梁妻更衣表女改服

漢隱逸傳梁鴻同縣孟氏有女狀醜而黑力舉石白擇對不嫁至年三十父母問其故女曰欲得賢如梁伯鸞者鴻聞而聘之及嫁始以裝飾入門鴻曰吾欲裘褐之人

可與俱隱深山者爾今乃衣綺縞傳粉墨豈鴻所願哉妻曰以觀夫子之志爾妻自有隱居之服乃更為椎髻著布衣操作而前鴻大喜曰此真梁鴻妻也能奉我矣後共入霸陵山中

真誥張激子者亦少名發哀隗歎其高操妻以女衣服飾蒼髯激子不顧婦改服乃成室家也入剡山遇山圖公子周襄王時大夫仙人也授激子以九雲水強梁棟柱法激子脩得此道

子雲養神昭素寡欲

真境錄夏侯天師名子雲親植芝蘭於藥園自言古聖以上藥養神中藥養性下藥造病可使人神靈可使人性明可使人病愈故常施藥於鄆市皆隨人淺深而過之

其藥園詩云綠葉紅英遍仙經自討論偶
移崑下菊鋤斷白雲根師羽化一日有樵
者窺園中見師鞭乘一獸似虎非虎不可
識入東山去其疾如風矣

玉壺清話王昭素酸棗縣人學古純直行
高於世物隨所索價償其直李穆薦於
太宗召至便殿年七十七顏如渥丹目若
黠漆鰥居絕欲四十年家無女侍賜園子
博士致仕留禁中月餘詢治世養身之術
昭素曰治世莫若愛民養身無如寡欲此
外無他上愛其語書屏凡中年八十九終
麻姑鳥爪羲皇蛇身

集仙錄云麻姑孝明帝時與神仙王遠降
於蔡經家將至一時頃聞蕭鼓人馬之聲
姑年十八九許於頂中作髻餘髮垂之至
腰其衣有文章而非錦綺皆世所無姑爪
如鳥爪蔡經見之心中默念言皆大痒時
得此爪以祀背當佳遠已知經心念使牽
經鞭之
拾遺記禹鑿龍門之山亦謂之龍門至一

空巖深數十里幽暗不可復行禹乃負火
而行有獸狀如豕銜夜明之珠其光如燭
又有青犬行吠於前禹計可十里迷於書
夜既覺漸明見向者豕犬變為人形又見
一神蛇身人面禹因語神即示禹八卦之
圖列於金板之上又有八神侍側禹曰華
胥生聖子是汝邪答曰華胥是九河神女
以生余也乃探玉簡授禹長一尺二寸以
合十二時數使度量天地禹即執持此簡
以治定水土蛇身之神即羲皇也

○成子五石葛起千斤

仙傳拾遺崔成子者脩五石雲腴之道於
岷山洞室中服之十年解神而去藏形於
洞中有遊者見其形骨不散而芳香逾甚
細視藏有五物白如雞子因探取而歸忽
自震懼已失五石所在明日却入洞中見
成子踞坐室內奮髯而言曰道在積功累
行德及含識地司所舉名簡帝君然後神
丹可成真師可遇子無毫分之善懷殘毒
之行竊我雲腴神蔗之藥而欲度世不亦

難乎此固神明所貴吾以慾物為心不欲
加罪恐山神不赦尔可速去自是尋獲惡
疾歲餘成子夜降其家教以洗心悔過之
訣所疾復愈

抱朴子葛起力舉千斤頭有五色之氣高
丈餘一日乘龍上昇

自在掬水劉政興雲

野人閑話利州鄭中有一人被髮跣足衣
布短襦人與語縱答皆說天上事人多不
曉會夜則於神廟中立睡盛夏暑凝嚴則莫

○我知也人謂之天自在州之南門外有市

則商賈交易之所也人甚闐咽一夕火起
巨天燒熱屋宇城內人皆登高望之見天
自在吁歎獨語云此方之人縱奢奢淫莫
知善道為惡既久天將殺之遂以手掬塔
前石盆中水望空澆灑逡巡有黑氣自廟
門出變為大雨盡滅其火天自在遂潛道
去

神仙傳劉政有道術能以一人作千人千
人作萬人又能唾水與雲聚壤成山刺地

成淵

李鍊閑客龜蒙散人

指元圖序李鍊自稱三仙門弟子天下都閑客嘗作指元序云欲叩玄關須憑匠手不過真仙難曉大道僕遊江南於南京應天遇華陰施真人有吾希聖者青巾紫履皂帶寬衣光彩射人望之儼然可畏及其談論指喻天機開陳大道古今不特見有矣遂授僕修真元圖一十五式顯然明白可謂真仙之秘本矣

本傳唐陸龜蒙少高放舉進士一不中居松江甫里往從張博不喜與遊俗交雖造門不肯見不乘馬升舟蓬席費束書茶竈筆床釣具往來時號江湖散人

三洞羣仙錄卷之十四

四

六

三洞羣仙錄卷之十五

設五

正一道士陳葆先撰集

河公道尊元君仙最

神仙傳云河上公者莫知其姓名也漢孝文帝時結草為庵于河上常讀老子經文帝好老子之言遣人齋不解之義問之公曰道尊德貴非可建問也帝即駕乘而從之乃下車稽首問其奧義公曰常以百姓心為心也

雲笈七籤任生隱於嵩山讀書一夕見黃衣人執手牒追去曰子命已盡約行數十

里幢節幡蓋地遷不絕有女子乘翠輦侍衛數十人黃衣者與生辟易隱於墻下女子遙見問何人黃衣表具以實對女子取牒視之曰今既相遇不能無情索筆判云更

與三年生再拜謝之因問使者黃衣云此三素元君仙之最貴也生果再甦後三年乃卒

麟伯屋穿紫背石碎

天師內傳張子祥字麟伯博通羣經仕歷

洛陽尉棄官與妻退隱龍虎山志在脩煉能吐腹中丹置掌上玩弄或投器中光芒穿屋復吞之年百有餘歲後卒葬之空棺而已

神仙傳五代時江南道士譚紫霄有道術能離星象高步魁罡禁制鬼魅住廬山樓隱洞時鄴僧於溪澗泐亭宇有為頑石所礙雖致工百倍不能平之師往見曰斯回易矣以指捻訣以水噴之命鎚之其石應手粉碎笑一旦平焉

月娥竊藥江妃解佩

神仙傳弄有不死之藥妻竊服之奔月為姮娥

集仙錄江妃二女出遊江濱皆麗服華裝佩十兩明珠大如荆雞之卵鄭交甫見而

與語求之解其佩與交甫交甫懷之去數十步俱無見焉又韓詩內傳云昔鄭交甫將之南楚適彼漢高臺下乃遇二女佩二珠大如雞卵交甫與言曰欲子之佩乎二女解佩與之交甫既行二女忽不見佩亦

失之

武夷設席祀融召會

武夷山記秦始皇二年八月十五日武夷

君會鄉人於幔亭峯上男女千餘人東西

各設地席施紅雲之茵紫霞之褥奏賓雲

左仙之曲酒行令歌師彭今昭唱人間會

別之曲詞曰天上人間會合幾稀日落

西山兮夕鳥歸飛百年一餉兮志與願違

天宮咫尺恨不相隨歌罷忽綠雲四合

鄉人與仙人相別乃下山回顧峯頂無復

一物矣

高道傳薛李昌居衡山研真窮妙明皇嘗

召入禁掖問以道德而談極精微上喜恩

寵優異一日忽謂弟子曰祝融峯今夕天

真之會予被召當往遂凌空而去

宿聖白犬萬祐青豬

高道傳杜光庭字實聖一日忽謂門人曰

昨夢朝上帝以吾為岷峨主司今青城已

創真宮恐不久於世矣先庭嘗畜一白犬

目之曰吠雲今以胡麻油塗足繒布裹之

曰吾聞油塗犬足可日行萬里及真宮成

遂披法服升天堂集門弟子囑別而化異香

滿室吠雲亦號叫而甦

廣記萬祐脩道於黔南無人之境每三二

十年出城都市藥蜀王建迎入宮盡禮事

之問其服餌皆秘而不言曰吾非神仙亦

非服餌之士但虛心養氣仁其行其過

問其齒則曰吾只記夜郎王蜀之歲蠶叢

氏郡郡之年時彼請出但見烏兔交馳花

開木落不記其甲子矣後堅辭歸山建泣

留不住問其後事皆不言之既去於所居

壁間見題字曰莫敢牽動青豬足動即炎

炎不可撲驚獸不欲兩頭黃色即其年天

下哭智者不能詳之至乙亥年起師東取

秦鳳乙亥是為青豬為焚燬之期也後三

年歲在戊寅土而建祖方知寅為驚獸干

與納音俱是土土黃色是以言驚獸兩頭

黃此言不差毫髮

桓闔執爨柳浩掌廚

神仙傳宋桓闔字清遠事陶隱居於茅山

華陽館十餘年立性端謹寂默若無所為

一日有二青童一白鶴自空而下集于庭

隱居忻然而接為已當之青童曰太上所

命者桓先生也隱居默計門人皆無姓桓

者索之唯得執爨闔焉詰其所致則曰常

脩默朝之道已九年矣故有今日之召闔

服天衣駕白鶴昇天

仙傳拾遺柳浩者家世奉道焚修精恪年

八十餘身骨無疾鄉里疑道力之所及也

忽一旦謂其家曰吾昨奉天符太上有勅

使我於九仙寶室洞掌仙官厨餽百年來

日當行至期無疾而終異香盈庭數日始

絕

柳融粉龜張果紙驢

神仙傳南極子柳融取粉塗盃呪之成龜

煮取其肉食之呪其殼復為酒盃又能含

粉成雞子吐之數十枚煮而啖之雞子中

黃皆有少許粉又取水呪之即成美酒飲

之皆醉

高道傳張果常乘一白驢日行數百里休

則疊之其厚如紙置於巾箱中乘則以水
喫之復成醞矣

魯逢修舍奚山造車

仙傳拾遺魯逢者善於木工往來齊岱之
間壽張令別業舍壞二十餘間使吏召匠
以修之吏執逢駢行逢邀吏就肆飲酒去
莊三十餘里日暮而逢已醉卧令頗剛躁
吏甚為憂洎明日又召酒飲吏促之使行
逢曰本為脩莊舍舍已正矣何見促之甚
吏不能解其意良久村童自莊所至云昨
夜似有風雨舍已修整矣吏以事白令召
而謝之唯唯而已

又奚樂山不知何許人大和中長安大雪
月餘負販小民求食無路樂山因冒雪往
車之家謂之曰我善作車輻可立致百所
計功三百文其家使為之燃燈運斤日晷
而作未逾三鼓百所成矣凌晨錢三十千
歸以極飢貧者雪霽告發不知所之

列子御風可雲卧雪

南華真經列子御風而行冷然善也旬有

五日而後反彼於致福者未數數然也此
雖免乎行猶有所待也若夫乘天地之正
御六氣之辨以遊無窮者彼且惡乎待哉

續仙傳杜子昇字可雲自言杜陵人莫測
其年壽飲酒三斗不醉能沙書冬卧雪中
三兩日人以為僵死或撥看之徐起抖擻

雪而行如醉睡醒唐杜孺休為蘇州刺史
忽聞可雲在城市乃延入州拜呼道翁賓
僚訝之孺休曰先君出鎮西川日與道翁

相善別來四十年而裝飾顏貌一如當時
後入抗越間去

夸父追日太白捉月

大荒經云有人珥兩黃蛇名曰夸父又列
子云夸父不量力欲追日影逐之於崑谷
之際渴欲得飲赴飲渭河渭河不足將走

北飲大澤未至道渴而死棄其杖尸膏肉
所浸生鄧林鄧林彌廣數千里焉

據遺子美後說李太白宿江上於時高秋
澄流若萬頃寒玉太白見水月即日吾入
水捉月矣尋不得尸說者云水解此神仙

之事也

雲漿元道石髓王烈

高道傳葉法善字元道括蒼人世為道士
母留氏晝夢流星入口吞之有娠十五月
而生七歲溺大江三年而還父母詢其故
曰青童引我飲以雲漿復朝太上故少留
耳

王氏仙傳王烈字長休中散大夫嵇叔
夜甚飲變之數數就學共入山遊戲採藥
後烈獨之太行山中忽聞山東北有聲如

雷烈不知何等往視之乃見山破石裂有
青泥流出如髓烈取食之即與叔夜往視
之則斷山已復如故按仙經云神仙五百
年輒一開其中石髓出得而服之壽與天
相畢烈前得者必是也

沈彬三舉董威百結

郡閭雅談沈彬字子文好神仙少孤西遊
以三舉為約初一舉作夢仙語云玉殿大
開從容入金桃爛熟没人偷鳳鸞翥頻
翻翅龍懼金鞭迴轉頭第二舉憶仙語白

榆風颭九天秋王母朝回宴玉樓日月漸
長雙鳳睡桑田欲變六龍愁雲迷蕭管相
隨去星觸旌幢各自流詩酒近來狂不得
騎龍却憶上清遊第三舉納省卷贈劉象
為首云曾應太中天子舉四朝風月鬢蕭
疎不隨世祖重携劔却為文皇再讀書十
載戰塵消舊業滿城春雨壞貧居一枝何
事於君惜仙柱年年幸有餘主司覽彬詩
是年特放象及第彬後南遊湖外亦有道
者也

○逸士傳董威在洛陽居白杜以殘絮縵帛
為衣號為百結
脩通行者表滋士流

雲笈道士聶師道聞梅真人蕭侍郎皆隱
王筍山特人多見之師道乃至玉筍寓清
虛觀三遊郁木坑或冀一見堅心以去山
行極深忽見一人布衣烏紗帽自稱行者
問師道何往聶以尋梅蕭為答行者曰聞
爾精勤慕道遍訪名山情亦非易爾宿業
甚靜已應玉籙有名雖未便飛昇亦當度

世我謝脩通

又表相公滋未達時因暇日登復州青溪
有一人儒服與語甚狎表公曰此境山泉
奇異富有靈仙之所都府儒生曰有道士
五六人間或一來亦不知所居處彼惡人
知然得美酒蔗或一見也公後得美酒而
往歷數宿道流果來儒生為列席致酒儒
生乃引表公出拜道士相顧失色乃怒儒
曰此人誠志況是士流良久遂意解固目
表生曰此人似西華坐禪僧去來已四十
七年矣問表公之歲適四十七矣撫掌曰
公福祿已至公後果拜相焉
左慈眇目許畫偏頭

三洞神仙記魏左慈能變化後入東吳吳
有徐墜者居丹徒慈過之墜門下有宿客
誑云徐公不在慈知客狂已便即去客見
牛在楊木杪行道土木則不知所在下木
即得牛在木上又車轂皆生荆棘長一二
尺斫之不斷推之不動也客大懼即報徐
公說有一眇目老翁吾欺之言公不在及

去車牛如此徐曰此左慈也汝曹那得欺
之諸客分布遂慈叩頭謝之慈意解即遣
去還見車牛如故

括異志成都畫師姓許善傳神一日有貧
人弊衣憔悴來求傳神許笑曰君容壯若
此而求傳寫何也其人解布囊出黃道服
鹿皮冠白玉簪頂冠易衣危坐以手摩面
則童顏矣引其鬚應手而黑乃一美丈夫
也許驚曰不知神仙降臨道士曰君傳吾
象置肆中有冰僮止取千錢後有識者曰
○此靈泉朱真人也來者輒棘許食畫直每
象輒取二千夢道士曰汝福有限不可妄
取安得忽吾言將促其壽也因批其頰既
寤頭遂偏乃號許偏頭
子推黃雀君達青牛

神仙傳介子推晉人也隱而無名趙成子
與之遊旦有黃雀在門上晉重耳異之與
出居外十餘年勞而不辭及還介山有伯
子者常來呼推曰可去矣推乃從伯子遊
後文公遣人以玉帛徵禮之而不去

高道傳封衛字君達常駕一青牛因號青牛道士人有病不問識與不識便以腰間竹管中藥與之或下針應手立愈魏武帝問養生大略師曰體欲常勞食欲常少勞勿過極少勿過虛去肥濃節酸鹹減思慮損喜怒除馳逐慎房室春夏施寫秋冬閉藏則幾於道矣

上林獻棗河陰市糶

東方朔傳曰武帝時上林獻棗上以杖擊未央前殿檻呼朔曰叱來叱來先生知筐中何物朔曰上林獻棗四十九枚上曰何以知之朔曰呼朔者上也以杖擊檻兩大林也朔來來來棗也叱叱者四十九上大笑賜帛十疋

高道傳道士張元化不知密修何道鄉人一旦皆夢元化來別云且暫遠遊是夕果羽化達旦人有疑而來訪者大小皆同既葬之後塚上有一窾可容臂識者云此蟬蛻矣未幾有客目河陰來貨石糶於汝墳中途遇一道士自云我乃汝墳張觀主託

附一書仍市石糶數十顆獻于北極殿客諾之既至其徒曰此書乃師之墨迹也引客至影堂客曰向所見者與此略無異焉携琴負壺浮家泛宅

高道傳道士李真隱華山岐州之西王祐者家巨萬計常設館以待四方嘉肴旨酒無不備具真携琴負壺謁祐遂延于館真曰我聞人之好樂皆有以師縱橫者必有游說之志讀韜略者必有戰敵之心吾携一張琴一壺藥豈無旨哉携琴者我知琴有古風欲使人還淳朴省澆淳也負藥壺者我知人之多病欲使人少疾苦常安平且我之琴非止自化也化人也我之藥非止自保也保人也君雖能以有餘濟於人固與不義而誅剝以富者則異矣比古之豪貴待士則未也要在賢不肖有別則君之身名可保無累矣真乃命酒自酌達曉遂辭去祐潛伺之見真化一大鹿西走不知所之

唐史屬辭張志和字子同顏真卿為湖州

刺史志和來謁真卿以舟弊陋請更之志和曰願為浮家泛宅往來苕霅間李德裕稱志和隱而有名顯而無事不窮不達嚴禮以敬

三洞羣仙錄卷之十五

三洞羣仙錄卷之十六

設六

正一道士陳葆光撰集

志和水戲夏統耦耕

續仙傳張志和會稽山陰人也時顏真卿東遊平望驛志和酒酣為水戲鋪蓆於水上獨酌嘯詠其蓆往來後有雲鶴隨其上真卿親賓察佐觀者莫不驚異尋水上揮手以謝真卿上昇而去

晉隱逸夏統字仲御會稽永興人幼孤貧養親以孝聞每採柘求食星行夜歸或至

海邊拾煉竈以資養雅善談論宗族勸之仕謂之曰卿清亮質直可作郡綱紀與府

朝接自當顯至如何甘辛苦於山林畢性命於海濱也統勃然作色曰諸君待我乃

至此乎使統屬太平之時當與元凱平議出處遇濁代當與屈生同汙共泥若汙隆

之間自當耦耕沮溺豈有辱身曲意於郡府之間乎

季平可活隱瑤再生

宣室志上黨程逸人有符術唐劉悟為澤

潞節使臨洛縣民蕭季平家甚富一日暴卒逸人嘗受季平厚惠聞其死馳傳視之

語其子曰爾父未嘗死蓋為山神所召治之尚可活乃朱書一符向空擲之食頃果

甦曰初見一綠衣人云霍山神召約行五十餘里適遇一丈夫朱衣杖策怒目從空

而至謂季平曰程斬邪召可疾去於是綠衣者懼而走朱衣人牽其袂偕來遂醒其

家驚異因問逸人斬邪謂誰曰吾學於師氏歸依龍虎斬邪錄因解其所佩錄囊示

之後遊閩越不知所在

仙傳拾遺周隱瑤洞庭道士也居焦山學太陰煉形之道死於崖窟謂其弟子曰

檢視其尸勿令他犯六年後再生當以衣裳迎我弟子視之則臭穢虫壤唯五藏不

變依閉護至六年往看乃身全却坐弟子備湯沐以新衣迎之髮鬚而黑鹿而直若

獸鬣焉十六年又死如前更七年復生如此三度狀貌益壯煬帝召至東都懇乞歸

山尋亦遂其意

肩吾三住墨狄五行

西山會真記施肩吾字希聖嘗作三住銘云太易曰精氣為物遊魂為變凡在萬形之中其所保者莫先於元氣元氣若住則

形住形住則神住此三者既住則我命在我不在於天也大昭然玄居者不信之

矣

神仙傳墨子名狄仕宋為大夫年八十二乃歎曰世事已可知榮位非長保將委流

俗以從赤松遊耳乃入周狄山精思忽見一人乃問之曰君豈非山岳之靈氣乎將

度世之神仙乎願且少留誨以道教神人曰知子有志好道故來相俟爾於是授以

素書末央圓方墨子拜受合作遂得其驗乃撰集其要以為五行記後得地仙隱以

避戰國

邢公丹竈周貫藥鑄

談選九嶷山中絕頂人迹所不及舊傳有仙隱於其上近有本郡監兵子曹雄因獵山間遂深入至峯頂見結茆三兩間中一

人隱几而坐雄再拜問之答曰吾邢仙翁也自唐僖宗時隱此因延雄訪以世間事雄視其所居唯一書閣及丹竈几案有所著詩雄求錄其詩得十數篇今錄出一篇云虛皇天詔下仙家不久星演借客槎壁上風雲三尺劒床前龍虎一鑪砂行乘海嶼千年鶴坐折壺宮四序花為愛陰符問元義更隨綵仗入烟霞雄後追復舊遊幾月方到環視居室雖存而仙已去矣

冷齋夜話周貫不知何許人自號木鴈子治平間嘗往來西山又至袁州見市井李生者有秀韻欲携乃以歸林下而李嗜酒色意欲無行貫指煮藥鑄作偈示之頑鈍天教合作鑄縱生三脚豈能行雖然有耳不聽法只愛人間戀火坑尋死於西山方將化人問其幾何歲貫曰八十西山作酒仙麻鞋孔斷布衣穿相逢甲子君休問太極光陰不記年後有人見於京師州橋附書與袁州李生云我明年中秋夕當上謁也至時果造李生時以事出乃以白土大

書其門而去曰今年中秋夕來赴去年約不見折足鑄彈指空剝剝李果墮馬折一足

童子錦帷尚父綉嚙

西山記孝武寧康二年八月一日許真君晨起忽有雲物自天而下仙降於真君之庭乃宣上帝詔賜學仙童子許遜紫綵羽袍瓊旌寶節玉膏金丹各一合詔至奉行是月十五日中忽聞音樂來自天際青童綵仗龍車羽蓋來迎許君與家屬四十二口及雞犬皆乘雲上昇頃之有錦帷自空

飛下復有雞栖墜於宅東南神仙感遇傳郭子儀初從軍沙塞間因入軍催軍食至銀州十數里日暮忽風沙陡

暗行李不得遂入道傍空屋中藉地將宿既夜忽見左右皆有赤光仰視空中見輶

輜車繡幃中有一美女坐床垂足自天而降子儀拜祝云七月七日必是織女降臨願賜長壽富貴女笑曰大富貴亦壽考之言訖冉冉昇天後子儀立功貴盛拜太尉中

書尚父年九十而薨

王賈玉符天寵金鑰

廣記婺州參軍王賈舉孝廉擢第授婺州參軍時杜暹為婺州參軍與賈同列相得甚懽與暹同部領使洛陽過錢唐江登羅刹山觀潮謂暹曰大禹真聖者當理水時

所有金匱玉符以鎮川瀆此杭州城不鎮壓尋當壞矣暹曰何以知之賈曰此石下是相與觀焉因令暹閉目執其手令暹跳下暹忽開目已至水底其空處如堂有石

匱高丈餘鏤之賈手開其鏤去其蓋引暹手登之因入匱中又有金匱可高三尺金鏤之賈曰玉符在中非有緣不能見也因引手復出則已至岸矣仍告暹曰君有宰相祿當自保愛因示其拜官歷任及於年

壽周細語之暹後還拜一如其說

閑中雜記崇寧間南康軍進士彭天寵者初未嘗學道忽自言天人降其家且得天書一日沐浴語人曰我昇天矣閉戶不出有頃失所在後四十二日忽渡江歸且曰

我初去時泛一金船載雲中如在綿上迤
邐昇天見一道士曰子在晉時為彭澤令
有功及民故係仙籍因指白氣示之曰此
父母恩汝之愁氣蓋歸爾九十年當復來
及遺金銀鑰匙各一使復泛舟下至蔡州
以金鑰賣之得錢歸至江特渡錢盡又賣
銀鑰匙得錢買舟至其家錢盡父母驚喜
他日今娶婦亦無他異

洛下痴羊山中病鶴

○ 鷄跖集洛下有洞穴有人候墮其中見宮
殿人物非凡處又有大羊羊鬣有珠入取
食之不知所以問張華華曰此乃地仙九
館也大羊乃痴龍也

雲笈唐相李石未達時頗好道嘗遊嵩山
荒草中聞有人呻吟聲視之乃病鶴鶴乃
人語曰某已為仙厄運所鍾為樵者見傷
一足將折須得三世入血數合方能愈也
李公解衣即欲剝血鶴曰世上人少公且
非純人乃授一眼睫曰持往東都但映照
之即知矣李公中路自視乃馬首也至洛

陽所遇頗衆悉非全人或犬彘驢馬首偏
於橋上見一老翁騎驢以鏡照之乃人也
李公拜揖具言病鶴之事老翁忻然下驢
宣臂剝血李公以小瓶盛之持往鶴所濡
其傷處裂帛裹鶴謝曰公即為明時宰相
後當輕舉相見非違慎勿墮志李公拜之
鶴冲天而去

景翼邪正與明苦樂

○ 道學傳孟景翼字輔明軻之後也性至孝
齊竟陵王盛洪釋典廣集群僧與景翼對
辨二教邪正景翼隨事剖析辭理無滯雖
蘭生拒羸來公折隄茂以加焉
仙傳拾遺陳興明遊名山遇神人告之曰
世人修道多不能勤久故罕觀其成功汝
之積功亦可佳也如無退志何慮不列于
玉籍然前苦後樂苦即有窮樂即無極夫
林谷幽棲禽獸為伍飢渴必至寒暑辛勤
割世辭榮離親捨愛可謂苦矣壽同天地
變化無方策空駕虛坐生雲翼可謂樂矣
得不勉於修礪手與明拜曰永佩聖言畢

志於道不敢怠慢修之十八年晉大始元
年三月一日於衡岳昇天

歸真馴兔顏闔飯牛

○ 橫山觀記國朝大中中有宋歸真者棄官
服道結廬山側茹芝絕粒三十餘年晨昏
諷誦輒有白蛇白兔馴伏如聽太守趨需
目其廬曰廣寒室嘗留詩以贈焉

南華經魯君問顏闔得道之人也使以幣
先焉顏闔守陋閭苴布衣而自飯牛魯君
之使者至顏闔自對使者曰此顏闔之家
○ 與顏闔對曰此闔之家也使者致幣顏曰
恐聽者謬而遣使者罪不若審之復來求
之則不得已

茂實乘虎太白跨此

廣記王夔南陽張茂實之僕也一日辭去
謂茂實曰感君恩過深欲奉報夔家甚近
其中景趣可觀能一遊乎茂實曰可然不
欲家人知潛一遊可乎夔曰甚易乃截竹
枝其上書符曰君杖此入室稱疾潛置於
衾中抽身即出乃相與南行數里餘有黃

頭執青麒麟一赤文虎二俟於道茂實驚
欲回夏曰無苦但前行夏即乘麟茂實乘
虎上仙掌越壑凌山殊不覺峻峻至一山
下物象仙媚樓臺松石非世所有紫衣吏
數百人迎於道側既入青衣數十人容色
皆殊執樂拜引宴於中堂歌鸞舞鳳及諸
聲樂皆所未聞情意高逸不復思人家間
事因教以至道贈金百鎰令送之到家家
人方環泣云卒已七日矣以心間尚燠未
驗也茂實遂棄官遊名山不知所終

○異人錄元和初有人海上見李太白與一
道士在高山上笑語久之道士於碧霧中
跨赤虬而去太白聳身健步追及共乘之
東去

高士善卷仙官馬周

高士傳善卷舜時高士舜欲以天下遜之
卷曰冬衣皮毛夏為葛絺春耕足以肆力
秋飲足以休食日出而作日入而息道遠
於天地之間而心意自得吾何以天下為
哉遂不受而入深山莫知其處

列仙傳馬周少時多困於酒一日出城遇
一老人揖坐林間與語曰太上命汝輔佐
聖孫何為沉困於酒自擬因餓五神已散
旦夕將死何不省悟復曰汝本華山素靈
官仙官今召汝入宮周同行果見其官室

姓字存焉遂啓戶而入見爐火鼎器備具
忽見五人立於前曰向先生酒酣而我奔
散今請閉目復入神室明日謁天崗崗曰
子有所遇位至丞相宜自勉之周果歷台
輔數年真仙下降其室曰佐國功成太一

○徵召無復留也遂解化
伯元冥視梁謔夢遊

真語霍山有學道者鄧伯元同王元甫授
神人吞日丹景之法積三十四年乃能冥
視夜書道成太帝遣羽車同元甫白日上
昇

高道傳道士梁謔字考成一日相者見之
曰此子目流白先貌集真氣非常人也後
果樂仙道咸熙初事鄭法師於樓觀常夢
與仙人遊或登山或飲石髓由是自有

所悟欽奉者多謔厭之乃深入崑崙谷目能
視地中物耳能聽數里聲一旦忽謂門人
曰有朋待吾於南峯今須往矣乃冠服而
出則雲氣迷繞不見其形唯聞鼓吹音隱
隱于空時太興元年戊寅歲也

山甫吉凶守信禍福

神仙傳伯山甫雍州人也居華山常服食
黃精二百餘歲每至人家則知人先世善
惡有如臨見吉凶言之皆效

○東齊筆錄秦州徐二翁名守信日持一帚
以掃堂殿未嘗與人言有問則不對而走
忽發一言則應禍福呂參政惠卿既除喪
將赴闕便道訪二翁拜而問之翁驚走呂
追之忽回顧曰善守善守呂意謂善守富
貴及還朝除知建州徐禧沈括斬敗懇辭
不行又乞與兩府同上殿神宗怒落職知
單州即單守之應也二翁崇觀間春遇優
厚賜號沖和先生建仙源萬壽宮以居焉

陳絢市鮮樓真咬肉

江南野錄陳絢善天文長於雅誦嘗吟曰

一鼎雌雄文武火十年寒暑鹿麋皮寄語
東流任斑鬢向隅終守鐵蓑衣又乾坤見
了文章嬾龍虎成時印綬踈晚絕縉紳之
望以修養爲事隱居西山種藥開寶中嘗
與一鍊師昇藥入城鬻之獲貲則未鮮就
鑪對飲傍若無人歌曰藍采和塵事紛紛
事更多爭如賣藥沽酒飲歸去空啣拍手
歌疑其爲夫婦也或云得仙矣

本朝蒙求賀蘭接真不知何許人爲道士
自言百餘歲善服氣不憚寒暑往往不食
或時縱酒遊市鄙啖腐肉數斤後召至闕
下真宗賜之以詩

爾朱浮石鮑焦抱木

五代史補爾朱先生功行甚至遇異人與
藥一粒曰若見浮石而後服之則仙道成
矣先生如教每過一石必投諸水後峽山
將渡江有叟艤舟相待問其姓曰石氏問
地所屬曰涪州先生豁然而悟遂服藥即
時輕舉
隱逸傳鮑焦不知何許人不食五穀不衣

絲麻居深山食木實衣木皮人或問之木
實木皮亦天所生何異五穀絲麻哉焦遂
更不食抱枯木枝而死

嚴東一瓢道徽百斛

高道傳道士嚴東不知何許人齊建元中
詣晉陵依道士李景游東自晦若愚或與
之談論則所造精微每齋一瓢隨行在晉
陵五六年一日將別援筆注度人經辭不
停翰窮日而終後入溧陽山中不知所之
賢已集孔道徽守志業不仕父祐至行通
神明隱於四明山嘗見谷中數百斛錢視
之如瓦石不異採樵者競取入手即成沙
礫有鹿中箭投枯祐爲之養瘡愈然後去
仙君橋井神女竹壇

柳江集蘇仙君一日太上有召將補真官
臨別告其母曰明年此郡當有疾疫可取
庭前井水一盃橘葉一枝以救人疾苦必
有奇驗亦少資甘旨言畢出門衆仙擁衛
幢節羽儀森列左右冉冉昇天而去明年
果大疫母以井水橘葉救之無不立愈至

今橋井存焉

集仙錄雲華夫人名瑤姬西王母女也能
飛騰變化禹過之疑其怪誕非真仙也問
諸童律曰天地之本者道也運道之用者
聖也聖之品次真人仙人矣其有稟氣成

真不修而得道者木公金母是也雲華夫
人乃金母之女也其後禹遂禮之乃得理
水疏決之道策鬼召神之書神女乃化爲
石今巫山有神女石即其所化也又有神
壇壇側有竹垂之若篲或飛物著壇上者
竹則因風而掃之終歲常瑩潔焉

劉商囊藥樂天鑪丹

神仙傳劉商每歎光景甚促筋骸漸衰朝
馳暮止但自勞苦浮榮世宦何益於己於
是託病免官入道遊及廣陵於城街逢一
道士賣藥見商目之甚相異乃罷藥携手
登樓以酒爲歡道士出一小藥囊贈商并
戲吟曰無事到揚州相携上酒樓藥囊爲
賜別千載更何求乃別去商開囊視之紙
裏一葫蘆得藥九粒如麻子依訣服之頓

覺神爽不飢後往義興愛暮畫溪之景乃入湖漁隱於山中人多見之曰我劉郎中也有胡笳十八拍行於世

仇池筆記樂天作廬山草堂燒丹而鑪鼎敗明日忠州刺史除書到乃知世間事不兩立也

張碩羽帔原憲華冠

列仙傳張碩洞庭人遇女仙杜蘭香降其室授以舉形飛化之道留玉簡以為登真之信命王女齋羽帔絳履玄冠以授於碩且曰此上仙之服非洞天所有也碩乃白日飛昇

日飛昇

南華真經原憲居魯桑樞而甕牖子貢乘大馬軒車不容巷往見原憲原憲華冠履履杖藜應門子貢曰嘻先生何病憲曰憲

聞之無財謂之貧學而不能行謂之病今憲貧也非病也子貢逡巡而有愧色原憲笑曰夫希世而行比周而友學以為人教以為己仁義之愚與馬之飾憲不忍為也

遊藏却粒仲都禦寒

高道傳孫遊藏字穎達骨茹芝却粒又專服穀仙丸顏采精爽老而愈少

王氏神仙傳王仲都過太白真人授以虹丹能禦寒暑已二百許年冬月單衣乘駒馬車從帝於昆明池環水馳走帝御狐裘而猶覺寒仲都貌無變色背土氣蒸然

然又當盛夏曝之日中國以十釜大口不稱熱身亦不汗後亦仙去

孫博成火譚峭入水

神仙傳孫博博河東人有清才能屬文著詩百篇誦經數十萬言晚學道治墨子之術能使草木金石皆為火光照數里中亦能使身成火行見中使從者數百人皆不燒病者指之皆愈後合神丹得仙

續仙傳譚峭字升叔博文強記遊歷名山

辟穀養氣以酒為樂後入南嶽煉丹得成入水不濡入火不灼變化隱形

定辭瀾腸鮑助拍齒

高道傳塗定辭每到中春人服藥時渠即臨流於小灘下解靈使水自七竅入謂

之瀾腸一日平坐而化家人環哭却活曰坐去難為葬具言訖卧化數夕顏色如生及就墳棺甚輕識者以為尸解

真語鮑助不知學道法術年四十得面風氣口目不正兩齒上下正相切拍有聲晝夜不止得壽年百二十七歲後遇寒過大水墮長壽河中死北帝中間比達然鬼及日遊神地殃使取之而終不敢近鬼官問其故天煞答云此人乃多方術以制於我常叩齒鳴天鼓以警身中諸神神不得散

鬼氣不敢入是以無礙取得若助不行水渡河亦可出千歲壽不啻也當是遇大寒步行冰上口噤不能叩齒是故鬼因弱者河中患風病而齒自動叩者猶能辟死却然鬼沉道士真叩齒鳴天鼓集神耶

靈膠續強神芝活死

仙傳拾遺漢武帝巡北海祠恒山王母遣使獻靈膠四兩帝以付外庫不知靈膠之妙也一日射虎於華林苑而弩弦斷使者請以膠一分口濡其膠以續弩弦續訖乃

續訖乃

使武士數人牽之終日不脫帝驚異為膠
出鳳麟洲蓋鳳喙麟角合煎之名曰集弦

膠
廣異記徐福字君房不知何處人時始皇
大苑中多枉死者橫道有鳥啣草覆死人

面皆登時活有司奏聞始皇帝即遣使齎

此草以問鬼谷先生先生曰此是東海祖

洲上不死之草生瓊田中一名養神芝葉

似菰一株可活千人帝乃遣徐福及童男

童女各三千人乘樓船入海尋祖洲採芝

草後不返

徐登婦人丘曾男子

晉史徐登閩人也本是婦人化為丈夫有
道術能禁人令坐不起禁水不流虎狼
伏地與趙丙為方外交同行其道道成登

仙

靈寶本行經云北室有精進賢者王福度
有女名阿丘曾年十六在密室香湯自洗
見金光曲照疑有不常遂出淨室登高望
見道真神仙精光輝燦丘曾乃作禮稱名

今睹天尊願轉身為男子俄頃之間已見

其身形化為男子元始天尊即命南極尊

神為丘曾之師授其真文給金童玉女道

語丘曾曰汝得師南極豈不高乎功滿德

備自當令汝位及至真超身三界迅足九

震朝宴太上也

蔡經狗竇宋卿雞窠

王氏神仙傳總真王君名遠字方平遊括

蒼山過道民蔡經家君知其骨相合道往

而度之謂經曰汝應得度世以補仙官但

汝少不知道氣少肉多唯可尸解此法須

更知過狗竇中耳言訖而去經忽身熱如

火欲得水灌之舉家撻水如沃焦狀三日

之中消瘦骨立乃入室以被自覆因失其

尸視被中之身頭足俱全如蟬蛻耳

洞微志李守中為承旨奉使南方至瓊州

界道逢一翁自稱揚選舉年八十一遊守

中詰其居見其父曰叔連年一百二十二

又見其祖曰宋卿年一百九十五語次見

雞窠中有小兒出頭下視宋卿曰此九代

祖也相傳數世不語不食不知其年多少

朔望取下子孫列拜而已

梁須微視李元洽和

抱朴子道士梁須不知何許人闔村積赤

者却老還少令人夜間微視見鬼須年七

十乃服之轉更少壯年至一百四十行及

走馬後隱青雲山

仙傳拾遺李子元居隸上山石室中習讀

丹經專精念道忽有神仙乘羊而降授其

食氣養和之訣修之數年白日昇天今所

居山即第十化也下有綿水山中石上多

有神羊之跡在焉

荀環駕鶴阮瓊碎墨

遂異記荀環遊江夏黃鶴樓上望西南有

物飄然而來乃駕鶴之客也羽衣虹裳賓

主歡對已而辭去跨鶴騰空眇然而滅

野人閑話趙尊師善飛符救人百姓阮瓊

家有女為精怪所惑父母召人醫療必先

知其姓名瓊乃請師垂救師曰不消吾親

去但將吾符貼於戶牖間自有所驗瓊得

符貼於門上其夜一更聞有巨物似中擊之聲遂攢燭照之迺一巨鼉宛轉在地遂巡即死其符遂不見瓊遂碎鼉之首棄於溝壑女亦尋愈
俠士舞劍廉貞持戈

北夢瑣言道士羅少微頃在茅山紫陽觀寄泊有丁秀才同寓藥宮冬之夜霰雪方甚一二道友圍爐有肥羜美醞之羨丁曰致之何難遂闢戶奮袂而去至夜分蒙雪而回提一銀榼酒熟羊一足云浙帥厨中物由是驚訝歡笑擲劍而舞騰躍而去迨曉莫知所往道士後以銀榼納於本邑也逸史裴令公少時術十云命屬廉貞將軍宜祭以清酒當為助裝自此不懈及為相事繁乃遺忘後有女巫云廉貞將軍遣某傳語大無情却不相知也將軍怒甚相公何不謝之公沐浴祭奠真見一人金甲持戈長三丈餘向北而公驚悚自此復遵奉也

三洞羣仙錄卷之十六

三洞羣仙錄卷之十七

設七

正一道士陳葆光撰集

田宣塊石羊惜片竹

神仙傳田宣隱居鶴鳴山遇一白衣神人將一塊石與之曰吞此可以不飢宣食之自此得道入山不出

自此得道入山不出

續仙傳羊惜擢進士第除台州樂安令葉官入山遇一絳衣人自稱靈英引入洞中得靈芝服食曰爾有仙分復引見茅君君曰惜有仙骨未得飛昇宜地上修煉遂引出惜自後絕食身輕抖擻骨節如片竹叩板之聲飲酒三升日行三百里

剛稱天門謝號鬼谷

王氏神仙傳王剛自稱天門子明補養之法著經云陽生於寅純木之精陰生於申

純金之精以木投金無往不傷陰人用脂粉者法金之白也是以真人留心玄妙審其盛衰我行青龍彼行白虎也彼前朱雀我後玄武不死之道也天門子行此道壽一百八十歲顏如童子今升入玄洲為真人

人

又王誦學道於老君入石梁山採藥服食顏如童子後遷鬼谷山自號鬼谷子時蘇秦張儀問學於先生誦曰聞道易修道難二子就學三年辭去君曰足下勤勞四馬功名赫然子不見河邊之木乎僕馬折其枝波浪漱其根此所居者然也子不見嵩山之栢乎華陰之桂乎葉干青雲而無斧鋸之患玄狐赤豹隱其下文鳥丹鳳棲其嶺比所居者然也悲夫二子輕喬松之求壽而貴一旦之浮華可惜哉

南昌免官元瑜逃祿

真誥邾南昌公先為北帝南朱陽天門靈關侯後又轉為高明司直昔坐與劉慶孫事免官今始當復職也

晉隱逸傳郭瑀字元瑜少有超俗之操隱于臨松蘿谷鑿石窟而居服栢實以輕身張天錫遣使者孟公明持節以蒲輪玄纁備禮召之公明至山瑀指翔鴻以示之曰此鳥安可籠我遂深逃絕迹公明拘其門

人鴉嘆曰吾逃祿非避罪也豈得隱居行義嘗及門人乃出而就召

山叟書符道人畫簇

傳奇高昱艤舟昭潭夜窺潭上三大美藻有三美女倨其上相謂曰昭潭無底橋洲浮信不虛語各謂言所好一曰習釋次曰習道次曰習儒又曰各算明日得食何物曰各從所好平旦果有一僧渡至中流而溺又有道士一儒生溺死不逾時而溺三子俄有舟載一叟云是祁陽山叟昱遂述其事叟怒曰馬敢如此取丹筆書符命弟子捧入潭底若履平地睹大石穴有三白猪卧石上見符至化三白衣女曰啓天師容三日撤去叟怒曰明日須離此不然使六丁仗劍斬之明日黑雲風雨有三大魚泐流而去

役天地之數非積功累行不可求之遂告懋曰五十年後當於茅山相尋遂不知所

在 吳剛斫月蔡誕鋤芝

酉陽雜俎舊傳月中有桂高百丈其下有斫之創痕即合其人姓吳名剛學仙有過或言月中桂即地影也空處即水影也本無物此理差近

抱朴子蔡誕好道棄家入山不堪其苦而還欺其家人曰吾爲地仙位卑爲老君牧龍因羣仙博戲輸一五色斑龍緣此被謫崑崙山芸鋤芝草

君平卜筮望之巫醫

仙傳拾遺嚴遵字君平蜀郡成都人也留情黃老博覽羣書常以卜筮爲業與人子言依于孝與人弟言依于悌與人臣言依于忠遵之善屬文依老子莊生之旨著書十餘萬言名曰指歸後舉家昇天宅舍亭臺亦隨飛去

高士傳漢安丘望之字仲都長陵人少治

老子恬靜不求進時號安丘丈人成帝聞名欲見之望之辭不肯見爲巫醫於人間接輿木實仇公松脂

列仙傳接輿楚人也好養生食草木之實遊峨嵋山世世人見之歷數百年劉向爲之頌曰接輿樂道養性潛輝見諷仲尼諭以鳳衰納元以和存心以微高步靈岳長嘯峨嵋

又仇生不知何許人當湯時爲木匠已三百年矣而色更壯人皆知其壽也咸共師之只見常食松脂而已

噲參齋鶴靈瓊乘龜

述異記噲參養母至孝有仙鶴中箭參收養療治瘡愈放之後鶴雌雄雙至夜嚙明月珠爲謝

高道傳俞靈瓊居衡山十餘年遇神人授以回風之術行之坐見天下事如視諸掌自晦不爲異以驚俗而人莫知之常養一大龜謂之元龜廣四五尺見者懼之師一日乘此龜入九疑山不出採樵者時或見

之

從善借馬朱冲還犢

高道傳劉從善字順天祥符中師道士王
太和於建隆觀至和三年正月仁宗不豫
召從善於大慶殿奏章命執政代拜伏章
訖執政問曰章達否曰章已達時仁宗仙
仗已行數刻忽復精神明爽傳宣問葛將
軍何神也從善對曰三天門下有神曰葛
將軍復傳宣速令設位供養翌日聖體遂
康諭左右曰朕昨夜至天門有葛將軍者
云皇帝未合來急借馬遣回遂寤

晉逸史朱冲字巨容少有至行閑靜寡欲
好學而貧常以耕藝為事鄰人失犢認冲
犢以歸後得犢於林下大慚以犢還冲冲
不受每聞詔書至輒逃入深山時人以為
梁管之流

董道畫床王遙作獄

仙傳拾遺董仙道乞酒踏歌周遊天下大
中年多在河中府市肆之人或董生醉宿
其門傍者即賈市頓售人皆欽異仙道或

得狂自歌藕絲織得萬重羅仙道用心多
或遇大雪以杖畫為床即寢於雪中人或
問其寒否答曰深山松柏木不畏雪漫漫
發言成章率多此類

王氏神仙傳王遙字伯遠鄱陽人也頗能

治病病無不愈亦不祭祀不用符水針藥
其行治病但以八尺布敷地坐不飲不食
須臾病愈便起去其有邪鬼作禍者遙畫
地作獄因召呼之皆見其形物在獄中或
狐狸蠚蛇之類也乃斬之或燔燒病者即
愈

玉果厭塵元鑒絕俗

王氏神仙傳玉果楚之賢人也厭穢風塵
厭羶名利隱遁山林靜退諸行一旦乘雲
而去

真境錄唐威儀白先生名元鑒不詳其字

西川成都人明皇幸蜀之年別制得度住
上皇觀志在絕俗道遠遐舉隨風冷然綿
歷星紀相川陸所宜得前賢高蹈之躅至
餘抗天柱觀止焉元和間遁化

子明瓦金李脫石玉

天師傳張慈字子明天師十六代孫也襲
真人之法歲以三元傳度諸階秘籙有道
術點瓦為金或投於水中而火起或化為
瓦後解化而空中聞仙樂之聲

野人閑話漢州昌利山李真人諱脫自西
周之初於此山中煉水玉及九華丹三往
三反八百餘年人謂之李八百丹成塗石
成玉變砂為珠至今因雨往往拾得五色
真珠者後漢建武中餌藥騎龍上昇煉丹
之處依然存在其石壁藥氣所逼盡成金
玉之色光彩異常有一方長尺餘似人脚
跡後於是處起佛寺僧徒誣言是迦葉之
迹年代深遠人皆傳之其實李脫具人煉
水玉之處也

元化叱鬼仙翁鞭巫

高道傳道士張元化不知何許人一日有
客召入酒肆元化辭以不飲與之茹葷又
辭以佩法籙客稍怒元化熟視之知其非
人也謂曰暫請歸願子少待即取劍而誘

出郊叱使坐而戮之即鬼也朱髮藍面如五六歲小兒携其首以示人且曰此鬼輒欺吾故戮之以去民害

丹臺新錄仙翁葛元行過武康主人主人病劇令女巫下神神令公飲酒公不飲輒言語不遜公曰何敢爾即叱五伯捉曳出鞭脊不見人如有引之去至中庭已見抱木解衣但聞鞭聲舉身流血主人疾亦愈祖龍駟石玉女投壺

述異記始皇作石橋海上欲觀日出有人驅石去不速神人鞭之流血今石橋色猶赤又真境錄臨安洞霄宮路側石崖之上按記云秦始皇駟山嶽擬塞東海常役鬼兵來移此山山勢欲動忽有仙人來叱鬼直以身靠定使不前去至今崖上有肩帔簪冠印成深迹焉

列仙傳東王父與玉女投壺每一投千二百鳥設有不入者天為囁呼監噓也穆王八駿鄰令雙鳧

本傳周穆王好神仙之道駕八駿之馬造

于崑崙之山食王木之實謁西王母而得昇天之訣後托身解化示民有終

王氏神仙傳王喬漢明帝時為鄴縣令有神術每月朔望常詣京朝帝怪其來數而不見車騎密令太史伺之言臨至必有雙鳧從東南飛來於是俛鳧至舉網得之乃一對鳥也蓋四年時所賜尚書履也

太虛受印道全佩符
仙傳拾遺程太虛者果州西充人潛心高靜居南岷山絕粒坐忘一夕迅風拔木雷電大雨庭前坎培之地水猶沸涌以杖攪之得碧玉印兩組用之頗驗每歲遠近祈求或受符錄者詣其門以印印錄則受者愈加豐盛所得財利拯貧救乏無不稱嘆又尹道全者於衡山修洞真還神微視之道兼佩五帝六甲左右靈飛之符天真降焉謂之曰夫白日昇騰者當有其才而後成其道者漢武帝劉徹感降天真授五岳真形靈飛十二事纔得尸解之道而不得形骨俱飛汝受其一而有冲舉之望斯乃

勤苦所資亦宿分所稟矣因問靈飛十二事曰靈飛昔金母所授欲使武帝安五岳福萬民而卒不究無為之至化黷武窮兵殺傷流血自敗其福故不得如軒皇夏禹乘虬駕龍解形隱景斯為失矣

周撫亭長丁度館主

真誥南門亭長今用周撫代郊鑿一門有二亭長輒有四脩門郎一天門凡八脩門

括異志慶曆中有朝士冒晨赴起居至通衢見美婦三十餘人靚粧麗服兩兩並馬而行若前導後見丁觀文度擁徒按轡繼之而去朝士驚曰丁素儉約何姬侍之衆多邪有一人最後行朝士問曰觀文洎宅眷將遊何處對曰非也諸女仙迎芙蓉館主耳時丁已在告頃之聞丁卒

南極老人西河少女

真誥注七聖元紀中赤君下教變迹作沙門與六弟子俱顯名姓者也又云在元氣為元君在元宮為元帥在南辰為南極老

人在太虛為太虛真人在南岳為赤松子此乃天帝四真人之師太一之友

女仙傳西河少女者神仙伯山甫外甥也學道精思服食二百餘年容貌益少見其外甥年少多病與之藥時年已七十稍稍

還少色如嬰兒漢遣使行經西河於城東見一女子笞一老翁頭髮皓白跪而受杖使者怪而問之答曰此妾兒也昔妾舅伯

山甫得神仙之道慙妾多病以神藥授妾漸復少壯今此兒妾令服藥不肯致此衰老妾怒之故杖之爾使者問女及兒各年幾許女子答曰妾年二百三十歲矣

姚坦銀花印疏石乳

丹臺新錄姚坦字元泰晉襄公嘗屈膝北面稱師餼風味道彌歷年載一日弟子出

見天雨銀花續紛委地良久方消其日太素元君遣仙人下迎受書為玄洲真人蒞白水宮

列仙傳印疏者周封史也能行氣鍊形煮石髓而服之謂之石鍾乳至數百年往來

太室中室中卧石床枕焉夏統風至劉慶雲舉

晉逸史夏統字仲御會稽人時上已洛中王公已下並至浮橋士女駢闐車服燭路統坐舟中不顧太尉賈充怪而問之統徐

應之曰會稽夏仲御也充曰昔堯亦歌舜亦歌子與人歌而和之可乎統曰先公朝會萬國恩澤雲布聖化猶存百姓感誅遂

作慕歌於是以足扣船引聲欸擘擘清激慷慨大風應至叱則雷電冥集長嘯則沙塵煙起諸公相顧曰若不遊洛安得見是人統歸會稽後不知所終

吳天師玄綱論云或問古有神仙今胡為而不見答曰清濁殊流真凡異境安可得而見也又曰今歲千載而暫歸混元至今

而屢降何謂不復見乎又問今仙者為誰手答曰自唐已來可略而言之劉慶雲舉於蜀王韋俊龍騰于嵩陽道合蟬蛻于太

一洞元骨飛于異方皇化却老齊一反真

抱朴子皇化號靈子得還元却老之術其經云此術可以辟兵營衛家門保子宜孫人見則喜不見則思仰神明之心得百姓之意在入間五百餘年顏色愈少

高道傳道士張契真字齊一錢塘人時忠懿王精崇道法每三八錄齊俾綜其事太平興國中太宗建太一官詔天下戒潔士

以居之而契真與選召對禁中復稱旨已而上以道書魚魯未定詔兩街優學者刊正而師復與馬一日因就寢彷彿有朱衣

吏持符而至曰奉命張某宜速淨穢往彼執事速明召門人論之曰吾且行矣子其志之泊然返真孟生魂魄王老精神

真誥山世遠受孟先生法暮先讀黃庭經一過乃瞑使人覓龜自制練但行此道二十一年亦仙矣是為合萬過也得三過

四過乃佳北岳蔣夫人讀此經亦使人無病是不死之道也王氏神仙傳王老者不知何許人與封君

達為友訪道名山遇神人告之曰子精神動天太上遣我來授子度世之訣然仙道不遠近取諸身無思慮不吐不納真一充於內而長生飛昇矣思慮營營勞汝之形太上綿綿若存用之不勤是真道矣言訖昇天

將符救友奉先會親

仙傳拾遺穆將符好道不慕聲利與長安東肆姚生友善時往其家則飲酒話道彌日累夕忽姚生暴卒舉家蒼惶使人奔訪將符際夜方至家號告之笑曰可救也遂解衣與姚同衾而卧戒令勿得驚呼待喚即應撤燭而寢中夜燭之姚已起坐矣曰適為黃衣使者追去頃聞傳呼云太一有勅使追回自是姚生平復如初將符遁去不知所適

又黃奉先濛陽人嘗入葛瓚山遇道士教以變化之術同縣富人宋氏以女妻之宋親屬甚廣為奉先宴饌者逾月而未周一旦諸親戲謂奉先曰不知黃郎會親之席

何如爾奉先遽荅曰明日聊備酒饌望諸親皆至於是隣親賓客八十餘人來日詣其家奉先素未預備其日忽見庭宇巖潔筵饌精豐陳設圖繪皆非西蜀所有無非珍異觀者駭目音樂徐張眾賓醉飲有欲迷席者出門見柱上二蛇賓客驚懼皆不敢出已而既為眾人所知不安栖止後移家入東川太華山

微子合氣道真乘雲

真語微子乃張慶之女也微子在易遷宮中常服霧氣自云霧氣是山澤水火之精華金石之盈氣久服能散形影入空與雲氣合體也

王氏神仙傳王道真漢時人得道居鬼谷山東古栢臺常有白雲出於臺中遠望如百尺樓道真常乘此雲遊戲山頂暮歸臺中白雲亦欲入此臺內即荆州北清溪鬼谷山也或謂此為陽臺非也

尹失恃怙吳闕甘旨

高道傳道士尹通字靈鑿博通經史常嗟

幻化非圓每仰天而嘆父母未之信迫以婚宦乃跪伏曰竊聞張真昇天鎮南嗣美茅君得道太守投誠況高祖太極真人之遺德可無隆紹願從所志父母許之遂飄然而去及恃怙已失孝履既盡其希真守

二之心與日俱往魏太武聞名尤欽奉焉古今詩話吳仁壁遊羅浮學老莊於張先生得其大旨辭歸謀入京取應先生曰觀子氣法可住此吾授子長生之道仁壁辭以老母闕甘旨俟名遂身退學亦未晚是年中第入浙謁錢武肅殊禮之辟入幕不就以詩謝之其略云弊貂不稱芙蓉幕衰朽仍慚玳瑁簪十里溪光一山月可堪從此負歸心武肅令撰羅城記不從武肅悲沉之於江吳人惜之建隆初霽昱等就羅浮設醮醮畢遊諸窟洞至山頂見一石門有老叟衣薜蘿據門而坐呈問其由云是羅浮先生宅再問叟為誰云吳先生也名仁壁言訖戶闔了無所見

王廡酒醇允升橘美

王氏神仙傳王廓咸通中自荆渚隨船將過洞庭風甚泊舟君山下與數人登岸而行忽聞酒香問諸同行者皆無所聞忽路側有洞穴遂入穴行數步窟穴中有酒味極醇美掬而飲之酣然似醉自此充悅無疾漸厭五穀乃入名山學道後看仙經云君山有酒飲者昇仙廓所遇即此酒也

○異人錄陳允升入龍虎山天祐中人見於麻姑山計去家七十年矣顏貌如初刺史迎置郡中夜坐嘗曰豐城橘美頗思之允升少選携乃百枚至

○鄧郁觀鳥商丘牧豕

本傳鄧郁隱居衡山斷穀三十餘年夜誦太洞經上感南嶽魏夫人降告之曰君有仙分持來相訪一日忽見三青鳥如鶴鼓舞飛鳴移時方去郁觀之謂弟子曰青鳥既來朝會至矣遂解化

神仙傳商丘子胥好牧豕常吹鐵笛年七十無妻子顏色不老邑人奇異之有道術人或問其要只曰食菖蒲飲水自然不飢

如此年三百餘歲矣服間黃瓜展公白李

○神仙傳服間者不知何許人常止莒往來海邊諸祠中忽有三仙人於祠中博戲賭瓜雀間擔黃白瓜數十顆教令瞑目及覺乃在方丈山蓬萊之南

○真誥昔高辛時有仙人展上公者於茅山伏龍地植李彌滿其地展公今為九宮內右司保其常向人說昔住華陽下食白李味甚美憶之未久而忽已三千年矣

○三洞羣仙錄卷之十七

三洞羣仙錄卷之十八

設八

陸生掘兔屈氏埋錢

廣記廬山人者有道術一日過復州界維舟於陸秀才莊門或語廬山人非常人也陸乃謁之以決休咎廬曰君今年不動憂旦夕禍作君所居堂後有錢一甌覆以板非君有也錢主今始三歲君慎勿用一錢用必成禍能從吾戒乎陸巽然謝之及廬生去水波未定陸笑謂其妻曰廬生言如是吾更何求乎乃命家童掘地深數尺果遇板徹之有巨瓮散錢滿焉陸喜甚妻亦裙運紉草貫之將及一萬兒女忽暴頭痛不可忍陸曰豈廬生言將驗乎因奔馬追及且謝遠戒廬生怒曰君用之必禍骨肉與利輕重自度也棹舟去之不顧陸馳歸

○醜而瘞焉

真誥云良常山漢時其山下有屈氏家大富財有巨億埋銅器於此子今在也亦有錢錢在西北小山上向也

○

賢安紫捺伯兒紅蓮

本傳南魏夫人名華存字賢安季冬夜半太極真人降夫人之室設酒肴陳元靈紫捺仙傳拾遺張伯兒西晉時修道於蜀石斛山精思感神仙忽降謂之曰此山有長生夜光之芝得食一枚白日冲天其芝生於水側夜視如紅蓮者是也苦求數年得而食之能飛行徹視後乘赤虎而去莫知其所

歸舜鸚鵡文祥杜鵑

幽佐錄柳歸舜自巴陵泛舟遇風至君山登岸行數里有鸚鵡數千相呼姓字曰柳十二遭風得臻異境所謂因病致妍耳忽有二道士曰君舡風便何不急回投一尺綺曰以此掩眼即去矣歸舜忽飛達舟所續仙傳商文祥自號七七周寶鎮浙西遇之甚厚寶謂曰鶴林寺杜鵑花天下稱奇嘗聞汝醉歌云解造逶迤酒能開頃刻花子能開此花赴重九乎商曰諾乃前一日往鶴林寺宿中夜有女子來語曰妾為上

蒼所命下司此花此花亦非久歸闍苑矣今為道者開之至重九日其花果爛熳後遭兵火信歸闍苑矣

筠卿三笛太真一絃

廣異記呂筠卿月夜泊君山飲酒吹笛忽一漁舟來相並有老人持一笛大如合拱示呂曰此天樂也不可吹次出一笛如世所用曰此洞府仙樂也又一小者如筆管曰此人間笛也遂吹其小者一兩聲波濤洶涌又三五聲舟楫掀舞呂大恐老人止笛吟曰湘中老人讀黃老手撥紫篳坐碧草春至不知湘水深日暮忘却巴陵道抱朴子太真乃西王母之女也與東嶽夫人往來於岱山重嶠深隱人所不到去地千餘丈中有玉几金寶之物每彈一絃之琴則百鳥翔集鼓舞而至

崔君破錄零子發匱

宣室志捷為郡東十餘里深嶠中有一觀有顏道士居之有石函三尺緘鎖甚固相傳尹真人上昇時以石品付門弟子戒約

慎不得啓之必有大禍有崔守者至郡聞之命破其錄開函視之但有符籙而已崔

急暴卒三日而悟曰吾為冥官所攝何為聞真人石函今上帝令削吾壽祿又奪五任官今獨有二年在矣崔果得二年乃卒

丹臺新錄范零子少好仙道如此積年後遇司馬季主季主將入常山中積七年石室中東北角有石牖季主出行則語之曰慎勿開之如此數數非一零子忽發視之下見其家父母大小近而不遠零子悲思

季主還乃遣歸後復取之使守一銅匱季主出則叮嚀勿發零子復發之如前見其家季主遣之遂不得道

綠華絕整少元端麗

真語華綠華者自云是南山人不知是何仙也女子年可二十上下青衫顏色絕整

以升平三年十一月十日夜降羊權家贈詩一篇并致火浣布手巾金玉條脫各一枚訪問此人曰是九嶷山得道女羅郁也此女已九百歲矣

此女已九百歲矣

廣記崔少元者唐汾洲刺史崔恭之小女也其母夢神人絳綃衣駕虬龍持紫函授於碧雲之際乃孕十四月而生少元既生而異香襲人紺髮覆目耳瑱及頤端麗殊絕昔居無欲天為玉皇左侍書耳

丘公鶴跡方平蟬蛻

神仙傳浮丘公昔接王喬遊王屋山歇鶴於路王屋山有懸鶴臺臺上鶴跡存焉有浮丘公隱處今南峯號為南嶺是也

列仙傳道士王遠知字方平舉賢良方正累遷中散明天文隱居山林至漢帝累召不出令郡守辟詣京師而方平閉口不言謂弟子曰吾數將盡明日當行及期解化無尸如蟬蛻耳

蒯京練精鑿鏗閉氣

修真秘訣云道人蒯京年一百七十八甚丁壯朝朝服玉泉珠齒玉泉者口中津液也朝旦未起早漱津令滿口吞之珠齒二十七過名曰練精
神仙傳鑿鏗即彭祖也有道引術每有疾

則閉氣以攻所患其氣雲行體中下達指末尋即體和膏云上士別林中土異被下士服藥服藥百髮不如獨卧後人集其採納之術為彭祖經行於世
脞望何諷猗子表冕

原化記唐末書生何諷嘗買得古書一卷讀之卷中得髮捲規四寸如環無端斷絕處兩頭滴水升餘燒之作髮氣諷常言於道者道者曰吁君固俗骨遇此不能羽化命也據仙經白魚三食神仙字則化為此物名曰脞望夜以規當天中星星使立降可求還丹取此水和而服之即換骨上昇因取古書閱之數處盡漏尋義讀之甘神仙字諷方歎伏

廣異記唐廣德二年臨海縣賊表冕寇永嘉其舟過風飄去數千里遥望一山青翠森然有城壁五色照耀回地就泊見精舍無人房中唯有胡猗子二十餘枚及蜀錦黃金器物甚多賊既不見人乃競取物忽有一婦人從金城中出謂曰汝非表冕黨

耶何得至此此器預爾何事輒然取之回視猗子汝謂此為狗乎非也是龍耳宜速還之賊等各送物歸還因問此是何處曰此是鑑湖慈心仙人修道處也
陶侃鶴弔道合蝗消

賢已集陶侃居母憂嘗有二客來弔不哭而退化為靈鶴冲天而去時人異之
高道傳道士劉道合過神人告之曰聞子好道志節不屈以盟成攝召符與之道合授而吞之自是道法所施無不驗高宗特封泰山兩不止帝令道合禳祝俄霽得寵賜輒散貧乏洛陽苦飛蝗道合以符示官吏俾散帖境內則蝗立消滅
岐暉返室慧虛渡橋

高道傳道士岐暉事蘇法師得三洞法斗之術師行之歷年之久湛然自得嘗以仙經云欲為仙客入太白於是擇門人志道者俱往既至而返則室中嘗有神仙談笑
廣記慧虛即天台國清寺之僧也時與同

侶遊行至一石橋，慧虛渡過，往石壁見一老人，問曰：世傳過橋見羅漢，不知羅漢何在？老人曰：此處乃神仙之福地，天帝之下府，金庭不死之鄉，桐栢上真王君主之列仙三萬人，上真三百太，上一年三降此宮，較定天下學道之人，功行非羅漢所居也。僧曰：神仙可學否？老人曰：積功累行，白日昇天，遂引數步，老人不見，忽在園清寺前，慧虛自後，易道家服，好丹藥，修鍊終南山，遇老人得丹服，乃獲昇舉人云。老人乃張果老耳。

聶遇彭蔡謝會梅蕭

高道傳：聶師道居南嶽，日冥觀，一日入山，尋蔡真人，行抵暮，見一樵者，問之：子何往？聞蔡真人隱此，願一禮謁，蔡曰：今暮矣，不可到，前有人家可宿，師前行，見一草舍，有一農者，問子何往？曰：尋蔡真人，農者曰：前所見樵者乃蔡真人也，師嘆曰：遇仙聖而不識，命耶？農者留宿，遂就寢，日高，主人未興，師乃潛行，逢一老人，邀坐石上，問何往？

具前以對，老人曰：夜宿農舍，即真人之子也。老人曰：子道氣甚濃，但仙骨未就，折草與食，舉目而老人不見，歸以告道衆，衆曰：子一入山，逢三仙老人者，必彭真人也。既見蔡真人父子，又見彭真人，豈非修真之至者？

續仙傳：謝修通詣衡山感神人，告之曰：廬陵王荀山乃司命之別府，宜往彼修鍊，修通從之一日，深入溪源，忽遇一大館舍，見一青童出問子非謝修通乎？蕭梅二真人待子久矣，即引見二真人，修通再拜曰：塵世縲纒，貪慕生道，枯骨重生，獲期元會，真人乃賜松葉并嘉禾五穗，與食，修通後得道尸解。

天活無恙常批有疾

高道傳：陶天活者，南安人居海濱，海水忽溢，家人悉驚走避，難天活始生，其母挈去，不能得，舉家皆泣之，洎水落而歸，其子在桑之交，枝無恙，因名之曰天活，及長，慧悟而真氣內足，自唐憲穆恭文四宗朝充內

供奉道士，時公卿大夫無不欽尚，後歸海濱，不復出，談死常批有疾，老子問曰：先生疾甚，無遺教以語弟子乎？批曰：過故鄉而下車，子知之乎？老子曰：非謂其不忘故耶？批曰：嘻，是已過喬木而趨子知之乎？老子曰：非謂其敬老耶？批曰：是矣，張口曰：吾舌存乎？曰：然，吾齒存乎？曰：亡，古存以柔齒亡，以剛批曰：是已天下之事已盡矣。

章僕金硯謝仙鐵筆

廣記：吳郡蔣生隱居四明，好鍊丹藥，積年不成，一日於貧子中，得一僕名章，全素所談，神丹之事，蔣叱之曰：汝傭人，無妄言，章就出一瓢子，取藥一粒，謂蔣曰：此丹藥能化土為金，借先生之石硯以傳之，可乎？蔣未之信，是夕章忽卒，未殮，已不見尸，唯衣帶存焉，而石硯已化紫金矣。撫遺何仙姑居永州零陵，邑滕子京謫守岳陽，一夕大雷雨，既霽，華容西峯石壁上，有三字存焉，曰：謝仙火字，舛怪異，公命模字詢之，皆莫有知者，或曰：零陵何仙姑必

知之乃遣使往問之仙姑曰此雷部中一鬼耳兄弟二人好以鐵筆書字其人長三尺公遣人往而峯驗之果然

張寬對星善勝吞日

六帖漢武時有女子浴於渭水中乳長七尺上怪其異遣問之曰第七車者知我所來時蜀人張寬為侍中寬對曰天星主祭祀也齋戒不潔則女人星現

真武經昔善勝皇后夢吞日光而生真武生而神靈長而勇猛不統王位惟務修行輔助天帝擔斷天下妖魔故護群品日夜於王宮中發此誓願父王不能禁制速捨家辭父母入武當山中修道四十二年功成果滿白日登天

屈原見斥責誼被默

拾遺記屈原以忠見斥隱於沅湘披蓑茹草混同禽獸不交世務採栢實以和桂骨用養心神被王逼逐乃赴清冷之水楚人思慕謂之水仙其神遊於天洞精靈降於湘浦楚人為立祠至漢末猶在其山中有

靈洞採藥之人入之迥然天清霞輝花芳柳暗丹樓瓊宇宮殿異常眾女霓裳冰顏艷質與世殊別飲以瓊漿贈以丹醴之訣遂絕飢渴泊歸里邑各非故鄉鄰尋得元代孫問之云遠祖入洞庭山採藥不還今經三百年也

真誥西明都禁郎賈誼昔為治馬駟事不當被黜守泰山泰山君近請為司馬已被可

少君石像太真金釵

拾遺記漢武帝詔李少君謂曰朕思李夫人可得見乎君曰可遠見不可同於幃幄閣海有潛英之石其色青輕如羽毛寒盛則石溫暑盛則石冷刻之為像不異真人使此石像往則真人至矣帝後得石即命工圖刻作夫人形像刻成乃置於輕紗幕裏宛若生時帝大悅仙傳拾遺揚幽通本名什伍幼遇道士教以考名之術明皇幸蜀馬嵬之後屬念妃子不已乃召什伍至行朝上問其事對曰

雖天上地下冥冥之中鬼神之內皆可歷而求之上即命什伍逼加求訪然莫知其所後於蓬萊山南宮西廡有群仙所居上元水仙張太真即貴妃也什伍往見之曰我太上侍女隸上元宮聖上即太陽朱宮

真人偶以宿緣世念頗重詢於人間此後一紀自當相見乃取開元中所賜金釵鈿合各半至龜子寄以為信聖上見此自當省憶言訖淚涕而別什伍以此物進之上潛然良久

元子奉戒季偉長齋

真誥元子少好道遵奉戒法至心苦行日中菜食鍊形守精不接外物州府辟聘一無降就或遊山林屏棄風塵志願憑子晉於緱岑侶陵陽於步元故改名為元子自字為延期矣登真隱訣云季偉昔長齋三年竭誠單思乃能服日月光芒之氣於是神光映身也曾子納履何娘織鞋南華真經云曾子居衛緼袍無表顏色腫

噲手足胼胝三日不舉火十年不製衣正冠而纓絕捉衿而肘見納履而踵決曳蹠而歌商頌其聲滿天地若出金石天子不得臣諸侯不得友故養志者忘形養形者忘利致道者忘心矣

○廣記廣州何二娘者以織鞋為業年二十與母居素不修仙術忽謂曰住此闕意欲行遊後一日便飛去上羅浮山亦往來蕭寺山北循州去南海四百里有楊梅木大數十圍何氏每採其實及齋而返開元中勅令遣使召至途中使者悅其色而未言忽云使者有此心不可留矣言訖湧身而去不知所之

○關卒抱石江吏遇槐

見聞錄鄂州黃鶴樓下有石光微名曰石照其石世傳以為仙人洞也有守關老卒每晨起必拜洞下一夕月如晝見三道人自洞中出哈哈久之將復入洞卒即從之道士曰汝何人耶卒具言其所以且乞富貴道士曰此洞間石速抱一塊去卒持而

出明視石乃金也

傳記有江吏者善吹笛能作龍吟後適闕鄉至盤豆館道傍大槐下醉寢夜見一人數丈曰荆山館中一郎來看大兄便開槐上有人下來與語及明至荆山館中見庭槐十圍疑附神物乃曰某好道不逢師木神有靈乞與指教神曰但入荆山求鮑仙姑必獲度世更入山果遇仙師曰子有琴高之相矣今贈子美玉笛吹三年可致洞中龍持水丹來吞之便為水仙更後三年岳陽寺樓吹笛果有龍化為人持丹而來餌之遂變童顏入水不濡

○古忘官情韓謹臣節

神仙傳古元之因飲酒而卒三日再生云遊和神國異花珍菓四時不凋田疇盡長大畝畝中實皆五穀甘香珍美非中國稻粱之比四時之氣常熙熙和淑如二三月國人日構遊覽之歌詠陶然暮夜而散元之既蘇疎放人事都忘官情遊行山水自號知和子後不知所終

神仙感遇傳唐宰相韓滂廉問浙西強悍自負常有不軌之志有道客李順者泊舟於京口夜思燈斷忽飄至一山下上岸尋求行五六里見宮闕華麗有鳥中岸憤者語之曰欲寓金陵韓公一書無辭勞也因

○問此何處也答曰此東海廣桑山是魯公宣父仲尼得道為真官理於此山韓公即仲由也性強自恃夫子恐其擷刑綱致書以諭之順得書即還舟中逡巡則達舊所既而投所得之書公發書視之古文九字了不可識乃拘繫順以為妖妄有一客麗眉古服言善識古文公出書示之客曰此孔子書乃夏禹科斗文也文曰告韓滂謹臣節勿妄動公異之韓自是拱默克保終始異二起風葛三避雪

幽怪錄晉州刺史蕭至忠將以臘日畋游有樵者於霍山見一長人俄有虎兇厥豕狐兔駢匝長人曰余充冥使者奉天帝命臘日蕭使君獵汝等若干合鷹死若干合箭死有老麋屈膝求救使者曰東谷巖四

善謀群獸從行新者隨覘之苑堂中有黃冠一人老糜哀請黃冠曰若令滕六降雪巽二起風則蕭使者不復獵矣新者回未明風雪彌日蕭使君不出

廣記崔希真善攻畫好修養一日大雪中見一老人蓑衣避雪門下崔邀之家與老人同入至幃幃前老人顧望條忽不見覓之無蹤遂歸幃中有畫松木一株仙人藥艾在下崔未之曉請問李含光先生先生曰此葛仙公第三子之所畫也意謂得道者壽若松栢之謂也

抱一嘯傲盧鴻磬折

武仙童碑云抱一嘯傲昇平輕欺富貴扶疎丹桂難藏明月之光峭絕青山莫滯白雲之迹言之不足道在其中詞多不錄又詩一首云聖主搜羅物外人總求金闕見虛真餘余不願彰名姓別得田元道可親仙童昔持此書與茅山朱自英先生先生得書而使者忽不見疑即仙童自至也仙童姓武名抱一人呼為武仙童北夢瑣言

明皇召嵩山隱士盧鴻三詔乃至及謁見不拜但磬折而已問其故鴻對曰老子云禮者忠信之薄可不足依山臣鴻敢以忠信奉見帝異之

潘老有饌玉仙麴藥

原化記唐崧山少林寺元和間嘗因風雨後有一老人策杖叩門求宿寺人以閉門訖指寺外空屋令宿亦無床蓆入更後僧人見寺外燈火怪而問之見其屋內設茵幕華盛陳列有饌老人飲噉自若及曉老人睡起漱盥訖取床蓆帳幕內葫蘆中空屋如故問其姓名云姓潘氏從南嶽北游太原後時有見之者

青瑣太原府助教張世寧暴疾將終吟曰翠羽旌幢仙子宅紫雲樓閣玉皇家人間風物易分散回首武陵空落花既卒神降其妹曰我籍係上天第十八洞玉仙人也因會瑤池考視塵中地仙功行簿聞人間麴藥香徘徊不進遂犯後至之罰西王母啟其事為我有人間酒分宜謫償之寓逆

浮生今還本籍因歌曰休休休偷得休時便好休歡喜冤家無徹頭

仙宗赤鯉公遠白魚

高道傳傳仙宗隱資陽山明皇召見時利州江舡多溺津人告苦師投符於江翌日果有二鯉魚死於灘上肚上有丹書字云赤鯉赤鯉生於河水不避仙官宜得其死刺史奏聞詔立生祠於江側又羅公遠在唐時已數百歲乍老乍少人莫識之時太守醜屬吏于郡之園亭士庶競至忽一白衣來有一小童叱之曰汝擅離本處白衣人去吏執小童以白太守問名荅曰羅公遠適見龍王為公逐之刺吏未之信曰可見本形否曰不難遂穿一穴以水引之一白魚隨流而躍青煙如線頃之黑氣橫天雷電而雨化白龍飛去

赤須隨髮紫霞生鬚

神仙傳赤須子者豐人云秦穆公時主魚吏也食松實天門冬齒落復生髮隨更出後去上吳山七十餘年莫知所之

百陽雜俎東陵聖母廟主女道士康紫霞自言少時夢中被人錄於一處言天符令攝將軍巡南嶽遂以金鎖甲令騎道從千餘人馬蹀向南去須臾至嶽神拜迎馬前夢中如有處分嶽中峯壑溪谷無不歷也

恍惚而返鷄鳴驚覺自是生鬚數十莖

鮑靚兄弟積薪婦姑

真誥司命君曰女真鮑靚其七世祖李湛張慮本在渭橋為客舍積行陰德好道希生故令福速於靚使人易世變煉更生合為兄弟根骨雖異德蔭者同故當生氏族今在洞天中仙矣

廣異記翰林基者王積薪從明皇西幸蜀宿深溪之家有婦姑止給水火纔闔戶積薪夜聞如謂婦曰良宵無以為適與子圖基可乎堂內無燭婦姑各在東西室婦曰起東五南九置子矣姑曰東五南十二置子矣婦又曰起西九南十置子矣姑曰夜及四更其下止三十六姑曰子已北矣吾止勝五杼耳達明請問於姪姪頷婦曰

是子可教以常執耳婦乃指示攻守救奪救應防拒之法甚略姪曰止此已無敵於人間矣積薪行去數步回顧已失向室廬矣周寶改葬騎生結廬

稽神錄周寶為浙西節度使治城隍至鶴林門得古冢棺擗將腐發之有女子面如生衣服皆不敗掌役者以告寶親視之曰此當是嘗餌靈藥待時而發發則解化之期矣即命改葬之具車舉聲樂以送寶與僚屬登望之行數里有紫雲覆輶車之上衆咸見一女子出自車中坐紫雲冉冉而上久之乃沒開棺則空矣

列仙傳騎鶴年少時於地中得一龍子狀如守官騎生結廬以養之及龍大壞廬而去不知所在至五十年許忽見龍鳴騎龍而至曰今年五百里有水災人以爲妖及期果大水死者萬計

三洞群仙錄

三洞羣仙錄卷之十九

設元 正一道士陳葆光撰集

德休魚饗子膏肓祭

續仙傳曹德休常謂人曰若家有疾苦就求德休符藥不必惠以財帛但以江魚為贈一盤并美酒一壺饗吾則疾自痊鄉人欽之如神一日告人曰我捨此入天寶洞去然來年牛疫頗甚我留姓名與汝傳道牛疫之時以贈饗書其字帖牛角上自當無苦其後牛果大疫一境之內帖其字者免灾不帖者皆斃

武夷山記玄靈老君華真仙師遣弟子名屬仁乘雲駕鶴游歷此山人多呼為控鶴仙人昔魏王名子騫與張湛孫綽等同在此山修道會天九早魏王置酒脯祭仙人析雨感控鶴仙人乘雲跨白馬從空中而下遂需雨澤張湛等既獲見即獻詩一絕云武夷山上武夷君白馬垂鞭入紫雲空裏只聞三真酒龍潭波上雨零零仙人得詩甚喜

蘇林吐納先賢服餌

神仙傳蘇林遇消子告之曰欲作地上真人必先服食當去三尸殺滅穀蟲不去三尸而服食者穀雖斷而蟲不死者徒絕五穀勤勞吐納而蟲生求不死不可得也遂

授之以三元真一之道乃曰非有仙籙者不得授此書秘密非人勿傳

仙傳拾遺楊先賢歷訪名山周遊洞府從葛永瑋得道因其化跡處築室居之逾年忽一夜見光明如晝羣仙降焉問所修之

道先賢稽首曰糞壤之質見歲月易遷常恐奄謝志期度世耳羣仙憫之遂賜丹華服餌白日上昇

通微清爽李根奇異

續仙傳道士鄔通微不知何許人神氣清爽多遊名山人多識之或時不見莫知能測及丹成服食即於酒樓上飛昇去

抱朴子李根許昌人能變化隱形入水火中人皆奇異之有女弟子竊根素書以觀得根記其學道之年日計已七百年矣或

云根兩目方瞳按仙經云年八百歲者童子乃方根常與弟子云我雖未得與天地齊亦不為下土之士矣

弱翁黃犢自然丹哥

西清詩話鍾弱翁傳帥平涼有方士通謁從牧童牽黃犢立庭下弱翁異之指牧童曰道人頗能賦此手笑曰不煩我語是兒能之乃大書曰草鋪橫野六七里笛弄晚

風三四聲歸來飽飯黃昏後不脫蓑衣卧月明既去郡人見方士擔兩大甕長歌出郭迹之不見甕乃二口豈呂洞賓耶

秘閣閑談池州鳳凰山道士趙自然夢陰真君與栢葉一枝食之因而不食神氣異常為詩曰嘗欲樓山島閑眠玉洞寒丹哥時引舞來去跨雲鸞或問何名丹哥曰鶴也

允當慙虎君平牧鵝

道學傳歷陽謝允當見餓虎閉在檻穿允當慙虎之窮開而出之虎伏地良久乃去幽閑鼓吹鶴羊山在長沙縣北二十里本

名東華山亦謂之石寶山上有仙壇丹竈湘中別記云昔郡人成君平年十五兄使牧鵝羊忽遇一仙翁將入此山兄後尋至山中見君平因問牧鵝羊何在指白石曰此是也遂駢起隨兄去旬日却還山下復

化為石今猶存焉畢田詩云羽客何年此煉丹尚留空竈鎮屏頽雲中雞犬仙應遠山下鵝羊石髓頑湘渚幾因滄海變遼城無復令威還何年仙馭重來此盡遣飛昇上九關

金訪蓬子針寄田婆

神仙傳唐王處士者洛陽尉王瑤之姪四郎也瑤赴調入京過天津橋四郎布衣草履形貌山野瑤初不之識四郎曰叔今赴選姪少物奉獻即出金五兩色如雞冠可

訪金市張蓬子計之當領錢二百千某比居王屋小有洞今將家往峨嵋山瑤訪之則已行矣金市果有蓬子出金示之驚喜此道者王四郎所化金也且無定價因如其數酬之

其數酬之

傳奇許栖巖入蜀登危棧忽與馬俱墜于崖穴中因遇太一元君君曰子所乘馬乃吾洞中之龍也以作怒傷稼謫在人間貧荷子有仙骨故得值之子歸放之謂曲勿復駕也有一玉女曰龍子曰日號縣田婆針與寄少許來遂跨馬如飛食頃已達號縣之莊詢訪田婆市針百枚繫于馬鬣放之謂濱果化為龍去田婆者蓋亦仙人也

夏侯美睡禮和善歌
仙傳拾遺夏侯隱者大中末遊茅山天台

間常持布囊竹杖而已或露宿於壇中林下人覘之但見雲氣翳鬱不見其身每登山渡水而閉目美睡同行者聞其鼻鼾之聲而步不蹉跌足無蹶礙至所止即覺時號為睡仙

真誥傳禮和常服五星氣而得道禮和善歌歌則鳥獸飛聚而聽聲焉

欽真力勤合靈睡嬾
女仙傳唐揚欽真本田家女也適王渭為妻夫貧力田楊氏婦職甚謹夫族目之為

勤力新婦一日忽沐浴著新衣逝去是夜鄰人皆聞有天樂異香自西北來次日夜復聞音樂之聲異香酷烈縣令李邯聞之率眾來看則婦寤在床夫邯問去來之由荅曰向仙仗來迎至華山雲臺峯峯上有

四女真先在彼與語甚洽曰同生濁世共是凡身一旦儵然遂與塵隔今夕何夕歡會于斯宜各賦詩以道其意於是更相唱和欽真詩曰人世徒紛擾其生似舜華誰言今夕裏俛首視煙霞欽真後復仙去

郡閣雅談吳合靈為道士居南岳俗呼為吳猱好睡經旬不食嘗言人若要閑即須懶如勤即不閑也素不攻文忽作上昇歌云玉皇有詔登仙職龍吐雲兮鳳著力眼前驀地見樓臺異草奇花不可識我向大羅觀世界世界只如拈掌大當時不為上昇忙一時提向瀛洲費

劉道同舟公垂共簡
名賢詩話晉公舊有園在京師保康門外園內有仙游洞景最瀟灑道士劉道作仙

遊亭詩贈公云屢上仙遊亭上醉仙游洞裏杳無人他時鶴駕遊滄海同看蓬萊島上春公莫曉其詩湘南遷遁往見公於崖公方思其詩乃知道異人也與之同泛舟海上而飲公曰今日之謫子之詩意也

續元怪錄故淮海節度李紳嘗見一老父曰年少識我否曰我唐若山也子非李紳乎對曰某姓李不名紳對曰子合名紳字公垂在仙籍矣今夕羅浮羣仙有會能隨我一遊乎乃袖出一簡若笏形縱橫曳之

覺長闊數尺宛若舟船父與紳俱登其中戒令閉目但覺風濤洶湧似泛江海逡巡俄抵一山樓殿參差簫管家亮端雅士十餘人來迎曰公垂果能來人世凡濁苦海非淺自非名繫仙籍何路得來曰子能留此乎紳曰身未立家不獲辭恐若黃初平

貽憂於兄弟曰子既念歸雖仙錄有名而俗緣尚重然美名崇宦亦皆得矣宜勉之乃遣歸自是改名紳字公垂果登甲科歷任將相之重

盧娘綠眉阮籍青眼

杜陽編唐末貞年南海貢盧眉娘年十四眉綠且長故有是名眉娘幼而惠工巧無比能於一尺絹上綉靈寶經八卷字如粟粒而點畫分明又善作飛雲蓋以絲一綉

分為三段染成五色結為金蓋其中有十洲三島臺殿麟鳳之像而執幢捧節童子亦不啻千數順宗歎其工謂之神人度為道士歸南岳仍號逍遙

○ 晉阮籍字嗣宗為步兵校尉不拘禮節能為青白眼嘗於蘇門山遇孫登與商略終古及栖神導氣之術登不應籍因是長嘯而退至半嶺間有聲若鸞鳳之音響乎出谷乃登之嘯也

昭武錄鼎士良玉版

洞微志封昭武者餘杭酒徒也因乘船舶為暴風漂至島上俄聞異香遠望有道士坐於西岸昭武急起作禮道士坐石下有一銀鼎鼎面浮一大珠道士曰汝何來武對以窮困欲投新羅道士曰視君之面無

外夷祿可却乘舟吾與好風送還明州昭武祈之曰生平為酒所泥飲食微渺支體瘦瘠道士笑曰但飲此湯遂於鼎中以銀瓢取半瓢與飲之真甘露液也又告以理生之計曰但取馬當自給因問先生姓曰

我陰真人也逡巡風起道士催登小舟又飄一夕日已在明州矣

○ 唐逸史元和初萬年縣所由馬士良犯事王夷為京尹嚴酷必殺之士良亡命太白山至於炭谷湫岸截於大柳木下纔曉有

五色雲自空降仙女在中水濱有金槌王版連扣數下青蓮湧出每葉旋開闢畢仙女取擘三四食之却乘雲而去士良見槌板尚在扣之少頃復出士良食七八枚頓覺身輕

郭憲嘆酒斑孟漱墨

賢已集郭憲武德七年為光祿勳從駕南郊憲在位忽回向東北舍酒三嘆詔問其故對曰齊國失火故以此厭之後果然三洞珠囊斑孟或云女子也能飛行終日

又能坐虛空中與人語又能入地中去初時設足至智漸漸但餘冠幘良久而盡沒不見又能含墨著口中舒紙著前臂墨漱之皆成字竟紙各有意義服丹年四百歲更少入大冶山去

道榮虎坑龍威鳥跡

○ 威應錄北齊由吾道榮少為道士因遇南嶽仙人符水禁呪陰陽歷數天文藥性無不悉解嘗至遼陽有虎去馬止十餘步人皆驚走道榮徐以杖劃地成大坑虎遽去矣

○ 仙傳拾遺龍威丈人隱居包山亡其姓氏吳王閭閻十二年觀兵於敵國途由包山山有洞穴吳王欲知其深淺請隱居窮究之遂秉燭晝夜行一百七十四日而還見

金城玉宇有光如畫紫玉流黃間為窓牖其城門榜曰天后別宮藻錦甚盛玉房中得素書一卷皆鳥跡篆籀之文歸以書奏吳王王後使賁其文以問孔子曰寡君昔遊包山有赤鳥嚙此書於車前使下臣賁

靈文奉謁願告休戚孔子發函遠曰昔夏禹理水功畢乃遊於鍾山之阿得黃帝帝學等所受太上靈寶真經藏一通於名山石磧中一通付於水神當有得道之士以獻於王若云赤鳥所銜丘未聞也

崇嶽拜松姚光燿荻

名賢小說道士吳崇嶽辟穀嘗登松梢禮拜福建轉運使周渭因請隨行抵于德化縣縣東有古松一株高八九十尺上有鶴巢乃命岳登之宛若猿猴容易直上出鶴巢之外端身飛步手無攀緣統織枝拜如平地其松枝柔軟隨步低昂了無損處渭贈詩云楮皮冠子布為裳吞得丹霞壽最長混俗性靈常樂道出塵風格早休粮枕中經妙誰傳與肘後方新自寫將百尺松頭幾飛步鶴棲枝上禮虛皇

感應錄吳姚光善火術吳王積荻數千束使光坐其上又以數千束裹之因猛風燔之燔訖謂光已化為燼而光端坐灰中振衣而起

得一寶符伯威仙籍

仙傳拾遺史得一者自言咸通中因秋雨淡旬山水泛溢一旦微霽見江濱一物隨水橫流以杖引之得焉開視乃老君三部符也浮水中而不濕心甚異之收還家其夜有光彷彿二童隨之與語云我侍符童子也太上寶符久傳人間繕寫訛謬迨失宗旨文字既誤鬼神無所稟伏由是行之少効今此正文以付得道之子救民疾苦無不應驗後數年童子告白太上降駕太白山可往朝拜因入太白不還

漢兒劃地秦婦築城

丹臺新錄漢初有四五小兒路上劃地戲一兒歌曰著青裙入天門掛金母拜木公時人莫知之唯張子房知之乃往再拜此乃東王公之玉童也所謂金母者西王母

也木公者東王公也仙人拜王公揖王母

廣記唐開元中代州都督以五臺多客僧恐妖偽事起非住持者悉逐之客僧懼逐多窟山谷有法明者深入鴈門山幽澗之中有石洞容人出入涉水渡岸行二里至草屋中有婦人並衣草衣容色端麗見僧愕然問云汝是何輩僧曰我也婦人笑曰寧有人形骸如此僧曰我事佛弟子佛須撥落鬚髮故爾僧問此何處婦云我是秦人隨蒙恬築長城被其苦乃逃至此食草根以得不死僧辭出它日備糧更去則迷不知其所矣

伯庸鶴唳藏質雞鳴

皇朝類苑王參政伯庸得疾既委頓是夕有靈鶴十餘隻空中嘹唳八月二十夜月甚明時其弟純臣差知亳州公吏來接皆以為怪訝須臾公薨羣鶴遂散時人以爲伯庸當作仙官爾

高道傳道士葉藏質字舍象精於符術婺州牧為邪物所撓詣請符至中路犯穢忽

失之牧親造見案上有筒封簽甚固乃前請之符也因焚香致匪捧歸邪物遂絕表其賢懿宗優詔石門山居為玉霄觀一日命酒召其友人語及平生事然後告以行日及期竊題於門曰雞鳴時去門人遂聞環佩雜簫管聲于空中須臾雞唱視之已化年七十四矣

三洞羣仙錄卷之十九

三洞羣仙錄卷之二十

正一道士陳華光撰集

設

青丘元老紫微小星

異人錄台州道士王遠知善易知人死生禍福作易總十五卷一日雷雨雲霧中一

老人叱曰所泄者書何在上帝命吾攝六丁雷電追取遠知惶懼據地旁有六人青衣已捧書至老人責曰上方禁文自有飛

天保衛秘藏元都汝是何者轍藏緇杖遠知對曰青丘元老傳授老人曰上帝勅下

汝仙品已及授度期展四年二已數也師後於光宅中尸解

湘中野錄太祖居潛日與趙韓王普遊長安市忽逢陳希夷曰可市飲乎太祖曰可

與趙學究同之希夷睥睨韓王曰也得也得既入酒舍韓王足痺偶坐席左陳怒曰

紫微垣一小星輒據上次可乎斥之便居席右

李虞論語顧歡孝經

逸史信州李虞員外與楊稜遊華山俄至

一小洞見川巖草木不似人間有紫衣人邀入居處若公府多竹屋堂室甚潔自言姓杜名子華因避世便遇仙侶居此已數百年矣因留宿飲饌皆甚精豐肉有馳羊其狀如牛書有論語留連累日各遺銀器數事遣使者導之而返曰此可住否二子色難子華笑執手而別後尋其洞穴不可見矣

道學傳宋顧歡善道術弟子鮑靈綬門前有一株木大十餘圍上有精魅歡印木木

即枯死又有病邪者問歡歡曰家有何書答曰唯有孝經歡曰可取仲尼居置病人

枕邊恭禮之自差而後病者果愈王遠題門隱容濬井

王氏神仙傳王遠字方平明天文圖讖逆知吉凶漢武帝問災祥不答乃題宮門四

百餘字預說方來帝惡之令人削除外字雖滅內字復見墨迹徹入板裏

廣記房州竹山縣陰隱容家濬井千餘尺而無水工人捫壁見列一天地日月世界

榜曰天柱山門內兩童皓齒鬢髮間浚胡為至此工人具陳本末須更有緋衣傳勅曰以禮遣之引至清泉洗浴白泉飲甘美似酒行半日見宮室皆金玉題云梯仙國工人詢曰此國如何答曰諸仙初得仙者闕送此國修行

王皎破腦楊公擊頂

酉陽雜俎王皎先生善伎術天寶中偶與客夜中露坐指星月曰時將否矣為隣人所傳時上春秋高頗拘忌為人所奏上令

殺之刑者鑊其頭數十方死因破其腦骨厚一寸八分皎先與達奚侍郎還往及安史平皎杖屨至達奚家方知異人也北夢瑣言淄齊間有道士楊仙公者莫知其年壽者老自童推見之每出閭巷兒童

聚而觀之或就鐵鋪借鐵椎自擊其頂或令人極力擊之一無所損唯言甚快入山林與虎豹為戲以手擊之猛獸為之僵仆多勸人行陰德長興中入蜀居峨嵋去也祈嘉呼道仲甫吸景

晉逸史祈嘉字孔賓年二十許好學經史夜靜忽於窓間聞有聲呼之曰祈孔賓隱去來修飾人間事甚苦不可謂所得未毫銖所長已山崖嘉遂遁去西遊海渚教授門生三千餘人

王氏神仙傳王仲甫少好道術得吸景陰霞之法行之四十餘年一夕夢神人告之曰子所以不得升度者謂其腦官虧減靈津未溢遂授以服食之法方得上昇今在玄洲矣

成師擊囊伊尹負鼎

高道傳成道士不知何許人明皇聞其名召入館于蓬萊院問道術所修皆不對未幾乞歸山上允乃挈布囊而去人皆笑之而後因撤幕屋上有題詩曰蜀路西行燕師北至本擬白日昇天且看黑龍飲涓其字刮洗愈明不數月祿山起明皇乃入蜀仙傳拾遺伊尹商人也其先佐夏為諸侯母將孕遊於西川之上大水遽至母驚奔避水乃拱而立化為枯桑水退父來求之

謂已溺死忽見枯桑非昔所有疑妻所化以石扣之聞空桑中有兒聲取養之遂以伊為姓及長明緯候聲律陰陽探幽察微志救天下負鼎于湯湯大悅用之為相年八十棄位絕粒示死於家太上命太和真人蒙谷希授以解形之法入蒙泰山石室修之白日上昇

元達夢鳥文字擊蛻

三洞珠囊鄧郁之字元達南陽新野人嘗夢一鳥吐印以與之自是民間有疾輒以印治救求為符章病者自愈

漢郊祀志注列仙傳曰崔文子學仙於王子喬子喬化白蛻文子驚引戈擊之俯而見之王子喬之尸也須臾化大鳥飛去玉蘭鵲腹上仙蛻皮

集仙錄張玉蘭天師之孫也幼不茹葷辛十七夢赤光自天而下光中金字篆文隨光入口中因而有孕母氏責之終不言所夢唯侍婢知之一旦謂曰吾不能忍恥而生死後當剖腹以明我心其夕無疾而卒

見一物如蓮花臨腹而出視之乃素書金字本際經十卷傳於世間遂葬玉蘭忽大風雲雨指飛在木上失經及玉蘭所在今墓在益州溫江縣女郎觀是也

又董上仙遂州方義女也年十七神姿艷

雅故號上仙一旦紫雲垂布天樂下於其庭二青童引之昇天父母素愚號哭呼之不已去地十數丈復下還家居數月又復如是後因說其皮於地形衣不解乃飛而去

杜瓊作賦許堅能詩

真詰艷都山上林木水澤如世間但稻米粒幾大味如芡其餘四穀不爾但稻為重思耳杜瓊作重思賦曰霏霏春茂翠翠矣重思靈氣交被嘉穀應時四節既享祝人以祀神禾鬱乎浩京巨穗橫我元臺爰有明祥帝者以熙此之謂矣
雅言雜載許堅江左人多居三茅不知其年歲形容不變多談神仙事能詩如題茅山觀云常恨清風千載郁洞天今得恣遊

遊松楸古色玉壇靜鸞鶴不來青帝高茅氏并寒丹已化明皇碑斷夢仍勞分明有箇長生路休向紅塵嘆二毛又一絕寄舍人徐鉉云幾霄煙月鎖樓臺欲寄侯門薦補才滿面天埃人不識謾隨流水出山來

丘伯相鶴桐君碎雜

相鶴經云浮丘伯昔授之於王子晉後崔文子學道於子晉得其文藏之嵩山石室淮南公採藥得之遂傳于世經云鶴陽鳥也稟金火之氣以生三年頂赤七年善飛

又七年十二時鳴六十年茸毛生泥不能行一百六十年雌雄相視而孕一千六百年不食而胎生其相以長頸脩竦則善鳴龜背龍腹則能舞乃仙人驥驥也

卓異記建安三年昇國獻鳴石雞色如丹大如燕常在天上應時而鳴能遠徹其國聞其鳴乃殺牲以祀之當聲處掘則得此雞若天下太平翔飛頡頏以為嘉瑞亦謂之寶雞又聽地中以候晷刻道士云仙人桐君採石入穴數里得丹石雞春碎為

藥服令人有聲氣後天而死寶鼎元年四方貢異珍有琥珀燕置之靜室則鳴翔此之類也

員外穢夫屯田役卒

逸史唐大曆中有王員外郎者好道術雖在朝列布衣山客日與周旋一日會除穢裴老與語王君異之其妻呼罵曰身為朝官與穢夫交結遣人逐之而去居一日復來布袍曳杖頰有隱逸之風曰員外非真好道乃是愛藥耳因取王君一錢合可二斤許解小藥裹兩粒如麻栗撒散合上却堆火燒之食頃取出乃上金色如雞冠王君驚而嘆乃別去後不知所之

括異志屯田郎曾公奉先嘉祐中知惠州居有蔬圃役老卒守之灌蒔尤力凡所欲之物必先致之曾問曰汝常逆知吾意何也卒曰偶然耳曾自此亦待之善一日白曾曰荷使君厚顧某非碌碌者今夜三鼓請乞一到園中有祕術上聞公忻然許諾將具公囊詣之家人皆曰豈有郡守夜半

公裳謁一老卒哉遂止黎明報園子物故仍於腰下得白金數兩曾為買棺殯于野數月有人自廣州來卒附書為謝發其塚但布袍中屨存焉
毛女食松何娘採楠

神仙傳毛女字正美隱華山形體生毛自言秦時宮人後流亡入山道士教食松葉遂不飢寒身輕如飛陳搏常與遊華山樵人多見之有詩贈曰藥苗不滿筍又更上危巔回首歸去路相將入翠煙其二曰曾折松枝為寶梯又編栗葉代羅襦有時問著美宮事笑然仙花望太虛
續仙傳何阿六者徐州女也華陰雲臺觀為諸女冠採新汲水數年諸女冠因詰江吳間有甘橘美果而秦川難求阿六笑曰此不難致近亦有之言訖出門食頃袖出甘橘五六枚與諸女冠因曰廣州柑子甚美又致十餘枚分食之後三年有崔鍊師自羅浮山遊華陰因詰及前年廣州官園內有婦人盜採柑子擒之怒失眾乃驗阿

六非常人也
元放乞骸實峙藏骨

丹臺新錄左慈字元放得九丹變化之術曹公求之不與公欲殺之求乞骸骨公為設酒慈曰今當速曠乞分盃飲酒公曰善慈拔簪以畫盃酒酒中斷慈即飲半半送與公公不喜未即飲慈乞盡自飲飲畢以盃擲屋棟動搖如飛鳥狀眾舉目瞞視已失慈所在

真誥茅君云女仙竇瓊英其七世祖峙母以燕枯骨活死為事其陰德有及於瓊英之身而得進於華陽洞府
宋江鬼堆衡山仙窟

天師符記益昌之東有縣曰嘉川又東北二十里有水曰宋江江中有聚石曰天師殞鬼堆江傍巨石有文突起曰天師符如利如刻如鈎如勒如籀篆而尊雄勁毅如甲冑猛士仗劍而立兇邪視之執不股慄士人以紙墨印用能辟邪元和七年仲春安行罷官叩南道由益昌華人張當世時

知綿谷縣輒以天師符見贈曰非吾鄉屬不可得也於是置其符書篋中以歸半年發篋而鼠碎群書獨符無毫髮傷呼其異也宣德郎知鳳翔府扶風縣李安行記其事

王氏神仙傳王道長不知何許人居利景谷縣楊謨鄉直縣西二十里渡嘉陵江折安樂溪抵其山下峰巒峭拔溪之東曰仙窟長於此修道舉家得仙其宅基瓦甃猶存焉

尹君飲董杜吐丹

仙傳拾遺尹君者不知何許人嘗隱晉山不食五穀時尚書李說鎮北門馮翊嚴綬為從事嚴尚奇好異雅重神仙迎致尹君於官舍日與同席常有異香自肌中出嚴益重之嚴有女弟為尼常怒其兄與尹君同遊處忽一日密以董對使尹飲之既飲驚起曰酒非佳餞吐一物堅而有香嚴剖視之即真麝臍也尹其夕卒嚴即瘞之明年秋有朱太虛遇尹君於晉山曰吾頃於

北門遇鵝酒示之以死然鵝安能敗吾真邪太虛異其事歸以告嚴公曰吾誠知其尸解矣

元怪錄杜巫尚書年少未達時曾於長白山遇道士貽丹一粒即令服訖不欲食容

色悅澤輕健無疾後任商州刺史自知既

登郡守班位已崇而不食恐驚於眾於是

欲去其丹歲餘一道士至教食猪血肉巫

從之食訖須臾即吐丹出

○裴氏盤石韋翁古壇

廣記裴氏子事親以孝雖貧而好教人一日行過一老人相拉入太白山見一大盤

石老人以杖擊之石開引裴入洞洞中森

羅萬象仙童玉女老人復引裴出且告之

曰此去二十年可來此避世及期果有安

史之禍裴氏一族隱于西崑遂皆得免焉

異聞集代宗時韋侍御奉使華山拜黃帝

壇至山下邱中見一老父問壇所在老人

曰蓮花中峰西南上有一古壇髣髴餘址

此當是也問何姓答云姓韋自述世系乃

侍御之高祖也相與入山老人策杖先行

韋鞞馬追之不及至石室見二老嫗曰爾

之祖母祖姑也俱雙鬢以木葉為衣喜曰

年代遷變一朝遂見玄孫尋與老父上山

拜壇畢辭歸後再尋求忘失舊路山下人

云此老二三年一來不知其所

○子玉白首昌容紅頰

續仙傳蘇子玉幼而敏惠博覽群書見黃

帝採首山之銅鑄鼎煉丹得昇天之事乃

拾卷而歎曰先儒之書五常之要拘以禮

樂束以名教區區未幾忽成白首身苟逝

矣虛名何益因仰挹霞津內融真寂呼吸

道氣欲及其和後遇正一真人授以瓊文

紫字天真上訣勤行佩服遂通神明忽爾

騰昇

廣記昌容入恒山修煉自號昌容子二百

餘歲其顏愈紅如二十許一云商王女食

蓬萊根往來上下世人見之

通元望闕徐則還山

墨客揮犀真廟時有道士崇通元者居陝

州承天觀壽百餘歲耐寒暑日縱酒往往

不食祀汾陰隨輦自羅山至太一洞一日

臨終召官寮士庶言死生之要夜分盥濯

望闕而逝舉體甚輕若蟬蛻焉

仇池筆記東海徐則隱居天台台絕粒養性

太極真人徐君降曰汝年八十當為王者

師然後得道晉王廣聞名召之則曰吾今

年八十三來召我徐君之言驗矣遂詣楊

州王請授道辭以時日不利後數日死道

路皆見其徒步還山云得放還乃得經書

○分遺弟子而去

○左徹朝像高遠辭帝

仙傳拾遺左徹黃帝臣也黃帝升天徹刻

木為黃帝之像率諸侯而朝之七年黃帝

不還徹顛帝時亦登仙而去人間刻木為

象自此始也

仙傳拾遺蒲高遠者巴西人黃錄先生王

普進之弟子也言意詭譎持操無準皆謂

之狂大同十二年七月十六日於南峰絕

頂乘雲徑詣金陵辭謁梁武帝方宴坐忽

集其殿帝問其故對曰夔居巴西得道上清將歸天來辭帝耳言畢飛去時益州刺史王蕭紀以事上奏帝亦詔問命郎中劉孝先撰碑旌其事跡今尚存焉

韓泳策蹇子真乘驥

從十

采異記古成之自廣次于湘潭聞有韓泳者高人乃謁之韓一見若故人謂曰君有道氣可罷此行否古以干祿為辭韓曰子此行必成名他日可於京師閭闔門外相見乃別去至次春成之果登第暇日有故

出閭闔門見一人策蹇目之乃泳也成之

記前約乃大神之相與市飲韓乃贈詩云德行文章已出群的將仙道付於君浮名若乃真休得占取關中一片雲復別去自此絕無音問古其後不食亦頗有奇異焉

高道傳潘師正奉母至孝母喪乃廬于墓側道士劉愛道見而奇之云三清之驥非汝誰乘之邪

景度王冠紫元錦被

王氏神仙傳王司王君諱景度衣絳章單

衣九色鳳章頭戴太天飛神王冠手執九色之節治南朱陽之臺主人生死之籍知其名存其神修行九年致神草不死之藥丹霞飛雲下迎兆身上昇玉清宮矣

從十

又南極王夫人王母第四女也號紫元夫人著錦帔青羽裙漢平帝時常降於陽洛山石室中

道成始珍屬文可記

高道傳張始珍居南嶽遇神人授以明鑑之道使修之曰夫照物理者天也照物形者鑑也天之道以清鑑之道以明人能存天清鑑明澄心靜神而內外調暢至道成矣若以內役其志外勞其形心不澄神不清則至道遠矣古人所謂虛其室白自主定其心道自至始珍修之九年道成上補

真人於梁天監中白日上昇

續仙傳金可記新羅人博學善屬文入終南山務行陰德唐大中十一年十二月忽上表言臣奉玉皇詔為英文臺侍郎二月二十五日當上昇宣宗遣使召入內固辭

不就又求見玉皇詔辭以列仙所掌不留人間遂賜宮女四人香藥金鍊又遣中使二人看侍至二月二十五日春景明媚花卉爛熳天有五雲煖鶴翔鸞鳴白鶴笙蕭金石羽蓋瓊輪幡幢滿空仗昇天而去入聖超凡積功所致筆此仙蹤未照盛世

三洞群仙錄卷之二十

。

三十代天師虛靖真君語錄序

席一

宇宙之間鍾光嶽靈淑之氣者惟人而人之修乎身也有諸內必形諸外固凡蘊蓄之素者其能已於言乎雖老莊氏之學墮肢體黜聰明凡役乎外者一切斥絕務一返乎內而至於垂世立教之道亦必因言而後達且著焉由是觀之遊方之外者豈盡以言為無所用者哉蓋其於言也若太空行雲澄淵微瀾隨其動止而成文不可以跡見之也若儒之於言也達則雄邁放逸之情肆窮則羈愁感慨之語發者異矣雖然其道隆神化之乂與天為徒乂豈必以言之有無而後謂之至哉三十代祖虛靖真君以靈悟宿植遭熙洽之朝在崇寧靖康間徽廟崇道尤篤而真仙輩出與真君上下一時者若徐神翁王文卿林靈素也凡驅禁崇平潮孽驗榮繪往往有異微暨國運艱否預達災朕及致風霆暘雨特指顧間其道神行者誠足以羽儀天朝澤被含品矣雖相去數百載迨今人猶道慕之豈惟誇一時而後竟泯泯無聞者比哉舊傳應

化錄載述勳行詳矣凡真君流示世教之語陶冶性靈之篇又皆足以警迷啟蔽非遊神於胚脾塊坩之初蟬蛻於膠羈塵滓之表無毫忽足以介其中者其所造詣能若是哉四方傳誦願見者惜不獲其全往嘗刊行乂亦遺缺因采之名山重鈺諸梓以廣其傳庶俾冠褐之士蒸向之流探索於言外意表以悟火符之秘窮鉛汞之妙有餘師矣以是而進乎道德之域若所謂廣漠之野虛無之濱當層峰高林之間風清月霽之夕哦詠其空歌

靈韻林唱泉答又焉知其霓旌霞珮之不來降也哉其可不與老莊氏之言而並傳乎宇初忝嗣匪才豈足以盡其讚頌揚美嘗懼有所逸墜姑序其槩於首以俟諸大手筆焉歲洪武二十八年乙亥中元後上吉日正一嗣教道合無為闡祖光範真人領道啟事嗣漢四十三代天師嗣孫宇初齋沐再拜謹序

三十代天師虛靖真君語錄卷之一

嗣孫四十三代天師宇初編次

文

心說

夫心者萬法之宗九竅之主生死之本善惡之源與天地而並生為神明之主宰或曰真君以其帥長於一體也或曰真常以其越古今而不壞也或曰真如其寂然而不動也。用之則彌滿六虛廢之則莫知其所大無外則宇宙在其間而與太虛同體矣其小無內則入秋毫之末而不可以象求矣此所謂我之本心而空劫以前本來之自己也然則果何物哉者予冥恍兮惚不可以智知不可以識識強名曰道強名曰神強名曰心如此而以由是觀之豈不大乎豈不貴乎然而輪迴於三界出入於生死而不能自己者何也蓋一念萌動於內六識流轉於外不超手善而超手惡故有天堂地獄因果之報六道輪迴無有出期可不痛哉可不悲哉若夫達人則不然也故齋戒以神明其德一真澄湛萬禍

消滅老子曰致虛極守靜篤萬物並作吾以觀其復夫物芸芸各歸其根歸根曰靜靜曰復命復命曰常知常曰明不知常妄作凶所謂常者越古今而不壞者是也所謂妄者一念纒起者是也莊子曰既以為物矣欲復歸根不亦難乎在易也其為大人乎自茲以往慎言語節飲食除垢止念靜心守一虛無恬淡寂寞無為收視返聽和光同塵暫起是病不續是藥不怕念起惟恐覺遲譬如髮朝朝思理有身有心胡不如是行住坐卧勿使須臾離也無何有之鄉華胥氏之國吾其遊焉

開壇法語

君不見千丈梯倚於峻嶺躡之可至顛峰臨於陸地則數尺橋不可越梯非不及所立者非萬斛之舟安於大川濟之可涉江海妻於秋水則數步溪不可渡舟非不能所安者非吾家法籙上可以動天地下可以撼山川明可以役龍虎幽可以攝鬼神功可以起朽骸修可以脫生死大可以鎮邦家小可以却災

禍然得之在修失之在墮故匠者與規繩不能使必巧師者與模範不能使必行但人之恩情魔阻名利障難罪累日增衣糧積之何形無父母身外誰親度日不過衣糧積之何用榮華富貴車燭當風恩愛妻兒同枝宿鳥

高車大馬難將長夜之遊美妾艷妻寧救九幽之苦雕牆峻宇白玉黃金偶爾屬君不可長守茫茫三界碌碌四生一逐逝波未沉苦海莫待鄭都使至黑簿勾名到此悔之何及今日汝去父母國來親師匠門躡躑擔簦衝霜冒雨傾肝滌膽來瞻太上之真風貴信投名拜受天師之秘籙從茲已去革故日新名雖乘於高穹身尚拘於世網從前恩愛割絕漸休日後冤憎相逢莫結惟是解紛挫銳濟物救人養性安恬存神靜慮琴絲既斷火必息於心猿妄想不生內自停於意馬知身是患見命為真陽不照生陰不幽死自是大風不動劫火難燒念既絕於三尸性豈著於五慾瑤臺閻苑為自己之家鄉愛海恩山是他人之活計人生何定白首難期日月迅速下

手猶遲若更蹉跎空成潦倒此生幸到寶山不得回時空手伏願皇基永固聖壽延長四夷不戰來王萬國無私自化然後十方三界六道四生一切有情俱登道岸本則玄壇已就開度俄臨不敢久立學人伏惟珍重

答池州太守書

馬休糧來特承附書復審已移成都雖跋涉少勞所履泰定法籙且埃盟申謹須躬臨盟佩以全儀式因風聊布手誠休糧去別奉狀六月十三日某上望之太守

答真定府太守書

久違水表遽損瓊緘喜聞起居克臻沖適欣惟安府侍郎結髮從道奮身守儒浩乎學海之巨波卓爾文林之偉傑佇看大用以副群心即遂參承但深欣懌某上真定府太守

答湯明權啟

某啟又服微名阻親玄論仰斗每勞於夢寐披風遠隔於烟霞雲會未遭瓊緘首辱荷至誠之尤甚顧鄙野以何堪共惟明權玉闕高仙瑤臺上客棄利名之鞶鎖務道德之樞機

圓象存神探玄珠於赤水恬和養性合至理
於華胥更宜極濟難危提引愚下全盡真人
之德發揮太上之風庶幾羽蓋龍鱗共訪華
陽之境雲旌霓輦同遊太極之天

答太守林公書

曩者所授功法乃得聖師口訣更在勤行雖
然不白日輕舉亦得身色無遺在世延年長
生不死矣奉祝奉祝某上林公道友

答林靈素書

瓢笠無情雲烟奚取金門紅霧漫為天上之
遊白石清泉方保山中之適洋梗偶成於會
合雲泥各致其道遙一隔江山屢移寒暑開
名日起浪跡時睽靖惟道本自然神非別有
明月周流碧漢光本無形白雲來去青山色
非有跡蒼入蠶而蛾去雀赴水而蛤生變化
斯須循環影響趨向不干於模擬浮沉自得
於方圓萬象有殺有生春花秋落一氣互消
互息夜露朝晞五湖放浪於扁舟三島翱翔
於玄鶴升高須遠就下無難不昧先機方為
達者遠承梅驛徑復華筵幸閱沖和適符歎

記

傳天師與弟青詞

昔三天之後父往而子來今諸薛之師兄辭
而弟受當小臣之披戴祈太極以鑒知將儲
福於微躬實難忘於大賜且無任

謝官職表

時不迫人悞蒙天春恩沾同氣慶洽私門自
愧寵驚寶增欣抃誠惶誠恐伏念臣頃當總
角獲奉清光七換歲華三頒詔節構漏案雲
眉之宇以便焚修賜宣和御禮之經俾成功
行俄下漏泉之澤及臣同產之兄遭遇踰涯
報稱何地茲蓋伏遇特崇教範無間顯蒙義
重天倫推及臣子雖緣故例實駭當時大馬
之心所當自竭鳳鸞之宇何極其榮中殫香火
之誠上祝岡陵之壽且瞻天望聖激切屏營
之至謹言

三十代天師虛靖真君語錄卷之一

三十代天師虛靖真君語錄卷之二

嗣孫四十三代天師字初編次

五言古詩

同石元規講鵬偶書

翺翔數仞間何異九萬里大道蕩無名無彼
亦無此倬哉元規翁斯言迨盡矣一物自太
極志士標高擬鵬手與蜩鳩涉辨非至理有
形相變化不出六合裏飛躍涉程途底用嘲
遠邇迺識道遠游溲遠發玄旨講罷四窻間
忘言空隱几

運使徐中奉尋李隱者于本部因臨訪

上清遂得袁茶款話至夜乃分散明自
悅耳信有瑰偉崇高變通之論山川之
秀亦有增明日分袂時宣和五年其略
於是篇也

西風初飄飄白露仍灑灑有人浮大川東巡
抵饒陽實受九重書因之訪丹房山氣龍虎
明青林雲表長與予適相值議論清水霜已
暮更秉燭坐偶新月涼玉蟾翳烟景金廳扇
天香影落如卿雲爛然獻奇祥六合無異色

五峰同秋光錦袍謫塵世騎鯨隔川梁君期
踐玄約縹緲空中翔

湯明權挈家入道

佳汝久虛淡有才弗願仕難犬白雲間挈家
從遊此所益既超特玄理可坐致俟我明主
命不以奪我志一變江海才總無塵土氣聞
之旌陽令拔宅脫凡世此事在精修勉旃湯
氏子

書龍巖軒事迺成頌白青城道伯

一室絕塵埃和風撼瑤竹滿几惟琴書瀟然
異塵俗時時擿寸毫節篆數囊籙或同務玄
子檝枻兩三局夜對隔林月膝上奏神曲更
深興未闌徐徐啓絨軸好來青城君雲開遠
山綠

和元規拜遠

總到巍峩畔還登翠碧重調青廣白雪琴靜
撫黃鍾履踐古人道追遊仙者蹤自來多福
力相信各踈慵何處不為樂此心知所從還
如一片月掛在萬年松

思青城翁

一別青城翁今經數旬朔天炎春氣聞山花
旋零落時時與攀慕西眺步瑤閣無乃戀人
間笙歌正酣樂歸來方外僑踐我綠巖約回
照閃餘輝芙蓉出金削

和元規見勉

觀君詞語中具引先賢事了然道在茲不行
而善至君今真至矣奏樂求真知一言見吾
子固難盡於辭知君貫老莊臺臺蹈大荒劇
談玄中玄豁落無邊旁有學必有待不與諸
魔對涉景若與知何嘗訝謫恠疑論渙已釋
則信為善士主善以為師天真坐可致人間
猶論分仙事宜任運有命終出倫盡死即待
盡大道非同象明明萬物上使我一聞知應
是快神爽休更論淺深斯言盡誠心特哉且
落魄此語吾所欽傍聽亦笑嗔不責於仁慈
所幸異流俗事物中思惟

和張知縣省食費韻

食饌不須豐古人貴量腹一飽尚何求八珍
非所欲羶筋厭未下但折平生祿造物賦人
料多少有數目更思途中碎碎綠食不足莊

更重鶻食此篇時一讀

又省衣

衣服貴適宜冬裘與夏葛曠茲修行人初不
事精潔輕紗弁履帛標新價亦別每嫌數千
錢拙工亂裁截些小未稱身中心已不悅曾
知有貧者冬夏皆皮裂

三十代天師虛靖具君語錄卷之二

三十代天師虛靖真君語錄卷之三

嗣孫四十三代天師字初編次

歌行

大道歌

道不遠在身中物則皆空性不空性若不空
和氣住氣歸元海壽無窮欲得身中神不出
莫向靈臺留一物物在身中神不清耗散精
神損筋骨神馭氣氣留形不須雜術自長生
術則易知道難悟既悟得不專行所以千
人萬人學畢竟終無一二成神若出便收來
神返身中氣自回如此朝朝還暮暮自然赤
子產真胎

虛空歌

虛空蕩蕩無邊岸日月東西互賓饑東賓西
饑幾時休生死場中如掣電本來真性同虛
空光明朗耀無昏蒙偶因一念落形體為他
生死迷西東堪嘆世人全不覺死即哀兮生
即樂不知生是死根由只喜東升怕西落東
升西落理當然休將情識相牽纏不信但看
日與月朝昏上下常周天生非來兮死非去

無有相因隨所寓六道輪迴浪着忙真人止
在虛空住真人住處無室廬鄰風伴月同清

虛莫謂靈光只豈子包羅法界無遺餘法界
包羅大無外密入纖塵小無內飢寒災禍不
能加物物頭頭歸主宰一堆塵土百年形如
舟泛水憑人行忽朝舟壞人登岸枯木無主
從沉傾莫爾莫回顧萬水千江幾番渡這
回到岸好焚舟不須更說波濤若有緣舟居
不居舟終不壞昨夜風雷撼山嶽虛空不動
常如如識得真空方不昧古往今來鎮長在
掀翻世界露全身盡度衆生超苦海真空消
息非頑空縱橫變化無終窮聽我一歌空裏
曲鐵蛇飛上崑崙峰

休歇歌

休休休歇歇休休歇歇無分別千般要妙萬
般玄只是教人各休歇既能休復能歇一切
情緣皆斷絕飢渴渴飲困時眠萬死千生沒
交涉古聖賢及明哲一性綿綿周浩劫光明
相照合真空休歇之餘更無別地獄種作冤
業六識熾然如火熟立我爭人味休歇甘受

碎身并拔舌休與歇具口訣無愚無智無工
拙從上師真只恁修不遇知心誰肯泄休非
休歇非歇大用現前無扭捏主張元化絕形
蹤囊括虛空超起滅亦無休亦無歇歇歇休
休皆強說欲知真歇與真休一輪皎潔中秋
月

錢塘有作

紅霞映朱欄白雲隱青山塵中人不到雙鶴
舞紫闌瑤琴一曲詩數篇山童煮茗爐無烟
為思塵世去遊樂一別洞天今幾年湘江
上月初白湘浦浦邊風色清斷腸聲咽玉笛
碎愁殺霜堤多少情人生總浮雲仙家依舊
春歸去來兮樂吾真

和元規任從他歌

任從他儘教他莫管他他非他非奈我何盡
日閑同方外友高吟落筆如懸河世上無心
結凡累匣中有劍降陰魔長生已悟玄關肯
從教烏兔走如梭塵勞汨沒誠堪惡孰肯飄
蕩隨蹉跎靜處每思喧處事到頭空自競噓
呵任從他儘教他莫管他但從元氣養沖和

有時恣把丹書讀，無事閑尋玉軫歌。我心非石不可動，任從俗論生乖訛。松蘿布褐且自樂，豈應浮華張綺羅。神爐交媾鍊金液，混乎湛湛而日多功。行圓成共歸去，飄飄飛蓋拂霄河。任從他儘教他莫管他。

橐籥歌

休言大道無為作，須向房中明橐籥。過時不動片時間，紫霧紅光亂灼灼。青龍喜白虎惡赤蛇，纏定烏龜殼。縱然過得尾閭關，又被曹溪路隔著。兩條直上繫丹田，決言上有三清閣。閣下分明有玉池，內有長生不死藥。依時下手採將來，服了蓬萊受快樂。

靖通庵歌

吾結草庵山之中，旁人笑我名靖通。都來方寸間，田地大包世界同。虛空我庵非通亦非靖，玲瓏八面無形影。盈虛消息任天機，庵內主人都不省。有時風雪三冬天，山前盡日無人烟。頑空墨黑晝如夜，庵中光耀長周圍。有時風雷平地起，山沉江湧流雲氣。龍吟虎嘯萬形喧，庵內情緣無止起。環庵松竹連天青。

冬不悴兮春不榮，人來謾笑庵居苦。徹骨貧來徹骨清，清貧生理十分好。翻憶朱門多餓殍，君能認得自家珠。終身豈羨他人寶，庵似身兮主似心。欲明庵主須參尋，驢胎馬腹河沙夢。那知鐵鑛藏精金，高著眼睛速下手。只

本覓取無中有，言窮理絕妄緣空。無毛獅子擦天吼，庵前大廈皆蓬廬。知音有幾同庵居，若非揆斷縣崖手。誰解伊邊認得渠，間中有樂無人識。靜處工夫間裏得，自然妙用自然真。向上神仙皆此出，浮生短景甚悠悠。一切庵壞便須休，簿勸吾門諸學者。不昧此庵須早修。

野軒歌

四海鯨魚不足釣，縱使上釣吾不要。三島神仙不足誇，長生不死數如麻。驚人名譽不足恃，萬古英雄一場戲。些些富貴不足欣，何如野軒卧閑雲。洞然劫火熾芥盡，此時睡著都不聞。野軒野軒在何處，宇宙茫茫無入路。十千仙子浪中潛，百萬搏鵬地底度。此一軒實奇特，神不知鬼不測。東徹西南徹，社中心一

寂塵沙國塵沙國，界有微塵一一微塵一。具人二具人一具，源威儀仗數亦然。時人若見野軒叟，正眼一觀皆奔走。呵呵呵，千古萬古野軒歌。

寄林太守

長生門戶誰不愛，只要自己下功大。九宮臺上黃芽生，白玉池邊蟠桃在。撞動天關鬼神伏，撥轉地軸陰魔敗。河車搬上九重天，日月鍊成金世界。

懷鬼谷山思真洞天因詠以贈元規

思真洞兮雲水深，道人居兮鬼神欽。山花笑兮松竹陰，巖溜潺潺兮千古音。何時一造兮，清神襟攀石蘿兮共笑吟。

三十代天師虛靖真君語錄卷之三

三十代天師虛靖真君語錄卷之四

嗣孫四十三代天師宇初編次

五言律詩

得請還山元規遠遊遂成山頌

喜見石潭淪忘言獨真還尋石橋約一洗

客京塵香篆丹爐靜詩篇彩筆新高霞不孤

暎携手洞門春

和渾淪庵超然即事韻

自得逍遙趣從來樂靜居水邊紅杏小烟外

翠篁疎有物真常應忘形內本虛人間役塵

慮到此盡消除

簡元規秦定二公

傍水絃歌者當簷執卷人人心各有趣天樂

一何真畏日初交夏開花尚是春不隨寒暑

變只有劫初身

立秋之夕對酒成章粗遣清景以招

佳詠

閃閃秋光好行行萬寶成松高孤鶴唳竹密

一蟬鳴大醉衣襟濕空歌風度清腰琴宜更

作楚澤有餘情

送元規遊麻姑

拂袖麻源景飄逸興清不辭千里遠獨步

五雲輕自有琴書樂應無世俗縈我慚阻追

逐回首設馳情

和元規拂雲軒韻

踈翠擁高軒虛徐欲出雲兩楹清蔭共西有

龍交軒故云一陣好風分偏暎琴書席難栖

燕雀群主人憐直節孰敢巧操斤

元規道人覽予心說作頌見寄次韻

奉答

新文博不繁披誦已清魂意在諸緣外心為

萬法源猶龍誰可測牧馬自微言三復難窮

處重來得細論

聽元規琴

萬物紛然在渾淪聲不流昔人絃上取今我

意中求水激崖邊石風高崑上秋相看得真

樂天地共優游

喜晴

芍藥都零落山泉遂有聲盡知春去晚深喜

夜來晴高柳拂簷淨開花照鳩明松間勢好

酒今日思方清

鄭程二子傳法於予清壇事畢賦詩

以遺之

不閉三天道難回二子誠靈章招有感裂帛

喜為盟神劔一日試法燈千古明內觀當自

悟至理本無情

送正之法師

道貌古昂藏聲名萬里香紫霞衣縹緲丹佩

玉琳琅寂寞居巖館殷勤誦洞章佇看功行

滿飛蓋上寥陽

曠經

遲日滿高臺畫囊雲錦開梅蒸陽氣透林隱

景光回洞究千神恍高吟萬惡摧殷勤能啓

秘須仗出群材

晚步山間有作

宿鳥頻來語尋巢未得聞小星明更近高桂

冷初攀拂露松都在因風信未還豈無虛歇

處青及謝家山

和元規寄揚子寓真巖韻

應到最高處翹思上古人風來多相子雲去

淨業塵滓不到處
天花自在春仙蹤
欲無著流俗謾尋津

次韻上勉元規

優游且消遣
認取本來人
痛苦邊是妄
香冥中有真
煎煩徒自累
恬快即長春
君豈知予念予身非子身

題度儀堂四首

屢賞中秋月
山堂亦悵哉
暫居行日常
常覺近三台
大木聲深夜
脩篁蔭靜增
倘非能自度何以見歸來

近戶皆林杪
元非粒點成
山中行不遍
雨後看尤清
桃向天邊種
雲從嶺上生
不通雞犬到時聽
度鷲聲

驟爾升堂者
同乎白日仙
崇深鄰聖像
超卓愧吾年
微月兼寒露
喬松間野田
官成方數載猶使扣鐘錢

正向西窓處
兩峰蒼翠排
白雲清晝入
玄鶴幾時回
剪默如毛竹
鋤嫌繞砌苔
有時不開戶烟雨蔽陽臺

聯句

儵然元規夜坐酌
余德儒所惠酒
因成

共飲名家酒
三杯亦未醉
強懷談道妙
舉筆賦新詩
石雖病仍牽
此為歡信渺
瀾張踈呈聯
遠漢綠水湛
前池石未及
裴君句慚教樂所知
張儵然清且慧
秦定默如癡
石有美新荷近
無塵皓月隨
張山風來細
銀燭取離離石青
眼便為覽朱
簾莫下垂
張睡魔渾散釋吟思
愈清奇石萬態
付一笑千春
總片時張此情
能共適得志
任人嗤石道
重甘相契心機獨
耻為張瞿晏
作良友老聖
是具師石四海
無餘事諸公
足自怡張仙
巖擊釣艇雲錦種
丹芝石世俗
為無謂吾人
還有宜張紅塵
聊應跡紫府
去非遲石終
始懷觀子友持愧伯慈
張功成當並駕
六合恣傲嬉

又

酒獸高陽價
人懷中古情
張把杯聊共樂
對景發新聲
石十二分清
氣三千外
世榮張天真聊所適
俗禮莫相嬰
石蟬韻微微
近松聲宛宛生
張林風侵坐
冷山月照人
明石籟靜神

尤爽宵分氣尚橫
張呈文玉燭煥
虎力紫毫輕
石得志非軒冕
游神必海瀛
中元聊醉此寓意
笑虛名

七言再詠

醉倒尚誇雲液美
吟看尤覺羽毛輕
張松軒恨望情何限
竹檻留連興愈清
石水草遠合青翠
色野花仍吐細
微英張風來
畫榻消殘暑
雨過秋蟬送
晚聲石仙境
每看天路近
風騷不許世
紛繁張鏡若
先駕雲間鶴
顧我還騎海上鯨
石白帝氣剛
群動爾道人心
正百魔驚張共
欣淡泊居林
石翻笑驅馳
到市城石溪上
且同三笑樂
飲中要與八
仙爭莫言酒量全
輸我會是詩
名數石卿

同遊樓具

興為樓具來情
因昔人動張昔
人道非孤今人心
乃共石靜有物
外樂清無世間
夢張至論起形
神談歌徹巖洞
張野色雜茶既
松聲入琴弄
石末可賦歸
歎更揭流霞
苑張

檮兩應時喜而聯句

何以慰黎民
山川朝出雲
精誠動天地
丹懇

在詞文張南畝苗初槁西郊雨已紛林齋漆
鬱鬱草木共欣欣石休恠芝田茂其如羽服
勤穿蒼豈私曲流俗足妖氛致途路塵埃息
軒窓暑氣分豐年慰農更盛德謝吾君石枝
潤驚林鳥厨清絕楚蚊蚊上具何以報惟把
寶香焚

渾淪庵成備然子親慶因以何字為
韻共酌聯句

作室觀靈境功成事若何張琴書消日月
畊釣光烟蘿石為羨雲蹤遠時將酒共過張東

巖開玉洞西瀾瀉銀河石整珮思天柱觀蒼
梧爛柯披真情敦澹薄世業信蹉跎石絕跡
求無累澄心到不波張渾淪甘宴息真率謝
澆訛石塵穢千峯隔風流萬氣和張乾坤堪
比壽烏兔任如梭石仙至不無識鶴來信有

他張正月上的白滿數十解煮茶留客話種

藥救民病石竹露延清蔭蘭風動妙歌張闕

尋仙傳讀靜把玉經科石大道猶衣袂驚塵

自網羅張有生如石火移世似燈蛾石欲入

高仙調母教下鬼唆張茅簷無一事時復動

吟哦

飲罷聯西江月

此夜月華如畫東池不讓西江月明人靜滿
庭芳酒興詩情貪長張未忘茅堂歸去濡毫
且趁吟狂燈前高誅對幽窻却笑青春沈宥

石

三十代天師虛靖真君語錄卷之四

三十代天師虛靖真君語錄卷之五

席二

七言律詩

嗣孫四十三代天師守初編次

次御製賜于真人韻

玉篆金章詠洞真真中高妙孰能倫世緣撥
去神常靜精食休來既已塵且為聖明常讚
化未應栖遯便終身自循多幸因君命得往
琳宮見一人

京師夜坐懷渾淪庵有作寄之

獨坐空虛靜可知江城意味豈如斯君看風
實初成處自稱蟾華欲妙時酒興願同雲叟
樂風塵無取慶宗詩山中林壑虛明境不得
歸吟有所思

次韻答趙尚書

炎蒸時節別家山霜雪如今却漸寒恨我虛
名徒涉世憶君高語共憑欄比因厭客連朝
卧長是援琴終夜彈已得明春歸去肯預驚
靈鶴整翎翰

送于真人

仰慕清聲實積時前朝因幸拜彤闈稍瞻風

致頻相見又恨霜天遽告歸至德謏勞中下
笑高才須信古來稀自慚功行虧揚許安得
南真談太微

新荷

敗荷已盡小荷圓照眼含香尚忍憐月帶來
尋青玉匣金童立認碧銅錢已凝重露資清
氣何幸輕風掃淡烟遠有華峰全美在花開
般捧爛紅鮮

錢塘

幾萬人家水繞城白雲開處見丹青地連金
色三千界山暎瑤峰六尺屏曉凭闌干披宿
露夜收簾幙透寒星剡江風物端無賽半擬
蓬萊半洞庭

恒甫以新茶戰勝因詠歌之

人言青白勝黃白子有新芽賽舊芽龍舌急
收金鼎火羽衣爭認雪既花蓬瀛萬駕應須
發分式微芳不足誇更重主公能事者蔡君
須入陸生家

題皇仙實積觀

仙去仙人往結廬我來自喜駐雲車秋陽今

日七月九花益長春千載餘一泓松前流水
出數行沈約戲題書圍碁注酒淪蓮實聊復
有無談太初

京師七夕率賦

七夕風光豈易闌一年一度巧相干不驚高
處流星過盡向今宵仰面看花月有情天關
冷胭山隨分酒杯寒從茲肅肅秋陰後却恐
衣衾未復單

自京還始來龍變軒瓦故年幽致閑

成長句粗寫虛心

尋得故年香翠團共將真賞倚闌干幾隨白
日飛仙變半為今朝寶黑乾光冷未粘春物
笑影踈來趁月華看江南秋景猶繁劇賴此
一襟風月寒

還山

長年京國甚羈囚丘壑歸來始自由流水有
聲如共語閑雲無迹可同遊猿依松影看丹
竈鶴與蘆花入釣舟如此栖遲良不惡紅塵
何事辱鳴騶

答太守虞察院遊仙巖詩

累年林下意何長巖谷風霜亦備嘗俗客不
曾交得到達人應未以為狂江亭昔造懷寧
海石屋今居似瀨鄉誰擬上饒新太守却因
朝謁到山陽

戲月偷然堂

密林崇岫往留連十載官非上士班亦帝御
龍行末伏嫦娥分月入深山關津洞達千戈
後食息將安州里間今也柳堤真吏隱清沈
華薄地寬閑

題冲虛堂

養其冲氣以全生栖息虛堂尺數極南浦道
高坊號美太微風暖木蘭清百草為愛青林
密三體應書老子成未有紫宸朝覲日雨餘
幾處白雲輕

琴齋乃予舊居以琴名齋吾為之也

項先生與諸生居之談莊講老有佳
趣向嘗造焉而憶往事迺亦有分勝
多採之處成詩呈項先生者書其實
耳

琴齋高致有真風山閣延賓未折中來問死

生非碌碌為談莊老肯匆匆喜今可與君還
往惜昨曾留客許同處士或將方寸比斯人
為不帶焦桐

渾淪庵慶成

高齋忽已慶成功赤石蒼厓入眼中貞節由
來拘世業稚川隨處是家風紅金櫃隱書尤
秘碧玉壺清酒不空崑閩歸期應可展我來
時欲笑歌同

仙巖寺

依然仙迹倚巖開真館何年竟草萊今日苑
○官方得到舊時玄鶴也飛來一條澗水琉璃
合萬壘雲山紫翠堆禪客夜深能共坐滿窻
明月正徘徊

汪翁玄降睡有作

萬籟沉沉月滿空一枰初勝務玄翁金壺飲
罷前村酒玉軫閑歌太古風羨我無眠神已
爽笑渠貪睡意何濃回頭為報孤雲道清濁
由來自不同

和答周提刑

試於閑處尋閑境松竹無言綠滿秋方外每

煩勤下諭山隅何幸偶來遊一簾芳草庭前
長千載遺書地上求得請南還樂居此清談
深感聖恩優

本竹治

有興來登最上山真風長在可躋攀世間濁
質能相信雲外清遊豈肯閑惟石欲飛明落
落驚湍直下響潺潺尋常衆目應難見雲擁
真人暗往還

蒙秦治

紫垣佳客有靈蹤獨木為橋處處同一自渾
○家參太極更誰連步上青空檻前惟木冬長
碧巖下靈光夜久紅真澤不隨時世斬出塵
人世入神功

平蓋治

昔人已去附龍鱗神炁猶存錄籍具洞口記
曾三拜日雲間別是一家春釣然無迹龜魚
靜樵客忘機虎豹馴金井未經新汲引已無
胸次一纖塵

雲臺治

漢朝人與道翱翔是處遺蹤屬靜方烟外桃

花非俗種風前柏實有餘香杖穿翠靄通深
宵舟駕洪波入渺茫千八百年三十代雲臺
空碧珮琳琅

瀘口治

真具相襲養真材萬木深沉一水迴珠逗夜
明秋浪定磬舍霜韻曉霞開二仙已遠教誰
遇三粒還能待我來若遣青童驗輪跡斷烟
無影落蒼苔

後城治

近枕長河即化壇擬起壇側到河干丹砂在
○地經冬暖玉竹成林入夜寒水鶴應思冥象
外山翁愁不到眉端杖頭已指丹霞景象有
塵羅絡我難

公慕治

一壇幽占萬松陰意為尋真特地深翳翳野
雲披綠岸時時疎雨灑青林具圍未落前朝
手短褐堪求古聖心鶴聲近過遊息處桃花
流水尚堪尋

平岡治

千松萬竹蔭真祠多少尋真不記歸枕石池

臺全似古穿雲溪澗一如飛玄猿夜久鳴家
閑黃鶴風高入太微直自六天渾屏靜聖功
何代不皈依

主簿治

映盡朝陽與莫霞苦無軒冕送塵沙舊聞靈
草千年種近有幽人一兩家彩鳳每來尋竹
竇靈禽時復啄仙花偉哉往昔輕騰客豈有
心貪五馬車

王局治

座隅依約有餘香威表如存動悚惶荀石並
抽擎天闕金泉一帶自汪洋因談妙有開迷
徑直指無何入故鄉李世孰能稽萬一日隨
諸境愈忙忙

北邙治

滿壇明月化官春千古依依楊柳津碧沼不
容生俗物玉毫寧復示儔人幽尋已與三玄
約靜樂誰知一點親世外清遊堪擬輪蹄
無跡鞭香塵

金丹詩四十八首

金鼎玄珠夜半功紛紛五彩滿房中只為日

月交加合却披龜蛇取次攻乍見容儀方恍
惚火看相貌即朦朧慙慙為報陽人道此箇
真空不是空

假法人間有萬般君宜求取紫金丹崑崙山
上樓臺聳北海爐中龍虎攢此箇藥中為貴
寶將來鍊就作天官玉皇數下金玄詔始信
雲衢去不難

流俗紛紛不悟真不知求已却求人只貪世
上無窮色忘却人間有限身鼎內藥成堪益
壽水中金盡化輕塵北邙山下累累土總是
人間不了民

不覺年年樵指過急如催浪轉長河鼎中日
月知人少世上陰陽識者多盡為資財損真
性皆因女色逐流波原失半有歸泉路忍把
真元亂鬼魔

堪笑愚人被色紫擬將呼吸要留精神仙清
靜方為道男女腥膻本俗情穢濁豈堪充上
品還丹方可保長生房中之術空傳世迷殺
案中多少人
採陰丹法起何時後漢劉晟亦自迷不免輪

迴歸復道豈將淫慾益愚癡狗猪行狀稱為
妙神鬼陰謀不可欺爭似無為清靜道一爐
金就養嬰兒

嬰兒頭上戴蓮花詐偽迷人亂似麻不道修
行從一鼎却言般運有三車泥丸有路蒸方
透紫府無涯價莫加為勸塵中迷路者好尋
元本莫咨嗟

火急尋師指水金依時用火採浮沉九回照
見如來相一紀方開處士心虎駕輶翻鉛易
就龍車推轉采難禁自從飲著醍醐酒便覺
身居紫府深

擾擾浮生一夢間幾人回首鎖三關黃婆壓
定分全易白虎飛來投下難朱雀入爐三畝
靜黑龜伏鼎一生閑昭昭妙理余知得只欲
藏機隱舊山

莫論仙骨莫求丹此理玄玄有正門迷者少
能知返本教人藉此以為根龜蛇大小宜頻
給日月精華且總吞只自明師分割後難為
荒野作丘墳
神仙妙用最難窺學道多因慾道迷向此若

能明水火這回方得識東西真鉛莫把凡鉛雜真婦休將世婦齊離坎自交身自泰德時方見是夫妻

黃芽至寶莫輕論白雪通玄敢謾言不是野人藏秘訣大都仙藥俗難吞浮沉卯酉玄分路變化龜蛇別有門萬萬學徒無一二浪稱道友滿乾坤

存神認取本來身此理幽玄可學人無漏實成除有漏迷津總出是通津浮生難保千年壽仙世輕翻萬劫春堪嘆茫茫迷路者甘將神作北邙塵

學佛回心又學仙兩頭捫摸不能專大都錯路生迷惑便見迷途易變遷得事只靠身上藥癡心莫望火中蓮但能求己兼求命休說三千與大千

兔龍津虎不難分下手須從神定門白雪鍊多齊日月黃芽服久出乾坤四神鼎內堪逃死五色漿中可返魂世上好姘能幾許莫將財色敗元根

急認浮沉水內金若能烹鍊鬼神欵四神守

衛神爐固九轉工夫轉色深龍虎翻施雙入路龜蛇騰焰兩邊侵但知五色紛紛起滿室焚煌可照心

周天火候誰凡人胎息營為亦未真紫府聚金龍火種崑丘走玉虎泉新三蓮折衷分神力一子生時出俗塵為報忙忙求事者真鉛真汞不離真

崑崙宮裏紫金丹不是仙材不可觀有分得冷延壽命自然無惡免飢寒虎龍鉛汞庚辛鼎大小龜蛇太乙壇烹鍊一九飛五彩上天消息不為難

勞生擾擾去如梭火急修真逐鬼魔好把浮沉翻北海莫將夢幻戀南柯甲庚鼎內金非少卯酉壇中土亦多只自焚煌光一室齋心服了脫微病

貪著浮名浮利身不思光景走頭類只貪眼下紅顏好不覺頭中白髮新藥鼎堅牢延壽命情思放恣損天真勸君求取金丹訣養箇嬰兒脫俗塵

瞥然光景幾時休出入輪迴去復收只為貪

癡緣底事不思清靜學真修虎龍便是昇天駕鉛汞元為出世舟多少神仙哀俗輩故留丹訣教凡流

乘龍駕鶴不須驚此是金丹一粒靈五色雲龍騰海底九回風虎到天庭瓊花合處看壬癸紫府交時藉丙丁此理要明非下士除非名是少微星

勞生擾擾疾如風急殺三彭及五蟲不使狐狸侵藥竈須教龍虎守真空鼎中寶物時添火腹內嬰兒貌轉豐善女善男尋此語莫貪花酒墮迷中

大都奇恠惑人深一見邪淫便動心只是欺傾身內寶何能堅固水中金天堂有路無人到地獄無門衆却尋寄語世間男女道收蹤火宅隱山林

阿爾多淫上帝嗔罰為狐獸尾隨身只言五百年方變豈謂三千日化神雷火不知何處用犬牙同此作教親冤魔眷屬狐狸肯變化妖容惑幾人

劉晨阮肇事多非今日憑君子細推謾使仙

宮由色慾却將紫府貯姦欺洞中清淨難容
雜穴裏幽冥易變奇大是世人迷不悟幾人
喪命為狐狸

子真壇下紫微邊深夜風光俗好傳不道求
鉛堪益壽却言藥物可延年仙丹未必離身

內人意何須立戶前或是山精迷弄汝故將
雜色等鬧看

真鉛真汞最堪憑此理昭昭却少行白虎鼎
中成玉液騰蛇宮裏養金精坎男離女分三

位日月東西合一程若向此中尋得路嬰兒
相貌自然成

金丹換骨不相欺大抵凡流性易迷若使赤
蛇騰海北自然玉兔走天西栽蓮使者行真
水種火龍王格大蹊好向此中尋搗鍊飛騰
只在一刀圭

幸得修真趣理深勤烹鍊水中金若知紫
府蓮堪種始信崑崙路可尋日月合來光上
下白青交後彩浮沉自從得此真消息榮辱
人間惣不侵

少年何事學詩書爭似求真保玉壺更不勞

神遊赤水只知存性養玄珠鼎中日月何人
有爐內丹砂世所無人笑此中多寂寞此中
寂寞與人殊

既悟今生與後生何須苦苦強談禪華池水
號昇天藥金鼎蓮為出世筌下手始知深妙

妙功成方見理玄玄自從一得明師指始信
雲車出俗鄧

三清門戶出無猜自是凡夫不肯來月魄日
魂為道路虎泉蛇火作梯媒三田勤固元精

種一鼎堅牢後却開無質自然生有質真胎
能解結靈胎

絳橋行氣總為非自是凡夫著相迷吐海鼎
爐分造化南溟宮殿合天倪虛無只就還丹
力恍惚身成妙道齊若向浮生能見得浮生
只可比醜雞

塵寰道友萬千人幾箇虛名幾箇真不悟汞
鉛為至寶却將爐竈學燒銀內中採藥方端
的外裏求丹謾苦辛何況迷途有迷者不為
自誤誤他人

九真山下有華池此水延年世不知金橋生

成光色透彈丸小大彩霞飛透躡北海深藏
密般上南溟事恠奇只候此中功力就黃雲
片片擁嬰兒

九真山上接樓臺日月浮生紫氣堆北海下
生金芍藥南溟宮產玉玫瑰三清門戶三田

與九轉工夫九轅回當此鍊成無價寶從教
人笑我癡騷

擾擾尋師苦苦忙但求神水是仙鄉煖煙一
鼎鎔金汁燦爛三田湛玉漿夜半只知真火

燒房中不覺彩霞光超凡一粒真堪重始信
蓬萊去路長

鼎中大藥世難知日月雙投始不迷未必妙
光方火棗始思玄理號交梨溶溶朱粉飛雲
遠湛湛神輝滿室齊一紀烹煎纔得了便乘
鸞輅上天梯

隱跡人間數十年不令衆覺種丹田五行聚
會生俄爾一顆圓明出自然湛湛神爐開白
雪依依鉛鼎瀉紅蓮近來不覺浮名起多被
人來叩妙玄

金丹餌了骨毛輕便覺蓬萊去有程澄湛藥

爐分玉粉淒涼氣海徹三清崑崙宮殿年年
聳紫府樓臺日日成只此便乘雲鶴駕笑人
笑我學長生

學道多多少悟真真成便見自家身三田有
路縱橫去萬類無緣變換因土內養金金色

重鼎中進火火功新若於財色全無動便是
蓬萊洞裏人

忍辱多多日苦辛閉門又被鬼偷精不知牢
鎖丹田固爭奈魂狂紫府傾陽氣旋衰難保

壽陰邪浸長易消兵勸君火急尋師去莫為
冤魔破道情

只見神爐當子夜豈知火力散陰邪忽於金
鼎凝寒玉條爾真身現彩霞沈蘊露中分白

雪華池水內養黃芽此中便見真消息莫浪
驅馳覓鹿車

人有金丹可返魂常流迷道不知吞朱禽若
啓巖前地白鹿須投海底門欲得必先調氣

馬由來宜急鎖心猿善男善女尋真訣莫把
形容化土墳

靜坐焚香念念中念中須見已形容生成本

藉鉛中汞變化端由火裏龍二八莫辭頻採
造一三還用苦交銜此中有路通天去可把
塵蹤繼赤松

莫嫌野客漏機微要接仁人至上踈悟者便
從言下悟迷途終是意中迷甲庚一判龍歸

左卯酉雙投虎在西若見玄玄裏事不離
真箇是夫妻

我身我命與天齊只得金丹便出迷靈質長
來居玉殿聖胎生就步雲梯蜉蝣世界何須

懸蟬蛻衣裳不必携烹鍊雖然勞月日出塵
宜假一刀圭

三十代天師虛靖真君語錄卷之五

三十代天師虛靖真君語錄卷之六

綱目四十三代天師守初編次

詞

柘陵問所帶葫蘆如何不開口對御
作點絳唇

小小葫蘆生來不大身材矮子兒在內無口
如何惟藏得乾坤此理誰人會腰間帶臣
今偏愛勝掛金魚袋

蔡師元疑予及神翁侍宸師元發問
予如何是修鍊之術予走筆成小詞

以答之憶桃源

長生之語口相傳求丹金液金混成一物作
神仙丁寧說與賢休噉氣莫胡傳豈知造化
玄用鉛投汞承投鉛分明顯倒顛

白雲堆裏採芙蓉枝枝香艷濃靈龜岸畔起
祥風樓高十二重黃金殿碧雲籠丹砂透頂
紅神機運處鬼神通清真達上官

鄧恒甫畫六鶴於渾淪庵請予題遂
作臨江仙

莫恠精神都素淡全詣千載松頭羽人幽意

苦相投殷勤爭點寫展轉動吟酬 況有咸陽兄弟事教人聞見忘憂我生曾是春仙標一從揮洒後相繼未能休

降魔立治沁園春

劫運將新天書降恩聖師命魔正陰陽錯忤

鬼神清混依憑城市綿亘山河殺氣閉空陰容奪書萬姓罹殃日已多青城上現琉璃高座忽起巍哉 群妖忿怒揚戈競奔走攻山若舞梭感神光一瞬龍摧虎陷威音一動電掣霆呵立治化民攝邪歸正生息熙熙享大

和風雲靜見天連碧漢月浸澄波

真一長存太虛同體妙門自開既混元初判兩儀布景復還根本金藉靈臺浩氣衝開谷神滋化漸覺神光空際來幽絕處聽龍吟虎嘯轟地風雷 奇哉妙道難精解點化愚還成大材試與君說破分明狀蚌含淵月秋兔懷胎壯志男女當年高士莫把身心惹世埃功成後任身居紫府名列仙階 急急修行細算人生能有幾時任萬般千種風流好柰一朝身死不免拋離地思量生

死事大使我心如刀劍揮難留住那金烏前疾玉兔梭飛 早覺悟莫教遲我清淨誰能婚少妻便假饒月裏姮娥見任從他越國有貌西施此箇風流更無心戀且寬懷免是非蓬萊仗三千行滿獨跨歸

和元規臨江仙

蠢動含靈天賦與道遠性分元均莫生異見亂吾真只今中有主澤與化為人 那更微詞清徹底輕埃欲染無因惟應得此便凝神百魔咸息戰六道永停輪

滿庭芳

閑裏工夫無中妙用切休擬議參詳龍降虎伏真土自中黃行動起居寢食隨緣度莫動真陽歸根處神凝脉住玉界發天光 風高鵬翼速水深舟運物理昭彰但明心是道專役天罡信口呼神召鬼賜不是顛狂癡迷者風霆在手應用反乖張 和元規覽揚義傳臨江仙 自古清真靈妙降安妃來就揚君因緣宴會異常倫仙風聊設相真道本無親 惟有元

規能訪問深將此意相聞大家宜賞綴新文免教塵歲士誚笑上天人

用于真人滿庭芳韻和元規

心境雙清古今同樂勝緣休道無媒天門高妙應伏至人開豈比尋常意緒方寸地不貯纖埃仍須信金堅石確一志斷無回 真元真可愛真師真友且喜無猜就中更奪脫灑不顧形骸可是正容而悟憑真趣改易凡胎神明會塵嬰世網莫共話由來

洞仙歌

孤峰絕頂更無人能到萬里虛空沒邊徹正秋高景靜霧捲雲收風露裏惟有月華高照浮生紛過客好天良夜醉舞狂歌錯昏曉有誰知一性圓滿恒河亘萬古光明不老競對月論利與談名全不想胸陰暗催年少

對酒成漁家傲呈介輔

草草開樽資一笑微生病苦隨緣了友義文情如地厚心相照令人莫遣前人誚 燈火熒熒山悄悄芝蘭佳氣松筠茂得便盤桓塵世表香初透鄰雞且莫催清曉

和元規天和堂更漏子

因元精收視物外身無死地接子謬季真非
無為翻有為 但心虛教腹實窳與寡天為
一華陽洞廣寒宮人人方寸中

題郭南仲庵壁

深源密塢問牧豎樵童俱迷方所蓬藿縱橫
蛇龍出沒玉峽攪空無路不認鴈塔榮名解
守魚淵寒素這勤苦但堅心自有神靈呵護

○ 猛悟無回顧一點虛明萬劫無今古胎息
根深靈泉穴秘靜裏運調陽火莫問地久天
長管取收因結果休輕負把天谷具基與君
說破

情纏識縛嘆時人不悟酒中真樂縱口招愆
迷心失行却道為他狂藥須信醉舞狂歌也
有良知真覺無依泊任暖氣周流三關三絡

落魄清閑客醉鄉深處風月長酬酢空花
消息光明顯露人我事皆忘却不問市醞村
醪盡可淺斟低的從鄙薄競口口談醒言言
成錯

雪夜漁舟

卷二

十九

晚風歌謔自棹扁舟順流觀雪山聳瑤峰林
森玉樹高下盡無分別性情澄徹更沒箇故
人堪說恍然身世如居天上水晶宮闕 萬
塵聲影絕透虛空無外水天相接浩氣沖盈
具功深厚永夜不愁寒冽愧伶鄙劣只解赴
炎趨熱停梳夫笑知心都付野梅江月

鶴鳴奉旨

玉土平平正海息波瀾嶽飲雲烟三景虛明
八表澄清一月普照諸天有流霞洞煥暎黍
珠徐下空玄絕形言見千真拱極萬蕊朝元
○ 當時鶴鳴夜半感真符寶篆特地親傳碧港
龍文紅凝龜篆絳衣無鬣踰躡計功成果就
垂真教廓景飛仙已千年豆燈燈續焰光朗
無邊

用子真人更漏子韻

是和非雙打過免共相魔生火談有相損頑
空齊居看望中聖賢風行處在巧智爭如休
賣詩與酒且乘閑隨緣發笑顏

元宵慶壽

天開景運記建武中興矣劉重盛明良際會

八表風雨調順甚一時嶽降生申正千載河
清誕聖祥雲擁流霞映飛仙拱魁星炯佳應
是師真毓瑞人天交慶 薜薇香滿元宵景
耀天目神光如鏡現龍章鳳質降伏群魔歸
正稟玄元立教開先悟至道心空神領昌玄
嗣明真境同無有怡清靜綿未度三途六道
神仙同證

用介輔韻賦風入松

深耕易耨寸田中看真箇英雄夜來猶上星
臺望全不歇水綠雲紅便是清交素友頻相
○ 視笑晴空 玉階瑤鬢翠重重帶瑩草惹惹
流霞盡飲何醉醉休更數塵裏千鍾曉夜朝
元去也怎忍捨大夫松

對竹賦惜時芳

虛心勁節爭蕭散無冬夏釣欄側畔霜風雪
色沉沉晚殘不了細枝纖幹 情中意裏塵
沙恨試與聆絃歌急慢無嫌青翠闕青眼相
看似太原家慣

清平樂

天先天後具土藏靈秀妙用自然循火候節

節熏蒸教透 不分龍麝沉都能入鼻通
心待得煙消息住 渾身變現真金

用伍先生韻和元規蘇幙遮

先天生後天 火道有具詮諦聽當時受
是迷天迷望斗只恐微軀薄幸隨枯朽 恰

又和西江月

蓬戶橫開家寂寒 窓側暎清暉竹風偷入五
香幃還有好音相惠 須信毫芒可入明珠
胎裏忘機宵狂夜宴是和非月府仙人無愧

和元規南鄉子

無奈這群迷味色聲中若係爲儘任改頭魚
換面何悲不染伊時不管伊 春去又秋芳
莫遣空踰十二時好把自然具妙音修爲塵
事勞仍道甚夷

又

久不上春臺直待將身跨九垓懶向人間深
有謂氛埃難越邪風觸聖胎 水檻映山齋
賞過從容首自回長謝故人書曲意微裁爭
得腰琴拂袂來

觀碁作望江南

秋杆靜黑白兩奩勻山水最宜情共樂乘書
巖得道相親一局一番新 松影裏經度幾
回春隨分也曾施手段爭先還恐費精神長
是暗鏡人

西源好十二首次元規韻并序

其一喜西源壁立峻峙無一俗狀踈
松窠竹四通九達青玉交輝天作高
山地靈若比常相謂曰身處具人之
墟而不知也登戲珠峰以見虎蹲龍
躍遠壁逸水皆在其下考室立靖建
名榜之水中花園中蔬山光竹新日
屋逾靜得其居矣昔之思歸見十二
篇之曲同聲相應故知之

西源好仙構占仙峰一鶴性靈清我宇萬龍
風雨亂霜空高靜太踈慵 天地樂山水靜
流通行坐卧憐塵外景虛空寂是道家風非
細樂相從
西源好龍首虎頭高風雨每欣清宇宙林密
長似湧波清吟詠有詩豪 成大樂美稱適
相遭際斗清筵投羽札松元喜會執金刀身

淨隔紛接

西源好巖館鑿松厓五斗洞前斟玉斝半酣
窻外撫金杯無累自悠哉 青翠色玉竹自
新哉風到莫來搥老木雨霖時復洗蒼苔如
此惱詩才

西源好春日月初長不看人間三月景常思
天上萬花鄉幽賞一時狂 歌笑也空洞大
歌章千業淨來風谷秀三雲歸後月林光沉
靡似蘭香

西源好迎夏灑炎風紅錦石邊恰一派老張
巖上懸群峰時得化龍筇 琴根玉晚色倚
梧桐翻觀文章朝內盛山川林木野亭空未
火煥明中

西源好秋景道人憐時至自然天氣蕭夜深
猶喜月華圓長嘯碧崖巔 須信酒難別詠
歌邊是處伐薪爲炭後此時嘗稻慶豐年童
子舞胎仙

西源好冬日雪中松勢手石壇承愛景靜觀
天地入清宮恰似大茅峰 襟袂冷琴裏意
濃濃吹月洞前舍碧玉動人佳趣轉黃鯉情

緒登中

西源好幽徑不成斜山谷隱連無改色池塘
空靜點無瑕人釣水之涯 仙舫小人欲時
君家歸棹日回如覽鏡放船星落似乘槎風
雨亂寒沙

西源好神洞自相求傍水壑田流澗急斫山
開徑小花浮蹤跡舊人留 忘萬物莽氣白
雲收司命暫嘗尋竅靜紫陽具是步條幽思
繼此公游

龍井到天峰的好遺風 清徹底豈忤李
唐隆自浸巖前厓石潔不籠天外嶺雲濃澄
徹瑩懷中

西源好雨霽歛紅紗碧水靜招搖釣叟綠巖
寒迫起漁家勢駕會春茶 風浩浩錦蔭石
屏華濯鼎上方敲翠竹轆轤西去碎丹砂休
問樂津涯

西源好還向觀庭西看晚菊開方丈外傍寒
梅放六花飛三鶴會同時 清淨字虛一貴
無為戴月夜中仍是別御香原上不須迷於

此振衣歸

再次韻于真人更漏子

誦真經期萬過未減無明心火豈回首探真
空融怡快寔中
自古人何處在設記聲名沽賣拋塵累養清

閑瓊漿自駐顏

蘇軾遮

抱孤琴彈小操獨坐幽軒盡日無人到唯樂
烟霞長嘯傲明月清風今古長為友 識乾
坤知乳牡懶共塵勞汨汨爭奔驟愛高著眼
消白晝一任他家玉克金鳥走

減字木蘭花呈鑒義王介輔

嚴寒冬月前日陽生幾降雪松栢凌霄森聳
亭中嘆後凋 昔人猶豫身入山林深處今
古同符好趁笙歌且自娛

又上滿庭芳

調理三關安和四體靜無憂撓相煎太微冥
契元始語諸仙 玉宇重修妙典西臺南嶽
題篇偏崇好身田在世心向太清天
雲邊曾降聖金壇夜拜高駕留連論瓊華靈

液形與神全 形體須憑妙氣神來含黃闕
丹田真精旨明光輔相天地保長生

望江南寄明權

秋夜事月裏竹亭亭清瀨與誰喧地水微風
遣我下簷楹圓缺若為情 終南道累寄笑

歌聲丹闕夜涼通馬去黃河天曉照舟橫聯
轡去還成

江神子

彩雲樓閣瑞烟平而初晴月籠明夜靜天風
吹下步虛聲何處朝元歸去晚雙鳳小五雲
輕 落花流水兩關情恨無憑夢難成倚遍
闌干依舊楚風清露滴松梢人靜也開寶篆
誦黃庭

鵲橋仙寄明權

神清心妙山長水遠有分何年瞻望晴空一
片彩雲飛又起我無窮想像 一易門徑九
華恩露唯願分明指向竹風頻起紫微烟似
有意許歸鄉

水調歌頭

高具留妙訣達士濟群迷心清行潔天人凡

聖盡皈依不在般精運氣不在飛罡躡斗心
亂轉狐疑但要除邪妄心地合神祇 悟真
空離世網絕關機養吾浩氣驅雷役電震天
威混合百神歸一一念通天徹地方始了無
爲叱咤生風兩扶世位明時

度清霄

一更一點一更初城門半掩行人踈茅庵瀟
洒一事無孤燈相對光清虛 蒲團安穩身
不拘跏趺大坐心如如月輪微出天東隅空
中露出無名珠

二更二點二更深宮鍾聲絕夜沉沉明月滿
天如寫金同光共影無昏沉 起來鬧攘無
絃琴聲高調古驚人心琴罷獨歌還獨吟松
風澗水俱知音

三更三點三更中烟開雲斂靜無風月華近
入水晶宮四方上下同一空 光明逸轉華
昏同千古萬古無初終鐵蛇飛舞如流虹倒
騎白鳳遊崆峒
四更四點四更長伏牛送鼠心不忙丹爐伏
火生新香群陰剝盡回具陽 金蟻木父歎

第二 二十六

相當醍醐次進無停觴主賓倒置情不傷更
開別去還相忘

五更五點五更殘青冥風露迫人寒扶桑推
出紅銀盤城門依舊聲塵喧 明暗二景交
相搏生來死去紛紛換道人室中天宇寬日
出三竿方啓關

沁園春

獨自行兮獨自坐獨自歌兮獨自和日日街
頭走一過我不識吾誰識我 人間旦暮自
四時玄中消息不推移靚面相呈知不知知
時齊唱囉囉哩

沁園春用伍先生韻呈元規

況有夷途正透玄關衆所共傳願萬魔披散
諸塵蕩淨琴心和雅天性清圓未信凡流可
回高步留戀形聲情更延真消息定如何喚
醒聊發言筌 雖由宿命同緣達世士何曾
無慨然箬靜專爲妙閑多樂少一成滿灑永
絕憂煎影照澄潭聲流虛谷業火消亡都瑞
蓮安平泰看堅完如地長久如天

頌

泗州尸解頌 靖康丙午冬

第二 二十七

一面青銅鏡數重蒼玉山恍然船夜發移跡
洞天間寶殿香雲合無人萬象闕山下紅
日烟兩落潛潛

三十代天師虛靖真君語錄卷之六

三十代天師虛靖真君語錄卷之七

嗣孫四十三代天師宇初編次

五言絕句

雜

雞德靈居五栽冠鳳彩新五更大張口喚醒

夢中人

鍊丹巖留題

鶴來松有客苔去石無衣黃金浮世在白髮

故人稀

戲吟

落魄正當年人皆笑我顛乾坤時運動滄海

渺無邊

竹

雨過江皋淨風來庭檻清此君故人好入夜

聽秋聲

書林管轄扇

九鷺陪玉獸八鳳薦金芝青童歌妙曲玄女

唱清詞

青城洞陽大人

青城老洞翁名籍丹臺上日日誦黃庭感得

祥雲降

野軒偶書

日月雙螢火乾坤一鵲巢野軒有涼戶誰敢
等閑敲

六言絕句

題崇仙觀知足軒

此性本無一物消水亦自圓明借問先生足
處軒前月白風清

靜室偶書

貧有清風明月富無紅粉膏脂子午鳳朝元
始去來雷電相隨

七言絕句

鍾

金晶鑄就斗星懸掛向瓊樓知幾年好是五
更殘夢裏一聲敲透白雲天

詠憲

無意殷勤遮皓月有心特地隔紅塵從茲虛
室長生白占得桃源洞裏春

白菊

陶家籬下未開時曾得西風借力吹月影夜

深籠素豔分明殘雪兩三枝

題濯鼎泉

演法觀崇真之院一方池清泉不
竭昔漢天師嘗濯鼎於此池故得

名焉比即池傍作小軒書名以揭

之庶幾幽先不派靈景常清故申

之以頌

幾千年浪碧澄澄對景難忘我祖情樂就也
知曾借力軒成方見不暮名

浩然子觀節竹枝

本是子猷園裏枝今朝分取手中携自憐高
節虛無物野外山行得共伊

贈青城洞翁二首

神仙抱一養玄微九載功成白日飛道在富
人須願授今朝何必祕天機

人間久矣喜相倍道術參同豈本教他日功
成果輕舉為吾天上作梯媒

妙應大師往錢塘欲予贈行

太真宮室上方新歸去先垂紫詔人天目洞
霄期過處星冠應不冒風塵

庵居標詠九首

覽瓦完齊土壁堅藩籬周匝沒跡穿人來護
笑無華飾風雨須教安穩眠

庵前桃李春爭開雪裏見花惟有梅莫謂枝
稍有分別根本自異非人裁

春蠶絲盡即生蛾秋燕雛成不泥窠山埭經
時藪窟穴也能龍化入烟波

長松偃蹇不依林枝幹高盤千畝陰昨夜酒
醒風雨急半空彷彿聽龍吟

南山雨過北山出昨夜月明今日晴雲氣自
舒還自捲太虛萬古常清明

莫羨庵居景物清須知樂自苦中生山前盡
日幽尋客多說荒蹊不可行

柴門雖設不曾關廣客從他自往還連日山
寒聲影絕蒲團危坐更安閒

晴日暖風時出游冷烟樓雨便歸休雲還燕
斧溪邊牧不似畸人得自由

鐘聲鼓聲朝夕鳴茶烟炊烟先後生雲衣霞
珮西山客兀兀窮年無一營

寄元規

白日未中氣色明玉堂興入西源行草堂羨
我不共往竹風為汝致幽清

蓮花

淡淡紅生細細香半開人折寄山房只緣清
淨起塵垢頰似風流壓衆芳

勉弟子還山頌

昔劫因緣今劫會昨日顏容今日改世間滄
海盡桑田慎勿重來呈傀儡

示湯弟子

子欲濟民非為己我貪修道不要貪直須勉
強方成業只恐因循易老人

傳度後作

道人願力如天溥度盡衆生方自度若還織
芥未蒙恩我終不捨升天路

送九龍徐正之歸麻姑

步衝晴雪過前灘鶴跡雲蹤孰可攀也似來
時無一物却疑歸去是三山

對月分韻得清字

碧霄澄徹素芒清一片多情四海明花院空
庭冷香裏羽人心磨欲寒生

訪友不遇題

庵裏人行庵外路庵外人來庵裏坐蓬頭茅
草欠堅牢年年風雨年年破

三十代天師虛靖真君語錄卷之七

沖虛通妙侍宸王先生家話

席三

侍宸曰昔遊名山二百餘所一到金陵清真洞乃唐葉天師修真之地暮四無人煙可依遠望山中忽有燈光以此投奔燈先到草舍間寂然無人予心大驚於燈下卓上有一

文字啓而視之名曰噓呵風雨之文予意其必雷宅也心方安取筆墨以木葉錄之錄將畢忽聞雞鳴之聲須臾一老姥出來予問其姓氏老姥曰子無姓氏此乃雷霆所居之地不可久留予問雞鳴者何以有此姥曰乃地

中金雞鳴予覺而不出數步回望不見草屋不久一里許已到洞天予得雷書自清真洞天始

門人素庭植問曰師得雷書於洞天想師仙風道骨天假其緣適其逢耳弟古者非師不度若無師亦可行

侍宸曰予未得雷文之前已過汪君於揚子江授予飛神謁帝之道後遊清真洞天得此文經三載之久又過汪君於軍山店中後過禪寺語余所修飛神謁帝之道何如余答汪

君曰三年前弟子到清真洞天偶暮不知其所荒落草舍之中孤燈獨按之上得噓呵風雨之文遂於身中取簡呈之汪君曰子真宿仙也昔老姥乃電母也子既得其文予當語汝於此方蒙指授授畢乃召使者當空分付此余遇汪君點化

問曰動雷激霆其要如何答曰雷霆者天之號令非緊切事務不可妄舉譬如樞密院發一號令至某處制司奉承者必須依號令而行今之人既無宿骨不遇明師以訛傳訛按圖索驥不問事之輕重或沽名買譽或逐利貪財輕率行持貪天之功以為已有臨事無成卑矣夫雷者有的然之機霆者有截然之法得師指授如響斯答

問曰且如使者的確玄妙在於何處答曰雷霆變化無遠無邇神動天隨氣至將靈子於內玄杳冥恍惚之中作霹靂激博之化一生二二生三三生萬物發為妙用上窮碧落下至黃泉無所往而不可昔禪宗有云千江有水千江月萬里無雲萬里天耶此是也

問曰弟子事師門已荷發越愚鈍但千江有水千江月萬里無雲萬里天其旨如何答曰此乃發揮使者之妙且如千江有水千江月人之初性譬猶明月一點圓明湛然不動靈光徧照今人但知有雷之名而不究雷之體性元神也水止水也世人但見月之形而不知月之妙蓋得水以映之其性即止矣萬里無雲萬里天者人性地本善汨於七情六慾倘能清心寡欲諸障消除其天隨處可見矣

問曰玄中玄已荷指迷用中用何以取驗答曰子之問是矣且如召雷行事之時先召使者尋之蓋雷霆風雨之虞惟使者知之所以法要使者為先鋒銳將

問曰使者之捷固已神矣且如祖宮一出隨方可以發用弟杳冥空寂何以驗使者之至否答曰法當靜嘿叩齒握雷局依法召之默念呪音舍光默眉間痒時使者即至矣問曰弟子昔蒙師指教授以法訣因在宜黃陳子寔家救病亦寔召使者誅其禍崇坐定忽然冷風襲兩足後以待與病者見使者

現形此驗何為與師眉間之說頗異答曰念頭起於一點報應驗於一身頭圓象天足方象地眉間之驗使者從天門而來足下之驗使者從地戶而至蓋崇之形影聲響在於陽間止於地矣此乃使者破地戶搜崇而至然動雷之驗訣於眉間以至五臟之內

問曰先生之說是矣弟子一日在家給符救一產母召將之問心大沖沖左目疊跳發符遣使者余心意不悅意使者未至是以如此次早產家謝云產母見一青面鬼使三日眼中出火繞產母身覺身如火熱未幾產一死胎其意如何答曰此即明驗子何如是之愚心中沖沖乃汝祖宮使者一出便傳於心所以急也青面三目乃汝神隨符變化左目跳者火歸木鄉所以生者母所損厥子也此理昭然何必多疑多問

問曰起雷之捷不過使者然法中程雍五將何用哉答曰乃先天不壞之元神即今所尊元始也程雍乃日月也五將乃五星也於人身使者乃元神也程雍乃元炁元精也五臟

之炁為五將也在地使者為后土真皇程雍即鄴都九壘五將即五嶽也蓋人居天地之中借斗運轉三才此謂一竅通萬竅通一將靈百將靈是也大抵使者罡步獨稱湧泉者何也蓋天生水二三四五八宮之間天地水火雷風山澤無所往而不備矣樞機者魁罡之位斡旋天地造化者矣五將所以為使者所役耳經云通於一萬事畢內外之奧實由此也

問曰樞機號日月何以位居戌答曰不然戌為日之樞辰為月之機陰陽關鍵實係乎此天地日月星辰運行關鍵不通天地之道閉矣學者不知關鍵則雷霆何由而激雨暘何由而祈蓋人身斗樞一轉萬化隨之經云試將斗柄輕輕撥漏下銀河萬斛珠即此妙也

問曰程雍既為日月五將鍊金木水火土土使者如何斡運答曰使者意也又為中央大魁總監星也蓋貪狼號為總監之星使者稟此氣而化生總監即元始之真炁天樞一轉

何患天機不隨所以使者符用辛寅二諱者蓋有說也

問曰師之說詳矣而弟子尚未解答曰夫在天之斗隨杓指建一建之間有二炁六候人能於一時一刻之中攢簇一歲之炁運則一年豐凶而暘之事其數盡在是矣蓋魁為斗之首為天之樞以此而推則三百八十四爻之變動實基于此子宜隨斗而行之且四方二十八宿各方自有木火土金水斗居中央以齊七政蓋三十六之炁數魁居其首而斡運焉

問曰師之說明矣何以今之學者亦無修積亦無實學偶然行持亦得感應此又何也答曰一則出於僥倖二則斯人時運際遇偶然符合取效一時子行吾法端的須透內用以決外應無礙雷神之不時法訣一具何施不可

問曰弟子見同壇游乎二友均是法也何以行事之時十應六七此機不可曉答曰游乎二友道緣淺薄法行未純熟疑信之心介乎

方寸以此故十應六七

問曰又如後學明發坐遺約定時日以俟報應何以登壇之際不合所符其義又如何答曰坐遣者不過雷神為符節今人有事奏帝一說也申師一說也牒將一說也以至訂期

約不能立定一時或以未申時或以亥子時故自為顛倒錯亂所以不能如期者此也約以申時則申約以未時則未譬如蠟山之火約以一時因為不然所以失信行雷法者當痛思之

問曰或謂奏帝之說有誤行持如何答曰奏帝之說要能飛自己神以言奏則可必其允否若止憑筆墨待師省類聚奏呈之時卒皆誤也

問曰真王有便宜行事之教則不必奏矣答曰雖有便宜行事亦有兩說大崇惑人魂命孽蛟妄與雷雨損人害物以及不當聞奏者許今便宜行事若事涉天數必當飛神入奏請旨施行

問曰經中或有泥天機雷機者此說如何答

曰有之然隨所用天機者斗星旋轉二十八宿之循直三十六曜之激薄二十四氣之罡然相銜相射方能激動雷霆此天機也至如雷機者乃掌中造化尋神雷飛伏出沒之所看風雲雷雨電所泊之宮飛罡輪訣使使雷

神
問曰鍊將之法其要如何答曰將者一炁也出吾之炁以合天之炁一炁而生諸炁蓋人身所有濁炁也吸在天之清炁混合既畢必須鍊之夫鍊炁之炁專憑運用五水五火之功蓋雷不得受鍊其氣不神也

問曰役雷雷風雨之屬坐功之內必須明驗方可取效答曰當於呼吸上運功夫靜定上驗報應雲之出也其氣蒸雨之至也其瀉息雨之未至也其氣炎而膀胱之氣急電之動也其目痒眼光忽然閃爍雷之動也三田瀝

瀝而響五臟條忽而鳴行持之士又當急心火以激之湧動腎水以伸之先閉五戶內驗五行此其訣也

問曰弟子每見先生行持狂風大作雷電方

至何也答曰凝目閉氣望巽方手剔旋風置猛咽三轉身足剝風輪過巽至百出丑其風大作矣蓋雷無風不厲雨無風不作雲無風不起雷無風不動第祈雨一節止憑吐風亂起方覺雨至乃至妙也

問曰先生常在宮中降雪之時乃炎天何以如此答曰此造化乃老夫二十年所修蓋夏至陰生於內以此求虎交始乃頓指氣使之妙並不外離虛之女也

問曰祈雪之妙世以為難弟子謂冬凝寒一凍即雪而何以言其難也答曰冬至後一陽生造化之機摩於陽人身陽氣一泄所以感召之非易耳法當運動心火激動腎水却猛運肺氣生之然後起風穴閉離氣以為醞釀

問曰殺伐之機實難的當答曰何難之事但能運自家之殺氣役天上之罡星算人間之虎射三者既合神威即震伐矣

問曰常見今人祈禱每過臨夜見電光閃爍意於行壇之際必合符節何以多誤者何也答曰無他無實修耳不思某方電動某方雷

兩某方精明何可以此為標的所以自誤者宜矣

問曰祈雨之法門類最多何以有是符無是應答曰祈雨之法在夏為緊古先聖賢春秋冬皆不祈雨孟夏月純陰主事陰陽偶愆便至荒旱所以立祈雨之法以救禾稻爾今之學者不知方法徒咎符章之不驗也

問曰七八月屬秋何以亦缺雨賜此又何也答曰秋屬金夏之餘火西流以為難禁況火之與金相尅偶值分野當旱氣運不齊即乖舛矣

問曰若如此又何以感動答曰法當默朝之法以決有無之應驗余昔入觀時再遇大師曰子行朝堂有重委故來報汝但今歲天數當示旱災非子之可以祈也遂叩火師何以見教師曰天下龍潭泉源皆為玉帝封閉雖有符法其數未滿亦難祈也余再問師何以教我曰子此行惟黃河不曾鎖閉惟宜檄使者黃河借水甦旱而已余依訓到京朝廷果命祈雨余檄雷神於黃河內借水三尺救旱

後京畿奏上所降之雨皆泥水也以此見大師之言的也

問曰先生則有仙風道骨於余特凡夫耳於先生則有大師奇遇余他日倘有疑難將何恃哉答曰仙風道骨之說故是然天人之接亦同子既無德感召師尊則當入室端坐以

驗自己之造化足矣且如祈雨一節天數如此氣數亦如此難驗一身之機括亦隨法當看便滿之有無以舌柱上脰嚙津激動膽水蓋膽為天一之水至清至貴之物此水一動

激起膀胱之火火升水降即天氣下降地氣上升之義也陰陽升降兩曜調順騰龍在膀胱之大淵倒取水澤應時便動即雨之至若不作綿綿若存以膽水激膀胱之火便以滿通驗非惟無驗亦且貽笑也

問曰升降調變之妙固已妙矣但綿綿若存何以取其効也答曰子依吾言靜坐端默三日以試其驗也

問曰謹授教歸家靜坐三日萬念放下一事不干坐滿三日再訪座下師曰子所受教曾

行之否曰敬此請教師前師曰子之所坐之驗得何受用曰依訓而行不過身體輕鬆情意清快而矣師曰子如是之愚也此即是矣初習之時已覺如此自此三日至九日至二十七日至八十一日至一百二十日至二百一十日久久之日積月累神氣精自然混凝上可脫殼朝元次可長生久視又其次可以興雲致雨役電鞭霆濟人利物何所往而不可也

問曰且如致雨一節何以發用綿綿若存之妙答曰昏昏默默之際即如蟄龍養道之時蓋人能坐持真積力久性天自澄止水自定未龍藏於其中繞感鉛虎則陰陽調和祖氣一發即升大淵身中之龍亦從而奮發以此感彼欲雨之時即可隨念而滂沱矣第恐行持之際不能存養猶陸地生蓮以茂縛空豈不難哉

問曰天數高亢難持內修何以輪旋答曰數在天固已定輪旋之念又在臨機應變如昔日未趨京時郡治欲余祈雨未行持已前郡

家遍行祈禱不應一日靜定忽空中使者默報云天數當早非法可治今郡近五十里有雷澤潭在建昌秀源之地此中雷神雖奉命封潭於道法中亦能用力宜以符命起之余覺遂以符命就命使者追之再入坐恍見一

老子忽到壇上以口吸盂中蔽太陽墨水一呷而去未幾天地晦冥下微雨一霎而止覺不及復早後問使者乃謂老子者不過所起龍神耳彼已違命出洞所下一霎微雨是壇上一呷淨水爾不過為法中一報應於是再遣章奏飛告真王請旨後得帝旨降雨三日

方得復旱

問曰以師可以如是且如今之法官道士滿前盡是何以屢奏疊章不一其為報應並無效驗此又何也答曰大抵奏章所上徑詣一

處不可繁冗且如今人有事便至登聞鼓院

上以天數而示旱汝以私意而妄奏必至行下臺部迺至州縣究竟如何方為施行若待上命竟於是日而降雨豈不悞哉是以火師

教余飛神謁帝之道所以祈雨一事隸涿波

天主治之單單只奏天主請恩轉告

玉帝得旨竟下后土真官開潭放水以救焦枯

問曰雷震百里何以不能遍及以至甲里有乙里無丙里無至于丁里滂沱而復旱也答

曰行持之時先撥當坊里社迎接緣為方里人民至誠加以里社迎接奏報其雨必驟若

此方人民造惡稔成早劫決無涓滴社令亦不迎接此理譬如陽間違官到所在優恤州邑如意則優恤必至若吏牧不職亦不過文具爾

問曰上古宗師以祈晴難於祈雨今行此法果如何哉答曰造化則不過翻覆內玄造化雨潦浸淫亦有數說一則節候氣數二則蛟蜃孽龍妄興雲雨三則調燮者失職以至水

潦直旬所以如此不可一舉論也

問曰如師見教其法當如何答曰身中之驗極為緊切當從戊己運轉一番使元氣一周再暮後而靜定看內鍊如何如是覺而有報

則心火上炎膽水瀝下遍身煩蒸喉中微痒

則天道必晴霽矣

問曰身中之應固已知矣然千氣數變理失職或潦星直旬此又何以知之矣答曰稟調者上至宰相下至守令觀其所治之政所行之事即可見也昔聞匹婦啣冤六月飛霜一

夫有屈水潦九年以此推之皆可見矣至於水潦直旬當遣皇甫鑣天以縛之蛟蜃以法律治之

問曰蛟蜃與風致雨何以亦能如是之淫浸法家以書篆符章告行符撒千門萬藝不能

役雷神便與雲雨何以此等即能如是答曰蛟蜃藏於淩山之中亦有社令忠義之士居民失祭祀便於鄉坊興起雲雨損人田疇害

人禾稼法當遣命魔錢大將軍以戮之

問曰內驗外治固已聞之但行持法度其要

如何答曰祈晴之法當於火熟方上建壇立治安卓召雷行事先開雲捲霧起火穴塞雨穴而矣

問曰開雲捲霧起火穴塞雨穴其法如何答曰開雲捲霧於內玄皆欽而歸墓閉氣三七

息略嚙津起火穴以雙手握固仰面猛呼二七呵乃起火穴也兩則閉氣以舌挂上腭時嚙津三口直下丹田

問曰內用固如此外用如何答曰其法於日干字上起內用生將於日家地支字上起外將克到南方即住又看月皇是何五行如日皇尅星便可用事但以五行生尅驗之

師曰如前子所問余皆切於事而應於人之妙子宜依吾法度而行之所有符中之奧法中之妙皆盡已矣但精心而修端意而行百發百中無施不可真所謂法海之驪珠也言訖復以二十八字爲吾婿他日囑仲和書付梅隱素庭植
吾法元來不妄傳信知道法妙玄君家自是神仙種管取兒孫代代賢

法用

混沌鴻濛未判無年無月無時但憑消息報君知便是人間冬至

沖虛通妙侍宸王先生家話

徐神翁語錄序

席四

人生一世間其所受用有天有命有分有數絲毫不可易以不能窮理故不自知之必就有道者問焉所謂先得我心者孔子知伯牛之死知商瞿之有子是豈用世之占卜法哉蓋有得於目擊者徐翁在海陵爲人書字示以其人平生禍福言無不驗翌早時往來江淮多聞其言歲月深知者益少屢之天慶觀道士苗希頤翁弟子也在翁左右數十年錄其書字藏之求予刪次存其實以告其徒今二十七年矣希頤死其書爲人取去予來守是邦獲其初藁於民間復次比之孔子曰吾不語怪力亂神夫言而無驗怪也不可知神也若此可以忘言矣若言而有驗以禍福示人使曉然知所避就豈不可知者蓋古之得道者窮理盡性而已理窮則天下之理一能盡已之性則能盡物之性故謂之先知謂之先見謂之先覺世人以爲奇而有道者不以爲高也然所以爲神翁豈止如是而已哉紹興戊寅三月桐鄉朱翌序

徐神翁語錄後序

余嘗聞海陵徐神翁異常快未及多見其說淳熙乙巳假守是邦因得訪其遺蹟而略無得記可攷詢之其徒則曰吾鄉自漢晉以來仙者接踵神翁之時又有陳豆巨周處士唐先生相繼而出亦曰吾東家丘耳況神翁得道五十餘年間小夫賤隸婦人孺子得其告戒者不啻以萬數曾何傳錄之有聞其嘗所見聞者或云翁之仙去已七十八年故老無復存矣繼有以嚴陵所刊語錄示余者蓋道士苗希頤所記而朱新仲舍人爲刪次也雖稟集頗詳而說繆無以改正暇日訪諸邑子則有能道其父兄與公弟子之所見聞者質之苗錄時有異同而其言則有攷焉又出其往時鄉老潘汝一所爲行化狀第嚴於采擇惜其所記之不廣也因俾取希頤之錄證以所聞重爲編削其間舛錄乖忤刪王損益者殆數十處傳疑則兩存之又益以耆舊所傳及東軒筆錄龍川別志孫公譚圓同安志所載凡十有八事與行化狀合爲一編攻之堅

木庶以傳信且使是邦家誦遺訓得以去惡就善亦風俗之一助也歲在丁未正月旦日朝散大夫知秦州軍州兼管内勳農營田屯田事朱宋卿序

虛靜沖和先生徐神翁語錄卷上

徐神翁名守信秦州海陵人年十九入天慶觀隱跡于掃灑之役嘗遇至人授道日誦度人經有問休咎者假經中語以告常携一帚人呼曰徐二翁發運使蔣穎叔以經中有神

公受命昔掃不祥之語呼曰神翁自是皆以神翁目之崇寧二年詔賜號虛靜沖和先生凡三召赴闕大觀二年四月二十日解化于上清儲祥宮之道院年七十有六贈太中大夫勅葬本州城東響林東原宣和中即其地建昇真觀

嘉祐中有天台道士余元吉來寓雲堂歲餘示癩疾衆皆惡之公獨奉事甚謹元吉委化公告于海安鎮徐宗晟得棺以葬哀之如師既葬而歸復慟哭遍拜羽衆下至廝役已而造址極殿前取囊衣悉焚之止衣敝袍執爨灑掃或入室閉戶終日若歌若笑見人必先拜皆以為狂耳初葬之明日徐宗晟見公來謝乃取足布千錢欲贈之公已出門相望數步間追莫能及宗晟疑之後至觀詢問公實

未嘗出也

治平中有道人狀貌醜黑眉廣額幅巾布袍杖頭挂一蕪歌如拳大云自二川來問其姓名但云黑道人寓趙生邸舍常至觀中先見知觀陳用已用已每以三十金遺之次往

北極殿下嘿坐惟公至則與密語他人莫聞也歲餘而去謂趙生曰吾無以謝汝令汝店中暑月無蚊蚋耳後果如其言客寓常滿熙寧中道正沖寂大師唐日嚴暮夜巡寮望厨中若有火光至則無之公寢室在厨下推户視之見公東向瞑目端坐猶不以介意一日乏齋糧令公往莊所督米公即往至日晡時唐至三清殿後見公梳帶而卧呼而詔之公曰來早米至矣唐怒不復問詰且運米者至云徐二哥昨日催促不得少休適已先歸矣莊去郡往反百餘里唐愕然乃為公命名置弟子籍中人始信其遇異人矣從而問休咎或書度人經語以對或不答或大罵皆有所謂也熙寧末以守信被恩澤度為道士公笑而不受曰我只解掃地耳力役如故

公每日晚間於殿堂諸處收香貼紙入房中
信手書字摺疊一處明日有來求字者以次
取而付之悉酬所問紙盡人亦絕矣
公掃灑之際略無弃物木葉腐者就擁其根
槁葉則收置一處每離罷收拾燈缸之餘者
給炭夕確礎之用殘炷之不可復用者即趁
取膏油其滓猶不肯弃收一器中春蠶之際
糲米亦聚於一器遇大寒時聚丐士燃槁葉
取殘炷散於其上而焚之仍糲米糲與丐
士同食

舒州真源宮道士崔仙翁名古之字道光嘗
遊石幢巖見松下二人夾碁與崔一子吞
之崔遲疑行至中路忽見公遂語其事示以
所得碁子公取而吞之過吳塘而去後崔復
至是廣過前夾者大加叱責崔自此病狂
唐日巖延接四方羽流公或肅清雲堂翊日
必有至者
海陵宰沈伯玉携幼子見公問有官祿否公
不答固問之公曰金水在命祿在二十七年
後沈今日者推之二星果在命後授官之年

如公言

沈宰妻病求字公書無起觀音四字再請之
又書誦之十過是年十月妻病死沈後看度
人經注無起觀音乃掌長夜之錄者
致仕查駕部與沈宰同見公公不出查叩戶

甚久公曰只見沈官人不見查官人二人遂
去未幾查卒
觀主首以屋宇敝壞而求見公者日衆遂置
櫺于公之座側期布施修造公許之遠近施
金日或至萬數然亦有虛日封緘不動而所
收如常

熙寧中歲飢觀門缺乏公每旦自出數百金
遺知事市蔬僕輩意公有私藏欲竊之伺公
出潛啓其戶有盆水在內足蹶而仆盡濡其
衣方振衣間公忽坐林上笑曰教你休開盜
者狼狽而走
郡守張次山有故舊在成都守官有書來云
成都有一道人衣弊衣稱泰州天慶觀徐二
翁
元豐中蔣穎叔為發運初見公問會何事公

云不會問知禍福否云不知問看度人經還
通曉否云不曉問我為官如何云官人好聰
明再三問之云宜減刑不減刑如何公以手
捫背曰癩子痛說不得也蓋蔣背有癩感怒
則痛至不能語未嘗告人也乃命二吏掖公
而拜之曰真人也經云神公受命普掃不祥
公可以當之遂呼為神公因留詩曰持帚掃
諸塵經今三十春憐渠獨行意雖靜不先人
為公立守雖堂或云呂吉甫贈詩有為止矜
夸獨守雖之句故蔣公取以為名也蔣又見

殿側有樂子長真人碑題詩曰瑤壇三級滿
蒼苔想像真人飲赤極珮珮仙風動杉檜只
應聽馭暫歸來子長舊宅在今沖真坊樂具
橋之側蓋飛昇之地梁大同中建樂真觀至
唐大中時徙而東之今天慶觀是也又公所
居亦在樂真橋之東故蔣詩謂公乃子長再
來也

蔣穎叔嘗求字書龍字問何故不全曰後來
添之是年除龍圖閣直學士再問之曰且得
久而再叩之乃加三點問背癩如何曰閣下

則下也後除龍圖閣學士瘡果移稍下又嘗求字得赤天魔王字又得負天擔石字問擔得幾石曰二千石未幾移帥廣州乃應赤天魔王之語後入為樞密則負天擔石之驗蔣為發運日欲開龜山河心計之久未嘗語

人一日懷此事見公公遽云開則便開何須問人其意乃決

王荆公遣人求字書初舒王守四字如此書公曰勅字內不須用人字也蓋經有赤書五字之句後公還金陵舟行忽岸側有老人呼曰相公徐神翁有書接書視之亦如前四字老人忽不見未幾公覺政和中追封舒王其書驗矣

虞尚書策元豐末罷通州俸來見公公書青龍白虎朱雀玄武獅子白鶴羅列左右日月照明洞煥室內凡二十四字公曰得也得也使得此字也到蘭除大常寺奉禮郎時方修禮物見排列青龍白虎等儀仗方悟策又與子沆求字得三十二過字時沆年十一至元符中過省年三十二矣

元豐七年舉子赴南宮試求字書樂出成灰四字張正議之子大成得山嶽吞烟四字是舉試樂出虛論而貢院火

尚書范鍾作憲使問公每日食多少曰飽便住問有夢否曰自不受道正顧錢後來不曾

有夢問是修行悟解惟復過人得道公不答再三問之曰過人何年過人曰庚戌今年庚申公度人否笑而不答

范未有子求字公書灣灣二字歲餘在揚州灣頭得子後再過海陵見公公曰更去州東

三五里接取箇秀才次日過通州方至唐灣又得一子

錢舍人總持母服寓居泰州大寧寺見公求字書上明七曜摩夷天七字俄遭回祿其子

東美嘗得公書齊到帝前四字會總使三韓東美偕行同日謝辭去

經義所檢討布衣劉谷與公早相識嘗造樂真人堂問真人安在公指像之鼻端示之劉

嘿會其意謂樂之出沒一氣往來耳劉作詩云來來來問箇空因一向低頭獨拂塵却指

鼻端泥一點笑言便是樂真人

谷嘗與公以革藉地宿於厨中一夕光耀如晝見公張口瞪目而坐空中聞人語云徐禧入蕃直立死呂惠卿喫著拘把夾子時禧經

營邊事而呂猶持服維揚二人皆谷所善者其後禧有永樂之禍而呂更元祐之貶紹聖

甲戌方復官

待制呂益柔未第日其父見公公曰五十四好又云第二人後益柔第二人登科五十四

乃其排行也承議王仲京遣人求字書月字再問公公云

速入道亦恐不及是年卒孫升簽判任滿別公公曰做官時著緋後兩

任不赴過覃恩賜緋為御史王和甫求字書三山字後提舉嵩山崇福宮

提舉林虛初在京師見泰州蔣道士有公所書字虛對公像焚香禱而拈之得回度五常

四字後除常州教授再任首尾五年劉谷塔蔣靜待制元豐中謁公公云初見公醮

壇上觀其屈伸狀貌人也察其神字則古所

謂與造物游者靜默然無言驚立揚臂以卜之公方掃地遂舉帚以對靜揖之即肩帚下壇去於是知其真所謂抱一勿失不以卜筮而知吉凶者

范推官遷以書于李南公久未有報疑以問公公書石字後數日南公以緡錢詒石丕遺之

李宣德詩法言以未有子問公公曰買底桐部不如賜底又書孔孟二字後果得二子李赴楚州監城宰見公公曰汝臨替著緋尋遇元豐乙丑覃恩改服色拜勅日乃交印時也周裕熙寧三年登進士第又在選調一日見公公書八京兩字裕雖知經有八景冥合之句而未曉公曰此回名合也是年權淮陽軍宿遷縣尉獲賊改秘書省校書郎蓋選階七等至京秩為八也

元祐初侍禁王勝因押綱求見公公無語令飲水三盃辭不能飲公曰三盃水不能飲況他飲一河水耶勝皇恐不敢隱蓋其妻李氏妬溺一婢於水欲作醮解之公云如此却好

醮畢之夕勝與李氏皆夢所溺婢云神翁度我我究釋矣

宣徽使張安道休致而病目遣人賫香求字公書回鹿劉玄四字與之經有回蹠沈玄之語張以書謝曰蒙示四字一見體會來意將俸曆焚訖曠劫以來貪吝之心使隨此火光消滅自此目疾漸愈

參政呂吉甫元祐初母服闋除郡聞有臺章求字公書建節二字呂云方虞罪逃敢有是望公曰終須建節俄貶建寧軍節度副使至紹聖改元召帥延安尋自觀文殿學士拜保寧軍節度使

吉甫初來拜公公顧曰善守善守皆謂使之善守富貴也已而除藩府固辭降之單州則單守之應相繼遷謫則又使善守之意也

呂嘗得公字云北都泉曲府中有萬鬼群但欲過人斧斷絕人命門後自延安得謫內相蘇子瞻初起知登州來求字公書來王守三字又問學道之要公云閑好蘇公見許道士求解字許曰經云赤書玉字勅乃王命

公作來字書則王命將下果召為內翰復出守揚州蘇公疑閑好之言再遣人求字公不書後謫惠州遣子過求字公不見子由謂吾兄信其言而不能也

蘇黃門子由自續溪遣人求字公書運當滅度身經太陰俄被召歷侍從至門下侍郎元祐末出知棗州再遣人問之書曰十過轉經福德立降謂來使曰過去十見在十子由聞之曰日者謂予成運多福酉運多厄豈十年後有再生之理乎未至棗運嶺表元符末乃還

道士潘奉真元祐中累試經未中公書三十二日四字後試中時年三十二三衢進士江緯欲更名汝真來見公未及語公曰汝姓江去工字安女字即佳江遂易名後登第

客省使劉爰元祐中與其父被謫求字得執玉把節四字未幾與父皆得召爰除內東門司其父知內侍省經中有執錄把籍同到帝前之語公以錄為玉以籍為節蓋二公皆中

貴人為節度留後也

宿州陳助教求字公不書但連叱之仍命巨觥盛水飲之數四陳生辭不能復飲公曰汝不能飲此況他飲湖水耶蓋嘗利人之財其人溺水無救心也陳皇恐謝公曰爾負財負命到此不省是難教化也陳生遂入道

有一武臣為邊將其家父不得信來求字公書重屋二字既而訃至官為護柩以歸始悟二字乃千里尸至

齊巡檢元祐卒未求字書羞字齊毋丑生不踰旬而亡再見公公書羨字未幾齊卒蓋以羨字之上為羊字其下為次字羊者未年次者相次也

郡守周郊初赴任舟次泗上公以書遺之及啓封止云殺人放火周到任三日郡有殺人放火三盜皆得

元祐癸酉江陵舉子見公公曰今年八口得解後榜出姓名有口者八人

姑蘇舉子赴省來求字公曰汝無慮華亭土地已備禮迎迓矣是舉中第注華亭簿

供奉和鉉有親戚相約同見公和意不欲往因曰人豈不自知不得已遂同來公一見謂和曰官人豈不自知

陳古元祐中率眾造帳座獻東嶽約郝縱秀才偕行郝猶豫來求字得居字陳謂郝曰居者安之兆也事畢回至高郵郝以疾卒陳載其柩歸始悟居字乃古載尸歸也

元祐中駙馬都尉張敦禮以公名奏聞賜紫服及賜號圓通大師公不受常服如故公嘗書一偈示眾云天地一尺四海一滴把眼一眨不見蹤跡又嘗寫詩云遙望南莊景色幽前人田土後人收後人不用心歡喜更有收人在後頭汲汲光陰似水流隨時得過便須休兒孫自有兒孫福莫與兒孫作馬牛

富貴貧窮各有由宿緣分定莫剛求不曾下得春時種空守荒田望有收南莊北宅眼前花好兒好女莫謾誇我若一朝身死後又屬張三李四家

元祐四年郡吏陳德儀亡失海陵宰李元規印紙限一月尋訪求字公書不如此字至限

滿前一日於門首官道上獲之是日乃十一月十一日蓋月建在子所得字加子為存字十一為在字

揚州市戶鍾靜元祐中暴卒將斂而甦云初被追至陰府證事故還至中途護送鬼吏云何以謝我靜曰唯有齋牒一道吏曰此物亦可乃以片紙易之欣然持去及甦手中有小紙淡墨細書兩行字不可曉乃以示公公曰此陰府當錢貼于其上云齋牒一道當錢五百貫汝速歸買紙錢并貼于焚之

通州海門人鄒慶販魚過海陵來求字得禁字慶謂所販魚何禁之有比至錢塘過盜所有蕩盡後獲盜之人乃林小二

道士李八師守柔善釋公字元祐初往揚州作龍華會道俗以事公之禮待之公忽以片紙書字摺之與許道正云候李八師歸與之後數日李抱病歸許以字授之書云已攝此

羅鄴守柔連呼死罪竟卒

右班殿直賈賓元祐中求字得馮字又加四點於其下後得漳泉福興四州軍巡轄馬迹

鋪

宣德郎周景元祐末感寒疾夢一老人授之藥曰我特來救爾及覺病良已是時猶未識公後於給事喬執中家始見公像乃所夢者至紹聖丙子來見公公一見揖之曰久別

安樂周始悟昔年之疾得公救之

成都道士蹇拱辰元祐戊辰冬錄賈善祥所撰神公傳記來求字公一見曰何煩作傳記人生無計多事爾且先作一頌當為寫字拱辰頌云神公神公如月滿空不以目視照見

無窮公遂書壽德動經四字云爾父母安樂不須問德字則爾母何氏陰德福爾動則動靜歇滅經字少工宜精進賈師得地祇兩字賈果曾夢授符命除亳州太清宮土地

僧智通未度時詣觀求出家問公公云汝可為僧書陳字與之智通後於寶福寺出家長老道圓度為僧道圓俗姓陳也既而來謝公公云資福今則寂寂後有人修造在向後更有樓臺殿閣又書道字與之智通謂道字其師名也道圓死繼之者乃法道創修資福極

華煥後二十八年詔郡府各以一寺之甲者改神霄玉清萬壽宮郡以資福應詔知宮則道清大師印若紳也又改塔為鬱羅蕭臺殿堂門廡皆更新之公之言驗

大夫陳祥作信伴時贈公詩曰朝携一帚隨我身暮携一帚掃我室朝朝暮暮掃不停塵埃掃盡真仙出

進士周獲元祐八年失解求字公書佃字後三年陸農師守秦州周預薦

常州劉道元祐中來出家公曰汝不當住此書九日乾三字日字在左後數年於京師建

隆觀九曜院為道士經中有九日導乾之語

蔣講元祐中與眾人見公公獨招蔣授以片紙曰汝用得此字乃葬字李八師解之云豈

有兩葬事未了乎其一卯生其一巳生蔣泣

曰講父母皆未葬實卯與巳生也即日裏厝不致緩

維揚城東人姚文質初未識公在元豐初忽見老人扣門獨持一帚云我秦州徐二翁也

我有一帚生在你後園中可往看之姚與公

往園中公指一處曰此我帚也姚隨所指見

兼竹一莖生如帚狀回視已失老父所在遂

來見公如所見老父而公未嘗出也公曰彼

處可卓庵修行他日求觀中修造姚即於生

帝處結庵繪公像奉香火有疑則禱之無不

驗至元祐中來建三清殿

文質謀遷葬父母先得一低地又得一高處

心不能決各取土一掬封神間以問公文質

未及言公即用低地文質出二土囊公指

其一曰此土佳視所封刀低處也

錢端叔之妹無子端叔携以見公公書元始

上帝四字其妹云我已自曉止得女子爾其

後果然蓋始字女台也

元祐中王撤未仕來見公公即呼曰王官人

其愁前程謂一道士曰請官人道正處喫茶

及再見公公撫其背曰他時為州官日照願

既門一事微亦唯唯而已後二十年為秦州

江採適本觀主首有公事憲司送司理院檄

悟前語為盡心焉

杭州人范小五携一娼姓呂來求字公大書

十六

十一

十

九

八

七

六

五

四

三

二

云吕氏無夫范氏無妻皆皇恐而退

如鼻人籍天從欠茶客三百客訟於官又無所償於其家竹園中有繡有丁生救之而免客聞而憐之復告于官乞寬其限天從此生計復興其後以五百十償客客不受餘

金而去天從因病煉服秋石元祐末見公曰爾非籍三乎批其頰而叱之曰何故食至穢之物爾記得竹園中否譬如彼時更何惡

耶天從遂悟乞住觀中奉事公公許之曰爾可為我作勝事積少善緣遂令同姚文質作糾首造三清殿更修觀宇天從至崇寧五年

七月感疾求公呪水公不與爾問姓甚曰姓籍問籍字如何寫曰竹頭下從來從昔公曰只用昔字更使得一夕字子急歸去天從於二十一日夜坐亡是日乃已已蓋昔字二十

一日也一夕從已則死矣
公一日謂修觀道士曰速去真州買木遂如其言至真州問之市人云今早有木棧甚大欲得一千六百貫長蘆僧酬一千五百貫客未售道士如其價而得之長蘆人再來已不

及矣
秀州進士鄧嶽元祐中赴舉求字公書羊一夕已四字是年不第至辛未年卒
寶籙侍宸程若清初在儔眾人無識者元祐中別公歸潛山公以詩餞之曰破布襴衫結角提退毛鷲鳳不如雞蚌蛤雖然無顏色內有寶珠人不知後二十年程與公赴召同居上清賜號寶籙先生
我奉道昨夢雙童飲乳乃知余實林下人也後至楚州卒
那守熊鼻之兄待制本以病訪醫且欲歸鄱陽鼻以問公公書丁字曰也作得了字也作得下字只挑脚是丁字更添口作可字若添人則何字又曰使此何字不得只添三點則使得數日後又來求字公書道言此二字後得信知其兄至真州丁字河卒其幼子次日又卒乃驗道字缺二畫之意而丁河之微隱若此
圭簿柳卡掌驗尸不貴州將軍其事來見公

去

欲正月起行公曰明年正月卡不以為然會運使李琮牒州拘留勅奏明年正月始得脫

殿院林旦為淮南漕求字公書上尚書黨宛陵六字唯宛字多一畫後移漕河東幸於上黨

佛印大師了元住金山致書於公公不開緘只云好好又於封皮上書金字十四箇兩兩相並授來人持去復遣人求字公書二七佛三字後住金山凡十四年

江陰布衣劉谷元祐庚午冬或諷村民以田事進狀訟谷事下淮東憲司谷懼禍來見公公書天字七箇並列者三其一綴於六字之下谷默領其意乃變姓皇甫逃於廬山嘗至饒州安仁壻蔣靜官所淮憲以聞有旨治靜

谷逃三年至紹聖而田事直靜亦會恩乃免元祐甲戌四月中公杜門不出道衆請之曰候改年號則出數日果改紹聖元年

內翰王明叟嘗得公書放封有吕字作呂如此書後喪一幼子一長女復遣人問公公書

季秋霜降四字連除刑部侍郎乃九月也

紹聖初海陵舉子問公得失公曰陸侍郎來

滿城着綠次舉何呂言榜郭觀張知常李彬

郭元瑜登科時陸農師典郡開宴召之中奉

查應辰賦詩有鈞看黃霸傲為相須信徐翁

語有神之句

李彬朝奉未第時母姜氏問公公一見即曰

今年未旺爾祖有陰德姜再問之公曰候木

旺却來相見是年彬獲薦姜復見公公曰却

是木旺也彬果登科

紹聖丙子尚釋之赴維揚試問公公曰我箇

裏自擔却一箇亥生底在尚是年獲薦而海

陵魁王山乃與尚皆辛亥生也

秀州天慶觀道士夏日時紹聖中求字得上

聞三十三字是時年二十五後八年卒

進士陸表民見公公曰與爾箇實字視之作

實如此書又曰汝不可用與汝父可也巳而

陸長祖母

如臯今劉海陵薄蔡興化尉陳同見公公書

失字顧劉曰爾添口為知顧蔡曰爾添巨為

矩顧陳曰爾添巨為短未幾陳病卒劉常任

智故警之蔡名居厚後為從官

蔣道感疾求字書萌字十月十日亡

州吏孫氏妻見公未及語叱之曰爾何面目

來箇裏便還他物亦不及矣姬惶恐而去翊

日為官所捕乃數日前利邢氏女子衣物而

殺之

高釋之以小疾訪公公與語曰道生一一生

二二生三三生萬物及送出連呼馬牙硝其

意似有戒飾及歸有醫留藥其湯使用馬牙

硝

運使張祖求字書龍字張自云龍在土為失

水且壙墓也尋以疾卒

曹判官舜元見公得婦夫擔石字家有二婦

人懷姓也經中有負天擔石之語夫者二人

也

權教授鮑由與理掾吳玆見公公曰二官人

三教並通玆云正為未通埋先生指示一門

公曰有圓通門般若門又歷說三教事吳云

雖然如是當從何門入公曰既是三教並通

又却問從何門入

吳一日諸公作醮既至觀慮所携銀未款欲

增之意未決往見公公遽云捨便捨又何須

問

鮑教授見公公問內字上加水為甚字鮑曰

無此字又問內字下加水字為甚字曰亦無

此字又問傍加水如何鮑曰內字公笑曰今

日正用得此字既歸太守召食西樓方即席

觀壁間有東坡留題內陳內字適與日相值

云

山陽富人楊公佐家一日聞異香忽有一老

父持帚過度下適有淮陽道姑徐道生在焉

楊驚而問之道生曰此徐神翁也公佐前揖

已失所在唯一木斗在地乃與道生來見公

即所見者詢其斗則三官殿前柱口斗也公

曰欲修此殿公佐施錢數十萬重建

高郵桑正國將赴舉問公公書黃綠簡三字

經云黃籙白簡公去白字而以綠為綠是歲

果中第

胡主簿思問侍其父致政歸泰州公曰主簿

與潘主簿一般先是潘亦侍父致政歸鄉父卒未幾胡之父亦卒

曾司戶港重九日訪公及退謂公曰開春當復拜見公曰相見明年今日湛以事濡滯比再至則次年重九日也

老圃馮旺繪公像於家日薦飲饌偶一日忘之朔日自負蘿蔔來施庖下公見之曰我倚得爾好昨日若不得錢家飯便不餓却我錢亦日以飯為供也

孫氏子訪公公書日下人三字又云爾速歸今日內使得此字也孫急歸得暴疾卒於日下

張判官捷罷官謀舟未得來見公公書吉水二字云且意就使張往見郡守云適已差周末船矣吉水則周永也

鄭通判詢挈家見公時一女方及笄公忽云母也戀女不得女也戀母不得未幾女感疾而卒

報恩寺律僧惟永與數僧同見公公顧惟永取一蒲團若坐禪者謂諸人曰爾等不如他

會如此坐眾不能曉後惟永出世佳實寧云紹聖中無為軍湯安見公且畫公像歸來香

火久之其子婦有一子三歲安夢公云可施此子出家覺而語其妻秦氏秦患以為不祥未幾兒病死秦氏怒取公像投江中後秦氏

感時疾得軟臂疾安復來見公公云爾妻弃我於江中謂溺死矣我却到長蘆上得來安大愧謝而去繼有涪州賈人劉真見公公遽云昨謝汝相救劉真言頃至長蘆見文書一軸浮水上取之乃公像也

陸叢一日遇公於觀後門公問汝姓甚曰姓陸公曰爾何不出門外坐有親戚來觀你也又曰三日二日義歸三日果有一親戚時生至其家感疾義復叩公公以卽字投之又三日時生殂於義之門外

承務郎王安中嘗書姓名年甲求字公於王安中三字周回書青龍白虎朱雀玄武八字

曰只此是也至京過大種差行事郊壇見四獸旗正在安中所立處左右前後也又嘗求

呪水公云此不須呪水五月五日却用得揚

枝水後歸至杭州以女子病有僧治之持揚枝呪水誦呪是日女子卒乃重午日也

丞相張天覺嘗泊舟維揚山光寺前見岸側有道人浣手且於中指間取篔簹髮神彩甚異亟邀至問之曰遠見掠髮者無乃劍乎道

人唯唯張云一觀可否道人如前於指甲間取一篔子如白金色長三寸許以氣吹之欸然成劍張接視之劍也坐間遽失道人所在後詣海陵見公欲問所遇未及語公出片紙投之有洞文二字洞字中一畫移下則為洞

字回乃二口則知水側道人乃呂公也公暇日多立於香櫃之側忽有兩美婦携手而來歌唱自若直抵公所眾皆駭愕久之而去有陳季二翁在傍問公何人耶公曰何蔣二仙姑也眾急追及門而隱

龔深甫司業初起謫籍遣人來字公書與屍起死白骨成人八字經云回骸起死

天慶觀主首作疏化緣請公為糾首公曰此疏遇有口者即了矣凡入疏者或姓或名多有口焉

李七翁者常釋公所書字一日問公求字公書是非二字作是輩如此書李莫能曉有許道士曰公以爾所釋字少是多非也公笑陳七翁者亦常解公字一日侍公側公以片紙與之書過度三界字陳大喜謂經之下文云位登仙翁也有道人薛谷曰此非吉也谷是有病鶴在庭下公祝之曰過度三界誦之數遍鶴數日死未幾陳果卒姜堰催綱司將枝沈福紹聖初得渭州方士張子臯符水絕粒近兩月來見公公書以其尚食稅之多七字與之公意戒其絕粒爾沈不悟月餘而死袁承議符赴通州海門宰挈家見公符自烹茶一盞奉公公飲一呷即授與符曰爾等一切喫喫了安樂符未喫聞道正來揖符即授與妻兒等遍飲及歸船家人問曰適仙生今一切喫茶獨知縣不飲何也符方省不曾飲亦不介意至海門卒舉家飲茶者皆安紹聖甲戌天慶作上元醮三夕十六日齋畢道士王善祥等在醮器庫跡淋見一人形貌

二十四

磊落衣布袍至庫前長揖善祥等皆不介意既去公至問曰何不請道人喫茶善祥曰為忙公吐之曰此呂公訪我耳善祥追之不及信州竹宗隱求字卜出家公書三界五帝字曰可往真州遂投儀真觀後過試經得帝列二字經頭是年試中投戴蓋所挑經頭上則三界五帝下則列言上清四明舉子秦生累舉不第問公公曰若見張果老乘鐵船過海即過省也後免解赴省試在景德寺坐間見壁畫在後視之其畫如公所言者是年擢第道士劉守寧募緣鑄鐘問何日可成公公云三火方得已而再鑄不就復問公公云須是通州遂往靜海得張治子者欲鼓鞦問忽見公來眾欣然迎之輒不復見遂一鑄而成

帶四

二十五

虛靜沖和先生徐神翁語錄卷上

虛靜沖和先生徐神翁語錄卷下 席五公自紹聖乙亥九月旦高戶出不飲不食道眾叩戶寂無音響十一月七日郡守陸農師至令道正擊戶有頃聞聲欸之音陸呼曰佃在此久矣士民自公不出憂惶頗甚遂出相見陸問之公曰作少緣事故爾數日有人獻紫花石柱四公初閉戶未出道正許守節亦扣戶拜請公既出謂陸守曰侍郎此人難教化也遽索酒陸守疑其素不飲令索之必有謂亟取酒至公亦不飲乃曰此壞人之物也陸云在神公莫不然否公曰也則不得此與財無異至此不戒是難教化也蓋專以戒守節耳又索紙筆寫云或先品空二字守信生多言難慮謝秦州許壽澄提攜向去不得野進退艱難遂髮虔心追薦先亡父遠紹聖二年十一月初七日為揆共五十二字授與守節曰今日使得後數日復取去皆莫能曉先是元祐末重建三清殿公謂守節曰爾可退却名目將衣鉢盡施造殿守節不從至此又戒之亦不

帶五

悟明年十一月初七日守節死

姜堰兵于王立病將死其妻入都市喪具避迨鄰媪李氏同見公公云王家家計却是李家底及歸王立病愈而李氏子亡遂以王氏棺殮之

王惠問公擇日種早稻公云六月初二日好道眾云莫大晚否惠信受有素遂歸俟之會歲早先種者皆槁五月末得雨遂以六月二日種所收倍於常年

海門翟元以大銀爐施公公叱之曰豈不誤他和尚元再三乞留公不納元退與道士言初作此爐欲往泗上施僧伽大士今輟以施公故有是語也即復見公公云爾不須見我且與傑老一處說話元歸至家病死元有長子名元曾字孝傑死未葬父子同室殯厝

韓舜言有二子同染疫問公公書生字舜言大喜後一子亡一子愈李八師釋之曰病愈者必丑生生字從牛從一也舜言云然

淮陽軍村居常清富於財境有山西接符離石礦甚多不入用一日有老父扣門見之云

此山有錦石汝能取施泰州天慶觀結大勝緣否清笑曰此山安得錦石耶老父云爾取之勿疑遠失老父所在語其妻曹氏云爾試鑿之果有石紋如紫錦清夫婦來見公即所見老父也未語問公書化生諸天授之清與

妻拜公曰未曾化得一物何拜清曰欲化何物公曰石條石柱清遂還淮陽取之不逾年而就泛海而來遇暴風雨舟人不能措手清呼公護持忽大暗霧電光中若見神物擎舟甚速胡日風止已達海門入江至柴墟清先

來見公公曰路中驚怖不易若不然不如此速也宣德郎取純欲與長子娶婦累問不答一日書角引二字且云與爾祖母同後娶通州張氏其祖母亦張氏也

釋譚永住揚州石塔退院歸天台別公公書香字授之後至四明住香山

大資張遂明除帥揚州未視事請公公取紙大書一亡字傍作四十九點遂明至揚州未踰月而薨其季歲後四十九日亦卒

江東巨商李氏見公公汲水飲之數盃李辭以不能多飲公云彼飲一江水汝乃不能飲數盃耶李愧謝乞作大齋贖以滌前過公許之李昔與一商共泛江利其厚質至中流醉墜於江

進士陳護有女子十五歲拜香於公前公兩嚙其頸後欲嚙之女號懼而逃是夜自縊死詰旦護問公公云此女為宿冤所纏吾欲三嚙之汝女自逃吾知不免矣汝驗其繩可見也護歸驗之則所縊之繩三股中斷惟一股存

左丞陸養師守秦見得報除曾子開為代而陸未有新命疑而問公公云陸侍郎替曾侍郎曾侍郎替陸侍郎陸云某在金陵嘗與曾侍郎為代公言如初又云海上好守官經旬

日報除海州其後子開自秦移海又相為代陸嘗刺奏於朝問公公書鄭守復云鄭守加手為甚字陸云擲守云擲也陸憂之公云過三年後却不擲了及離海陵日別公云

此去如何公云道眾多也某又貴也後自海

移蔡未幾被召遂除丞轄蓋前所陳不下至是獲伸故大用始驗三年之語陸又嘗得負天擔石四字乃執政之驗

陸在朝遣人求字公書終老二字後守亳州老君祠在高陸既感疾復遣人問公得上三十二凡五字又云下而二字做得天字左丞也不須使人字也竟薨于亳乃三月二十一日

林靈噩紹聖中求字得林下人三字政和初自楚州應詔

天慶重建三清殿上梁道東白公公云上了。下下了上已而陸侍郎至仰視梁記乃書道正勸緣陸曰神公之力他人何與亟令下之別書神公姓名而後上焉眾謂公言慮矣其後改仙源萬壽宮別建三清殿以舊殿為講堂遂下殿牌而立堂額政和戊戌復以講堂為殿奉安聖祖又下堂額而立殿牌道士闕若拙往山陽省親別公公書去野二字至山陽而亡周植妻裴氏病書妻生月求字裴六月生公

於大字下添十字裴竟不起

沈侍郎錫嘗求字云願示平生休咎公書待經五帝且云向上去不得也待字作三重人其後子昭為侍郎兼侍講又兼侍讀遂出領郡子昭服金石藥獨喜飲水不能乾食作書問公欲進少乾食以自養方待報間一夕夢公以蒸餅令食再三不能嚥公云汝強食之僅食其半却日遂能食乾物

得光順每見公公云爾在城後住何不移居城東凡三四年但云力未能動公怒之光順即問公擇日公曰五月五日好後因大水遷居乃五月五日又為其子娶婦來問公公云八家都上燈惟爾家不上燈遂用未上燈時納婦時里巷要婦者九歲餘八家皆有事故惟光順家無恙

光順女七歲得驚疾見公公曰速問戴道士見陳秀才光順問之戴云吾無藥聞陳秀才近合至寶丹專治此疾遂往求之比得藥已不效灌之不效復見公公曰賀喜但爾不作婦翁耳及歸女子已蘇後出家為女冠

有錢臻者暴卒心微溫家人不忍殮五日而蘇自云初為人追至一官府有據按治事者今往如阜縣東監治道路既畢吏白尚有一路欲就令此人監治官曰臻神公會下人可令速歸却追臻瑋許臻監治臻既蘇許臻方自外歸忽頭痛是夕暴卒

殿直楊公佐赴天台監酒來見公公書重午二字後五十五歲卒自殯至葬又五十五日僧法勝初來見公求出家公曰汝作觀音菩薩不得且作地藏菩薩後往寺中出家試經中落髮蓋觀音乃頂冠地藏則獨示頂相爾黃杞未有子求字公書元台平育四字作元月干云如此書竟無子蓋胎育不全耳又嘗以堂妹病問公公云汝妹不安吾將奈何數日而亡

程平病其妻問公公曰較也較也比歸平已卒方悟其言乃窖藏之窖爾浙人孟軫善執筆欲改業圖仕進見公公書質心依舊格五字軫悟以舊術遊都城其術盛行

卡德往泗上燒香已及境忽失道西行里餘見枯骨無數似非人行處有老父呼曰不是路也可從此來遂得官道既歸見公公云汝等燒香也錯了路

常州洞靈觀道士陳宗式紹聖中書姓名見公求字公無語止於宗字上加一山字再三問之公曰只是如此也宗式既廻中道聞洞靈關人邑人乞於縣宰以宗式焚修及得帖乃名崇式宗式曰名誤也吏曰以邑今所諱故改之爾

王少卿碩甫紹聖間守鄱陽遣人來求字得壽字闕其口行次金陵改除壽州赴官日得長兄之訃乃應闕口

呂大卿直甫為潛日見公公書壽字已而除知賓州改明州又改饒州自謂三守土也在饒時一日自外歸仰視州額方悟壽字呂又嘗挈家將歸龍舒別公公云彼有井否云居有數井云云井多即好至舒州遭回錄吳敞紹聖甲戌求字得三三開字時吳未仕而素有符籙之志丙子歲侍其父官於江淮

於延昌觀麻姑山王法師處授天心正法王曰吾適悟公所得字乃經中有上聞三十二天心拜三十二過閉目靜思之語公於此三句中隱天心秘三字謂天心秘法也閉則秘也

元符中蔡承議似為六合簿丁母憂見公公問甚處居云儀真公曰可來此居且教化我箇病孩兒似次年遂携家來其長子幼患足不能行捨與公為侍者公以善仁名之踰年遂能行後四年侍公赴闕為道士

蔡妻張氏見公公書道言正月長齋魂神澄正萬氣長存不經苦惱身有光明凡二十二字惟惱字作慌書不數日舉家病遣人問公公以林檎十數枚李子一枚授來人云每人與林檎一箇惟二娘子與李子遂食之凡食

林檎者皆安惟食李者亡蔡嘗以張氏病求呪水飲之而愈因施金帛公不受云要汝作大緣事在再叩之曰且得至崇寧中挈家來謁公引至度人經畫壁觀變相又書身經太陰四字後數日似感疾問

公公曰作福則無害時方重建玉皇閣遂許化萬人緣造玉皇及三十二天像似既安遂歸錢塘募緣彫木像及侍從供器花果之類來施後享壽十七年

蔡壻田佑以母病見公書山川林木其母亡元符已卯全彥博赴秋試榜未出前三日公遣道童周希元至其家曰神公令來報捷問來時更有何語希元曰公語我時惟立大指榜出以魁選

成都謝公舉元符間作商至真州諸物皆貨盡惟餘數獨木舟貨未得見一老人云何不往海陵謝詢之則鹽場所用也遂至海陵市之及見公乃所見老人也

泰興宰吳嘉成見公公即隱去嘉成退而登三清殿公出呼從者曰爾官人何故不行吏云未辭州行未得公曰今日行不得明日更行不得也翊日忽得軟足疾大卿齊湛見公公問年幾何湛曰六十五公曰更五年即七十矣至七十而卒忠節將校濶真中風不能行乘卧輻見公且

策杖令數婦人掖至堂上公一見大怒云養兵千日爾病如此將何用以杖擊退扶掖者又以杖擊真真走避不覺弃杖遂行如故淮東張幹楚執規見公公遽曰尊文朝議已得利州差遣也已而見報除利州路提刑

葛光感疾未汗令人析於公公書帝元育齋四字與之經有帝元育齋京之語光即詣觀修齋翊日中汗而愈

先未有子問公公監生大神像壞光欲改塑不知儀容如何公曰作後生端嚴相光受教次年得子如所塑狀後又得二子皆端嚴祝昭秀慶居鉛山邑宰請主學因人至海陵求字公書二十四二十四凡六字與之學之生徒適二十四人後增三數人頗疑不驗已而有去者率不過二十四人特未曉疊書之意鄉老云前此一官人持服來此主學亦未嘗過二十四人

有董慶者元符間自謀於天慶出家為衆滌澗未能勇決一日見公公方飯即握其手勞飯孟直抵澗舍公自取箸百十枚汲水以濯

且濯且飯慶感悟乃作禮曰願躬此役自此留觀中終始不懈

元符三年冬有街坊道士自淮西歸忽發狂大寒中單衣持帚語言異常或吟如被考掠自言所造怨惡又持箱篋至公堂上以其所藏物列布座前叩頭祈哀公以拳擊其心數下忽仆地流汗如雨始醒

金壇崇真觀道士明素大師史懷勝嘗與一李道士同事神公為街坊李嘗匿錢於履中以試公懷勝曰不可既同見公公發其隱由是公有點化懷勝之意公羽化後懷勝居崇真觀能預言人休咎甚驗作詩頌甚敏紹興丁卯年八十七而終歲餘有趙德明在常州過之如平生後乃知其卒已久矣

元符中哲廟以聖嗣未立遣中使齋香問公公書吉人二字以對中使私謂吉字十一口也已而徹廟即位蓋祈御名也

王謚元符三年赴南宮試其妻見公公曰且喜王峴一子了當是年登第

王待制古為運使日見公公書行字笑曰此

字內好便箇魚字但恐未得他底其後知衡州又嘗得五年字移帥廣東

呂金部知卿元符初自維揚來見公公一見杜門不出呂連日作齋醮至第七會公忽出云謝金部作緣事可速歸來早到家即賀喜呂以郡官留食次日晚行至揚州則其家正罹回祿救之不及

和州朱霧澤民元符初問科舉公不答再叩之公公秀才自寫得不須討字固問之公笑曰交休不肯休直待兩淋頭後隴仁仲榜登科

澤民嘗携呂真人等三畫像見公初展呂公像問曾來否云曾來問如何待之云以山東客待之展蔣仙姑像問之亦曰曾來但差肥耳如何待之云以庸婦待之展申先生像問之如前公公曾來以常人待之三人孰優云呂公且得

楚州鹽城時裏元符中見公公云爾速歸九月間有道者來爾善待之仍須布施裏歸至九月中旬夜燒香聞戶外有人乃群盜也裏

悟開戶迎之列酒肴羅金帛遺之家人悉免驚怖

襄得公呢水二瓶公指示曰此一瓶與家人時時飲之此一瓶候村中疫疾時施之襄如公言留其一凡三年封緘如故忽大疫襄取水施疫者新香異常飲者皆愈水盡瓶中有鼠骨一副其白如雪不知所從來也

元符三年秋道士許若谷徐若虛等數人從公行殿廡間公忽謂許曰爾不可壓徐師許皇恐而避時許為道監徐在衆列至政和間徐被命為右街都監而許為道正宣和初許授金壇郎而徐除凝神殿授經簽書左街道錄院事再遷凝神殿校籍

蔡相元符末落端明龍圖學士提舉洞霄宮來見公方至觀門公即出迎蔡求字公書齊到帝前而帝字直下一畫分二脚又嘗遣人語之曰東西二府樞密相公至崇寧初與元度俱被召已而拜相而元度除樞密又嘗得三十二天字後除丞旨遷左轄拜右相皆十二日也

元度嘗得仙道賁生字又嘗得昭相字又得慶相字後拜昭慶軍節度使開府

御史中丞安惇初有長沙之命來見公公但問諸俸幾何安不曉公徐言曰不到長沙未幾果召還又嘗密叩所疑公曰速往見蔡家兄弟時二公方去朝廷疑為戲語俄二公召還長二府安亦繼召為執政

道士徐希純黃若厚元符中未披度公一日各以令紙指而與之開視各得陳字崇寧改元郡守陳了翁訪公詢左右有何久待公者主首以徐黃二人對陳曰此觀興修皆神公之力二弟子何不與披度遂令常住進納披戴

葆光法師全若水元符間為天慶觀道籍風有符籙之心公常以法師呼之乙酉歲問公欲退道籍職公曰好法師全過澄山以符水救人監司以名聞後趨闕賜號葆光法師蔡相嘗携家見公公指徐夫人曰夫人倒地也扶起夫人衆不曉至錢塘徐以疾不起又嘗得軍字除鄆州得坤字除成都得址字除

內翰成都坤維之地內翰北門學士也元符三年上元張燈前二日公以杖盡擊毀之數日哲廟遺詔至

建州舉子朱劉二人赴南官公各書一吉字與之比至都下朱以疾卒劉登第蓋劉所得從士下口朱所得者從土下口而墨色晦姑蘇舉子吳經赴省試公書云七十三速放榜第七十三名

虛靜沖和先生徐神翁語錄卷下終

靜餘玄問

席六

相問所得旁門小訣先生云吞嚥一事雲房三十九章已言之矣畢竟上嚥下泄無所歸蓋四大一身皆屬陰且道陽在甚處

相問陽在甚處先生云在乎杳冥冥恍惚

之中釋氏有云不屬中間與內外是也邵康節亦曰見時似有覓時無自內求之皆屬陰也自外求之則又非正陽畢竟此事難說

相問參同契所論日月龍虎是精血麼曰非也是精氣麼曰非也相曰如是則是甚麼字

先生云只是神氣二字

先生云既是行法且可精進法不可多多則將來何所歸

先生又云行法如做官修道如隱遯如何一手捉得兩條蛇

先生云自紫陽下四代真人都只在相問既有解化月日何得云在先生云畢竟這箇是肉身先生因說

紫陽天台人杏林常州人毗陵師閩州人翠虛惠州人又云衡州人

先生忽於卧席下出都天大雷玉書以授相

可將歸急寫明日送來念汝一生慕道之心成汝一生慕道之志相問翠虛真人既號翠

虛又稱泥丸如何先生云翠虛子乃其自號

嘗以泥丸與人治病故湖廣中人呼之為陳

泥丸相問翠虛真人得法之由先生云先師

得雷書於黎母山中不言其人姓氏恐是神

人所授也丹法却是道光和尚所傳

先師嘗醉語云我是雷部辛判官弟子于道

光和尚甚事相問翠虛解化之由先生云先

師嘉定六年四月十四日在漳州梁山與一

箍桶老子荷角入水而逝當日有潮州葛縣

尉在潭州寧鄉縣見之先師與尉之父為父

契因寄一書使尉歸以達其父後方知當日

在此死在彼見于時隨侍在彼目覩其事其

箍桶老子有一斧在地先師既相與入水勢

不可救因與一二人同歸尋其斧則亦不見

先師彼時在漳州赴鶴會罷說與會主云我

要來會裏尸解會主不以為事遂留四句命

子題之會中而去題云頂上雷聲霹靂混沌

落地無蹤今朝得路便行騎箇無角大龍湖

廣中人常勤先師做詩但見自口縷縷而出

皆成文理第不肯把筆耳

相問曰相之事先生其日淺邪六年矣所得

深邪先生之道如海洪淵莫竊相從容之日

見先生為人驅邪治病或與之泥塊或與之

木札或石或炭或可食或不可食或物或非

物或有符水或但告之以方略每不與不告

之者皆不可治與而告之者例作効相不知

其如何竊亦心領意會倘先生之所為往往

亦靈驗曰此非世人所知

先生曰自涕唾精津氣血液之外有真身不

必去此而就彼自喜怒哀樂愛惡欲之外有

真性不必是此而非彼冥然無所念宴然無

所思終日食而不味終日衣而不絲謂我容

心於其間則飢寒飽暖為可憂生死苦樂為

足憑其知道之見邪能知乎此審能如此則

知張道陵許遜葛洪之徒有妻子亦仙也有

酒肉亦仙也其迹同於人其心異於人吾所

水躍岸則死虎欲異羣虎捨山入市則捨相
曰吁誠哉吾生死有命貴賤有天人何不
樂天知命徒爾惡死而好生惡賤而好貴夫
寒暑付之天時此身非我有實天所生天將
寒暑之聽其如之何也已

先生曰度人經云欲界色界無色界此三界
也天心法書云天界地界空界此三界也今
之人有曰上中下三界是其考究不精矣或
又曰天地水三界則又謬之甚焉經云泉曲
之府北都羅鄞如是則地水皆屬下界明矣
甚至以鄞都大帝為地界之主扶桑大帝為
水界之主若論
玉皇大天尊正為天界之主后土皇地祇正
為地界之主斯嘗也如鄞都大帝扶桑大帝
特一司之主宰耳

先生曰修丹口訣第一是要聚氣凝神
又曰常常握固即聚氣念守嘿即凝神
又曰萬神常凝謂之靈一氣不散謂之寶
又曰金丹即靈寶靈寶即金丹
又曰心荒即神狂則亂亂則不凝

又曰心寧則氣和和則定定則不散
又曰護惜元氣如護惜眼睛

又曰心死方得神活魄滅然後魂昌
又曰心常如愚常要活潑潑如走盤珠故曰
圓通又曰此心呆又不是死又不凝

又曰先學無心次學忘形

先生告弟曰爾謂十一曜呪誠

太上所說乎曰誠哉曰嘻彼呪中有謂甘石
推流伏然甘德石申皆星翁也却是春秋戰
國時人甘石未生此呪先有質之於此豈太
上所說耶

先生問紫元留元長曰爾謂世間混元如意
之法誠然乎曰然曰嘻彼法中有呪云北極
佑聖真君律令又曰三天扶教輔玄大法師
律令果爾則可疑也佑聖乃周時人天師乃
漢時人若是混元法已在太之上先亦不應
用太上老君律令矣況佑聖與天師乎何哉
謂混元也
先生曰先師泥丸翁曾在做廟時嘗遇大洞
真人孫君與之曰昔者

元始天尊與太上老君所說經教甚不多後
人採摭編錄遂成一藏如北斗經乃張正一
所作南斗經乃王長所作之類大凡教人課
誦不如靈寶度人經玉皇天尊號為愈也
先生告弟曰得道者如嬰兒之在母胎得法
者如元帥之坐籌帷

先生曰昔高麗僧有丹訣云不是有形物不
是無形物看見為碑碣此是造化骨

靜餘玄問

道法心傳

席七

余自幼酷好行道法不惜勞苦拜師傳授不知其幾人矣世問玄關一竅玄牝之要但即兩腎中間臍下一寸三分以為玄關明堂六合丹田口鼻以為玄牝世問五行生剋水火激剝之妙乃曰書金木土水火交錯於井字之中以為生剋煅礪符投於水中作駢馭之聲以為激剝余思此說恐未造玄是以用心三十餘年觀風雲聚散氣候之變通默會其心喜不自知宿生多幸又遇至人一言之下即證無疑蓋天地之動靜日月之運行四時之成序萬物之發生皆出乎太極流行之妙聖人莫能形容強名曰神其神非青非白非紅非黑非火非水非方非圓亘古亘今在乎人心清靜則存穢濁則亡故精住則氣住氣住則神住三者既住則道法備散而為風雲聚而有雷霆出則為將吏納則為金丹惜手後之學者濫游於邪徑昏迷於慾海斷喪本真却認紙上之文以為秘寶可謂捨真求妄駟牛而尋牛所以蔭真人曰一點靈光便是

符時人錯認墨和硃精神不散元陽定萬惟千妖一掃除虛靖天師曰神若出便收來神返身中氣自理如此朝朝還暮暮自然赤子產真胎何況人人有分皆可為也豈可自棄甘心赴為九泉之下深可嘆哉余故作心傳以明後學如先達之士試覽之必點頭也至元甲午上元日松江後學雷霆散史景陽王惟一述

道法心傳

先天祖炁

耳目口鼻身精神魂魄意攢簇在中官化作先天炁

自己元神

空劫之前自我身無形無象亦無名貫金透石俱無礙一點靈光到處明

神通

一人各有一乾坤中有龜龜一至尊統御萬靈三界伏不知徒爾弄精魂

妙用

昇天入地即須史火不能燒水不濡彌滿太虛包萬象視之不見聽而無

玄牝

一竅虛無天地根綿綿密密不通風恍惚杳冥包有象真人出現寶珠中

真土

離合作黃婆天地無奈何終朝常廝守不識被他磨

真種子

先天一物號真鉛坤位生時種在乾溫養三年成熟後浪遊蓬島作神仙

真爐鼎

煉丹自有真爐鼎何必區區向外求心若靜時身自定身心靜定見丹頭

真藥物

上藥三品非凡物產在乾坤未判中大候足時丹始熟蛇吞一粒化為龍

龍虎假名

念無心處常守元神在洞房

鉛汞何物

精神二物有鉛汞用之不見見無用移將坎實點離虛神運其中不見縫

一陽下手

下手工夫在一陽一陽初動合玄黃先天一炁從中得煉就金丹是藥王

大道不遠

道應不遠在人心不必千山萬水尋道欲正心方始得純陽不染一些陰

後天成形

陰陽交姤始成胎十月玄黃閉不開好笑愚人忘却本不思昔日箇中來

兩箇一般

先天生我後天存六賊交攻既夜昏認得一般無二樣養來跨鶴上天門

身無價寶

身中無價寶精炁與元神保養長醒覺無漏作真人

長生秘訣

性來歸命可成仙神去身亡實可憐要得此身長不死安心混沌未分前

性命本一

命即性兮性即命性命須臾不可離喜怒哀樂未發前行到中和天地位

心死神活

一念未起是真心思慮纔興即妄心死方知神始活道遠物外鬼神欽

物空在我

萬物皆空性不空念頭隱在太虛中不來不

去無拘束一任鳥飛兔出東

亥木為核

巽木秋來種亥宮這些生意化無窮要知剝復返根處却在乾坤未判中

子亥成孩

離坎相交結聖胎子來會亥始成孩兒分付黃婆養成就神全上九孩

人錯用心

齋草為螢魚化龍鳴蟬蟪變飲清風神通廣大惟人乘可惜迷徒錯用工

忘本逐末

父母精血合成人本來面目不曾親貪名逐利消磨盡死後甘心受苦辛

愛慾牽纏

人人有不做神仙愛慾牽纏不向前大限到來君自去總成一夢入黃泉

思愛相連

思中生害害生思思害相連生死門事到極時方始悔不如復命去歸根

煩惱妄想

煩惱妄想為貪癡念起由渠怕覺遲順化逆
來心自淨那麽永不敢相隨

繫縛身心

擔柴運水歲月週繫縛身心不自由惟有達
人知此理簪花酌酒自風流

色即是空

色即是空人不識百般裝點粉骷髏常開道
眼如無物莫把明珠去暗投

煩惱損神

勸君歡喜休煩惱煩惱須知損了神混俗和
光隨分過滿懷常是四時春

事總虛華

世事紛紛亂似麻算來到底盡虛華不如及
早抽身去認取蓬萊是我家

自得自樂

常將無孔笛來吹引得青鸞白鶴嬉暢飲數
盃留令酒醉歸洞府訪希夷

輪迴生死

愛河水闊無邊際欲海波深無盡頭多少世
人沉在內輪迴生死幾時休

覺悟早修

拽把牽犁好箇牛驅馳鞭叱不知羞忽然一
日歸屠宰悔不當初及早修

身為大患

我來生死一物真祇因妄動有其身若諸大
患生諸苦返本還元出世塵

六賊惱害

六賊居身惱煞人不趁平善惡相親日消月
化俱無跡滿色金光是本真

思做人難

靜思在世做人難歷盡人間事萬般行到水
窮山盡處此時方始得身安

礦盡見金

人心常要合天心鐵杵成針功要深直待火
烟燒滅後那時礦盡是真金

念差便行

心猿意馬兩交馳十二時中莫妄為一念纔
差隨後打縱今些子便昏迷

凡事去疑

張狐見豕負塗泥載鬼盈車展亂離天下本

來無一事何須特地自生疑

身非長久

假合四大非我有暫寄塵寰非長久或歡或
喜或悲愁莫待臨時弄場醜

會安身法

會翻筋斗上高竿掘地尋天天一般萬靈寂
然真境別人間生死不相干

泥神擒龍

泥神入水收光明擒捉得龍上玉京不打一
拳為粉碎海中月上正湖平

鐵牛種蓮

鐵牛耕地種金蓮不用工夫不費錢自有天
河水澆溉花開香噴地連天

弄線傀儡

人生如線牽傀儡攬撥向前不敢避忽然線
斷起不來滿眼兒孫濟何事

人為財使

人生碌碌為財使失時煩惱得時喜鬼面人
頭弄幾般仔細看來都是你

學無先後

晦跡難明不可欺學無先後有高低未曾探
曠鈞深遠便向人前恣品題

人別賢愚

吾儂為學作心傳不顧天機太直言仁者見
之方默會以心相印別愚賢

無處參求

師拜百來箇來箇會誇大問東却道西琴瑟
不相和

自下苦志

酷好行雷法江湖無處求用工三十載心下
始無憂

行持甚麼

先行戒行為根本次守天條莫妄為要得雷
神來拱伏雷轟電掣剖心窺

功行為先

行法做神仙功行要為先濟民并救苦白日
可昇天

說得行得

說得便行得何須言再諄今生若蹉過永劫
墮迷津

體用兩全

道乃法之體法乃道之用體用兩全行三界
歸一統

以正制邪

祖師立法在中心心法繞通萬法通以正制
邪邪自伏方知花月懼梁公

法何靈驗

法何靈驗將何靈不離身中精炁神精炁聚
時神必住千妖萬怪化為塵

窮理無病

窮理盡性方知命道理不明為大病為飛魚
躍鶴鳴陰會得超凡便入聖

會合陰陽

觀天之道執天行會合陰陽始見長今日與
君都說破此言實莫作尋常

人不如物

人為萬物靈物及勝如人試看蛇含石伏藏
直到春

隨雷伏藏

若要行雷法常隨雷伏藏成全真造化方可

去施揚

印訣文具

符圖印訣皆文具運用存思降念慮寂然不
動見天心有感必通知妙處

祭將召邪

殺生害命祭雷將及召邪魔來見狀端人正
士則不然至誠一應通天上

符水自靈

書符朱墨豈能靈其所靈兮炁炁靈可變可
動方知法泥丸治病亦安寧

舉起便是

養得神靈將自靈何勞閉目去存神舉心動
念洋手在一點靈光不離身

陰陽消長

常看斗柄運中天陰消陽長兩相傳變作四
時成八節生來藥物妙難宣

剝復上下

造化包藏太極中自從剝復下神工六陽數
足歸坤位激得雷運起坎龍

雷乃發聲

天氣陰時日漸明異風扇煖柱潮生一陽到
震神雷出雷在坤中乃發聲

大旺雷行

木逢火旺熱方生鬱勃南風亂五行鼓動雷
霆還一變陰寒隨後率難明

何為雷定

陽一為雷陰二震陰陽二炁有虧盈陰合陽
極須當泄激起轟天震地聲

要識雷竅

風雲雷兩藏乎一這箇孔竅多不識激利通
天龍陣亂然風然雨轟霹靂

風是何物

天動炁運化為風必分南北與西東能生能
殺能晴兩析禱之機立奏功

雲是何物

地炁升騰有異分散時為炁聚成雲雨晴還
出山川內起着時方要所聞

雷是何物

碩果剥落生有方這些道理要推詳鬱蒸地
上生潮濕激剝陰陽亂一場

雨是何物

燥則成風濕為雨變化其間不離土但看蒸
飯氣分時火到自然成道理

電是何物

陰升陽降不通徹水火烹煎成電掣金光一
發鬼神機霹靂隨後炁方泄

河明炁候

祈晴祈雨要君知河明炁候識天時五方相
克風雲合叱咤雷神逐令馳

通曉風雲

山風通炁與雲雨天關才動便生風曉得這
些關訣子有自然雷雨適虛空

一炁偏勝

一炁運去運去後見陰陽勝處還他一變和
平此理與誰共語

清濁不均

一氣循環有濁清清升濁降要均平陰多陽
少生霞兩陽盛陰衰主久晴

五行生剋

一三三四五中間土為主會得生無機叱咤

與雷雨

明晦相及

明時生晦晦生明明晦分明應兩晴原本陰
陽從太極細詳遠近察其情

水火要平

火自日中聚水向月中生水火要均平才勝
便無情

陰陽盛衰

炁運周天有盛衰黃鐘應候管吹及其交錯
亂陰陽理六月飛霜十月雷

月生晴雨

月出于庚見側平前弦必雨後弦晴更知造
化幽微處鵲噪鴉鳴預見晴

日變寒炁

日變熱号熱變寒南風還作北風看陰陽反
覆誰通曉通曉陰陽不被瞞

五嶽通天

在天成象地成形一炁循環不暫停五嶽藏
神通造化甲庚和會炁雷定

四海應寂

四海有靈直通霄天應星方地應潮一呼一
吸成妙理屯蒙兩卦合昏朝

仰觀天文

觀天不語四時行幹運森羅晝夜忙才有吉
凶垂象告緣何人不去參詳

俯察地理

天一生方地二成閼花野草應天星山川海
嶽藏應秀旺烝之中各有形

造化周流

五日為候二為烝三烝為節必有謂陰陽分

布應周天細嚼其間深有味

妙理難言

日到乾方應未申夜從坎轉出為寅火蒸水
用水克火龍起隨神便有神

天地動靜

動極復靜靜復動動靜中間成妙用有晴有
雨有風雲斗柄天心皆總統

晴雨後前

陽動陰生各有時陰陽反對不相離若知晴
雨知前後祈禱神通必應期

激剝陰陽

風雲雷雨皆從起激剝陰陽其可畏莫為紙
上用工夫窮究天時方得味

調變旱澇

氣候應時無旱澇纔有爭差便顛倒踏翻斗
柄轉天關調變陰陽行大道

雷出地中

天地日為主雷本生乎土鬱蒸便出來輶起
風雲雨

龍藏潭洞

龍藏潭洞中鬱蒸便躍起龍方為日時誰敢
輕識此

霧烝化雲

霧烝晨生不應時連綿陰雨定無疑無邊或
見水雲起若道時來未有期

火雲望晴

風起天高四氣清火雲生處主晴明日行旺
地無虧損徒有陰時雨未成

觀風調弄

觀風調弄幾多般雨變晴兮熱變寒消長陰

陽成節序天關不許等閑看

雷乃收聲

斗運周天柄指西金生潮旺應刀圭陽消陰
長將當剝雷乃收聲聲應時

用牛祈雪

欲求瑞雪用泥牛先風後雨察其由當知雷
起動中變六出呈祥應數酬

雲合預知

夜觀龍弄珠日看雲起合祈禱應時靈天機
都漏泄

拜問玄關一竅

萬法只一竅世人都不知我欲便說破尚恐
你生疑

拜問先天一炁

若問先天一事無後天便有下工夫誠於午
夜清心坐此炁方知出太虛

陰陽交錯日月別

陰陽交錯日月別



陰陽交錯日月別

夫五雷者本陰陽二炁之所生五行之所成隨節炁而降升應斗柄之運轉有生有旺有收有藏自冬至復卦一陽生臨卦二陽生泰卦三陽生大壯四陽生當此時也節炁春分巽風鼓動地潮鬱蒸前弦之後雷乃發聲夫卦五陽生乾卦六陽數足神炁必合必待震動以施號令若非水火激剝則不能發故陽極則陰生自夏至始卦一陰生遁卦二陰生否卦三陰生觀卦四陰生當此時也節炁秋分金風肅然萬木飄零後弦之前雷乃收聲剝卦五陰生坤卦六陰數足飯根復命係炁養神陰極則陽生周而復始生生化之道未嘗間斷行雷之士須是洞曉陰陽深達造化明天地動靜之機識風雷炁候之變知風雷雨是何物也因何而生為何而起起於何方應於何月日時動何部之雷則有狂風驟雨轟天霹靂之威然起必有伏伏必有起起伏之理誰之使然余嘗記伊川先生問邵堯夫曰今年雷風甚處起只此一句括造化之妙可精思熟味若知此一竅通則萬竅皆通

一神動而萬神皆動東南巽方非召雷之所用之則徒弄精神耳但此一竅無象無形無前無後無長無短無闊狹之可量無東西南北之可別正在乎天地交界之中陰陽混合之處雖鬼神妙用亦莫能窺惜乎後學之人不明此理却認臭尸肉孔留心於丹田之中著意於兩腎之間或運炁於臍下或目視於泥丸胡思亂想便為明了與余說一竅不亦速乎故前有言云風雲雷雨藏乎一箇箇孔竅多不識激刺遍天龍陣亂然風然雨轟霹靂人能觀天之道執天之行自知之矣如是陰陽不調炁候失節或陽盛陰衰遂成亢旱或陰盛陽衰變成水滂要在行雷之事調燮陰陽而和暢斡旋造化以流通踏翻斗柄召雷雨以救焦枯撥轉天關起風霆而掃陰翳但今之學者紛紛多不得明師傳授往往道聽途說竊學滿法不尋心中之至寶但求紙上之玄文談玄說妙誇已非他言消行濁不顧天條以致三官鼓筆五帝列言身謝之後魂墮酆都受諸苦趣嗟乎行法如此之難也

可不畏哉可不畏哉後學之士切宜勉之至元甲午上元日松江後學雷霆散吏景陽王惟一述
余一介愚蒙濫參道法曾遇至人傳授頗知法中一二嘗思祖師之言法行先天一炁將用自己元神可謂直指玄微開明後學奈何學者識見淺膚自悟不及却留心於運想之中以為玄妙殊不知忘本而逐末捨真而求妄也余始亦未明此理博訪明師所傳紙上文或用唵字喚下於丹田以號字而提出想金先行先天一炁或存心火腎水交媾於元海之中結成嬰兒以為自己元神余則不然多下苦志幸遇真師傳授雷霆一竅說破這些道理使余如醉方醒前學時妄後又得月鼎莫先生使者一法屢說先天之妙乃曰道言天地之間其猶橐籥乎虛而不屈動而愈出只這些子便是造化樞機橐籥者猶我腹也橐者猶我口鼻也虛而不屈者乃中黃先天混元之祖炁也釋氏曰慧日寶燈摩尼珠儒家說曰浩然之氣禪宗說曰安身立命處

修真之士號曰金丹其實一也又曰神室丹谷又曰天地之根萬炁之宗太極之蒂其所浩浩渺渺恍惚惚無內無外無著無所亦無四圍動而不屈者橐籥則籥自鳴也愚昨奉度師鐵壁先生鄒君傳授口訣拒塞天河掀翻斗柄取水滄溟撥動九州將乾補坤以離塞坎開眼仰視為否閉目俯觀為泰多不知捷徑路頭皆為先聖玄機獨立異端者豈不謬手余平生參盡雷法未有若月鼎莫君先生之說如此之明也使余朝夕思慕先生之學不復再見唯悵快耳先生在世學者紛紛多不得其傳蓋謂不知道之故也余今老矣欲留秘訣於人間無箇知音可語故作數圖名之曰道法精微用留於世倘遇達人必當具眼


行持戒行圖



夫行持道法先當受持十戒日用常行無所虧欠更能濟貧救苦積功累行自然感動天地神欽鬼伏坐役雷霆呼風召雨今有一等後學不持戒律不辨邪正執文泥象胡思亂想偶然一時之靈便已自滿更不究竟所靈者是箇甚麼以致以邪召邪以鬼召鬼故陸真人云道法於身不等鬧思量戒行徹心寒十年鐵樹開花易一入鄧都出世難又云言清行濁休談道不顧天條法護行保一真人曰有問制邪之道如何答曰修己以正子不開花月之妖不敢見梁公正人君子鬼神之懼猶且如此何況行道法之士乎余心傳錄云先持戒行為根本次守天條莫要為要得雷神來拱伏雷轟電掣剖心竅

萬法歸心圖

夫心者一身之主萬法之根其大無內其小



先天無精圖

精

無外大則包羅天地小則隱在毫芒修之則作佛成仙緞之則披毛帶角存之於內則為性施之於外則為情千變萬化無有定時故聖人教之修心即修道也教之修道即修心也孟子曰養心莫善於寡欲充夫曰天向一中分造化人於心上起經綸虛靜天師曰一念萌動於內六識流轉於外不趁手善則趁乎惡故有天堂地獄因果之報大道歌云其向靈臺留一物物在中心神不清耗散真精損筋骨三茅真君曰靈臺皎潔似冰壺只許元神裏面居若向箇中留一物平生便是不清虛保一真人曰法有出於同門者其符同其訣同用之輒不靈者誠不至也誠之不至則自信不及則疑二之心生中無所主矣中既無主何以感通故曰法法皆心法心通法亦通余明道云人間萬事從心出心知無形何處尋一念未生前會得那時方始見其心者杳冥矣 先天真種 用之不見 見之不開

夫精者乃先天之元精為萬物之母得之則生失之則死故精住則炁住炁住則神住三者既住我命在我不在於天玉皇心印經云人各有精精合其神洞賓真人云精養靈根炁養神此真真外更無真紫陽真人云竹破

須將竹補宜覆雞須用卯為之萬般作用徒勞力爭得真鉛合聖機行雷之士須當斷淫絕欲保養元神鍊成金丹驅役雷靈禱雨祈晴治病降邪無施不可若曰抱炭之徒安敢與其同語也故薩真人云一點靈光便是符

時人錯認墨和朱元精不散元陽定萬惟千妖一掃除保一真人曰符者陰陽契合之具惟天下至誠能用之誠苟不至自然不靈故曰以我之精合天地萬物之精以我之神合天地萬物之神精精相搏神神相依所以假

尺寸之紙關召鬼神不得不誠余心傳錄云法何靈驗將何靈不離身中精炁神精炁聚時神必在千妖萬化為虛

符無正形是炁靈泥丸治病亦安寧

呼吸風雲生晴息地行號人鬼神驚

夫炁者乃先天之炁元炁為萬物之宗也虛而不屈動而愈出夫子繫辭曰天地氤氳萬物化醇蓋人之元炁與天地之炁相似一吸而天炁下降一呼而地炁上升一呼一吸之間化生金液鍊形神俱妙與道合其玉皇

心印經云人各有炁炁合體真不能持其真皆名強名莊子曰凡人之息在喉真人之息在踵素問云清虛恬淡真炁從之人能知白守黑節食謹言常鼓翼風於元海之中則受無窮之妙用故孟子難鳴而起孳孳於善以

養浩然之炁保一真人曰通三才者一炁耳天以炁而運行地以炁而發生陰陽以炁而慘舒風雷以炁而生炁由人主外想不入內想不出一意沖和返根復命行住坐卧綿綿若存以養其浩然者施之於法則以我之真

炁合天地之造化故虛為雲嗒為雷運用將則元神自靈制邪則鬼炁自伏通天徹地千變萬化何者敢于我哉余心傳錄云先天一炁作丹臺寂寞無為則自知閉戶垂簾常寂寂時將無孔箇來吹

神

同行同生 不離道質 然在面前 切莫強過

夫神者乃先天之元神為太極之相也虛無自然包含萬象視之不見聽之不聞變化無方去來無礙清淨則存濁躁則亡故玉皇心

印經云神能入石神能飛形太上曰六道不可以言傳口受而得之當虛心靜神道自來矣愚者不知乃勞其形苦其心役其志躁其神而道愈遠道德云本神不死是謂玄牝玄

牝之門是謂天地之根虛靜天師曰神若出便收來神返身中炁自迴如此朝朝還暮暮自然赤子產真胎保一真人曰世間閱目存神想甚將自某方來者又有揲筭攝運內炁而合外炁者噫妄矣若得神靈將自靈說則平居暇日養神以靜而神自靈沖炁以和

而炁自真用之行持自然神合神炁合一舉心一動念神將吏兵洋洋手如在左右矣余心傳錄云靈臺清淨曉才見略有纖塵便不見出離生死永長存壽奈凡夫不識面

圖一竅玄



此竅通天竅法中真具妙得遇至人傳教若須大笑

夫玄關一竅內藏天地陰陽日月星宿三元八卦四象五行二十四炁七十二候風雲雷電雨皆在其中矣保一真人曰書符不知竅

却使鬼神笑今之行持道法者不得道法之根源妄於紙上作用以為符竅殊不知此竅

非凡竅乾坤共合成名為神炁穴內有坎離精當於自中求之不可求之於他也玉蟾真人云此竅實居中居中復一中萬神從此出

直上與天通紫陽真人曰身中一竅名玄牝此竅非心非腎非口非鼻非脾非胃非谷道非膀胱非丹田非泥丸也

能知此竅則冬至在此矣藥物在此矣火候在此矣沐浴在此矣結胎在此矣余心傳錄云一竅虛無天地

根綿綿密密不通風恍惚杳冥包萬象真人出現寶珠中

月到天心處 風來水面時

要知端的意 斗柄指虛危

圖一先天行法



月到天心處 風來水面時

要知端的意 斗柄指虛危


夫先天一炁在太極未判已前萬物未生之始浩浩渺渺淡淡蕩蕩無形無象無著無所寂然不動塞乎太虛之中不可以知識不可

以言傳妙哉黃雷因云混成一物本先天至道虛無理自然若向未生前得見阿誰不是大羅仙王先生行盡克詩云學道修真要識

真先天一炁稟吾身守則有道用則法法應虛無只我神保一真人曰或問先天後天之說如何師曰若問先天一無道亦強名耳何謂之諸呪一應緩動便屬後天符圖印訣

抑亦末矣余心傳錄云先天之道本無言舉口才言屬後天學者紛紛來見否誰人悟得未生前

道是你子還是我 不卦一絲祇自箇 千般變化被他購 三十年來方識破



圖神元已自用將

夫自己元神即先天一炁之體先天一炁即自己元神之用故神不離於炁炁不離於神神乃炁之子炁乃神之母子母相親如磁吸


鐵不可須臾離也納則為金丹出則為將吏故鍾真人曰萬語千言勸後人休尋物外妄求真鑽天入地憑誰力妙用神通須是神披雲真人云吾身動則有神仙不在勞心運想王侍宸云損神終日去談空不如飯息在胎

中綿綿不絕道自通三元五老即此功我真不西亦不東常教體內生微風時人見一不識一一回存想一回空玉蟾真人曰意動人

隨瞬息間何勞存想起艱難明得五行生剋理掌中雷而契金丹劉真人云非法非空非色無形無相無情道本一物冷清清有甚開

名雜姓動則鬼神潛伏靜則天地交并視之不見聽之不聞默用須還相應余心傳錄云一人各有一乾坤中有巍巍一至尊統御萬靈三界伏不知徒爾弄精魂

精神魂魄意 攢簇歸坤位 不用動纖毫 自然雷雨至



圖行五簇攢

夫一二三四者乃天之五行生數六七八九十乃地之成數人稟天地五行生成之數成之故天有五星地有五嶽人有五藏五藏之中有精神魂魄意聚成五雷五雷之中以土為尊蓋得中黃先天混元之祖炁也故保一

真人曰法妙合乎陰陽方圓動靜是以道貫乎三才天地人物是水火木金土應之以五行東南西南北中運之於五方天地水火雷風山澤配之於八卦沉於術數者曰我書符時應於某事你作用某竅如是而接造化如是

而論生尅如是起筆如此衝發鬼神之機我之矣殊不知太極未判以前孰為陰陽孰為三才孰為五行孰為八卦故有道之士撒手行持符篆矣余心傳錄云一二三四五中間土為主會得生炁機叱咤起雷雨


歸 群陰剝盡復以根 一畫陽生天地心



命 復 根 天地心 聖雷役電鬼神欽

夫東三之木生南二之火西四之金生北一之水中央之土合戊己之造化若非金木相尅水火相剋則風雲雷電兩不能發也故保一真人云莊子曰尸居而龍見淵默而雷聲

知此道者可以言動靜之機邵子曰一動一靜之間乃天地人至妙蓋動靜之際以陰陽極處為用易曰極則變變則通非力學者孰能曉此余心傳錄云一炁運來運去須見陰陽勝處選他一遍和平此理與誰共語



夫八卦範圍天地之間縱橫十五數不離手中宮之五所以雷震得天地之中炁故就五雷要在行雷之士虛其心而實其腹凝其神而守其中斡旋造化策役雷震遍施甘雨以救兆民功達于天豈曰小補哉余心傳錄云

造化包含太極中自從利復下神功六陽數足歸坤位激博雷震起坎龍 水火微利其要妙不用言符行秘號

夫日月一坎離也坎離一水火也水火即一炁也一炁即物也在南曰火在北曰水火炁太盛而旱水炁太旺成滂水末尅火晴變為雨火末生水雨變為晴水火微剋成雷電水火和平天清炁朗然火之盛水之旺不可調



均故余心傳錄云火到離宮旺水在坎方生水火要均乎才勝便無情 動靜不息 運歸太極 不下工夫 如何曉得

暢而為電升降不能而為霧然不能而為
瀛乖悉犯正而為無涸水變而為覺涸火變
而為魁行雷之士不可不明此理故余心傳
錄云一炁循環有濁清清升濁降要均平陰
多陽少生靈兩陽感陰衰主久晴

王真滿度芳

二十七

法烈修真怒勤辨道萬緣識破皆空太虛鼎
內養就玉芙蓉化作靈珠一顆光燦燦輝射
千峯長春景五雲臺上朱橘照天紅這些妙
理有緣端的千里相違纖塵不染清淨顯真
功日用頭頭不昧起生滅三界難籠能如此
逍遙自在處處是仙宮

一點陽精配居陰位五行四象俱全念兮有
象冕耀照無邊神水頻頻灌溉三丹田溫火
烹煎明知道入門體用心靜息綿綿 內有
金蛇玉象驅雷雨發在心田君知否神仙有
准功行滿三千

法在先天玄妙處無言可說但要在乎中正
靈臺瑩徹寂然不動感而通應剛烈運風雷
祈雨雪役鬼神驅妖孽只此是非呪非符非

盟訣 太極神居元谷裏先天炁在玄關穴
謹在存神虛寂處功成自有仙班列看太虛
穩穩駕祥雲朝金闕

道法心傳

雷法議玄篇

唐八

元 虛真人 萬宗師撰

余昔過度師於龍山之上秀水之濱得聞混
元太一之道五雷禦邪之文總局二十四部
分上中下三卷其間符圖印訣密呪符式的
二百餘篇飛罡躡斗結印指文莫可具其品
目三復之竟遂告師曰此所謂法海淵源也
伏聞至道不繁至法最簡今此靈文雖禿千
毫未能盡錄耳師曰子可盟天立誓方授子
捷妙之法弟子告曰倘蒙師慈授我以元玄
之奧微妙之機即割肉為香剪髮為誓何可
憚歟果真師於囊隱之中出視一小冊對天
盟授其間符印呪訣不出三十餘章法去匪
訣皆可心記師曰至玄至簡妙在斯文且夫
天上三十六者子得聞乎以至道言之乾元
真一之數乾者陽也是丹靈真一之炁元始
布化之初彌羅凝結渺漠難窮或為軒為蓋
為闕為宮以三十六炁而為天天為萬物之
祖故天與之形道與之貌况備真之士欲求
長生不死與天齊年非得三十六炁之妙豈

可與道合真而驅龍掣電者哉予聞此言方明道之造化法之幹旋其理歸一揆耳至於二十八宿列於四維真皇大帝羅布黃庭內座帝宮合六六之數故中斗大魁總監眾靈是也輔佐天皇至化掌持劫運總覽要權其中靈官將吏列職分司稟聽真皇號令而行且如箕星主風壁星主雨昴星主晴虛星危星主雪軫宿主雷其風晴雨雪電霹靂各有所主威星大耀猛將毒雷皆居三十六梵炁之中悉在一七九星之下此星迴眾星總領大梵之要權威烈當先何神不伏雷神雖猛威聽令行與夫諸星大曜捷將猛神隨炁幹旋晝夜不息蓋行之有度止之有方不知方度何為克應自非洞達幽冥之士識該天機至奧之人豈能知威星大曜行止者乎且甲乙日午時祈雨其壁星居止何方縱知方位分明不知以何勅擊役邪故兵家遁甲論曰先明太一真數以觀星曜吉凶之象臨陣之間必以開休生門以要道如丙丁日未時行軍其開休生在於何方悟之者決勝千里

迷之者寸步難移如陰陽風水之士選年月修造高人知吉凶則無災無咎察善曜則有禧有祥此者密識星機通神妙用如斯知真總歸一掌之中豈在虛侈繁文矣故我師王公侍宸之掌中風雨會動明君此非掌中之妙何言此也蓋屢取效數大抵行持之士須明陰陽星殺合炁衝擊當先究聞

上帝親機元皇玉札方能効應是以雷機至化冠于古今歷代謫仙但口口相傳亦不能記文字而已所以

太上秘訣云披髮步罡尋炁炁劍夫燃火藜真文此謂真文也乃

真王上帝於溟津未分之前在飛玄真境之上布梵炁於碧霄紫漢之間結成龍章鳳篆先映十方震動六合即命

天皇真人依規按筆乃書成章

元始上帝於龍陽明宮授付

真王其餘給賜龍宮海藏永鎮寰宇所謂法旨不知幾階惟雷居其提焉但後學之士心高炁銳行短言輕雖遇真師孰能究其玄妙

故掌中機要不會聞劍上真文未嘗見蓋功微效寡觸事不靈中道而廢慈道答師者多矣乃是錯投斯法悞我後學殊不思參究法源未微不遇

真師付度具世傳欸火真形雷公真相奔訖

萬狀繁亂元真不惟無効於目前抑且貽笑於人神與夫木郎大呪法家得其金備者亦妙爾縱得其備將此法篆如何造化符中秘要又未明機首一句乾天曜輝玉池東此一句書在雷公頂踵之間下筆如何安篆至於

雷公聖像欸火真形跨龍坐下執捷手中句句造化字字分明生成有格其餘符篆大聚如斯且立壇祈雨如龍潭相去法壇百里之遠必用側海符親請投之縱有靈驗已落第二機矣如我真師則不然先於玄壇之上以一符召功曹功曹至捧一符召某處雷公雷

公至持一符召某處龍神龍神至則風生雲合電掣雷轟依法使之立喝雨至此法皆曰至妙我師猶謂此為繁文未為目前應驗吾遇祈雨之際止書一符于鐵簡之上繫投於

畢宿之方論訣飛罡一喝雨至可謂至玄至妙

自下今擊伐邪廟之法應在須臾我師條曰凡遇崇累害生命罪當誅伐先於掌中尋金虎大煞流火山星在二十四位之中今月今日今時落在何處指方既定以雷火符激之彼星屬金此符屬火金火相尅應時辟伐繼即邪廟破矣嗚呼天寶玄誥琳瑯秘文苟非異士親傳真師口訣將見皓首窮終無所得且如尋常起雷之士必須先奏

上帝次取報應然後方行大抵驅邪治病祓毒除妖正謂如救頭燃若待

上帝勅下何如和聲求援緩步救焚豈可立待已故真王垂教云雷霆玉府乃五雷部轄也奉

上帝命嘗善罰惡便宜行事故我師王君太素得真王便宜行事之要非其靈骨之人豈能遇也又非猛烈忠孝之者孰能持也且持法之一端實修真之捷徑非神全者豈能驅策鬼神以救沉痾是故祖師以元一之真炁

化無量大將軍滅六天魔鬼積功累行上朝金闕故行持之士不造妙旨形還壞滅不積陰功難達玄境不煉精華神不清悅不濟疾苦道果難成凡欲求仙學道之者不出手為國救民興利除害正直聰明精勤香火禳九玄七祖之罪釋千劫百世之愆風緣有幸得遇師友毋背盟言飛昇可待報犯玄律苦海沉淪精心行之其應如響後學之士毋耳忽諸

雷法淵海正演數

夫古者行持之士以心感物以正禦邪心正則百神効靈身正則萬邪遁跡去古逾遠降本流末遂立教法以禦鬼用符術以感神為雷之為物乃

上天之號令合二炁之陰陽復則靜豫則奮

生於軫宿起於巽戶非時不發有神攸司而道家者流有以法行雷者有以法借雷者殆不幾為驚世駭俗之論乎今夫正演之說果何自而立邪吁我知之矣正心誠意與天為徒淵深莫測怨兮若海恢弘正道流演無窮

然此未造玄元之妙達微妙之機未足以語此也今有人焉久參上法普濟下民過度師傳至當之理代

上天行真教之風得古人正心神會之旨越加以飛罡躡斗結印摺文香一焚心符一藪號令之鳴萬神聽命會捷雷宿之方窮弄兩師之柄一撥雷轟一喝雨至此喝彼隨其應響回視行雷泛泛之士不究輪旋之妙不知感召之由每窮古人之據批妄談吾道之淵微言與行違心與物汨瞻眉豎目虛喝張惶欲望報應寂然無聞者相去蓋千萬里也若乃火師汪若谷得真王便宜行事叱咤雷霆號令風雨處統真機內全太素以齋戒事上帝以至誠感鬼神號令精明賞罰必信動容周旋默與道會佐

天行化輔

國救民予謂無愧矣今欲發揮正演之化必先傳授正演之文非徒目前之美觀將為後學之矜式僕不敢自秘用工殷梓以廣其傳願我同志毋耳忽諸時宋淳祐八年二月真

元節谷隱作以法行雷舉世皆是然得傳識其與者或寡矣且夫正演之作豈淺淺者所能哉然匪徒其能言之又且能用之此予不緘也敬述以贊補於將來非小補哉

大樸未散陰陽以萌兩儀既奠八卦乃成

維震維巽主風主靈繇水而化觸火而明

自復而壯俾枯者榮上驅天號下付物形

孰司此柄以時而鳴出乎地戶達于帝庭

樞臺主轄梵炁結成一九而三數摩玉清

皆隸神霄具載禹經以法而運其無匪輕

粵然古者相承迨今惟詞至玄可復幽冥

世降俗薄偽私始生自稱宗壇妄攝仙卿

問其行事亡實其名以訛受訛名將役兵

所謂微妙如聾聽聲間有知者他心管營

天恐斯道湮沒欲傾俾續其傳純白田君

深悟其詮嘿修黃庭先覺之徒後進之英

紫皇秘訣得以直行洞究原本弗徇利名

濟俗爲念持習研精俯按五方仰參列星

宏綱要括斡旋不停折睛響應考治患寧

不肯獨善誘掖同盟著作正演可想達靈

運雷之法豁開愚盲當與王薛班列瑤京能求旨趣虛者必盈余觀其文三歎甚驚叙其辨洽譽豈至情補於將來百世芳馨與法偕流如丹如青言不盡意讚而勒銘

玉霄吟贈識庵先生

玉霄一派何人曉元機隱奧難尋討妙法心

傳存幾階八乘學士知音少赤天都雷隸真

王歛火大將居舍房丑未二宮此兒妙未牛

二將侍師傍此法流傳世罕知天恐斯道將

傾摧玉府謫仙廊真士親付何君造化機何

君既明闡大法不離周天一十八析晴禱兩

應聲生收拾歸來說明月坐令滿室光輝生

元珠直透公崑崙中有嬰兒握神化駕箇火

龍謁帝君

歛火真形詳論

宗師玄虛萬君議玄篇曰世傳歛火真形

雷公丹篆實爲乖訛萬狀繁亂無規不惟

無効於目前深有取笑於神鬼如木郎大

呪法家得其金備亦妙矣縱得其備將此

呪以何爲造化首句曰乾晶流輝玉池東此一句於雷公頂踵之間下筆生成何爲雷公聖相歛火真形以致跨龍座下執鉞手中句句造化分明字字生成有格其他真篆大槩如斯云云余從冠年因觀讓玄

篇之與論遂孜孜參訪苦志尋求雖累蒙

師友指教終未合先賢之宗旨余於癸丑

寓金陵忽有異遇乃元豐年間宗師曹君

之祕典也其家藏三世不敢妄動或誤拂

其塵則災絆隨至蓋有所待而然也余受

之英香開卷首言歛火真形雷公聖相生

成變化之道平生所疑頓然冰釋行之果

有奇驗後授一二嗣法皆未得人余今將

老矣不傳恐秘天遺傳之則難於擇人詳

論之書既成併露真機一二以示將來庶

可尋流知源免湮沉於秘典也凡欲行持

先服先天祖炁點化一身凡胎之炁蓋此

先天祖炁乃鴻濛大道之根當於混沌未

分已前求之萬法千門皆始於此也即非

父母媾精已後穢濁之炁前篇詳論之矣

既得祖炁入身點化凡濁然後可以行持
 凡書符先推生旺次入靖室勅召雷霆萬
 神屯駐充塞宇宙自然天昏地黑二炁昇
 降方乃藏形變體五炁相生一生一而聖
 胎結就行十轉迴靈之上道合九天生神
 之玄機次布祖炁於三景太空之中生玄
 牝於先天真土之位運命元玄一黃演之
 炁九重纏其胞命解結回根次運命元洞
 冥紫戶之炁九重纏其胎命次運命元長
 靈明仙之炁九重纏其魂命次運命元陽
 尸冥演由之炁九重纏其魄命次運命元
 五仙中靈之炁九重纏其臟腑次運命元
 高真沖融之炁九重纏其靈府次運命元
 高仙洞笈之炁九重纏其元府次運命元
 真靈化凝之炁九重纏其華府次運命元
 自然玄照之炁九重纏其獄府以成九九
 八十一數生成五臟六腑三關九宮百神
 內備運乾晶於兩目下筆曰乾晶流輝玉
 池東鼻為山嶽故曰木郎太一三山雄手
 執斧曰金鉞玉斧燦天官一手執雷鑽故

曰霹靂破石泉源通書兩足欲其廣運神
 力撼山捲海昇降陰陽故曰闕伯撼動崑
 崙峯幽靈翻海玄冥同書其爪欲銳故曰
 黃利持劍斬螭蟠然後召起天雷神雷龍
 雷水雷社令雷鼓動奮發而為兩翅故曰
 雙搏飛行遊太空書圓光欲先鋒照耀則
 曰太一捷疾先禦光圓光烜赫洞燭聖容
 故曰朱髮巨翅雙目形圓光之上書三昧
 火光則曰雷光逆空烈火紅與夫座下飛
 龍竅妙亦然自頭至尾句句深有造化且
 如四足則召起五嶽及四令壘雷先天五
 符等分布真威以佐先鋒豈可以小小符
 籙淺淺造化同日而語哉書符既成即運
 真水真火脫胎化生分形變化攝入符中
 即見火神奮翅神龍噴吼飛騰宇宙翻動
 海嶽一切雷神悉皆隨從便宜治事余當
 卓劍壇前幹運造化催督號令須臾則風
 生雲合電掣雷轟甘雨降隨若行祈晴禱
 雪醜崇降魔種種行持皆不可缺此聖相
 真符乃先天大法中之玄機骨也木郎大

呪共有九十七句造化句句分明若得其
 妙則諸家雷法皆可役用何所往而不可
 也學者深研之


太極雷壇祭四維神法

五月五日用黃羅一尺二寸如法寫下赤雞
 紫鵝符焚香誦木郎呪百遍將符沉東北水
 中次歸淨室設四位血食供養酌酒召玉雷
 皓師等四神獻酒即見雞鵝之形次又見神
 形任意所構化紙旱澗之年有構即應五雷
 經云此四神乃太初混芒之時水精也禹王
 治水令鎮四維亦云八卦之精主雲雨年年
 祀之可立致雲雨

念木郎呪書



赤雞紫鵝符



玉雷皓師君

乃東南之神
人首龜身


春



洞陽幽靈君

乃東北之神
人首蛇身


夏



虛皇太華君

乃西北之神
人首魚身

冬



火光流精君

乃西南之神
人首龍身

秋



東海神阿明
南海神祝融
西海神巨乘

北海神懸瓊

雷法議玄篇

老子微旨例略

鼓一

天物之所以生功之所以成必生乎無形由乎無名無形無名者萬物之宗也不溫不涼不宮不商聽之不可得而聞視之不可得而彰體之不可得而知味之不可得而嘗故其為物也則混成為象也則無形為音也則希聲為味也則無呈故能為品物之宗主苞通靡使不經也若溫也則不能涼矣宮也則不能商矣形必有所分聲必有所屬故象而形者非大象也音而聲者非大音也然則四象不形則大象無以暢五音不聲則大音無以至四象形而物無所主焉則大象暢矣五音聲而心無所適焉則大音至矣故執大象則天下往用大音則風俗移也無形暢天下雖往往而不能釋也希聲至風俗雖移移而不能辯也是故天生五物無物為用聖行五教不言為化是以道可道非常道名可名非常名也五物之母不炎不寒不柔不剛五教之母不嫩不昧不思不傷雖古今不同時移俗易此不變也所謂自古及今其名不去者也

天不以此則物不生治不以此則功不成故古今通終始同執古可以御今御今可以知古始此所謂常者也無皦昧之狀溫涼之象故知常曰明也物生功成莫不由乎此故以閱衆甫也夫奔電之疾猶不足以一時周御

風之行猶不足以一息期善速在不疾善至在不行故可道之盛未足以官天地有形之極未足以府萬物是故歎之者不能盡乎斯美誅之者不能暢乎斯弘名之不能當稱之不能既名必有所分稱必有所由有分則有不兼有由則有不盡不兼則大殊其真不盡則不可以名此可演而明也夫道也者取乎萬物之所由也玄也者取乎幽冥之所出也深也者取乎探賾而不可究也大也者取乎彌綸而不可極也遠也者取乎綿邈而不可及也微也者取乎幽微而不可覩也然則道玄深大微遠之言各有其義未盡其極者也然彌綸無極不可名細微妙無形不可名大是以篇云字之道謂之曰玄而不名也然則言之者失其常名之者離其真為之者敗

其性執之者失其原矣是以聖人不以言為主則不違其常不以名為常則不離其真不以為為事則不敗其性不以執為制則不失其原矣然則老子之文欲辯而誥者則失其旨也欲名而責者則違其義也故其大歸也

論太始之原以明自然之性演幽冥之極以定感罔之迷因而不為損而不施崇本以息未守母以存子賤夫巧術為在未有無責於人必求諸己此其大要也而法者尚乎齊同而刑以檢之名者尚乎定真而名以正之儒者尚乎全愛而譽以進之墨者尚乎儉嗇而矯以立之雜者尚乎聚美而總以行之夫形以檢物巧偽必生名以定物理怨必失譽以進物爭尚必起矯以立物乖違必作雜以行物穢亂必與斯皆用其子而棄其母物失所載未足守也然致同塗異至合趣乖而學者感其所致迷其所趣觀其齊同則謂之法觀其定真則謂之名察其統愛則謂之儒鑒其儉嗇則謂之墨見其不係則謂之雜隨其所鑒而正名焉順其所好而執意焉故使有紛

紕憤錯之論殊趣辯折之爭蓋由斯矣又其為文也舉終以證始不迷始以盡終開而弗達導而弗率尋而後既其義推而後盡其理善發事始以首其論明夫會歸以終其文故使同趣而感發者莫不美其與言之始因而演焉異旨而獨構者莫不說其會歸之微以為證焉夫塗雖殊必同其歸慮雖百必均其致而舉夫歸致以明至理故使觸類而思者莫不欣其思之所應以為得其義焉

凡物之所以存乃反其形功之所以尅乃反其名夫存者不以存為存以其不忘亡也安者不以安為安以其不忘危也故保其存者亡不忘亡者存安其位者危不忘危者安善力舉秋毫喜聽聞雷霆建此道之與形反也安者實安而曰非安之所安存者實存而曰非存之所存侯王實尊而曰非尊之所為天地實大而曰非大之所能聖功實存而曰絕聖之所立仁德實著而曰棄仁之所存故使見形而不及道者莫不忿其言焉夫欲定物之本者則雖近而必自遠以證其始欲明物之

所由者則雖顯而必自幽以叙其本故取天地之外以明形骸之內明侯王孤寡之義而從道一以宣其始故使察近而不及流統之原者莫不誣其言以為虛焉是以云云者各申其說人美其亂或迂其言或譏其論若曉而昧若分而亂斯之由矣名也者定彼者也稱也者從謂者也名生乎彼稱出乎我故涉之乎無物而不由則稱之曰道求之乎無妙而不出則謂之曰玄妙出乎玄衆由乎道故生之畜之不墜不塞通物之性道之謂也生而不有為而不恃長而不宰有德而無主玄之德也玄謂之深者也道稱之大者也名號生乎形狀稱謂出乎涉求名號不虛生稱謂不虛出故名號則大失其旨稱謂則未盡其極是以謂玄則玄之又玄稱道則域中有四大也老子之書其幾乎可一言而蔽之噫崇本息末而已矣觀其所由尋其所歸言不遠宗事不失主文雖五千貫之者一義雖廣瞻眾則同類解其一言而蔽之則無幽而不識每事各為意則雖辯而愈惑嘗試論之曰夫

邪之興也豈邪者之所為乎淫之所起也豈淫者之所造乎故閑邪在乎存誠不在善察息淫在乎去華不在茲章絕盜在乎去欲不在嚴刑止訟在乎不高不在善聽故不攻其為也使其無心於為也不害其欲也使其無心於欲也謀之於未兆為之於未始如斯而已矣故竭聖智以治巧偽未若見質素以靜民欲興仁義以敦薄俗未若抱朴以全篤實多巧利以興事用未若寡私欲以息華競故絕司察潛聰明去勸進翦華譽棄巧用賤寶貨唯在使民愛欲不生不在攻其為邪也故見素朴以絕聖智寡私欲以棄巧利皆崇本以息末之謂也夫素朴之道不著而好欲之美不隱雖極聖明以察之竭智慮以攻之巧愈思精偽愈多變攻之彌甚避之彌勤則乃愚智相欺六親相疑朴散真離事有其姦蓋捨本而攻末雖極聖智愈致斯災況術之下此者乎夫鎮之以素朴則無為而自正攻之以聖智則民窮而巧殷故素朴可抱而聖智可棄夫察司之簡則避之亦簡竭其聰明則

迷之亦察簡則害朴寡密則巧偽深矣夫能為至察探幽之術者匪唯聖智哉其為害也豈可記乎故百倍之利未渠多也夫不能辯名則不可與言理不能定名則不可與論實也凡民生於形未有形生於民者也故有此名必有此形有此形必有其分仁不得謂之聖智不得謂之仁則各有其實矣夫察見至微者明之極也探射隱伏者慮之極也能盡極明匪唯聖手能盡極慮匪唯聖智乎校實定名以觀絕聖可無惑矣夫敦朴之德不著而名行之美顯尚則脩其所尚而望其譽脩其所道而冀其利望譽冀利以動其行名彌美而誠愈外利彌重而心愈競父子兄弟懷情失直孝不任誠慈不任實蓋顯名行之所招也愚俗薄而名興行崇仁義愈致斯偽況術之賊此者乎故絕仁棄義以復孝慈未渠弘也夫城高則衝生利興則求深苟存無欲則雖賞而不竊私欲苟行則利愈昏故絕巧棄利代以寡欲盜則無有未足美也夫聖智才之傑也仁義行之大者也巧利用之善也

本苟不存而與此三美害猶如之況術之有利斯以忽素朴乎故古人有歎曰甚矣何物之難悟也既知不聖為不聖未知聖之不聖也既知不仁為不仁未知仁之為不仁也故絕聖而後聖功全棄仁而後仁德厚夫惡強非欲不强也為強則失強也絕仁非欲不仁也為仁則偽成也有其治而乃亂保其安而乃危後其身而身先身先非先身之所能也外其身而身存身存非存身之所為也功不可取美不可用故必取其為功之母而已矣篇云既知其子而必復守其母尋斯理也何往而不暢哉

老子微旨略

卷一

七

真仙直指語錄卷上

海 天秋月道人玄金子集

鼓二

丹陽師父在龍門山重陽會上謂眾曰日用不得欺瞞天地人三才常謹謹行寸陰可惜莫虛度也睡眠亦人之所欲須是減省不得專打坐行住坐卧只要心定皆是道諸公休要起心動念疾搜性命但能澄心遣欲便是神仙別体生疑心此是真實端的言語惟常清靜難行但悟萬緣虛假心自澄欲自遣性自定命自住丹自結仙自做他人不能替得各各用力休太急常道遠自在弟子若不是師父說破不敢認此為妙法今則得効傳與他人諸公但請休疑心常處無為清靜自然之理不發烟火便為得道也又曰十二時辰天道運行輪旋造化還有息否行道之人須象天道亦要十二時中無暫息停住輪旋自己身中造化要常清常靜不起纖毫塵念乃是修行如行持做神仙指日矣苟或虧功失行怎得了達我觀汝輩十二時中未有一箇時辰專心在道將來怎得神仙受了十方供

養如何還得一朝合眼死墮鄴都長劫受苦永無出期我今叮嚀說與汝等如何是道但澄心遣欲萬緣不掛神氣沖和便是道也依此行持不到錯了你每行持不到却不得言掌教真人不是豈不念七祖生前造無邊之業受無極之苦望子孫成道憑天教救拔生天吾稽首門下弟子自今後不可虛度耐久不違抱道而歸此所謂願也

又曰薄滋味所以養氣去真惡所以養性處汗辱卑下所以養德守清靜所以養道名不係於簿籍心不在於世此所以出人之殼與天為徒

又曰專一學道人人可得人仙不同世俗進取有點落也但清靜無為最為上乘省力又曰道人要妙不過養氣夫人汨沒於利名往往消耗其氣學道者別無他事只在至清至靜順神養氣而已心液下降腎氣上升至於脾念絕想神自靈丹自結仙自做若行不得挾泰山起北海非道也又曰夫道者但清靜無為道遠自在不際不

著十二時中但能行徹必不誤爾

又曰氣難住迅若奔馬惟靜可以御之當先去其外黨若在衆人中如在深山谷裏方是道人若不到無心田地難以制御

又曰守清靜恬淡所以養道處行辱卑下所以養德去嗔怒滅無明所以養性節飲食薄

滋味所以養氣然後性定則情志形虛則氣運心死則神活陽盛則陰衰此自然之理也

又曰道者行住坐卧不可須臾不在道行則措足於坦途住則凝神於太虛坐則調息於

綿綿卧則沉神於幽谷久久無有間斷終日如愚

又曰每日只要頭頭無事萬緣都放下六門

下不入少語言不著一物十二時中常要不昧減省睡眠一齊放下雖是六門只是一箇

主人常常無物便是補也

又曰初學入道之人截自今日已往俗事不掛心專心至志始終如一切莫中路而廢之若有毫末不除則道不固已往之事不可思未來事不可念且據日前爲見在便是無事

之人兒女情多烟霞志少則非學道者也

又曰汝等聽予言不可忘內日用外日用外日用大忌見他人過自誇己德妬賢嫉能起無明俗念欲心種種之過內日用真清真靜

不染不著調氣養神道遠自在暗積功行不求人知惟望天察詩曰大道人情遠無爲妙

本基世間無愛物煩惱不相隨

又曰清靜者清謂清其心源靜謂靜其氣海心源清則外物不能撓性定而神明氣海靜

則邪欲不能作精全而腹實故澄心如澄水萬物自鑑養氣如護嬰兒莫令有損氣透則神靈神靈則氣變此清靜所到也

又曰無爲者不可思慮愛念嗔恚蓋積利害其間雖有爲而常無爲難涉事而常無事何

況專一清心靜意養氣全神飄飄然遊於道

還之場適於無何有之鄉也

又曰人若行有心有爲之功盡是術法若行無心無爲之功乃無盡清虛也

又曰酒爲亂性之漿肉爲斷命之物直須不喫爲上酒肉犯之愆猶可恕若犯色欲罪不

容誅盖色之害人甚於狼虎敗人美行損人善事亡精滅神至於損軀故爲道人之大孽也

又曰大道以無心爲體忘言爲用柔弱爲本清靜爲基若施於心身節飲食絕思慮靜生

以調息安然以養氣心不馳則性定形不勞

則精全神不擾則丹結然後滅情於虛寧神於極可謂不出戶而妙道得矣自古神仙不

敢跳過澄湛二字乃妙言也經云澄其心而神自清修行之人多言澄心不識澄心之理

如何是澄心之理只要一念不生性體真空杳然湛然似天澄虛不別是真澄心也無心

可澄是名澄心且夫靈源妙覺本來清靜因爲萬塵汙其定水塵多則水濁心多則性暗

所以澄心損事其水自清其性自明澄光淺者動則塵生澄光深者縱有風浪動搖其水

不渾譬喻人之功夫大小學道不貴實功實行不驗自己清濁多將古人言句爲用便說

本來無修無證且道性雖無修無證塵心日要損消到忘心忘性方契無修無證故道德

經云為道日損損之又損以至於無為是也自古學道之人體到實際真空得無心真定纔說自然且道如何是體空處夫體空者心體念滅絕盡毫思內無所知外無所覺內外俱寂色空雙泯目視其色不著於色耳聽其聲非聞於聲故聲色不能入者自然攝性歸性混合杳冥化為一點靈光內外圓融到此處方契自然體空之道也夫自然體空者若有所體即是所不體若無所體即無所不體豈不聞學仙記曰殊不知至道之極昏昏默默無門無旁四達皇皇若有所在即有所不在若無所在即無所不在

又云身不勞而功不大行不廣而心不死或於教門用力大起塵勞或於心地下功全拋世事此兩者於道最上然既出家心却未死中間不可虛費光陰積功累行一志無私至死不退回教而忘休生妄想師祖云任從天斷是也

師在華亭曰道者何物即氣便是根元豈不知鼻中出者是也又曰夫道但務清靜無為

道還自在不滌不著此十二字若能交臂得破便做箇徹情道人但信老人言行之自當有益必不誤爾諸年少

又曰師在縣西高馬從仁庵高唱縱日消萬兩黃金止好籠衣淡飯言去歲過關外聞人誦此語喜其有理故記之

師曰清靜經云人能常清靜天地悉皆歸言天地者非指外覆載之天地也蓋指身中之天地人之身以上為天以下為地若天氣降地脉通上下沖和真氣自固矣

又曰儒家云以德報德以直報怨晉真人云以信結交以恩復讎可以至矣

又曰無心者非同猶狗木石蠢然無心也務在存心於清靜之域而無邪心也故俗人無清靜之心道人無塵垢之心非所謂俱無心而與木石猶狗一般也

又曰不生不滅見如來悟了之時免却再投胎丘君曰此乃出陰神若到天庭忽有天花飛方出陽神此乃初地也

龔道昇問曰湛然常寂如何師曰將來和湛

然都不用

子清風問曰弟子修行數年道眼不明心地不靈何也師曰別無他事行道不精爾

師曰學道者不須廣看經書亂人心思妨人道業若河上公註道德經金陵子註陰符經時看亦不妨也不如一切不讀皆虛都地養氣最為上乘

又曰身中之氣不可散心中之神不可昧或問曰何由得氣不散師曰身無為又問何由得神不昧師曰心無事

師曰張潤子有一句甚好每道往來但要照顧潤身之寶師自笑曰他開鋪席話却勸別人

又云詩曰深藏白雪非為貴廣種黃芽不屬貧欲要養氣全神須當屏蓋萬緣表裏清靜綿綿固守用之不勤三年不漏下丹結六年不漏中丹結九年不漏大丹結圓備是九轉丹成亦名三千功滿

又十勸云一不得犯國法二見教門人須當先作禮一切男女如同父母以至六道輪迴

皆父母也三斷酒色財氣是非人我四除憂
愁思慮攀緣愛念如有一念纔起速當撥之
十二時中常搜已過稍覺偏頗即當改正五
過寵若驚不得詐作好人受人供養六戒無
明業火常行忍辱以恩復讎與萬物無私七
慎言語節飲食薄滋味棄榮華絕憎愛八不
得學奇異怪事常行本分只要吃化為生真
惹纖毫塵勞九居庵不過三間道伴不過三
人如有疾病各相扶持爾死我埋我死爾埋
或有見不到處遮相指教不得生異心十不
得起勝心常行方便損己利他雖居暗室如
對聖賢清貧柔弱恭順於人隨緣度日絕盡
貪嗔道遠自在志在修行始終如一慎勿怠
惰心清無為是真意淨無惡是善養氣金神
常起慈悲暗積功行不求人知惟望天察

長真譚先生示門人語錄

凡人輪迴生死不停只為有心德山云心生
則種種法生心滅則種種法滅若一念不生
則脫生死何為有心蓋緣衆生貪嗔癡三毒
孽無明心火師云跳出三山口是也所以悟

人修行割情棄愛權強剋降伏除滅衆生
不善心要見父母未生時真性本來面目是
也何為不善心一切境上起無明慳貪嫉妬
財色心種種計較意念生滅不停被此業障
舊來熱境朦昧真源不得解脫要除滅盡即

見自性如何名見自性十二時中念念清靜
不被一切舊愛境界朦昧真源常如虛空道
遠自在自然神氣交結沖和修行如了此一
事更有何生死可怖更有何罪業可懼如稍
生一念不為清靜即是罣礙不名自在如何
到得只要諸公一志如山不動不搖向前去
逢大魔盡此一身未無迴顧前期必了晉真
人云心清意靜天堂路意亂心荒地獄門

長生劉真人語錄

心上通得一物出得一物穀通得萬物出得
萬物穀證得虛無之道若不通便處無為心
名頑空既為聖賢天下皆知
太上云能乞食者是吾弟子乞中有益衆人
恩身不自在曠劫以來販骨如山心猿未曾
暫歇業消盡見功也自覺氣和神定得自然

真常之道也若執一卷經做修行然亦未
是欲要心無碍千經萬論都要通却不得執
著心神明都照破也道為無形無影往往人
多疑有始有終若心上無私常清靜做徹便
是道人只清靜兩字都包了太上云吾尚自
頭白誰能形完全身屬萬物之數怎生憑假
身要長生不死有形則有壞無形則無壞心
悟則邪欲不生心慧則常照不滅元神自見
然後保命長存三才虛無混而歸一成自然
之功

又云修行人如神氣相見得做神仙問衆曰
如何得神氣相見衆人各說異端俱不達理
師言要明萬法出得萬物之殼一分塵盡則
明一分道十分塵盡則明十分道如塵心絕
盡則可全於性色心絕盡則可全於命無明
心盡則可保於沖和修行人十二時中只要
內搜已過方可得神氣內安神氣安則為真
功不見他人非則為真行天長地久入道多
年內養精氣精氣盈則神思氣氣思神自然
神氣相見如水土和為泥造成器物若未經

真火煅煉土再見水復化為泥也如經真火煅煉成器則不壞矣如磚瓦曾經火煉亦可千年不壞何況性命煉成至寶

長春丘真人寄西州道友書

大抵修真慕道須憑積行累功若不苦志虔心難以超凡入聖或於教門用力大起塵勞或於心地下功全拋世事但克己存心於道皆為致福之基然道包天地其大難量小善小功卒難見劫所以道利那悟道須憑長劫煉磨頓悟一心必假圓修萬行今世之悟道宿世之有功也而不知宿世之因只見年深苦志不見成功以為塵勞虛誕即生退息甚可惜也殊不知坐卧住行心存於道雖然心地未開時刻之間皆有陰功積累功之未足則道之不全如人有大寶明珠價直百萬我欲買之而錢雖未足須日夜經營勤用儉求積聚財物或三千五千或三萬五萬錢數未足而寶珠未得其積聚錢物應急且得使用耳比於貧窶之家雲泥有隔積功累行者無然雖未得道其善根深重今世後世聖賢提

挈方之無宿根者不亦遠哉惟患人心退息聖賢不能度脫若不退息今世來世累世提挈直至了達耳我無宿骨雖過明師萬苦千辛至今未了丹陽長真皆是宿緣則十年五載之間天外飛騰自在我雖未了所受艱難亦與常人異耳祖師云無為道者先捨家而後捨身病即教他病死即教他死至死一著抱道而亡任從天斷斯為至言學者其審之又曰汝等又不端的做修行更不打此塵勞如何消得十方飲膳若有福出家左右退不得若無福出家宛宛轉轉須教退了不能成就

就

于清風曰一意不離方寸如何師曰此真空也難言難說待爾心上除了一分功除了十分有十分功除了九千九百九分只有一分不除不名清淨直須除盡聖賢向汝心上校勘自有真師來度

又曰天真皇人云煉神煉氣煉形三件都行了為天官火官陽也息者風也以風吹火久煉形神俱妙是也古人曰初念住二息住三

脈住四滅盡入手大定與物不交七百年老古錘也妙哉妙哉塵勞見後若做些小亦是外行不可尋他不可避他雖是應物亦不著他

又曰悟道之人如農家之積粟自一合至萬石又如世人之積財自一文至萬貫如此惜氣不損則積氣自神矣

又曰性體虛空方於正念清風曰若不到真空陽神難出師曰未到真空陰神亦出不得難處做過乃功行耳清風曰淨處做好丘曰鬧處做更好汝等後生但守歲月無降色心我下七年苦志比他人七世功夫

姚真人問漏如何丘曰若體到真清真靜自然不漏劉道堅問修行內腎熱而心涼滿身發熱如何丘曰聖賢提挈過也後來眼裏見者耳裏聞者不得執著又曰空中只見人頭落乃金丹就也

又問胡城王出家幾年答曰三年也爾不識字休學文亂了修心且發三五年若志莫言是非且搜已過休起無明休愛華嚴絕盡貪

嗔屏除色欲瀟瀟洒洒便是道人

又曰神定氣和乃是見性也但瑩淨與月無異若人問有象以無象答之若問無象以有象答之若有無相參玄之又玄又曰功虧行少只得歸蓬島五百年後再來人世積功天

上功行難積人世功行易積上士得道超三界外不居蓬島

或問曰修行在志提挈在聖賢師答云全在

志若無志聖賢如何提挈又問如何是志師

云勿令念起乃志也又曰初做道人下七八

年苦志不退雜念不生莫忘初志旋添決烈

遇魔不妨聖賢暗中照顧不肯壞了修行人

又問內外日用丘曰捨己從人克己復禮乃

外日用饒人忍辱絕盡思慮物心休乃內

日用次日又問內外日用丘曰先人後己以

己方人乃外日用清靜做修行乃內日用又

曰常令一心澄湛十二時中時時覺悟性上

不昧心定氣和乃真內日用修仁蘊德苦己

利他乃真外日用

又云耳裏聞的眼裏見底皆不得執著在意

修行聖賢暗中提挈若人每到神定氣和之間覺內腎熱熏蒸四大一兩時方散有山水日月之象又曰我等三次撞透天門日月自別直下看森羅萬象言訖而悔謂曰不可看他

又曰有一等道人丹田搬運亦是下等門戶

爾乃教初根小器人若性到虛空豁達靈明

乃是大道此處好下手決要端的工夫

有人問調息綿綿如何丘曰但令如龜喘息

乃是道人活計不可著他古人云神水不離

身華池日日新若能常得飲便是大羅人

又舉馬師父在日有人參住世延年忽空中

人言汝等小器耳禪家言清靜兩箇字是兩

單糞土色身元有限情欲浩無涯癡似蜂貪

蜜狂如蝶戀花丹陽真人曰即業根深重業

深不盡道可冀耶又有房中採戰之術耗亂

精神敗德惑衆名標鬼錄跡墮鄴都也經云

長生至慎房中急胡爲死作令神泣世人恣

情貪欲者身雖未死而神已泣矣中牟白沙

鎮有趙三公人問養生之道答曰生爾處乃

殺爾處此乃至言也經云人能常清靜天地悉皆歸蓋清靜則氣和氣和則神王神王則是修仙之本本立而道生矣此爲內功亦假外生仙道真實人道貴華仙道人情直相返爾諸惡可戒諸善可修萬行周圓一身清潔

終身未效不生退念抱道而亡不虧志節大

抵外修福行內固精神內外功深則仙階可

進洞天可遊矣古今成道者皆福慧相須慧

爲燈火福爲油燈火無油則不明慧性無福

則不王故達士寧損其身不損其福世之人

雖天資明敏學海汪洋若福行未加則終不

能探其道元之妙古今得道聖賢道通爲一

福則有異外功大者仙位之高外行卑者階

居其下古以天上聖賢惡行之未廣則重下

人間以償疇昔人間濁惡難修而功疾天上

清高易處而功緩軒轅久居天上因議大行

落在人間先世爲民再世爲臣三世爲君濟

物利生功成乃仙去爾至於冥府亦類人間

寸地尺天皆有所轄凡爲主者悉是在世有

功之人大定初年之間隴州一宦族李原通

安貧樂道一日自言為吳山縣土地又解州平陸縣李得和與眾結靈寶會祭祀亡魂有善功忽夜夢青衣自空而降賚天書開示曰授中條山土地李公曰一生好道不得下仙而止授此職耶仙童曰三載職滿別陞福地仙官爾隴州汧陽縣張三郎死而復生為吳山縣翟家男稍能言即說張家事張即求之

暫還既見家中老幼辨之莫差張埋錢一窖曾無知者直指其處又言其宿世曾為一雀觸網而死再世為犬齧麪為一婦刀斫而死

三世為羊長子宰之祭神四世為翟家子翟貧張富翟嘗借九兩絲於張氏既還而未勾其曆張使重還由此債宿債又磁州道者李道明曾寄沂水縣諸吳村庵舍當出家之始落魄不羈沉酒酒杯酒忽夜夢人追往官府庭

立數具鐵枷有孔無縫前一人跪鞠使叱吏枷之左右乃撻首長細僅入枷孔復以手按圓大枷不可脫李拜跪哀訴無罪鞠使言汝既修行尚爾縱欲耽飲手遂釋之出門即化為為飛翔于海顧盼哀戚曰胡為化此類耶

天長海闊力困而下墮於水上颯然驚悟汗流徧體然則人之為異類異類之為人或神有此明而物乃目擊之事也經云人身難得中土難生假使待生正法難過既為人而生中國又逢正法尚千萬人中無一二皈依向慕者況蠻夷外國道化不行者乎

郝太古真人語

既是出家須要忘憂絕慮知足常足一日二升之糧積之何用一年端布之裝身外何求一日之閑一日之仙道沖而無欲神定而氣和為造化之根源窮陰陽之返復道不遠人

人自遠道日月不速人自速之勇猛剛強不肯而低心而下意遊歷他方不如獨坐而守道浮名浮利不如道遙而寂淡飽食珍羞不如糲飯而塞肚羅綺盈箱不如麤衣而遮體

榮華宴樂不如超然而守靜當春登臺不如安閑而有素非義得財不如貧窮而自樂口能辯論不如終日以無言說古談今不如抱元而守一多技多能不如絕學以守拙常懷舊怨不如洗心而悔過道氣綿綿行之得仙

得意忘言出入消消太虛妙本得魚忘筌牢拴意馬壓定心猿守拙而萬物皆成守道而千祥自降也

又曰日用者靜處煉氣鬧處煉神行住坐卧皆是道也晝夜見前須要不昧若睡了一時無了一時日日有功無賺千日功夫了也勿信他人言有宿骨也

又曰修真之士若不降心雖出家多年無有是處為不見性既不見性豈能養命性命不備安得成真何為如此緣有心病也第一心病見他通達性命之理自己欲參不肯低下

他人不肯說心生怨謗第二心病他人有緣不自己無復不能化人生善徒生惡念損人道緣第三心病見他人看經書自己不通而生謗心此等之人未不得大智慧天眼自

昧之徒也第四心病緣未起行而強起緣動眾擾亂他人是不良之人也第五心病是心不足反致心亂是不足之人也除此五病低下參訪必得其真未能大靜且守本分未通

大理常看經教未能動人只合守靜稍得薄

緣莫忘性命能如此者進道尅日成聖不能依此者決墮鄴都不得人身披毛帶角未作六畜九玄七祖何日起昇緣汝敗道故也夫七真五祖之語皆演性命之端的後學者多求小法邪徑或用心引氣或數息忘心或運水火交馳或究龍虎會合萬端不可盡錄致使祖師全真之理滅而不顯夫吾道以開通為基以見性為體以養命為用以謙和為德以卑退為行以守分為功久久積成天光內發真氣沖融形神俱妙與道合真今之學者是非利害好惡貪嗔不離於心心既如是性豈能定氣豈能和自然走失去道愈遠矣虛披鶴氅枉玷教門見高明者嫉妬百端見老幼者欺誑百狀有小利處覓縫鑽頭問大道者耳聾眼瞎機心巧詐好佞狂圖不當來出家望做神仙不肯降心恣縱今時情性已作先徒不通經義呼牛作馬不知道理轉黑為白師父開下教門望箇修仙吾今徧觀門人多多造業妖言妖語或作入夢出神蓋觀修堂記師家名姓引著一隊業家婆將著幾

箇憨漢子胡言亂語說誘他人合眼緘唇推心辨道惑昧會首假聰明強知解只知說是說非不知罪福不思辨道縱頑心而不善將來陰司業報看待推誰莫嫌苦口是直言此是修行之良藥欲入吾教先要修心心不外遊自然神定自然氣和氣神既和三田自結三田既結芝草自生要得完備勤謹而行陰德伏鬼陽德伏人二德既備道果立成前輩惺惺李仙咸陽王仙隴西李仙咸都王仙相州趙仙滕州馬仙徐州老仙其姓名甚多皆是豪傑之徒自入道之後低心下意苦心堅志奉師如神敬友如賓口不出戲言身不為詭事守師奉教二三十年以致了達脫形仙去為教門之眼目豈不偉歟今之學者不奉師不敬友見賢則有憎妬之心見愚則有戲弄之意不學好事徒生勝心此等之輩生為教中魔軍死作地獄種子兩枝角或有或無一修尾千定萬定九玄七祖盡遭塗炭冰池有寒冷之苦鑊湯有熱惱之憂劊樹刀山千生萬死莫待臨時悔也

真仙直指語錄卷上

真仙直指語錄卷下

鼓三

海 天秋月道人玄金子集

清和尹真人語

出家人要計較心朝日有多少惡念不則酒色財氣是欲心但從來愛的皆欲念但好一

物須要揆過自然心地容易降伏漸得安穩

人皆言得道甚難若修行人揆過心冷清清

地然易修行不生煙火是非人我功行疾就

說有為者教門用力說無為者萬緣齊斷一

物也無時時刻刻心地下功便是聖賢佑助

若無功行人聖賢不管聖賢教靜處住不

敢動處住聖賢教動處住不能靜處住若不

論前程汗漫過日下稍空休了也但一針一

草皆在聖賢若煉心人有自然衣自然食不

須苦求聖賢暗中幹運既是修行人端的下

功夫聖賢不教錯鼓二

又云凡有名相則有動靜有視聽則有休咎

曰白刃臨頭而不驚怖亦不動心若承當得過者乃聖人之勇也假如煩惱也則死了也但一向歡喜知是自己前世中少的冤債須

要還了

又云自古聖人皆從貧苦得來不自富貴中

出凡人清貧者學道易降心鍊魔若富貴者

學道則淫欲心多勝心大自自然萬兩金易銷

得若不動心不貪不愛不著無心則銷不得

大凡人成則忻忻敗則憾憾若此兩者戲若

平等便是了心地人也

又云玉陽大師主教有人參口訣大師曰齊

修萬行真口訣聚神一氣撞三關到長春真

人掌教更別但人要傳道只要外積陰德內

固精神更待說甚麼

又云修行人行到是處行也得道坐也得道

坐卧行住皆得道全要福但舉好心自然易

積福福廣道自應若供養他人亦合道事功

奪福打勤勞亦合道先人後己亦合道苦已

利他遠情去欲亦合道但常用好心便合道

只為人不肯依但遇箇境觸著早昧了怎得道應也

又云丹陽師父曾言殺一百牛不大殺一人殺傷一百人不大錯指一修行人

又云箇箇只要俺說玄妙玄妙不可說要自

悟雖然說得不行也不濟事修行人非一世

得了得了道者皆宿世有功修行人但依師

家教言直言語錄做修行不錯了打塵勞亦

是功接待亦是功降心亦是功除情去欲者

經亦是功但有益處做皆有功行然今世功

行未圓來世後世聖賢接引丹陽師父與祖

師三世曾為伴十世做修行但出頭來便悟

正教累世積功累行方可今世了達其餘師

家亦然

又云修行人做事金要肯心承順便有功行

但積功行自心不知暗中聖賢積累但有益

處做自有功行事到頭來全在頭上要辨

別自有功行若不承當怎得有功修行人若

有妄心要求行求行難有皆是無心而得但

有益處舉心自有功行暗中聖賢不錯不能

見喻如做塵勞常常亦要體道休要暗了怎

麼做便得功行或因爭箇鏤子便又爭箇杖子便競又早生煙發火折證是非怎得有功若修行人苦已利他好物教人使用多物自

已承當但苦處重處難處自己先做功行最大便是有道心的人人說要傳道道本無傳但說傳道便是怪人參的人亦是怪人

又曰萬物中惟人最靈最貴却有千生萬死喻如眼中觀物為無正主性著於物是物上

生心謂之生又耳內聞聲性却逐聲聲上生物上却滅又鼻聞香性著香氣香上生聲上却滅又舌嘗味性著甘甜味上生聞香處却滅身好衣袂衣袂上生甘味上却滅意好思慮思慮上生衣袂上却滅但舉一念處為生

絕一念處為滅一日十二時中無功夫人心上千頭萬緒繫繫其心便是千生萬死也若要絕生滅但舉一念先用覺照照破萬緣盡是虛假方可物境不能染住久久行持覺照亦忘心上自清靜清靜生無為無為自然合

大道矣

又曰師父長春真人轉展苦志鍊魔惟恐無功於山上往來搬石鍊睡只為福小不能心定自後當過二者死魔一番淨身自險死一番飛石打折三根肋股又險死在後屢會病

魔撲折三番臂膊恁般魔障不動心越生苦志但修行人若有志越有魔無志則無魔當過一番魔添一重福但魔一番心上明一番性靈一編

又云山東有張先生坐環至數載間坐次見

面前落下麻槽一莖此上顧至三番五番只不顧忽一日從承塵上落下一箇人面前立地長出一口氣張先生疑身外身遂出環來直詣長春師父處問參疑心見師父禮拜訖當面跪膝欲言環中的境界師父早知言修

行人若下功但眼裏見的都不可認見師父也不是見佛也不是見神也不是見鬼也不是見人也不是見龍也不是見虎也不是見一切天上星辰也不是見地下一切禽獸也不是張先生尚有疑心只認為身外身又再問長生師父言上件見的境件長生師父問

曰你參丘哥道的言語便是若修行人有境界但愛着他便是那一切境物中只要不深不著功夫到道自應便休疑心張乃禮謝又云出家人箇箇要參訪玄妙每日一箇都

不行換教性兒敦厚朴實鍊魔心地便是妙若起一念見要知覺念念覺回一念不生是妙人愛處要不愛是妙人聞處要不聞是妙人說古今與廢處要不說是妙不言是非長短是妙不爭人我是妙不競利名是妙若己

利益他人是妙不犯酒色財氣是妙忘了憂愁思慮是妙說俗語處不說是妙不起攀緣愛戀心是妙未絕生烟發火心是妙斷了取譚著浮心是妙但有一切舊愛境界換過不犯是妙若依得此妙便是微妙玄通便是通

玄達妙便能通天徹地感動聖賢神氣沖和便是達道之人除外更有甚麼若依得此玄妙何須別參人只道更有玄妙便要做神仙若是此當來這幾箇師家於祖師處只傳玄妙便道何須受了千辛萬苦鍊魔心地十二年積累功行既做修行要實行方可圓成

又云出家人但進前程休要疑心若有疑心的人難進假似出家十年五載之間曾坐坐靜也曾起立因緣也曾接待也曾乞飯也曾鍊睡也曾住山種種皆曾為之因為不見應

効便生退志自言與俗何異只此便是疑心如何進得雖然無應驗一志前程更休退怠直至終年盡心盡命合作福合結緣處結緣常休縱放身心暗中積功累行聖賢提掣又云三毒者是人貪嗔癡也貪嗔癡自欲而起

三欲者食欲睡欲色欲三欲既深六賊侵害經云九竅之邪在乎三要轉迴販骨皆為三尸六賊既為道人須要捩過三欲三欲既迴六賊三尸自易降伏若非剛烈不能斷決直須著力翦除

又云一切有為運行氣候說些功法都是伎倆但有所學皆可棄惟文書不可棄文書只是箇照道兒為人心上未明如天地昏暗夜不能行須要燈燭若天地明朗舉目直造經者徑也是為人開徑路既心地開悟文書亦不用若帶著亦不是及教門中一切緣事亦不可著但有所著不能造道如今修行人為疑心多下一徧志生一徧疑心則是福小若下志不了道與不下志的一般乾受苦雖受苦有教下志的人有頭畔有盡頭却有再悟

不下志的人沒頭畔不能再返人只要問玄妙却不窮究入玄妙的頭末見怎生入去須要苦己利他低下柔弱迤漸習成

又云坐圓的若膽得一二十人自己可以錯得閑受用若膽不得眾人自己飯也難消化飯的若不於難處一匙半匙求覓却於成熟易得處喫來飽又不降心成群作隊任自飄蓬閑過日月亦不濟事這閑煞難消世上人無一箇敢閑的須要幹運營生日月也不閑晝夜須走一遭這閑受人供養煞不小事

又云道人平等心也不得皆有憎愛有寵辱有情欲順之則喜逆之則嗔若到無心地分須要有主宰如沒主人不知覺透入別殼人皆要得道你試勘十二時中一箇時辰是八刻心還肯定麼休得瞞心做事如不瞞心便是道人大道易知而難行說怕難片時了須要心地下功全拋世事即今乞化道人粧無心却皆談話講是非看經教論些假無心聖賢不佑護一箇境界來早打不過成風魔疾病死了的多皆為沒福若起因緣接待教門

用力積得福多聖賢提掣

又云昔日師家得道各有時馬師父半路裏得譚師父半路裏得劉師父勾欄裏得人皆言得道通天徹地亦有不通處為功行不同各有階基上得一重天一重較別見不到處聖賢提掣

又云如今道人住好庵觀引度門人受人供養早道有福是濁福有盡心清意靜若有一時安閑是清福無盡打塵勞是大功降心是大功亦不可塵勞為是如逐日塵勞畢尋箇

靜處坐去心上做工夫然不到是處天長地久心上漸得安閑即今誰肯降心都縱心做事如人毀斥打罵盡是送福如人道好稱揚自己盡是要福經云知空不空知色不色名為照了乃陽也但心定行住坐卧皆是行道如心定有為也是無為也是如心不定處有為也不是無為也不是又云清靜經是人修行之要妙若以有相解之入去不得若以有為解之亦入去不得若以無相求之便入去得言說不得處是大道

最爲上乘人無心是第一著若與心相競費力以法治心有爲之法以道治國治身乃無爲之道也

又云修行人不喫著好的更不生烟發火是積福如要好的喫著更生烟發火辯證是非

動人心是散福如將自己錢物都使了若衆人羨愛與本人增福福廣則安和也夫三欲者食欲睡欲色欲之中食欲爲根喫得飽則昏睡多起色心止可喫二三分飯氣候自然順當也俺在東州時少的先生三百衆後逢官魔留得三箇如今年少的多有一志不退都是有福的

又經云心是根法是塵兩種猶如鏡上痕塵垢盡時光始現心法相悟即真人只言坐是道假如身坐心被物轉了至如打塵勞轉運早不如心定行住坐卧皆是道只要心不動世人譬如一箇鏡子兩箇耳一箇嘴見權將使用或一日打破復入鑪中鍊成金汁匠手隨模鑄成器物你此時怎言我是鏡子若一日眼光落地望後世再得人身做汝難若不

降心喫一齋消不得若心清意靜不動天下人供養也消得

又云長春師父言觀那幾箇師家福慧相貌皆勝自己遂發心下三年志要鍊心如寒灰下十年志心上越整理不下自知福小再加

志著一對麻鞋繫了却解解了却繫每夜走至十七八遭不教昏了性子後習至五十日不動心真心常明便似箇水晶塔子或一日却倒了更起念師父啼哭自是福淺後長安統軍請齋至夜走失三番師父自知福小不能了道經天魔又五帝大魔飛石打折三根肋肢亦不動心後至聖賢闕空中人言你二月十五日得道至十一日早別通天徹地觀見天地山河如同指掌

又云俺曾計較一日十二時中初時八箇時辰不教昏後至九箇時辰外有兩箇時辰須當不過不敢放今自在昏些少德般過日月自後七八日全不合眼只喫二三分飯雖煉睡亦煉心若不煉心不濟事馬師父云稍令自在神丹靈畧放寬容玉性枯

又云馬師父云仙有四等鬼仙人地仙神仙皆有宿緣如去後或居十洲三島名山洞府隨功行安排功大者升爲天官功小者或五六百年二三十年再來人世上積功累行便無功行一志清靜到頭亦有歸止處布施供養結緣造福有爲功德乃得人天之果却輪轉也

又曰修行人有言無罪福的若十二時中不起凡心方可無罪福有爲者但有微行不可積無者但心上有米顆來塵事速當掃除心若不動則神定神定則氣和三年不漏下丹結六年不漏中丹結亦在人九年不漏大丹結無福不能成

真人云俺初在家見天下人過修行人有大忌見他過莫爲他人和自己壞了一切萬事皆是數須要般般放下有大過者有不及者聰明人多馳騁可以伏藏淳朴人多執著可以迴轉凡修行之功行更是穩坐昔日坐環先生一日十二時中不敢放今自在如囚人一般如別人言自己要不不言別人是非自己

要不是非別人觀色自己要不觀色須要般般打破此乃是最上乘一著至如粧點假無心也勝如有心的學道假除假修真空煉空本源歸一處明月與清風又云飽語世事慵開口會盡人間只點頭若是更和頭不點也無煩惱也無愁

又云師默念經不吹火恐損神氣參聖學西南上卑位坐則爭近下容易處都依得繞觸著又早生烟發火叫喚却不損神氣

修行人為不養父母更不為國家用力乃無用之人消他天地間有用之物不得因此麻衣紙襖乞化殘餘食用世間無用之物便不了道亦沒罪業若受人供養如不了道須索還他口債如人氣力盡行不得若相救助者是一功一行更不動心守道三年聖賢盡知修行人若沒心易過日功行都有也人則為心靜處却思鬧處鬧處却思靜處俸當時終日忘言人道倦高做若求富貴與人爭名利的人則是高傲倦終日忘言而守道心上清靜的人如伯夷叔齊許由巢父一般便無功

行也好倦持一志清貧教門事大

修行人打熬睡眠若物上心肯休歇更事又不愛飯食減少心上輕快自然睡少容易打熬便又些少昏也不妨事若物頭頭愛著更要好的吃著不減飯食推在這相也睡推在那相也睡便坐些也不濟事如不睡是志往前有進境界別也有一等人言你坐箇甚是捏怪為他進不得是沒道心

古人云禽死因毛翠龜亡為殼靈不如無用物安穩過平生

又云夫嬰兒之始生受得一點靈光本無罪福無喜怒無寵辱無是非被先有之人教得爭高競下是非人我便是昧了得悟之人除去情欲返朴還淳一志保護真氣靈光心於存道雖然無功行來往性作箇靈明之神又云性要養成容易養多則功多養少則功少如何是養只要不動心修行人若識心見性易過日如不識心見性逐日心上煞受苦修行人不論心地却論甚麼最為上根人行的為人不悟不行聖賢慈悲恐隨了人教打

勤勞接待供養苦已利他柔弱低下不教空

過日積德作福福廣則自然心地安和也丹陽師父為慈悲上直指人心地功全拋世事此最上根人行的修行人都有初志十年之外都縱心向有中尋有尋不著向空中尋又尋不著但降心有始有終更待尋箇甚麼大凡性兒在腳頭上脚上無見眼前的不見眼後的一性徧滿十方一體同觀若著的盡是邊徽要活潑潑地三年不漏下丹結日有光明六年不漏中丹結出得陽神九年不漏大丹結飛騰自在皆不出寂滅性性中隨飲啄六般神用空不空又云豁達空撥因果莽莽蕩蕩招殃禍棄有著無病亦然猶如避溺而入火

凡打塵勞須消了逐日飲膳如不打塵勞更不降心欠下口債如搖不動修心煉性暗積功行柔弱低下亦然如用心打塵勞要福設如化飯要辦道設修行人見人布施惟喜見人將自己財帛煩惱那是逐日降煉性處自己幻身尚不屬我惟一點兒真性是自己

的如有緣行緣如無緣坐地養道去釋典云
六般神用空不空一顆圓明色非色人為六
根妄動而不能神六根者眼不妄視耳不妄
聽鼻不妄聞香臭舌不妄嗜滋味身不妄貪
細滑意不妄遊思慮一心不動物物頭頭左
右護持不傷自己真性人為六處走失把捉
不住若不走失則神聚神聚則氣聚氣聚則
命自保能成大丹

○關人心閑最好道心堅固打塵勞一志盡心
一同化飯一志盡心亦同作道士一志盡心
亦同只為心有千差萬別教人接待為心好
則有福積儻稻糧教過往人喫種此蔬菜教
過往人喫我幾箇樹樹下教過往人歇則是
儻福亦不如希心養道為難行教人接待接
待亦好昔日大都裏有箇菜園陳也說不得
玄妙也看不得經書也無私無典師父曾提
掣上天

真仙直指語錄卷下

群仙要語纂集上

鼓四

運初道人董謹醉編

日用訣

夫日用者飲食則定禁口端坐莫起一念萬
事俱忘存神定意眼不視物耳不聽聲一心
內守調息綿綿漸漸呼出莫教間斷似有如
無自然心火下降腎水上昇口裏生津靈真
附體得至長生之路也十二時中常要清靜
一念不起謂之清靈臺無物謂之淨身是氣
之宅心是神之舍意行則神行神行則氣散
神聚則五行真氣結成刀圭自然身中有身
冲和氣透醍醐灌頂行住坐卧常覺身體如
風之行腸中如雷之鳴耳聽仙音無絃之曲
不言而自聲不鼓而自鳴神氣交結男兒回
轉得觀內景能自言語見虛無之事與聖同
居神自出入天地齊壽脫離生死矣莫教有
損十二時中常要清靜神是氣之子氣是神
之母如雞抱卵存神養氣能無離乎妙哉妙
哉

關尹子節要

關尹子曰非有道不可言不可言即道非有
道不可思不可思即道言之如吹影思之如
鏤塵聖智造迷鬼神不識又曰不知道妄意
卜者如射覆孟高之者曰存金存玉中之者
曰存角存羽早之者曰存瓦存石是乎非是
乎唯置物者知之又曰道終不可得彼可得
者名德不名道道終不可行彼可行者名行
不名道聖人以可得可行者所以善吾生以
不可得不可行者所以善吾死又曰一情實
為聖人一情善為賢人一情惡為小一人一情
實者自有之無不可得而示一情善惡者自
無起有不可得而秘一情善惡為有知惟動
物有之一情實為無知普天之下道無不在
又曰一灼之火能燒萬物物亡而火何存一
息之道能冥萬物物亡而道何在又曰吾道
如處暗夫處明者不見暗中一物而處暗者
能見明中區事又曰蓮不問且且不答蓮元
不問石石不答瓦道亦不失問歇答歇一氣
往來道何在又曰一運之象周乎太空自中
而昇為天自中而降為地無有昇而不降無

有降而不昇者為火降者為水欲昇而不能昇者為木欲降而不能降者為金木之為物鑽之得火絞之得水金之為物擊之得火鎔之得水金木者水火之交也水為精為天火為神為地木為魂為人金為魄為物運而巳者為時包而有在者為方惟土終始之又曰天地雖大有色有形有數有方吾有非色非形非數非方而天天地地者存又曰夢中鑑中水中皆有天地存焉欲去夢天地者寢不寐欲去鑑天地者形不照欲去水天地者蓋不汲彼之有無在此不在彼是以聖人不去天地去識又曰天地寓萬物寓我寓道寓苟離乎寓道亦不立又曰行雖至卓不離高下言雖至公不離是非能雖至神不離巧拙貌雖至殊不離妍醜聖人假此以示天下天下冥此乃見聖人又曰道無體以道應世者是事非道道無方以道寓物者是物非道聖人竟不能出道以示人又曰蛆蛆食蛇蛇食蠹蠹食蛆蛆互相食也聖人之言亦然言有無之弊又言非有非無之弊又言去非有

非無之弊言之如引錘然惟善聖者不留一言又曰利害心愈明則親不睦賢愚心愈明則友不交是非心愈明則事不成好醜心愈明則物不契是以聖人渾之又曰聖人以有言有為有思者所以同乎人以未嘗言未嘗為未嘗思者所以異乎人又曰以聖師聖者賢人以賢師聖者聖人蓋以聖師聖者徇跡而忘道以賢師聖者反跡而合道又曰衆人以魄攝魂聖人以魂運魄蓋魄之藏魂俱之魄之游魄因之魂晝寓目魄夜舍肝寓目能見舍肝能夢又曰果之有核必待水土三者具矣然後相生不窮三者不具如大旱大潦大塊皆不足以生物精水神火意土三者本不交惟人以根合之又曰庖人養蟹遺一足几上蟹已羹而遺足尚動是生死者一氣聚散爾不生不死而人橫計曰生死又曰無一心五識並馳心不可一無虛心五行皆具心不可虛無靜心萬化密移心不可靜借能一則二偶之借能虛則實滿之借能靜則動搖之惟聖人能欲萬有於一息無有一物可

役吾之明徹散一息於萬有無一物可關吾之云為又曰流者舟也所以流之者是水非舟運者車也所以運之者是牛非車思者心也所以思之者是意非心不知所以然而然惟不知所以然而然故其來無從其往無在。其來無從其往無在故能與天地本原不古不今又曰是非好醜成敗盈虛造物者運矣皆因私識執之而有於是無遺之猶存以非有非無遺之猶存譬如昔海再到記憶宛然此不可忘不可遺善去識者變識為智變識為智之說汝知之乎曰想如思鬼心慄思盜心怖曰識如認黍為稷認玉為石皆浮游罔象無所底止譬觀奇物生奇物想生奇物識此想此識根不在我譬如今日而已至於來日想識殊未可卜及至來日紛紛想識皆緣有生曰想曰識譬屋望月月影入角因想識生始有月形而彼真月初不在角中見之天地萬物亦然知此說者外不見物內不見情又曰情生於心心生於性情波也心流也性水也來于我者如石火頃以性受之則心

不生物浮浮然又曰賢愚真偽有識者有不識者彼雖有賢愚彼雖有真偽而謂之賢愚真偽者繫我之識知夫皆識所成故雖真者亦偽矣又曰天地雖大能役有形不能役無形陰陽雖妙能役有氣而不能役無氣知夫我之心無氣無形則天地陰陽不能役之又曰人之平日目忽見非常之物者皆精有所結而使之然人之病日目忽見非常之物者皆心中有所歎而使之然苟知吾心能於無中示有則知吾心能於有中示無但不信之自然不神或曰厥識既昏孰能不信我應之曰如捕蛇師心不怖蛇彼雖夢蛇而無怖畏故黃帝曰道無鬼神獨往獨來又曰有人問於我曰爾族何氏何名何字何衣何食何友何僕何琴何書何古何今我時默然不對一字或人叩之不已我不得已應之曰尚自不見我將何爲我所又曰氣之爲物有合有散我之所以行氣者本未嘗合亦未嘗散有合者生有散者死彼未嘗合未嘗散者無生無死者有去來郵常自若又曰因天下之智者

不在智而在愚窮天下之辯者不在辯而在訥服天下之勇者不在勇而在怯又曰少言者不爲人所忌少行者不爲人所短少智者不爲人所勞少能者不爲人所役又曰言某事者甲言利乙言害丙言或利或害丁言俱利俱害必居一于此矣喻道者不言又曰言道者如言夢夫言夢者曰如此金玉如此器皿如此禽獸言者能言之不能取而與之聽者能聞之不能受而得之惟善聽者不泥不辯又曰方術之在天下多矣或尚晦或尚明或尚強或尚弱執之皆事不執之皆道又曰吾道如海有億萬金投之不見有億萬石投之不見有億萬污穢投之不見能運小鰕小魚能運大鯤大鯨合衆水而受之不爲有餘散衆水而分之不爲不足又曰天下之人蓋不可以億兆計人之夢各異夜夜之夢各異有天地有人有物皆思成之蓋不以塵計安知今之天地非有思者乎又曰死胎中者死卵中者亦人亦物天地雖大彼固不知計天地者皆我區識譬如手不觸刃刃不傷人

又曰有時者氣彼非氣者未嘗有晝夜有方者形彼非形者未嘗有南北何謂非氣氣之所自生者如搖篋得風彼未搖時非風之氣彼已搖時即名爲氣何謂非形形之所自生者如鑽木得火彼未鑽時非火之形彼已鑽時即名爲形又曰聖人不異衆人特物不能拘爾又曰在己無居形物自著其動若水其靜若鏡其應若響若乎若亡寂乎若清同焉者和得焉者失未嘗先人而常隨人又曰輕清者魄從魂升重濁者魂從魄降魂魄半之則在人間升魂爲貴降魄爲賤靈魂爲賢屬魄爲愚輕魂爲明重魄爲暗揚魂爲羽銳魄爲毛明魂爲神幽魄爲鬼其形其居其識其好皆以五行契又曰愛爲精觀爲神愛觀雖異皆因識生惟其愛之無識如鑲之交觀之無識如燈之照吾識不萌吾生何有又曰枝芽相生不知其幾萬株天地雖大不能芽空中之枝雌卵相生不知其幾萬禽陰陽雖妙不能卵無雄之雌惟其來于我者皆攝之以一息則變物爲我無物非我所謂五行者執

能變之又曰如桴叩鼓鼓之形者我之有也鼓之聲者我之感也桴已往矣餘聲尚存終亦不存而矣鼓之形如我之精鼓之聲如我之神其餘聲者猶之魂魄知夫倏往忽來則五行之氣我何有焉又曰知夫此身如夢中身隨情所見者可以飛神作我而遊太清知夫此物如夢中物隨情所見者可以凝神作物而駕八荒是道也能見精神而久生能忘精神而超生吸氣以養精如金生水吸風以養神如木生火所以假外以延精神激水以養精精之所以不窮摩火以養神神之所以不窮所以假內以延精神若夫忘精神而起生者吾嘗言之矣又曰計生死者或曰死已有或曰死已無或曰死已亦有亦無或曰當幸者或曰當懼者或曰當任者或曰當超者愈變識情馳騫不已殊不知我之生死如馬之手牛之翼本無有復無無譬如水火雖犯水火不能燒之不能溺之又曰物我交心生兩木摩火生不可謂之在我不可謂之在彼不可謂之非我不可謂之非彼執而彼我之

則愚又曰勿以我心揆彼當以彼心揆彼知此說者可以周事可以行德可以貫道可以交人可以忘我又曰汝見蛇首人身者牛臂魚鱗者鬼形禽翼者汝勿怪此怪不及夢夢怪不及覺有耳有目有手有臂怪尤矣大言不能言大智不能思又曰目自觀目無色耳自聽耳無聲舌自嘗舌無味心自揆心無物衆人逐於外賢人執於內聖人皆偽之又曰人無以無知無為者為無我雖有知有為不害其為無我譬如火也躁動不停未嘗有我○又曰譬如大海能變化億萬蛟魚水一而已我之與物蒼然蔚然在大化中性一而已知夫性一者無人無物無死無生又曰水潛故蘊為五精火飛故達為五臭木茂故華為五色金堅故實為五聲土和故滋為五味其常五其變不可計其物五其雜不可計然則萬物在天地間不可執謂之萬不可執謂之五不可執謂之一不可執謂之非萬不可執謂之非五不可執謂之非一或合之或離之以此必形以此必數以此必氣徒自勞爾物不

知我我不知物又曰鳥獸俄啣俄旬旬俄逃逃草木俄茁茁俄亭亭俄蕭蕭天地不能留聖人不能繫有運者存焉爾有之在彼無之在此鼓不桴則不鳴偶之在彼奇之在此桴不手則不擊又曰均一物也衆人惑其名見物不見道賢人析其理見道不見物聖人合其天不見道不見物一道皆道不執之即道執之即物又曰昔之論道者或曰凝寂或曰邃深或曰澄徹或曰空同或曰晦明慎勿過此而生怖退天下至理竟非言意苟知非言非意在彼微言妙意之上乃契吾說又曰○事有在事言有理道無在道言無理知言無理則言言皆道不知言無理雖執至言為梗為翳又曰人徒知偽得之中有真失殊不知真得之中有真失徒知偽是之中有真非不知真是之中有真非

譚景昇化書

道之委也虛化神神化氣氣化形形化生而萬物所以塞也道之用也形化氣氣化神神化虛虛明而萬物所以通也是以古聖人窮

通塞之端得造化之源忘形以養氣忘氣以養神忘神以養虛虛實相通是謂大同故藏之爲元精用之爲萬靈舍之爲太一放之爲太清是以坎離消長於一身風雲發泄於七竅真氣薰蒸而時無寒暑純陽流注而民無死生是謂神化之道者也且夫當空團塊見塊而不見空粉塊求空見空而不見塊形無妨而人自妨之物無滯而人自滯之龍可以蹈虛空虛空非無也可以實金石金石非有也。有無相通物我相同其生非始其死非終。知此道者形不可得斃神不可得逝稚子弄影不知爲影所弄狂夫侮像不知爲像所侮。化家者不知爲家所化化國者不知爲國所化。化天下者不知爲天下所化虛化神神化氣氣化血血化形形化嬰嬰化童童化老少。化壯壯化老老化死死復化爲虛虛復化爲神神復化爲氣氣復化爲物物化化不間循環之無窮夫萬物非欲生不得不生萬物非欲死不得不死達此理者神可以不化形可以不生木髮者我之形何爪可割而無害髮可

截而無痛蓋營衛所不至也則是我本無害而筋骨爲之害我本無痛而血肉爲之痛所以喜怒非我作哀樂非我動我爲形所殊形爲我所愛達此理者可以出生死之外太上者虛無之神也天地者陰陽之神也人蟲者血肉之神也其同者神其異者形是故形不靈而氣靈氣不靈而聲靈覺不靈而夢靈生不靈而死靈水至清而結冰不清神至明而結形不明冰泮返清形散返明能知真死者可以遊太上之京虛化神神化氣氣化形形氣相乘而成聲耳非聽聲也而聲自投之谷非應響也而響自滿之耳小竅也谷大竅也山潭小谷也天地大谷也一竅鳴而萬竅皆鳴一谷聞而萬谷皆聞聲導氣氣導神神導虛虛含神神含氣氣含聲聲相導相合雖秋蚊之翾翾蒼蠅之營營無所不至也由此知雖絲毫之慮必有所察雖啾啾之言必有所聞惟大人之機天地莫能見陰陽莫能知鬼神莫能窺方咫之木置於地之上使人蹈之而有餘方咫之木置於竿之端使人踞之而不

足非物有大小蓋心有虛實是故冒大暑而撓之愈熱受炙灼而懼者愈痛人無常心物無常性由是知水可使不濕火可使不燥海魚有以蝦爲目者人皆笑之殊不知古人以囊螢爲燈者又不知晝非日之光則不能馳夜非燭之光則有所欺觀傀儡之假而不自疑嗟朋友之逝而不自悲賢與愚莫知惟抱純白養太玄者不入其機鏡非求鑒於物而物自投之索非求包於氣而氣自實之是故鼻以虛受臭耳以虛受聽目以虛受色舌以虛受味所以心同幽冥則物無不受神同虛無則事無不知是以大人奪其機藏其微羽符至怪陰液至奇可以守國可以救時可以坐爲帝王之師天下賢愚營營然笑飛蛾之投夜燭蒼蠅之觸曉憲知往不知還知進不知退而害以就利不知聚利以就害賢於人而不賢於身何賢之謂也博於物而不博於己何博之謂也是以大人利害俱忘何所不藏夫禽獸之於人也何異有巢穴之居有夫婦之配有父子之性有生死之情烏反哺仁

也隼憫胎義也蜂有君禮也羊跪乳智也雉不再接信也孰究其道萬物之中五常百行無所不有也而教之為網罟使之務畋漁且夫焚其巢穴非仁也奪其親愛非義也以斯為享非禮也教民殘暴非智也使萬物懷疑非信也夫羶臭之欲不止殺害之機不已羽毛雖無言必狀我為貪狼之與封豕鱗介雖無知必名我為長鯨之與巨虺也胡為自安焉得不恥吁直疑自古無君子救物而稱義者人不義之行惠而求報者人不報之民之情也讓之則多爭之則少就之則去避之則來與之則輕惜之則奪是故大義無狀大恩無象大義成不知者荷之大恩就不識者報之能歌者不能者聽之能舞者不能者觀之巧者不巧者辨之賢者不賢者任之夫養木者必伐之待士者必死之網之以冠冕鉤之以爵祿若馬駕車輅貴不我得蔬食糟糠肥不我有是以大人道不虛貴德不虛守貧有所倚退有所恃退者非樂寒賤而甘委棄為惡者畏人識必有識者為善者欲人知必有

不知者是故人不識者謂之大惡人不知者謂之至善

吳尊師玄綱論

道者虛無之系造化之根神明之本天地之源其大無外其微無內浩曠無端杳冥無對至幽靡察而大明垂光至靜無心而品物有方混漠無形寂寞無聲萬象以之生五音以之成生者有極成者必虧生生成古今不移此之謂道也德者天地所稟陰陽所資經以五行緯以四時牧之以君訓之以師幽冥動植咸暢其宜澤流無窮羣生不知藉其功惠加無極百姓不知賴其力此之謂德也然則通而生之謂之道道固無名焉著而成之謂之德德固無稱焉嘗試論之曰天地人物靈仙鬼神非道無以立非道無以成生者不知其始成者不見其終探奧索隱窺窺其宗入有之末出無之先莫究其朕謂之自然自然者道德之常天地之綱也右論太虛之先寂寥何有至精感激而真一生焉真一運神而元氣自化元氣者無中之有有

中之無廣不可量微不可測氤氳漸著混茫無倪萬象之端兆朕於此清通澄朗之氣浮而為天濁滯煩昧之氣積而為地平和柔順之氣結而為人倫錯謬剛戾之氣散而為雜類自一氣之所有播萬殊而種分既涉化機連變罔極然則天地人物之形者元氣也受天地人物之靈者神明也故乾坤統天地精魂御人物氣有陰陽之革神無寒暑之變雖牽動糾紛不可勝紀滅而復生終而復始而道德之體神明之心應感不窮未嘗疲於動用之境矣右論

諸章節要

天地不能自有有天地者太極太極不能自運運太極者真精真精自然惟神惟明無祖無宗不始不終含和蘊慈愍俗哀蒙清濁異稟真凡莫同降氣分先聿生人中賢明博達周濟為功為君為長俾物咸通純陽赫赫在于上九天之上無陰也純陰冥冥處于下九地之下無陽也陰陽混蒸而生萬有者正在天地之間故氣象變通晦明有類陽明而正

其粹為真靈陰晦而邪其精為魔魅故稟陽靈而生者為睿哲資陰昧而育者為兇頑陽好生故睿哲者必惠和陰好殺故兇頑者必悖戾或善或否者乃二氣均合而生中人也二者各有所稟而教安施乎教之所施為中人爾何者睿哲不教而自知兇頑雖教而不移此皆受陰陽之純氣也亦猶火可滅不可使之寒冰可消不可使之熱理固然也夫生我者道稟我者神而壽夭留匪由於已何也。以性動為情情返於道故為化機所運不能自持也將超跡於存亡之域棲心於自得之鄉者道可以為師神可以為友何謂其然乎蓋道與神無為而氣自化無慮而物自成入於品彙之中出於生死之表故君子默嗜慈籙聰明視無色聽無聲恬淡純粹體和神清虛夷忘形乃合至精此所謂返我之宗復與道同造化莫能測鬼神莫能知況於人手通於道者雖翱翔宇宙之外而心常寧雖體息毫釐之內而氣自運故心不寧則無以同乎道氣不運則無以存乎形形存道同天地

之德也是以動而不知其動者超乎動者也靜而不知其靜者出乎靜者也超乎動者陽不可得而推出乎靜者陰不可得而移陰陽不能變而沉於萬物乎故不為物所誘者謂之至靜至靜能契於至虛虛極則明明極則瑩瑩極則徹徹者雖天地之廣萬物之殷不能逃方寸之鑑矣夫道包億萬之數而不為大貫秋毫之末而不為小先虛無而不為始後天地而不為終升積陽而不為明淪重陰而不為晦本無神也虛極而神自生本無氣也神運而氣自化氣本無質凝委而成形形本無情動用而虧性形成性動去道彌遠故溺於生死遷於陰陽不能自止非道存而物亡也故道能自無而生有豈不能使有同於無乎有同於無則有不滅矣陰與陽并而人乃生魂為陽神魄為陰靈結胎運氣育體構形然勢不俱全則各返其本故陰勝則陽竭而死陽勝則陰消而仙柔和慈善貞清者陽也剛狠嫉妬淫濁者陰也心澹而虛則陽和襲意燥而怒則陰氣入明此二者陽勝陰伏

長生之漸也道不欲有心有心則真氣不集又不欲苦忘心忘心則客邪來舍故我心不傾則物無不正動念有著則物無不邪邪正之來在我而已故上學之士怠於存念者陰尸勝之也忻於勤純者陽神勝之也一怠一勤者其戰未決也決之者在於克節勵操務違懈怠之意使精專無輟於斯須久於其事者尸銷而神王謂之陽勝陽勝者道其隣乎且夫形動而心靜神凝而跡移者無為也閑居而神擾拱默而心馳者有為也無為則理有為則亂雖無為至易非至明者不可致也夫天地晝亦無為夜亦無為無為則一而理亂有殊何哉晝無為以明故衆陽見而群陰伏夜無為以晦故群陰行而衆陽息是以主明而無為者則忠良進姦佞匿而天下理主暗而有為者則忠良隱姦佞倖而天下亂故達者之無為以慧蔽者之無為以昏慧則通乎道昏則同乎物上學之士時有高與寄傲陶然於自得之鄉謂真仙可接霄漢可升者神之王也雖曰神王猶恐陽和之氣發世陰

邪之氣承襲耳可入靜室夷心抑制所起靜
 默專一則神不散而陽靈全謹無恣其康樂
 之情以致陰邪之來爾若有時躁競煩悖者
 乃形中諸魄為靈之氣所鍊陰尸積滯將散
 擾於絳宮之真可入靜室存一握固候神清
 意平合於虛靜斯亦洗心之一術耳言勿過
 乎行行無愧乎心行之不已則天地愛之神
 明佑之凶橫無由加鬼神不能擾若言清而
 行濁名潔而迹污雖醜蔽於外而心慚於內
 天地疾之神明殛之雖力強於道不可致也
 故寧受人之毀無招天之譴人毀猶可弭天
 譴不可追也道之所至忌者淫殺陰賊此誠
 易戒至於小小喜怒是非可否人之常情甚
 難慎也都不欲有纖芥之事關乎方寸之中
 慮靜神閑則邪氣不能入我志不擾則真人
 為倚好譽而憎毀者賢達之所未免然審已
 無善而獲譽者不祥省躬無疵而獲謗者何
 傷陽之精曰魂與神陰之精曰尸與魄神勝
 則為善尸強則為惡制惡興善則理忘善縱
 惡則亂理久則尸滅而魄鍊亂久則神逝而

魂消尸滅魄鍊者神與形合而為仙神逝魂
 消者尸與魄同而為鬼自然之道也夫目以
 妖艷為華心以聲名為貴身好輕鮮之飾口
 欲珍奇之味耳快美好之音鼻悅芳香之氣
 此六者皆敗德傷性伐其靈根者也故有之
 則宜遠無之不足求惟衣與食人之日用所
 切也亦務道者之一弊耳然當委心任運未
 有不浩其所用且天地之生禽獸也猶覆之
 以羽毛供之以蟲粒而況於人乎必在忘其
 所趣任其自然爾覺與陽合寐與陰并覺多
 則魂強寐久則魄壯魂強者生之徒魄壯者
 死之徒若貪元和徹滋味使神清氣爽至於
 晝夜不寐者善無以加焉人心久任之則浩
 蕩而忘返頹樓之則超躍而無根任之則蔽
 乎我性樓之則勞乎我神使致道者美方而
 靜蓋性本至凝物感而動習動滋久胡能遽
 寧既習動而播遷可習靜而恬晏故善習者
 寂而有裕不善習者煩而無功是以將躁而
 制之以寧將邪而閑之以正將來而抑之以
 捨將濁而澄之以清優哉游哉不欲不營行

於是止於是造次於是道遙於是習此久者
 則物冥於外神鑒於內不思靜而自靜矣故
 履霜為堅冰之始習靜為契道之階古人云
 積習生常其斯之謂歟或問古今學仙者多
 而得道者少何也答曰常人學道者千而知
 道者一知道者千而志道者一志道者千而
 專精者一專精者千而勤久者一是以學者
 衆而成者寡也或曰仙者人之所至美者也
 死者人之至惡者也世人君子罔有不知
 而從俗者至多習仙者至少何也答曰此有
 二理一者所稟之氣非高則所希之志難廣
 故溺於近務忘於遠見為聲色所汨嗜慾所
 昏終熱後於世網竟無蹈於真域二者雖氣
 稟清虛神襟秀邁而濟物之功未備則登仙
 之路猶遠是以遲回人爵未解帝懸耳或曰
 道本無象仙貴有形以有氣無理難長久曷
 若得性遺形之妙乎答曰夫道至虛極也含
 神運氣自無而生有故空洞杳冥者大道無
 形之形也天地日月者大道有形之形也以
 無係有以有含無故乾坤未存仙聖不滅生

者天地之大德也所以示六合之廣三元之明者為吾有形也一從淪化而天地萬物盡非吾有死者人倫之荼毒也是以鍊凡至於仙鍊仙至於真鍊真合於妙合妙同乎神神與道合則道為我身所以升玉京遊金闕能有能無不終不沒何謂理難長久乎若獨以得性為妙不知鍊形為要者所謂清靈善爽之鬼何可與高仙為比哉

群仙要語纂集上

群仙要語纂集下

鼓五

還初道人董謹詳編
虛靖天師心說

夫心者萬法之宗九竅之主生死之本善惡之源與天地而並生為神明之主宰或曰真君以其師長於一體也或曰真常以其越古今而不壞也或曰真如以其寂然而不動也用之則彌滿六虛廢之則莫知其所其大無外則宇宙在其間其細無內則入秋毫之末而不可以象求矣此所謂我之本心而空劫以前本來之自己也然則果何物哉考冥考恍考惚考不可以知知不可以識識強名曰道強名曰神強名曰性強名曰心如此而已由是觀之豈不大哉豈不貴哉然輪迴生死而不能自己者何也盖一念萌動於內六識流轉於外不趨乎善則趨乎惡故有天堂地獄因果之報六道輪迴無有出期可不痛哉可不悲哉若夫達人則不然也故齋戒以誠明其德一真澄湛萬禍消除老子曰致虛極守靜篤萬物並作吾以觀其復夫物芸芸

各歸其根歸根曰靜靜曰復命復命曰常知常曰明不知常妄作凶所謂常者越古今而不壞者是也所謂妄者一念纒起者是也莊子曰既以為物矣欲復歸根不亦難乎在易也其為大人乎自茲以往謹言語節飲食除垢止念靜心守一虛無恬淡寂寞無為收見返聽和光同塵瞥起是病不續是藥不怕念起惟恐覺遲譬如髮朝朝思理有身有心胡不如是行住坐卧勿使須臾離也無何有之鄉華胥氏之國吾其游焉

大道歌

道不遠在身中物即皆空性不空性若不空和氣住氣歸元海善無窮欲得身中神不出莫向靈臺留一物物在心中神不清耗散真精損筋骨神御氣氣留形不須雜術自長生術則易知道難遇縱然遇了不專行所以千人萬人學畢竟終無一二成神若出便收來神返身中氣自回如此朝朝還暮暮自然赤子產真胎

重陽祖師論打坐

凡打坐者非形體端然瞑目合眼謂之打坐此假打坐也十二時辰行住坐卧一切動中心似泰山不搖不動把斷四門眼耳鼻舌口不令內外出者此名真打坐也能如此者雖身處塵世名已列於仙宮不須遠參便是

肉身聖賢三年行滿脫殼登仙一粒丹成神遊八極矣論降心凡降心之道若湛然不動昏昏默默不見萬物杳冥宜不內外無絲毫念想此是定心不可降也若隨境生心顛倒尋頭覓尾此名亂心敗壞道德損失性命不可縱也行住坐卧常勤降心聞見覺知此為病矣論鍊性理性如調琴絃緊則有斷慢則不應緊慢得中則琴可矣又如鑄劍鋼多則折錫多則卷鋼錫得中則劍可矣調鍊真性者體此二法論超三界欲界色界無色界此三界也心忘念慮即超欲界心忘諸境即超色界心不著空即超無色界離此三界神居仙聖之鄉性在玉清之境矣又詩云棄了惺惺學得癡到無為處無不為眼前世事只如此耳畔風雷過不知兩脚任從行處去

一靈常與氣相隨有時四大醺醺醉借問青天我是誰

坐忘銘

常默元氣不傷少思慧燭內光不怒百脉和暢不惱心地清涼不求無諂無曲不執可圓可方不貪便是富貴不苟何懼君王味絕靈泉自降氣定真息自長觸則形斃神遊想則夢離尸殭氣漏形歸厚土念漏神趨鬼鄉心死方得神活魄滅然後魂昌轉物難窮妙理應化不離真常至精潛于恍惚大象混於渺茫造化若知規矩鬼神莫測行藏不飲不食不寐是謂真人坐忘

文逸曹仙姑大道歌

我為諸君說端的命帶從來在真息照體長生空不空靈鑑涵天容萬物大極布妙人得一得一番持謹勿失宮室虛閣神自居靈府煎熬枯血液一悲一喜一思慮一縱一勞形盡整朝傷暮損迷不知喪亂精神無所據細細消磨漸漸衰用竭元和神乃去只道行禪坐亦禪聖可如斯凡不然萌芽脆嫩須含蓄

根識昏迷易變遷蹉跎不解去荆棘未聞美稼出荒田九年功滿火候足應物無心神化速無心心即是真心動靜兩忘為離欲神是性兮氣是命神不外馳氣自定本來二物更誰親失却將何為本柄混合為一復忘一可與元化同出沒透金貫石不為難坐脫立志猶倏忽此道易知不易行行忘所行道乃畢莫將閉息為真務數息按圖俱未是比來放下外塵勞內有業心兩何異但看嬰兒處胎時豈解有心潛算計專氣致柔神久留往來

真息自悠悠綿延迤邐歸元命不汲靈泉常自流三萬六千為大功陰陽節候在其中蒸融關脈變筋骨處處光明無不通三彭走出陰尸宅萬國來朝亦帝宮借問真人何處來從前元只在靈臺昔年雲霧深遮蔽今日相逢道眼開此非一朝與一夕是我本真不是術歲寒堅確如金石戰退陰魔加慧力皆由虛陵復精專便是華胥清靜國初將何事立根基到無為處無不為念中境象須除撥夢裏精神牢執持不動不靜為大要不方不圓

爲至道元和內鍊即成真呼吸外來終未了
元氣不住神不安蠹木無根枝葉乾休論涕
唾與精血達本窮源總一般此物何曾有定
位隨時變化因心意在體感熱即爲汗在眼
感悲即爲淚在腎感念即爲精在鼻感風即

爲涕縱橫流轉潤一身到頭不出於神水神
水難言識者稀資生一切由真氣但知恬淡
無思慮齋戒寧心節言語一味醍醐甘露漿
饑渴消除見真素他時功滿自逍遙初日鍊
烹實勤苦勤苦之中又不勤閑閑祇要養元
神奈何心使閑不得到此縱擒全在人我今
苦中苦更苦木食草衣孤又靜心知大道不
能行名迹與身爲大病比如閑處用工夫爭
似泰然修大定形神雖曰兩難全了命未能
先了性不去奔名與逐利絕了人情總無事
決烈在人何住滯在我更教誰制御掀天聲
價又如何倚馬文章非足貴榮華衣食總無
心積玉堆金復何濟工巧文章與詞賦多能
礙却修行路恰如薄霧與輕烟閑傍落花隨
柳絮縹緲幽閑天地間到了不能成雨露名

與身号竟孰親半生歲月太因循比來修鍊
賴神氣神氣不安空苦辛可憐一箇好基址
金殿玉堂無主人勸得主人長久住置在虛
閑無用處無中妙有執持難解養嬰兒須惜
毋緘藏俊辯黜聰明收卷精神作愚魯堅心
一志任前程大道於人終不負

還真集

夫修行之人若悟心地下功者切忌分別若
生分別盡屬意家如何是心地下功先須頓
捨諸緣次滅人我絕盡貪嗔形如槁木心似
寒灰內外不分同觀一體朗然瑩徹靈光自
現靈光者神光也光者照也神光內照更無
暗昧外境難侵也若晝夜內神光不滅自然
神定氣和此乃真修行也莊子曰宇泰定者
發乎天光天光者神用之道也既得天光下
降陰陽感擊至精發泄海泛浪滾一氣上升
至於泥丸霹靂一聲百關神穴盡皆開通乃
是靈光所至也自然五臟生和心經上湧舌
生甘津鼻聞異香飲食漸減運火候鍊腸胃
中退滓淘清去濁迴陰換陽元氣克腹能絕

飲食萬陰皆消也太上云但服元和除五穀
是也如得此驗切忌身心輕忽智神踴躍心
生懈怠談玄說妙和氣漸散前功若不謹守
失其常者暗爲聖賢所折也

論識心悟性

如要修行者先須識心識意然後悟性如何
是心如何是意但能知覺謂之心千思萬想
謂之意意從念起心從物生既知起生之根
源者只在方寸方寸者是本來之真心也心
本無心意本無意爲從來執境難忘心浮意
動却把真性蒙昧不能顯煥須是澄心定意
內觀其心湛然動者謂之定定中覺靈者謂
之慧定是體慧是用定慧兩全者日用不虧
也

論法界

法界者太虛也三五是太無也空寂無相若論一
年乃是十一月建子陽光落地沈於九泉之
下屬北方壬癸水萬物俱泯杳冥無迹恍惚
無形易謂之山水蒙自上爲山下爲水水火
未濟以待其時謂之童蒙也若論一月以辨

晦朔之期月盡謂之晦被太陽鍊盡陰魄日月同鑪光明不見萬象泯絕中間陰魄復受太陽一點真胎杳杳冥冥昏昏默默如太極未判二儀未分內隱重蒙之象也

論三車般運

羊車載火鹿車載水羊鹿二車三宮來往上下不停上田返中田中田返下田下田復返上田上田返入氣海接著真氣三事共聚再返起火也是周天火假謂之大牛車積累鍊其金身也三車之外別有一車謂之破羊車有學道之人與心意相投性急太過陰陽不傳或夢中見天崩地陷碎破羊車身體不安四肢無力而成疾病心反成魔或見邪鬼心神恍惚進退不常已入邪道不能成真矣

白玉誓玄關顯秘論

一言半句便通玄何必丹經千萬篇人若不為形所累眼前便是大羅天若要鍊氣凝神須識歸根復命所以道歸根自有歸根復命還真復命關且如這箇關竅若人得知真實處則歸根復命何難也故曰有人要識神

仙訣只去搜尋造化根古者虛無生自然自然生大道大道生一氣一氣分陰陽陰陽為天地天地生萬物則是造化之根也此乃真一之氣萬象之先太虛太無太空太玄杳杳冥冥非尺寸之可量浩浩蕩蕩非涯岸之可

較五

測其大無外其小無內大包天地小入毫芒上無復色下無復淵一物圓明千古顯露不可得而名者聖人以心契之不獲已而名之曰道以是知心即是道也故無心則與道合有心則與道違惟此無之一字包諸有而無餘生萬物而不竭天地雖大能役有形不能役無形五行至精能役有數不能役無數百念紛紛能役有識不能役無識今夫修此道者不若先鍊形鍊形之妙在手凝神凝神則氣聚氣聚則丹成丹成則形固形固則神全故宋齊丘云忘形以養氣忘氣以養神忘神以養虛只此忘之一字則是無物也本來無一物何處有塵埃其斯之謂乎如能喻此理就忘之一字做工夫可入大道之淵微奪自然之妙用立丹基於頃刻運造化於一身然

此道視之寂寥無所親聽之杳冥無所聞惟以心視之則有象以心聽之則有聲若學之士冥心凝神致虛守靜則虛室生白信乎自然也惟太上度人教人修鍊以乾坤為鼎器以烏兔為藥物以日魂之升沈應氣候之升降以月魄之盈虧應精神之衰旺以四季之節候應一日之時刻以周天之星數應一爐之造化是故採精神以為藥取靜定之火鍊之則成金液大還丹矣蓋真陰真陽之交會一水一火之配合要在先辨浮沈次明主客審抽添之運用察返復之安危故高象先云採有日取有時海蟾云開闔乾坤造化機殿鍊一爐真日月能悟之者效日月之運用與天地以同功夫豈知天養無象地養無體故天長地久日月明真一長存虛空不朽也吾今則而象之無心於事無事於心內觀其心心無其心外觀其形形無其形遠觀其物物無其物知心無心知形無形知物無物超出萬幻確出一靈古經云生我於虛致我於無是宜歸性根之太始返未生之前藏心

於心心而不見藏神於神神而不出故能三際圓通萬緣澄寂六根清靜方寸虛明不滯於空不滯於無空諸所空無諸所無至於空無所空無無所無淨裸裸赤洒洒地則靈然而獨存者道非欲虛虛自歸之人能虛心道自歸之道本無名近不可取遠不可捨非方非圓非內非外惟聖人知之三毒無根六欲無種頓悟此理歸於虛無老子曰天地之間其猶橐籥乎虛而不屈動而愈出若能靜定之中抱冲和之氣守真一之精則是封爐回濟以行火候火本南方離卦離屬心心者神也神火也氣則藥以火鍊藥成丹即是以神馭氣而成道也人能手搏日月心握鴻濛自然見橐籥之開闔河車之升降水濟命官火既丹臺金火交併水土融和姤女乘龍金公跨虎通透三關上升內院化為玉汞下入重樓中有一穴名曰丹臺鉛汞相投水火相合有動之動出於不動有為之為出於無為當是時也白雪漫天黃芽滿地龍吟虎嘯天唱婦隨玉鼎湯煎金爐火熾雷轟電掣撼動乾

坤百脈聳然三關透徹玄珠成象太一歸真泥丸風生絳宮月明丹田煙暖谷海波澄鍊成還丹易如反掌七返九還方成大藥日鍊時烹以至九轉天關地軸在吾手中經云人能常清靜天地悉皆歸則是三華聚頂五氣朝元可久入衆妙門玄之又玄也更能書運靈旗夜孕火芝溫就聖胎結成赤子至於脫胎神化回陽換骨則是玉符保神金液鍊形形神俱妙與道合真張手叔云都來片餉工夫永保無窮逸樂誠哉是言也蓋道之基德之本龍虎之宗鉛汞之祖三火所聚八水同歸萬神朝會之門金丹妙用之源乃歸根復命之關鍵也既能知此則慾不必遣而心自靜心不必澄而神自清一念不生萬幻俱寢身馭扶搖神遊淡漠方知道風清月白皆顯揚鉛汞之基水綠山青盡發靈虎龍之旨海南白紫清初從陳九學丹法每遇日中之冬至則開乾破巽留坤塞艮據天罡持斗柄謁軒轅過搏桑入廣寒面鷄尾舉黃鍾泛海槎登崑崙佩唐符撼天雷遊巫山呼黃童召

朱兒取青龍肝白虎髓赤鳳血黑龜精入土釜啓葵感命闕伯化丹砂開華池吸神水飲刀圭從無入有無質生質抽鉛添汞結成聖胎十月既滿氣足形圓身外有身謂之胎仙其訣曰用志不分乃可凝神灰心冥冥金丹內成此予之所得也如此施肩吾云氣是添年藥心為使氣神若知行氣訣便是得仙人此詩簡明通玄造妙故佩而誦之自然到秋蟾麗天虛空消隕之地非枯木寒泉之士不能知此余既得此不容自默太上玄科曰遇人不傳失天道傳非其人泄天寶天涯海角尋編無人不察輕傳恐受天譴深慮大道無傳丹經湮泯故作玄關秘論蓋將曉斯世以詔後來而壽金丹之一脉也復恐世人猶昧此理乃復為之說曰以眼視眼以耳聽耳以鼻調鼻以口緘口潛藏飛躍在乎一心先當習定凝神慾空慾則水火既濟則金木交併金木交併則真土歸位真土歸位則金丹自然大如黍珠日服一粒神氣復克塞天地孟子曰善養吾浩然之氣者此也學者思

之教書以授留紫元云

馬丹陽真人直言

斷情除慾降心休與親戚相見休教心到處去行住坐卧乃至搬柴運水或上茅去也要心定念止湛然不動名為真心要處靜心關少語住好伴莫生念念是業根若外不入內不出常少語自然心定氣調若不澄心止念去慾斷情更外入內出出去外遊如何得自然調息只是一座空舍出者便是猿馬也自古過去一切神仙不敢越過澄湛二字又要心不逐一切物去心猿牢捉丹無漏意馬常擒性自明坐圜先生云動者心起者念去者意心澄意定物我俱忘澄澄湛湛只顯一性應物皆是心見物要不昧一性若只見物不見性便著邊徼却有輪迴又云尺緣見物不見性便是昧了一切行住坐卧只要降心使一性常現不昧止念者常要覺一切塵念皆是業根須要澄湛一性照破萬緣一切虛假其念細細調熟不起或問曰如何是應物不昧答曰耳目雖是聞見口內雖是言說只要

心不著他或問鬼神不測處答曰只那一切虛寂便是也又問玄牝之門是謂天地根答曰玄者父牝者母各人八兩合成一斤一點元陽之氣便是根本又問復命歸根答曰只要心不逐一切物去不滌不著心不起氣不散便是歸根若不能如此者不得歸根也又問如何是見性答曰那無心無念不著一物澄澄湛湛似月當空

群仙要語纂集下

諸真內丹集要卷上

海 天秋月道人玄金子集

數六

老子函谷關記

始青之下日與月兩畔同升合為一出彼玉池入金室大如彈丸色如橘中有佳味甘如蜜沙門得之以禪定黃衣得之以超逸子若得之慎勿失既往復之身將滅升於幽關三曲折入彼命門形不憊淵乎深考難致詰日月本是乾坤精萬象森羅盡著明前三五子後三五五六十復還生生子減子周十二十二中分二十四二十四氣復推還卦象爻鉢都在此水銀一味分為二匹配陰陽成既未既未復還為夫妻始覺壺中有天地紅鉛黑錫大丹頭從紅入黑是真修黑中取精赤取髓解取赤黑藥無比取赤入黑保長生用黑入赤天仙矣顛倒兩般總成還史龍變化成天仙學道之人自思已貪財好色莫相傳函谷關頭梁山口吾今鑄石留此言

鍾離正陽真人還丹歌

一母產兩子一男復一女男是陰之宗女是

陽之主陰來陽既佳不失本宗祖脾磨食自
消將得歸厚土學者亦如麻達者自今古見
龍不識龍逢虎不識虎龍不在東溟虎不在
西虜若向一源求昭昭知臧否若向東西覓
有目亦如瞽陽在陰之胞陰在陽之壯男白
女還赤自然成夫婦種麻即收麻種黍即收
黍向鉛不識鉛白頭多辛苦恍恍復惚惚二
物難可覩杳杳復冥冥三姓似親侶情交是
眾藥氣合無言語燒鉛汞自乾亦如貓伏鼠

張紫陽真人石橋歌

吾家本住石橋北山鎖水關森古木橋下淵
水徹崑崙人飲泉時馨香馥吾居山內實堪
誇遍地盡種不謝花山北穴中隱猛虎出窟
哮吼生雲霞山南潭底藏蛟龍騰雲降雨天
濛濛二獸有時闕一場玄珠飛伏見積祥景
堪美吾暗喜自斟自酌醺醺醉醉彈一曲無
絃琴琴裏聲聲教仔細可煞醉勿人知昏昏
默默恰如癡仰觀造化工夫妙日遷西出月
東歸天是地地是天反覆陰陽合自然識得
五行顛倒處指日升霞歸洞天黃金屋白玉

擗金童玉女侍衛前南辰北斗分明布森羅
萬象見無邊無晝夜要綿綿聚散周天火候
全欲知金丹端的處尋師訣破水中鉛水生
大火生水水火須分前後隊要辨升沈識主
賓鉛銀汞未方交會有剛柔莫逸意知足常
足歸本位萬臣齊賀太平天恁時國富民安
喜此箇歌好推理同道之人知此意後來一
輩學修生即是存想并行氣在目前甚容易
日用之中自家底縱饒先輩五十年問你從
前學甚事此一門有滋味服得之人妙難比
先可去病後延年用火烹煎變陽體學道人
自思已休被旁門小法制只知眼下嚇他人
不覺自身暗憔悴勸後學須勇志莫徒拋家
任他地妙道不離自家身豈在千山并萬水
莫因循恣貪鄙火急尋師覓玄旨在生若不
學修生未必來生甚胎裏既有心要終始人
生大事惟生死皇天若負道人心沈我三塗
為下鬼

馬自然金石語

大海東頭紅日輪青山幾度碾為塵二百年三

萬六千日一日死生多少人九轉靈丹非五
金若無神授恐難尋欲知母子真仙訣鍊藥
先須學鍊心何必燒丹學駐顏開非朝市靜
非山時人欲覓長生藥對境無心是大還速
養丹田連養神好將陰德濟生民此身不向
今生度更向何生度此身欲得長生調伏心
莫觀往事與來今但向靜中神氣合何愁不
到大仙林

純陽呂真人玄牝歌

玄牝之門號金母先天先地藏真土含元抱
一賴生成一氣絲絲亘古今華池神水天地
根鍊之餌之命長存自古神仙無別法皆因
玄牝立其根玄牝之門人罕識想腎存心謾
勞力神仙破盡諸旁門往往愚迷猶自執借
問如何是玄牝嬰兒初生先兩腎兩腎中間
一點明逆為丹母順成人一陽萌處急下手
黑中取白無中有一時辰內管丹成九載三
年徒自守世人若識真玄牝不在心兮不在
腎窮取生身受氣初莫怪天機都泄盡

又純陽真人大丹歌

三清宮殿隱崑崙，日月光浮超紫煙。池沼泓泓翻玉液，樓臺疊疊運靈泉。青龍乘火鉛為汞，白虎騰波汞作鉛。欲得坎男求匹偶，須憑離女結因緣。黃婆說盡千般計，金鼎開成一朵蓮。烈女擎鴛鴦，當左畔將軍戴兔。鎮西邊黑龜却伏紅爐下，朱雀還栖華閣前。然後澄神窺見影，三周功就駕雲軒。

又性命歌

鍊金丹不達性，此是修行第一病。只修真性不修丹，萬劫陰靈難入聖。達命基迷祖性恰似鑑容無寶鏡，壽同天地丈夫兒。把握陰陽為本柄，性命全玄又玄海底洪波渡。法船生擒活捉蛟龍首，始知匠手不虛傳。

李仙君金丹賦

道本無象，丹生自然。既飛騰而見寶，遂服餌以登仙。擒二物於爐中，名為龍虎。鎖五行於洞裏，別是山川。昔人遊希夷之鄉，抱正一之術。欲壽之長遠也，比於天地。欲身之堅固也，同於金石。於是採汞之質，鍊鉛之質。煨以大火，進則盈而退則虛。藏之中宮，採有時而用。

有日由是西海庚辛之髓，東方甲乙之精。吐粹孕秀，開花發英。觀其體則合同而異，究其妙則凝結而成。離女坎男，匹配而終。須不死日，烏月兔往來而自得。長生八卦，旁羅九宮。森布三百六旬，有變遷之節。氣子十八宿，無襲躔之軌度。汞伏鉛而鉛伏汞，難窮造化之源。陽生陰而陰生陽，孰辨推移之數。香杳冥冥中，舍太清自無質而生。質本無名而強名，知其機者能盜化工之用。味其理者但惜真元之精鍊，以九還能超凡而入聖。吞之一粒，解返老以為嬰。嗟夫古驟今馳，朝奔暮役。冢家之白雪，輕棄箇箇之黃芽。拋擲素景去而不能駐，紅顏改而難再澤。思南柯之夢覺，富貴難憑念北邙之塚高。功名謾立，彼有鍊朱砂而為紫粉，煨黑錫以取玄霜。或食霞而餌栢或辟穀以休糧，舉曰至藥誠非古方。何異緣木求魚，木愈高而魚愈失。鑽冰取火，冰益深而火益亡。殊不知身者氣之宮，氣者神之府。以真氣而續真氣，則神不散以真精而補真精，則形有主。自然白骨生肉而枯骸還魂。

可以追赤松而繼彭祖

天來子青龍歌

天來本是清閑客，幼讀儒書崇仕節。不因宿世有仙緣，爭得真師傳妙訣。傳妙訣話無多，臨行付我壺中歌。歌中不說常人語，教集神仙不死科。藥一味無根無始，先天氣數陳與昔。有丹書悟真篇，參同契參同契說仙方。後漢真人魏伯陽，託易立言明大藥。留為萬古丹中玉，日月精天地髓。包括金丹玄妙理，言微文淡道幽深。不過真傳難擬議，悟真篇分明說長生不死。天仙訣紫陽祖師憫將來，為他更把天機泄。人已老鳥空啼啼過北邙山，更西沁園春曲傷心處。下手速修猶太遲，要修行求大道莫認三峯招業報。三千六百盡旁門，除却金丹皆妄造。揚大道播玄風，振作西南一代之宗。若問仙翁真的派，原來自號紫陽翁。昔仙翁遭配謫，邂逅杏林傳釋免。毗陵嗣後付泥丸玉蟾，報祖名既達嘆塵世鏡中花。人生能有百年華，要復本來真面目。五行無處覓根芽，覓根芽須趁早。莫待自身鉛汞少。

一年過了一年稀水流花落人空老人已老
要修行何須持戒與看經但毋揀擇除憎愛
平等施心道自身要修行甘忍辱唾面自乾
無報復我若虧人禍自延人還虧我翻成福
求大道體剛金患難憂慮勿動心富貴貧窮
天已定失無得有任浮沈要修行有功課學
道先須學打坐若還枯坐又徒然畫餅充飢
終受餓學大道置丹房室要深明地要良地
若不良神不守縱饒真種也虧傷要修丹須
結友同志三人互相守若無同志一般人大
藥難成金汞走學大道要知音丹頭須用水
中金若非積行并陰德走徧天涯沒處尋要
修行待時至得過師傳母造次深藏切莫向
人誇惹殃魔妨大事學大道要家門全藉
溫和養至真土德厚時丹德厚但言憂道不
憂貧若憂貧難辨道道成時都不要五湖
四海任遨遊自有行厨供糧料學修真混俗
處不在拋家棄妻女四時衣服要人供尤忌
朝昏避寒暑丹成後可出家洞府名山閱歲
華露宿風餐遊海島雲鞋月杖說天涯要修

行休惹債酒色財氣誰不愛常人愛者損精
神我若愛時無障礙我愛酒有仙友不用方
升并曲斗雪山一味好醜餽傾入葫蘆顛到
口我愛色與人別不向洞房深處歌煙花堆
裏隱神仙靈山會上尋迦葉我愛財有道來
不買佳人美貌才買箇嬰兒并姪女終朝清
淨坐丹臺我愛氣有威勢不似項王爭霸位
東洋海底斬蛟龍西華山頭誅虎見龍能吟
虎能嘯捉虎擒龍有關竅恐君不信問觀音
龍女獻珠明道妙龜能飛蛇能舞隱在北方
號真武陰陽混作水火精仙聖降歸為道祖
性之根命之帶同出異名分兩類合歸一處
結成丹還為元始先天氣命之帶性之根元
始聽魏太上尊取來鍊作長生藥一粒教君
性命存日之精月之華隱在西南離坎家祝
來鎖在乾坤鼎翡翠雲在昇紫霞月之華日
之精玉兔金烏兩曜明西去東來無定向二
弦合處大丹生陽神魂陰神魂魄魄相藏互
室空要尋魂魄到乾坤仍向坎離日月陰
神魄陽神魂識者先從戊己門戊己門中有

真土須憑玄牝立其根水向鉛只一味不是
精神不是氣元來即是性命根隱在先天心
坎內君不見上天途修丹無障要陰扶請觀
晉伐旌陽令拔宅飛昇世豈無又不見蓬萊
路三千行滿乘雲去昔日唐朝呂洞賓至今
猶自尋人度

天來子白虎歌

欲撈北海波心月先縛南山嶺上雲若也有
人知此意便堪飛鳥見元君半輪月照西江
上一箇鳥飛北海頭月落鳥沈尋不見廣寒
宮內倒騎牛玄牝之門鎮日開中間一竅混
靈臺無關無鎖無人守日月東西自往來鉛
鼎先生影射簾江山白雪落纖纖瑤池宴罷
歸來晚偷得蟠桃一顆甜採藥要明天上月
修丹須識水中金月無庚氣金無水縱有真
鉛枉用心不死谷中親下種無根樹上自開
花結成一顆渾淪果吞入丹田似火霞人生
七十古來稀卦氣將終莫可追下手速修猶
太晚無常臨限悔來遲富貴貧窮命有無修
行辨道暗乘除人生不作神仙侶枉做男兒

大丈夫道相玄天聖語文分明龍虎是全真
 誰期一日青山夢六合中藏萬古春魏魏大
 道本無情一氣纔分萬化生同出異名為道
 本異名同出是丹名白玉城頭運玉液黃金
 鼎內種金蓮一時火足丹成易十月霜飛藥
 要堅山頭虎嘯風生處海底龍吟浪起時虎
 嘯龍吟交戰罷風恬浪靜產嬰兒青龍跨火
 翔朱雀玄武飢吞白虎金顛倒坎離由戊巳
 抽添須藉丙和壬半斤真汞半斤鉛正值中
 秋月上弦若遇子初休要採如逢望遠不堪
 言視之不見未為盲聽爾無弓乃謂龍若解
 見他如見已聽如不聽是真聰玉兔東沉翻
 作執金鳥西出反生涼自知顛倒玄中妙莫
 較人前短共長顛生倒倒生顛生箇嬰兒沒
 姓名要識嬰兒誰氏子先天先地混元精奇
 器生成果妙奇包含萬象合天機星辰日月
 隨機轉倒過乾坤也不知上德無為無所作
 下德為之有以為若道生居上德須從下
 德造根基偏見休誇廣究參未明根本莫高
 設真本真根乾坤是識得方知道不難

劉海蟾真人還丹破迷歌

傳聞世人有金丹學者如麻達者難不在水
 不在山元來只是在人間咫尺還丹人不識
 子後午前氣裏覓和齒擊鼓數千般要覓金
 丹轉見難閉目藏睛猶定思口內出時聽不
 得將為此法便上天元來痛癢不相千百日
 行氣不見功只到老死一場空聖人行氣自
 消息身命不從氣裏得閉氣肚大面又黃謾
 將行氣勞心力何人行氣得升天甚人行氣
 得延年千人行氣千人死烹鍊金液不如此
 神仙大道只憑丹一還可以住千年三十六
 氣安神法子後午前無住歇又嘆愚人愛參
 禪一緣一會闢巧言言盡口訣難免死真箇
 佛法不如此真箇佛法便是道一箇孩兒兩
 箇抱二氣成合一粒丹更於何處覓神仙真
 鉛真汞真龍虎不識刀圭到處取若會法一
 句言便知鉛汞識金丹金丹要會非難會人
 心狡猾生矇昧眼前覩著不認真認著行氣
 恨子身妄識行氣幾時通金丹百日便成功
 三田長得黃芽在萬年之中身不壞子後當

行四箇功陰陽相下總相通外取陰來陽有
 裏顛倒思量全在已左手拔著青龍頭右手
 擎住白虎尾一時人口漸甘甜方知此物能
 香美只此便是水中金妙達玄門具箇理
 諸真內丹集要卷上

諸真內丹集要卷中

鼓七

海 天秋月道人玄金子集

王母口訣

飲食不止身不輕聲色不止神不清思慮不止心不寧心不寧乎神不靈神不靈乎道不成其要妙者不在乎瞻星禮月苦體勞形所貴者湛然方寸無所營營神仙之道乃可長生又云除垢止念靜心守一

太上內觀正訣

生不生為體

如生者是人心中者有三心過去未來見在者是也過去心生者名為思未來心生者名為想念見在心生者名為逐境此三心者晝夜不停勞神損氣喪人之真靈昧元初之法體輪迴萬劫皆是三心古往今來誰能得脫若要得離悟父母未生之前本來面目有箇甚麼非心非念物我兩忘自然合道故曰生不生為體也
滅不滅為用
滅者諸慾不生萬緣齊斷心念兩忘為之

滅也不滅者是人之真性真性者道之用道者性之體體用分明應物不昧頭頭脫灑性顯心亡故曰滅不滅為用
體用得真常
得真常者每日不間斷是也

真人自無夢

無夢者時時在道自然無夢也

前念為賓

賓者客也心者名為客客來休接待便教過去是也

後念為主

為主者知念撥念是也

念起不看

不著者就路還家本無根緒清淨經云內觀其心心無其心外觀其形形無其形遠

觀其物物無其物三者既悟惟見於空非色非象是也

前念為念

前念無風起浪也

後念為照

照者是水水落還源

除垢止念

止念滅不滅用也

照心守一

守一者常德如始得意忘言是也

唯滅動心

常知常覺

不滅照心

不滅照心定慧圓明也

照心不滅

照心不滅者在慾無慾居塵出塵也

體若太虛

體若太虛者視之不見聽之無聲注云離種種邊也

但凝空心

空心者內外無着也

不凝住心

內觀其心心無其心也

動則用照

百花林內過一葉不黏身

不依一法

父母未生已前非心非法有甚不是也

而心常住

內想不出外想不入

沉空寂而無照

忘無可忘無可忘也

動被物牽照而無寂

則知其動不處其靜認識神為主轉物不

離故也

寂照兩全

清靜合道也

洞合道源

明明朗朗神定悉冲薰蒸百脉無所不至

遍滿周天也

寂照兩泯

人牛不見超證無方也

清風滿軒

正達無為返本還元

有生不生

萬緣齊斷也

有化不化

浩劫常存

生者不能生

身如枯木心似寒灰

化者不能化

性住命停也

故能常生常化

常生者陽之悉常化者是五穀之精陰得

九陽真炁乃自化也

無時不生無時不化

無時不生者是心火時時下降無時不化

者得腎水刻刻上升冲和悉透遍滿周流

得觀內境常無間斷鍊精化炁鍊炁成神

鍊神合道經云知之修鍊謂之聖人也

玄元口訣

黑鉛紅汞大丹頭從紅入黑是真修黑中取

精赤取血解取赤黑藥無比用赤入黑保長

生用黑入赤天仙矣

一是鉛又為君二是汞又為臣若鉛不真

其汞難親若汞是親不失家臣青腰使者

赤血將軍和合兩性異族同群白汞作腦

黃芽為根化鉛為粉鍊汞為塵

陰居陽位陽數陰勻月盈日昊寒暑區分

開設法像赫然有文惟吾此道天地長存

鼎器歌

圓三五寸一分口四八兩寸唇長二尺厚薄

均腹三臍坐垂溫陰在上陽下奔首尾武中

間文始七十終三旬內一百善調勻陰火白

黃芽銀來去遊不出門漸成大情性純即歸

一還本源至一周甚辛勤密防護莫違昏途

路遠甚幽玄若達此會乾坤子午沾淨魄魂

得長壽入山村樂道者尋其文諦思之不須

論

金丹火候秘訣十二句

日月本是乾坤精卦象周迴甚著明前三五

句後三五五六三十復還生生方滅句周十

二十二中分二十四二十四氣互推遷萬象

爻鍊都在此水銀一味番為二變化陰陽成

既未既未却配為夫妻始覺壺中有天地

純陽真人云大哉一十二句契合五千餘

言始初本性乃元宗元相之至神主命之一靈也命蒂之根源即先天也無形之至精保性之一氣也精神即性命之本始也此一靈真性蓋為心所昧也純一之命皆因身所役也若能全身而命基永固心澄而性本虛靈命不得性而安能保守性不得命而未可長安性命本一變動為二今之學者各執一邊若要成全真大道無非性命合一欲得性命合一直須心清意靜心清意靜則萬法自然歸其根也今凡世

之人不能全其性命而了其大道者何也蓋因心逐物移性被物轉意慕色而命為色喪出此二境者着小術而有動有作執邪法而妄修妄為須有金丹藥物之名抽添採運之字萬種千般總為異號耳若知金丹無相藥物無名火候無時抽添無作能如此者莫執一法休著一邊赤灑灑不存一毫露堂堂靈光普照始達自然之路方入大道之門便知無為而為是名不揀之採假如養命不知性如谷中神見性不

全身如陰鬼無光若能性真命全名稱道德之仙

金液還丹仙華流高飛天翔登天丘赤黃之物成須臾當時雌雄分亂珠可以騰變致行厨靈人玉女與我俱出入無間天同符其精凝霜善沉浮汝其慎敬必未游

凡欲修真養性行道紀形結炁成神始終無窮者莫先乎靜故性靜以為定神靜以為變炁靜以為生將靜之時反聽內觀心不妄念口不妄言形不妄動無色之色為之見無聲之聲為之聞無味之味為之甘不言之言為之教神景為之降福德為之臻和氣為之應矣子欲靜神先須沐浴齋戒二十五日然後精鍊己身魂魄和平乃可入室入室之後或丹蛇未注子心或玉母未降或道身應見此皆身中之神試子耳但勿驚怖有問勿對有所傷犯亦勿為懼但安心定意其物自去經二十五日四十五日八十五日一百五日一百二十五日一百五十日一百八十日並有神未皆是試

子但安心勿對不能為害若生怖懼為試不過則失道矣戒之慎之一百八十日後室內自明安危存亡無不預知身中官府一一皆見二百八十日後萬病皆除一年之後癩瘕皆滅千日之後形神俱妙與聖合真矣

金丹證驗

一者下大工夫須是謹守百日處於靜室外無所看內無所思身如槁木心若寒灰萬緣頓息與太虛同體以靈炁為用晝夜慙慙三五日間自然心定炁和喜悅無窮謙弱恭順於人聖人言五日一候也
二者忽然覺心火下降腎水上騰五臟生津百脉流通心經上湧鼻聞異香舌生津已絕飲食晝夜無寐
三者坎離交媾精炁逆行乃得百關開通四肢百脉和氣流行也
四者夜間如晝隔牆見物預知人事上見天堂下見地獄物不能礙乃是靈光所至
五者夜間丹田炁生前通炁腕後通窻戶頂

上紅霞繞繞眉間湧出圓光眼中精明流溢不得為怪此是藥力所至也

六者智神踴躍自歌自舞口發狂言者撰詩詞不能禁止乃是三尸所使若不守之前功俱廢也

七者或喜或悲逢人談笑論玄說道亦是三尸鬼感亂也

八者雖是百開閉通其中五穀悉未除陰悉未盡疾病未消修行之人須要與天盟誓精心百鍊斷絕愛念慳食除去人我與物無私正念見前內外如一奪天地之正氣抽陰換陽飲食或多或少鼻中流濁不止口中臭穢腥臊嘔逆

腹中常常升降雷鳴電激風雲發泄前後俱升鍊穀如銀膏彈丸相似

腸胃中鍊出惡物臭穢不常次漩下如酥酪油膩馥鼻異香諸人皆聞也

小便漩下五色硃砂此是盜得萬物也若不謹守悉有走失心若懈怠體弱心虛三尸齊起六耗皆未擾亂心神靜坐生疑懼怖不安

睡卧驚悸惡境無窮矣

處於靜室大忌臭穢諸般香味餘雜之悉又忌生冷硬物鹹美辛酸之物若不避之五臟之真悉却有損壞也

若五臟悉生升降無滯百脉流通元氣充腹自絕飲食不飢不渴漸覺困悶不得為怪七已已後氣力轉加神清悉棄晝夜無寐直得萬神栖寂悉歸元海飲食自進矣

既食五穀大忌諸味有損生悉為初漱之悉不能敵穀悉也

忽然染疾邪悉攻心三焦不和五悉不生三關閉塞飲食減少寒暑有時進退不常口中酸澀上又不降下又不升心脾之間積聚成血忽然逆吐出紫黑血三兩碗其病漸退津液忽然上騰而降下重樓項須臾之異香

甚美洗滌三焦五臟六腑百關神穴盡皆玲瓏自然冲暢三田返復銀河朗朗珍珠迸湧

萬病自消此填補大損也

每年食五穀口中常覺香味心神和悅一着循環百脉皆順四時安泰自然合天地運動

陰陽之數日月往來間隔之期晝夜返復不失其數也

耳內風吼心中驚恐雷轟電掣周身火起銀鍊金精群陰潰散三尸滅跡丹田悉和中宮神聚內不見性外不見形恍惚之間如猫捕鼠杏冥之內似鵬攫兔其火過清涼也

飲食減少漸生羸悉候或生或下臍腹疼痛兩脇如錐刺六腑如裂帛聲此是臟腑宿疾藥力攻擊一時發動常是焦渴以甘草湯服之切忌諸般也

五神不清胃膈否悶心中恍惚睡卧不安不得為怪但要專心守之細細而退下惡臭異物其病漸退也

偶爾百關通利萬神聚會五悉皆融歸於元海自然俱定呼吸不從口鼻脉息不在寸關此真大定也若定得百刻全功便是大羅神仙矣

成生疾身體如火氣蒸燒四大日夜間迷悶不省百節酸疼痛如敲碎火氣燒鍊筋骨如綿偶爾間汗出無事此真脫也

只得水火同爐五炁俱一四大無陰純陽流注金液鍊形神俱妙與道合真五行無用神遊仙界物外逍遙

真炁滿足自然無陰時後神光罩體百脉沖和樂聲千派已絕陰魔是謂修真之士應驗也

行處自有聖賢差委金書紫詔時有到未身在凡而心在聖也

金丹類名

運入中宮謂之攢簇五行一身心不動謂之降伏龍虎 龍吟則精凝虎嘯則炁固謂之保固靈根 以精炁偷龜蛇以身心為龍虎打成一片謂之和合四象 以性攝情謂之金木併 以情御炁謂之水火交 鍊精化炁炁化神神化虛謂之三花聚鼎 舉心動念謂之玄牝 心中之性謂之砂中汞 身中之炁謂之水中金 外境不入內境不出謂之固濟 寂然不動謂之養火 虛無自然謂之運用 存誠篤志謂之守城 降伏內魔謂之野戰 洗心滌慮謂之沐浴 端

坐習定謂之採取 抽坎中之陽補離中之陰謂之抽添 四大五行不著處謂之玄關 天地未判之先一點靈光謂之真種子 神居乾宮炁居坤宮謂之三官 歸根之竅復命之關虛無之谷謂之三要 身

為爐鼎心為神室鉛汞為藥物 身中上而炎者謂之火精中之炁也 身中下而潤者謂之水炁中之液也 慾念則火降室慾則水升謂之既濟 不能慾慾則火上炎不能室慾則水下降謂之未濟 真鉛謂之嬰兒

腎中精 真汞謂之蛇女心中血 胎息謂之黃婆脾中涎 情性謂之夫婦 元神歷劫不壞如金之堅愈鍊愈明謂之金丹 九乃金之成數情屬金情來就性謂之九還 七乃火之成數神屬火鍊神還虛謂之七返

心澄意定性寂神靈二物成團 三元轉媵謂之成胎 愛護靈根如龍養珠如雞抱卵謹謹護持勿令差失毫釐有差前功俱廢 陽神出殼謂之脫胎 歸根復命還其本初謂之超脫 打破虛空謂之了當

諸真內丹集要卷中

諸真內丹集要卷下

鼓八

海 天秋月道人玄金子集

青霞真人內用秘文

僕自幼學道弱冠棄家歷遍江湖求師問友待先師張悟真以來諸先生詩詞丹經傳記

熟讀精思尋文求義又遍參道友術士窮歷

名山洞府討求石壁詩記晚遇海瓊先生指

迷之要率又遇率然居士於朱陵洞府作詞

章以相貽始得證海瓊之妙旨乃知年少初

學所求所見所聞俱是屋上架屋枝上接枝

殊不知屋便是屋枝便是枝何必遠求今既

得悟誠恐湮沒無傳且念後之學者未必如

此留意因筆數語以貽後人有得之者可以

因義解義猛省用工雖不求師而師在其中

矣男子一身四大皆陰惟先天一氣是真陽

五臟六腑精津血氣皆非真陽惟先天一氣

是真陽不是吹噓呼吸之氣亦無形影氣象

可見故悟真篇云以為可見者不可用可用

者不可見此氣未受形之先在父母胎中先

生肺生脾生九竅四肢百骸然後人相具足此氣止在兩腎之間名為玄牝之門先師玄牝歌言之甚詳世人莫能悟此今人宰牲曾見兩腎之間腰腎去處有一空膜之中有氣呼吸膨亨至內冷方息者此也此氣未死之

先血氣全盛魂魄相屬內含五彩暖氣如湯人一死則如牲畜血氣一散而此氣餒矣人身亦然只此一氣便是金丹大藥故先師以心肝脾腎腸膽精津氣血液涕唾為非道又以神魂魄意似是而非者此也人之一

身左足太陽右足太陰兩足底為湧泉穴發水火二氣自雙足入尾閭上合於兩腎左為腎室右為精府一水一火一龜一蛇互相索籥兩腎之間虛生一竅是為玄牝二腎之氣貫通玄牝之間由此發黃赤二道上夾脊雙

關貫二十四椎中通於心復入膏肓之下會于風府上朝泥丸而下通明堂散灌五宮下入重樓玉關直至絳宮復流入於本府日夜循環周流不息皆自然而然即不是動手脚做成底而今人皆流入旁門者不知虛無自

然默默運用之理却妄行屈伸呵嚙擦摩引導存思注視遂成妄想妄作返至成疾如白蓮道人箇箇面黃運氣道人箇箇病蟲夫此氣在人人人一般即無多少有涵養的做得成無涵養底做不成其流行出入往來自有一定數如海中潮候弦朔必應上天斗柄子午

自移入如女子月經病瘵疾人應時而至確然不差此氣遇陽時為火陰時為水即木液水即金精又左腎為坎坎中有戊右腎為離離中有己戊己二土合為圭字又名水中

金刀者金也故名刀圭又火即木水即金為金木無間水火同鄉金木水火只是一土而一土總五行耳先師以為五臟六氣六腑元精正謂此爾此氣時至自然運轉不假人為凡言轆轤三車黃河曹溪者取象如此非人

力強為也此氣當以子時而至為陽火午時而至為陰火以卯時而至為木液以酉時而至為金精卯中有甲酉中有庚故須採取用甲庚子中有戊午中有己故運真土用子午其實一物然乘取必用甲庚運火不拘子午

自非洞曉乾坤升降陰陽盛衰藥材老嫩水火潛亢之理不足以語此然先師言之甚詳而後人愈疑之者何也皆緣泥於虛無故不知下手用工是以胎息不成而歸於頑空忽於自然而溺於妄想強作是以心神枉費而

返以致疾夫虛無者言其不可見聞自然者言其可以迎取今以采取火候等逐節工夫言之淺深並不假譬喻以誤後人直截句句分明節節緊切但謹守奉行無不應驗凡未入室已前且理會安排採藥每日夜且習打坐坐一定自然骨節開關脉通自膀胱至夾脊如車輪運轉先天一氣自然由三關上朝泥丸下重樓入絳宮然其來有時來亦有時須得甲庚旺相之時默默端坐不須用力摩動須臾覺頂中火熱喉中甘露降滴滴而下便以目內視以意內送直納之於絳宮而止凡一日之內以甲應上弦庚應下弦自子至卯為上弦得汞半斤自午至酉為下弦得鉛八兩采甲汞庚鉛各半斤自然定數所謂鉛見發生須急采金遠埋遠不堪嘗者言甲庚

之時木汞金鉛方生須以此時採取也如此謂之采取然初采取不記年月久久積之方成爐鼎夫一身爐也絳宮鼎也今人以脾胃為黃庭頂中泥丸為鼎皆非也年月既久爐鼎方成然後種藥夫藥物一生且采且鍊

采而積之者為藥鍊而成之者為火采之則一日有一斤之數鍊之則一日有一鍊之得采藥之時須乘甲庚旺氣行火之法須忌甲庚沐浴有此不同耳采藥之法亦如安鼎不過因其自然之來而迎之以意送之以目故丹書言黃婆青女黃婆意也青女眼也以意逢迎謂之黃婆媒合以目內送謂之青女傳言人身之氣隨意而動意行即行意止即止故送入鼎中隨意而止不復下流謂之采藥藥即入鼎然後有火候聖人傳藥不傳火以火與藥同歸而殊途同情而異功故爾子為一陽至巳為六陽言自子至巳為火得六數而六陽成乾當自子至巳以意迎之謂之進火謂之添汞午為一陰至亥為六陰自午至亥為水得六數而六陰成坤當其自午至亥

不必迎之謂之退火謂之抽鉛子巳為火午亥為水言火不言水者添進則為火抽退則為水自然而不假人為丹經云河圖洛書之數者言其火候自然與彼生成之數合爾非必求用力以合此數也言屯蒙畫始

夜復者亦言與此卦默合非必用力求合此卦也如運用之說則言此氣運行周流五臟百脉如亥子旺腎寅卯旺肝巳午旺心申酉旺肺辰戌未旺脾自然此氣流行由旺宮而出亦不必妄想此時此臟有此氣出入流通然采取造鼎之初則無禁忌時至則為既了則休至如入藥行火則須擇日入室一毫俗事不妄干涉使耳目鼻口四象相忘胸中澹然虛室生白有一所著便是封固不牢藥物走漏便不是道既居室內惟半饑半飽不可求睡務使胸次惺惺常常提醒見藥即來遇火即行一年之內只除卯酉二月不行水火以卯木旺以酉金旺木旺則火旺金旺則水旺故爾除此二月不須行火如行火則返過而傷丹一年十二月除卯酉二月止存十

月故十月而成胎過十月又不須行火行火則又傷丹此之謂火候十月胎成移入泥丸謂之換鼎此時胎氣既足如人已生但須乳哺之耳此時工夫不須行火候亦無沐浴只是溫養如此三年九載則天門自開嬰兒出

入往來無礙位登仙翁矣此首尾用之說皆是自然而不假人力強為妄想不過臨時以意迎逢之而矣此本是積日累月造鼎安爐一年十月結胎行火先師以為一日金丹黑赤紅又謂頃刻可成者何也言一時半日之工夫可奪一年半紀之造化當其藥生火到之時不過頃刻逢迎故謂之金丹頃刻而成即非終日終夜勞神苦思強為妄想也夫藥物爐鼎火候沐浴胎息嬰兒運用抽添主賓利德浮沉升降鉛汞水火真土金精一應言語都是改名換姓其實只是一物勾鎖連環自可熟讀其義自見其有下手工夫虛無自然之說先師許多丹經詩詞盡矣參同脗合一以貫之如此而已言之非難行之為難行之非難守之為難也何以守之為難大抵

旁門小法俱無報應惟有金丹一件即有報應今人采藥少年者半年工夫中年者一年工夫老人須三年工夫忘形念靜坐默然米取之後時節到來耳目手足清健百病俱無自然兩腎火起夾脊如車輪泥丸如湯澆口中常有甘露滴瀝而來若能不睡存神百念

俱絕不過兩月餘日日生神光此心明了若有慧性比其驗也得之不可便以為至道否則便成風頭至如三月行火之餘時時刻刻工夫不差則七竅光明須有金光明如車輪內外洞視遠接鬼神當此之時嬰兒已生形象不可便縱其運動出入須要謹護牢收石則火漏丹敗十月既滿嬰兒受氣已足自然如瓜果之熟根蒂自落然後出入往來不可離身丈尺不可遠出一出便須收回否則神一出而迷返遂去投胎奪舍不復顧屋舍矣且待三年九載日子滿足骨骼老成人十數歲知人事輕重淺深方可縱其自然往來出入至此時則飛昇變化真仙矣猶有魔障當其入室坐忘之時聰明倍生神異百出

凡天下奇奇怪怪之事生前死後之果神仙希有之遇鬼神驚怖之事會集于前真如慧眼又如神明依附此皆魔障所生不可便以為道須要把握一念堅凝所謂太玄之一守其真形切不可見女為真縱情為性如此守

一方能成道今人多於此時無定見定力故為外邪所附不惟學道無成反為顛風遂以為神仙渺茫惜哉僕平生讀書訪友參師問道躬行實踐所見功驗如此併以告之未來學者有志之士得此而讀之尋文揣義參之先師丹經遺論求之道藏秘文當一一皆合恒能依此修行十月胎成移鼎溫養之後又參向上一着方可看悟真下篇求精進法又當有自然希有之遇有不可以言傳之妙若不如此次第行之則身中無胎嬰兒不育參禪學道如水無源如木無根竟成有漏頑空到老無成終歸輪迴惡趣如丹成之後或投胎奪舍飛昇尸解又是丹成之後修行淺深把投定否如何有此報應即是合用工夫處不可放縱一步就中飛昇為上尸解次之奪舍

又次之投胎為下矣至如飛昇尸解二者又須功圓行滿代天行化有濟物利人之勞方可至也若無功行但可延年益壽亦不能為仙也何以言之神一去而不回則氣一絕而不甦上為奪舍下為投胎又下為無着之鬼要免輪迴苦趣除非見性方可脫離生死僕念世人愚迷談道千萬功成者一二故併述之以為來者之戒不撥輕泄漏慢冒戒書此後有作者得此而讀之亦是有緣如見君父如對師資當珍藏什襲永為身寶非人勿傳○得人勿秘有違此盟先禍一身後及九祖永墮無間無有出期可不戒哉時宋咸淳甲子十一月望前三日謹書于南嶽朱陵洞天

論八關節

一下火功須是謹守百日處於靜室外無所着內無所思身如槁木心若寒灰萬緣頓息與太虛同體以靈光為用晝夜慙懃三五日間自然心定氣和喜悅無窮謙弱恭順於人也
二忽然覺心火下降腎水上騰五臟生津百

脉流通心經上湧鼻間異香舌生甘津已絕飲食晝夜無寐中黃經云但服元和除五穀也
三坎離交媾精氣逆流方得百關通透四肢百脉和氣流通也

四夜間如畫隔牆見針預知前事上見天堂下見地獄物不能礙乃是靈光所至也

五夜間丹田氣生前通氣腕後通密戶頂上紅霞繚繞肩間湧出圓光眼中精明流溢不得為怪此是藥力所至也

六智神通躍自歌自舞口說狂言著撰詩詞心動不能禁止乃是三尸所使若不謹守前功俱廢也

七見人或喜或悲逢人談笑論玄說道亦是三尸鬼惑亂也

八雖是百關開通其中五穀未除陰氣未盡疾病未消修行之人須要與天盟誓精心百鍊斷絕愛念慳貪除去人我與物無私正念

現前內外如一奪天地之正氣抽陰換陽學道之士若不謹守氣有走失心若懈怠妄想

邪思三尸齊起六耗皆來擾亂心神靜生疑懼怖不安睡卧驚悸惡境無窮矣

口中語少 腹中食少 心中事少
夜間睡少 依此四少 神仙必了

修行不在意荒忙 常把心猿意馬降

世事不貪常守分 外牽不動內安陽

少言省語精情爽 養氣調神第一強

夜使少眠還不睡 三尸五鬼自消亡

論六通訣

一心境通二神境通三天眼通四天耳通五

宿信通六他心通若行過不可着他進道之士十二時中常似一時名為無間斷靜坐之間志在調息綿綿體為性時時不昧湛然不動是謂安心夜忽然滿室如畫心似冰清玉潔到此地面非為大事如井窺管見於天三

花聚鼎五氣朝元乃是氣候之所變也靜坐之間忽一性跳出形軀之外便嫌四大臭穢

若到此時慧性覺之乃心境通靜功勿退或居一室或居環堵不知戶庭萬事未來之時

自知猶如隔牆見針乃是靜功所至名神境

可詳察矣

諸真內丹集要卷下

三篇同卷

鼓九

龍虎精微論

三要達道篇

六根歸道篇

龍虎精微論

通者到此時正要加志鍊磨睡眠忽然心神閉塞坐卧不知混混沈沈不辯東西若到此時休得心忙慧心覺之混混之間忽然心地大開地理山河猶如掌內觀之心神踊躍氣極無極乃是天眼通到此加志勤行休執偏了坐間忽然聽天人之語撥去休着恐是邪境乃是天耳通或晝或夜入放大定觀透三界之因果到此地面乃是宿信忽通若心常慧燭光明水夜清宵無思無墨寂然常信不離本室顯身外之身他方都見神聖之通也。

乃是心通後有鍊形鍊氣之法若鍊氣則在希言若鍊形則無私無慾此二事謹謹護持休得中路由廢地久天長功大數足自然改換形軀或是內瀉或是外表則滿身瘡出臭穢不內瀉則大小腸中自出五般顏色若到此時休恐怖換換盡陰滓水上自得身體安樂如能換骨如蛇退皮如蟬脫殼乃信形神俱妙與道合真方見出世之功恁時撒手而行飢來飯困來眠未升之時隨緣住世數足則獨步登雲自在逍遙任從天斷學道之人

粵若太易未分莫之名狀太極既始遂有混成中含真一之精實為天地之母四象因之而建立萬物由之以生成炎烈火中出飛龍之矯矯泓澄水底躍走虎以眈眈陰陽莫能測其情鬼神無以窺其跡聖人有作潛開造化之源學者精心遂落希微之旨則金丹之道可得而言且夫眇觀幽深秘在鉛火离宮有氣向甲乙以生華坎位騰精入庚辛而結粹金胎神室建建丹臺聖母華池爰開藥祖所以陽鑪陰鼎法天地之元規剛火柔符凝寒暄之大柄回旋八表依約五行取三百八十之卦又循環火內監四千三百之正氣來入鼎中春夏秋冬頃刻而更相代謝子午卯酉逡巡而不越準繩任二十四氣以推遷俾

七十二候之羅絡促歲功於月內寒暑無差
陷月候於日中弦望有則從子至巳純陽用
事而進陽符乃內陰而求外陽也自午至亥
純陰方興而退陽火乃外陽而附內陰焉周
流六虛往來上下水火運轉動靜無常故得

龍虎相交向鴻濛而有象夫妻合體從恍惚
以成形是以坎作陽男而居陰位陰中陽附
故金虎見於水間遂為月魄陽者陰女而處
陽方陽中陰生乃承龍出於火內故曰日魂
至于神室範圍象如鷄子兩弦相合一體混
同爻從否泰之中承茲交感之氣養鄴郭樹
立根基以至凝然遂成神物其或抽添過度
進退失期符火有差寒暑不應則陰陽乖殊
四方成水旱之災天地分崩萬物有流離之
變和氣由茲而不降真精自此而莫留蓋運
火之失宜匪用藥之有異也必若辨鉛認汞
識水知金躬受秘聞親傳大訣取黃芽於鉛
內化出金田散白雲於砂間構成神室中央
作鼎法象乾坤四面行符循環日月陽升陰
退陰進陽錯塘光盛而金水成形免影滅而

龍虎伏體歲月既滿功用方神浸以澄波浴
之寒夜半圭入口向五內以雲蒸一劑纔終
已金身而霞舉此得之者也夫鉛火之始終
雖得其鉛復難其火每精思於至理固難測
於玄機苟不從師終無自悟微矣妙矣神哉

聖哉若自得其真則不言而可信或終迷其
趣必忠告而見疑遂有妄出冒襟恣為穿鑿
依約經旨飾說虛談雖強名略同而至道殊
邈竊呼二氣誑號靈砂以碯黃為陽鉛用水
銀作陰汞亦運水火還設鼎鑪徒成殷鮮之
形可供藻繪之用而又乘霜雪水各見煎熬
草汁木灰竟聞收採或以便液而鍊或以糞
穢而燒或將古井之汙泉認為神水或取草
頭之露顆喚作河車鍊鹹為鉛抽砂作汞或
以金銀之合雜或將砂汞之調和五金平用
於鑪中八石同烹於鼎內如此則虛勞歲月
枉費資財遂使白首成空死心神之不實丹
臺莫到向淪謝以何逃此失之者也殊不知
至藥者乃天地之極靈為出世之要道採陰
陽五行之氣取日月四象之精自無形而入

有形從有物而至無物死生永度變化無窮
向雲漢以高躋與霄昊而齊久豈將凡朽之
用可並神靈者哉愚竊慕長生深探至理雖
莫窺其堂奧亦粗曉其津涯終冀獲遇高真
恭聞寶訓證成妙道以技屢龍常默然以為
懷每兢兢而在念藏於絳府莫漏微言今乃
覩縷再三敷舒不已者豈敢評量於天道固
非泄慢於天機其如著懷亦有所自蓋欲招
同志養素之士結絕俗深識之流共棄浮榮
相期巖谷耳復以詩一十首系之於末

其一

識汞知鉛辨火金還丹深旨香難尋若將世
上凡常物白首虛勞枉用心

其二

泓澄水底深藏虎烈火光中密有龍調燮陰
陽無舛錯自然蟾彩入鳥中

其三

五行妙用循環轉相賊相生變化成若遣世
人皆會得便應傾國彩雲迎

其四

震龍張鬣欲騰方充虎神威又捉將二氣混成歸一體可知金鼎道非常

其五

化女成男事可論轉南成北道彌尊人間無限神仙藥指與翻疑是誑言

其六

四千三百具精炁上帝潛移頃刻中火記盈編藏秘旨誰知年月日時同

其七

星堂獨照滿皇都萬里天河注玉湖碧浪騰波歸大海黑雲霞變化玄珠

其八

朝元羽液頻將鍊莫把靈鳥暗處舒往往求生多此用迷徒失路怨清虛

其九

癸水連天濟海涯庚辛產鍊木精華坎離二女調和衆同化相生共一家

其十

志操與功修寶殿碧霄池畔長鉛花復來再會成烟春日日常般漸漸加

莊老火候

凡人欲行此周天火候先須絕嗜欲減食味若常潔食方為合宜也不可貪財逐利凡欲行持之時先行導引凡事略略為之要開關脉能引多般尤更良矣又勿使疲困致損精神殊不妙也導引大綱略云下項

擺掣四肢

以手大擺以足大踏步行又以一脚踏地一脚懸空向前踏空令響

手托山勢

以手交攏指掌仰上放腕手直上托以兩脚用力踏地少時

搜弓勢

以兩手左右挽如搜弓之勢又側身如射鵬之勢左右為之

又以兩手交抱項後搖上截身連頭動也脚膝亦要摩擺赤澤并乾浴更以手相摩熱熨氣海穴之上下亦揮握兩手指歷歷令響然後叩齒集神

又振天鼓三十六下以左右手按鼻左右

是制七魄也

又呼三魂名爽靈胎光幽精數過或只一遍先閉定氣久然後呵逐出敗宿食穢氣又直舒展手足令氣出指梢

又想青龍白虎朱雀玄武於前後左右黃

氣置身此即五臟真形然後息定意款乃

作用打文

陽文每一文以息定來去勻俟出息時留一半便閉息以意助取自己元氣元亦上源也至層環已上乃鼓住咽下咽時取左邊

下轉面向右咽入取三十六足如初行三

兩歇了三十六亦可仍須想咽下田層環

穿胃神口過入丹田却放氣出入再調息

候又打一文

每三十六咽其九下想時依上法過神口直

入丹田中每咽下時令氣嗚嗚汨汨歷歷

而作聲如此打盡六文計合二百一十六

數然後想一齊聚於丹田中將身左右搖

動五七遍更以手摩氣海上下助之於十

二時中陽時打陽文陰時打陰文打時須

閉目萬慮俱絕不得纖毫掛心卯酉二時屬沐浴不行若或以午後盡為陰子後盡為陽之時只是背着陰陽五行真的矣今須且依他此本午後五時行陰卦子後五時行陽卦所以此本中言午後行坤每一時一卦除數目在前本目共一百四十四是外其餘次第皆一般每一季一次起火燒之發火行徑一如

君侯所燒法一般略而不書所行炁已是火候所燒滯濁也行一年小成二年中成

三年變質六年六陰退六陽備名係仙籍九年可以超昇

初時須服餌以助之陰德以扶之澹默以養之同道一二以借之復不拘山林與城市而皆可居也不可借自己所着者鞋履衣冠與人恐損功力或依水靠林得為中若城樊廛市即其上耳夫莊老之本道德之源銘之佩之珍之守之自然成功也

龍虎精微論

三要達道篇

夫悉受於冲和形成於天地妙用藏於不測真元散乎有作是以茫茫之說若嘉苗而不秀載載之論若顯木之不芽其大道當病乎不知以為知不損以為損而人視之常若干里之遠矣今修行人當去慮忘思絕塵拂愛試聽吾一說焉吾嘗讀陰符經云九竅之邪在手三要吾謂知其本矣且誘人之真亂人之神使內觀不明慧照不清者五色也而目力常與之爭焉去人之靈遺人之清而使天鼓不鳴希音不亮者五聲也而耳力常與之較焉一失為榮辱之機一出為善惡之原而是非之由發乎此者言也而口常與之辯焉目焉而與五色爭耳焉而與五聲較口焉而與一切言辯自由是而言耳由是而聾口由是而訥則真元不存而九邪自此而起焉欲養道者欲去九邪先正三要莫若非禮勿視非禮勿聽非禮勿言顏淵為仁尚慎乎此况養道乎常蔽其目而無色塞其耳而無聲絀其口而無言無色非直無色也無其色色而

已若視之以禮何必蔽焉無聲非直無聲也無其聲聲而已若聽之以道何必塞焉無言非直無言也無其言言而已若語之以典何必緘焉視之以禮則五色不為其亂而無眼罪矣聽之以道則五聲不為其淫而無耳罪矣語之以典則一切言不為其惑而無口過矣如是則法眼無不見法聽無不聞法言無不辯而大道常在乎已而物不能漬之今人學道未絕三要以求超真必未之知也吾因議道將此一說幸為衆審以為遵用期出世之妙果爾

三要達道篇

六根歸道篇

寧根固帶知常守靜則真元得以滋益致虛
 養恬息機洗塵則大道得以延蔓是以古之
 守道軒冕不顧其榮方丈不欣以羨卓絕乎
 世慮優游乎玄情則何道不養何玄不立奈
 何後世之人多懷中士之節兩有存亡之念
 一則好生而不移以養生一則惡死而不思
 以避死是以憂危之患不日而來非測之變
 不時而起雖有攝修之心而無攝修之志雖
 有超騰之念而無超騰之望斯與碌碌塵士
 之輩又何異哉故乃今世學道者眾成道者
 寡矣吾既有念視虔誠當振言以告之責精
 白成用而同半塗之廢矣
 經曰夫欲守道先須守心謂心可以動可以
 靜可以生可以死其難測也有一條而奔邪
 嘆其難防也有五賊而盜真宰若不守之於
 道遠矣沖虛經曰心屬玄主大道俱與則守
 道者是宜手以此為先也心得其守則意無
 亂御而必歸我之使耳心意主手內外又不
 可以失是宜端形應容節躬歛已動止以禮

而入乎君子之域進退有度而不外賢人之
 界則怠傲慵慢而不欺我之身矣如其不然
 則仲尼何謂其身正不令而行行令者尚此
 況養道乎是先守心然後守身也心正手內
 身正手外則視又不可有非焉是宜却以紛
 華慎以聲色五色得正而邪者不干吾之目
 五聲得其節而淫者不干吾之耳於是紅紫
 不能以奪朱鄭衛不能以亂雅則耳目必得
 其養而無誘其真矣如其不然則伯夷何以
 目不視惡色耳不聽淫聲伯夷清人尚此況

玄榻之上道遠乎妙舍之中煩惱不干乎三
 界思慮不撓乎萬神丹可以九轉而不差具
 可以七寶而不亂涉無為而到彼岸度有功
 而入煙霞則六根於道又不細矣在乎人守
 之如何爾

養道乎是耳目亦宜一守也既視聽得其守
 其於臭甘也又不可不慎焉是以芬苾之馨
 不可以養吾之性飲食之非亦可以資吾之
 腹五味之來也守其無味五馨之來也得其
 無馨寥寥以淡杳杳以寂於是鼻舌不為我
 之患矣是臭甘又可為其一守也如其不然
 則昔人云何謂居臭則壞真處甘則敗炁世
 俗常流尚此況養道乎則鼻舌又不可縱焉
 凡此不紊各得其守則六根悉淨而大道存
 焉內則不為炁役外則不為事觸則坦坦乎

意林序

撫州刺史 史 戴 叔倫 撰

卷一

三聖相師大易光著天地之功立矣經傳之
功生焉輔成一德謂之六學漢收秦業其道
方興置講習訓授之官明君臣父子之體雖
禮樂文缺亦足以新忠孝仁義之大綱至如
曾孔荀孟之述其蓋數百千家皆發揮隱微
羽翼風教祖儒尊道持法正名縱橫立權變
通其要崇儉而有別即農而得序傍行而不
流小說去泥而篇簡繁夥罕備於士大夫之
家有梁頴川庾仲容略其要會為子書抄三
十卷將以廣搜採異而立言之本或不求全
大理評事扶風馬總元會家有子史幼而集
錄探其旨趣意必有歸遂增損更書詳擇前
體裁成三軸目曰意林上以防守教之失中
以補比事之闕下以佐屬文之緒有疏通廣
博潔淨符信之要無僻放拘刻諷蔽邪盪之
患君子曰以少為貴者其是之謂乎余元會
之執友故序而記之貞元二年五月二十一
日也

子書起於鬻熊六韜成於春秋六國時莊老
道宗起覆載之功擴日月之照高視六經為
天下式故絕於稱言矣墨程大賢其旨精儉
教 名亞孔聖至矣 管晏文
可謂庶矣而

部帙繁廣彙覽頗難梁朝庾仲容抄成三帙
汰其沙石歟其批糠而猶蘭蓀雜於蕭艾璠
璣隱於璞石扶風馬總精好前志務於簡要
又因庾仲容之抄略存為六卷題曰意林聖
賢則糟粕靡遺流略則精華盡在可謂妙矣
隋代博陵李文博搜掇諸子編成理道集十
卷唐永興公虞世南亦採前史著帝王略論
五卷天后朝宰臣朱翼祖則又述十代興亡
論一帙洵扶風意林究子史大略者蓋四人
意矣子扁舟塗水留滯廬陵扶風為余語其
本尚且日編錄所取先務於經濟次存作者
之意固失篇目如面古人子懿馬氏之作文
約趣深誠可謂懷袖百家掌握千卷之子用
心也遠乎哉旌其可美述於篇首俾傳好事
貞元丁卯歲夏之晦文廢叟河東柳伯存重

述 意林目錄

卷之一

- 鬻子一卷 太公金匱二卷
- 太公六韜六卷 曾子二卷
- 晏子八卷 子思子七卷
- 孟子十四卷 管子十八卷
- 道德經二卷 荀卿子十二卷
- 魯連子五卷 文子十二卷
- 鄧析子一卷 范子十二卷
- 胡非子一卷 墨子十六卷
- 纏子一卷 隨巢子一卷
- 尸子二十卷 韓子二十卷
- 卷之二
- 列子八卷 莊子十卷
- 鶡冠子三卷 王孫子一卷
- 申子三卷 慎子十二卷
- 燕丹子三卷 鬼谷子五卷
- 尹文子二卷 公孫文子一卷
- 陸賈新書二卷 晁錯新書三卷

賈誼新書八卷 呂氏春秋二十六卷

淮南子二十二卷

卷之三

鹽鐵論十卷

新序三十卷

太玄經十卷

論衡二十七卷

潛夫論十卷

卷之四

風俗通三十一卷

阮子四卷

士緯十卷

抱朴子四十卷

卷之五

周生烈子五卷

仲長昌言十卷

魏子十卷

任子十卷

體論四卷

唐子十卷

說死二十卷

法言十五卷

新論十七卷

正論五卷

商君書四卷

正部十卷

通語八卷

荀悅申鑒五卷

典論五卷

人物志三卷

篤論四卷

傅子一百二十卷

秦子二卷

梅子一卷

太玄經十四卷

鄒子一卷

古今通論三卷

意林目錄

物理論十六卷

化清經十卷

成敗志三卷

中論六卷

意林卷之一

扶風馬總元會編

鬻子一卷

藝文志云名熊著子二十二篇今一卷六篇發政施令天下福謂之道上下相親謂之和不求而得謂之信除天下之害謂之仁信而能和者帝王之器聖王在位百里有一士猶無有也王道衰千里一士則猶比肩也知善不信謂之狂知惡不改謂之惑○昔文王見鬻年九十文王曰嘻老矣鬻子曰若使臣捕虎遂麋臣已老矣坐策國事臣年尚少

太公金匱二卷

武王問太公曰殷已亡其三人今可伐乎太公曰臣聞之知天者不怨天知己者不怨人先謀後事者昌先事後謀者亡且天與不取反受其咎時至不行反受其殃非時而生是為妄成故夏條可結冬冰可擇時難得而易失也○武王平殷還問太公曰今民吏未安賢者未定如何太公曰無故無新如天如地得殷之財與殷之民共之則商得其實農得

其田也一目視則不明一耳聽則不聽一足步則不行選賢自代上下各得其所○武王問五帝之戒可得聞乎太公曰黃帝云余在民上搖搖恐夕不至朝故金人三緘其口慎言語也堯居民上振振如臨深淵舜居民上兢兢如履薄冰禹居民上慄慄如恐不滿湯居民上翼翼懼不敢息道自微而生禍自微而成慎終與始完如金城○行必慮正無懷僥倖書忍之須臾乃全汝軀書刀利鱉鱉無為汝開書源泉滑滑連旱則絕取事有常賦斂有節書

太公六韜六卷

有求賢之名無用賢之實○文王曰君務舉賢不獲其功何也太公曰舉不容易文王曰舉賢若何太公曰案賢察名選才考能名實得之也涓涓不塞將成江河兩葉不去將用斧柯蔌蔌不救炎炎奈何文王曰國君失民者何也太公曰不慎所與也君有六守三寶六守者仁義忠信勇謀三寶者農工商六守長則君安三寶完則國昌國柄借人則失其

威淵乎無端孰知其源天下非一人天下天下之天下也取天下若逐野鹿而天下共分其肉○太公云伏羲神農教而不誅黃帝堯舜誅而不怨○聖人恭天靜地和人敬鬼○文王在岐召太公曰吾地小奈何太公曰天下有粟賢者食之天下有民賢者牧之屈一人下伸萬人上唯聖人能行之○冠雖弊加於首履雖新履於地○武王問太公曰士高下有差乎太公曰人有九差惡口舌為眾所憎夜卧早起此妻子之將知人飢渴習人劇易此萬人之將戰戰慄慄日慎一日此十萬之將知天文悉地理理四海如妻子比天下之主軍中之事不聞君命○武王問太公曰吾欲令三軍親其將如父母攻城則爭先登野戰則爭先赴關金聲而怒聞鼓音而喜可乎太公曰作將冬日不服裘夏日不操扇天雨不張幔寒過流塗將先下步軍未舉火將不食士不好死而樂傷其將知飢寒勞苦也用兵之害猶與最大起之若驚用之若狂當之者破近之者亡使如疾雷不暇掩耳也○

貧窮忿怒欲快其志者名曰必死之士辯言巧辭善毀善譽者名曰開謀飛言之士

曾子二卷

君子愛日以學及時而成難者不避易者不從旦就業夕自省可謂守業年三十四十無

藝則無藝矣云五十不以善聞則無聞矣鄙夫鄙婦相會於牆之陰可謂密矣明日或有知之故云執仁與義莫不聞也○蓬生麻中不扶自直白沙在涅與之皆黑君子之遊苾乎如入蘭芷之室久而不聞則與之化矣小人之遊戲乎如入鮑魚之室久而不聞而亦化矣故君子慎其去就也○與君子遊如日之長加益不自知也與小人遊如履薄冰幾何而不行陷乎○天圓地方則是四角不掩也聞之夫子曰天道曰圓地道曰方

晏子八卷

景公作臺臺成復欲作鐘晏子諫曰斂民作鐘民必哀斂哀以謀樂不祥○景公嬖妾死名曰嬰子公守之三日不食膚著於席而不名去嬰子曰外有良醫將作鬼神之事公信之

屏而沐浴晏子令棺入殮死者公大怒晏子曰已死不復生公乃止仲尼聞之曰星之昭昭不如日月之燿燿○景公時雨雪三日披狐白之裘坐於堂側謂晏子曰三日雨雪天下何不寒晏子曰夫賢君飽則知人飢温則知人寒公乃去裘冠足以修敬不務其飾衣足以掩形不務其美土事不文木事不鏤足以示民也○景公曰吾欲霸諸侯若何晏子曰官未具也臣聞仲尼處陋巷簾隅不正則原憲侍志意不通則仲由侍德不辱則顏回侍今君未有能侍故未具也○君擇臣使之臣雖賤亦擇君事之○一心可以事百君百心不可以事一君事貴人不能過禮貴人惡之○晏子治阿三年毀聲於國景公召而問之對曰嬰舉儉罰偷墮民惡之決獄不畏強貴強貴惡之是二邪毀於內二讒去於外臣請改轍更治三年必有譽也○景公病水數十日夢與二日鬪而不勝使召夢者占之占者至門晏子使對曰公病陰也與二日鬪日陽也不勝疾將退也三日而愈公賞占夢者

占夢者辭曰晏子之力也公問晏子晏子曰臣若自對則不信也○景公病瘧在背欲見不得問國子國子曰熱如火色如日大如未熟李也公問晏子晏子曰色如蒼玉大如壁公曰不見君子不知野人之拙也晏子使楚楚王令左右縛一人作盜者過王問何處人也對曰齊人也王視晏子齊國善盜乎晏子曰橘生江南江北則作枳地土使然也今民生長於齊不盜入楚則盜臣不知也楚王自取弊耳○晏子使楚楚王以晏子短作小門於大門之側晏子曰往詣狗國從狗門入今來使入楚不可從狗門入也遂大門入○楚王問齊之臨淄都無人耶對曰臨淄三百閭張袂成帷揮汗成雨比肩繼踵何容無人也○曾子將行晏子送之曰贈人以財不以言

是也公曰善吾不食詭人之言也以魚五十車賜弦章固不受是弦章有晏子之遺行也
子思子七卷
慈父能食子不能使知味聖人能悅人不能使人必悅○國有遺以義率身無道以身率義苟息是也○言而信信在言前令而化在今外聖人在上而遷其化○終年為車無一人之輪則不可馳○百心不可得一人一心可得百人○君本也臣枝葉也本美則葉茂本枯則葉凋君子不以所能者病人不以不能者愧人小人溺於水君子溺於口也○繁於樂者重於憂厚於義者薄於行見長不能屈其色見貴不能盡其辭雖有風雨吾不入其門也君子以心導耳目小人以耳目導心
孟子十四卷
蜀郡趙臺卿作章句章句曰指事○孟子謂惠王曰虐政殺人何異刃耶庖有肥肉廄有肥馬民有飢色野有餓草此謂率獸食人且人惡之況虐政乎故老愛幼推心於民天下

運掌中也故推恩足以保四海不推恩不足以保妻子雖有智慧不如乘勢雖有鎡基不如待時孟子云齊人譏管晏飢者易為食渴者易為飲若久塗炭則易政如渴不擇飲也○宋人有閔其苗不長揠拔之使其長其子趨而視之苗則槁矣非但無益乃有害也○

見孺子入井非孺子之父母亦有惻隱之心無惻隱之心非人也無羞惡之心亦非人也○孟子云子路人告之有過則喜禹聞善言則拜用夏變夷不聞用夷變夏○枉己者

未能直人當以直矯枉若自由何以正人景春曰公孫衍張儀豈不誠大丈夫一怒而諸侯懼安居而天下息孟子曰是焉得為大丈夫乎富貴不能淫貧賤不能移威武不能屈此之謂大丈夫○天子不仁不保四海諸侯不仁不保社稷士不仁不保四體今惡死而樂不仁猶惡醉而強酒民之歸仁猶水就下存乎人莫良於眸子眸子不能掩其惡宥中正則眸子瞭高宥中不正則眸子眊焉○

淳于髡曰男女不親授受若嫂溺援之手乎孟子曰若不援是豺狼也天下溺則援之以道嫂溺必援以手○子產以其乘與濟人於溱洧孟子聞之曰不知政也修橋梁良人出餐酒肉齊人有一妻一妾其夫出行則饜飽而反欺其妻云與富貴人共飲食耳妻後伺之見乞人祭餘食之妻乃告妾相與泣於中庭其夫自外來未知猶驕其妻妾由君子枉道得富貴而驕人也良人即○伊尹不以一芥與人亦不取一芥於人○非其道在野

曰草莽之臣在國曰市井之臣性猶湍水決東則東決西則西○白羽白性輕白雪白性消白玉白性貞雖俱白其性不同也○冬日飲湯夏日飲水飲門案著者中心也○仁義忠信樂善不倦天爵也公卿大夫士爵也古之人修天爵而人爵從之今之修天爵以要人爵得人爵棄天爵終亦亡矣○孟子曰仁之勝不仁也猶水勝火今之為者猶一杯水救一車薪之火也不熄則謂水不勝火此又與於不仁之甚者也亦終必亡而已矣○君子有三樂

父母具存一樂仰不愧天俯不忤人二樂得天下英才而教育三樂○鷄鳴而起孜孜為善者舜之徒也鷄鳴而起孜孜為利者跖之徒也○九仞無泉猶棄井也○古人之關禦暴今人之關為暴今之關出○惡似而非者惡莠亂苗惡佞亂義惡利口亂信惡鄭聲亂雅樂惡紫亂朱惡鄉原亂德堯至湯湯至文王文王至孔子孔子至孟子各五百餘歲

管子十八卷
倉廩實知禮節國多財遠者來衣食足知榮辱野無積草府不積貨市不成肆朝不合眾治之至也○觀其交游則賢不肖可察○一年之計莫若樹穀十年之計莫若樹木終身之計莫若樹人○爵祿滿則忠衰室富足則行衰釜鼓滿則人擊之人滿則天擊之故先王不滿也○凡赦者小利而大害故久而不勝其禍無赦小害而大利久而不勝其福惠者民之仇讎法令民之父母惠者多赦先易後難法者無赦先難後易○堂上遠於百里有事十日而君不知堂下遠於千里有事一

意林 卷一

月不知門庭遠於萬里有事暮年不聞○桓公謂管仲曰寡人有大邪三不幸好畋晦夜從禽不反一不幸好酒日夜相繼寡人汙行二不幸好色姑姊有未嫁者三不幸管仲曰惡則惡矣非其急也人君誰不愛與不敏不敏可耳不愛則亡衆不敏則不及事○齊水躁而復故民食而勇楚水溺而清其民輕果好賦越水濁而重其民疾妬秦水汙而滯其民貪戾晉水滯而雜其民好詐宋水勁而清其民簡易○有法度之制者不可巧以詐僞有權衡之稱者不可欺以輕重先王治國威不兩措政不二門有尋尺之數者不可差以短長也○桓公問廐吏何事最難吏未答管仲曰臣嘗作園人唯賦馬棧最難先搏曲木則直無所施先搏直木則曲無所施○冬日不盟非愛水也夏日不湯非愛火也為不適於身明王不治宮室非愛小也為本矣楚王好小美人省食兵王好劔國士輕死故主好宮室則工匠巧主好文彩則工女靡利之所在雖千仞之山無所不上深泉之下無所不入

商人通賈倍道兼行夜以繼日千里不遠利在前也漁人入海海水百仞衝波逐沫日夜不出利在水也○蛟龍得水而神立人主得民而威成海不辭水故能成大山不辭土故能成高主不厭人故能成衆士不厭學故能成聖鳥合之衆初雖有權後必相吐雖善不親也○殺生之柄不制於主而在羣下也○五穀民之司命黃金刀幣民之通施○農有常業女有常事一農不耕民有飢者一女不織民有寒者○桓公謂管仲曰吾欲伐楚楚強不可下如何曰王但鑄錢於莊山往楚貴市生鹿楚王聞之喜必廢農而獵鹿公藏粟五倍楚足錢而無粟公閉關楚降者十分有四○地大而耕非其地卿貴而不仁非其卿民衆而不親非其民無翼而飛者聲也無根而固者慎也公但謹聲耳

道德經二卷

生而不有為而不恃道所施不求其報其銳解其紛銳進也人欲銳進取功名當當和其光解道无上和其光解道无上

塵當與衆同垢多言數窮口開舌舉不如守中不知守德於中肯養聖人後其身而身先後已天下之外其身而身存後已而厚人人金玉滿堂莫之能守明祐之如赤子金玉滿堂莫之能守明祐之如赤子絕仁棄義民復孝慈德化絕巧棄利盜賊無有上化公正則全曲則從衆不枉則直枉屈已而伸人少則得受則得多多則惑財多者惑於所聞善行無報跡善行道者求善言者無瑕譎善言者無瑕譎知不足而富知不足則長保死而不亡者壽死而不亡者壽將欲喻之必固張之將欲喻之必固張之將欲強之必固弱之將欲強之必固弱之將欲奪之必固與之將欲奪之必固與之將欲廢之必固興之將欲廢之必固興之將欲取之必固與之將欲取之必固與之不善何棄之有不善何棄之有天子置三公天子置三公圖難於易圖難於易失道而後德失道而後德德而後仁德而後仁失義而後禮失義而後禮夫禮者忠信之薄夫禮者忠信之薄而亂之首

禮賤貨貴文故正日貴必以賤為本言破專
以清邪取日以生貴必以下為基言欲
河漢周本以下為基如築壘造功因上士聞道
勤而行之中士聞道若存若亡下士聞道大
笑之不足以為道不足名曰道明道若

昧明道之人若暗進道若退進取道者
若類夷平也大道之人不若退不及夷道
上德若谷若深谷大方無隅若大
廣德若不足若愚頑不足也大方無隅若大
曲廉隅也如雷電待時而動大象無形之人質象
希聲如雷電待時而動大象無形之人質象

無形物或損之而益取之不得益之而損增
致患也名與身孰親身與貨孰多財多則
得與亡孰病好得貨利甚愛必大費甚愛色費精神
甚愛必大費甚愛財則遇患者所多藏必厚變者少所費者多故言必大費也
大成若亡有攻劫之憂死有掘塚探棺之患大成若

缺缺者減名藏大巧若拙不見大辯若訥
疑口不出戶以知天下以己身知人不窺無
彌以見天道天道與其出彌遠其知彌少
其家觀人去其身觀人為學日益謂教
其學雖遠而所見至少為學日益謂教
文飾日以多為道日損謂自然之道損之

又損之以至於無為無為而無不為情欲斷
道合則無所不善者吾善之不善者吾亦善
之道使就善信者吾信之不信者吾亦信之
亦以善攝生者陸行不遇兕虎自然合入軍
不被甲兵戰殺其兇兌兌日也閉其門口

長終身不勤勤身不開其兌視情濟其事濟
情欲終身不救成也大道甚夷而民好徑徑
正也善建者不拔善以道建身建國者知者
不言行也言者不知言多患也其政悶悶悶
其民淳淳親厚其政察察察

政急疾言決於其民缺缺政教急民不聊生
也直而不肆曲已從人不自申先而不耀有
獨見之明如深根固蒂長生久視之道氣以
根以精作帶如樹根不深則拔蒂不堅則落
言能深藏氣固守精無所世漏乃長生久視
道以道莅天下者其鬼不神鬼不神非其

鬼不神其神不傷人聖人在位不傷夫兩
不相傷故德交歸焉鬼得治於陰保其精神
歸也夫輕諾必寡信多易必多難慮不慎其
安易持治國治身安靜其不兆易謀為之於
未有治之於未亂以智慧治國國之賊使智

人治國必甘道德不以智慧治國國之福
作威福乃是國之賊善為士者不武貴道德
民守正直不作邪飾善為士者不武貴道德
上下相親君臣同力善為士者不武貴道德
也善戰者不怒絕隔於禾萌無所怨怒
代天之道損有餘而補不足以中和是上人之道則不然

損不足以奉有餘世俗之人損貧以奉隣國
相望雞犬之聲相聞民至老死不相往來情無
也知者不博博者不知知守一則不必博
也知者不博博者不知知守一則不必博

荀卿子十二卷二十
青出於藍而青於藍冰生於水而寒於水君
子居必擇鄉遊必擇士防邪僻也○肉腐出
蟲木枯生蠹驕慢在身灾禍作矣○君子之
學入乎耳著乎心布乎四肢動靜皆可法則
小人之學入乎耳出乎口口耳之間才四寸

耳何足以美七尺之軀夫驥一日千里為馬
十駕則亦及之窮無窮極無極也跬步不休
跛鼈千里累土不輟丘山崇成○三不祥幼
而不肯事長賤而不肯事貴不肯事賢是
也○天不言人推其意地不言人歸其厚四

時不言百姓期焉○與人善言煖若錦帛與人惡言深於矛戟○枉而不求直影猶不能察明而務見幽也○伯樂不可欺以馬君子不可欺以人○川泉深而魚鼈歸之山林茂而禽獸歸之刑政平而百姓歸之禮義備而

君子歸之○天行有常不為堯存不為桀亡○淺不足與測深愚不足與謀智培井之蛙不可與語東海之樂○聖人無兩心天下無二道○鳥獸失亡其匹越月逾時必反過故鄉徘徊鳴號踟躕踟躕然後而去何況人乎

○歲不寒無以知松柏事不難無以知君子妻子具而愛衰於親爵祿盈而忠衰於君唯舜及賢者不然○荀卿子名況齊宣王時人春申君拜請作蘭陵令因家焉為李斯師後卒於蘭陵

魯連子五卷

白刃交前不救流血急不暇○財者君之所輕死者士之所重君不能以所輕與士欲得士之所重不亦難乎○百足之蟲斷而不蹶持之者衆也○人心難知於天有春夏秋冬以作時人皆深情厚貌以相欺○不知宜

與不宜將以錦純薦不知時與不時猶冬耕也不知行與不行猶以方作輪也

文子十二卷周平王時人師老君

先唱者窮之路後動者達之源齒堅於舌而齒先弊剛強者死之徒柔弱者坐之幹立井

而飲耕田而食不布施以求德不高下以相傾比古人之德也○河不滿溢海不湧波景雲見而黃龍下祥風至醴泉出此聖人順天道也晝冥夜光山崩川涸冬雷夏霜此國之將亡也○水濁則魚斃政苛則民亂上多欲下多詐○冬日之陰萬物歸之而莫使○臯陶喑而大理天下無虐刑何貴言乎○君子猶射差此毫末於彼尋丈○神者智之淵神清則明智則心之府智公則心平精神難清而易濁猶盆水也清之終日乃能見眉睫

不過一撓即不能見方圓也量腹而食度形而衣節乎已者貪心不生○山生金反自刻木生蠹還自蝕人生事還自賊使信士分財不如探籌使廉士守財不如閉戶全封有心於平不如無心之不平○善游者必溺善騎

者必墜○上學以神聽之學在骨髓矣中學以心聽之學在肌肉矣下學以耳聽之學在皮膚矣○鐸以聲自毀膏以明自煎一淵無兩蛟有必爭得鳥者羅之一目一目之羅不可得鳥○欲致魚者先通於谷欲來鳥者先

樹於水水積魚聚木茂鳥集○目見百步之外不能自見其背○水之勢勝火一杓不能救一車之薪金之勢勝木一刃不能殘一林土之勢勝水一塊不能塞一河○飢馬在廐寂然無聲投芻其傍爭心乃生○農夫勞而君子食之愚者言而智士擇之十九○日月欲明浮雲翳之河水欲清沙土穢之叢蘭欲茂秋風敗之人性欲平嗜慾害之○濟溺者以金石不如尺索○花太早者不須霜而自落○入水憎濡懷臭求芳不可得也○乳犬噬虎伏鷄搏狸○冶不能銷木匠不能斲木○金石有聲不扣不鳴簫管有音不吹不聲○事者難成而易敗名者難立而易廢○往古來今謂之宙四方上下謂之宇○孔子無黔突墨子無煖席非其食祿慕位欲為天下除害耳

○獸窮則觸鳥窮則喙人窮則詐○人主之有民猶城之有基本之有根根深則本固基厚則上安○屈寸而伸尺小枉而大直聖人爲之今人貴不許其大功而求其小善失賢也○貴則觀其所舉富則觀其所欲貧則觀其所愛霸王之道扶義而動尊其秀士顯其賢良百姓開戶而待之漬米而備之不義之兵至於伏尸流血而不伏也○冬日之扇夏日之裘無用於已則生塵垢

鄧析子一卷篇二

○劉向云非子產殺鄧析推春秋驗之○修名責實君之事也奉法宣令臣之職也○君有三累親所信以名取士近故疎親臣有四責受重賞而無功臣居大位而不治爲埋官而不平在軍陣而奔北○勢者君之與威者君之策臣者君之馬民者君之輪勢固則與安威定則策勁臣順則馬馴民和則輪利治國者失此必有覆輿奔馬折策敗輪輸敗策折馬奔輿覆則載者亦傾矣○慮不先定不可以應卒兵不預整不可以當敵廟筭千里帷

二十一

帷之奇百戰百勝黃帝之師凶飢之歲父死於室子死於戶而不相怨者無所顧也同船涉海中流遇風救患若一所憂同也張羅之改唱和不差者其利同也故體病者口不能不唾心悅者顏不能不笑○自見則明借人見則暗自聞則聰借人聞則聾一言而非駟馬不能追一言而急駟馬不能及○明君之治民若御奔而無轡負而履冰○喜而便賞不必當功怒而便誅不必值罪○忠忘於官成孝棄於妻子

范子十二卷 在是陰陽

計然者蔡立僕上人姓辛名文子其先晉國公子也爲人有內無外形狀似不及人少而明學陰陽見微而知著其行浩浩其志汎汎不肯自顯諸侯陰所利者七國天下莫知故稱曰計然時遊海澤號曰漁父范蠡請見越王計然曰越王爲人鳥喙不可同利也○掩目別白黑雖時時一中猶不知天道論陰陽有時誤中耳○范子問何用九宮計然曰陰陽之道非獨於一物也○聖人之變如水

二十一

隨形形平則平形險則險

胡非子一卷

負長劍赴榛薄折兕豹搏能羆此徒獵之勇也負長劍赴深泉斬蛟龍搏鼉鼉此漁人之勇也登高陟危鶴立四望顏色不變此陶缶之勇也劉必刺視必殺此五刑之勇也○齊桓公以魯爲南境魯公憂之三日不食曹沫請擊頸以血濺桓公公懼不知所措管仲乃勸與之盟曹沫匹夫之士布衣柔履之人一怒却萬乘之師存千乘之國此君子之勇也

墨子十六卷

君子自難而易衆人自易而難○靈龜先灼神蛇先暴○君子雖有學行爲本馬戰雖有陣勇爲本馬喪雖有禮哀爲本焉○墨子見漆絲而歎曰漆於蒼則蒼漆於黃則黃非獨漆絲然人固亦有漆舜漆許由桀漆子辛紂漆崇侯也○聖人爲舟車完固輕則可以任重致遠○子自愛不愛父欲虧父而自利弟自愛不愛兄欲虧兄而自利非兼愛也盜愛其室不愛異室故竊異室以利其室亦能兼

愛○節葬之法三領之衣足以朽肉三寸之棺足以朽骸深則通於泉○諸侯不得恣已為政有三公政之三公不得恣已為政有天子政之天子不得恣已為政有天下政之○斷指以存脛以免於身者利○君子如鐘扣則鳴不扣則不鳴美女處不出則爭求之行而自衛人莫之娶○墨子勸弟子學曰汝速學君當仕汝弟子學春年就墨子墨子曰汝聞魯人乎有昆弟五人父死其長子嗜酒不肯預葬其四弟曰兄若送葬我當為兄沽酒○

葬訖就四弟求酒四弟曰子葬父豈獨吾父也吾恐人笑欺以酒耳今不學人自笑子故勸子也遂不復求仕○墨子謂門人曰汝何不學對曰吾族無學者墨子曰不然豈謂欲好美而曰吾族無此辭不欲邪欲富貴而曰

吾族無此辭不用邪強自力矣甘瓜苦蒂天下物無全美○古之學者得一善言附於其身今之學者得一善言務以說人言過而行不及○君子服美則益敬小人服美則益驕

纏子一卷

纏子修墨氏之業以教於世儒有董無心者其言修而謬其行篤而庸言諛則難通行庸則無主欲事纏子纏子曰文言華世不中利民傾危繼繞之辭者並不為墨子所修勸善兼愛則墨子重之○董子曰子信鬼神何異以踵解結終無益也纏子不能應

隨巢子一卷

執無鬼者曰越蘭問隨巢曰鬼神之智何如聖人曰聖也越蘭曰治亂由人何謂鬼神耶隨巢子曰聖人生於天下未有所資鬼神為○

四時八節以紀育人乘雲雨潤澤以繁長之皆鬼神所能也豈不謂賢於聖人○有疎而無絕有後而無遺大聖之行兼愛萬民疎而不絕賢者欣之不肖者則憐之賢而不欣是賤德也不肖不憐是忍人也

尸子二十卷

鹿馳走無顧六馬不能望其塵所以及者顧也水積則生吞舟之魚土積則生豫章之木學積亦有生焉○農夫比粟商賈比財烈士比義卑墻來盜榮辱由中出敬侮由外生樹

葱韭者擇之則蕃仁義亦不可不擇也唯善無其義乃繁滋敬災與凶禍乃不重鷄司夜狸執鼠日燭人此皆不令自全○日在井中不能燭十步自在足下不可以視遠雖明何益○堯瘦舜黑皆為民也○陳繩則木之枉者有罪措準則地之廢險者有罪審名分則羣臣不審者有罪農夫之穉去害苗者賢者之治去害義者○虎豹之駒未成文而有食牛之丞鴻鵠之鷺羽翼未合而有四海之心○見人有善如已有善見人有過如已有過

此虞氏威德也○買馬不論足力而以白黑為儀必無走馬矣買玉不論美惡必無良寶矣舉士不論賢良則無士矣○孔子云誦詩讀書與古人居讀詩誦書與古人謀玉者色不如雪澤不如雨潤不如膏光不如燭取玉

甚難越三江五湖至崑崙之山千人往百人反百人往十人至中國覆十萬之師解三千之圍○車輕遠近鞭策不用鞭策所用道遠任重○見驥一毛不知其狀見畫一色不知其美○屠者割肉則知牛長少弓人務筋則

其美○屠者割肉則知牛長少弓人務筋則

知牛長少雕人裁骨則知牛長少各有辨焉
○草木無大小必待春而後生人待義而後
成

韓子二十卷

劉向云秦始皇重韓非書曰寡人得與此人
遊死不恨矣李斯姚賈害之與藥令自殺始
皇悔遣救之已不及○無與禍隣禍乃不存
○臣所以難言者滑澤洋洋見者以謂華而
不實敦厚砥恭見者以謂虛而無用省而不
飾見者以謂訥而不辯激忍近覲探知人意
見者以謂惜而不讓宏大廣博深而不測見
者以謂夸而無用臣所以為難言而患重也
○二柄刑罰也虎所以能伏犬者爪牙也若
虎釋其爪牙則反伏於犬也○故田常請爵
祿大尉斛施百姓北齊簡公失德而田常得
之○韓昭侯醉甚而卧典冠見君寒加衣其
上昭侯覺乃罪典衣殺典冠以典衣失事以
典冠侵官侵官甚於寒也故明王當臣不得
越官而有功不得陳言而無當越官則死不
當則罪○香美病形皓齒損精去甚去泰身

第一
二十五

乃無害使鷄司夜令狸執鼠物有所宜才有
所施各處其宜故上下無為上失膚寸下失
尋常君不可不慎託宴處之娛乘醉飽之時
求其所欲則必聽也○隣國有聖人敵國之
憂○彌子返有寵於衛君竊駕君車君聞之
曰子返毋病而矯駕孝子也與君遊果園食
桃不盡以半啖君君曰愛我也及其色衰得
罪於君君曰是矯駕吾車者啖我餘桃者以
前所賢而後獲罪受憎變也○愛人不得獨
利待譽而後利之憎人不得獨害待非而後
害之與人欲人富貴棺人欲人死喪人不貴
則輿不用人不死則棺不價非有仁賊利在
其中相愛者則比周而相譽相憎者則比黨
而相誹誹譽交爭則生感矣○家有常業雖
飢不餓國有常業雖危不亡若捨法從私意
則臣下飾其智能飾其智能則法禁不立矣
○君以計畫臣臣以計事君害身而利國臣
不為也害國而利身君不為也○譬之如水
溺者飲之則死渴者飲之則生○桓公伐孤
竹失道管仲曰老馬之智可用遂縱馬從而

得歸○桓公伐孤竹行出山中無水隰朋曰
蟻冬居山之陽夏居山之陰蟻壞壤寸而有水
使掘之果得水焉○以人言善我者必以人
言罪我也○置猿於檻則與狎同勢不能呈
能也○刻削之道鼻莫如大目莫如小鼻大
可小小不可大目小可大大不可小奉事亦
然○古人目短於自見故以鏡觀面身短於
自知故以道正己失鏡無以正鬢眉失道無
以知迷惑耳西門豹性急佩韋以自緩董安
于性緩佩弦以自急○斷手續之以玉故世
有易身之患○舜為匹夫不能正三家有才
而無勢雖賢不能制也故立木於高山之上
下臨千仞之溪材非長也其位高也○不敵
人之美不言之惡○韓昭侯掘瓜而伴亡
求之甚急左右而取備之昭侯以此察左右
之虛實○衛嗣君使人過闕市闕吏乃呵之
因以金與闕吏闕吏乃捨嗣君謂闕吏曰汝
何得受客金以明察之○僖侯時宰人上食
羹中有生肝乃問之宰人曰當是人置之欲
去宰自處也後僖侯將浴湯中有礫僖侯曰

有人欲代湯者文公宰上食肉而有髮繞之
文公召宰人曰汝使吾哽乎宰人頓首曰臣
有三罪刀利如干將切肉而髮不斷臣罪一
也援錐貫鬪而不見髮臣罪二也熾洪炮肉
盡赤而髮尚繞臣罪三也有人欲代臣也○

齊景公惡仲尼為魯政梨沮曰去仲尼如吹
毛耳乃使遺魯哀公急於政仲尼諫不納而

之齊鄭人相與爭年一人云吾與堯同年一
人云吾與黃帝兄弟同年爭此不決以後罷

為勝客有為齊王畫者王問何者最難對曰
畫狗馬為最難鬼魅最易狗馬人共知鬼魅

無形像也○冠雖穿決必戴於上履雖五彩
必踐之地○齊宣王問情曰儒者鼓琴手

對曰不也琴者小弦大聲大弦小聲大細易
位責賤易序故儒者不為○以骨去蟻蟻愈

多桓公問管仲曰官少而索多如何管仲曰
君勿聽人人有請因能而授祿錄功而與官

宋人有酤酒者斗繁甚平過客甚謹醞酒甚
美懸幟甚高而酒不售遂致於酸問問長倩

倩曰汝狗惡也孺子懷錢挈壺往酤輒有狗

齧之猶大臣齧有道之士也故桓公問管仲
治國何患患社鼠焚則木焚也○稅勿輕勿

重重則利入於上輕則利歸於民也○晉文
公與楚戰問舅犯曰楚衆我寡奈何對曰君

其詐之又問雍季曰以詐御民一時之利也
與楚戰大勝而歸行賞先雍季而後舅犯曰

舅犯之言權也雍季之言萬世之利也○齊
桓公飲酒醉遺其冠壯之三日不朝管仲曰

此有國之耻公何不雪之以政因發倉賜貧
窮三日而民歌之曰公何不更遺其冠也○

古諺曰政若沐雖有棄髮之費而有長髮之
利也○饑歲之春從弟不讓糶歲之秋疎客

必食非疎骨肉多少之心異也○墨子死後
有相里氏之墨相芬氏之墨鄧陵氏之墨孔

墨之後儒分為八離為三也○待自直之前
則百世無矢矣待自圓之木則千歲無輪矣

○法度賞罰國之脂澤粉黛也○三寸之管
無當不可滿也

意林卷之一

意林卷之二

扶風馬總元會編

列子八卷

天有所短地有所長聖有所否物有所通思
士不妻而感恩女不夫而孕鬼者歸也歸其

真宅○真宅太虛也○貧者士之常死者民
之終○醉者墜車雖疾不死死生驚懼不入

其冑中禽獸之智亦有與人同者牝牡相偶
母子相親避平依險違寒就温居則有羣行

則有列飲則有攜食則鳴侶○宋人養猿號
曰狙欲與狙芋先誑之曰朝三而暮四眾狙

皆怒又許朝四而暮三而眾狙皆喜聖人以
智籠羣愚亦猶狙公以智籠羣狙矣○覺有

八微夢有六候陰氣壯則夢涉水而恐懼陽
氣壯則夢涉火而燔炳飽夢與飢夢取藉帶

而寢則夢蛇鳥銜髮則夢飛天將陰則夢火
身將疾則夢食飲酒者憂歌舞者哭晝想夜

夢神形所遇○陳大夫云吾國有亢倉子能
以耳視而目聽魯侯聞之大驚以上卿禮致

之亢倉子曰臣體合於神心合於無○顏回

能仁而不能反賜能辯而不能訥由能勇而不能怯師能莊而不能同兼四子之有以易仲尼仲尼不許也○目將眇者先睹秋毫鼻將窒者先覺焦朽故物不至則不及冥靈以五百歲為春五百歲為秋荆南上古有大椿以八千歲為春八千歲為秋菌芝生於朝死於晦蠓蚋因雨而生見陽而死越東有輶休國生長子則食之謂之宜弟○輶休國其大父死則負其大母棄之謂鬼餘○孔子東遊見兩小兒辯鬪問其故一兒曰我以日始出去人近日中時去人遠一兒云日初出遠日中時近一兒曰日初出大如車輪及日中繞如盤盂豈不為近則大遠則小者乎一兒曰日初出蒼蒼涼涼至日中有若探湯豈不為近而熱遠而涼者乎孔子不能決小兒曰丘

謂汝多智乎○揚朱曰人得百年之壽者千中無一疾病哀苦居其半其慎耳目之觀聽規死後之餘榮失當年之樂不肆意於一時何異乎縲紲也勤能使逸寒能使溫○晏子曰吾一死之後豈關我耶楚之亦可沈之亦可瘞之亦可露之亦可棄之溝壑亦可納諸石槨亦可唯所遇耳○人不婚宦情欲失半人不衣食君臣道息○揚朱曰生民之不得休息為四事故一為壽二為名三為位四為貨有此四者畏鬼畏人畏威畏刑此之謂適人也○出不由門行不從徑也以是求利不亦難乎○晉文公欲伐衛公子鋤笑之問其故對曰臣笑臣隣人也有人逸妻歸家道見奈婦悅而與之言願視其妻已有人招之公乃引師還未至而有伐其北鄙者○孔子曰力能舉國門之闢而不肯以力門○孤丘大夫謂孫叔敖曰日人有三怨子知之乎爵高者人妬之官大者主惡之祿厚者人怨之孫叔敖曰吾爵益高吾志益下吾官益大吾志益小吾祿益厚吾施益溥可以免乎○揚子隣人亡一羊相率追之歧路之中復有歧矣曰大道以多歧亡羊學者以多方喪生本一末異也○人有亡鈇者意隣子盜之視隣子行步顏色皆將竊也俄而相其谷得鈇見隣子無似竊鈇者○齊人有欲得金者清旦往

市適見貨金者因攫奪而去吏捕問之對曰取金之時不見人但見金也
莊子十卷
水之積也不厚則其負大舟也無力○至人無己神人無功聖人無名○日月出矣而燭火不息其於光也不亦難乎○時雨降矣而猶浸灌其於澤也不亦勞乎○鷦鷯巢於深林不過一枝偃鼠飲河不過滿腹螻蛄無以與乎文章之觀鵲者無以與乎鐘鼓之聲豈唯形骸有聲哉夫智亦有之不知至言之極妙以為狂而不作此形固可使如槁木心固可使如死灰取冥冥之○大智閑閑小智間間其寐也寤交其覺也形開道惡乎隱而有真偽言惡乎隱而有是非此自是而非彼彼亦自是而非此與彼各有一非於體中○可乎可可於已者不可乎不可於謂之六合之外聖人存而不論六合之內聖人論而不議春秋經世先王之志聖人議而不辯不就利不違害○夢飲酒者旦而哭泣夢哭泣者旦而歌獵此寐寐之方其夢也不知其夢由此觀之當死之時不夢之中又占

其夢焉則無以異覺而後知其夢當所遇無
為方生而昔者莊周夢為蝴蝶相相然蝴蝶
變死藏也自喻適志與不知周也俄然覺則遽遽然
 周也不知周之夢為蝴蝶與蝴蝶之夢為莊
 周與吾生也有崖而智也無崖以有崖隨

無崖殆已以有限之性奪無極○適天倍情
忘其所受天性所受各有分○適來夫子
時也生也適去夫子順也安時而處順
哀樂不能入所交哀樂無所措其間也○顏
回曰回之家貧唯不飲酒不茹葷者數月矣

○若此則可以為心齋乎曰是祭祀之齋非心
 齋也回曰敢問心齋仲尼曰若一志无聽之
 以耳而聽之以心无聽之以心而聽之以炁
 聽止於耳心止於符炁也者虛而待物也唯
 道集虛虛者心齋也通集於懷也○天下有

大戒二其一命也其一義也子之愛親命也
 不可解於心臣之事君義也无適而非君也
 无所逃於天地之間○顏闔將傳衛靈公太
 子而問遂伯玉曰與之无方則危吾國與之
 有方則危吾身如何小人之性引之軌制則

伯玉曰善哉問乎正汝身哉形莫若就心莫
 若和形不乖違○就不欲入就者形順入和
 不欲出和者義濟出○山木自寇也膏火自
 煎也桂可食故伐之漆可用故割之人皆知
 有用之用而莫知無用之用有用則與彼為
 其○人不忘其所忘而忘其所不忘记謂誠
 忘也生則愛之死則棄之故德者世之所不忘
 不忘也也則利者理之所不存也故忘形者非忘也
 德乃忘也○古之真人其寢不夢想也其
 覺无憂當所遇○不知悅生不知惡死為體
 其心志安日志其容寂行而无凄然似秋
 暖然似春殺物非為義也○役人之役適人
 之適猶已故入○泉涸魚相與處於陸相啣
 以濕相濡以沫不如相忘於江湖與其不足
 而相忘與其舉堯而非桀不如兩忘而化其
 道忘善惡遺死生與化一夫大塊載我以形
 勞我以生佚我以老息我以死○得者時也
 失者順也所遇之時世謂之得時不暫停順
 不離父母於子東西南北唯命之從陰陽於
 人不啻為父母也自古或有能違陰陽之變而拒
 節也○魚相忘於江湖人相忘於道術

足而相忘天下莫不皆○長於上古而不為
 能至人帶足故索也
 老田新○曠支體黜聰明離形去智同於大
 通此謂之坐忘至人之用心若鏡不將不迎
 應而不藏故能勝物而无傷物來則鑒鑒不
 來然而○鳧膠雖短續之則憂鶴脰雖長斷
 之則悲自三代以下天下莫不以物易其性

英小人則以身殉利士則以身殉名大夫則
 以身殉家聖人則以身殉天下此數者事業
 不同殉身一也臧與穀二人相與牧羊而俱
 亡羊問臧奚事則挾策讀書問穀奚事則博
 塞以遊二人者事不同亡羊均也伯夷死名
 於首陽之下盜跖死利於東陵之上二人死
 雖不同其於殘生傷性一也何必伯夷之是
 而盜跖之非則天下盡殉也彼其所殉仁義
 也則俗謂之君子其所殉貨財也則俗謂之

小人其所殉一也至於殘生損性又惡取君
 子小人於其間哉夫不自見而見彼不自得
 而得彼是得人之得而不自得其得也適人
 之適而不自適其適也雖盜跖伯夷是同為
 淫僻○純朴不殘孰為犧樽白玉不毀孰取

魚相忘於江湖人相忘於道術

珥璋道德不廢安為仁義性情不離安用禮樂○夫殘朴以成器工匠之罪也毀道德以成仁義聖人之過也○跖之徒問於跖曰盜亦有道乎跖曰夫妄意室中之藏聖也入先勇也出後義也知可不智也分均仁也五者不備而後能成盜者天下未之有也五者所不為盜資也由是觀之善人不得聖人之道不立誦不得聖人之道不行天下善人少而不善人多則聖人之利天下者多○絕聖棄智大盜乃止摘玉毀珠小盜不起焚符破璽而民樸鄙剖斗折衡而民不爭○喜怒哀相疑愚智相欺善否相非誕信相譏而天下衰矣○至道之精杳冥冥至道之極昏昏默默○慎汝內全真閉汝外分也多智為敗智元崖○世俗之人皆喜人之同乎己而惡人之異於己也大人之教若形之於影聲之於響有問而應之盡其所懷第子貢教漢陰為圃者作桔槔圃者忿然作色而笑曰夫有機械者必有機事有機事者必有機心機心存于胸中則純白不備純白不備則神生不定神生不定則道不載吾非不知羞而不為事求可功求成

用力少見功多者聖人之道也○三人行而一人惑所適者猶可致也惑者少也○二人惑則勞而不至惑者多也○視而可見者形與色聽而可聞者名與聲悲夫世人以形色名聲為足以得彼之情夫形色名聲果不足以得彼之情也○夫播糠眯目則天地四方易位矣蚊虻噬膚則通夕不寐外物加之雖小而傷性已大鴟不日浴而白鳥不日黔而黑自然已平各足矣易恬憺則憂患不能入邪氣不能襲故其德全而神不虧矣○不為福先不為禍始感而後應無所迫而後動會至不得已而後起故無天災無物累無人非無鬼責其生若浮其死若休喜怒者道之過好惡者德之失一而不變靜之至也靜而一者不可變也不與物交淡之至也物自來耳無交物之情形勢而不休則弊精用而不已則勞○野語有之曰眾人重利廉士重名賢士尚志聖人貴精附之以文益之以博文滅質博溺心古之所謂得志者非軒冕之謂也今之所謂得志者軒冕之謂也軒冕之在身非性命也物之儻來寄也寄之其來不可

禦其去不可止故不為軒冕肆志不為窮約趨俗并蛙不可以語於海者拘於墟也夏蟲不可以語於冰者駕於時也曲士不可以語於道者束於教也自細視大者不盡自大視細者不明騏驎驪駟一日而馳千里捕鼠不如狸性言殊伎也鴟鴞夜撮蚤察毫末晝出瞑目而不見丘山言殊性也○道無終始物有死生○莊子釣於濮水楚王使大夫二人往先焉曰願以境內累矣莊子持竿不顧曰吾聞楚有神龜死已三千歲矣王中笥而藏之廟堂之上此龜者寧其死為留骨而貴乎寧其生而曳尾塗中乎惠子曰子非魚安知魚之樂耶莊子曰子非我安知我不知魚之樂耶惠子曰我非子固不知子矣子固非魚也子之不知魚之樂全奚為奚據奚避奚處奚就奚去奚樂奚惡釋此八者莫足以法身○觸臚曰死無君於上無臣於下亦無時之事從然以天地為春秋雖南面王樂不能過也莊子不信曰吾使司命復生汝骨肉肌膚反汝父母妻子問里知識子欲之乎觸臚

曰吾安能棄南面王樂而復為人間之勞乎

○夫畏途者十殺一人則父子兄弟相戒以
盛卒徒而後出焉不亦智乎故人之所畏者
衽席之上飲食之間而不知戒者過也十殺一人
大畏之至於色欲之害○莊子行於山中
而莫肯畏之斷惡民也

見大木枝葉茂盛伐木者止其旁而不取問

其故曰無所可用莊子曰此木以不材得終

其天年出山舍故人之家故人命豎子殺鴈

豎子曰其一能鳴其一不能鳴請奚殺主人

曰殺不鳴者明日弟子問莊子曰山中之木

以不材得終主人之鴈以不材死先生將何

處焉莊子曰周將處夫材與不材之間似之

而非也故未免乎異直木先伐甘泉先竭○

鳥莫知於鷓鴣其畏人也襲諸人間未有自

於人而人存之者畏人而人
於人聞此鳥所以稱智也

王孫子一卷

舜讓天下於子州支伯子州支伯曰余適有

幽憂之病方且治之未暇治天下也春耕種

足以勞動秋收斂足以休息然尊生者雖富

貴不以養傷身雖貧賤不以利累形○帝王

之功聖人之餘事也非所完身養生也今世

俗之君子多危身棄生以殉物豈不悲哉有

人於此以隋侯之珠彈千仞之雀世必笑之

是何也其以所用者重所要者輕也夫生者

豈特隋侯之重哉○列禦寇不受鄭子陽遺

粟曰君非自知我也以人之言而遺我粟至

其罪我也又恐以人之言吾所以不受也○

子貢問原憲先生何病也原憲應之曰吾聞

無財之謂貧學而不能行之謂病今憲貧也

非病也子貢退有愧色知足者不以利自累

○審自得者失之而不懼行修於內者無位而

不怍窮於道之謂窮抱仁義之道而遭亂世

之患何窮之有智者謀之武者遂之仁者居

之古之道也○廢上非義也殺民非仁也人

比其難我享其利非廉也○擗脣鼓舌擅生

是非好面譽人者亦好背而毀之也○湯放

其主武王殺紂自是之後以強凌弱以衆暴

寡湯武以來皆亂人之徒也○人之情目欲

視色耳欲聽聲口欲察味志氣欲盈人上壽

百歲中壽八十下壽六十除病瘦死

申子三卷

劉向云申子名不害河東人鄭時賤臣學術

以干韓昭侯秦兵不敢至學本黃老急刻無

思非霸王之事三寸之篋運而天下定六寸

之基正而天下治○妬妻不難破家亂臣不

難破國一妻擅夫衆妻皆亂一臣專君羣臣

皆蔽○智均不相使力均不相勝○鼓不預

五音而為五音主○百世有聖人猶隨踵千

里有賢者是比肩

慎子十二卷名到學本黃老

○小人食於力君子食於道○詩往志也書往

誥也春秋往事也○愛赤子不慢其保絕險

者不慢其御○措鈞石使禹察之不能識也

懸於權衡則髮髮識矣○兩貴不相事兩賤

不相使○家富則踈族聚家貧則兄弟離非

不相愛利不足相容也○不聰不明不能王

不替不聾不能公海與山爭水海必得之○

有權衡者不可欺以輕重有尺寸者不可差

以長短有法度者不可巧以詐偽○一免走

百人追積免於市過而不顧非不欲免分定

不可爭也○孝子不生慈父之家忠臣不生聖君之下六親不和有孝慈○匠人成棺不憎人死利之所在忘其醜○廊廟之材非一木之枝狐白之裘非一狐之腋藏甲之國必有兵道有志者必○市人可驅而戰安國之兵不由忿起

燕丹子三卷

丹者燕王喜之子身質於秦始皇之世○丈夫耻於受辱貞女羞於節虧○血勇怒而面赤脉勇怒而面青骨勇怒而面白田光云光知荆軻者神勇也怒而不變高行厲天美聲盈耳荆軻之燕謂太子曰光揚太子高行厲天美聲盈耳軻出衛都望無路歷險不以勤望遠不以遐今太子禮之以舊故之恩接之以新人之敬所以不復讓者信知已故也○風蕭蕭兮易水寒壯士一去方不復還軻曰太子若以燕當秦猶以羊捕狼軻乃請樊於期曰將軍得罪於秦父母妻子皆見焚軻為將軍痛之今願得將軍之首與燕督亢地圖進之秦王必喜喜必見軻軻因左手把其袖

右手搯其背數以負燕之罪責以將軍之讎於期執刀自刎頭墮背後兩目不瞑太子聞之伏尸而哭函盛於期首與燕督亢地圖以獻秦武陽為副軻不擇日而發太子賓客皆素衣冠送之易水之上軻起為壽歌高漸離擊筑宋應和之為壯聲之髮怒衝冠作哀歌則士皆流涕二人皆升車終已不顧也

荆軻至咸陽秦王大喜陞戰見荆軻軻捧樊於期首押并地圖以次進羣臣皆呼萬歲秦武陽大恐荆軻顧笑武陽前謝曰北蕃蠻夷之鄙人未見天子願陛下少假借之使得畢事於前秦王曰軻起督亢圖進之荆軻發圖圖窮而匕首見因左手把秦王袖右手搯其背數之曰從我計則生不從則死秦王曰乞聽琴聲而死召姬人鼓琴琴聲曰羅縠單衣可掣而絕八尺屏風可起而越轆轤之劍可負而拔軻不解音秦王從琴聲負劍拔之秦王斷軻兩手軻因倚柱而笑箕踞而罵曰吾為陛下所欺事不濟也

鬼谷子五卷樂氏注

總按其書云周時有豪士隱者居鬼谷自號鬼谷先生無鄉里族姓名也此蘇秦作書記之馬相如似無○自古及今其道一也變化無窮各有所歸或陰或陽或柔或剛或閉或閉或弛或張是以聖人守司其門戶審察其先後口者心之門戶智謀皆從之出○或遙聞而相思或前進而不御○世無常事無常師○抱薪赴火燥者先燃平地注水濕者先濡此類相應也○智者不用其所短而用愚人之所長也不用其所拙而用愚人之所工也○牆壞於有隙木毀於有節人動我靜人言我聽能固能去在我而問知性則寡累知命則不憂憂累去則心平心平而仁義著矣以德養民猶草木之得時以仁化人猶天生草木以雨潤澤之

尹文子二卷劉欽注
尹文子
序云文子出於周之尹齊宣王時居稷下余黃初末始到京師緣熙伯以此書見示聊定之○名有三科一曰命物之名方圓白黑是也二曰毀譽之名善惡貴賤是也三曰況謂

之名賢愚愛憎是也○法有四呈一曰不變之法君臣上下是也二曰齊等之法能鄙同異是也三曰理眾之法慶賞刑罰是也四曰平准之法律度權量是也○有理而無益於治者君子不言有能而無益於事者君子不

為倖不貴獨工貴與眾共巧今世之人行欲獨賢事欲獨能辯欲出羣勇欲絕眾田駢曰天下之士莫不處其門庭臣其妻子必遊宦諸侯之朝名利引之也○彭蒙曰雉兔在野眾皆逐之分未定也鷄豕滿市莫有志者分

定故也○兩智不能相使兩貴不能相臨兩辯不能相屈力均勢敵故也○專用聰明則功不成專用晦昧則事必悖一明一晦眾之所載○祿薄者不可與經亂貴輕者不可與入難處上者不可不慎○尹文子見宣王宣

王不言而歎尹文子曰何歎王曰吾歎國中寡賢尹文子曰國中悉賢誰處王下誰為王使人有字長子曰盜少子曰歐盜出行其父在後追而呼之曰盜盜吏聞因而縛之其父呼歐喻吏遽而聲不轉但言歐歐吏因而歐

之幾至於死

公孫文子一卷

心者眾智之要物皆求於心○修心而不知命猶無室而歸○君子行善必有報小人行不善必有報○樂者先王所以飾喜也軍旅者先王所以飾怒也○舟從流於河而無維楫求安不可得也○人有三百六十節當天之數形體有骨肉如地之厚有孔竅血脉如川谷也多食甘者有益於肉而骨不利多食若者有益於骨而筋不利多食辛者有益於筋而氣不利

陸賈新書二卷

太中大夫陸賈也

陽出雷電陰成雪霜善言古者合之於今能述遠者考之於近道為智者設馬為御者良賢為聖者用辯為智者通○秦以刑罰為巢

故有覆巢破卵之患

文公種米曾子牧羊

智者所短不如愚者所長近河之地濕近山之木長山出雲而丘阜生氣四瀆東流而百川無西○眾口毀譽浮石沈木羣邪相抑以直為曲○犬不夜吠鷄不夜鳴家若無聲官

府若無事亭落若無人閭里不訟耆老不愁君子之治也玉斗酌酒金碗刻鏤所以夸小人非厚已也

晁錯新書三卷

高皇帝不用同姓為親故能以誅暴亂令之所加莫不... 之所誅莫不服○呂后專制社稷不保茅髮漢書云如帶公羊云如綫善為政者士實於朝野牛馬實於陸鳥獸實於林上及飛鳥下及蟲魚載之如地包之如海陛下之地東西盡冠蓋之民南北極寒暑之和匈奴不得當一縣○號令不時命曰傷天焚林斬木不時命曰傷地斷獄立刑不當命曰傷人

賈誼新書八卷

寒者利袒褐飢者甘糟糠秦二世立天下莫不引領而觀其政是故勞民易為政也○主之與臣若日與星貴之與賤若白與黑如身使臂臂之使指天子如堂羣臣如階眾庶如地若經制不定猶渡江無維楫也中流遇風波船必覆矣○採銅者棄其田疇家鑄者損

其農事○建武函谷臨晉三關以備山東諸侯也不如定地勢使無可備天下一通也○與正人居不能無正人也猶生長於楚不能無楚語○志有四興朝廷之志清以嚴祭祀之志思以和軍旅之志精以厲喪紀之志憂以愁○言有四術敬以正朝廷之言和以序祭祀之言併聲氣軍旅之言悲不足喪紀之言○翟王使使至楚楚王誇使者以章華之臺臺甚高三休乃至楚王曰翟國亦有此臺乎對曰翟王茅茨不剪綠椽不刻猶以為作之者勞居之者佚楚王大作

呂氏春秋二十六卷

靡曼皓齒鄭衛之音伐命之斧肥肉厚酒爛腸之食○雷則掩耳雷則掩目耳聞所惡不如不聞目見所惡不如無見強令之笑則不樂強令之哭則不悲不中○流水不腐戶樞不蠹動也形氣亦然水泉東流日夜不休上不滿下不滿○耳有所聞不學而不如聾目有所見不學而不如盲○戎人生乎楚楚人生乎戎則楚人戎言戎人楚言亡國之主

則可化成賢主也○櫻桃之為鳥所舍故曰舍桃○勇凶德兵凶器○今有利劔刺則不及與惡劔無異也水出於山而歸於海○惡山而欲海高下使然也人謂免絲無根其根不連屬耳荻芩是也磁石召針皆相引猶聖人南面而立則天下莫不延頸周文王使人相地得枯骨令吏衣冠葬之天下聞之曰文王賢矣澤及於枯骨○齊人好勇者其一人居東郭一人居西郭幸而相遇飲酒曰酒須肉乎各抽刀自割相啖遂至於死○石可破不可奪堅丹可磨不可奪赤性受於天也○魯有醜者其父出見美者商咄反而告其隣曰商咄不如吾子也是至美不如至惡愛子不知其醜也○人有臭者其親戚兄弟妻妾知識無能與居者自屏乎海海上有人悅其臭者晝夜隨之不離也○趙襄子攻翟勝方飲而有憂色曰江河之大不過三日一朝而下翟勝兩城亡將及我矣孔子聞之曰憂所以昌喜所以亡○管仲為魯所縛檻車載之使役人送于齊皆謳歌而引車管仲恐魯悔

而止之又欲速至齊國謂役人曰我為汝唱汝和我也役人不倦取道甚速管仲可謂能因矣因役人用勢欲走乃為擊唱勸今走也○有道之士貴以近知遠以今知古以所見知所不見故審堂下之陰而知日月之行見瓶水之冰知天下之寒嘗一嚮之肉知一鑊之味有人方且過江引嬰兒欲投於水人問其故對曰其父善游其父雖善游其子未必能耶楚國之政有似如此○不如吾者吾不與處與我齊者吾不與處無益我也○周旦云君子屈於不知己而申于知己○穴深一尋則人臂不及智亦有不至者○樂羊伐中山歸有黃功之色魏文侯以謗書兩篋示之樂羊北面再拜曰一寸之書亦止何須兩篋○人驥俱走則人不勝驥居於車上則驥不勝人猶人主爭官事與驥俱走無異也○目之見也藉於照心之智也藉於理○無骨之蟲不可令知水生秋死不能見三畝之間耳不能聞帷牆之外目不知冬水之撫多鷄西服壽靡比懷耳何以得哉因抽

名○管夷吾百里奚霸王之船驥絕江者託於船致遠者託於驥楚王問詹何治國之道對曰何聞治身不聞治國國之本在身也何體○管仲曰君子有三色懽然喜樂者鐘鼓之色愀然清淨者練絰之色泫然充盈者兵革之色○涓水大有富人溺者有人得富者尸請贖而求金甚多富人黨以告鄧析拊曰但安之必無買此者得尸者患其不贖又告鄧析拊曰但安之必無人更賣又必無不贖言不欺心言所以喻心言於相離則不祥也○以繩墨取木則官室不成材難得也○引其紀萬目起引其綱萬目張治民如此也決積水於千仞之溪誰能當者○戎夷去齊往魯天大寒與弟子一人宿於郭外寒轉其謂其弟子曰可以衣活我我國士也天下所惜子不肖不足惜也弟子曰不肖人安能與國士衣乎戎夷歎息乃解衣與弟子戎夷至夜半而死弟子乃活○晏子遭崔杼之患援緩而乘其僕將馳晏子曰安之疾不必生徐必不死鹿生於山命懸於廚今晏命有所懸矣○以龍

致雨以形迹影類同則相召氣同則相合聲比則相應故鼓宮商應王德不通民欲不達此國之鬱也樹鬱則蠶水鬱則汗國鬱則萬災聚矣天為高矣日月星辰雲氣雨露未嘗休也地為大矣水泉草木毛羽未嘗息也○

冠所以飾頭衣所以飾身令人斷首以易冠殺身以易衣則不知所為矣世之趨利似此亦不知所為也○黃帝之貴亦死堯舜之賢亦死孟賁之勇亦死相玉者患石似玉相劍者患劍似吳干將賢主患辯者似通人亡國之主似智亡國之臣似忠子夏過衛有讀史記者曰晉師三豕渡河子夏曰非者也是已亥○得十良馬不如得一伯樂得十良劍不如得一歐冶得地千里不如得一賢人○夏不衣裘非不愛裘也履有餘冬不用絮非不愛絮也清有餘火燭一隅則半室無光骨節

愛翼也清有餘火燭一隅則半室無光骨節早成身心不長呂不韋始皇時相國乃集儒成時市有能增損一字與千金無敢易者十二紀之體比不抄淮南子二十二卷

教之雖伊尹造父不能化任數者勞而無功○色者白立而五色成道者一立而萬物成擊者學歌無以自樂夫內心不聞而強如擊者枝歌出於口越而散矣○水迎春則釋為水水向冬則凝為冰○以道為竿以德為綸禮樂為鈞仁義為餌投之江浮之海萬物皆得○歷陽之都一夕成湖歷陽淮南縣也有見城門有血則有去無領比後門吏告汚血於門限母使上北山縣果陷水中母遂化作石○越舫蜀艇不能無水而浮鳥號弓溪子弩不能無絃而射○人主誅暴則多飄風法苛則多蟲螟殺不辜則多赤地令不時則多淫雨○南方有不死之草北方有不釋之冰○食水者善浮而耐寒魚屬也食土者無心而惠蚯蚓是也食木者多力而愚麋鹿是也食桑者有絲而蟻蠶屬也食肉者勇敢而悍

虎豹是也食氣者神明而壽龜蛇之類王喬赤松是也食穀者智慧而天人是也○畫生者類父莫生者似母○勇士一人為三軍雄○聖人若鏡不將不迎應而不藏○乞火不若取燧寄汲不如鑿井譬昇請不死之藥於

西王母姮娥竊而食之不知不死之藥所由生也○生有七尺之形死為一棺之土安知喜憎利害耶天地雖大可以短長知之星月之行可以律曆知之○倉頡作字天雨粟鬼夜哭倉頡黃帝史臣也連文○今執政者薄德增刑有似執彈而欲來鳥桺枕而欲狎犬押枕枕杖也○假與馬者足不勞而致千里乘舟楫者不假游而絕江海譬智不任已才力木擊折軸水戾破舟不怨木石而罪巧拙何也智有不周○債少者易償職寡者易守○風疾而波興木茂而鳥集相生之勢○文王智而好問故聖武王勇而好問故勝○力勝其任則舉之者不重智能其事則為之者不難○天下之物莫凶於漢毒良醫藏之有所用也草莽猶不可棄况復人乎漢毒附子也○十圍之木能持千鈞之屋五寸之楗能制門闔非材有巨細所居要耳使孔墨為天下天下盡儒墨得其要也○聖人之道若中衢置罇過者斟酌雖多少不同而各得其宜也罇六通罇酒罇○三月嬰兒未知利害而慈母愛焉情也○

慈父愛子聖王養民若火自熱若冰自寒性使然也及其用力賴其功如失火舟中矣同救火○車無三寸轄則不可馳戶無五寸楗則不可閉故君子所須要也○治國者若張琴瑟大絃絀小絃絕○治國者若設網引其網萬目張○多欲虧義多憂害智多懼妨勇○虎豹以文彩射後狝以捷來刺故子路以勇死長幼以智困吹灰而欲無昧涉水而欲無濡不可得也○廣厦宏屋連闔通房人所安也鳥入之而憂深林藪薄人入而畏鳥入之則安深溪峭岸峻木尋枝後狝所樂人則慄也○翻基丸於地圓者走澤方者處高○戴衰者聞歌而泣戴樂者見哭而笑強哭者雖戚不哀強歡者雖笑不樂○芻狗土龍始成則衣以綺繡及其用畢則棄之土壤芻狗事以

或為君子或為小人此視之異也待驥褭飛兔而駕之則世莫有乘者待毛嬙西施而配之則終身無家矣待古英俊而用之則無人矣驥千里一日而通駕驕馬十駕旬日亦至猶人才不足專恃○鳥窮則喙獸窮則觸人窮則詐峻刑嚴法不可以禁姦○道德之論譬如日月江南北不能易其指馳騫千里不能改其處○趣舍禮裕猶宅之居也東家謂之西家謂之東扣門求火無不與者饒足也故林中不貨薪湖上不驚魚者有餘也○不乘人之利不迫人之險○叔向云墨者曰鳩欲見秦惠王三年不得見一至楚楚王悅之物固有近而之遠遠之而近故大丈夫行不可掩○未得獸者唯恐劍少已得唯恐劍多○古人婚禮不稱主人必稱父母兄弟事二十三舜不告瞽叟而娶非禮文王立伯邑可非制禮三十而家文王十六而生非法○治國有常利民為政本教有經令行為上苟利其心不必法古苟周於事不必循常法度制令各因其宜變古未可非循俗不足多百川異源

皆歸於海百家異業皆務於治○盲者行於
 道人謂左則左謂右則右遇君子則得其平
 易遇小人則陷於溝壑○東面而望不見西
 牆南向而視不覩北方唯無向者無所不通
 ○父弱則攬父髮而拯之非敢驕侮以救死
 也至賞不費至刑不濫○乘船遇風波至而
 恐死自投於水中非不貴生畏死或於畏死
 而反忘生也○人之嗜慾者亦復如此○溜
 水足以溢壺盪江河不能滿漏卮○醉者赴
 淮以為尋常之澠俛入城門以為七尺之閨
 酒濁其神也馬免人於難者死葬之以蓋家
 之以衾牛有德於人葬之以大車○用兵之
 道示之以柔乘之以剛示之以弱乘之以強
 若欲西者示之以東使知吾所出而不知吾
 所入若鬼無跡若水無創若電之激不可備
 也高城深池矢石如雨廣澤平原白刃交接
 士卒爭先者為其賞信罰明也暑不張蓋寒
 不披裘古之善將也軍通井而後飲軍食而
 後食所以同飢渴也矢石所及之處所以同
 安危也天下莫相憎於膠漆膠漆相賊膠漆相抱

不得還天下莫相愛於冰炭冰炭相思冰則得其本也炭則解故得歸○蘭生幽谷不為莫服而不芳丹
 在江河不為莫乘而不浮人有嫁其女而教
 之曰慎無為善女問其故曰善尚不為況不
 善乎○拘囹圄者患日長當死市者患日短
 ○嫁女於消渴者夫死則言女妨○狐白之
 裘天子披之在狐計者不如走澤○先鍼而
 後縷可以成帷先縷而後鍼不可以成衣因
 媒而嫁不因媒而成顧人而交不因人而親
 披羊裘而賃顧其事過也衣貉裘而負籠甚
 可怪也○君子不容非類日月不應非氣○
 非禮而禮譬騾而追狂人盜而與乞者竊聞
 寫法律踴躍誦論詩書○馬似鹿者千金天
 下無千金之鹿○畫孟賁之目大而不可不
 畏畫西施之面美而不可不悅○同污無異
 泥○眾曲不容直眾枉不容正故人眾則食
 狼狼眾則食人○郢人買屋棟與之車轂大
 雖可而長不足○孕婦見免則子缺脣○文
 公棄柎席谷犯辭歸晉文公棄席之黑者荆天將赦而多殺人或知天故○侏儒問天高
 多活人人望欲同刑罰異也

於長人長人曰吾不知也曰爾去天近於我
 也問事當問近者○自賣其母而請買者曰
 此母老矣望善飴之此大不義而欲為小義
 狂人傷人莫之怨嬰疾無心也○佳人不同
 體美人不同面而皆悅於目梨橘棗栗不同
 味皆訓於口○一琴不足以見智一弦不足
 以見悲遺腹不思父無愛心也○湯沐具而
 蟻虱相弔大厦成而鶯雀相賀○釣者靜之
 網者動之罾者抑之罾者舉之為道異得魚
 一○田中之水流入海附耳之語聞千里○
 中夏用筭至冬不去舉衣過水至陸不下此
 不知變也○蟹蝓在頰則好在顏則醜繡為
 被則宜為冠則穢山雲蒸柱礎潤菴茶抽兔
 絲死○兔絲無根而生蛇無足而行魚無耳
 而聽蟬無口而鳴鶴千歲亦極其樂朝生暮
 死亦盡其樂○明珠蚌之病也我之利也○
 百星之明不如一月之光十牖之開不如一
 戶之明○披蓑救火鑿漬止水乃益多也○
 鴻鵠在卵也一指蔑之則破及其羽翅成也
 背負青天磨赤霄喙且子不能得也○戰

以攻城鏡以照形官人得戰則以刈葵盲人得鏡則以蓋厄○堯八眉眉理八字也○人有烹狙召隣者以為狗羹食甚美後聞其狙據地吐之未始知味也○邯鄲有吹者託名李奇人爭學之後知其非皆棄其曲未始知音者李奇趙之善音者○原蠶一歲弄熟非不利也王法禁之為其殘業雖稻熟農夫耨之不以小利傷大獲也稻米落地而生曰離稻○屠者食糞糞為車者多步行人用缺盆匠人居狹廬舟覆乃見善游馬奔乃見良馭○林木茂而斧斤入質的張而弓矢集

意林卷之二

意林卷之三
扶風馬 總元會編 歷三
鹽鐵論十卷
並是文學與大夫相難○善刺者不戰善戰者不師善師者不陣○工不出則物用之商不出則寶貨絕○川原不能實漏厄山海不能贍溢欲○宅近市則家富富在術數不在力耕○善歌者使人續其聲善作者使人治其功○孔子能方不能圓故飢於黎丘○茂林之下無豐草大塊之間無美苗○行遠者假於車濟海者因於舟成名者因於資歐冶能因國君銅鐵作金鑪大鍾而不能自作虛鼎盤盂○香餌非不美龜龍聞而深藏鸞鳳見而高逝玉屑滿篋不成其實仲尼之門七十子去父母捐家負荷而隨孔子不耕而學其亂愈滋猶玉屑滿篋也若能安國利人寧須文辭者哉○有粟而不能食無益於飢觀賢而不能用無益於利○歌者不期於利聲而貴於中節論者不期於麗辭而務在事實○公卿者四海之儀表神化之丹青上有輔

明主之任下有隨聖化之治○諸生抱枯竹守空言不知趨舍之宜時世之變○林中多疾風富貴多諛言○古者君子思德小人思利今人堅額健舌代以致業○九層之臺傾公輸子不能正大朝一邪伊望不能復更道雜而不選○富貴以財買官垂青綬探銀龜擅殺生之柄專萬民之命乘肩驪良列騎成行者不知負檐步行之勞中國與邊境猶支體與腹心肌膚寒於外腹心疾於內以仁義阻之道德塞之賢人守之則莫能入也秦法繁於秋荼罔密於凝脂然而上下相通姦偽並生廐焚孔子問人不問馬賤畜貴人也秦法盜馬者死盜牛者刑苛也
說苑二十卷 劉向
東風則靡而西西風則靡而東上之化下如風靡草○禹見罪人下車而泣左右曰此人
不恭故得罪君王何痛之禹曰堯民以堯為心今百姓各以其心為心故痛之○齊景公出獵上山見虎下山見蛇問晏子曰此不祥耶晏子曰有賢而不知知而不用用而不任

此不祥也山是虎之室澤是蛇之穴何不祥也晏子侍景公朝寒請進煖食於寡人對曰嬰非廚養之臣社稷之臣晉平公問師曠曰吾年七十欲學恐晚如何師曠曰日暮豈不炳燭耶臣聞少而學者如日出之陽壯而

學者如日中之光老而學者如炳燭之明豈不愈於暗乎公曰善哉○曾子衣弊而耕魯君使人致其邑不受曰吾聞受人者畏人與人者驕人安知君能不驕我能不畏乎遂不受○夫仕者身歸於君祿歸於親忠臣不

仕二君貞女不更二夫○居無垣牆人莫之毀傷行無防衛人莫之暴害此君子之行也○楚莊王賜羣臣酒燭或有引美人衣者美人援絕其纓告王王曰賜人酒醉乃顯婦人之節吾不取也乃命左右勿上火凡與寡人

飲者不絕纓者不盡歡也羣臣遍絕纓而後舉火後與晉戰引美人衣者五合以報莊王○陽虎得罪於衛北見趙簡子曰自今以後不復樹人矣堂下之人臣所樹者過半今反危臣矣簡子曰樹桃李者夏得休息樹蒺藜

者秋得其刺今子所樹蒺藜也自今以後擇人而樹之○夫政者無迎而拒無望而許臨財莫如廉臨富莫如平廉平之守莫能攻○國不務大務得民心佐不務多務得賢俊○齊宣王謂淳于髡曰先生云寡人何好對曰

古者所好者四而王所好者三古者好馬王亦好馬古者好玉王亦好玉古者好色王亦好色古者好士王不好士王曰國無士耳若有寡人亦好之對曰驍駟騏驎本無王求之豹象之胎本無王求之毛嬙西施本無王求

之而不求士何也楊回見趙簡子曰臣居鄉三逐事君五去聞君好士故來左右曰居鄉三逐是不容於眾也事君五去是不忠於上也簡子曰美女者醜婦之仇也盛德君子者亂世所疎也正直之行邪枉所憎也遂用之

作相衣成則缺衽官成則缺隅示不威也鬼神害滿也○周公誠伯禽示無以魯驕人○國有五寒凍不預焉一曰政二曰厲三曰謀泄四曰不敬一而國敗五曰不能治內而務外也官不與勢期而勢自至勢不與富期而

富自至富不與貴期而貴自至貴不與驕期而驕自至驕不與罪期而罪自至魯有恭士行年七十其恭益甚魯君問曰長年恭可以釋也對曰君子恭以成名小人恭以除刑一言不安尚有嗟跌一飯雖美尚有哽咽鴻飛

于天續者得之虎豹雖猛人食其肉譽人者少惡人者多得不恭乎○歲飢民疫不足患也大臣祿重而不極諫近臣畏罪而不敢言此大患也○趙襄子謂子路曰吾嘗問孔子曰先生事七十君豈無明君耶孔子不對何

謂賈耶子路曰建天下之鳴鐘撞之以槌豈能發其聲乎善夜居者不能早起感於彼者衰於此長於左者短於右一貴一賤交情乃見一死一生乃知交情○口者兵也出言不當反自傷○丹所藏者赤漆所藏者黑君子

慎所藏也○飛鳥愛羽虎豹愛爪所以輔身也○積思曰愛積愛曰仁積仁曰靈臺靈臺者積仁也神靈者天之本○晏子為上卿妾不衣帛馬不食粟何以華國對曰德以華國不聞以妾與馬○趙簡子乘弊車瘦馬衣殺

羊之蒙其辜曰車新則安馬肥則疾孤叢則
溫君宜改也簡子曰君子服善則益恭小人
服善則益踞子貢謂子石曰何不學詩子石
曰父母求吾孝兄弟求吾悌朋友求吾信何
暇學哉子貢曰損吾詩學于詩○河平四年

第三

五

都水使者諫議大夫劉向上言曲彌高者和
彌寡水所以載舟亦能以覆舟○楚丘先生
年七十披裘見孟嘗君君曰先生老矣何以
教寡人先生曰欲使追車越馬逐鹿搏虎吾
即死矣何暇老耶若使決嫌疑定猶豫吾即
少也何老之有孟嘗乃有愧色○魏王欲築
中天之臺曰敢有諫者死許綰負簞操斧入
曰聞王欲為中天之臺願效力焉臣聞天去
地一萬五千里今王因而半之應高七千五
百里基廣八千里盡王之地不足以成臺址
王宜起兵伐諸侯盡有其地猶不足也又伐
西夷乃足之矣須具材木人徒稱此然可作
也魏王默然後乃罷築○有遺鄭相魚不受
人曰子嗜魚何故不受對曰謂嗜魚故不受
受魚失祿無以食魚不受魚得祿終身食魚

○以老者智少者決必能治阿子奇年十六
齊君使治阿既而君悔之遣使追追者反國
子奇必能治阿共載皆白首也子奇至阿鑄
庫兵以作耕器魏曰聞童子治邑庫無兵倉
無粟乃起兵擊之阿人父率子兄率弟以私

兵戰遂敗魏師

法言十五卷 楊雄撰 車軌弘範注

務學不如務求師師者人之模範瞻顏之人
亦頹之徒瞻驥之馬亦驥之乘○詩人之賦
麗以則辭人之賦麗以姪若孔氏之門而用
賦則實誼升堂相如入室矣○四重何謂四
重言重則有法行重則有德貌重則有威好
重則有觀○四輕何謂四輕言輕則招憂行
輕則招辜貌輕則招辱好輕則招姪○刀不
利筆不鈔宜加刃削○天可度則覆物淺矣
地可測則載物薄矣○說天者莫辯乎易說
地者莫辯乎書說體者莫辯乎詩說理者莫
辯乎春秋○孔子東國之逐臣夷齊西山之
餓夫不屈其志不辱其身不夷不惠可否之
間○仲尼之道猶四瀆經營中國終入大海

太玄經十卷 楊雄撰 虞翻注

鷹萃于林獺入于泉○鳴鶴在林笑彼衆禽
○淮南王安多華少實○齊桓晉文之霸如
日繼月孔子文足老君玄足山川藪澤萬物
歸焉○君子得位則昌失位則良小人得位
則橫失位則喪

新論十七卷 桓譚

三皇以道治五帝以德化三王由仁義五霸
用權智無制今刑罰謂之皇有制令無刑罰
謂之帝賞善誅惡諸侯朝事謂之王與兵衆
約盟誓謂之伯王者往也言其惠澤優游天
下歸往也王道純粹其德如彼霸道駁雜其
功如此俱有天下而君萬民垂統子孫其實
一也○圖王不成亦可以伯○治國者輔佐
之本其任用咸得大才大才乃主之股肱羽
翮也○明鏡龜策也章程斛斗也銓衡丈尺
也○前世俊士立功垂名圖畫於殿閣官省
此乃國之大寶亦無價矣雖積和璧累夏璜
囊隋侯篋夜光未足喻也伊官良平何世無
之但知人君不知羣臣勿用也○賢有五品

謹勅於家事順悌於倫黨鄉里之士也作健
 曉惠文史無害縣廷之士也信誠篤行廉平
 公理下務上者州郡之士也通經術名行高
 能達於從政寬和有固守者公輔之士也才
 高卓絕踈殊於衆多籌大略能圖世建功者
 天下之士也○賈誼不左遷失志則文彩不
 發淮南不貴盛富饒則不能廣聘駿士使著
 文作書太史公不典掌書記則不能條悉古
 今揚雄不貧則不能作玄言殷之三仁皆暗
 於前而章於後何益於事何補於君○世有
 園基或言兵法之類上者張置踈遠多得道
 路而勝中者務相遮絕爭便求利下者守邊
 隅趨作星目生於小地猶薛公之言黥布反
 也上計取吳楚廣地道中計塞城秦遮要爭
 利下計據長江以臨越守邊隅趨作星目者
 也更始將相不防衛星中死基中生也○文
 王葬枯骨無益衆庶眾庶悅之恩義動人也
 王翁觀人五藏無損生人人惡之殘酷也
 ○東方朔短辭薄語以謂信驗人皆謂朔大
 智後賢莫之及譚曰人有以狐為狸以瑟為

筮篋比非徒不知瑟狐又不知狸與筮篋乃
 非但言朔亦不知後賢也○夫以人言善我
 亦必以人言惡我王翁使都尉孟孫往泰山
 告祠道過徐州牧宋仲翁道余才智陳
 平留侯之比也孟孫還喜謂余曰仲翁盛稱
 子德子乃此耶余應曰與僕遊四五歲不吾
 見稱今聞仲翁一言而奇怪之若有人毀余
 子亦信之吾畏子也余前作王翁掌教大夫
 有男子殺母有詔燔燒其子屍余謂此事不
 宜宣布余封事云宣帝時公卿大夫朝會丞
 相語次云臬生子子長食其母乃能飛時有
 賢者應曰但聞烏子反哺其母丞相大慙自
 悔也人皆少丞相多彼賢人賢人之言益於
 化也鳥獸尚與之諱況於人乎不宜發揚也
 ○龍無尺水無以昇天聖人無尺土無以王
 天下○識出河圖洛書但有兆朕而不可知
 後人妄復加增依託稱是孔丘誤之甚也○
 張子侯曰楊子雲西道孔子也乃貧如此吾
 應曰子雲亦東道孔子也昔仲尼豈獨是魯
 孔子亦齊楚聖人也○畫水鏤冰與時消釋

○孔子以四科教士隨其所喜譬如市肆多
 列雜物欲置之者並至聞東里語云人聞長
 安樂則出門西向而笑肉味美對屠門而嗜
 此猶時人雖不別聖亦復欣慕○顏淵所以
 命短慕孔子殤其年也如庸馬與良駿相追
 街尾至暮良馬鳴食如故庸馬垂頭不食何
 異顏孔優劣○余少時見楊子雲麗文欲繼
 之嘗作小賦用思大劇立致疾病子雲亦言
 成帝詔作甘泉賦卒暴遂倦仆五藏出地以
 手收內之及覺氣病一年由此言之盡思慮
 傷精神也○莊周病劇弟子對泣之應曰我
 今死則誰先更百年生則誰後必不得免何
 貪於須臾○子貢問遽伯玉曰子何以治國
 答曰弗治治之古孝經一卷二十章一千八
 百七十二字今異者四百餘字○左氏云經
 與傳猶衣表裏相待而成○堯能則天者貴
 其能臣舜禹二聖○劉子政子政駁駿兄弟
 子伯玉俱是通人尤重左氏教授子孫下至
 婦女無不讀誦此亦蔽也舉綱以綱千目皆
 張振爰持領萬毛自整治大國者亦當如此

○以賢伐賢謂之煩以不肖謂之亂○王平仲云周譜言定王五年河徙故道今所行處非禹所穿○揚子雲工於賦王君大習兵器余欲從二子學子雲曰能讀千賦則善賦君六曰能觀千劍則曉劍嗚曰伏習象神巧者不過習者之門五福壽富貴安樂子孫衆多○百足之蟲共舉一身安得不濟○曲陽侯迎方士西門君惠從其學却老之術君惠曰龜稱三千歲鶴言千歲以人之材何乃不及蟲鳥耶余應曰誰當久與龜鶴同居而知其年歲耳○聖人何不學仙而令死耶聖人皆形解仙去言死者示民有終也○昔神農伏羲王天下梧桐作琴三尺六寸有六分象基之數厚寸有八象三六數廣六分象六律上圓而斂法天下方而平法地上廣下狹法尊卑之禮琴者禁也古者聖賢玩琴以養心窮則獨善其身而不失其操故謂之操達則兼善天下無不通暢故謂之暢堯暢經逸不存舜操其聲清以微微子操其聲清以淳箕子操其聲淳以激

論衡二十七卷 王充

操行有常賢仕宦無常遇賢不賢才也遇不遇時也才高行潔不可保以必貴能薄操濁不可保以必賤或同操而異主伊尹箕子是也二人俱命世之臣伊尹遇成湯作相箕子遇商紂作奴故知遇與不遇也○濟受塵白受垢青蠅所汙常在練素○邑犬羣吠吠所怪也○絃者思折伯牙之指御者願斷王良之手惡彼勝已也玉變作石石化作礫毀謗使然也採玉者破石取玉選士者棄惡取善命不勉也智者歸之於天取富貴若鑿溝伐薪鑿不休則溝深斧不止則薪多亦有溝未成而遇湛薪未多而逢火樂貧勝禍勉已勤事以致富砥才明操以取貴農夫力耕得穀多商賈遠行得利深命富之人筋力自強命貴之人才智自高若千里馬氣力自勁頭目蹄足自相副○魯城門朽頰欲頽孔子疾行而過之左右曰如此久矣孔子曰吾惡其久也脫遇壞則不幸○蠱墮一器酒棄不飲鼠殘一筐飯捐不食○墨家云人死無命儒家

云人死有命歷陽之郡一宿化成湖白起坑趙卒四十萬衆此並有命耶言命者曰命當溺死故相聚於歷陽命當壓死故相聚於平原沛公初起相攻人入豐沛之市云多封侯人也人命繫於國物命繫於人齊人舒綏秦人慢易楚人促急燕人惡敢四國之民更相出入○張次公娶隣巫女卜工曰女相當貴公後位至丞相乃是次公亦貴遂與女相合也○世謂宅有吉凶徒有歲月余謂天道難知假令有觸犯者命吉凶之人也按相黥布當先刑而後王衛青當封亞夫而餓死鄧通當貧餓此骨節皮膚各異也○文王在母腹中便有四乳非長大修道德乃生也后稷作兒以種樹而戲孔子能行以俎豆而弄石生而堅蘭生而香生稟善氣長大乃成就也蚊蟲不如牛馬之力馬困於蚊蟲有勢也十圍之牛為牧豎所驅數仞之象為越僮所鈎無使也○孔子吹律自知殷後項羽重瞳虞舜苗裔聖人自有種族堯與高祖安得是龍子也○宋景公有三善言獲三十一年燕丹執

于秦天雨粟馬生角杞梁妻哭城崩湯旱煎
 髮作牲致雨南陽卓公作緜氏令蝗蟲不入
 境孫叔敖埋兩頭蛇有陰德已上並云虛也
 龍若遁逃在樹中為天所敗則非神也若必
 有神則不應有龍肝豹胎故立知水火相薄
 作雷龍聞雷聲即起武王伐紂兵不血刃虛
 言也晨舉脂燭血流漂杵何謂不血刃耶漢
 誅王莽軍至漸臺血流沒趾用天下兵未有
 不血刃也○紂糟丘酒池牛飲者三千人長
 夜之飲亡其甲子車行酒騎行為百二十日
 作一月按紂或是覆酒滂施於地因名作池
 釀酒積糟因名作丘以酒作池以車行酒以
 肉懸林因謂騎行多男女裸而相逐林中奔
 走侍者惡之故言三千人實非也○叮叮若
 荆軻之問言秦王誅軻九族夷其一里一里
 皆滅故曰叮叮按秦雖無道不應盡誅軻里
 也始皇幸梁山宮見李斯車騎盛出怪之左
 右私告李斯斯損車騎始皇不知左右誰告
 止殺在傍荆軻之里必不盡誅之○魯班刻
 大鵝飛三日不下為母作木車木人御之機

關之發去不還此恐不實○孔子遊說七十
 餘國按孔子自衛反魯在陳絕糧跡跡於衛
 伐樹於宋不過十國○子羔泣血三年未嘗
 見齒言其不笑語豈得不見齒耶翁息碎首
 薦百里奚於秦繆公恐是叩頭流血謂之碎
 首○祖伊諫紂云天下之人無不欲王亡者
 此增益也恐紂不懼耳若天下皆願紂亡即
 當時瓦解不應與周戰血流漂杵也○子謂
 子貢曰汝與回也孰愈子貢曰回也聞一以
 知十按孔子知顏淵愈子貢則不須問問則
 子貢何敢言勝孔子意者恐子貢凌顏淵故
 此問以抑之○鯉也死有棺而無槨其時作
 大夫乘三馬何不截而貨之作槨也作士之
 時乘二馬截一以賻舊館舊館不賻未亂制
 葬子無槨實非法何重舊人之恩乃輕父子
 之禮不貨車以葬子豈不以貪官仕乎○伯
 夷叔齊為庶兄奪國餓死首陽山非讓國與
 庶兄也豈得稱賢人乎共工與顓頊爭天下
 不勝怒而觸不周山天柱折地維絕女媧鍊
 五色石以補蒼天斷鼉足以立四極按共工

有力折山戰何不勝女媧能以石補天天審
 是五石耶天本以山作柱鼉足何能柱之鼉
 必長大則女媧不能殺之必被其所殺何能
 補天天門在北地戶在東方地最下者揚充
 二州洪水之時二上最被水害天有日月星
 辰謂之文地有山川陵谷謂之理地理上向
 天文下向地合氣而萬物生焉天地夫婦也
 天南方高北方下日出高故見日入下故不
 見天之形若倚蓋倚地則不能運懸之樹
 然後能運日不入地譬人把火夜行平地去
 人十里則不見非滅也日亦如此雲霧雨雪
 皆由地發不自天降夏則作霧冬則作霜溫
 則作雨寒則作雪○才能之士隨世驅馳節
 操之人守隘進竄驅馳日以巧進竄日以拙
 非才智不及狎習異也齊郡世刺繡恒女無
 不能者襄邑能織錦恒女無不巧者目見而
 手狎也○朝廷之人幼稱幹吏者以朝廷作
 田畝以刀筆作未扣以文書作農桑猶家人
 子弟生長狎習具知曲折愈於賓客雖孔墨
 之才不能分別手中無錢而欲市貨貨主死

不與之胷中無學而欲求仕猶無錢市貨不可得也。知古不知今謂之陸沈。知今不知古謂之盲瞽。見驥足不異衆馬之蹄躡平陸而馳千里方可知也。有人於此其智如源其德如山力不能自舉須人舉之人莫之舉竄於閭巷無由達矣。器空無食飢者不顧胷虛無懷朝廷不御蘭臺之吏班固賈逵揚雄傳毅之徒名芳文美無大用也。夫能說一經者儒生博覽古今者通人揀撮書傳能奏記者文人能精思著文結連篇章者鴻儒若劉子政父楊子雲桓君山之徒。猶文武周公並出一時。班叔皮續太史公書百篇已上紀事詳悉讀者以謂甲子以太史公作已子孟堅文比叔皮非徒五百里也。○龜三百歲大如錢蒼七十歲生一莖此神物故生遲生亦長久賢儒在世猶靈著神龜也。楓桐之樹生而速長故其皮肥不能堅。檀欒後榮強勁可作車軸。○湍瀨迴沙轉石而大石不動者是石重而沙輕。大儒俗吏同在世有如此也。○上天之心在聖人之胷其譴告在聖人之口世無聖

人安能知天。○人在天地之間如蚤虱在衣裳之內若螻蟻於巢穴之中。○正朝占四方風從南來早從北來湛從東來疫從西來兵。○秦將滅都門崩霍光亦敗茅牆亦壞祀梁之妻崩城何也。○亡獵犬於山林大呼犬名則號呼而應人犬異類而相應者識其主也。○東風至酒湛溢按酒味從酸東方木其味酸故酒湛溢。○將有赦獄鑰動感應也。○蠶合絲而商絃易新設登而舊鼓缺按子生而父母氣衰。○亂龍者亂有終也。劉子政董仲舒說龍不盡論衡終之故曰亂龍。○釣者刻木作魚丹漆其身迎水浮之起水動作魚謂之真並來會聚土龍之事何得不能致雨少政卯在魯與孔子並孔子之門三盈三虛唯顏淵不去知孔子聖也。○屈軼生於庭見佞人則指必若如此舜何用今臯陶陳知人之術。○堯湯水旱豈二聖政所致也天理曆數自然耳猶慈父治家亦不能使子孫皆孝也。○瑯琊兄子明兄曾為饑人欲食弟自縛叩頭代兄饑人善其義皆舍之後兄卒養其孤

遇歲凶饑殺已子活兄之子臨淮許君升亦餓殺已子全兄之孤。○人貴鶴鷓鷃者謂鶴遠而鷓鷃近也。畫工好畫上古之人不畫秦漢之士者重古也。揚雄作太玄法言張伯松不肯一觀與其人並肩故賤其言也。若楊子雲生周金匱矣。○武王伐紂太公陰謀食小兒以丹令身赤長教言殷亡殷亡殷人見兒身赤謂是天神又言殷亡謂其必亡周人諱其事。○古之帝王建鴻德者須鴻筆之臣褒頌紀德也。龍無雲雨不能參天鴻筆之人國之雲雨文章載人之行傳人之美豈徒調弄筆墨空馭英麗哉。○人生者精氣也能作精氣者血脉也人死血脉竭精氣亡骨肉化灰土何能作鬼耶。若言死者無知聖人恐聞不孝之門故不言死者無知其實無知也。○諱舉五月子言不利父母按田文不害田嬰礪刃井上恐墜井中又刀邊井刑字礪刃井上恐被刑人意也。○無偃寢象尸也。○無以者相受不固也。○子日沐令人愛卯日沐令人白頭愛憎白黑不由沐耳使嫫母子日沐人能

愛半使十五童子卯日沐能令白髮爭○子路見孔子猶肩牛膊可以得兆何必著龜孔子曰著者耆也龜者舊也狐疑之事當問耆舊耆龜耆耆未可神也取其名耳武王伐紂上筮大凶太公推著蹈龜曰枯骨死草何能知

吉凶乎○商家門不宜向南徵家門不宜向北堂盡南向何不擇也○聖人前知千歲後知萬世孔子將死遺書曰有一男子自云秦皇上我之牀顛倒我衣裳至沙丘而亡後秦皇果至沙丘而亡孔子又云董仲舒亂我書

後仲舒論春秋傳記又云亡秦者胡後胡亥亡秦此孔子後知萬世也吹律自知殷後此孔子前知千歲也○唐者蕩蕩也民無得而名焉虞者樂也夏者大也殷中也周至也志有所存顧不見秦山知屋漏者在宇下知

政安者在草野知纏誤者在諸子○論衡者銓輕重立真偽非苟論文飾奇麗所以弘世俗也○王充會稽上虞人字仲王充書形靈易觀文語不與俗通石多玉寡寡者為珍龍少魚眾少者為神人有難充書繁重如此充

答云文眾勝寡財富愈貧世無一引吾有百篇人無一字吾有萬言孰者可貴充章和二年徒家避難曆年寢廢年漸七十時可懸與髮白齒落儔倫彌索貧無供養志不虛快乃作養生書六十篇

正論五卷始元

見信之臣括囊守祿疎遠之臣言以賤廢是以王網縱弛於上智士伊鬱於下夫君政陵遲如乘弊車若能求巧工使葺理之折則接之緩則擲之可復新矣○世主莫不願得尼

輒以輔佐及得之未必珍也○夫貞一之士不曲道以媚時不詭行以邀名恥鄉原之譽絕比周之黨必待題其面曰魯仲尼鄒孟軻不可得也命世之士常抑於當時無不見思於後日以往揆來亦何容易○圖王不成弊

猶足霸圖霸不成弊將如何農桑勤而利薄工商逸而利厚故農夫輟耒而彫鏤女工投杼而刺繡○上行下效然謂之教陳兵策於安平之世譬令未病者服藥○昔人有恭讓財之名推田業與弟俄而貧乏反以威力就

弟強貸此不當也○舉彌天之網以羅海內之士同類翕集而蛾附計士頓踈而脅從黨成於下君孤於上馬不素養難以追遠士不素簡難以趨急○葉公之好攘羊雖可廢姦君子不貴也○國不信道工不信度亡可待也○無當罰之君而欲世治猶不著梳櫛而求髮治不可得也○術家曰冬榮者春必殺里語曰州郡記如霹靂得詔書但掛壁○沈

濯民心瀕浣浮俗

潛夫論十卷王符字節信

仁義不能月昇財帛而欲日增余所惡也一犬吠形百犬吠聲世之疾此固已矣○嬰兒有常病貴臣有常禍父母有常失人君有常過嬰兒病飽貴臣傷寵父母失於媚子人君過於驕臣○十步之間必有茂草十室之邑

必有俊士攻玉以石治金以鹽濯錦以魚濯布以灰天物固有醜治好也君之明者兼聽所暗者信南面之大務莫急於知賢知賢之近塗莫若於考功○諺曰曲木惡直繩重罰惡明政○欲知人將病不嗜食欲知國將亡

不嗜賢也病非無嘉饌病不能食至於死國非無賢人君不能用故速亡理世不得真賢猶治病不得真藥治病當得真人參反得蘿服服之增劇非藥無効也先世欲救先遣馬分行市里聽乎路隅咸云當赦是謂天赦遂乃施行○孝明帝嘗問曰今旦何故無上書者左右曰爲反支日也帝曰民庶遠來詣闕不可奪其日使受章者無避反支此明王謂民愛日也聖王之政普覆兼愛不私近密不忽疎遠吉凶禍福與民同之排簾障風探沙擁河無益於事徒自弊耳猶不命大將掃除醜虜而州縣與兵不息也○扁鵲治病審閉結而通鬱滯虛者補之實者瀉之猶邊境犬羊不可久荒以開敵心○一宅同姓相代或言或凶一官同姓相代或遷或免成康居之而與幽厲居之而衰吉凶與衰在人不由宅矣師曠曰赤色不壽姓大者易滅姓或有因官因號因居因地者司馬司徒中行下軍因官也東門西都南宮北郭因居也三鳥五鹿青牛白馬因地也○李勝造父以善御事周

穆王穆王遊西海忘歸徐偃作亂造父王御者日行千里以征之王封造父於趙因以得氏昆弟世疎朋友世親此人情也富貴人爭附之貧賤人爭去之富貴交者上有稱舉之用下有貨財之益與貧賤交者大有賤貸之費小有假借之損○夫官人有距之惡結駟過士以謂榮况實有益乎處子有頹閣之賢被褐造門人以謂辱况實有損乎故富貴易爲容貧賤難得適好服謂之舍僭惡衣謂之困阨徐行謂之飢餒疾行謂之逃責不候謂之倨傲數來謂之求食空造以謂無志奉贄以謂欲尊恭謙以謂不肖抗陽以謂不德此處子貧賤之苦酷也凡今之人言方行圓口正心邪君上治世先其本後其末慎其心治其行則姦慝不生古訓著三皇五帝多以伏羲神農二皇其一或云燧人或云女媧我又聞古有天皇地皇人皇未可知也

意林卷之四
扶風馬總元會編
風俗通三十一卷 應劭
序云風者天氣有寒煖地形有險易水泉有美惡草木有剛柔俗者含血之類象之而生百里不同風十里不同俗周秦常以八月遣輜軒使者採異代芳言藏之祕府及嬴氏之亡遺棄殆盡蜀人嚴君平有十餘言林閭翁孺才者有梗槩與揚雄注云續二十七年凡九千字○張竦云懸諸日月不刊之書余雖不才敢比隆於斯人神農者神信也農濃也其德濃厚若神五帝黃帝顓頊帝嚳堯舜也黃光也顯尊也頊信也學考也堯高也舜推也修也言推德行修堯之緒三王禮號蓋云夏禹殷湯周武王禹輔也湯昌也王往也言天下所歸往五伯春秋云齊桓晉文秦繆宋襄楚莊伯者白也長也言其咸建五長功實明白霸者把也而其把持天下之政○按秦昭王太后始臨朝也收守長不宜數易按尚書有考績孔子曰如有用我者期月而已三

年有成鄭子產從政三年民乃歌之賢聖高須漸進況中才乎數易豈不紛錯道路也○古制本無奴婢奴婢皆是犯事者奴者少婢者卑陋○里語云取官漫漫怨死者半昔在清平之世使明恕君子哀矜折獄尚有怨言

況在今時耶應劭三國時人此當時語○光武車駕從都洛陽載素簡紙經凡二千兩董卓盡覆王室天子西移中外倉卒所載書七十車於道遇

雨分半投棄卓又燒燭觀經籍盡作灰燼所有餘者或作囊帳先王之道幾烟滅矣○俗說有功得賜金者皆黃金也按孫子兵書

日費千金千金百萬錢也陳平諫楚千金贈二蹠金五十斤並黃金也或云一金亦是一萬錢也○不養併生三子俗說以六畜妨父母按春秋國語越王時民生二子與之餘生

三子與之乳母遂滅強吳何害之有○不舉父同月子俗云妨父按左傳魯桓公與父同月因名子同生○漢明帝亦與光武同月生不宜歸生俗云令人衰按人婦好以女易他男故不許歸○封泰山俗說岱宗上有金

篋五策能知人年壽脩短武帝探得十八因倒讀之曰八十按岱宗封者立石高一丈二尺刻之曰事天以禮立身以義事父以孝成名以仁四方之內莫不師服刻石紀號著功績也其時武帝已年三十七因何更得十八

若言倒讀神無福矣余承之東嶽忝素六載數經祈祀咨問長老更上泰山者云無金篋玉牒探壽之事○東方朔是太白精黃帝時作風后堯時作務成子後又生於越在越作范蠡在齊作鴟夷子言其變化無常也按朔

滑稽之雄俗人因以怪語附之安得神耶○彭城相表元服父伯楚作光祿卿於服中生子自謂年長不孝莫大於無後故收舉之君子不隱其過因以服作字按元服名賀母汝南人祖名京作侍中安帝時生元服百官來

賀垂老而孫兒生喜其嘉會因名賀字元服父伯楚歷典三郡早喪妻不肯娶臨終勸子便留葬無取汝母喪柩若亡者有知往來不難若無知只為煩耳清高若此豈有服中生子而名作賀汝南王叔漢父子方出遊二

十餘年不還叔漢作尚書郎有人告子方死於汝南即遣兄伯三往迎喪叔漢即發哀詔書賻錢二十萬既而子方從蒼梧還叔漢詣闕乞納賻錢受虛妄罪靈帝詔將相大夫會議之博士任敏議云凡人中壽七十視父同

儕亡可製服也子方在遠人指其處不可驗也罪不可加馬詔書還錢復本官○汝南張妙會社士家娶婦酒後相戲張妙縛社士捶二十又懸足指士遂致死鮑昱決事云酒後相戲原其本心無賊害之意宜減死也○

汝南周翁仲婦產一女會屠者妻產一男翁仲妻密以錢易屠者之男後翁仲作北海相使見鬼主簿周光與兒同祭先茔主簿回謂翁仲曰祭所但見屠兒弊衣纏縷持刀割肉別有人帶青綬傍俛東廂不進何也翁仲乃

持劔問妻具陳其事翁仲曰凡有子者欲承先祖先祖不享何用遂以車馬送還屠家乃迎其女文已嫁賣餅人取歸適安平李文思文思官至南陽太守神不散非類明矣豈得養他人子乎○陳留有富翁年九十無男

娶田舍女一宿身死後產一男至長女曰我父娶一宿身亡此子非父之子遂爭財數年不決丞相郗吉決云老翁兒無影不耐寒其時八月中取同歲小兒俱解衣試之老翁兒獨呼寒日中行果然無影遂以財與之穎川有兄弟同居兩婦俱懷妊長婦數月胎傷不言知產期至俱卧產房候弟婦產得一男夜盜之因爭三年不決丞相黃霸殿前令以兒去兩母各十步叱兩婦令爭取之長婦把持甚急兒大啼弟婦恐傷故之長婦色喜弟婦愴然霸曰此弟婦子也即劾長婦果然伏罪○臨淮有一人持一足縑到市賣之遇雨披之後有一人求庇陰一頭之地雨霽共爭之丞相薛宣決曰縑直數百何用紛紛遂中斷各與半續察之縑主稱冤不已後人有喜色宣知其情考而伏之○周公樂曰勺勺者斟酌先祖之道武王樂曰武功定天下也舜樂曰韶韶者紹紹先也堯樂曰大章章者彰也帝學樂曰五英英者華也劉向云商章也物成就可章度也角觸也物觸地載芒角而生

也宮者中也徵者社也物盛大而繁社羽者宇也物聚藏宇覆之聞宮聲使人溫潤而廣大聞商聲使人方正而好義聞角聲使人齊整而好禮聞徵聲使人隱惻而博愛聞羽聲使人善養而好聞琵琶近世樂家所作不知誰也以手琵琶因以得名長三尺五寸法天地人與五行也四絃象四時○易云利見大人大人與聖人其義一也○論語云君子上達臧孫紇曰後有達者將在孔丘乎儒者區也別古今賢愚章家時以賈逵曰通儒時人語曰問事不休賈長頭禮云羣居五人長者必異席今呼權貴作長者非也○管子云先生施教弟子則之非知古之道是師者之稱諸生弟子學者非一故曰諸先生者當如醒學者譬如醉言生俱醉獨有醒者祭酒禮云飲酒必祭尊其先也孫卿在齊最是師老故三稱祭酒士詩云殷士膚敏髦士俊秀雅士博達列士有不易之分處士隱居放言易云師貞丈人吉非徒尊老須德行先人也傳云杖德莫如信者其恩德可信杖也○禮云十

尺曰丈成人之長也夫者膚也言其智膚數弘教也故曰丈夫○論語云匹夫匹婦傳云一晝一夜成一男一女成一室按古人男女作衣用二疋今人單衣故言疋夫人當龍變起不繫鄉里若上繫風俗見善不徙故謂之俗人○禮言簡不肖按生子鄙陋不似父母曰不肖今人謙辭亦曰不肖○方曰人不事事而放蕩謂之無賴不可恃賴也猶高祖謂太上皇云大人以臣無賴也○司徒中山祝恬字伯休公車徵在道得溫疾過友人謝著著非不受至汲郡止客舍舍六七日諸生見恬轉劇欲告汲令恬曰友人尚不相容汲令不相識告之何益死生命也不須醫藥諸生潛告汲令即汝南應融聞之大驚至疾所泣曰伯休不世英才當作國家幹輔何乃默止客舍不遣人知融遂躬御而歸親自侍疾疾漸損融謂伯休曰吉凶不諱憂怖交心已備凶具對之悲喜伯休停傳舍數十日遂去拜侍中尚書令又拜司隸薦融自代歷典五郡謝著不謂公府所取○上古之時草

居霜宿冬則山南夏則山北○彭城孝廉張子矯議云若君臣不得相襲作名周穆王諱滿至定王時有王孫滿○厲王諱胡莊王之子名胡○俗云五月到官至免不遷今年有茂才除蕭令五月到官破日日入舍視事五月四府所表遷武陵令余為營陵令正觸太歲主簿令余東北上余不從在事五月遷太

山守○楚辭云風伯飛廉也按周禮祀風師箕星也主簸揚能致風氣戊戌之神作風伯故丙戌日祀於西北○按周禮雨師畢星也土中之衆莫若水故雨稱師丑之神作雨師故己丑日祀之○桓帝元嘉中京婦女作愁眉啼粧墜馬髻折腰步齟齬笑秋眉者細而折啼粧者薄拭眼下似啼痕墜馬髻側在一邊折腰步足不在體齟齬笑若齒痛此事並

出梁冀傳曰趙王好大眉人間皆半額楚王好廣領國人皆沒項齊王好細腰後宮有餓死者京師有胡服胡帳胡林胡筵胡笛胡舞按董卓時兵填塞是也○靈帝宮中遊西園駕四白駝躬自操轡公卿倣效價與馬齊

○桓帝世謠言直如絃死道邊曲如鉤反封侯梁冀欲樹切主李固欲立清河王梁冀遂奏李固死于獄中曝屍路邊如鉤梁冀如絃李固千里草何青青十日卜不得一日生此董卓字也青青暴盛之貌秦漢以來壽者號作宮室已前貴賤無別○按世本絃作城郭城盛也郭大也○按天子有外屏今臣下屏氣息○苑苑蘊也薪蒸之所蘊積○孫子云金城湯池而無粟者太公墨翟不能守之郡者羣也左傳云上大夫受縣下大夫受郡至

始皇方以郡監縣縣乎也○傳舍按使者傳言乃得舍於傳也○南北曰阡東西曰陌○按易傳上古有恙由善與人作患故人平居曰无恙○城門失火禍及池魚俗說池與魚人姓字居近城門也按城門失火取池水故魚皆死

○獄自三王制肉刑始有獄夏曰下臺周曰圜圜令人思警改惡獄字二犬守言無情狀犬亦得之囚罪人置諸圓土故囚字從口中人罪字本從自辛苦憂之秦皇謂學字似皇故改作罪○會稽多淫祀家貧不得牛祀者

死作牛鳴太守第五倫嚴科絕之○桂陽太守李叔堅少時作州從事家有狗作人立叔堅曰此狗喻人行何害叔堅作縣令解冠搨上狗戴之而走叔堅曰此狗誤觸冠纓冠纓挂其耳矣犬復與人竈前畜火隣里告之叔堅曰狗能畜火幸不頽人犬遂暴死叔堅至大位

商君書四卷
夫有高人之行見非於世有獨知之明見怨於人螟蟻春生秋死一出而民數年乏食今一人耕百人食有甚於螟蟻矣○農者少而遊食遊食者衆則農怠農怠則治荒以強去弱者弱以弱去強者強○上世之士衣不暖膚食不滿腹苦其心意勞其四支○古者民叢生而羣處亂立君○蠹衆則木折隙大則墻壞不勝而生不敗而亡自古及今未嘗有也○使見戰如餓狼之見肉則可用矣○聖人制民也如高下制水如燥濕制火

阮子四卷

漁人張網於淵以制吞舟之魚明主張法於

天下以制強梁之人立法以隄民百姓不能
干立防以隄水江河不能犯防而可犯則江
河成灾法而可干則百姓成害○不樹者死
無棺不蠶者身無帛不績者凶無緩君子暇
豫則思義小人暇豫則思邪○高鳥相木而
集智士擇土而翔○一盜不誅害在穿窬修
警不誅害在詞主

正部十卷

凡人矇矓宜宜學以啓志行以處身進於道
則成君子非於禮則曰小人君子之舉履德
而榮光小人之動陷惡而傷刑○皎皎練練
得藍則青得丹則赤得藥則黃得涅則黑○

玉不琢則南山之圓石○穿窬之徒不遵股
領奔北之士不憚斧鉞○漢家窮天涯究地
沂左湯谷右虞淵前炎楚後塞門祁連以北
黃山以南碣石以東合黎以西莫不襁負來
貢○仲尼叙書上謂天談下謂民語兼該男
女究其表裏○淮南浮偽而多悞太玄幽虛
而少效法言雜錯而無主新書繁文而鮮用
○玉符云赤如鷄冠黃如燕栗白如脂肪黑

如溥漆此玉之符也言成雅訓辭作典謨此
人之符也○山神曰螭物精曰魁土精曰贛
羊水精曰罔象木精曰畢方火精曰遊光金
精曰清明天下有道則眾精潛藏○天以仙
人日子衆人曰芻狗愛其子私其壽賤芻狗

聽其夫若不學譬如無目而視無脛而走無
翅而飛無口而語不可得也○桀紂雖有天
子之位而無一人之譽猶朽株枯樹逢風則
仆○明刑審法憐民惠下生者不怨死者不
恨諺曰政如水霜姦宄消亡威加雷霆冠賊
不生

士緯十卷 姚信

孔文舉金性太多木性不足背陰向陽雄倬
孤立絲俱生於蠶銅等出於石作繒則賤作
錦則貴鑄鈴則小鑄鐘則大○經漸車之水
歷繞輪之沙趾跡高下不可論凡水溫則成
湯寒則成冰水湯異氣而水性猶同蠶能投
練匪湯不綿人性推移蓋此比也琴瑟張而
鄭衛作五色成而綺縠生○孟軻驅世事於
仁義之域行者步中正之塗若使南海無揀

珠之氏崑山無破玉之工則明珠不御於椒
室美玉不佩於桂宮

通語八卷

輪者車之跡楫者舟之羽身之須道如此二
物毀彼者雷同而鳴噪稱此者火燎而波駭
或問陳蕃忠乎答云單車作討賊之斧直階
非亂世之資知其忠不如其智也才貴精學
貴講質勝文石建文勝質蔡邕文質彬彬徐
幹庶幾也

抱朴子四十卷 外篇二十卷內篇二
十卷皆洪字稚川

清醪芳醴亂性者也紅華素質伐命者也○
班狄不能削石作芒針歐冶不能鑄鉛錫作
干將漢中起居注云李少君欲去武帝夢與
同登嵩高山半道有使者乘龍持節從雲中
來云太一請少君帝曰少君將舍我去矣數
日而少君死久之發看唯衣冠在焉○以蟻
鼻之缺捐無價之淳鈞分寸之瑕棄盈尺之
夜光朱公所以鬱邑薛灼所以永歎猶人不
學仙也道術乃令變形易貌吞刀吐火坐在
立亡興雲起霧召致蛇蟲聚舍魚鼈入淵不

溺蹴刃不傷○陳仲弓異聞記云同郡人張廣遭亂有女四歲不能行棄家中以數月糧與之後三年乃還欲收葬之女猶坐冢中間其故女曰糧盡以後見冢角有一物中頸吞氣乃效之轉不復飢尋者乃大龜也將女還食食飲初小腹痛久乃習之湯師蜘蛛而結網金天據九鴈以正時唐堯見蓂莢而知月○道能登虛躡影飲玉醴食翠芝○彭祖云天上多尊官新仙者位卑奉事非一也農夫得彤弓以驅烏南城得袈衣以負薪猶世人得仙丹而不貴也○元君老君師也○世人唯競飛蒼走黃依榮逐利○上士得道成天官中士得道棲集崑崙下士得道長生世間○朱草莖如珊瑚刻之汁流如血以玉投汁中丸之如泥久即成水以金投之曰金漿以玉投之曰玉醴服之長生○石先生丹法取烏末生毛者以真丹和牛肉飴之長毛羽赤色然陰乾服之壽五百歲○素顏紅膚或其目清商流微亂其聽此真理之德也○龍淵以靡谿常新斧斤以日用速弊○寸蛭泛濫

跡水之中則謂天下無四海之廣芒蝸宛轉果核之內則謂天下無八極之大漏脯救飢鮑酒止渴非不暫飽死亦及之○責明珠而賤淵潭愛和璧而惡荆山不知淵潭是明珠所出荆山是和璧所生○方今士有待次之滯官無暫曠之職景風起則裘鱸息世道夷則奇士退○肉芝是萬歲蟾蜍頭上有丹書八字五月五日中午時取之以足畫地則水流帶之左手則辟兵○行山中見小兒乘車馬長七八寸者肉芝也服之得仙○千歲蝙蝠白如雪佳則倒懸腦重故也○千歲燕窠門向北○雲英雲珠雲液雲母雲沙服之用玉水○成帝獵於終南山見一人無衣身生黑毛合圍取之絕坑踰岸有如飛鳥及得是婦人自云秦時宮人關東賊至秦王出降驚走入山垂當飢死有老翁令食松實遂不復飢乃是秦王子嬰宮人至成帝二百許歲人將還以穀食之毛稍脫落轉老而死○欲長生服山精山精术也○陵陽子仲服遠志二十年有子二，七人讀書不忘○得聖人是黃

老世聖是周孔二人○善園基者謂之基聖故嚴子卿馬綏明有基聖人之名○彭祖自學佐堯歷夏至殷殷王遣宮女受房中之術有驗乃欲殺之以絕其法彭祖知之乃逃七十年有人見于流沙○欲得長生腹中清欲得不死腹無屎○里語云人在世間日失一日如牽牛羊詣屠所每進一步去死轉近○老君姓李名聃字伯陽長九尺黃色鳥喙隆鼻眉五寸住金樓玉堂○雞舌香黃連乳汁治目中百病○諺曰無肥仙人富道士雖能作金銀皆自貧諺曰書三寫魚成魯帝成虎亦如神符今用少驗白石似玉姦佞似賢鸞不掛網麟不墮穿○寸膠不能治黃河之濁尺水不能却蕭丘之熱穿舟以息漏猛爨以止沸不可得也○若使素士行耕以餬口夜薪火以修業則游夏不足多矣○大厦既燒取水於滄海洪濤凌空伐舟於長川則不及矣○臣猶手足履冰執熱不得辭焉○高蔽將隕非細縷所綴龍門沸騰非搗壤所遏劔戟不長於縫緝可以割割牛馬錐鑽不可割

割牛馬而長於縫緝材有大小不可棄也六軍如林未必皆勇○仁者政之脂粉刑者世之鑿策當殺不殺大賊乃發○鑿端之火口水可滅鵝卵未乳指掌可糜及其乘衝颺燎巨野奮六翮凌朝霞雖智勇不能制也委轡笑而乘奔馬於險途捨柁櫓而泛輕舟於江海豈不險哉金丹不能凌陽侯之波玉馬不任聘千里之跡○或輸自售之寶或賣要人之書或父兄貴顯望門而辟命或低頭屈膝積習而見收○語曰舉秀才不知書察孝廉父別居寒素清白濁如泥高第良將怯如蠅○諺曰古人欲達勤讀書經今世圖官免治生余謂朋友之交不宜浮雜面而不心楊雄所譏明鏡舉則傾冠見義和煦則曲影覺同勃杜稷之臣不能答錢穀之數○識珎者必拾濯水之明珠賞氣者必將穢藪之芳蕙自非懸鑑誰能披泥抽淪玉澄川撥沈珠智大者盤桓以山峙器小者蓬飛而萍浮直繩枉木之所憎清公姦慝之所讎○文王之接呂望桑陰未移而知其可師矣玄德之見孔明畧

景未改而腹心以委矣貌望豐偉者不必賢形氣冠狎者不必愚○伯喈識絳音之器於烟燼之餘乎子別逸響之竹於未用之前威儀如龍虎盤族成規矩酒後體輕耳熱冠脫帶解遲重者蓬轉而波偃整肅者鹿勇而魚躍口訥者皆拙掌以譖聲不競者皆裨謔而高登以九折同蟻封以呂梁同牛跡禁之彌極不可向也君若畏酒如畏疾憎醉如憎大病則無荒沈之咎矣民有穴地而釀酒囊懷酒者法輕利重安能令絕乎管輅傾仰三斗而清辯綺祭揚雄酒不離口而太玄乃就慕○惡者如宵蟲之赴明燭學惡者如輕埃之應颺風○有斧無柯無如之何○以傾倚屈申者妍媚以風格端嚴者田舍豈不惑也○窮巷諸生吟誦而向枯簡匍匐而守黃卷低眉屈膝趨事豪貴毛成翼長蟬脫泉壤自乃軒昂此碑碎之徒也○昔西施以心痛卧於道側蘭麝芬芳人皆美之隣女慕焉人皆憎之猶世人效戴叔鸞阮嗣宗也逢世所貴則蹇驢蒙龍駁之價○孤白不可以當暑龍艘不

可以乘陸○夫良將剛則法天可望而不可干柔則象淵可觀而不可入去如收電可見而不可追住如丘山可觀而不可動○春以長矛在前夏以大戟在前秋以弓弩在前冬以刀盾在前此行軍四時應天法也○太公云從孤擊虛萬人無餘一女子當百丈夫○風鳴葉者賊在十里鳴條者百里搖枝者四百里金器自鳴及焦器鳴者軍疲也氣如驚鹿敗軍氣也○雨露霑衣裳者謂潤兵不露衣裳者謂泣軍軍兵太一玉帳之中不可攻也○兵地生蟹者宜速移○余嘗聞松生曰左太沖張茂先可謂通人乎君道答曰通人者聖人之次也其間無所復容余問班班云呂氏望雲而知高祖所在天豈獨闢呂氏之目而掩衆人之目耶闢官無情不得謂貞倡獨不飲不可謂廉○文王食子羹伴不知非甘也○董仲舒學見深而天才鈍以蜂蜂是神龍者非但不識神龍亦不識蜂蜂○王仲任撫班固背曰此兒必爲天下知名○五嶺無冬殞之木南海晉安有九熟之稻○老君

玉策云松詣入地千年作茯苓茯苓千年作琥珀琥珀千年作石膽石膽千年作威真○
 矣鼓使鳴絃絃令悲實使鼓速穿絃早絕磨刀殺馬立可驗也○蜂蜂窠作蠟水沫作浮石○落星烟謂吳時星落○汲冢書云黃帝仙去其臣有夫徹者削木作黃帝之像帥諸侯奉之○食鵠胎令人能夜書○河伯華陰人以八月上庚日渡河溺死天帝署作河伯○鵝鬼吳景帝有疾召巫覡帝試之乃殺鵝埋於苑中架小屋施林帳以婦人履著其前○
 巫云但見一白鵝不見婦人也帝乃重之○獼猴鬼余友人膠水叔管養一大獼猴以鐵鎖鎖之於林間犬齧殺經百日許鬼見者云承塵上有獼猴被瘡流血○余從祖得道能分形座上有一葛公與一談話又一葛公迎來送去○余見二陸之文百卷許似未盡也方之他人若江漢與潢汙也嵇生云每讀二陸之文未嘗不廢卷而歎恐其卷盡也陸子十篇誠謂快書其辭富者雖精思不可換也其理約者雖鴻筆不可益也觀此二人豈徒

儒雅之士文章之人也○抱朴子曰秦時不覺無鼻之醜陽程惜無癩之人陸君深識文章放蕩不作虛誕之言非不能也陸君之文猶玄圃玉無非夜光却後數百年若有幹跡如二陸猶比肩也不謂疎矣○孔鄭之門耳聽口受者皆已滅絕唯託竹素者可謂世寶○竊轡仁義纓鎖禮樂○余友人玄伯先生以儒墨作城池以機神作干戈上世之人○水結而不寒資糧絕而不飢○獼多則魚擾鷹眾則鳥亂○盈丈之尾必非咫尺之軀尋仞之牙必非膚寸之口爾衡常云孔融荀彧可與語餘人酒甕飯囊洪字稚川丹陽句容人其先葛天氏洪累遭火典籍盡乃負笈徒步借書抄寫賣薪買紙然火披覽所寫皆反覆有字人少能讀之性質容易冠纓垢弊或廣衣大帶或促身脩袖或長裾曳地或短不蔽膝時人或稱抱朴之士因以著書名焉洪貧無僕童籬落不修常披榛出門排草入室洪性不干犯官長不煩擾親族○嵇君道作廣州刺史表洪參軍乃非所樂利得避身於南

地也○洪不圍碁樗蒲見人博奕了不觀之○洪年十五大作詩賦自謂可行於代至弱冠尋覽殊不稱意一時毀之

意林卷之四

意林卷之五

扶風馬總元介編

琴

周生烈子五卷

序云六蔽鄙夫傲煌周生烈字之逸張角敗後天下潰亂哀苦之間故著此書以堯舜作幹植仲尼作師誠○御馬失節其車是碎御天下失節四海失墜桀紂是湯武之梯秦項是大漢之階四逆不興則四順不昇○賢哲不可以色貌誘之猶張羅恤鳳施穿誘麟伯樂相馬取之於瘦聖人相士取之於疎聽訟不如使勿訟善斷不如使勿亂○理天綱仗八柄運元象撮衆有者天子也撫人物參天意者三公也執分節事修理者士也臨死修善於計已晚事迫乃歸於救已微者階者易成基無因者難成時○鳩傳集習蓋披豹皮類似質違表是裏非○人者天之舌物者神之口天高地厚報應故晚辭者主之弓弩教者君之機關○矜賞若春重罰若秋行禮若火流教若水讓一得百爭十共九

荀悅申鑒五卷

序云夫道本仁義五經以經之羣籍以緯之前鑒既明今又申之故曰申鑒○君臣親而有禮百官和而不同此治國之風也禮俗不一庶人作議此表國之風也君臣爭盟大夫爭名此乖國之風也上多欲下多端法不定

政多門此亂國之風也以割下作能附作忠此叛國之風也小臣爭寵大臣爭權此害國之風也上不訪下不諫婦言用內政行此亡國之風也○善禁者先禁身而後人不善禁者先禁人而後身身三日致武事四日禁數救○秦之滅學也書朽於屋壁義絕於朝野學聖不至聖可以盡生學壽不至壽可以盡命○君子有三鑒鑒乎前鑒乎人鑒乎鏡○下不鉗口上不塞耳則有所聞矣○思慮虛於上世瞻仲尼於中古乃知小道者足羞也思伯夷於首陽想四皓於南山乃知穢妄者足恥也存張騫於西極念蘇武於朔方乃知懷安者足鄙也

仲長昌言十卷

教化以禮義為宗禮義以典籍為本常道行

於百世權宜用於一時高辛已往則聞其人

不見其書唐虞夏殷則見其書不詳其事周氏已來載籍具矣○後嗣愚王見天下莫與之違奔其私情騁其邪欲君臣宣淫上下同惡目極角觝之觀耳窮鄭衛之聲入則騁於婦人而不反出則馳於田戈而不還信任親愛寵貴后妃命移運去不自知也○建旗伐鼓高烽明候守邊之猛將非中國之良吏和鑿法駕清道而行便辟揖讓諸夏之威儀非夷狄之有也○董賢之於哀帝無骨肉絲髮之親又不能傳其氣類定其繼嗣以丈夫宴接之歡自成膠漆也○景帝顯位刺史者皆是宦臣子弟猶如豺狼守肉鬼魅待疾曰在天之內在人之外○人愛我我愛之人憎我我憎之○天下士有三俗選士而論族姓閱一俗交游趨富貴之門二俗畏服不接於貴尊三俗天下之士有三可賤慕名而不知實一可賤不敢正是非於富貴二可賤向盛背衰三可賤○天下學士有三姦焉實不知詳不言一也竊他人之記以成已說二也受

無名者移知者三也○知言而不能行謂之疾此疾雖有天醫莫能治也同於我者何必可愛異於我者何必可惜智足以立難成之事能足以圖附者不黨疎者不遺○婦人有朝哭良人暮適他土涉歷百庭顏色不

愧今公侯之宮美女數百卿士之家侍妾數十晝則以醇酒淋其骨髓夜則以房室輸其血氣○人之性有山峙淵渟者患在不通嚴

剛貶絕者患在傷士廣大闊蕩者患在無檢和順恭慎者患在少斷殼清潔者患在拘狹辯通有辭者患在多言安舒沈重者患在

後時好古守經者患在不變勇毅果敢者患在險害疏濯宵臆澡雪腹心使之芬香皓潔白不可污也道德仁義天性也織之以成其物鍊之以致其精瑩之以發其光幽暗則巧

人之所短會同則述人之所長負我者我又加厚焉疑我者我又加信焉難必相恤利必相反○事君不為君所知忠未至也與人交不為人所信義未至也父母不好學業惡子孫學之可違而學也父母不好士惡子孫友

之可違而交也○英辭雨集妙句雲來愛相攻命之自然也愜快以志人情之所欲也○嗽舌下泉咽之名曰胎食得道者生六翻於臂長毛羽於腹飛無階之蒼天度無窮之世俗北方寒而人壽南方暑而人夭如蠶寒而

飢則引曰多溫而飽則引曰少湯契後秦益後益即臯陶子也

典論五卷魏文帝文

堯崩舜避堯子於南河之南舜崩禹避舜子於陽城禹崩益避禹子於基山之陰事見史記○如彼登山乃勤以求高如彼浮川乃勤以求遠惟心弗勤時亦靡剋○應瑒云人生固有人心答云在親曰孝施物曰仁仁者有事之實名非無事之虛稱善者道之母羣行之主○序云佞邪穢政愛惡敗俗國有此二事

欲不危已不可得也○桓靈之際闍寺專命於上布衣橫議於下千祿者殫貨以奉貴要名者傾身以事勢位成乎私門名定乎橫巷由是戶異議人殊論論無常檢事無定價長愛惡與朋黨○夷吾侈而鮑叔廉此其志不

同也張竦潔而陳遵汚此其行不齊也○主與民有三求求其謂已勞求其謂已死求其謂已生○法者主之柄吏者民之命法欲簡而明吏欲公而平○詩刺豔妻書誠晨婦司隸馮方女有國色避亂揚州表術登城見而

悅之遂取焉甚寵之諸婦教之曰將軍貴人重其志節宜數涕泣示憂愁也若如此加重馮氏後每見術垂泣術果以謂有心益寵之

諸婦乃共絞殺懸之於廁言其哀怨自殺術以其不得志而死厚加殯殮紿妻劉氏甚妬忌結死未殯劉氏殺其妾五人恐死者有知復能寵之乃髡頭黑面以毀其容○上洛都尉王琰以功受封其妻泣於內恐琰富貴更取妻妾○荊州牧劉表跨有南土子弟驕貴以酒器名三爵上者曰伯雅受七勝中雅

受六勝季雅受五勝又設大鍼於杖端有醉者輒以刺之驗其醒醉然人形性同於燕類勞則早斃逸則晚死○余喜彈碁略盡其巧少嘗作賦昔京師有東方世安張公子嘗恨不得與彼數子對之○太子篇序云余蒙

隆寵忝當上嗣憂惶踧踖上疏自陳欲繁辭博稱則父子之間不文也欲略言直說則喜懼之心不達也里語曰汝無自譽觀汝作家書言其難也

魏子十卷

源靜則流清本正則末茂內修則外理形端則影直天生君子所以治小人天生小人所以奉君子無君子則無畜小人無小人則無以養君子錄人一善則無棄人採材一用則無棄材人皆易華嶽以謂卑小故登之而摧傷難天以謂高大故不昇而無殃○鼎以希出而世重之釜鑪常用而世輕之○古有弟子病師數往看之師至弟子輒起因勞而致死師非不仁弟子非無禮傷於數也薄冰當白日聚毛遇猛火雖欲遠害其勢不可羨蟲在蓼則生在芥則死非蓼仁而芥賊失於本不可也○諺曰已是而彼非不當與非爭彼是而已非不當與是爭○君子表不隱裏明暗同度○苦躬富貴之梯階○仲尼無契券於天下而德著古今善惡明也鏡照醜好而

人不怨法明善惡而人不恨

人物志三卷 劉劭

草之精秀者英獸之將羣者雄張良是英韓信是雄

任子十卷 名非

學所以治己教所以治人○喜能歌舞怒能戰鬪○一人之智不如衆人之愚一目之察不如衆目之明○生於治長於治知世之所以治者君子也生於亂長於亂知世之所以亂者君子也若不知治亂之所因者凡民也○道德之懷民猶春陽之柔物履深水而不寒結木條而不折○天之圓也不中規地之方也不中矩○山必有阜河必有曲江漢東流必有迴復○直木無陰直士無徒是以賢人直士常不容於世○登泰山見天下之大不察細者視遠故也處高位知人主之貴不卹卑賤者意滿故也○治己審則可以治人治人審則可以治天下累世一聖是繼踵千里一賢是比肩○水可乾而不可奪濕火可滅而不可奪熱金可柔而不可奪重石可破

而不可奪堅○諺云富不學奢而奢貧不學儉而儉人情皆能唯聖人能節之木氣人勇金氣人剛火氣人強而燥土氣人智而寬水氣人急而賊○神龍不處網罟之水鳳凰不翔爵羅之鄉賢人不入危國智者不輔亂君

○蕭何守文法曹參務無奇相繼作相天下獲安武帝輕人命重武功飾宮室厚賦斂土地益廣德惠彌狹○桓譚云王者易輔伯者難佐

篤論四卷 杜恕

水性勝火分之以釜甑則火強而水弱人性勝志分之以利欲則志強而性弱○考實性行莫過於鄉閭校才選能莫善於對策杜氏始出帝堯在周爲唐杜氏漢世有杜周杜欽杜篤○畿字伯侯魏書有傳畿長子理字務仲少而機察故名曰理少子恕字務伯○陸下謂以今世無良才朝廷之賢佐豈可追望前世之稷契坐待後來之俊人可能治乎恕在河東坐卧恒避父住處恕子預字元凱晉書有傳

體論四卷 杜若

不動如山難知如陰人有厚德無問小節人有大舉無管小故隋侯之珠不能無類○夫人臣猶如土也萬物載焉而不辭其重水瀆汚焉而不辭其下草木植焉而不有其功夫行者榮辱之皂白○君子居必選鄉遊必擇士至人之治也處國於不傾之地積政於萬全之鄉載德於不止之輿行令於無竭之倉使民於不爭之塗開法於必得之方庶民水也君子舟也水所以載舟亦所以覆舟○怨性疎情但飽食而已家有書傳頗嘗涉歷父憂行喪在禮多愆孝聲不聞後除中郎又作黃門郎同朝友人問余志余答曰見大臣論議或黨甲苦乙所親或黨乙謗甲所親余處甲乙之間幸無毀譽耳

傅子一百二十卷

木大者發越小者敷揚土是人之母也故人有繼土之心買隣人價貴宅宅可買隣不可得也○冠冕之冠行桀之行亦桀也服桀之服行堯之行亦堯也處市井之肆服君子之

服在小人之中行賢哲之事猶夜行珮珠玉也亦灼然矣蜘蛛作羅蜂之作窠其巧亦妙矣况復人乎黃金累千不如一賢人而無廉猶衣服之無殺食味之酸鹹○郭林宗謂仇智季曰子嘗有過否智季曰暮飯牛牛不食

搏牛一下語曰士非璧也談者謂價耳談者之口猶愛憎之心○智慧多則引血氣如燈火之於脂膏炷大而明明則膏消炷小而暗暗則膏息息則能長久也○雄聲而雌視者虛偽人也氣急而聲重者敦實人也○蒙恬築長城人不堪苦白骨山積乃有歌曰生男慎勿舉生女舖用舖不見長城下白骨相根柱作黃金者是方士取草屑合金燒之故草屑燃金落下

太元經十四卷 孫德調

怒如烈冬喜如溫春○鸞鶴鳳子養性高峙隱耀深林不食滓穢○內清外濁弊衣裘玉○十里九坎牛馬低昂○天氣左轉星辰右行陰陽運度報返相迎○強梁者亡掘強者折大健者跋大利者缺激氣成風湧氣成雨

濁霧成雪清露成霜

化清經十卷

濁者不信淵生之清而甘濯之濁矣○動則虎發靜如鱗潛若彼赫赫若此洋洋○將飛者翼伏將奮者足踞將噬者爪縮將言者口默將文者且朴

鄒子一卷

欲知其人視其朋友蒞藝在田良苗無所措其根佞邪在朝忠直無所容其身○寡門不入宿臨既不取塵避嫌也

成敗志三卷 孫鍊

水性雖能流不導則不通人性雖能智不教則不達學猶植也不學將落○容者天地之際會成敗之機要故陰陽不容者寒暑不能以成歲棟宇不容則九層不可以成身

古今通論三卷 王嬰

崑崙東南方五千里謂之神州州中有和羹鄉方三千里五嶽之域帝王之宅聖人所生也○倉頡造書形立謂之文聲具謂之字字者取其華乳相生在於竹帛謂之書

中論六卷 徐偉長作 任氏注

倚立而思遠不如速行而必至矯首而徇飛不如修翼之必獲孤居而願智不如積學之必達君子不卹年之將暮而憂志之有倦道之於人甚簡遂沒不言處殊異馬遠也○人之涉世譬如奔棊苟不盡道誰無死地但不幸耳

唐子十卷 名滂字惠潤生 共太元二年

舟循川則游速人順路則不迷○大木百尋根積深也滄海萬仞眾流成也淵智達洞累學之功也君子以道成冠以道成與出門不冠則不敢行行非與則不可步有父不能孝有兄不能敬而論人父子之義昆弟之節猶彎弓而自射也○人性苟有一孝則無所不包猶樹根一植百枝生焉○或問齊桓晉文優劣唐子答曰論功則桓凡而文弟論德則文凡而桓弟○大晉應期一舉席卷猶震霆摧枯千鈞壓卵無餘類矣○人多患遠見百步而不自知眉頰知眉頰者復不能察百步也君子守真仗信遭時不容雖有訕辱之恥

幽垢之誇猶傷體毛耳鷹隼羣飛鳳凰遠遊小人成列君子深藏諺曰脂粉雖多醜面可加膏澤雖光不可潤草古人目短於自見故以鏡觀形心短於自治故以禮自防君子不以昏行易操不以夜昧易容○夫自有高世之名必有負俗之累有絕羣之節必嬰誇嗤之患白骨擬象魚目似珠遠聽遠望無不亂也○禍福相轉利害相生如循環而運九耳其兆不可見其端不可覺○良將如山如淵人不知其感亦不知其歡○將勿離鼓旗師之耳目○暴至之榮智者不居守財不施謂之錢奴○佐聞者傷預事者亡

秦子二卷

欲顯白於雪中馳光於日下不可得也○顏彥先難云有味如醪而不醉人其味如黍飲之則醉何也秦子曰醉在小人不在君子吾欲錦中而紵表不欲繡外而麻裏猶論者寧置於辭不置於理○遠難知者天近難知者人○因斧以得柯因柯以成用種一粟則千萬之粟滋種一仁則衆行之美備矣○鍼雖

小入水則沈毛雖大入水則浮性自能也

梅子一卷

伊尹呂望傳說箕子夷齊柳惠顏淵莊周阮籍易地而居能行所不能行也阮籍孝盡其親忠不忘君明不遺身智不預事愚不亂治自莊周已來命世大賢其惟阮先生乎按其書晉人也

物理論十六卷

欲定天下而任小人者猶欲捕麋鹿而張兔罟不可得也○忿颯焚衣其損多矣忿憂之熟推甄而棄之損益多○語曰上不正下參差古者所以不欺其民也割剝富強以養貧弱何異餓耕牛乘馬而飽吠犬棄干將而礪鉛刃也○論語聖人之至教王者之大化鄉黨篇則有朝廷之儀聘享之禮堯曰篇則有禪代之事夫文彩之在人猶榮華之在草○給事中與高堂隆秦朗爭指南車二子云古無此車記虛言耳先生曰爭虛空言不及如試之效也言於明帝明帝詔使作之車乃成○翻車先生居在京師城內有地作園而患

無水可溉乃作翻車令童兒轉之其功百倍
天地成歲也先春而後秋人君之治也先禮
而後刑救嬰孩之疾而不忍鍼艾更加他物
以至死也今除肉刑者更眾何異服他藥也
肉刑雖斬其足猶能生育也張倉除肉刑每

歲所殺萬計鍾繇復肉刑歲生二十人也○

肉刑名者猶鳥獸登俎而作肉○今有弱子
當陷大辟問其慈父必乞以肉刑代之苟可
以生易死也有道之君能不以此加百姓乎
蛇螫在手壯夫斷其腕謂其雖斷不死也○

曹義曰繫馴駒以繆絆御悍馬以腐索今制
民以輕刑亦知死也○但知管子借耳於天
下不知堯借人心而後用其耳目○昔燕趙
之間有三男共娶一女生四子後爭訟廷尉
延壽奏云禽獸生子逐母宜以還母尸三男

子於市○塞一蟻孔而河決息施一車轄而
覆乘止立法令者亦宜舉重○禮云繼父服
齊衰○傳子曰母捨已父更嫁他人與兄父
甚於兩絕天也○又制服恐非周孔所制亡
秦焚書以後俗儒造之○妄進者若卵投石

逃誅者若走赴深○譬若春華之並發馥若
秋蘭之俱茂○樹上懸瓠非木實也背上被
裘非春毛也此似而非九日養親一日餓之
豈得言飽多飢少固非孝乎殺馬十日一日
餓之馬肥不損於義無傷不可同之一日餓

母也○漢末有管秋陽者與弟及伴一人避
亂俱行天雨雪糧絕謂其弟曰今不食伴則
三人俱死乃與弟共殺之得糧達舍後遇赦
無罪此人可謂善士乎孔文舉曰管秋陽愛
先人遺體食伴無嫌也荀侍中難曰秋陽貪

生殺生豈不罪邪文舉曰此伴非會友也若
管仲啖鮑叔貢禹食王陽此則不可向所殺
者猶鳥獸而能言耳今有犬齧一狸狸齧一
鸚鵡何足怪也昔重耳饑齊女而欲食狐偃
叔敖怒楚師而欲食五參賢捨之忿猶欲啖

人而况遺窮者乎○見虎一毛不知其斑道
家笑儒者之拘儒者嗤道家之放皆不見本
也止響以聲逐影以形姦爭流蕩不知所止
也○傳子曰云孟軻荀卿若在孔門非唯游
夏而已乃舟閔之徒也○積薪若山縱火其

下火未及燃一杯之水尚可滅也及至火猛
風起雖傾河海不能救也秦昭王是積薪而
縱火其下始皇燃而方熾二世起風而怒也
○秦人視山東之民猶猛虎之視羣羊何隔
憚哉○范蠡字少伯楚三戶人也使起滅吳

已後乘輕舟遊五湖王令人寫其狀恒朝禮
之列仙云徐人也○傳氏之先出自陶唐傳
說之後○玄字休奕子說字長虞晉書有傳
○楚漢之際有好事者作世本上錄黃帝下
達漢末班固漢書因父得成大孝養志其次

○養形養志者盡其和養形者不失其敬割地
利已天下離之推心及物天下歸之以信接
人天下信之不以信接人妻子疑之見疑妻
子難以事君君子修身居位非利名也在乎
仁義○人皆知滌其器莫知洗其心君子審

其宗而後學明其道而後行或云玄衡以善
詩至宰相張禹以善論作帝師豈非儒學之
榮乎○傳子曰學以道達祭不以位顯吾觀
班固漢書論國體則飾主闕而抑忠臣叙世
教則貴取容而賤直節述時務則謹辭章而

略事實非良史也墨子兼愛是廢親也知喪是忘憂也○漢太宗除肉刑匹夫之仁也非天下之仁也不忍殘人之體而忍殺人故曰匹夫○伊尹耕於有莘孰知非夏之野人呂尚釣於渭濱孰知非殷之漁者遇湯武文王然後知其非也而岐路者有行迷之慮仰高山者有飛天之志或乘馬乘車而俱至秦者所謂形異而實同也○若謂黃帝後方有舟楫庖羲之時長江大河何所用之經巨海者終年不見其涯測虞淵者終世不知其底故近者不可以度遠也○漢世賤輶車而今貴之○青與赤謂之文赤與白謂之章白與黑謂之黼黑與青謂之黻五綵謂之繡○始皇冢令匠人作機弩有人穿者即射之以人魚膏作燭○逐兔之犬終朝尋兔不失其迹雖見麋鹿不暇顧也○漢高祖度闊而網踈故後世推誠而簡直光武教一而網密故後世守常而禮義魏武亂以尚猛天下修法而貴理○形自正不求影之直而影自直聲之平不求響之和而響自和德之崇不求名之

遠而名自遠○西國胡言蘇合香是獸便中國獸便而臭忽聞西極獸便而香則不信矣○必得崑山之玉而後實則荆璞無夜光之美必須南國之珠而後珍則隋侯無明月之稱始皇遠遊並海而不免平臺之變及驪山尋見發掘今有鉛錫之鋌雖歐冶有鍊猶不如瓦刀有駕駘之馬雖造父駕之終不及飛兔絕景質鈍故也土不可作鐵而可以作瓦○相者曰三亭九候定於一尺之面愚智勇怯形於一寸之目天倉金匱以別貧富貴賤○光武鳳翔於南陽燕雀化作鸚鵡二漢之臣煥爛如三辰之附長天長平之卒磊落如秋草之中繁霜勢使然也○長人數文身橫九畝兩頭異頭四臂共骨老人生角男女變化何益於賢愚耶○豈有太一之君坐於庶人之座魁罡之神存於匹婦之室○傳子曰諸葛亮誠一時之異人也治國有分御軍有法積功興業事得其機入無遺刃出有餘糧知蜀本弱而危故持重以鎮之之姜維欲速立其功勇而無決也○馬先生綾機先生

名鈞字衡天下之名巧也綾機本五十綜五十簾六十綜六十簾先生乃易二簾奇文異變因感而作自能成陰陽無窮也指南車見周官亦見鬼谷子先生作辯上下者莫正乎位興國家者莫貴乎人統內外者莫齊乎分宣德教者莫明乎學秉綱而自張執本而末自從善賞者賞一善而天下之善皆勸善罰者罰一惡而天下之惡皆除矣世質則官少時文則吏多有虞氏官五十夏后官一百殷有二百周有三百國典之墜猶位喪也位之不建名理廢也○以譽取人則權勢移於下而朋黨之交用以功進士則有德者未必授而凡下之人或見任也君子內洗其心以虛受人外設法度立不易方今人稱古多賢患世無人退不三思坐語一世豈不惑邪○人之性如水馬置之圓則圓置之方則方澄之淨而清動之則流而濁先王知中流之易擾亂故隨而教之謂其偏好者故立一定之法龍舟整檝王良不能執也驥騶齊行越人不敢御也各有所能構大廈者先擇匠而後

擇材治國家者先擇佐而後定民○人之學如渴而飲河海大飲則大盈小飲則小盈大觀則小見小觀則小見○金以利用錢以輕流此二物飢不可食○入粟補吏是實官也罪人以贖是縱惡也○世富錢流則禁盜鑄

錢世貧滯則禁盜壞錢○天子之害莫害於女飾盈一頭之飾益千金之價婢妾之服亦重四海之珍○公卿大夫刻石作碑鑄石作虎碑虎崇儒陳於三衢妨功喪德異端並起撞亡秦之鍾作鄭衛之樂欲以興治豈不難哉○賞不避賤賤不避親貴貴有常名而賤不得冒苟有定位而卑不敢逾經之以道德緯之以仁義織之以禮法既成而後用之謂有孝廉秀才之貢或千里望風承聲而舉故任實者漸消積虛者日長○聞一善言見

勢也黃金萬鈞在舟而浮者託舟之勢也○擬金人銘作口銘曰神以感通心由口宣福生有兆禍來有端情莫多妄口莫多言蟻孔潰河淄川傾山病從口入患自口出存亡之機開闔之街口與心謀安危之源樞機之發

榮辱隨焉夫有公心必有公道○愛己者不能不愛憎己者不能不憎民富則安鄉重家敬上而從教貧則危鄉輕家相聚而犯上飢寒切身而不行非者寡矣我欲戰而彼不欲戰者我鼓而進之若山崩河溢當其衝者摧值其鋒者破所謂疾雷不暇掩耳則又誰禦之吳起吮膾者之膿積思以感下也史記云吳起吮膾畫戰目相見夜戰耳相聞得利同勢失利相救陸田者命懸於天人力雖修水旱不時則一年之功棄矣水田制之由人人力苟修則地利可盡○傳子曰聖人之道如天地諸子之異如四時四時相反天地合而通焉且易不同抹金攻玉涉艱難也路不險則無以知馬之良任不重則無以知人之材君子相見非但興善將以攻惡惡不廢則善

不興瘴暑莫如親水救寒莫如重裘止謗莫如修身善釣者不易淵而釣君子不隣席而追道○小人恥其面不如子都君子恥其行不如舜禹故小人貴明鑒君子尚至言○射以平志御以和心書以緘事數以理煩○利如激風之至暴雨之集不論是非不議直曲期於不窮激放必勝辯者別也言其善分別事類非謂言辭捷給而凌善人也○聖人蹈機拙行織成天地使萬物順焉人倫正焉登高而建旗則所示者廣順風而奮鐸則所聞者遠非旌色益明鐸聲遠長所託得地而況富貴施政令乎○良農不患墾場之不修而患風雨之不節君子不患道德之不建而患其時之不至○聖人之世不交遊也周道衰而交遊與古之交也近今之交也遠古之交

也求賢今之交也為名取不由鄉黨考行不本閭閻多助者則稱賢才少愛者則謂不肖○馬必待乘而後致遠醫必待使而後愈疾賢者待用而後興理
意林卷之五

莊列十論

卷六

太學教授 李元卓著

莊周夢蝴蝶論第一

萬物同根是非一氣奚物而為周奚物而為蝶認周以為非蝶是未能忘我也執蝶以為非周未能忘物也物我對待萬態紛紜謂彼不齊皆妄情爾不知物自無物雖蝶亦非我自無我雖周亦幻況容有分也相相然而夢為蝶即蝶無周遂遽然而覺為周即周無蝶此見之所獨而物之所齊也夫覽一身而私膠萬物而執以形開之覺而為事之實以鬼交之寐而為夢之虛不知一夕之覺夢一形之開闔是也一形之開闔一性之往來是也一化為物感然而惡一復為人忻然而樂物固奚足惡人固奚足樂此特萬化而未始有極者爾一範其形竊竊然而私之妄也必有大覺而後知大夢必有真人而後有真知夢不知覺故不以夢為妄覺不知夢故不以覺為真周不知蝶故不以蝶為非蝶不知周故不以周為是靈源湛寂觸處皆知變化代興

莊列十論

隨遇無擇而吾心未始有知焉故是篇立費我之子綦以開齊物之端寓夢蝶之莊周以卒齊物之意噫舉世皆寐天下一夢也襟社之木以夢告人元君之龜以夢求免尹氏之役夫以夢而樂鄰人之得鹿以夢而訟華胥以夢游帝所以夢至隨其所遇而安之者知其幻而非真也何獨於此不然彼致道者疏以通其礙靜以集其虛誠以生其神寂以反其照將視世間得失是非貴賤成敗生死真夢幻爾奚獨於周與蝶而疑之古之真人其寢不夢其覺無憂吾嘗因是說而知周非特為寓言

庖丁解牛論第二

即無物之自虛者履萬化而常通孰有物之為實者應一塗而亦泥然物本無物其體自離道無不通安所用解而謂之解牛者離心冥物而未嘗見牛乘虛順理而未嘗游刃解牛於無解乎且以刀則十九年歷陰陽之數不為不久以解則數千牛應世變之故不為不多疑若敵矣而刀刃若新發於硎者蓋執

跡則瞬息已遷操本則亘古不去妙湛之體在動而非搖虛明之用入塵而非垢意者一身已患孰為能奏之刀萬物皆妄孰為可解之牛有刀則能存有牛則所以立物我既融能所斯泯游游乎萬物之祖其虛莫之礙也故能未嘗批而大卻自離未嘗導而大竅自釋未嘗爭而同然者自因未嘗有而技經肯綮之自宜況大觚乎以是奏刀騁然而無應物之勞動刀甚微而無競物之心釋刀而對而無留物之累提刀而立而無逐物之迹其用之終又將善刀而藏之復歸於無用矣此刀之所以未嘗傷也雖然至道無在而在在妙用非應而應在手應觸而觸不知手在肩應倚而倚不知有在足應履而履不知足在膝應躄而躄不知膝在天機自張而各不自知大用無擇而感其自爾此其刀所以恢恢乎有餘地矣一將有見牛之心則有解牛之累而衛生之經亦已傷矣此良庖以其割故歲更刀族庖以其折故月更刀也是刀也非古非今時不能攝非長非短數不能圖非新非故

化不能移非厚非薄實不能定本然之剛不
 煨而堅湛然之用不淬而明此庖丁用之如
 土委地而族庖每見其難為也以道冥之在
 解無解非礙則解亦不知在礙無礙非解則
 礙亦不立以庖丁而視族庖者解其礙也以
 族庖而視庖丁者礙其解也解礙俱遺虛而
 已矣切原莊周之意託庖丁以寓養生之主
 次養生於齊物逍遙之後夫何故物物皆適
 圍於形體之累者不能逍遙物物皆一列於
 大小之見者不能齊物以是賓賓然與物靡
 刃於膠擾之地其生鮮不傷矣惟內無我者
 故能逍遙於自得之場惟外無物者故能齊
 物於至一之域夫然體是道而游於萬物之
 間彼且烏乎礙哉故莊周以是起解牛之喻
 而文惠以是達養生焉

藏舟山於壑澤論第三

自物之無而觀之真常湛寂亘古而不去自
 物之有而觀之大化密移交臂而已達此者
 即其流動之境了乎不遷之宗夫然游塵可
 以合太虛秋毫可以納天地寄萬化於不化

之有宜使負之而走將安之乎昧此者覽其
 有涯之生託乎必避之地夫然而停燈者前
 焰非後焰比形者今吾非故吾雖使執之而
 留皆自冥冥中去矣此莊周所以有藏舟山
 於壑澤之喻夫壑與澤虛明之用所以洗造

第六

物之無心舟與山動止之物所以況有形之
 有體道一而已一固無方壑之與澤為有方
 矣一固無體舟之與山為有體矣夫一隨於
 動止而游於有方一昧於虛明而圍於有體
 則一者自此而對矣有盛而衰為之對有新
 而故為之對有生而死為之對一則無二故
 獨往獨來而無古無今對則有耦故相形相
 傾而隨起隨滅是故以火藏火一也藏之水
 則滅以水藏水一也藏之土則湮又況以舟
 山且有體矣壑澤且有方矣擊而藏之且有
 心矣彼造物者之未始有物所以夜半得以
 負之而走也雖然不物者乃能物物不化者
 乃能化化若驟若馳曰徂於一息不留之間
 化故無常也我知之矣此特造物者愚群動
 而有心者所以妄存亡也是心存則物存是

心亡則物亡方且藏之壑澤心之所見自以
 為固矣不知此纖毫未嘗立俄而失之夜半
 心之所見自以為去矣不知此纖毫未嘗動
 惟知夫大定持之者故能遊於物之所不得
 遊而皆存夫物之所不得遊而皆存之處乃

第六

萬物之所繫一化之所待古之人藏天下於
 天下者以此夫天下者萬物之所一也而人
 者又萬物之一耳誠其得一之全故知萬化
 之未始有極者動無非我則天老終始皆所
 欲之而無所惡也與夫一犯人形而喜之者
 其樂可勝計耶古之人嘗言之矣萬物皆備
 於我反身而誠樂莫大焉是樂也昧者終日
 用之而不知且宅爾陳人爾與物周流於造
 化之運旅爾安得莊周藏天下於天下而論
 之

顏回坐忘論第四

心非汝有孰有之哉是諸緣積習而假名耳
 身非汝有孰有之哉是百骸和合而幻生耳
 知心無心而萬物皆吾心則聰明烏用黜知
 身無身而萬象皆吾身則支體烏用墮況於

仁義乎況於禮樂乎若然動靜語默無非妙處縱橫逆順無非天游孰知其為忘也耶不然厭擾而趣寂懼有以樂無以是為忘則聚塊積塵皆可謂之忘矣夫回幾於聖人而未盡過於衆人而有餘順一化之自虛了物我者聖人也隨衆境而俱逝繫乎有物者衆人也子乎無物則無往而非忘繫乎有物則無時而能忘此顏回所以坐忘乎及萬物流轉之境冥一性不遷之宗靜觀世間則仁義禮樂舉皆妄名寂照靈源則支體聰明舉皆幻識忘物無物則妄名自離忘我無我則幻識自盡然仁義禮樂不自名妄者執以為名支體聰明不自識幻者認以為識知身本於無有則支體將自墮必期於墮之者未離於身見也知心本於不生則聰明將自黜必期於黜之者未離於心見也且支體聰明之尚無則仁義禮樂之安有向也作德於肝膈之上而物物皆知今也無知向也役心於眉睫之間而物物皆見今也無見茲乃坐忘乎然既已謂之忘仲尼不容於有問顏回不容

於有應亦安知一毫之益亦安知一毫之損亦安知仁義禮樂之忘為未亦安知支體聰明之墮黜為至已乎夫即妙而觀墮者之忘車沒者之忘水人之忘道術魚之忘江湖亦忘也即麤而觀得者之忘形利者之忘真怒臂者之忘車轍攫金者之忘市人亦忘也將以彼是而此非乎道無是非將以彼真而此偽乎道無真偽顏氏之子背塵而反妙損實而集虛者爾吾知其忘猶未忘也使進此道不忘亦忘孔子所以行年六十而六十化也又奚貴忘

季咸相壺子論第五

神之妙物者未嘗顯妙物之受妙者未嘗知妙是之謂神彼巫則誣神之言以死生存亡禍福壽夭以告人者其驗雖歲月旬日之可期似妙而非妙特若神矣既已謂之神巫而又曰季咸者以寓物之妙而有感者也且咸則有感而感則有心方且以我之有心而感入之心以我之有見而見人之見故死生存亡禍福壽夭者妄名起矣名既已妄又妄見

之見既愈妄又妄言之世之滯於相而不能冥妄者又妄受之直以是為真故棄而走也雖列子猶見之而心醉以其未能剗心也以其道之至於壺子以其未能絕學也故使人得而相汝夫壺者以空虛不毀為體以淵深不測為用子則有出母之道以應世者故能託無相於有相之間季咸則有心感者故每入則皆曰見壺子則無心而應者故每至皆曰示彼無心者踐形於無形之表彼安得而相之超數於無數之先彼安得而知之季咸方且累於形數而未離見見之處直以為死生在是而莫之逃也故始也示之以地文則歎之以其死次也示之以天壤則幸之以其生不知死本無死心滅則死生本無生心生則生形之生死心之起滅也心之起滅見之有無也至人未始有心靜而與陰同德動而與陽同波與陰同德彼亦不得而見也必示之以地文而文者物之所自雜也與陽同波彼亦不得而見也必示之以天壤而壤者物之所自生也示之以太沖遂以為不齊焉地

文則陰勝陽天壤則陽勝陰沖則陰陽之中
莫勝則天地之平也萬法一致本無高下彼
見不齊焉然三者皆謂之機意其動之微而
見之先故得而見之也示之以未始出吾宗
則示出於無所示矣彼以實投我而此以虛

第六

彼以有受我而此以無彼之起心役見為有
盡此之離人藏天為無盡以有盡相無盡殆
以此季咸所以望之而走追之而滅也雖然
壺子之告列子且曰是見吾杜德機又曰殆
見吾善者機又曰是見吾衡氣機皆曰吾者
猶且立我至於吾與之虛而委蛇不知其誰
何雖吾亦喪之示之者其誰耶相之者其誰
耶故逃也壺子之心太虛矣太虛之體空明
妙湛總持萬有飾之以榮華而不留揮之以
兵刃而不傷沃之以水而不濡燻之以火而
不焚一以是故爾壺子之心弔之以死受之
而不惡慶之以生受之而不悅名之不齊受
之而不爭彼卒自失而滅亦不以為勝而得
亦以是虛爾莊周方論應帝王而言此者夫
帝王應世惟寂然不動故能感而遂通惟退

藏於密故能吉凶與民同患一將出其宗敝
敝然以天下為吾患役於萬物而非所以役
萬物使人得而相汝可乎此古之應帝王者
所以蕩蕩乎無能名也

象罔得玄珠論第六

第六

赤水之北源含陽而不流崑崙之丘體安靜
而不撓以況性之自本者南望則交物而起
見還歸則涉動而旋復以況性之反本者性
天一開塵境並起既湛人偽遂迷大道玄珠
其遺乎然性不可因人而知使之者又其誰
耶性不可有心而知索之者又其誰耶使之
而非集虛也索之非默契也是三子者智窮
乎所欲知目竭乎所欲見口費乎所欲言而
道終弗得夫何故游塵聚塊妙道皆存瓦礫
糠粃至真咸在近不聞於眉睫遠不離於象
先流出乎方寸之境縱橫乎日用之際追之
則冥山在前而愈遠問之則大隗非遙而盡
迷以其索之不得故也且性本無知而知非
知也性本無見而見非見也性本無言而言
非言也即知是性以知索知反為知迷即見

是性以見索見反為見礙即言是性以言索
言反為言縛謂之象似有而非有也謂之罔
似無而非無也去智而迷者靈去見而礙者
微去言而縛者解此象罔所以獨得之也方
其探入道之本則聖如黃帝有望乃遺惠如

象罔無心乃得及其冥大道之原則一性無
性在得非聖一真無真在失非凡向也遺之
黃帝亦無一毫之虧今也得之象罔亦無一
毫之得亘古亘今而獨露真常大惑大靈而
咸為覺性庸詎知三子之弗得為非而象罔
之得為是也故雖黃帝特異之

莊子遊濠梁論第七

第六

物之所同者同乎一一之所同者同乎道道
之所致無所從來生者自生而生本無生形
者自形而形本無形凡洙布於貌象聲色之
間者無不具此道我於物奚擇焉一性之分
充足無餘一天之遊逍遙無累物與我咸有
焉惟契物我之知者於此蓋有不期知而知
其妙冥契其理契會神者先受之有不能逃
遊其先者此莊子所以知魚樂於濠梁之上

也夫出而揚游而泳無濡沫之涸無網罟之患從容乎一水之中者將以是為魚之樂乎以是為樂齊諧且知之矣又奚待周而後知蓋魚之所樂在道而不在水爵之所知在樂而不在魚惟魚忘於水故其樂全惟周忘於魚故其知一至樂無樂魚不知樂其樂真無知周不期知而知然莊周以是契之於無物之表蓋將無言惠子嘗交於莫逆之際蓋將無問莊子於此非不能默惠子於此非不能悟以謂非問則周之言無所託非言則道之妙無所見直將祛天下後世離我與物為兩者之蔽爾將物自有其物則周固非魚矣是安知我而知魚之為樂也耶將我自有其我則魚固非周矣是安知我不知魚之樂也耶知與不知皆道之末此周所以請循其本也其本未嘗不知昔人嘗言之矣眼如耳耳如鼻鼻如口無不同也在我者蓋如也視死如生視富如貧視周如魚視人如豕視我如人在物者蓋如也如則物物皆至游無非妙處奚獨濠梁之上也哉如則物物皆真樂無

非天和奚獨儵魚之樂也哉吾知夫周與魚未始有分也然則秋水之作始之以河伯北海若相矜於小大之域次之以蟲燕蛇風相憐於有無之地又安知物之所以一則樂之所以全故周託儵魚之樂以卒其意而至樂之說因此而作也古之明乎至樂無有者常見於其言矣曰奚樂奚惡

醉者墜車論第八

執物以為有所見者誠車矣認我以為實所知者誠墜矣知見立而乘墜分庸詎無傷耶彼醉者之全酒知以之泯見以之冥乘不知有車墜不知有地身不知有觸觸不知有傷疑然無所分焉且暫寄其全於酒者猶足以外死生而忘驚懼況性天之全未始離者乎天下一車爾託而乘其上者內開知見之營營外逐幻化之擾擾一將傾覆於諸妄之地非直骨節之傷驚懼之入也一開其天萬態俱入猶醒者之視車覆且得無傷乎雖然探形之始則天地與我並生原數之先則萬物與我為一奚物而謂車奚物而謂人奚物而

謂墜奚物而謂傷且心與物對則開天而人心與物冥則離人而天機械去而所循者天理也適冥融而所休者天均也行而無跡是謂天遊動而無吟是謂天機舉不足以憂之者天樂也舉不足以美之者天和也是相天無所助也

是以事天無所役也夫是之謂全於天彼其視得失哀樂死生窮通猶醉者之墜車矣嘗原周之意以是說於達生之篇者以謂有生者必盡有盡者必生知夫生本能一其性而不二養其氣而不耗合其德而不離通乎物之所造而不為奚往而非天哉形全於天而形形者未嘗有耳全於天而聲聲者未嘗發目全於天而色色者未嘗顯口全於天而味味者未嘗呈夫是之謂全於天是篇既託之以醉者之墜車矣又次之以復讎者不折鏃耶又次之以忮心者不怨飄瓦此其何故也物自無物何心於有我自無我何心於物物我未始有分也故墜者不傷讎者不折飄者不怨一天之自虛矣然則以其

對人故謂之天一性無性況有天乎以其對開故謂之藏一天無天況有藏乎悟此然後契達生之妙趣也

古之道術論第九

昔之語道者以謂道為乎在白無乎不在期

之以在有也耶古之人常言之矣在古無古

在今無今在陰非陰在陽非陽在遠不離眉

睫在近獨高象先在聚而流出萬有在散而

收斂一毫道果有在哉期之以在無耶古之

人常言之矣在天而天在地而地在谷滿谷

在坑滿坑有在於螻蟻有在於瓦礫道果在

無哉無不在無名謂之無而真無不無也有

不在有名謂之有而真有不在有而在者

有無不可得而名焉昔之明在在之妙於天

下者不敢以形數擬不敢以吟域倪即其巨

古今而自成入散殊而皆一者強名之曰古

人之大體是猶萬水普見一月之所攝也萬

竅怒號一風之所鼓也萬象森羅一氣之所積也萬物紛錯一道之所原也神明得之而降出帝王得之而生成天人得之不離於宗

神人得之不離於精至人得之不離於真聖人以是而變化君子以是而慈仁以是為法名操稽之數以是為詩書禮樂之文古之人即之以為道術者非累於心也故不可謂之心術非鑿於智也故不可謂之智術非機也

故不可謂之機術非技也故不可謂之技術此術者而謂之道其該備者也惜夫大全裂於道德之一散百家諸子隨所見而自滯以謂道術有在於是也其生不歌其死不哭而墨翟禽滑釐聞其風而悅之為人太多為已

太寡而宋鉞尹文子聞其風而悅之譏解無任而笑上賢縱脫無行而非大聖蒙駭慎倒聞其風而悅之以謙下為表以虛空無已關尹老聃聞其風而悅之此數子者或以獨任不堪而滯道或以強聒不捨而滯道或以死

生之說而滯道或以博大之域而滯道計其術之在道中猶壘空之在大澤也猶稊米之在太倉也猶小石之在太山猶毫末之在馬

體也自其所見則殊而自其所造之道觀之則不知其殊也此何故一石之微與太山均

於成體一米之細與太倉均於成數一壘與大澤共虛一毫與馬體皆備此百家雖裂道於多方而大體未始有離也嗚呼沒百家無大全離大全無百家非百家則不見大全非大全則百家不立其原一也終日大全而不

知大全者百姓也欲至大全而未及大全者賢人也已極大全而泯迹大全者聖人也堯舜之相授授此者也禹湯之相傳傳此者也周公之仰思思此者也仲尼之潛心潛此者也孟子之養浩養此者也伊尹之先覺覺此

者也莊周之書卒於是為深包大道之本力排百家之敵而終以謬悠之說無津涯之辭自列於數子之末深抵其著書之跡以望天下後世孰謂周蔽於天而為一曲之士

宋華子病忘論第十

宋者火所次而明陽者性常浮而動里則處而非與華則敷而離根子則又其嬰孩之時也中年則湛人偽之深病忘則還性天之暫復而謂之病者是世俗之病非迷罔之疾也故動而開天所以生智慧靜而藏天所以全

淵默德有心則作德於物物之知心有眼則役心於物物之見知見立則方寸擾矣本然之忘恬不為迷妄情之息反以為病安知夫古人語致道者必貴忘乎夫人相忘於道術真也魚相忘於江湖性也有足則履非真忘足則履適矣有腰則帶非真忘腰則帶適矣隨烟而上下者忘火也操舟若神者忘水也醉者墜而不傷忘車也兀者喪而不見忘足也彼忘者若是其真也華子之病幾其真者歟真則致一矣夫朝取而夕忘一於朝也夕與而朝忘一於夕也在途而忘行一於途也在室而忘坐一於室也今不識昔一於今也後不識今一於後也忘取與是忘物也忘行坐是忘所也卒也先後之不識非獨忘也且獨奈何以此而謂之病也耶既以謂之病則宜有受之者忘則又受之者誰乎不知未嘗問且闔室而毒之毒之弗已又從而卜之不知此非吉凶之所能知也卜之不已又從而禱之不知此非鬼神之所能窺也禱之弗已又從而醫之不知此非陰陽之所能寇也三

者無所用其術儒者又躡其後而唱之欲為治之也魯者文物之地儒者仁義之術大全自此祈也然彼自無疑則卦卜筮占彼自無行則祈請羹禱彼自無疾則藥術奚攻欲愈其忘試化其心使心有知試變其慮使慮知有靈之使知寒餓之使知飢幽之使知明心非一而為物耦矣其寒而知求衣其飢而知求食其幽而知求明見非獨而有對矣鑿之七日混沌之七竅遂開除之一日世間之萬態俱起大怒而黜妻子知其有親於我而責之深也操戈而逐儒生知其有求於我而憾之切也數十年之境頓生須臾之忘安得是故存亡也得失也哀樂也好惡也向也各不知今也營營不已蓋無心則忘有心則恐是八者安知足以累心乎子貢問於孔子而怪之以其溺於博學之辯也孔子顧謂顏回而記之以其造於坐忘之虛也然華子病忘非誠忘也方其忘則冥然而忘及其悟也則弗然而怒是將以擾擾者為妄耶默默者為真耶特不知忘時擾擾之境自存悟時默默之

第六

十七

妙非遠夫何恐之有嗚乎心本無心因物則心故心亡為忘智本無智因知而智故智微為德微則不知忘之為忘而忘亦忘矣古之人貴夫坐忘而遺照

莊列十論

離峯老人集卷上

七言律詩

迷懷

翠巖西畔道家門外開田徧野花蝴蝶紛
紛猶是夢遊蜂忽忽未忘銜雲間童子攜靈
藥空裏仙人步彩霞閑想紅塵名利客不知
壺內有天涯

又

漠漠青烟鎖翠微瀟瀟落葉四簷飛紅塵事
少夢寬好碧漢雲橫星斗稀水冷霜清魚不
食山窮木瘦樹無衣道人度日疎慵裏門外
紛紛總是非

又

紅塵汨汨幾時休去作逍遙物外遊好水好
山行不盡奇花奇果景何幽風來藥圃清香
細月到芝田紫艷浮閑向林泉佳處隱世間
何事上眉頭

又

南山一望勝天平天宇浮嵐入眼清自古神
仙多隱跡至今羽士學長生人間興廢成今

古雲氣翻騰變晦明只有老松并怪石青青
不改四時榮

又

達人生死莫能拘解著神機應萬殊顯即恰
如雲統月晦時還似蚌含珠冥冥內照靈明
主赫赫融開造化鑪鍊就金丹無晝夜萬條
紅焰晃冰壺

又

暑往寒來氣自然西風又是桂花天山空木
落鳥依樹霜降水寒魚在淵物外雲朋忽相
訪洞中幽客正高眠杖藜輕觸琅玕響喚起
華胥夢裏仙

又

不學參玄與問禪一庵瀟灑寄林泉空中天
籟宮商意物外家風道德篇一枕閑眠芳草
畔數聲樵唱夕陽邊此身未得驟驚去且作
逍遙陸地仙

又

傍人笑我太風魔這箇風魔會得麼已與沙
鷗盟蓼岸更隨山鹿上烟蘿三竿日底駒

睡一曲人間踏踏歌歸去吾鄉安穩處看他
平地起干戈

偶書

翩翩風袖碧雲端曾伴洪崖到洞天去馭華
芝鸞下界來栖琪樹鶴千年紫霞吐焰籠丹
鼎明月生光罩瑞蓮蒼佩一時低拂地金童
傳下玉皇宣

烟霞亭

危亭縹緲出雲霄十二欄干眺望饒迴首塵
寰如撮土有時天籟自吹簫遠山木末重重
翠細柳風中萬萬條咫尺烟霞人不到蓬壺
仙路信非遙

示人

為佛為仙在寸心可能塵世廢光陰蹉跎望
道期程遠速還勞生歲月深已醉利名濃似
酒不將神氣惜如金琴心三疊胎仙舞欲作
玄門座右箴

因迷人索路作

六窻通達見天光徹去藩籬是大方至道有
歸皆坦直迷人著處自彷徨程程盡是長安

路在在無非廣漠鄉博寒挾書都撥置更於
何處覓亡羊

答人

有人向我問玄珠一點靈光照玉壺亘古亘
今長不滅先天地幾曾無六塵堆裏存真
宰七寶山頭弄假軀此箇家風人會得不勞
足力駕雲興

又

悟時拂散利名塵作箇逍遙自在人閑向溪
頭盟水鳥偶來林下睡莎茵紛紛俗事終無
限擾擾愚人[○]不識真只見目前生與滅那知
壺內有長春

寄郎大師俗隱

已別經今十有年歲華易得道依然藉光晦
跡潛真士接物隨機應世賢鄭圃生涯畦隴
外漆園意氣水雲邊百年拔宅超雲漢人世
清名萬古傳

示張都監

莫戀浮華悟此身好拈淡養天真眼前便
是夢中夢覺後方知身外身壺內好栽無影

樹洞中先得未萌春紛紛俗輩應難辨赫赫
天光日轉新

幽居

門外清流屋上山偶來此地寄安閑書因遠
眼有時讀名惡爲質無意攀脩竹種成千萬
箇茅廬結就兩三間幽情猶有雲相交暮卷
朝舒數往還

示小張仙

兒童笑指布袍寬上界仙衣總一般鶴唳青
霄雲舟舟鸞鳴鳳闕月團團金童紫府分瓊
屑玉女丹臺覲魄凡昨日
玉皇忙詔下已書名字上仙班

示玉溪庵主

道人脚底片雲生欲作逍遙物外行盡把黃
塵衣上拂却將明月杖頭橫數峰平地畫圖
起一見使人毛骨清便欲終焉謀此地儘他
世上利和名

示石碣揚庵主

落魄誰知却丈夫人間富貴視如無居隣雲
水安常靜委分筆瓢不强圖但得物來心似

鏡從他人笑貌如愚虛空蕩蕩無遮障萬里
青霄一顆珠

寄張官欲出家

丈夫臨決莫徘徊好念栖真早早來大道悟
時須寂滅淨生識破盡塵埃亦憑假合修丹
藥暫借精神結聖胎脫了陰陽無造化先天
一物照靈臺

寄李庵主

心地逍遙氣自和從他人世自風波玉輪欲
見清光滿寶劍須利石磨斫却孽蟲閑障
礙會看丹桂復婆娑爛然一色成金界塞滿
乾坤不厭多

寄嵩州劉二官

蓋世功名身外事掀天富貴世間榮覺來只
是須臾夢悟後元無籠蓋驚霄月天心人共
見驪珠海底獨增明人間上士懷仁惠正好
將心進一程

示韓會首

力命窮通各有因不須呻訴笑聲頻恢恢天
網疎無漏密密樞機暗有神日月虧盈皆運

數陰陽生殺豈疎親我觀造化南柯夢誰作
遽然睡覺人

示劉姑

跳出紅塵須做徹心清意靜添決烈實劬騰
輝萬焰寒瓊花開滿群芳滅紫府真人下玉
京雲車月席旌幢列手掌還丹晃太虛比時
不用黃金屑

示木虎萬戶

功成名遂早歸山落得身安心更閑返視紅
塵真累夢竟無靈藥駐朱顏居連蓬島何由
俗門寄烟蘿不用關忽有一九金彈出飛騰
來往照人間

示夾谷都統

得失窮通任自然不須欣喜與憂煎今生富
貴前生種見在修持過去緣廣武坡頭此子
快杜郵亭下幾多愆一還一報何年盡學我
同修物外仙

寄張副使

其戀浮華慾境侵蓬壺仙景轉難尋舟臺神
鑑浮埃翳月殿靈芝野草深試問窮他無盡

事何如悟取本來心殷勤下手三千日鍊就
壺中一井金

示道人

學道先須泯見知衆中緘口最相宜休憑六
六爲玄妙莫論三三做執持澄徹靈源觀隱
與剔開慧眼認希夷深根固蒂長生術以至
無爲無不爲

示張庵主

昔日曾聞上古仙巢居穴處到今傳民如野
鹿那知謝上若標枝亦自然善惡兩忘遊廣
漠死生一貫泯諸緣折衝剖斗知何日再變
鴻濛作此天

示程監丞浩然

野客今逢程浩然幾時相伴住林泉功成名
遂身須退跡晦光韜地自偏混沌鑪中燒大
藥鴻濛島內煮金丹成服了朝元去得處
華陽不夜天

示衆會首

先陰有限風中燭身世無憑水上漚當念朱
顏須改色休教白髮早臨頭貪中愛慾消磨

盡妙裏希夷子細搜身入大方圓覺海太平
國裏信遊遊

贈溫迪罕明道

往日聞名今日逢坐間忽爾起春風氣和面
上挑花色神定鐘中丹藥紅嬰姪綢繆歸紫
府虎龍交媾入離宮逍遙海上求玄訣路入
蓬萊一線通

寄紇石烈先生

兀兀騰騰自在身相將談笑出紅塵脩程穩
入三山路和氣融開十月春洛下香分梅萼
破水南青入柳梢新青來此處同條鍊不作
勞生夢裏人

示程浩然

大覺纔知大夢休便乘物化恣遊遊神如膏
漢離籠鶴身似江湖不繫舟玄理却於枯木
得繁華都付落花流而今不復行藏問蠖屈
鯨掀信自由

繼人韻

雲海相逢得道人料應秋水作精神來乘白
鹿遊三島去踏青鸞謁玉真具內鍊成千歲

藥性中消盡六根塵先生已獲神仙術德不
孤兮必有鄰

贈王大夫

鶴髮霜髯世異人肯來此處話長春好栽月
裏枯根樹便鍊壺中無價真但得修完天地
缺何須陶鑄^{第7}秋糠身蓬萊要到君須到可與
羣仙作近鄰

示司天臺判

擾擾塵中悟一真飄蓬便作自由身青雲放
鶴心無繫赤水藏珠道不貧壺內樓臺三鼎
景洞中花木四時春青鸞白鶴翔翔處金碧
家陽一樣新

寄顏小仙

後生可畏我憐渠血氣方剛汝畏無暫向紛
華留視聽便於薰鍊費工夫心如鐵石愆初
志景逼桑榆失後圖但著此心相警戒暗中
自有聖賢扶

示李道人

清虛可鍊道心堅寂寞能熏智慧圓金玉滿
堂終棄物丹砂一粒却延年人間貪作紛華

夢物外那知道化緣此理若能迴首得會看
箇裏起飛仙

勸世

浮名浮利總悠悠繫縮人心早晚休一向經
營忘了日幾曾富貴到枯骸寶山有分空迴
首苦海無涯強出頭性命懸絲如傀儡不知
人戲作風流

過連昌

連昌宮闕已平沙不見乘鸞只見鴉依舊萬
峰橫木末無窮洛水去天涯霓裳曲罷山禽
語端正樓空野草花千古繁華留不得幽接
今屬道人家

示史道人

區區名利古今情得亦驚來失亦驚蝴蝶夢
中無至覺白駒隙內競浮榮銅山寵詔千年
調金谷危樓一旦平爭似道人休歇去水邊
林下過平生

又

遊仙枕上夢初醒竹屋風來拂面清已聽漏
聲烟外轉更看斗尾樹梢橫塵凡消盡滓無

跡龍虎交時自有聲放出紫毫金一粒飛騰
上下鬼神驚

寄郭庵主

浮生忽忽葉辭柯百歲光陰已半過塵外青
山空悵望鬢邊白髮轉添多歲云暮矣能無
感君不歸方可奈何我與沙鷗盟已了此迴
休更負烟波

示渠知觀

一氣寥寥出香莊已先剖判統陰陽區分造
化羣靈祖囊括虛元萬彙昌動處玄機酬物
變靜來虛室發天光學人切莫摹蹤跡認取
真空是法王

示亢官人

為官何以學神仙真靜真清養浩然日日玉
爐燒大藥時時金鼎鍊紅鉛蒸生瑞氣騰清
漢種就金蓮罩紫烟功滿朝真廣寒去相隨
同赴大羅天

寄張提控

幾年與我約林泉卻為虛名一旦牽沙塞雖
遙猶有志瑤池非遠尚無緣栖連雲轡道家

事指顧英雄將士擢直待功成名遂日退身
復證大羅仙

示嵩州蒲察知觀

玄元至道本無言恬淡清虛盡自然壺內一
天新世界洞中三島別山川丁公未娶離宮
永玉姪深藏坎戶鉛混沌等閑休鑿破免教
鍊石補青天

示郭知觀

一瓢醴粥是生涯與道相為友者耶靜似澄
江浮日月動隨冥鶴去烟霞青生霜鬢星星
髮黃吐丹田寸寸芽更待七還功了後九陽
官裏看金華

示趙先生

澗水金山可隱居我來此地作蓬廬道鄉著
脚程程穩世事迴頭日日踈架上塵書三兩
卷門前烟栢幾千株邇來泰定天光發一段
靈明結寶珠

示樂經歷

寵辱於身事若何一端著處損冲和光陰迴
首漸將少金玉滿堂誰厭多不向壺中尋日

月空羸心上起干戈爭如早悟無生計劫外
靈光壞得麼

又

四大身為造化鑪五行真火鍊虛元炎炎海
底生紅焰昧昧塵中顯太虛有相形軀終假
合無生法性是真如靈童鑿透崑山玉價直
連城買得無

寄張提控

白髮忽忽已滿頭紅顏忽忽暗中偷神仙有
分須輕舉世事無涯莫苦求幻影不禁風裏
燭浮生非久水中漚功名總是何樓物謾過
聰明人不休

示人

誰識人間自在仙飢來喫飯困來眠一庵避
地堪容膝半紙虛名不值錢明月當空正端
正清風為我每周旋堂前不種閑花草自有
琅玕翠接天

贈嵩州王押司

子細分明舉似賢道之一字屬塵緣至虛至
寂那容叩精妙精微不許傳靜裏光明天有

眼玄中造化火生蓮大千歷徧俱無礙一顆
神珠處處圓

示寧海郝縣令

說與人間大丈夫人人都有夜明珠昔年愛
欲塵深昧今日磨礪垢自無一段光明如寶
鑑十分皎潔若水壺崑崙頂上靈泉降澆灌
瓊花永不枯

太和贈孫提控

莫戀浮華悞此身好於靜處養天真人生到
了成何濟世事從來欺得人積德何愁仙路
遠忘情自是道緣親華胥夢斷陽神出化國
同遊不夜春

遊角子山

流行坎止信閑緣角子山遊亦偶然已作浮
萍常泛泛不妨風袖又翩翩數峰平地如圖
畫百鳥幽林自管絃咫尺七還功了畢人間
勝處盡飛仙

示元道人

虛名終日謾區區借問流光駐得無只見浮
雲蠅競血不知幻夢月驚鳥多生貪愛塵緣

重迤漸摧殘玉性枯說與聰明端記取身中
惜護夜明珠

誠廚

齋廚薪爨日忙忙糊口都緣臭穢囊千食一
耕非易致百鞭匙飯已多傷惜如腦髓人間
物不自鋤耕道舍粮忘却息心常減戒披毛
戴角與他償

自詠

海上飄蓬四十年年來年去久翛然春風自
透無生地秋月長臨不夜天定起肘邊猶有
柳景忘脚底已無蓮殷勤寄語塵中友早晚
雲溪結此緣

又

落魄雲溪一散人小窻高卧養天真夢中既
悟終無夢身外方知更有身寒月挂空千歲
朗韶華著物片時新爭如認取長生理無古
無今一樣春

繼孫伯英韻

孤身到處便投棲踏碎烟霞路不迷翠鳥天
邊誰信息白雲風外自東西玄霜搗出蟾中

免真火驅來日內鷄收向玄中成久視一靈
真性與天齊

贈孫伯英

高人久已厭京華卻憶仙山卧彩霞竹杖芒
鞋為伴侶藥鑪經卷作生涯飢餐橡實和山
芋渴飲松黃與石茶彼是此非都不按只知
身屬大方家

又

應物隨機信自然自然之內隱真仙不須斷
簡窮經論已向拈花悟祖禪心定儘他閑伎
倆神安得此好因緣箇中便是全真趣何處
雲山覓洞天

又

學仙大抵要叢林舉動無令熟境侵名利場
中休著脚聖賢分上好留心既從一篲成十
仞須把微陰作寸金神氣結成無漏體烟霞
別有好知音

又

美目脩容得幾秋忽然枯骨卧荒丘生前伎
倆千般巧到此英雄一旦休迷後悲歡為實

相覺來生死若浮漚箇中靈物何嘗壞留與
行人作悟頭

贈鄭今史

可憐鬢髮已蒼蒼黥許堆中盡日忙世利既
如湯沃雪筆尖剛甚蔓搖芒甘肥適口全家
樂究債臨頭一已償願我此言如藥石願君
服了也心涼

贈張庫副

紅塵早晚賦歸休伴道遙雲水遊了却一
生容膝計勝如三載抱官囚壺中自有延年
藥世上終無不死由異日功成超遠去瑤池
會裏列仙儔

寄王縣令

是非場上好袖身作箇無憂自在人藜杖便
遊雲外路芒鞋不到世間塵舉頭明月堪為
友到處青山總是鄰卜箇小庵安穩地松窻
高卧養天真

寄嵩山李先生

遙望東南翠萬重先生高卧此山中紛華識
破塵緣盡微妙蒸開法眼通世上有書都拂

却目前無法可牢籠殷勤更與含靈便完取
垂成一簣功

寄西山董道人

出家鍛鍊藉叢林切忌離群快此心試問浮
雲憎不義何如流水覓知音曾經巧琢方成
玉吹盡殘砂始見金見說蓬瀛多益友更休
取次廢光陰

梁老姑告

學人莫事苦熬煎大道元來本自然真靜真
清成運用不凋不琢就方圓五明宮内生芝
草七寶山頭長瑞蓮折得一枝歸縹緲瑤池
會裏薦諸仙

示王庵主

仙風只合住林泉識破塵緣覓道緣拂盡紛
紛心上境修成默默性中玄天光發泄迷雲
散法眼開通慧月懸更把銀河顛倒捲洞中
澆溉紫金蓮

示梅仙

天然道骨慕真修自是紅塵不得留野馬已
知窻日短醯鷄肯向窻天遊壺中鍊得長生

藥海上從他不繫丹更好暮天歸去後一輪
明月碧江秋

示嵩州張倉使

要作全真門下客便攜筇杖出紅塵磨開寶
鑑生光焰鍊就丹砂伏鬼神萬染悉除心上
境一言喚覺夢中人迴頭返顧區區者盡為
聰明喪本真

題石碣庵

極目烟嵐鎖翠微道人來此便忘機眼前總
是真清靜耳畔全無鬧是非遠岫雲邊橫翡翠
細泉門外滴珠璣紅塵咫尺如天遠寂寞
松陰畫掩扉

贈石碣趙繼先

識破浮生水上漚一塵不許到心頭有時黃
卷拈來罷無限青山興便遊莫笑一瓢成活
計却令千古仰風流有人來問修行法食飽
無餘事事休

寄張倉使

此身有限莫蹉跎百歲光陰撚指過正憶黃
金囊裏少不知白髮鬢邊多臨頭生死誰能

免滿眼兒孫不奈何爭似聞身強健日早邀
明月赴烟蘿

示揚會首

休言火裏長金蓮莫說家中有洞天大抵出
家離愛慾直須絕慮造幽玄磨磚作鏡終無
假拂石成羊亦是權若到神通無礙處便教
平地也為仙

秋日示完顏道人

朝來白帝作霜威似與乾坤助殺機木杪不
禁群葉下天涯更促亂鴻歸紅塵遠客愁絲
鬢紫塞征人病鐵衣唯有仙家無箇事一杯
鐘粥掩柴扉

太清宮述懷

睡起逍遙閑放意瘦筇扶我到樓真風中紅
紫時時落雨後琅玕日日新勝地自然生瑞
氣蒼天不住走紅輪仙翁忘却人間世卧聽
晨鐘恰轉身

示趙道人

收拾精神向內觀莫教窮賊外相瞞六門玄
鑰塵根斷七返還丹道氣攢玉露降時珠顆

顆金霞飛處月團團水精樓閣真人位赤鳳
烏龜上下蟠

張姑告

一鑪春雪下工夫鍛鍊須成顆顆珠萬道銀
霞光錯落千般瑞彩色糝糊嬰兒採得靈芝
草姪女偷開造化鑪有箇真人開作戲杖挑
明月弄虛无

贈清平李道人

老大看書目不禁只宜靜處養虛心百骸和
暢神無夢四體冲融息自深鑿破荆山搜璞
玉撥開丹鼎覓真金我今說與神仙訣可付
諸人惜寸陰

王副觀告

說與人間烈丈夫時人都有夜明珠昔年埋
沒諸塵昧今日蠲除片意無一段光明如素
練十分皎潔若水壺豈爲化作靈泉液澆灌
瓊花永不枯

贈師會首

釋氏拈花猶示現連壓面壁正遙留本來靈
物無圓缺自是人心妄贅翳大道忘言非有

說谷神不死覓無由至人一得情開口渴飲
飢餐萬事休

贈張會首

淵默雷聲各自如箇中消息本虛無遽蘆生
死非由智土木形容不是愚數息區區閑伎
倆餐霞屑屑淡工夫要知世外神仙訣奪取
驪龍領下珠

五言律詩

寄洞霄宮完顏提點

寄語洞霄客天姿幸有餘善行本無跡處世
不如愚念此膏然燭輸他蚌隱珠光明休外
現惜此養殘軀

寄郎大師

寄語西山老山居亦樂哉萬緣俱嚼蠟一念
自寒灰去鳥椿願送新詩信手裁高真多愛
惜不放出頭來

述懷

麻衣與葛巾天地一閑人蕩蕩超三界巍巍
出六塵洞中仙不老壺內景長春走上崑崙
頂回頭看北辰

又

道念堅彌熟人情自遠疎清虛爲活計寂淡
養真如鉛汞金鼎玄霜鍊玉鑪功成歸去
後永永住仙都

示中京賀會首

冷翠嵩峰逼幽樓澗水依人情漸疎薄道念
益精微鸞鶴丹庭聚雲霞寶殿飛解蘭亦何
者一去不來歸

繼雷公韻

信步入林泉蹉跎四十年月中不用指魚後
已忘筌歲月行如此情懷亦淡然仙山未歸
去應物且隨緣

五言絕句二十二首

世事般般了浮生事事休頓然三界外不挂
一絲頭

大道極幽玄清虛合自然撥開三昧眼別看
一重天

有相明無相真空混色空有無俱不染一點
太虛中

欲作無礙身還却輪迴債剔正性中燈照破

虛空界

茅廬寄城角誰識是仙鄉地僻人行少心清
道味長

頭頭俱是道物物總為明未敢全相許忘言
自太平

飄飄秋風起蘇七飄飄亂葉飛二十這些端的事全體

露玄機

世外養高士塵中異俗人放開清靜眼看破

利名塵

解脫本吾事死生非我關心如空月朗身似

野雲閑

白雪性中真百紛那得塵撥開無縫鎖跳出

自由身

色身元有屬實性豈無根試向中間覓依然

主宰存

伎倆都休盡聰明自到來形難鏡中遁節向

刀邊開

愛滯凡情重心澄道味真兩全無是理一割

正須人

大巧元如拙囊錘莫出頭一朝原免盡良犬

汝無憂

渤海一遊遨千重雪浪高試將山餌擲若箇
是神鰲

生者本無生死者亦非死悠悠生死中無人
知此理

四大作神奇蘇七五行為臭腐改換百千般翻騰

一萬古

世情元有限大道即無邊苦悟浮生夢心如

出水蓮

既作逍遙客須尋物外人相逢無一語目擊

道先親

紅塵不到處此地養疎慵說與同心友浮生

總是空

功名何日盡富貴幾時休識破浮生夢還如

水上漚

我欲拋香餌神鰲不上釣却回孤棹去月冷

碧江秋

六言絕句二首

道本無言無說只要君心猛烈撥開萬里關

雲推出一輪明月

黑汞鍊成白雪赤鉛結就黃芽燈下手親分
付深藏自己靈砂

離峰老人集卷上

離峰老人集卷下

七言絕句

偶得

寂寥雲水幾星霜
收得神仙不死方
二物都來十六兩
跨將赤鳳入仙鄉

鍊心

道人方寸已寒灰
無限塵紛境自迴
總把乾坤為妙用
此身到處即蓬萊

贈移刺大師

壺中仙境本非常
萬象森羅自發光
清靜鍊成無漏體
沖和養就法中王
談人說我何時盡
競利貪名有底愁
若悟此身還有限
蠅頭蝸角一時休

玉道人告

口訣叮嚀舉似賢
飢時喫飯倦時眠
靈臺瑩靜塵難染
寶鑑無痕性自圓

寄德順州移刺答節副

功名未了心先了
塵俗俱忘性不忘
更著慧風吹萬籟
真空獨現一輪光

贈門使

又

烟霞堆裏有知音
名利場中少用心
但得一枝棲宿處
何勞苦苦覓深林

贈太一宮姜大師

靈杖別開名利鎖
慧刀割斷是非纏
天然世外騎鯨客
自是神遊不夜鄉

寄郎大師

雲溪高枕卧烟霞
栽接長生不謝花
可與群仙為領袖
已調和氣徧天涯

又

山南瑞氣騰騰長
水北金花蕊蕊開
時有靈音傳好信
玉虛殿上選仙材

又

淡淡烟霞淺淺山
此身長在翠微間
白雲空谷無人到
贏得身心竟日閑

睢州吳道人請住庵

隱跡雲溪數載閒
隨風偶爾到人間
黃塵著脚非吾事
却領白雲歸故山

示鄆陵縣劉會首

看錢虜與抱官囚
擾擾塵中甚日休
有數光陰銷易盡
無涯歲月去難留

涪州寨尼院主告頌

頭頭盡是西來意
物物全明佛祖心
心意兩忘成妙用
不須淨裏苦沈吟

合流鎮木夾錄判索

一衣一食莫剛求
但得隨緣過便休
贏得省心兼省力
更無閑事上眉頭

示西華縣李庵主

山頭滾滾湧靈泉
海底炎炎結瑞蓮
既濟陰陽丹自結
水晶宮裏會諸仙

西華縣胡會首告

若悟輪迴早早迴
金蓮休向火中栽
縱然栽得根苗活
到底全無一朶開

西華縣張庵主告

不戀空華與世華
道人活計淡生涯
興來兩卷闌文字
因卧松軒看晚霞

西華縣賈道人告

斷鶴續龜忘分與
夷山盈壑味生緣
一瓢自足幽人樂
寸地常虛大覺仙

示陳州呂姑

道人心地冷如冰
不假管求道自生
萬籟無

聲心奉定一輪秋月皎然明

陳州完顏舍人告

抽添間隔炎炎火既濟陰陽旋旋燒鍊就純
陽神自出無生路上悠逍遙

陳州完顏姑姑告

盡日窮年無處尋得來元不費光陰靈明一
點真消息為佛為仙是此心

陳州孫姑告

掃蕩群情事事無莫教塵土翳水壺月中一
物神光現萬道紅霞罩寶珠

贈息州滿察從宜相公

功成名遂早歸山策杖逍遙到處閑明月光
中融妙用白雲深處鍊神丹

陳州完顏大哥告

剪除荆棘開心地掃蕩荒蕪種瑞蓮颯颯清
風生玉葉輝輝新月照盡天

贈陳州坐園張道人

六慾遣回身自在一塵不染性逍遙栽成火
裏無根樹放出靈葩永不凋

徐姑告

功名恰似石中火富貴渾如水上漚撒手便
登雲外路是非人我一時休

寄劉三仙

睥陽相別久徘徊望斷春雲不到來惜取龍
泉無價劍寶光休使深塵埃

贈湖頭宋庵主

此身天地一孤蓬信意蹉跎西復東不及草
庵閑打坐歸來高卧養吾慵

長平郭官人告

火風水沒來由聚則成形散即休半紙功
名虛費力百年撈攪水中漚

合流鎮王妙堅告

一片鬧心志莫移疑團打破證無為骨中記
取全真性亘古常存幾箇知

臨潁縣王會首告

老却春光人倦遊花殘蝴蝶更添愁不知桂
影無凋謝香滿人間甚日休

臨潁縣邵會首告

不會擒猿鎖馬顛飢來喫飯倦時眠冥然一
枕華胥夢始覺壺中別有天

寄和典史

幾載持竿釣巨鰲鯨鯢白眼戲波濤絲綸收
拾西歸去空渡滄溟又一遭

贈舞陽縣烏古論縣丞

神仙活計苦無多滌慮忘情氣自和欣則攜
筇尋野徑困來高枕卧烟蘿

示完顏姑姑

松窓石枕惟便睡竹徑人來尚未知驚覺披
衣時欵坐形如槁木眼如眉

孟寨張會首告

頓拋世網復全真洗滌靈宮養谷神常要清
虛無箇事桂花開徹月邊新

贈禹知觀

隱隱遙山鎖翠烟亭亭碧嶂近林泉鑿開混
沌些兒景偷得壺中一點天

南陽縣祖道人告

三界有牆猶恨窄四維無處不為園黃華翠
竹皆吾事雲邱雲号山即山

贈程庵主

手執絲綸四十秋但逢波浪便拋鉤鯨鯢不

肯吞香餌空駕虛舟獨自遊

贈木虎夫人

人生只解念彌陀自己彌陀會得麼認得本來無相祖不須身外苦奔波

贈允官人

莫比山高與海深學人空費遠搜尋目前自有長生道凡聖皆由一寸心

贈洛陽薛會首

近水臨山鎖翠微利名著脚却忘歸此身不屬紅塵客卧看白雲天外飛

移刺答道人告

道人行止莫蹉跎心鏡須憑一志磨痕垢盡時光自現不離方寸見彌陀

貴姑告

踏徧天涯覓也無得來元不用功夫百年拋却紅塵事有箇真人駕得車

姬磨樊會首告

有相緣中無礙身古今誰解識疎親百年拋下孃生袋一箇真人駕日輪

陳州唐括提控告

世網掣開身自在凡籠跳出性尤閑携筇直入烟霞路驚起白雲滿故山

馬會首告

既為學道好家同秘訣傳來便有一點靈明清似水鍊成丹藥鼎中紅

陳會首告

身居苦海休言道頭戴恩山莫論禪若是兩家俱放下不須掘地去尋天

史都監告

郭外之田數畝困絲麻鐘粥保殘年不圖跨鶴乘雲去且向人間應幻緣

曹會首告

大道無言在寸心不須千里遠追尋胸中自有圓明鏡莫使塵埃昧得深

寄馬文卿

悟來休得廢光陰一寸光陰一寸金愛海波中留不住亂雲深處覓知音

宿州紇石烈問前程

于氏高門元有漸燕山丹桂豈無因不須若問前程事真正無私是吉人

贈蕭縣宋大師

先生策杖便從容把握靈珠在掌中好向雲山栖隱去開窻高卧飲松風

懶窩自詠

懶漢今來住懶窩禁持意馬已蹉跎飯餘尺解堆灰坐更有慵人似我麼

贈高姑

誰識當場傀儡身一重皮肉一堆塵百年線斷無消息去了當場把戲人

示獨吉監丞夫人

四象合成癡肉塊五行結就臭骷髏狀同傀儡親曾看箇箇能言解點頭

贈劉姑

水晶宮裏結紅蓮證果無為大覺仙舟舟便登雲外路騰騰飛入紫微天

贈奧屯經歷夫人

七十光陰已半過勸人進道莫蹉跎無常一旦臨頭逼兒女雖親替得麼

樂道人告

若論修行萬事休胸中不挂一絲頭寂然萬

鑽無聲跡有箇靈童駕火牛

小楊姑告

道人無礙鐵心腸躍出三山混渺茫茫指白雲深處去蓬萊元是舊家鄉

贈大楊姑

五行結就炎皮囊一顆神珠裏面藏靜即心花通體靈動時無處不輝光

徐道沖告

道人真實最相宜食飽無餘步翠微困即和衣溪上卧覺來收拾亂雲歸

仝姑告

人能清靜絕熬煎恬淡虛無養浩然腦後剔剔三昧眼心中明徹自家天

門人問如何是了達

你來問我求了了世事紛紛都盡勦一輪明月正當天萬里無雲光皎皎

示高仙

從來劣性要隄防舉動靈苗已損傷且把芒繩牢繫守待他心境兩俱忘

劉姑告

長生路上道遙客不夜鄉中自在仙逗引靈童歸紫府調和玉女種金蓮

贈孫天和

慧刀割斷利名縲物外逍遙萬慮忘撒手便登三島路程程都是白雲鄉

又

無名窟裏毒蛇藏舉起頭來物便傷寄語行人須著意往來常切要隄防

贈尚道人

半紙虛名空似響百年短景疾如梭鬢邊白髮新添甚臉上紅顏暗換多

贈高都監

清風古道少人行濁水淤泥抵死爭可笑一般愚蠢物枕槽藉麪過平生

徐道沖問道

你有真師更問誰同茶同飯幾曾離我今指破知端的舉念生心總是伊

贈小張仙

從來伎倆都除盡亘古靈明倒過來拾得這般真受用世間無處不蓬萊

展姑告

了得真源萬事無塵緣不許污靈珠水源澄淨全身現雲散寥天月自孤

博志堅告

修行非易亦非難下手先除人我山鍛鍊真空同一體自然心似白雲閑

李姑告

漠漠春烟日漸長江梅猶帶返魂香洞天先得真消息催逼東君造化忙

初春

臘盡春回白晝長洞天先得好風光東皇來約群仙會歸去碧雲衣袂香

臨穎李縣尉告

風裏微聞松桂香山堂明月冷輝光道人夜靜儵然坐萬籟無聲一味涼

李姑問行程

渺邈蓬壺咫尺間行人迷隔萬重關牧童不指襄城路黃帝猶尋大塊山

贈周姑

勢利看來冷似冰道人於世已忘情昨宵一

枕遊仙夢穩駕金鸞朝玉京

贈移刺答院

心灰冷落無烟火枯木形骸不放芽直待三陽真火降堂前鐵樹也開花

尼長老問修行

你來問我修行訣我今與你叮嚀說掃盡群陰現本真膏膏挂起一輪月

又

去住逍遙信自然龜長蛇短祖師禪山頭一片清涼境始見壺中別有天

董志源告

慧刀舉處散群迷迸出銀霞萬道飛滅却陰尸多自鬼蓮花帳裏露希夷

贈會首薛六郎

先天靈物有無中動即隨機靜即空萬物之中常作主千般運用應無窮

春遊

年老心嫌衣帶長強攜筇杖看春光滿園桃李皆相羨都道肌膚似沈郎

厨張問生死事

昔時死者何曾死今日生來有甚生生死到頭元有甚安時處順要分明

遊雲溪

衆仙邀我探春來縷縷春紅相間開悞入桃源即非夢人間何處覓蓬萊

張悟真告

壺中一粒紫金砂鍊就先生萬道霞服了不知浮世隘頭然身在大方家

周姑告

般般識破都為夢事事語來總是空悟得不安安分過從他烏兔走西東

張懷遠告

物物般般總不迷迴頭參破老禪機莫教流落人間世無相天真要執持

劉今史告

真清真靜逍遙客無執無持自在仙策杖便歸雲外去草鞋踏破洞中天

贈孫大師

惜神養氣固靈田境靜心閑道自然赫赫光中生瑞草炎炎火內結紅蓮

石碣玉溪庵閑遊

道人策杖看西山心似白雲到處閑一枕困來仙闕夢豈知身在翠微間

忽憶逍遙物外遊便攜藜杖步林丘騰身直上三峰頂虛徹靈源萬慮休

昨憶仙遊到此山箇中景物共閑閑白雲出岫亦無意幽鳥與人皆偶還

辛先生告

道人心定寂寥居皎潔圓明似玉壺雲去雲來俱不礙無生無滅證無餘

劉先生告

大道虛無本自然不勞苦苦用多言但教心上無塵垢一點靈明光自圓

亳州太清宮陞堂

我是雲溪懶丈夫粗庭羽客強相扶無疆聖壽祝延外看有金鱗上釣無

太清宮樓真庵述懷

清風招我到樓真境界儵然斷世塵猶有歲寒君子竹窻間橫影弄精神

竹裏啾啾百鳥喧竹齋呼起日高眠將迎不

斷人如織我自宵中獨悄然
踈懶從來百不拘披襟閑看老莊書忽然讀
到忘言處枯木形骸等太虛

西郊火老暫開顏頰覺幽庭枕筆寒萬里碧
天清似水那堪梳月半嚙山

請忘意論

檢徧南華竟也無得來元不費功夫須知自
有天真在一點靈明常湛如

記夢

夢中親覩聖賢來白鶴青鸞下玉臺一篲大
還功未就瑞雲繚繞復重迴

又

寒窻寂寂枕書眠覺後檠燈尚儼然簷外月
華明似畫風停烟靜太平年

示時官

一行作吏莫傷民百計施恩與日新入則敬
親出則悌外全仁義內全真

張姑告

世務多般不可窮人間事事轉頭空迴頭記
取先天物劫壞長存無始終

世上功名不可求人間富貴轉頭休爭如早
作歸山計一片白雲天外遊

勒姑告

水南水北路交相人去人來有底忙爭似一
庵閑打坐寸心無事自清涼

霍道人告

假軀六十過半百蒼顏已老髯鬚白擾擾紅
塵已倦遊雲山且作烟霞客

康國寶殿試至

迢迢溪上水雲平岌岌山間道路生但得秋
風片帆至扣門一見眼增明

石碣贈石道人

欲求同象得玄珠既得玄珠事事無切莫法
中尋有相須知無上證如如

杜鵑

青山靄靄亂雲低切切幽禽晝夜啼啼得血
流誰解意聲聲猶道不如歸

示杜道人

綠葉陰陰障夕陽白雲片片渡秋塘道人不
解紅塵事隱跡林泉寵辱忘

贈曹道人

我愛林泉景最幽白雲深處水東流道人不
管興亡事一片身心得自由

懷州高姑告

道人活計不憂貧冷淡家風不染塵雲散月
華明似畫迴光得見箇中人

石碣董七郎告

古道家風不可求翻騰故紙幾時休爭如撇
下歸家去月白青霄水自流

寄田戶店曹孔月其人以水牛自稱

寄語曹家老水牛芒繩穿鼻拽迴頭時時更
與加鞭筆白到全身得自由

全道人告

人間莫得辯癡愚辯得愚疑却是迷要識清
虛端的理白雲深處悟希夷

嵩州李姑告

萬路千差獨往迴靈山採得寶珠來春風莫
露開消息箇裏雲菴尚未開
萬水千山路不差蟾宮先得桂枝花殷勤為
獻丹陽父許占蓬萊第一家

嵩州張姑告

悟取無言理最深不須遠走訪知音
忽然放下頭頭是一片清虛冷淡心

贈嵩州獨吉太守

碧山深處白雲閑却憶雲閑偶到山
鳥道暗

通烟樹外木人還過翠微間

王道人告

勤磨慧劍斷惡癡吐出靈光泚見知
從此身心無罣礙元君到處自相隨

郎十二先生告

萬水千山路不差山迴路轉景尤嘉
故人相見無他語坐對羣峰看彩霞

贈石碣馬道人

山村寂寂近林泉春盡無人柳帶烟
別後欲知何處去蓬萊閣看玉壺天

贈張仙

道人著力向前修海角天涯作畫頭
踏破鐵鞋方省悟千山萬水一齊休

郟城縣賀先生告

道人真實是功夫不用丹經與子書
悟得一

言行不盡端然靜坐背虛都

為唐庵王姑姑壽

却外靈芝不假春壺中境界更無塵
天邊燦燦掣長白月裏團圓桂自新

王道人告

跳出紅塵身自在箇中生死轉分明
縱橫無礙逍遙性何必飛騰十萬程

小李姑告

洗滌塵情事事無靈臺瑩似冰壺不
須更問祖師意拍案虛空一顆珠

示邊大郎

七十年來老滑頭談得論道幾時休
直饒萬法俱明徹不到灰心冷似秋

常姑告

尋師訪道苦參求籠絡身心不自由
無限玄談都拂却一輪明月出山頭

贈韓會首

躍出紅塵萬事休已將身世付虛舟
碧波深處拋香餌未信金鰲不上鈎

贈水虎都統

策杖飄蓬恣意閑雲朋來謁水雲間
相逢一席無生話不覺紅輪西下山

趙道人告

一夕秋風萬葉凋道人活計轉寥寥
煩襟洗盡塵勞事咫尺蓬壺路不遙

示許姑

修仙先要除人我學道須防較是非
七寶山頭烟火滅五明宮裏證牟尼

贈張副使

身是飄飄一葉舟不辭風浪故來遊
烟波深處拋香餌不得神鰲不肯休

又

布袍策杖飄飄去一片孤雲天地間
到處不能為雨霖却歸林下伴青山

贈張小一郎

秋風掃蕩乾坤靜萬里無雲點太清
唯有一輪無相月先天先地轉分明

示瀋陽馬姑

東西行脚天涯客南北求玄自在仙
參得祖師劫外眼歸來却見自家天

示王姑

十載諸方負杖藜，豈知行住自相隨。却於販骨聰明鬼喚起，先天地師。

示周道人

磊磊男兒七尺軀，刀頭紙蜜卒非夫。須知自有天然寶，枉向驪龍覓領珠。

寄沔池納蘭縣令

為官公正勝為道，此語宜書仕子紳。莫謁麻衣方外客，且將良藥濟殘民。

贈宋大師

不看丹經與子書，快來心上一塵無。此身便約雲為友，去住與之同卷舒。

元道人告

大道虛无本自然，從渠委曲且隨緣。窮通貴賤俱由命，巧拙賢愚只在天。

贈中京張孔目

久戀紅塵來往頻，林泉豈識有高人。貪看日上花梢露，失了壺中不夜春。

王舍肯告

鑿開混沌見天真，跳出紅塵自在人。聊向鏡

中觀物化，莫教化却自家身。

贈張副使

我本持竿釣巨鰲，從渠風惡起波濤。但教神物吞香餌，萬里扶搖不憚勞。

贈司天臺判

高人策杖扣荆扉，來訪簞瓢一布衣。自擊道存忘意論虛心，而往實而歸。

柴姑告

身中寂寂閑機少，境上融融和氣多。兩袖清風常左右，一條紅練出烟蘿。

寄張道人

已向絲綸脫此身，百端香餌不相親。長江好在無邊浪，莫使風塵到錦鱗。

贈趙會首

春光屈指又經秋，敗骨何時是盡頭。恩愛結成他活計，此身作下馬和牛。

贈偃師縣趙散人

悟時咫尺是蓬萊，迷後重重不盡埃。一點孤燈纔剔正，莫教油盡暗暎來。

贈老史道人

壺中金碧好樓臺，月裏瓊花爛熳開。鶴唳青霄丹鳳舞，彩雲深處有蓬萊。

贈趙道人

靈臺一點本無塵，幻出空身即法身。道在性中休別覓，隨機應物即天真。

示龍窩張會首

吾家門戶幾人知，知者須明造化機。清靜之中含妙用，無為之內隱玄微。

仝姑告

割烹誰忍能鳴及，斤斧終難擁腫施。才與不才俱是用，此生木馬復何為。

田道人告

學道先須達自然，自然然後得真仙。濃粧淡抹空顛倒，想爾鑽冰不得燃。

示南京三相公廟冠姑

真清真靜永綿綿，鍊氣先須識自然。一粒丹砂功九轉，瑞霞萬道罩金仙。

示元仙

初心入道戒蹉跎，正好叢林細琢磨。莫遣新塵侵寶鑑，更防舊境損天和。

示梁道人

皎潔玄珠映太陽
水晶宮裏發輝光
身中有此無窮寶
却為浮生抵事忙

過孟津

滔滔烟浪向東流
浴日浮雲是幾秋
若得靈槎遊大海
扶桑國裏看瀛洲

示木匠揚仙

走徧千山與萬山
此身猶似白雲閑
歸來卧看青霄月
聒耳松風徹骨寒

董知觀告

大悟纔知無做作
玄言秘語齊拂却
撒手東西信自然
策杖逍遙遊廣漠

贈嵩山田道人

得到逍遙謁故人
依然雲隱養天真
西風吹落松梢月
坐待扶桑觀日輪

告縣楚會首

全真門裏選仙材
踏破雲山特地來
吾道易行不虛語
世緣倒過即蓬萊

詠雪

朔風凜冽亦雄哉
吹落天花徧地開
桃李未

知天意動臘梅先
覺化工來

偃師縣稅務李都監告

解出無涯欲浪來
聰明瑞勝選仙材
先天靈寶人難覓
寄向南宮無影臺

示史道人

衆妙之門日日新
家風冷淡絕塵閑
招雲外長生客
同賞壺中不謝春

自樂

風過庭松喚午眠
覺來石鼎尚沈烟
不求羽化乘雲鶴
且作人間陸地仙

辭太清宮

去去西風吹道衣
祖庭未得遂真依
他山猿鶴閑緣了
管領白雲客弄歸

寄尚仙

冥中鬼趣時時遣
物外玄門日日開
墨子悲絲元自漆
揚米泣路未歸來

李官人告

萬里烟波一葉舟
輕帆短棹泛中流
蟾光影裏閑垂釣
那計鯨魚不上鉤

寄陳州道友

功成名遂好抽身
作箇林泉自在人
採得日寬為大藥
鍊成月兔現陽神

寄費莊李官人

學仙未到棄塵緣
綠嶽涓埃積漸然
更向玄門輕進步
蓬萊別有洞中天

寄白沙道友

猿馬輕狂牢鎖閉
休貪世樂心如醉
悟來跳出死生關
一靈真性無凝滯

贈李道友

仙人五畝小蓬瀛
四面秋波分外清
視聽不須關耳目
希夷路上坦如平

示吳善友

人人只解念彌陀
自己彌陀會得麼
記取本來無相祖
不干般若與波羅

李會首告

衆妙之門日日開
家風峻古絕纖埃
雖然淡薄無餘事
不許等閑人入來

示任姑

打破疑團笑一場
不須來徧徧諸方
冑中有物明如月
却覓他人夜燭光

示史道人

物外玄微世上名一邊敗後一邊成從來蓬
島洲中客不在邯鄲路上行

示陳會首

一灣流水透雲漢晝夜冷冷說道機多少往

來名利客貪觀風浪隔玄微

示王道人

直鈞不鈞波中月數畧難撈水底雲用盡身
心離道遠諸緣放下許傳君

寄隴西老人

遙望東南木葉飛滿空秋氣逼人衣仙翁已
遠丹青景閑對青松吸翠微

小李姑告

出家須是學神仙好與長生作善緣但肯此
中留一念瑤池會裏結金蓮

示劉令史

紛華塵外三山客苦海波中一葉舟試擲絲
綸深浪裏游魚若箇肯吞鈎

示姬磨李道人

息慮忘機任自然不須訪道與參禪因循一

片開雲起礙却壺中不夜天

示峽石縣莫會首

夢中又說夢中事覺後纔知夢已休拂石南
溪觀物化泊泊依舊水東流

寄陝州會首

神丹常在掌中握玄鑑只宜心上安照破世
間虛幻境自然身似野雲閑

示玉溪庵王道人

人生何處不逍遙論甚山村與市朝但得寸
心諸畏盡虎狼群裏也驚

示費莊夏會首

我家門戶本幽玄寂寂寥寥任自然脩短織
洪都莫話飢來喫飯倦時眠

太清宮退堂

我本桃花峰上客忽遺塵跡在人間祖庭雖
好因緣早且放白雲歸故山

又

風馭飄飄來租庭瑞烟芳草桂花馨因緣未
合須迴首却入伊川卧錦幃

還長生觀

識破從來古面皮千非萬謗任從伊輕烟薄
霧空遮障依舊遙山不皺眉

自詠

截斷當頭竅不鳴玄珠收入寶花瓶從今更
不矜愚智閑了將軍使太平

遊老君山

飄飄風袖出山門迴首青山似老君試聽清
泉山伴語分明說盡五千元

示雒谷山胡道人

亂山深處結茅齋萬頃雲烟撥不開採藥仙
童風袖裏異香隨得紫芝來

示張會首

為仙為佛要功夫塵念塵心子細除待得靈
明光宇宙始知糟粕世間書

蒲察提控夫人告

我愛林泉景異常天風吹散桂花香行人欲
去還迴首笑殺浮生有底忙

蒲察夫人壽

道人亦欲祝渠壽世事冥然總不知一粒仙
丹煩領略松齡鶴算未為奇

贈孫太師夫人

功名未了身先老白髮蒼顏下手遲頓悟此
身非我有真空不動片雲飛

田會首告

炳煥靈明是此心片言遮障作重陰清虛自

有真消息莫向諸方法上尋

馬姑告

造化無窮盡自然不須身外更求仙天光發
處凡情滅寶鑑明時道眼圓

離峰老人集卷下

北帝七元紫庭延生秘訣

吹一

吳赤鳥二年葛仙翁受之於

太上老君至魏時葉先生傳之於世太上虛

無北帝真要上通紫庭

魁身魁林魁 福德男女魁 命魁 官職魁 壽考

懸妻妾如押

已上七位用燈七椽於道靖內明點占其

明暗即知本位災危凡醮用晦朔之日七

元經云此日

北帝七元真人下降人間檢校罪福凡人

修醮求解災厄即得吉無不利宜以本命

日及祿命合日相生之日犬鼠不至處刻

削草穢淨地之上用丑亥未時祭之禮是

謂掃地而祭亦可使白茅藉之若人能知

星名及所食之物所行之處常得吉勝也

右件醮時皆須沐浴齋潔以燈列位每星下

用卓子一隻上安供養物各以茅香水洗過

并灑庭室於祀位之北立二錢財標候標上

錢動真乃至矣必除殃降福也仍不可駐目

視真座凡人但知本屬星名即得無災何況

久能醮之祀訖即看風從何方來此是求名

之方仍各減少許星糧以一囊可方一寸貯

之頭戴而行有急難三呼名求之即得本命

星君救助及求餘事亦呼本命星君

清酒異香名茶淨果油餅錢財多少計自於

人用單狀一紙列其真位并述所求意

一陽明星應五 二陰精星應第四星第 三真

人星位別亦 四玄冥星 五丹元星 六北極星

七天關星輔星弼星

已上並頭戴寶冠身披霞帔手執玉簡真

人形狀醮時存見啓祝

第八帝星高上玉皇景光君得見增三百歲

第九尊星太微玉帝神君又名太帝七辰元

君得見增六百歲

已上帝王裝束並與北斗相近一云帝在

第四星內尊在第二星內皆是

帝王大尊之精神醮時存見常以每月初

三二十七日夜竊候之勿令雜人見誠心

久之無不見者二星大如七星光皆紫華

有異常宿煥然可畏見皆叩頭請乞即再

叩頭請乞長生飛仙及心告臨時既見之

後二帝君當授真官矣

上台星名虛精求之感

帝王之夢及金玉念名求之必應

中台星名六淳求官祿興盛念名求之必得

吉遂

下台星名曲生求妻妾奴婢念名求之必遂

太微帝君曰欲得延年長生富貴高遷須修

此術若久久步之及設醮者能拔七祖罪累

并己身災厄凡有厄患求之自滅若

帝王求道壽齊三光千變萬化福如山嶽為

人重愛修道之者白日昇天三公卿相自感

帝王愛夢官祿興旺凡是至淨人家有此法

者辟一切病患及諸不祥昔漢劉景被百萬

賊軍圍遶飛矢如雨士卒失色唯景安然無

怖散披汗衫步七星網默許設醮忽有神人

解圍賊皆散走此猶是常步醮之法況此秘

密真訣皆得道真仙口傳之按七元科每一

百年乃傳一人須有骨錄者不可妄傳殃及

九祖如世人未能步網但一月兩醮自有感

應一年辟非橫二年辟兵厄三年辟死災四

年見真形千災萬邪莫能侵害永無患矣

第一陽明星 子生人屬之食黍米

第二陰精星 丑亥生人屬之食粟米

第三真人星 寅戌生人屬之食糯米

第四玄冥星 卯酉生人屬之食小豆

第五丹元星 辰申生人屬之食麻子

第六北極星 巳未生人屬之食大豆

第七天關星 午生人屬之食小豆

醮物料

代人一十二 軀白米飯命縮一匹貼體衣一

對命巾一丈二尺金環一對玉環一對鹽一

斗二升祿米一石二斗銅錢一千二百文枝

一斗二升案表紙一百二十張筆一管墨一

挺香爐淨水案一面鎮信絲東方青絹九丈

九尺南方緋絹三丈三尺西方白絹七丈七

尺北方皂絹五丈五尺中央黃絹一十二丈

二尺菓子所食栗李桃棗杏胡桃乾柿梨淨

床二張一張安北壁面南上安七元圖圍用

青絹兩幅長九尺畫之

凡醮時燒香了下酒食都畢退後良久凝神

執簡躬身相去一丈五尺微呪曰

維某年某月某日某時第子具銜次云命屬

某星下稽首再拜

次對謹請上聞

七元真君陽明陰精光明煥赫今夜降靈享

茲薄禮暫降

天庭賜臣無畏身魂安寧除臣死籍注臣長

生所求皆得所作皆成上感

帝王下感人情眾人欽愛飛昇紫庭降臨醮

席稽首再拜

次對謹請上聞

七元真君真人玄冥降臣淨庭饗臣微醮知

臣丹誠願昇仙都太陰無名役使萬神六甲

六丁上感天心下救蒼生降臨醮席稽首再

拜

次對謹請上聞

七元真君丹元北極降臣淨庭削臣死名乞

臣道力壽齊三光福慶萬億神人衛身玉女

下直降臨醮席稽首再拜

次對謹請上聞

七元真君天關大神照耀臣身願臣長生得為帝賓頽如日月四時長春下界垢穢速登上真左盼鬱儀右携結璘玉童為使玉女為親降臨醮席稽首再拜

次對斗口謹請上聞

尊帝二星北極之靈人不曾見見即長生注臣飛仙勾臣死名福慶無窮與天齊傾速超仙都遊行上清降臨醮席稽首再拜

次對謹請上聞

輔弼真君一隱一顯至真至神佐相北極環遶紫宸願施道力成臣道因上扶天意下度迷津降臨醮席稽首再拜

次對西座謹請上聞

上台虛精中台六淳下台曲生小臣瀝懇再拜奉迎臣具薄禮臣意不輕盡心竭力知臣丹誠除臣死籍注臣長生位在高遷列官天庭心意開廓耳目聰明三魂永久七魄不傾上朝金闕下謁玉京乘駕雲龍位作仙卿降臨醮席稽首再拜都畢退後任真饗食如有

心告臨時啓開了宣讀單狀皆不可高聲及雜人知見其天地水三官設三位於斗杓之下其土地直日二分預燒錢供養使關奏却穢矣

祭文

維某年某月某日某時具州里街次敢昭告于

上天神后北極靈殿七元真君事意謹奏此

章冒犯

北極輕黷

明神倍深戰慄之至謹奏

又朝夕朝禮心念之呪

謹請上聞

七元真君陽明陰精真人玄冥丹元北極天關之靈去臣死籍注臣長生所求皆得所作

皆成衆人欽愛飛昇紫庭

次念謹請上聞

尊帝二星北極之靈願臣早見見即長生福慶無窮與天齊年

次念謹請上聞

三台至誠虛精六淳曲生之名願臣高遷列官天庭心意開廓耳目聰明三魂永久七魄不傾

又北斗延生神呪念之安神延壽

北斗七元七靈玉真貪狼巨門保臣長存祿

存文曲護臣生魂廉貞武曲衛臣生門破軍輔弼保臣長生除却災厄絕去邪精落下死籍注上生名脫免三災拔散九橫至真攝鬼群魔摧傾學道修真願臣早成七元守衛身飛紫庭

凡未下牀及臨卧二時存體安神捍厄之呪

皆默念一遍方下足及卧呪曰

貪狼之諱陽明之星玉皇尊神一萬兵衆來

扶我身巨門之諱陰精之星祿存真人文曲

玄冥廉貞丹元武曲之諱北極之星破軍之

諱天關之星七生尊神千千萬萬在吾左右

左有青龍右有白虎前有朱雀後有玄武持

幢建節在吾左右千重萬重急急如律令


此法王侯行之夷夏率服民人富昌長生久

視與天同光道人修之上昇世人行之延壽

秘密而保勿輕易之
北帝七元真形圖帶佩之大集福慶




北斗第一陽明星真形




北斗第二陰精星真形




北斗第三真人星真形




北斗第四玄冥星真形




北斗第五丹元星真形



北斗第六北極星真形



北斗第七天關星真形



北帝七元紫庭延生祕訣

鄧天君玄靈八門報應內旨

吹二

天君降筆親書玄靈八門內旨掌上六十
甲子祕訣其旨乃九宮適用八門直日報
應之訣斷例自與徐神翁打門樞歌訣鬼
敲門之法相同亦不在占燈占課得此訣
者毋抱執泥次宜習誦熟記其吉凶自有
神告之妙萬試萬靈

先鍊斗中二使更晝二使真像晨夕寅奉
雙飛七星罡吹呵熾坎離嬰兒蛇女結二使
浴華池金木水火土去來知生死把斷四天
門不問驗不驗斗中內景默默長生

口訣斷詩

世人有病勘其因默默八門四理真口傳此
字長生訣不須物外更求真

陽日八門默默直日報應詩

若遇休門須掘土更早悲喜定元因任你扁
鵲也判死徐公口口親授真

陰日八門默默直日報應詩

若遇驚門且過詢危險三日定元因更過景
日徐公保盧醫扁鵲不度真

脚踏口訣 日坐午夜生子

雙飛七星罡吹呵嬌坎離嬰兒蛇女結七七

浴華池

開七月休九月生十一月驚五月六傷十二月死

三月辰景二月杜寅四月巳景卯二月杜寅

右八門默點定直月報應例

逐月所值以取吉凶例

正月却以杜上行 景門且過二月旬

辰巳更過四月節 驚門且過六月中

開門定訣七月喜 九十字記休上行

生門又喜子月現 傷門定主過殘年

師入靖念淨口呪淨心呪淨身呪淨天地呪

鍊穢訖存內變誦延生經畢師端坐脚踏叩

齒二十四通交氣 貪巨祿文庶武破 魁魁魁魁魁魁魁

右斗諱各交念七遍嚙液九過存己身如

本命真人狀 師默誦呪曰

左青龍孟章速出吾左 吐肝氣

右白虎監 兵速出吾右 吐肺氣

前朱雀靈光速出吾

前於前心氣後玄武執明速出吾後於後吹腎氣
想四獸護呵法身吹存兩目復出日月之光
謂之日月分光吹存左右鼻吸入心
却念心呪

心中神丹元君號黃庭字華嬰長二寸廣三

分着朱衣繫絳裙束威德顯聖靈通造化達

至真佳心中莫離身凡有事速報人急急如

律令


心步斗入內服雲車符口授心傳方能盡

矣千金莫泄記取誓狀


心步斗

南斗

北斗



雲車符 抄三



內書名

占雲車忽然雲車至存欵大功曹將吏五臟結成次登雲車同將吏愛將其隨行四直從
駕歷過黃道氣候是也雀身如登太空寶室
風之氣騰也如風色慘然若不能度忽見欵火
是也扇閉罡風黃道坦然忽見虹橋將臨橋

心諸將吏出雲車同欵火四直將吏過殿上

四直見二使揚英耿必引我同入璇璣府朝

拜奏事畢再同四直變將膽神出殿看此時

有何報應如拜章表未有報應亦出殿却入

靖審覆候報仍前受將膽神及四直將吏


下橋登車歷過黃道罡風至絳宮下車納將

吏同車入體嚙液叩齒而起依科行事納歸

所屬恍然潛形而退

遁九宮八門報應圖式

陽驚 陰休




休

杜傷生

開驚死景

陽日順數行



驚
杜景死
開休生傷
陰日逆數行

花甲子點到中宮即坤地門是也 餘花甲子依與再輪便知日黃九宮三日管一位周而復始凡過本日陰日休起陽日驚起前一位是開宮依九宮甲子乙丙丁遁起飛最驗切宜至秘至秘後學如得傳切莫輕泄殃及九祖禍及妻孥

論長生輪斗

假如甲子生人金生到巳如此為起例子為破軍硬是單行至本月退回何月吉凶



數長生到胞胎養住再加休囚死絕斷禍福


數到病者是何月住便知吉凶生死又加本時以午為例午屬火火生到寅寅上起長生如前數生直何加本日又橫數去看何日直本生午日即便知生死禍福矣口授以盡非達人大觀者不能曉也

遁月轉斗起例

正寅二卯三辰四巳五午六未七申八酉九戌十亥十一子十二丑

遁日直燈取報應

輪一年燈圖



金生到巳木生到亥水土生居申火生到寅輪斗所屬生肖起例巳寫于前數長生沐浴冠帶臨官帝旺休囚死絕胞胎養住再加休囚死絕四字斷輪至病者屬何月生日即住便知好歹吉凶千試千應萬試萬靈師不

誤傳弟子只是怨道社師神亦不應矣至叩不得輕泄玄文

八門斷例

欲求禍福問安危先向八門子細推但見見聞歸一位即是鬼神相報知次須察聽以何

應即是中間休社時儻聞歡笑皆云吉若是

愁聲凶可知或逢鍾杵并刀斧為報人間有

哭悲若人抱得嬰兒至便把陰陽子細推男

兒持陰婚娶近婦人懷姓協熊羅男人若也

携男子必是喧爭不久時若或婦人携蛇虺

斷然姦污惹是非問訟若逢寬衣帶不問贏

輸總解圍脚子偶然携杖至病人斷死不須

醫或持絲麻經過眼斷然孝服見亡危却分

輕重與伊說妙在當時眼底窺其家有鬼未

為崇問盡形骸見客携或見賣魚并鷹過久

年遠信到塔埤見有梅家陰煤動見李其家

理必虧見其血家離骨肉見桃逃走定人離

如逢犬吠冲來處必定人家主哭悲鼠來過

處違聲響財散人離盜賊欺更煎墨碎傷田

土破器須知百事非燈燭設來遺燼骸斷主

虛驚宅不寧忽然嬉子垂絲墜却許其家喜
事宜陽日震位生男子陰日小房誕女兒馬
兒嘶處五猖亂貓叫須知冤債尋若或貓兒
未咬脚檀神為禍安謝宜花開花落知凶吉
若見開時不須勝牛羊猪犬皆非吉咒誓雞
鳴朱雀啼又聞左右鐘聲響若問產事生女
臨能參造化真機妙一法通時萬法精依此
推詳斷禍福名傳天下任縱橫

內應本命燈下略占驗其五色

青寬 黃時氣 赤三日安 紅吉 白一

七三朝死

徐神翁鬼敲門

勞吊 廟縊 落水 石泥精樟 檀

古墓 伏 井 竈 客 星辰

呪詛 地 血 土 刀 吻

魘 家親 若作此驗法照破諸鬼神

二十四字經歌判狀

天生地死死天生 災生危死危災生乾
坎艮震巽離坤兌

狀若無頭是祖宗 於中點污是親朋

鄧天君玄靈八門報應內旨

字畫散亂鄰伴鬼 卜字畫像木石精
筆頭鎖出遭刑死 錯亂行斜殺傷魂
乾枯無力難醫救 勾挑動土犯家神
字有圈塗心分動 行喝命蹇定難存
紙破便言宿欠債 補貼定是此中傾

添注引入無常鬼 油污投河落水人
改抹前生有冤債 切須家內細推尋
或濃或淡主羸弱 皆是點污伏屍停
橫順草飛縷破鬼 妄意押字不尊神
大小切疑由進退 寒熱往來病愈深

要知男女何方病 陽隻陰雙行內尋
咬牙定是家先鬼 自言自語是姻親
未說語是主重病 來者人歡是病輕
此是徐翁真口訣 能交世俗善通神
學取自知如至寶 千金莫泄與非人
留傳末後參詳到 管取虛無一寸金

又名煞

年逢生煞日凶亡 一死一生也難當
若遇吉時并凶日 也須奏告保安康

坤生 兌 死乾

離兌

譽坎

巽安

震

艮

論是何生得幾歲却從坎上起數一十艮上
二十零數節節數去直何年上遁月月上遁
日日上遁時直何吉凶以驗禍福論一年月
分却將正月從艮上二月震三月四月巽五
月六月離七月八月坤九月十月兌十一月
乾十二月坎若論日子吉凶從乾上起子順
行節節數去以訣吉凶

八門硬例

假如甲子日屬陽順從乾上起杜景死驚開
休生傷

假如乙丑日屬陰逆行從艮上起杜景死驚
開休生傷

餘做此年月日時皆論陰陽日建立八門
俱做此例報應吉凶在於七內

家人立杜還天願外人到杜遭天譴貓至寬
牽天願催叫凶靜吉可禳轉大來呪詛靈澤

壇吠主哭聲三七見

景戶見聲人財離猫叫冤愆白虎隨三七之中主哭泣屋漏之時訟解歸蛛于垂絲應落地婚姻喜事兩相宜

死戶猫聲病主亡犬來逐鼠狼當響應之時燈壽滅三朝一七主離床兒童叫時悲哭動此方宜靜且審詳

驚戶外人喧主殃猫犬高聲且見凶孕婦定然主驚恐器破之時大不同

開觸猫犬大吉祥鼠靜財凶後主昌風雨病遲訟即解蛛于垂絲百事昌

休門屋漏主更移訟中得理病人奇二物叫時醮謝吉厨中司命亦相欺蛛于垂絲內外喜看看有夢叶熊羆

生門垂蛛孕生女一米陽產兩成坤猫犬去時凶得吉家先司命保元亨

傷門猫犬去時吉高座喧爭大不然外客高聲猖鬼亂噉鼠子主喧爭

自己察情兆

閑坐最為吉高枕主留連切忌持刀斧鋤鉏

主窮年自己已有呻吟安能保別人手彈時氣病爭鬪一朝臨看經却主吉病愈在一七治

事終遲滯終須寬裏急恰直起時病安在三兩日若直歡娛時病者愈為奇若直愛立時病者見傾危若言吉則吉若言凶則凶來人氣象好禍福不相同我身無事阻即往運亨

通駝腰携杖至病死不須醫策笠來迎接孝服臨門緊張傘往來招一七可寬饒其人披麻絲孝服逐時作巾帽身體強病者即安康

此時嘗酒食祿馬未曾絕若喫早春茶清涼一散佳若食諸木果癱疽日轉加時行若不

害常病藥難安途中無事遇老返少年顏先過他人請病在遲遲間正直我歸家星斗出

雲霞若與人言氣病者遭迍否請時逢喜慶朝病夜即起春冬晴後雨晦滯多難阻夏秋

晴後雨不須服藥愈請時察其情巧在中心靈

又一法論人出行不是何時只以口為定

假如子時為例子屬水土旺到子以此為

例却將長生斗上逐節輪去若遇上即旺

也其人子丑之日必歸若遇養字亦歸餘做此例

不怕黑風翻大浪行船盡在把梢人蒿測安

踏破鐵鞋無覓處得來全不費工夫叶叶合

腎上心下處 肝西肺左中 此是神明穴

內有坎離宮 鑽古夫 唵動字 誦 因 出坎離二卦龍從火裏出虎

九宮八門遁法須是熟記六十花甲子書符左天關右地軸存己身為玄竅足吸水

火入符取鐵甲銀光入符又吸入膽府混合壯依出 唵付

玄靈八門之祕希有之千金莫泄行之久可以入道用之久可以通神至秘至秘重斯道

也輕示非人殃及九祖受禍非輕戒慎之焉血骨奴與肉奴汝是慈親真父母

天蓬呪成形溫帥本身形符

符請地祇上將溫元帥會同六甲旛檀宋大

將督勒司命土地保祐孩童其所患夜啼即

與斷絕符到速解符到奉行

臣某承詔奉行

鄧天君玄靈八門報應內旨

九天上聖秘傳金符經附天皇太一神律遺錄 吹三
 金經曰天有九星願濟世間五音人推用凡有用者先於曆內看日辰便隨四季六十甲子逐日取用有天星利與不利世人多即檢閱諸書通用便許作用而不知誤人多矣致使人亡家破橫遭官刑牛馬退失兒女大橫盜賊相侵火光驚恐田園退散蓋犯凶星使之然也若遇吉星稱心如意萬不失一無不感應不可忽之凡人家造宅安墳不依三元九星吉日起造者立遭橫禍人丁退失遇賊盜遭官事金穀虛耗竈鳴釜響飛鳥入宅貓犬作怪平地生事男女不和夫婦不順自刑落水手足帶疾損目缺唇孕婦傷胎少不伏長凡事不祥如作吉星者有官者祿位高遷百事稱心門戶增秀長幼歡樂男女伶俐奴僕順從六畜興旺萬事如意

金經曰凡立州縣鎮市寺觀社廟府縣宅舍莊庫店業者須看年月日時有吉星者用則吉排定六十甲子日辰吉凶星曜開列于後

正四七十四孟之月

甲子 妖星 乙丑 或星 丙寅 木刀 丁卯 煞黃
 戊辰 直星 巳巳 卜木 庚午 角巳 辛未 人專
 壬申 立早 癸酉 妖星 甲戌 或星 乙亥 禾刀
 丙子 煞黃 丁丑 直星 戊寅 卜木 巳卯 角巳
 庚辰 人專 辛巳 立早 壬午 妖星 癸未 或星
 甲申 木刀 乙酉 煞黃 丙戌 直星 丁亥 卜星
 戊子 角巳 己丑 人專 庚寅 立早 辛卯 妖星
 壬辰 或星 癸巳 木刀 甲午 煞黃 乙未 直星
 丙申 卜木 丁酉 角巳 戊戌 人專 己亥 立早
 庚子 妖星 辛丑 或星 壬寅 木刀 癸卯 煞黃
 甲辰 直星 乙巳 卜木 丙午 角巳 丁未 人專
 戊申 立早 己酉 妖星 庚戌 或星 辛亥 木刀
 壬子 煞黃 癸丑 直星 甲寅 卜木 乙卯 角巳
 丙辰 人專 丁巳 立早 戊午 妖星 己未 或星
 庚申 木刀 辛酉 煞黃 壬戌 直星 癸亥 卜木

二五八十一四仲之月

甲子 或星 乙丑 木刀 丙寅 煞黃 丁卯 直星
 戊辰 卜木 巳巳 角巳 庚午 人專 辛未 立早
 壬申 妖星 癸酉 或星 甲戌 禾刀 乙亥 煞黃
 丙子 直星 丁丑 卜木 戊寅 角巳 己卯 人專

庚辰 立早 辛巳 妖星 壬午 或星 癸未 木刀

甲申 無貢 乙酉 直星 丙戌 卜木 丁亥 角已

戊子 人專 己丑 立早 庚寅 妖星 辛卯 或星

壬辰 木刀 癸巳 無貢 甲午 直星 乙未 卜木

丙申 角已 丁酉 人專 戊戌 立早 己亥 妖星

庚子 或星 辛丑 木刀 壬寅 無貢 癸卯 直星

甲辰 卜木 乙巳 角已 丙午 人專 丁未 立早

戊申 妖星 己酉 或星 庚戌 木刀 辛亥 無貢

壬子 直星 癸丑 卜木 甲寅 角已 乙卯 人專

丙辰 立早 丁巳 妖星 戊午 或星 己未 木刀

庚申 無貢 辛酉 直星 壬戌 卜木 癸亥 角已

三六九十二四季之月

甲子 木刀 乙丑 無貢 丙寅 直星 丁卯 卜木

戊辰 角已 己巳 人專 庚午 立早 辛未 妖星

壬申 或星 癸酉 木刀 甲戌 無貢 乙亥 直星

丙子 卜木 丁丑 角已 戊寅 人專 己卯 立早

庚辰 妖星 辛巳 或星 壬午 木刀 癸未 無貢

甲申 直星 乙酉 卜木 丙戌 角已 丁亥 人專

戊子 立早 己丑 妖星 庚寅 或星 辛卯 木刀

壬辰 無貢 癸巳 直星 甲午 卜木 乙未 角已

丙申 人專 丁酉 立早 戊戌 妖星 己亥 或星

庚子 木刀 辛丑 無貢 壬寅 直星 癸卯 卜木

甲辰 角已 乙巳 人專 丙午 立早 丁未 妖星

戊申 或星 己酉 木刀 庚戌 無貢 辛亥 直星

壬子 卜木 癸丑 角已 甲寅 人專 乙卯 立早

丙辰 妖星 丁巳 或星 戊午 木刀 己未 無貢

庚申 直星 辛酉 卜木 壬戌 角已 癸亥 人專

如作此星者名曰玄武符入宅若人起造嫁娶移徙祭祀不論大小動用入宅開張舖店

等事不出一年內人口災凶遭官失賊牢獄刑禁主人口落水四百日後主人有腹痛疾死田宅退散蓋惡星乘害主伯衰敗定主

服動損長男大凶主當日行木等落水或有口舌自東方南方而來

或星

如作此星者名曰朱雀入宅當主火盜大凶一年內主被人脫漏欺騙等事凡嫁娶移徙上官開張庫店修造等事一年之內主伯衰敗大害傷死生子不肖主婦人淫亂因事破

壞先主陰人六十日內痢疾立見喪服大凶若當日見口舌陰人小口災凶向後有災此日只利安墳若有他故皆不可用

木刀

如作此星者名曰白虎入宅不出一年內損不明之人大凶凡人上官赴任造作起蓋嫁娶移徙葬埋開張庫店等事不出一年內主人疾病孝服主虎傷殺人口刀兵之事蓋被凶星相犯主百事災凶若積陰德之人家須見血光必主奴僕當災

無貢

如作此星者名曰青龍天德符入宅凡人家起蓋嫁娶開張舖店移徙上官赴任造橋等事不出三年內有官者祿位高遷無官者田宅增盈富貴興旺主生貴子至三年後大發財穀父慈子孝奴僕成行所為多慶凡遇吉

直星

如作此星者名曰金樞符入宅值此星者凡干造作上官赴任嫁娶開張修造陰宅不出

三年內有大吉慶有官者高遷無官者百事稱心牛馬生旺百口食或七十二人富貴榮華主當年招橫財若遇金神七煞凶半年內三七日見五月內主失脫遺官事僧道用事俱吉

卜木

如作此星者名曰黑道符入宅值此星者不出一年內出風聲之人凶人多刑禍若造作嫁娶葬埋移徙開張庫店僧道入院添修等事不出二年內主有大驚動哀哭水火官災之厄子孫相剋兄弟不和盜賊驚恐虛耗六畜不長百事衰敗七年大凶如遇家長有福德者雖人財不祥尚可拜投賢聖祈力保扶

角己

人專

此星名曰太陰入宅如值此星者不吉凡遇嫁娶移徙上官改換門戶葬埋等事不出三年主有患病腹痛之疾枷杖蛇傷之厄盜賊水火物業退散如家長有福德相扶只見口舌死有凶星惡事

此星名曰六陰金堂符入宅如值此星者不出一年主生貴子凡造作嫁娶葬埋開張移徙上官入宅移門添修屋宇主三年內有官者祿位重重無官者所為吉慶大發財穀得外人力善事交集僧道用之俱吉

立早

此星名曰勾陳符入宅如值此星者造作嫁娶葬埋開張上官赴任修造等事奏將不吉一年內人口退散百事不利家宅破亡如開木堆立木上梁定船航事主人匠刀斧血光之厄如有陰人相扶有口舌作鬧諸事不利金符經者聖人秘要與諸家書不同又曰救苦經亦曰宅寶經靈經異書莫傳下愚

諸葛先生萬年出行圖


昔南陽卧龍諸葛先生選揀萬年出行圖一本傳流於後棟時開渠放水豎柱上梁迎婦娶婦納財財名安磴磨修造安葬選揀吉日吉慶善惡避之遇凶時一吉無應不宜動用只宜回避選得吉時不選一百二十步凶煞用之大吉今定上中下三輪周而復始循環

不已將定到例月分日數選揀用之吉凶自見

上元將軍所管吉凶之圖

正月 四月
七月 十月

圖之五四



順陽日出行者去處通達爭訟有理不違盜賊求財稱意好人相逢出遇酒食此日出行大吉

堂房日出行者神道不在宅中求財稱意好人相逢此日用之大吉

金庫日出行者車馬不成大有失誤路逢盜賊求財不得此日大凶

金堂日出行者吉利通達爭訟有理求財稱意此日用之吉

賊盜日出行者不利所求未遂必主人亡劫

鎖臨身只宜回避此日百事不宜用


寶倉日出行者大人見喜百事通達求財稱

意衣錦還鄉此日可用百事吉

中元將軍所管吉凶之圖

二月 五月 八月 十一月

四仲之圖



天盜日出行者求財不成口舌臨身此日大凶不宜用之

天門日出行者凡事稱心諸事和合去處通達用之大吉

天堂日出行所求皆遂萬事稱意買賣通亨

貴人接引此日大吉

天財日出行求財得財好人相逢凡事用之俱吉

天賊日出行者求財失落見官無理凡事不成此日大凶

成此日大凶

天盜日出行者求財不成口舌臨身此日大凶不宜用之

天陽日出行者所求得財婚姻和合萬事稱心此日吉

天樞日出行吉少凶多主有口舌見血光之災此日不宜用

天倉日出行者所求得財出官見喜此日用之大吉

下元將軍所管吉凶之圖

三月 六月 九月 十二月

此日大凶

白虎頭日出行者只宜遠行求財稱意去處通達此日大吉


白虎臨日出行者求財遂心東西任意南北

此日大凶

白虎臨日出行者求財遂心東西任意南北

朱雀日出行多主失財求財不得見官無理此日大凶

四季之圖



安然此日用之吉

白虎足日出行者求財不利不宜遠行作事不成此日不宜用

玄武日出行者主有口舌凡事不通不可用之

青龍頭日出行者求財得利凡出行之日雞鳴卯時吉

青龍足日出行者求財遂心凡事稱意此日用之吉

青龍足日出行者求財不利見官失理此日不宜用

遂年九良千占方位

天上凶星號九良 辰戌丑未占僧堂

更有城隍并社廟 修之大敗主重喪

寅申門并并橋路 子午歸厨占竈方

卯酉二年歸道觀 修之立効起災殃

巳亥二年歸一處 行船千萬莫修裝

人若不信此神煞 十口須教九口亡

五行順序

水木火土金

五行順序

五行順序

五行順序

五行順序

五行順序

五行順序

五行順序

五行順序

五行順序

五行順序

五行順序

五行順序

五行順序

八卦順序

乾坎艮震巽離坤兌

天干

甲乙丙丁戊己庚辛壬癸

陽干

甲丙戊庚壬

陰干

乙丁己辛癸

地支

子丑寅卯辰巳午未申酉戌亥

陽支

子寅辰午申戌

陰支

丑卯巳未酉亥

天官貴人時

甲戌日丑未時

丙丁日亥酉時

壬癸日卯巳時

文星貴人時

甲寅金雞乙變猴

丁猪丙鼠巳寅頭

乙巳日子申時

庚辛日午寅時

戊尋牛號庚宜馬 辛癸逢蛇福祿昌

此是有福文星貴 壬騎龍背喜非常

福生良辰

正雞二兔是福生 三更犬吠四龍爭

五月呼猪來喫菜 六蛇七鼠路上行

八郎騎馬路上走 九牛十羊好煮羹

十一虎子山下過 十二猴子入深坑

天德良辰

正丁二坤宮 三壬四辛同 五乾六甲上

七癸八艮宮 九丙十居乙 子巽丑庚中

月德良辰

丙甲壬庚 隨正二三四運轉

逐年地官符方

子年在辰 丑年在巳 寅年在午

卯年在未 辰年在申 巳年在酉

午年在戌 未年在亥 申年在子

酉年在丑 戌年在寅 亥年在卯

起貴道例

道連幾時通達 路連何日還鄉

正七詳加子 二八却居寅 三九辰上立

四十馬頭尋 五十一於申位 六十二戌申論

九天上聖秘傳金符經

天皇太一神律避穢經

夫上界仙都以避神穢攝生治化以避人穢
寶符行火以避天穢合藥鍊丹以避江河之
穢飛符使鬼以避生產之穢固際禁法以忌
日月之穢大穢之宗略而序之

夫求仙隱遁伏鍊金丹總有三千七百二十
道俱從此禁門而行之萬不失一夫十二穢
皆道之所忌值此辰為之水劫不成丹也

黃帝幸中華丹穢辰辰月辰日是子年子
月子日是十二辰做此不可為事造丹不

成
紫雲初成龍虎穢迅雷發日忌之不可成丹
日月行道穢日月既日不可掛爐固際忌之
天龍交會穢三月上辰日末下旬辰日不可
為丹忌之

此斗真行穢正月平旦斗指寅十二月可知
又云此斗不見不可作丹忌之

蒼天神龍交會穢天有赤雲及有龍形出者
不可作藥封爐犯之如雲垢太歲在卯其
神見申不可為丹忌之

天皇太一神律避穢經

十三

府藏寶器穢古墓中無泉地姪女地產生室

龍居地古湫地古城管古寺基古布古神
祠古獄地古密地比等處不可為忌之
天地流星穢古仙聖所居之處不可作丹忌
之

陰陽交會穢春丁卯夏甲午秋庚申冬壬癸
作丹忌之
玉女追遊穢每六丁日是不可作丹忌六丁
女也

有色穢日有朝霞作丹忌之

天魔戰血穢石鼓鳴如地雷日忌之地神驚
奔不安靜而後鳴七日不得作藥流入黃
泉化飛盡矣

右件忌穢無問大小金丹藥物切宜慎之又
以丹華印印諸藥泥塗房室并物無令五辛
產女雞犬入室慎之慎之

天皇太一神律避穢經

十三

上清修身要事經

太微靈書紫文拘三魂之法一

道士當先檢制魂魄消滅尸鬼常以月晦朔
之日及庚申甲寅之日當清齋入室沐浴塵
埃正席而坐得眠者益佳當以真朱筆點

左目背下以雄黃筆點右鼻孔下令小半入
谷裏點畢叩齒三通祝曰

二景飛纏未肯散煙氣攝虛邪尸穢沈派和
魂鍊魄合形大神令我不死萬壽永全聰明
徹視長享利津畢又叩齒三通嚙液三過并

以右手第二指捏左目背下又以左手第二
指捏右鼻孔下各七過當陰按之勿舉手於

是都畢按此二處是七魄遊尸之門尸妖精
賊邪之津梁矣故受朱黃之精塞尸鬼之路
致二景之薰滅淫亂之氣此太極上法常能

行之則魂魄安和尸穢散絕長生神仙通靈
徹視行之三年色念都泯也此日名曰尸鬼

競爭之日也男女不得同席而坐慎之
凡研味至道及誦讀神經十言二十言輒當
三過舐唇嚙液百言五十言輒兩三過叩齒

吹四

以招神會靈安和血氣使靈津凝滿帝一欣宅所謂沖氣不勞昏而不泄

九道士之法不可泣淚及唾泄此皆為損液涌津使喉腦大竭是以真人道士常以吐納嚙味以和六液

凡道士常當存思識已之形容極使髮髯對在我前使面上恒有日月之光洞照一形使日在左月在右去面前今九寸存畢乃嚙齒三通祝曰

元胎上真雙景二玄右抱七魄左拘三魂今我神明與形常存畢又叩齒三七過嚙液七過此名為帝君存形拘魂制魄之道使人聰明神仙長生不死若不得祝者亦可單存之耳

凡上清叩齒嚙液之法皆各有方先後有次不得亂雜使真靈混錯也夫叩齒以命神嚙氣以和真納和嚙六液以運入制神須鳴法鼓而行列矣

凡存修上法禮祝之時皆先嚙齒上下相叩勿左右也一呼一吸令得嚙諸氣液耳此名

為呼神和真以求昇仙者也

月三日月十三日夕是此時也三魂不定爽靈浮遊胎光放形幽精擾喚其爽靈胎光幽精三君是三魂之神名也其夕皆棄身遊遨颺逝本室或為他魂外鬼所見留制或為鬼物所得收錄或不得還反離形放質或犯於外魂二氣共戰皆躁競赤子使為他念去末無形心悲意悶也學生者皆當拘而留之使無遊逸矣拘留之法當安眠向上枕申足交手心上天目閉氣三息叩齒三通存心有

赤氣如雞子從內仰上出於目中從目中出外赤氣轉大覆身下流身體上至頭項變而成火因以燒身使身一身令內外洞徹有如煤炭之狀都畢其時當覺體中小熱乃大叩齒三通畢存呼三魂名爽靈胎光幽精三魂

急住因微祝曰
太微玄宮中黃始青內鍊三魂胎光安寧神寶玉室與我俱生不得妄動監者太靈若欲飛行唯得詣太極上清若欲饑渴唯得飲迴泉玉精都畢也

大微靈書紫文制七魄之法二
月朔月望月晦夕是此時也七魄流蕩遊走穢濁或交通血食鬼神往來或與死尸相共闖入或淫惑赤子聚姦伐宅或言人之罪詣三官河伯或變為魘魅使人厭魅或將鬼入身呼邪殺質諸殘病生人皆魄之罪樂人之死皆魄之性欲人之敗皆魄之疾道士當制而厲之鍊而變之抑而止之攝而威之其第一魄名尸狗第二魄名伏矢第三魄名雀陰第四魄名吞賊第五魄名非毒第六魄名除穢第七魄名臭肺此皆七魄之陰名也身中之濁鬼也制檢之法交手於項中閉息七過叩齒七通存鼻端有白氣如小豆須臾漸大以冠身九重下至兩足上至頭上既畢於是白氣忽又變成天獸使兩青龍在兩目中兩白虎在兩鼻孔中皆向外朱鳥在心上向人口蒼龍在左足下靈蛇在右足下兩耳中有玉女著玄錦衣當耳門兩手各把火光良久都畢又嚙液七過叩齒七通呼七魄名畢乃微祝曰

素氣九迴制魄邪凶天默守門嬌女執關鍊魄和柔與我相安不得妄動看察形原若汝饑渴聽飲月黃日丹都畢也於是七魄內閉相守受制若恒行之則濁魄下消反善舍形上和三宮與元合靈也

太素真人教始學者辟惡夢法三

若數遇惡夢者一曰魄祛二曰心試三曰屍賊厭消之方也若夢覺以左手捻人中二七過啄齒二七通而微祝曰

大洞真玄張鍊三魂第一魂速守七魄第二魂速守泥丸第三魂受心節度速啓太素三元君向過不祥之夢是七魄遊尸未協萬邪之源急召桃康護命上告帝君五老九真皆守體門黃閣神師紫戶將軍把鉞握鈴潰滅惡津反凶成吉生死無緣畢若又卧必獲善

應而向造為惡夢之氣則受閉於天關之下也三年之後唯神感皆應乃有夢也夢皆知見將來之明審也無復惡占不祥之想矣若夜遇善夢者吉應好夢而心中自以為佳則吉感也卧覺當摩目二七過叩齒二七通而

微祝曰

太上高精三帝丹靈絳宮明徹吉感告情三元柔魄天皇授經所向諧合飛仙上清常與玉真俱會紫庭畢此大洞秘法以傳於始涉津流者矣

太素真人得吉夢法四

凡學士夢想有婦女人衣紫羅衣持案食來受而食之勿畏惡之也此食盡是東海真彩之屬或是嵩高五嶽中真草甚妙之藥食之可致壽延也

凡道士白日眠卧先以兩手按目四皆三七過叩齒三七通乃卧也

凡道士暮卧當以左手按鼻兩孔三七過叩齒三七通乃卧也

太上黃素道士安眠祝法五

道士臨眠手撫心三過閉目祝曰太靈九宮太一守房百神參位魂魄和同長生不死塞滅邪凶畢而寢

玉清消魔制祝鬼魅法六

凡道士行來獨宿有魔精惡鬼之地當叩左

齒三十六通閉氣微祝曰

大帝陽元四羅幽開千杖萬毒敢當吾前巨獸重吻刺腹屠肝神公使者守衛營番黃衣師兵斬伐杖魂滅千魔摧落凶姦絕種滅類取令臬殘玉帝上命清蕩三元畢又叩齒三十六通名為大帝揮神內祝塞滅萬魔之法

太上黃素齋見不祥之物法七

道士齋入室有不祥之物者當行北帝祝鬼方先叩左齒三十六通祝曰

二象迴傾玄一之旌七靈護命上詣三清雙皇驅除嚇伯羅兵三十萬人侍衛神營巨獸百丈吐威攝精揮劍逐邪賊落魔靈神伯所祝千杖滅形畢又叩齒三十六通

青腰紫書鍊祝死尸法八

凡修上清之道此身父母伯叔兄弟於世上死亡兆身未得絕跡故在人中身履死殮者三日當取清水一甕真硃一兩投於水中此於中庭南向臨水上叩齒九通祝曰

氣化成神尸變入玄三化五鍊昇入九天九

天之劫更度甲身甲身更化得為真人畢男
死思玉童三人女死思玉女七人盛菟水以
濯死人之尸畢取水自洗手面仰天唸漱畢
又陰祝曰

天氣已清人化已生得上天九變更形五

苦三塗斷落死名超度窮魂還反南庭止如
此亡人即更受化生於九天之上九年得昇
玉清之宮其法妙於大洞度七祖之法玉帝
所祕不傳非真有金名帝圖綠字紫文得見
此文勿輕施用妄告於人七祖父母長閑鬼
官三塗五苦萬劫不原四極明科七百有年
真人聽傳

青腰紫書行道見他死尸法九

凡上學之士遊更世路忽於道次遇見死尸
穢氣千身兆當行二十四步止北向叩齒九
道男尸思玉童三人女尸思玉女七人來詣
兆玉谷之中黃芝素水以灌彼死尸之上須
更存死尸化生成人便陰祝曰
已枯復榮已滅復生得上天更稟太靈九
天之劫反覆胎嬰穢累遽滅白尸反生畢以

手拭目二七過止如此穢氣即解死人即更
受化後為靈人兆遇二十四過行此鍊祝功
滿德加名標上清二十四年克乘靈輪飛行
九玄也

外國放品占居山宅吉凶法十

洞淵九地三十六音內銘

第一壘色潤地正音行音遊音梵音各一

齋 齋 齋 齋 齋 齋 齋 齋 齋 齋

第二壘剛色地正音行音遊音梵音亦各一
下同

齋 齋 齋 齋 齋 齋 齋 齋 齋 齋

第三壘音石脂色澤地正音行音遊音梵音

齋 齋 齋 齋 齋 齋 齋 齋 齋 齋

第四壘音潤澤色地正音行音遊音梵音

齋 齋 齋 齋 齋 齋 齋 齋 齋 齋

第五壘音金粟澤色地正音行音遊音梵音

齋 齋 齋 齋 齋 齋 齋 齋 齋 齋

第六壘音金剛鐵色地正音行音遊音梵音

齋 齋 齋 齋 齋 齋 齋 齋 齋 齋

第七壘音水制澤色地正音行音遊音梵音

齋 齋 齋 齋 齋 齋 齋 齋 齋 齋

第八壘音大風澤色地正音行音遊音梵音

齋 齋 齋 齋 齋 齋 齋 齋 齋 齋

第九壘音洞淵無色剛維地氣正音行音遊

音梵音



欲登山住止及安居宅審地吉凶當以戊巳之日黃書九地三十六音文白紙上置所住中央以瓮覆之三宿開看若有黃色潤紙大吉若有青色則下有死靈之尸若有白色者凶若有赤色者驚恐若有黑色者則有財寶若有紫色者得神仙都不異則正可三年安過此必折傷

太上靈寶八威施用神策祝法十一

元始太真五靈高尊天帝皓映洞朗八門五老告命無幽不聞上御九天中制鄴山下領河海十二水源八威神呪靈策玉文召龍負水收氣聚雲東魔送鬼掃蕩杖群萬精摧落所誅無蠲日月五星北斗七元諸天諸地諸水諸山玉具所部冥靈大神仙王遊宴五帝杖幡天下前驅金虎後奔覆天猛獸羅備四門所呼立到所召立前赤書煥落風火無間

有所攝驗金龍驛傳畢叩齒九通仰天三嘯引天氣三嚙八威策文指所告之地閉氣九息而止

太上靈寶八威施用神杖法十二

道士欲施用神杖法當叩齒三十六通思五帝直符吏各一人衣隨方色有五色之光流煥杖上五帝玉女各一人合侍衛杖左右微祝曰

太陽之山元始上精開天張地甘竹通靈直符守吏部御神兵五色流煥朱衣金鈴輔翼上真出幽入冥招天天恭攝地地迎指鬼鬼滅杖魔東形靈符神杖威制百方與我俱成與我俱生萬劫之後以代我形影為五解神昇上清承符告命靡不敬聽畢引五方氣二十嚙止以杖指天天神設禮指地地祇司迎以杖指東北萬鬼東形

青腰紫書救助日蝕法十三

紫書訣言是日當露出中庭以明鏡向日兆身操大刀一口南向叩齒三十六通仰祝曰日暉童子陽光赤精耀羅真人影中玉靈歷

運乘氣上下肅清陰質內謀上侵日庭天鑿操杖帝臣輔兵三五正位陽光洞明天地代食何假敢生各反其位無使虧盈玉帝告命靡不敬停便引氣二十四息止如此則天地復位三五齊光童子感悅日暉迴靈流光玄注陶降兆身列名紫簡記篇玉清九年之內得乘綠軒乘空駕虛飛行上清也

青腰紫書救助月蝕法十四

紫書訣言月蝕之日是其夕當出中庭取清水一瓮兆身操刀一口臨水向月叩齒十六通仰祝曰

天地離合圓氣乘虧侵蝕月廬上千黃輝帝臣操杖玉晨捕非天兵羅成神公放威有何假生附景乘微速反初位無使有違三過向月祝如此以刀右還瓮水三過止臨水引氣十六息畢月蝕即解天景肅清三五齊耀萬宮安寧也月中真人夫人靈光感悅意歡迴靈玄映降子之情即記北帝落子死名注上青宮玉篇給子玉女十二人侍衛兆身九年如此得乘飛霞上造月庭其道至妙不行於

世得者實秘慎勿輕傳

太上黃素解穢穢法十五

凡道士見死尸血穢之物當以朱一鉢散內水中以洗目漱口洗手足畢入室正寢交手上叩齒二十七通心拜四方祝曰

三元上道太一護形司命公子五神黃寧血尸散滅凶穢沈零七液纏注五藏華生令我神仙長享利貞祝畢閉兩目并氣良久身中小熱為候竟又叩齒七通嚥液三過此三元解穢內法也

太上黃素理髮及沐頭祝法十六

凡道士理髮將髻及沐頭將散髮之時先咏齒七通乃祝曰

大帝散華玄陰大神今日吉日理髮沐塵辟惡除患長生神仙畢乃髻之竟又叩齒七通都畢此名為大帝散華理髮內法令人終年不病耳目聰明頭腦不痛

太上黃素浴身及手面法十七

凡道士浴身及洗手面之時先臨水咏齒三通乃祝曰

四大開朗天地為常玄水澡穢辟除不祥雙星守門七靈安房雲津鍊灌萬氣混康內外利貞保茲黃裳祝畢又叩齒三通乃洗手面此名為澡穢除凶七房祝法當能行之者使人神明血淨辟諸凶氣

太上黃素齋食先祝法十八

凡道士入室齋戒之時臨食常以左手持筋咏棊三通乃祝曰

二玄上道四極清冷太一帝君百神黃寧受報三宮灌溉脾靈上饗太和滋味五馨魂胎受命七液流停百關通和五藏華明雙星合景飛行上清食畢又咏棊三過此名為魂胎受馨百神饗報之道常能行之令人神明氣和魂魄安寧辟惡除試常保利津未食祝之

凡道士臨於盛饌皆正心存一思想一先飲食然後洗乃食之食畢心微祝曰

百穀入胃與神合氣填補血液尸邪亡墜飛登金闕長生天地役使六丁靈童奉衛止恒如此者則邪氣速退真氣來前也食竟祝之

太上黃素道士自按摩頭面法十九

求道要先令目清耳聰為事主也且耳目是尋真之梯級綜靈之門戶得失繫之而立存亡須之而辯也大鈔相示可施用也以手按兩眉後小穴中三九過又以手心及指摩目下額上又以手旋耳行三十過次以手逆乘額三九過口傍嚥液多少無數也如此常行耳目清明於人中密為之勿語其狀次以兩手乘頭四面順髮就髻唯多也於是頭血流散風濕不凝都畢以手按目四皆二九覺令見光分明是檢眼神之道常為之得見百靈

太上黃素道士傳授先求感法二十

凡傳授上法之時有經之師當先求感應然後傳之當入室燒香密願神明乃心拜經前微祝之曰

太上元君仙都大神今日吉日八額開陳欲傳申上法敢告靈元未知可否須應乃宣祝畢便寢必獲靈應子自知其善否之心審可授之方也

玉清消魔王帝祝鬼衛靈上法二十一

玉帝祝曰

九天有命上命玉清促召千真俱會帝庭太
一下觀雙皇翼形鑿察萬邪理氣攝生若有
不祥干試神明請帝之道勒整神兵七神秉
鉞天鋒右征揮劍前驅煥榔火鈴徽命甲騎
武卒天丁風火齊戰伐邪技精上感六天下

攝魔靈既成既攝萬凶滅形神戈電掃森林
無生仙皇東節有令敢停拒節違令是誅是
形各警各慎保茲黃寧九天告命萬神敬聽
畢兆若夜行異恐心震意怯或惡夢之時魔
鬼試人犯真干氣欲疾病害人者急行玉帝

祝鬼衛靈之法兆當心存至道求濟於帝一
乃北向叩齒三十道閉氣密祝祝畢又叩齒
如上嚙液十過於是姦惡消摧群魔伏滅七
神纏綿太一鑿攝萬靈衛真外威凶氣亦可
日日調習振響唱誦坐卧隨意以塞百邪之

來試閉森鬼之凶跡當卧寢亦常可誦之令
人神安意明辟除厭消諸姦惡使終身不
恐諷習之日不復北向閉氣也以閉氣密祝
者謂鬼魔已試其左右秩精已干其神室故
初靈命真以收其凶跡耳而寢卧之祝不復

同之於此法也

玉清消魔道士叩齒即度法二十二

凡上清叩齒嚙液之法皆各有方先後有次
不得亂雜使真靈混錯也夫叩齒以命神嚙
氣以和真納和嚙六液以運入刺神須鳴鼓
而行列矣

凡存脩上法禮祝之時皆先咏齒上下相叩
勿左右也一呼一吸令得嚙諸氣液耳此名
為呼神和真以求昇仙者也其法叩齒上下
相叩名曰天鼓左齒相叩名曰天鐘右齒相
叩名曰天磬也制鬼召魔可叩鐘磬行道求
真叩天鼓也

太上素靈道士聞耳鳴祝法二十三
聞耳鳴者錯手掩耳而祝曰

赤子在宮九真在房諸神聽命亦察不祥太
一流火以滅萬凶畢以手掩耳門一七過當

閉面熱即佳候也若聞頭頸間色色寒者惡
氣入也當急卧臨目存玄丹宮太一真君以
流火之鈴煥而擲之令惡氣即出耳外火光
亦隨之在後炯炯然以照一身良久手復也

太上素靈審察耳鳴吉凶法二十四

耳中忽聞瀨水聲雷霆及鼓鳴者是體中勞
損心藏極弊不能味真注生而淫放喪亂使
六府失攝魂魄哀號蓋將結疾致死亡之兆
矣是以泥丸縱法九宮失常悲擾翻錯鳴鼓

亂行將欲舍其居館以棄一身也聞之者當
精念大一真君反迷還專真心若罪未深者
自聽改也所以耳聾者耳神亡之故也

耳中忽聞金聲玉音者真氣未入道欲成也
忽聞絃樂之聲者六丁玉女來衛子道也當
隱靜專修所行動至之心愈彌於往也真人
因是遂有形見之漸矣自非爾師且勿言於
他人也

耳中聞蕭角之音言象貴至也聞叫喚號呼
之聲者凶象賤至也聞臭氣者必有殮穢之

事急更衣沐浴燒香掃除寢宇以答之此是
帝君將戒勸於人者也

若聞血氣者及無故見聚血者兵凶也急速
人聞守三元帝君求救自藏齋三月禍亦止
也此皆帝君先告人吉凶以令懼誠其禍福

耳夫見凶象當行陰德營於惠救為人所不能為行人所不能行者始免乎必死之候也子其勛之勿守常而已

金真玉光施安齋堂五方符法二十五書符都畢北向叩齒三十六通微祝曰

九天有命普告萬靈三代相推五氣交并玉帝顯駕巨響霄庭施布正法收魔束精剪戮元秋萬道齊平道流後學帝君記名招真洞幽氣交無形變景鍊道昇上三清得迅飛輿上造王庭畢隨位置符真仙立降身無禍殃學無此道鮮不喪身可謂妙法不學自仙也

金真玉光行道服氣存思三真法二

十六

上元宮泥丸中腦是也其神赤子字三元先一名仲玄生帝卿

中元宮絳房中心是也其神真人字子南丹一名中光堅

下元丹田宮臍下三寸是也其神嬰兒字元陽昌一名谷下玄此三一之神矣欲拘制魂魄時皆先陰呼其名存三神皆玉色金光有

嬰兒之貌中上二元皆衣赤下元衣黃頭如嬰兒始生之狀行道服氣時亦存名字

七聖玄紀仙禁七傷法二十七

凡學士玄紀有名身合仙相則應自然合真而有

第一之傷帶具行偽淫色喪神魂液泄漏精光枯乾氣散魄零骨空形振神泣窮府上開天開真仙遠遊則與九塵結因土府同符宜復得仙

第二之傷外形在道皮好念真而心抱陰賊凶惡內臻願人否敗嫉能妬賢口美心迷面歡內嗔形論得失妄造罪原毀謗同學攻伐師根三官所記標為惡門仙真高逝邪魔攻身走作形影飛散體神故令枉橫極其惡原考滿形灰滅已九泉徒有玄名豈保自然

第三之傷飲酒洞醉損氣喪靈五府攻潰萬神振驚魂魄飛散內外朽零本室空索赤子悲鳴真仙高逝邪魔入形如此之學徒損精誠雖有玄紀空失玉名神昇上官身灰幽冥恍惚求延年為久停

第四之傷行不弘物責人宗仰心忿口形罵詈無常瞋喜失節意性乖恒氣激神散內真飛揚魄離魂遊九孔塵埃五府奔喪皆由性之不純行之不祥真仙高逝外痢入形如此之學將欲何蒙雖有玄圖不免斯殃望仙日

悠地里日長

第五之傷或玄圖表見得受寶經或運遇靈師啓授神文或不依科盟形泄天真未經九年投刺名山使青官有錄金闕結篇便傳於人流散世間輕真泄寶考結已身徒有玄名反累七玄仙道高逝身死幽泉長充鬼責萬劫不原

第六之傷身履穢穢形影不香內無清虛外無蘭芳清靈失仙神不居房氣擾精混靈元失先五神飛散赤子蹇揚邪魔來攻內外交喪如此之學望成反傷真仙高逝空景獨行淪於混濁仙乎可蒙

第七之傷啖食一切含生之內殺害足口之美臭氣充於臟腑伐生形於非已真氣擾於靈門遊神駭於赤子魂魄遊於官宅濁滯纏

於口齒仙真登高於玉清已身沈頓於地里徒有玄名於帝簡亦不免於必死

高聖帝君曰為學道之本當以七傷為急既得瞻眄洞門披觀玉篇不犯七傷之禁將坐待靈降白日并展如外勤在學內不違於七

傷者將望仙而反敗期生而反亡希吉而反凶期飛而反沈靈仙逝於高清五神散於八荒赤子號泣於中宅遊魂悲鳴於玄空故仙相有成敗上學有七傷萬高之士孰清其真

靈書紫文仙相十敗法二十八

第一敗勿好淫淫則魂液外漏精光枯竭神焦魄散骨薄髓穢魂號靈府上開天閣三宮權爭胎英悲錯此一敗仙相

第二敗勿為陰賊凶惡凶惡則黃庭競亂三尸好殺魂神窺姦魄鬼干室目光亡敗口生

傷氣此二敗仙相

第三敗勿醉酒醉酒則形質淪壞神真交錯魂忘本室魄遊邪宅赤子飛鳴喉腦火灼此

三敗仙相

第四敗勿穢慢不淨穢慢不淨則清靈失真

精魂不居三宮生蟲赤子浮游血濁髓臭神

先失盧魄走邪門求我死書此四敗仙相

第五敗勿食一切含生之肉則元形喪始根

本亡度胎神號咷絳君叫慕三魂慘毒魄素

丘墓此肉入口命墜長夜此五敗仙相

第六敗勿食一切水中有生之肉則形神犯

真泥丸滅落三宮閉門照見交錯魂爽飛遁

魄求棺槨此六敗仙相

第七敗勿食飛鳥肉則氣形聲臭精靈濁滯

腦黃齒枯脾胃育死氣魂不受真魄生邪勃身

沈長淵骨髓亡沒此七敗仙相

第八敗勿食五辛之菜則五臟惡臭三華潰

亂神不上達精胎下淪魂魄生離赤子煩頓

飛靈失守眼光流遁此八敗仙相

第九敗勿殺昆蟲以上則兵對萬物束骸血

怨形暴魄凶魂氣交戰胎靈仿惶嬰兒逃散

泥丸姦狂赤子棄叛尸形湯鑊水煮火爛此

九敗仙相

第十敗勿北向便曲仰視三光勿北向理髮

解脫衣裳勿北向唾罵犯破毀王破謂歲下

辰也王謂王氣之所在也

勿怒日月星辰勿以八節日行威刑勿以月

朔日怒恚

勿以六甲日傷龜龍鱗甲之物勿以丙午日

傷雉勿以丙子日傷黑獸勿以庚申日別有

他念當存思念真勿以乙卯日飲酒食肉當

齋潔靜心

勿以正月殺生勿以二月九日食肉勿以三

月三日食諸百草心勿以四月八日殺草伐

樹勿以五月五日見血勿以六月六日起土

勿以七月七日思存惡事勿以八月四日市

獲履展諸附足之物勿以九月九日起牀席

勿以十月五日罰責人物勿以十一月十一

日不沐浴勿以十二月晦內三日不齋燒香

念真也

諸如此忌天人大禁三官告察以是為重罪

矣或令人三魂相疾七魄流競或胎神所憎

三官受惡之時也是以惡夢交於丹心杖魁

乘其未闕精液觸犯神真恍惚流變多禁莫

識忌術子能奉修則為仙才不奉天禁則為

傷敗者也

太上黃素上清法服法二十九

上清法服紫青作帔紫於外青於內帔廣四尺九寸以應四時之數長五尺五寸以法天地之氣表裏一法表當令二十四條裏令一十五條以應三十九帝真之位爾者身佩帝皇之服故也無此服不得妄動寶經此法服給玉童各十二人不得妄借異人并犯穢穢輕慢神服

女子紫紗之褐令用二丈四尺身袖長短就令取足當使兩袖作十六條身中二十三條合三十九條又作青紗之希令用四十五尺作八幅幅長四尺九寸餘作攀腰分八幅作三十二條此則飛青之希也無此法服不得誅於上清寶經此服給玉女十二人不得妄借異人并犯穢穢輕慢神服

玉清消魔道士遊行山澤祝法三十

道士遊行王嶽履涉川澤當行三天正一之祝威試召靈致仙之法登山之初當先於山外叩齒九通閉眼思五色之雲勃勃四會奄

冠一山及我身在雲氣之中良久見五嶽仙官及山形林中草木禽獸萬物悉來朝已仰祝曰

上帝出遊日吉時良玉華覆蓋太一扶將左翼白元右輔無英八帝九真陵梵履昌導我送我與我同光履行五嶽羣仙奉迎出入河海萬道閑張役御六丁足躡五行三天有命盪除萬凶豁落掃穢流金滅殃正法清通嚴如威霜華精奕奕龍輿昂昂流青翠羽飛錦羅裳所向所之靡不吉昌萬真來朝齊昇玉京畢引氣三十六嚙止行此千日得五嶽真仙降雲車羽蓋飛行太空

凡道士入山良月吉日禁忌之法

道士欲入山以三月七日吉又法春不東山及西山夏不南山北山秋不西山東山冬不

北山南山

入山良日保義專日吉制伐日並凶

甲子丙寅丁卯巳巳辛未壬申癸酉乙亥庚辰辛丑庚戌戊午此是義日吉
丁丑丙戌甲午庚子壬寅癸卯乙巳丁未戊

申巳酉辛亥丙辰此是保日吉
戊辰巳丑戌戌丙午壬子甲寅乙卯丁巳未庚申辛酉癸亥此是專日吉

乙丑甲戌壬午戊子癸巳甲辰庚寅辛卯乙未丙申丁酉己亥此是制日凶

庚午丙子戊寅巳卯辛巳癸未甲申乙酉丁亥壬辰癸丑壬戌此是伐日凶

道士若卒遇凶惡不祥當打天鐘三十六過叩左齒也

道士若經山辟邪威神大祝當槌天磬三十六過叩右齒也

若存思念道致真招靈當鳴天鼓三十六過叩上下齒也

凡道士獨宿山林而多為山精惡鬼所犯試者當叩齒二七通閉氣祝曰

吾昨被帝召攝領真元令我封掌北嶽摧割

鄴山萬靈受事俱會帝前七神啓別三元司真若有小妖即時乘殘山精澤尉速來奉迎神師口命上闡三清一如大洞之法不得稽

停祝畢又叩齒二七通此為帝君補神祝伐

山精百鬼之法諸山神地祇房祠主正之神聞此之祝皆執鞭奉迎神兵侍衛若與萬人同宿矣

凡受三品上道或未得上登三清受號仙主者多為天魔所試萬靈所干也宜誦拂魔之

祝上動上天之靈音下召三界之威神東萬

精於天鍾斬妖魔於洞章行此之法常當北

向先存項生圓象如日左有朱鳳右有玄龍紫霞覆蓋光明身形仙童玉女執五色之節

從三界萬神前嘯九鳳後吹八鸞白虬啓道

太極參軒畢叩左齒三十六通次叩右齒二

十四通次叩上下齒十二通而祝曰

羅天嘉獸備巨四門吞沈割誓山醜萬群張

唯獲天猛馬高奔毒龍奮爪金頭橫吞威兵

巨萬受符校仙六天不拘合凶成群妖魔鼓

洋穢氣紛紛誑歌空洞亂音郭雲小鬼賈刑

當人生門神王所告無幽不聞上攝六氣下

檢河源五嶽四瀆善惡遠分萬萬千十來對

我前五帝校錄有功者原凶魔千真束形帝

君敢不從命所誅無蠲屠肝剝腹斬首滅根

北鏡瀆湯南陵火墳金真錄氣流鈴捕魂杖
奕無遺極盡形源身佩天書道行正文滌蕩
九氣清明三元玄虛舉真上合自然莫有干
試改動上聞畢引氣十二嚙止

右智慧拂魔之祝

凡是學士遊行名山在百鬼之間獨宿振怖

及嬰抱疾病群鬼守門誦之一過將似鏡湯

之消冰炎火之洋金也魂神澄正氣安體強

目非稟命之應終求死不可得矣

上清修身要事經

正一法文修真首要

吹五

服日月光芒法

大方諸宮青童君常治處其上人皆天真高

仙太極仙公上卿司命之所在也有服日月

光芒法雖已得道為真猶故服之直存心中

有日象大如錢在心中赤色有九芒從心中

上出喉至齒間即迴還胃中如此良久臨目

存見心中胃中分明訖乃吐氣吐氣畢漱液

三十九過止一日三為之日出時食時午時

行之一年疾病除五年身有光彩十八年得

道成真日中行無影辟百邪千災之氣常存

日在心月在泥丸中晝服日芒夜服月芒服

月芒法如服日法存月有十芒白色從腦中

下入喉芒亦至齒而咽入胃一云日芒常服

月芒從月一日至十五日已前服十五日已

後不服謂十五日已後月減光芒損天氣故

言止也又云月一日至十五日已前服日十

六日至月終服月也

右此法方諸真人法出大智慧經中篇常能

用之保見太平南極夫人所告行此法日在

心月在泥丸之道為省易得旨須勤行無令廢息除身三尸百疾千惡萬邪是鍊魂制魄之道也日月常照形中則邪鬼無得藏形昔東海青童君傳授今故行之吾即其人也今以告子子服可密示有心者耳行此道亦不妨行寶書所以服日月法兼行有益也仙人一日一夕行千事不覺勞倦勤道之至重生不可失矣

孟先生暮卧法

西城王君告揚君今以示諸許已上出真誥第三卷

山世遠受孟先生法暮卧先讀黃庭內景玉經一遍乃眠使人魂魄自然制鍊常行此法二十八年亦仙矣是合萬過也夕得三四過乃佳北嶽蔣夫人云讀此經年限未滿亦且使人無病是不死之道也

惡夢吉夢說

太素真人教始學道者辟惡法若數過惡夢者一曰魄祛二曰心試三曰尸賊此則厭消之方也若夢覺以左手掐人中二七過叩齒二七通關口以前齒咏之微呪曰大洞真玄長鍊三魂第一魂速守七魄第二

魂速守泥丸第三魂守心節度速啓太素三元君并向過不祥之夢是七魄遊尸未協萬邪之源急召桃康護命上告帝君五老九真各守體門黃關神帥紫戶將軍把鉞握鈴消滅惡津反凶成吉生死無緣畢又卧必獲吉

應而造為惡夢之氣即受閉於三關之下也三年之後唯神感應乃有夢也夢皆如見將來之明審也無復惡夢不祥之想矣若遇吉應好夢而心中自以為佳則吉感也卧覺當摩目二七過急閉目以手兩掌從內向外摩之叩齒二七而微呪曰

太上高精三帝丹靈絳宮明徹告感告情三元柔魄天皇授經所向諧合飛仙上清常與玉真俱會紫庭畢此大洞秘訣以傳於世始涉津流者矣

山源者是鼻下人中之左側鼻下尖谷中也旦日中暮常咽液三九過急以左手第二第三指按之三九下按了密呪

鬼却魔來致千靈上昇太上與日合并得補真人列象玄名一日三過行之此法常為人致靈徹視杜過萬邪之道也

明耳目訣

真誥曰求道之要先令耳聰目明為事主也且耳目是尋真之梯級綜靈之門戶得失繫之而立存亡須之而辨也今抄經相示可施用也

道曰常以手按兩眉後小穴中三九過又以手心及指摩兩目額上以手旋耳行三十過唯令數無時節也畢輒以手逆乘額三九過從眉中為始乃入髮際中口嚙液多少無數也如此常行耳目聰明二年可夜書眉後小穴為上元六合之府主化生眼暉和瑩精光長珠徹瞳保鍊目神是真人坐起之上道也

一名曰真人常居內經真諺曰子欲夜書常修起居真人所以能旁觀四達使八還照朗者實常居之數明也

青牛道士存日月訣

青牛道士口訣曰暮卧時存日在額上月在

臍上辟千鬼萬邪致玉童玉女來降萬禍伏
走秘驗也青牛道士即封君遣
沈義口訣曰服神藥勿向北方大忌也亥子
日不可唾正北方亡精失氣減損年命藥力
如土深可忌之

藥巴口訣

行經山野及諸靈廟惡神祠宇存口中真有
人字赤靈丈人侍以玉女二人一女名華正
一女名攝精丈人著赤羅袍玉女二人上下
黃衣所存畢乃叱咤曰廟中鬼神速來使百
邪詣赤靈丈人受斬死眾邪却走千里此是
三天前驅使者捕鬼之法也

服食忌并治病法

女仙程偉妻口訣曰勿食血物食物使不
得去三尸乾肉猶可耳

鳳剛口訣曰道士有疾當閉目內視心使生
火以燒身及痰處存之使精如髮病即愈
於痛處存加其火秘驗出神

序元氣

真人曰服胎息內氣者長生之術也陰符曰

人無術命不長又曰經冬之草覆之即不傷
故知攝生之道莫過乎元氣所以禽蟲蟻藏
不食而全者蓋息得其氣也天生萬物唯人
最靈百穀所以飴馬元氣所以播馬人能將
正性而合元氣少思寡欲去智離形然後可
以示之熊經鳥申龜息鶴舞非其人勿秘之
故序其法列之於後

服氣訣

凡服氣先偃卧閉口鼓頤腹令氣滿口即
嚥時作意感向後吞之如食入喉喉有三道
一道氣從臍中出至口微出鼻令滿口於其
出息感斷便嚥嚥分為二道津液存入兩腎
氣存入腸胃也若上熱下冷即先服暖氣若
下熱上冷即先服冷氣暖氣者從五臟中出
鼓於口久令氣在口暖極熱嚥此謂暖氣也
若氣液滿於口便覺嚥下者此名為冷氣也
亦云秋冬宜服暖氣春夏宜服冷氣亦云於
人體自候臍臍冷熱而服也初則仰卧得便
之後無問行住坐卧並得也鼓氣之時牙齒
須開嚥時牙齒須閉令相著若不相著嚥液

及氣不入久服之後合口即氣自然下入腸
胃嚥亦不費功夫若不得法元氣不下所覺
嚥入者但少津液若覺氣時合牙齒相著復
不須起頭口中既不開通氣反從鼻出雖嚥
無益須精審之

凡服氣候五更食消盡則服之至食時乃忘
饑忘饑得力得力之後覺饑則服氣腹中或
鳴若腹中氣相續則不鳴若腹中空氣入即
鳴亦無苦也服氣得力則決定勿食亦隨人

凡服日月精華者即須皆早朝及夜半生氣
時仍須天氣清明只如內氣但覺腹空即服
不限時節及行住坐卧也亦不論日服幾度
也初服氣至一七日或五日有三兩行痢痢
中或沫無沫小便赤色亦不須怪其中初服
以臍下澀悶不須疑怪悶時煩和香於靜室
暫絕人喧寬衣帶從容四體仰卧小小閉氣
想氣從五臟中對兩腎下貼著脊有二穴氣
色白分為二道從穴夾脊上至頭想氣至髮
眉增良久想氣迴至面下入五臟又下至三

星^{三星}人然後下至脚湧泉了即以兩手心
摩腹三二十轉及臍下百轉了從容四大卧
少時自然舒暢向來之悶都除也洞微昔受
訣於師其用心之中更自調適無不効也人
之使手不如使意意者與氣合一意之所至
氣無不應洞微少小多疾或淋或瘡勞病之
候至多自得氣術疾都覺愈七日已前少有
變動如前說十日已後勤為自然通流方得
安穩亦須時時量事一兩服導引服氣常莫
使欠似不相續即服之服多或時噫氣下泄
亦非異事耳

凡服氣後至七日或二七日或久遠逢食及
酒並喫無妨酒不得過度亂正氣若食飽不
須服氣食盡則服若不解服氣唯學存思及
以藥絕穀則未能久免飢渴後忽食便死所
以然者腸胃乾澁及九竅不通所以至死若
服氣之人食無妨者以腹中腸胃先開故能
受食如渴飲湯水及津液潤之並得取津液
以舌柱上齶及舌下左右轉則津液悉集
凡服氣之人先須內無繫緣心與道契然後
服之諸病易愈如覺四體不調存想病處以
氣攻之即愈道成之後永無疾病日覺輕健
可涉遠行如經歷腥穢當幸之處雖不耐亦
無損能閉坐焚香清淨避外穢尤佳若以氣
斷穀見食心欲者此乃執心不一以致猶豫
如一向決定唯服元氣為事久後見食亦無
欲相

凡服氣道成亦勝用藥絕穀畢竟體虛服氣
至妙久竟湯酒之類亦自不須大小便垂絕
若志士有公務未能專一在道服元和正氣
餘暇每一二時服三五嚥令腹中常有元
氣在氣海中忽有疾須用導引引出攻疾立
效自驗可知

凡服氣雖服內氣亦須外氣外氣者日月之
精華也早朝室中服青氣也黃庭云日月之
光較老殘此之謂也

服元氣者非用時節不論朝暮得服則服日
月精華者候天氣暗和月初出一丈已上高
五可服向日拱手四揖閉目存日中一道光
芒紫色如線末至鼻孔想令滿口中赤光色

嚥三九嚥止又四揖若唯只服內氣不佳能
兼服生氣生氣者則此也生氣既服與元氣
合一也攻病速愈若唯服內氣攻病者稍遲
差也若然兼日月精華久服令人身靈及有
光彩也閉氣攻病易行而速愈其法於靜室
中正卧^{有和者即燒尤佳無亦得也}寬衣帶放身縱體握
固徐徐長吐細氣出口兩三度以鼻引氣入
口密閉口用心念所患處如漏漏相續注之
滿十又從一起如是十為百小縮氣若身
彊無力還閉目吐細氣五息然後起

夫閉氣攻病令體中極熱汗出通流即差都
無患者但放氣通行開其關節肌體皮毛孔
中悉令氣出如似煙霧或似飢中氣也久久
自見若頭中有疾以手捻塞鼻孔以氣攻之
即愈但知人服內元氣不知服生氣生氣者
日月精華及早朝東青氣也故元氣在脾中
藉生氣以相生也

導引法

凡覺身體昏沉不通暢即導引十九法
第一兩手更相扭按如洗手狀第二兩手淺

又翻覆向背第三兩手相捉共按脛上左右同第四兩手相义又重按左右脛徐拔身左右同第五如挽一石弓餘力左右同第六作拳向前纂左右同第七如拓千斤之石左右同第八以拳却頓此名開胃左右同第九大坐斜身偏倚如排山左右同第十兩手抱頭宛轉腦上此名開脇左右同第十一兩手據地縮身曲脊向上三舉之第十二兩手反槌背上左右同第十三大坐伸脚用手相义反掣第十四兩手據地左右顧盼此名虎視左右第十五立地反拗身向後三舉之第十六兩手急相义以脚踏手中左右搖左右脚更為之第十七起立以脚前後踏左右同第十八正坐伸脚當心兩手勾脚上著膝上以手按左右第十九手直上指天直下指地左右同

右十九勢每日為之補益延年無病若不
能盡為之於中取好者常効一兩般則血
液流通無病當為之時勿當風仍須閉氣
每一服了須吐故氣不令耳聞也

察候四大

四大和調生之徒不調病之徒當以唇口察之冷為風增熱為火增澀為地增滑為水增聲為風增動為喘增痒為氣增不聲不喘為調和或從外起或從內起由寒熱勞逸飽實

饑虛為外起由名利喜怒聲色思營為內起宜以口吐氣以鼻納氣其吐納不急不速自然綿綿而已其出氣有六種所療各異

若冷以吹吐之若熱以呵吐之若風痛以嘻吐之若上氣以呼吐之若痰稍滿以噓吐之若熱勞倦以呬吐之

心藏中病若冷則吹氣若熱則呼氣出之候夜夢見赤衣人持刀杖或持火來怖人也肺藏病遍身胃臆四肢煩疼宜噓氣出之候夢見美男女詐來親附或云兄弟妻子也

肝藏病者憂愁不樂悲思嘆喜頭目煩疼宜呼氣出之候夢見青衣人持青刀杖來怖人或作獅子虎狼種種怖人也

脾藏病面上遊風習習遍身痒悶疼痛宜嘻氣出之候夢見小兒擊磔惱人擲物打人或不欲如藍

作旋風繞人也

腎藏病咽喉駐塞腹滿耳聾宜呬氣出之候夢見有物點點無頭面噴覆人也

右諸所攝養皆須調和氣息每以人定靜時寬衣大坐背倚軟物緩衣解帶放縱身體應念性情平等死生無二欲使心平心平則氣調無損故曰能不以生為生者是乃真於養生也

察候形色

夫置鏡者所以自鑒形色也形色若變則退居靜室治黃庭經集身神拘三魂制七魄步七元服元氣也夫人形之所存者氣也氣之所依者形也氣全則形全氣竭則形斃鍊形保氣可以保其生也未有有形而無氣也未有有氣而無形也形之與氣相須而成豈非自然乎

凡人赤欲如帛裹朱不欲如赭白欲如搗羽不欲如鹽黃欲如羅裏雄黃不欲如黄土黑欲如重漆色不欲如地蒼青欲如蒼壁之澤不欲如藍

焦無所聞也

五藏相乘

凡青色如草滋黑如莫黃如枳實赤如蚌血白如枯骨此五者並為死人之狀也若青如翠羽黑如烏羽赤如雞冠黃如蟹腹白如豚膏此五者並為生人之狀也病人易差可醫也凡病人兩目黃色起者立愈病人面目俱

肝病皮黑目白肺之乘肝死於秋日入時心病目黑舌黑腎之乘心死於冬夜半時脾病唇青肝之乘脾死於春平旦時肺病兩頰

赤者愈病人面赤目青者死面黑目青者不死面黑目赤者不死病人兩頰赤圍而不

赤目腫心之乘肺死於夏日午時腎病面腫唇黃脾之乘腎死於四季月午後時

散者死病人及健人色變如馬肝望之如青近之如黑者死病人口如不能閉而氣出者

者一日死汗出如珠滯而不流一日死脾絕者食肉脬破唇塞十二日死肺絕者夫聾三日死腎絕者耳焦髮直無所聞四日死

○錯亂者死熱病不死病人背青人中反者死病人面黃目青者死病人面青目無精光齒

○日死腎絕者耳焦髮直無所聞四日死

行禁治病

黑者死髮乾如麻耳聾者死病人絕不言喉中作聲者死舌卷縮者死髮直多怒者死鬚眉衝起者死面白目白者死面青唇黑者死

夫道法救人疾厄至於察候不可不知欲行禁治病預令病人家早朝天氣晴和盛潔室宇絕喧靜寂道士到病人邊焚香子細察病人神氣若形候惡不堪治亦須為存神行氣

陰囊腫者死又目匡陷者死

人神氣若形候惡不堪治亦須為存神行氣

病人有五絕肝絕者目直視而脫光目無所見心絕者不欲見人言語錯亂舌卷不能言脾絕者食肉脬破鼻虛張而唇塞肺絕者面白而聲嘶皮急毛焦鼻柱閉腎絕者髮直耳

加治下三下印至日中又往察神氣微變吉否若未迴又須一下禁夜間又須候變否若未變又須下禁至明日早朝往候神色不變此命盡不可治也

夫治病且須輕財道有拯救之心神靈必祐真氣必應若動則心冀於財無拯救之心所行無效禍反剋身道法符禁救人疾苦須頻令道士講論三十六部專經敷揚玄聖符禁等法並量性分習學洞微今謹依正一神仙三五秘訣修行符禁之術具列如後十二辰三五大會顯幽冥禁訣者道家呪術妙法多端萬流淵隱難悉兼通若拯救危命莫先於印昔范蠡行之乃使山嶽崩頽河海過流神威所懾雷霆戰響可以鑠金磨玉還氣復魂○況於療病者乎但凡夫淺救玄術難精所以今世修人多有不效良由學不研審或心不專至也李道化曰余不以疎慵少習此法印之難明在於存思若能精其呼吸明其度數則存思了然神明備矣爾乃冠蓋帶五神步乾元亨利貞必能爾者罕有不愈也今聊將管識略圖其次序以示同學未能窮其要契者也

七行氣法先須噴水解穢左手執水梳右手執劔水相向背建向破存面前有一真官

朱衣身長一丈九尺頭戴錄中九鳳冠口含
水向前噴病人室宇與赫如朝霞了以劍水
相向存七星斗在我頭上置在水椀中呪曰
謹請北斗七星之精降此水中百瘡之鬼速
去萬里不去斬死付西方白童子急急如律

令五方各噴次噴病人行印去病人一大左
手捻都監目右手執印當心向王立第一先
存我神頭戴天足拄地五色雲氣覆我身第
二思五星在頭上各在方位去頭一尺第三
存面前左日右月去面九寸第四存頭上朱

雀左青龍右白虎足下八卦神龜行印玉童
玉女侍衛左右第五存思五色真氣大如絲
從五藏中出口去頭高一丈八尺迴繞頭三
匝次思肝中三人青衣青憤出立左心中三
人赤衣赤憤立前肺中三人白衣白憤立右

腎中三人黑衣黑憤立後脾中三人黃衣黃
憤在丙地立並左手持劍鑲右手持鉞斧次
存見我頭上七星罡頭指病人痛處次存向
來頭戴九鳳冠真官乘太陽赤氣禹步持印
印病人心一下次印腹一下次印痛處一下

想見毒氣奔散而出了然次存我身極閉氣
禹步九跡到病人所立未印先口吸病人三
吸三咤三叱次鳴天鐘六下叩天磬六下召
則用鐘伏則用磬次呪印曰


天帝神印印山成湖印石成塗印樹樹枯印
地地裂印木木折印火火滅印水水絕印上
徹下印表徹裏印前徹後印左徹右印邪邪
亡印痛痛止印病病散印鬼鬼走破除癥結
流殃欲注急自走去正神安汝處急急如
太上老君律令便下印須閉氣良久了然後

舉印退後又祝曰
男女生某乙年若干歲某月日時生今身患
某疾病請臣救治臣謹上請三部大將軍行
印將軍治病將軍破邪將軍收魔將軍並請
隨印治病救某人身中疾病急急出叱吾今

以黃神越章之印印心從心出印腹從腹出
印肝從肝出印肺從肺出印腎從腎出印脾
從脾出印頭從頭出印背從背出印胃從胃
出印腰從腰出印手從手出印足從足出速
出速出急急如律令印下又誦一遍然後舉

印又把印當心呪曰

南方之鬼北方之鬼東方之鬼西方之鬼中
央之鬼天鬼地鬼神鬼男鬼女鬼沈尸毒注
之鬼當印者死值印者亡速出速出下印又
誦兩遍然後舉印印令病人吞三二道符男
三符女夫行禁治病存想皆存十方真氣行
服二符禁欲行先約束病人三日斷五辛十二辰肉
但一切蟹肉酒魚腥之屬並禁唯通些些乾
鹿脯能如此方可為下印若不能如此反損
無益用印了以香湯浴印用新帛乾拭入匣
中盛之



此印不得將入喪家產婦家及血腥六畜胎
乳穢穢之處並不得將往也若卒有夜夢驚
怖音聲震響動不如常者即起大呼曰
宅中七神司命竈君何以令非常之鬼干犯
黃帝子孫收捕之付獄吏治罪言訖將印掛

戶上還卧須臾自聞鞭罰之聲若人卒中蜚
惡尸鬼症悶絕不止心痛印心上立止若人
鬼語不止印之如法即止若人路行或入山
野過江渡湖或見狼虎熊羆之屬及侵害六
畜以印其跡虎走三十里乃止逆印即來
趣人若水中蛟龍魚龜蟲獸蛇毒之類害人
者以淨黄土為泥印封之投入水中即死若
奴婢逃走即印其跡則還若人卒中惡氣或
死不知者或行肢體中如錐刀刺者以印閉
氣按其痛上及心上呪曰邪氣去正氣住。

正一法文修真首要

洞玄靈寶真人修行延年益算法 六

六甲神姓名

甲子神名王文卿甲戌神名展子江甲申神
名扈文長甲午神名衛上卿甲辰神名孟非
卿甲寅神名明文章

凡修行之士常存六甲神姓名則七竅開
通無諸疾病不逢殃禍遇賊呼其日神助
之

四海神名

東海神名阿明西海神名巨乘南海神名祝
融北海神名玄冥

凡修行之士每朝難鳴時常依此法誦持
三遍已上四海大神辟邪魔群除滂凶殃
急急如律令

每日難鳴時先呼

上一赤子守上丹田中一真人子守中丹田
下一嬰兒元陽谷守下丹田

修行之士每日難鳴時及夜初卧時常依
此法存呼之能辟邪魔消災去病正當口
念三一名字之時心即存其形狀如嬰孩

每一嬰孩存長三寸始生之形並著赤衣

甲子日勿存念三一之神此為重禁

老子理身守一法

常以難鳴時摩拭兩目先誦呪曰

西王母女名曰益愈賜我目藥受之於口即

精摩形常在難鳴二七靈液除目昏蒙瞻視
萬里徧見四方

誦呪畢即拱手三嘘之兼微出津掌中即

以手摩令熱摩目二七令人目明通仙

每日難鳴時常閉目竊呪曰

黃裳子黃裳子黃庭真人常在已為我取醴

酒肥脯粳黍臙神丹玉芝諸可食者皆至

入吾口中充滿五臟補養百神令我不飢不

渴與天地齊畢與日月同光保守千萬年

凡修行之士每日難鳴時先密誦三遍訖

次即咽氣五過止每咽先漱靈液即微鼓

頰存黃氣滿口即咽之自然飽矣兼內除

百病益壽延年

每日清旦叩齒三通呼三魂名呪曰

胎光延生爽靈益祿幽精除死急急如律令

凡修行之士每日如此三魂不離人左右
非災橫禍惡鬼凶神不能為害遊夢變怪
杜絕房寢

仙經曰夫學道之士朝來常言善事天與之
福朝來不得言奈何字又不得歌管此名為
請禍切誠之

凡牀上卧莫歌莫詠勿覆卧此三忌並大凶
皆損壽夫學道者第一欲得廣行陰德慈向
萬物救拔艱危度人苦厄輕財重道施惠布

德

守一之道有厄難念一舉向師所在再拜求
救立便得解大急但念心拜耳

守一之道忍辱為本欲殺人念飛仙欲妬忌
念大神欲貪財念真人

守一之道或不能至常一心念若卒為惡思
所驚恐厭魅當起視北斗輔星輔星者七星
第六是也并念一則百邪却去身無殃也若
遇天陰雨不見星但精心念一矣

老子曰凡欲修道心無二端天能守一覆如
不舉地能守一靜如能安歛能守一不避暑

寒海能守一流如不還人能守一必得神仙
西王母曰理髮常向本命既櫛髮之始而微
呪曰

大帝散靈五老反神泥丸玄華保精長存左
拘隱月右引日根六合精鍊百神受恩祝畢
咽液三過常行之使頭腦不痛

坐卧常欲鼻孔向本命食飲及服藥亦然若
不得向本命者得常向東北及西北亦佳此
二處是天地魂魄之關津也又卧起常自左
右搖動身體數十過畢又兩手據後而仰頭

向天左右自搖動項二十過畢平坐舉兩手
良久畢又摩拭目旁至兩耳又良久陰呪曰

前搏後拍天地上客左躬右顧長生大度仰
頭喘息太一相極却月龍偃司命同軫飲食
胎元交關崑崙徊倒雙跪真人同志祝畢輒

引氣閉之存臍中赤氣大如線出臍外入鼻
中如此三過按摩之道都畢使人百關通利
長生壽命無窮而不病

登真曰欲得延年當洗面精心日出二丈正
面向口吐死氣鼻喻日精須鼻得嚏便止是

為氣通亦以補精復胎生之方也

登真曰欲使心正常當以日出三丈錯手著
兩肩上當出心對日以日正當心心中間暖
存日精暉來入心故覺其微暖則心正矣常
能行之佳

老子理身守一法

夫欲食之時先竊呪曰

某甲建身為道身為天府道父道母真人神
人仙人道人聖人合而為道俱共飲食長生
無極

凡欲飲水先三噓畢呪曰

乾元亨利貞身為日國王神水入腹五藏清
涼每欲飲水皆先呪而後飲
王君曰勿臨食時及合和一切藥物燒鍊藥
不得說死亡及不祥事切忌

夫服藥常向本命上服畢勿言死亡事犯傷
胎神徒勞服藥物終無益也

老子理身守一法

每喫一切飯食及服一切藥皆先誦此呪曰
齋蒙子三呼之為我取肥脯美酒粳糧黍臠

神丹玉芝置此食器中及藥器中上一中一下一三一之神各就食器中及藥器中而食更相哺飼及飼我身兼存三嬰孩每一嬰孩各存長三寸各著赤衣在食器中而食如對雜人同食即不用誦呪但存三嬰孩次第同向飯食中搗喫了已然後喫晝夜常能如此存念三一令人增福益壽兼辟邪去病又呪曰

百藥入胃與神合氣填補血液屍邪亡墜長生神仙飛登金闕役使六丁靈童奉衛

真誥曰養生之道先欲識己之形存之極今准的在目前矣使面上恒有日月之光周照一形存日在左月在右去面前九寸許乃叩齒三通微祝曰
元胎上真雙景二女左抱七魄右拘三魂今

我神明與形長存
呪畢又叩齒三通咽液三過止此名為太帝君錄形拘魂制魄之道如此行之不倦使人魂魄不敢離形神仙長生之道要
太素丹景經曰一面之上常欲兩手摩拭之

高下隨形摩拭唯令數無時節也如此常行則通利耳目恒以手按兩眉後小空中三九過又以手心及指摩兩目下顙上摩唯多為佳以手旋耳行三十過畢輒以手逆乘額三九過從眉中始及上行入髮際中旁咽液多少無數也如此常行目自清明一年可夜書真誥曰凡體有痛處常以生氣時咽液二十七過按所痛處向王方而呪曰

左玄右玄三神合真左黃右黃六華相當風氣惡疾伏匿四方玉液流澤上下宣通內遣水火外辟不祥長生飛仙身常体強
又當急按所痛處三十一過常能如此則無病彭君口訣每日平旦卧未起時及夜初卧時存之真人于丹在兩眉間戴青幘冠子常能忘之壽八百歲

王君曰夜行及冥卧若心中恐怖者存日月還入明堂中須臾百邪自滅山居恒爾為佳師曰夜行念
太陰君太陰君就我就我就我此呪無所不辟夜行先祝曰

一君在吾前二君在吾後眾邪惡物皆不得近吾

欲求長生之法當以月晦日人定時北首卧以手固心上祝曰

五藏之君道德七神天父地母日君月臣諸天皆下守衛真人千神百靈保護我身唯乞長生改故易新公兆七庶兆二男曰公兆女曰庶兆

青牛道士口訣每暮卧存日在額上月在臍下辟千鬼萬邪致天府玉女秘驗秘驗暮卧祝曰

廓廓恢恢禍去福來恢恢廓廓除凶除惡太上賜壽司命政之名上玉曆編以青絲諸神備具百災皆除
夜初欲卧上床訖便轉履向外呪曰

迴履背床除邪辟兵天帝獄吏禁鬼夜行重者斬腰輕者棄市不輕不重截鬼兩耳急急如太上老君律令便叩齒三通
每夜卧叩齒三七左手撫心呼三尸名上尸彭居出中尸彭質出下尸彭矯出輒不

得為害

夜初卧時正偃卧即以兩手撫心呪曰

神人神人五藏先生存我骨髓養育華精神
光已固却老延年天符天符保護我軀精神
所在神光所行所欲者得所惡者伏急急如

太上老君律令 次即誦

天靈節榮願得長生太一真玄守臣身形五
臟君侯各自安寧男祝一七過女祝二七過

真人常以夜半時去枕平卧握固放體氣調
而微者身神具矣如有不具便速起燒香生

閉目握固兩膝上心存體神使兩目中有白
氣如雞子大在目前則復故也五日一行之
此即二十四神中事也

凡者新衣舉頭向日呪曰

赫赫洋洋身有神光著此衣裳富貴昌壽

命延長

夜卧覺更急閉兩目即叩齒九通咽液九過

以手按鼻邊左右上下數十過微祝曰

太上四明九門發精耳目女徹通真達靈天
中之臺流氣調平嬌女雲儀眼童英明華聰

吳朗百度眇清保和上元徘徊九城五藏植

根耳目自生天臺鬱素梁柱不傾七魄燥練

三魂安寧赤子攜景輒與我并有敢掩我耳

目太上當摧以流鈴萬凶消滅所願必成日

月守門心藏五星真皇所祝群響敬聽

畢又咽液九過然後摩拭面目令小熱以為

常但卧覺即按祝勿令失一卧也常為之令

人耳目聰明強識豁朗鼻中調平不唾津涕

面有童顏制魂錄魄却辟萬魔太素真人教

始學者辟諸惡夢若數遇惡夢者一日魄祛

二日心試三日尸賊厭消之法若夢覺便即

起坐北向以左手捻人中二七過第二第三

指捻山源近鼻下本際穴中陰數二七過勿

舉手嗽齒二七微祝曰

大洞真玄張鍊三魂第一魂速守魄第二魂

速守沉九第三魂受心節度速啓太上三元

君向遇不祥之夢是七魄遊尸來挾萬邪之

源急召桃康護命上告帝君五老九真皆守

生門黃闕神帥紫戶將軍把鉞握鈴消滅惡

津反凶成吉生死無因

若夜遇善夢吉應而心中自以為佳則吉感

也卧覺當摩目二七叩齒二七而微呪曰

太上高精三帝丹靈絳宮明徹吉感告情三

元守魄天皇受經所向諧合飛仙上清常與

玉真俱會紫庭

此大洞秘訣以傳於始涉津流者矣

夜遇惡夢覺即反枕或更枕而祝曰

太冥玉女侍真衛魂六宮金童來守生門化

惡為善上書三元使我長生乘輿駕雲

祝畢咽液七過叩齒七通而更卧如此四五

亦自都絕消息也此祝亦反惡夢更為吉祥

矣

真人曰詣廁法初登廁先呪曰

左德君右德君上司命清夫人除去某乙死

籍入生門

上廁用草法

先置一枚著左為左德君次置一枚著右為

右德君又置一枚著中央除去某死籍入生

門廁草長短不得過寸如過此數即滅人

壽命切須忌之

若在草野中大便即呪曰

林野夫人林野夫人除去蒸死籍入生門如

用廁草呪與前廁上法同

洞玄靈寶真人修行延年益壽法

三洞道士居山修鍊科

吹七

服氣品第一

初時上章請天官監氣之神上章訖服氣室中設香火服氣人正東向立打磬九通誅曰某乙求於長生不死之道今日採服氣八引四引百引百二十鍊形之氣日出東方照於西岡願天官典氣之神與某乙身中二十四氣吏兵合共往迎生氣唱導而前入某乙身中八引之氣八八六十四氣從某乙關口而下入四引之氣四八三十二氣陸續從關口而下入一引之氣三八二十四氣陸續從關口而下入運之太倉開穿官府通利支節氣滿充實不飢不渴調停五藏延年益壽長生飛仙與神明合德樂哉大道清歌便高引打磬連續訖已便就牀解衣裸身溫厚被席枕高四寸散髮正仰卧兩脚相去一尺兩手亦同法握固心思存所受六甲姓字父母真名諱次思泥丸丹田神便以鼻納生氣以口出死氣初從三納一吐之調習之後增至一三五七九至十二氣而一吐然則中和之氣畢

足久久大調習增五二十四七三十初取八引之氣八八六十四氣訖復取四引之氣四八三十二氣訖復取一引之氣三八二十四氣都滿百二十鍊形中和之數足矣徐和氣閉鍊長息滿三百六十息若能滿千二百久久便閉不息益善其閉鍊息數滿訖極口吐氣時若氣逆息尋即還納氣咽氣咽之不過滿三四咽則氣定矣便以兩手大拇指相捉反兩掌上出過頭上望太清縮兩手脚大指中滿三七止便解手次又兩手直豎翻覆兩三次以兩大拇指相捉交肘牽頓左右各滿三次止次兩手捉左脚摩背上三九次捉右脚摩背上三九次以兩手接兩脚趺急起令頭頓柱地如此滿三止還偃卧兩脚相去如服氣法氣定神隨氣上下數滿百二十息訖以兩手相^次著心上數息九九八十一訖次兩手叉抱兩脚屈數息二十一次二十五次一九次一七次一五止即便抱項兩屈膝未往三七止訖卧轉隨人安之養氣訖次起著衣服莊嚴設香火打磬九遍三唱引音

聲詠曰

某乙之身採納八引四引一引百二十鍊形之氣一周身已訖已竟當誅誦以定氣安神者也

八引之氣八八六十四氣徘徊官府從關口而上出四引之氣四八三十二氣徘徊官府從關口而上出一引之氣三八二十四氣徘徊官府而上齊關口而止還下之太倉鎮守官府安寧五藏機關調停百脉流通三尸走

退疾病除愈延年益命長生久壽大道哀念

典氣之神當監臨成就使某乙聰明朗徹與神靈交通飛仙昇騰受道重恩樂哉長歌止次以起行隨地寬闊數步五百若能步益善訖更能隨日時至中飢則復取隨人耳百二十氣是竟一年至二年一服頓取二百四十氣三年之後一頓取三百六十氣至中能重取如前法取之四年之後增多益善亦可以飽足為度明慎奉行
服氣之法滿三千六百大周身功建當有一大都導引誅舞之法打磬節詠曰

某乙之身服氣鍊形求於長生不死之道採

服八引四引一引百二十鍊形之氣從一周身而數令滿三千六百大周身功滿當誅歌舞導引調鍊筋骨以求仙壽願典氣導引之官監臨成就使某乙導引屈伸筋骨柔弱不

損身形鍊易肌骨與氣合同五藏克實通靈

微見與仙人交友樂哉舞誅便舉手舞三市一導引一舞其導引之法口授轉導訖而止

明慎奉行

服氣求長生之法絕人語閉氣靜默不關人

事仙道遲成不在倉卒能少食穀米果菓日

中以後裁量食之一年食米二斗二年食米

一斗三年食米五升常食乾菓日九枚好玄

水日一升食雜熟菜日可一升無食滑菜使

氣力強健爾乃得導引屈伸行止兼得自營

養生之具三年氣調之後教可絕斷是服氣

上細也中者至二年一年下者百日斷穀若

服氣餌藥服氣即日斷穀者上善也服氣之

法欲得微細而取之無令耳聞氣出入聲服氣之法常含養核漱華池澆灌五藏以為常

明慎奉行

服氣難法攻治疾病食飯日減一口十日斷

穀服氣飢取飽止百病除服氣之法初閉鍊

氣時皆心思存六甲真父母名諱次存三元

丹田之神上一在泥丸中兩眉間却入三寸

為上元丹田真人赤子字元先一名帝卿心

為絳官中丹田為中元真人字子丹一名光

堅臍下三寸名下元丹田真人嬰兒字元陽

子一名谷玄三一三丹田也明慎奉行

服氣人有身受戒氣之法而志願未遂之間

俗纏在家處官行僑不得靜默專思者並可

人間修習法善行功成並兼穀調氣并能參

服羨門子中道所出六甲符益善有穢解之

可以除病攻理五藏惡不能得干人可以讓

災除禍服氣密行之法暮不食至明穀氣消

盡五藏空虛氣即調和清明日出至中時法

皆向日時取之坐卧無在初從少起取二十

四氣轉增三十二氣調習復增六十四氣轉

習滿百二十氣得取得行不得取則止歲月

日時其令無廢常使氣道通利多少任意兼

得參服餌藥益善常當存心思神香火誦誦導引之法爾乃天神錄人心記誠功效兼毅行作通神路以修德行道精思絕俗之特明慎奉行

服氣調習不復飢渴飲玄水雖助氣為力飲過一斗以上則亂氣道飲水則塞氣經脉得氣之後唯飲棗水取好大棗十枚以水煮熟去皮澆取汁煎得三升渴飲之以為常其食粟日可煮十枚若有飢者速至二十三十枚為限若不飢勿食也以飲水為事水不可極多無飲冷水常煮水令熱而飲之其若居世俗官行作習氣調鍊氣道之法不得食一切血肉及生菜葷辛生五果當食熟煮少食之明慎奉行

授付服氣經方要訣品第二

師姓字今於此間郡縣鄉里中告弟子某乙今日授付汝服氣經方要訣汝當奉慎修習一如經法盟經令文奉而行焉如
太上大道老君律令
某年月朔日某郡縣鄉里弟子某乙年若干

歲自誓告師唯唯諾諾今為受師服氣要訣經方法度重律不敢違令若某乙傳非其人一如交刀勅令

又師勅令文弟子自誓文與經卷俱受者隨身章訖受者八拜師讀勅文告弟子訖便付弟子經法飲丹水復八拜復讀誓文訖度交刀訖復八拜止畢

持戒德之人俗纏居世人間服藥斷穀兼服氣及服日精并六戊氣訣別有口法當取師傳口授此三法一法有數等法是以不載文上言約盟

謹按文書臣弟子某郡縣鄉里男女官甲乙年若干好樂仙壽佩符籙戒不越法度善行功成求受服氣經方訣要秘法臣不勝某乙叩搏丹誠謹按科法拜章結纒文交刀丹水宣勅如法某乙自誓若違犯戒律傳非其人身受交刀之禍一如令行乞願典者通行文書差下盟約之神與此間土地里域真官注氣監臨盟令文誓伏須報應臣某誠惶誠恐上言

受服氣法章儀品第三

謹按文書臣弟子某郡縣鄉里男女官某乙年若干某乙修奉籙戒善行功成某乙先受佩服氣經法受樂元氣今日王相日好時良天地清明沖氣和合求表章請受天官氣神監臨不勝某乙元元之情謹為拜章表聞乞願典者通行文書賜天官典氣之神監臨成就使某乙採納八引四引一引百二十鍊形中和清氣入某乙身中布流官府鍊易筋骨使不飢渴長生昇度唯恩求哀臣某乙誠惶誠恐上言

服氣時上章儀品第四

謹按文書臣某乙年若干歲好樂長生延壽不死之道從師某乙受佩真職籙戒符契積有年數不敢違犯戒約善行功成受樂元元前以若干年月日蒙師某乙授服氣要訣呼喻採納經方受勅盟約要當奉受行今日王相日好時良天地清明沖氣和合謹按師科拜章表聞乞願典者通行文書賜下天官典氣之神鑒臨成就使某乙採納八引四引一

引百二十鍊形中和清正之氣願入某乙身
中流布官府鍊易筋骨使不飢不渴長生昇
度唯恩求哀伏願告報

金丹神方法品第五

金精一斤五色芝草一斤五色玉精一斤五

仙人治金精五玉女治五色芝草黃金金中

煮之七日藥成齋戒百日二月寅日合之戊

寅日服之日出卯時東向向日八拜然後仰

口咽一丸如雞子黃一枚即昇天上登紫宮

天上五帝即下而迎之金精者肺上白鏢是

玉精者喉嚨結中氣是青芝者肝中九孔脉

是赤芝者心中九孔脉是白芝者肺中九孔

脉是黑芝者腎中九孔脉是黃芝者脾中九

孔脉是金丹者舌上氣是金釜者中黃氣是

五仙人者甲丙戊庚壬是五玉女者乙丁巳

辛亥是人能存之舉家昇仙天子服之一國

泰清五瘟毒病三鬼盡伏伏匿不行兵甲休

息人民昌樂上無科賦下不輸送草木由蒙

榮潤况合丹者乎金丹一斤一丸重於天地

山嶽物豈能匹華蓋子問玉子曰人皆言天

地有九重之等玉子笑曰天上豈復有九天
也吾盡遊民間記善擻惡行求賢人夜遊九
天之上下越九地之下天有九星故稱九天
地有九宮故稱九地人有九孔故稱九竅北
斗九星兩星匿於陰人有九孔兩孔隱於陰

魁剛一名璇璣六制治萬神揮斥八極天居高

人行從之能知魁剛得與天地並生日月同

明恍惚變化昇入太清吾謂汝國之可為萬

世法玉子曰上有九天下有九地上有九星

下有九宮故東方木王名曰蒼天主温生萬

物南方火王名曰赤天主熱養萬物西方金

王名曰皓天主涼成萬物北方水王名曰玄

天主寒殺萬物中央土王名曰圓天主風西

北方極高名曰高天主清東南方名曰元天

主氣西南方名曰涼天主陰東北方名曰皇

天主政九天之君都號皇天子曰第一九

君名太皇號曰高天主清玄元氣愛養真人

聖人道入故制曰皇天上帝太一道君第二

北極君名曰北辰號曰真天主八風帝王之

令故制曰皇天上帝制萬物第三清陽君名

曰蒼天主青生萬物錄真人第四太陽君名
曰炎天主熱能養成萬物第五元君名曰涼

天主真人仙人熱萬物第六少陽君名曰皓

天主成萬物第七太陰君名曰玄天主寒殺

萬物第八開天君名曰高天主災變第九陽

君名曰元天主氣為雲雨電使作萬神普受

玄師教吾三五步綱所求者得所願亦良求

道得道昇為仙玉出入玄門安樂壽長高官

顯位金紫煌煌求財得財玉帛盈堂心中所

欲不求自彰心中所願不索在傍出乘舟車

入御三光女為貴人男為侯王如得飛仙少

小高翔亦皆躡斗非但步剛三官六紀一名

三令一名三生一名三寶一名六害玄氣為

吾籬落元氣為吾屋宅始氣為吾牀席天為

玄氣正清從我頭上而下入我舍止我肝貫

串九天從我兩目而出水為元氣正白從我

左右脉下入我舍止我肺貫串九天從我兩

鼻孔中而出地為始氣正黃從我左右足下

而入我舍止我脾貫串九天從我口中而出

願其三氣俱來覆被其身周年竟歲永無窮

極次念人身中二十七生氣君髮為青城君頭為三台君眉為八極君兩耳為決明君左目為玄明君右目為元明君鼻為周天妙戶君口為列元王戶君齒為八王君舌為無極君咽為校尉君喉為九御君肝為絳宮君肺為華蓋君膽為長命君心為丹元君臍為紫白君脾為黃庭君胃為太倉君大腸為食母君小腸為導引君左腎為玄妙君右腎為玄元君藏為越道君三焦為玄老君兩膝為小車徘徊君兩足為雷電雲氣君願師子取中二十七生氣常當在師子身中不得妄出。次存師子身中赤子三君為我存泥丸行絳宮丹田不得妄出真人字子丹治人心主主人萬神長生赤子字太上治人頭中主人延年益壽制靈不欲長生無為照明三萬事畢上一在人腦中其神赤子是中一在人心中心其神真人是下一在人臍下三寸其神嬰兒是凡人生之道一切由是念之不止即見神矣腦為紫微宮心為洞房宮臍下三寸名丹田宮人常念三宮中神氣則可長生久視

次念人身中五宮六腑五藏肝為木宮心為火宮肺為金宮腎為水宮脾為土宮亦為五藏肝為左將軍府肺為右將軍府心為前將軍府腎為後將軍府臍為中騎大將軍府頭為上將軍府知內者見外知內有五行六腑五藏五行者肝為木心為火肺為金腎為水脾為土謂之五藏肺為玉堂宮尚書府心為絳宮元陽府肝為清冷宮蘭臺府膽為紫微宮元極府腎為幽牧宮太和府脾為中黃宮太素府謂之六腑肺藏魄肝藏魂心藏神腎藏精脾藏志謂之五藏五行者在天為五星在地為五行在人為五藏在色為五色在天為五星者東方歲星南方熒惑西方太白北方辰星中央鎮星在地為五行者金木水火土在人為五藏者心肝脾肺腎在色為五色者青赤白黑黃所以有間色者甲己為妻夫以黃入青為綠丙辛為妻夫以白入赤為紅丁壬為妻夫以赤入黑為紫戊癸為妻夫以黑入黃為紺故今有間色者甲為木乙為林丙為火丁為灰戊為土己為緒庚為金辛

為鑽壬為水癸為泥夫木氣有所生火氣有所長金氣有所殺水氣有所滅何以明之木氣有所生者春三月萬萌皆簇地而生故知木氣有所生夏三月萬物皆成大故知火氣有所長秋三月萬物皆死故知金氣有所殺冬三月蠢動皆蟄不能飛走故知水氣有所藏滅也夫木氣有所生者乙為庚妻故包金氣先從陽造後准陰化以榆化成棗豆故名為東方之蒼穀夫火氣有所長者丁為壬妻故包水氣先從陽造後准陰化以椹化成麥故名為南方之丹穀夫土氣有所育者己為甲妻故包木氣先從陽造後准陰化以瓜化成穰故名為中央穀夫金氣有所殺者辛為丙妻故包火氣先從陽造後准陰化以粟化成稻故名為西方穀夫水氣有所藏者癸為戊妻故包土氣先從陽造後准陰化以橘化成大豆故名為北方之玄穀夫五行更為夫妻者何皆有夫妻故土欲東遊木往剋之戊嫁己為甲妻木欲西遊金往伐之故甲嫁乙為庚妻金欲南遊火往殺之故庚嫁辛

為丙妻火欲北遊水灌而滅之故丙嫁丁為
壬妻水欲南遊土往竭之故壬嫁癸為戊妻
故知妻矣夫五行有相刑滅毀或死者何木
之穿土不毀火之燒金不毀者何木火者皆
陽氣好生不殺金之伐木死水之灌火死皆

陰氣貪故所刑皆死五行心為火行肝為木
行肺為金行腎為水行脾為土行五藏法五

行肝為木所以得水而沈者何也為甲妻得
土氣令其沈肺為金所以得水而浮者何辛
為丙妻得火氣故浮脾者土得水巨居中央

○癸為戊妻夫土者五行之中癸動土故脾得
水上不至上下不至下正在其中央何癸為

戊妻夫土者五行之中義說之以合五行意
木從亥生盛於卯死於未亥卯為陰賊不可
興百官百事不吉水從申生盛於子死於辰

申子為貪狼不可行用辰日姦未日邪戌日
為正丑日為公姦邪惡公正辨

絕穀品第六

絕穀真丹煎方用白蜜三兩白蠟半斤真丹
三兩凡三物洋蠟於火上乃納真丹及蜜火

煎當九上九下藥成丸如梧子服一九日三
輕身益氣終歲不沉作之勿令女人見獨於
密處合作之好耳

今人長生方以七月取穀楮二升正赤者陰
乾擣水服方寸七既令人久不見鬼及見地

下物

神仙服食丹砂長生方丹砂三斤細擣下重
絹篩之盛銅甕中以淳大醋九升灑之令如

泥狀置高熱處使乾復灑之如前法一斤丹
砂盡三升大醋乃藥成常暴之三十日當紫
色攪之不汗手引之如鉛乃可矣丸如麻子
以井華水日服三九常早晨服之若欲服藥

先齋戒三十日沐浴五香湯乃可服之一日
三蟲盡出服之六日身中一切諸病盡皆除

愈服之六十日則有所見服之一年髮白更
黑齒落更生服之二年色如十五時神人自
至日加一丸至九丸止服之三年已上當有
神人未見服紫芝蘭衣持葉末上有紫芝蘭


而食之勿恐怖安心定意自然萬物來至役
使百鬼神皆得見其一神名為上其二神名

為壽其三神名為恒此神皆能致萬物呼百
鬼名字皆可致也能入水火木金石土略而
言之及一切所入悉皆無礙變化自然徹見
萬里之外道力與盛無為自然內視五藏為
真人諸神皆識之出入幽冥道所成矣壽命
萬八千歲常能服壽命無窮服但少飲水欲

作藥當齋戒潔淨在夏至前合藥勿夏至後
服藥法禁食血飲酒諸肉生菜此非賢不傳

殃及子孫神仙秘方甚良矣

修真之道精思服符守神鍊氣為本凡鍊氣
者先服此符一年斷穀然後傳之賢良明慎
奉行如法 符朱書



服上二符百日如
飢服此一符助之

右此服氣斷穀神符清朝以井華水若東流
水日吞六符一時吞之以為常則誦曰服氣


初法起於卯時頭首向卯辰時向辰巳時向巳午時向午日中後至亥時是死氣時不得取氣當避大風大雨雷陰寒昏晦候天地清明日出乃可取氣耳若日取已午後此則陰氣陵陽傷損五藏服氣無益明慎奉行

扁鵲救卒死符正一真人所出
服符品第七



此符治卒中惡飛尸入腹痛急口噤丹書水中及書紙作符三九與吞之不愈復作令滿三畢以書心下及腹大書之無不愈

長桑公子秘符



此符治感忤傷心不得氣息以丹書白紙寫此符三通置三杯鹽湯中按次從左始置服三符愈



此符治卒腹痛腹脹氣欲絕者如飛尸狀以丹書此符於病人腹上大書之令滿長竟腹益佳亦可服符



此二符治卒逢惡客鬼刺心痛氣欲絕方以白紙丹書之先服上符須臾不止復服下符不止更從上起病已死而心下溫纔動者服符皆治口噤不可開者當折齒納符符入口而已不必入腹亦可折葱葉納符中納鼻極深入當復以水推送之搖通復推之即活此符神驗

又張天師說扁鵲卒暴立起死方初與南嶽夫人故列之于左畫符當鹽潔乃後就事向月王閉氣書之法先以青黑郭外四周乃以丹書符文於內若無青丹亦可用墨書治邪

病符當用虎骨真珠合研畢乃用筆書符大素真人教裴君二事為真之法日旦初出之時臨日閉氣十息止又咽日光十過當存日光使入口中即吞之畢仍存青帝君從日光中來在我之左次又存赤帝從日光中來在我之右次存白帝從日光中來在我之背次又存黑帝從日光中來在我左手次又存黃帝從日光中來在我右手上五帝都來乃又存陽燧絳雲之車駕九龍從日光來到我之面前仍與五帝共載而奔日也裴君止於空山之上修行精思一年之中髮髯形象二年之中五帝遂乘日見形在左右三年之中終日共言語笑樂五年之中五帝日君遂與裴君驂乘飛龍之車東到日窟之天東遊長丘大乘之宮八極之城登明真之臺坐希林之殿授裴君以揮神之章九有之符食青精日粒飲雲碧玄腴於是與五帝日君日日而遊此所謂奔日之道矣日中亦有五帝一曰日君太上隱書中篇曰子欲為真人當存日君驂駕朱鳳乘天景雲東遊希林遂入帝門

精思仍得要道名上清靈列位真官乃執鬱儀文章二事為真之法日夕視月臨日閉氣九息止又咽月光九過當存月光使入口中即吞之畢仍存青帝夫人從月光中來在我之左次又存赤帝夫人從月光中來在我之右次又存白帝夫人從月光中來在我之背次又存黑帝夫人從月光中來在我之左手次又存黃帝夫人從月光中來在我之右手上五帝夫人都未乃又存流靈飛雲之車駕十龍從月光中來到我之左仍存五帝夫人共載而奔月也裴君止於空山之上修行精思一年之中髮鬢有姿二年之中五夫人俱乘月形見在君左右並共笑樂五年之中五帝月夫人遂與君共乘飛龍之車西到六領之門八終之丘協晨之宮八景之城登七靈之臺坐太和之殿授裴君流星夜光之章十明之符食黃紫津之粘飲月華雲膏於是與五夫人夕夕共遊此所謂奔月之道矣月中亦有五帝夫人外經云日君夫人者日月君也太上隱書中篇曰子欲昇天當存月夫

人駕十飛龍乘我流靈西到六領遂入帝堂精思乃見上天皇乃執結璘文章裴君曰精思對日思日中五帝君夜則精思對月思存月中五夫人五年之中日月精神並到共乘飛龍上遊太玄始學則五靈形見授書賜芝修成則日月五帝君夫人驂轡清虛乘雲大丹朝謁三元稽首金闕乃獲玉靈金真威制群神玉女玉童朝夕侍側受書為真假神虎之符以制嚴六天授流金之鈴以命召眾精仗青毛之節以周流九官皆由精思玄微幽感天心是以靈降兆身上昇於帝庭耳道士行者則是耳不必已仙人也君處密室日月不見時但心中存而思之亦可不待見日月耳要見而視之志往唯訣精思心盡無所不通此言要矣先存五星在體中夫注心於道真靈亦具鑿其意也若大難未披假謙存實復未能迴西榆之年還髮玄童矣耽玄篤也志之勤也縱令力竭面皺頂生素華者我道能變之為嬰兒在須臾之間耳但問志之如何耳老少之學無所在也吾往即其人也

又一法作齋齋長一尺二寸丹書其文某郡縣鄉里某甲欲得長生登仙度世飛行上清真人至神五嶽群靈三官九府乞除罪名書奏畢以青絲條金環一雙合以纏奏再禮北向置奏著石上因以火燒奏令焚盡成灰乃藏環於密石間而去勿反顧無環亦可作足火既一雙以代環用古人名之為從容珠子也多口嫉妬之人盜之盜之非但無益乃更致死如此十過天上五帝三官九府更相屬教除人罪過著名注仙錄形定籍入山求芝草靈藥所求皆得神仙玉女自來管衛虎狼百害不敢犯人神仙祐助恒欲使人得道開人心意惡鬼老魅不敢試人行此學者易而無患若道士不知此術入山必多疾病不利數為鬼物所試若在人間則多軼軻疾病不昌願不從心能行此道長生神仙矣

建志學道養神求仙所忌品第八
夫建志學道養神求仙者常當沐浴致靈氣
王女降不沐浴者神氣不來
夫學道者常當閉口勿言言學道者三官壞

人急當慎之

夫學道每寡言事泄者減一算

夫精思者當先燒香於左右

夫學道者當獨處一室不得與人雜

夫衣物類亦忌借與人致邪氣不祥

同志者謂同契耳當忌穢汗見死屍犯真氣

服雲母末不絕房內不斷血食則不延年久

久使人關節發癱

服玉當服雄黃不爾久久令人發熱身內以

水灌之如灌沃煉即殺人

服玉屑便斷陰陽

服玉漿當飲冷水不可熱食

諸服玉當斷五辛及於血食不爾不能長生

諸服草藥而食猪肉者皆益病

諸服雲母宜先服胡麻一年不爾者不損人

亦可後服

諸服雄黃八石皆宜斷血食不爾者久久令人

人半身不遂慎之慎之

服丹藥入汗穢家及食肉葷之味即傷人學

道者通忌之

服黃精禁食梅服木禁食桃服地黃禁食大肉服天門冬禁食鯉魚

入山採藥品第九採藥日

諸入山精思不欲聞犬吠慎之慎之

諸入山皆絕慮百日不者令人恐驚見虎狼

玩蛇

入山採八石牽白犬抱白雞即得所在

入山採芝者以有陰雲不見日勿以有日也

又當執一斗白鹽令求易得二豆為一刀圭

二刀圭為一撮二撮為一方寸七

散藥九服之者一寸七得梧子十九

老君乘龍符丹砂五斤水銀三斤末丹砂和

水銀置屋東行雷下百日便為步引氣取之

納雲母粉三斤納甑中蒸之一日一夜中和

白蜜一升攪之蟻窠塞口重裹之立春日納

井底秋分日出之其藥如水銀狀服如一寸

七日三竟並齋乘雲上下無有係著玉童侍

從動移萬里夫合此藥宜先齋戒不宜至喪

葬之家及見諸穢婦女雞犬致壞精誠此藥

使人神化余有服食方十卷自昔及今世傳

此八方以為妙訣不稽日月而可制御群靈

化容改形神變混淪白日陸沈不妨於九經

夫道物所用皆奏太一雜薪所用皆從福上

來近已教授無不如意此少能施則仙也

正月一日二月二十五日三月二十日四月

十六日五月十一日六月六日七月二日八

月二十五日九月二十一日十月十六日十

一月十一日十二月六日此皆是天倉開日

可入名山行採吉

正月子二月丑三月寅四月卯五月辰六月

巳七月午八月未九月申十月酉十一月戌

十二月亥十二日是地倉開日可入名山久

居安穩無患

神仙方常以六丁日沐浴五香令人身清淨

六丁日掃除內徹視千里五年出無間入無

孔通神明入水不溺入火不燒長浮雲中一

舉千里能修之可長存也

治蟲諸方品第十

茱萸東行根一把剉截兩頭好米一斗合釀

熟去滓宿勿食明旦飽服蟲盡隨大便出下

又方萊萹東行根長一尺麻子八升以玄水八升浸之一宿絞去滓宿不食明朝盡服尸蟲盡出矣

又方萊萹一升擣下篩淨清玄水二斗浸之一宿宿不食絞去滓服一升蟲皆出去壽百二十歲

又方蕪荑一升末之麻子汁一升合和宿不食盡服之九蟲皆出壽百二十歲

又方栢子四枚鼓四枚桃核仁四枚已豆四枚凡四物皆熬之令黃擣下篩以蜜和丸如

麻子小兒服二丸中人服如小豆二丸大人服如大豆三丸下蟲千萬枚

又方桑白皮一斤玄水淹之微火煎之令得三升去滓宿不食服一升半而不耐者服一

升蟲當下明日復服必當下蟲非但治蟲亦治寒冷餘病為治久久復發此永無發時欲

服藥取炙棗食乃服之治蟲令人志強目明淮南秘方用雄黃末之混沌白和之服如大

豆三丸目見千里
初入名山求隱藏度世出天藏入地戶六癸

為天藏六已為地戶欲得天心時加天心求道得仙吉

初欲入山求仙當以天心日者寅日六巳是天心時者己巳己卯己丑己亥己酉己未是也

初出當須此日又入名山常用甲子開除日以五色繒各五寸安大石上所作事必得

初行避三庚三辛三壬庚者庚日庚時入庚地是也三辛三壬皆是如此也

欲入山林野澤禁蛇法至山下入時作一氣左手取左面草一把又作一氣安草與道中

又作一氣以石錄之便過去勿反顧若將人從行令先度前去訖能禁止安草間立作一

氣一人度與一氣人人皆受氣通了便去亦勿反顧過數百步可以意行前後若行逢蛇

成索逢虎成石

真人入山大禁法左手持刀一名握固三十八氣入氣出二十八氣無所畏也

治人卒中蟲毒腹中痛若謂蝦蟇科斗蠅娘取秦鷄屎水服二錢七則吐諸蟲也

三洞道士居山修鍊科

正一天師告趙昇口訣

吹八

天師告趙大夫曰吾欲告子口訣不忍言昇叩頭千下願見哀憐賜昇一言師曰且止須明年相告至壬午年正月七日中時於雲臺治閉房昇叩頭千下師曰太上有吾吾有汝然官契至要難可具宣道重理妙不可妄傳今九天俱立使六天出治隨世分布三道治正轉亂不能中正三五之氣上三天恚怒無本父母臨正使太上老君絕世更立正一盟威之道太上開化不以吾輕賤小人受吾真法為百鬼主者使開二十四治以應二十四氣宣署職錄以化邪俗之人黃老赤錄以修長生吾言大道永畢太上老君前與尹相吾臨孟津河上告吾天有常運大期行交先不治三天清遵父母大神今躬臨正統理三天上治使李君下牧萬民吾欲不就事上官命嚴命放六天故氣三官百鬼以大兵大病虎狼蛇虺百毒驅除天下富爾之時枉暴者衆街痛泉壤善惡不分莫不可言天市地盈都停二十四萬人為種

民先得道神仙者不在其例聖人前敕三陽比筭南至大江北至北濱東至東夷西至濛泥已逆注十萬人名上太玄紫簿餘十四萬人於三代之中索之遺十二仙乘飛龍官從二十四人十二玉女周旋天下考校州郡里域求清貞慈孝忠信朴實之人以充種民使吾先授職錄化看人情後授黃老赤錄分別善人以補種民仙官周行考求吾所分別善人以補種民大期將盡金馬甲子日既西傾我立不停德應人主先為世相此甲子為斷自此大簿既定不須受籍甲申大水蕩沃穢濁仙官乘龍日不進寸不見種人但見佩黃老職治之人與三官百鬼文墨紛紛更相毀鄙濁亂清文多佩錄職自稱真人實術自榮妖惑愚人貪尺帛十錢斗米聚斂人物求目下之安不顧大命將至三官條狀受賊贓不恥名曰劫盜之物信義不送亦同其罪中犯不正名曰奸淫三官皆錄為奸盜身入三塗名編黑籍太玄紫簿未得一人吾親在事尚復知此後世當以黃赤相傳以為常事不可

分別太上憐愍百姓愛念善人甚若赤子且上期急促太上求申至壬辰辰巳為料種民應備事急今出太玄九光萬稱生符以簡料真一甄別種人太上敕十二仙官遊行天下見有佩吾萬稱九光符者便以種民定數注上太玄玉錄壹無所復問至太平之時聖君自當簡料隨德分敕天下億鬼兵將百毒皆衛護種人使至太平之世舉家完全如有毀傷檢校所得即斬今三災之世交爭方與太平在金馬之末年歲尚爾世非賢人所處吾不忍先經土戶白日昇天當須神丹便與昇長避世隱居採精石髓玉魂羅珠鳳腦芝英奇異絕殊隨四時能令十日丹成各服刀圭身變五色毛羽立生體融金光太上遣仙官乘鶴鹿來迎昇天翠羽登騎翔英稚二生攀龍俱舉趙昇侍從俱至無極之崖青雲之中躍龍躡躡徘徊天路顧呼趙生吾今即位衆事敬積料生別死大運期近不得中還以太平為期汝且還料理治中普告清信男女諸弟子忠貞者大運已促勤以忠信為務勿

貪財色夫天生萬物皆有終始

老子隨時改易皆應大運人生滿百二十要當還土戶十鍊九轉名上太玄紫簿者命終亦經土戶魂魄即登紫府侍衛聖君須至太平之世魂精還其故形白骨更起血氣更流始經宿昔之間暮卧朝起化示世情當斯之時明此符真雖受職治黃老要大紫黃金剛不見九光萬稱之符不免三官驅除死沒黃泉不得過土戶骨肉反腐魂魄付三官拷楚荼毒難言不欲尸解者當合神丹故須九光萬稱生符不得此符不得名上太玄生簿此符如天子有五璽三公有黃鉞諸侯有印綬若有清賢志士死者生時未見此符追授死人至太平之世死尸更生與聖君同出吾說此符口不忍言不忍以付弟子非世所見得吾此符但當修行潔己慈孝忠貞精誠自守信真任道考官日日門至戶達觀看人心若有厄急懸命漏刻但正心向道把九光萬稱符至專救度人也此際會之恩聖君屈節日近所稟未至聖君垂出不復經土戶自然得

壽萬八千歲但聖君當簡科其中各有所在爾其是壬辰癸巳前得吾九光萬稱符者皆在種人之例壬辰癸巳後受符無復及也眾官集紫府仙官還天曹復不得受人也此是聖人心口中秘言秘符平常不忍出也今事

促不得空囊傾心也遺侍郎一人度世玉女一人隨此符不慈不孝不忠不貞不誠不信之人脫得見吾此符侍郎玉女迷塞其心不使得受應合之人神開其心趣得見勤苦求請三一有百人萬稱九光有一人三一有千人萬稱九光有十人爾形影天下眾靈共秘此符故使希見世間不明吾言子看後世萬人受道者約無一人得佩此符者今以付子是吾極耳子勅後人推擇忠良清貞一心者依科盟授千金勿示也三十年吾遣人迎汝趙昇稽首再拜銜命奉辭

正一天師告趙昇口訣

玄和子十二月卦金訣

吹九

復卦初爻起一陽子時符節轉天罡復卦者主十一月一陽爻初生丹象以十一月為初春用事故子時還丹符須順天罡而行火也玄和子意用是象日昃法高竒妙

手修金鼎清淨齋心奉玉皇十二內禁日凡修丹之人乃是玄玄妙手也須潔淨專奉如對高真玉皇者也白虎未能全制伏青龍從此漸翱翔白虎與青龍俱在鼎中白虎金未能制伏青龍龍方得文火漸為騰躍之也神仙自古皆同秘誰道還丹別有方自古至今神仙皆秘借此道前賢後聖亦以同此一方便無別理唯丹之名號則不一耳云

臨卦分明運赤龍中春時節兩濛濛

者為二爻生火漸大已是中春節催青龍昇降如雨濛濛董董之迹也海波漸減高蓬岳玉戶潛扁避隙風簷皆有門門有扇開閉以避隙風也配合已知歸敏手變調須順有玄功鉛汞皆先須配合得訣方可

入昇卦用爻調運其火候無差方生化成
玄功也祇緣會得乾坤數從此三清道路
通齊煉之法先須得乾坤水火之數方始
運丹丹成則三清神仙無有不通

泰卦方知二氣平鼎中騰躍漸分明龍吟

虎嘯真堪聽電激雷奔轉轉青龍與白
虎在鼎迥相啣齒食運丹之人專聽嬰兒
之聲以俾騰火候火則如藏雷電雷之聲
漸行武火春景已闌為北戶火雲將熾映
巖城至泰卦已行盡春令符節鐘北戶皆
却閉之火漸武映鐘而明也城即鐘也用
之如城也幾人知此長生訣功滿金家上
玉清謂世人但貪愛名利須死虛生萬萬
人中無一人知有長生之道是此丹也如
人修丹成陰功又滿他日必上昇也

壯卦初臨道若何火大漸進赤雲多

壯卦四陽爻為夏首大漸武也故云赤雲
多也壺中日月能符節鼎內風雷湧碧波
日月陰陽二氣也謂能應時運其符符只
鼎內自在如風雷湧其鉛汞也側耳漸忻

聞火微點頭時復許煙羅火室羅公開鼎
內水滿火熱之聲則青龍漸困丹轉有功
看看便是還丹熟萬訣千經更莫過凡開
鼎中火熱之聲丹漸熟謂法不能過也

夬卦中分夏景暄一陰非久變純乾

五陽爻生是丹象中夏之節漸及至巳則
為乾卦故云非久乾之至也解擒白虎能
容易降伏青龍豈偶然五陽爻主則行大
轉武甚也至此時青龍白虎自相制伏也
漸漸蓋中飛紫粉看看鼎內化紅蓮凡採
牙後運丹至此節使亮上鼎蓋者如紫粉
色中及四面者如紅蓮花色也待逃數盡
終歸去却反金壇舊洞天凡丹成服丹之
人皆十日為限然須行陰功在世逃數足
後方隨藥成功火者白日上昇或夜間上
昇城市死屍解也天解化世華陽洞有金
丹壇百丈是八大洞天也

乾卦巡行六位終火光赫赫滿鐘紅

乾卦巡行六位終火光赫赫滿鐘紅行六
位至乾卦丹家謂陽爻為火鐘炎光即丹
至此時火最大赫赫極盛之貌所以滿

鐘紅也變調至此齊諸聖愛護將昇入九
宮還丹至此火極無龍之時內外變調海
水水俱竭諸聖皆愛護將入午位即南方
禹為九宮雷息電收蒼海竭龍嘯虎困鼎
壺空易曰亢龍有悔即陽極為亢當此之

時青龍被白虎噬食已盡白虎已自用伏
雷電寂臨鼎空無其青聲也先生妙手通
玄理攢簇陰陽一室中運丹之人得到此
位皆齊諸聖至玄龍也故曰妙通玄理攢簇
陰陽者世人雖留心大道多不知年象月
亦象唯日時是訣攢簇陰陽通於造化至
理也
老子歌云聖人奪得造化首手搏日月安
鐘裏微微騰倒天地精攢簇陰陽走神鬼
日魂月魄若箇識識者便是真仙子鍊之
餌之千日期身內無陰那得死

始卦看看已太平離宮依舊布祥新雲收

雨歇時無事香馥花紅別是春始卦一陰
生易曰履霜堅冰陰始凝也丹至此漸已
太平離宮午之位也先者火也金虎元君

兩界同符故言依舊也鼎內雲雨收歇丹以香紅如春始也還丹自然歸有道功夫何處訪同人丹土有九還七返此類從十一月還陽至五月却返其陰數各有其道也若運丹以此功夫竟同人似我者何處

有也火元長生到此非容易為學三茅繼後塵長生之道莫過於大丹若到此符節知其妙用實罕有人若到此則非容易而來也可繼三茅真人之道塵也

遁卦元來景正秋却歸坤位火雲收人間

七月為中秋丹家六月為中秋言歸坤西南也陰爻漸生陽爻收飲也旋添海水聽更漏暗想紅霞滿十洲爐上有水海入陰即滅室內想有刻漏以則時候丹到此想滿鼎紅如霞之光也洞裏姓名元有姓鼎中龍虎已無憂若解如此運丹已是洞府錄其姓名有神仙之分謂丹到二陰爻生則無衝失之為也時人昧道攻胎息誰識還丹號紫遊時人但則只學胎息氣術以求長生殊不知胎息是小術未能換骨化

形故萬仙翁云道士盡患癡唯學於胎息豈知有紫遊之丹白日上升之道矣

否卦將來喜稱心三陽已退却歸陰黃茅

結後花爭發綠水添來海自深否卦三陽爻已變為陰爻故之歸陰也黃茅化大丹

如花得春自然香紅水海已添乃半故深也解向室中權造化却歸塵裏混光陰修丹之人於一室中運用乾坤二卦權捏造化生成丹藥如天地生產萬物一般丹之後裝鼓行功却在人間也因嗟久別當年

侶金鼎無緣何處尋謂常時同修丹之人位干戈之後久別不知音信不能同緣成其金鼎也

觀卦依希道已終酉時符節恰分中酉時

是修丹經訣言當其中以亦後學簡八月也六月當天地分中位也自知火候通玄

妙想得還丹滿鼎紅言大候既得玄妙丹必照成其紅粉也處世豈能憂白髮住山

偏解伏青龍既有紅粉之丹又何憂白髮不再黑居山得道言解伏青龍成丹神仙

志士雖言了未斷凡心不可窮云我此金丹候之訣皆是神仙至訣盡法俱已言了若几常之人心生浮薄未契道緣不可窮道也

剝卦輪還二氣全修丹到此號神仙謂五陰已還陰陽將全丹得到此則神仙也玉

堂春晏籠香靄金鼎花紅垢瑞蓮玉堂即丹室也金鼎即丹鼎也丹至此時自然香

風滿室鼎如新開紅蓮之狀海浪自然澄碧水夕陽容易泛流年陽火漸退上水即

添澄靜不動時已夕陽還丹火將中一年

之候故泛流年世人只貪紅塵事豈信玄

中別有玄言世人但知名利財色為樂豈

知有大還丹也金丹從天運有假為基地

於一中取自然而成矣

坤卦須知位已週從他文火自遷留至十

月已十二位周而巳已微細純陰結時文

火自遷留却將香簡朝元斗重整衣冠祝

太立行水火陰陽數已周足運丹先生遂

將香簡於壇上朝謝天地真靈再祈星斗

目護丹窻免有邪氣侵也愛護鑪寒方敢
看徘徊心想未嘗休來晨禮謝開金鼎紫
粉霞光最上頭至未日鼎寒先焚香禮候
天地真仙方開得見其丹已成中最佳飛
上鼎蓋如紫粉色光明者號紫遊丹成矣

玄和子十二月卦金訣

雨暘氣候親機

筮一

太陽

日未出先拂晨於東方日出處驗之黑雲如
雞卵如旗山陣烏墨龍頭蛇魚靈芝牡丹
並應當日未申時有雷雨或紫黑雲穿貫日
及在日上下並應當日若黑雲如魚鱗主有
風三日後方應雷雨

太陰

月色紅明日大雷雨色青赤應明日有圓光
大如車輪者明日大風三日後方應外有白
雲結成圓无不甚明日亦大風

天罡

星星紅色搖動雷雨青色搖動明日大煞伐
星上若起白雲明日大雷星上若起黃雲炁
貫文曲星大雷雨雲炁早上或有白雲自斗
中出明日大雷雨應未時白无恬靜明日決
無

北斗

白雲遮斗明日大變應未申或斗上下有雲
如魚鱗明日亦變白雲旱二星三星明日大

雷雨斗中有雲炁如水波白色明日大風斗

中上有雲如亂絮止有風斗下有黑雲擁上
者當夜風雨生斗下斗只有紫黑炁三日後
有雷雨青色應未日紅赤色應火日餘日雲
霞同如黃雲貫斗不過三日大雨白雲炁貫
斗亦在三日內兩黑雲炁貫斗立有風雨斗
下有閃電過斗及斗口當夜有雨

龍炁

拂晨東方看有五色炁如線過西者當日風
雨致雲與霧在中天而止者三日應晚日沒
有五色炁界過東方者三日應

白虎

早起東方有白炁近太陽不甚遠此乃自寅
出申巳時隨日則未申時隨日應酉戌時有
雷雨

河炁

有黑雲成塊大者有風其形如猪渡河黑雲
如爛絮枯木若霞或遮太陰或在月下上應
明日雷雨白雲如綿絮小雨鱗而自南至北
者明日南風至別方同在日落後驗之

雷牌

拂晨看南方有黑雲最高者是謂之雷信明
日巳午時至中天而散去應未申時東方雲
頭高東方至餘皆同

震雷大雨如注風沙拔木

欵火下水府開旗發號令申酉現雷
夜子時發次日雷雨霹靂地波流

欵火出司日初丹黑雲如雞頭如旗
山陣鳥墨恩龍頭蛇魚雲芝牡丹未

申時雷雨如魚鱗止有風

欵火駕街巳午時出未時雷雨未時
見申酉時應

欵火會金虎帶雷殺出遊來日未申
時大風雷雨誅人畜伐廟天昏地黑

飛沙拔木掩日不開當日雷雨
欵火會金虎出遊巳出午應申出酉

應狂風驟雨乾上出有誅伐異良坤
入無震坎雷電雨可畏離兌入善

欵火出遊未申時雷雨大作陸地波

流

欵火帶白虎出遊來日早申時雷雨
大作

欵火會雷震大然名赤難紫鷺未初
雷電大作折木誅人驟雨傾盆

雷司化水頃刻雷電大作霖雨傾盆

欵火號今雷部諸然聽命未申時狂
風飛沙走石雷電大作大雨伐廟邪

拔樹天昏地黑
欵火連金虎傳今巳午日有暈外有

雲形如龍蛇三日內雷雨大作東南
方必伐廟邪誅克惡之人

欵火與太乙交會今日現來日狂風
驟雨誅人伐廟拔樹

欵火躡舍或成段或如布幕去千萬
丈大旱狂風如此後閉日未申雷雨

掩日雲帶望異方擊人伐精
微鳥現迹又名赤鼠遊城五六日南

方如此夜天河中無雲久旱極不可

祈禱天數也

金火大殺會戰未時雷雨大作大震
誅妖折木狂風冬月大雪無雲有雷

聲
北斗都水使者出遊風雨大作通濟

通流但有北斗在近或天河近二更
時前後應

九斗陽芒火鈴將軍擲火同赤鼠五
六七月壬子至丁巳六日內有雲炁

如此早類不可祈禱
乾精大然黑龍如雲魚雙行度巽三

日內風雨大作轟雷掣電誅妖惡伐
畜人

冬雪雷符出遊申酉戌亥子丑方現
朔風大雪四方現形多則有雷電

辛君出遊金虎大然四方無雲而忽
有黑雲如龍蛇或閉月來日未申時

雷雨三處來掩月伐廟誅人
子丑夜現掩月雪凍夏秋風雲雷雨

電轟蝗人遭劫春三月如電蛇多者

六七月風雨多

辛君與使者出遊來日未申時雷震霹靂風雨大作誅邪伐木

辛君會雷震大然遊宮黑雲如龍蛇入月自良來狂風驟雨伐木誅妖此方人民多災

金虎大然至宮春當時風雨夏秋明日未申時雷雨暈多擊伐

辛君遊月宮黑雲如蛇自允入三日大雨

使者領大雷五雷使者出遊即使者與五炁雷公也來日未申時雷雨大作

使者會北斗都水使者來日未申戌亥時大雷伐樹誅邪擊人畜殺伐

使者今天罡趕煞一二日雷雨大作白炁風伯朝斗來日刮地狂風飛沙走石雷雨

使者會雷師出遊來日狂風大雨霹靂誅妖

雨陽氣候親機

使者會都水水晶來日必主雷雨

都水使者出遊來日未申時大雨作

紫微察訪人三日內必主有雨

天罡會太乙七日內大雨陸地成河

霹靂伐廟誅精擊人畜

太乙交宮黑炁如雲過來朝斗黑雲蔽斗當夜雨開了來日未申時雨大雨雷如霧冲斗口亦同

青色光芒九九早數不可祈禱蟲蝗大發光長

使者如黑猪過河或成陣來日未申時大雨如天河中聲如風響名使者捲水來日大雨平地波流

焮火展翅當日申酉時雷雨大作

諸雷炁候

天雷巽上起鬼門上震又其聲隱霹靂雷惟一聲入地此是天雷發撼

焮火降其雲如鳳翅或鱗並現青雲之上至中天方黑或申日落山時現雲

神雷降則鳴于東

異雷降其雲自東或巽或南平如一字或光或黑至中天則風雨大作或黑在中天一字

白雲在巽則不雨

水雷降其雲向上出黑雲或青雲出水波樣如此則風雨立至

太歲雷降其雲一色極黑一邊略此白雲光彩如筆鋒移時暴雨迅風作也

社令雷降其雲黯黑似淡黑雲中出粉白雲如畫若值天晴雨此雲現或雨陰現皆有大大風雨作七日來復定局

虛宿甲子 庚子胃 庚辰丑 壬午角

癸未九 乙酉房 庚寅畢 癸卯井

癸亥壁

奎宿甲子 癸未尾 庚寅室 壬辰奎

庚子鬼 庚戌心 壬子箕 癸丑斗

乙卯女

畢宿甲子 庚午星 壬申翌 癸酉軫

三二一五九九

乙亥元 庚寅胃 癸丑充 庚申畢
 壬戌參 癸酉房 庚辰虛 壬午室
 鬼宿甲子 庚申參 庚子氏 壬寅心 癸卯尾
 庚申奎

翌宿甲子 乙丑軫 庚辰奎 癸未昴
 癸卯女 庚戌胃 壬子畢 癸亥張
 氏宿甲子 庚午斗 壬辰虛 庚辰畢
 庚寅角 壬辰氏 癸巳房 乙未尾
 庚戌參 癸丑柳

箕宿甲子 庚午室 癸巳斗 庚子奎
 壬寅胃 庚戌星 庚申箕 壬戌斗
 癸丑女

寅乙波濤庚午火辰寅與浪已庚同已如達
 癸炎光發午未陽壬癸在通申上過庚陰半
 古房星紫室四番紅傾河畢背奎婁壁翌軫
 允箕斗化龍

妙洞引

妙洞隱顯運龍韜且會東來黑炁高雲陣開
 來開復合晚西重隱閭籠袍須知淡色相同

晚水炁重更始見遭陽炁闢機開合顯如箕
 如首氣雄豪或男或女兼牛畜不免加兵碎
 莫迷怒氣黑紅兼叱咤細明此理便堅牢比
 斗自上鳥飛下三沒餘存四示曹妙甚二存
 蒙彩上上存下沒小風騷陽家繞退西隣北
 未二條三或二操直上中衛斯是敵東西輪
 逼脚迢迢雲仍如堵高來半暗合乾坤也遇
 淘包了畢箕名吐古年方癸丑黑穰號黑穰
 頭上達雙品西南東行又戰臺先著緋黃後
 披皂宣龍子字曰班熬初初真學繞斯記更
 把靈樞辨唧嘈

先天一炁雷霆玉章

夫天稟星象地推五行列二十八宿之縱橫
 有三百六雷之造化高月上覆日月星辰潛
 沉下載風雨龍神歲君之早各有分野天炁
 下降地炁未升而先有兩天之至早六九之
 旬日光未升日炁未動而先有兩號曰旱魁
 之神故乃天主旱也非運動身中之造化而
 合天地之造化何得而兩也太陽者乃歛火
 之神也太陰者乃都督猛吏之神也又有都

水炎司者亦存其章矣若非幹旋不得報應
 雷首歛火律令君 號曰白虎大煞神
 有日若或此煞現 金剛犯著也成塵
 日傍黑炁如龍現 定是須臾風雨興
 東升西入雲貫日 戌亥未申兩作霖
 赤雞紫鷄在其中 重則當日雷電冲
 狂風折木誅精怪 霹靂威聲遍太空
 天旱之年看雨師 兩師立脚重如山
 頃刻之間雷兩作 黑雲未雨密虹生
 未申風雨定誅怪 伐壇破廟震雷轟
 烏猪吐火有雷神 未申風雨及誅精
 重則雷霆轟霹靂 冬九十月雪霜凝
 夏月南方雲似火 嵯峨耿耿直冲天
 又無雲炁入天河 九九之旱天數然
 甲申丙子陰霜現 到此方知小雨天
 亥子之間肅靜觀 黑牛半夜把河穿
 更看烏雲貫斗月 此時風雨遍山川
 六甲晴空天主旱 壬子丁巳赤龍現
 仰看天河星斗稀 早數當時雨難見
 清晨若被烏雲蔽 黑翻皂纛不堪聲

未申風雨雷霹靂 伐壇破廟更誅精
 巳午日暈龍蛇現 第三風雨迅雷鳴
 東南方上誅人鬼 古木惡廟不留停
 太陰西段度異方 獨行明日生風雨
 雷電飛空定伐人 更誅六畜妖邪鬼
 或是雙行度異方 號曰乾精大煞神
 定主第三風雨至 轟雷殺伐震乾坤
 烏衣如霞日不光 或如幙布千萬丈
 號曰關伯天地驚 未申雷雨及風狂
 日在青天雲又侵 龍行紅暈照乾坤
 忽然離去數十丈 又有一輪紅日明
 二人相併一同行 號曰雷霆前煞神
 未日見時申日雨 狂風拔樹鬼遭刑
 旱數之年看木郎 樞機神煞要推詳
 忽然兩脚隨山走 數定今年旱數常
 烈日青天數點睛 三朝風雨未申霖
 猛風折樹誅精怪 牛馬遭刑不孝人
 雲似亂壞大風作 霧起遮天日月昏
 頃刻青天轟霹靂 風雲雨澤通山川
 霧蒸遮天如龍現 現則第三應未申

寅日遠時辰日雨 妖邪六畜受天刑
 清早東西雲似火 猪牛形狀未申傾
 西北晚有雲遮日 月蒙雲急雨當旬
 東南雲起如龍馬 當日之間風雨隨
 西北有雲如鷲撲 三朝申酉雨來期
 黑雲煙霧分輕重 重則風雲霹靂聲
 烏潤如山形似獸 先雷後雨不須疑
 霧露下山天欲雨 重則三朝雷雨聲
 輕則七日傾盆雨 霧蒸遮天七日霖
 日將晚兩旗脚現 不然水蒸過天津
 定主未申風雨至 滿空霹靂更誅精
 雲如鷲續歸大嶺 任是真仙雨也無
 更有一般堪笑處 不知玄妙却書符
 太陰之宿猛吏神 掌善伐惡定吉凶
 更號名為金虎煞 折晴禱雨最通靈
 四望無雲日朗明 忽然雲罩似龍形
 定主未申發報應 有雨無雷分重輕
 黑雲未密月虹暈 虹號流金大煞神
 破廟伐壇誅妖孽 春宵風雨當時傾
 秋則未申當報應 夏冬定主有淋淫

月躔尾宿如龍現 疾病災危驟雨傾
 狂風折樹飛沙石 迅雷伐惡并誅人
 月圍星度天主旱 春冬戌亥加子丑
 出則寒凝并雪凍 兩雷電雹及嚴霜
 疾病蟲蝗人受苦 東西南北細推詳
 月躔畢宿多風雨 月黑号為天一精
 春正三四多龍現 定主六七風雨頻
 日月昏暗多風雨 月圍箕畢作狂風
 未申風雨震霹靂 伐壇破石馬牛人
 月生霧蒸如龍現 子丑見時丑日霖
 不然寅卯成湖海 未申戌亥伐妖精
 火雷之神北斗君 掌樞機定吉凶
 主管人民中統攝 號曰陰陽大煞神
 陰陽大煞不堪說 掌善伐惡不留停
 忽然與雲貫斗內 戌亥未申風雨興
 古木惡廟遭霹靂 羊人牛馬受天刑
 黑雲蒸貫廉貞兩 三日之間雷劈人
 白雲貫食井巨曜 大風無雨赤天晴
 黑雲蒸貫祿存星 來日未申風雨驚
 雷聲風雨震天地 伐廟誅邪除惡鬼

天威神煞更誅人
破軍使見未申風
七日之間成湖海
赤炁來朝貫斗中
重則雷霆施號令
白炁如飛冲北斗
二十四炁皆如此
雲炁雜興風雨作
白雲如霧來冲射
明月清風無點翳
陰陽不動殺不現
南辰北斗推詳細
深辨吉凶星煞處
五星若有清光色
畢勢炎炎權不得
冬至前三并後四
此處雷鳴此不吉
火星一宿出南方
此處星紅此處旱
火星箕畢多風雨

雲似黑龜冲破軍
雨與七日不能晴
雷誅人畜石山精
輕則未申風雨興
追精伐祟逞天刑
堪看雷雨定誅人
七十二候細推明
黑雲貫斗亦為霖
未申風雨返雷霆
四岸無雲射斗星
便是符靈也不靈
尺寸高低分野分
定知方所莫差論
禿蒂長拖十所句
災厄蟲蝗人受逆
若也雷鳴并雪霖
東西南北一般論
萬物生涯總枯瘁
紅暈光射定吉凶
餘者躔之主早侵

六甲風雲頻著眼
早晚中秋勤著看
石澗水流天欲雨
水炁升而魚躍淵
蜈蚣晝現路上走
虹霓西見當日雨
若還東見高低看
地炁升天三日雨
地不至天天不雨
夏見則秋無雨至
夏月北方天作雨
冬月南風天有雪
是章者乃元始王書
乃道根深重風有
雷霆甚重不可輕
於目前代
天宣化濟物利人
兩暘氣候親機

知斯消息自心明
天上無星旱數侵
炎炁蒸薰近雨淋
螻蟻封穴雨時行
來朝風雨未申轟
未申誅伐樹妖精
有雲無雨旱魁精
天炁下降四時淋
天不至地旱將侵
春見六七雨淋淫
秋月南方雨後淋
久雨西風又放晴
之祕典得知者
傳義傳德傳仙
於掌上呼風雨

盤天經
高明上覆日月星辰
夫高明者天也性雖
行健不息運三光而
天當以柔克而納賢
萬民也沉潛者地也
謂能興雲雨調四時
地當以剛克揆文武
常正三綱也是為三
數之本無違地出五
王修德則五嶽不差
序上下一而時兩降
占斗光之明暗分月
窟滋於晝夜翌前黃
魁乃斗也若黑雲犯
翌明朝潤行此候斗
徧掩映於三日獨溟
星黑炁冲斗三丈餘
兩無雨則主有憂大
皆無雲翳惟斗中上
下獨有雲炁濛濛覆

而潤者後五日必雨如雲黑低濃下廣布
四厚者即當夜兩至也

戊子六龍若魚行而大灑

雲若魚行戊癸生主子遁乖而化火水一
土五故曰六龍夜斗中間且日上下若有
蒼潤色雲如魚遊必主粗灑雲多兩之兆
也

斗間五象如龜動以長津

且日夜斗斗居中天以主四極其類為五
色總四方故曰五象夜斗間且日下若有
五色祥雲似龜動形而蒼潤者必主粗兩
若黑雲蔽滿則為多兩也

類南天兮炎火同中嶽兮飄塵

夜觀斗中間赤雲黃蒸蔽者當大熱殺人
若是黃雲濛蔽及日月上下或不甚密者
多風塵之象南天之色赤中嶽之色黃故
以類之

黝白雲而大遭風雨

斗白蒸掩斗而廣布者必有大風惡兩
節丹霞而甚益農人

節候四季八節六候之日且暮雲霞四出
者主此月多雨

甲日晴空一向竭定雲蒸東出五行逐回

六甲日候上下若無雲翳則一向多晴有
青雲甲乙兩有赤雲丙丁兩黃雲戊己日
兩白雲庚辛日兩黑雲壬癸日兩隨色候
兩故曰五行逐回

五卯同木四方之象同因六甲從蒼諸干之
形定變

六甲同五卯日占與六甲日同若是且掩
日主當日雨多暮掩日者則當夜雨少也
紫烏白兔降未升而兩露

日月開光纂曰天蒸既降地蒸未升厚則
日紫薄則日赤於月則白此為將雨之候
若遊蒸蔽天日月失色者兩信也

素日丹蟾升未降而災煽

地蒸升天蒸未降厚則日黃薄則日白於
月則赤乃旱之兆赤少兩多露之象也
陽碧陰綠未交兮景色將寒
天蒸既降地蒸未升上下未交晝則日青

夜則月綠乃將寒之候此天地之變徵也
奇黑偶青未密兮而虹霓或見

二蒸升降上下雖交而蒸未密晝則日黑
夜則月青將兩不兩主必變霾霧或為暈
皆虹霓之屬奇陽為日偶陰為月

若乃重占卯日雲聚中央景色寒冽大風木
折四方

五卯日雲聚中央景色寒冽大風木折四
方昏翳隨雲多少驗之多即大風頻至如
黑雲多壬癸日有兩

電瀉頻頻無則別生災沴兵攢必急有之則
更起災殃

凡遇卯日如前天色微變而後無雨者必
別生災沴定兵起急變之事應在五日内
也

斷五音之官羽

子午日為官卯酉日為羽辰戌為商巳亥
為角丑未寅申徵納音則水羽土宮金商
木角火徵也若羽日官風官日羽風皆至
有兩或壬辰癸巳及壬戌癸亥等日卯時

風暴或卯酉上來潤蒸兼之主有大水百川決溢濤瀆盈滿如風勢叫怒者即主刑殺相會水中賊起之事宜加審若徵日風時加丑未寅申必主火災角日風時加巳亥必主死喪災病商日風時加辰戌必主兵起陽日主外陰日主內也

裁六意之柔剛

凡風雨失時者須詳六情以決其事實午廉貞主慶事惟樂巳酉寬大主使客和好亥未公主執仇見喜忻悅申子貪狼主侵財奪貨竊盜卒起亥卯陰主劫賊傷切害辰未奸邪主好人入國非淫相殺其風清不寒則事淺若昏濁激觸破屋折樹則禍重也

壬子至丁高燥則龍藏計候朝雲蔽月低濃

則兩過諸鄉

壬子至丁巳凡六日所管各從三日壬子管戊午巳未庚申癸丑管辛酉壬戌癸亥甲寅管甲子乙丑丙寅乙卯管丁卯戊辰巳巳丙辰管庚午辛未壬申丁巳管癸酉

甲戌乙亥六日次第推測其主日雲蒸低濃則所管從日亥多兩高燥則多旱又隨地分而占望之九州分野在後可詳察丙子起之辛巳行盡一日主占六辰詳認與前法同但一主日管五從日也如丙子管壬午癸未甲申乙酉丙戌之類詳注于後

連窺天漢蛇衝而霧集雲屯累顧銀河猶越而風調兩順

天河六甲五卯日天河有雲如蛇或猪狀往來者主有兩若黑罷而復興者主風兩順時也

無雲掩映當旬之草木不滋有潤經過見則田園益潤

天河六甲五卯日及壬癸丙丁水火二限之辰有黑雲潤蒸渡河者不主是何形皆主有兩無則旬輕爽

果午夜半如龍在震以辰期青龍且前似馬當離而午位
日色上下常以癸丑日夜半屬甲寅日辰

前及於甲寅日平且東方雲有象如龍則辰日雨如馬則午日雨餘做此以類推之月初兩曜青蒸潤明旬當數兩黃赤乾晴初一二三日出時看凡月初日月色帶青黑潤明者主月內多雨又占一日管上旬二日管中旬三日管下旬如色赤黃乾枯月內多旱也

且候孤光雲帶中央而不動日高三丈兩施四面以頻行

日出凡日高三丈以來有雲如帶長引貫日而潤者名為陰蔽陽主多雨之象或且黑白雲帶潤為積陰也

晨辨東方積土之形便瀉暮窺酉上累蓋之象尋傾

且視東方有雲如積土之形色及如累蓋之狀作層而起者主尋時有雨或落在巳酉庚戌暮現亦然凡雲積聚日傍上下起者為雨之兆也

色象北方雲多黃黑蒸運南行兩多玄則且視北方有雲黃潤厚如二里許大小南

行者主壬癸日雨蓋壬癸之色黑故曰玄
則
躍躍猶狀山奔而七子之裁蔚蔚離風乾受
以八表之測

且日出時有黑霧雲如猪狀者主雨于日
時必雨數當也故曰七子之裁或北雲蔚
南容蒼蒼兼有南風其雲回北者後八日
內必雨若西南行者主便雨不然則早露
之相北行則當日必有雨惟黑霧掩日者
必雨

○雲帶橫列寅卯為甲乙之名日輪所當辰巳
為丙丁之澤

凡有陰精雲帶或白或黑在寅卯時或寅
卯方上者甲乙日雨若在辰巳日及方上
者丙丁日雨或陰精雲帶有潤蒸隨之者
其時立有雨也

○午未見雲戌巳以無差坤申行雲庚辛而不
感

雲帶在午未上及午未日時者主戊巳日
雨坤申時者主庚辛日雨其或酉戌上及

日入時見者丁癸日必雨也
若當災旱觀象入於天河或遇淋淫見星繫
於漢陌

天漢及奎角二宿之散其本日水一名天
河夜見漢中星繫則主雨星少則為旱雷

電六星在室西南若明動則主雷電霹靂
雲雨四星在室東南方明動則多雨也

五色交雜赤黑相兼天威電凍神怒雲霞

且有雲蒸五色交錯或赤黑相兼者及天
之威怒必有電凍也雲者有災言雲霞小

而不濡物神不敬也凡旺相之日降雨者
為長生萬物因死日降雨者為殺伐萬物
也

○漫灑輕吹遠邇兮尊王敬愛迅飄傾注高低
兮逆主情猜

凡微雨漫風不損禾苗者乃人情吹化上
下同心之兆也若急雨惡風轉觸崩騰平
地水高漂蕩人物者惡人謀逆也

○君正臣忠後雨先風而詳察上驕下諂始雨
終風而禍占

感情符曰風為陽物配之於君雨為陰物
配之為臣凡風先後雨者為禎為祥乃君
正臣忠之象先雨後風者乃上慢下暴之
象也若止雲雨而無風者兩為陽物雲為
陰物凡雨後便晴者德化流行君臣和睦
之象若止後猶有雲蒸蔽天不散者政令
乖違上下不和之象也若夜沉露而晝舒
晴明者為君正臣忠上律下恭之象也晝
沉露而夜晴明者為臣逆君下圖上之象
晝夜俱沉露者乃上下相謀之象也

○鎮逆入河法令急而淋澇焚回犯木政理乖
而旱災

犯奎角之星天官之書曰土星逆行入河
中主天下大水法令嚴急或流入津者亦
為渡水弱之相火星逆行犯守木星主災
旱入河主天下大旱貴人有災火星犯木
為滋墨乃君過愆之所致也

○歲月日時精靈攢聚掩迫關係神祇相遇
歲月日時占法太乙主十二月有掩迫關
係四時開生十精併聚之日且有黑雲濃

潤掩日者當日必雨青雲甲乙雨赤雲西

丁日雨又青主寅卯日時雨白主申酉日

時雨也一日天皇申子辰三甲旬首年月

日時起武順行十二辰四隅重留二日帝

符申子辰三甲旬前起陰主順行十二辰

四隅重留三日天時五子並起占甲順行

十二辰周而復始曰曰天行事甲子辰月

日起八宮逆行六二四周而復始五曰飛

鳥上元甲子起一中元甲子起七下元甲

子起四皆少至多行九宮周而復始六曰

天乙上元甲子起八中元甲子起六下元

甲子起九皆少至多行八宮周而復始七

曰八風上元甲子起二中元甲子起八下

元甲子起五九宮周而復始八曰五風上

元甲子起一中元甲子起四下元甲子起

七皆少至多越一位行九宮周而復始

四位加變朝中夕半以興雲

太衝勝光從魁神后凡四仲年月日時皆

太乙移宮之日每移宮之時有雲掩日青

黑潤者必兩朝卯中午夕酉夜半子時凡

雲起濃潤則有雨葦掃日則多風薄微則

多主晴若乾黃赤蒸多旱也

六壬發傳龍水干支以致雨

軒轅氏六壬占經常以月符加月建及月

朔見神后下為大雨大冲下為小雨日又

以六甲旬天上壬癸下為兩日又以大吉

加月朔神后下為大雨大冲下為小雨凡

起雲起以月將加正時上見登明神后功

曹大冲為大雨青龍六合天后玄武雲吟

為小雨金土神后騰蛇白虎臨時日者為

大風雨太乙勝光朱雀騰蛇臨時日辰為必

晴凡有雨不晴者以日符加月建及月朔

見太乙勝光臨時辰及天上丙丁為晴日

也日辰則春辰夏未秋戌冬丑日符則甲

寅乙卯丙辰丁巳戊午庚申辛酉壬子癸

亥是也

日辰兩位非其所以無多宮宿十精是本方

而偏溥

神樞靈轄經云甲為齊魯分乙為東夷分

丙為吳越分丁為楚蠻戌為鄭陳巳為魏

蔡庚為晉衛辛為秦蜀壬為燕韓癸為趙

魏分子為韓分齊青丑為翟衛

楚漢卯為鄭豫辰為邯鄲巳為衛郡

荆午為秦西京未為梁楚山

齊晉魏分酉為魯分冀戌為趙分

為燕代衛并此乃九州分野雲烝此法占

日辰支干年月日時皆有法八節冬至起

少至九多夏至後起九多至一少此五日

一移宮一宮主兩冀州趙州主霰荆州漢

楚分三宮主風雷青州齊分四宮主淋淫

徐州魯分五宮主蟲災豫州宋分六宮主

霜雹雍州秦分七宮主霧霧梁州晉分八

宮主雲露兗州鄭分九宮主災火揚州吳

分今人號九州右法冬至起甲子順飛八

官夏至後中官起甲子逆飛

金水出入起風霧以連天畢月相逢布雲雷

於下土

金水二星躔箕畢金水出入主有風兩月

會其多風會畢則多雨所謂多風多雨也

銅雀屏烝池枯而微鳥翅張石燕翔空川溢

而商羊鼓舞

感情符歲旱澇不熟則銅雀韜青此蟻蛇四翼名微鳥見處有三年天旱識者多種大麥以防飢謂大麥奈旱也歲將豐則商羊鼓舞所謂天將雨商羊舞是也水馬亦名石燕飛則主多雨之兆

載君之德五微不亂以迎新謂相之賢十義無虧而效證

日月盈晷各有常度功理大小各有常法所以治成而化通五微未備風以動物兩以潤物燠以長物陽以化物寒以成物五微備而休咎明正與君能聖治則風兩順之如有濛暗則將風順之君能昭敬則時兩順之如乃狂望則將兩順之君能明哲則時暢順之如有僭差則將暢順之君能謀慮則時寒順之謂各依其時者為休微也昔舜禪禹甲官室而盡力乎溝洫以安百姓故八風遁用五微不差如昔殷紂之君不敬上天降災下民沉湎冒色罪人以族官人以世為官室臺榭陂池侈服以殘

害萬姓焚炙忠良剝剔孕婦皇天震怒亂禍四起霖雨不時冬溫夏寒五微皆錯此

天助武王滅殷之象也禮運喜怒哀懼愛惡欲七者不學而能乃人之情也父慈子孝兄友弟恭夫義婦敬君仁臣忠師嚴友信十者學而後全乃人之義也所以敦情義興信睦行辭讓去爭奪惟聖人者能之尊天貴地惟妙法以推成鬼重神欽結玄機而完備

明陰陽關節之數建玄機運行之圖尋其義也皆先聖之遺文究彼情焉從後賢之初貫通天地之玄號風雲之賦

盤天經



道法宗旨圖衍義序

筌三

養吾會三家為一家者雖然道不可圖苟求其故道非遠人是能親禮非揣籥聞鐘以為日也學者勉之至大第二春三十八代天師廣微子書

道言吾不知其名強名曰道道既無名何以述之苟求其故雖萬八千篇未為過也鐵崖子傷大道之不行憫流俗之傍見纂集諸家為道法宗旨圖噫大哉其心也龍虎刑行觀之若望洋焉希賢不愧凡愚嘗有志於三家微言為之衍義後因深省若杳冥中有所警者得遂初志且夫太古以來真機未泄雖有其象然性與天道不可得而聞也蘇子所謂道不可言可言皆其似者也是書亦似者也故達者因似以識其真昧者執似以陷於偽願與同志因似以識其真明道之士不必觀也若夫眼看空花手撈水月又非予之願也大德已亥至日臨川章希賢書于養吾堂道之廣大大且無邊道之精微微且蘊妙是以道之以法法之以圖圖之以景景之以玄

玄之又玄空妙貫一養吾章君以風月典刑之外煙霞涉趣之間取與自新變化莫極豈不以造化歸之功行疇著而爾然耶今索叙言盡取大藏一決案贊明高道之妙甲辰秋空玄子謹書


空玄子者姓汪氏諱萬頃字清伯臨川人也生長巨室出家為黃冠號藥山與道山徐先生順孫交遊遍走名山歸隱林下或坐高松之上或處小室之中人密窺之口中自語人去則已或求其文橫說豎說千言立成大德間道山於龍興樵舍萬家坐化玉筋下垂先生至大戊申十一月十四日示疾化去其徒以其寫真喚之作頌却去復活起坐書曰居藥博施之效高山仰企之神先生之道如此凌煙所記非真咄道在吾身一天風月擲筆大笑復化去至順庚午秋臨川張霖叔云佃僕入闔見之邵武道中盱江蔡志夫亦云瓢笠人來說見之武夷嘉禾聶敬安云龍虎見金陀頭問之云在武夷不久見之故孟子謂所過

者化所存者神即此道也噫非大丈夫孰能與於此哉臨川參學章者賢述

道法宗旨圖衍義卷上

鐵 崖 郊 辨 以 正 纂 圖
養 吾 章 希 賢 師 亮 衍 義

元始祖劫圖



元始祖劫
化生諸天
開明三景
是為天根

衍義

太上度人經云元始祖劫化生諸天開明三景是為天根上無復祖唯道為身

道書云一炁分為三炁三炁各結一宮龍漢之初玄炁結而為玉清之宮赤明之初元炁結而為上清之宮上皇之初始炁結而為太清之宮玉清統十二天九聖居之上清統十二天九真居之太清統十二天九仙居之三清所統三十六天謂之大羅天三十六天分居四極每極九天大羅之下為大梵天凡四又為之四種民天自大梵而上為大羅大羅而上為三清此諸天皆前劫修真與道合真

聚則成形散則成炁合散自然無有名貌窮無盡劫不復退墮自大梵而下為無色界無色界之下為色界色界之下為欲界欲界凡六天色界凡十八天無色界凡四天是為三界二十八天人積善功得生欲界天或為天主或為天人或為天眾欲界天人猶有欲想無欲想則昇色界色界天人猶有色想無色想則昇無色界無色界天人猶有覺想無覺想則昇大梵天而出三界之外矣三界二十八天分居四方各七天謂之八圖又謂之四梵小羅天也凡夫有善行高功得昇三界天而止天福盡而不增修則有退墮故各有壽量六道中之天道蓋三界天也三界天人一念不真自上仙降為下仙下仙不能加功則復還人趣所謂退墮

無盡居士張商英撰廬陵道藏今玄妙觀道藏是也空洞之先炁混成不妄為真不二為精不昧為覺不測為神孰清孰濁孰凡孰聖孰短孰脩孰魔孰正輕極重生上下乃形下騰上降水火傳精故有日月晝夜司明一二成三

三微成炁三炁成候三候成節大明終始五六循環日從左運辰以右合周流六虛故新相易剛柔交發三才莫體杳冥太空三清所都莫知其先強目曰元莫知其初強目曰始莫知其大強目曰太莫知其頂強目曰上高而無至名之曰尊寄而無我主之曰君能虛能盈能一能萬化生諸天成就世界中有妙山名曰玉京四方既正八方既分三十二帝分住寶城斗箕角軫井參奎壁魁承罡建五合造運杪毫忽釐與道同流劫運悠曠太少格塞邪氣失元散入羣生因其九竅發性情識情流識斂宛轉顛倒因流起愛蔽愛生憎憎愛交攻前伏後起棄明趨昧積昧為陰結陰為幽入幽為鬼伸為人形傍為異趣嗜食凌暴更相強弱性不得靜命不得延黑炁慘靈于犯霄極三清化主三天帝君鑒觀在下一念慈悲自然妙炁絡繹成文靈風鼓奏自成音聲至慈度厄至仁好生至正摧邪至明破冥上列官曹下設獄瀆眾真分職列仙分統真機既漏玉宇乃出火鍊洞陽筆著空青

玉檢金版符籙呪訣教授仙衆威制魔群鍊度魂魄役召萬靈

混元化身之圖



宋仁宗御讚曰大哉至道無為自然劫終劫始先地先天舍光默默求劫綿綿東訓尼父西現金仙百王取則累聖攸傳眾教之祖玄之又玄如顏居士語錄讚曰生從無始代屬周王化身復現釋迦問禮猶聞夫子八十一天之教主百千萬劫之導師太玄經曰太上老君萬億化身隨方設教應機立號普濟天人朝朝降蹟代代帝師希賢以法華經云諸佛世尊唯以一大事因緣故出現於世同一道也家語曰孔子謂南宮敬叔曰吾聞老聃博古

知今通禮樂之原明道德之歸則吾師也今將往矣敬叔與俱至周問禮於老聃自周反魯道彌尊矣遠方弟子之進蓋三千焉

葛仙翁序道德經曰老子體自然而然生乎太元之先起乎無因經歷天地終始不可稱

載終乎無終窮乎無窮極乎無極故無極也明教高禪師鐔津集曰夫老子所言者大道也故孔子於禮則曰吾聞諸老聃禮運曰大道之行與三代之英丘之未逮也而有志焉

繫辭曰天下之動貞夫一者也而老子曰王侯得一以為天下正考其無思無為之理陰陽變化之說二書豈不皆然必以老氏為非則易與禮運可燔矣夫先儒之好辯者孰與孟子孟子之時老子之書出已百有餘年矣而莊子復與孟子並世如其可排則孟氏已

排之矣豈待後世儒者辯之耶司馬氏謂老子之道約而易操事少而功多儒者或不然譏其先黃老而後六經是亦不其意也太史公之書孔子即為之世家老子即為之列傳此豈尊老氏之謂耶蓋以老氏之道乃儒之

本所以先之者正欲尊其本也

史記曰老子之道約而易操事少而功多又曰道家使人精神專一動合無形濟足萬物西漢書曰道家乘要執本清虛以自守卑弱以自持此人君南面之術也

了翁陳先生確史評曰漢武帝黜黃老而用儒術興大學修郊祀改正朔定曆數協音律作詩樂建封禪禮百神號令文章煥焉可述此用儒之效也然天下多故主心不靜專務改作百姓狀苦用好事之臣以開三方海內

虛耗口減半兵不戢而自焚恩虧於父子之間其發於命令者未嘗不本於仁義而觀其效則不異於始皇者幾希當此之時天下

不一日無事思慕文景不可復得然則黃老之清靜亦何負於天下哉吾儒之論必曰彼非此是與其是孝武而非文景孰若兩取而兼其善哉

昌黎韓文公愈進士策問曰孔子亦有師問禮於老聃今之人不及孔子遠矣而且無師然其不聞有業不通而道德不成者何也

出文


集第十

四卷 疊山謝氏曰道德經者能發明上天之心於世道未嘗無益

雷

五

用



陰陽相應

上下往來

金語曰天地清濁其質如卵乃太空之中一物而已陽升到天太極而生陰以窈冥抱陽而下降陰降到地太極而生陽以恍惚負陰而上升一升一降與天地行而萬物生成也濂溪周子曰无極而太極太極動而生陽動極而靜靜極而生陰靜極復動一動一靜互為其根

晦庵朱子曰陰以陽為質陽以陰為質水內明而外暗火內暗而外明橫渠曰陰陽之精互藏其宅正此意也 真原曰陰陽升降在天地之內比心腎交媾之法

王書曰陽負陰而上升陰抱陽而下降一升一降運於道所以天長地久

雷之

為天之極其性善其主生其體陽其象陰故甲丙庚壬為陽雷

為地之機其性惡其主殺其體陰其象陽故乙辛丁癸為陰雷

圖



莊子曰陰陽錯行天地大駭有雷有霆水中

有火乃焚大塊

淮南子曰陰陽相剝感而為雷激而為霆

金語曰陰中伏陽陽炁不降擊搏而生雷霆

橫渠張子曰陰炁凝聚陽在內者不得出則奮擊而為霆陽炁伏於陰炁之內不得出爆

開而為雷也

環溪吳氏璣衡內篇曰洊雷為震固也而雷何以有聲蓋下四爻離象也互離之上則坎

也火入水中則激烈有聲以物之小者推之火鍛金石使之透徹持以入水其聲尚奮況

坎離之大炁乎渾天之象包於地日東升西

沒明入地中而天一生水則水在地中越宿

復升于東明出地上也日出扶桑實騰于海

主

九

故曉日清潤及其沒也其聲震厲如雷故崦嵫之國擊金鼓以雜之否則稚耄駭懼此火入水而有聲之驗也故知水火之怒氣激而成雷而況坎為雨離為電復相因乎

子朱子曰雷雖是炁但有炁便有形如蠅螬

本只薄兩為日所照成影然亦有形能吸水

爾雅曰疾雷為霆

吸酒


宿

曜

玄

機

圖



希賢曰天道左旋日月五星順行於四七之間為天之經緯所以起滅四時生成萬物皆

因炁炁之功為天地常行之道度人經云周

迴十方旋斗歷箕迴度五常是也

混元三清經云陽精之炁為日陰精之炁為

月日月之餘炁散為星辰分布二十八宿

黃帝素問太始天元玉冊文曰太虛寥廓肇

基化先萬物資始五運終天布炁真靈總統

坤元九星懸朗七曜周旋曰陰曰陽曰柔曰

剛幽顯既位寒暑弛張生生化化品物咸亨

雷

三

關



圖

黃庭王經曰口為天關精神機手為人關把

盛衰足為地關生命扉


希賢曰孟子謂所過者化所存者神道書云

身雖死陽神存

呂洞賓尸解復現詩云昔曾錦水留遺蛻又

到蓬萊別姓名

斗柄周天之圖




希賢曰天以斗為機經歷十二辰之上順五星於四七之間而化生萬物也若斗柄不運緯候參差則吉凶生於爻象符火失於晨昏星辰錯亂日月差殊四季不調萬物不產故曰乾坤日月本不運皆因斗柄旋其機故斗之正二三月運寅卯辰之位生有萬物也四五月運巳午未之位長養萬物也七八九月運申酉戌之位成熟萬物也十月十一月十二月運亥子丑之位收藏萬物也斗柄周天歲功成矣大哉無為之化也經云天以斗為機人以心為機故天機運於陰陽人機成於大道斗柄之機不可不察也

邵康節云天渾渾於上而不測也故觀斗數占天也斗之所建天之行也魁建子杓建寅為書是也

揚子雲太元經曰斗之南左行而右旋

四象歸真圖



希賢曰經云口之於味也目之於色也耳之於聲也鼻之於臭也則是窮人欲滅天理皆心之所動也莊子曰嗜慾深者天機凌故聖人無為絀舌氣合眼光凝耳韻調鼻息四象合和歸於虛无寂然不動之中真我也顏子

如愚達摩面壁夫子默識一貫老子抱一守樸孟子曰養心莫善於寡慾道言常能遺其慾而心靜四十二章經佛言遠離嗜慾心意

清靜同一境界也

莊子曰天機不張五官乃備

中庸曰視而不見聽而不聞食而不知其味此謂修身在正其心

荀子曰目不欲綦其色耳不欲綦其聲口不欲綦其味鼻不欲綦其臭

又曰心居中虛以治五官是之謂天君

註曰五官者耳目鼻口形也度人經云神風靜然山海藏雲天無浮翳四无朗清

混一三才圖




金碧古文龍虎上經曰雞子為形容參合應三才又曰徑寸之珠混合三才

文中子曰天者統元炁焉非止蕩蕩倉倉之謂也地者統元形焉非正山川丘陵之謂也人者統元識焉非止圓首方足之謂也

列子曰元炁輕清者為天重濁者為地冲和之氣為人


五雷機圖



希賢曰五氣朝元一塵不染能清能靜是曰無漏肝為東魂之木肺為西魄之金心乃南神之火腎是北精之水脾主中宮之土是以聖人眼不視而魂歸於肝耳不聞精在於腎舌不聲而神在於心鼻不香而魄在於肺四肢不動而意在於脾故曰攢簇五雷王樞曰

東方風雷在肝宮南方火雷在心宮西方山雷在肺宮北方水雷在腎宮中央土雷在脾宮斬除五漏寂然不動為道之體感而遂通為道之用斯五雷之妙也

雷 霆 吞 炎 圖



希賢曰天動地靜天圓地方動者必圓靜者必方圓則變通方則既定方如車圓如輪輪轉則車鳴內運則外應是以雷霆之妙在於坐運也

黃庭內景玉經曰外方內圓神在中

文中子曰圓者動方者靜其見天地之心手孫子曰圓則動方則止

道法宗旨圖衍義卷上

道法宗旨圖衍義卷下


筌四

鐵崖鄧梅以正纂圖
養吾章希賢師亮衍義

法行 先天

昏昏默默


大道 之圖



廣成子曰至道之精杳杳冥冥至道之極昏昏昏無視無聽抱神以靜形將自正必清必靜無勞汝形無挫汝精可以長生

元始生天得道經曰心目內觀真氣所有清靜光明虛白晃曜杳冥冥內外無事昏昏默默正達無為古今常存總持靜念老子曰有物混成先天地生傳大士曰有物先天地無形隱寂象能為萬象主不逐四時凋

將用 自己 元神 之圖



不似我 不似爾 不似神 不似鬼

禮記曰清明在躬氣志如神

悟真篇曰恍惚裏相逢杳冥中出變一霎火焰飛真人自出現

虛靜天師曰六根清靜方寸澄徹久而行之可以坐役鬼神呼召風雨豈可忽哉如居士讚之曰六根方寸絕塵埃久久行之一念灰不是鑿池專待月池成明月自然來

康節邵子曰人積善而陽多鬼益畏之積惡而陰多鬼弗畏之大人者與鬼神合其吉凶中庸曰鬼神之為德也其盛矣乎視之而弗見聽之而弗聞洋洋乎如在其上如在其左右

楊子法言曰心神恍惚經緯萬方

五

雷

胎


息

圖

侍宸玉真人胎息詩
損神終日談虛空不如歸
命於胎中綿綿不息神自
沐浴通煙昇靈降而濛濛七元
三老即此功我身不西亦
不東但當然歸莫令窮常
教體內生微風世人見一
不識一一迴存想一迴空

讀書能為歌詩不能俛仰貴人常穿破衣歸齊魯不知所終蓋又亦有道者故能知此世傳仙去云

太上中黃真經內含胎仙道自成胎息真仙食氣得却閉真氣成胎息



希賢曰○佛仙修行運路大道不二法門三坎為命宗陰中有陽真空交妙有也妙有為體真空為用焉三離為性宗陽中有陰妙有交真空也真空為體妙有為用焉佛中有命脉道中有性源性命交然空有攝无老子即

釋迦釋迦即老子生於空劫之先為性命之祖自後語言一立各成異教故偏於命者必落空亡偏於性者必墮陰向致使大道殊途異端競起而不能究竟於性命本源矣吾夫子曰窮理盡性乃至於命是以天下無二道

聖人無兩心性之與命不可須臾離也

王谿真人曰前具有云只明真性不修丹萬劫應知變化難不明真性只究命此是修行第一病既到此處不妨進步知道光禪師欲訪張紫陽却遇石杏林始得玄宗一家二妙了了遂作復命篇行于世矣昔有僧問智門

如何是般若體門云蚌舍秋月如何般若用門云兔子懷胎後雪竇有頌云一片虛凝絕媚情人天從此見空生蚌舍玄兔深深意曾與禪家作戰爭

寒山詩曰心月自精明萬象何能比欲知仙丹術身內元神是

寒山詩曰益者益其精可名為有益易者易其形是名之有易能益復能易當得上仙籍無益復無易終不免死厄

毗陵禪師復命篇曰余幼年學道所親無非理性之士若禪宗之上乘一悟直超佛地如其習漏未盡則尚循於生死至於坐脫立亡投胎奪舍未見一朝而長往常思仲尼窮理盡性以至於命釋氏不生不滅老氏昇騰飛

舉由是聖人之意不可一途而取之僕之得遇至人口訣曰大道之祖不出一炁而成變化僕一聞不疑依法行之果躋聖位

頴濱蘇氏曰命者性之妙也性猶可言至於命則不可言矣易曰窮理盡性以至於命聖人之學道必始於窮理中於盡性終於復命矣

晦庵朱子讀道書作巖谷乘貞操所慕在玄虛清夜眠齋宇終朝觀道書形忘氣自冲性達理不餘於道雖未已庶超名跡拘至樂在襟懷山水非所娛寄語狂馳子營營竟焉如

又誦經作坐狀塵累積脫灑味幽玄靜披笈中素流誅東華篇朝昏一俯仰歲月如奔川世紛未云遣仗此息諸緣又久雨齋居誦經作端居獨無事聊披釋氏書暫釋塵累率超

然與道俱門掩竹林幽禽鳴山雨餘了此無為法身心同晏如

右三詩並見晦庵朱文公大全文集先生扶綱常益世教則指為異端至於窮理盡性則非矣夫三聖之道體同而用殊夫子

毋意毋必毋固毋我釋氏無二無盡老氏無思無為同一理也先生之詩殊途而同歸是故天下無二道也知我罪我其唯先生之詩乎

雷




希夷陳先生龍圖曰戴九履一左三右七二四為肩六八為足

希賢曰雷霆九宮乃縱橫十五之數伏羲氏觀河圖而畫卦即其數也震三兌七中官五十五數也艮八坤二中官五十五數也乾六巽四中官五十五數也坎一離九中官五十五數也縱橫妙用皆成十五乃得陰陽之備數故乾鑿云老陽之策九老陰之策六九六亦十五之數雷字亦十五畫而成之故曰陰陽擊搏之謂雷

戊 甲 庚 為 之

號今



希賢曰東方甲木屬震震為春為雷生化萬物也西方庚金屬兌為秋為雷肅殺萬物也故雷霆司號今之權春生秋殺終始萬物者也易曰天不言而品物亨歲功成矣丙屬離離為火火旺於丙午故為雷火之會離中虛恍恍惚惚杳冥冥經云恍惚裏相逢杳冥中出變一霎火焰飛真人自出現壬隸乾乾乃雷之所伏而為雷之局也玉樞雷書曰伏乾出巽體元工是也卯為震木震為雷生於亥旺於卯卯為雷之門雷至卯月方有聲月令曰仲春之月雷乃發聲是也子為十一月之支冬至在焉為地雷復卦☱上坤下震一陽初生於五陰之下陽尚微故閉局安靜以養陽也易曰先王於至日閉關是也戊癸化火者非五行書所謂也坎乃天一真精之

水坎中有戊有癸而化生真火虛中為雷火之司總御四序控制五行是雷霆之主也莊子曰有雷有霆水中有火是也


運雷之用法



根騰騰運動得其門戶而出風雨雷電自此而發非假乎嗟呵叩問可合先天大道之用即此運雷與父母生前無以異也宜以尋常平易之說而忽之

楊子法言曰聖人有以擬天地而參諸身康節邵子曰吹噴噓呵呼風雨雲霧雷言相類也又曰雲行雨施電開雷震亦各從其類也


內經素問曰風悉通於肝雷悉通於心兩悉通於腎清陽為天濁陰為地地悉上為雲天悉下為雨兩出地悉雲出天悉



元上九君得九五之道而雷震九五之道者自此而東日子而已皆陽道也所以統天榮枯萬物起滅四時五雷君得三五之道亦無殊於

圖 九五皆雷震道也

希賢曰五子歸庚者一三五七九皆陽數也合而為二十有五故易曰天數二十有五夫五子歸庚所以為萬物之主宰東方自壬子而歸庚乃九數也北方丙子歸庚五數也南方戊子歸庚三數也西方甲子歸庚七數也中央庚子歸庚一數也得天數之正焉乃雷震之道也




一三五七九陽奇數也易曰天數二十有五
是焉二四六八十陰偶數也地數三十是焉
天地之數總成五十有五陰陽之數備矣太
衍之數五十者去五為五行之本其用四十
有九者又去一以象太極不動之義
劉牧鈎隱曰一與五合而為六二與五合而
為七三與五合而為八四與五合而為九五

與五合而為十一六為水二七為火三八為
木四九為金五十為土即五五也
楊雄太玄曰一與六共宗二與七為朋三與
八成友四與九同道五與十相守
陳希夷曰大衍之數其用四十有九掛一而
不用之義學者徒知一為太極不動之義而
不知義實落處也何則一者數之本宗也凡
物之理無宗本則亂有宗本則不常用用則
復亂矣且如輪之運而中則止如輅之行而
大者復如網之有綱而綱則提之如器之有
柄而柄則執之如元首之在上而手足為之
舉如大將居中而士卒為之役如君無為而
臣有為如賢者尊而能者使是知凡得一者
宗也本也主也皆有不動之理一苟動焉其
餘則錯亂也

伊川程子曰大衍之數五十數始於一備於
五小衍之而成十大衍之則為五十五十數
之成也成則不動故損一以為用天地之數
五十有五成變化而行鬼神者也變化言功
鬼神言用

京房易云五十者謂十日十二辰二十八宿
也凡五十其一不用者天之生炁
鄭康成曰天地之數以五行炁通凡五行減
五大衍又減一故用四十九五行炁通者蓋
謂十日十二律二十八宿者五行之炁通焉
為五十五減五之數為大衍又減一為四十
九其說本於乾鑿度與京房為一說而五行
炁通其說尤善
關氏易曰張彛問曰凡衍天地之數五十有
五今云五十又去其一何謂也關子曰着不
止法天地而已必五行運於中焉
趙蕤曰其用四十有九大衍不窮其數去一
者所以示其不窮也

五行不順生
虎向水中行
五行顛倒衍
龍從火裏出



紫陽張真人曰五行逆步丹體常靈
侍宸王真人曰連環迭運理相生顛倒無過

是五行會得箇中顛倒意青天白日起雷霆
逆者顛倒五行和合四象採混元未判之炁
奔龍虎始媾之精入于黃房產成至寶可謂
無質生質身外生身暨乎功德滿就而證上
仙焉順者人之大倫分精氣以成人精氣為
物遊魂為變有身則有患煩惱從此起也
悟真篇曰能將日用顛倒求大地塵砂盡為
寶

雷 陰陽擊搏
發而為雷

電 陰陽凝流
激而為電

風 陰弱陽盛
走而為風

雲 聚而為雲
陰陽升降

雨 蒸而為雨
陰陽舒和

雪 降而為雪

化

霜 陰石陽濟
飛而為霜
露 陽泰陰散
布而為露
升降不能

之

霧 化而為霧
陰陽不暢
電 結而為電
霓 淫水為霓

圖

雷霆體用歌

天地虛中一竅常纒分動靜曰陰陽殺生開
闔并顛倒斗柄常輪定紀綱激搏雷聲從地
發凝流電曜激金光風飄弱盛隨時起盛弱
成雲聚短長升降蒸霖霖雨下舒和瑞雪降
銀堂飛霜否續連天白泰散陽陰露四方升
降不能化為霧結陰不暢電非陽淫水為蜺
火為魁調暢融和萬物彰靜默神風天炁朗
欲升不降反具常狂風驟雨陰陽舞冬暖如

炎夏伏涼久雨長晴洪水泛羸雷十月夏飛
霜自身造化通天地不識樞機護度量
靈寶畢法曰地炁上騰升而為雲散而為雨
天炁下降散而為霧凝而為露積陰過則露
為霜雨為雲積陽過則霧為煙雲為霞陰

中伏陽陽炁不降擊搏而生雷霆陽中伏陰
陽炁不凝堅固而生電霰陰陽不合而生閃
電陰陽不匹配龍變而為虹

康節邵子曰陽得陰而為雨陰得陽而為風
剛得柔而為雲柔得剛而為雷無陰則不能
為雨無陽則不能為雷雨柔也而屬陰陰不
能獨立故待陽而後與雷剛也屬陽陽不能
自用必待陰而後發也

天地神交論曰積陰陰過則露為霜而雨為
雪積陽陽過則霧為煙而雲為霞陰中伏陽
而生雷霆陽中伏陰堅固而生電子霰陰陽
不正亂交而變虹

莊子曰大塊噫氣其名為風是為無作作則
萬號竅怒

希夷曰震得乾初爻故雷自天之下而發觀

兌畫則知兩自地出又曰天炁下為兩又曰坎乾也水也氣也坎井是也兌坤水也形也今兩是也一陽陷二陰為坎坎之氣潛行於萬物之中為受命之根本故曰潤物者莫潤乎水

橫渠張子曰陽炁正升忽遇陰炁則相持而下為兩蓋陽炁輕陰炁重故陽炁為陰炁墜而下也陰炁正升忽遇陽炁則助之飛騰而上為雲也陰炁凝聚陽在內者不得出則奮擊而為雷霆陽炁伏於陰炁之內不得出故爆開而為雷也陽在外不得入則周旋不舍而為風陰炁凝結於內陽炁欲入而不得故旋繞於其外不已而為風至吹散陰炁盡乃已也和而散則為霜雪雨露不和而散則為戾氣暄霾戾氣飛雹之類暄霾黃霧之屬皆陰陽邪惡不正之炁所以電水穢濁或青黑色

晦庵朱子曰雪花所以六出者只是霰子被猛風拍開成稜瓣也又曰六者陰數太陰玄精石亦六稜蓋天自然之數又曰龍水物也

其出而與陽炁交蒸故能成雨但尋常雨自是陰陽炁蒸鬱而成非必能龍為之只是下炁上升未能為雨必是上炁蔽蓋無發洩處方能成雨

環溪吳氏曰隨風為巽固也而風何以有炁蓋下四又坎象也五體之上則離也水入火中則相鼓而有氣以物之小者推之勺水以熄火則火奮而氣騰沉坎離之大氣乎火之喜也其聲微其氣烈而瀑流激湍之傍其聲漚漚則氣凄冷積微成著則水火之為風也信矣溫風生於丙丁之月而颶風生於海露是不獨雷怒而有聲彼萬竅怒號惟風亦然蘊極而蟄蟄久而泄則為雷常泄則不極不極則為風凡物之怒者未有非水使之者也道法宗旨圖衍義卷下

洞玄靈寶五感文

陸脩靜集 卷五

此五感之文乃是道士修六齋之法皆出三洞大經尊貴妙重不可穢慢若看之者皆洗手著淨巾上蓄之者必著器中不得輕慢輕慢者必被天殃

至道清虛法典簡素恬寂無為此其本也而世物浮偽鮮能體行競高流淫信用妖妄倚附邪魅假託真正君子小人相與逐往昏迷長寢曾莫甄悟致上危神器下傾百姓滅身破國猶不以戒至乃濁亂正炁點染清真毀辱大道可為痛酷余生值末世教法綱頽人皆趣彼而我竊守此法甚日損歸根食母卷志謝芳潔之聲開懷受塵垢之污乞免分競之斧斤請係無用以自足既閑且宴逍遙未

日研經說理時修功德以癸巳年冬攜率門人建三元塗炭齋科禁既重積旬累月負戴霜露足冰首泥時值陰雨衣裳濡瀟勁風振厲嚴寒切肌忍苦從法不敢虧替素各羸冷慮有怠懈乃說五感以相勸慰并統序眾齋

標題門戶均塗異轍粗為詳辯豈曰矜誇數十同志信好之士幸鑒之哉
若塗炭齋者無五感之心不得勸吾之意一則費香徒勞二則成於虛誑三則輕慢法禁四則毀辱師教五則更招罪罰

一感父母生我育我鞠我養我出懷入抱哺含摩牧勞心損體辛苦憂動我或不夷時有疾病則愁我念我心如炙焚夙夜怵惕志金失眠增感憔悴泣涕連連願成願長我得如今念此重恩不可稱量誓心上答昊天罔極
二感父母為我冠帶婚娶積蓄貲財造買基業苟欲我多不覺貪濫與物求競動生怨悵致有愆尤或至無狀觸忤天地傷害人物或外犯王法內犯冥科或刑罰所加及於性命緣起有我以招斯患今落三塗嬰懼眾難循於劍樹墮於刀山履於炎火鑊湯之熱沒於幽夜冰凍之寒或懸在笞柳搗杖之下千痛萬楚不可堪當悲惱憂厄時刻難忍希望免脫無由自濟念此崩哽肝心潰亂五體戰慄形魂失措不覺投地塗炭乞哀

三感普天之下貴賤男女皆受人身身口之累有生所重食則五味衣則五綵既飽既暖不復自裁服玩奢豪恣情快意追逐營求無有厭足傷神害身未不自覺氣命既凋形體朽爛平生觸物竟復何用孤魂獨逝遍受諸苦誠此冥昧非世所了而餘財四散方為後

患生奸起盜子孫所爭強者克多弱者獲少與奪夫得更相忿恨或告訟官司又被裁戮或稱訴神鬼陰受凶禍骨肉之親共構架讎天屬之重棄若遺土孔懷之愛自競錐刀身滅家殘舉由貪奢悠悠一切相與淪沒未曾有悟悟不能捨過去皆爾來者復然遂用為常甘心無恨我識此非故背當世委離六親遺棄遺棄尋道求生積學自濟能及有益先報我親平素之日鞠育之恩今獲神丹以濟沉溺登此法橋度彼絕岸悲喜踴躍五情飛越心馳神往忽忘四體不覺捨我歸命三寶馨竭資財奉充法用唯懼弗及更無遺憾願我父母上昇福堂長免八難無復憂惱庶此微誠以備供養

四感太上衆尊大聖真人開此大化出斯妙法拯拔三塗接濟五道億曾萬祖積劫殃對一旦釋然幽魂苦爽超昇福堂因緣種族咸受慶惠我身得道後世蒙福此恩希有萬劫一出既得遭遇竭命奉行傾心盡節故無懈怠

五感我獲此福事有所由因緣開度使我見者我師之恩仰戴罔極有過天地故行道之日每至懇禱冀有微功上酬仁德身困體疲不敢有辭

我得此法惟喜無量有若貪夫遇金玉藏眾人不知唯我獨見伏身潛嘿肆力採掘積日累月無有歇極唯恐寶盡不以為勞負箱戴雪涉水踐冰凍身切骨不覺為寒崎嶇嶮巖不以為難心怡情悅故無所惑

眾齋法

道以齋戒為立德之根本尋真之門戶學道求神仙之人祈福希慶祚之家萬不由之既子識有明闇則入悟有利鈍資力有優劣則所任有多少是以聖人階其精靈分析轍轍

大體九等齋各有法凡十二法

一曰洞真上清之齋有二法

其一法絕羣離偶

形影無為為業端惟後視心無所一為寂寂
相影無為為業端惟後視心無所一為寂寂
胃以受食為有事既虛申請齋以昇為
忌不食則泊然寂定也虛申請齋以昇為

今既不食徒有眠神無事伯靜動今既
此中虛過而已神遂內後則悉靜動今既

眠靜系者體之化神無事伯靜動今既
之靜系者體之化神無事伯靜動今既

形志體形以有待故接物體之切外無纏
形志體形以有待故接物體之切外無纏

之累洞遂虛漢故不無與道合我道虛無
之累洞遂虛漢故不無與道合我道虛無

知四之大之所在也無與道合我道虛無
知四之大之所在也無與道合我道虛無

所以能忘也無與道合我道虛無
所以能忘也無與道合我道虛無

其二法孤影夷容

二曰洞玄靈寶之齋有九法以有為為宗徒
眾盛典儀備仰有節進退有度威威日齋
軌菲澤報揚法音開化訪物使求擇者
開未見者見收寄
必得難可備言

其一法金錄齋調和陰陽救度國正

女壇廣三丈二天湖墓四而開四馬用
一門入於壇內立重壇廣二丈四開四
角下長十尺上各傍題於壇中央安一
長合三丈六尺燈壇外燃火壇四圍安
燈方丈文以五燈外燃火壇四圍安
五枚重文以五燈外燃火壇四圍安
枚重文以五燈外燃火壇四圍安
結五行道春則九月夏則三月秋則七日
冬則五日四季之月十二日一日六日七

散龍繒為功德也

其二法黃籙齋為同法技九祖罪根

廣伏門戶與金錄同但圍壇四面安力十
燈十門三尺香火十方紋繒之信無人十
吹重一兩金有上中下天子足數龍一百
禮謝二十方日數如金籙隨時之制事
竟投龍於水又埋於山餘故繒散為功德
也

計十方事竟焚天文

散龍繒為功德也

其二法黃籙齋為同法技九祖罪根

廣伏門戶與金錄同但圍壇四面安力十
燈十門三尺香火十方紋繒之信無人十
吹重一兩金有上中下天子足數龍一百
禮謝二十方日數如金籙隨時之制事
竟投龍於水又埋於山餘故繒散為功德
也

其三法明真齋學士自技億曾萬祖九幽

之魂法亦於露地然一長燈上有九式耳
香燈行籙一日一夜六時禮謝十方

其四法三元齋學士一年三過自謝法學

犯戒之罪法以正月七月十月皆用月半
齋堂中禮謝二十一日也

其五法八節齋學士一年八過謝七玄及

己身宿世今生之罪法以八節日於齋堂
內六時行道禮謝十
也方

其六法自然齋普濟之法內以修身外以

救物消災祈福適意所宜法亦結徒眾十
方亦一日三日亦百日千
日亦可三時亦可六時

其七法洞神三皇之齋以精簡為上單已

為偶絕塵期靈沐浴玄雲之水燒皇上之

香燃玄液之燭服上元香丸

為香珠青絲穿連暴今乾又和香丸服之皆
有節度然三十大油燈又安三十六香
凡以相開次侍燭待香行香祝願清真妙辭
生所問求仙欲召神祇盡皇天召之所召

其八法太一之齋以恭肅為首

為唯法不雜異學跪拜
揖讓同法聲折盡節也

其九法指教之齋以清素為貴

巨細無苦時遭飢食唯菜蔬向王之應用隨
不得敢中食之後水不過齒思經念道不
史皆須

又曰三元塗炭之齋以苦節為功上解億曾

道祖無數劫來宗親門族及己身家門無鞅
數罪極拔憂苦濟人危厄其功至重不可稱
量法於露地立壇安欄格籙人皆結同氣賢
者悉以黃土泥頭被髮繫著欄格反手白
縛口中謝壁覆取於西夜三時向北齋有
叩頭謝謝書三時向北齋有

上中三元相連一元十二日內加三過方
日下元限竟進中元十二日內加三過方
於謝中元竟進上元三元者元則數之始也
增為苦劇所以名三元者元則數之始也
旬斯有三旬分之一中三元者元則數之始也
旬斯有三旬分之一中三元者元則數之始也
旬斯有三旬分之一中三元者元則數之始也

是十二時

旬斯有三旬分之一中三元者元則數之始也

旬斯有三旬分之一中三元者元則數之始也

旬斯有三旬分之一中三元者元則數之始也

旬斯有三旬分之一中三元者元則數之始也

靈書肘後鈔

卷六

且三元得五數是一將主也三將各得五數
三五一十五也上攝五方中通五藏下領五
獄又上通三天中鎮三魂下攝三官又上佐
三尊中治三門下截三賊又上領三丁天仙丁

神中發五星下攝百靈又上截五魔中治五
精金木水火土也五精五星精也五星君每日下使

五精依土木等日下為災崇夜見光下却五

兵謂之三五璇璣玉衡之要訣也行之三千

日白日上昇若或治疾先存思唐將軍左腎

出初如半寸長至眉間光華之地草長一寸

離光華在身左便長八尺一寸若在山草衢

路江海之處便長八十一丈左手執節腰劍

帶符箓身左衛護有克惡鬼神悉皆攝殺令

散葛將軍右腎出周將軍心中出若謁帝王

先存出隨行無事不得妄行若軍陣之中計

不相敵恐被殺者即思三將軍名字以思斗

蓋身他人不見若為將行兵即向前醮三將

軍長存執節帶劍把符敵之彼即大破也天

之三副將是下三元將軍李黃王三人是此

法中使用誅斬者上三元道不使人知

夫行道皆須知五星衛身神呪每日誦二遍

衛身光澤去邪入正但有疑即念之是也

夫立壇考召上唯救一人更治他人恐其鬼

惑亂謂之守一鬼神邪魔之道守一則却之

矣

太上曰直思道而行鬼自畏也

夫佩九州社今籙者經過神社皆自迎子拜

送勿以嗔言損子道也

趙侯字蒞自小學道為殺鬼多罰為考召典

三十年

凡秘呪每日誦之勿令人聞呪曰

上仙上靈衛我長生百鬼須遠萬神皆行輪

迴我身與道合成

夫制鬼神不得久禁若久禁皆須約限如大

罪只得禁伐如違非治身之道

夫人不信道欲來刑已以名書於六壬符以

深處投之其人自伏

心冷病即呵出熱即吹出肝病噓出肺病即

呵出脾病呼出腎病吹出

天一炁也雷一炁也日月一炁也夫受天炁正月一日五更二點之時記握固面向東直行上三步上三步者直行罡丁字三步是也且仙人云步罡者雲行術又云直上也閉氣握手呪曰

乾元亨利貞六甲與吾并吾受天炁治身去毒內外俱成內除身百病外收攝百精安家救人萬毒藏形急急如律令呪訖依方而納氣謹按東九南三西七北五中央十二取之後五日亦可與人治吹毒瘡痛病况自身乎

受雷公之炁以每歲初驚蟄之日雷動一聲出握固向之呪曰

吾受雷公之炁雷母之威聲方除身中萬毒百姓同得治形令吾感使五行之將方法之兵斬斷百病吹出萬精急急如律令即鎮九氣入鼻十氣入口一口吞之後三日可吹萬病應口自消矣年年為之大驗年年初聞雷受之若臥中聞亦受之行聞坐聞各依其法皆得若急用但聞雷便受之亦得小小靈驗不如初雷年年受之三年之中治人病痛便

瘥蟲毒自除大驗不假文書方法之言吐即救人納即鎮身故曰吐納者也服氣三符在靈官安神訣中

夫求神仙長生之道一受符籙制立身神上生錄除死籍驅六甲制三官內治身外救人

二服符帶檄鎮惡安心堅脈實腑臟通仙靈使鬼護人三去尸破穢駐色鎮神四告陳章表度災去厄延命留神解囚誅符以取生壽

五醮祭仙靈求通天地伏惡消凶解獄燒書以除死籍六呪術扶持經法共濟末運內安

身心外救人物此六者通仙人也

太上曰六通之子號曰仙人未即昇天也若在世千變萬化三官不害五斗共扶收鬼救人攝妖走邪行符破廟立作便成若秘之更

修後入神仙若見神力自在不修自說天皇災變妄召是非術法廣傳百千集會講談如此者三官惡之必奏太上泄天之機失道而死

五星芝有五一一見四不見一見芝光也長視其季星春夏秋冬各主五星隨季看星光明

淨者精氣逸也以面向星閉口塞鼻放氣鳴齒二十四握固存其季星至鼻孔口便入鼻迴轉入口用元氣金漿送之九納東方少時即吐星光化作七星戴於頭上次橫斗或三斗二斗一斗四斗五斗咸是內事也經云吞

一星戴五斗又橫斗坐斗臥斗懸斗逆斗順斗有七種治身之上以伏眾邪百鬼千神萬靈下官故氣惡念皆消矣服此令人上通星

漢知天地災殃變動之徵吉凶風水成敗之候星精報人也

若修行服六甲符不論年月日此是鎮身治

藏長生之道若有病處依舍影圖取符書貼之此名外鎮鬼神不逾三日即瘥內亦合符

萬病自除夫鎮常思七星戴復橫坐臥皆然鎮者懸於額戴者頭戴履者行四正步也橫斗者橫坐上坐斗如戴斗如人立斗

若有圖內用思星與外大約同也

禹步
右閉氣先行左足今三步九跡間架無長短

量壇大小爲之若大即作七星丁字步有數
丁步七即不成丁者不是若又不到角步畢
即常行而去但遠壇取匝皆論大醮小醮不
須以前結界設訖即左手執水右手執劍
於座西北角以劍攪水三匝又重呪曰

北斗七星之精入此水中百殮之鬼速遠萬
里不去斬死急急如律令便遠座噴灑水訖
又呪曰

斬邪將軍捕鬼使者驅除辟斥勿使鬼物精
邪輒干急急如律令

夜北向丁字罡

去三尸法

常以五月五日取桃葉五升熟搗之坐令氣
入下部九孔腹中從旦至暮尸蟲出之即離
苦厄

都章畢印者都諸錄也言都者管也章者記
數之名畢者盡其事也以都諸官將吏兵印
署而行道之要義修行之叙保命安身是都
印制諸錄名
靈書附後鈔

玄壇刊誤論

悟微子張若海集

第七

悟微子世參簪褐業在焚修三洞齋科誠爲
已任因循而已踏駁有疑未遇通人無所質
正一日有霓襟雲帔者云自天台四明而來
容止粹和瞻視端肅不言姓氏稱雲光先生
誠方外逍遙之人也儒釋該通仍精三洞科
教由是捨策憩止獲與之遊且曰咸洛江湖
既闕隴蜀仙壇靈嶽皆得徧遊每見齋醮舊
儀不免倒置子之習誤能服義而改之乎悟
微子曰小人顛愚欣聞良訓稽首作禮幸得
樞衣凡蒙指疵書諸紳帶其玄壇謬誤有二
十品目實前賢未曾商榷輒思流行奉三天
之法者目之曰玄壇刊誤論無或執迷而違
義也

論入靖品第一

雲光先生曰凡修齋三日前道士入齋堂靖
室潔雲襟神止息妄念不履穢穢不聽笙歌
端然一心唯在齋法而已今之道士預於齋
官者能孤潔無雜常自默朝造次昇壇固無

觸穢猶於教法須示規繩雖云道德內充亦
在威儀外備而苟非此輩寧免混淆豈可且
在塵埃暮登陞級俾其自省汝意安乎若官
觀之中不能三日或一日二日亦可也俗家
修設一晝夜入精其義且通悟微子稽首曰
敬聞命矣

重論入靖品第二

悟微子白先生曰入靖之事近多因循苟能
至誠豈在預事雲光先生曰此乃庸俗道士
欺謾庸俗之夫非通論也假如國家有事郊
廟其齋官太常卿上至太尉並散齋四日致
齋三日受戒誓後不吊喪問疾不作樂不判
刑殺文書不行刑罰不親穢事不入妻妾之
房祭前一夜都省鑾宿明日御史清道其所
往郊廟之路金吾司勒地界禁斷師僧孝子
喪車不許觸污齋官有饋專神也況三清上
聖乎悟微子曰若在官宅即然若在宮觀道
士各居靖室豈俟齋時方更入靖得無自鄙
耶先生曰不然道士所居靖室是寢止之室
非入靖朝具之室今官觀有精思堂凝神堂

思微堂存真堂者即是入靖之所也若就所居之室即精思諸堂復設何用悟微子曰誠哉斯言爾後敢不依稟

論說戒署職品第三

雲光先生曰說戒署職修齋前若入靖三日即於初日戒誓若入靖一日即於其日清且戒誓集道衆於法堂玄中法師前啓靈寶自然朝高功法師即宣揚戒誓各令淨心專於齋事秉持教戒之旨也然後署六職各供其職不得有闕說戒署職畢即監齋宣職狀後勝白於齋堂中是也今睹修齋道士當日齋集至夜自玄中法師前齋主投詞法師關告後便昇壇行事至重謝後却轉洞案說戒署職此乃先行其事然後署職何倒錯之甚也悟微子載詳斯禮始覺前科之非而今而後得以遵行

重論說戒事品第四

悟微子屏肅重白先生曰今之重謝後說戒其來久矣一旦改革豈有說乎先生曰是何言歟是何言歟事之不經何必襲舊復坐吾

語汝夫朝真之科與國家禋祀禮同而香蔬殺醴有異享前七日太尉於都省集齋官戒誓云某月某日有事于某廟各揚其職不供其事國有常刑苟致闕遺祭後舉罰未聞徹祭之後方補齋官也今道士登壇重謝後是行一朝法事畢也特地却重說戒聽其戒詞又非齋意自說初入道披度戒文次第乖違序序顛倒良由昔人不能判改按用謬科致使後來承此誤本雖云道門高德曾經校勘吾弗信也一如王侯命官豈可蒞事後方受簡牒子但質於通論必有尚理者為吾攘臂也悟微子聞義方悟前非

論發鑑品第五

雲光先生曰發鑑者即高功法師對三清兼鑪闕修齋之旨也其詞云无上玄元始三炁无極大道元始天尊太上大道君太上老君自然玉陛下然後云臣今奉為大道弟子某官姓名為某事修某齋此乃法師面覲元皇之祖也以上更无上於三清也故不兼稱諸聖矣今之修齋道士稱无上三天玄元始

三炁太上老君召出巨身中三五功曹左右官使者是今老君召出身中神也又云當召此間土地速出嚴裝闕啓臣今所為某人修某齋者且法象三天建立壇級法師昇壇已在三天之上對御啓奏之次豈合方仗身神

喚召土地證明功德大不可也未審土地之神得上三清之壇否兼云嚴裝猶慮祕露也真可笑哉況道士受法錄者九州社令一階尚不許入神廟恐與鬼神不安今召土地之神登三清之壇俾其何以安處假如人臣朝對次或令從者喚街吏市胥預丹墀證明功業其可耶其不可耶悟微子鞠躬稟聽慙汗沾渙不知昔人之誤也

論方懺品第六

雲光先生曰法師上十方香是先降十方真炁自下昇上然後到上清至尊前凡對三清啓奏不兼稱諸天尊號者所以尊三清而已乃是土元二王尊无上者也今之修齋者宣詞及三上香後却禮十方兼之懺謝此又非也无是入靖時道士以靈寶自然朝為諸

齋之祖

諸齋法出洞玄靈寶部所以為齋之祖也禮十方靈寶天尊或兼懺謝不在壇上而在法堂也其懺文或以紙書或以板札安於十方香几前不宜輒朝次宣讀禱祝下方天尊也而又更禮日月星宿五嶽洞府三河四海九江水帝及上方下方并經寶等亦有懺文謂之二十方也更向其中穿鑿凡唱禮禮東方九拜南方三拜西方七拜北方五拜四維各三拜上方三十二拜下方二十四拜此不軌之甚也十方天尊與日月星辰於三清前猶可庶幾五嶽水府之神大不穩便也五嶽又不禮海外五嶽局見之甚也假如人臣對君有事啓奏或有關宰臣者須候退朝巡廳詣宅啓白豈可輒於對揚之次迴首啓白宰相也夫三清即帝也十方天尊即臣也天上人間尊卑無異宣讀方懺於理未安悟微子退恩其言高早甚當敢不遵聽也

論去繁就簡品第七

悟微子白先生曰方懺之言既已聞義但行之斯久人其從之乎先生曰禮主於敬不尚於繁方懺之文後人所述雖詞華典贍首露周旋豈令其上聖徘徊待聽下方祈懺非所宜也昔者季文子祭繼之以燭有司跛倚以

臨祭雖有莊敬之心亦已怠矣他日子路預祭始贊明而祭晏朝而退孔子嘆曰孰謂由也不知禮乎此即多其簡敬也今開三日道場凡有十一朝法事至於方懺尚占九朝齋主齋官久立行事跛倚壇席其何以堪但書懺文一讀而已不猶愈乎悟微子再白先生曰或於九朝之中每朝均讀可乎先生曰必不得已須要宣文即三日九朝之中於重謝退朝之後宣讀三兩遍亦可只須更換懺文不可三日之內重讀舊文也既不賒延法席

又不勞急齋官推此而行有何不可且禮非從天降非從地出酌人情而已苟繁略有節誰謂不然悟微子拜手謝曰從事於斯也

論禮拜品第八

雲光先生曰恭默心拜不更煩文凡屈伸跪

起內以心敬外以形恭內外相應亦謂五體投地也稽首者一拜額至地頓首者亦是一拜以頭頓地也再拜者兩拜也通云稽首頓首再拜者是四拜也誠惶誠恐者是握簡曲躬踞地兩過捧簡長跪少頃又踞地兩過而止是也今之修齋者皆云誠惶誠恐稽首頓首再拜却只禮三拜應數而已故無首體投地之敬迺相倣此於禮甚虧悟微子曰而今而後奉而行之

論轉經品第九

雲光先生曰夫經者太上所說人之所稟持或修之於身或修之於國此乃奉經之旨也凡修齋轉經本在法堂內

法堂即宮觀正殿後有說法堂中列經寶左列玄中法師右列天師若在宮宅即對

壇場後鋪設供養三寶便為法堂也

左右列師子座兩所每登壇退朝即高功法師與齋官於堂開啓經文畢即都講與侍經昇座演暢經義開示未悟也故侍經簡文云衛師子之兩座即其旨也今之修齋者每朝

奏罷却於壇上唱禮轉經甚無謂也又開經前有呪誦是法師存思密念而已今道衆不候法師存念下次輒便厲聲朗誦不其乖乎悟微子謹佩良訓不敢失墜

論勅壇品第十

雲光先生曰勅壇者本是勅水也降五方五龍真氣之水解除穢穢也在宮觀靈壇神仙福地即勿用禁勅自有靈官護衛何邪穢之解被所慮營備齋物及人物往來惹諸穢氣或須行解也若在宮宅修齋即宜全行解禁法事但請降五方五童君真氣是也今之修齋者須云東方青童君身長九千萬丈從官九千萬人皆法方氣又何勞定其長短拘其人數也又云飛仙神仙日月星宿三河四海兵馬各億萬騎又何多也尺云可蓋屋三重

透壇三匝何三清玄壇既設臨時方役靈官蓋屋也又云上張天羅下布地網何三清壇上更張羅網也郵樓之語爾其去之悟微子豁然拜手稟命也

論醮壇品第十一

雲光先生曰醮者祭之別名也肉食謂之祭禱食謂之醮凡修齋上至三清上境次乃十極諸真下及五帝三官神仙靈官之屬三日三夜香燈幡花列位供養何散齋之日而又用酒醮靈官也若行之於未散之前且奕尊

早之禮行之於既散之後又妨導從之儀天真既預於齋醮靈官豈須於酒醮但於散席之旦就靈官位供養醮饌茶湯即是也通鑿之士無或致疑悟微子曰以酒為醮行之既久頓發可乎先生曰若單設醮席自有科儀與齋法本殊不用酒脯又何嫌也然齋壇靈官三日受香飯之供宜不隨軒駕違留破齋求之俗人尚猶不可所務允當勿信凡庸悟微子受教永承稟佩

論三晝四夜品第十二

雲光先生曰凡修齋云九時行道三晝四夜也兼言功拜表都十一朝也九朝即第一夜至明日五更及齋時第二第三日各是三朝凡九朝也至第三夜一朝號言功法事至第四日五更為拜表荷恩法事共十一朝也

今修齋者行十一朝法事又都不分別言功荷恩之禮至第四日又讀无上齋詞云表白散齋此乃十二朝也何重疊之甚乎悟微子曰小子鄙情不知仰荷開示

論唱道及登壇品第十三

雲光先生曰凡修齋逐朝登壇之前法師與官班立於玄中法師前高功法師啓白後都講唱道場衆等人各運心歸命三寶讚詠行道其所唱云人各運心者即是今法師齋官運心玄極注想宸嚴旨在默念冥思且非齊聲競念也今之修齋者不原都講所唱之理不依注想運心之規厲其音聲念其功德至於聖真品位周聞尊卑而又每登靈壇元自地戶昇旋行至上級朝退即自天門降之今之齋者昇自地戶降自地戶了不履於天門不唯靈官所誅抑乃識者所誦悟微子稽首謹佩明言

論齋粥前後誦念品第十四

雲光先生曰凡登堂赴坐或齋或粥之前先行淨後行香然舒巾畢供物至都講聲聲者

三法師默念出生呪畢復聲磬二次乃齋也
齋畢又聲磬三都講吟爲諸讚及迴向功德
讚畢即齋官起也今之修齋者於齋粥後又
念功德上至三清上尊次及五帝三官真仙
神仙靈官之屬抑又過也且齋官每登壇朝
奏莫不俯仰兢兢夜冠濟濟對歎

宸極尚慮虧儀豈可於端坐飽食之間念上
聖天真之號仍云念斯功德回福齋家即不
知晝夜朝修功德何在須俟飽飲復念聖真
唯知敬彼釋徒因畏擬其天譴悟微子頓覺
前誤俯伏謝之

論齋主心詞品第十五

雲光先生曰凡修齋一晝兩夜或三晝三夜
或七晝七夜並須詞文逐日更換在齋意即
不殊於詞言須各別不可遍遍宣讀元上詞
文也初建齋一詞述其大綱所爲意度未可
便有祈禱也次一詞方露禱祈意旨末一詞
首謝沈黯聖聽及荷恩之旨也今之修齋者
不計日數即執一文重宣揚得不撓於聽
覽也譬如世之帝王臣下有事騰奏或一表

再表只用舊詞可乎比之一人尚猶未可論
及三寶其何以安悟微子扣頭作禮拈香稟明
訓

論教化法式品第十六

雲光先生曰教化法式聖人之垂範者也教
者教也化者變也謂教弘太上之教廣變人
天之教化既布即有法式謂教則法式既
立即有科律律以科律既立即有禁戒
禁戒既立即有威儀有威可畏威儀既備即
俯仰進止庠序雅步存真念道登壇朝奏禮
拜稽首動無虧闕方合教化法式也且夫弘

論凡修齋用樂品第十七

雲光先生曰凡修齋行道謂之朝禮禮既行
矣樂亦備焉夫樂奏之圓丘天神降奏之方
澤地祇昇鼓之以和八風播之以正四序行
禮作樂者所以通天地而交神明也謹按仙
書玉京山諸天仙聖衆奏鈞天廣樂鼓雲璈
吹赤簫鸞歌鳳舞霓幢羽葆燃香捧花步虛

讚誅旋遶天尊即其事也今之郊廟登歌皆
述祖宗之德別無他詞若以尋常之詞不可
揚于天庭也而況玉皇上帝之前乎悟微子
曰今之殿庭廣陳雜樂巴歌渝舞悉參其間
即人間小詩安得不播於步虛哉先生曰帝
王宴羣臣號曰示慈惠尚有觀優之樂巴歌
下節悉可敷陳若郊廟之詞無非典雅豈容
鄙猥預於登歌何況上帝天真之前而用凡
俗之語斯不然也悟微子聞義而退

論露壇品第十八

悟微子白先生曰壇上施屋號曰衆妙臺亦
號虛皇臺廣成杜先生論之備矣然古者宮
觀皆是露壇今之國家四郊亦是露壇雖有
改張曲不合古請垂開示先生曰杜公之論
吾無間然但國家諸壇祭享有時雨露失容
其禮即廢今之宮觀本爲衆人或力辨建修
遇雨而廢即於齋主豈不重勞但能精誠上
通何患重簷所障露之與蓋兩不相妨悟微
子審聞斯言誠吾心也

論坐立功德品第十九

悟微子曰：今之宮觀三尊同殿而坐，乃至三官五帝悉皆塑坐。若並令侍立，其義可乎？先生曰：坐立之儀不難辨。白宮觀之內各有院宇，譬如人世帝王自有正寢三公四相，各有廳事。至於百執事皆守司存，既非趨朝，何必拱立？若當臨軒之日，列班而趨，豈容宰相三公相向而坐？吾所謂坐立之儀不難辨，白正在斯乎？但以宮觀之間木雕泥塑，臨時坐立不可改更。若是繪畫一壇功德，並宜立侍，即尊卑之禮有叶人情。悟微子稽首聞命。

論齋宴儀品第二十

悟微子曰：先生曰：今之帝王宴會百執事皆得預坐，安有三清齋席須令拱立乎？先生曰：人世趨朝司儀辨等與夫朝拜三清之禮其事正同，此謂朝也。非謂宴也。既設齋饌，即退朝就食，又何所妨？但三尊前不得不侍立也。質於通鑒方諒斯言。悟微子默然而退，或謂悟微子曰：齋醮之儀相傳已久，今之駁雜雅合是非，但慮浮淺之夫鄙猥之輩尚執妄說。

不信格言其如衆口因循久安舛誤。吾子所稟殆難行乎？答曰：吾得之於通方道人質之於博學君子。既曰允當，豈恤人言苟上合於天真，又何憂於俗論？幸希玄鑒，無致詆訶。時天福八年上元日於長沙紫極宮寫札傳於同道。庶幾刊誤免貽議於識者。開吾徒蒙悵也。

玄壇刊誤論

五嶽真形序論

卷八

昔漢孝武帝好長生之道，常祭祀名山，大澤祈祀靈嶽，以求神仙之應。以元封元年正月甲子祭嵩高山，起道宮，帝齋七日，祠訖乃還。到四月戊辰夜，閑居東方朔董仲舒在側，焉忽見一女人著青衣，非常麗也。帝愕然問何人，女曰：我壙宮玉女也。為玉母所使，從崑崙山來，語帝聞子欲輕四海之祿，尋道求生，降帝尊之位，而屢禱山嶽，勤哉有心，似可教者。也。從今百日清齋，不交人事，到來年七月七日。西王母當覽來也。武帝下席跪諾。言訖，玉女隱忽然失。所帝於是登尋真之臺，齋戒存道，其四方之事權委於冢宰。焉到七月七日，掃除宮掖之內，設座於大殿之上，以紫羅薦地，燔百和之香，張雲錦之帷，然九光微燈，設玉女之裘，葡萄之酒，躬監般款，以為天宮之饌。帝乃盛服立於階下，勅端門之內，豎不得有妄闕者。內外諡寂，以俟仙官。到夜二唱之後，忽見天西南如白雲鬱鬱，直來逕赴宮庭。須臾轉近，聞雲中有蕭鼓之聲，人馬之響，復

半食頃間王母至也懸投殿前有似鳥集或駕龍虎或乘白鹿或乘白麟或乘白鶴或乘料車或乘天馬羣仙數千光耀庭宇既至從官不知所在唯見王母乘紫雲之輦又駕九色斑龍別有五十天仙側近雲駕皆身長一

大同執彩旄之節佩金剛靈璽帶天具之策威住殿下王母唯扶二侍女上殿侍女年可十六七服青綾之袿容眸流盼神爽清發妙姿絕世也王母上殿東向坐著黃錦袷欄文彩明鮮金光奕奕交帶靈飛大綬腰帶分景劍頭上大華結戴黍真晨嬰之冠復玄瓊鳳文之帛映玄雲棟神光睇睇視之年三十許脩短得中天姿掩靄靈顏絕世真靈人者也下車登牀武帝拜跪問寒溫畢立如也因呼武帝共坐帝南向王母自設廚廚精麗非常

口有盈味帝食輒錄核王母問錄核何為帝曰欲種之耳王母曰此桃三千年一生實耳中夏地薄種之不生如何帝乃止徐乃下地叩頭自陳曰徹受質不中耽淪流俗承禪先業遂羈世累政事多闕兆民無和風雨失節五穀不實德澤不逮冠盜四起當由其主積罪丘山然少好生道仰慕靈仙未能棄祿委榮棲跡山林思絕塵餌罔知攸向且棄世尋真鑽啓無師歲月見及恒慮奄忽不圖天真頓集今日下臣有幸得瞻上聖是臣宿命當得度世願垂哀矜賜諸不悟得以奉承切已之教王母曰汝能賤榮樂卑耽靈味道自復住耳然汝情恣體慾淫亂過甚殺伐非法奢侈其性恣則裂體之車淫為破年之斧殺則響對奢則心爛慾積神損聚穢命斷以此蕞爾之身而宅滅形之賊盈尺之才乃攻之百刃欲以解脫三尸今身求久難可得也有似無翅之鷄願鼓翼天池朝生之蟲而樂春秋者哉若能蕩此衆亂撥穢易韻保神烝於絳府閉淫宮而不開靜奢侈於寢室愛衆生而

不危守茲道戒思乎靈味務施惠和鍊精惜氣早却浮麗今百競速逝汝行有若斯之事將豈無彷彿耶如其不爾無為抱石而濟長津矣帝跪受聖誠請事斯語帝見王母巾器中有一卷小書盛以紫錦之囊帝請問此書是仙靈方耶不審其目可得瞻盼不王母出示之此五嶽真形圖也昨青城諸仙就我請求今當過以付之此乃三天太上所出文秘禁重豈汝穢質所宜佩乎今且與汝靈光生經可以通神勸志也帝固請不已王母曰昔上皇清虛元年三天太上道君下觀六合瞻河海之短長察丘山之高卑名天柱安於地理頓五嶽而擬諸鎮輔貴昆陵以舍靈仙專蓬丘以館真人安水神乎極陰之源栖太帝乎扶桑之墟於是方丈之阜為理命之室滄浪海島養九老之堂祖藏玄炎長元流生鳳麟聚窟各為洲名並存滄流大海玄津之中水則碧黑俱流波則震蕩羣精諸仙玉女聚居滄英其名難尋其實分明爾乃因山源之規觀河嶽之盤曲陵回阜轉山高隴長周

旋委蛇形似書字是故因象制名定名實之號盡形秘於玄臺而出為靈真之信諸仙佩之皆如傳章道士執之經行山川百神羣靈尊奉親迎汝雖不正然數詣山澤叩求之志不忘于道欣子有心今以相與當奉深慎如事君父泄示凡人必致禍考按九老仙都十明之科九炁丈人昭生之符太靈羣文皆是三天太上帝君所撰或是三皇天真所造或是九天父母真人赤童所出此輩聽四十年得傳一人四十年無其人聽八十年頓傳二人耳授非其人是為泄天道可授而不傳是為閉天寶不計限而妄授是為輕天老受而不敬是為慢天藻泄閉輕慢四者延禍之車也泄則身死道路受生形而骸裂閉則首聾於來生命凋枉而卒歿輕則禍鍾於父母諸玄都而考罰慢則暴終而墮惡疾於後世復有愈此罪者宗斷而族沒同道謂之天親同心謂之地愛傳授當相親愛共均榮辱營心真一珍惜精液共養和氣氣合神歸必齊靈會如其不爾天降汝癘此皆道之科禁令

故相戒不可不慎若汝欲有所授董仲舒者似其人也即命侍女使更取一圖以與武帝侍女探懷中得一卷形書精明俱如王者王母以手付帝帝再拜跪受王母曰若汝遂尅明正身反惡修善復三年七月更來告汝道也須臾殿南窻朱鳥窻中有一人來看闕王母帝驚問何人王母曰汝不識此人耶是汝侍郎東方朔也是我隣小兒而性多滑稽曾三來偷此桃子昔為太上仙官太上令到方丈使助三天司命收諸家朔到方丈但務山水遊戲了不共營和氣擅弄雷電激波揚風風雨失時陰陽錯逆致令蛟鯨陸行山崩壞境海水暴竭黃馬宿淵妨農芝田沉酒玉酒失部御之和虧奉命之科於是九源丈人乃言之於太上太上遂譴斥使在人間去秦清之朝今處臭濁之倫近蒙金華山二仙人及九疑君比為陳乞以行原之於是帝始知朔非世人也言語飲酒因告武帝仙官從者姓字及冠帶執佩物名所以得知而記焉至向曉王母別去臨發人馬龍虎鼓吹導引如初來

時雲炁勃鬱盡為香氣極望西南良久乃絕於是帝既見王母乃信天下有神仙之事欲有去世計數矣而淫色自性殺伐不休百姓嘆於勞役死者怨於無辜不從聖母之言遂不復來也先王母見武帝多所稱說或延年之訣致神之術帝乃自撰集為一卷及所與經圖之屬帝皆請以黃金之凡封以白玉之函安著柏梁臺上後到太初元年天火焚臺於是真形及靈光生經自撰受集要遂爾燒失王母常以武帝不從訓誨而災之耳但帝先承王母言以圖授董仲舒仲舒登寫賴此得存也其後東方朔一旦乘雲龍飛去同時衆人見後西北上冉冉仰望太霧覆之不知所在帝甚悞恨自知失道其年十二月壇蒿里祠后土東臨渤海望祠蓬萊山春還受計于甘泉二月起建章官夏五月正曆以正月為歲首色上黃數用五定官名協音律遣將軍公孫敖築塞外受降城秋八月幸安定遣貳師將軍李廣利發天下勇兵西征大宛改曆以正月為歲首是王母之意也鮑靚曰子

祭王母衆仙之宗猶珍貴此文何凡近小人而欲聘之乎

漢武帝以王母言問東方朔朔對如別祖洲瀛洲玄洲炎洲長洲元洲流洲生洲鳳麟洲聚窟洲此言皆十洲之名處巨海之中

是人跡所不逮處

祖洲在東海中地方五百里去西岸七萬里上有不死之草草形似菰苗長三四尺許人已死者以草覆之皆登時活也未服之人長生昔秦始皇時大宛中多枉死人

○橫道時有鳥如鳥狀數銜此草以覆死人人面皆登時起坐有司奏聞始皇遣使者齋草以問北郭鬼谷先生先生云此是東海中祖洲上不死草也其草生瓊曰中或名爲養神芝其葉似菰生不叢株止活一人始皇於是乃遣童男童女五百人入海尋祖洲遂不返也

瀛洲在東海中地方四千里對會稽去岸十七萬里上生神仙芝草有玉石高且千丈出泉如酒味名爲玉酒或爲玉膏飲數升

輒醉令人長生洲上多仙家風俗似吳人玄洲在北海之戌亥地地方七千二百里去岸三十六萬里上有太玄都仙伯治玄丘山又有風山聲氣響電對向天西北門上多太玄仙官

炎洲在南海中地方二千里去岸九萬里上有風生獸似貂青色大如狸張網取之積薪數車以燒之薪盡而此獸在灰中不燃其毛不焦斫刺不入打之如皮囊以鐵錘鍛其頭數千下乃死而張其口以向風須

○史便活而起以石上菖蒲塞其鼻即死取腦和菊華服之盡十斤得五百年又有炎林山山中有夜光獸大如鼠毛長三四寸或赤或白山可二百里許晦夜望見山林及此獸光照如燃火狀取其獸毛續以爲布名曰火澣布衣服此布垢汚以灰水浣之終不除唯以火燒之兩食許出振其垢更白潔如雪亦多仙人

長洲一名青丘在南海辰巳地地方五千里去岸二十萬里上饒山川又多大樹樹乃

有二千園者一洲之上專是林木故或名爲青丘仙草靈藥甘露玉英靡所不有又有風山山弘震聲上有紫府宮天真仙女多遊於此

元洲在北海中地方三千里去岸十萬里止有五芝玄澗澗水如蜜服之長生服其芝不死亦饒仙家

流洲在南海中地方三千里去岸十萬里上多山川積石名爲昆吾石治其石成識作劍光明照洞如水精狀割玉如割泥焉亦饒仙家

○生洲在東海寅丑之間擴蓬萊十七萬里地萬二千三百里去岸二十三萬里上有仙家數萬天恣安和草木常生長養萬物地無寒暑亦多山川仙草又一洲水味皆甘如飴酪至良者也

鳳麟洲在北海之中地方千五百里洲四面有弱水遶之鳴毛不浮不可越也洲上專多鳳麟數萬爲羣並有山川池澤及神草百種亦饒仙家焚鳳喙及鱗角合煎作膠

名之為集弦膠或名之為連金泥此膠能續弓弩斷弦連已折之金並連集更打折他處乃斷此所集際終不脫也

聚窟洲在西海中居申未之地地方三千里接崑崙十萬六千里去岸二十四萬里上

有真仙靈官宮第比門不可勝數及有獅子辟邪盤齒天鹿長牙銅頭鐵額之獸洲

上有大山形似人鳥因名之為人鳥山山多大樹與楓木相似而枝葉氣香聞數百

里名之為反魂樹叩其樹樹亦能自作聲聲如羣牛响聞之者皆心震神駭伐其木

根心於玉釜中煮取汁更微火熱煎之如黑飴狀令可丸名之為驚精香或名之為

震靈丸或名之為反生香或名之為震壇香或名之為人鳥精或名之為却死香一

種六名斯靈物也香氣聞數百里死尸在地聞氣乃活不復須以熏死人而生也

滄海島在北海中地方二千里去岸二十萬里海四面遶島各五千里水皆滄色謂之

滄海也島上專是大山積石至多八石芝

石腦石桂英流丹黃子之輩百許種皆生於島石服之長生島中有紫石宮室九老仙都治處仙官萬許人

方丈在東海中央東西岸相去正等地方三千里上專是羣龍所聚有金玉之官三天

司命所治處羣仙不欲昇天者皆在此洲受太玄生錄仙家數萬耕田種芝草課計

頃畝如種稻狀亦有玉石泉上有九源丈人宮主領天下水神及龍蛟陰獸之物

扶桑在東海之東岸直上岸萬里復得碧海廣狹浩汗與今萬海等大水既不鹹苦正

作碧色甘香味美扶桑地方萬里上有天帝太真東王所治處多生林木葉皆如桑

又有樵樹長者數千丈大二千餘圍樹兩兩同根偶生更相依倚是以名為扶桑芝

仙人食其榘體皆作金色其樹雖大其葉棋故如中夏無異但味絕甘香耳地生黃

金白玉瓦石狀仙人身亦有長十丈者亦有長五六尺者

蓬丘蓬萊山也對大海東北岸山周迴三千

里其外別有圓海遶山圓海水正黑色謂之溟海也無風而洪波百丈不可得往來上有九炁丈人九天真玉宮唯飛仙能到其處耳

崑崙崑崙山也在西海之崖申未地也去咸

陽四十二萬里山高平地萬里上方千里形如仰甕下狹上廣故名之為崑崙周匝

弱水遶山上有金城五所玉樓十二所流精之闕光碧之堂瓊華之室紫翠密房西

王母之所治衆仙所宗上通璇璣九炁流布帝王玉衡品物羣生希奇出皆在於此

不可具記太上名山鼎於五方鎮地理也號天柱於岷城象岡輔也諸百川極深水

靈居之其陰難到故治無常處非如丘陵而可得論是以天地設位因物象之宜上

聖觀方綠形而著爾乃處玄風於西北坐王母於坤鄉昆吾鎮於流澤大桑植於碧

津離合大精而光獸生於炎野坎總衆陰是以仙都宅于海島良位山方蓬山填於

寅丑異體元女養巨木於長洲高風鼓乎

羣龍之位暢靈人於遐丘至妙玄深幽神難盡真仙隱宅靈陵所在六合之內豈唯數處而已矣此皆舉其標末耳朔所見不博未能宣通聖詞昔曾聞之於得道者說此十洲大丘靈阜皆是真仙奧墟神官所治其餘山川萬端益無復及此者也堯時遣禹治洪水經諸五嶽使刻石識其里數高下其字科斗書非漢人所了也今丈尺里數皆是禹時書也不但刻度五嶽諸名山亦然刻山之獨高處耳今書處是朔所具見其王母所道諸靈數禹所不履唯書於中夏之山石也

魯女生長樂人也少好道初服餌胡麻及求絕穀八十餘年日更少壯色如桃花一日能行三百里走及麀鹿傳世見之二百餘年後採藥於嵩高山忽見一人坐磻上女生叩頭再拜稽首乞長生之要其人曰我三天太上侍官者也汝當得仙故得見我我將授汝寶文祕要可以威制五嶽役使衆靈良久乃以五嶽真形圖以與之并

五嶽真形序論

告其施用節度女生道成一且乘龍與知交故人別云入華山中女後復五十年先相識者逢女生於華山廟前乘白鹿從玉女三十人并令謝其鄉里親戚故人甚分明也說女生顏色更少五嶽圖與王母訣正同今得見於世間者起由董仲舒及女生二人得之仲舒臨去以傳樂巴女生後以傳封君達晉魏際君達入玄丘山臨去傳鄭氏

弟子葛洪曰夫至道無形機妙難論神仙之事誠非小醜所宜緣尋然世人不觀其門皆謂之無既見真驗復不肯以語人是以清濁乖律香臭絕倫若道士得祕聖之書皆當杜於一人口者則靈真之文將墜於獨見何緣得存流於百代乎洪謂傳授但當必得其人耳豈可都閉耶自江東都無有此書若鄭君復祕而不出則斯文永翳也昔曾以此白鄭君鄭君曰道書人皆有之如三皇天文大字及靈書至妙修勤求慕時或聞見五嶽真形圖自錄之首吳

越之人無有得傳將斯文之不出文貴而不授乎不審先生有此書與不儻今魚目之珠映於九陽之光滄丘瓦石覽瞻南和之肆若遂仰瞻天真則洪心堅愈深鄭君曰此書吾似有之傳授禁重不可妄泄傳非其人罪咎必至凡道士輩雖心希清正而行多不備不備則有慮有慮則禍詣亦何悉令致禍之書而為刀鋸乎是以先流得之者又不敢輕以授人便自都絕正如此耳卿極有心必能通玄暢昧是故相告且勿宣之吾先受此書於青牛先生自吾受圖以來未傳一人依仙科當付一人乃得絕身棄跡耳世上波波不可復停行當以此文與卿復是一年許七月閑夜見呼告曰吾方當去可具素寫圖洪乃齋盛祭受今施用節度皆出於鄭君也鄭君說青牛先生仙人封君達本隴西人也初服黃連五十餘年入鳥鼠山又於山中服練水銀百餘年還鄉里年如二十者常乘青牛故號青牛道士行聞有疾殆死者識與不

識便以腰間竹管中藥與服之或為下鍼應手皆愈世多得其驗効都不以姓字語人人通識乘青牛為名耳人間復二百餘年入玄丘山中不知所在青牛先生言家有五嶽真形一嶽各遣五神來衛護圖書

所居山川近心者山澤神又恒遣侍官防身營家凶逆欲見傷害皆反受其殃辟除五兵五溫可帶履鋒刃又司人之姦穢言人之不正不正者禍身姦穢者禍門是以宜深忌慎人有帶此文及執持以履山林者百山地源靈主皆出境拜迎尊貴圖信鬼神猶執卑降之禮何況凡人而可慢情哉

鄭君言在家一歲輒一祭圖令人居家富昌官身陽升行來諧合凶禍遠遯求欲得願長生延年若山林獨處可虧祭也所以然者山林幽寂栖心無邪又非酒殺所出唯當恭而已矣家居混雜有婦女雞犬塵穢生於部界情慢出自言語先或汚濁神炁或產乳堂宇是故齋祭靈圖以謝災癘

以月建齋三日又須夜半之時出庭中或密室中西向勿令人

昔黃帝遊觀六合後造神靈見東中西北四嶽並有佐命之山唯衡山峙立無輔乃與昌字力牧方明等章祠三天太上使命

霍山潛山為南嶽儲君拜青城山為丈人署廬山為使者令總衡嶽以鼎鑪舉德真而為主儲君者衡嶽之副君也具越人或霍山為嶽其實非正也

授圖祭文鄭氏所出

其以胎生肉人百官子孫沉酒驚惡流濁世務運遇有幸得奉大化滌蕩穢俗許以更改修心慎違希企靈真夙夜馳競不敢寧捨昔以某年月日歲在某處受先師甲乙真形按九都千明之科許得傳授謹按道法當付良密今有同志道士某郡縣鄉里男生某甲年如千歲小心勤翼必能宜啓靈化敷正神炁即以今年月歎血誓書授其真圖委緡告盟禁以不傳天親同心常相愛護不得棄元崇末要銜榮利其五

八大約禍福所期量已審人任之處焉謹清齋祭付唯即一列上達三天

受圖祭文蘇君所出

其本胎生肉人枯骨子孫生長濁世染亂罪者宿行積咎禍高丘陵天啓其衷得聞聖化心開改蹟好生樂道仰慕靈感思求真應庶蒙清蕩以延性命恒捨穢率善願為種民攢求遐年當須天啟登山履川亦賴靈助注心道門不敢攜貳並仰真方物自輔信及今即日受五嶽真形藏戢一已與之終始五八有期求無中泄傳授相親愛護同氣獨齊榮辱天科所祐不敢慢惰抵犯禁網遵受法訣封之于心謹清齋告祭以為其始唯即一列上達三天章奏太上除禁三尸登書生錄刻題玉札緘之絳府五方靈嶽各遣五神千山百川時差侍官營守圖文防護赤身使長生永存壽延億千

鮑氏佩施用

親按黃帝靈籙五匱內真文云此書是三

天太上撰次所出曾聞之於先達者言西王母紫蘭宮屋通畫此象諸穉官玉女仙人服衣皆以此形畫之昔建中黃太一以此圖下授名山隱逸有仙錄者結約五八年而傳也自無運命之遇莫見其篇目矣如魯女生山中受之皆此類也仙人云道士佩此文入山林川澤所經諸靈神皆出郊境奉迎焉然五嶽各有所部東方之山則屬東嶽其西嶽南嶽北嶽亦同唯平地江河淮水及中央之山陵皆統中嶽之部也諸入山採八石石象石腦流丹流珠飛節黃子石髓桂英及芝草諸神藥自無五嶽佩之此仙物終不可得也欲佩之法以青為縉或用白為縉盛以紫囊或帶之頭上或帶之心前或肘後山無大小皆有靈神來形見自稱某山中來迎拜也是太上真人以為所使策文五嶽衛此圖書如今世人敬監司之章節狀所以丘山之神而來拜謁也受付之法限之四十年一傳歎血委暫而約人有此文在家者五

五嶽真形序論

嶽君各遣五神來奉衛圖文所居山川源澤諸靈各遣侍人營護子耳他人憎嫉謀議口舌凶逆賊害及縣官繫子者五嶽所衛二十五神及山川侍官即白所居之部嶽君嶽君即使鬼物反害彼人自中也奉之者不可不正身清神若行邪亂慢不尊所愛忽賤靈信輕侮宗末者禍至滅家不可不慎入山無真形則眾精壞人採藥不得真形則羣靈蔽之為道士不得真形則魂氣不定三尸亂于術士不得此文皆不成就但有此文以佩身仍足彌綸眾神橫行天地在家則神人奉衛入山則群靈奉迎採藥服芝草則真仙營護經疫遇害則災自滅爾乃虛往實來真驗禍福將有道者其秘而尊焉

漢元封元年西王母授孝武皇帝太上真仙授仙人長樂魯女生

五嶽圖序東方朔所出

五嶽真形者山水之象也盤曲迴轉陵阜形勢高下參差長短捲舒波流似於奮筆

鋒芒暢乎嶺嶠雲林玄黃有如書字之狀是以天真道君下觀規矩擬縱趣向因如字韻隨形而名山子有東嶽形令人神安命延存身長久入山履川百芝自聚子有南嶽形五溫不加辟除火光謀惡我者反還自傷子有中嶽形所向唯利致財巨億願願尅合不勞身力子有西嶽形消辟五兵入刃不傷山川名神尊奉司迎子有北嶽形入水却災百毒滅伏役使蛟龍長享福祿子盡有五嶽形橫天縱地彌綸四方見我懽悅人神攸同昔黃帝徵師諸侯與蚩尤戰於涿鹿之野遂擒之諸侯咸宗為天子代神農氏是為黃帝天子有不順者從而征之破山通道未嘗寧居東至于海登太山及岱宗西至崆峒登雞頭南至于江登熊湘北遂蟬粥金符登山而邑于涿鹿之阿遷徙往來無有常處察四嶽並有佐命之山而南嶽獨孤峙而無輔乃章祠三天太上道君命霍山潛山為儲君奏可帝乃自造山躬寫形像連五圖之後又命

拜青城為丈人署廬山為使者形皆以次相續此適始於黃帝耳

東嶽泰山君領群神五千九百人主治死生

百鬼之主帥也血食廟祠宗伯者也俗世所奉鬼祠邪精之神而死者皆歸泰山受

罪考焉諸得佩五嶽形入經山林及諸泰

山君及諸山百川神皆出境迎拜子也泰

山君服青袍戴蒼碧七稱之冠佩通陽太

朔之印乘青龍從群官來迎子

南嶽衡山君領仙官七萬七百人入諸南嶽

所部山川神皆出迎南嶽君服朱光之袍

九丹日精之冠佩夜光天真之印乘赤龍

從群官來迎子

中嶽嵩山君領仙官玉女三萬人入諸山是

中嶽所部名靈皆來迎中嶽君服黃素之

袍戴黃玉太乙之冠佩神宗陽和之印乘

黃龍從群官而迎也中嶽是五土之主善

敬之太上常用三天真人有德望者以居

之

西嶽華山君領仙人玉女四千一百人道士

入其所部之山川神並來迎華山君身服

白素之袍冠太初九流之冠佩開天通真

之印乘白龍而來迎子

北嶽恒山君領仙人玉女七千人共入所部

之山川神皆來迎北嶽君服玄流之袍冠

太真寔靈之冠佩長津悟真之印乘黑龍

而來迎子

青城丈人黃帝所命也主地仙人是五嶽之

上司以總群官也丈人領仙官萬人道士

入其山者丈人服朱光之袍戴蓋天之冠

佩三庭之印乘科車從眾靈而來迎子

廬山使者黃帝所命秩比御史主總仙官之

位蓋五嶽之監司道士入其山者使者服

朱緋之襪戴平華之冠佩三天真形之印

而來迎子亦乘科車從以眾靈

霍山南嶽諸君黃帝所命衡嶽之副王也領

群靈三萬人上調和氣下拯黎民關校眾

仙制命水神是峻驗之府而為諸靈之所

順也道士入其境儲君服青錦之袍戴啓

明之冠佩道君之玉策而來迎子或乘科

車或駕龍虎

潛山儲君黃帝所命為衡嶽儲貳特參政事

今職似輔佐者也入其山潛君服紫光繡

衣戴叅靈之冠佩朱官之印乘赤虬之車

而來迎子諸佐命山君並輔弼嶽君預於

位政道士入其山佐命服朱袍戴仙華之

冠佩太上真形章而來迎子所乘無常

東方朔言古畫五嶽真形首目者乃是神農

前世太上八會群方飛天之書法殆鳥跡

之先代也自不得仙人譯注顯出終不可

知也凡道士欲佩圖進取山象及書古文

卷畢以此題外面然後盛之帶符當得正

月建寅齋七日齋中寫白訖醮如傳授法

但易章中自說辭旨隨人也凡寫書皆燒

香於左右

五嶽真形序論



高上神霄宗師受經式

卷九

上聖開圖明華散藹真元經粹妙範流芳粵
在浩劫赤明之初

元始之尊乘赤混太元靈積生之炁應化於
東方始青諸天與十方天真大神上聖高專
妙行真人無執數衆演說靈寶度人神霄衆
經並以授於

玉宸太上道君因命天真皇人并上清諸真
人總其元義開品分條共為六十卷以應六
甲之數皆以無量度人為首其經既成簡奏
虛皇遂使藏于紫微上官仍今付於

神霄玉清真王君秘於東極華堂瓊室之內
至於後劫方當下傳逮其炎宋興隆太平炁
至時際吉會神霄真王當降世間以為人主
遂舉其弟青華帝君代領神府之任真王受

天明命紹承丕祚統御九有協和萬邦顯彰
道化闡神元風政和壬辰之後青華時來密
會禁掖神明齊契天人相通所以告於期運
者焉於是真王飛神達變洞合紫清乃以神
霄瓊室所秘靈寶真經六十卷又以昔侍元

高上神霄宗師受經式

始同登覽羅觀覽三元靈光玉網之炁而成

高上神霄玉清秘錄三卷嘗於上皇年間詳
考於玉晨之手定格於紫微之房亦在神霄
歷劫禁重今並當出乃遺左右仙卿仙吏將
其經錄著以人間之義易以世俗之述置設

科式宣揚於志節之士若其得遇此道勤而
修之皆是夙簡元名形繪帝軒三華鍊骨五
輝內纏克係為壬辰受度之人學真之士萬
劫之中際遇此時是為難也可不勉之者哉
王清虛皇元始天尊為祖師

上清玉宸元皇道君為宗師

高上神霄玉清真王長生大君為真師

已上高上神霄大道三師

高上神霄太上洞玄靈寶度人經六十一卷
太上洞玄靈寶度人上品妙經清微金科上

品妙經萬餘玉律上品妙經大赤靈文上品
妙經玉宸大道上品妙經太一元精上品妙

經日精陽明上品妙經月華陰景上品妙經
離合五行化體上品妙經斷絕胎根閉塞死

尸上品妙經騰曜二景五星上品妙經扶桑

青陽上品妙經素景曜靈上品妙經五方正

炁上品妙經五行順治上品妙經天地八維
安鎮國祚上品妙經求延劫運保世昇平上
品妙經飛神召靈上品妙經降真召靈上品
妙經十方聖境上品妙經

明體貫炁品

九霄高玄上品妙經九宮仙籍上品妙經八
景神合上品妙經玉明運度上品妙經

赤符丹光品

紫光丹靈上品妙經碧落空歌上品妙經鍊

炁變仙上品妙經神變炁化上品妙經生化

胎根斷除邪穢上品妙經迴骸起死上品妙

經長生久視上品妙經三晨光曜保命延生

上品妙經降真延壽上品妙經保胎護命上
品妙經消穢國君王侯世土上品妙經太一

神變五福護國攘兵上品妙經七星除妖上
品妙經神符除難上品妙經洞神攘災上品

妙經析穢水旱上品妙經消除災疫保命延
年上品妙經除穢水火漂溺上品妙經解穢

山谷瘴癘上品妙經消除病癘跛病上品妙

經顯瑞符應上品妙經陰陽化生上品妙經

五行備足生靈壽域上品妙經安鎮九壘土

炁不祥上品妙經析求嗣續慶延門閣上品

妙經蠲化水火災癘上品妙經玄明洞淵上

品妙經南宮延生上品妙經北都除殃上品

妙經斬馘不祥上品妙經斬滅五行邪怪上

品妙經追度上世亡魂上品妙經解釋幽牢

上品妙經濟度死魂上品妙經化尸受形上

品妙經求斷輪轉上品妙經

已上經題各有太上洞玄靈寶無量度人上

品妙經字

高上神霄靈寶度人經六十一卷並出於神

霄東極華堂瓊室之中乃歷劫禁秘未傳經

也得遇此道保已則登昇三境為人則却滅

百病功德協著克虔神霄後當獲補宰制治

化之官矣世人受誦修奉如法即得福慶無

量功驗之應各如本經所載者

高上神霄玉清秘錄

神霄玉清秘錄按太微科格與洞真齊妙亦

上清之標冠矣可輔於大洞之品而受佩如

法隨其學功各如本錄所言

解註

混元上德皇帝道德二經之義乃宋徽宗道

君皇帝御製是也南華真經逍遙遊真義指

歸乃宋徽宗道君皇帝御製是也

補註

李王德解靈寶度人經義真王君制序右解

註真義高上神霄真玉說五方天中好生不

殺頌右出神霄東極華堂妙濟經科之中誦

之解脫物命天枉之禍修好生不殺之功焉

政和御製金錄中科儀右科儀為國修齋設

醮祈禳福祐大洞招真通微妙章步虛王清

樂上清樂太清樂散花樂白鶴引右招真通

微妙章受天明命歌金闕始青步虛歌章高

真道德安虛歌章尤道太微步虛歌章夏祭

地祇降格出現記高上神霄真王長生大帝

降生記上清玉書真符照驗諸記冬祀天真

降臨示現品記右諸真記神霄紀聖秘錄乃

述長生大君同青華帝君前後飛神臨降禁

振昭示靈化之事神霄玉府東西二臺掌治

諸仙卿祕傳右諸傳乃紀述諸仙卿修真得

道掌領神霄職任之事右神霄內府所存三

洞四輔有自古以傳者或多見於世間有歷

劫未傳禁秘寶經一千二百卷分為六等一

十二品列為上中下三卷藏于東西華堂自

太平啓運壬辰庚子之後漸當降顯有得備

上一經法者稱神霄王天洞景法師虛元統

化真卿道成得為玉府上相上宰具伯之任

有得備中一經法者當稱神霄洞化法師保

度合明真卿道成得為東西二臺仙卿仙侯

之任有得備下一經法者當稱神霄元化法

師靈妙通元真卿道成得為東西二臺仙官

長吏九宮真宰之任其法服玉清雲臺寶冠

紫靈翠玉之簪飛雲鬱竊綠光之帔三十六

條褐黃裳飛青之裙朱陽之履洞靈碧瑤之

珪三炁交暉玉珮震耀消魔之劍長三尺六

寸躡九炁之壇若三階之中或得上經中經

下經卷帙未備或兼三洞在世一二經法當

稱為神霄太平輔化弟子道成得為諸天仙

真之任或亦補為神府散官仙吏之職但未

得專處高清玉天之貴不能必享神符上司之權焉其法服素玉三華碧冠或三素元冠紫精水玉之簪素紫之帔三十六條碧褐黃裳綠青之裙黃華瑤簡朱履玉珮五炁丹精之劍長三尺二寸躡三光八緯之壇若有受其經法三階俱備道成則登三天高皇道君之位與諸聖齊倫者矣非拜表上章朝真閱籙行事其法服不可輒服靈官檢察墮道之功

高上神霄宗師受經式

太上洞神行道授度儀

第十

宿啓法

向北方再拜長跪叩齒三十六通

具位小兆真人臣某謹上啓

九天太上道君太上丈人九老仙都大神九

炁丈人三皇真君八帝尊君玄都仙官太玄

真神三十六天靈司官君璇璣玉衡七星搖

光君三台紫宮北極天尊天一太一君太微

玄神華蓋上靈二十八宿中外靈官五嶽八

山四瀆九源洞天陽臺神州仙府震水大澤

天后內宮九天九地无極世界一切衆神今

謹有辭讀辭云今謹因朝禮之次宿啓以聞

唯願諸神鑒臨管護攘災降福謹清齋潔已

期靈皇真懺謝罪過九祖以來惡根惡對願

得赦除愆讀辭解脫三官告下北帝削落赤簡

過度厄難尅保安寧荷福元元受帝之恩畢

叩頭三十九下又再拜

言功法 向北方再拜長跪叩齒六通

具位小兆真人臣某謹上啓

九天太上道君太上丈人九老仙都大神九炁丈人三皇真君八帝尊君玄都仙官太玄真神三十六天靈司官璇璣玉衡七星搖光君三台紫宮北極天尊天一太一君太微玄神華蓋上靈二十八宿中外靈官五嶽八山

四瀆九源洞天陽臺神州仙府震水大澤天后內宮九天九地无極世界一切衆神謹爲甲乙某事行道所請衆神鑒臨齋所管衛勤勞今既事畢願各還宮室隨功受賞謹因朝禮奉辭以聞清齋潔已期靈皇真懺謝罪過

九祖以來惡根惡對願得赦除愆讀辭解脫三官告下北帝削落赤簡過度厄難尅保安寧荷福元元受帝之恩畢叩頭三十九下又再拜

次燒香叩齒二十四通呪曰

香煙之女上白皇君小兆真人甲乙清齋絕

塵期靈五通上願成真滅禍生福上昇三人

次誦陽歌一首一周而出

清角陽歌梵 飄飄激十方 青青萬卉曜 雙我造九重 西絃抗音調 感悟東王公

洞神行道儀

向北燒香一周叩齒二十四通呪曰

香煙之女王白皇君小兆真人甲乙為某種
事云云清齋絕塵期靈五通上願成真滅禍
生福上昇三天

北向天皇再拜長跪

具位小兆真人臣某謹上啓

太元三玄空天甲子元建天皇真君太浩元
陰凝天今為某事云云故沐浴清潔招真降
靈上願

帝王身康國寧下乞某身福祚無窮七世父
母解脫愆羅唯願皇君乞蒙照臨垂神下盼
鑒察丹心叩頭三十九下又再拜

次向西南地皇再拜長跪

具位小兆真人臣某謹上啓

三元素虛玉皇天甲申元建地皇真君南和三
太非隆今為某事云云故沐浴清潔招真降
靈上願

帝王身康國寧下乞某身福祚無窮七世父
母解脫愆羅唯願皇君乞蒙照臨垂神下盼

鑒察丹心叩頭三十九下再拜

次東北向人皇再拜長跪

具位小兆真人臣某謹上啓
七微浩鬱虛天甲寅元建人皇真君上非昌
子南丹今為某事云云故沐浴清潔招真降
靈上願

靈上願

帝王身康國寧下乞某身福祚無窮七世父
母解脫愆羅唯願皇君乞蒙照臨垂神下盼

鑒察丹心叩頭三十九下再拜

向北方九天九拜

向西方九天九拜

向南方九天九拜

向東方九天九拜

次誦陽歌九首三周

清角陽歌梵

飄飄激十方

青青萬卉曜

携我造九重

西絃抗音調

感悟東王公

元洞啓運首

始陽萌萬芽

和風振瓊條

高林耀雲羅

勾芒勸農業

日月煥東遐

仙賢遊玄圃

飛梵起鳴笳

衆仙抗飛梵

控景太霞室

齊輪九天庭

衆仙抗飛梵

陽歌時時鳴 自非靈人億 焉能禮化貞

惠和陰陽歌 二儀稟平見 棲憩志飛仙

不樂時所牽 未覺凌虛遠 超超已高玄

悟嘆馳競子 不知養命根

鬱已盛陽茂 吟詠南金梁 融風拂林表

朱鳳引來翔 鳴梵乘虛起 逍遙奏九章

結駕素林秀 命節叩金鐘 鳳吟八音和

真華耀王容 陽歌仙房上 飛蕭兼來從

吾我自相韻 誰能明契中

遊浪嵩嶽杪 若若戲如松 零零高仙客

窈窕詠陽歌 齊聲九絃唱 息合妙音和

明燈續長夜 玄炁照幽堂 飛梵鳳林表

清風拂玉璫 陽歌交來唱 四軒曜朱光

列列廣寒庭 遼遼讌仙室 玄冥唱陽歌

八景披雲出 緒沐合陽精 長梵誦太一

自非篤志賢 安能好遙逸

具位小兆真人臣某謹上啓

向北方再拜長跪叩齒三十六通

九天太上道君太上丈人九老仙都大神九

炁丈人太元三玄空天甲子元建天皇真君

三元素虛玉天甲申元建地皇真君七微浩鬱虛天甲寅元建人皇真君八帝尊君玄都仙官太玄真神三十六天靈司官君璇璣玉衡七星搖光君三台紫宮太極天尊天一太一君太微玄神華蓋上靈二十八宿中外星官五嶽八山四清九源洞天陽臺神州仙府震水大澤天后內宮九天九地无極世界一切衆神今為某事云云謹清齋潔已期靈皇真懺謝罪過九祖以來惡根惡對願請赦除愆譴解脫三官告下北帝削落赤簡過度厄難尅保安寧荷福元元受帝之恩畢叩頭三十九下又再拜

次燒香叩齒二十四通呪曰
香煙之女上白皇君小兆真人甲乙清齋絕塵期靈五通上願成真滅禍生福上昇三天

次陽歌一首一周而出

清甯陽歌梵 飄飄激十方 青青萬卉曜
劈我造九重 西絃抗音調 咸悟東王公

洞神三皇醮祭儀

依經採錄以為要用備同志者共修先於子

申酉三處布坐香火燃燈几案龍練幡及本命三杵九杯酒脯果餅等物如法安置若王公大人為重事求恩福者自依經戒若庶民貧素之士隨豐儉之宜唯當盡心竭力以為精至

初入依次燒香一周北向叩齒二十

四通呪曰

香煙之女上白皇君小兆真人某清齋絕塵期靈五通上願成真滅禍生福上昇三天

向北方天皇再拜長跪

具位小兆真人 臣某今故沐浴清潔招真降靈謹設微禮奉請

太元三玄空天甲子元建天皇真君太浩元

陰凝天願垂神下降鑿察丹心又再拜
向西南地皇再拜長跪

具位小兆真人 臣某今故沐浴清潔招真降靈謹設微禮奉請

三元素虛玉天甲申元建地皇真君南和王

太非隆願垂神下降鑿察丹心又再拜

向東北人皇再拜長跪

具位小兆真人 臣某謹重啓

具位小兆真人 臣某今故沐浴清潔招真降靈謹設微禮奉請

七微浩鬱虛天甲寅元建人皇真君上非昌

子南丹願垂神下降鑿察丹心又再拜
次酌酒向天皇君再拜長跪

具位小兆真人 臣某謹重啓

天皇真君太皓元陰凝天今為某事云云敬

設微禮願為醉飽賜垂救護得蒙恩福上願
帝王身康國寧下願某福祚無窮叩頭三十

九下又再拜

向地皇西南再拜長跪

具位小兆真人 臣某謹重啓

地皇真君南和王太非隆今為某事云云敬

設微禮願為醉飽賜垂救護得蒙恩福上願
帝王身康國寧下願某福祚無窮叩頭三十

九下再拜

向人皇東北再拜長跪

具位小兆真人 臣某謹重啓

人皇真君上非昌子南丹今為某事云云敬

設微禮願為醉飽賜垂救護得蒙恩福上願

帝王身康國寧下願其福祚無窮叩頭三十
九下又再拜

酌酒向天皇再拜長跪

具位小兆真人臣某謹啓

天皇真君太皓元陰凝天上勞神駕鑿臨微

禮乞賜恩福得如所願不敢稽留謹再拜奉

辭

向地皇再拜長跪

具位小兆真人臣某重啓

地皇真君南和王大非隆上勞神駕鑿臨微

禮乞賜恩福得如所願不敢稽留謹再拜奉

辭

向人皇再拜長跪

具位小兆真人臣某重啓

人皇真君上非昌子南丹上勞神駕鑿臨微

禮乞賜恩福得如所願不敢稽留謹再拜奉

辭

次燒香叩齒二十四通呪曰

香煙之女王上白皇君小兆真人其清齋絕塵

期靈五通上願成真滅禍生福上昇三天畢呪

收梓
撮坐

授度儀

立壇式

壇方三丈高下隨人開三門天皇門在子地

皇門在申人皇門在寅各施榜題之亦可隨

人多少大小作之坐十欄幕燈火以意消息出入

當從人皇門行若露文訖遇風雨可於室中

度事

天皇鎮坐緣用皂繒一十八地皇鎮坐緣用

白繒一十八人皇鎮坐緣用青繒一十八

○本命緣隨年數天子用疋數王公用丈數庶

民用尺數天子用紫紋自用纓隨方色悉

置人皇案上金龍三枚庶民用環青繒構三

枚各長三尺朱書三皇內文於其上今如旛

法竹竿長一丈懸之於三皇之位几案香火

三具以安龍絲等物及三皇經前件壇中所

須通為國為民大災重厄求恩請福行道授

度悉用如此施置受經者信用白絹四百尺

貧者四十尺

行道畢師徒外壇叩齒二十四通呪

曰

香煙之女王上白皇君小兆真人其清齋絕塵

期靈五通上願成真滅禍生福上昇三天

次向北再拜時

太元三玄空天甲子元建天皇真君太皓元

陰凝天坐十

次向西南再拜呼

三元素虛玉天甲申元建地皇真君南和王

大非隆

次向東北再拜呼

七微浩鬱虛天甲寅元建人皇真君上非昌

子南丹

次以所受經首二尺及盟文舒之於

案上俱再拜弟子南向伏師北向長

跪

具位小兆真人臣某上啓

太上元君仙都大神三皇真君今欲授某郡

縣鄉里某三皇寶文未知可否伏須告命便

伏一時須無風便起再拜弟子又伏師長跪

讀盟文訖共喻丹水朱筆共畫一於盟文之

下訖弟子持信伏師執經跪叩齒二十四通
心存三宮各一真人如嬰兒之狀不著衣口
吐紫炁以熏經徐而呪曰

太上之天文傳說天地初皇人宣玄旨是為
至真書賢者今奉受志願昇太虛畢弟子再
拜置信案下受經畢又各再拜

次誦陽歌三首巡行一周

清角陽歌梵 飄飄激十方 青青萬卉曜
携我造九重 西絃抗音調 感悟東王公
元洞啓運首 始陽萌萬芽 和風振瓊條
高林曜靈羅 勾芒勸農業 日月煥東遐
仙賢遊玄圃 飛梵起鳴笳
控景太霞室 齊輪九天庭 衆仙抗飛梵
陽歌時時鳴 自非靈人億 焉能禮化貞

次還天官北向再拜長跪叩齒三十

六通

具位小兆真人臣某上啓

九天太上道君太上丈人九老仙都大神九
炁丈人三皇真君八帝尊君玄都仙官太玄
真神三十六天靈司官君璇璣玉衡七星搖

尤君三台紫宮北極天尊天一太一君太微
玄神華蓋上靈二十八宿中外靈官五嶽八
山四瀆九源洞天陽臺神州仙府震水大澤
天后內宮九天九地無極世界一切衆神謹
與某等對齋行道投度事訖所請衆神鑒臨
齋所管衛衛勤勞今既事畢願各復諸天位加
品帝秩隨功受賞謹上啓聞便再拜

次呪曰

香煙之女上白皇君小兆真人某清齋絕塵
期靈五通上願成真滅禍生福上昇三天
清角陽歌梵 飄飄激十方 青青萬卉曜
携我造九重 西絃抗音調 感悟東王公
朝禮儀

北向燒香叩齒二十四通呪曰

香煙之女上白皇君小兆真人某清齋絕塵
期靈五通上願成真滅禍生福上昇三天

次北向天皇拜拜長跪

具位小兆真人臣某謹朝
太元三玄空天甲子元建天皇真君太皓元

陰凝天今為某種事云云故沐浴清潔招真
降靈上願
帝王身康國寧下乞某身福祚無窮七世父
母解脫愆羅乞蒙皇君垂神下盼鑒察丹心
叩頭三十九下又再拜

次向東北人皇再拜長跪

具位小兆真人臣某謹朝
七微浩鬱虛天甲寅元建人皇真君上非昌
子南丹今為某種事云云故沐浴清潔招真
降靈上願

帝王身康國寧下乞某身福祚無窮七世父
母解脫愆羅乞蒙皇君垂神下盼鑒察丹心
叩頭三十九下又再拜

向北方再拜長跪叩齒三十六通

具位小兆真人臣某謹上啓

九天太上道君太上丈人九老仙都大神九
炁丈人三皇真君八帝尊君玄都仙官太玄
真神三十六天靈司官君璇璣玉衡七星搖
尤君三台紫宮北極天尊天一太一君太微
玄神華蓋上靈二十八宿中外靈官五嶽八

山四瀆九源洞天陽臺神州仙府震水大澤
天后內宮九天九地無極世界一切衆神謹
清齋潔已期靈皇真懺謝罪過九祖以來惡
根惡對願得赦除愆適解脫三官告下北帝
削答赤簡過度厄難尅保安寧荷福元元受
帝之恩畢叩頭^{三十}三十九下又再拜^{十二}

次燒香叩齒二十四通呪曰

香煙之女上白皇君小兆真人恭清齋絕塵
期靈五通上願成真滅禍生福上昇三天

次誦陽歌一首而出

清角陽歌梵 飄飄激十方 青青萬卉曜
携我造九重 西絃抗音調 感悟東三公
洞神三皇之法通靈使鬼役召萬神安國寧
家匡濟兆民學士修行可以昇仙度世但先
師以來經不備足至於授度亦多闕略今依
經撰錄符圖玉文登壇授度以為身寶其中
經文率多徵召之法乃是玉文之辭說世亦
罕能施用故可自後抄集以為全備學者多
貧卒難周辨若能具足登壇者最是令法
太上洞神符道授度儀終

太上洞神三皇傳授儀

卷十一

次開真官錄

无上玄老太清天皇正真上官直使功曹太
官直使功曹左官直使功曹右官直使功曹
中官直使功曹都官直使功曹正一直使功
曹左明功曹右明功曹

右九部各九千萬人度

无上玄老太清天皇真仙上官上部功曹左
官上部功曹右官上部功曹中官上部功曹

右四部各九千萬人度

天皇太上上真上部功曹都部功曹左都部
功曹右都部功曹正一中官都部功曹都官
前部功曹都官後部功曹太官上部功曹上
官下部功曹

右九部各九千萬人度

天皇太上真促炁功曹促炁左功曹促炁右
功曹定炁功曹左定炁功曹右定炁功曹陰
陽功曹左陰陽功曹右陰陽功曹

右九部各九千萬人度

天皇真仙太官左生炁功曹太官右生炁功

曹中官中生炁功曹太官中生炁功曹左都
官生炁功曹右都官生炁功曹治病功曹左
右治病功曹

右八部各九千萬人度

天皇真仙左大官五炁功曹太官都監功曹
太官左都監功曹太官右都監功曹右太官
五炁功曹中太官五炁功曹

右六部各九千萬人度

天皇神仙上真太官監察功曹左太官監察
功曹右太官監察功曹太官三五功曹左太
官三五功曹右太官三五功曹中官三五功
曹都官三五功曹九官功曹左九官功曹右
九官功曹五星玉仙功曹五星玉仙左功曹
五星玉仙右功曹

右十四部各九千萬人度

天皇至真上仙上部使者左上部使者右上
部使者太官使者中官使者太官中使者上
官左部官使者上官右部官使者

右八部各九千萬人度

天皇至真上仙太官都使者左都部使者右

都部使者太官下部使者上官下部使者下
官上部使者下官都部使者上官下部左官
使者上官下部右官使者上官神官神仙大
和

右十部各九千萬人度

天皇至真神仙太和左官使者太和右官使
者遐賢使者遐賢左使者遐賢右使者洞達
遠察使者洞達遠察左使者洞達遠察右使
者无極洞明上官使者都部功曹使者

右十部各九千萬人度

天皇真形真符神將吏兵一部度天皇地皇
真仙太上神明无極洞明使者左官使者右
官使者上官使者上官監神使者太官監神
使者左官監神使者右官監神使者都官使
者

右九部各一十二萬人度

地皇真仙太上神明太官監天使者左官監
天使者右官監天使者都官監天使者无上
正一監地使者左監地使者右監地使者中
官監地使者太官監地使者

右九部各一十二萬人度

地皇真仙太上神明上官監水使者左官監
水使者右官監水使者中官監水使者正一
官監水使者

右五部各一十二萬人度

地皇真仙太上神明太官監兵使者真正官
監兵使者真正左官監兵使者真正右官監
兵使者真官監兵使者正一都官監兵使者

六部各一十二萬人度

地皇真仙太上神明太官監屬使者左官監
屬使者右官監屬使者正一都官監屬使者
太上監生東嶽使者南嶽使者西嶽使者北
嶽使者中嶽使者

右十部各一十二萬人度

地皇真仙太上神明東海使者南海使者中
海使者西海使者北海使者水官使者

右六部各一十二萬人度

地皇真仙太上神明主正真三河使者九江
使者主七十二名山使者湯谷神王主八極
使者正真神山山林孟長十二淮濟使者主

十二河平侯使者

右七部各一十二萬人度

地皇真仙太上神明大將軍左玄大將軍右
玄大將軍中玄大將軍上一大將軍中一大
將軍下一大將軍前一大將軍後一大將軍

上元大將軍中元大將軍下元大將軍

右十二部各一十二萬人度

地皇真仙太上神明太元玄元大將軍左太
元玄元大將軍右太元玄元大將軍太元上
部大將軍太元下部大將軍太初大將軍太
初左領大將軍太初右領大將軍太初前部
大將軍太始大將軍太始左大將軍太始右
大將軍太始前大將軍太始後大將軍太始
中玄大將軍太始上玄大將軍太始下玄大
將軍

右一十七部各一十二萬人度

地皇真仙太上神明太素上元大將軍中元
大將軍下元大將軍左玄大將軍右玄大將
軍前部大將軍後部大將軍
右七部各一十二萬人度

地皇真仙太上神明太儀大將軍太上天將軍左領大將軍右領大將軍前部大將軍後部大將軍上素大將軍中素大將軍下素大將軍

右九部各一十二萬人度

地皇真仙太上神明太玄大將軍左上天將軍右上天將軍前部大將軍後部大將軍中玄大將軍下玄大將軍真玄大將軍

右八部各一十二萬人度

地皇真仙太上神明太素太寶大將軍太玄太寶大將軍太寶左將軍太寶右將軍太寶中將軍太寶前部大將軍太寶後部大將軍上元太寶大將軍中元太寶大將軍下元太寶大將軍

右十部各一十二萬人度

地皇真仙太上神明神荼鬱壘五道九皇君五仙九靈皇極君皇極九靈君皇極君皇靈君

右六部各一十二萬人度

地皇真形真符神將吏兵隨文度

地皇人皇

真靈太上神明舉仙元皇九天君太皇君皇先求度九天君中皇九昊君中靈大德君道化皇君九真皇機君太平元皇君

右八部各七萬人度

人皇真靈太上神明導神通明君顯皇通系君皇神通元君皇天太上陽明允公君九炁通真君九曜元靈君太極返真君少陽君上靈太仙君皇極玉童君皇極青腰玉女東皇青陽明靈仙童元皇青帝勾芒君皇仙大洞元靈君

右一十四部各七萬人度

人皇真靈太上神明赤靈太陽太丹君執法延壽司錄君曜靈南極丈人玉童皇靈赤帝五女赤帝絳章仙童南極太皇寶魄曜魂君赤帝祝融太陽君

右七部各七萬人度

人皇真靈太上神明太白子留元道君元素元皇君浩皇元素玉童化皇元靈玉女九皇大洞玉機玉女西皇白帝素仙靈童元皇元影寶魂定魄君太皇白帝葶收少陰君

右八部各七萬人度

人皇真靈太上神明東極靈寶元君真靈五靈元華君太皇五靈玉仙君太陰玄門太極五仙君大辰九皇伐殺君鬱真皇機君太元上皇道母玉女仙皇陰皇仙靈比太皇寶魄定魄君黑帝玄冥君

右十部各七萬人度

人皇真靈太上神明中皇三天都錄司命君中皇洞極玄天君太山上皇君領仙元皇玉童元陽千二百官玉仙君皇靈太山君元皇保魂曜魄君中皇后土三泰千二百官君

右八部各十萬人度

人皇真靈太上神明皇靈度世昇玄功曹皇靈陰陽治病功曹洞元功曹洞天元炁治病功曹洞天治病功曹陰陽護命功曹紫元度命更生功曹洞天無極度命功曹洞天太元度命功曹洞天紫元虎符將軍洞天無極虎符將軍洞天太元虎符將軍洞天虎貴郎吏符吏洞天虎貴郎吏

右一十四部各七萬人度

人皇真形真炁官將吏兵一部隨文度金次按
太一洞神上元洞金剛玄籙度太一神
仙金剛大將軍左將軍右將軍金玄大將軍
左將軍右將軍金威大將軍左將軍右將軍
金光大將軍左將軍右將軍

右一十二部各十億萬人度

大一神仙金剛羽車金光羽車鳳皇羽車

右一十二部各六十六乘度

大一神仙金剛羽蓋金根羽蓋獨轅羽蓋金

剛流精等騎金剛符吏

右五部各九十六萬人度

太一神仙破敵金剛將齋章飛龍騎太太上

上太一君天兵騎吏開通仙路騎

右四部各九十六萬人度

太一太清神仙上皇真人高車刺史三陽功

曹五陽功曹皇真天君吏左右執法君左右

執法吏皇天執法君皇天執法吏

右九部各九十六人度

太一神仙金剛上三天執法開化君左右陰

陽功曹

右各九十六人度

太一神仙金剛玉珮使者羽佩使者

右各九十六人度

太一神仙金剛明導吏通玄吏通真吏通道

吏通精吏通神吏通炁吏

右七部各九十六人度

太一神仙金剛无極長生吏直符吏直事吏

金剛功曹主簿幹佐傳言書佐習事小吏零

下五百吏雲中輔章吏督卸從事

右十部各六十六人度

太一神仙金剛元洞玄籙一十四萬萬四千

部將軍車騎將吏功曹主簿內外諸官度金

剛大符度星斗真炁吏兵真形隨文度

次授法位

太上洞神三皇內景弟子臣某等洞神法居

三洞之初法師遠遊冠黃裙帔三十二條左

帶太一三元之劍尺長三右垂白玉之珮持青

黃白三色之節

次師稱法位大謝

上清玄都三洞弟子太太上太上太元

一君天師門下督察大都監君黃赤真一三
一丈人无上太一金剛金闕帝君三洞法師
玉清左監靈大夫某小兆臣某稽首
再拜上白

太太上上皇天上帝无極太上元君太元一

君大都督鬼臣監君妙行真人天帝大王九天

元洞无極大帝君大帝丈人玉洞九玄洞真

洞玄靈寶三皇洞神洞泉真君太極高靈太

帝真人監齋威靈大神大洞尊神元始君上

清金闕後聖帝君三十六部寶經符圖太真

君太真丈人太上王晨虛皇大道君十方无

極應感至真臣九土之中塵微細品生達道

化正法流行搜選種民宣弘要願而得預參

受之例窺躬寶文授度靈官君將兵吏外以

佐國救厄濟人內以立功保神護命恩深施

重非蟲蟻所勝尚慮積世以來玄祖流逮愆

咎增積未獲原除已身瑕疊充塞未解宜宜

越冒天憲而傳付宣行但盟告之初玄科有

約五八數滿法當流行今有某等清潔身心

歸依大道列詞奉信誓告神明請受三皇寶

文洞神大法觀詞審意難可抑違即與對齋
露文請乙應驗人神交契似合天科以某日
登壇傳授事畢某實自好道希慕長生非人
拘逼抑令伏受其有臣及某從來所犯一切
罪惡恩宥之施並乞蕩除克已自新於今
更始臣謹遣元始功曹飛雲使者齋盟文宣
告付某身謹以啓聞伏惟

太上高靈萬聖至尊皇天太上帝太帝玉陛
下愍其所求許臣所奉聽某佩受符乞勅下
五方五帝君各領玉童玉女三千人侍衛經

寶祐護某身又勅九夷八蠻六戎五狄三秦
君等各率所部清淨法壇某齋直禮拜常如
聖君三皇對景鑑形使某修習成就功行圓

明天官靈仙遷功舉善七世父母身入天堂
積世愆非於今蕩滌役御神鬼制伏凶妖為
天人師利民佐國功充之日列品仙階若某

負約愆盟輕師慢法修行不謹虧損天真當
謝三官長充考責謹慎恭守則三寶垂祐科
戒有徵限畢之辰授與賢信紹續大化輔贊
教儀天地萬靈鑒其信誓臣等不任懇悃懺

謝之至謹啓起各禮

二拜

次取盤帶衣外繫之日在前月在後結於
心下次券文囊盛結肘次皇文大字著盤
帶中次黃女符繫腰次九皇圖繫心前次
天水符繫中次九天符肘後次昇天符繫
腰次傳版在背後次靈書繫肘次丹書繫
腰次八威五勝符心前次三一真形執之
次童子錄繫肘次符契在肘次三皇越章
印在腰次符使符背後領下次普下版笏
上重執之甥姪

次左行至申壇地戶

師曰洞神三皇內景弟子某等謁地戶亭長

守室靈人拜

師曰帝君有命令弟子某等度地戶五瘟五

魔切災疾疫癘之厄再禮

次出地戶至下級壇前正位立

師曰洞神三皇內景弟子某等朝太一君禮

太帝君禮天帝君禮帝君有命令弟子某等

朝拜太一免脫災凶長離地苦求保天福于弟

禮

至十一

士

次先令弟子出壇

次師十二願

次復鑑

香煙玉女侍直衆官當令傳道之所有英芝

玉精自生天帝御前臣與弟子身生紫絡藏

發絳煙羣生享福家國蒙恩十方侍頁玉女

傳奏所啓徑達

三皇真君几前

次吟遊神頌

烈烈廣寒庭 寥寥宴仙室 玄冥唱陽歌

太景披雲出 鍊沐舍陽精 長梵誅太一

自非篤志賢 安能好遊逸

次學仙下壇

亦出戶呪

太虛三玄虛天三元素靈玉女七微皓鬱虛

謁皇君

某國年太歲月朔日時州縣鄉里某年歲月

日生今署洞神弟子即日於某處皇壇之上

再禮

第一簡謁天皇君讀此至再禮長跪置簡案

至十一

士

為字今用朱書

第二簡謁地皇君

第三簡謁人皇君

簡文悉同各長二尺二分厚二分牙五行書今周備如法禮謁畢

次師引弟子度四門解厄下就中壇

西南月門之下

師曰洞神三皇內景弟子某等朝太陰月君

禮再

師曰帝君有命令弟子某等度太陰水災之

厄弟子再禮

次行至東北人門

師曰洞神三皇內景弟子某等朝太陽日君

弟子再禮

師曰帝君有命令弟子某等度山林刑獄虎

狼毒蟲日門之厄弟子再禮

次左行至天門

師曰洞神三皇內景弟子某等朝天門君子

禮再

師曰帝君有命令弟子某等度天門刀兵鋒

力刑殺之厄弟子再禮

无太玄內景真元之靈祐護巨身使朝夕呪

誦響徹高尊厄難超度克獲神仙拜見太一

紫府之君終入无形與道合真

次讚引至玄師前散如常儀

若醮錄便可於十二願前醮或來早醮了次

拜表言功

生十一

太上洞神三皇傳授儀

宋仁宗御製翊聖應感儲慶保德傳序陞一

蓋聞天心降顧邦家所以會昌靈命丕昭神

道所以協贊考載籍之攸記固今古而同符

矧復吾宗在于戰國基緒方始精感寔繁或

山祇而見形或帝所而叶夢其來已久斯謂

不誣乃有接三統而開基將隆景業冠百神

而儲祐茂顯明徵奠條梅之名區號龜王之

奧主見之於

翊聖應感儲慶保德真君矣

太祖肇膺元歷觀德而無言太宗祗紹睿圖

順期而前告若夫述王晨之寶曆序

斗極之仙階告國命之延洪示具科之秘贖

洪威顯洽屏乎物魅神茲謨誨博臨揚乎

天祺民祉由是靈壇爰峙微釋斯宗欽奉於

芬馨仰祈於先覺固惟九域咸被底綏豈止

三秦獨增忻戴暨岳冲眇績乃基扁仰嘉話

之在人瞻至神之佑世由是戴藉茂典恭益

專名以為

上帝之楨符文考之真應安可默而無述故

當垂之不刊爰詔輔臣俾詮靈訓詢求斯至

篇快旋成想風烈而昭然思音微而可觀誠足鏤之金版秘于蘭臺披封奏歸美之心願裁於序引屬一衣觀文之暇聊志於歲時題曰翊聖保德傳云爾

翊聖保德傳卷上

齊備傳言即萬王聖王種裔翊聖保德

翊聖保德真君建隆之初鳳翔府整屋縣民張守真因遊終南山忽聞空中有召之者聲甚清徹守真驚懼四顧無所見默行悚聽約

數里又聞語云汝若先行吾即在後如是者

數日守真莫能測既還其家又聞室中曰吾受命降靈汝何為頑梗如此不聽吾言吾若不為宋朝大事當已粉碎汝矣守真方異之

而且懼因曰未審是何星辰如此臨降守真

性本愚慈且昧神祇願勿憑凌必無事奉乃曰吾是

○

高天大聖玉帝輔臣授命銜時乘龍降世但以非正直之士無以奉吾教汝有異骨不類常流汝可虔心奉吾道訓也守真曰竊聞在

男曰巫在女曰覲守真雖處凡庸恥為茲類

又曰吾上天之神非鬼魅也五嶽四瀆吾能

役使汝若迴心入道勤奉香火當令汝應大

國之徵命受

真主之恩遇豈同巫覲之輩耶守真曰神人

既若此教導敢不虔事乃設酒肉之饌以祀

馬又聞言曰吾是神人也汝何為以醴穢瀆

我以汝未曉不欲罪汝此後但以香茶及素

食鮮果為供吾雖不食飲汝之意也守真稽

首而謝又曰吾為汝天上之師汝別有人間

之師可但訪高士以求度焉守真乃禮古樓

觀先生梁笈為師度為道士遂於所居之側

擇隙地出家財構

北帝宮內立殿以事神且暮崇奉頗極精至

神謂之曰觀汝虔心稱吾教導貞潔之士可

以驅邪吾先將誨汝劔法俾汝為民除妖後

當令汝結壇俾汝為國祈福守真再拜曰守

真本實凡庸粗懷愚直當緣夙生奉事乃致

今獲歸依願以至心未奉靈德壇儀劔法恭

俟靈訓

真君曰劔法有三但以鋼鐵銀為利刃吾目

一視便可用也有疾之人俾汝揮擊邪氣銷

鏢其人無損或地祇作孽水族生妖分野為

災國家軫慮當以上劔治之或山澤之恠飛

走之雄震駭閭閻侵毒黎庶當以中劔治之

或魘魅之徒變魘之輩挾邪暴物作祟害人當以下劔治之守真曰三劔之法已聞命矣結壇之儀伏俟指教

真君曰結壇之法有九上三壇則為國家設之其上曰順天興國壇凡星位三千六百為

普天大醮旌旗鑑劔弓矢法物羅列次序開建門戶具有儀範其中曰延祚保生壇凡星位二千四百為周天大醮法物儀範降上壇

一等其下曰祈穀福時壇凡星位一千二百為羅天大醮法物儀範降中壇一等儻非時

禱祀不及備此三壇亦當精潔詞章鮮異花果扣鼓集神懇禱而告去地九尺焚香以奏

亦可感應也中三壇則為臣寮設之其上曰黃籙延壽壇凡星位六百四十其中曰黃籙

臻慶壇凡星位四百九十其下曰黃籙去邪壇凡星位三百六十此三壇所用法物儀範

各有差降下三壇則為士庶設之其上曰續命壇凡星位二百四十其中曰集福壇凡星

位一百二十其下曰却災壇凡星位八十一所用儀範量有等差此九壇之外別有應物

壇或六十四位或四十九位或二十四位法物所須各以差降士民之類可量力而為之如臣庶上為帝王祈祐當作祈穀福時壇凡一千二百位或為父母師尊穰災祈福當為醮設壇隨宜增益也守真拜而受之自爾多有徵驗不能備紀乾德中

太宗皇帝方在晉邸頗聞靈應乃遣近侍齋信幣香燭祀官致醮使者齋戒焚香告曰

晉王久欽靈異欲備俸緡增修殿宇仍表乞勅賜官名

真君曰吾將來運值太平君

宋朝第二主修上清太平宮建十二座堂殿儼三界中星辰自有時日不可容易而言但為吾啓大王言此官觀上天已定增建年月也今猶未可使者歸以聞

太宗驚異而止

太祖皇帝素聞之未甚信異遣使齋香燭清詞就宮致禱因召守真詰問備詢其事守真具言之且曰非精誠懇至不能降其神仍以

上聖降靈事述一一聞奏

太祖召小黃門長嘯於側謂守真曰

神人之言若此乎守真曰

陛下僕謂臣妖妄乞賜按驗魏臣於市勿以斯言褻瀆上聖詔守真止於建隆觀翌日遣內臣王繼恩就觀驗設移時未有所聞繼恩

再拜虔告須臾真君降言曰吾乃高天大聖

玉帝輔臣蓋遵符命降衛

宋朝社稷來定遐長基業固非山林魘魅之類也今乃使小兒呼嘯以比吾言斯為不可

汝但說與官家言天上宮闕已成玉鏤開

晉王有仁心晉王有仁心凡百餘言繼恩惶懼不敢隱具錄以奏因復面言神音歷歷聞者兢悚

太祖默然異之時開寶九年十月十九日之夕也翌日

太祖升遐

太宗嗣位尋召守真於瑞林苑為周天大醮作延祚保生壇醮罷

吾奉之曰建隆元年奉帝言乘龍下降衛人君掃除妖孽猶閑事縱橫整頓立乾坤國祚已興長安秦兆民樂業保天真八方效貢來稽首萬靈震伏自稱臣親王祝壽須焚禱遞相虔潔向君親吾有捷疾一百萬諸位靈官

萬該人若行忠孝吾加福若行悖逆必誅身

賞罰行之既平等天無氛穢地無塵愛民治國勝前代萬年基業永長新繼恩錄之於簡

翌日以聞

太宗覽之驚異稽首謝曰家國之幸宗廟之

慶度荷上聖賜以格言命緘藏於內殿尋遣內供奉官王守節起居舍人王龜從就終南

山下築官方卜地於終南鎮

真君忽降言於龜從等曰此地乃修建上帝宮闕之地不可易也於是乃定凡三年宮成

中正之位列四大殿前則

玉皇通明殿次紫微殿次七元殿次則真君所御殿東廡之外有天蓬九曜東斗天地水三官四殿西廡之外有真武十二元辰西斗天曹四殿又有靈官堂龍堂南斗閣並列星

宿諸神之像暨鍾經二樓齋道堂室靡不完備建碑以紀其事題曰上清太平宮一如真君預言之制命常參官一人監官釋道士焚修每歲三元及誕節

上本命日並遣中使致醮祀神之夕上望拜焉歲或水旱或

國家將舉事卒致禱焉初宮成

真君忽降言謂王龜從等曰汝奉詔修官勤則至矣然何為不開日月華門不畫八小殿

壁階墀甃甃亦未嚴備唯求速成以冀恩寵然上天亦不掩爾功亦不赦爾罪守節龜從

頗切驚懼然已奉訖役不及增備惟稽首祈謝而去至闕皆獲增秩賜白金千兩既而守

節染疾而亡龜從效於兵刃此乃不掩功不赦罪之戒明矣太平興國初

太宗皇帝親征太原

真君忽降言於守真曰官家已臨汾晉非久克復城池汝當令監官臣等設醮以謝勝捷

於上帝守真等曰國家大事乞候捷音

真君曰上天已定勝負也踰旬而王師告捷監官等以聞帝遣內臣盧文壽齎內庫香藥御署詞章詣官陳醮以謝上帝是夕

真君降言曰官家設此大醮上帝與諸天皆喜

國祚延遠過於有唐與國六年守真以乾明節詣闕朝賀召見因面奏曰

聖真下降俯為昌朝乞降詔加號以靈既

上允其奏尋下詔曰太平官神受命上穹降靈下土苾芬致薦膂膺有徵大庇斯民屢垂

丕既宜加美號以答神休其封神為翊聖將軍詔命至官守真焚香以告

真君忽降言曰汝當上問官家所言翊聖者

翊於何聖守真數日疑懼不敢答復降言曰

汝但馳奏官家不罪汝守真遂具章以聞太宗覽之召近臣謂之曰

玉皇輔臣所輔翊者

上帝也當以此意報守真令啓白也既而內

臣傳命到宮守真詣殿焚香以告

真君曰此意是也七年守真復詣關朝賀

真君忽降言曰吾有言汝當聞於官家曰大道興陰謀滅諸天衆聖皆欣悅

宋朝社稷甚延年太平景運初興發君上端

心顯明哲愛民治國常須切萬年基業永長

新金枝玉葉無休歇守真得之到闕以聞

詔賜守真紫衣號崇元大師自後每遣使

齎告

真君或有言守真皆密以聞至道初忽降言

謂守真曰吾建隆之初奉

上帝命下降衛時今基業已成社稷方永承

平之世將繼有

明君吾已有期却歸天上汝等不復聞吾言

矣儻

國家祈禱但嚴潔焚香北面告吾雖不降言

當按福衛護宗社又曰汝遇吾下降至今三

十五年勤亦多矣

上帝已有符命授汝為五土之主此限滿日

升汝仙官汝亦不久住也自是不復降言明

年閏七月十六日守真謂門人等曰吾已領

符命今將去矣言訖而化既而

聖上嗣位崇奉之典率遵舊式洎受元符封

泰山建

玉清昭應宮於宮中寶符閣之西北隅作疑

命殿殿後為凝命閣以奉真君大中祥符七

年詔曰誕敷寶命仰荷於至神昭報殊微度

增於懿號蓋為邦之大典庇民之深旨也而

況翊宣元化表式衆靈司陰陽於含生播明

感於福地當王基肇啓固降治而已彰洎文

考績承復先期而斯應由是垂營珍館備薦

徽章蒙介福於無垠佐鴻圖於累感願惟眇

質紹撫綿區屬典禮之交修實棋祥之沓委

緬懷幽贊敢念欽崇是用益以丕稱奉之茂

則式達至精之懇庶申祗答之文期克享於

寅恭永保寧於品稟爰頒成命俯告宰司深

體予懷共宣其事

翊聖將軍宜加號曰

翊聖保德真君

翊聖保德傳卷上

翊聖保德傳卷中

翊聖保德傳卷下

真君之降世也或時有所受人即傳錄而岐

雍之民有物魅妖恠為害之極者皆投誠致

告則守真祈禱奉教而往無不祛珍凡所靈

驗不可勝紀今錄其傳聞者云守真嘗朝禮

至

玉皇大殿觀其額曰通明殿不曉其旨因焚

香告曰通明之誼竊所未喻敢祈真教

真君曰

上帝在无上三天為諸天之尊萬象群仙無

不臣者常升金殿殿之光明照於帝身身之

光明照於金殿光明通徹無所不照故為通

明殿諸天帝君萬靈侍衛仙衆梵佛悉來朝

謁仰視其殿惟見大光明中

上帝儼然仙班聖既退光明徧散諸天馬有王

史者年七十餘少事戎帥老而退居終南鎮

膽氣雄傑談五代時事歷歷可聽每聞妖恠

誕妄之事則扼腕切齒自

真君之始降未甚信嚮洎目覩靈異歎然歸

聖

聖

聖

聖

聖

聖

聖

聖

聖

聖

聖

聖

聖

聖

聖

聖

仰自後常日二時赴宮焚香伏拜雖風雨霜雪未嘗暫曠一日忽告守真啓殿門瞻禮焚香且泣曰老夫本懷剛氣勿事軍門不信邪魔常守正直百生有幸得遇

上真今已衰耗大期將至所願歸全之後得在左右以備驅使為萬足矣

真君降言而許之未幾更無疾而終踰旬守真忽於真君殿側聞空中有呼其名者曰我鐵輪將軍也汝何以略不見錄守真仰而問曰真君左右有四將軍常侍殿中守真常所

虞事未知鐵輪將軍是何星辰名位空中又曰我即王叟也曾有至願乞侍左右今蒙收錄使掌鐵輪位在四將軍之下汝今後或有醮祭勿忘吾名也

真君嘗謂守真曰吾每巡遊周天有諸位靈官捷疾吏兵數逾百萬善守妖沴知吾騎從所至皆屏跡遠避嶽鎮海濱可以應召而世之物魅邪恠豈足數耶吾念汝正直付汝劍法俾汝為民救患禳災汝宜精勤無或懈怠積功於民加惠及物上天所鑒當錄汝名若

慢道輕教不守虛寂自有陰責矣吾若一怒萬物立為埃塵汝其可當乎然汝每有責罰乃有五小將軍怒汝不專動耳汝自宜致恭於彼汝所與念彼各豫知不可欺心貽汝禍患守真嘗一日從容焚香虔誠問曰守真觀

釋氏之教言天上天下無如佛者未知三清之上品位何若願賜真語以蠲蒙滯

真君降言曰佛即西方得道之聖人也在三清之中別有梵天居之於上帝則如世之九御奉天子也守真曰其教

流演頗感於世又何理也真君曰教流中聚帝之念也守真曰道釋經典並垂於也未審崇奉何者即獲其福真君曰

太上道德經大無不包細無不納修身鍊行治家治國世人若悟其指歸達其妙用造次

於是信奉而行豈惟增福諒無所不至矣釋氏之四十二章經制心治性去貪遠禍垂慈訓誠證以善惡亦一貫於道矣奉之求福固亦無涯至于周公孔子皆列仙品而五經六籍治世之法治民之術盡在此矣世雖諷誦

多不依從若口誦而心隨心隨而事應仁義言行禮智之道常存于懷豈惟正其人事長生久視之理亦何遠矣守真又嘗啓請云終南山中赤谷神祠者近鄉之人多所祈祀屠牛擊豕以為饗饌酒樂喧沸民氓鼓舞若斯

之事其獲祐乎真君曰終南山寔名山地寔福地人凡境聖今古皆然與邪致妖殺命祈福以茲俟祐斯亦遠矣既而草竊潛匿於其下捕賊者積薪焚之祠宇煨燼寂無靈異建

隆末長安進士劉頑頗有文學出於流輩嘗詣宮再拜懇禱曰頑欲知將來位秩高卑願賜靈語真君降言曰天賦汝文性不賦汝祿位汝若學道退閑當猶延永若妄求進身慮

促汝壽算也頑聞之不悅而退後三載果無成而卒雍熙中華山希夷先生陳搏卒於張超谷石室中世多傳其羽化守真朝禮之次因焚香啓告曰華山陳搏近卒時人謂之尸解未審其人功行證仙階乎敢希

上真略賜指諭真君降言曰搏之鍊氣養神頗得其要然及

物之功未至但有所主掌耳端拱中知鳳翔府比部郎中高凝枯管詣官致禮既去

真君忽降言於監官李鑄曰高凝枯行虧忠信死非久矣鑄竊忘之俄而凝枯秩滿還京為三司判官鑄聞之乃復焚香啟告曰高凝枯今為此職又何福耶

真君降言曰死將至矣數月而凝枯卒吏部尚書宋白乾德中家于藍屋有弟小字曰岐

哥年十餘歲為狐魅所惑號呼無度舉動失常忽力敵數夫家人莫能制醫砒之輩至者必遭凌扑白因齋心遣所親詣官致精懇求衛護

真君降言曰汝去吾當令守真往彼守真受教而往方至其家坐於客館而岐哥已覺惶惶失次家人遠出迎拜守真具問之因厲聲呼其名須臾岐哥自捧其首從中唯唯而出

至守真前戰汗悚息守真呵責移時鬼乃露形叩頭伏罪守真以術戰之應手而覺岐哥仆地良久而蘇即獲平愈真君嘗忽謂守真曰山下李靖廟中有狐鬼數十盤泊於彼本

方地神通有馳報慮其為妖害民汝可速往逐之守真稟命仗劍而去須臾坐於廟前震呼數四俄而狐鬼數十卷出遍列於前惶惑

驚怖守真乃責之曰此上真下降之地汝輩豈宜雜處今未欲戮汝可速返林莽無以血汚吾靈劍鬼等相顧狼狽匍匐而散守真自

往至還曾不移時有寓官道士王德淵問其所適守真具道之德淵曰自此至彼往復二

十里何其速耶守真曰我離廟時以劍揮下庭樹低枝在地汝可驗也德淵俟晚躍馬而觀馬果於廟前聞腥穢之氣不可近得斷枝

而還始再拜稱異時又有妖狐數百在邠州城中頗為恠異守真聞之因焚香致告具道其事願奉教往彼除之真君降言曰此狐妖

輩嘗於長安南山中化形為菩薩之狀誘彼居民捨財為供其間迴心歸善亦有八九上帝以此故授其符命俾為邠州土地亦有數限俟其歲滿當自遠去無能為害汝不必往也開寶中鳳翔府民陳英美家有山魃為恠投擲瓦礫日盈其庭時放煙焰欲焚其舍

財物耗散親族愁苦召術士禳禁命僧徒課誦皆不能止乃移居遠道亦躡跡而至英美

計無所出因齋戒持香果詣官精虔以告真君降言謂守真曰汝速受吾令往為違除守真再拜負劍躍馬無宿而至其家而擲瓦

之聲喧囂如故觀者填咽皆曰此道士必不能去此恠守真乃盥滌嚴潔整衣引劍而入

其恠忽然而止是夕為壇於庭中守真喚劍立其上厲聲徐呼曰山魃鬼何在乎儻為妖未已當出與吾較勝不然則當去萬里之外

釋汝之罪如此移時悄無影響自是其家安肅乃隨守真詣官陳黷以謝焉又長安富民楊氏家亦有鬼物為恠擲瓦縱火一日萬變

聚族憂惶莫可寧處時有術士李捉鬼者尤善符禁楊氏召之方及其門若為物所擊匍匐而起俄復顛隕如是者三遂狼狽而走楊氏復召僧眾為道場誦經作梵唄以祛之俄又若有物擲其道具或投於屋或棄於井羣僧惶懼而去乃至擣衣砧石亦自空中騰起三三兩兩相逐而落庭中過物凌觸而物無

所損如是之恠尤衆不可具紀楊氏素聞
真君之靈乃躬持香燭等馳赴焚禱具言其
恠且求驅珍

真君降言曰汝當速歸吾令守真繼往也守
真尋再拜而往其家士民觀者填溢其戶守
真易衣整冠呪水揮劔行於四隅其怪即寂
然無聲守真謂楊氏曰此妖伏矣請為禳以
祛之向夕結壇焚章禮畢而去一城之衆稽
首稱歎守真既歸楊氏隨詣宮中陳醮以謝
又富民劉文瑛者忽為狐鬼所惑心神恍惚
動止不寧市中逢道流語曰子面有妖氣必
為邪物所著

真君下降可度心禱之必愈斯疾文瑛乃自
齋香燭晨夕馳赴中路為鬼物所迫或為僧
尼婦女或為商賈萬端誘惑不進文瑛既迷
且惑復遇道流於路具告其故道流謂曰是
皆鬼物也汝宜徑往無或退志為羣妖所害
文瑛心悟不數日奔迫至宮齋齋懇至百拜
殿下

真君降言曰知汝遠來吾令守真為汝除

邪是夕守真立文瑛於庭中守真仗劔喫水
呵叱數四文瑛惜然踣於地移時而起曰適
先生呵叱之際見數人若神將者各擒二鬼
而去文瑛惶駭不覺顛仆令神思清爽如酣
醉之始醒也百拜而去

羽聖保德傳卷中

羽聖保德傳卷下

世三

宋簡舊四言韻書卷下 善書正體篆書刻石 天監書 蘇恭

自

真君之臨降官吏民庶不遠千里或馳誠遙
禱或齋潔朝拜以祈真嘏時有所聞大抵多
隨其性習加以訓勗人臣依於忠人子依於
孝清淳者示之格言貪酷者警以要道詞甚
平易頗叶音韻然獲聞之者至寡今據其所
傳錄之如左

乾德中驪山白鹿觀道士馮洞元朝禮之次
焚香虔告曰洞元講孔子之書依老子之教
積有年矣而修身鍊行未得真旨幸逢
上聖敢求一言

真君降言曰到境始知安形忙靈物閑真空
須照達幽微即大運動觀無障礙希夷合自
然功成神莫測變化可沖天去住由自己三
官赦舊愆命曹除罪簿六丁奏上天衆生要
修道須知无上源洞元百拜虔謝而去開寶
中侍御史路冲奉詔知鳳翔府就官禮請守
真就府署中陳醮祈降是夕潔齋致禱曰冲

身拘職守阻拜真儀輒以類藻度折降鑿乞賜真語以導蒙昧

真君降言曰盡力事君以為忠臣濁財勿顧邪事莫聞整雪刑獄救療人民勸合王道終為吉人積愆為咎必有沈淪衆生本無形之

性配有形之軀曠劫以來不能自悟自有无極世界不夜之鄉混合太虛杳冥同理又曰六合乾坤內衆生多不會造業向前行如盲

鷲江海如將智惠觀自越千重海沖再拜錄而誦之左補闕王適從一日齋心詣宮焚香懇禱曰凡庸賤類蒙咎無涯幸逢上真願賜靈誨如何修身得獲遐壽

真君降言曰勸汝修煉莫如精勤精勤不怠上聖皆聞太平降世用武興文無文則不用文則益君食祿勿違王命行吉善但守

清貧清貧者響合天地濁富者像火投冰投冰者火緣漸滅積惡者自貫其身自貫者殃及七祖地府下痛害及親吾懸千尺之索提

釣有緣之人道之尊德之貴大道能生一切物衆生頭像天足像地中心空然合真理鑿

戶牖以為室房室之中有一物亦無影亦無形杳杳冥冥人不識若能識者得長生陽在天陰在地二氣同和誠有謂空中造化乃自然自然之中生萬類天不高地不卑大道混

合虛无理學道東生審欲聞此是修行崇妙門開寶中丞相沈倫嘗連綿卧疾虔心遣使詣宮陳牒致告曰倫濁穢之質病惱所侵如何修行得免茲惠敢祈聖語以導愚蒙

真君降言曰靈物不病形軀自安形軀有病返照而看來人錄之歸致於倫倫擇覽之驚喜曰吾得之矣尋而疾愈復遣人詣宮醮謝道士王德淵因遊終南山寓止宮中勤奉香火好養生而性褊多所恚怒忽一日

真君降言謂之曰汝學道修真先當調習其性以順天和忘諸有為勿耗心誠融怡凝湛道乃可見復戒之曰莫管內莫管外來往真

虛无聖礙所居安樂是汝家各自勤行莫相待先達之人難滯礙真空妙樂有天堂與聖相同滅諸罪又曰妙理須行到周旋皆合道舉措見真空真空無煩惱混合太虛中自有

無聲樂地爐天竈間背凡歸聖道常將智慧觀可向今生德淵曰上感

真君降言教示不曉前篇內與聖相同滅諸罪願垂誨諭

真君曰汝若除煩入靜鍊心修真積累其功數盈之後泥九百節元神靈通而自同於聖天堂妙樂無所不至豈更有諸罪也故言與聖相同滅諸罪太平興國中駕部員外郎李

鑄嘗知鳳翔府備觀靈應俄復奉詔監官凡十餘年志頗嚴潔

真君前後降語僅十餘篇其存錄者數首一曰建隆之初方稟希夷

上帝命吾衆聖皆知乘龍下降列宿相隨五嶽受命主張地祇潛扶社稷密佐明時吾要

李鑄知吾降期不得輕泄免漏天機又曰與吾獨異佐國與吾以道理民與吾慈善理家

與吾不飲自醉醒時理民醉時理神此語是延年益壽之法吾勸府主記取又曰為官求

理在貞明智惠俱通臨事清觀天行道合陰德食君爵祿常若驚為吾洗心復換骨背凡

入聖奔長生天官快樂勝凡世不夜之鄉挂
 一名又曰府主累世為人降生中國與吾清
 直莫行邪曲與吾積善累功與吾佐輔明主
 與吾洗雪黎民與吾掛心刑獄上帝若知名
 天官也剋取捨住世輪流之財但修取有形
 之像獲隨身之功得充量之福與吾不得因
 循不奈時光迅速靈官賞汝功勳天曹與汝
 添福若一一依吾聖言必得延年益壽又曰
 年登七十餘住世不久居饒君壽百歲問汝
 得幾秋地府直須怕冥司難請求有功無驚
 懼積罪必遭誅子孫難替代早覺莫癡愚又
 曰有緣無緣福業相牽有緣福至無緣業纏
 三業大罪信根不圓若遵吾語如倚太山又
 曰聽吾之言必延汝年亦將康健保安自然
 志誠不退修真理今生若在

玉皇前又曰為汝度心星辰下降來駕於玄
 風去乘於法雨開盲愚之耳目迴積惡之人
 心盡歸投正路因汝黜告上玄惡人盡來歸
 敬此汝之功也吾已與汝聞於
 上帝俾汝獲福也汝宜清者重清白者重白

明者重明勿初勤末怠中路變異迴清為濁
 迴善為惡設靈官奏聞
 上帝若知有誤於吾也又七月十日夜真君
 降言汝忠勤奉
 國惠愛治民更要用心勿違吾誠未遇吾之

前所作諸惡吾與汝並銷除也遇吾之後況
 無諸業左右已錄汝功也更須晨夕與吾積
 其善功勿得怠惰吾聖言也又曰但行
 王事洗雪冤沉常差靈官護助汝也或有諸
 事常行平正依吾聖言況是太平君治化諸

事前程汝但莫憂又云托托莫憂煩軍府自
 策安每事依王道從他天下傳又曰為主度
 誠拜上玄
 宋朝社稷保長安不久太平天下樂一家受
 福管長安又曰為主合度誠將心助太平天

官繫其職每事更宜精眾聖皆知汝舉措直
 須驚一朝功滿後永住者三清又曰生前莫
 亂憂已後亦無愁主判陽間事凡人得幾秋
 但依聖言著長生天上求鑄每受一篇未嘗
 不晨夕誦誦焉又嘗謂鑄曰汝年及八十別

無修鍊之功未免掩形升魂亦當有所主宰
 耳鑄再拜曰此生得遇上真下降屢受祕語
 他日儻獲主掌願與守真同列

真君曰人間官職守真不及汝天上名位汝
 不及守真也但心歸真正升仙階亦有時矣
 淳化中西京留守中書令趙普嘗遣使備禮
 致醮虔祈願聞休咎

真君降言曰趙普扶持社稷甚有功勳上天
 所知賜汝福壽以大妨小幽府亦有寃對當
 啓誦真經告祈天地首懺前非吾亦與汝達
 于上帝庶解咎汝官職壽數已有限矣其

使錄之而去普跪讀感涕因焚詞謝過復遣
 人詣官醮設給事中參知政事賈黃中嘗遣
 人投誠致禱以祈聖諒
 真君降言曰

聖主命臣之事君道佐當代心依古人善
 惡無隱忝邪必聞君臣合道可立功勳又曰
 愛民用心賞罰平等但依吾語合家保安殿
 中丞張卓嘗乞
 聖言真君曰

大道表汝性陰陽生汝身為吾勤行道為吾勤修真公廉常用意憂恤在平民遇時佐明主清濁

上帝聞濁富終不久清貧為天人莫教人道富從他人笑貧自有真富清高不愧貧又曰形凡性不凡為國顯清廉家積千餘口有罪自家擔又曰但服陽和氣天竈再重蒸地爐別有用道德日日新延命積福應真空若至親虛無有妙理度脫有緣人道士周務本嘗詣宮奏詞一通乞降真語

真君降言曰汝有詞言慕上天其如心意隔關山仙宮不遠如指掌內外功夫全未圓陰官察錄無遺過免墮鄴都數百年依吾所語合吾道要履三清應不難張守真子元濟常齋戒詣宮

真君降言曰汝父守真遭逢於吾故令子孫受福汝豈不知信州龍虎山振道陵至今子孫不絕亦逢於

上聖得道之後歷及後世汝亦於吾有緣直須在家孝於父母食祿忠於帝王立身揚名

豈非好事又諺之曰無事莫街行動學必立名揚名在天下道歷有長生又誠曰為過自家知善惡日相隨分明達天道問汝阿誰癡淨化中

真君降言示守真曰當今顯聖明修德動

三清上天歸正道四海息交兵八方欽睿聖

五穀盡收成勸君須修德

上帝賜長生又曰關西賊寇緣應時數官家

須指揮招捉使臣莫殺平人

官家修德之際正賊須翦滅又嘗降言誠輔

道士曰千人心不同萬人心皆錯舉意不相

通與聖難相約

真君又嘗降言戒官吏等曰每存忠信齋其

天文武班行自有賢為主萬年安基業常憂

黎庶恐飢寒長行德行合其道燒香虔祝告

虛玄但願

國安

君長父齊心輔佐太平年又嘗降言戒朝臣

等曰擎天之柱著功勳包羅大海佐

明君文王治世及堯日輔弼乾坤在忠臣為

主直須行決烈死生齊却戴皇恩常行吉善合其德慎終如始莫憂身

進

翊聖保德真君事迹表

臣欽若言臣聞

高穹眷命

元聖膺期必有

至神聿彰幽贊謨訓標於保又雅頌載於監

觀考今古之冥符見

天人之交感臣欽若誠慶誠抃頓首頓首

伏以

靈源錫羨

炎德嗣興

景祚有開

丕徵允赫惟

玉晨之元輔奉

金闕之明威降精爽不貳之民顯陰陽莫測

之造佐

大邦之啓運告

神宗之紹圖兆自幾先聳乎聞聽由是增隆

華飢茂薦

徽稱

鉅典崇嚴

純禧響答乃至搢紳卿士橫目烝黎稽首以

瞻粹容洗心以佇

靈詰隨其性之遠近視其器之淺深時亦戒

以微音警其蒙惑

諄諄之誨咸洞其隱微蚩蚩之氓潛識其

真正或魑魅為孽夏鼎之所未利或膏肓致

妖秦瞽之所難究亦復俯聆虔懇遙授指蹤

真教猥臨羣邪必珍窈冥之象既炳於人寰

颺歆之遊亟還於

霄極永載

苾芬之祀潛施

賤枯之祥凡厥

秘言悉存舊錄將伸論次以示方來敢謂微

臣猥蒙明詔齋精仰誦盟手兢持莫覺淵冲

粗伸緇縉竊念

上真之茂躅實為

昭代之明徵豈夫庸瑣之才輒敢形容其事

伏望

崇文廣武儀天尊道寶應章感

聖明仁孝皇帝陛下垂旒法覽

援翰擢文

賜名以紀

芳蕤

作序以冠篇首式彰

寅奉永耀

洪休臣無任瞻

天望

聖戰汗屏營之至其所錄成

翊聖保德真君事迹三卷謹隨表上進以

聞臣欽若誠惶誠懼頓首頓首謹言

開府儀同三司中書門下平章事上柱國齊魯公徐文

批答

省表具之夫妙道為大本於若冲至符無方

昭乎善應惟

玉虛之元輔冠瓊簡之真階幽贊財成豈彰

陰陽當藝祖之受命降福壞而炳靈運

文考之紹休告

帝期而啓兆式申美報肇建殊序奉懷禱之

嚴科介蒼黔之丕祉若乃夷微委鑿聆響攸

憑示諄誨以惟勤昭明威而匪測恍予之應

猶響泠然之馭亟旋自朕纂承寅加崇奉嚴

辟儀於恭館薦嘉號於元都念秘詰之具存

表格思之攸盛期於綜緝以權休微卿住冠

樞衡道熙邦采雅資博洽庶就編聯而能細

緗帙以惟精封縹囊而來上懇求製序復真

命名載循淺昧之辭易叙直聰之烈勉從勤

請良積覲數嘉尚之懷寤興無捨所請宜依

崇寧三年四月十八日使命到官齋降到

真君加號

初詰詰曰門下惟皇

上帝粵有輔臣以赫厥靈終南之下屢膺景

貺增煥褒章

翊聖保德真君降言於建隆之初顯告於開

寶之末大庇下土衛我家邦作官奉祠昭答

如響顧眇眇質之誕育寔欽慈之密祈吉事有

祥敢忘美報夫至誠能感克應乃乎所儲維

何萬世之慶合為丕號申命用休朕典

神天永緝熙于純嘏鳳翔府上清太平宮翊
聖保德真君可特加翊聖應感儲慶保德真
君

翊聖保德傳卷下

廬山太平興國宮採訪真君事實序 世四
夢當時使者之語以謂後五百年福及生靈
以曆考之自開元辛未距今行及五百年矣
元宗皇帝建祠以事而使者之名顯國朝累
聖崇奉神宗皇帝度進聖號徽宗皇帝加上
寶冊而使者之位益重祀典益崇禮意益至
殊祥異貺影從響答其在斯歟義問來九江
適太守大卿胡公紡以清靜理郡政民神協
從甲戌春舉行舊典以義問攝祀事于太平
興國宮禮畢因觀山川之勝穹隆磅礴層見
臺出不可名狀是宜高真之所慎擇也官之
道士有向師尚者清修自持且有心於闡宗
立教以使者應化之迹泯泯未傳求義問編
次義問不敢以鄙陋辭謹列于左方紹興二
十四年中元左朝奉郎通判江州軍州事兼
管內勸農營田事賜緋魚袋葉義問謹序

廬山太平興國宮採訪真君事實卷之一
分真初始類

考原

謹按

太上三天正法經云九天真王與元始天王
俱生始炁之先天炁未明鬱結未澄混沌太
虛浩瀚流冥七千餘劫元景始分九炁摩存
相去九萬九千九百九十歲 有重君注爾時
既有一炁相去九萬九千九百九十歲
有歲月九炁
九天真王元始天王稟自然之炁故稱九天
之號九天司命者萬物受生之真宰也九天
大人者衆真景德之宗師也九天使者監御
萬靈之貴神巡察三界賞善罰惡之總司也
又九天鳳炁元丘太真書云太上丈人下授
五嶽君却禍除殃其中曰九天真王者伏千
神使衆靈又南唐降現真圖記稱使者真君
有五號一曰九天真王二曰朱陵上帝三曰
火鍊真人四曰南上真君五曰九天採訪使
者
上帝錫之七暎平華九德偃月金晨玉冠九

光紅霄飛雲金羅之帔曳紅霄碧觀海嶽之
 蒙單衣羽襖朱霞霄袞紅玉霄裙六華銖衣
 躡元朱光之履飛紅單鳥執太元碧琳之圭
 瓊華翠替佩九天採訪南上真君使者金冊
 九元之劔五帝伏魔之印九天真王之印採
 訪靈威攝邪之印授北極天帝五靈尊神吏
 兵天丁之印五百靈官五帝三官三河四海
 五嶽四瀆九江五湖十二河源溪女吏兵之
 印白鶴師子擁御青龍白虎護衛六丁六甲
 侍列左右九天仙女十二溪真陳奏樂部扶
 桑大帝賜谷神王太極真人以為副從上三
 皇時下降為九龍使者中三皇時為九都使
 者下三皇時為元都使者黃帝時為真元使
 者帝堯時為太清使者帝舜時為九疑使者
 大禹時為元夷蒼水使者助禹治水成功周
 穆王時為天靈使者唐玄宗皇帝時為九天
 採訪使者九天在三十二天之上統九億萬
 諸天地人物應中國九宮九州九星分野太
 一之數以定災福大小運炁陽九百六之災
 臨諸分野各有天帝靈官主司也生化人物

大數甚多以九天配日月星宿照臨天下萬
 國九州八極十方世界天人祿壽算數貴賤
 能鎮生化之源者耶
 太上真元无極大道玉皇尊帝太上老君高
 居九天下臨真化故命九天真王受朱陵上
 帝為使者威德備三清之法尊崇亞天帝之
 位採訪之權靈通應感著於聞見皆可考焉
 則知真王乃天中貴神所以分真宅靈下鎮
 洞天福地利澤邦家體虛皇以闡慈代昊天
 而示化累朝崇奉縉紳信禮士庶欽仰靈貺
 昭彰豈區區淫祀之比哉
 見祥
 元宗開元十九年二月十五日夜寢靈符殿
 夢神人仙仗甚威語帝曰吾是九天使者被
 受混元正真玉帝太上老君勅命採訪九天
 九地三界十方萬國九州八極內外觀察巡
 遊較定天人祿壽生靈罪福建立採訪總司
 九天司命真君開治舒州潛山九天丈人真
 君開治蜀郡青城山吾今開治江州廬山可
 於三山興置齋祠後五百年福及生靈言訖

而覺明日元宗宣諭群臣時宰相張說奏言
 陛下夢且富春或恐未審帝乃設案焚香至
 誠禱額須臾雲鶴仙仗森布舍元殿前第見
 使者乘青龍之車靈姿妙粹瑞相端妍帝為
 虔拜使者以左手約之時見五百靈官九江
 水帝十二溪真上清二十四位真人儀仗羅
 列百官瞻望乃詔兵道子肖貌勅內供奉張
 奉國及法師張平公等齋像詣江州刺史
 獨孤正縣令魏昌建祠於廬山之陰
 宅靈
 本官係真君親擇勝地居廬山西北隅先是
 明皇遣使搜訪山水佳處莫知適從舊傳有
 居民陳氏所居平夷忽有道士踵門謂曰此
 地宜使者廟基汝盍捨諸當獲靈佑陳曰願
 也第家貧不能遽遷耳道士曰吾為汝遷謹
 無費遷已汝身後為此方土地言畢而遊陳
 愕然是夜風雷大作及曉陳家于山之南崦
 矣今宮之左有地主祠血食一方靈通昭著
 潯陽之義門陳氏即其後也官基正坐聖治
 峯前連引橫山在巽天醫之方自良臨震乃

得貪狼而歸至鬼生炁也天醫主極救生靈
生氣主長養萬物道家以迴骸起死為功以
度人濟物為行真君宅之亦宜坐乙向辛皆
合天心左右龍虎蜿蜒盤踞互相揖讓十有
二重應十二辰大溪自巽入乾復回坤地別
有小澗發源聖治峯歷千未與大水合四面
方位周流無間冬夏不涸宮前案山々遊魚
上水孤峙宮前有同朝禮外案自瑞曰縣排
列以至蕪黃二州環望數百里重疊如屏障
襟江帶湖如拱揖此宮也聖治峯特高於諸
峯左右群峯千巒萬壘為之輔翼南接虎溪
福地康真人道場葛仙翁鍊丹之井北跨詠
真洞天董真君種杏上昇之館後有呂仙翁
藥爐丹竈遺址存焉背抵五老峯倚天青壁
屏圍於外神人所居是豈偶然者哉

應具

初元宗夢見使者云建祠之處自有木植但
加工力而已及中使至得地于聖治峯前別
引橫山扶輿磅礴迤邐而下如頓萬馬基甫
定而巨木數萬隨水盆至隨用隨足工役之

與常有神光如畫力作忘倦旬月告成中使
復夢神人曰粉堊丹綠此地有之不待他求
鑿祠之北五色具備或云是材也昔元江王
布擬作宮殿之用沉埋湓浦以待今日吁異
哉祠西長廊在巨澗狀流之上水聲如澎湃聞
於地中其祠號九天使者廟元宗御象九天
使者之殿六字南唐昇元二年就祠改通元
府山前今有
本廟太平興國二年

太宗皇帝改為太平興國觀宣和六年

徽宗皇帝御筆改觀為宮

彭澤尉潘觀祥驗記其略云建祠之初雲
興有五不雨不風水忽漲移近山水
復仍舊一也丹粉雜色穴出塵生和者
失路廟用者必獲二也對上之夕連宵風
雲焚香告祈城頂雲收風息祭之日守宙
澄空會此良辰仙燈遙照三也彭蠡津渡
之處時有數百人來渡云我往廬山焉使
者漸出載我當酬汝直渡已各留五歲經
宿聞之鐵示成熱乃知鬼神遠來欲禮見
斯瑞像以於人四也使者躬從龍君虎
史刻則取人或或木入廟之後恐有數
華汗流霖霖雲石濡其面仙靈所從其汗交
流指驗具存人神區別五也凡此五
事前世罕聞則石記之以傳來者

殿宇像設

九天採訪應元保運真君之殿神宗皇帝御
書後隸兵火

今乃王聖採訪居中左右侍立金童玉女靈
官各二六丁六甲各六殿內兩壁畫上清太
微二十四位真人殿外兩壁左畫十二溪真
右畫九江水帝三江大王皆做吳道子之本
相貌奇古精神奮動殿前左防觀右護法關

下驛龍金虎大將殿之左翼三官大帝殿右
翼四聖真君殿主廊左有道藏榜曰瓊章寶
室于湖張孝祥筆貯經五百二十八函計五
千二百八十七卷外九十九函兼數葉誌
不曹頒降條右有天師堂榜曰正一之殿紹
興二十八年十月內恭奉

高宗皇帝特旨於採訪殿後新建大殿專一
崇奉

皇帝御容本命賜名中福殿殿之右漳泉慈
濟真君殿殿之左三山澗靈澤龍王殿嘉泰
四年
敕封事 紹定五年朔三清寶閣中塑九皇御
見後

座左脇樓九天丈人真君像右脇樓唐元宗
皇帝像嘉熙四年閏十二月內

理宗皇帝賜御書三清閣三大字脩廊左右
各二十五間左畫採訪真君自三皇五帝以
至于今降現異號右畫採訪真君自興置以

來賞善罰惡習仙析嗣靈驗事蹟轉廊左右各五間畫五百靈官像天冠絳服如朝謁儀相貌各異皆以次列係做唐待詔院畫亦近代奇筆也脩廊中有石壇三成左有磚閣五層上安洪鍾榜曰景陽右有磚閣五層上

朱陵大帝榜曰朱陵兩轉廊之間為內三門榜曰紫元景曜之門張子湖書內亭榜曰詠真洞天張樵按舊記云得道劉德本遇仙人從遊入詠真洞天所扁如此及見採訪考校世人罪福而出階下有石一株舊記云有劉越者

從此出入康阜真人赴劉約叩此石而入會于洞府今有亭曰劉仙石此外為外三門曰太平興國之宮徽宗賜御書後碑兵始今乃將運使樂書門接度

仙橋松杉翳鬱徑皆石甃有亭臨驛路榜曰天下太平亦樗大殿後有道紀堂吳說蓮池

運會堂抱一堂易山虛室葉法真泉泉雲無

心堂始因清虛皇甫居此于湖隸書取高後皇甫廟手詔中有謂白雲無心於帝鄉之義聽雨軒厲府跨碧綺何

右兩山道院共三十餘所依山傍水窓戶玲

龍誦聲琅然內有希微堂今薛清是也有墨仙泉因洞窟天籟堂東坡留題有枯木怪園堂山谷紀葆真庵方壺梅竹幽邃眼界清楚精察書額及名其如真一庵鏡泉寒碧軒留雲閣冷翠閣名勝翰墨具在詩集宮後有

靈澤龍湫上中下三潭一潭在高崖絕壁之時山前人望龍附雲而上仙人誦經臺有石突出如經案椽四邊石紋指雲若飛雲洞

聖放生池積金池左右龍虎環抱松風蘿月清流奇石夔隔人境真天下形勝福地

蓮花會

唐自建祠宇以後選差道士蔡仙覺孟仙真吳太清歐陽法明凌知隱焚修香火越明年

八月朔致醮落成是日江淮間士庶羣文縉素之徒不約而集者數千人慶成齋醮晝夜

不絕時蓮花盛開朝謁者各捧一花為供爭置殿陛之下喜相告曰此會殊勝蓋命為蓮花會誓歲以此日同會于此祈年穀穰疢癘

庶幾使者垂祐錫羨以福我衆萬口一辭再拜而去此舊 採訪行 江東 憲 周 彦 質 作

君不見開元天子金盛時高拱昭曠居無為人神和協天意得太史按謀書尾禧六宮深

鑠青春夜新月朦朧照臺榭金鈴不曳禁直閑宸慮澄清鎮多暇嬪嬙宿昭陽官時聽

禁鼓鳴丁錢恍然帝夢見神物千幢萬轟來虛空陰雲滌蕩天衢碧風伯雨師親執職天

地水府神官從後導前驅齊衛翼金車龍御雲中央穆穆天表端圭璋霓旌風蓋颺晴影

縹緲鸞鳳聲琅琅爭傳天語責其上低詣神都駐仙仗自言帝命有司職領使九天躬採

訪側聞廬阜窮幽清願寄一畝營官庭慙慙禱祀五百年自有至福單生靈銀箭頻更春

朕更分明不似昭陽夢中見千官瞻拜齊
呼急詔道子丹青圖泥封密札下江左千門
萬戶成須臾揮橫直駭康廬道驛使春秋奉
宸禱天香祝簡來九重黃柏題封皆御寶龍
樓鳳閣飛雲煙白晝往往巢神仙不知卜筮

歲月遠但見檜栢高參天年年八月蓮花會
奔走江淮貢金貝惟將正直壓妖氛豈止祈
穰致豐歲碧潤萬文噴鸞濤青嶂千疊爭岩
堯春雷騷烈蛟蜃變夜醮雜選星辰朝吁嗟
柱史非虛實故恐誕誇潛曲筆遂令琬琰失
所傳勝事奇蹤散逸常聞宣子夢鈞天屏
息七日方言還又聞漢武事方術蕙帳清夜
來嬋娟道方陳迹垂編策千古朝朝甚明白
矧茲休驗豈徒然指數年齡今五百上方至
德追唐虞臯夔稷契動都俞九夷百越隨指
呼幹轉萬化歸神樞禎祥嘉瑞無時無坐見
和氣周綿區餘波流澤施豚魚信哉神語誠
非虛小臣齟齬無嘉謀目覩美應徒嘻噓願
傳史筆今直書留示萬葉永未為林符出本
官舊記

廬山太平興國宮採訪真君事實卷之一

廬山太平興國宮採訪真君事實卷之二

宋朝崇奉類

春秋醮

太平興國三年四月九日準勅江州

九天採訪使者可每年二月十五日八月十

五日係春秋兩節各致一祭當年七月初十

日江州申奏齋儀禮物開建道場三日滿散

設醮三百六十分青詞朱表係學士院降到

今本州永為定式三年郊祀禮畢遣中使齋

御名青詞朱表建道場五日設醮謝恩

醮意青詞

維年月日

嗣天子臣名御謹以節屆仲秋遣某官於江州

廬山太平興國宮開啓秋祭

九天採訪應元保運妙化助順真君靈寶道

場三日兩夜滿散設醮三百六十分位以用

和天安地保國寧邦俯為天下生靈禳災祈

福謹上啓

九天採訪應元保運妙化助順真君伏以真

境粹清高穹香邈苟精誠之不忘諒降鑒以

非遙獲以眇躬抵膺景命每慚涼德嗣守不
圖適丁隆盛之時益荷高明之貺春茲福地
久峙殊庭屬屆仲秋秋式陳常典况琳宮之宏
啓冀飈馭之俯臨察于恭恪之誠享茲蠲潔
之薦俯回洪造申錫嘉祥然後願邦社儲休
車書混一民躋富壽運洽隆平仰冀高穹普
垂至貺無任懇禱之至謹詞

滿散醮詞

區宇泰寧蒼黔富壽荷高穹之降鑒致純嘏
之荐臻節屆仲秋春禮伸祀是以凝神碧落
著念仙都三日齋居以時朝奏適屬瓊詞告
徹金磬停音更露丹衷嚴伸清醮伏冀垂休
群物錫羨宗祊疵癘聿消車書混一百穀保
順成之美四時無愆元之災永賴具休長依
景貺無任懇禱之至謹詞

內降郊祀禮畢青詞

吉日備儀薦明禋而享帝湛恩敷令均純嘏
以惠民時維秩禮之行允賴群靈之貺肅陳
淨醮祇馨潔誠惟冀神聰式垂沖鑒

內降郊祀禮畢朱表

明禋郊祀昭受帝休賴神助之介成肅祭容
而協禮具嚴馨薦恭接真科冀誠意之潛孚
格靈神而不佑

宣賜濕香

大中祥符元年六月二十九日準勅訪聞江
州廬山太平興國觀缺好香供燒可於翰林
院歲破濕香三百斤付本觀逐日於諸殿堂
及兩廊焚燒供養

蠲免稅賦

大中祥符二年十月十六日準中書門下牒
江州廬山太平興國觀見納夏秋二稅等牒
奉勅並特與除放充本觀常住仍仰本州檢
校分明上曆支用

賜金寶牌

天禧元年九月日奉勅修玉清昭應宮成特
賜
聖祖天尊大帝神化金寶牌一所於江州廬
山太平興國觀奉安供養歲度道士一自掌
管

進應元保運號詔

元豐四年正月日詔曰運妙用跨太虛高極
於九霄遠際於八表巡遊上下博觀廣察是
惟江州廬山太平興國觀

九天採訪使者蓋天之貴神與世為福然隆
名徽稱歷代置而不講甚非所以答神明之
意可進號

九天採訪應元保運真君庶幾導珠祥獲嘉
氣以蒙覆生民焉故茲詔示想宜知悉

先是元豐二年本觀道士陶智仙治舍基
於地中得土缶封緘因破之皆五色土
有銅錢一其文曰應元保運四字當時因
別至四年遣內侍廖繼齋詣及御書殿額
朱賜及與錢文符合時知制誥熊本提舉
太平興國觀召本觀主首究問得實即以
其錢付廖繼齋奉獻迎牌至觀之夕直殿道
士共有餘等聞仙樂之聲驚走開殿即止
如此靈異

祭告祝版

陟降上下高窮於九霄周遊巡行旁際於八
極鑒觀有度善惡無差美報未豐隆名久缺
爰通精意肅進徽稱庶俾泰元永膺福祉

醮慶進號青詞

道妙太虛化馳八極恭承庇佑積仰靈光冀
崇顯於上真乃加隆於懿號爛然寶宇揭著

重簷就被齋壇嚴陳淨供庶延馳馭下賁琳宮

同前朱表

臣名言薦號高真揭題祕殿就陳淨供備致潔誠敢不藏在昔神考嚴恭寅畏明德恤祀帝用居歆百神受職發揚丕貺肇進徽稱謂其顯仁利用兆於有形之始故曰應元錫羨降康成是無疆之休故曰保運勅書扁榜奎壁蒙然霞衣絳幢金碧焜耀而典冊未備屬在後人肆惟菲德紹休聖緒噫惟大道是興惟前烈是承鋪張景鏤刊鏤嘉玉具舉綽禮繼述先志伏惟精誠所嚮符應昭答孚佑眇躬膺受多福相我有邦億萬斯年惟時報事其永無斃謹言

奏告詞

至人無迹大道難名爰即舊稱肇刊新冊遠馳使傳祇告真官勅太卜以消辰命有司而備禮仰祈靈鑒俯照丹誠享茲久闕之儀錫以無疆之慶

祭告詞

妙道格天休功被物炳為靈耀可得形容祇奉徽稱式嚴報禮消誠斯在昭鑒惟時

奉上禮詞

職典欽崇敢替靈承之義誠交肸蠁宜殫昭報之文肆肇舉於徽章用恪伸於寅奉仰祈款答永介休祥

滿散詞

至神無象雖莫能名盛德在人姑從所示式哀顯蹟肇薦徽稱莫享褒崇永綏福祉

滿散朱表

祇奉高真肇揚顯冊瞻太霄而在望被靈宇以伸虔善利所加既作黎元之福純禧來被更延景曆之昌

奉安玉冊離開啓文

廬峯秀拔儼仙聖之真祠寶冊肇新煥照辰之盛典初屬禮成之慶敢伸妙供之修普洽與情仰伸誠祝伏願至神昭格洞鑒宜符萬壽無疆恢帝圖之廣大三時不害永民物之阜康

滿散詞

惟廬嶽之名峯實天仙之奧宅符畫現雖自開元之傳迹遠名彰逸想真王之始應世則帝王之佐在天惟耳目之司千齡首紀於元豐四字首加於徽號備茲緝禮屬在休期鏤玉填金煥成章於雲漢臨軒發冊增偉觀於江山顧熙事之嘉成消良辰而祝告伏願威神臨格昭鑒居歆薰煒揭虔共仰九霄之運厖鴻蹟社永言萬壽之期併敷錫於庶民俾交欣於百樂

改觀為官

宣和六年七月二十七日御筆改觀為官給事中王易簡奏乞降御書牌額遂賜御書曰太平興國之官

是時迎奉御書牌江行至太平州謝家灣有順濟龍王登舟現金鱗五爪長尺餘盤旋花枝之上護舟至池陽清溪有水獸三四昂首呼鳴龍王自船中引首顧之池州官民驟拜忽爾不見○戒途之初預卜官日建醮本宮沿途阻風時失期限忽在真州遇順風半月之程數日而到岸則風速如初預期不爽衆皆異之出異錄記

保穰祝版

維紹興三十一年辛巳十二月己亥朔十七日乙卯

嗣天子臣某近為邊鄙繹駭朝廷用兵乞賜陰助掃除妖孽以速萬全謹遣右承議郎通判江州軍州事臣鄭建中敢昭告于

九天採訪應元保運真君伏以國家祗奉神祇載在祀典春秋時享固敢不飭欽惟

明靈密垂護佑蠢茲妖孽犯我邊疆爰整王師正緊神助掃蕩邊氛亟臻清平嘉與舍生躋于仁壽尚饗

章太后殿設醮兩座

第一醮意

皇太后妾章氏謹齋十方鎮絲本命文縮詣江州太平興國宮

九天採訪應元保運真君殿晉集道士一壇於八月七日宿建

太上順天興國寶壇修奉

无上太羅玄都玉京紫微上宮三元玉籙道場三晝夜滿散修設晉天大醮三千六百分延奉

高真用祝聖壽無疆皇圖永固萬民樂業五穀豐登次莫齒堅目明身強體健皇后吳

氏宮閣集慶枝葉繁昌

第一醮詞

祇承道蔭敢忘昭事之心抑扣天關特露忱恂之懇伏念妾篤生聖主慶集慈闈年踰中壽之高日備懼心之養荷上帝之眷顧撫小

己以戰兢迺捐脂澤之餘恭款琳宮之邃謹遵靈式用答微誠三千六百分之周天新冲霄之下鑒一千二百歲之眉壽續太上之脩齡中官受滋至之休聖子神孫之千億若身

備康寧之福目視耳聽之聰明更酌餘波回需率土歲有豐登之瑞人無疵癘之憂諒鑒丹衷儻垂洪佑

第二醮意

同前

第二醮詞

精白一心不避再三之告宮蒼萬里必蒙降鑒之明伏念妾誕育聖躬宅尊官室享萬國

歡心之養實九清垂祐之私迺捐服用之餘資祇款仙靈之秘宇輒伸悃悃少答生成恭演真科聖位十周天之度用增詹筭神人三

蒿嶽之呼椒房應夢日之祥晚景續如川之

奇更資道蔭廣被群生師混元之人早契飛昇之妙樂瞿曇之士速登圓覺之門四時有玉燭之調百穀獲金穰之兆惟大圓之從欲遂小己之陳辭不勝依歸諒垂昭鑒

保邊祝版

隆興二年歲次甲申十一月壬午朔二十八日巳酉

嗣天子臣某伏為邊鄙駭寧朝廷用兵乞賜陰助謹遣降授左朝散大夫敷文閣待制知江州軍州事賜紫金魚袋臣唐文若敢昭薦

于太平興國宮

九天採訪應元保運真君伏以妖孽侵邊尚肆虔劉之虐師徒駐野未收攘却之功敢布忱誠仰干英鑒冀靈威之佑助無妖祲之結蟠尚饗

賜靈澤龍廟額

嘉泰四年正月準尚書省牒禮部狀準都省批下江西轉運使司狀據江州申據德化縣申據管屬進士劉揆等竊見太平興國宮宮後三山澗龍潭遠近百姓祈求雨澤感應顯

著前政知州王容在任兩年遇旱祈禱雨澤
隨降嘉泰元年六月不雨本州遂委本縣主
簿常權躬詣龍潭迎請聖水奉安設醮醮未
畢兩大作槁苗洩與歲成大稔本州遂於龍
潭建立廟祠崇奉乞封爵廟額本司委興國
軍永興縣丞上官世勳躬親詢究再委隆興
府奉新縣主簿孫仁覆實上件靈蹟委有恩
惠澤及生民保明詣實伏候勅旨後批送部
勘當申尚書省尋行下太常寺勘當去後據
申檢準建炎三年正月六日已降指揮節文
○神祠遇有靈應即先賜額并淳熙十四年六
月十九日已降指揮節文今後神祠祈禱應
驗今諸路運司依條保奏取旨加封本寺照
得今來本路轉運司已依條差官詢究覆實
保奏了當應得加封條法今勘當乞從已降
指揮合先賜廟額合行降勅伏乞省部備申
朝廷取旨加封施行申部本部今勘當欲從
太常寺勘當到事理施行伏候指揮奉勅宜
賜靈澤廟為額

保國祈嗣玉簡

維嘉熙元年歲次丁酉十月己卯朔十五日
癸巳

嗣天子臣某伏為保延國祚恭祈嗣緒敬齋
香信祇建沖科命道士二十一員於江州太
平興國宮啓建靈寶道場一晝二夜滿散設

醮三百六十分位告盟天地誕集嘉祥謹依
舊式詣

九天採訪應元保運真君殿下投送金龍玉
簡欲冀至聖至真鑒此丹悃乞為騰奏上聞
九天臣伏以元儲虛位未開龍夢之祥邊閭

分屯尚調虎符之戍內欲隆於國本外思靖
於兵氛仰惟祖宗積累之難深切朝夕繼承
之懼是用肆類上帝徧禱名山願垂覆燾之

仁宏賜扶持之力得男而應震索茂延百世
之期偃武而致太平坐底四方之治保基圖
於鞏固措民物於教寧祇迓靈休永依大道
臣某無任懇禱之至

陳乞加封奏狀

臣熊守中謹瀝愚衷仰干天聽退思僭越甘
伏典刑竊念臣山林及槁雲水單瓢身與世

以漂流志因時而感激伏睹江州廬山

九天採訪應元保運真君上自三皇五帝下
至于唐遂代易名顯靈降社主天地國家之
歷數掌祖宗儲嗣之符圖在昔賜額撥田褒
封祈禱具有成典至於穰穰水旱弭戢共戈

應感靈驗載諸碑記真君顯靈之初有語曰
後五百年福及生靈保安國祚揆今五百八
年無有以徹淵聽者重念臣本儒家子父命

入山蒙恩服羽奉真君香火餘五十年誤叨
住持以來剔蠹革弊一新福度表率羽流祝
延聖壽凡歲之豐凶民之疾苦夙夜齋心精

白祈禱務求感應仰贊明時臣雖非官守言
責者比而憂國愛君出於天性敢致叩關之
請庸醜懸闕之心謹纂集廬山古碑舊記所
載九天採訪應元保運真君在本朝靈驗事

跡彰彰在人耳目者編次為六一曰初始源
流二曰宅靈始末三曰崇奉昇則四曰褒嘉
典故五曰像設儀制六曰感應靈異繕寫為

一冊用黃羅囊封隨狀上進伏望陛下少賜
采覽體祖宗崇信之意為社稷靈長之謀遵

故事於往時舉曠儀於今日應元有自復太平興國之風保運無窮叶壽當多男之祝皇圖華固邊稜澄清臣不避鼎鑊之誅謹具奏聞俯伏闕庭伏望聖慈特賜盾旨付尚書省檢尋舊規加封真君徽號降香廬山大平興國宮設醮陳詞禳兵珥冠以應五百年福及生靈之運丕衍億萬載無疆之休臣冒犯天威罪當萬死謹錄奏聞伏候勅旨

嘉熙二年八月日

醮旨

嗣天子臣某伏為家國少寧邊陲侵擾師徒久戍未收攘却之功宵旰靡寧敢忘禱祈之請謹遣上清大洞經錄道士熊守中齋香信詣廬山太平興國宮開壇薦歲拜伏寶章上通宸極以用禳兵珥冠保國寧邦欽惟

九天採訪應元保運真君開治廬山之始預祈國祚之安五百年福及生靈適當此數億萬載垂休宗社克保將來伏願九天助順三境昭臨消禍亂以康時珥于戈於不戰更冀兩賜時若年穀豐登萬民無疵癘之災四海

樂昇平之化

上帝青詞

皇天無親固惟德而是輔至道有要必自誠之可通爰命羽流虔伸丹悃邊陲驚擾燧燧因仍內貽宵旰之憂外積干戈之慘薦殞繁而請禱望穹昊以據誠伏願天道宜還人心從欲俯回洪造溥施下濟之仁申命真司盡被好生之德

真君青詞

嗣守丕圖昧攸司之疎曠適丁多事駭成典之昭彰爰命羽流旋申祀事十三帝尊崇緝禮豈不偉哉五百年福及生靈今其時失誓堅香火永答神休兵革侵疆師徒駐野四蜀長淮之慘酷痛徹此心九州率土之威儀合歸中國恭惟

九天採訪應元保運真君闡至靈於前古隆徽號於本朝當瑞命之應期符生靈之積望雷行號令速掃妖氛日扇祥風將安善類

加封誥詞

中書門下省禮部狀準嘉熙四年四月十四

日勅節文尚書省送到禮部狀準都省批下禮部申準嘉熙三年九月二日都省批下江州太平興國宮前管轄住持知宮事熊守中劉子陳乞

九天採訪應元保運真君加封設醮及乞頒降御書三清閣三字事後批并進冊送禮部勘當申尚書省本部尋連送太常寺勘當去後據本寺申照得熊守中所陳真君事迹自唐以來多著靈異至我朝神廟始進號為

九天採訪應元保運真君列聖欽崇有加無替拖詳進冊鋪叙六門其啓耀發祥標符顯應固非其他神祠可比至若水旱疾疫之災盜賊兵革之變隨事切禱響答影從真有助於國家有功於生靈也增隆徽號用侈殊褒其加封一節欲照所乞申取行下以憑擬定

欲具檢申呈奉批判行伏乞省部備申朝廷如從今來熊守中所乞事理候批今狀下日行下本寺以憑加封施行更合取自指揮施行并進冊繳連見到申部本部所據太常寺申到事理備錄在前本部照得今來熊守中

所乞真君事跡加封如蒙朝廷許從太常寺
申到事理候批今狀下部行下太常寺以憑
加封施行伏候指揮後批并冊送禮部從勘
當到事理施行本部尋連送太常寺遵從都
省批狀指揮施行去後今據太常寺申本寺
今遵從都省批狀指揮欲於應元保運字下
加二字今欲擬

九天採訪應元保運妙化真君合命詞給話
伏乞省部備申朝廷取旨加封施行申部本
部所據太常寺申到事理備錄在前伏乞朝

○廷指揮施行伏候指揮四月八日奉聖旨依
本部尋取到太常寺供到前銜後擬伏乞朝
廷合命詞給話施行伏候指揮奉勅朕實事上
帝懷柔百神矧惟仙品之高夙紀道書之秘
三山鼎立雖肇跡於有唐一氣胚涵本儲靈
於太始嶽瀆並歸於主宰國家允賴於保綏
逸企真風肆加美謚

九天採訪應元保運真君體道為用入有出
無象帝之先莫知誰子御炁之辯以遊無窮
嘗受命於瑤霄來宅靈於廬阜惟九穹品秩

孰如採訪之尊會三界天人皆屬統臨之大
自熙陵以太平興國而易觀額至

神廟進應元保運仍揭宮名昭回雲漢之光
焜耀朱陵之府肆朕纘服率循舊章春秋黜
祭之聿嚴水旱禴禘而必應閱羽衣之驛秦

想鶴駕之颺遊用舉徽稱式彰妙化七千劫
初分於元景未易強名五百年流福於生靈
適逢休會諒上蒼悔禍之有日而四海息兵
之可期佑我不圖永綏景福可特封

○九天採訪應元保運妙化真君

廬山太平興國宮採訪真君事實卷之二

廬山太平興國宮採訪真君事實卷之三

宋朝崇奉類

聖旨文字

得旨為加封

九天採訪應元保運妙化真君徽號仰管轄
道士熊守中前往江州太平興國宮設醮一
十二百分位五晝夜拜奏寶章并於壽聖廣
福觀大中祥符觀各設醮一百二十百分位降
賜下項務在如法排列精加祈禱即賜感通
○仍賜御書並具收領回奏

得旨宣諭安撫制置史尚書令江州太平
興國宮管轄熊守中齋三清閣御書及香信
等於本宮設醮并奉安誥命仰尚書代書青
詞祝版御名及差屬官一員到官主香所有
日分却令熊守中供報仍具已差官職位姓
名前往回奏嘉熙四年閏十二月日協中大
夫保康軍承宣使入內侍省副都知張延
慶恭準

真君祝版

維淳祐元年歲次辛丑二月己未朔初六日甲子

皇帝某謹遣太平興國宮管轄道士熊守中謹以清酌庶羞之奠敢昭告于

九天採訪應元保運妙化真君品冠仙都道

高今古綏集生靈福流下土運數脩延實歸

宗主揆之百神靈休為愈徽號聿崇斯為感舉特伸慶讚摠誠帝所用昭告於神聰敬一

酬于觴俎尚饗

設醮意旨

嗣天子臣某伏念縉絡丕圖期光前烈茂延支本式固邦家眷茲福系之隆實藉神功之佑恭惟

九天採訪應元保運妙化真君天之貴神國之主宰千萬載垂休於宗社五百年流福於

生靈茂著仙遊聖宜崇徽號謹備潔消之禮用伸慶讚之忱謹取二月初六日就江州廬山

太平興國宮命闔官道士開建祈穀福時齋壇五晝夜節次拜奏寶章關祝周天星燈甲

子長生命燈滿散設醮一千二百分位延奉

上真導迎景貺伏冀神休密佑聖造潛扶寧謚三邊安全萬宇咸睹清寧之象早開嗣續之祥永錫和平更祈豐稔

上帝青詞

淳祐初元屬履王春之吉太平真宇冀蒙帝

社之私猥以菲涼紹茲休烈天知悔禍幸邊

備之甫紓民慮阻飢念邦儲之尚宥每軫憂於丹悃巧垂貺於蒼宵爰命羽流肅延飈馭

乾演藥科之秘載修藻薦之虔伏願和氣薰陶妖氛滌盪千祿百福之介燕翼有開一食

二貨之通魚麗允叶

真君青詞

應元保運扶世數之彌長者德立功為國朝

之尊仰由聖跡顯揚於廬阜而徽稱存錫於先朝茲循彝典之褒崇式表真風之妙化盍

奏聞於上帝庸慶讚於神休肅展蘋藻上延芝馭伏願垂九穹之妙造福降簡穰安四海

之生靈國祈泰定俾遂狼烽之息蚤膺熊夢之祥

壽聖廣福觀大中祥符觀醮意

維淳祐元年歲次辛丑二月己未朔十八日丙子

嗣天子臣某仰惟

九天採訪應元保運妙化真君道品聿崇福源浸衍為嶽瀆之主宰實國朝之貴神稔著

仙猷茂增徽號當醮儀報讚之後乃百神交慶之初爰演沖科同啟盛事取今月十八日

就江州廬山壽聖廣福觀開建靈寶道場一晝夜誦經行道關祝星燈滿散修設清醮一

百二十分位延奉上真仰祈景貺伏冀神休叶蒼生遂民安國泰之期邊鄙無虞觀天清地

寧之象

青詞

褒妙化之徽稱百神交慶對玄穹之上帝一念潛孚非惟侈縉典之昭明抑以顯靈休之

偉赫用蕙潔蠲之禮同伸讚慶之私伏願聖造協扶共保丕圖於綿永邊陲寧謚俾躋黎庶於昇平儲嗣流祥清寧開泰

本州乞降御香奏狀

臣厲文翁據江州廬山太平興國宮住持知

官兼管轄李守浩狀申照得本宮係採訪宅靈之地崇奉皇帝本命申福殿歲有春秋國醮係守臣代書御名詞表其旨曰俯為天下生靈禳災祈福祥符元年準勅歲降濕香下本宮諸殿堂供燒後來本宮不曾援例陳請竊惟福庭香火列聖崇奉褒嘉緙禮降香建醮保國寧邦靈驗昭著勅文省劄非一而止昨蒙使府以瑞雪愆期持忱設醮隨獲感通十萬戶和氣遍覃五百年流福應識自祥符至嘉熙年內遇時降香建醮感應嘗奉聖旨加封真君妙化二字及頒降御書三清閣字仍賜度牒沉香腦子鎮壇繒絲等設醮保邊祈嗣詞意具存但前後降香建醮皆係使府保奏今來欲乞照例保奏朝廷舉行舊典所據前狀須至奏聞者

右臣照得太平興國宮係

九天採訪真君治所自唐開元至本朝已五百餘載神應非一褒典屢加國初以來給降御香歲有常比迨至隆興因循廢闕嘉熙二年及四年本宮管轄熊守中申請遂蒙朝廷

加封真君妙化二字及降賜御香等自後本宮無人陳乞而本州亦不復與之奏申殊失累朝崇奉之意大為闕典近緣去臘瑞雪愆期臣躬詣祠下為民祈禱即獲感應如響斯答三白呈瑞豐年有兆即其靈驗所合申述彙彙以昭神貺伏望聖慈特賜旨照國朝舊典每歲給降御香下本宮并照嘉熙庚子年頒降建醮指揮施行謹錄奏聞伏候勅旨
寶祐四年正月日

賜香省劄

昨準禮部符準寶祐四年二月八日都省批下知江州厲文翁狀奏乞舉行國朝舊典每歲給降御香下江州廬山太平興國宮建醮事後批送禮部契勘體例申尚書省準此本部所準都省批下上件事專連送太常寺契勘分明指定申部去後據太常寺申本寺今拖照奏內稱乞照嘉熙庚子年頒降建醮指揮施行今指定欲乞省部備申朝廷下江州行下本官照嘉熙庚子年分頒降指揮體例徑自申請施行右連元送一宗申部乞備申

朝廷施行尋呈奉判備太常寺所申符本州徑自照元得指揮申請施行仍申省照會今本部具申朝廷照應外符州照應徑自照元得指揮申請施行所準前項指揮州司除已遵稟備報本官照應施行去後今據太平興國宮回申開具到本宮節次承準朝廷降香建醮等事月日體例事件申州乞備申省部檢照前例給降施行太平興國三年春秋二醮勅牒太平興國三年春秋二醮省牒齋料帳三縫紹興三十一年降香設醮祝版隆興二年降香設醮祝版端平三年廟堂奏旨設醮祈穀禳兵詞旨七縫并可漏嘉熙元年降香設醮保邊祈嗣玉簡嘉熙二年降香設醮禳兵詞旨并銀兩會子綾羅單子等三縫肆件淳祐元年加封真君徽號詞旨祝版降香并祠牒銀兩綾羅聖旨文字肆縫伍件
右除已將前項文字申部乞辨驗發下本官照應外本州保明是實伏乞指揮給降施行伏候指揮照得知江州厲文翁申乞舉行國朝舊典給降御香下江州廬山太平興國宮

設醮事契勘先朝間曾降香及賜御書并降
度牒綾羅等今據住持知官事李守浩乞檢
照元來已得指揮符本州徑自照例申青六
月九日三省同奉聖旨照舊例降香下江州
付本官設醮仍照嘉熙庚子給賜并下御樂

院內侍省學士院江州本官各照應右劄付
廬山太平興國宮寶祐四年陸月日

得旨宣諭制置屬侍郎江州太平興國宮八
月十五日修設國醮今賜去沉香三十兩箋
檀降真各一十斤充本宮醮筵供燒使用以

後祈禱別有降賜仍具收領回奏寶祐四年
七月日入內侍省東頭供奉官詹恩殿祇
候幹辦龍圖天章等閣幹辦內藏庫翰林司
毛存恭奉

奉安御香疏意

臣厲文翁情旨昨於領藩之初因以禱雪而
應慨念真君儲福之地夙存國朝賜香之彝
官門既有失於申明州郡復不為之啓請亟
膾奏隨沐恩光恭準聖旨宣諭每歲賜太
平興國宮沉香三十兩箋檀降真各一十斤

充八月十五日秋祭醮筵供燒向後別行宣
賜以用祈天永命保國安邊溥及生靈同躋
仁壽今則已次琳宮預白丹悃伏望景曜下
臨監九重之忱悃名熏上賜修每歲之常儀
所集勝因以祈嘉貺

皇帝陛下恭頌鴻圖廣大燕翼綿長庶證時
而百穀成民皆樂業中國安而四夷服邊不
揚塵

初降御香建國醮別奏青詞

採訪宅靈金闕地隆於廬阜祈禱歲祀寶薰
咸達於禁庭屬州家之奏請愆期致聖代之
彝儀缺廢恭以

皇帝陛下秉心翼翼行善改改靈禱深宮恪
謹朝昏之禮日臨當守諄勤中外之憂體累
朝尊奉之心加妙化褒崇之號茲率修於常

典爰寫敬於辨香惟具存周覽乎九天之間
則明鑒宜孚於千位之上今首足患深於蜀
廣力瘡痍痛及於淮襄水旱關關兵財匱乏
臣身叨閭寄世荷君恩望丹陛以輸忠即朱
陵而請福伏願帝躬壽樂國本安強四序氣

調大有稻梁之慶三邊勢華永無烽燧之虞
凡曰王民均蒙道蔭

恭奉朝廷賜錢設普度醮密劄

恭奉宣諭指揮去歲兵革以來忠亮死節戰
歿之士甚多流離橫天傷亡之民甚眾孤魂

無依實可與念當行普度使遂超生四川可
於重慶兩廣當說南嶽荆湖江西仍就江州
太平興國宮三處各修醮一千二百分每一

處降賜沉香一百兩腦子十兩降真三百斤
黃蠟一百斤官會十萬貫專差人兵管押前

去逐一交割嚴潔排辦擇八月內啓建三晝
夜已劄四川制置司廣東經略安撫司廣西
經略安撫司湖南安撫司京湖制置司

景定元年六月日

昨者韃虜不道存食無厭所賴人可即戎每
戰必克或執干戈以衛或奪餐孤以登未嘗
臨敵以懷生皆欲滅此而後食竭忠思報視
死如歸殺氣干霄而欲腥英魂委露而逾壯
第念形軀之已殞痛于心誓以難忘謹於八
月二十五日就江州太平興國宮修設普度

大熙一千二百分用憑道力俾遂超生

青詞

百戰間關見危致命一忠激烈雖死猶生惟
勇士不忘表元故敵人每為奪氣追念胡敵
之甚惡遂令國步之多艱不貳爾心豈與共
戴天而處勉出乃力蓋將真亡地而存義重
而形軀則輕後同而瞬息即具興言鉅痛深
愴至懷帶劍之辭尚新忍忘楚野復矢之衣
烏挽空慨邾婁度修薦拔之科庸寫盡傷之
極伏望大垂慈鑒俯挈冥途壯節難磨已可
垂名於穹壤英魂未逝尚能效役於風霆

史大賓申述靈驗乞加封尊冊事

本州太平興國宮崇奉

九天採訪應元保運妙化真君香火考諸圖
誌實唐開元間明皇感夢真靈欲就廬山建
祠後五百年福及生靈於是勅江州建九天
使者廟本朝列聖尤極欽崇太宗改賜觀額
神宗進號應元保運真君徽宗奉上玉冊易
觀為官高孝兩朝皆遣官致禱保運祿兵
皇上踐祚以來賜奎畫降御香尊奉尤謹

之自去秋抵戍適值胡馬透渡彼自進黃接
鄂岩之關命即行但副閫事權素輕江州又
號內地進當大敵則無將無兵退守中流則
城卑壕淺舟師援鄂則風逆莫前增戍保黃
則星流告變人心皇皇士氣不振事關宗社
未知攸濟遂望真祠許設普天大熙二千六
百分保國祿兵由是天乃返風遣援無虞靈
貺昭昭敢忘報謝岩之遂躬詣本宮酬還醮
願遍請碑刻始知真靈一號朱陵上帝採訪
九天九地較定天人祿壽生靈禍福其尊與
天帝比又主九宮九州九星分野陽九百六

之數實與世運關係興衰而本朝家福為多
建炎逆賊張遇攻犯江州城中軍民親見真
相現於雲端結成龍馬賊遂殞滅開禧具贖
叛蜀夔帥蔣介有神降羊謂採訪已奏於上
帝行被族誅今茲狂虜犯順實賴陰相江面
再清東南莫枕運數今日至于開元幸未正
應五百年後靈響昭彰如此但岩之竊念神
考進應元保運之號係降詔旨及徽廟追繼
先志鏤之玉冊以至列聖青詞皆以皇帝臣

甚寵之嘉熙年間加封妙化二字太常一時
失於檢會止令命詞給誥與元豐政和典禮
舛異恐未稱明時昭事之憲謹錄元豐政和
詔冊繳連在前欲望公朝特加敷奏付有司
討論典故於應元保運妙化今號之上加上
八字徽號專以冊書鏤以嘉玉收回元誥赴
禮部架閣不惟消弭兵災肇開泰運保國祚
於有永延聖壽以無疆押與列聖尊崇典禮
不至背馳豈勝宗社生靈之幸

景定元年五月日

陸殿撰再奏乞頒降封冊事

臣景思照得本州太平興國宮

九天採訪應元保運妙化真君考之圖誌自
唐開元見夢著靈有五百年後福及生靈之
證奉之碑刻一號朱陵上帝採訪九天九地
主九宮九州星野陽九百六之數按之祀典
本朝自太宗賜今觀額神宗降詔進號應元
保運真君徽宗奉上玉冊易觀為官高孝兩
朝皆嘗遣官致禱遣事皇帝臨御以來加封
妙化二字頒降三清閣御書降香設醮朱表

青詞所以欽奉者至隆質之靈驗建炎張遇
 犯城有現雲滅賊之應開禧具曦叛蜀有降
 筆誅寇之報今年虜哨入本州瑞昌縣境若
 有所制記不能前陰護一方全活甚衆致如
 甘雨時雪消疫濟荒保邊糧兵護國救民其
 所以孚佑者甚盛臣景思維今泰運方回熙
 典備舉方秩無文而咸祀必致崇極於大神
 矧採訪高真流禍蒙極自開元辛未至于今
 式應五百年後雖運化無名何心隱顯而進
 號備冊異衆欽崇兩朝詔冊以天神禮之列
 聖表詞以皇帝臣冠之嘉熙加封禮寺不及
 檢會止令行詞給語未稱舊典御香既降國
 懸有嚴歲用春秋帥臣奉辭以告崇報未極
 衆心歎焉欲望聖慈降付尚書省於應元保
 運妙化真君今號上加八字徽稱仍乞檢會
 前知郡資政史岩之所申繳錄元豐政和詔
 冊付有司稽典故尊之冊書錄之嘉玉予以
 稱累朝昭事之心予以近九天玉錫之鑿須
 至奏聞者

景定元年九月日

印徽猷申乞加封冊號事
 應雷被命假守祭山川之在境內者蒐祠典
 詢故老伏聞
 九天採訪真君感夢明皇建祠是邦正直而
 一敦佑下民粵五百年紹興現靈表叢遇隨滅

開禧降筆吳曦伏誅虜哨江垓郡嬰孤城以
 自固一至近境避易驚遁此其近事之彰灼
 也夷考我朝列聖崇褒精忱備至神功施及
 于今名號未加其舊或者其不謂禮前守臣
 史資政陸殿撰俱常敷奏乞頒徽號以副興
 情未準回降當今泰運方開地彌天區百神
 受職靈績既昭表章可後欲望公朝檢會詳
 酌

景定二年五月日

江州備坐省劄

江西安撫知江州今月初五日準通到行在
 尚書禮部符進景定二年八月初四日都省
 批下太常寺申準都省批下朝散郎新除直
 徽猷閣知江州印應雷申照對昨到郡之初
 本州士民合詞有請皆曰前歲韃虜偷渡路

透江西一境獲安皆

九天採訪應元保運妙化真君有祠廬山垂
 福乞為申明增加徽號又有前政史大資陸
 殿撰兩嘗奏聞謹備元奏重行申述欲望公
 朝檢會累申特賜敷奏六字上加兩字仍檢
 會政和舊典頒降玉冊申聞事奉鈞判送太
 常寺契勘申本寺照得景定元年六月內準
 都省批下江州申乞與本州太平興國宮崇
 奉

九天採訪應元保運妙化真君加上八字徽
 稱事本寺於當月擬封

九天採訪應元保運妙化助順真君尊以玉
 冊合遵照元降指揮今且命詞給語除已於
 當年六月內具申都省外謹具申尚書省伏
 乞指揮照本寺已申事理施行本州證會施
 行後批送禮部行下本州照應施行準此須
 至符下符州仰詳着符內遵從備坐批狀指
 揮事理施行所準指揮具呈食廳官書擬欲
 帖太平宮照會奉台判帖須至行遣

景定二年十一月十八日

加封詰勅

至道之精窈冥無迹超乎萬物之表行乎九天之間名位崇而功化妙命之曰真而已江州太平興國官

九天採訪應元保運妙化真君仲澹而與造物遊變化而與陰陽運吉凶悔吝存乎人皆出於寂通感應之理天憤不道之虜廼能相王師清江面採訪為名若有物司乎其間不知真君之不物於物而物有不能適之者封極於真君號極於八字尊之至矣可特封

本州奉安封詰醮慶意旨

歲在己未戎馬寇江密依採訪之靈克相王師之捷大羊掃迹鴻鴈莫居尤藉陰功宜崇報典足真封於八字惠徵福於九江鳳詔誕頌琳宮改觀臣叨承藩牧躬致綸恩幸依助順之休奉安慶之禮永扶國梓垂祐邦圻

慶醮詞

有赫厥靈克助王師之順揭虔以告用昭國典之華雖真馭母假於褒揚在朝廷合隆於

酬報緬惟量歲啓階江漢浮浮驚濤揚韃之馬疆場翼翼幸蘇酒釜之魚密佐威聲獲全生聚錫徽章於八字答景貺於九天與國同休蕩妖氛於邊瑣思皇多祐增瑞色於山川

廬山太平興國宮採訪真君事實卷之三

廬山太平興國宮採訪真君事實卷之四

元朝崇奉類

聖旨文字

長生天氣力裏大福蔭護助裏皇帝聖旨城子裏村子裏達魯花赤官人每根底來往行路底使臣每管軍的官人每出軍底人每衆先生每百姓每根底宣諭的聖旨成吉思皇帝哈罕皇帝聖旨裏和尚也里可温先生達失蠻不揀甚麼差發休者告天與俺每祝願者道的有來如今依著已先聖旨體例裏和尚也里可温先生達失蠻不揀甚麼差發休者依著太上老君教法裏告天與俺每祝願者麼道這信州龍虎山上清正一官住持張天師根底執把著行的聖旨與了也更有天師本戶演法觀為頭諸官觀裏房舍裏發臣每休下者不揀是誰休倚氣力住坐者官觀裏休斷公事者倉糧休頓者不揀甚麼休頓放者鋪馬祇應休者商稅休與者但屬官觀底田地水土竹木碾磨船隻園林餅典庫店浴堂鋪席酒醋不揀甚麼差發休要者

俺每的明降聖旨無呵推稱著諸色投下於先生每根底不揀甚麼休索要者先生每也休與者更先生每不揀甚麼公事呵這張天師的言語裏太上老君的教法裏休別了依理行踏者更俗人每根底休歸斷者先生每

與俗人每有折證的言語呵倚付來的先生每頭目與管城子官人一同理問歸斷者若先生的體例不行行的公事說謊做賊的先生每於管城子達魯花赤官人每根底分付與者更這張天師執把著行的聖旨有麼道無體例公事休行者行呵俺每根底說者怎生般道的俺每識也者

至元十四年二月初十日

聖節醮意

江州路達魯花赤總管府同本路提點道錄

司情旨伏為今月二十八日恭遇天壽聖節謹委官虔就福地太平興國宮啓筵金錄大醮一座預於二十六日開啓醮筵轉誦真經宿建齋壇數露雲篆二十七日三時朝奏禮懺陳詞二十八日凌晨修設醮筵上奉帝真

以伸滿散

皇帝陛下恭願聖壽無疆皇圖鞏固民康物阜海晏河清者

青詞

上天眷命篤生神武之姿南極呈祥倏屆誕

彌之巨敬即琳宮之閑度依華笈之科祝睿筭之延洪與天無極撫瑤圖於永久如日之升

上元醮意

江州路達魯花赤總管府同本路提點道錄

司恭遇上元令節天官賜福之辰虔就福地太平興國宮

九天採訪真君大殿啓建祝聖靈寶清醮一座轉誦真經宿啓齋科數露雲篆三時朝奏禮懺陳詞滿散設醮一百二十分位所集殊

利上祝

皇帝陛下恭願聖壽無疆皇圖鞏固民康物阜永消疵癘之災時和歲豐欣樂太平之治

青詞

伏以歲序履端肅屆朝元之日聖人在上虔

伸祝壽之儀殿陞風清香燈露奉送真符於碧落瞻天表於清都享于克誠介以景福皇帝陛下恭願帝圖天大享萬國以惟惟聖敬日躋命九圍而是式克臻富盛欣樂太平

降香設醮意旨

江州路太平興國宮欽奉朝廷專遣使臣交難與宣授玄教宗師總攝兩淮荆襄等路道教江南諸路道教都提點張留孫齋等聖旨

捧降御香詣

九天採訪真君大殿焚炷光啓福庭本官欽此謹消今月二十七日修建謝恩清醮一座所集殊利上祝

皇帝陛下恭願聖壽無疆皇圖鞏固民康物阜海晏河清者

宗師建醮意旨

宣授玄教宗師總攝兩淮荆襄等路道教江南諸路道教都提點張留孫同奉御交難敬奉皇后懿旨皇太子令旨降賜御香下江州廬山太平興國宮採訪真君聖殿焚獻專為祝延皇帝聖壽萬安次真坤掖儲祥震宮集

慶萬民樂業四海同風者

延祐五年戊午加封真君徽號

上天眷命皇帝聖旨朕聞天地與之並生妙

合胚輝之造山川載其神氣實專監御之司

爰考昇章式崇徽號江州路廬山聖治太平

宮

九天採訪使應元保運妙化助順真君道超

家廓功贊彌綸總制萬靈通微顯闡幽之故

巡遊三界昭福善禍淫之機代宰昊以握符

體虛皇而示化肇自唐朝而感夢居然巨阜

以宅靈既開鼎運護國之祥宜侈渙號揚庭

之滌於戲跨九霄際八表運妙用以無垠歛

五福錫庶民保太和而有永可持加號

九天採訪使應元保運妙化助順至德仁聖

真君主者施行

延祐五年五月日

廬山太平興國宮採訪真君事實卷之四

廬山太平興國宮採訪真君事實卷之五

習仙類

康先生遇劉越

周有康先生兄弟七人於廬山修鍊真氣甚

通林泉忽有一少年衣逢掖衣冠甫冠來

訪言論典雅好談古今及神仙學先生異之

延待益厚如是數歲不知姓名來往既久先

生云熟子風猷有日矣不敢詰姓名復未知

樓止少年曰余姓劉名越居在山之左先生

苟不棄僻陋希垂一訪山下有一石高三尺

許叩之即得相見先生如其語訪之至山下

見一石叩之忽然自開雙戶洞啟一小鬚迎

先生行十餘步復有二青衣執絳節前導漸

見臺榭參差金碧掩映珍禽奇獸花木殊異

真人冠玉冠朱紱劍佩來迎先生知非人間

意欲求居真人默知其意謂先生曰子陰功

未滿後會可期他日蓬海蒼官赤城絳闕相

從不晚飲玉酒三爵延年保命湯一啜而出

返顧巨石宛然如初它日復叩無所應矣即

石建亭號曰仙石石上自有劉仙二字今官

之三門遺址見在

出劉仙

張芸史南遷錄云周有康先生者結廬於

此山故曰康廬在州之南三十里過甘棠

湖循澄江岸高下可十里左右皆林麓

濼深者院出又數里至新橋左右皆林麓

水聲今然可變羊頂近又越絕岡嶺至

太平興國觀即唐九天採訪使者廟熙寧

中冊制應元保運真君改觀為官規則宏

敞連亘溪谷階燕厨瀉水流周環有元宗

手策殿榜漆牌墨字又金銅等身御容凡

堂所賜殿榜影牌金字又馬兼堂金鼎以

祕之常不得見又有所賜泥金山衣共三

事殿外階下有石一株曰劉仙石康先生

叩開赴劉

仙之約云

胡沖真遇呂洞賓

本官道士胡用琮號沖真子幼脫俗緣留心

修鍊熙寧中有道人破衫弊履自稱姓回突

入庫堂傍若無人道士見者不顧而去獨胡

公揖坐小軒從容款視驚其仙風不凡待遇

加禮既而索酒再飲復邀胡公出飲于邱胡

辭以日暮回掀髯一笑而別翌早胡公入城

謁郡侯抵關未啓鑰道人又自城而出笑以

相顧闍吏云未三鼓時有回道人在此候門

黃白之物問胡欲此否胡答不願但得長生之術足矣就取碎銀鬪酒與胡飲口授至道及日暮以刀刺土漚酒漱津和土噓呵成墨擲之几上鏗然有聲語胡曰服此可愈疾入仙矣再飲胡醉倒及醒來但聞異香滿室剗

土處有泉透出不知客之所在胡以墨研酒飲宿疾頓甦年餘七旬貌若處子酒量如初由是漸厭人間一旦留詩蛻形而去今官有墨仙泉掬飲味甘冬夏不竭王左丞宋宋侍郎伯友及諸名公皆有詩唱留題並載本官名賢詩集

○胡公亦有遇仙傳出本官舊記碑刻

齊武直坐化

本官道士齊武直每旦朝真畢即閉門端坐不交人事誦靈寶度人經冥心默契自得其旨崇寧中忽連日飲水不休語同舍道士曰

師中曰塵世不足戀吾將逝矣七以為戲言及夜半跌坐舉手向燭曰茲為證明然此事難哉七呂猶未悟乃就枕熟寐既覺齊已坐亡

出本官舊記

畢養素遇異人

本官道士畢道寧字康叔幼穎悟貌清奇經書一見成誦紹聖間遊江浙一日到潛山遇方士狀貌甚偉不通姓字相與遊山畢度其非凡欲師事之方士默會其意乃曰學道貴乎鍊神毓氣丹書乃是入道梯媒公若屏絕俗紛精鍊神氣自然通真達靈矣因臨溪水指謂畢曰水定則形直心靜則神寧不可不鑑遂以丹授之曰異日與子再會于聖治峯下一揖而去恍無所睹畢即日還山適遇官副虛席州命帖充未幾巧闕築道院于官之

右鑿池蓄水名曰清斯每日杜門存神誦度人經一卷至宣和乙巳正月三日有衣甲山人來訪話舊授沁園春云一粒金丹大如黍米定中降胎運陰陽根本東龍西虎結凝金水擇地深栽九載無虧三田功滿卦氣周圍

爐鼎開偷元化用自然宗祖全在靈臺真才休聽塵埃况穎悟明空嬰未孩幸淮濱相遇靈丹付了親留玄旨期進仙階此去何時水雲高會更上煙霄歧路幾人間世任王侯貴顯同委蒿萊畢得此詞越四日整襟危坐而

逝今官之養素堂右軒扁曰清斯有沼存焉出本官舊記碑刻

王三一主金華洞

本官道士王秉文字彥衡成道後遊京師其時朝廷方建神霄萬壽宮賜紫水命充典客

忽有方士來訪見几間有周易就布算數云此地當有兵厄子非數中人宜避之因授與存三守一之要黃帝和扁之訣遂辭職還山至建炎四年本官燬于賊兵次年盜莫有任其責者王乃領副職灰燼之餘經營數載

金碧繪像煥然一新遂謝官事杜門燕居三十餘年即其居曰三一堂因號三一先生日閱道藏經究竟秘訣留心醫藥此外無他嗜好至乾道丙戌上元夜夢神人告曰上帝命汝主金華大滌洞賜汝返魂丹一粒復汝精神還汝元氣當以神光白馬諸司官吏迎送入洞言訖覺悟翌日語諸徒曰塵世不足住

吾將往矣因取所著聖治顯驗集十四卷西山真君籤解一部今採訪戲錄即其解者靈驗異常十全脉訣一部朝斗紫庭秘訣一卷授師孫秦致祥

等至二月旦朝香沐更衣凝然而逝本州太守唐敷文文若以文祭之曰吾聞真人其寢無夢彼有夢者疑其妄傳以夢為妄又未必然夢齋良獨覺而得贖夢至帝所聞奏鈞天人生如夢固亦難言於夢之中又有夢馬三

一先生天守既全臨行夢化默契真詮帝命賜我金洞還元吾將問子孰為因緣真妄一致瞬息百年超然往矣白馬翩翩老圃祁寬贊神云視不見聽不聞中有象酷似君強描貌護辛勤阿睹中欠少分在眉睫常網緝如○止水如行雲山本官 評記

黃真人尸解

本宮道士黃知微字明道稟性冲淡賦形豐偉元豐間充知殿奉香火一日潛山體道先生崔君來訪因語沉九萬神刀圭一粒之妙遂授一九谷神之道金液滄景之旨從此若伴若蹶散誕靡常時人呼為黃風子遂自賦黃頭歌載本 性嗜酒每醉則浩歌歌罷顛狂常在宮前朝真橋上疾聲大呼若有所呵一衲百結裸靈不顧隆冬盛夏恬無寒暑士夫

間有施惠者隨手散去或居山間或遊城市常挈兩布囊每遇餽餽藥物之屬雜貯囊中了無穢氣號曰錦香時有大雪林壑變白獨先生所居之屋無雪常指室傍壁鐫示人曰此吾遊蜀之路也初不知書所談多史傳素不能文而所出皆高妙之句猴溪蔡子高司馬知白崔風子高赤脚皆與交遊先生每喜噫氣一噫時不停聲崇寧末年餘九十貌若處子肌膚如玉狂態如初酒量不減宣和末詔徵不起有司強之至九江曰今二天子矣

我往何為既而踰聖登極赦至本宮未回楮日先生於採訪殿揭榜植萬歌曰明年了來明年了來次年韓世清賊馬果焚宮庭乃植萬之日也談人禍福歷歷皆驗先生羽化瘞于官側後數年有自蜀中回者曰黃風子今在蜀昨於成都相會寄家書在此衆疑之開械乃是喪亂後所存道士姓名於是發棺視之惟衣履在山黃真 人傳記

劉虛谷坐化

本宮道士劉烈號虛谷子初生時母感異夢

長而有超卓之志肄業山中交遊不雜王公大人嘆其貌有大古淳風必異日之法器也紹興六年初草庵扁曰真一每日端坐檢閱道藏經史一覽隨記士大夫願納交焉如瞻庵朱文公與談易論還丹之旨詩云 讀還丹一百篇先

隆興元年注解周易正經及六壬總括機乎一部詣京投進蒙宣見問道賜宴應制三半 賜酒乞還山等 詩並見本集後居山十餘載至乾道九年六月不食四十餘日惟飲冷水至七月十四日將親書登真隱訣二十五卷并上經九卷送入本言載史次日中元節親筆留真一首詩頌等有云虛谷子將欲遺形棄世掃迹人間趨煙霞廣漠之鄉與道真一馬十六夜步月登廬山可牛洞絕頂端坐而化有還丹百篇雜著詩文周易解山黃真 著作序及歷代

君臣括要圖並行于世見江用諱顯碑石出虛父子傳及本官記

劉祖師立化

本官道士劉大彰字開祖江州湖口人生于元豐癸亥歲幼好釋業山中微廟朝試經為道士禮揚公昇為師建炎兵變避地鄱陽後歸鄉省親傳聞本官悉罹兵饑進退不能遂與徒弟駱守明就潮邑東南隅得逃亡屋而居之崇奉採訪香火泣而告之故誓願闡揚道教重立玄功劉為人純謹奉身無長物交遊不雜鄉曲稱之濟人利物其道其行遂撤茅居而鼎新扁曰龍德庵即今西士民飯嚮香火日隆時劉年已蒼貌若處子一日晨與深沐更衣誦度人經畢呼其徒弟來前語以死生超化之道語境曰理香火起立而化其貌若生觀者如堵出本官傳記

駱祖師坐亡

本官道士駱守明字德光即劉大彰之高弟生於政和甲午歲江州彭澤人建炎隨師避地鄱陽同回鄉里聞本官厭燼與其師就龍德庵居止公之道乃家傳衣鉢日買飛潛跳

擲之物而放之始終不輟一日病革召其徒第五人來前余謙德揚懷玉李權取筆書頌千繼容曰余病時不吉音死余吉音死時不病如遇真真便是我好命真蹟見未幾病愈存本官回官即舊真入舊址初道院扁曰養正取黃

既今改歷公享年最高每日焚香誦經不妄交接一日赴堂展鉢跌生大眾舉食公凝然不動視之已坐亡矣果符吉時不病之語異哉越一日西湖人有夢見公衣紫二青衣執幡前導識其上曰霍僮山洞天仙官公葬于官

左知官胡葆清舉棺示不以擾攘亂其真不以富貴妨其道雖無留形住世之妙而有脫胎坐亡之功公舊庵西湖香火與隆異於昔矣出本官傳記

廬山太平興國宮採訪真君事實卷之五

廬山太平興國宮採訪真君事實卷之六

碑記類

九天使者廟碑并序

陸八

廬山太平興國宮採訪真君事實卷之六
按江州德安縣無州太守王阮錄寄事實云唐李壯有學不仕至開元中明皇夢神人稱廬山使者求立廟詔刺史獨孤正管建下諸州令所在學士制使者碑文凡作者六百八十一人獨此文用字浮拓不本官舊記所刊雖五百五十一字浮拓乙已中書程滄洲於私書有得全文凡一千七百七十二字但此批字異今兩存之餘見程中書跋文

伏稽諸大易曰一陰一陽之謂道陰陽不測之謂神惟道也生三混成洞微於變化惟神也得一而妙書秘於恬冥欽若太元遐微妙有運陶甄之極不獨專歎后唐累聖充華大明終始臨曠陽之千廓照瑤京探元命之符銘昌鼎筭白雲孤峙時望高丘紫蒸千齡日

飛函谷我闕元神武帝圓靈受賜方輿龍秘握玄珠之妙捐可寶之珍演至道於希夷刊雜法之疑滯乃聖一也於穆祀典清廟嚴教孝友光明天地化仰乃神二也劍戟之器返於三農孤矢之威神斷六合乃武三也察

廬山太平興國宮採訪真君事實卷之五

時變者觀乎天文人習凡庸無階測聖乃文
四也故冲精象外高視鴻名昂薦河圖靈朝
海若竟心攝照顧言登於几遽軒日司明屈
旌乘於茂隗所以真環益地夏玉從天納殊
盡於西王辰告成於東后五龍推紀邁梁甫
之高曾八駿巡遊陬岷嶷之徹疏昭回上轉
山嶽下騰列聖依居通仙福會文皇贊義武
帝佩圖至道之興其來尚矣自華封獻壽聖
德殆年金格傳書珠流液液公主以天慈入
道挹化芙蓉秘監以王子出家調芳芝朮北
玄著列仙之想南丹希至學之因聖緒無為
斯其有作乃曉群嶽真君道府光裕祠室幽
贊神宗青城廬嶽二山者佐命群峯之望也
丈人仙錄秘諦真君使者靈司孔昭冥察名
書五法舉亞三魔瀟灑崇嶽異弗憲於物阜
寒暑穹谷將必順於人時開元十九年八月
二十一日降明旨曰青城山丈人廟廬山使
者廟宜準玉嶽真君廟例抽德行道士五人
焚修供養仍委所管揀擇灼然道行者安置
真年名申所由敷置廟使內供奉將使者真

圖建立祠廟并章醮行道設齋使大供道觀
法師張平公專自秦京宣猷江服煥丹青之
飾揚玄札之儀馴傳光臨雲巖皎色使持節
江州軍事事守江州刺史獨孤正重鎮崇桑
手誦秘補時觀武庫代伏文雄經始千城全
墓益厲崇規逸麗壯思逾紛朝散大夫行長
史楊楚王行司馬皇甫楚玉澤陽縣令魏昌
等恭惟聖喜式讓靈場道俗虔情具休擁異
爰初築土則雨靈煙嶂俄頃而立而色霧霞
標寶甌真泉之辰金虬驛程之際陰深海密
黠賧遞交妄想玄空肅思皇道芬芳載紫章
照翹襟六虛竊冥一夕融朗半空之上忽吐
神輝綴灼九激頰揚千仞案察率朴人吏並
觀昔天靈降周以雲門舞奏神光燭漢以大
一登種然北陸氣交南州煥變物委霜載人
嗟江寒使法師恬態仙庭憑威國命故玄冬
易煖朱景晴暉暢以幽明優乎力沒並利依
往咸欣于來便卜勝郊遂靈域騰頽稅嶺
鬱翠松巖乃斷野門得村荆岫疏峻城綠長
垣紅壁列錢丹楹繡礎三間四表炳繪文樞

八維九隅懸鍍鏤橫虹梁巨擘風牖承相倒
井蕉蘚芳壇竹掃銀鋪月曉瑤虞霜開至若
神理全幽真容罕測夫其秘狀速降使司蓋
考三仙之圖不於九牧之鼎激安粉聖備質
光妍忽想冥標靈倂瑞表工徒磨想殊思感
通齋室盟祠既優如在霓旌霞帔時鸞羽儀
列冠名山禮均行潦單蓋紫極供養黃冠玉
峯常煎金爐永藝牲檢葦享齋鳳于飛露挹
神翁星臨發女清吹洞唱天渚匏瓜之津匹
水仙官海曲蓬萊之島龍驤鶴者飄翻淨戒
之庭師子辟邪趨躍精思之地珠璣銜寶瓊
蓋持與法供天厨六時朝念真經雲帙萬劫
修行弟翦茅茨明代父彰於克儉經營梓匠
神理邈尋於寵光聖渥室闡靈樓窟宅竭來
禔福不亦宜乎冬十有二月司存式命畢鈞
繩也玄門道士章冲寂等挹教五千齊驪億
兆歷仙階而仰上攀摩算以驅誠天使願奉
於雕鏤心存魏闕法衆希憑於琬琰道在吳
峯春水桃花迷源遂遠幽林杏塢勝地非遥
伏賀天休敢述頌曰

道祕重冥神幽福庭三景運極五嶽棲靈其
真有物厥妙無形理則恍惚功惟泰寧於赫
皇極照融亭造睿握玄珠祥丕大寶蒼垓集
貺紫雲宗道至享百神探因五老乃瞻崇山
嶽靈之祕三象浮精十華仙便成瀟雲雨神

存天地法象昭凝真圖炳粹幸明德之嘉運

降幽祠之寵章扈仙儀兮肅肅睇瑞彩兮煌

煌燦琳宮之夕照拂琪木之神光雕輝兮翠

輦玉釜兮調香頰五芝於秀嶠舉八柱於飛

梁龍吟鳳舞天路長青雲衣兮白霓裳節空

歌於瑤磬臻羽飾於瓊漿真激兮福宇影眇

兮神極牽匹水之布流晚煙爐之綺色留鶴

語於千載者鸞裝兮一息絳河真母將易逢

碧海仙姑嶽難測恭至道於三五奉休符兮

萬德紀真石於名山壯洪規於帝力唐開元

二十年壬申正月乙巳朔二十五日己巳樹

跋唐九天使者廟碑

圓覆在上蒼蒼正色而一氣之翕闢萬有
之生化莫知其然而然孰主張是孰綱維
是即儒者之說形體謂之天主幸謂之帝

析理精矣道家書乃明言所以為主宰者
維皇上帝高居宸極統御三界分職而理
猶世之帝王內有宰輔百執事外有方岳
侯藩絲牽繩聯生殺賞罰各率其屬以為
民極者幽顯一道斯固可以類推而儒者

不欲言之難乎為言也青城潛廬三山真

君降靈顯化昉有唐之開元而推原本始

蓋與無極道祖同胚臍於太元司生化於

品彙應運御世保國衛民可以世數之久

近後先之彰晦而慮度哉紹興間九江通

守葉義問纂感應記中有唐李玘廟碑近

歲道流菟補放失首載臨川故守王阮錄

寄事實一紙謂開元廟成詔刺史獨孤正

訪諸工大辭者製碑以進凡六百八十一

士謂李玘文稱旨命召因辭阮說必有據

此玘字異豈舊記誤耶頌文葩藻可觀是

必棲道不仕嘗究心于真詮者我國家肇

開景運躋世隆平易廟扁為觀為宮若節

春秋有嚴典祀速中興南渡真君之助順

福善靈響交著上御極文明稽古躬寶慈

儉屬運度參會邊塵輝融用震于淵衷為
生靈請命祕祝書名惟謹是至前管轄上
清法師熊守中既承詔抵厥事乃簪芻伏
闕下句為真君加徽號上乃親書三清閣
三大字以賜有旨即九天採訪應元保運

之下加二字曰妙化臣公許東筆直西省

演綸非材懼無以發揚聖意守中屬書李

此之文拜識本末庸侈上賜狄難孔艱岷

潛二福地氛侵悵結獨康廬兮爽屹峙此

固聖上所以懇懇乎欽崇之典檜檟之供

于以寧國步拯民瘼與夫棲居甲帳之竚

瞻靈臺仙掌之崇侈窮人欲而妄希仙事

者可同日語哉嗚呼陽九百六運度有常

雖帝王盛時所不能免然天道好生豈忍

其赤子之劉於鋒鏑而人君者代天以子

萬姓體天之生育長養為心則兵禍可得

而戢和氣可得而致也不然保制劫運開

度群品何以見于龍漢赤明之寶篆玉章

而迓續乃命于天用折天水命聖經垂訓

何乃真辨若此乎今聖上憂勤思治心與

天通否傾必會春顧有屬豈惟丹梯天柱
盡掃退於挽槍五老崇山長屏蔽於江澗
將際天所覆悉主悉臣琛岳鎮於四維中
央奠神鼎於榮河温洛車書萬里冠帶百
寶祀宋既天綿戴千億小臣庸鄙職在詞
翰賡車攻於高之推勅元和平淮之碑擦
才非宜尚能泚筆以俟薄祐元平歲在辛
丑重陽節朝奉大夫守太常少卿兼直學
士院臣程公許拜手謹跋

○ 皇朝景德二年重修本觀碑銘周起撰
臣聞兩儀既分三才定位高明廣運象緯列
於次躔博厚無疆嶽瀆限於方域寒暑錯綜
而歲功序陰陽埏埴而神明生式是化權必
有司技所以協宣上帝垂祐下民粵若聖人
乃建皇極於是陳祀典考靈文禳禱科教以
致其誠車服采章以辯其數復無方而設教
迪妙用以為宗崇德報功其來尚矣廬山太
平興國觀者即九天使者之廟焉昔在有唐
開元御曆肇於冥感何昭錫於至真將
叩寂於清都乃旁詢於方士憑茲靈嶽始建

仙居泊上運載移四方雲擾信靈心之有待
協冥數於昌朝我太祖皇帝乘五運以天飛
撫萬邦而御極聲教覃於無外臨照被於有
截矧茲靈壤實惟與區當九服之會同眷百
神而受職我太宗皇帝握乾符登大寶丕變
風俗惠綏黎元隆典必興無文咸秩總帝王
之能事推覆育之深仁乃眷集靈之宮洪惟
祈福之地特頒紫詔爰授正名申嚴如在之
儀乃錫紀年之號今上皇帝誕膺真籙撫育
蒼黔奉列聖之洪猷啓無疆之寶祚若乃自
家刑國敦厚於素風一日萬機憂勤於庶政
○ 況乎日新聖德天縱多能宸章煥爛於昭回
睿略懷來於萬縣肝具每虛於聽納丞嘗肅
奉於孝思至於靈瑞紛紛鴻禧累洽考前編
而莫紀訪博識以未聞斯皆掩在民謠稔熟
輿聽鑿井耕田者焉知帝力瞻雲望闕者史
不絕書是以中外雲趨華蓋慶至率詣天闕
疊獻方聞以為奉元符答靈命允茲大典天
○ 既難籍雖本錫於帝俞終俯從於民欲於是
陳法從儼文衛封禪肆觀方展於鴻儀溘玉

潢汾載陳於大報耀祖宗之丕烈薦天地以
至誠掩歷代之宏綱昭勅成之盛禮豈直竹
官望拜方集於榮光桐嶺順風始挹其顛素
而已乎天慶既已成矣洪恩既已洽矣至於
巖壑叢祠史傳遺烈猶乃徧申紀享特禁樵
蘇況上帝之元肱會列真之別館揆日非謀
於政築庀徒不易於前修爰詔侍臣精求匠
石費從官給事以樂成軒楹特啓於宏規藻
繪重新於壯觀蜺旌寶座照耀於中圍霞帔
星冠周旋於列侍若乃颺輪戾止羽客朝脩
○ 星壇夜燭於絳光雲馭遙聞於衆聖當三元
之今序間六氣以雍和莫不寅奉科儀肅陳
陳蒞祝皇圖之磨算祈民福於嘉生允集祺
祥咸躋富壽宜茲華宇申啓靈揚江山回抱
於四封襟帶交衝於入達信乎神仙之窟宅
乾坤之戶牖者也若然則紀靈蹟刻貞珉昭
示信書抑惟舊式巨濫塵近列莫有寸長幸
奉明恩謹為銘曰
元后膺圖受天明命統御八紘裁成庶政澤
浸含靈風行號令奉若天道惠茲萬姓乃見

庶官乃立民極備崇明祀光昭令德為民祈
福俾民不忒官既居方神亦受職矧茲靈嶽
峴峴太虛上真所相仙館攸居江山迴抱水
木扶疎糾正陰德此馬憐舒道有汗隆運逢
開泰慶決衷中教專方外樓羽客兮精修奉

真文字禳禮雖冥數之有期示神人之交會

占使星兮南馳爰花徒兮江湄藻繪增嚴兮

像設形鏤焯煌子層輝瞰飛覺兮臨大道揭

壘嶽兮陰華樣既成之兮不日顧民力兮何

知蕭蕭兮上真盼玉宇兮重新彤霞兮轉旆

皓月兮停輪宅靈心兮昭格阜風俗兮和淳

祝皇圖兮萬祀熙品物兮常春

採訪殿記

開泰慶元太平興國聖曆嘉祥奉天皇帝御製
聖德神功皇帝御製聖德神功皇帝御製

元豐四年正月乙卯制詔中書門下江州廬
山太平興國觀九天採訪使者可進號九天
採訪應元保運真君即日中書班命于有司
粵三日己亥權發遣江南東路轉運判官臣
郊置奉御香祝辭來告四月戊辰入內侍

省東頭供奉官臣廖維護勅書殿榜仙衣幢
節即其祠奉安又降綠章黃素醮於壇殿凡
二晝夜勅書仙衣皆藏以寶匣藉以文綉絳
袍帑帔以泥金雲鶴為章榜字用金旁有龍
鸞葩花飛動之象綵幢瑞節飾蕃麗皆出

於中禁而世所未嘗見也於是太平冠謁之

衆與夫九江內外小大官吏繼黃稚董莫不

踴躍奔走動色相賀迺相與消潔致慶成之

醮于祠下又八晝夜而相與言曰茲山自唐

開元辛未肇建廟宇距今三百五十有一年

矣儲休錫美應驗昭晰國朝著令春秋長吏

侍祠三歲郊禮亦遣使告饗間嘗有寶冠霞

衣命圭履襪之賜所以答賽神貺恩亦厚矣

今也天啓嘉會幽贊聖意講典加隆號禮

盛文綉蓋歷世所未違者褒表之旨固具載

於詔書至於錫予之名數告享之秩序非刻

之金石懼無以耀四海之觀而永萬世之傳

謂臣嘗備詞掖適蒞真館宜有以紀一時之

盛者竊惟聖上以鴻烈先祖宗以達孝通神

明賞長夙夜思所以對三靈之休故考禮文

正祀典總公卿博士之議而制旨臨決焉至
於山川神祇降依茲人者無昔今遐邇罔不
登秩壇場珪幣罔不賙飾況夫詠真之都靈
福之庭正名於軒后受職於太上懿鑠徽稱
久鬱而未章宜乎上心霽然發德音下明詔

而旌顯之異也故精誠所鄉符應既至使節

南指則靈光屬霄仙殿夜闋而神樂駭聽諸

福之物可致之祥當自此而彈見矣方將封

泰山勅中嶽詩大澤之廣博輝闕休於無前

臣雖遠跡于外猶能追擊壤之民歌感德之

美矧今獲奉熙事而文字頌述固其職也臣

其敢辭謹拜手稽首而獻詩曰

於昭顯穹聽中國兮維宋世世迪明德兮不

鏗膚聖紹尊極兮文武勇智實天錫兮從容

法官考圖籍兮振飭萬事揚幽側兮風行雷

動醴息憚兮發飛景附走夷貊兮氣調時豫

民滋殖兮神騰鬼魁皆受職兮巖巖高山敞

仙宅兮總統靈官凡五百兮遊衍陟降窮香

默兮福善禍淫淵莫測兮煌煌玉書發奎畫

兮進以顯號冠今昔兮椒漿桂酒列瑤席兮

雲車風馬來絡繹兮上真嘉娛百神懌兮瑞
福穰穰與山積兮天子萬年慶平格兮登封
勒成輝金石兮子孫繩繩保千億兮元元何
知安壽域兮

奉安玉冊記

元豐四年神宗皇帝若曰惟江州廬山太平
興國官九天採訪使者蓋天之貴神與世為
福而隆名徽稱歷代置而不講甚非所以答
審神明之意其進號應元保運真君遣入內
侍者東頭供奉官廖維護送金書殿榜并
勅文即賜馬先是本觀道士陶智仙誅茅翊
宇發地得殖鏡一破之以土實厥土五色獲
銅泉一其文曰應元保運初不知其何祥也
後二年而明詔寵加與泉文符廖維即取其
泉以獻恭惟皇上南面百神受職天啓其衷
幽冥同符不其偉歟粵政和五年今上皇帝
臨蒞天下之十六載以意承考以道交神而
神祇祖考安樂之式瞻四方靡神不宗乃眷
南顧惟應元保運真君陟降庭止在帝左右
惟我神考肇建鴻號而典冊未備迨追繼承

其在我後之人乃命有司備禮冊命馬遣入
內侍省敦武郎黃京奉玉冊以至冊文有
曰皇帝名且曰謹再拜言其恭如是守土之
臣與縣令祠官跪起薦進謹謹厥冊刻以嘉
玉貫以金滕藉以文錦外匣下牀形髻知飾

光彩焜耀窮工極麗不可名字冠褐之徒拭
目榮觀歡呼鼓舞動色相趨既而奉安於別
殿之後一年而祠吏臣芻實求奉香火黃冠
羽衣無慮二百輩鷹行而進曰主上原道德
之意崇黃老之學寅奉明神聿修闕典禮重
文蔚絕後先前而金石之刻不刊無以鋪張
玉靈昭示來世非老於文學者其誰宜為臣
芻曰道士言是謹按錄異記唐開元十九年
明皇帝夢神人朱衣金冠乘車而下曰我九
天採訪使者當館我於廬山西北隅明日又
降於庭命吳道士寫之遣內供奉持使者真
圖建立祠廟於山之陰明皇帝親書繆篆殿
額以賜之其文曰九天使者之殿而無採訪
之稱其榜固在也建廟之初祥異甚夥爭見
李批廟碑潘觀祥驗記張景述續潯陽記陳

舜俞廬山記故世謂使者之號廬山之祠皆
權輿於有唐發祥於明帝也臣芻攷之不然
按五嶽真形圖其說曰五嶽皆有佐命之山
崧岱華恒以少室武當羅浮括蒼地肺女兒
河逢抱犢為佐命分治四嶽惟衡嶽孤峙而

無輔故黃帝省方南至于江請命上帝廼建
潛霍二山為南嶽儲君又拜青城山為丈人
廬山為使者則使者之名尚矣真形圖雖與
於中古然歷世方士祖襲授受東晉之世輯
而成書不可誣也開元中天台司馬子微謂
五嶽皆有上清真人降任其職因勅五嶽各
立真君祠其說蓋出於真形圖而開元詔書
青城丈人廟廬山使者廟選道士奉香火視
五嶽真君祠則廬山房祀意自司馬子微發
之其舛纒昭晰見於夢寐不可知也詳攷傳
記使者之神蓋德鎮之高真祝融之夾輔云
其說見於東晉之前而九天採訪之名蓋後
世所加其廟於廬山之北則自唐明皇帝始
至南唐改號通元府本朝太平興國二年始
以紀元賜今名世感於俚俗膚淺之碑齋諸

志怪之說弗加深考以失事實故併論其本
未以祛來者之惑馬重和元年十一月十日
建朝散郎提點太平興國宮賜緋魚袋臣洪
芻撰草莽臣侍其倬第多額重和元年十一
月十日道士臣陳恩恭臣陶知常臣章安主臣
沈繼彬臣李仲恭臣蕭欽倫臣高至道建

三清閣記

本奉由書院製書字體翻刻卷色皆方且畫
皇經卷字亦皆宋字即開國公食邑二千戶亦皆宋字

惟皇上帝獨我宋丕基聖天子嗣大歷服寅
○畏天命官築敬天之臺坐列欽天之圖陟降
左右無適非天而揭處焉敬之地凡可以為
民祈天者亦罔不留聖心明德祀百神受
職先是江州太平興國官九天採訪使者靈
應彰灼列聖履嘉冊號應元保運真君至是
有詔增以二字曰妙化且親灑二大字曰三
清閣以賜之龍文麗空鳳詔炳世瞻仰傳誦
震于四海於戲茂哉夫天得一以清無聲無
臭至矣適家者說上宮王清中宮上清下宮
太清意者道本一元氣分三境恍惚之中有

是象耶凡天下道宇莫不崇三清而事之宮
在廬山之陰舊為採訪使者廟由唐開元迄
于我宋自廟而觀自觀而宮琳館瓊房霞紫
星列徽稱美號先甲後庚卓為天下偉觀獨
三清未有殿管轄宮事臣熊守中謂非報本

返始之義也乃即真君殿之前建巨閣以奉
馬蓋經書八年而始成闕麗穹峻稱其教法
前帝後臣神位嚴血禮備而道順矣真君之
靈聞天下我國家自六飛南渡視廬山同五
嶽凡疆場之事禱焉歲之水旱禱焉盜賊火
異之變咸禱焉養香命官其禮逾重無謁不
獲其受命如響蓋嘗思之惟天聰明臨下有
赫福善禍淫虧盈益謙要必有代天之耳目
者其殆採訪之職歟上帝命之以稽察四方
亦猶人主命臣以諏訪天下四時行而萬物
成凡皆以佑我民耳惟天佑民罔極惟后為
民祈天亦無所不用其極此三大字之所以
賜也閣之成以紹定壬辰夏六月甲子上賜
之以嘉熙庚子冬閏十二月甲子凡州之民
莫不蹈舞頌刻金石丕闡上帝之命對揚天

子之休永詔萬世臣家世于廬山下今幸侍
罪禁林執筆歌頌職也謹拜手稽首叙其事
而獻詩曰

廬山之勝秀出手旁參于衡嶽鎮東南方民
人所瞻神天攸宅嘗夢之祥迺與自昔惟天
聰明於此下民監求其莫恐有不聞惟神司
之雲輶風馬迺詠迺訪周遊天下不疾而速
不察而明天何言哉民無頌呻是為福庭列
聖祗敬錫羨賡祉有感斯應明明我聖惟一
乃心不顯亦臨敢有弗欽寶畫金扁徽稱明
○詔日月之揭山川有耀遠殿在後新閣在前
如君當御而臣仰焉時節冠珮會朝帝所達
民之情佑我聖主民戴我聖與天無極天佑
我宋子孫千億民拜稽首願垂表經從臣刻
辭求錫休聲

官記

歲在嘉定戊寅清明福州靈臺童景洞天羽
人白玉蟾袂香趨敬九天御史臺下項馬官
牧陳至和飲以醴遠予之玉華也醉履飄忽
弗違而邁承遣道士陳守默陳如一約為文

以記其官豈容遜也其文曰九江故郡千古
廬山乃仙靈詠真之洞天實紫元景曜之神
府琅庭琛館隱於丹崖翠壁之間羽衣霓裳
混於青牛白鹿之際猗啼玉瀾鶴唳芝田地
接夷衡雲連濟皖金童戴月傳麻姑聞早之
書寶仗凭風赴委羽括蒼之宴琪花開盡朱
鳳飛來五老峯玉井寒深白龍湧出三峽水
松蒼石恠襟九曲而帶羅浮竹老草靈輻三
茅而轂大嶽北頭紫極西睇青城城會楚吳
星分軫角神剋鬼劃諸峯三百六十巖山瘦
溪寒一夜八萬四千偈周時康子孝佩雷壘
於林間晉代許旌陽飛鐵舟於木杪劉越掩
赤城於石裏雙戶凝紫金黃葦種紅杏於溪
東千朝騰碧落蔡季舉玉棺而沖去鍾呂啓
金匱以相傳馬瀑濺源劉混成之衣虎溪洵
碎陸簡寂之句靖節酒醒佛杜親植西天蓮
義之書忙殺兩惜爽白露荷陟崇崗之勝藥
採先哲之遺蹤剝蝸銀朱網之幽花草碣苔
碑之舊欲揮椽筆以紀琳宮明皇開元十九
年仲秋二旬有一日特遣殷勤之使俾新採

訪之祠爰究其原實基所始昭陽寶禁金餘
驚醒夢初回神霄天君玉騎迎歸天欲曉靈
符官裏早朝憑几諭群臣合元殿前雲鶴盤
空揮八極千江萬壑寬旌鳳蓋騰晴霞三冕
九旒風馬雲華散花雨上清五百珠吏擢蒼
龍監兵之符太微四六瑶仙掌金虎飛雲之
印十二溪女騎玉驚而跨金鯨九江神御
錦蛟而坐翠宮但三官執籍校天地山海之圖
六丁操戈守日月星辰之錄左防觀而右護
法金鉞橫霜刃飛遼而後廷精錦牙耀日四
帥麾節驅雷公電母之群五嶽旌旗奮風伯
雨師之陣九州社令把杜稷城隍之書八海
龍君捧龍蛇魚鱉之典司命翼駕典禁侍軒
簫鼓鳴空髣髴界鈞天之九奏笙簧翠陰沈
禁漏之三更風遞琵琶宮女倚芙蓉而側耳
露溼窈窕仙姑舞芍藥以薦觴深渺煙霞譜
出奇冥之上俟稀綸絳聲傳翠葆之前比登
太清混元之天親稟五靈皇帝之勅丈人鎮
蜀玄命治舒五岳於康廬西北之隅蓋建九天
康訪之治十七世之後輩戰穀於生靈一二

日之間運梗楠於基址但須斤斧庸治官牆
糾察萬靈簽書四府應陰六元一之運司陽
九百六之經言將訖而吳岑善丹青事尚新
而李此入竹帛麟與條已去颯駁不可追一
念感通千官瞻禮今海陽刺史獨人遠單群
僚而營創祠壇邊神都道士孟仙真凡五人
而焚修香火不雨而暴漲連水神作殿之材
正晝而反風移地主所居之屋粉堊丹綠掘
地而尋執瓦石泥非人而至仙燈夜現衆真
隱約於陰靈格鏗曉飛萬鬼往來於野渡木
像入廟而流汗粉楹卧地以發光龍跳朱樓
樓影高浮雲影亂驚鋪翠瓦瓦痕冷纖月痕
花暮歲工夫梧葉秋萬那香火蓮花會梯山
航海無遠不來星燭雲壇迄今尤感江淮貢
金貝人如織而日如梭閩浙走香花袂成帷
而汗成雨再瞻仙躡適當聖治之峯前爰相
茶山遠及蘄黃之界外負仙鶴沖天之勢對
遊魚上水之形自良臨震厲貪狼正天醫玉
兔之位折巽歸乾入姑洗乃鸚首金龍之鄉
霜劍鐵獅更蜿蜒於西轡香爐石鼎垂盤礴

於東峯控御兩三州環望數百里天寶為廟而昇元為府太平改觀而宣和改官雖亘古以昭靈亦歷代而沿革太宗登大寶新翠輦玉釜之榮真廟握元圖特紫札金牌之賜粵從興國春秋責兩醮於守臣逮至政和位號已三登於玉冊祥符降蠲稅之今天禧賜度牒之恩月破御香三百斤歲設國醮五六會金虬玉牒存有龍光鳳畫奎文益增鏤誌銘昌鼎算騰景瑤京星使護船玉鬣盤花杖而現瑞皇華投幣絳雲帶華蓋以鳴鞭元豐東師獲銅錢於土岳神宗明詔上寶號於金庭四字相符一時咸異建炎我張遇顯龍馬於碧空開禧誠具職奏犬羊於紫闕炳靈愈煥降祉彌繁蓋玉虛朱帝之尊亦金闕赤皇之化靈姿妙粹秉太元碧琳之圭瑞相端妍不九光紅霄之帔丹盈羽矯瓊華碧簪冠偃月金晨之冠履天風朱光之履曳玉銖之袂服海嶽之裳五印凝丹一劍橫素分景作玉鍊火帝化形為南上真君其為炎極之皇或置太陽之政巡遊三界監御萬真初皇之九龍

中皇之九都下皇之元都化為使者黃帝之真元堯帝之元一舜帝之太一皆乃真形夏禹朝謂蒼水之神周穆世曰天靈之使唐朝肇跡宋代隆禧琪木晨光擲五枝於秀嶧球官夕照寥八桂於飛梁高雲舉讀洞經於錢塘親承降籙龔慶長閣名籍於向氏備諭威靈吳大和而增丹履之光唐保大而葺黝赤之弊中厄兵焰半為草墟運星鉅月斧之勞復煙摘霞覺之勝內而方丈外以三門輪奐呼嶽金碧絢爛三官殿四聖殿輔弼正官道紀堂抱一堂掩映虛室山光軒與擢秀軒而爭爽宋陵閣共景陽閣以相高寶藏諸經開天上圖書之府華庭申福燦人間箕翼之躔榜扁雲無心泉鳴人聽兩雨廊綵壁繪絳衣碧弁之靈四面粉墻閉紫木黃芝之茂倉院粟紅而貫朽庫堂茶綠而水香崇嶺齊山河伯轉輪而春殺香厨蒸霧原夫餽飯以擔薪霞披星冠萬指之張頓待南月壇風峙幾代之樓仙宅靈面平覆船山背披飛雲洞門外古石樹為劉仙之亭官後栽聲聿運靈澤之

廟道院十九所居鳴琴嘯劍之流官辭三五間延秣馬脂車之客碧流遙舍綠蘚封堦天籟一鳴山鳴谷應風竿繞動水動煙寒萬枝紅女媚芳塘千丈蒼官迎古路真神仙之窟宅况泉石之膏育素瀑紫岩側援星江之地白蘋紅蓼再遊湓浦之時朝家太平興國之官為侍從奉祠之所真君應元保運之號西聖明締典之封古今幾何年曾未鑄翠珉之字髻乳一小子詎可賦白雲之篇有命奚辭聊詩以記

九疑真人元夷君笑騎玉龍飛紫雲手持五帝伏魔印霓旌羽仗朝太清親受混元皇帝勅浮駕萬鶴下紅塵芝軒一憇仙韶響千騎屯空驅火鈴昭陽官中夜月麗樓殿簾幕風冷冷明皇夢裏與神遇乃知九天使者名凌晨輦出明光殿宣諭百辟聞且驚玉殿再設香花席羽蓋瓊輪之香冥忽聆青鳥鳴一聲舉首天際瞻辟真風雷震吼雲氣騰麟車鳳駕森不鳴三十六官散天花千官羅拜如雲崩開元天子一稽首翠葆深守語如繪傳言

太上愛黎庶遣使廉訪遊八紘九天九地萬品彙盡我掌握令枯榮廬山西北地可廟千歲之下崇香燈言終奄忽入空碧詔遣獨孤老守臣啟勤天使捧金幣營建官廟福生靈一夜無風水自溢千一草和梓飄山根市妖運度六芥山靈奔明年秋風吹落成萬家共結蓮花會龍樓鳳閣插天星寥寥五百春桃花落花流水洞天春我來炷栢九頓首神霄故吏問山人為言聖宋啓仙祚五朝明主增寵榮歷年春秋國一雕宸晝光燦龍鳳形項年逆寇○忘國恩仙飈親控蒼龍兵神通變化不可測萬民陰受雨露均金鏤賜牌銘景貺寶芡朝疑瑞雪馨形霞肅駕騎北斗飄忽虛極嬉蓬瀛白鶴青鸞香不歸博山香穗一縷青清都絳闕渺無際醉拍玉欄呼雷霆九霄真皇分萬化景飛颺舉夜吹笙聖主煥文耀層漢鏤玉填金藏翠京國朝鴻烈等天地充塞天地涵魚鳶小詩何足紀盛事聊歌丕德光林泉持蠶酌水歸去來一枕清風千萬年

授墨堂記

潯陽乃天下江山眉目之地廬山蓋仙靈詠真洞天虎溪福地也嘗聞之晉鍾離權樓隱於山中歟唐呂洞賓過山中遇鍾離獲刀圭之傳後與之俱仙矣紹聖間輪因子杜曠著冲真先生胡公遇仙傳胡公則太平興國官道士也官則九天採訪之司也居廬山之陰凡聖同居隱顯莫測胡公諱用琮昔為山中道正時有道人姓回冠華陽青綃之中表開元崇玄之服垂飛雲玄縑之紳躡寒雪素絲之履美鬚眉豐臉腴綠鬢而隆準碧眼而方頤氣宇昂昂風神煒燁過官中莫有延之者獨胡公欵以杯茗既而語笑自若乃指壺而點鬚索酒以待酌一壺不竭百杯有餘由所而夕飲不知醉復欲邀胡公飲于邸籌新糖膾小餅胡公辭以日暮而回道入乃掀髯長笑去矣官之距城有一舍之遙翌日胡公謁郡侯歛城關尚未啓鑰道人又自城而出笑與胡相顧而去聞更云子夜回道人已此候門久之胡公心亦異其人矣後數年弊衫破帽革帶麻鞋自稱大宋客扣胡公之幽院自

肩二酒壘示胡皆黃白之物取碎銀以鬻酒繪飲至日昃以鐵刀剔土瀝殘酒漱津和土成墨擲之几上鏗然有聲胡公醉卧胡床而容拂袖不知所之滿室異香彌日馥郁其刀皆金色人爭市之乃以墨研酒而餌其半宿疾頓甦胡公年及七旬顏貌如處子酒量不減八仙誠異過矣若夫大宋二字切音乃洞字也二壘者呂字也所稱客者賓也則呂洞賓之相遇明矣胡公由是漸厭人間一旦留詩蛇形而去向之醜墨之地忽湧泉五支左丞王公寒過之為名墨仙泉侍郎宋公伯友與左丞皆有墨仙酬唱之什有綠膏換得朱顏迴白髮不用黃精拂之句太尉譙國曹公勛清虛真人皇甫坦采其事實以聞于德壽殿高宗甚嗟異之胡公之居先曰遇仙堂改為授墨重樓度八復屋瑞氣蔥蔥古井寒泉四時瑩碧奇哉廬山異事也故為之書將以補仙史之遺云

地主祠堂記

陳氏原手高辛其孤如流泉漢曲逆侯佐沛

公王關中卒成相業自茲世代煌煌于孫燁燁陽而侯封陰而廟食者代有人焉昔由穎陽徙居閩粵者甚族古無諸郡梅川侯姓陳晉代人也廟于南山李花林嘗避地以為仙源洞官古武榮郡莆田侯姓陳亦晉代人也

廟于壺山風亭驛亦避地以為清源洞官有如富沙之蓋竹侯臨漳之靈著侯皆陳族也名山大川陳氏血食者莫知其幾唐廟隱君陳其姓莫知其名或曰諱伯宣者晦迹康山注史記以行天下詔徵不起就拜著作佐郎

家儒世仕既居聖治峯之前開元間明皇夜宿昭陽曉御靈光凡兩觀九天採訪使者之相面承聖訓使就廬山西北之隅委江州中臣獨孤正樹廟敕差孟仙真等五人奉香爇先是敕黃耒下隙無人知一旦有峨星曳霞

者詣陳門曰混元皇帝遣元表蒼水使者持九麾五靈之節廉訪九天九地生死枯榮之籍今天子親詣使者欲於廬山建九天御史之臺五百年後福被黎庶吾以爾所居瑤壑莖月玉淵影天真勝處也宜捐厥地而基其

廟歟爾他日換世嘗為臺屬使爾司是山而廟食矣陳既諾道士出門恍失所在後忽迅雷烈風移所居于官左即其址以為祠焉祠既落成陳亦羽解遂得世為此地主矣厥後移居德安縣之常樂里久而又分派于丁

山之別業兩被國朝義門旌表之命遂以官左故廬為地主香火之地國朝改祠為官而陳氏亦有跨轡者登瀛者握蘭者入翰苑者坐釣臺者法誦琅琅簪珥鏘鏘閣閣堂堂旌神皇皇威哉威哉其耳孫陳球控青鳧築香

鶴委官門直歲道士向德新市樓榭價陶埏撤而鼎之塑神像十尊締神宇六間兩重門兩過道翠榻凝煙朱廊浸月簷鐸風而逆響燈籠畫而長焰花埒織地璉礎生苔寶帳垂軒玉爐裊屋金碧爛目朱紫驚人氣焰威靈

儼若解語聰明正直自古而今此蓋以監官事東漢杜道樞有以啓陳球也昔逍遙山金公避地以遜許旌陽桐栢山孫公避地以遜葛太極與夫閩中二陳之所以避地為洞官者其與廬山陳隱君一也隱君雖亡如存萬

古一靈其必能鍊九乾六坤之鉛採三震四兌之汞修成飛化之道不為清靈之魂則其去仙不遠尚何神哉夫神者易曰大而不可測之謂神陰符經曰不神而神所以神化書又曰萬神一神也隱君苟能神其神則可以躡元夷之域登元始之鄉而與採訪真君同

重建地主祠記

真君奉使採訪即廬山而駐節記之者昭昭矣若夫地主陳公舍宅以為宮本末尤神夷考舊聞自皇靈畫見於開元天子擇所受靈事嚴未有以稱旨聖治之麓隱君子陳公家馬佳山水也一日方士款門以遷巢為公諷公欣然顧不難於遷而搤力未逮迺風霆夜

駭屋廬無挽詰且盡室已南徙矣於是神職效珍子來畢瘁因溪阜為壙血架雲霓於棟宇由廟而府府而觀觀而宮真館日增異境亦曰廣有非人謀所及原夫宏規偉制雖云地闢天開要皆公曾中之丘壑也人之情私

戶牖者不知有藩牆之外不忍其身之不冥則皇恤乎異代之戚休今公指世守之業以為生靈請命割吾廬之愛以開後五百年黎庶之福高識邁往誼槩薄雲使爭席野老見之能無媿汗是足主茲山與宮之香火相為

久長矣歲在旃蒙大淵獻道院以兵燬殃及于主祠事定載葺其明年落成管轄宮事周得一副知宮事周承源請記其廢與余聞之公自徙家紫傳而世次莫考好事者往往以譜彊附于公獨古碑有知宮事呂至信刻初

降像而以事繫之曰今乾步是也世以為余族馬兵火屢更家無完牒不敢效崇韜祖汾陽以為公羞雖然公之賢雖微吾祖猶應記之况呂碑之傳如許哉於是乎書太歲丁丑至元十四年上元日山之民石礪陳有宗記

山泉居士具蒙題蓋

重建地主祠祝版

至元十三年歲次丙子三月丙寅朔初三日戊辰住持官事兼領管轄周得一副知宮事周承源監臨同主管官事伍永懷與宮門知

事道衆等敢昭告于恩府地主陳公感應大王惟神夙有仙苗毓靈聖世採訪分司廬山開治玉趾親臨曰捨此地當獲靈佑言畢隱去雷電宵馳不驚春霖神運厥居山之南際廟食一方遐邇福被自唐而宋越五百興建

炎寇江陽九厄至官庭灰燼草萊填鬱隨即中興扶顛起廢春築撤新香火如故南渡于今幾更祠宇朝謁輯繁繫神之助豈謂乙亥祠又延燬大數將期非神不枯地覆天翻其毒太苦倉庫蕩然束手無措粒食不繼命懸

一縷百孔千創非昔年比舊邇未償新債又舉朝夕靡違妥靈無所輒不自揣奮空撐拄幸藉檀那慨然樂施經營新廟還復舊址將次落成悉資神護消日惟良適逢修禊軟牲醢酒敬酌元誓少長咸集慶安神位幸攝化

於十方俾庫帑之豐裕簪裾聚居于叶和主佃相依而安堵茂衍香花敢忘神賜尚饗維至元十六年太歲己卯七月丙午朔初六日辛亥通妙冲真大師江州路道教都提點管轄諸官觀太平興國宮都監住持官事周得

一明素凝和大師江州路道錄提舉諸官觀知太平興國宮事周承源崇道大師江州路道判太平興國宮副知宮事劉宗傳與官門知事道衆等敢昭告于恩府地主陳公感應大王惟神東靈此山垂佑官庭遠來近悅福

被民生聖元革命祠宇變更度材改築五載落成美哉輪奐炳然丹青殿陛整肅門徑闢平規模宏遠莫之與京悉自神化於人豈能目吉時良揭虔安靈彌若牲醢于豆于登洋乎如在昭鑒微誠真靈香火協贊中興簪裾

聚居各保安寧疵癘革消倉庫充盈歲時祀事敢忘報稱尚饗
九天採訪真君行官記

善言天道者至自然而止然其監曰天監春白天春視聽秩討惟天之歸之無為而無不為無言而無不言其自然者固體用兼該不過行其所無事耳古人知其然故奉若其道克享其心參贊其化育進續其休命若護曰天道遠不可致詰付之悠邈以為自然焉惡可黃帝堯舜垂衣裳而天下治與天為一矣

至其下民必請問女牧必徧咨明目而達聰
 黜幽而陟明何嘗一日而忘天下迨德下衰
 猶有人主耳目之官懼其不廣且於內外着
 廉察之負而後退方絕域莫逃於萬里之門
 見此採訪之官所以自天啓之而行官之設
 尤人事之不可忽也具君自開元瑞應于聖
 治之麓得陳氏故居以宅厥靈於是滂陽郭
 有西坡之廡萬壽之觀蓼踐原之白騰崑崙
 灤澳之昇龍紫陽皆祠之分達者殊庭珍館
 相望於江上矣非顧為是多事也祠稱採訪
 是為上蒼監臨之司則幽遐必徧燭愆應必
 精別將使採訪之下任司牧之寄者無負於
 惠養承流宣化者無負於撫字為人臣子者
 盡事君之忠事親之孝以無負於覆載庶可
 對越以免於戾否則昭昭在上毫髮無爽休
 咎將於是不分其敢不敬世道所關非其他
 香火緣比矣眷維雙鍾之邑距聖治百里而
 遠獨分祠視他邑為陋翠麓周氏為邑望族
 周君恕字公叔又族之望曾惟兵火家靡孑
 遺旁求嗣續未有所遇乃念處人倫之當者

猶有子孫不皆賢之歎或不幸無後而擇所
 立亦必務在得賢往往圖回於積年而未易
 定况吾值其變老為窮民朝不謀夕矣方將
 茫焉求一乳臭以托餘生則身計已大謬而
 高曾以來銖積寸累者付之輕擲於此心何
 以自慰吾當內審於心有可以建之天地質
 之鬼神以上契吾祖禰之心則事適乎權何
 敢求其盡合於世法今採訪行祠猶吾邑之
 闕典思欲恢拓其規使吾之家祀得依神聖
 之香火相為無窮則祖禰不為無托乃謀之
 廬山太平興國官管轄官事提點周得一知
 官事道錄周承源願捨田若干頃莊宇在馬
 地若干畝祖禰在馬為莊扁以翠麓創採訪
 行殿一所旁建飛天法輪及諸聖像周氏祖
 禰祠堂就附東偏歲自官庭分遺道侶之公
 清者以主之上可以效贖華祝為作民父母
 之聖主祈天永命次可以希風管頌為輔世
 長民之賢臣集福延年聖號所謂應元係運
 神化昭順此其證也又次可以為吾之高曾
 以下得聽法聞經超凡希聖之階又次可以

為吾邑并鄉黨得日修勝事歲濟豐登之便
 聖識所謂五百年後福及生靈又此其旨也
 吾祖父如有知焉幽幽之中能不釋然以慰
 躍然以喜哉聞者莫不稱善乃白之郡邑給
 以書契蓋至元十三年六月日也儲是年之
 租入為祠宇之創始未落成公叔以疾終得
 年七十有五先已自叙其顛末遺言求記之
 者有宗未熟公叔而稔其事乃為志其大槩
 且諭于衆曰捨宅之源委既如右矣觀其所
 自叙則於祀祖先資冥福護丘隴之事一編
 之中屢致意焉以繼志述事之難其人而托
 之方外之士則受其托者良亦不輕一言之
 發願幽臨監大其生也既以是屬之其人則
 其歿也將以是請之於神苟得請焉則非受
 公叔之托實膺上真之托矣重然諾者其良
 圖之圖之如何經紀必務於周密委任必擇
 於謹厚以住山甲乙之規視周氏之宗祀使
 其香火相繼於無窮則公叔為不死矣至元
 十七年清明日石礪居士陳有宗記并書少
 中大夫江州路總管兼府尹馬門榜仁風題

蓋

太平興國官營造記

得陽為江南重鎮廬阜為得陽名山神禹之所嘗登而刻石者秦皇漢武亦皆紀功其上傳記所載班班可攷它山蓋不得擬也山中道釋之廬不可縷數而太平興國官獨以九天採訪真君宅靈之地而加顯焉自唐開元帝感異夢一時修奉備極既命吳道子圖寫像貌復命獨孤正建立祠宇神運之木隨用隨足談者以為異由唐而來世代凡幾更革林谷凡幾變遷由府而觀由宮雖或興或廢而真君之靈則猶一日上之尊崇愈至下之信向愈篤又豈他神可得而擬哉歲乙亥國家混一六合九江市不易肆各得全生而官去城差遠不無過中之擾知官事周得一副官事周承源四六慨然有感入官庭之駁剝田園之荒蕪欲圖繕葺而無其力左丞呂公時開大府亟以告馬隨助以廩粟貸以耕牛俾招集羽流經理舊業越三年租入漸復其故於是廢者興仆者租殿堂廊廡一時俱新

湖邑有周公叔者悉以其家產為若火之奉官前之由間有為豪家所據者亦皆歸疆由是官計始裕道眾日增鐘磬日響九重演使降香東西行者莫不舉手加額比靈改觀神人感悅是固二周君辨一肯心之所致而非

呂公惻然于始則二君何從致其力哉在者建炎初官嘗燬矣迨元大師周孚先嘗掃此而更新之今二君究其近族後嗣信於此山有緣如此余行四方每歎大事之壞爛頽廢而不克振者何可勝算豈皆其勢之不可為哉蓋上下悠悠而無惻怛之念爾乃若潛山

青城蓋與真君同時著靈而兵革之餘皆不復如舊又安得不有感於斯余九年寄述有構未嘗不保留滯未能即歸故隱歲率一至官中辦香致敬二君俾記願未用不敢辭始為紀大略俾來者考焉若夫土木凡用則不著至元十八年歲次辛巳八月甲子承直郎

江南瀛溪書院祝學年餘撰并書嘉議大夫常德路總管兼府尹李秉彝篆額

太平官新莊記

真君殿碑蓋龍興據其所具而作及以疾歸留官喻月與身見而言傳者或異遂更訂而丹書之既入石矣猶有一遺其田始田履畝財及三千今萬有奇考合其舊為一而言今則不然皆冲靖真常凝妙法師湯均提點知

宮錄江州路道教之後之致者獨萬有一千其道有三曰貨取曰施入曰力作余歎其用志之確親勞之多無文以彰之世烏乎知為目其諸莊與地在所及其施入之主之名自多衰之以及其募今最貨取三千六百五十

惟石門千二百八十為多其不足是者啓石二百八十錦溪七百五十石塘九百一十龍岡九百六十上龍溪千二百三十惟啓石居興國大治餘皆江之德化最施人者五千三百五十惟翠麓二千二百為多高岸半之元

山千二百萬安千七百福興千七百四十趙陳二千一百惟高岸居興國之永興元山居斬之黃梅其故主則厲堅孫項至大餘皆江之屬縣翠麓湖口萬安德安福興彭澤趙陳瑞昌其主周恕胡榮呂師山則碑福州路同

知者與齊永年云力作者創四茗礎於德化縣曰義興莊凡四十有二盤又墾田二千肇為五庵宮之前三曰東西太平與紫元宮之後二曰湧翠穀峯其始皆管茅撲樵衆所薪牧之園皆募人錢鐔銚斧而出高蔣松杉栢茗皆摘實接子畦而苗之移置其地下種薯芋藷蒿與水可堪稻者皆令募人有之其利不入公官以勸夫未至者余聞之肩輿歷至其所而觀焉經始久者方五年近者一歲而木之布列岡阜薪者雖沒草間而生意茁然

○久者已離立如人將數萬本其畦而未分猶盈畝馬篁篠斬捐而不傷其鞭春故上取諸他山為箇不可計意者倍徒乎木筍已叢出其下特未林耳君登高丘指官林以相語曰聞之故者之山始亦榛莽如是吾所材而用之皆基先民今荒山可芟治者猶或數里天假吾年而為之不置或得盡闢百年木皆連抱可使後人資以治官亦吾於世生不虛也余曰嗚呼君之所言政古人所謂人棄我取本富之要也迹是為心何事不可為何功不

可集宜人之動盪鼓舞割所愛惟懼施入之後不然彼其家田民賴以食其力者也將以尺帛斗米遺之猶戀嫪移時响响然收恩而後以授記是連阡亘陌之田直或千金無所望報棄之若鴻毛非有以服其心者能然耶

○余惟久此又聞其將大衆之法道流非有故不入田民家民之入錢取薪炭山者皆給之券恒遣力人持挺行邏林間盜采者有罰錢穀入出井井有稽春磨之細不遺糠粃公官大庖日炊米十斛可食千人其徒皆就食官堂來必道篋以示不褻職官事者各有子院有釜鬲不作飲食惟待養茗瓶水之須其僮奴之守舍與諸巷遠官數里者為飯皆日賦之子院不得設塑像且夕惟即瞻禮於官余問其然則曰子院強則公官弱強日益富則公官日益不足不足勢必下求子院一則應再而緩三則柔者德之以色剛者拒之以言上下之情寢以離矣不若同甘共苦以公官所廩養之為可恒也嗚呼他道流能遠計若是乎膏與一二知己私竊評之白須蝟磔有

能豹之姿已見其力足任事加以沉深有謀寡言而信威而和誠而恪視數百人黃童白叟約束如一使不為老子法用世而為將帥可以進退三軍立功萬里今顧為九江黃冠師枯槁山林已是也耶因叙田及此君名德潤字季玉號薊澗其左右君靡朝以夕盡其勞動忠於其官同成功者中外四十九人紀諸殿碑可考而知甯觀漢費鳳韓仁諸碑書多不滿石或三之一或半焉而空其後豈待天嗣有所書耶故今例之亦法古之一也

○大德九年辰在乙巳日短至中奉大夫江西等處行中書省參知政事姚燧記并書及題額

廬山太平興國宮採訪真君事實卷之六

四八 三五五

廬山太平興國宮採訪真君事實卷之七

應感類

楊泰明棄官學道于廬山

陸九

泰明為長安縣令本一儒生事父母孝時謂楊孝子嘗佐郭子儀幕府性恬靜不求仕進每勸子儀曰軍政雖曰尚嚴人命至重不可輕殺子儀掌兵二十餘年馭下寬厚不妄誅戮軍士愛之如父兄皆泰明陰贊之力永泰元年棄官來廬山峯項結庵造青精飯服以辟穀然栢香禱于九天使者真王求長生之道積一十四年時當秋夕天宇清靈忽於朝禮之地見神人金冠絳袍白珠絡縫傍有一人執玉斧一人捧玉函神人曰我乃九天使者採訪人間善惡以汝積世有功於民秉心清苦精持道行誠達九天玉清太素三元君命我授汝九天太真道經泰明再拜伏地叩首稱謝徐啓玉函授以寶書仍告戒曰始終精勤不替道成之日吾當召汝語訖風雲驟起已失所在開經觀之乃高上大洞真經三十九章也泰明從此依經行持屏跡人世凡

三十六年至憲宗元和八年正月一日午時祥雲來迎泰明乘雲昇舉出真仙感遇記

李雲卿醫道有功

雲卿唐之隱士每云上真高仙必須陰功濟物精持戒行遂留心醫道智識穎悟凡用藥不犯生命止使金石草木自以古仙製方傳于後人其間有用蟲魚為藥緣此不得輕舉因為鑿戒來居廬山數州求醫者盈門不受財帛之贈絕慾斷葷所居近九天使者廟每旦焚香祝曰雲卿以醫藥救民疾苦不務財利盡未來世永無退心神明靈通必蒙加護凡居山六十餘年顏色黃潤日光射人識者皆云陰德所致一日因隨採藥入至深山中忽覩一人圓冠紫袍揖曰我此山之神也九天使者真王傳命以汝救物有功使我授汝太清九華神丹陸九太微天帝君飛天罡步地紀金簡玉字一通自此當屏跡人間精意修持雲卿再拜告曰九天使者不審雲卿可得見否神人曰汝穢氣未除未可見也方以手授神丹玉字之訣其神已隱不見雲卿乃就聖

治峯土穴為室專修其道後唐同光二年八月一日白日昇仙出神藥錄

向子文遇龔慶長

子文長沙人唐寶曆二年得官衡州貧不能歸愛山水之勝一旦謁嶽廟時當盛夏留宿旬餘忽有一人青布紫裳面如珠玉神色威整鬚眉如畫子文異其骨相翌旦往見問之乃曰余龔慶長也世家洛陽少遇司馬隱元于鳴皋山下隱元者自云委羽洞天之靈官也凡五嶽四瀆洞天福地各有靈官主之校量功罪採訪善惡聞于九天使者之府隱元語慶長曰汝宿生常居要職有辯寃雪死之勞當時士民陰受汝賜遠未此借逆伏節死事忠憤之氣毅然不衰故得再生為人他時通悟必能記憶矣九天使者錄汝之功命我授汝石精金光藏景錄形神劔之法中黃太一默朝之道因得度世近登紫霄峯望氣見嶺外妖氣欲往禳除經過嶽祠故來朝謁子文為之致恭慶長願侍者取琴鼓之其曲曰金鯨躍海雨滴秋荷醉洵月白雲引之韻音

韻清越非凡聲也陪從數日臨別子文再拜曰幸得際遇欲從先生南遊可乎慶長曰未可也汝尚當仕進更十八年中條山相見子文再拜乞言慶長曰學道先乎功行逢時得志汝宜勉之至于吐納服餌乃其餘事子文懇請再三慶長曰當俟後會子文曰更有教戒誓當稟奉慶長沉思良久云汝父祖株殞僧舍頗苦鬼役早卜吉壤以終大事子文流涕拜謝翩然而去出李文正公南行錄

徐司諫施錢新廟

○司諫唐大和二年除江西節度使以私錢三萬緡新廬山使者廟命工丹牖潯陽令遣吏典其事吏入城召畫工與俱歸工負荷丹采從之始出闈吏忽自腕衣帶投地工疑其醉拾而隨之須臾脫衣棄帽比行三十里衣僅蔽體將及廟忽有若健卒者青衣白韋蔽膝出自澗中前梓吏去工故之曰此醉人也恕之卒但瞳視梓吏坐水中工始覺其鬼驚走告廟中人偕來已失青衣所在吏坐如初視之死矣因闈出納之籍則乾沒過半出太平遺事

劉德本指財賑饑

德本字孝叔鄂州人好古多能不求仕進往來船實於大江中唐乾符六年十月黃巢陷鄂州沿江驚動自度不能還鄉以米萬碩散施饑貧避地廬山一日有道者蓬頭鹿裘來訪不通姓字相從遊山踰年一日偶至五老峯下賞說不覺日暮乃携手入深澗見石門中老人倚杖而立德本再拜具述行止老人喜曰可同到後院行約四五里見一門丹碧煥爛上有金篆題曰紫元景曜之門既入見樓臺層列官室相連守衛之士呵禁其嚴德本震悚不敢仰視老人曰此詠真洞天也九天使者真王採訪人間汝捐家財巨萬以賑饑民善行可嘉故許一造神府當刊名九天仙籙度世不死矣德本再拜曰九天使者真

王見居何處老人曰汝為人方四世夙生障厚骨相未清未可問也汝宜嚴持戒行澄瑩心神濟物利生精進匪懈真王洞鑒隱微他時必垂救度德本再拜以謝老人便引出門未踰闈之間恍然不見已還舊止德本問道

者曰老仙何人也道者曰即此洞天靈官九天使者真王之諱也爾既曾造神官躬授嚴訓吾與汝請從此別遂揖而去出洞大靈說記

張懷武陰功文物

唐天祐初江西連帥南平王鍾某遣道士沈太虛設醮于九天使者廟太虛醮罷恍若夢見圖像前一人指曰吾張懷武也嘗為軍將微有陰功及物採訪命我為靈官既寤訪懷武之名無能知者歸以語進士沈彬彬後二十年遊醴陵邑令陸君與客方食有許軍吏後至語及張懷武彬問之許曰懷武者蔡之裨將頃因甲辰年大饑聞豫章獨給即將部屬奔馬既即路兩軍稍不相能此至武昌疊隙大作剋日將戰蔡之不可懷武乃拔劍謂其徒曰吾與汝今日之行非有他圖直救性命爾奈何不忍小忿自相攻戰失職強者傷弱者亡如是則何為去父母之國而死於道路耶兩軍所以致爭者以有懷武故也今我為汝等死兩軍亦無後艱矣遂自刎於是眾皆慟哭相與和親比及豫章無死者出張晉公記

王琳放生獲死

琳京兆人唐大順二年任邢州堯山尉時方兵興死於血刃者甚衆琳歎曰無辜之民肝腦塗地深可哀也遂捨家貲具棺擲數年之間所葬不可數計金陵同事高應成卒令官

毋老食衆貧不能歸琳竭力資助遣子剛中津送還鄉士論嘉之金陵瀕江琳每過市必鬻魚鱸而放之一日漁者舉網得魚赤鱗金目長文餘琳曰此異物也買送江中風濤隨起夜夢一武士衣冠甚偉語琳曰公放生葬

死多矣九天使者已錄善功當享長年之福琳曰九天使者何神也曰天之貴神也受命上帝採訪人間善惡而誅賞之在廬山之陰公豈不知琳覺而異之日奉香火年百有餘歲而終二子六孫亦皆耆老京師謂之長壽

王家丞相薛居正詩云丹魚報福流三世白骨銜恩勅九天其家刻石記之出續神傳信錄

食牛肉入觀之戒

大中祥符元年有一屠者春時因隨遊人入觀中忽若有物擒擗擲之庭下倉惶奔走

門竄入一空室中卧地作牛吼之聲數日而卒兩目突出至今有食牛肉者不敢入官門出明苑錄

帶油穢雜齋醮之報

廬山下有蒲油者養母頗孝一日暴雷震死

母以其子無罪日號泣於使者之祠祈知其故一夕夢朱衣神人告曰汝子雜取魚膏以偽亂真欺人而謀利吾祠齋醮用之腥氣薰蒸靈仙所惡震死晚矣出太不遺事

何集靈信事使者雙目再明

集靈字道甫黃州人天禧二年主河南府僱師簿因目瞽解官有廬山道士告云本觀九天使者至誠祈禱當有靈威集靈遣男仲和詣山致醮畫像以歸絕慾食素焚香祈禱日取供水洗目將二年餘忽一目見物如隔紗

穀遂望山醮謝以答神休復經數月雙目俱明集靈緣此感悟持戒奉道益加精專享年九十有七而終嘗作朝真發願文及神水洗

眼賦九天使者真王畫贊叙述甚詳出續神傳信錄

張信立繪像奉事免風濤之厄

信立字成之河陽人天聖二年授南雄州司理過廬山太平觀醮因繪九天使者像奉事任滿還京舟至小孤風濤大作幾至覆溺舉家慟哭然香禱告中大風穿窻掣去繪像須臾風息雨霽繪像挂於桅竿同舟之衆仰歎不已出江湖錄

胡元弼夢戒殺生而得子

元弼景祐元年任江州酒官父母俱年七十有七而自己多病累得子不育乞養異姓亦復夭折舉家齋素醮于祠下是夜宿道院中夢一繡衣小童告曰汝平昔廣殺物命以恣口腹所以絕嗣若能戒殺當有善報元弼夢覺媿汗再致醮以拜神誨戒殺以贖前過踰年得子後頗成家出明戒錄

馬子簡在官恣性之報

子簡京師人治平元年自洪州錄事解官歸其父存誠途中感時疾至廬山西林寺昏迷危篤遣人入江州呼醫未至聞太平觀九天使者神靈顯著子簡詣觀致醮將欲陞壇暴得風眩之疾不能祇事而還其父存誠熱極

發狂若有所睹云子簡在官恣性決捷殺人甚衆冤訴紛紛存誠數日得汗而愈子簡憂鬱到京遂卒出明戒錄

文孝子取肝救父

文彪字仲炳江州德化縣農家子篤學至孝年十六遊上庠元豐七年父病垂死彪詣採訪殿禱告歸家剖腹取肝為劑二十四粒雜他藥進之父病即愈郡縣廉得其事欲聞于朝彪泣曰此人子之常情何以名為猶是人益高之父後二十四年而卒與肝劑數同初

取肝時誤剖右脇忽聞空中有語云在左邊彪亟納入再剖左脇得之血流滿地神思昏瞑恍惚中見一道士食以來禽遂甦彪後再遊京師卒于道其家立祠官側蔡旒漢黃題詩云見說當年立剖肝九天宮裏萬神看接

花刀上血猶在吞藥胃中父已安卓行的知通上帝美名元不要高官奇標玉潔歸何處應在三山跨綠鸞又乾道五年彪之兄子解亦剝股以愈母疾時司馬知白為二人作文

孝子傳出本州國經孝行傳

高雲舉讀大洞經

雲舉錢塘隱士篤性奉道喜讀大洞經動如戒律一日忽有雲輦仙馭命赫自空中來一人降坐冠服霞映容貌玉光雲舉再拜稽首仙問曰子讀是經亦知其旨乎雲舉曰嘗聞

三十九章尊貴之書但竊讀之未造真旨仙笑曰吾九天採訪使者聞子讀洞經不倦故來觀耳異若不替久久自造其妙子宜勉之語未畢忽然昇空而隱出李文正公南行錄

周舉神授十字經

周舉吳人建炎元年自京師歸鄉里是時偽賊萬琅群盜四起忽遇星冠羽衣人曰子明日死於兵難若能誦十字經可以免死解寬延壽舉跪地以請羽衣曰九天應元雷聲普化天尊乃十字經也拜而受之羽衣忽不見

舉疑其神授堅心默識明日果遇盜逐之林間窘懼之次亟誦前號聲未絕口而雷聲大震群盜為走遂得脫難出魏學老

建炎退張遇寇

建炎元年冬賊張遇聚數萬來自淮渡江攻

陷池州十二月初十日犯江州時太守龍圖閣待制陳彥文躬擐甲胄率眾登城誓以死守賊兵攻陷凡三日大勢危迫州人號呼請命望山而拜忽見旌幢現于雲表圓光披野中有真相如乘獅子又類龍馬擁列騎從在雲氣中合城共睹須臾大雪賊不能露處殺獲甚衆有騎兵千餘至官中隨處舉火雖竹屋紙幃亦不能然睥睨殿門若有所睹倉惶逃遁賊退太守及州民建醮謝恩相繼月餘至今江城士庶每年四月上七結會建醮蓋

本諸此出本官

太守陳彥文謝恩詞王虛朱帝炳靈久鎮於名山金闕真王降祉肇基於福地事關前古禮重今朝近以淮寇猖狂石交攻橫水陸並進欲竊據於江城矢石交攻焚盡屠於生齒望望而請命登舟而祈哀威現旌幢氣成龍馬祥雲四合知神騎之護持大雪連朝覺寇鋒之潛挂竟推羽力敢怠肅心式展冲祥應酬之潛挂竟推羽蓋願暫降於叢霄風馬雲車於來臨於洞府冀終大賜永保群生每車四月上七江城士庶建醮意旨伏為建炎年間賊徒來犯九江一城生靈將遭屠戮彼時荷蒙九天採訪真君雲瑞垂佑一郡生靈皆得免生自後合鄴士庶恭詣福地建醮謝恩追于嘉定兵犯鄴城禍連數郡之節時舉荷於生全頓消歎謝恩清醮一百二十分位伏願

干戈永息合境安寧
炊羹各家俱膺百福

周氏沉溺木筏

瑞昌縣居民周氏以財雄鄉里多貨賣江湖間紹興三年買上江杉木為大筏其直十萬餘緡將至建康遍售命九江同姓人主之行

有日矣同姓者詣廬山採訪真君殿決籤詞云四顧那自一抱疑有二心遂爾不能改如何就沒沉周其姓者謂業已辦裝不肯止纜至湓江門果溺出夷堅丙志

開禧誅逆職事

○開禧二年十二月四川宣撫副使興州都統制吳曦叛三年正月十八日僭號蜀王遣偽將祿禧部兵守夔門本路帥臣蔣介解印付之禧二月十九日至夔介避江而歸二十四日泊萬州介之客有趙潭者善降諸神是夕介命潭請橋卜其去就禍福所執箕筆迅動異常忽大書云吳曦世受國恩敢謀僭叛將降四蜀於左柩九天採訪使者奏其事上帝震怒敕滅其族事不出三月祕之介懼泄神語召禍緘封甚密三月初十日至忠州逢露

布職果以一月二十九日就誅介聚十數客拆緘共睹驚歎萬去興州二千餘里神之降先職死蓋五日異哉是年季夏之四日宣教郎四川宣撫使司幹辦公事嘉定薛紱謹識

見存石刻于本宮

錢方平神授運生章

方平淮海人淳祐四年上元節日漸停午神情恍惚伏几而睡夢一鬢髻道人稱曰吾乃應元公也未及問答探懷中出一幅紙有文訓方平讀曰道跡輪玄化雲璈肅神允清華

○洞靈巖萬境隨週流翼會霞具丹光燦平浮橋召帝子家回象明飛輪變運舉若此邈爾不可求驚林動餘陰風質難稽勾瑤藥發棲香禁闕舒神謀密簡眷通醫共運朝元遊羽爽超劫輪時而濟虛乘剝度昭六沉積嶼停山上琳葉滯寶籙察舉成空幽霓節表佐見侍相採良儔大哉混沌中群息勝氣投黃房宴馬尊九蓋葦君伴轉降爾至妙開教當三樓子遊復以命王檢停千秋誦畢曰此九天運生章子密記之異日來大平宮訪吾方

平疾讀悉記欲扣其原忽家人驚寤當亦問測越五載沿幹江西道經滄浦方知廬山太平乃採訪開治始悟昔日應元公即採訪真君也袖香瞻禮謹錄前文揭于殿楣以昭神授而去

趙架閣夢神授半夏湯方

宣教郎趙架閣時景定二年在江西制幕忽感氣疾夜夢霞衣仙容親授半夏湯方翌早依方投劑隨即痊愈及徼往招募軍兵入山炷香復得異夢六十日招足回司就山致

○離其詞意云曩因去年日逢大歲氣疾忽作官事盡曠夜夢靈衣仙容親授半夏湯方翌旦叩醫依方投劑藥蓋甫嘗於眩眩體府頓覺其清涼重惟下土之微臣曷動上天之顯相爰自蟻旋於王事幾脫虎口之殘生伏願帝德好生天道福善暨平生之無愧俾父禱以上通香火有緣世作玉皇之仙吏精勤不替常陪太一之青藜

劉氏朝真堂死之異

江州官牌夾居民劉氏景定五年正月七日

隨眾朝拜採訪真君所帶僕將紙錢就殿下
 焚化所莅者慮其燒壞甃石遽止之劉氏陞
 殿喧喊欲奮拳相撻忽殿中燈燭昏暗須臾
 若有神人擊劉下殿旋轉三匝頃絕在地流
 血被面眾拜告真君乞特赦罪移時復甦扶
 護回歸至新橋又復暈倒自云採訪六丁神
 何苦責我之甚如醉而歸離家一里而卒聞
 其家云三日前曾食厭物所以神靈責罰由
 是來朝拜者益加尊敬

○廬山太平興國官採訪真君事實卷之七

正一法文經護國醮海品 階一
 太上告仙人巨子明日將來國主帝王有國
 土不安星宿錯度日月失昏陰陽不調兵革
 四起疫毒流行兆民死傷汝等徒眾宜加救
 護禳災請福滅障消殃宜設河圖普告大醮
 以謝三十二天三十二帝日月星宿璇璣玉
 衡三十六地名山大川仙官洞府土地真官
 可用飲食餅果千二百盤金龍環壁本命紋
 繒五方鎮錄金錢鎮銷幡香燈燭仙官神座
 章信紙筆書刀事事潔淨盤竭丹誠奏上章
 表悔謝愆負祈請福恩鎮信之物天子用疋
 諸侯用丈庶人用尺亦可三百六十盤亦可
 二百四十盤可令精勤道士一十二人亦可
 九人亦可三人沐浴清淨燒香潔服齋戒吉
 日登壇啓告遍謝事訖即以醮座金龍環壁
 青紙青絲銀板等筭散詣名山大川章醮投
 告可用飲食餅果三十六盤亦可二十四盤
 其本命紋繒五方鎮錄金錢繒銷香油燈燭
 紙筆神座之具事事降減元數羅列敷陳以
 告洞府仙官具陳丹款請福禳災投於清冷

之湖山洞之所保延國祚記上仙名其銀板
 題文當如靈寶簡式藏投深山深水勿使漏
 洩密則福降洩則禍臻長淪幽夜終不蒙祐
 太上重告子明日夫學仙道士宜篤志勤苦
 為國立功救護蒼生先物後己章醮錢絲座
 席散造功德捨施貧窮營建靜舍燒香然燈
 念濟一切放生度死功滿三千白日昇天是
 時巨子明等首體投地同聲稱善作禮而退
 天師君曰自淳風漸薄澆偽競生道德不行
 百災俱起能令國土不安居家虛耗妖怪互
 出疫疾流行生事軻軻動遭凶禍或彈官熱
 職祿位不進貴賤怨憎謗毀凌辱或偷盜劫
 掠驚動內外國失土境民喪錢財恐放縱橫
 民人死叛或兒孫反亂門戶不昌所作違心
 舉動不利若有此災皆宜醮祀龍神或海龍
 江龍河水宅龍任意祀之
 醮法須清淨諸果實隨時所珍每令芳香當
 用吉日三年為之國安民豐家內富溢米穀
 盈倉九年為之金帛自積所向果從此法神
 驗道不欺人

其鎮座用金銀珍寶繒綠錦衣著座上龍神衣之金龍五枚各重一兩本命紋繒天子用元紫紋王公用命紋五方鎮綵隨方色東九南三西七北五中十二座絳紋三丈五尺天子三百五十尺此物以為法信

東海水帝神王頭建大晨寶明之冠衣青文翠羽飛裙帶青靈九色獅子虎頭擎囊以立春春分日乘碧輦飛龍上詣高皇玉帝削罪簡注仙籙列奏上清玉皇帝前

南海水帝神王頭建大晨寶明之冠衣赤錦文裙帶丹靈紫綬三色擎囊常以立夏夏至之日乘蛟龍飛行雲輿上詣高皇玉帝削罪簡注仙籙列奏上清玉皇帝前

西海水帝神王頭建大晨寶明之冠衣素錦飛裙帶素靈命神之章九色獅子虎頭擎囊常以立秋秋分之日乘素霞飛輿上詣高皇玉帝削罪簡注仙籙列奏上清玉皇帝前

北海水帝神王頭建大晨寶明之冠衣黑錦飛裙帶豁落七元五色獅子虎頭擎囊常以立冬冬至之日乘黑霞飛輿上詣高皇玉帝

削罪簡注仙籙列奏上清玉皇帝前

凡醮海神法常隨四時上天日醮之又以正月十五日七月十五日十月十五日率言上天三官功過罪福生死簡簿應生者言左官應仙者言中官應死者言右官謫役長徒大

小劫會水中萬靈之事隨所由列言上下相應若有考烝未正者皆申三會考正又言天地水三官

次存神

次鳴天鼓

次發鑪

太上玄元五靈老君當召功曹使者左右龍虎君捧香使者三氣正神急上關啓三天太上玄元道君臣等正爾燒香設醮速達逕御帝前拜

次稱法位

泰仙都正一平炁係天師茶治炁道士小炁

男官臣某甲稽首拜拜

謹奉請東方高上九玄玉虛帝皇泰清玄元上三天无極大道太上老君諸君丈人湯谷

王女扶桑大帝君天帝君中央黃老君九老仙都君九炁丈人太清玉陛下上清太真玉寶王上相東海玉門東華小童君高仙萬聖玄極天尊拜

謹奉請東海神阿明何歸君拜

謹奉請南海神祝食劉翥君拜

謹奉請西海神乘李口瀨君拜

謹奉請北海神禺強吳禽強君拜

謹奉請湯谷青華方諸宮水帝神仙靈官諸龍王

龍王

謹奉請青靈南水會宮水帝神仙靈官諸龍王

王

謹奉請北都羅鄧宮神仙諸靈官諸龍王

謹奉請碧海三神仙蓬萊方丈瀛洲水帝諸官神仙靈官諸龍王

謹奉請五方龍神王

謹奉請五方龍神王

謹奉請五方龍王大人

謹奉請東方青帝青龍神王君

謹奉請南方赤帝赤龍神王君

謹奉請西方白帝白龍神王君

謹奉請北方黑帝黑龍神王君

謹奉請中央黃帝黃龍神王君

謹奉請天上飛龍神王君

謹奉請地下伏龍神王君

謹奉請日月神龍神王君

謹奉請星宿神龍神王君

謹奉請雲龍雨龍神王君

謹奉請五嶽靈山丘阜一切神龍神王君

謹奉請守護國土宮殿府庫龍神王君

謹奉請三河九江四海四瀆洞源洞淵清冷

千川萬谷十二淮津河伯河侯四方八極水

帝水府一切龍神王並各嚴裝具冠降席臨

饗拜

臣某謹上啓東海小童君海內諸宮神仙靈

官水帝水府一切官屬諸龍神王神君等

藉宿慶運生人品忝染道流情希拯濟思欲

佐國扶命救度蒼生不勝戰越今有詞誠謹

當宣奏

次讀詞

謹按詞文深誠丹禱既承憑仰不敢寢默伏

惟皇上寸心所寄志在卑宮薄食子育黎民荷

天重任願行道德思欲誕敷

皇化治合無為三省九思保安

宗社大同天下以副朕懷憑仰海神龍王曲

就醮禮垂慈臨饗集福邦家謹具啓

聞臣某拜

次上香

臣某謹重上啓海神龍王水帝水府一切官

屬乞降神明之大慈感應蒼生之請願恩流

有識澤及無心哀祐丹誠冥福加助使

皇帝神威被遠謀謨日明洞察幽玄曉知前

事凡有祈願莫不遂情乞天下安寧兆庶平

泰六合歸化似星迴之仰辰極萬國來王若

川流之赴滄海林兵偃甲放馬息牛子育黎

民不嚴而治修行道德以答洪恩乞天災雲

銷地禍霧散臣忠子孝君惠父慈

皇帝永保乾尊如天不變皇后長居坤重似

地不移皇太子諸王兄弟等並各盤根蒂本

繁茂皇枝萬歲千秋榮華不絕普天率土災

害不生地獄停苦囚園息訟含靈沾慶一切

蒙福神明慈力所願稱心萬善嘉會荷恩罔

極臣某拜

次上香

臣某等上啓東海小童君海內諸宮神仙靈

官水帝水府一切官屬諸龍神王神君等

皇帝今請福禳災奉請眾官獻此微醮伏願

大聖玄鑒有如影響辭不再陳言無鄭重禮

謝既周行香已畢雲車玉輿羽蓋上昇晷漏

易移不敢稽滯下土荒穢不可久停願垂哀

憫曲加洪澤臣某稽首拜奉送

次吟送神讚

次上香

次復鑪

香官使者左右龍虎君侍香諸靈官當今此

間醮所自然生金液丹精芝英百靈眾真交

會在此香火案前願臣等學道克獲上仙

皇帝受福天下蒙恩十方仙童玉女侍衛香

煙傳奏所言逕御神前

元始靈寶告水帝削除罪簡上法

靈寶某帝先生某甲年若干歲某月生願神願仙長生不死三元同存九府水帝十二河源江海淮濟冥靈大神乞削罪名上聞九天請詣水府金龍驛傳

太歲某年某月朔如干日子於某國告下右朱書銀簡上以青紙裹簡青絲纏之金龍負簡以投三河之淵

次叩齒三通

次發鐘

无上三天云云

次讀簡置案上祝曰

元始五帝上帝高尊十方至真太華靈仙赤文告命無幽不關上御九天請下玉文日月五星北斗七元中告五嶽四方靈山下告河海十二水源九府水帝冥靈大神今日上告萬願開陳請投玉簡乞削罪名千曾萬祖九族種親罪相連染及得某身並蒙削除絕滅種根記名水府言上帝前七祖父母去離八難上登九天衣飾自然某罪釋散萬神咸聞

請以金龍關盟水官請如所陳金龍驛傳

次上香

次復鐘

香官使者云云

元始靈寶告山簡求仙上法

靈寶某帝先生某甲年若干歲某月生命屬某帝名係某山願神願仙長生度世飛行上清五嶽真人至神至靈乞削罪籍上名九天請詣靈山金龍驛傳

太歲某年某月朔如干日子於某嶽告下

右朱書銀簡上以青紙裹簡青絲纏之金龍負簡以投名山

次上香

次發鐘

无上三天云云

次叩齒九通讀竟祝曰

玄上開明元始監真上帝五老赤書丹文天地本始總領三元攝炁君會催促舉仙高上符命普告十天日月星宿五嶽靈山天下地上冥靈大神監生主錄南上三門關領玉簡

勅名丹篇削除罪書上輔帝臣千曾萬祖九族種親皆蒙解脫五道八難去離三惡魂升九天生死閉度萬劫長存今日上告萬神啓聞請以金龍關盟真官請如所告金龍驛傳

次上香

次復鐘

香官使者云云

元始靈寶告宅簡文

靈寶某帝先生某甲年若干歲某月生命係九天北斗領籍願神願仙長生度世飛行上清中皇九地戊己黃神土府五帝削除罪錄勅名太玄請詣中宮投簡記名金鈕自信金龍驛傳

太歲某年月朔日子於某齋壇中告下

右朱書銀簡青紙裹之青絲纏鈕九隻金龍一枚埋住中宮悉如上法

次於中庭向王叩齒十二通讀簡竟

祝曰

天開地張九炁分靈三元洞府十方朗清五老上帝開真鎮生丹書赤文元始上精普告

正一法文經護國醮海品


三三一七〇五

天下九土皇靈今日上告萬仙定名我願神
 仙請投玉名上府太皇勅除罪刑奏簡上宮
 列簿華清早得飛騰天地同靈九祖種親腐
 骸更榮魂升南宮受化仙庭吉日告命萬神
 咸聽請以金龍表盟至情請如所告金龍驛
 傳

次捨香
 次復鐘
 香官使者云云
 正一法文經護國應海品


元辰章醮立成曆卷上

壇圖法



階二

元辰章壇四門符



右懸四門上

於黃壇之上若中庭淨地立壇壇方二丈四
 尺五方各安香爐懸當方色幡蓋及燈方各
 七枚合二十八内方方又七枚其盤中注一
 二者是酌酒次第明立榜貼左右異行勿令
 迷謬也

章信

鎮壇信錢一千二百文白米一石二斗白素
 四十尺算子一百二十枚清油一斗二升青
 絲線一百二十尺金人一形金錄一雙書刀
 一口紙一百張筆兩管墨一挺淨席一領朱

一兩香一斤銀條脫一枚

右一十六件備天官儀信人各辦之唯夫妻同年共屬一宿一天府得共此亦從貧富量之

醮法

五方香案非舊香貼須方色巾香爐五具并酒樽六杓

五色繖及幡五帝大幡五首白米一大斗粟

粟雜果各一升時新果子多為佳五色紋縐

依方數好酒五斗白脯三斤油煎米麩粿各

三種為佳和纂十六枚長一丈二尺三節茅縛

左繩二燈三十六并纂五方二十八宿中淨

席簾十三領歷席白布二疋鹽鼓各五升分

五方盤四十九面壇內十二時神二十

盞八十六口內七十二口外十四口

右前件醮具飲食種種羅列並令精潔甘

美所營造飯食必須清淨香湯沐浴然造

作粿食自不精者不須入也

羅列訖酌酒先從五帝盤東方起左迴次

酌七星先從魁向岡次酌三台左行次酌十

二時神從亥子左迴訖成次酌二十八宿先

從東方角宿起左迴訖至軫三行酒訖次閉目內思相見天地神祇一切森林羅列然後來到

次勅纂符呪

臣謹勅直符將軍甲子諸君誰直今歲誰直

今月誰直今日誰直今時某入靖拜章斷絕

衆精有邪斬殺急急如律令

次向天門呪

天地開張鬼道相亡今日安壇臣欲奏章西

北之維戌亥中央天門在此執錄不祥急急

如太上老君律令

次向地戶呪

生炁流通百邪萬精不與異同今日奏章乃

立壇場東南之維辰巳中央地戶於此收錄

凶殃急急如太上老君律令

次向鬼門呪

陽光流明百邪不生今欲奏章先立壇庭東

北之維丑寅中央鬼門考鬼執錄邪精急急

如太上老君律令

次入門呪

出陰入陽太上使我五內開張大神聞之皆走嚴裝今日奏章西南之維申未中央收攝百鬼何有敢當急急如太上老君律令

次入壇從天門入至東方香案前上香叩齒九通呪

曰

東方九炁青天明星大神煥照東鄉洞映九

門轉燭陽光掃穢除氛開明童子備衛我軒

收魔束妖上對帝君奉承正道赤書玉文九

天符命攝龍驛傳普天安鎮我得飛仙

次至南方香案前上香叩齒三通呪

曰

南方丹天三炁流光熒星轉燭洞照太陽上

有赤精開明靈童總御火兵備守三宮斬邪

束妖剪截魔王北帝所承風火八衝流鈴交

煥敢有不從正道流行我享上功保天長存

億劫無終

次至西方香案前上香叩齒七通呪

曰

西方七炁素天太白流精光耀金門洞朗太

冥中有素皇號曰帝靈保神安鎮衛我身形

斷截邪源王道正明宮殿整肅三景齊并道
合自然飛昇紫庭靈寶符命普惠萬生功加
一切天地咸寧

次至北方香案前上香叩齒五通呪
曰

北方玄天五炁徘徊辰星煥爛光耀太微黑
靈尊神飛玄羽衣備衛五門檢精捕非敢有
干試豁落斬摧玉符所告神真八威邪門閉
塞正道明開映照我身三光同輝策空駕浮
舉形仙飛

次至中央香案前上香叩齒十二通

呪曰

中央黃中理炁總統玄真鎮星吐輝流煥九
天開光童子一十二人元炁陽精焰上朱煙
洞照一宅及得我身百邪摧落殺鬼萬千中

山神呪普天使然五靈安鎮身飛上仙

又別五方呪文用之與前同拜章立

壇兼用並佳

東方開明招真大神身著青衣黑幘身廣百
步頭長柱天至食邪鬼口容山嶽朝食五百

暮噉萬千十五五合衣而吞

南方丹天三炁君赤衣赤幘領赤神王至捕
百鬼須肉萬斤太陽使者繫火幡各課一條
得便分肉餓食血流津

西方七炁白天君白衣白身身長萬丈面皺蓬

手持大鐵棒空中飛至捕百鬼得便夷噉肝
食肺我世資太白助司并靈威

北方黑靈太微君好生惡殺五炁專辰星助
化衛侍端開福閉禍拔幽魂无量之邪不敢
干收魔束魅付帝君

中央黃帝中宮總御四方玄真禮敬斬魔王
五星安鎮當照匡五香盞尸穢不起六天邪
精不敢當今日誦呪萬鬼亡一十二人主陽
光照此宅觀身丁強

先叩齒二十四通發爐

太上玄元五靈老君三炁正神急召臣等身

中五體真官三五功曹上下大夫左右龍虎
君捧香使者傳言素女執案童子各二十四

人尚書僕射通事小吏十二人急上關啓
无上三天玄元大道十方太上臣等正爾謹

為其乙分解災厄燒香啓聞願得八方正炁
入臣等身中所啓速達運御
太上玉皇帝几前

次誦迎神讚

今日祠五帝 口奏歸玄虛 自然通生靈

落落長夜書 請命元為門 委託東帝夫

官事悉解散 百病一切除

晃晃五帝常安不傾能化一切蝘飛有形

天地之位 與道俱生 處高不峻 處飛不傾
處幽不顯 處濁不清 剛柔隨俗 名之曰靈

今欲消災 殺鬼魔兵 清酒鹿脯 歸迎太明

五帝享之 施其長生 司命益算 更上生名

堂堂北戶 知人死籍 今日口奏 玄女龍驛
當留家親 誅戮惡逆 病者康寧 繫者解釋
與聖俱遊 名上玉曆

次長跪

具法位係天師某治炁祭酒云某等稽首拜
拜謹奉請東方九炁君東嶽泰山府君岱宗
句芒青帝君歲星君南方三炁君南嶽衡山
府君祝融赤帝君熒惑星君西方七炁君西

嶽華山府君薄收白帝君太白星君北方五
炁君北嶽恒山府君玄冥五帝君辰星君中
央十二炁君中嶽嵩山府君軒轅黃帝君鎮
星君願賜來臨

奉請東方九夷甲乙君寅卯青帝解厄神君

南方八蠻丙丁君巳午赤帝解厄神君西方

六戎庚辛君申酉白帝解厄神君北方五狄

士癸君亥子黑帝解厄神君中央三秦戊己

君辰戌丑未黃帝解厄神君願賜來臨

奉請東方歲星君東辰斗君角亢房心

尾箕七宿解厄君南方熒惑星君南辰南斗

君井鬼柳星張翼軫七宿解厄君西方太白

星君西辰西斗君奎婁胃昂畢觜參七宿解

厄君北方辰星君北辰北斗君斗牛女虛危

室壁七宿解厄君中央鎮星君中台君中斗

君魁魁魁魁魁七宿解厄神君等並願

初獻酒

慈光特垂降臨某等拜用獻芳醪
奉請天上解厄神君地上解厄神君日月解
厄神君司命解厄神君四時解厄神君解元

辰星君解勾絞神君解大殺小殺神君解律
刑曆刑君大會小會君解厭元會元君却殺
厄四時司命君五星司命君五帝司命君五
嶽司命君六甲司命君七星司命君天官司
命君地官司命君水官司命君土官司命君

二獻酒

中真土公司命君某家丈人司命君某家
君司命君當路司命君直歲司命君直月司
命君直日司命君今時司命君某本命司命
君某胎司命君某生月司命君某行年司命
君九州社公社稷真官里域真官八部
神將土地真官諸神君等降臨位座某等拜
拜用獻芳醪

三獻酒

巨某上啓臣以凡陋天性頑鄙曲蒙玄慈所
運師老垂恩受法之日引五保七證上謁
三天皇老玄尊中明十方下與萬靈為契師
真要言約當佐天理烝助國扶命救生度死
為一切橋梁但為俗運濁零鬼神交會三災
流行瘟疫狂邪無處不有四百四病布流民
間衆厄五纏難可聞見凡有歸告不敢抑塞

不勝所見謹有某州縣鄉里官男女生人某
年若干歲辭云云災厄深重胎年生月之上
為魁罡所臨眾忌互加凶災臨身行年本命
之上並見羅網所纏本命支干生月支干並
相尅賊惡星醜宿臨身或四殺所加五鬼所

三獻酒

尅或六害所臨七傷所損或八風圍繞九厄
迴行招延不利致疾病淹篤顏容消羸氣力
衰微隨病云云無數或恐魂魄飛揚或經嶮
難或隨沒山泉鬼牢之中或被邪魅纏繞眾
魔拘執官府百節各有司守精神弗爽百禍
自臻天有否剝災害因生人有衰厄亦罹災
殃算命窮盡應有凋零或三元絕災事沒明
堂或年命支干墮於孤虛沒滅之中年命運
值太歲不祥之辰或九宮八卦更相傷絕或
五鬼四殺乘隙生災或五藏空虛四方刑禍
八風毒氣與九醜等鬼世上故烝姦邪魁魘
自勞冷入人身中屯結五藏遊行骨髓扇動
七魄内生姦賊肉人頑愚愛惜身命貪生畏
死不知修何功德可以自援伏聞
太上大慈好生惡死開天張地養育蒼生罪

無輕重皆許首悔無大無小開其解救黃帝之時人民上壽百二十歲中壽百歲下壽八十歲三期已下皆被天枉某今既遭災厄是以敢於考掠之丁披肝露心謹賣命米白素五方五色紋繒筭子清油酒脯香餅甘果續

命青絲金入金錄朱香銀條脫書刀筆紙墨五方度命幡淨席等件別見到求乞解除厄會置拔命簿之具羅列專神之前伏願所請度厄尊神算命府君東王父西王母典籍拘注君司命眾神咸在座中交酒集義垂恩降福司命司錄上請九天推尋某乙錄籍知命長短災厄深淺所在乞上除天曹右官黑簿下輟太上三官死籍更上生名某等拜拜用獻芳醪

次獻酒

若某壽命不長乞加其大尺若樹木枯槁乞潤其脂澤若倉穀之少乞加其斗斛算命窮盡乞為加算益壽命短乞續有災乞消有禍乞滅有衰乞扶有厄乞度有鬼乞收羅網乞解轉禍為福易亡為存迴停漏刻東斗主算

西斗記名北斗却死南斗上生若某前世以來有盤結基考手今不散者乞為上解曾祖天曹考害之悉下解後死地祇精崇願除某身中災害隨元技擢若某絕命在東方願請北方坎神五部官將滅鬼除凶延度厄難若

某絕命在南方願請東方震神九部官將滅鬼除凶延度厄難若某絕命在西方願請中央鎮君十二部官將滅鬼除凶延度厄難若某絕命在北方願請西方兌神七部官將滅鬼除凶延度厄難若某絕命在四維願請南方離神三部官將滅鬼除凶延度厄難伏願東方歲星君東辰君東斗君角亢氐房心尾箕七宿君東嶽泰山君九夷君甲乙君寅卯君乞為某上解天曹考結下解東方九萬里中地祇精崇中除某肝中厄病消滅東方青

凶青衰青毒木神木害保護某正月二月三月木王相時七十二日並乞蒙恩過度伏願南方熒惑星君南辰南斗君井鬼柳星張翼軫七宿君南嶽衡山君八蠻君丙丁君巳午君乞為某上解天曹考害下解南方八萬里

中地祇精崇中除某心中厄病消滅南方赤災赤厄赤鬼赤毒火神火害保護某四月五月六月火王相時七十二日並乞蒙恩過度伏願西方太白星君西辰君西斗君奎婁胃昂畢腎參七宿君西嶽華山君六戎君庚辛

君申酉君乞為某上解天曹考害下解西方六萬里中地祇精崇中除某肺中厄病消滅西方白災白厄白溫白毒金神金害保護某七月八月九月金王相時七十二日並乞蒙恩過度伏願北方辰星君北辰君北斗君斗牛女虛危室壁七宿君北嶽恒山君五狄君壬癸君亥子君乞為某上解天曹考害下解北方五萬里中地祇精崇中除某腎中厄病消滅北方黑災黑毒黑害黑病水神水厄保護某十月十一月十二月水王相時七十二

日並乞蒙恩過度伏願中央鎮星君中斗君璇璣君魁魁魁魁魁七政君中嶽嵩山君三秦君戊巳君乞為某上解天曹考害下解地祇精崇中除某脾中病厄消滅中央黃凶黃厄黃災黃毒土賊土鬼保護某辰戌丑

未之歲三月六月九月十二月各十八日四
季之時合七十二日並乞無他某深憂慮遂
仰希尊神靈恩景祐得免災厄合家存濟某
等再拜用獻芳醪

次獻酒

又願解其年上已來刑厄願解縣官牢獄刑
厄願解出入往來逢鬼刑厄願解犯道被考
刑厄願解亡人考逮刑厄願解杖拍之厄願
解相觸忤先靈刑厄願解犯竈神之厄乞解
短命刑厄乞解算盡刑厄乞解五鬼四殺刑
厄乞解六害七傷八難九坎刑厄乞解虎狼
蟲蛇蜂毒之厄乞解災害哭泣殃疰刑厄乞
解亡魂惶怖刑厄乞解刀兵流血刑厄乞解
繫縛枷鎖刑厄乞解牛馬觸踏刑厄乞解七
財失利刑厄乞解金木水火土刑厄乞解五
行相害刑厄乞解天年歲星刑厄乞解孤辰
寡宿妨吹刑厄乞解建破呪詛厭禱刑厄乞
解死症被考刑厄乞解犯法違科刑厄乞解
連神負鬼妄語不賽考至災厄乞解天厄乞
解年厄月厄日厄時厄大厄小厄一切厄以

時釋散某等再拜用獻芳醪

次獻酒

又啓眾尊神仙官將伏乞停龍息駕安隱座
席某等謹為某推課元辰章表文辭結博恐
傳言奏事一時罔能羅觀恩惟尊神留連宴

喜聽臣等為某拜章上聞

上章法叩齒九通出
官日東北

謹出臣等身中五體真官功曹吏出上仙上
靈二官直使功曹官各二人出正一功曹官
各二人出治病功曹官各二人出左官使者
官各二人出右官使者官各二人出陰神決
吏官各二人出陽神決吏官各二人出科車
赤符吏剛風騎置驛馬上章吏官各二人出
直使功曹戴通天之冠衣皂靴單衣正一功
曹冠朱陽之幘絳章單衣腰帶龍頭之劍操
持謁簿使者玄陰之幘戴九德之冠五色綬
命單衣腰帶虎符齊執玉板直使功曹住立
四方正一功曹住立中央左官使者持幢在
前右官使者建節在後陽神決吏立左陰神
決吏立右右請靈威仰仁官使者九人出赤

燦弩禮官使者三人出耀魄寶義官使者七
人出叶光紀智官使者五人出含樞紐信官
使者十二人出巨神決吏九人出朱丹真吏
八人出鄒上玄吏六人出石玄元吏五人出
黃忠正吏三人出馮倫未隱娥侍者三人出

祝蒼翳逸寥侍者九人出幼太立靈素闌使
者七人出定羽張結連翅侍者一人出呂公
子馮夷侍者五人出陽明陰精真人玄冥丹
元北極天關直符真事各七人出帝晨上尊
傳命持節各九人出无上青赤治病功曹官
各二十人出三部功曹三部使者高車使者
各二十四人出陰陽太醫吏各十二人出中
騎驛候討平炁將軍各五人出狼吏虎賁察
姦鈎騎三官僕射天驕甲卒天下力士官各
二百四十人出五方童子雲中小吏監天童
子各二百四十八人出收神食神吏各一百二
十人出化神歷旗剛風將軍導炁左右騎將
軍各五人出延請赤素君陽光君官將各一
百二十人出白素君陰光君官將各一百二
十人出出者嚴裝顯服正其威儀住立臣前

後左右咸受臣口中辭語分別開啓必令通達此間某州縣鄉里中真官注炁監察考召社里邑君道上二女三元四始甲子諸官君七十二官君四面方位三官考召並明臣等所奏同心申騰上啓

太上無極大道道中之道神明君玉皇帝太上老君太上丈人元上玄老天師嗣師係師女師三師君門下典者書佐小吏奉行文書事臣等謹為某州縣鄉里男女官生某拜上分解宿命元辰解羅釋網拔度生死申算益壽代形解厄連紙口啓章一通并表狀露在此靖中中庭素案之上願上官典者垂神省理某稽顙伏地費信當章如法臣等開函伏讀上聞

次讀章

次送章叩齒十二通

臣謹重勅身中五體真官直使正一功曹書佐小吏皆各嚴裝顯服冠帶垂纓頭戴夜光之璧腰帶龍淵之劍五色之綬簪筆幹持錄為臣等及時操元辰連紙口啓章并表狀上

誦

太上三天曹即日詣某曹某官隨章進對隨事分別上啓

太上老君天師嗣師係師女師二師君門下生炁諸君將吏臣等伏自尋省人微骨賤運會幸慶得在治錄耳目閉塞役使吏兵或有迷誤言詞不次願請陰陽神決吏四部案章從事傳言書佐習事小吏持龍頭書刀長毫利筆即為注正脫字為益誤字為定無令上官典者有所譴却或有下官故炁鬼賊斷截章文使不御達者收付所在禁獄依玄都科法治罪令臣章運誦

次納官

臣等上章設醮事訖向所出臣等身中功曹使者一切諸官君各從衆妙門而入在左還左在右還右各還宮室纏身繞骨彌綸天地經術百脉無令錯互須召復出一如故事

次送神讚不用念

飄飄五帝輦 蕭蕭七君軒 流暉下降席 享宴感丹誠 啓奏咸響徹 落死上長生 南宮益年算 北斗記延齡 愆厄皆解散 福報永安寧 禮謝已將畢 神昇歸太清

次散酒

次晉養文

醮祭既畢神駕以昇福祚餘馨普沾覲養召第子九祖父母七代亡靈悉垂饗覽又石左社右稷城隍里域具官八部僕從功曹吏兵建節力士所由宅神等甘饗懸儀守宅三將軍十二神將二十四鎮神吏門丞戶尉守宅吏兵并竈神吏晉同歡饗醉飽為度然後與臣羅列鎮守宅院使災不過門疫不到戶邪精鬼賊莫敢當向盟威正法事在不輕若守鎮有功興福助善三會吉日同章舉遷不得懈怠依法彈亂一如天師律令

次復爐

香官使者左右龍虎君侍香諸靈官當今設醮元辰之所自然生金液丹碧芝菓眾具百

靈交會集此香火爐前乞願某乙闔家受福
天下蒙恩十方仙童玉女侍衛香煙傳奏向
來言啓運達
至真無極玉皇上帝御前

次散座讚

三光甚明曜 天地常湛然 人生在其中
福祿隨運緣 刑殺有厭會 疾厄期命年
致使砦砦鬼 潛臻禍咎愆 智者歸大道
精誠五福田 告下皆逆散 壽命與長延
七祖咸安樂 幽繫並蒙原 出靖稽首讚
流芳會帝前

次出戶呪

出陰入陽萬神開通開啓事畢請閉黃房守
靖玉女明備神宮左右伏立萬神潛寧
元辰章醮立成曆卷上

元辰章醮立成曆卷下

階三

消本命元辰胎生行年元辰等火
曰某本命行年及胎生兩月年命二元辰上
所被見諸厄魁綱天殺或自相為惡或自相
刑害並各請其子神和釋分解合神保護令
得無他

次推解法

干曆 甲乙丙丁戊己庚辛壬癸
惡神 庚辛壬癸甲乙丙丁戊己
子神 丙丁戊己庚辛壬癸甲乙
合神 戊己庚辛壬癸甲乙丙丁

右件陰陽干各將配下十二支也

支曆 子丑寅卯辰巳午未申酉戌亥

惡神 辰卯申酉寅亥子卯午巳寅未

子神 寅未午巳申未戌酉子亥卯卯

合神 丑子亥戌酉申未午巳辰卯寅

右件陰陽支配前十干為六甲知其為惡

取其子合

假令本命甲子則惡在庚辰戌請子神丙寅
某乙合神巳丑某乙第一甲本命某惡在某

謹請子神某乙從官若干人為某和釋自相
為惡之災消却本命上所見諸厄魁綱天殺
眾災惡害一切解除之為某土舍元炁度養
性命又請合神某乙從官若干人為某保護
本命令得無他第二某乙元辰某惡在某謹

請子神某從官若干人為某和釋自相為惡

云云具知本命例也其消却元辰上云云為

中有別啓當依其具之消却元辰上云云為

某舍玉香吐玉將水保養元精延度臨終之命

又請合神云云為某保護元辰令得無他第

三胎月例如消却胎月上吐舍和氣保養胎

元又請合神云云第四生月並如上却生月

上吐舍和炁保養生元又請合神云云第五

行年悉如前却行年上吐舍元炁保護懸命

又請合神云云第六行年元辰云云如上却

年元辰上吐雄黃舍玉香保護行年元精延

度臨危之厄難又請合神云云保護行年元

辰某令得無他

右消年命胎生元辰大略如此其中巧妙
事由多能

次還神

願請其本命神某乙如于元辰神云云胎月神云云生月神云云行年神云云行年神辰神云云各還其身中為鎮神捍體依附宮室除凶去害怡神赤子無令越逸若居病云又請今歲神某假令甲子歲即云甲子王文卿

從官十八人隨歲次神請駕其乘某歲在寅卯辰駕青龍乘白虎歲在申酉戌駕白虎乘青龍歲在巳午未駕朱雀乘玄武歲在亥子丑駕玄武乘朱雀手持針藥口含雄黃吐玉香

亦云衛王香吐玉漿一合下到某之家請某身中療治所苦百疾病從頭至足從左至右周身繞體經緯百脉調和五内豁然除差保却今年之中亦云送消却凶邪惡毒災禍鬼症一切並令消解扶衰度厄皆使無他次其本命某死

計得八神從官如千人為某奉齋章上法信為生炁上詣某天帝某宮宿中天帝及宮名二十八列星度宿分解災厄上詣某府某君還取所屬天帝之府君名勒不死炁之鄉

太陰戌某官 亥子北官 寅卯東官 巳午南官 辰戌申酉西官 辰戌申酉西官 辰戌申酉西官 辰戌申酉西官 辰戌申酉西官 辰戌申酉西官

取本命支干也為其質名易形削除死炁其神也移名生錄之中延命無窮假令甲子生人死炁辛未是生炁救神丁巳

崔巨卿從官十人是上詣元明天帝上元宮列星度宿分解災厄上詣無生府齋童君勒不死炁之鄉下勒少陽北官為其質名易形削除死炁辛未移居生錄之中延命無窮舉此一例餘足知之

次推六甲神名及從官數
甲巳子午九 乙庚丑未八 丙辛寅申七
丁壬卯酉六 戊癸辰戌五 巳亥四
右以此支干相配即成從官數

甲子王文卿從官十八人 乙丑龍柔卿從官十六人 丙寅張仲卿從官十四人 丁卯司馬卿從官十二人 戊辰季楚卿從官十人 巳巳何文昌從官十三人 庚午馮仲卿從官十七人 辛未王文章從官十五人 壬申侯博卿從官十三人 癸酉孫仲房從官十一人 甲戌展子江從官十四人 乙亥龐明公從官十二人 丙子邢孫卿從官十六人 丁丑趙子玉從官

十四人 戊寅虞子卿從官十二人 巳卯石丈陽從官十五人 庚辰尹佳卿從官十三人 辛巳陽仲公從官十一人 壬午馬子明從官十五人 癸未呂威明從官十三人 甲申扈丈長從官十六人 乙酉孔利公從官十四人 丙戌車元昇從官十二人 丁亥張文通從官十人 戊子樂石陽從官十四人 巳丑范和卿從官十七人 庚寅褚進卿從官十五人 辛卯郭子良從官十三人 壬辰武稚卿從官十一人 癸巳史公來從官九人 甲午衛上卿從官十八人 乙未杜仲陽從官十六人 丙申朱伯眾從官十四人 丁酉藏文公從官十二人 戊戌范少卿從官十人 巳亥鄧都卿從官十三人 庚子陽仲叔從官十七人 辛丑林衛公從官十五人 壬寅丘孟卿從官十三人 癸卯蘇他家

從官十一人 甲辰孟非卿從官十四人 乙巳唐文卿從官十二人 丙午魏文公從官十六人 丁未石叔通從官十四人 戊申范伯陽從官十二人 巳酉成文長從官十五人 庚戌史子仁從官十三人 辛亥左子行從官十一人

從官十一人 甲辰孟非卿從官十四人 乙巳唐文卿從官十二人 丙午魏文公從官十六人 丁未石叔通從官十四人 戊申范伯陽從官十二人 巳酉成文長從官十五人 庚戌史子仁從官十三人 辛亥左子行從官十一人

壬子宿上卿從官十五人癸丑江漢卿從官十三人甲寅明文章從官十六人乙卯戴公陽從官十四人丙辰霍叔英從官十二人丁巳崔巨卿從官十人戊午從元光從官十四人已未時通卿從官十七人庚申華文陽從官十五人辛酉元王從官十三人壬戌樂進卿從官十一人癸亥左石松從官九人右六甲六旬神名從官人數如前各從本命行年胎月生月本命元辰等支干配取所惡之神及子神和釋合神保護依名請之也。

次消五音災

某姓音屬角惡在西方金謹請南方丙丁八蠻君六十四官為某解角姓之官却除西宮定禍願請南方榮感星君火德來生東宮角姓之音禳災致福收除太白星白炁之害
某姓音屬徵惡在北方水謹請中央戊己三素君千二百官為某解徵姓之官却除北宮定禍願請中央鎮星君土德來生南宮徵姓之音禳災致福收除辰星黑炁之害

某姓音屬宮惡在東方木謹請西方庚辛六戎君三十六官為某解宮姓之官却除東宮定禍願請西方太白星君金德來生中宮宮姓之音禳災致福收除歲星青炁之害
某姓音屬商惡在南方火謹請北方壬癸五狄君二十五官為某解商姓之官却除南宮定禍願請北方辰星君水德來生西宮商姓之音禳災致福收除榮感星赤炁之害

某姓音屬羽惡在中央土謹請東方甲乙九夷君八十一官為某解羽姓之官却除中宮定禍願請東方歲星君木德來生北宮羽姓之音禳災致福收除鎮星黃炁之害

次消五鬼絕命災法

坎鬼吏在兌絕命在坤願請巽神字明一四部將軍將吏各四千人兵士各四萬人為某延度厄難
離鬼吏在艮絕命在乾願請震神字玄舉三部將軍將吏各三千人兵士各三萬人為某延度厄難
震鬼吏在坤絕命在兌願請離神字明上九

部將軍將吏各九千人兵士各九萬人為某延度厄難
坤鬼吏在震絕命在坎願請艮神字過蕙八部將軍將吏各八千人兵士各八萬人為某延度厄難

巽鬼吏在乾絕命在艮願請坎神字仁王一部將軍將吏各一千人兵士各一萬人為某延度厄難
兌鬼吏在坎絕命在震願請乾神字昊成六部將軍將吏各六千人兵士各六萬人為某延度厄難

艮鬼吏在離絕命在巽願請坤神字閻沖二部將軍將吏各二千人兵士各二萬人為某延度厄難
乾鬼吏在巽絕命在離願請兌神字見陽十部將軍將吏各七千人兵士各七萬人為某延度厄難
消災却禍安心定志散除眾惡解釋絕命五鬼所忌之官使相順伏消滅鬼炁
次入章

次慰喻五藏行言之 四時五

今春木王肝藏受炁生炁循環噓吸紫府性
命泉流潮液所繫願紫微宮使者溫和凝淳
源本上出兩眼下迴手脇閉密中房隨節應
會功成道泰傳以付心脾肺腎肝以次相連
今夏火王心藏受炁生炁循環噓吸炎府性
命泉流潮液所繫願絳宮使者溫和凝淳源
本上出脣口下迴心中閉密中房隨節應會
功成道泰傳以付脾肺腎肝心以次相連
今秋金王肺藏受炁生炁循環噓吸素府性
命泉流潮液所繫願華蓋宮使者溫和凝淳
源本上出頰頰下迴肺中閉密中房隨節應
會功成道泰傳以付腎肝心脾肺以次相連
今冬水王腎藏受炁生炁循環噓吸玄府性
命泉流潮液所繫願雙合宮使者溫和凝淳
源本上出兩耳下迴玉海閉密中房隨節應
會功成道泰傳以付肝心脾肺腎以次相連
今春夏秋季土王脾藏受炁生炁循環噓
吸土府性命泉流潮液所繫願玉堂宮使者
溫和凝淳源本上出口下迴脾中閉密中房

隨節應會功成道泰傳以付

季春付心脾肺腎肝以次相連季夏付肺腎
肝心脾以次相連季秋付腎肝心脾肺以次
相連季冬付肝心脾肺腎以次相連

又法季秋季冬用溫和凝淳春季夏季不須
溫和二字也

次課四時請

春請四部啓明君夏請太微玉華君秋請少
昊金樓玉門君冬請大冥幽窈君今歲直神
某從官如干人今月直神某從官如干人今
日直神某從官如干人今時直神某從官如
干人

歲直太歲神是今月直神甲巳之歲正月
建丙寅二月丁卯以次盡十二月推之他
皆效此乙庚之歲正月建戊寅二月巳卯
丙辛之歲正月建庚寅丁壬之歲正月建
壬寅戊癸之歲正月建甲寅依此推之即
知月中六甲也
今日直神即上章日神也今時直神選用
甲巳推之也甲巳之日平旦起丙寅乙庚

之日平旦起戊寅丙辛之日平旦起庚寅
丁壬之日平旦起壬寅戊癸之日平旦起
甲寅以此推之即知時中六甲也

次依四時送章付與王童玉女

春付與青珪王童青腰玉女夏付與赤璧王
童赤珪玉女秋付與素珪玉童素珪玉女冬
付與玄素太晨玉童玄機玉女必使上達伏
受玄恩

次上詣太上某官伏須告報

一日建王曹赤虛宮二日太素曹太微宮三
日太微曹比平宮四日都正曹太清宮五日
正一曹通明宮六日玄一曹上明宮七日太
素曹高靈宮八日靈集曹紫微宮九日丹靈
曹待春宮十日太清曹武靈宮十一日三水
曹素女宮十二日司錄曹巨野宮十三日清
叙曹西明宮十四日玄正曹上絳宮十五日
中都曹曲平宮十六日司非曹北府宮十七
日司姦曹南真宮十八日統攝曹東明宮十
九日統錄曹西靈宮二十日監考曹司命宮
二十一日監司曹陽明宮二十二日典考曹

太陽官二十三日司官曹少陽官二十四日
太玄曹太陰官二十五日太玄曹少陰官二
十六日都司曹北辰官二十七日都候曹太
白官二十八日直使曹林明官二十九日司
直曹諸陽官三十日典考曹啓明官

右一月之中三十日官曹上章日依此用
之

又章頭若詣月官者故錄之卷後

正月太上虛无丈人官二月太上玄老仙都
官三月四月太上三天太清官五月太上道
靈官一云重道官六月七月太上九炁文昌
官八月太上天帝官九月十月太上大道官
十一月太上侍中左右監神諸將軍官十二
月太上虛无丈人官與正月同閏月太上余
單太歲官

元辰章醮立成曆卷下



六十甲子本命元辰曆

階四

甲子本命王文卿從官十八人貪狼星元辰
乙未杜仲陽十六人女癸巳史公來從官九
人乙丑本命龍季卿從官十六人巨門星元
辰甲午衛上卿從官十八人女丙申朱伯衆
從官十四人丙寅本命張仲卿從官十四人
祿存星元辰丁酉臧文公從官十二人女乙
未杜仲陽從官十六人丁卯本命司馬卿從
官十二人女曲星元辰丙申朱伯衆從官十
四人女戊戌范少卿從官十人戊辰本命季
楚卿從官十人廉貞星元辰己亥鄧都卿從
官十三人女丁酉臧文公從官十二人己巳
本命何文昌從官十三人武曲星元辰戊戌
范少卿從官十人女庚子楊仲昇從官十七
人庚午本命馮仲卿從官十七人被軍星元
辰辛丑林衛卿從官十五人女己亥鄧都卿
從官十三人辛未本命王文章從官十五人
武曲星元辰庚子楊仲昇從官十七人女壬
寅丘孟卿從官十三人壬申本命侯博卿從
官十三人廉貞星元辰癸卯蘇他家從官十

一人女辛丑林衛公從官十五人癸酉本命
孫仲房從官十一人女曲星元辰壬寅丘孟
卿從官十三人女甲辰孟非卿從官十四人
甲戌本命展子江從官十四人祿存星元辰
乙巳唐文卿從官十二人女癸卯蘇他家從
官十一人乙亥本命龐明心從官十二人巨
門星元辰甲辰孟非卿從官十四人女丙午魏
文公從官十六人丙子本命邢孫卿從官十
六人貪狼星元辰丁未石叔通從官十四人
女乙巳唐文卿從官十二人丁丑本命趙子
玉從官十四人巨門星元辰丙午魏文公從
官十六人女戊申范伯陽從官十二人戊寅
本命虞子張從官十二人祿存星元辰己酉
成文長從官十五人女丁未石叔通從官十
四人己卯本命石文陽從官十五人女曲星
元辰戊申范伯陽從官十二人女庚戌史子
仁從官十三人庚辰本命尹佳卿從官十三
人廉貞星元辰辛亥左子行從官十一人女
己酉成文長從官十五人辛巳本命陽仲公
從官十一人武曲星元辰庚戌史子仁從官

十三人女壬子宿上卿從官十五人壬午本命馬子明從官十五人破軍星元辰癸丑江漢卿從官十三人女辛亥左子行從官十一人癸未本命言威明從官十三人武曲星元辰壬子宿上卿從官十五人女甲寅明文章從官十六人甲申本命扈長從官十六人廉貞星元辰乙卯戴公陽從官十四人女癸丑江漢卿從官十三人乙酉本命孔利公從官十四人文曲星元辰甲寅明文章從官十六人女丙辰霍叔英從官十二人丙戌本命車元昇從官十二人祿存星元辰丁巳崔巨卿從官十人女乙卯戴公陽從官十四人丁亥本命張文通從官十人巨門星元辰丙辰霍叔英從官十二人女戊午從元光從官十四人戊子本命樂石陽從官十四人貪狼星元辰己未時通卿從官十七人女丁巳崔巨卿從官十人己丑本命范仲陽從官十七人巨門星元辰戊午從元光從官十四人女庚申華文陽從官十五人庚寅本命褚進卿從官十五人祿存星元辰辛酉酈元玉從官十

三人女己未時通卿從官十七人辛卯本命郭子良從官十三人文曲星元辰庚申華文陽從官十五人女壬戌樂進卿從官十一人壬辰本命武稚卿從官十一人廉貞星元辰癸亥左石松從官九人女辛酉酈元玉從官十三人癸巳本命史公來從官九人武曲星元辰壬戌樂進卿從官十一人女甲子王文卿從官十八人甲午本命衛上卿從官十八人破軍星元辰乙丑龍季卿從官十六人女癸亥左石松從官九人乙未本命杜仲陽從官十六人武曲星元辰甲子王文卿從官十八人女丙寅張仲卿從官十四人丙申本命朱伯衆從官十四人廉貞星元辰丁卯司馬卿從官十一人女乙丑龍季卿從官十六人丁酉本命臧文公從官十二人文曲星元辰丙寅張仲卿從官十四人女戊辰季楚卿從官十人戊戌本命范少卿從官十人祿存星元辰己巳何文昌從官十三人女丁卯司馬卿從官十二人己亥本命鄧都卿從官十三人巨門星元辰戊辰季楚卿從官十人女庚

午馮仲卿從官十七人庚子本命楊仲昇從官十七人貪狼星元辰辛未王文章從官十五人女己巳何文昌從官十三人辛丑本命林衛公從官十五人巨門星元辰庚午馮仲卿從官十七人女壬申侯博卿從官十三人壬寅本命丘孟卿從官十三人祿存星元辰癸酉孫仲房從官十一人女辛未王文章從官十五人癸卯本命蘇他家從官十一人文曲星元辰壬申侯博卿從官十三人女甲戌展子江從官十四人甲辰本命孟非卿從官十四人廉貞星元辰乙亥龐明心從官十二人女癸酉孫仲房從官十一人乙巳本命唐文卿從官十二人武曲星元辰甲戌展子江從官十四人女丙子邢孫卿從官十六人丙午本命魏文公從官十六人破軍星元辰丁丑趙子玉從官十四人女乙亥龐明心從官十二人丁未本命石叔通從官十四人武曲星元辰丙子邢孫卿從官十六人女戊寅虞子張從官十二人戊申本命范伯陽從官十二人廉貞星元辰己卯石文陽從官十五人

女丁丑趙子玉從官十四人已酉本命成文長從官十五人文曲星元辰戌寅虞子張從官十二人女庚辰尹佳卿從官十三人庚戌本命史子仁從官十三人祿存星元辰辛巳楊仲公從官十一人女巳卯石文陽從官十五人辛亥本命左子行從官十一人巨門星元辰庚辰尹佳卿從官十三人女壬午馬子明從官十五人壬子本命宿上卿從官十五人貪狼星元辰癸未呂威明從官十三人女辛巳楊仲公從官十一人癸丑本命江漢卿從官十三人巨門星元辰壬午馬子明從官十五人女甲申扈文長從官十六人甲寅本命明文章從官十六人祿存星元辰乙酉孔利公從官十四人女癸未呂威明從官十三人乙卯本命戴公陽從官十四人文曲星元辰甲申扈文長從官十六人女丙戌車元昇從官十二人丙辰本命霍叔英從官十二人廉貞星元辰丁亥張文通從官十人女乙酉孔利公從官十四人丁巳本命崔巨卿從官十人武曲星元辰丙戌車元昇從官十二人

女戊子樂石陽從官十四人戊午本命從天光從官十四人破軍星元辰巳丑范仲陽從官十七人女丁亥張文通從官十人已未本命時通卿從官十七人武曲星元辰戊子樂石陽從官十四人女庚寅褚進卿從官十五人庚申本命華文陽從官十五人廉貞星元辰辛卯郭子良從官十三人女巳丑范仲陽從官十七人辛酉本命邴元玉從官十三人文曲星元辰庚寅褚進卿從官十五人女壬辰武稚卿從官十一人壬戌本命樂進卿從官十一人祿存星元辰癸巳史公來從官九人女辛卯郭子良從官十三人癸亥本命左石松從官九人巨門星元辰壬辰武稚卿從官十一人女甲午衛上卿從官十八人六十甲子本命元辰曆

太上洞神洞淵神呪治病口章

階五

鳴天鼓三遍發鑪

太上玄元五靈老君三炁正神急召臣等身中五體真官三五功曹上下大夫左右龍虎君捧香使者傳言素女執案童子各二十四人尚書僕射通事小吏十二萬人關啓無上三天玄元大道君十方太上臣等正爾入靖燒香奏上口章治病消災願得八方正炁入臣身中令所啓上御逕達無上玉皇上帝几前

次四方拜西方始訖向東鳴天鼓三十六通

十六通

次長跪出吏兵

謹出臣等身中仙靈高官直使功曹各十二萬人正一功曹十二萬人三一功曹十二萬人促氣功曹十二萬人治病功曹十二萬人太醫小吏十二萬人以上部功曹十二萬人中部功曹十二萬人下部功曹十二萬人使者十二萬人中部使者十二萬人下部使者十二萬人高車使者十二萬人赤車使者

十二萬人元真使者十二萬人元神使者十二萬人陽神使者十二萬人陰神使者十二萬人高車刺史二十四萬人收氣食氣吏收鬼食鬼吏收邪食邪吏收凶食凶吏收精食精吏收殃食殃吏收病食病吏各六十萬人太上治病玉女十方主者各七十萬人出出者嚴裝顯服冠帶垂纓整其威儀羅列函簿上下相次森然住立臣等前後左右各各兵刀外向整頓刀杖千人齊唱萬人同和去臣等三步自共相顧望直使功曹頭戴通天之冠身著皂統單衣腰帶龍虎之符手捉金剛之戟各七十二萬人在臣等前正一功曹頭戴朱陽之幘身著絳章單衣腰帶通天之鉞手捉夜光之劍各七十八萬人在臣等之後衝天大將軍頭戴五色之冠身著錦練之袍腰帶百鍊之刀手捉九折之刃各四十萬人在臣等左橫奮大將軍頭戴玄陰赤幘身著七玉黑衣服帶百鍊黑戟各九十萬人在臣等之右功曹在上主簿在下天官在左地官在右文官在前武官在後五色之幢威儀翼

翼兼車駕馬龍虎之騎步行乘與各各相次青隊在東白隊在西赤隊在南黑隊在北黃隊在中央步楮在前細射在後賊曹在左禁防在右槌鍾鳴角隱隱闌闌五嶽軍馬伺候巷陌四海軍馬羅截九州崑崙玉京軍馬駭滿虛空各各內外相應將領諸鬼王令勅魔兵各各令殺鬼令某郡縣鄉里男女某甲辭列昔日百官子孫習俗常人千載之運得在道門末民之例奉屬大道私自欣慰蒙恩某口辭奉神不明多有考氣招延不祥自頃以來家業不利宅中凶耗萬端不吉災崇云云又某身若干月日忽得疾病狀云云慮不育活蓋聞夫道能迴死易生歸命之者無溺不濟章奏通達無往不收恩在太上事由主者臣等凡愚事在宣揚三洞之旨不忍所見煎厄之急大小元元向臣等叩頭搏頰告訴丹赤求乞救濟臣等不昧所見肉人窮命轉燭專至可憐輒為伏地拜口章一通露在臣等前玉案上如前人口章留辭事事上啓不敢越諉多

有所語唯願今日直符執案主者導候令使左右宣直官從事上下素女功曹與左社右稷擊案圭簿各七十萬人與章俱上對應天曹令事事判決文書傳達了了分明功曹小吏一合來下聽省臣等口奏書言須事訖各各還官室復位如初吏兵交關天曹必令事事判了勿使稽停停者吏兵先坐時為通達令道悉下流覆衣肉人令病者速差差者吏兵有功言功天曹加爵遷秩各各相告下上官天地之中所病人之鬼一一收而却之令病得愈醫治玉女事事按行隨病布藥令下檢核隨病狀治之了了得差差各有功賞萬等不合有恚恨治病之官吏兵各齋針藥之具與盧醫扁鵲領天下醫王與治病功曹三百六十人主生小吏二十四萬人祈請玉童七十萬人一一來下應章羅戴急令得差平復能行龍登虎步康休無他謹以元元上啓請省章言泰玄都正一平炁係天師陽平治太上中炁三洞弟子某岳先生臣某稽首再拜

上言謹按文書某郡縣鄉里同道男女官某甲年如千歲戶男女口如千人願辭所云列闔門胎生枯骨子孫蟻細常普習俗之未輪轉生死得有今身長於草野六畜不別信邪倒見非為一切先身實緣千載之運遭幸之際得入清化染法教奉屬

大道草苗之次得在天民私自欣慰但其肉人百行多違罪過狼藉者重三官以招不利頃者以來大小病疾災禍妖怪鬼精災害宅舍虛耗錢財夢景不吉又某疾病淹篤所苦云云大小相守不能有感請祈萬神禱賽無益今者厄困恐不全濟上窮下達無心自厲東西卜問龜易所推唯言某家親大祖父三十六世以來有犯天詛地詛日月之詛星辰之詛五社之詛水火之詛五盟七詛之罪先世所犯過在三官來耗害生人致令居生軾軻事云云皆恐其家七世父祖昔日生之時違天負地王逆不孝誅君截位殺害帝主方伯二千石令長大臣三公九卿尚書僕射星宿大臣或欺神慢師罵辱父母或嫌度聖

聞妄造自用或壞真宮靜治神人鬼屋偷人牛馬牲口財帛人所發覺引天及地欺神喚日指點星辰杜祠廟下更相咒詛野道復連而死者相引歷劫不休遂至彌滅子孫相呼展轉不絕地下不斷殃及後世又恐其家先世七祖父母休官仕宦枉殺無辜殺害良善訟繫賢人娶他奴婢牛馬之屬枉絕人命不以道理或謀伯叔中外之親取其錢財姪色內亂非人所知或殺人之夫圖人之妻細作兩頭交亂二國不知殺誰之父害誰之子不知殺誰之夫害誰之婦不知圖誰之國害誰之主不知殺誰之君不知害誰之臣不知殺何人之母孤何人之子不知欺誰之善殺誰之賢不知偷何人之物不知盜何人之財不知伐何人之祖不知殺何人之孫不知燒何人之屋滅誰之門先世以來亡人七祖有如此罪引逮及先亡者某家先世或有落水死者即請水葬之清涼內外朗然若以火燒死者即請火葬之赫赫飛仙無礙若刀兵而死者即請刀兵而葬之刀兵滑利利於後世

若獄市死者即請獄市葬之獄市長流世世無他若落釜石而死者請以釜石葬之釜石道暢萬草青青若虎狼害死者即請以虎狼葬之虎狼毛皮文章使萬劫通利若卧厭死者即請卧厭葬之清淨綿綿世世安吉若有病死者啞死縊死絞死刀兵斬死者各隨所屬安而葬之又恐上世亡人等有如此死者死日不言星宿不度亡者謫作在三官二十四地獄之中或世人杜廟通廢晝夜擔沙負石填江塞海不得休息亡人愁毒訟訴天曹主者求取生人自代致令其疾病危危災殃患禍皆是先世亡人死日不言不利生人與百鬼揀道來往耗害生人恐亡人生存之日取婦移徙之日葬埋之時犯觸禁忌亡人死日不言星宿不滅

今請東方角亢氐房心尾箕技出某家亡人七世父母三十六世以來殃考基謫悉令除判消然解脫上生天人之中衣食自然若在三塗八難之中者一一為遷拔之若亡人等七世父母先世以來叛道入邪反覆之愆罪

結山嶽未蒙原赦者願請太真小吏百二十人官將一合來下和愈之解否無他攝鬼等合共驅逐小鬼時行疫癘脫籍之鬼一切收而卻之若先亡後死七祖父母五逆之殃無狀之罪萬過千鈞違天負地難恕之愆一切原赦除判了了令某家七祖父母三十六世以來刀兵木索懸官牢獄市死者或木石所槌磔死者或癰腫惡瘡死者或落水火沉燒死者或有流離他方不得葬埋之者各隨其死處而葬之若某家七祖父母三十六世以來移徙嫁娶造宅所為犯觸惡星醜宿不得道理逢逆劫殺青龍白虎朱雀玄武勾陳八神禁忌以致不祥或移徙葬埋犯解大將軍太歲太陰衝破劫殺五部刺奸十二司令十二月建五虛六耗天年歲星宅中伏龍七獄吏井竈之神青龍白虎朱雀玄武六合勾陳天后所居天空天一功曹傳送太一登明天剛從魁河魁大吉小吉斗加陰陽四面注殺非尸六害高功早功天功地功水功土功金功木功時惡之鬼訟考之殃青功赤功白

功黑功黃功天覽地覽青覽赤覽黃覽白覽黑覽覆水汙地零林之鬼營傳符廟飲食之鬼殺生血食愛錢邪濁不正之神山林孟長十二溪女男孟女孟大孟小孟青孟赤孟白孟黑孟黃孟百獵鬼行破殺下官故氣山川廟祠眾邪鬼神祈禱呪詛天禱地禱大禱小禱南鄉三考司令大王立路之神三皇五帝伏羲將軍自稱五霸伐殺將軍天心太守九江大神十二水帝五道將軍左右掾吏一切禁官四海遊獵道上行客五虛六耗五毒凶吹十二不媚之鬼春秋冬夏清濁之氣歲復月連日復時連鬼賊盤結不去者願一切分別隨時解散四面呪詛黃帝五霸以來壞軍死將脫鋒之鬼光怪集聚合為精崇崑石草木蟲鼠龍蛇狐狸虎豹鳥雀眾精下官故氣六甲六乙六丙六丁六戊六己六庚六辛六壬六癸十二時上支干禁忌之鬼共為精崇羣輩相逐皆共乘車騎馬步從鬼兵拘閉生人魂魄殘害天民招喚死人七世父母三十六世以來盟詛不了地下相引逮及生人不

知某家七世父母死人從何許來姓族所由婚姻悉何方人死之日屬何郡縣何鄉里將作掾吏為何姓名皆屬星官為是何宿角亢心房心尾箕青龍七星主之位屬東方甲乙官青帝星木精主春正月二月三月寅卯辰歲月日時始春王相能消土精斗牛女虛危室壁玄武七星主之位屬北方壬癸黑帝辰星水精主冬十月十一月十二月亥子丑始冬王相能消火精奎婁胃昂畢觜參白虎七星主之位屬西方庚辛白帝太白金精主秋七月八月九月申酉戌始秋王相能消水精井鬼柳星張翼軫朱雀七星主之位屬南方丙丁赤帝熒惑火精主夏四月五月六月巳午未始夏王相能消金精魁魁魁魁魁七星位屬中央戊己勾陳鎮星土精分節王相能消水精二十八宿三十五官死人所屬諸官天兵隨事解釋又恐某家先亡後死七祖父母從無極世界以來有諸犯觸

角宿三星十二度二清二濁將從二百七十
人惡星當滅復連當絕

亢宿四星九度一清三濁將從三百五十人
惡星當滅復連當絕

氏宿四星十五度一清三濁將從三百五十
人惡星當滅復連當絕

房星四星鈞鐵二星合六星五度一清二濁
將從一百五十人惡星當滅復連當絕

心宿三星五度一清一濁將從三百一十人
惡星當滅復連當絕

尾宿九星十八度一清二濁將從一百二十
五人惡星當滅復連當絕

箕宿四星十二度一清一濁將從三百九十
人惡星當滅復連當絕

謹請東方九夷九八十一官君將從兵士
七十億萬眾一合來下主解某家七世父母
先亡後死三十六世以來所屬七宿角亢氐

房心尾箕七星都合七十五度一清八十
濁各隨所屬何星何宿一切解脫悉為消除
斷絕之皆令惡星當滅復連當絕

斗宿六星二十八度一清二濁將從三百六
十五人惡星當滅復連當絕

牛宿八星八度一清三濁將從三百六十五
人惡星當滅復連當絕

女宿四星十度三清二濁將從二百三十五
人惡星當滅復連當絕

虛宿三星十度三清一濁將從二百三十五
人惡星當滅復連當絕

危宿二星墳墓四星合六星十四度二清一
濁將從四十八萬人惡星當滅復連當絕

室宿二星離宮六十星千二百度一清九濁
將從千二百人惡星當滅復連當絕

壁宿二星七十度千清百濁將從三萬九千
人惡星當滅復連當絕

謹請北方五狄君五五二十五官君將從二
千九百萬八兵士七十萬眾一合來下主解

某家七世父母三十六世以來先亡後死所
屬北方玄武七宿斗牛女虛危室壁七星都
合九十八度萬清九千濁各隨所屬何星何
宿一切盡為解除斷絕之

奎宿十六星十六度一清二濁將從十二萬
人惡星當滅復連當絕

婁宿三星十五度一清一濁將從二十六萬
人惡星當滅復連當絕

胃宿三星十四度一清一濁將從一千四百
人惡星當滅復連當絕

昂宿七星千二百度二千清一百濁將從三
百二十人惡星當滅復連當絕

畢宿八星千六百度二清一濁將從一百三
十六人惡星當滅復連當絕

嘴宿三星十一度一清十濁將從八十九人
惡星當滅復連當絕

參宿九星一百度三十清四十濁將從八
十萬人惡星當滅復連當絕

謹請西方六戎君六六三十六官君兵士四
十萬眾一合來下主為某家解七祖父母三

十六世以來先亡後死一切死人所屬西方
白虎七宿奎婁胃昂畢嘴參七星合八萬度
千清萬濁各隨所屬何星何宿一切悉為解
除斷絕之

井宿八星三十六度二十清九十濁將從七千六百人惡星當滅復連當絕

鬼宿五星四十度二十清三十濁將從七萬人惡星當滅復連當絕

柳宿七星七十度十九清二十濁將從三千人惡星當滅復連當絕

星宿七星七度二十清三十濁將從九千九百人惡星當滅復連當絕

張宿六星六十度一百清三百濁將從九萬七千人惡星當滅復連當絕

翼宿二十二星千八百度二十清三十濁將從三百九十人惡星當滅復連當絕

軫宿七星七十二度三十清九十濁將從七百六十人惡星當滅復連當絕

謹請南方八蠻君八八六十四萬官君將從六十四萬眾兵士七十萬億眾一合來下主

解某家七祖父母三十六世以來先亡後死

所屬南方朱雀七宿井鬼柳星張翼軫七星

都合十二度九清九濁各隨死人所屬何星

何宿一切悉為解除之斷絕了了復連解散

之

魁魁魁魁魁七宿位在中央勾陳七星

戊己黃帝鎮星土精四季分節王相消解水

精璇璣玉衡明堂絳宮七星北斗共二十八

宿周天三百六十五度四分度之一十八萬

清八萬濁所請官將周遊反覆盡為解度使

惡星當滅復連當絕

又解三陰三陽子柔萬剛千清萬濁復連生

人先世祖考三十六世以來先亡後死亡人

所屬六甲六乙六丙六丁六戊六己六庚六

辛六壬六癸十二支干之上五道之神凶者

當滅吉者當出復連當絕刑屬五子五丑五

寅五卯五辰五巳五午五未五申五百五戌

五亥十二支干之神凶神當滅復連當絕解

除所屬六甲旬六陽六陰一切大神為某家

解除七祖父母三十六世以來一切亡人悉

今解脫

若亡人有犯甲子旬中千基萬譴千殃萬考

千罪萬過神將天蓬吏陰阿君與太玄玉女

請解釋之

若亡人有犯甲戌旬中千罪萬過千基萬譴

千殃萬考神將天內吏張不臨將從四百人

與黃素玉女解釋之

若亡人有犯甲申旬中千罪萬過神將天衝

吏程子恩與白素玉女解釋之

若亡人等有犯甲午旬中千罪萬過神將天

輔吏杜除君與漢英玉女解釋之

若亡人等有犯甲辰旬中千罪萬過神將天

禽吏公孫太君與拜精玉女解釋之

若亡人等有犯甲寅旬中千罪萬過神將天

心吏徐君瑤與青要玉女解釋之

正月箕星屬心宿三清三濁五寅功曹主之

不得復連後生人

二月心星房宿三清三濁五卯太衝主之不

得復連後生人

三月氐星角宿三清五濁五辰天剛主之不

得復連後生人

四月軫星翼宿三清一濁五巳太一主之不

得復連後生人

五月張星星宿四清五濁五午勝先主之不

得復連後生人

六月柳星井宿四清三濁五未小吉主之不得復連後生人

七月參星宿宿二清三濁五申傳送主之不得復連後生人

八月畢宿昴星三清五濁五酉從魁主之不得復連後生人

九月胃宿奎星三清一濁五戌河魁主之不得復連後生人

十月壁宿室星三清二濁五亥登明主之不得復連後生人

十一月危宿斗星七清九濁五子神后主之不得復連後生人

十二月女星牛宿三清八濁五丑大吉主之不得復連後生人

五柔五剛三陰五陽不得復連後生人

亡人等先生天地以來有死有生死人恐往日生存之時作諸罪原不可忍怨死入九幽長夜地獄終天畢地渴飲寒水飢食鐵丸吞服火煙千年萬劫輪轉五道徘徊塗炭流曳

八難困辱三徒長守鐵鬼無有出期不堪苦毒引速生人梯首虛耗萬端屯集宅中疾病大小不利事狀云云

但言宅中惡神殺鬼軍行師止云

東方凶神鬼王姓張名角子身長九尺三寸手捉赤棒黑索領青兵大卒十萬人專行腹痛下青面之病十二種病痛苦眼目頭頸身中索索常苦寒熱四支沉沉不能飲食食即吐逆與小鬼王名之子石家親被繫繫在三

官竈君嗔怒日日上天言白罪過殃咎男女

十二媚蟲山川社祠鬼事不了了上下相引共來病人

南方凶神鬼王姓祝名龍安領赤兵八十萬人士卒十萬人專行下痢頭痛卒病二日三日或十日或三年乃死今人吐下血四支煩

疹引三丘社祠山野鬼來病人身

西方凶神鬼王姓石名古子領白兵十萬人

吏卒六十萬人專行白下卒死聲病腫下三年七年十年乃死

北方凶神鬼王姓楊名靜領黑兵五十萬人

專行霍亂腫之病

中央凶神鬼王姓陳名允領七十萬人專行水病

東南方凶神鬼王姓原缺名達領九十萬人專行風病

西北方凶神鬼王姓林名石子領六十萬人專行頽病

三天鬼王姓石名龍領七十兆眾專行腫病九天大鬼王姓閻名強領萬鬼專行惡氣毒病病來殺人

又一鬼王姓史名符領七十萬人專行冷病殺人

又一鬼王姓趙名駒領三十萬人專行瘡病

又一鬼王姓公孫名岳領三萬六千鬼專行濕氣病

又一鬼王姓曹名文之領萬鬼專行注病

又一鬼王姓霍名光領七十萬鬼專行渴病

又一鬼王姓袁名京領三百六十萬人專行短氣病

又一鬼王姓伊名明之領七十萬鬼專行雲

中病取人小兒卒死病

又一鬼王姓季名子教領萬鬼令人生輒死

又一鬼王姓郭名林之領三千萬鬼令人刀

兵市死

又一鬼王姓揚名謀領萬鬼令人獄幽而死

又一鬼王姓乳名世明領七十萬鬼令人^{十六}魔

死

又一鬼王姓任名長領三萬八千鬼行病令

人自絞而死

又一鬼王姓羅名千領萬鬼令人赤病而死

又一鬼王姓顏名耽領萬鬼專行令人婦女

倒生病令人母子俱死

又一鬼王姓路名強領千萬鬼專行狂病令

人入水取死

又一鬼王姓呂名撫之領三萬九千鬼行迷

惑病令人心悶死

又一鬼王姓皇甫名安之領萬鬼專行聲病

短氣而死

又一鬼王姓丁名石期領萬鬼取人田蠶令

人不收

又一鬼王姓談名道之領七十萬鬼專行火

氣令人燒屋燒殺人

又一鬼王自稱無頭大將軍領萬鬼專行心

腹病死

又一鬼王姓房名車兵領三千萬鬼專行陰

拜病

又一鬼王姓仇名仲子領三萬鬼專行熱病

又一鬼王姓木名玄靈領千萬鬼專行狂病

又一鬼王姓文名進之領萬鬼專行咽病

又一鬼王姓季名兵之領七十萬鬼專行癘

病

又一鬼王姓敢名奇領六十萬鬼專行逆生

病生子即死

如此之鬼王等水火之神五斗將軍十二時

神五岳力士天丁二十六萬人與司馬季主

雲中司命地下長子八十萬人軍行師止耗

亂百姓禍害無端

又請魔天萬丈五百萬人來下禁此等鬼王

令不縱橫妄殺良善太上末民收攝鬼王各

各自止若章上之後主某家七祖父母三十

六世以來亡人考氣不解殃隨不了牽引生

人者一一令女青詔書制之

又五方統領鬼王姓胡名令領三萬九千鬼

令人不宜子而子生自死

行年在子子日病者鬼名拜丑日病者鬼名

石期寅日病者鬼名蘭卯日病者鬼名阿護

辰日病者鬼名文之巳日病者鬼名阿歡午

日病者鬼名石強未日病者鬼名張奴申日

病者鬼名小都酉日病者鬼名安侯戌日病

者鬼名阿都亥日病者鬼名文侯

直日鬼名昌子三十六萬人大鬼王屬大

統支訓支訓領七十萬小鬼王自今聞上口

章之後一切收而却之

九州鬼王姓華名川領萬鬼殺人婦女鬼鬼

王姓虎名百方領一鬼殺人鷄肥或鬼王姓

名澄領三萬鬼行白下病胡虜鬼王姓

鳥名小領萬鬼行迷惑病蠻獠鬼王姓蘭名

種領萬鬼行口痛病山鬼神王姓丘名文慶

領萬鬼行胃痛病十方鬼王姓周名庫領三

千萬鬼行脚弱病水神鬼王姓益名奔領萬

鬼行盲冥病五岳鬼王姓陽名光龍領七十萬鬼行惡食令人睡病

凡如此諸鬼王領鬼縱橫人間伺候人衰便圖害生人今日章奏聞令山川林藪世間里社符廟邪鬼惡神皆令寬走沙崩瓦解應章

消滅令主家病差萬神來助若某家親丈人若有囚徒隨作一切放遣之

東方直符大鬼名青草領七千萬鬼專行腫痛病

又一鬼王姓強名當領二千八萬鬼專行失氣病下血淋瀝不止病

又一鬼王姓表名文玄領七千萬鬼專行失魂死病人不可近救

又一鬼王姓許名靜領七十八萬鬼專行令人失魄病

又一鬼王姓樂名玉領六十萬鬼專行令人身中瘤腫病

又一鬼王姓榮名期領十一萬鬼專行心迷病

又一鬼王姓崔名石杉領三萬鬼專行陰腫病

下血病

又一鬼王姓馬名像領三萬七千鬼專行令人殺父母師徒燒人穀麥屋舍治壇令人惡病不可治入人心令人如此

又一鬼王姓吳名板領三千鬼專行令人赤黃下血病

人一鬼王姓明名長生領十二萬鬼專行令人夫妻相憎病

又一鬼王姓謝名朗之領六十萬鬼專行令人男女相憎病

又一鬼王姓謝名明之領五十萬鬼專行令人生兔狹子

又一鬼王姓蘭名進之領七十萬鬼專行令人生逆子多有內亂者

又一鬼王姓唐名祿領三萬鬼專行惡氣病

如此之鬼王與五方注鬼東方青注南方赤注西方白注北方黑注中央黃注朝死之注

暮死之注一里之注二里之注三里之注四里之注五里之注十里之注二十里之注三十里之注四十里之注五十里之注百里之注

注二百里之注三百里之注四百里之注五百里之注六百里之注七百里之注八百里

之注九百里之注千里之注萬里之注男注女注奴婢之注近注遠注青注白注赤注黑注黃注五注將軍大注小注高注卑注六畜

之注鳥獸之注草木之注日月之注星辰之注戎羗之注胡虜之注吳蜀之注夷狄之注蠻獠之注三萬七千之注凶殍之注門戶之注日遊之注月行之注大將軍之注太歲之注太陰之注五行之注四時代謝之注喪車

斗加之注死次之注行年本命三刑赤色之注雄雌之注姓名相收之注目色相當之注姓復相取之注

注從東方來者以金斷之注從南方來者以水滅之注從北方來者以土却之注從西方來者以火消之注從中央來者以木禳之五行之注各各當位自止除滅之

東方有惡黑氣者願請青帝君九千萬人領青兵士卒七十萬眾禳除消滅之

注從南方來者願請赤帝君兵馬八十萬人

領赤卒七十萬眾消而却之

注從西方來者願請白帝君兵馬六十萬人

領白卒九十萬眾消而却之

注從北方來者願請黑帝大將軍五十萬人

領黑卒七十萬眾來禳却之

注從中央來者願請黃帝君兵馬十二萬人

領黃卒七十萬眾來下斷絕之

若五方殭疾黃奴兄弟七十二人行病之鬼

乘風駕雀入人家宅中伺人衰便取人小口

一切收除斷絕之令斥去萬里

又五方注鬼自稱蒙恬赤境紀良王卒各領

千人入宅中取人小口令其瘡病

又五方惡鬼自稱武帝漢王子胥周公大臣

等專行腹脹之病

又注鬼自稱古之大王主天下大將軍來欲

病欺人詐稱家親丈人殺人小口令人宅中

多凶病疾

又一鬼王姓晏名羔子領三萬人行狂哭病

又五方五帝注鬼自稱張元伯領萬鬼行寒

熱逆瘧病

又五方注鬼自稱焦淡無辜之群領三千鬼

殺小兒

又一五方殺鬼自稱劉元達領七十萬鬼常

行七十種疫病

又一鬼王自稱鍾士季領六十萬鬼主令五

種下痢病

又一鬼王自稱趙公明領三萬鬼主令人家

中脊創傷

又一鬼王自稱史文業領七十二萬鬼主令

人腫氣而死

又一鬼王自稱姓杜名周領七十萬鬼主領

獄死

又一鬼王自稱姓宗名文侯領三千六百鬼

王令人失火

又一鬼王自稱吳王鬼領千萬鬼主令人落

水死

又一鬼王自稱田盜者領七十萬鬼主令人

心思而死

又一鬼王自稱王翦白起鄧艾之鬼領三萬

鬼行萬病殺人

又一鬼王言是皇帝大神入人家宅中驅逐

人家鬼責求血食與凶群之鬼兵獵社祠之

鬼來向之神

又請窮奇食鬼吏七十萬人一合來下次次

收食之無令落失

又某肉人大小口辭各稱一生之過得在道

民之次不能有感奉道不稱多延罪考闔門

不和甚疾病厄因懼不自免蓋聞

大道無物不濟歸命之者莫不蒙恩又本師

懸遠告訴不及見臣等同法馳來迎臣等到

宅求乞口章以自救治至臣主職任機美法

氣宣揚不勝所見肉人災厄謹為某冒罪伏

地拜口奏章一通上詣天曹并奉醮五帝乞

丐

太上老君太上丈人天師嗣師係師三師君

夫人門下二十四尊賢十二聖真慈父聖母

之氣主者為肉人某家道氣下流覆衣肉人

臣等謹按天師千二百官章本上請太上空

中五蓋大將軍十二萬人官將二千人

又請五部大將軍十二萬人

又請剛健大將軍十二萬人官將千二百人
又請赤天中官南營大兵赤兵丙子敢健士
吏兵七十萬人主收某家宅中若有五方惡
氣注鬼者次次斬其根種

又請平蒸君十二萬人官將千二百人與收
氣食氣吏收鬼食鬼吏收邪食邪吏收凶食
凶吏收病食病吏各六千萬人一合來下到
某家宅上收而食之若有凶魔惡鬼一切掃
蕩消滅之

又請東鎮大將軍九十萬人屯某家東門

又請南鎮大將軍八十萬人屯某家南門

又請西鎮大將軍六十萬人屯某家西門

又請北鎮大將軍五十萬人屯某家北門

又請中鎮大將軍十二萬人屯某家中庭

又請窮奇食鬼吏七十萬兆眾一合來下食

某家宅中五殛逢契之鬼

若有五契將軍前獵將軍後獵將軍左獵將
軍右獵將軍逢契夫人五契父母男契女契
子契孫契五千六百契官王者各共合集
百惡圖害主人家大小者一切悉為驅除之

令斥去萬里使如沙崩瓦解重請仙官將軍
十二萬人官將千二百人主收天下自稱五
野六毒之鬼百二十凶吹之神一切收而却
之蕩除宅上悉令了了

又請真天大將軍十二萬人官將千二百人
下之某家宅上收除詐稱凶拜之鬼一切却
之斥去萬里

又請太上宮中素車白馬君兵十二萬人官
將千二百人屯軍七十二萬人主收殺四方凶
殺惡鬼

又請九州刺史天子督郵兵士七千萬人各
屯某家宅門中收殺五方惡注始害之鬼一
切絕滅之

又請无上天乾宮中搖天動地君兵士八十
萬人一合來下詣某家宅上收殺屯聚之鬼

五方注殺之氣一切却之

又請高魔大鼓五胡將軍赤陽兵士七十八
萬人一合來下詣某家宅中收除屯聚殃注
鬼百邪鬼賊魁魁之鬼一切斬之
又請殺鬼大將軍兵士十二萬人官將千二

百人一合下之詣某家宅上收殺疾病人鬼
一切斬破散除却之

又請食鬼鐵面大兵騎騰蛇白虎騎驅除大
將軍七十萬人一合下之詣某家宅上收五
殛屯聚之鬼宅上萬邪考精鬼魁一切斥却
之鬼一切槌破斬滅之

又請高天萬丈大鬼百鬼中王十二萬人官
將七十萬人一合下之詣某家宅上收殺屯
聚百鬼黃奴疫病鬼賊一切收而却之

又請延命度厄君補代君各二千二百人一
合下詣某家上為病者之身補代延命度厄
五方之厄一切為度之延年益壽過災度厄
保命無窮

又請治病功曹十五人天醫太醫史盧醫扁
鵲醫吏王女各千二百人一合來下費良方
善藥神湯聖丸針灸之具入某身中行生布
氣宜針下針宜灸與灸宜湯與湯宜丸賜丸
隨病所在盡心治護取令除差調和五藏通
利百脉魂安魄定萬神備守若耳聾目冥者
上請決明君十二人官將百二十人一合來

下主為治護耳聾目冥皆得開朗聽視聰明
 又請天剛將軍殺鬼吏七十萬人虎賁吏七
 十萬人各持斬鬼鉞斧挑湯沙石一合來下
 入某宅中驅除五方凶注五猛邪精妖魁魍
 魎下官故氣宅中妨害凶神惡鬼一切誅除
 斬殺絕其根種若某家七祖父伯叔先亡
 後死生存之日有犯五盟七詛五逆大罪不
 慈不孝殺害賢良或作劫賊掠奪人物或偷
 牛盜馬誘人奴婢或掩縛良善度責生口或
 殺人父母夫妻子女或害人害主滅人種族
 或竊盜經書毀辱真正穢汚聖文叛道入邪
 捨真就偽或惡口呪詛無端欺言妄語輕忽
 神鬼或於日月星辰之下里社符廟神祠之
 中木下四野井竈之邊共相厭禱或於道佛
 治舍燒香呪誓牽引天地論訴神祇稱怨理
 直得恩忘義不賽神祇致命之後淪墜三塗
 受其考對亡人苦惱不能自拔訴論天曹引
 蓬生人將三案五案之鬼呪詛衆邪百神共
 來侵入宅中妄作禍害不止者乞巧於今章
 之後一一解除消滅之不得復令殃注之鬼

與野道之神妄作耗害若有三十六世亡人
 猶執駐不解者願諸五方解禁君十二人官
 將百二十人一合下主為某家分解上世以
 來呪詛厭禱之考悉令解散不得復來侵害
 生人若有拒違不去者願請誅殃君官將十
 二百人一合下到某家宅中收除下官故氣
 凶神惡鬼衆邪一切驅逐奔走山野勿使留
 停苟行凶暴者乞今口章表奏之後令某病
 者速得差愈闔門無他來財致寶福慶日隆
 所願諸遂萬向克從所請君將吏兵士衆用
 事收捕救濟諸有功勞者隨臣等三會吉日
 三月一時都章言功舉遷千萬不負信誓恩
 惟
 太上分別求哀臣愚謹因內外二官直使正
 一功曹左右官使者陰陽神決吏科車赤符
 吏剛風騎置吏驛馬上章吏官各百二十人
 出操臣等謹為男女生某甲家不利父母兄
 弟妻息甲乙疾病云云性命危急恐不生
 拜請天官解除三十六世以來呪詛厭禱之
 氣度星列宿消滅殃注斷絕復連制勅魔王

收鬼治病補代求生救急口啓露章一通上
 詣
 太上三天曹伏須告報臣某誠惶誠恐稽首
 頓首再拜以聞
 臣姓屬某郡某縣
 泰清如法
 太歲某年月日時於某甲中
 臣某等謹重上啓
 太上天道君太上丈人天師女師嗣師係師
 三師君夫人臣上章已訖啓事已竟重請今
 時直符直事各三十六人今日直符直事各
 三十六人今月直符直事各三十六人今歲
 直符直事各三十六人五帝直符直事各三
 十六人四時直符直事各三十六人金光童
 子玉女各十二人通章舍人十二人御章從
 事十二人今日典章吏十二人一合來下與
 左杜右稷土地之君與章俱上應對天曹素
 男素女必令通達若章上文字不正沾汚不
 成上下不合者以龍頭書刀長毛利筆等文
 削治誤字為正脫字為定必使上合無令上

官典者有所謹却下官故氣邪精鬼賊於中道斷截章文不達者收付所在近獄依法治罪費今臣等所上口章逕達

无極大道太上老君御前左君歷關右君歷啓諸官歷逕以次分別臣等下愚不明科律

懼有犯觸俯仰之儀多有不合特乞

太上弘汎之恩一一原恕若有四面惡人妄生謀議口舌云云者一切禳却之乞所奏上

聞所請者下所召者到所化者化所治者愈所誅者滅所厭者伏所消者散所解者解功

曹使者分別朱紫閉口氣升慎勿稽停臣請

伏地須待告報伏更閉氣如三養臣等上口章事訖

次納官

向來所出臣等身中功曹使者將軍吏兵各還臣等身中悉從眾妙門各依次第而入直使功曹主相差次在左歸左在右歸右纏身繞骨經緯百脉周身而體彌綸天地下入丹田上升泥丸附著臣等身中五藏六府七政九宮十二宮室四時五行百八十關機安官

隱職列居常位無令錯互臣等向所請將軍吏兵各還臣等身中入金堂玉室須臣等後召復出奉行一如故事

次復鑑

香官使者召臣等左右龍虎君急召五方使

者臣等上口章已訖當今靖室之中自然生

金液丹碧芝英在此香火之前今臣等得道

真燕以長生過度一切之人悉令升仙削臣

等死籍更上生名算錄十方素男素女玉男

玉女童男童女各侍衛香煙令臣所上逕詣

三天無極大道至真玉皇上帝凡前

太上洞神洞淵神呪治病口章

三篇同卷

上清經秘訣

靈寶鍊度五仙安靈鎮神黃縉章法

上清太微帝君結帶真文法

階六

上清經秘訣

按經旨叩齒思神兼想念之乃得飛昇

夫大道一乘分為三洞故教開漸頓人有賢

愚設法隨機要在合道然戒以防非止惡制

斷六情錄者進品登仙遠超三界故道性品

云戒行攝眾生籙引歸真一自淺之深非無

優劣從凡入聖各有等差以正一仙靈為初

戒以玉清昇玄為畢籙通玄合道契真言象

以宗其道師其人行其教遵其禮朕聞寥廓

之際真宰存焉溟滓之初聖人利見其教善

貸而不有其道日用而惟新則煥乎雲篆仙

書秘于瑤篇玉簡非握圖受籙之主不能行

其教非栖真擇賢之士不得闕其文明具有

五科太上留十戒我國家冒白雲之積慶承

玄元之妙旨合德三儀同光五聖皆以至道

滋萬類敦德臨兆人上清經云三洞者一曰洞真二曰洞玄三曰洞神各有一十二門分為三十六部尊經上應三清三十六天下應九壘三十六官府故人頭有九宮心有九孔膺有九神形有九戶三十六所也九天生神經云人受生於胞胎之中三元育養九氣結形九月神布氣滿能聲身尚神具九天稱慶太一執符帝君品命主錄勒籍司命定算五帝監生聖母衛房天神地祇三界齊臨亦不輕也登真隱訣云所論一理者即是一切衆生身中清淨道性者不有不無真性常在所以通之為道道者有而無形形而有情變化不測通於羣生在人一身為神明所以為心也所以教人修心即修道也教人修道即修心也道不可見因生以明之生不可常用道以守之生亡則道廢合道則長生也

上清經祕訣

靈寶鍊度五仙安靈鎮神黃籙章法

洞玄靈寶赤帝先生至真大法師 某甲稽首上言

上上一氣一氣上上上上無極無頂无色无光遠廓至真大道元始天尊三十二帝太上

大道君王陛下臣承元始大化諸天開宥幽牢地獄三塗五苦餓鬼死魂並出長夜一切

光明皇道既陶死骸還人三界清肅土府太平請以滅度託尸太陰寄形地官功德德少

未蒙者皆依女青符命隨所統領安慰撫卹供給營衛不得搖動使還託生人身是時諸

天大聖眾无極太上大道君五老上帝飛天神王南昌上官長生司馬好生真君諸元君

靈妃玄和王女諸真人七千二百四十童子同時彈指普告諸天諸地諸水日月星宿瓊

璣玉衡五帝五嶽諸靈山地府三官九署十二河源洞極洞淵無高無下無深無遠無邊

無際無大無小無窮無極一切神靈咸使聞知金篆玉書以付玄和王女約以今為新奉

大法不得有偏雖經天地大運正文甚明今

承女青上官舊與申明聖道為某郡某縣鄉

里清信弟子男女某甲年若干歲本命丙午

赤帝領籍七月受炁丹天稟先功未滿復在穢世塵濁所染應在滅度託命太陰寄形土

官今於中某鄉里中安官立室以為住止功德德少未能自還今為土府所見馳逼不

相容安魂飛魄魄尸形無寄謹依明真大法金篆玉書之文上請諸天自然玉宇女青符

命告下某天中九土靈官安鎮某甲身形骸地宅請下九炁青天蒼靈生神真人從東嶽

仙人乘蒼龍九千萬騎九炁天文青帝女青符命下東鄉九土諸靈官開長夜之府九幽

地獄拔出某甲魂神還付故宅應轉者轉應度者度應生者生應還者還未得生者明安

尸形撫卹營衛不得搖動如女青文以青紋之縉九十尺或九尺以奉九炁天君為技度

之信又請下三炁丹天赤靈生神真人從南嶽仙人乘赤龍三萬騎齋三炁天文赤帝

女青符命下南鄉九土諸靈官開長夜之府九幽地獄拔出某甲魂神還付故宅應轉者

轉應度者度應生者生應還者還未得生者明安尸形撫卹管衛不得搖動如女青文以赤紋之縉三十尺或三尺以奉三炁天君為拔度之信又請下一炁黃天黃靈主魁神鈕總生真人從中嶽仙人乘黃龍萬二千騎齋一炁天文黃帝女青符命下中央无極无窮无高无下无深无遠无邊无際土府一切諸靈官開長夜之府九幽地獄技出某甲魂神還付故宅應轉者轉應度者度應生者生應還者還未得生者明安尸形撫卹管衛不得搖動如女青文以黃紋之縉一百二十尺或一十二尺以奉一炁天君為拔度之信又請下七炁素天白靈生神真人從西嶽仙人乘白龍七千萬騎齋七炁天文白帝女青符命下西鄉九土諸靈官開長夜之府九幽地獄技出某甲魂神還付故宅應轉者轉應度者度應生者生應還者還未得生者明安尸形撫卹管衛不得搖動如女青文以白紋之縉七十尺或七尺以奉七炁天君為拔度之信又請下五炁玄天玄靈生神真人從北嶽仙

人乘玄龍五千萬騎齋五炁天文黑帝女青符命下北鄉九土諸靈官開長夜之府九幽地獄技出某甲魂神還付故宅應轉者轉應度者度應生者生應還者還未得生者明安尸形撫卹管衛不得搖動如女青文以黑紋之縉五十尺或五尺以奉五炁天君為拔度之信又以上金五兩或鐵五十斤以奉五帝安鎮五方某甲今應在開度之例九土地官各依部界經管侍衛供給有無令形安神守魄不離散須待功成當反舊宅受津而生願五帝哺鉛太和元精導炁養神飲以三光玄注洪泉玉芝自充光華早榮澆溢早香魂遊上清衣食自然下附官宅與景合并不相遠離同受化生今日大慶度人無量開度一切莫不咸從尊承舊法列功諸天有違女青則官罰形盟如舊制金龍驛行謹以表聞伏須告報臣某誠惶誠恐死罪死罪稽首再拜以聞

空三行

臣姓某屬郡縣鄉里

上上一氣一氣上上上无極无頂无色无

光遠靡至真大道元始天尊三十二帝太上大道君太清玉陛下

太歲某甲子某月某日某時於某處黃素章表一通金龍上呈

女青舊典以朱筆書此文於黃縉上師於亡人所在子時北向燒五香火施安五鎮而奏上黃縉章露文一宿明日平旦各埋文方面以鎮神安形行之者女青文曰九祖幽魂皆即出長夜身入光明三官判對天堂記名供其厨飯三十二年皆還其故形而更生也未得還者形骸故宅則為五帝侍衛地祇管護安慰撫卹無有搖動不出百年無不化生而得還於人道也三界簿錄甚有分明智者洞其至理考其善惡緣對報應明不虛言愚者任命謂之不然三官塗炭甚可哀哉

天眞皇人曰昔赤明天中有道士姓鄭字仁安功德未滿死於常山北戎之阿其子仲明師玄和先生以此文鎮仁安尸形官宅三十年仁安被度應還人中而為獵人所燒形骸鬱然而起今為上官南帝老君得道之跡今

題太極上宮南軒甚有分明也

天真皇人曰昔善忍國有道士姓琬字信然師無常童子受靈寶滅度昇天之傳功德未足死於青元山中埋尸於流生之洲無常童子以此文鎮其尸形百年而遇洪水所蕩於此化生今受號為元靈老君南宮書其道跡在紫微之館

天真皇人曰昔棄賢世界有道士姓浩字敷明少好山水棄家遠游功德未滿死於地鏡山下其子少信就比郭先生受此文鎮敷明尸形七百年被水火鍊度而得還人中後師黑文受昇天之傳今為玄老之帝南宮今書其道跡在北元玄憲

天真皇人曰中元天中南浮黎世界有道士姓王字度明少出遊學從屠真公受五篇文昇仙之傳功德未足死於東山廣靈之阿其子景秀詣戴仲君受此文以鎮尸形九十年遭東山大荒人民掘土覓食發其死尸而即化生後道成昇天為景霄真人

天真皇人曰此諸君皆積學滅度道業垂成

而得受此文以還生人中皆超虛步空上昇金闕受號自然也其並非悠遠世人所不能明考其近衍門子師夜光高丘子師石公洪崖先生師金母並受靈寶滅度五鍊之法昇天之衍衍門死於漁陽洛縣長丘山高丘子死於中山聞喜縣高附山洪崖先生死於武威姑蘇縣浪山中並受此文以鎮其墓衍門子四十年墓崩而形化後入蒙山大洞黃金之庭受書為仙御高丘子七十二年墓為人所發腐棺而形飛今為中嶽真人洪崖先生一百二十年墓關尸形飛騰受書為青城真人此之諸賢並受滅度之法昇天之傳鎮靈道而得崇虛凌清策空高霞遊宴紫微受號真人也此之近事非復悠遠之傳元始天王令披元始之寶籙以告太極上仙遇之者將前生萬劫錄名上清應得仙道也諸天男女可不承女青之音祕而寶之焉

靈寶鍊度五仙安靈鎮神黃繪章法

上清太微帝君結帶真文法一名文帝文出於大微文帝右出洞真第四部卷第三十一陸先生真本具出色數如左

本科受齋三十日晚金八兩鈕九雙按此法太微帝君清齋玉天受於高上玉皇分靈盟於九戶結中帶於天門投誓信於太空告命於九玄攝五靈於玉宇召萬騎於無聞之道亦曰交落之文也

其法首上部九符即是高上玉皇未兆於九空之中結自然之精出於玄母之胞澄鍊瓊胎以化成九帝之符以黃筆書之北向服之變形易容得見太微帝君乘飛霞羽蓋遊戲玄都也

中部九符即是九天清凝之炁結成自然之章經於九玄之母化生靈文以青筆書之北向服之得見太微帝君乘空飛行上昇九天也

下部五符是五帝未分之初於虛无之中結空洞之精鍊九玄之母化生成文當以朱筆書之向西服之而有五色精光乘空飛行上

昇太清男以白紋女以紫紋今廣九寸長九尺按次書之其下文云七祖充責萬劫不原皆如高上紫素盟文者此言依高上之旨已成真人合度紫素之文也故其首云當傳後聖得道之人是也

惟六

七

上清太微帝君結帶真文法

上清黃書過度儀

階七

夫弟子在師治受道不得過二十不過度二十外受道即過度當沐浴禁誦香也入靖必先啓師然後行事出入皆拜靖乃謝

謝

入靖

第一入靖陽立寅上陰立申上求過者長跪言某以內人千載有幸得染道化求法經時未蒙過度稽首歸依乞丐生活便再拜師答言今日吉合當為橋梁求者重言願蒙成就答曰當為啓白弟子伏惟受恩復再拜師便執手引之東向

存吏兵

第二俱東向正立陽左陰右兩手相持又手立陽以第二指貫陰第二三指中間各鳴鼓十二道各思所佩錄上功曹使者將軍吏兵冠顯衣服羅列行伍衛臣妾前後左右當為臣妾致四方生氣消災散禍隨事分別關啓皆使分明了然如此一通止

思白氣

第三各思丹田白氣大如六寸面鏡出在兩眉中間漸大光明照耀之頭上下灌身而體徹見五藏六腑九宮十二室四支五體關節筋脉孔竅營衛表裏一切莫不朗然如此一通止

思玉氣

第四各思玉氣春思東方青氣潤澤我身赤氣相之夏思南方赤氣黃氣相之秋思西方白氣黑氣相之冬思北方黑氣青氣相之四季思中央黃氣白氣相之仰頭以鼻納氣低頭咽之下至丹田中上昇崑崙三取三咽止

咽三宮

第五各思三元生氣正白來下周而覆身因仰頭以鼻納生氣言天一宮生氣當來生我低頭咽之令滿腹下丹田中上昇泥丸如地水咽訖仰頭以鼻納生氣天地水三宮生氣當共來生我身如地頭咽之令滿腹下丹田中上昇泥丸三宮生氣浩然正白覆身體貫達五藏六腑十二支于間如此一通止

啓事

第六啓仍俱東向長跪各鳴鼓十二通巨身功曹吏出上仙上靈二官直使正一陰陽生

氣治病功曹左右官使者陰陽神決吏官二人出者嚴裝顯服住立臣前後咸受臣口中辭語分別開啓某郡縣鄉里中真官注氣考召諸官君將吏都候四始四面監察諸官主考召四君將吏謹上啓

太上无極大道无上玄老大上三炁君將吏太上老君太上夫人諸官君將吏天師嗣師係師女師三師君夫人門下生炁諸官君將吏真人君將吏太和君將吏黃書契令腹目君將吏九炁夫人逮召君將吏陰陽生炁度道君將吏中胎真人備白君將吏中胎赤白備泄君將吏中黃戊巳百節君將吏陰陽功曹導化君將吏陰陽真炁越道君將吏監察內外開化君將吏消災散禍解厄君將吏天節地節人節三旒建節四時八節五行爲合三五功曹斗杓君將吏天地水三官考召諸官君將吏此下里中營域中化神君將吏官將百二十人故炁君將吏鬼賊君將吏臣某惶恐白臣以頑愚癡下好道樂生前後某治炁祭酒真人某甲進受真言要語八生大度

之法要當奉行謹有某郡縣鄉里男女生某甲年如千歲好道樂仙今來詣臣求乞過度奉行陰陽五行三炁先從中元一生上元一生下元一生三炁相結共成爲道願請監察內外開化君吏還神復色補炁君吏營域中

化神君將吏天地水三官考召諸君將吏當爲臣及甲解釋三官考速撤除死籍著名長生玉曆得在種民輩中願臣及甲精神專固生炁布染四支五藏各得無他所求者得所過者度口舌伏匿事竟言功不負效信臣某誠惶誠恐稽首再拜謹以上啓須報奉行

姓屬云云
大清云云

太歲云云
地網

第七越地網三過初一過言左无上中過右玄老後太上合手慈父聖母解脫羅網除我死籍上我生錄

天羅
釋天羅三過初在无上中右玄老後太上對

合手生我者甲子王文卿師父康懷我者甲午衛上卿師母姪生我活我事在大道與父母

四尋

第八朝四尋兩手相又持向寅上一拜長跪言甲寅明文章道父讚厥又縱厥十某爲臣妻消天下大災師言今有男女生某甲弟子言臣妻令從師某乙共奉行道德乞丐陰陽和合生氣布流臣妻身中釋神專固各得無他次迴向申上言甲申扈文長道母闔裡尤戎拘爲臣妻散地上八方八禍次向子上言甲子王文卿師父可妻康爲臣妻消天下大災次向午上言甲午衛上卿師母切爲臣妻散地上八方之禍况皆如實上

存思

第九對坐陽寅上陰申上求度者以兩膝著外合手陰却兩手膝上陽覆兩手又掩各珠齒十二通思无上炁正青玄老炁正黃太上炁正白三炁共爲一混沌狀似鷄子五色混黃下詣丹田中如此一過止

十神

第十思甲子甲午十神易先思甲午衛上卿
乙未杜仲陽丙申朱伯眾丁酉臧文公戊戌
范少卿甲子王文卿乙丑龍季卿丙寅張仲
卿丁卯司馬卿戊辰季楚卿願遣此十神上

詣上三天曹師言今有男女生某甲弟子言

臣妾今從師某乙共奉行道德乞巧陰陽和

合生氣布流臣妾身中精神專固各得無他

當為甲撤除死籍著名長生王曆過度九厄

得為後世種民乙先思甲子至戊辰次甲午

配甲

第十一配十二尊名言甲寅明文章道父讚

厥又縱厥十某甲申扈文長道母閨控尤戎

拘師言今有男女生某甲弟子言師某乙

過度共奉行道德乞巧陰陽和合生炁布

流臣妾身中撤除死籍著名長生王曆過度

九厄得為後世種民次呼甲子王文卿師父

康可甲午衛上卿師母切次呼乙亥
龐明心道父蒙顯託乙巳唐文卿道母閨謹

切次呼乙卯戴公陽道父契欺制乙酉孔利
公道母應律二切次呼甲辰孟非卿道父杵
祇蔭東實甲戌展子江道母媵知御次呼乙
丑龍季卿道父擎掌琦男乙未杜仲陽道
母媵

五神

第十二思五神太歲神今月神本命神行年

神今日神願遣此五神上詣三天曹師言今

男女生某甲弟子言臣妾今從師某乙共

奉行道德願為臣妾解除三官考逮解脫羅

網撤除死籍著名長生王曆過度九厄乞為

八生

第十三解手八生第一戲龍虎初左无上中

右玄老後太上臣今過度男女生某甲共奉

行道德乞巧陰陽生氣共生臣妾解除三官

考逮解脫羅網撤除死籍著名長生王曆過

度九厄乞為後世種民第二轉關初左无上

中右玄老後太上新出老君太清玄元上三
天无極大道第三龍虎交初左无上中右玄

老後太上老君太上丈人三炁君第四龍虎
披初左无上中右玄老後太上上帝君天帝丈
人第五龍虎推初左无上中右玄老後太上
九老仙都君九炁丈人等第六龍虎蓋初取
上元左无上中取上元右玄老後取上元太

上百千萬重道炁千二百官君第七龍虎張

初取上元左无上中取上元右玄老後取上

元太上太清道君太清丈人王陛下第八揖

真人初取上元左无上中取上元右玄老後

取上元太上天師嗣師係師女師

右解中元二十四氣皆言今有甲乙乞巧

過度共奉行道德乞巧陰陽生氣共生臣

妾身願為臣妾解除三官考逮解脫羅網

撤除死籍著名長生王曆過度九厄得為

後世種民都畢

第十四食生吐死法男左女右兩手相又俱

向王伸兩脚坐頭以鼻微微納生氣低頭咽

之俱卧瞑目以口微微吐死氣三卧三坐止

九官

解結食師為弟子解衣帶結散
髮告者亦解髮者結

第十五布九宮法首午天地相臨橫畫為乙
縱畫為甲

第一子九陽行下元四陰行五共
呼子九

第二午九陽行上元四陰行五共
呼午九

第三卯九陽以左手四指覆橫掩
陰右手五指上合為九置東方共言卯九


第四酉九陰仰伸左手五指陽覆
右手四指橫覆陰指上置西方共言酉九

第五申九天覆地載陽思肝心肺
脾四藏陰思肝心肺脾腎五藏合為九共言
申九位成

第六坤九
第七兌九
第八艮九
第九離九

共言水流歸末分八至丑陽以左足二指陰
以右足五指又以右手一指併足邊陽指掩
陰足指為八置丑上共言艮八還作坎一陰
陽共言坎一又命木落歸本分六至亥純陽

右足手各三合為六掩陰左足上置亥言乾六
還作震三陽以左手一指橫掩陰右手二指合
置卯上令對腰言震三又命金剛火強分二至
未純陰陽以左手伸二指橫掩陰手上置西南
對肩言坤二還作兌七陰以左手伸四指陽以
右手三指橫掩陰指上置西對腰言兌七又命
土至四季分四王巳陽以左手三指陰橫右手
一指置東南對肩言巽四還思中宮五藏陽思
肝腎陰思心肺脾各竊言中宮五又命火強炎
上自處其鄉不分位成又命二四為有陽以手
共注陰左眉上二又注右眉上四又命六八為
足陽以右足注陰左足上六陽以左足注陰右
足上八又命左三右七陽以左手陰以右手共
注陰左腰三陽以右手陰以左手共注陰左腰
七又命戴九履一陽取上元三陰取上元六下
元陰陽各半一又命五在中宮主為腹實共思
五藏陽腎肝陰心肺以心相摩五九宮位成



各言巽呼天門從乾得一便行五各言乾五
退報五又行五各言中退又行五各言巽五
退報五又言艮八高舉散三從坤便行五各
言艮五退報又行五各言坤五退報又言震
雷動澤從兌得二便行五各言兌五退報又
行五各言震五退報又言坎不獨立從離取
四便行五各言離五退報又行五各言坎五
退報又言三五縱橫齊等如一氣平

度甲首東卯度乙首南午卧

第十六躡紀第一陽躡紀下陰左邊卧乙卧

戴右手第二指甲起以左手第二第三指中

間相又持乙指舉左足於前右足橫後因舉

左足三摩乙心呪曰中央戊己百節君吏四

時八節千二百官君吏輔臣過某三橋之下

因舉左足從乙心度乙右南行西旋北轉至

乙右脇邊十一跡甲第一陰躡紀下陽右邊卧

以右手第二第三指中間相又持陽指舉右

足於前左足橫後因舉右足三摩甲心呪曰

中央戊己百節君吏四時八節千二百官君

吏輔妻過某三橋之下因舉右足從甲心度

至甲左脇邊十一跡第二散步還申更又乙

指舉左足於前右足橫後因舉左足三摩乙

心咒跡如前第二散步還實更又甲指舉右
摩甲心咒第三散步還申更乙指舉左足
跡如前於前右足橫後因舉左足三摩乙心咒跡如
前陽行繞三周而還陰左卧陽起乘魁上行
三氣三取三元三咽畢第三散步還實更又
足積後因舉右足三摩甲心咒跡如前陰行
繞三周而還陽右卧陽起乘魁上行三氣三
取三元甲因起以右手捧崑崙左手摩泥丸
三咽畢左廻三過因將面從左邊下至泥丸言左无
上三取上元因度右邊報之三過又以左手
捧崑崙右手摩泥丸右廻三過因將面右邊
下至泥丸言右玄老三取上元復左邊報之
三又以右手捧崑崙左手摩泥丸初左廻次
右廻又左廻合三周將從面上直下至命門
言太上三取三元因度右邊報之三即還左
以右手扶崑崙左手摩左邊中元左乳下左
廻三過直將下至泥丸言在左无上度右報
三又以左手扶崑崙下右手摩右中元右乳
下右廻三過直將下至泥丸言右玄老復還
左報三以右手扶崑崙左手摩泥丸左廻次
右廻又左廻合三周將面上直下至命門言

太上因度右報三即還左以右手扶崑崙左
手摩丹田左邊臍下丹田左廻三過直下將
至命門言左无上又度右報三以左手扶崑
崙右手摩丹田右邊右廻三過直下將至命
門言右玄老復還左報三以右手扶崑崙左
手摩絳官初左廻次右廻又左廻合三周直
下將至丹田左右廻三下至命門言太上因
度右報三

思三氣

復還左正偃卧思神左无上氣正青右玄老
氣正黃太上氣正白貫臣妾身六甲五藏支
中間左上下周市一身還治臣妾下丹田
中上昇崑崙山

思一官

太清玄元青氣左上下下統一官太素白氣
左上下下統一官太初赤氣左上下下統一
官太始黃氣左上下下統一官肝氣正青左
上下下統一官肺氣正白左上下下統一官
心氣正赤左上下下統一官脾氣正黃左上
右下統一官腎氣正黑左上下下統一官一

官者下丹田中有真人君治其中存思諸氣
皆圍繞一官三重下如上注

自導

思氣神都畢甲因以手自導以左手將左乳
邊至足言左无上三過止又以右手將右乳
邊至足言右玄老三過止次以左手將額上
直下下至丹田太上右手隨之如此三將三
言之便乘魁起不受三五龍行上復以右手
摩下丹田三便詣生門以右手開金門左手
挺玉籥注生門上又以左手扶崑崙右手摩
命門縱橫三言水東流雲西歸陰養陽氣微
微玄精滋液上詣師門甲又呪神男持關玉
女開戶配氣從陰以氣施我乙呪陰陽施化
萬物滋生天覆地載願以氣施臣妾身

甲乙呪法

第十七甲呪吾欲乘天綱入地紀四時五行
各自當真人不得動搖持紀綱五氣自附玄
且黃歸吾五藏自生光乙呪吾欲偃地承天
合陰陽四時五行各自當真人不得動搖持
紀綱五氣自附玄且黃歸吾五藏自生光甲

以左手扶道父呪曰一君在吾前二君在吾後為吾核除災害惡逆一切皆令消滅注左

右玄老太上三氣共生臣妾身混沌為一名曰桃康舍止北極號曰子丹衣服五色赤憤

大冠金牀玉榻五色欄干珠玉斗帳正當命門神男玉女侍兩邊陽氣左轉陰氣右旋上

至太清下至无下常遊九宮五藏六府之間領錄羣神案錄名不得通亡長在我身與

我俱仙仰頭鼻三納生氣三五七九咽陽言天道行乙言地道行便進入生門中令半首

又呪柳君姪君萬神生吾欲搖天動地五君各自諦乙呪柳君姪君丹田府吾欲動地搖

天身中五神各自堅徑進淵底閉口以鼻納生氣口吐之三珠齒言九一生其中小退還

支千數

甲子旬生天始生丙寅地始生壬申甲戌旬

生天始生丙子地始生壬午甲申旬生天始生丙戌地始生壬辰甲午旬生天始生丙申

地始生壬寅甲辰旬生天始生丙午地始生壬子甲寅旬生天始生丙辰地始生壬戌

行三五七九退報又行二四六八退報又行五氣退報六咽乙先行始生二四六八

第一陰躡紀下陽右邊卧陽卧戴左手第二指陰起以右手第二三指中間相又持陽指

舉右足於前左足橫後因舉右足三摩甲心呪中黃戊己百節君吏四時八節千二百官

君吏輔妻過某三橋之下因舉右足從甲心度甲左東行北旋西轉至甲右脅十一跡

第二散步還寅又甲指舉右足於前左足橫後因舉右足三摩甲心呪度跡如第一散步

右過陽三繞周市行三繞市陰還陽右卧陽起乘兜上行三蒸取上元三咽畢右過陰三繞周市行

第一陽躡紀下陰右邊陰卧戴右手第二指陽起以左手第二三指中間相又持陰指舉

左足於前右足橫後因舉左足三摩乙心呪曰中胎真人長三寸二分填乙絳宮攝錄生

官三萬六千神長守乙體與乙俱仙因舉左足從乙心度右南行西旋北轉至乙左脅令

成十一跡第一陰躡紀下陽右邊卧戴左手第二指陰起以右手第二三指

右足於前左足橫後因舉右足三摩甲心呪跡如第一散步還中更又乙指舉左足

悉三叩齒各呪曰三五成日月出窈窕入冥

冥真氣入正氣通神氣布道氣行姦邪鬼賊皆消亡視我者盲聽我者聾敢有謀圖我者反受其殃便二十四息止小退言太初君令半首呪曰一君在吾前二君在吾後為吾破除災害惡逆一切皆絕太陰中又小退念太素又退太始君出朱門便龍倒下陰右邊以左手扶崑崙右手摩中元三言左无上右玄老太上三取上元氣摩下元呪曰水流歸末木落歸本金剛火強土王四季因度還左各正身平卧叉手過泰清十二叩齒三五七九咽鼻微微納生氣至三五七九二十四氣都畢

還神

第十八便思還諸神陰陽各以兩手交額上各思解氣无上氣正青還臣妾左腎中三玄老氣正黃還臣妾脾中二太上氣正白還臣妾右腎中五脾氣正黃右上左下還臣脾中四腎氣正黑右上左下還臣腎中陰官左七肺氣正白右上左下還臣肺中六心氣正赤右上左下還臣心中九泰始氣正黃右上左

下還治玉堂宮中八肝氣正青右上左下還臣肝中十太素氣正白右上左下還治長命宮中太初氣正赤右上左下還治絳宮中太清玄元氣右上左下還治臣妾左腎中太清氣正青右上左下還治建高宮中太素白氣右上左下還治臣右腎中肺為華蓋宮心為絳宮肝為紫微宮膽為長命宮脾為明堂宮胃為太倉官腎為雙合使者五城十二樓常與赤子俱各還吾宮室中

王氣

第十九各以兩手相摩令熱以摩面及身體。春思肝為紫微宮其色青潤澤有光青氣從鼻中出大如九寸面鏡漸大覆面一身鬱青夏思心為絳宮其色赤潤澤有光赤氣從鼻中出大如八寸面鏡漸大覆面一身通赤秋思肺為華蓋宮其色白潤澤有光白氣從鼻中出大如六寸面鏡漸大覆面一身皓白冬思腎為雙合使者其色黑潤澤有光黑氣從鼻中出大如五寸面鏡漸大覆面一身黧黑四季土王思脾為黃庭宮其色黃潤澤有光

黃氣從鼻中出大如三寸面鏡漸大覆面一身黃黃便以右手自摩兩乳間又下手三摩左右邊丹田又偏下手從臍下摩之無復數竟叉手過頭上引氣從兩足上兩脛中上至關元中央脊脊三道上陰左青右白中黃還入泥丸中竟髮標復引氣還下陰左青右白中黃從髮本額上兩眉經面如中下入口鼻喉嚨經五藏下至兩脚十指復還上手如前法三上三下還藏下丹田中

兒迴

第二十嬰兒迴陽左屈左脚在右脚以下右手屈右脚在左脚以下左手持右脚大指引之因右地轉仍以兩手持右脚大指引之陽先以右足距陰左足陰以右足距陽左足又陽以右足距陰左足陰以右足距陽左足一往一還竊言左无上右玄老太上如此三往三還止

還止

斷死

陽將膝鵠座以兩手從額將上至足以兩手各引足大指坐又以兩手歷兩膝一過名斷陰對作因望元元陽以兩手將丹田經命門

欽還至玉父以大拇指及手脈屬面上舉手

高頭於下望玉室陰卧小舉頭望元元騰天

陽騰天踏地蝶翅而下陽兩手按黃土名曰

頭名曰騰天因下手踏地自長跪舉手高

著後名曰蝶翅而去陽以左手又陰右手俱

作龍倒三過從頭上過男左過女右次重越地網

如上初言左无上中言右无上意父聖母解羅脫網

除我死籍上我生錄次重釋羅初左无上中右无上

上生我者甲子王文卿師父康懷我者甲午

衛上卿師母姪生我活我事在大道與父母

躡時

躡十二時相又陽左足躡寅右在中言甲寅

道父十某為臣妾消四方之災陰右足躡申

左在中言甲申道母留為臣妾散四方之禍

陽次卯陰次未呪如初交已亥周寅申每一

周呪曰生我者師父康懷我者師母姪生我

活我事在大道與父母三周止

謝生

次謝生相又向寅言甲寅道父十師言向有男女

生某甲從臣某某甲從臣某弟子言臣妾從師某甲共奉

行道德蒙恩如願各得無他恩惟道父十某

為臣妾消四方之災再拜次乙卯道父契周十二時呪如寅

言功

次言功俱東向又手長跪鳴鼓十二通

臣謹啓功曹使者陰陽神功曹生炁君將吏

中胎真人赤白君將吏黃書契令腹目君將

吏此里域中真官注氣監察考召諸官君吏

天師嗣師女師三師門下生氣君將吏陰陽

生氣度道君將吏九氣丈人速召君將吏天

地水三官考召君將吏消災散禍解厄君將

吏臣妾等某惶恐白臣以頑愚好道樂生師

向啟者某郡縣鄉里男甲乙從臣妾乞

過度弟子言臣妾向從師某乞乞更相過

謹按師法與甲共奉行道德三五七九之

化陰陽之施男女更相過度蒙恩如願精神

專固兩相舍生各得無他謹遷陰陽功曹生

氣君將吏兵士詣上三天曹中宮錄署分別

遷達如天曹舊儀無令失意以宣勞苦受功

事竟各親所職保守如故願令臣等長生久

視過度災厄削除死籍更著生名玉曆為後

世種民輩中以為効信臣甲乙等誠惶誠恐

稽首再拜以聞

姓屬云云

泰清云云

太歲云云

次復官言臣妾所出契令諸官六甲諸神日

行道事還入中宮三叩齒咽

願念法三上香一心願師言今有男女生甲

度弟子言臣妾從師某乙共奉行道德和合

三氣乞長生不死願以是功德歸流臣妾身

故歸身歸神歸命大道臣妾首體投地自歸

三尊扶是功德歸流臣妾身願學道得道求

仙得仙還年却老長生無窮昇入無形與道

合同出靖時呪一君在吾前二君在吾後為

我破除四方之災皆令執仗兩手破除而出

戶

言功

上言謹按文書臣妾以頑愚六蔽好樂長生

之術真言要語奉承黃書契令大度之法要

當奉行輒有某郡縣鄉里男女甲乙年如干

歲好道樂仙今日時詣臣妾求乞過度奉

行

行道德三五七九二四六八三三之氣象思
如願精神專固各得無他謹承師法拜章一
通願為臣素身中三官考召君吏黃書契令
腹目君將吏中黃戊巳百節君吏真一君將
吏太和君將吏天節地節人節三旒建節四

時八節五行為合三五功曹斗杓君將吏中
胎真人赤白涌白泄君將吏九氣丈人逮召
君將吏此某郡縣鄉里中用事生氣諸官君
將吏等言功三百等將吏言功二百等兵士
言功五十等上詣中宮二宮調受收錄署使
曹隱職各加其秩等數加常科比無令恚恨
者某有千罪萬過併蒙赦寬臣妾及其身中
陰陽生氣通利五藏六府十二宮室肌骨堅
強面目潤澤橫行天下履載成就乞丐為後
世種民令惡逆絕滅口舌官符一切執伏以
為効信恩惟慈父聖母分別求哀操過度謝
生言功中章一通上詣上三天曹

上清黃書過度儀

太上洞玄靈寶二部傳授儀

階八

度思欲定志局第一初入壇或在堂左
第二次師仍北向禮經三拜弟子在北
向南對師禮三拜第三次師還西面東
向立思

鳴法鼓二十四通

无上三天玄元始三炁太上老君召出臣身
中三五功曹左右官使者左右捧香驛龍騎
吏侍香金童傳言玉女五帝直符各三十六
人出關啓此間土地里域真官正神臣今正
爾燒香度法願得太上十方正真生炁入我
身中所啓速運御
太上无極大道至真玉帝御前

次長跪出官曰

謹出臣某身中五體真官功曹吏出臣身中
上三天執法開化陰陽功曹度道消災散禍
解厄君吏各十二人出臣身中治職君吏某
治建節監功大將軍前部効功後部效殺驛
庭令驛庭丞四部監功謁者臣身中仙靈直
使正一功曹治病功曹左右官使者陰陽神
決吏科車赤符吏罡風騎置吏驛馬上章吏

飛龍騎吏等各二人出出者嚴裝顯服冠帶
垂纓整其威儀直使功曹戴通天之冠衣皂
紉單衣正一功曹冠朱陽之幘絳章單衣使
者冠九德之冠五色壽命單衣腰帶虎符齊
執玉板直使功曹住立四方正一功曹住立

中央治病功曹營衛臣身左官使者建節在
前右官使者持幢在後陽神決吏立左陰神
決吏立右上部功曹住立上方中部功曹住
臣身中促炁功曹催促十方上部使者遠望
上天中部使者遠瞻八方都官使者市統臣
身狼吏虎賁察軒鈞騎都官僕射天驕甲卒
天丁力士收炁食炁吏收神食神吏收鬼食
鬼吏收邪食邪吏收精食精吏收毒食毒吏
誅符破廟吏科車赤符吏罡風騎置吏驛馬
上章吏飛龍騎吏屯駐臣前後左右功曹使
者嚴裝事竟羅列鹵簿關啓靈寶官屬領仙
監齋君吏天師所布下二十四治三十六靖廬
七十二福地三百六十名山崑崙等上宮三
萬六千神日月星辰璇璣玉衡天地五帝三
界官君將吏及道上二玄三元四始四面方

位風蒸注炁甲子諸官君將吏考君君東九
夷胡老君南八蠻越老君西六戎氏老君北
五狄羗老君中央三秦僖老君五嶽四瀆丘
沼君諸廟神祇所在高山山川溪谷山林孟
長十二溪女根源本始土地之社稷將吏

一時嚴裝與巨身中功曹使者飛龍騎吏上
啓太上无極大道太上大道君太上老君太
上丈人无上玄老十方无極大道道德衆聖
天尊至真大帝天帝天師君靈寶監齋大法
師諸官君臣受法之日要當宣通法音讚揚

大化傳授後學開度天人今有某郡縣鄉里
男女生某甲潔已清行志求神仙已受三洞
大度之法玄宗難悟未極真途今齋信效心
求受天尊所演思微定志兩半圖局十戒要
訣丹情慊苦不可違逆巨輒依法與甲對齋

日限事竟今付度解脫謹拜黃縉赤表一通
功曹使者飛龍騎吏以時騰奏上詣
上上太上曹表露在玉案上分別請省
次讀表
次鳴鼓三通曰

臣重因衆真上官功曹使者飛龍騎吏分別
關奏操臣拜虔定志戒訣黃縉赤表一通上
聞清玄御前無令下官故忝邀載公文令不
上達臣閉口无昇表到
三天曹伏須告報報表伏地竟仍復官如上章法

次師起左迴還南面北向弟子還北
面南向相對師長跪曰

具位法師某岳先生臣某甲稽首再拜上啓
太上无形无名虛无自然至真大道无上元
尊太上大道君十方无極大道道德衆聖天

尊至真玄中大法師太極真人玄一三真人
天師君臣以下愚行尸臭肉宿命緣會謬荷
非分進受大法三寶尊經未能栖隱幽林超
絕塵迹又不能敷宣皇教廣建福田濟度苦
行立功補過而混同常人魔俗不别大道多

恩賜金首領得有今日規息三先恩深施重
實在罔極臣某誠惶誠恐稽首頓首死罪死
罪蓋聞神經尊貴非凡陋之徒所可施行妙
義淵蹟非賤臣小子淺識肉眼所可仰瞻臣
僥倖之運遭遇際會三洞御世搜選種人得

以穢質叨忝靈文臣受經始淺未宜宣露今
壬辰之運太平已近禍福交行自非得道之
夫年劫難保雖人心難測賢者勤求不宜閉
絕謹有某郡縣鄉里男女官道士某甲潔已
清行志求神仙已受三洞大度之法玄宗難

悟未極真途今齋信効心求受天尊所演思
微定志兩半圖局十戒要訣丹情慊苦難可
違逆今謹依玄科分券受局傳說禁戒告誓
三官約不妄宣謹以上聞須報施行臣某誠
惶誠恐稽首再拜以聞

次讀局文曰

清虛自然四炁本是一散為兩半因氤氳之
炁分半下降四體合為一受思微定志經不
行五逆上昇反乎一清虛自然因在欲時受
思微定志十戒之勳自然漸昇十方无極天
尊功德不住處於長樂不受思微定志為惡
不止自然為積下降枉魂故枉魂自然招上
半下人此半盡兩半成一盡從此入十八地
獄不住餓鬼畜生又復四體合為一為惡下
降為善上昇无色界色界欲界无色天空不

住色天空不住欲天空不住无住一切空空
无住不得住 一百七十七字

次畫一師受捉筆上弟子手捉筆下
共畫一左就右弟子隨師言曰

畫一之後謹依契令尊道貴德崇重師寶修
齋持戒救度生死自此外違負科法一如
明真之文

次破局券男弟子得左
女弟子得右

次刻環左言左七上第
子隨師而言

次刻環右言右老後刻環中言太
上師又言曰此三師即是天

尊在右其人
右在兵人

次師以環貫局募置案上

次弟子向南長跪執丹水當心師向

北啓盟曰

太上靈寶无上三洞或洞玄法師某嶽先生

臣某敢告丹水某郡縣鄉里甲乙年如千歲

操辭立誓投命詣臣求受思微定志兩半圖

局十戒要訣向已為拜黃繒章表列啓

太上衆尊願監盟君史靈寶君靈寶丈人天

官地官水官三官君吏及某家七世祖考監

見某自來求生齋戒投心所受靈妙經旨訣
約承按大法奉尊俯仰檢口慎行棄諸色累
斷絕外想靜心夷默專志在法不得混濁更
相招引以亂真悉每行大惡廣度一切國安
民豐四海寧一七祖父母皆得昇度身入光

明早生人中中大劫運終同飛上清其未仙度
五八為期不得中洩安傳非其人愆盟負誓
輕漏靈文生死父母長役幽夜風刀萬劫不
得有怨違諸禁戒一如明真之文

次弟子自誓曰

弟子某甲承真告命法師口訣不敢違負安
傳非其人殃延甲身要不負上下中央四面
八方正真神明今共吞盟水案法齋戒修行
妙旨乞弟子及師得度天災陽九百六甲申
大厄從劫到劫無有虧盈日月同曜三寶齋
輪伏受靈寶丈人三洞天文見生之恩

次師三喻丹水度與弟子三喻令盡
次師度局券與弟子長跪受男左手
取女右手取度者左手並繞腰三過
向師三拜次誦智慧三首竟迴心禮

十方次師法居南弟子向師禮三拜
心存見十方大聖在於上方乃受九
戒師說戒

天尊曰兩半成一其義有五卿等知乎二真
答曰已知不亦於彼清虛之炁因煙炏之交
分半下降就此四半合為一邪不亦或此假
一而為惡者致招自然之炁淪於三徒乎不
亦為善離此四半還登太虛復我清虛之炁
反我兩半處於自然乎天尊曰卿體之矣今
便以兩半輪轉圖局相示於空中下左真之

前天尊曰雖得此訣要當以九戒為本

一者不殺當念衆生

二者不淫妄行邪念

三者不盜取非義財

四者不欺善惡反論

五者斷酒常思淨行
六者宗親和睦無有非親
七者見人善事心助歡喜
八者見人有憂助為作福
九者一切未得道我不有望弟子某受戒

終身修奉禮師三拜

次弟子行詠智慧五首讚敬華唱善禮三拜

太上玄虛宗 弘道尊其經 俯仰已得仙

歷劫無數齡 巍巍太真德 寂寂因無生

霄景結空構 乘虛自然征 日月為炳燭

安和樂未央

學仙絕華念 念念相因積 去來亂我神

神躁靡不歷 滅念停虛閑 蕭蕭入空寂

請經若飢渴 持志如金石 保子飛玄路

五靈度符籍

濟我六度行 故能解三羅 清齋禮太素

吐納養雲芽 逍遙金闕內 玉京為余家

自然生七寶 八人坐蓮華 仰嚼玄都捺

俯舍空洞瓜 容顏曜十日 奚計年劫多

法鼓會天仙 鳴鐘徵大魔

靈風扇香華 燦爛開繁袿 太真撫雲璈

眾仙彈雲琴 雅歌三天景 散慧玉華林

七祖昇福堂 由此步玄音 前世德未足

斯書邈難尋 信道情不盡 圖飛乃反沉

太上無為道 弘之在兆心

唐八

學道由丹信 奉師如至親 挹景偶清虛
孽孽隨日新 眾人未得度 終不度我身

太上洞玄靈寶二部傳授儀

洞玄靈寶八節齋宿啓儀 階元

法師冠帶執簡引道眾依位幡花幢節一

如常式

晝入戶祝叩齒三通呪曰

四明功曹通真使者傳言玉童侍靜素女為

我通達道室正神上元生氣入我身中 呪畢

左足右足隨之

夜入戶祝叩齒三通呪曰

四上功曹龍虎使者正一生氣侍靜素女夜

有所啓願得開明童子上去少女與我俱入

皇宮之裏通達所啓皆使上聞 呪畢

次旋行遶高座一而還西向東平立

次都講唱各禮師存念如法

思經師所在之方心禮三拜願師得仙道我

身昇度

思籍師所在之方心禮三拜願師得飛仙為

我開度七祖父母早昇天堂我得道具昇入

無形

思度師所在之方心禮三拜願師得昇度上

登高仙為我開度五道八難名入仙錄我成

真人凡六特行道皆先禮神法輪起所誠

清且行道思青雲之氣而滿齋堂青龍獅子備守所處仙童玉女天仙日月星宿五帝兵馬九億萬騎監齋真事三界官屬羅列左右威儀肅肅不有懈怠

日中行道當思赤雲之氣朱雀鳳凰備守前後而滿齋所

日入行道思白雲之氣而滿齋堂麒麟獅子白虎備守四方仙童玉女一如清旦之法又閉目內思五嶽五仙五帝備守身中金映蓋一。體體作金色從肺後出項有圓光如日象使照明十方身中了然盡見內外六時並同

鳴法鼓二十四通

无上三天玄元始三炁太上老君召出臣等身中三五功曹左右官使者左右捧香驛龍符凡騎吏侍香金童傳言玉女五帝直符直日香官各三十六人出關塔此間土地里域具官並速出嚴裝臣今正爾燒香奉為大道弟子修建其節靈寶宿格妙齋一日一夜三時行道三時轉經願得

太上十方正真生炁降流臣等身中令臣所啓速達運御

太上無極大道至真王帝御前

各稱名位

上清玄都大洞三景弟子奉行靈寶宿格妙齋法事臣某謹同誠上啓

虛元自然元始天尊無極大道太上道君太上老君高上玉皇十方已得道大聖衆至真諸君丈人三十二天帝玉虛上帝玉帝大帝東華南極西靈比真玄都玉京金闕七寶玄臺紫微上官靈寶至真明皇道君玄中大法師三界官屬一切神明臣等謹相攜率奉為大道弟子修其節靈寶宿格妙齋即夜宿塔法堂朝真騰奏開度齋主家九玄七祖亡靈眷屬上為

皇帝宰輔大臣土地州牧縣宰次及經籍度師旁及幽栖志士同學之人九親門族天下人民蚩飛蠕動蚊行喘息一切衆生今故燒香歸身歸神歸命

太上無極十方靈寶自然至真無上大道伏

乞原赦齋主前世宿世今世生死宿罪重過得免離三惡之道十苦八難九厄之中超度輪迴早昇天堂次及家門眷屬長幼女男福慶咸臻壽無極臣等身得道真飛行虛空白日昇天侍衛道君道遙無上金闕七寶玄臺自然官殿永與道合所啓玄感應聲上御至真無極道前

禮十方
懺悔
臣等至心歸命

禮十方

懺悔

十方無極大道太上靈寶天尊奉為齋主弟子存亡兩代九族宗親仰慮稟性昏蒙行非正道或天傷物命違戾天常凡所云為罔知避忌陰罪陽過無量無邊乞今燒香行道一蒙蕩滌凶凶成吉所願盡諧伏願法事通流無諸譴却方期悔謝蒙獲感通稽首歸憑正真三寶

禮經
三禮
重稱名位

禮經

三禮

重稱名位

上清玄都大洞三景弟子奉行靈寶宿啓妙齋法事臣某等謹重上啓

虛无自然元始天尊太上道君太上老君無上玄老十方靈寶天尊已得道大聖眾至真諸君丈人玄中大法師天師君上相上宰三

界官屬一切神靈臣等兆劫垂因千生流俗獲聞玄教得悟化源三洞金書備詳奧妙五千深旨伏覽希夷而乃根地浮危智源膚淺不能遺形獨往永匿巖高猶以小善為功莫先開度凡有來情理合申奏

讀詞

按如詞言情唯丹切仰憑大道開度存亡謹相攜率滌慮洗心為修其節靈寶妙齋一日一夜三時行道三時轉經法天象地秉燭焚香宿露懇誠冀其通感恩惟

太上三尊十方眾聖監齋大法師垂神鑒映省覽所陳乞勅勒靈寶官屬土地真官悉令同心併力營衛齋所滌蕩內外誅滅思賊令臣等心安神定招真致靈齋功克成無有窒礙敬依齋法說戒威儀使同齋之人咸服法

訓明晨行道續更啓聞

東向平立誦智慧頌北向首體投地迴心遍禮十方眾官東向法師西向說戒威儀如法

天尊告太上道君曰今當普宣法音開度羣生為諸男女解災却患請福度命拔諸苦根使生者見道身脫八難死者歡樂飲食天堂早生人中轉輪聖王修齋行道皆當一心請奉十戒諦受勿忘專精默念洞思自然勿得雜想撓亂形神能如是者便當靜聽

第一戒者心不惡妬無生陰賊檢口慎行想念在法

第二戒者守仁不殺愍念羣生慈愛廣救利及一切

第三戒者守貞讓義不淫不盜常行善念損已濟物

第四戒者不色不慾心無放蕩貞潔守慎行無玷汗

第五戒者口無惡言言不華綺內外忠直一不犯口過

第六戒者斷酒節行調和氣性神不損傷無犯眾惡

第七戒者不嫉人勝已爭競功名每事遜讓退身度人

第八戒者不得評論經教毀聖文躬心冰法常如對神

第九戒者不得鬪亂口舌評評四輩天人咎慘損傷神氣

第十戒者舉動施為平等一心人和神穆行使常然

天尊言修奉十戒每合天心常行大慈願為一切普度厄世謙謙尊教不得中怠寧守善而死不為惡而生於是不退可得拔度五道不履三惡諸天所護萬神所敬長齋奉戒自得度世

天尊言道尊法妙人身亦貴故道開法遺戒經文以度人身身既度上與道同宜為精行持齋奉戒爽心靜默志念分明一意歸向專想不二滌蕩六府過中不三內外清虛每合自然是其齋日捨香塔願應心上徹四天

司邏十部威神即下瞻履行道觀聽法音鑿
映爾心如戒行道皆列功諸天禍福立彰道
不負人勤行諦受勿使魔言

天尊言建齋行道四天帝王皆駕飛雲綠駟
八景玉輿從真人玉女手把華幡前導鳳歌

後從天鈞白鶴獅子嘯歌色色燒香散花浮
空而來瞻履行道觀聽法音天王下降萬靈
朝焉能如是者豈可不盡其法也先當受十
戒然後行道庠序雅步靜心閉意坐起臥息
不離儀格天王歡悅列名上清可謂得道方
寸之間矣

復鑪

香音使者左右龍虎君侍香諸靈官當令修
齋之所自然生金液丹碧芝英百靈衆真交
會在此香火案前令齋生家眷康寧年壽延
遠先亡遠逝咸獲超昇一切生靈共資休慶
歲時蒙祐天下沾恩十方仙童玉女侍衛香
煙傳臣向來所啓逕達
玉皇上帝御前

奉戒頌



小學仙讚

回向讚

於玄師前散如常儀

真

洞玄靈寶八節齋宿啓儀

洞玄靈寶五老攝召北酆鬼魔赤書玉訣

此赤書乃學道之士之切
要惜其原闕尚俟考補

靈寶八威神策訣

當朱書三天太上召伏蛟龍虎豹山精文著
一銀木板上又書記年月師姓諱著一板上
合二板納囊裏朱書次文著一板上著囊外
凡三板合封為神策如傳之狀
板悉用銀木長一尺四寸廣二寸四分以絳
紋之縑作囊令長一丈二尺衣之封外板上
下頭印口中元始五老之章

當以相函絳文作衣函以請策文著別室
燒香左右精心供養受以佩身天下神靈朝
夕朝門給五帝玉童玉女各一十二人出入
遊行五帝侍衛三界司迎生死無復三惡之
難不經太山運升九天衣飯自然位同太極
要自成仙

受學道士佩此文施行神呪以策文指天天
神下指地地祇朝拜三界束帶指神神禮指
鬼鬼自滅爽指水水神通大劫數交洪災四
會以策召龍龍為負身長修積感神靈交會

所在施召舉嚮立到千變萬化適意所從出入行求位準太極皆前道飛龍後從天鈞鳳嘯鸞鳴十二華光建二七色節命靈之懺精思九年天儀自備

靈寶八威神呪

元始太真五靈高尊太華皓映洞朗八門五老告命無幽不關上御九天中制鄧山下領河海十二水源八威神呪靈策玉文召龍負水收氣聚雲束魔送鬼掃蕩妖羣萬精摧落所誅無蠲日月五星北斗七元諸天諸地諸水諸山玉真所部冥靈大神仙王遊宴五帝伏懺天下前驅金虎後奔攫天猛獸羅備四門所呼立到所召立前赤書煥落風火無間有所攝檢金龍驛傳畢叩齒九通仰天三嘯引天氣三咽以策文指所告之地閉氣九息而止

元始五老鎮靈求仙禳災玉訣

道士隱學書青帝赤書真文置東方則東嶽仙官至長齋百日精思靈寶尊神則天真下降給青要玉女九人取東嶽神仙芝草不死

之藥青帝鬼魔遠舍九萬里一方凶悖惡獸毒螫皆不生害心反善仁人長齋修行二十四年身得神仙但佩此文亦得尸解轉輪成仙

國土東方及春三月有災欲使東鄉安鎮當赤書青石上鎮東方九日災自滅凶逆自消一方仁人蒼龍來翔善瑞自至國土太平書文佩身却諸禍殃身無患橫常與神明相當保國寧家享福無窮

道士書赤帝真文置南方則南嶽仙官至長齋百日精思靈寶尊神則天真下降給朱陵玉女八人取南嶽神仙芝草不死之藥赤帝鬼魔遠舍八萬里一方凶悖惡獸毒螫皆不生害心反善仁人長齋修行二十四年身得神仙但佩此文亦得尸解轉輪成仙

國土南方及夏三月有災欲使南鄉安鎮當朱書赤石上鎮南方八日災自滅凶逆自消一方仁人善瑞顯明鳳凰來遊白鸞飛鳴天人歌詠欣國太平書文佩身萬天不生穢凶却穢生致神靈福慶無窮延年長生家致興

隆國祚安寧

道士書黃帝真文置中文則中嶽仙官至長齋百日精思靈寶尊神則天真下降給黃素玉女十二人取中嶽神仙芝草不死之藥黃帝鬼魔遠舍十二萬里中央凶悖惡獸毒螫皆不生害心反善仁人長齋修行二十四年身得神仙但佩此文亦得尸解轉輪成仙

國土中央及四季月有災欲使中國安鎮當朱書黃石上鎮中央十二日災自滅凶逆自消四方和睦善瑞自生麒麟來歸白虎遊庭國豐民富普天安寧書文佩身萬災不經身康氣強五宮精明長保家國永享利貞

道士書白帝真文置西方則西嶽仙官至長齋百日精思靈寶尊神則天真下降給太素玉女六人取西嶽神仙芝草不死之藥白帝

鬼魔遠舍六萬里西方凶悖惡獸毒螫皆不生害心反善仁人長齋修行二十四年身得神仙但佩此文亦得尸解轉輪成仙

國土西方及秋三月有災欲使西鄉安鎮當朱書白石上置西方六日其方災自滅凶逆

自消西方自歸善祥來遊靈獸飛軒金雀銜符五老歸賓國寧民休書文佩身神明交遊災不加身與五帝同厨子孫昌熾世享王侯與善因緣何慮何憂

道士書黑帝真文置北方則北嶽仙官至長

齋百日精思靈寶尊神則天真下降給太玄

玉女五人取北嶽神仙芝草不死之藥黑帝

鬼魔遠舍五萬里北方凶悖惡獸毒螫皆不

生害心反善仁人長齋修行二十四年身得

神仙但佩此文亦得尸解轉輪成仙

○國土北方及冬三月有災欲使北鄉安鎮當

朱書黑石上置北方五日其方災自消凶惡

自滅北方自寶善瑞日昌地藏發泄金玉露

形天人歌詠國富民豐書文佩身萬災消亡

壽同天地福祿永光所向所求莫不利貞子

孫昌熾世出賢明

道言學至道上法修奉齋戒思神念道上希

靈真滅魔却試皆當先按靈寶上元舊格施

安真文鎮於方面靈真降室五帝官屬侍衛

門戶鬼魔消滅所向成從赤書青帝真文於

青繒上置室東壁赤書赤帝真文絳繒上置南壁赤書黃帝真文黃繒上置中央丹書白帝真文白繒上置西壁赤書黑帝真文黑繒上置北壁施安五篇於齋堂之中朝暮燒香隨方禮拜不得雜俗異人干入堂內此皆方

方各有威神玉童玉女侍衛犯之奏罪九天冥考立加奉者明慎禁忌

九氣青天中有元始青靈之童諱開陽青典

青帝亦書真文青靈童長九寸衣青羽衣手

執青麾侍文左學者應思此神降已身百日

○精念靈真見形所求立感有佩真文此童亦

恒在已肝府之中致青芽之精

三氣丹天中有元始赤靈之童諱丹淥珠典

赤帝亦書真文赤靈童長三寸衣赤羽衣手

執赤節侍文前學者應思此神降已身百日

精念靈真見形所求易感有佩真文此童亦

恒在已心府之中致赤芽之精

中央黃天中有元始黃靈之童諱洪瑛典黃

帝亦書真文黃靈童長一寸二分衣黃羽衣

手執黃鉞侍文中央學者應思此神降已身

百日精念靈真見形所求立感有佩真文此童則恒在已脾府之中致黃芽之精

七氣素天中有元始素靈之童諱明石流典

白帝亦書真文素靈之童長七寸衣白羽衣

手執白旗侍文右學者應思此神降已身百

日精念靈真見形所求立感有佩真文此童

則恒在已肺府之中致素芽之精

五氣玄天中有元始黑靈之童諱五滋典黑

帝亦書真文黑靈之童長五寸衣黑羽衣手

執黑幢侍文後學者應思此神降已身百日

○精念靈真見形所求立感有佩真文此童則

恒在已腎府之中致玄芽之精

此五帝靈童與元始五老同生主五篇真文

上統九天之氣下領五嶽中主人五藏引五

芽之精補養人身服食五芽不知此神終而

無感徒勞疲勤

洞玄靈寶五老攝召北鄴鬼魔赤書玉訣

四聖真君靈籤

降靈勸世格言

納一

矯妄求榮 名譽不揚 剋剋致富 子孫受殃

行思布德 福祿來翔 寡欲薄私 專命商長

毋欺暗室 毋昧三光 正直無私 赤心忠良

天地介祉 神明衛旁 延生度厄 必濟時康

我言能依 百病消洋

几禱之時 先念鄉貫某處某人為某事上啓

天蓬大元帥真君天猷副元帥真君翊聖保

德真君真武靈應真君天地神祇萬物皆知

吾今卜課善惡扶持凶應凶兆吉應吉期判

斷生死決定無疑

魁魁 第一籤 下下 守舊

曉來昏去苦營營 只見金資不見人

縱使畜藏為朽腐 直須將火化為塵

飛龍變化喜逢時 此日昇騰果逐期

謀望求財多吉慶 求官進位更無疑

猛烈將軍朝上闕 豈容小意動干戈

直須拜謁金門下 上下王侯氣色和

聖意云逐利哀棄真就支積不能散反報

其謗且守其常不宜謀望公訟莫與婚姻必
旺病者遲瘥出行阻障動作不及無門可向

占秋吉春冬不吉脫貨吉公訟無事買賣

出入無利縱有輕微見人費力病五十以

下難久淹年少宜早得在床遲無妨犯土

瘡瘡不妨暴病少者七日得汗大命吉婚

相尅夫入舍凶占頭死人凶求醫學藝

業不吉走失早晚見遲難尋借物多無少

有遷移凶只宜守舊家宅人口有土并禁

忌不寧修福保之生產宜快遲難求官陞

職大吉脫貨便脫文書未定遲不成托人

虛誑買貨便買謀事成事有阻種田無收

見貴人便見遲不濟針灸選好日吉

惜花選值兩愛月黑雲生筵前無一事猶

若是非爭

魁魁 第二 大吉 動用取進

早覓安身保利宜 精依古法莫逾時

革除所弊人常顧 果協心懷享大提
虎出大林須動衆 衆人見了却憂疑
雖然未解傷人意 亦主虛驚事可疑

山居豈有喧譁客 只好修心辨已高
萬事於中且寧耐 用心燒煉只徒勞

聖意云循規守矩如法立身又靜思動常切

精勤遷移吉利謀運從心結親和合病者從

輕百事暢懷公訟欣欣聖籤之守所欲利事

占婚姻吉置貨財輕脫貨吉移居吉公訟

無事家宅人口平安求官遲陞職名分宜

快病宜作福老者難少者或好或惡服藥

有阻瘡瘡不穩出行遠宜少人吉行人至

如不到兩月方歸失物在宅內宜早尋還

不見人口失吉以後見行人不到一二日

有信脫貨脫事便脫後遲孕難生女修

福日下生求醫入學吉托人用事二人方

吉交易吉文書有阻後吉借物三人吉買

頭疋田宅宜快利

有祿重歡慶枯楊半樹開向前求吉事晚

日稱心懷

魁魁 第三 中平 否極泰來
用盡殷勤望有功 反為讎怨慘愁容
須愁寶貨多虛耗 何苦區區不守中

否極從今喜泰來 龍泉磨拂舊塵埃
英言守已無他望 閉戶深居也獲財
居官必有人譏倭 得職終須後職高
只好在家安守道 自然家內遇英豪
聖意云時運大謬不能守常殷動用盡反受

其殃失物招禍動作不良凡事求用早計潛
藏大主損財宜守其常

占買物田宅人口頭疋難見貨快買再去
添價不賣有利病老少若不應時先凶後
吉宅神不寧婚姻尅夫費力不成種田費
力無收守舊脫貨好公訟事難謀事成事
難舊基業好新難去失人口頭疋難尋產
孕生分稅難子母凶宜作福生男托人用
事不濟有阻文書不濟損財遷移不利借
物無交易與販不利

守舊還逢吉更張必見危鼎身虧一足烹

鈺但隨時

魁魁 第四

中平 謹守

莫言小疾弗須憂 日月遼巡不易留
能向道中圖早計 庶幾危厄獲全收

勞心費力欲成功 待得花開一陣風
須得東君輕借力 望中別有一枝紅
風催閃電雷為使 水有蛟龍早有妖
二物若能俱不避 依時順節足為高
聖意云謹微守已一心事神舊願早還免受

其殃公訟不利莫占婚姻出行宜止在路邊
巡財貨平平病者縱免凡合天道先暗後明
占病有道願先凶後吉久淹不妨年老難
瘡瘡宜保福產難宜快先凶後吉買賣微
見人宜快有二三分種田早收遲無脫貨
快婚姻不吉入舍過房凶出行心動身不
動行人二三日至如不至遲公訟吉破財
買頭疋快成遲難求官陞職名分遲不遂
買物田宅宜快遲不成走失目下見如遲
一日不見成事勾當宜快遲更變家宅人

口不利保福安托人用事宜貴人遲不成
交易難成與販宜快遷移凶借物便借有
人阻文書目下見遲不成求醫學業遲難
安居且慮危深情有別離未能求善果先
防預損枝

魁魁 第五 中平 利益動用

好將心意共圖謀 利益源源合所求
休向此中忘善果 保全衰朽浪中舟
行船風順去無疑 利涉江津正遇時
萬里長城知可到 所謀遂意事如期

二人商賈求財利 便好登途離本地
三五七朝到長安 貨物交關莫守市

聖意云最宜交易同心共謀若占老病危厄
孤舟婚姻叶吉謀望可求疾者進退不解無
憂行人即至訟不拘留田蠶吉利家道優游

占財買賣置貨好合伴不吉公訟無事婚
姻吉種田有收出行吉行人早晚至求官
陞職利病三五十以用無妨四十以上進
退宜快保福瘡瘡平穩老者主死買田宅
人口頭疋吉家宅老危少安托人用事快
吉遷移大吉走失遲見謀事成事三二日
宜快幹遲不濟產孕雙日得平安吉脫貨
有利便脫與販吉文書交易不成
作本成輻用須憑巧匠裁重山成錦綉花
落又重開

魁魁 第六 大吉存心卦利益動用

欲求文墨作基圖 何用懷疑設計謨

但要存心公且正 自然交易利贏餘

駕鸞阻隔兩分飛 謀望求財未得時

守舊却宜休改革 如今進退尚遲疑

安居正好村庄內 若欲遷移不為慮

若逢孤勢也安然 利益變財那可對

聖意云凡動文墨公訟無失凡在謀望百事

安吉問親和合契書進入公訟得理疾病不

卒動作徒心萬無一失

占財求輕微見謁耐財不少買貨吉脫

貨吉煩事小公訟吉種田薄收出行宜

快行人即至病老不妨少者三二日好又

淹難瘡瘡平息婚姻好和諧入舍俱吉利

家宅人口平安交易便成遲難成買田宅

人口大吉謀事成事先難後易產平息生

男貴吉求官陞職大利遷移吉利托人用

事先難後易文書有氣相吉利

魚化龍時變休言霖雨開碧雲重見喜霖

兩一聲雷

魁魁 第七 上上 佳澤卦二奇動用

纒發精神叩上穹 沉痾頓瘥有神功

非論長幼當佳澤 運用如耕遇歲豐

枯木逢春色欲華 頰然枝盛長萌芽

時人莫得為柴斫 若待春深又吐花

正去浙東求買買 江西便說有新茶

潮東買賣且休去 買得茶來錦上花

聖意云內秉精專感格易求雖處爰擦矣用

多憂病者漸瘥宿疾亦瘳福自天佑從人所

修長幼安吉訟不拘留營謀有望耕佈全收

占財有三四分置貨勾陳脫貨違公訟吉

移居吉脫事吉托人用事遲成交易走失

難尋出行吉行人一二日至病老少無妨

宜禱上蒼吉瘡瘡平息言買頭疋田宅人

口吉婚姻吉謀事成事勾當有小人無妨

破財吉家宅人口平安與販言產平和求

官吉未達公卿位青雲可布隨春光無限

好映日照瑤池

魁魁 第八 下下 否塞守舊

艱難基址倦扶持 役役貪污不見機

畜產損傷為小失 更於人口致憂疑

因見漁舟上逆灘 漁舟泊此且盤桓

前灘過了由閑事 更有後灘過更難

心中用事意難為 汝若為之吉自虧

正是失財行道處 波瀾涵湧沒明珠

聖意云素有祖業不自守持貪心無厭徒役

機關鉅產致損家春傷悲所謀莫望病者瘥

遲訟者失理動涉逃危但宜守舊莫外思惟

占財買賣輕微置貨財穩求事不成公訟

有主張移居吉脫貨違種田看時節出行

凶行人二三日至如不至財有失災病老

凶少淹滯不妨瘡瘡難遲瘥交易不利婚

姻初婚無妨重婚不中求嗣凶訟先難後

易買田宅人口頭疋凶謀事勾當准與販

不吉失物難尋人口災晦不吉產孕艱難

托人用事難成求官陞職名分遲

財寶逢時變如何事不歸手指斜陽日孤

舟未肯休

魁魁 第九 上上 享福出塵

久思去故與維新 恰遇真嘉志豁伸

人宅泰然無別慮 韶光賸迹出埃塵
蘭芳春景香堪愛 菊吐秋香又更佳
乾坤各自為情意 不解東風次第開
兩頭事意問如何 只好隨緣恐懼過
且守時來不多久 雖然不大也摩呵

聖意云否極泰來將伸其志又宅安樂出塵
拔萃所作所謀為無不遂守舊平平幾成自
墜交易無阻田蚕周備更改動用必獲如意

占求財更改則吉置貨吉脫貨吉移居吉
公訟吉諸事少成種田三二枚婚姻初婚

○吉重婚平平求嗣吉出行吉行人二三日

至病老者難少者久淹亦難痘瘡祈福吉
公訟吉置田宅人口頭疔吉利謀事成事
宜快勾當有失物便尋遲不見求官陞職
不違家宅人口平安借物休言產孕平穩

文書遲吉交易遲不成托人用事恐不成
興販大吉

累月多逢雨光華始晚晴舉頭天上看昏
月漸分明

魁躔 第十 上上 吉祥

美譽洋洋襲吉祥 門庭嘉慶喜非常
鳳凰呈瑞何由致 德行光榮世代昌
不論平地與山尖 無限春光總被沾
揀得百華成蜜後 為誰辛苦為誰甜
黃榜招賢膽氣諧 正宜春色入門來

得官終是為官顯 不若家間穩得財

聖意云君子道長小人道消求名得遂顯達
皇朝孕生貴子後慶豐饒投書獻策樓占先
標常人所占未可圖超依稀守舊幸免災妖

占財君子貴人有小人輕微置貨吉脫貨

○便脫移居吉公訟吉種田看時節平平交
易便成遲不濟家宅人口平安出行吉小
人守舊行人一二日至病老少艱難痘瘡
亦然婚姻君子貴人初重婚吉入舍求嗣
吉小平興販吉買田宅人口頭疔君子吉

小人難文書貴人吉小人不和謀事成事
君子權願小人元用產君子生貴小主人主
離借物君子吉小人無用失物慢慢尋遲
移吉求醫學業吉托人用事吉小人不濟
求官陞職除授吉

做事好寢心安身日漸榮殘花如舊色前
朵足豐盈

魁躔 第十一 上上 勤持動用

莫傷蹤跡久塵淪 幸有真儒席上珍
守節不應常道賤 却看砥礪喜通津

囚人出獄爭訟了 却買甜瓜上酒樓

偶見故人同暢飲 酒錢還了又相酬
去時事意何能速 若奔長安三日程
不若在家聽消息 事須自己見光榮

聖意云懷才抱藝久困塵埃時將得路亨達
有謀最宜圖望不可能徇婚姻平穩公訟無
失不宜守舊恐有卑推

占財儒士買賣有十分置貨財輕脫貨好
脫移居不吉公訟吉諸事阻節行人三二
日至如不至有實信出行吉利病者差三
五日不妨久淹有善願痘瘡吉婚姻吉入
舍求財吉公訟宜和買物田宅人口頭疔
有阻准成產孕生貴子平穩諸事成事宜
快遲難勾當托人向前言家宅人口平安
文書有氣相交易宜快遲不成遷移興販

吉求醫求官陞職名分吉借物宜快有人

破

自有心中意何人若得知龍飛方見網羅

兩正當時

魁魁 第十二 下下 污行不明

污行欺心昧彼蒼 鬼神常切守行藏

若教慢易能微福 不向人間別善良

楊花風捲無消息 恰似襄王一夢中

夜靜月明風細處 空飄零落惹芳叢

可知笑殺人間客 昨見他貧却有錢

若不用心終不得 須知已後得週全

○ 聖意云內外傾欺鬼神不佑凡事動作必懼

凶欲若謀若為舉難成就消譴謝過庶懷容

欲舉動未遂且宜守舊此籤大吉百事皆謬

占財買賣置貨吉脫貨好有財公訟吉移

居不吉帶四二十六四十八三十四用事

出行主有災行人三二日到如不至在外

有事病老少犯土并呪愿出宗在外有家

先求之新願早還遲難保瘡凶保息吉

婚姻入舍大凶求達陞職名分不達買田

宅人口頭疋不言謀事成事勾當俱不利

產孕難家宅人口不寧宜保福托人為事

不濟人物難尋

通達翻為厄憂疑亦緊懷素河遠未過祈

福免凶災

魁魁 第十三 中平 堅勤守舊

立性恭勤不慢神 與人交易自均平

如何動得冤讎報 孰若收心且守成

花開結子喜逢時 賴得春工造化機

求望所謀皆遂意 衣錦還鄉事可期

○ 事意長時時意長 中間一段最高強

依時可用無心慢 衣錦還鄉拜父娘

聖意云素懷敬信不慢於神行止公正不欺

於人人將歸怨反累其身何如求靜且守其

真不宜謀望守舊惟新

占財平置貨不吉動用不吉公訟不吉種

田看時節出行不利行人未至病不問老

少久淹寧公耐時急難脫祈福保佑瘡瘡

亦然婚姻入舍求嗣平平走失耐心後見

買田宅人口頭疋宜遲成求官陞職有名

分家宅平安謀事成事勾當耐亦不宜

快產孕安心平難借物不濟求醫學藝耐

心遷移不利文書遲見

碌碌心無定耕田力上輕待時方可用雲

散月重生

魁魁 第十四 下下 不寧

是非無別鬧啾啾 訴訟慙慙不慢休

財散人離多坎珂 全身遠害省食求

龍蛇混雜卒難禁 未得風雲變化鱗

一日騰雲歸北海 那時方得現龍身

○ 聞知路嶮去為難 你道為難却不難

便好登途涉水去 週迴事已得平安

聖意云是非交結論爭先人離財散損失

難獨莫貪動作庶保其全速行不利婚姻無

緣病者未瘥祈禱蒼天守常安分可免災逆

占買賣置貨不吉脫貨好公訟無事病者

破財犯土修福保種田未收行人便至

出行不利恐有災失物難尋不見交易不

利婚姻不利買田宅人口頭疋不利文書

不氣相借物不濟家宅人口不寧求官陞

職未達遷移不利托人用事不利產孕子
母或有或亡不利
曼若為言非昏昏路正迷佳人并吊水籃
管是空歸

醜魁 第十五 上上 守節歲德

事宜素定合天機 休聽師巫說是非
逢正不依他大道 自然門戶發光輝
月滿今宵離海邊 時人感仰麗春天
清光燦處群星退 君子營謀便得官
去年曾在此間居 今日因來作故間

便好求財居福祿 惡人已被惡人驅
聖意云人心積善久滯未通求神問卜妄冒
尤空堅正守節莫厭迷蒙大器晚成時當過
逢進取謀運所事亨通病者自瘥莫外是空
占財買賣言脫貨言種田運薄收買田宅
人口頭延遲吉利出行待籤日交節行人
初一初八十五二十三至托人用事先難
後易病傷寒不問老少遷瘥交節令瘥瘡
宜保福平穩陰人占病不好婚姻運有人
破重婚入舍求嗣遲言公訟吉走失交節

見不見有信謀事成事撞節日成運有少
無多遷移遲利文書遲有求官陞職除授
了交節完備產孕交節日生貴子家宅人
口平穩借物遲有此小
玉石未分明憂心更轉疑前途通大道花

發應殘枝

醜魁 第十六 下下 守分

履危陟險逢飢虎 涉水行舟溺怒濤
守分安閑災可度 且於恩德報劬勞
油燭點燈燈易滅 纔挑得起又衰微
長心挑盡空勞力 何似抽身早去歸
求財所用知真趣 識得之時大有財
三日價高無四日 依然平地一聲雷
聖意云忘本逐末酷恣貪求陸行遇虎水泛
沉舟且宜守舊報得有休荅謝上穹久病漸
瘥百事不宜忘得添憂知過必改得摩春秋
占財買賣獨行凶置貨不好脫貨言公訟
無事交易成後口舌出行凶行人便至若
一二日不到主有凶不祥之事遷移不利
老者久淹少者宜修善保無事求祖先婚

姻入舍不利家宅人口宜保佑凶托人用
事不成生物不見知信也難尋有口舌產
孕難宜保佑求官陞職名分不達
欲吉過重山家鄉轉可悲橫舟相對月懷
慘有誰知

醜魁 第十七 下下 待時向善

憂危災厄所從來 謀事遲遲更破財
稚弱不憂成久滯 者年惟恐起悲哀
當初得意翻成失 今日憂危事不危
若遇貴人相舉援 千年枯木再生枝
此事為時急似風 一朝兩日任西東
若行三日愁來到 立便行時方可從
聖意云四隅造作傷犯土府勿罹災危久而
未甦不宜老病小口無虞速當禳謝次第而
蘇求謀遲遂婚姻徐徐百事踏踏莫若榮枯
占買賣目下有利買賣貨物大吉脫貨好
田種苗而不秀出行凶行人在外多日到
遲有阻病老少犯土速求先亡老者難保
痘瘡遲可求七十二候走失難尋文書不
遂初婚遲成重婚凶入舍求嗣遲言借物

少有利與販不利占訟吉買田宅人口俱不利遷移不利謀事成事不濟產孕宜快遲難保佑托人用事成求官陞職見貴人吉針灸宜遲亦好

龜變烏雲起求名未得名四隅傷土禁作

福保安寧

醜 第十八 中平 隨緣

時當擊斂最宜收 運用隨緣莫外求

老病久病宜保庇 事於檢臘得優游

養汝原來歲月深 開籠不見意沉沉

想應只在秋江上 明月蘆花何處尋

守分安閑事可宜 求財利益報君知

於中平善君多喜 一日豐盈正及時

聖意云謀望宜春夏秋冬事總休祈求延老病在路免遲留凡事謀望春夏可求秋冬如

刑事事總休老者向病禱祝宜修久行祈佑

庶免遲留事宜時用祈福免憂

占財貨春夏吉脫貨隨分種田有收公

訟春夏無事秋冬不利病久淹春夏輕

秋冬老者難少者輕宜求福有善願痘

瘡春夏吉秋冬不利出行便動行人春夏三日至秋冬有阻婚姻入舍求嗣上半年吉下半年不利有災文書不利興販不利買田宅人口不利失物難尋家宅不利借物上半年有下半年無托人用事上半年吉下半年不利遷移春夏吉產

生貴子秋冬生無妨謀事成事脫貨便脫

置貨春吉

自此常逢吉家豐應保扶臘時好遇得方

可得良圖

醜 第十九 上上 良木逢春

百昌生土正逢春 暖律潛回態度新

若也運為當此景 矜看久整奮芳辰

雲行雨施正春深 謀望求財總遂心

爭訟見官多得理 貴人喜慶自相尋

休聽人來說短長 雖然得也不高強

別行佳貺為宜利 有日光陰大吉昌

聖意云除舊而新生理向榮謀望有就求選

成名行人通達公訟無刑秋冬若阻百事沉

吟春夏占吉用事亨通孕婦平穩不阻憂驚

占財買賣春夏間有置貨春吉十二月好余月不用脫貨遲公訟無事種田春種秋收輕微借物春有餘月無用出行吉行人春占起身余月遲不動病老少春夏十月吉余月遲難文書正二月十月吉余月遲

婚姻初婚吉重婚不利求嗣宜快家宅人

口平安春十月吉余月中謀事成事正

十月有財氣余月不稱意托人用事春十

月吉余月無用產孕春生貴子秋冬不利

重重霖雪裏嫩柳遇春時謀望皆如此黃

金色有輝

醜 第二十 下下 危難空亡

逐急求神強秉誠 此誠那解格神明

臨危只恐危難保 望事應知事不成

有舟無楫難撐載 更被漂流向海中

嗟嘆世人應不得 誤人如此走西東

有人用事事難成 事已成時便去程

汝若求之終不吉 求之占得則安寧

聖意云人心怠慢淫污續神占危危險占病

沉吟謀事難就婚姻難成獨宜崇福保庇其

就公訟失理交易傷情欲行求吉速達上穹
占財少置貨吉脫貨便脫公訟阻滯婚姻
吉諸事成種田休種病冒瀆家神有阻隔
沉重宜祈福久淹未安先重後輕防再添
病出行不利行人未至買田宅人口成也

不長久不利走失難尋托人無事文書透
空家宅人口不寧借物無求官陞職見貴
人不就巧

魁魁 第二十一 下下 守舊淹滯

美玉明珠不易求 蓋因承慶合前修
能知壽天真消息 碌碌懷憂空白頭
○ 龍化爲鵬海浪翻 陰陽交泰太平間
庶人薦有凌雲志 平地雷聲振聳還
眼前光景事艱難 每日尋思改舊顏
買賣求財財已遠 用之心下莫心寒
聖意云積善有慶吉慶門庭積惡致禍禍及
門庭理合自然何必沉淪嗣續難存行藏不
言百事莫建且守君心

占財買賣舊貨好脫不利種田秀向不實
出行不利行人至病不問老少目下一二

日好如遲難瘡瘡亦然婚姻吉求嗣不利
交易難成公訟吉買田宅人口頭疋不利
失物難尋謀事成事不吉生產難借物不
利學藝不利求官名分未達遷移不利托
人用事不利文書未遂

明月暗雲停前程莫遠途求財多損失災
病未能蘇

魁魁 第二十二 大吉 後吉

行藝悖修學問精 性從澄水自淵明
久懷至寶寧無價 得價方知價不輕
○ 鳳凰飛出材間去 展翅飛來伏衆禽
一旦身榮朝上闕 四方欽羨盡聞名
跨馬長途繫着鞭 一朝兩日便朝天
京華作箇逍遙客 早到爲官信有緣
聖意云素勤學識時運未亨久淹困厄謀運
未能時將舊達枯木向榮何須遠慮萬事皆
成公訟利泰所作稱心求謀遂意出入咸亨
占財買賣時下便見些小置貨財輕脫貨
運行人至公訟言出行不利病老勿沉重
不妨瘡瘡平穩種田秀而不實婚姻求嗣

不利買田宅人口頭疋宜逢家宅人口平
安謀事成事宜遲後方吉失物遲久後見
借物遲吉與販吉遷移遲好產孕生男好
聰明吉求醫學業遲好求官陞職遠大吉
利文書十分氣象遲亦好交易宜快遲不
利

改革初逢變光浮道合通文書策驛棟得
達慶年豐

魁魁 第二十三 中平 時阻之象

物是人非莫繫懷 恐成冤訟反相催
○ 雖然心地明如鏡 爭奈時運福未來
種得桃株滿院東 花開遭雨又遭風
當初指望收桃喫 等到如今只是空
神仙妙用事何如 汝若爲之絕世奇
道果圓成丹鍊就 金門昇入正當時
聖意云時運遲蹇多是多非盡勞心力誰念
憂疫切宜守舊且待於時先凶後吉謀望稽
遲求婚遠遂訟者無危百事寬制何用憂疑
占財買賣越遲利高置貨好脫貨應遲好
諸事守靜穩出行平行人未至心動身不

動有阻公訟宜勤和無事病老傷寒不妨
久淹沉重瘡保福買田宅人口宜遲吉
家宅人口平安失物難尋謀事成事先難
後易遲移吉求官名分未遠大吉文書未
遂遲後成借物便有托人宜遲

有意望明月團圓還又缺用意又芳菲終
身宜熱絕

魁曜 第二十四 上上 利益受福
人豪財旺吉神扶 動作從心自有早
慷慨直須探虎穴 繼承當見獲龍珠

○ 明月當空處處輝 朗然照耀破昏迷

所謀顯達家門吉 此去榮華正及時

若言此事又須嘉 事托他人路已差

早早修心向山去 免遭世事亂如麻

聖意云值性剛豪好向隆高神明協讚利益

持操行藏眾伏論訟無勞孕生貴子萬種福
酒病者即愈望言不遠求謀成就遷職昇高

占財買賣名爵之家有十分常人無買賣
奉用脫貨逢婚姻入舍主一人性急心硬

一時難開口後成長遠吉文書吉出行官

富吉平人不利行人未至病老幼受痛瘥
遲無事借物無謀事成事先難後易走失
難尋交易成就好與販向前吉利求官昇
職名分利托人用事先難後易

魁曜 第二十五 下下 無災不宜
運值凶災福未饒 遁逃形跡莫輕仇
行商坐賈宜循舊 好看機謀只秀苗

求成未遂如君意 欲望青雲路轉賒
守寧心舊方是吉 他時必定見榮華

一朝事意實堪誇 久後為之必富華

○ 有敗有成多少事 瓜雖大也苦甜瓜

聖意云時運命蹇身宜潛避從教勉強不務
堅勞出行遇盜老者徒勞耕種失望婚姻叨

叨只宜守舊莫懷持操
占財買賣值貨不用脫貨遲種田有苗無

收病者不安痘瘡凶出行不利行人至興
販不濟遷移不利婚姻口多不成公訟不

吉交易難成不穩買田宅人口頭疋是本
身舊基業利如不是無益謀事成事不利

成也不久失物難尋借物有成無多產孕

難存不妨托人用事完備家宅人口少安
文書氣象不遂求官陞職除授不久長
魁曜 第二十六 中平 公正無私
天災謬戾數當然 徒秉精誠格上天
善果業緣應默定 不容私意保安全

安居旺相進錢財 天上生雲地震雷
祿位遷高光顯達 榮華富貴入門來

守道依稀大有財 便宜動用不須猜
若於此內占官事 不到州時也到臺

○ 聖意云天災種種忍受無虛神明正直豈有

阿諛瘴不須藥邪不信巫公訟宜違早固難

謀謀為莫動婚姻未如且宜守舊庶免區區

占財無利置貨不好脫貨遲種田半收婚
姻入舍求嗣不吉病犯北斗并善願老少

多日難脫值寒十八日得汗老者死邊過

出行不利行人至遷移不利公訟不吉宜
和買田宅人口頭疋不利文書吉恐不遂

家宅人口不寧謀事成事未遂學藝業業
利求官陞職名分未遂走失難尋不見產

孕艱難托人不濟交易難成借物全無

體作蓬萊客孤舟忌遠行富貴天上定無

風惡浪生

魁 第二十七 下下 向善

設網張羅意氣專 縱橫驅策過中原
只知利己貪污出 豈料言旋揭及門

家宅惶惶主不寧 蓋緣先祖作災述

且宜作福求禳度 更謝家門伏侍神

事雖平善見財遲 遠涉江山利少微

久見十方真有利 更多多也不須提

聖意云人心嶽嶮物在寧籠只知被害安能

守舊百事不吉莫避其凶目前須暇善事宜

崇病者致重論論無功凡事寧耐守之則通

占財買賣宜快置貨好脫貨好種田無高

低不利公訟吉出行吉行人一二到如不

到遲病老少宜告斗并善願吉瘧瘡平初

重婚入舍求嗣大吉產孕生男女虛驚與

販吉買田宅人口頭疔有損無益謀事成

事休躊躇便成求官陞職名分宜快遷移

吉文書便至托人用事成走失不見家

宅人口平安

戶開重輪載逢午忌損財憂危猶未出孝

服又重來

魁 第二十八 中平 謹守

災哀萌動事無傷 更與隄防作善良
莫向親姻求久計 圖謀機巧也尋常

貴人接引喜逢新 官災口舌離門庭

病人此去身安健 謀望求財盡變更

托人去幹心中事 早早迴頭望故鄉

只好保安於自己 貪心必定見災殃

聖意云小災漸明未致傷人謹微宜早莫慢

因循公訟失理病者沉淪婚姻中一圖望成

慶獨宜崇福善獲惟新

占財買賣宜早收平種田無收出行不利

行人未至遷移不利病宜服藥作善事吉

公訟吉婚姻入舍求嗣吉尅妻不到頭買

田宅人口頭疔不利脫貨便脫與販不利

文書早幹借物透空交易難成托人用事

不利家宅人口祈福保佑

橋下水流去爐中煙裏長保扶宜作福讓

告免災殃

魁 第二十九 上上 亨通得財

蹤跡沉埋輒變通 霈恩嘉貺籍師宗

一朝獲福當權握 餘慶源源世代隆

陰陽道合事通亨 還如人在月中行

琴瑟調和門戶吉 榮華富貴日自生

十年總下讀詩書 黃榜招賢信息催

馬快如風行二日 若行三日不相知

聖意云久凶向吉久閉漸通承恩在上權握

英雄訴訟得理謀運得中婚姻利益喜氣重

重病者遲痊交易自從不宜守舊恐慘愁容

占財買賣忙有三五分置貨耐用脫貨便

脫種田便種吉出行宜快行人至與販吉

利病老少遲痊公訟不吉婚姻吉遷移宜

快吉借物宜快便有家宅人口平安謀事

成事貴人助力求官陞職得貴人主張除

授走失便見文書有氣象吉產孕生貴子

若女是金星吉交易快成有利息托人用

事遇貴人吉穿井定方位得地泉吉利

碧玉先天深藍田氣象新相逢在朝野不

久過江來

魁魁 第三十 下下 空亡

獄訟纏綿志未伸 傷財勞力謾驚器

善緣早計崇遐福 莫待遷延苦累人

花正吐時連夜雨 月當明處被雲遮

記言桃李休相笑 一日雲開自有時

可知此內事須防 此日雲陰見吉祥

汝若占知三四日 便能速疾預才良

○ 聖意云纏綿獄訟失致傷財更宜作善免致

凶災謀望不就婚姻失倍百事不宜商賈空

回移徙動作必致災危病者遲滯恐有悲哀

○ 占財買賣宜快遲不濟置貨吃物用種田

不宜早婚姻入舍求嗣不利遷移不利出

行不利逢盜賊別日再占此卦少可用行

人未至交易口多有人主張與販不利托

人用事難成文書無氣象訟無事宜和病

者有願宜早還作善事免於人口災官府

成事快買田宅人口頭疋不利脫事便脫

謀成事不利借物不定准家宅人口宜作

善事產孕作善事保求醫藥不利買賣脫

貨不利求官陞職成也不利諸事不吉

前有二牛尾交加事有爭何時方免厄見
鼠始安寧

魁魁 第三十一 大吉 正直

奉公執法不辭勞 從此洋洋氣格高

自是行藏合天理 豈容纖羽壞持操

心事冲冲常不樂 待得方安又不安

所作施為全未遂 恰如明月在雲間

此事中平難得成 事已成時難稱心

若占官事終須沒 商賈求財利益輕

○ 聖意云正直合理不務欹斜公訟得眾天福

延遲縱有小厄豈動疵瑕動為合吉常赴亨

嘉出入通泰樂更榮華

占自己錢本有三五分置貨用脫貨便脫

種田有收公訟無事出行吉行人未至有

信失物不見家宅人口平安婚姻莫信人

言有益吉再婚有疾求嗣利病老少不妨

田宅人口頭疋主有些小損失成吉謀事

成事得權吉孕生貴子交易用力成奸托

人用事有阻後利遷移守舊吉求醫與販

大吉借物快有後有小失求官陞職有阻

後吉

纔是憂危室鷓鴣 有變成鵬飛十萬里不

久遇蒼天

魁魁 第三十二 上上 歲寒無憂

拭淚頻嗟遠信沉 謾勞占卜覓佳音

莫將恠夢成憂慮 松栢堅貞自有心

衆星侵月事須防 小口災臨主禍殃

若也知之能減半 預先作福謝穹蒼

安居欲別去門坊 買賣占求在遠方

托佛靠神方可吉 事須社廟及神堂

○ 聖意云久客天涯戚屬傷嗟徒傾思念人自

安嘉謀猷叶吉畜產有嘉婚姻和合公訟堪

誇先凶後吉百事無差病者無慮福壽延遐

占財買賣有三二分置貨好脫貨好種田

有收公訟吉無事病老少沉重少者宜作

善事不妨婚姻入舍求嗣好恐不成家宅

人口有小失不寧宜作善保買田宅人口

有小失後成謀事成事向前有小失無妨

借物無多求醫藥業吉利孕平穩吉文書

利失物尋見遷移吉利求官陞職得除興

販吉利

煙波一葉舟行船遇順流資財從速得出
入好經求

魁 第三十三 大吉 承慶出塵

蒼鬱雲煙氣象新 門庭叶吉喜如春

懷耽定獲承家慶 商賈須逢異寶珍

新磨龍劍快鋒銚 勁氣衝牛孰敢當

况又提持今在手 英雄猛烈陪尋常

早朝占得方為吉 飯後求之必不嘉

萬事只宜如此句 名揚四海有人誇

○ 聖意云德盛崇福吉祥愷悌謀為不言為謀

不利婚姻和合行商濟濟孕生貴子不宜遷

移災禍不生內外和美凡事稱意有吉有喜

占財輕本大稱意置貨好脫貨好種田宜

遲公訟吉遷移大吉病老少春輕秋冬沉

重有善事星辰不順婚姻宜快遲不成家

宅人口平安走失家中尋有自家繁興販

遲有利買田宅人口遲成吉文書遲成孕

生男穩大吉謀事成事勾當向前宜快成

遲不利脫事忍耐好求醫業快不濟遲好

托人用事遲吉脫貨越遲有利

空布重之露梅壘滿泛厄重令將久去果
就應生花

魁 第三十四 上上 佳音革故

立宅安墳值吉神 便宜興建莫沉吟

行商坐賈求謀速 事不須謀得好音

病龍行兩值虹霓 有疾占身事不宜

變化昇騰須有日 且宜守舊待明時

可知一日事宜為 一日之過不要圖

事若不宜知不吉 枉教君子費工大

○ 聖意云革故鼎新遷墳葬坐年月叶吉吉曜

加臨更宜商賈利益快心婚姻遂意無謀自

成公訟有望所作稱心百事快懷永保元亨

占財輕買賣宜快置貨好脫貨遲宜快種

田宜早有收與販大吉出行宜快行人一

二日到不至遲家宅人口不利交易宜快

遲不濟婚姻宜快遲費力公訟無事買田

宅人口宜遲不濟謀事成事勾當宜快遲

難成求醫業穩文書宜快吉求官陞職遷

移吉利失物難尋托人用事有貴人吉移

居不移

相逢漸有涯額事稱心懷人稱心上事花
落又重開

魁 第三十五 中平 莫求莫動

方隅神殺不堪修 舊業安然莫外求

塚墓動土尤可畏 急於崇福獲洪休

鶴鳴霄漢氣冲天 九萬程途咫尺間

官祿日昇財祿進 安居吉慶度時光

一回去了一回多 又再求之色更和

二十中間占得此 定知財物滿山河

○ 聖意云興工動土惡殺臨方不意用宜守舊

為強葬埋更忌恐致滅亡先若少犯祈謝安

康公私不利慮有災殃急於崇善可獲吉祥

占財買賣置貨好脫貨便脫公事吉守舊

三十一第四第十用事出行不利行人不

至在外有阻入舍求嗣不利病老少犯土

并墓神沉重宜禳謝痘瘡求七十二候謀

事成事不利交易難成求醫業不成脫事

難失物難尋知信不見遷移不利有小人

欺弄公訟不利有災田宅人口有損無益

興販不利求官陞職名分不利
何處排歌聲分飛是至親一邊一陽照方
免淚如傾

魑魁 第三十六 下下 從舊

碌碌耽迷安慢藏 一朝無計謾猖狂

資財散盡重求福 何不當初莫損傷

魚翻桃浪當三月 此時方喜變龍身

求官得祿須為定 百事無憂吉慶新

偶逢早歲種低田 水若來時稻不完

見說蟲蝗消息事 虛驚已退得完全

○ 聖意云不自守法常切怠慢火盜一至所威

傾散雖悔莫及徒然嗟嘆出行有失婚姻不

求病訟多難好作善事神明叶贊難保與販

占財買賣宜就巧忙折本置貨不好脫貨

吉種田秧不濟散種有三分出行達盜

火不吉行人至如不至有阻病傷寒七八

日得汗過日難宜求家堂祖先土地吃藥

好婚姻不利交易不成有人破公訟失理

借物有人破遷移不利脫事不利謀事成

事凶產子母有損宜保福田宅人口不利

文書不利托人用事置貨脫貨俱不利
惆悵事忙忙勞心夢一場喪事方出戶浪
過免災殃

魑魁 第三十七 下下 守靜

福有基兮禍有胎 惟人所召得從來

操心不善催凶變 多幸全身也損財

渡水無船豈可過 波濤凶浪勢鬼裁

出入不依如此句 進之不得退無他

平生為客走途中 買賣求財那件通

食物用刀君可買 須知宜利恁西東

○ 聖意云平生毒害福少禍多今催凶橫我將

柰何所謀不及問親不和公訟失理與販不

磨最宜守舊何必波波

占財買賣不濟置貨掣用脫貨吉種田不

利病者不吉傷寒瘡痘保佑有救出行不

利產難祈福保佑遷移不利借物無與販

折本公訟不利文書不利買田宅人口主

損失凶求官陞職不遂

何處生荆棘佳人信漸踈斷弦聲韻絕家

宅更防虛

第三十八 中平 困窮

疾病厭厭諷可憐 醫巫徒費保安全

齊心懇告俱成妄 何不潛思卷上天

紅日當天照破雲 無幽不燭衆人傾

君子進身須顯達 榮華家宅又安寧

買物之時物價高 便宜出賣莫叨叨

雖然才利無多子 枉費工夫走一遭

○ 聖意云災禍纏綿豈料其源淨願不還難保

安全醫巫造說浪費其錢速宜崇善以卷上

天先憂後喜先難後易可以作福神能保庇

占財置貨莫買脫貨好種田少收病老不

吉有天願呪詛星辰不順添病不好出行

不利行人至產孕難公訟不吉纏綿婚姻

不利遷移不利買田宅人口不利家宅人

口宜作善事求醫醫不利失物難尋不見

求官陞職不利宜快脫事不濟借物先難

後易托人用事先難後易

八刀猶未了暗箭射除人傷人還及已福

去禍來侵

魑魁 第三十九 中平 防辱

莫說英雄禍不侵 壯心遭辱恐難禁
迴頭改過非為過 坦道經求好訪尋
忽入深山去路迷 不如歸去致微疑
進退出行俱不利 切須防損暗中欺
貨物雖遲氣色高 且宜守舊閱英豪

有人領袖方為吉 及後錢財旺似刀

聖意云每盜強梁輕欺良善惡債難拚遭辱
被遣一旦改過禍滅禍薦先凶後吉皆由方
便此籤非吉速達舊願

占財買賣置貨吉脫貨吉種田無收出行

不利行人有阻托人用事不濟病者不吉
宜保佑婚姻不吉產宜保佑謀事成事宜
更改成也不利公訟宜和買舊宅人口不
利文書不利遷移不利求醫藥不利求官
陞職托人再撫人成借物不利失物宜快
遲不見

殘花枝漸發月缺再重圓改過神人讚相
逢事必完

魘 第四十 中平 後吉

中懷毒害少慈人 幽顯將恢不孝判

能向道心知革故 鐵基有繼在門庭
鴻鵠摩天只自然 未達時至致災迤
此日昇騰還自在 翱翔直上九霄雲
聞知事已實堪誇 此去登門必見華
汝若托人終不吉 空言世事亂如麻

聖意云平生毒害不和六親既化幽顯能向

此心誓天悔地革故鼎新占病漸減謀運得
通若婚與訟終就和乎移凶就吉慶吉門庭
占財宜遲有利置貨好脫貨好種田先難
後易婚姻不吉病者少有願傷寒七日得

汗如蓮宜作福家宅人口平安遷移吉走
失急尋久遠只在家內文書遲與販吉借
物遲利托人用事上緊吉交易遲成利產
孕遲吉

有無相違否先防逆塞災回心歸正道免

損毀頭財

魘 第四十一 中平 謹守莫動

客路茫茫古驛荒 不堪開眼致參商
只宜守舊朝昏度 庶保怡怡祿有常
落花流水兩無情 家宅憂疑主不寧

小口陰人招疾厄 切須急禱旺中神
雖然寶出海中者 便下番舟走一遭
到了不知何處去 依然空手赤身回
聖意云出行謀望害已損財且宜守舊保爾
無災公事和了疾病久懷不宜動土恐有悲
哀常驚恠夢百事低回

占財無舊有貨好守種田薄收病不問老

少多凶少吉宜告斗婚姻不吉公訟宜和
出行自已有小失行人至田宅人口頭死
不利文書不濟借物不成失物難尋產孕
求保買貨脫貨不利托人用事宜守舊交

易難成
見喜變為憂占身反作離出入防損失災
訟未能休

魘 第四十二 大吉 欲醒
久鈍思磨醉欲醒 頓思更發未原情
冰消雪散和風至 蟄者潛昇枯者榮
遊魚出水戲波間 跳躍優游莫等閑
喜遇春來通萬事 更於險難勝於前
兵勢休言出世奇 陣中成敗少人知

戰勝中間還有損 爭如不戰自相如

聖意云久淹如醉多能頻遇整不久閉雷聲

徐徐水消雪散和風自至百事如意踪跡伸

舒病訟宜福保爾無虞所謀大吉不可躊躇

占財買賣春首有財本月不中置貨好諸

事吉種田收出行宜快恐去不成行人三

二日至婚姻吉先難後易遷移吉利病老

少春瘥快余月遲托人用事宜快脫事宜

快家宅人口平安求官陞職吉利

昏昏醉欲醒久困漸通亨否極時逢泰勾

○ 萌盡發生 醜魁 第四十三 中平 應天

役役人生七十稀 陰陽淫疾速求醫

天曹脩短皆前定 不與塵凡取次知

日出扶桑萬里明 貴人喜慶自通耳

求財謀望從心意 若問求官定得名

自古人才志氣高 於中有事不交交

機關不漏一些子 頃刻成名耀大曹

聖意云老者悲傷少者無疑宜作善福庶保

怡怡公事平穩謀望稽違動作平平莫持巧

機

占財輕置貨好脫貨好種田薄收出行少

者安老者危行人至遷移快吉病老者重

少者有天曹弄善願早還無妨瘡瘡主失

交易宜快初婚不吉重婚宜快吉公訟宜

快和文書遲成田宅人口頭足俱不利借

錢無多謀事成事宜快成產孕平穩宜保

佑吉與販快利家宅人口老者危少者安

托人用事吉求官陞職名分成脫事宜快

○ 遲難走失難尋 西山日落無色似黃昏屈指傷悲處圖

謀空斷菟

○ 醜魁 第四十四 上上 合天

否泰相仍理自然 合鄉剛毅合蒼天

災衰有命今外釋 降福穰穰志愈堅

烏雲遮月暗朦朧 暗昧門庭事未中

只宜守舊方為吉 直待雲開萬事通

今日來占此意中 速來速去恁西東

雖然財物無多子 照耀清光滿眼紅

聖意云為人公正窮達如常不介凶凶豈不

餘殃行藏通泰降福穰穰吉人天相獲福吉

昌災害漸退聲譽揚揚所為叶吉永保安康

占財有三分置貨好脫貨好各吉種田好

收病老少傷七八日得汗遲瘥交易成出

行吉行人未至家宅人口平安婚姻宜快

遲難成買田宅人口頭疋宜快遲難成有

益文書吉利謀事成事宜快遲費力求醫

藝利求官陞職宜快產孕吉公訟吉

當年掛布衣今日却坡緋脫去塵凡言似

玉見光輝

○ 醜魁 第四十五 大吉 屈伸

夙有因緣豈暫成 那堪占卜覓佳音

經求負販情無外 晦者斯先屈者伸

風雷鼓舞播乾坤 萬物萌芽自此伸

君子求謀皆遂意 庶人人人口進家門

此意占之得吉祥 於中求事見時亨

雖然小輩來侵鬧 大道身軀自吉昌

聖意云占親利益風氣寅緣經求謀望財物

綿綿公訟得理病者遲瘥動為合吉家宅安

全行人通泰人月團圓

占財有五六分置貨吉脫貨吉遲種田吉
婚姻大利出行利行人遲訟吉田宅人
口頭遲成脫事吉利謀事成事不稱意
產孕吉利求官陞職名分不達借錢有三
分脫貨後無價動用吉

欲識前途事文書正好求憂危成吉兆終
日自然休

魁魁 第四十六 中平 易脫有財

山川悠遠歷艱難 聚散須知反掌間
近涉爭知經久利 秋深冬首稱心顏

○ 騰蛇入夢主憂疑 防慎家門有賊欺
將來革故方為吉 進退如今未遇時

求財於我事如何 守貨占財守利多
大放心懷長久去 自然瑛玉有人磨

○ 聖意云經求涉遠貪心無厭財物聚散少得

十全秋冬有望春夏休言一切謀運事亦如
然病者自瘥訟者留連若求安泰宜謝蒼天

占財買賣勞心置貨好秋冬吉脫貨快種
田不完全婚不吉出行秋吉利行人至公
訟難借物秋冬吉病老少春夏得秋方瘥

多凶宜善事秋冬病瘥遲買田宅人口頭
及秋冬吉春夏凶謀事成事秋冬吉春夏
不吉家宅人口秋冬吉與販文書產孕秋
冬俱吉求官陞職秋冬吉托人用事難成
脫事上半年不利下半年言交易秋冬吉

餘月不中

禾粒方好去用意望雲梯謀望皆好用雲

開月正輝

魁魁 第四十七 大吉

素秉精誠格至神 行藏時獲吉來臨

○ 圖謀若也踰邪逕 不悞從前道合真
密雲無兩天邊暗 却主憂疑亦不妨

更慎小人來害已 家門暗昧事須防
求財意欲一亨通 爭奈才人西復東

三五中間雖實有 事當併定一遭空

○ 聖意云好善獲吉積惡就凶縱當正道福不
須求公訟泰定占親無憂所謀皆就出路憂
疑百事遂意無有遲留

占財買賣正道無利邪道大旺置貨好脫
貨好種田大收公訟不吉病老少有阻犯

土并祈福保佑不妨婚姻吉利諸事吉利
出行吉行人三日至
見立未安墳傳書用破心幾回遭險浪今
日遇知音

魁魁 第四十八 中平 陰陽

陰陽匹偶不徒然 勉強求神積善緣
念執孰知遵大義 好於財物保安全

寶劍新磨益見光 東西照耀倍尋常
從前自有根基在 潤色增明聲播揚
欲望平生富益和 怎知好事却多魔

○ 只宜守舊安居吉 自有凌雲志氣多
聖意云求謀大吉緣法風契若有機謀事恐
難濟資財善保公事莫易若占家宅且須謹
忌病者不妨行者遲滯

占財買賣少有置貨好脫貨好求醫業名
分不成公訟不吉破財不妨病者善願無
妨出行不中行人未至失物後見婚姻遲
晚大吉種田得收

占事須防多阻滯 求名問卜事難量
要卜守舊多安穩 自有榮華祿位昌

聚四髮成女須憂事不中早困能備祿家
眷免災凶

魁魁 第四十九 上上 破星

石中有玉誰能別 沙裏藏金不易淘
窮達在時須有得 何須懷抱只徒勞

群鴉集噪可為奇 防慎陰人口舌危
退步之時方可得 不然事緒主憂疑
遲中求事可須遲 長久光陰事莫疑
財貨久長難可守 守之事實實提携

聖意云自負才能未遂其至操持堅固何須
不濟病者自瘥訟不久滯謀運向前進取得
貴百事皆通英風不墜

占財買賣遲有四五分種田宜勞力有收
失物便見婚姻宜快成吉病有願便還少
者好老者不中脫貨宜遲有利忙無利不
中公訟宜和無事行人便至家居吉諸事
吉

門望漸聲高文書得堅牢稱心方可得八
海釣魚驚

四聖真君靈籤

玄真靈應寶籤序

納三

始吾廟食劍嶺所降清河內傳落筆雙松凡
所請者竟以夢應然未嘗以籤行於世今正
殿及家慶樓廟吏率借佗籤為苟且計如十
二真君籤即青城丈人觀籤如易卦在家慶
尤無所證况夫川蜀行祠祇作朱真人內外
籤耳今吾親考較妙用上自天文下至地理
與夫運數之向背物情之離合者委嗣子等
七人巧譬善諭以上中下各作成一百二十
籤以十二時每時各三十籤又以五行金木
水火土轉成三百六十五籤以按周天三百
六十五度之數庶幾士之向信者隨其願力
而各有所得焉九天開化主宰靈應帝君序
九天開化主宰文昌帝君寶誌
至心皈命禮不驕帝境玉真慶宮現九十八
化之行藏顯億千萬種之神異飛鸞開化於
在在如意救劫以生生至孝至仁功存者道
儒釋教不驕不樂職盡乎天地水官功德難
量威靈莫測大悲大願大聖大慈九天輔元
開化主宰司祿職貢舉真君七曲靈應保德

宏仁大帝該經演教消劫行化更生永命天
尊



玄真靈應寶籤卷上

子時第一 風雲慶會 上上

喜遇昇平日 加官誥命封 前程無限好
仙女跨飛龍

築黃金之臺座 納士招賢拜丹詔之勳封酬
功受爵攀龍附鳳 穩昇碧漢之中雲集風生
慶會紫霄之上

子時第二 騰達有望 上上

青年人物好 智識勝蕭何 謀事深如意
眉濡喜色多

車書混一文章 禮樂俱興道德無疆仁義忠
信悉備去天尺五拜丹詔於金塔不次之除
受皇恩於玉陛

子時第三 謹守勿失 中平

任使鷹鷂逐 防他虎豹威 簡居君子道
何處覓閑非

鷹鷂之逐狡免伏於山林虎豹之威行客防
於道路君子靜於守道萬禍不侵小人冗亂
私心一謀不遂

子時第四 待時必捷 中平

千里一將軍 奇謀燕未伸 浪高雲捲處

血染戰袍新

英畧之將得其謀則攻必勝戰必克才志之
人遇其時則道必亨名必遂將有謀而功捷
不難人得時而名超甚易

子時第五 望事難成 下下

有口笑葫蘆 求名費遠圖 水萍空浪泛
何日達天衢

將無作有孜孜空費於精神指實為虛念念
謾勞於夢想求一事若浮雲中呼鷹望一事
如急浪裏飄萍

子時第六 親好兩同 上上

風流王謝家 秦晉各爭誇 自是吹簫客
好簫鳴鳳花

風流王謝堂前紫燕爭飛秦晉交歡池內綠
鴛對偶乘鸞鳳吹簫泛月天上遨遊講親好
鼓瑟簪花人間歡樂

子時第七 重疊有喜 上上

蓮幕既初開 重登錦上臺 慶他龍虎會
傑出間生才

稱心之美如開碧沼之蓮樂意之歡若玩錦

堂之景龍虎會登仙之質瓊藥就丹成賢傑

生濟世之奇才安民輔國

子時第八 更改則吉 中平

局促更何為 和融喜入時 任機隨處好
高下穩行之

局促之心情不舒而意不暢和融之景改則
吉而動則安蓋機緣之有分進違謀通凡舉
用而無疑上和下順

子時第九 事多奸究 下下

一女既相逢 那堪二女通 祇因隨處礙
應使浪生風

事多滯礙皆因三女相逢處用差池蓋謂眾
情不順平水因風而起浪靜中不寧安居因
動以生逆暗中詭詐

子時第十 內外和同 上上

姻婭既相通 朋簪臭味同 魚書傳尺素
留得幾家風

諧合姻婭之好意合情通和同馨味之歡謀
宜事遂魚鴈得佳音而有喜內悅外和家庭

保福祿之榮昌上從下順

子時第十一 守百方泰 中平

利盡復方生 時通路有亨 謹身應不失
狂妄莫重行

六陰至極陰極陽氣始生吾道至窮道窮變

否為泰否與泰循環之理有盛有衰陰與陽
生殺之端有榮有謝

子時第十二 所求阻隔 下下

久客無歸路 津梁又失時 望鄉臺上立
何日免岷崎

羈旅之情遠在天涯海角求謀之意近逢水

遠山遙登岷崎絕有艱辛路危道險望音信
殊無通報鴈杳魚沉

子時第十三 前程大吉 上上

雲散月重明 風恬浪不生 岸高船自濟

撫掌一家榮

陰雲忽散一輪明月現光輝災蹇頓消萬里
前程平坦率進一事進無礙滯風浪恬然謀
一事謀有亨通歡歌撫掌

子時第十四 占信有望 上上

燈結數層花 池蓮發異葩 祇因和氣溢

佳信落天涯

燈結花報天涯之喜信池發蓮稱人事之歡
心氣氣和氣仰感萬物之豐登瑞霽祥雲覆
護一門之康泰

子時十五 望外小喜 上上

幸結殘花實 喜生枯樹枝 偶然春意

雙喜笑來遲

庭前枯木忽生榮茂之柯園內殘花喜結桃
梅之實望中事不期而就就則有成心下慮

偶爾而消消則無害

子時第十六 大宜進望 上上

桂子十分香 瓊瑤映碧壺 更加風力便

攀附着翔翺

瓊瑤映玉乾坤發瑩淨之光巖桂開金宇宙

噴馨香之氣風力便直衝霄漢萬里翔翺神
物助徑達身衢一身康泰

子時第十七 圖名遂意 上上

風激上青霄 鵬搏六翮秋 尺書雲外至

一舉占鰲頭

圖名通達如鵬鷗飛奮於秋天謀利亨嘉若
驚燕嬌吟於春圃風一激雲開萬里穩穩道
遙舉一事神助百祥平平遂意

子時第十八 先滯後成 中平

後笑必先咷 寧無損一毫 度舟應有濟

江穩絕風濤

先號咷而後笑悲極生歡始寒塞而終通損
中有益江穩者波平風靜事泰心安有濟者

時至運臨脫災出滯

子時第十九 占福有餘 上上

利劍若吹毛 雲高山亦高 此身無障礙

食息豈辭勞

道彌德廣高如齊嶽之山事快情通利若吹
毛之劍有福力有謀必遂勿怠勤勞無障礙

無所不通自然允濟

子時第二十 危迫無成 下下

牛後尾分岐 那堪鷄口悲 望人人不見

回首事應遲

牛乃力耕之物牛尾分則事失田荒鷄為警
旦之禽口生悲則門災戶擾所望者稽遲有

滯所用者迫逼不成

子時二十一 望信兩失 下下

無情恨食言 風險又無船 日暗應迷路

煙雲遮碧天

對暮春無情有恨花落水流望長江有浪無

船竟消鬼散紅日晚向迷歸路戚戚憂心碧

雲障猶隔天涯沉沉別意

子時二十二 向進通達 上上

秋月十分圓 雲開光滿川 家家渾不礙

江映一青天

雲開天淨月華現玉鑑之無塵災退福生家

門集金真之垂祐進向則有圓無缺光滿十

分求利則無礙有成歡生一慶

子時二十三 勞心事成 中平

鑛盡見真金 苗長識土深 青雲終有路

休息苦勞心

黃金出於鑛石非烹煉不能成其實真仙生

於凡胎非功行不能成其道耕耘得時稼穡

登勤勞勿憚謀用遂

子時二十四 無欺有望 中平

月被浮雲暗 鑑猶塵土侵 若交無障礙

清却一丹心

雲藏月暗風吹雲散月明塵掩鑑昏人拂塵

消鑑瑩雖有侵欺之惱易釋易除更無唇吻

之非保安保吉

子時一十五 謀財有成 上上

珠玉富囊中 財報亦自通 不資人力助

其德日無窮

糧食豐足六天之內一天金玉盈箱五福之

中一福食與財豐盈雙美日益無窮福與祿

興盛俱臨時增有濟

子時二十六 用事有成 上上

培壅積年功 風雲要發蹤 共開龍虎道

何日不侯封

合抱之木堆培非一日之功侯爵之封陞權

乃功勳之賞虎嘯則風生滿谷威大神全龍

吟則雲布彌天霹靂致雨

子時二十七 官事而解 中平

官事恣悠悠 淹留幾月休 但存公道理

方得免憂囚

訟終凶而返吉勿恃勿欺事先亂而後寧且
謹且守理雖存於公道脫免為先身當離於
淹留免凶為上

子時二十八 自執不通 下下

強弱設紛紛 崎嶇獨掩門 幽閑無活路

飢餓任黃昏

不義不仁何異以強凌弱多貪多欲有如倚

富吞貧上下傷於和氣獨處幽閑內外生於

怨心兀居寒戩

子時二十九 百事未遂 下下

船礙石中波 徒行驚渡河 雲高山亦險

愁寂奈情何

謀心恐恐水中石礙行船用意惶惶山下虎

攔過客險阻者不能進步無力躋攀困厄者

惟起愁情何時通遂

子時三十 祈福免災 中平

自有菩提路 家家香火緣 欲逃羅網厄

踈朗一青天

上善之人徑達菩提之路修真之士超登快

樂之門心無縮亂一身自脫網羅意若離持

百事豈能拘礙

丑時第一 求之必得 中平

得失自茫茫 閑愁慮更長 莫辭勤着意

金玉再盈箱

得失乃乘除之法不用關心興衰乃代謝之

宜何勞着念事稱遂未有不求而自至稻豐

熟豈有不種而自生

丑時第二 事與心契 中平

紅綠為留春 佳人情更親 按頭香未斷

歌笑草中茵

契緣相合所事無不歡諧識見和同所用自

然親好香未斷再添新篆氣象氤氳酒未乾

又續新杯人情悅懌

丑時第三 名職改遷 上上

闌苑一時春 庭前花柳新 市城皆好語

草木亦欣欣

春雷微震藏者動而藝者興陽氣方生柳吐

芽而花破華好語者傳佳音滿園欣顏者布

歡信盈門

丑時第四 財帛見喜 上上

憶昔傷時態 今朝花草春 稻糧隨處足
瓜李一時新

時運通泰今者是而往者非騰盡春回草自

萌而花自發瓜李熟秀而得實共慶時新稻

糧足而家給歲豐普沾福慶

丑時第五 病患臨身 下下

天災未可祈 力困豈能支 三蟲昂首立

非血不成悲

重病未能痊瘥實乃天災沉痾尚自淹延豈

非今遺况三蟲而食血慮防蟲毒之危恐二

口而衝心必致患危之厄

丑時第六 小小見喜 中平

踈散任情真 花開謾染身 笑吟燈燭夜

樽俎客相親

身踈散心除里礙逸樂天真道蹤橫意趣玄

微逍遙人世狂花野草更無一點塵紫列燭

開筵自有百端親好

丑時第七 謹事小成 上上

莫愁空浪心 去去不消沉 幸自逢時變

珍良喜獲金

駕商舟而圖名利必不空回憑貨物以求資
財必無消折待變者時昌歲泰無所不通獲
金者利厚財豐無所不濟

丑時第八 藥石無効 下下

深病入膏肓 難施扁鵲方 藥石非苦口

千里一難當

病入膏肓已有倒懸之危急藥修良劑更無

神効之奇功雖盧醫扁鵲不能施其方縱妙

藥靈丹豈能救其困

丑時第九 冤結不解 下下

祇為生荆棘 豺狼及子孫 一庭燈燭夜

灰冷半星存

荆棘生於怨惡禍及子孫狂縱起於侈淫害

即自己燈燭夜晦暗中用事事不可明火存

半星灰內永然不能熱

丑時第十 倍獲厚利 上上

水高船自高 應手未嘗勞 已覺多多辦

誰能較爾曹

月明風靜對秋月自現光輝水長船高得順

水不勞撐駕多多益辦如韓信之將兵未嘗

辭勞若孔明之竭節

丑時十一 大宜遷擢 上上

不是文章貴 安知望外遷 若論清要地 身近紫薇垣

文章高美名標金榜之中學業精微身貴玉

堂之內職居清要之地恩寵日隆身近紫薇之垣光華易顯

丑時十二 有虛無實 下下

無形空抱影 平地生贅疣 羈絆從我出 何日消百憂

無形安得有影影自何生無水焉得生波波從何出虛中無實事必是於妄傳實中有虛言必從於外說

丑時第十三 久困漸安 中平

困龍久蟠泥 山低虎徑迷 漸攀雲霧出 紅日未平西

蛟龍未得雲雨困卧幽巖豺虎迷失山林潛伏草莽君子凡居養道亨亨則進達必通士入脩業待時時至則功名自顯

丑時十四 旅隔不堪 下下

多病幾時甦 煙波隔遠途 馬疲人又困 殘日嘯猿狐

心不樂如患淹留之病事不遂若隔巖嶮之途馬疲人困不能進而不能前列日猿狐不可行而不可止

丑時十五 貴人扶助 上上

一箭降清霄 途行逢馬牛 輪車通寶貨 風急送行舟

求名取祿遇薦舉而進身蹈困途行得駢駢而堪代步寶貨盈而車輪快速急若飛雲風水順而舟楫穩平疾如奔騎

丑時十六 進退兩得 上上

一馬過前山 金烏照遠關 高低無阻礙 歌舞映容顏

金烏升於天漢照下朗明駿馬疾如追風前程通快欲上欲速高低皆可攀躋欲進欲達上下並無拘執

丑時十七 前程失望 下下

大雅何時見 斯文幾日亨 祇因愁白首 捫腹困諸生

文章踈謬更無科甲之名大雅荒亡空有留連之樂望功名而挫失白首無成嘆學業以蹉跎年華已老

丑時十八 安靜有得 中平

安分第一機 方識靜中基 莫滯心頭鑑 從他細管窺

澄心靜慮如通心下之機定志願神方識琴中之趣棄塵緣而勿滯鑑自分明修團圓以參微惠光自見

丑時十九 作為暗昧 下下

佳人恨掩門 情隔不相通 進退全無托 難尋正路蹤

佳人有恨慮防陰小不寧情隔不通多主行藏寒塞暗昧事牽纏不已進退兩疑幽悶懷縈繞無休憂喜不定

丑時二十 失事無成 下下

身在急難中 猶誇意氣濃 笑他無活路 人鬼怒相攻

人居患難當修善以消攘事在窘危宜謹心而避畏誇雄豪而不知命分挫失猶多生妬

害而欲損他人鬼神共怒

丑時二十一 意外有喜 上上

雲外降天書 門多長音車 香添蘭室味 携手入蟾踪

丹書天降則恩寵之光榮長者車臨慶門庭

之賢貴事遂意如入芝蘭馨香之室謀稱心如登廣寒蟾桂之宮

丑時二十二 人財遂意 上上

寶玉貴珍藏 年年稷稻香 翠陰千里綠 桃李自成行

寶山出現貴尺璧之奇珍稷稻熟成慶豐登

之樂歲事遂翠陰千里綠蔭清和財豐桃李成行花開結實

丑時二十三 聽時必達 中平

有物未周旋 生涯難復艱 天時任消息 何地不關閑

人情艱阻如登蜀道之難謀事憂勞若渡岷江之險天時助生涯自遂可優可闕人事順謀用自周有消有息

丑時二十四 終有所濟 中平

久旱欲焦枯 田園半有無 井泉從地出 當看澤來甦

天久旱農力疲竭田裂紋苗稼焦枯偶井泉湧出地神力扶而旱不為災忽甘澤沾濡天意救助而秋必有望

丑時二十五 災去吉來 上上

花發又花殘 悲歡一半顏 十分留晚景 新意到人間

人有悲歡離合花謝花開時有否泰寒暑月圓月缺當其晚歲忻逢富壽慶康寧正植桑榆喜遇春和增快樂

祈福可偷安 隨緣意自寬 門庭香火供 無事也清歡

丑時二十六 諸事漸亨 中平

省過則災憊自息諸事漸亨隨緣則妄想不生百魔降伏精祈香火火旺而神力堅自樂清歡清歡多而道心足

生涯付倘來 頰笑逐時開 隨分春臺樂 天然獲寶財

丑時二十七 平平有得

富貴功名身外倘來之物死生壽夭命中注定之因寬其心者喜慶多而病不生安其分者熙然樂而災不深

丑時二十八 望事羈蹇 下下

人老又蹉跎 剛須口吻多 平地猶有觸 動得鬼神呵

生涯蹭蹬徒嗟人老花殘術業蹉跎設嘆時遷歲改履平地若有坑有坎觸處風波舉謀用則無功無成人神呵責

丑時二十九 忙失故道 下下

心折已堪傷 窮途暮復長 望人人不助 知有幾回腸

倉皇失措心百慮以堪傷路阻途窮意生榮而堪恨道既失人情寡助空自回傷事不遂親者垂踈設勞役慮

丑時三十 所求稱心 上上

青牛負寶財 良馬出龍胎 異夢生英傑 翔飛應上台

青牛負其寶貨力載萬鈞駿馬生於龍胎日行千里英傑出世應三台嘉應之祥功名遂

心達四方契合之美

寅時第一 非常之遇 上上

不是飛蓬客 新開天上雄 凌煙倍聲價 華寵揖三公

人之濟遇平地可以登仙事之得時談笑可

以獲祿非常者不期而會喜躍歡生王公者 利見大人恩華寵遇

寅時第二 勢孤援寡 下下

鼎沸若狂波 孤舟要渡河 異鄉無故友 人事拂天和

鼎沸之心設有吞舟之大志奔趨之勢更無 濟渡之扁舟若孤軍絕援於堅圍如羈放無 家於異域

寅時第三 小人道長 下下

冰霜寒裂膚 戎馬困長途 患深蜂蠆毒 祇自歎泥塗

履霜堅冰寒非一日浸潤膚受毀非一朝偽 說巧言之謗深於蜂蠆之有毒讒語倭口之 非甚於犬戎之為害

寅時第四 君子道消 下下

十七

否剝數時窮 陰陽室不通 獨謀寧獲助 紅日蝕長空

天地閉塞曰否否則有逆陰陽差謬曰剝剝 則有欲既否且剝君子所以道窮陽挫陰差 小人所以道長

寅時第五 小事契心 中平

胡越可為家 芝蘭味更佳 雖無霜雪幹 且喜傍墻花

合而不離曰契胡越可同美而不亂曰佳芝 蘭並室雖非比於松栢傲雪凌霜亦可慶於 芳菲賞心悅日

寅時第六 改故則吉 中平

業垢礙前程 好邪事不成 但存公直理 咫尺契神明

路無荆棘之所礙大道可行事有纖芥之所 疑虧邪勿用宜改宜革吉福漸次來祥存正 存心神明自然垂祐

寅時第七 奮躍亨衢 上上

珍藏幾年功 一夕氣吐虹 北斗寒無翳 請看三天鋒

奮於學者必有成功之望奮於志者豈無騰 逢之時神鋒三尺熒熒掃蕩千邪北斗七星 凜凜斡旋造化

寅時第八 先悲後吉 中平

春風雖未濃 空想舊顏容 直待秋雲捲 月明重又重

春風始生和氣萬物未萌秋月方現月輝百 祥集至若占望則先晦後明明而方遂凡用 事則初否末泰泰而始生

寅時第九 內外失助 下下

居家睽六親 忤物又妨身 動搖不自得 舊跡幾時新

家庭擾擾親者疎而愛者離自身惶惶智者 愚而巧者拙失助者弱力而荷千鈞焉能負 載遠動者巨浪而漂一葉豈能平穩

寅時第十 人財不安 下下

有慮親隣隔 無財力漸疲 強生分別路 何處覓平夷

慮近不可不慮正若比隣財損正恐失財一 如竊好分別者道險路危則坦平未見不安

者心離事阻而乖異益生

寅時十一 驚憂失宜 下下

龍卧明珠失 虎行人跡空 何時得安枕

驚慘夕陽中

虎無爪則威令不行困居幽谷龍失珠則神

通頓滅默隱深淵驚懼如臨棘座之中愁慘

若卧針氈之上

寅時十二 騰達有望 上上

高攀龍鳳姿 豈似鷓鴣兒 平地皆煙雨

一夕游天池

○ 鴻鵠之志豈從燕雀之徒鷓鴣之才焉與鷓鴣之比飛黃騰達於萬里因高貴以提携奮

發道遙於四溟得跡攀而稱遂

寅時十三 望用得財 上上

一着已先機 基分黑白圍 大江逢好渡

展翼却高飛

謀事有若變基算在前而成在後進望全如

射弓端在此而中在彼津渡得舟更勿憂乎

不濟飛騰助翼何勞慮其不衝

寅時十四 先虛後實 上上

雷發震天衢 陰雲密不舒 忽然膏雨至

霈澤鎮天書

霧淫雨降必布穀之濃雲恩祿寵臨必先

勤勞於王事膏雨至蘇田潤物歲稔時豐丹

書賜褒善美功道高德重

寅時十五 人事不和 下下

樽酒謾追隨 花間爭是非 解冤冤未解

爭奈小人欺

因杯酌而生讒誚立見宣爭防談笑而變是非坐遭吻舌因而成怨怨結重若丘山造次

○ 為殃殃深積如滄海

寅時十六 事慮非厄 下下

屋裏慮添蛇 馬嘶空自嗟 炎炎煙火地

紅日障雲遮

騰蛇遶宅門戶豈得而安羸馬嘶鳴行人焉

得而至火炎空而虛驚將至晝謹夜防雲遮

障而暗昧恐臨日憂夕懼

寅時十七 漸收天信 上上

離亭火索居 雲隔雁來書 昨夜燈花結

明朝引玉瑤

羈旅天涯久絕一音之好征鴻飛至忽收萬

寶之書燈結重重之藻喜信臨門鶻鳴切切

之聲佳音入戶

寅時十八 往而獲言 上上

欲速尚遲遲 投機自釋疑 綠深溪岸穩

何處不相宜

躊躇未決欲進或欲退去處兩疑待舉又時

點幸有壺天之景色遍賞何妨殊無絕地之

閑憂暢懷何礙

寅時十九 事無疑礙 上上

○ 玉鑑塵無染 金刀利可裁 天然成美事

爭得惹塵埃

鏡瑩淨則可以鑑容妍醜乃分刀快利則可

以裁物剛決乃應塵埃不染紛擾障礙已除

美事欲周悅懌情懷始暢

寅時二十 臨事疑滯 下下

隔岸聞鳴鳥 道途隔幾灘 神呵猶自笑

無路到仙壇

鳥鳴獸吼徒生吻舌之音道阻途迷忽起嗟

噓之歎神呵者知而不恤憊重過深路絕者

往而不通道微德薄

寅時二十一 失財不律 下下

多聚還多失 尋財事更遲 歸家如醉夢
閑慮却愁思

貪歛之人專務得而還務失欺邪之事不獲

吉而必獲殃心事倒亂昏昏醉夢顛迷念若

差迭擾擾愁思榮撓

寅時二十二 人財虧損 下下

烏飛不可追 雲雨暗垂垂 尋真還失路
何處不堪悲

○烏飛克走日月逝而莫追雲暗雨垂天地暝
而難曉尋真失路仙不遇而道不成獨處悲

傷利不獲而名不遂

寅時二十三 晚既可望 中平

鐵硯費研磨 淹留爭奈何 帆開秋漲瀾

牛女渡銀河

功名未遂磨穿鐵硯可為時運未通用竭機

關何益須待晚逢佳貺秋色如春達然老遇

昌時衰年還壯

寅時二十四 遇知見喜 上上

久久困泥沙 星金散作花 借他良匠手

鼓舞出黃芽

真金用於泥沙非陶鎔則不能成器美玉隱
於頑石非琢磨則不能別真黃芽出土遇真

仙白壁生光逢良匠

寅時二十五 作用通快 上上

青雲年少功 壯氣常凌空 用事已得時

高飛出樊籠

雲梯高步蟾宮折桂之秋舊意飛騰霄漢凌

空之際通快者前程坦率去路迢遙得時者

濟會方通情懷舒暢

寅時二十六 事遇空亡 下下

敗北不堪論 山高日又昏 馬奔人失望

煙火一家村

山高日暮乃懷憂抱慮之時敗北亡師乃挫

銳失鋒之意事不濟則空勞志役馬走人奔

道不行則謾設機謀煙消火滅

寅時二十七 病患臨身 下下

夢想更添愁 無情人更憂 何時尋勿藥

回首幾經秋

心多感則夢想不寧志多役則神思散亂致
致之欲豈無坎坎之憂戚戚之求必有綿綿
之患

寅時二十八 恬退可保 下下

安分方成泰 奔波必遇逆 屈伸知有道

喜入笑眉顰

安分者可以知止知足恬養者可以保命保

生靜中守靜亦可屈而亦可伸迷中又迷必

致逆而必致否

寅時二十九 小有知音 中平

庭外已虛心 忽聞鸞鳳音 斷金知有意

當認伯牙琴

虛其心者殊無警感之憂聞其音者知有鸞

鳳之瑞斷金者逢議讓之華風調琴者遇知

音之交友

寅時三十 功名際會 上上

朝遊荷花湖 夕上凌煙閣 壯志歌此行

馬蹄侵日角

道德就則遊宴十洲三島功行滿則逍遙四

海五湖勲業俱盈名可標於凌煙壯志崢嶸

身可攀於麟鳳

卯時第一 勞心有望 上上

半腸危百結 世路實多艱 祿馬相逢處

雲霄可自攀

事多過慮心萬端而腸百結世路艱辛道未

亨而力寡助先歷風霜之險阻得意勿驕次

逢祿馬之扶持稱心勿慢

卯時第二 再求有望 中平

重整亂絲頭 新修急峽舟 若逢春後澤

花柳一時抽

路頭未達一重水過一重山謀用未成亂絲

頭續亂絲尾弊損之舟再整可濟瞿塘甘膏

之澤復還需新花柳

卯時第三 事防重疊 中平

心緒亂如麻 浪看花後花 何時勤拂拭

回首故人家

紛紛之擾一事去而一事來袞袞之波一浪

退而一浪進拂拭者辟除外事小吝自消回

首者改悔前非大虞自息

卯時第四 事多障礙 下下

二五

白頭人未老 多苦更枯腸 逢處皆荆棘 何時憂自忘

人猶未老先言白首之悲事已凋殘謾起枯腸之歎當道有荆棘之礙進步不前去路生顛覆之危奔趨不遂

卯時第五 望用稱心 上上

有意出機先 相逢不偶然 職名皆得地

花錦到平川

籌畫之機用在前而成在後職祿之事向則

吉而趨則亨得地者景既如花如錦相逢者

緣契非偶非然

卯時第六 家道吉昌 上上

桃李照門庭 溪山遶屋青 天香凝不斷

風物逐時新

春色芳濃桃李有芳菲之景秋光明淨溪山

無埃昧之塵天香一蕋散蘭屏之氣氤風物

初新保家門之福慶

卯時第七 欺昧不明 下下

玉石已難分 奸邪不可論 怨從陰毒起

蛇鼠自相吞

二五

伎人譏已雖明哲不能保其身陰賊害人縱賢智不能免其毒美玉頑石真偽尚未可分君子小人邪正猶未可識

卯時第八 資助有得 上上

去去莫違回 天邊步斗魁 一噓吞巨浪

走馬借聲雷

去路坦然勿舉違回之意來祥助順必昭星

斗之光巨浪興因風力而吹噓雲起得雷

音之聲勢

卯時第九 事多虛詐 下下

有口只談空 無情強不同 笑他人獸面

翻覆兩雲中

偽談飾說聽之者其巧如簧詐語虛詞味之

者其甘如蜜輕信寡諾祇知表而不知中人

面獸心朝生喜而暮生怒

卯時第十 事遂功成 上上

九轉就丹砂 平吞日月華 真如龍虎妙

天地一黃芽

金丹妙藥無非九轉之功雷壽康寧乃是五行純粹天非雲障日月現於光輝人有道心

龍虎聚而飲伏

卯時十一 道果圓成 上上

仙骨比喬松 靈丹認葛洪 鶴聲雲外急
人在碧霄中

道骨仙風可比喬松之盛龜齡鶴算可同磐
石之安功行滿得為雲外仙賓道果圓堪作
蓬壺羽客

卯時十二 安分有成 上上

樽酒惹閑狂 誰家蝶夢忙 惺惺當自覺
秋後更時長

損真亂性有如畢卓食杯迷意感情全似莊
周夢蝶惺惺者宜早有覺曉岸清風賢長者
安分知機暮天月朗

卯時十三 人離財散 下下

魂夢逐雲飛 行人歸未歸 馬奔人亦走
空有淚沾衣

雲飛天外夢魂散以無蹤臨從彼中人財離
而盡失馬牛奔而駕馭不止事亦難追涕洟
流而悲感自生情亦難爽

卯時十四 家宅多凶 下下

不覺斷蛇傷 鴈飛難整行 鳥啼春雨後

人在日中忙

鴈失行手足不利兄弟乖離蛇傷斷骨肉有
憂夫婦刑尅鳥啼雨後空嗟滿日花殘人在
日中自覺一身影亂

卯時十五 神明扶祐 上上
事業誰無報 陰功信有神 飛騰今有路
一舉謝埃塵

施陰德者必招陽報行善事者必感福臨上
可以超宗拔祖吉慶所以流傳下可以廢子
榮孫神明所以扶祐

卯時十六 望外有信 上上
燕子落天邊 行行鴈信傳 未期心外事
紅綠已聯翩

春光淡蕩燕傳熙喜之音秋色澄清鴈報佳
祥之信望行人忽然而至花綻嬌紅占用事
坦然而成柳敷陰綠

卯時十七 先滯後快 中平
兩脚暗山前 行人出未還 待他風力捲
明月照紅顏

雨意濃而山路險行人阻而音信稀漸次雨

散雲收便覺舒情而快爽須臾風清月白始
知發笑以開顏

卯時十八 人財不寧 下下
悶慮苦駸駸 驚波逐此心 無言空抱恨
人鬼怒相侵

憂疑不決者謂之慮其慮惶惶暴亂忽至者
謂之驚其驚擾擾心緒不遂則抱恨無言人
事不和則陰鬼謀害

卯時十九 前程痛快 上上
柳陰方濯濯 松幹已我我 着意春無盡
東南興最多

竹身松幹不憂霜雪之侵凌槐影柳陰正遇
清和之景色幸有東君之着意朽壤須榮不
妨朱夏之熙遊情懷必遂

卯時二十 得人扶助 上上
中流似失船 賴得一壺全 更加風濤若
輪月照青天

船至中流有失死在須臾賴得有人救援生
於頃刻順風濟岸心始寧而事始安紅日昇

天昏得明而暗復朗

卯時二十一 前程得地 上上

情通濯錦川 帝里又開蓮 盡是超騰地

披雲望九天

情通道泰玩觀錦綉之山川功遂名超榮耀

王都之帝里飛黃騰踏心不顧於蟾蜍雲霧

披天身可乘於鸞鶴

卯時二十二 事多乖悞 下下

平地障雲山 朦朧不可攀 怨多空掩袖

咫尺隔雲間

雲山疊疊始知途路之遙月影朦朧難折廣

寒之桂積怨多人懷恨毒舉措隄防契分淺

事繫乖訛行藏顛錯

卯時二十三 小疑有成 中平

紅雨濕桃腮 離情莫怨情 春風如有待

生意又重開

桃腮杏臉不禁驟雨狂風矯意虛情不必怨

猜離恨春風至芳萌再發釋去闕疑小用成

欣笑重開驅除念慮

卯時二十四 事無定準 下下

身似一浮漚 隨風柳絮遊 波瀾猶未止
何處覓蹤由

一身自似浮漚忽爾生而忽爾滅萬事有如
飛絮或時聚而或時飛進望如木上出沒之
漚謀事若風中顛狂之絮

卯時二十五 必獲異寵 上上

鳴鶴在前途 鴛鴦叩玉壺 天厨應自設

忻得貴人扶

鸞鶴飛鳴已遠逍遙之志鴛鴦對偶相期寵

愛之歡天厨設上品之珍羞貴人扶陰德之

相助

卯時二十六 快策必勝 上上

籌策孰為先 人才第一賢 寵奇當未艾

千里獨加鞭

機畧之妙謂之籌知鬼神之情狀料度無義

謂之策決勝負於有無二事俱備取勝之道

不難千里加鞭立功之宜必易

卯時二十七 口舌相凌 下下

言行兩相違 空論是與非 不知榮與辱

輕在發樞機

言行相合者謂之君子言行相違者謂之小
人毀真亂正逢天誅地戮之德尤反是作非
遭拔舌耕犁之果報

卯時二十八 所求可望 中平

庭月照江梅 庭月照江梅 庭月照江梅

庭月照江梅

意思遲回多是累達屯挫重添杯酒豈非斷

續歡忻人影清瘦必然先見於憂懷月照寒

極乃是晚逢於佳貺

卯時二十九 喜慶有漸 上上

缺月未圓時 看看桂子垂 馬蹄雖未快

喜笑入雙眉

新月初生漸有團圓之影馬蹄緩步豈無馳

驟之心占名位從小至大恩既重重占財祿

從窄至寬歡情疊疊

卯時三十 骨肉離散 下下

孤鴈失無群 哀鳴不可聞 望伊伊不見

遠遯幾重雲

鴈失群夫婦有喪偶之悲聲哀鳴兄弟有別

離之歎占骨肉者則主生離死別謀動用者

則有惹患招殃

玄真靈應寶籤卷



玄真靈應寶籤卷中

納三

辰時第一 天賜福祐 上上

天外散浮雲 真仙降玉音 福華并祿算 忻喜此門庭

浮雲散則天氣朗而地氣清真仙集則家道

昌而公道泰施恩布德自然祿算之綿長奉 道教真必爾福華之延水

辰時第二 幽失不前 下下

天外起浮雲 月華那更明 行人山路險 不可復登程

浮雲障月掩桂兔以無光險路登程阻行人

而失路心所急急而不濟所以進不可前事 有阻阻而未通所以退不可後

辰時第三 人情見阻 下下

玉石共沉埋 賢愚不并裁 是非俱一體

豈得共和諧

至寶至美者謂之玉至頑至硬者謂之石有 才有德者謂之賢無才無德者謂之愚既是 非真偽之不分必人事乖訛而見阻

辰時第四 德意成慶 上上

獨步上雲霄 前程萬里迢 更無他阻障 鸞鶴自逍遙

耿耿雲霄則與塵泥之隔遠迢迢萬里始知 前路之遙長無阻障者知其意而自然得道 遙者得其樂而成慶

辰時第五 如願遂心 上上

萬寶已成秋 歡聲到鳳樓 好將香火願 共答百神庥

百穀豐登萬寶收成之際千祥慶集一天和 氣之時香火懇懃者則福力愈重愈高誠意 堅確者則歡情愈安愈遂

辰時第六 平和遂利 上上

春色滿仙園 風和花正妍 賞心無一事 舉措合神天

和風麗日則草木秀而芳華樂事賞心則念 慮消而悅懌物遇春雖朽壤亦可扶而敷榮 人有道求名利亦自然而超遂

辰時第七 先憂後喜 中平

風浪急孤舟 心中未遂遊 彼岸人接力 方始得安周

風狂浪急出於不測之中旅泊舟孤正在驚惶之際神物護無虞無害心漸平寧人力接乃助乃安事方獲泰

辰時第八 進退不安 下下

碎事惱心懷 人情兩未諧 欲將心下事

進退又訛乖

凡事無巨無細有所感者則惱心懷凡人求進求通無所就者必損於志惱損心懷者謂之不安徒勞進退者謂之不遂

辰時第九 退保守吉 中平

○月落五更殘 家人獨掩關 徘徊那有遂

仍舊守吾庵

西傾月落始知更漏之殘獨坐掩關自覺無聊之既降寸心而屏息慮外事休于守大道而順養神形內裏不擾

辰時第十 殊祥祐吉 上上

洞庭秋色滿 明月照波瀾 好趁扁舟去

蓬萊覓大丹

洞庭秋夜之月色浩渺波瀾蓬萊麗日之春光熙和宇宙扁舟順濟風不動而浪不生大

丹煉成神可昇而仙可遇

辰時十一 事因不快 中平

落葉滿庭除 西風掃夜居 幽人情不快

餘困豈能甦

心疲志困對西風着物之悲事拙謀乖起落

葉辭柯之噴欲棄之棄而不能食鷄玩助欲

求之求而不得指鴈為羹

辰時十二 求望未遂 下下

星月現微明 光華事未分 亭闌人去遠

心事惱精神

○新月初生未見團圓之桂影寸心未遂尚多艱錯之乖情人去遠則懷離別之悲憂事

緒惱心則見艱難之阻遏

辰時十三 淹滯方甦 上上

枯木再逢春 芳菲滿自明 與君同慶賞

遂得逐時新

在根之木得春風則葉茂柯榮有道之人遇

命亨則名超位達雖脫淹延之滯道德重修

幸逢昌泰之時芳菲共賞

辰時十四 災退病除 中平

又困卧沉疴 憂情甚被魔 忽然良藥遇 輕舉上雲羅

綿綿困滯渾如又卧於沉疴疊疊憂懷何異

困居於幽壑忽遇良劑病可退而疾可痊得

濟高人出乎類而拔乎萃

辰時十五 往凶退吉 下下

孤客夜登程 雲昏月色沉 祇堪恨家落

回首竟無憑

孤客登程夜已昏而月已落寒人用事志已

拙而謀已踈家落者往則有不測之虞回首

者退則少保安之福

辰時十六 前程進達 上上

文章得意歸 恩沛賜緋衣 光華修顯赫

福祿自相依

得意文場取功名如俯地拾芥進身自省破

恩華如仰天太陽道德隆而嗣祿超榮福祿

依而門庭顯赫

辰時十七 內外不寧 下下

默默坐空堂 愁心未展張 那堪人鬼路

家宅事忙忙

內不寧因家道不和外不寧因人事不順情
懷鬱結人怨嗟愁心默默幽怨多擾事悽
悽歡樂少

辰時十八 平安凝福 上上

清晨一炷香 天意保安康 舉心皈大道

福慶自然長

晨香至禱祈門戶之平安夙夜無欺保千齡
而益美行一善則百神協助集福凝祥減一
惡則萬禍蠲除宥愆赦過

辰時十九 心遠事違 中平

萬斛沉舟發 波津尚滿凝 空存千里志
未得一篙輕

船閣淺灘不可棹而不可驚事逢憂滯不可
奉而不可通志懷千里移寸步而尚阻尚難
心有百端設機關而何施何用

辰時二十 意誠兩乖 下下

童蒙未解機 昏識豈堪為 且守存餘意
終成白首歸

童蒙之子智識昧於奇才愚暗之人器量淺
於大用失機會者功摧名墮白首無成大癡

迷者事拙謀乖惶顏何濟

辰時二十一 聞憂不憂 中平

人倚在西樓 秋深笛韻幽 祇堪空自看
不必更懷愁

人懷愁感聞笛韻而生悲事繫憂心聽雁聲
而起慮釋其憂感則悲變為歡安其心神則
慮變為慶

辰時二十二 聞喜不喜 中平

一鴈空傳信 虛聲不見聲 笑言憂喜事
但且枉傳聞

所聞者妄傳喜信喜自何生所見者惟是空
花空則無實徒起矜誇之美譽一事無成空
成懊惱之悲慚寸心有恨

辰時二十三 福至災釋 上上

道德助良緣 天書降寶軒 許多災厄慮
一掃更無慙

人有三災八難自作孽者不可活命有四柱
五行自知分者必無撓 宮除吉祥自至紅
日消水德尤散福慶自生暴風飄葉

辰時二十四 待時有慶 中平

有玉隱崑山 光芒射斗寒 若逢良匠別
傳器在人間
人懷道德如隱玉於石中命遇亨通似仙脫
於凡殼道德仁義人之寶可聖可賢金玉珍
珠世之珍乃富乃貴

辰時二十五 先合後散 下下

灰冷寶爐寒 樽空興已闌 許多歡笑語
渾似夢魂間

篆消煙滅覺佳貺以闌刪筵散樽空知歡娛
而寂寞駕侶有離別之恨鸞鑑分收斷絃無
再續之期仙音渺絕

辰時二十六 事多撓撓 下下

樓擾復樓擾 極目清江渺 孤舟未得回
望信空生惱

忽忽擾擾目前如理亂絲或或惶惶心下若
焚炎火江浩渺而歸舟未至目極魂消息營
惱而所事不通情疑腸斷

辰時二十七 謹防語失 中平

談笑生荆棘 非言失所言 若非良友鑑
幾被苦牽纏

觸犯忌諱乃刀劍生於口角其口宜緘識訟
是非而荆棘起於舌端其舌宜捲出一語而
當三思舉一事而宜詳審

辰時二十八 自謹勿托 中平

舉措自端為 行藏更謹機 托人為所事
恐後變成非

所為舉措遠邪伎而親君子似蘭斯馨動止
行藏守端正而去暴慢如松之盛敬其事勿
托非人謹其身而戒妄作

辰時二十九 得時為喜 上上

滿目發芳菲 仙園景最奇 趣逢佳慶節
歡笑醉金厄

萬卉千葩到陽春而始秀懷才抱藝得時濟
而方通靈根帶春氣而發萌君子遇時機而
顯達

辰時三十 決疑退慮 中平

進退正宜新 明人見意深 好將懷內事

一決自分明

知進退存亡者乃有先見之明識利害榮辱
者必無後悔之患心之疑慮遇良友而曉然

事之幽潛得貴人而明辯

巳時第一 解怨生恩 中平

念念在存思 相逢正彼如 向時讎與怨
茲者變歡娛

以恩解怨炎火內生蓮以怨結冤漂漂水
中積雪思不可施恩深而怨自消讎不可深
讎解而怨自釋

千里關山隔 寸心飛去難 忽然舟楫便
不可更愁煩

巳時第二 遂意有期 中平

風快舟便何辭千里之遙事泰情通自有百
祥之助遂其意愁煩自釋佳貺有期稱其心
幽滯自除進謀有望

巳時第三 待時後遂 中平

一鈞新月微 雲淡照庭幃 雖未十分快
團圓終可期

萬物代謝各皆有時一世榮枯豈得無命實
月有圓有缺至三五而皎潔團圓凡人得遇
得時遇際會則亨通顯達

巳時第四 悟道得真 上上

金丹大隱書 玉典降天樞 祕語今朝賜
凡胎脫下軀

金丹大典玄真秘密之文氣鬼神形體修
護之物悟其道者秘語不傳之妙羽化飛昇
識其理者參詳契合之微脫胎換骨

荒田久旱時 農業正傷悲 天澤忽然濟
良苗救歲飢

志學者心圖名祿勞苦在先力耕者意望秋
成豐登在後天時順甘膏降澤苗穡重甦人
事和美譽稱揚名權復顯

巳時第五 憂先喜後 中平

雲昏月又沉 孤客守空庭 寸心千萬意
誰解起愁音

危難驚惶淹延沉滯雲掩月則光輝不現風
激水則波浪不寧一事無諸愁音起寸心不
遂嗟嘆生

巳時第六 困滯俱生 下下

高臺百尺危 快意望雲霓 天外雙雙鶴
飛來賜寶機

巳時第七 忽然有喜 上上

飛來賜寶機

脫幽出滯如釋重病之軀快意稱心若覽春
臺之日鶴飛鳴而冲霄羽翼人脫羸而逸老
安居

巳時第八 舉事有成 上上

甘澤降荒田 靈苗發茂鮮 秋成終有待

佳節保安全

田疇萬頃甘澤降而禾稼榮口體一身造物
順而名祿顯舉一事有成有遂上德欣然謀
一用處公處正下情允許

巳時第九 心勞事拙 下下

雲外幾重雲 天書不可閱 縱然心意恪
殊不聽佳音

窈雲不雨徒生仰望之心丹詔不臨謾起沉
吟之嘆志勤恪返為怠墮功不成意繁牽殊
無聽聞事不遂

巳時第十 所願遂心 上上

坐久待婢始 雲開寶月圓 開梅共清賞

萬慮一齊捐

雲開天淨寶月現而宇宙澄清災退病除吉
福臨而謀用稱遂開樽俎而賞心樂事滌念

慮而事泰心安

巳時十一 有助無阻 上上

長江千里遠 風靜水紋平 好稱扁舟去

謀為盡契情

得道者自然多助左逢挈而右逢提得時者

何患無功上遇合而下遇順風靜者水平舟

穩契意者事遂情歡

巳時十二 情乖事背 下下

冰炭不同爐 彼情非我情 更宜自詳謹
心事勿相論

水火不可同處為其性質兩殊賢愚不可并
居為其智識不侔殊異共處情必乖邪正並

居謀必背

巳時十三 貴人接引 上上

天福載文書 欣欣各遂如 朱衣相接引

權要兩相扶

文書有氣天祿駕而雲奔謀用無疑朱衣引
而風助當權握者欣欣接遇進爵添階臨要

路者穩穩扶持陞名益祿

巳時十四 小害無傷 中平

一鬼暗中笑 豈知相竊窺 雖無十分害

第恐有微非

人有鬼人物有鬼物生妬害者謂之鬼人作
崇恠者謂之鬼物除鬼物者有天心之正法

易以驅除辟鬼人無治術之良方難為禁止

巳時十五 順守無害 中平

財利欲成時 人情兩是非 順之自和悅

終保少憂危

父子兄弟之不睦多以因財同儕朋友之不
和豈非爭競利之者愈為不足失義虧仁讓

之者順而自安名光譽美

巳時十六 漸有涯際 中平

景色始光輝 憂心自退之 方能進寸步

漸可近天湄

昏暝已退景色漸漸清明憂慮已消佳貺徐

徐安泰進寸步可通千里何患不週謀一事
可保百祥何憂不遂

巳時十七 敬真助福 上上

丹爐寶篆焚 親事祝吾尊 助爾清緣福

心專道自存

奉真者得其真力過難自消奉佛者得其佛慈逢災自釋焚寶爐之丹篆默禱虔誠賜遐福之恩光昭明靜應

已時十八 陰小不寧 下下

鬼昧苦相持 家庭陰小危 舉心行善事

解釋自安機

家庭危厄蓋因歲寒年災鬼魅侵欺多是志乖意僻正其心而行其事陰小自寧安其志而戒其非災害自息

已時十九 未遂如心 下下

旱地豈行舟 歸心未得由 空令煙障客

兀兀意悠悠

倚舟旱地豈能濟而能行用事搏空豈得成而得遂歸心未展空悠悠而惆悵多誠意未周謾兀兀而歡悅少

已時二十 起滯發幽 上上

穿紉射穹蒼 邪幽鬼魅藏 更無他滯礙

威德發名揚

寶劍乃正真君子射斗衝牛鬼魅乃陰邪小人伏幽藏隱威令發宣揚道德以正除邪功

力就起拔幽潛以思成福

已時二十一 災退福生 上上

天樂發清音 仙車降宅庭 門闌光赫赫

閭慶受嘉恩

靈音清亮用事和而嘉信臨仙車降庭動則吉而美事集浮災微惱天邊已逐雲飛祿慶

恩華戶內福隨春至

已時二十二 舊事再成 上上

舊事復重新 退心變進心 分明幽滯客

翻作步雲人

退心復進始知時有變更事再重新方表命運協助不失青龜之故物幽閉重開得瞻金鑑之輝光容顏復整

已時二十三 有助成喜 上上

歸心得便舟 擾意復優游 不必更惆悵

故人相遇周

歸心切切幸逢順便之舟擾意惶惶忽覺優游之樂幽滯脫而亨途快爽春滿江山貴人進而成遂周圓光生閭里

已時二十四 宜守勿動 中平

且守不可動 動之事必訛 月寒庭下靜

風鼓水中波 人若謀動吉凶悔吝生焉心若妄求福禍災釋立至惟靜守月照庭而清幽推動求風鼓波而洶湧

且守不可動 動之事必訛 月寒庭下靜

風鼓水中波

人若謀動吉凶悔吝生焉心若妄求福禍災釋立至惟靜守月照庭而清幽推動求風鼓波而洶湧

波而洶湧

已時二十五 是非擾括 下下

月落又空山 清幽事已闌 寸心千里遠

俱在是非間

人之迎蹇作事是而反成非時之乖違道本亨而復為否謀踈計拙寸心千里之間信遠音沉月落空山之外

已時二十六 有氣可成 中平

寒灰事復然 休言事向遷 若逢人力助

咫尺是前緣

星落寒灰忽有復然之喜凋零枯木再生返綠之榮候其時而進咫尺可期得其助而成因而可就

已時二十七 慶會亨通 上上

得意發新文 縱橫道濟民 風雲相慶會

惟爾保安寧

得意發新文 縱橫道濟民 風雲相慶會

惟爾保安寧

事獲稱遂曰得意心無掛礙曰縱橫雲龍風
虎盤旋於金鼎之中達聖通真慶會於蓬壺
之上

已時二十八 和合通達 上上

豺狼陷石崖 行客免憂懷 去路平如掌
相隨意自諧

豺狼當道幸然天已驅除謀用始通頓爾心
無憂惱去路平前程坦率進達四方事遂成
衆志諧和利名相美

已時二十九 脫災用事 上上

陰小脫重危 宋庭漸有輝 許多憂惱事
風掃塵微

陰小重重之危厄日照薄冰自身坎坎之災
德風飄枯葉敗毀樓臺復鼎新而修葺欹傾
樹木再培植以扶持

已時三十 福慶兩生 上上

鸞鳳舞翔翔 香風降吉祥 大開佳慶宴
共集福華陽

安靜無禍曰福道德興隆曰慶鸞鳳翔翔為
天下瑞善念滋長則祿壽昌積善者餘慶乃

生積德者退福必至

午時第一 遲疑未達 下下

有意玩仙鄉 三山路渺茫 不能升一步
惟恨對斜陽

蓬萊三島之鄉有所聞而無所見求謀遠望
之事已所用而未所成志甚速而行甚遲得
甚難而失甚易

午時第二 喜用有助 上上

行過幾重山 今方得遂安 更逢人指引
得鹿始回還

涉水登山歷遍崎嶇之險退災進福方成稱
遂之安得人指引有功其功允濟得鹿回還
有喜其喜善歡

午時第三 喜中有憂 下下

變態起雲霓 晴天忽變悲 一天星斗暗
不見月光輝

平寧安靜恐生蹶步之憂喜笑歡欣慮有歛
眉之歎雲霓忽起一天幽暗而生星月潛光
滿目晦冥而至

午時第四 賜福得慶 上上

枯槁本無氣 陽和一變春 東君施化力
均濟普沾恩

枯槁之木非東君不能發萌職祿之來非貴
人不能陶鑄田疇豐熟因沾雨露之恩草木
敷榮均賴陽和之力

午時第五 超凡入聖 上上

青雲去路遙 仙籍姓名標 自有長生訣
丹砂出聖苗

道高德就名標仙籍之中行滿功成位列天
曹之內得長生之妙訣返老還童授丹鼎之
玄微降龍伏虎

午時第六 憂喜未決 中平

混沌似冥昏 憂歡尚未分 祇須天地豁
鷄犬始能聞

混沌冥昏之際尚未能分憂喜進退之間尚
未能決更待天清地朗疑慮之事盡消始聞
犬吠鷄鳴是非之端方覺

午時第七 守靜待吉 中平

大道欲清幽 存心勿妄求 任他空撓聒
一意止存脩

守道之人心欲安而神欲靜浮華之士意多
妄而念多浮天與壽惟存備而待之否與通
但操正而執耳

午時第八 散憂退事 中平

退事勿再舉^{十一} 進心且息然^{十二} 妄傳多少意

是非不能煎^{十三}

憂事如水上輕漚不能持久喜事若空中搏
影豈可得成所謀所用徒勞役志役心散喜
散憂方可免災免咎

午時第九 虛空不實 下下

一溪春水流 花落滿芳洲 空作春花夢
悠悠事未周

榆錢不可以濟之畫餅不可以充飢傳不可
以信虛名不可以聽實落花過目隨即掃空
春夢驚回無可玩味

午時第十 待時有望 中下

寶鼎尚沉埋 才高未免諧 一朝龍虎會
有職盡添階

事之未濟如金玉沉於泥沙時之未達縱才
智豈能亨達龍虎盤旋交會變異風雲時運

際合亨通驟遷祿職

午時十一 疾退病除 上上

抱疾未能痊 良醫在目前 不須多悵恨
非久得安全

成病則頓開解悟災厄若退其病忽爾而痊
命運若通其福自然而至

午時十二 終有成望 上上

有鹿在山前 新花滿目妍 歷終微險阻
大可展愁顏

逐鹿者歷遍崎嶇之險玩花者曾經霜雪之
寒雖先見於至艱至難終成稱遂乃始達於
從心從欲大展歡顏

午時十三 扶持有獲 中平

護助非人力 扶持乃至真 分明舟欲覆
過得渡平津

大厦將歿非大力而不能正沉舟欲覆非神
助而不可扶平津得渡分明險處逢安彼岸
得臨幸爾危中有救

午時十四 文書利泰 上上

千里一丹書 傳來自寶樞 望中為得意
職祿兩相扶

丹詔來從千里恩寵先華寶樞賜於一朝官
班品貴叩文書文書有氣化筆胸鎔占職祿
職祿有榮貴人助順

午時十五 先阻後泰 上上

歷盡幾重山 雲開天地寬 不須多着力
平步到玄關

涉水登山歷盡艱辛之阻障雲開天淨幸達
爽快之良時玄關到而不遠勞役休辭謀用
進而有期不須着力

午時十六 合成非久 下下

衰朽又何為 空言白首歸 夕陽雖有景
第恐不多時

衰朽之木非梁棟之奇才輕諾之言非信實
之良語彩雲虹影終不耐於久觀風梗浪萍
必暫聚而復散

午時十七 守靜勿用 中平

秋色到人間 庭空月正閑 丹爐香寂寂
百事不相干

性靜情逸惠光朗朗圓明心動神疲業火炎
交熾赫心火定丹爐寂寂萬禍不侵障雲散
夜月閑開一毫不擾

午時十八 括擾未寧 下下

是是與非非 稠人擾自為 欲求清淨理

尤自格爾機

欲生於自擾擾則不寧是非起自喧爭爭
則有怨關機藏隱逢怨惡而自滅自消清淨
無為遇克尤而自解自釋

午時十九 憂事無言 中平

病虎卧前溪 前人望自為 不能生陷害
何用設狐疑

惡心如猛虎當道不可不避舉步如履水而
行不可不謹曰敬曰恭災害自然不生守正
守真欲各何由而作

午時二十 得道成合 上上

洞庭春色關 仙友會雲班 好覓長生藥

逍遙餌大還

仙巖碧洞滿天月白風清紫府蓬壺匝地普
天春色道果成長生久視飽食蟠桃功力就

快樂逍遙飛昇仙境

午時二十一 門戶不寧 下下

幽鬼睛來退 家門氣象陰 謹身三七內
漸可退餽迤

虧心暗毒謂之幽幽隱不明害人竊物謂之

鬼鬼邪侵擾門庭撓括宜鎮靜而消穢群小
爭喧當謹身而退避

午時二十二 得恩感惠 上上

得道始提携 超凡入聖機 感心常激切
恩惠足扶持

得人提拔者謂之恩其恩最大與人財祿者
謂之惠其惠尤深中心藏之常懷感激之心
何日忘之自有神真之助

午時二十三 憂中有喜 上上

雷轟掣雷時 邪魅已潛機 幸得風雲散
天高月正輝

轟雷掣雷豈誅有德之人白璧黃金不賜無
功之子邪魅消幽魔蕩息道氣中和風雲散
星月光輝乾坤澄靜

午時二十四 讒妬相害 下下

佞語巧非常 侵之必有傷 暗中藏利刃

切欲要隄防

佞人悅已面必譽而背必非謹口陰謀快似
刀而利似劍比之蜂蠆之毒其毒尤深比之
虎狼之惡其惡尤甚

午時二十五 道合遂成 上上

寶騎疾如飛 青雲得路時 機謀相遇合
成遂豈能遲

前程通達乘寶騎以如飛高步逍遙上青雲
而得路謀成遇合言必聽而計必從福至心
靈物必亨而名必遂

午時二十六 防謹言謗 下下

烈火燒珠玉 讒言毀善良 若人非解忿
幾致有危傷

珠玉之美必有纖瑕之折善良之士豈無護
毀之非消護滅毀當宜察已修身解忿釋愆
尤在退思改過

午時二十七 用心不遂 下下

獨立斜陽裏 殘蟬吸晚風 一庭秋寂寞
更漏已成空

殘蟬斜日知景物以淒涼落葉西風覺秋容
而寂寞更漏水夢中作夢夢寐不安心緒亂
憂內懷憂憂疑未決

午時二十八 琢磨成器 上上

一躍龍門裏 桃花浪幾重 如今身得意
勞逸已成功

文場得意始酬立志之勤勞蟾宮攀桂已遂
鵷摠之學業發奮志龍門一躍冠群倫名播
四方

午時二十九 得遇扶持 上上

念念一何求 憂心未得周 忽然人借力
携送上雲遊

惟日孜孜一成名而成德亨途坦坦萬斯箱
而千斯倉遇上人之協助風力吹毛蓬大貴
而提携雲開見日

午時三十 名利不遂 下下

財散風波裏 名標雲霧間 利名皆不遂
回首掩柴關
財寶散失沉埋萬頃風波名位虛無障隔一
天雲霧回首者利不獲而名不就掩關者閉

不開而塞不通

未時第一 家門利泰 上上

五福壽為先 年高祿更延 一門佳氣集
長幼慶安然

康寧富壽五福備而天下尊嘉慶安和一門

集而長幼順孝於親者天道助而家道昌敬

於真者吉事修而惡事退

未時第二 名祿成遂 上上

鹿駕文書急 花開燕作喧 春花成遂合
每事喜相連

鹿駕文書文書動而名祿遂春花燕語燕語
喧而喜慶臨占遠信則遠信來叩近謀而近
謀遂

未時第三 神功陰助 中平

竊盜來空室 勞心任往還 倘非神力助
必致損機關

偷盜之輩徒生竊害之心謀陷之中自有神
真之護謹其身以却其禍災害不生守其分
以安其福禍亂不作

未時第四 成濟為事 上上

高田百種苗 豐稔慶秋高 喜得逢甘澤
農家祝聖堯
時豐歲稔自無水旱之憂兩順風調必有秋
成之望所謀所用之喜如甘雨以濟枯苗所
望所求之心如涼風而解炎熱

未時第五 守真堅恪 中平

松栢傲霜雪 浮花不耐春 時真存節操
堅恪保安寧

守真守道之志如松栢而傲雪霜不凋不枯
苟求苟望之人如浮花而敵風雨豈久堅確
常以存心安寧自然獲福

未時第六 正心無疑 中平

天外一聲雷 風雲慶會時 邪人皆悚慄
正士一皈依

雷音轟烈警其惡而誅其邪鏡鑒淨明照其
妍而鑑其配心若端正則無疑道若皈依則
無懼

未時第七 出滯得快 上上

得道人多助 時欣歲又歡 豈能相阻遏
去路自翱翔

得道者所以多助天下順之守道者所以寡過一身安矣出其幽谷飛騰而脫滯趨亨步其雲衢超越而遷心快意

未時第八 福臨災退 上上

鸞鳴鶴舞時 仙仗下天墀 待賜真光福

災愆一宥之

玉珮丁當駕龍車於碧漢綠雲繚繞擁仙仗於瑤空真光赫赫掃除天下之妖氛聖德巍巍普賜閨門之福慶

未時第九 忽然喜合 上上

十一口相扶 相承百事如 朱衣當引道

聞喜降天書

忽爾相承事有不期而會合因時際遇和同衆力之扶持况貴人生提挈之歡心主文書有陞遷之美意

未時第十 憂退慮消 中平

三女已消亡 憂情自渺茫 目前閑詒意 身後必嘉祥

三女亡姦詐自然而屏息戎具退盜賊頓爾而消除雲收霧歛心眼有開豁之明慮散憂

除謀用無淹延之滯

未時十一 利見大人 上上

利澤施于民 歡聲化彩雲 堯豐歲時泰 萬境賀昇平

聖人德化惠可及於兆民君子道亨利可澤

於天下堯年豐瑞一天星斗呈輝舜日熙和

萬境歡聲誕布

未時十二 千人有阻 下下

計策已為詐 人情不可干 再三空進退 喜氣變愁顏

人之情詐口雖諾而心必違道之乖訛言不從而謀不用心慙慙而至懶至切喜慶為憂

事漸懶而無阻無成進而後退

未時十三 退暗出明 中平

坐久清風發 夢回明月生 昏昏多少意

方始見分明

清風徐發滌炎熱以清涼明月初生照幽沉之昏暗進一步行途漸穩已有輕便謀一事

運路開通殊無障礙

未時十四 禳災謝過 中平

陰小恐生迤 闕爭事返驚 禱禳憑道力 香火更留心

陰小坎珂門庭生不測之迤闕事喧爭名位

起不虞之惱急須謝過依憑大道之恩光速可消禳保祐家門之吉慶

未時十五 憂喜不成 中平

一木見雲霓 空花發秀枝 須臾無一事

憂喜兩忘之 雷雨收頓生霞彩江海淨忽起波濤須臾雲收霞散更無一點之悲歡頃刻花謝水流謾

有兩忘之嗟嘆

未時十六 心速事遲 下下

策馬度嚴關 天昏月又殘 主人難進步 惆悵起悲顏

千里之程非一日而可至可達迂折之事非片言而可就廿三可成漏殘月落徒生惆悵之悲

心速事遲謾起呻吟之嘆

未時十七 虛聲妄意 下下

有寶隔千山 無言向彼間 聞聲名不實 到了事空閑

妄求之意有如空裏搏風虛想之心全似水中捉月徒取他人竊笑謾勞自己施為事事無成謀謀何濟

未時十八 憂迄不寧 下下
家中蕭索事 動靜一成迄 旺氣全然滅

人憂鬼亦驚

興敗頓成於蕭索灰冷煙沉動靜恐深於迺
邈心憂慮守常守分猶防擾擾之非進望
進求恐有忽忽之失

未時十九 成決未許 下下

見之則未見 成之尚未成 徘徊空進退
來往枉勞心

似見不見之形雖離婁而不可觀似聞不聞
之語有師曠而不可聽既聞見尚未得真於
成敗豈能便決

未時二十 名稱俱備 上上

紅日照乾坤 嘉祥集孔門 望中旌表至
聲譽世間聞

紅日升天陽氣舒而陰氣匿嘉祥集戶人道
亨而鬼道潛德業備而百世流馨忠節至而

一門旌表

未時二十一 敗事復成 上上

紅日化嚴霜 幽潛悉顯光 枯根有生意
漸可發芬芳

嚴霜殺物物將敗而暖日消融巨浪飄舟舟
欲覆而暴風忽息退散之事舉用必成枯朽
之根栽培必活

未時二十二 驚心未寧 下下

靄靄一天雲 風雷發震驚 憂懷無限恨
猶未脫埃塵

靄靄雲生必有迅雷之發惶惶心動隄防虛
詐之驚雖不至大難凶危之厄猶未脫小逆
無妄之災

未時二十三 事遲有望 中平

大器晚當成 大音希有聲 琢磨方見寶
不枉久勞心

九鼎之器非一日之可成百里之雷非無時
之有震丹砂宿火須憑九轉之功謀事稱心
切要三思之用

未時二十四 利見大人 上上

蓬萊路渺茫 仙洞歲時長 得遇高人面
靈機助玉章

蓬萊路渺得其道出則何難仙洞遐長遇其
真往則何遠風緣契合利干上貴之人功名
昭然必感寶章之賜

未時二十五 萌事未發 中平

殘月待時久 機關用處忙 未知成敗事
流水去何長

栽培之木未遇春未可發萌謀望之心未得
時未能成遂機關用而未遂空自愴忙智謀
廣而無施謾勞心力

未時二十六 福實事厚 上上

歷古至于今 金剛玉石身 任他霜雪凜
不改歲寒心

烹金琢玉乃成至寶之珍植檜栽松何異雪
霜之凜祿厚者雖火水不能有傷道成者縱
邪魔安敢相逼

未時二十七 守節安吉 上上

實道守于一 持心不在狂 坐中當見事
笑默意何長

有道之士守其一而不亂存心之人持其志
而不回靜默虛恬則養浩然之氣謙恭端謹
則無暴慢之非

未時二十八 解怨成懽 上上

千里遇知心 一天風月清 怨情今已解

爛熳醉懽忻

結怨者自種今生之禍患施恩者必招宿世
之因緣怨情既解一天風月澄清好既重臨
千里恩波爛熳

未時二十九 待事如旦 中平

夜月照庭除 清猿一嘯孤 待須平旦日

方可去登途

猿啼悄悄徒勞枕上之思月影沉沉空役夢
中之想候得時而進用事必曉然待平旦以
登途路無阻礙

未時三十 危中有救 上上

狂浪欲覆舟 憂慮不勝愁 須臾臨彼岸

新慶滿高樓

波狂浪急舟欲覆而事欲危風定浪收船始
安而心始泰臨彼岸已離危險天地扶持上

高樓而慶新華人物豐美

玄真靈應寶籤卷中

玄真靈應寶籤卷下

納四

中時第一 待時可時 中平

渺渺天邊鶴 乘風萬里飛 更無霜雪阻

秋色滿庭幃

天邊之鶴風力健則飛達霄霄塵世中人命
運通則顯榮超達時未達則潛而勿用命運
通則守而自才

申時第二 得意過時 上上

皓月洞庭秋 乘鸞汗漫遊 玉堂天地闊

已脫苦淹留

明月清風况對洞庭之秋色乘鸞跨鶴何妨
汗漫之清遊玉堂潔淨更無半點罣塵仙洞
迥長已絕有為之快樂

申時第三 喜信臨門 上上

火煉始成金 真光現寶庭 駭然為一信

忽爾報佳音

烹金鍊玉乃成大寶之珍珠性修真必有昇
仙之分佳音至天降異常之喜慶莫信臨人
生踴躍之歡欣

申時第四 佳報奇遇 上上

燦然星斗文 寶劍氣凌雲 別有真奇遇
終身滿國聞 寶劍凌空上 徹斗牛之色 旌忠輔國下 鎮夷
狄之威 一時際遇遇則崢嶸千里播聞聞則
超遂

申時第五 望事不成 下下

玉碎不成珠 金潛豈可烹 惜哉奇過士
迤邐暗中行 玉簪將就已成中 折之悲執釣得魚忽有折
鈎之歎 因緣事過而不遇 一笑而空謀望事

成中不成中 報而止
申時第六 決疑成事 中平

水清魚可見 智明情不知 幸無昏濁昧
何用強猜疑 水中靜則遊魚可見 智內敏則情偽可知 既
無蒙昧之欺 當決狐疑之慮 舉一事須成就
謀一用須去疑

申時第七 守道勿用 中平

大道本無礙 真光照眼明 守心能守正
神鬼亦須驚

大道無名本無拘 無礙真光有象可能照 能
明心若正直神不干而鬼不欺 性若圓通仙
可學而佛可作

申時第八 惱事漸消 中平

群心亂生念 衆心空憂牽 從他機巧用
舉步自安然 借亂者必遭君子之刑 忿爭者必受小人之
辱 人事乖違衆情不順 久而自消 心意隱忍
百病不侵 久而自泰

申時第九 退憂成喜 上上

赫赫陽光發 沉沉鬼魅消 滿懷幽興盛
一掃意超超 日昇天則陰邪自然 潛匿命運通則災害自
然 消除縱生憾憾之憂 懷當有欣欣之美 遇

申時第十 守正戒非 中平

人頭三尺上 神物自相隨 昧事休生意
防心切勿自持 天雖高而聽甚卑 神雖幽而察甚明 意欲去
舉豈無暗錄之懲 尤心宜自防 必有明彰之
福報

申時十一 憂散成喜 上上

風月滿高樓 提携可恣遊 開眉展愁腹
樽酒醉方休 樓臺風月正 堪良夜之歡 身世康和勿負佳
期之約 散憂懷於物外 眉展心寬 列樽俎於
席前 歡天樂地

申時十二 得祿有望 上上

天祿賜堯階 丹書降玉臺 欣然無限意
花向故園開 堯階賜祿得瞻天地之恩 光故園花開復賞
芳華之景色 職位有欣欣之喜 慶來門無坎
坎之非虞

申時十三 危中有救 上上

羸疾自天降 昏迷日醉沉 忽逢天上士
寶餌賜玄靈 類危之事恰如病在膏肓 迷亂之心何異
醉沉於醪 而非扶持不可以救 困濟危非妙
藥不可以却 災瘡病

申時十四 迷中有指 上上

寒灰氣已消 志識更飄飄 得遇至人語

分明指路遙

至人妙語頓開迷悟之心長者提携指引草途大道寒灰滅燼餘焰復燃枯木凋零舊枝再茂

申時十五 謹身防失 下下

朽索御六馬 常須謹步行 倘然微縱放 必致禍臨身

卒暴之性豈無顯蹶之危朽敗之繩馬繫奔衝之馬性縱逸而招禍必累其身心警懼以免殃方成其福

申時十六 舉措宜謹 中平

百尺高竿險 休宜縱此心 行藏須把握 方許得安平

登崖雖險常懷懼亦不致危平地雖安縱放性豈不招禍謀望事未成未許役志勞心行

藏事始吉始安修身養命

申時十七 謹身守正 中平

萬頃清江靜 一天星斗寒 扁舟行正道 謹懼渡波瀾

謹身謹行不可少頃離守正守心不可跬步

失不謹不畏澄江忽起於風波連正道必誠

玉自投於水火

申時十八 舊弊重新 上上

一喜自天降 庭幃起壽萱 豈知殘戶牖 復爾再新垣

重開戶牖鼎新革固之時再整牆垣修弊補殘之意謀新理舊二事皆可諧同望祿求名一喜俱能稱遂

一喜俱能稱遂

申時十九 勞中有逸 上上

早魚方得水 病虎入山林 漸漸有生意 悠悠快爾情

放早魚而入深淵洋洋得意縱病虎而歸巖穴漸漸生威勞役者有縱逸之期勤險者有豐饒之望

申時二十 先難後遂 上上

百戰事多危 功成凱樂歸 錦衣回故里 勲業事高彌

不祥之器孔子號曰佳兵決勝之謀孫子言曰妙計功成勳就先經百戰之危衣錦凱旋

次受封侯之賞

申時二十一 感真遇貴 上上

九轉靈丹藥 三山玉掌仙 一時來降集 災散福綿綿

靈丹九轉服之者羽化登仙蓬島三山到之者逍遙快樂玄真降集福慶保於家門高貴

提携名祿登於爵位

申時二十二 忍忿待時 中平

擊鼠雖妨器 觸邪仍避真 不宜先忿躁 徒恃可成名

鼠臨玉器之傍擊之者必損其寶語犯惡人之怒觸之者必害其身能隱忍忿事自消若待時謀事自遂

申時二十三 大成小吉 上上

楚王逢良識 真金煉得烹 已能成大器 不礙小忿爭

黃金白璧因烹珠而能成寶賢才君子懷學業而可成名良謀得遂大器所以晚成美事既修小忿何能侵礙

申時二十四 謝恩得祿 上上

小祿尚徘徊 東君意已隨 願將香火信

遇違上天知

徘徊者必有進退之心東君者已得提携之意廉謹守節祿可永而職可陞香火嚴恭神可扶而具可助

申時二十五 舉語可成 上上

照膽觀心事 明明自可知 君能開一語

攀接兩相隨

忠心義勝天可察而神可知妄意邪謀鬼必禍而神必糾既寸心坦然無憂無論若一語合矣可順可從

申時二十六 此急彼緩 中平

此望若思渴 彼情如蹈淵 忽然風雨霽 飄駕上青天

大早望霖未有滂霖之甘澤急趨迷徑正當差跌之多歧此心急如懸鼓而待槌彼意緩

若停棊而思者

申時二十七 難中有救 上上

一夕風濤起 舟人意不生 賴他心力助 道德復全亨

乘舟行水暴風作而波浪彌天處世立身狂

悖與則功名掃地拔患難乃神具之助力獲安泰緣道德之崇修

申時二十八 慮心漸解 中平

有意自生憂 無緣脫滯留 但能安意志 何事不相周

憂疑出於榮感慮起千端幽滯在於淹延愁生百種安其意則狐疑漸次而釋寧其心則悔過遂還自消

申時二十九 望事返覆

一志苦相執 狂心殊不知 待他成計日 反覆已經時

執迷之志將為必取之功指擬之心却乃虛無之失待他者空有懸懸之望進退再三經時者殊無肯肯之心反復不一

申時三十 求信有成 上上

願信欲通傳 誠心利後先 上人能一語 美事十分全

願足魚腹能傳千里之書良語誠心可助十全之美占速信信不虛傳傳無謫詐謂上人受實惠惠有恩光

酉時第一 謹身勿縱 中平

仙友在重開 千山與萬山 謹心乃謹事 歡笑勿追攀

訪朋友及不勞涉水登山養生修真先要戒貪絕欲心宜常謹謹則無失無憂意當去奢奢則不固不避

酉時第二 有路可進 中平

有徑不相阻 無門不可開 非為他妄作 干涉事須煩

屈曲之徑非盤折則不可通宛轉之求非周旋則不可就事再三而方遂勿憚其煩意進退而始周即非其妄

酉時第三 停理有吝 下下

理財理事遲 鬼賊見其機 勿共同心事 防言變是非

理財理事財不利而事不成理訟理婚訟有虧而婚有破况鬼賊侵欺而有陰謀之逼防語言變詐而成屈曲之非

酉時第四 謹防小人 下下

彼意有所言 此心殊未然 更防樽俎上

外事恐相牽

彼畜害我之意言且和而貌且恭我無防彼之心行不知而坐不察防杯歡而生仇怨戒儲易而恐牽連

酉時第五 失馭生逸 下下

玉石不可煉 丹砂不可沉 倘非當處用寶器不全真

玉石至美不可火煉水烹心雖至明不可無懼無憂失馭則駁奔遠過難追縱放則迷逸頭危難返

酉時第六 棄利遠害 中平

舊事不宜舉 舉之必被連 目前當棄捨身後得家傳

既往之事不可舉舉則返害其身鋒刃之害不可嘗嘗則必傷其舌棄其小利大事必成利其下人上情必順

酉時第七 靜守防心 中平

天外月華清 雲中有鴈鳴 寂然無一事不可舉私心

靜其心六賊不動五蘊皆空防其心百魔自

潛三毒消滅狼虎雖曰猛獸由可誅擒善惡出自於心自宜降伏

酉時第八 輕信寡諾 下下

宿諾幾千番 徒勞反覆間 面前雖笑許心復事多般

所懇所求之事雖至切而至勤所允所許之言却多虛而多偽卑辭厚禮此徒費於精神

諂笑迂談彼常飾其奸詐

酉時第九 先勞先逸 中平

二子本一事 兩情剛更推 鼠牛相促迫虎兇見熙熙

二人同其心者義可分金二人異其志者事無協濟子丑發用正當役役之勞心寅卯合辰方有熙熙之喜色

酉時第十 先詳次用 中平

行步先防險 乘舟預備風 豈宜倉卒辯不必問窮通

事無巨細宜三思而後行動有吉凶當審詳而始用趨行步走猶防顛險之危求利圖名焉可倉卒而辯

酉時十一 疑事勿用 中平

幽昧未能知 求名叩聖機 自宜生揣分疑事不須為

幽暗者不明之象人莫可知疑惑者昏亂之端神不可曉揣分棄而勿用則難諧待時必自有通通則可久

酉時十二 怨解僻釋 中平

風昔有嫌疑 茲來怨釋非 不須多忌諱仍以禮和之

小嫌不除將有大怨小怨不解將成大爭嫌疑之意非自釋不能寬其心忿爭之端非隱忍不能和其怨

酉時十三 遇事可求 中平

幽室有淹愁 人生水上漚 逢春須得遇休且強遲留

人生處世如水上之輕漚謀事未周若困居於幽室得遇陽春少展永淹之志幸逢良便休更強自遲留

酉時十四 欲速上遲 中平

聽聞唯未見 遇否尚難知 欲進非能向

從他意所為

千里傳聞多有虛而少有實一時遇否難所
信以難所知事欲違尚未可達心欲速尚未
可速

酉時十五 進祿可陞 上上

天地降洪恩 人神共仰欽 光華歸有道
仰視福來臨

天地恩隆輔有道而助有德人神欽慕仰無
愧而俯無慚祿位進陞共慶重重之喜官班
遷轉拜瞻疊疊之榮

酉時十六 遇事宜進 中平

群鹿在山林 仙花滿徑春 正宜時進步
勿更滯空樽

鹿居山林依伏濯濯之性人生俗世貪求戚
戚之心對仙花之爛熳進步勿遲遲麗景之

融和空樽勿滯

酉時十七 出萃成用 上上

仙桂發新枝 蟾蜍月正輝 擊金伸我手
談笑得蟠螭

手攀仙桂始酬三學之勞步入蟾宮方稱十

年之志展擊雲之大手拔萃超群獲龍領之
真珠身榮名貴

酉時十八 天貴用利 上上

土木著朱衣 相逢意自隨 不妨開一語
扶助上雲梯

至親者父母兄弟所倚者君子貴人非父母
不能生其身非貴人不能保其祿貴人助順
可陞雲梯君子扶持能成美譽

酉時十九 先進後成 中平

一者是非公 三心意不同 勿交先下者
勝資在其中

一事始用或云是而或非三意不諧或多乖
而或多異須是先宜速著勿使後時無令彼
在我前愁或追悔

酉時二十 謹機用事 中平

各各意難知 機深用最宜 勿令輕漏泄
必致是成非

機事不密則害身謀事不謹則累己雖同濟
而干涉各懷意以難度難量蓋所見之異端
彼此情而莫違莫曉

酉時二十一 擇機防失 中平

東南路可行 西北恐成途 用事先達利
切要自安存

東南春夏乃生旺之吉方所以得朋西北秋
冬乃肅殺之否位所以喪朋度其事可以行
則行審其謀當用則用

酉時二十二 用心必成 上上

欲覓深淵寶 當求領下珠 必然成底事
不用自躊躇

深淵之寶用智取而必獲龍領之珠當猛求
而可得心誠堅則可成佛作祖解悟何難意
躊躇必是敗道虜真追悔何益

酉時二十三 失信絕音 下下

渺渺隔天涯 斜陽噪晚鴉 空中絕音信
默坐使空嗟

天涯路渺更無一鴈傳書夕照幽庭空聽群
鴉噪晚所謀事如空中捉影豈可而博所望
事若海內尋針焉能有獲

酉時二十四 先憂後喜 上上

缺月又重圓 雲開復見天 醉懷今再醒

敗事更成堅

雲開天淨一輪皎月重圓憂散喜臨往事離
而得合醉夢醒鬼神清淨燕處超然邪魔退
道氣常存冲和逸樂

酉時二十五 安固久遠 上上

風怨已除决 新恩來又別 久久意如何
青松索霜雪

施恩惠已消宿怨退禍消殄布功力而受新
恩迎祥集福青松綠竹傲霜雪而耐歲寒堅
固保安養形神而增祿算

酉時二十六 福德兩助 上上

綠雲天外飛 仙音一派隨 吉祥又喜慶
延福更延禧

有福者必要有德其福彌高積善必要積功
其善彌重喜祥凝集蕭韶仙樂常音福慶臻

華瑞鶴綠雲常覆

酉時二十七 家神不寧 下下

香火一蕭疎 家門鬼賊窺 自當修淨潔
方始得安居

香火精專具有術而神有護家門喧鬧鬼有

虧而盜有謀正身案已始有滌於餘愆謝過
獲災方且獲於安泰

酉時二十八 憂事成喜 上上

羸弱復康強 災殃變吉祥 小人空計畫
大德自昭彰

重病漸次而愈復爾康強浮災逸邇而消再
逢喜慶陰謀一退如雪影之無踪照朗重明
若日光之普鑑

酉時二十九 如覆霜冰 中平

忠良士已成 浸潤事何速 幸得高人見
闕非已化塵

忠良之士尚不免於讒言賢哲之人猶自遭
於譖語欲止其譖者莫如正己修身欲戒其
非者當以省心改過

酉時三十 久誤方甦 中平

緣木欲求魚 徒勞志已虛 分明山下路
咫尺是前途

妄求之欲有如緣木求魚越分之謀何異鑽
冰取火當自回心默省今者悟而往者迷宜
交覺念參詳醒者清而醉者濁

戌時第一 徒勞心力 下下

折足鼎何施 安排必見危 笑他群下口
一事不能為

鼎之折足不可立立則傾歇事之虧理不可
行行則迤蹇傾歇則危而不穩上意乖跡迤
蹇則撓而不安下情喧吻

戌時第二 困中有救 上上

枯木始成用 雪霜多見摧 一朝春得意
忽爾變芳菲

積雪嚴霜之際葉墜林枯逢迤遇蹇之時心
灰志懶幸陽和布氣而着物林茂木榮得意
人提携以扶持困消厄解

戌時第三 因人借力 上上

車轍有所礙 前途尚見遲 忽然人着力
舉步上雲梯

巨石礙轍雖孟賁亦不能挽其行猛虎當途
縱卞莊亦不敢進而去人去石轉有轟轟之
勢神庇虎行無嫌懼之憂

戌時第四 計劃無成 下下

夢斷竟亦消 悲心起寂寥 許多良計畫

風雨更蕭蕭

竟消夢斷思百計以無成慮亂心迷舉一謀

而不就對寂寥蕭蕭夜雨獨起悲心暗咨嗟

悄悄西風轉生悵恨

戊時第五 謹身守道 中平

危除過重山 豺狼日共班 且將低曲折

未可展愁顏

幽谷深山居處步險心危豺狼虎豹立身日

夜憂懼宜謹謹隄防勿縱危中始安常慷慨

和忍常恭憂中變吉

戊時第六 守靜待時 中平

萬籟已澄清 月華光彩明 且將詩酒興

餘事勿關情

萬籟俱息月華朗而宇宙清百慮皆消鬼神

靜而神體爽快遣興何妨於詩酒物外逍遙

守真如不礙於詭吟箇中快樂

戊時第七 隄防姦詐 下下

三女事宜防 巧言為亂常 守心休自縱

牛馬退災祥

奸人惑正不可測而不可度偽言亂真必是

說而必是詐順情者不可輕信信則悞人悅
已者必要隄防防則免害

戊時第八 積功成道 上上

九轉靈丹藥 功成非一時 欲求無上道

先下死施為

功不積者不可以成道藥可煉者方可以成

丹修行累世名標金簡玉籍之中習業歷年

身步青雲紫霄之上

戊時第八 脫危成慶 上上

賢達乃真儒 猶同脫釣魚 躍開千尺浪

一餌不能拘

賢達之士不為小利之害身各舟之魚豈可

一餌之拘執錦鱗脫釣躍踊巨浪之中君子

出災快進亨途之上

戊時第十 守正福佑 上上

蕩蕩乾坤大 魏魏道德尊 處身當正直

功過自心存

乾坤廣大善惡報應無私道德彌高邪正操

修皆見心正念正福佑自臨心邪念邪吉祥

自退

戊時十一 戒奢防禍 中平

尺水豈能波 量微福戒過 自前宜撙節

來禍必消磨

牛泓之水地步淺豈可與波窄量之人胃次

慳馬能容物吉福生於勤儉儉則豐腴禍敗

起於淫奢奢則狼藉

戊時十一 守道勿用 中平

浮華能幾何 回首勿蹉跎 守業休閒縱

狂心勿更波

浮華易過潭如夢斷南柯盛事難逢護歷時

遷歲改道業勿令放縱返照回光安心切戒

蹉跎少憂無禍

戊時十三 所事不計 下下

水火兩相非 小人君子機 不堪同處樂

去就必難為

冰炭不同鑪蓋有相生相克薰蕕不並載蓋

有相深相污君子有寬仁惻隱之心小人無

遠識高明之見

戊時十四 失迷得遇 上上

奔趨路失岐 心懷正此悲 仙音嘹唳起

方始見光輝

心迷誤則路頭蹉跌意惶惶則舉止乖張顛危得吉人點悟良言如聽仙樂險阻遇貴人提挈重瞻天日

戊時十五 遇如不遇 下下

萬寶積如山 行人不遇還 空將心智術一笑夢寃間

人不積善如入寶山空手回道既寡緣得遇真仙無眼識機會臨而失捷智術空談好事過而乖差營謀無用

戊時十六 憂事未解 下下

騎虎勢難下 隨機旋旋行 一朝能脫濕快我志平生

登險崖心不可逸逸則害已騎猛獸勢不容下下則噬人正此憂懷宜且謙恭而待物次須脫灑始知散慮^{初四}以逍遙^{十九}

戊時十七 用事未達 下下

薄霧作濃陰 天昏未得明 行人空嘆息去路尚多程

濃陰作晦不知昏曉之天索手登程忽陷沉

迷之澤謀未達去程多阻水隔煙村人尚阻味况不甦雲遮隴陌

戊時十八 離事重遇 上上

一別幾經年 相逢事偶然 重開樽俎與歡笑再綿綿

故人惜別相逢樽俎之歡寶月常虧復有圓圓之意事際遇易知返掌笑逐顏開時通泰順若推輪喜從天降

戊時十九 用事再三 中平

三謂方能遇 一^二言那便回 一^三行底事方得笑顏開

扣關三謁不辭往復之勞事非一言豈便無從之許雖再三而至懶終必有成當守一而至於勤事無不就

戊時二十 信息臨喜 上上

雲中鴈陣飛 信息始重知 坐待回音至行人咫尺歸

鴈足傳書喜得雲中之美信魚腹尺素欣逢水內之佳音坐待者歸期之不遠咫尺者旦夕而可臨

戊時二十一 出幽得遇 上上

寶救降天來 幽關鎖自開 釋他愆與累更賜利名回

故自天來釋其愆而有其過福由真降保其命以延其生幽關破而拔萃超昇恩光臨而標名賜祿^{第二}

戊時二十二 過人知己 上上

寶玉久沉埋 光芒射斗回 有人能鑑識幽現上仙臺

驥驥困於鹽車非百樂而不可識美玉藏於頑石非卞和而不能知遇知己之士可以顯拔其身達高上之士可以曉明其道

戊時二十三 妄語虛信 下下

妄語多言道 虛無非實情 傳聞空掛記終是不分明

一人妄語眾人妄傳妄說者將無作有以假亂於至真妄傳者反是為非以言惑於眾聽

戊時二十四 過時得達 中平

百卉正芳菲 春花爛熳時 東君能着物何慮事留遲

物不過春則不能發萌吐秀人不遇時則不能展志舒情時之至也東君有着物之榮命之通也廊廟有陶鎔之賜

戊時二十五 亨通無礙 上上

改革得從新 江山麗日明 目前無限景

嘯傲樂平生

斗柄回寅革因鼎新之象春光着物花芳柳

裊之時目前有景明媚則笑傲何妨心下憂悶頓除則燕遊何礙

戊時二十六 成名得祿 上上

拂拭更無塵 衣冠學業新 始能通大道

必不負青雲

靈臺拂拭更無一點之塵埃學業絕倫必取三元之魁首衣冠正欽仰尊崇之禮貌功業

就獲取甲第之超榮

戊時二十七 不可合成 一下

頑石休將琢 枯楊不可栽 小人無大器

往事豈能回

器量小者不可以任大智識低者不可以談

高頑石無玉琢磨徒費於工夫枯木無根裁

植謬勞於澆灌

戊時二十八 憂事自散 中平

綿綿慮未休 豈可見蹤由 須待經時序

憂波逐水流

淹延不决者謂之慮禍患恐臨者謂之憂慮

漸解如暴風掃雲憂自消若遊波逐水

戊時二十九 鬼憂心慮 下下

夜兩泣幽窓 風寒雨又狂 不能成一寐

餘事更堪傷

幽窓鬼泣慮邪崇侵擾於家門水夜風寒恐

疾厄牽纏於陰小事紛亂則夢寐不安意傷

悲則行藏不泰

戊時三十 前程通達 上上

鸞鶴兩逍遙 風清月更高 仙人相指引

霄漢路迢迢

造物純粹更無蹇刺之憂功行圓成必有仙

真之遇鸞鶴昇舉逍遙於雲漢之中風月朗

清澄徹於乾坤之內

亥時第一 守道得真 上上

妙語不可得 真仙豈易逢 一心能信恪

八達自亨通

志言遂耳不巧者謂之忠巧言美聽不中者

謂之巧一心恪信道可就而功可成八達開

通仙可學而真可遇

亥時第二 出帶昇達 上上

舉翼昇喬木 飛騰得意時 乘風方借力

一躍到天池

出於幽谷遷於喬木昇騰得意之秋失之東

隅得之桑榆靈貺才嘉之際躍天池於萬里

因風助於一時

亥時第三 引獲迷誤 上上

流水碧溪長 桃源路渺茫 若非人指引

豈得遇真光

心着想者謂之迷意差謬者謂之誤流水碧

溪訪桃源而有路迷途漸通倒亂顯危求妙

理以知歸誤心復醒

亥時第四 力心任大 下下

螢火競月華 小大意何差 費却精神力

終為一笑誇

一葉小舟不載萬鈞之重一泓淺水馬與百

尺之波智識愚昧已非廟廟之賢才道行疎慵未有神仙之骨格

亥時第五 無助無望 下下

不學不知道 不修不過真 工夫無一點徒自作空名

功行兩全乃有達道昇仙之分學業俱美豈無科甲及第之榮既德行學業之不修望富貴功名而差遠

亥時第六 現出明暗 上上

古鏡久昏昏 光輝尚未聞 一朝人拂拭妍醜自能分

昏埃積於寶鑑得洗磨則光瑩復生滯滯出於善良遇提携則精神始懌鑑瑩淨則可以照物命通達則可以成名

亥時第七 神真護佑 上上

香霧上丹霄 誠心一念遙 舉行無不利神物自昭昭

寶鑑焚篆誠心達上於丹霄淨室延真舉意永無於欺誥舉一事自天佑之吉無不利謀一用唯神所護福有所歸

亥時第八 災退病除 中平

鬼散病已痊 愁顏變笑顏 誠心答天地更勿造諸愆

凶方鬼散因道力以驅除幽室病消乃真光而護佑恭敬虔誠於香火衆善奉行消穰伸謝於愆尤諸惡莫作

亥時第九 除小不寧 下下

缺月未圓時 家人獨掩扉 未能伸屈曲陰小慮防危

月缺虧光家人生重重之危厄花殘凋落陰小有疊疊之連遭自身有暗昧屈曲之憂門戶招唇吻是非之惱

亥時第十 口舌不寧 下下

泣泣更沉沉 門闌非安臨 守靜方能吉免使禍來侵

沉吟少語胃中有鬱結之愁唇吻多端戶內惹憂虞之事口舌爭於爭競隱忍為先妄動起於不寧守靜為上

亥時十一 得時遇便 上上

舟行趁便風 衆志一心同 正遇良佳節

花開滿目中

得時用事逢良便易若推輪下水行舟遇順風速如奔騎對良辰與佳節柳綻花開會故友與新朋友同心意合

亥時十二 樂極生悲 下下

樽空興已空 心事正迷蒙 本是逍遙客翻居滯礙中

歡娛奢侈財空興竭成憂故縱貴婪罪極過深生禍本是逍遙之客強起悲顏幸為快樂之人返求拘執

亥時十三 迷誤得省 中平

懷抱不堪言 呻吟慮最先 有人明語決醉醒覺輕便

性迷則執見不通心解則通達易悟得人奇語如惠百鎰之良金快我心懷似飲一盃之酥酪

亥時十四 謀望無定 下下

意若雲中馬 心如水上萍 狂蹤無定跡妙用豈能成

雲鶴飛空之物準擬難憑萍梗泛水之蹤聚

財不足所謀者必無望徒起所謀所用者必無成謾勞於用

亥時十五 望用必逆 下下

十言方成計 慮事必先明 不可輕輕舉終為一笑聲

陰謀執詐者謂之奸料度奇中者謂之策策不當而計不用返受餘殃事不審而謀不成徒為人哂

亥時十六 先剗後成 中平

折翼下丹霄 冲天忌已消 更須宜養銳再舉不為勞

鳥折翼則挫奮飛翱翔之銳人失志則生退漸悔懶之心羽毛再整豈無霄漢之冲志業重修必有亨途之望

亥時十七 失則縮事 下下

倚恃必須失 托人終見危 虛將財與利空惹是和非

協公倚勢如倚水山太陽一照而水解山摧輕信托人如搏雲霧暴風忽至而霧散雲飛財利俱亡交爭並至

亥時十八 不可成事 下下

盲者不能行 失音那有聲 既盲并且啞事語兩無成

所謀不遂如瞽者視毫末之微所望無成若瘖者起謳吟之韻既言視不能明曉則動用焉得遂通

亥時十九 遇貴成事 上上

森森古木高 梁棟用非遙 待時逢良匠知音契合招

端森之木良匠擇而為棟為梁忠賢之士天官選而有權有祿材高名重則知音自遇學廣德深而契鑑須逢

亥時二十 遇時得濟 上上

月到中秋夜 花逢二月春 此時當慶賞百福盡維新

中秋夜月一輪桂影團圓二月陽春萬卉芳葩錦繡慶佳辰而宴集百福臨門對良夜而清歡千祥萃戶

亥時二十一 失時少遇 下下

中秋風雨後 月暗不成輝 獨坐空庭裏

無言竟自悲

風雨障中秋之月不覩瞻光迅蒙挫寒士之心惟逢寒塞守空庭而獨處默默無言居冗舍而失時沉沉有恨

亥時二十二 改過得安 中平

逼迫上高山 行人舉步難 若能平正道不可用機關

為人豈得無過知其過則改過以自新謀事豈得不難經其難則先難而後易守正道者自安其分用機關者自撓其心

亥時二十三 憂事未寧 下下

虎逐群羊急 風飄敗葉狂 靜中猶未得那得望成章

倉惶失措如猛虎而逐群羊顛倒亂驚似急風而飄敗葉心欲靜而未靜餘事尚牽意欲寧而未寧外情內擾

亥時二十四 寡助少成 下下

渡口無舟楫 陸行車挫輪 不能相接濟隻力尚前奔

非舟楫不能以濟渡非輪轂不可以行車寡

助之情臨渡口而沉迷舟楫無成之意登平陸而挫折輪輓

亥時二十五 先憂後喜 上上

暴雨何來速 雷霆忽起驚 一時天意助

月朗氣澄清

暴雨急風桃李有摧殘之意轟雷掣電魚龍

有震悚之驚風一靜則月朗氣清雲一收則

花紅柳綠

亥時二十六 功成道合 上上

○養就真龍虎 煉成白雪金 功成神鬼助

跨鶴上雲深

真龍真虎盤旋於寶鼎之中白雪黃芽灌溉

於丹田之內道存一氣乃長生久視之人功

滿三千為跨鶴騎鯨之侶

亥時二十七 謹身守道 中平

弱水千鈞石 遭焚一束枯 防心更防失

謹謹學時餘

多貪多欲如巨石溺於深淵縱性縱心若烈

火焚於枯葉心不可不謹恐生禍患之機道

不可不遵當守希夷之理

亥時二十八 神真扶護 上上

萬物莫非數 窮通信有時 道亨并道泰

保爾祿延期

天地循環各由其數萬物代謝悉有其時敬

真守正之士公道泰而私道亨積功行善之

人聖力扶而神力護

亥時二十九 遇恠自安 中平

見恠不為恠 逢驚不可驚 但存心正直

神物守門庭

恠異見而不恠恠不為凶驚惶見而不驚驚

不為禍寧其志定其心形神自安蕩其邪滌

其穢家門自泰

亥時三十 狂縱天理 中平

六馬奔難馭 三尸去勿追 但能端守命

造物不相違

六馬者身之六賊謹禦謹防三尸者體內三

鬼欲除欲滅六賊不縱身必安而命必延三

尸驅除道可成而仙可就

金行 勿進待時 下下

漠漠一天雲 沉沉雨意深 路行山道險

且更守郵亭

意不遂如天雲漠漠情不舒若雨意沉沉山

路險崎而難進守坐郵亭吾道窒塞而未通

困居幽室

木行 去滯來亨 中上

缺月落西山 鍾聲四遠聞 夢回人再醒

整頓道心寬

月落西山漸覺東方之欲曉鍾聲四遠時聞

玉漏之催殘夢寐初醒昏昏昧濁始除道心

一寬慚慚憂虞始退

水行 福祿高源 上上

紅日乾坤大 丹砂妙道尊 高名書玉簡

厚祿付經綸

陽烏赫赫升天百魔隱匿萬邪潛伏魏巍道

德高聳九天保舉三界皈依王簡標而福祿

召經書注而壽筭永

火行 節儉成福 中平

連和必少泰 不節豈能寬 戒止宜修儉

存心自保完

元氣損弱則疾病忽爾而生財物散消則困

窮必然而至節儉者寬餘多福具守平和奢
侈者禍敗有殃切宜戒止

土行 脫白得綠 上上

官封三品位 名姓播天池 遠近人欽仰
天公也自知

龍門一躍全無點額之憂名播四方乃有震
雷之勢脫白麻而披綠綬金榜名高入紫微
而掌偽鈞玉堂位顯

玄真靈寶齋卷下

大慈好生九天衛房聖母元君靈應寶齋序
謹按

九天玉樞寶經內

天尊言世人夫婦其於婚合或犯咸池或犯
天狗三刑六害隔角交加孤陰寡陽天羅地
網艱於嗣息多是孤獨若欲求男即誦此經
當有九天監生大神招攝風遂生賢子於
其生產之時太乙在門司命在庭或有冤愆
或有鬼魅或有禁忌或有兇厄致令難產請
誦此經即有九天衛房聖母點與抱送故能
臨盆有慶坐草無虞稽首大慈好生九天衛
房聖母元君高居九天之上總職三界之中
宣太上好生之聖德救陰陽生成之號令上
自后妃下及民婦俱蒙救命物生成錄人
間之善惡察女子之貞邪有德者泰聞玉京
敕神祇而護佑書名仙籍益筭延年有過者
申告三官付五雷斬勘之司照依玉律施行
刑遭疾苦困危鬼繫繫都常沉苦海永失真
道善者賜其賢子賢孫不善者世遭苦厄多
諸憂惱大哉聖母元君之功不可稱量好生

之德豈只保於一時之生產恩可佑於終身
善惡二事必書錄舉行世人未知恭侍者少
有負元君恩德者多矣今幸欽承敕命頒降
寶籤九十九道九則妙理無窮玄機深奧昭
天省賞善之條明雷府伐惡之令怒責邪兇
勸其仁孝露未萌之災福闡大道之慈悲彰
其善惡示以吉凶欲化人民咸行善道勿墮
邪非自女人及於苦乘蒙於元君恩命方始
生成鑑今奉命告下九天監生司帥將神祇
依上遵行外人間之信善至誠恭奉聖母香
燈以祈福佑切勿輕慢自招罪責帥將威靈
不可輕祀敬之者萬災不干神明護佑輕之
者生遭疾厄死受風刀可不敬歎

三天聖師敬讚

妙哉靈應九十九 玄真真詮廣聖慈
為恐有情忘正念 故垂籤語指群迷
萬郡生民俱有幸 千般巧計總為非
人還肯信行忠孝 吾當親奏寶鸞墀

大慈好生九天衛房聖母元君靈應寶籤

第一

天尊有敕救人民帥將欽承闡聖靈幸喜慶
緣逢道化須當作善保全生

解曰天恩大降普救人民神明欽承道闡

興行早宜作福子毋團圓

第二

仁慈信善孝翁姑守一存貞敬重夫吾今特
賜臨益慶更宜常服保胎符

解曰孝親敬夫名達天應善力保全皈依

○道法常服靈符臨盆有慶母子雙全

第三

增添喜氣福來臨得子分明果喜因好事既
然從汝願須當恭敬奉堂親

解曰產生賢子宜孝堂親了還心願更有

欣欣

第四

萬木呈芳色千花逞艷容雷飛雷震怒觸目
總成空

解曰花木嬌美偶逢風雨一聲長歎可惜

傷哉

第五

常依正道天神佑敬重翁姑將帥怜臨盆坐
草還欣慶展眉鎖賀團圓

解曰平生和美聖力扶持寬心待時子母

團圓

第六

好笑你惺惺不信有神明口強心自硬只怕
汝難生

○解曰速宜懺罪庶免凶憂

第七

是非啾唧犯神明動用機謀事不平莫道恃
強無報應此時汝自顧其身

解曰剛強逞俊巧計多謀光陰有限回首

何如

第八

祖宗有德汝心慈六甲分明報喜期十月滿
時還有慶更宜修善謝神祇

解曰積善之家必有餘慶既行中正產孕

全生更宜作福上報神明亦當修善薦謝

先親

第九

敬吾大道敬神明恭奉堂親及奉經日常善
果今當應天人著意保全生

解曰道化招彰神明在佑孝可達天經能

至道胎產有慶喜蒸光榮

第十

德行公勤達上蒼善果因緣應吉昌此日生
時吾自降更令帥將保賢良

○解曰聖母親降神明佑護焚香拜謝喜蒸

非常

第十一

一番歡喜變成憂事到斯時不自由縱有機
謀何處用今生還遇風生燄

解曰前事成空今遇風寬急宜解禳可免

悲傷

第十二

聰明智慧笑他癡樣懂元來却勝伊任你身
藏伏虎計憑何妙策去推移

解曰愚者可智智者先行

第十三

滿門老幼喜欣欣偶獲奇材無價珍積善之家招此慶廣修善果報天真

解曰貴子當生大修善事拜謝天真千里光輝

第十四

多年憂悶成喜此去歡容笑語喧一子以奇猶有慶還即兩兩鍾袍鮮

解曰從前憂悶今日欣喜一子以貴又有賢即

第十五

綵雲終易散好事未堅牢多因緣分淺何苦怨天曹

解曰孤陰寡陽老歎無成

第十六

一番桃李一番春不敬公姑致此因萬聖千真俱喜孝省時猶可保全生

解曰幾番得失勞力無功孝敬堂親可保全生

第十七

殺生充口時聞美錦綉遮身久久安秋聲夜兩成空歎可惜黃花滿地斑

第十八

解曰損物傷生自惹愆非

慈孝天神佑虔城罪業無從今眉自長笑揀小嬌雛

解曰神明佑庇可免災危更宜告竈喜慶臨身

第十九

松竹年年翠色青隱藏仙宇聽鐘聲業債幸無君莫惹早宜崇善誦真經

解曰道炁興隆宜奉真聖春花秋月恐誤工夫

第二十

因君孝奉在堂親住宅神祇動保伸又幸有心求我道賜賢一子作朝臣

解曰德行神欣敬心願早宜還更宜謝竈府報答住居神

第二十一

汝既惺惺大似天何須來此叩香煙善惡還

君吾不管笑伊惶急化金錢

解曰心強口硬到此惶惶善惡有報豈容私庇

第二十二

翁姑恩德比蒼天動用因何敢自尊汝若悔新吾亦喜恁時曲賜一英賢

解曰公婆至重不宜怠慢切宜小心慇懃恭奉至誠達天可得賢子

第二十三

樓頭金鼓報三更萬象森羅月正明二女一男須記取臨盆有慶保安寧

解曰臨盆有慶坐草無虞

第二十四

一九非三九因緣是夙緣寅申并甲午喜慶兩成全

解曰因緣會合喜慶團圓

第二十五

君家喜氣在庚辛好事多期亥與申卯牛相逢牛首旺此時恭敬謝天真

解曰喜炁光輝胎產有慶

第二十六

一輪紅日正當天萬里清明慶福緣坐草無虞吾保佑也須多獻寶鑪煙

解曰胎產無憂宜謝天真

第二十七

有犯坊隅土下神因此妖邪敢近侵急須告土求司命吾軟城隍保汝身

解曰胎產有厄因犯土神至心祈告司命

上神

第二十八

○日暖風和二月天花開紅紫柳含煙三春好景從君願一朵奇葩曲檻邊

解曰風和日暖花柳遲芳產生賢女有願

宜還

第二十九

好四只爲登高見佳會須知在九邊教君謂得神仙面誰信重陽雷滿天

解曰仙機隱顯造化無窮胎產待時喜氣

來臨

第三十

幾聲嘹唳鴈南飛一曲凄凉笛韻悲皓首慢

然然巧計空勞嘆嘆別人兒

解曰十月桃花終難結果

第三十一

公公長嘆問婆婆皓首飄然怎奈何我等孤

身誰送老鄰家兒女又嫌多

解曰老而無子嘆惜傷悲

第三十二

花開花謝會結果雨浸風搖未肯牢氣爲本

根無善土致令見景墜花梢

○解曰胎產不堅子嗣難留今生夙世未有

善因

第三十三

志感神明佑勞卿獻寶爐災晦從今散兒童

共毋安

解曰至誠神佑宜獻寶爐災晦已散子母

安康

第三十四

人三語四惱心疑牢把繩頭展皺眉好事已

成名與利吉慶總然莫怨遲

解曰勿聽閑言妄服藥劑了還心願寬心

待時胎產無憂事總平安

第三十五

紗窓未睡月朦朧畫燭燈煌聽晚鐘衙將方

才傳戌亥房中歡喜弄孩童

解曰胎產待時老幼欣欣

第三十六

只知富貴罔神靈天律分明有甚情萬斛金

珠蝴蝶夢一場名利火鑪水

○解曰恃富欺貧罔護神明災厄將臨天神

嗔怒

第三十七

好事重陽後佳音在午前此時方慶喜老幼

謝蒼天

解曰胎產平安待時而生

第三十八

一輪明月照窓紗二朵妖燒進秀花魏紫姚

黃雖好看爭如圍內小奇葩

解曰群花空好看小樹結實多

第三十九

春山秀麗多佳境夜月澄清宇宙明
擊樓頭鼓坐草嬰兒正二更

解曰胎產不須驚臨盆正二更

第四十

早齋却了未餐茶房內佳人弄小牙堂上翁

姑歡喜道這番喜恁顯吾家

解曰胎產平安數足方生

第四十一

往年多逞千般計今日方知萬事虛
梅花欲報江南信寒之空傳塞北書

解曰胎產不牢作善保之早宜改悔祈免

凶悲

第四十二

春花色艷多無子梅葉飄香有秀英
得失豈因君會算忽然絕處却逢生

解曰用意栽花秀而不實偶因無心却遇

生成

第四十三

境域城隍申社今地神覆實告雷霆
從前多少虧心事九天元不順人情

解曰神明舉過上達天真

第四十四

五雷斬伐妖邪太乙移文禍怎遮
此際因君多妙計何勞巧急告吾家

解曰自作自受自心自知

災厄將除晦漸消雲開月皎照良宵
從今守待壬癸後三七安和福自昭

第四十五

解曰否極泰來雲收月皎災厄已去
好事將到

皎潔三更月燐輝萬點星小童驚汝
夢婆娑婦笑聲清

第四十六

解曰一番喜慶家眷欣欣

汝既虔誠告吾當泄露機寶香添一
炷保佑小孩兒

解曰作福保胎可獲嬰孩

第四十七

災殃縱有不須荒吉曜將臨福自昌
吾教神

祇專保庇逢三遇九可安康

解曰災不須荒吉曜來臨神祇保庇
自然安康

慶吾恩庇此事須知應五三

解曰心願早還可保安康聖恩庇佑
胎產有慶

行藏故誤犯天神急可虔誠告斗真
命運衰危猶可救全憑善力保全身

解曰命運衰危急宜告斗更可作善
修福保安

靈符到處萬神驚寶駕臨門慶俊生
道忝靈堂真福慶他時名望震雷霆

解曰俊秀降生道法興行九玄有慶
親俗遇恩

此腹非俗子清和俊秀胎一朝名有
望衣祿

第五十二

在蓮臺

解曰奇才降產喜蒸昭然

第五十三

有一仙人到世間借胎寄歌要君看積善之家招此慶人欽俊德喜和安

解曰更宜作善可保團圓

第五十四

翁婆頂禮拜蒼天夫婦虔誠進寶煙見貴女榮從汝願只因慈孝慶團圓

解曰有願早還可保團圓

第五十五

四七非三六辰申應甲寅鐘聲驚夢竟得獲俊兒嬰

解曰孕生子不必憂願宜還有餘慶

第五十六

萬兩黃金貴一鐘寶篆誠汝身吾右保南北遠山青

解曰宜作善事了還願心

第五十七

千般齋供傳恭敬一炷真香表至誠善惡從

行隨影報冊砂九轉自今成

解曰至誠作福可招喜慶有願當還

第五十八

富貴無千代貧窮只暫時花開終結于葉長又生枝

解曰暫時憂悶他日榮華不宜欺善心可

平平

第五十九

汝祖汝親俱性善卿夫卿婦亦和平層臺時降金泥詔上報天恩一卷經

解曰天恩已降作福拜謝

第六十

滿園春色空妖艷一朵秋香結秀成著意栽花應好笑無心挿柳自然生

解曰但作善事自有好音

第六十一

姚黃魏紫雖聲價嫩紅嬌紅未可誇直待雪霜零落後江梅一朵逞奇葩

解曰否極泰生終有子孫

第六十二

浮津空積翠籬菊護堆金寬心遊雪景忽遇一枝春

解曰專意未偕無心自有寬心守待善逐時來

第六十三

春去夏過秋又到梧桐葉落屬南飛將謂一年無好處梅花雪裏逞芳姿

解曰好事應遲直須待時

第六十四

寶鴨金鑪尚有煙月移花影二更天忽聽有人傳報喜房中已產小英賢

解曰宜修善福可招喜慶

第六十五

心香一炷以誠虔特教仙童降此籤孝敬堂親吾所勸汝還遵守得英賢

解曰聖意勸孝可宜遵守願早還產生佳子

第六十六

陽孤陰寡是前緣何敢無知怨上天滿目奇花槐國夢早宜修善免災愆

解曰汝命孤獨何敢怨天急宜修善庶免災愆

第六十七

幸因宗祖多餘慶感格神明得保胎汝若所行能敬慎必然坐草獲嬰孩

解曰當修善事報薦先親了當舊願自無連連

第六十八

嬌花逞秀三春景嫩蕊呈方二月天好笑一場無限喜看時却是愆婦媚

解曰胎產平穩

第六十九

何須多慮設生疑貴子生時本自遲寧心且待三七數好事元來四鼓期

解曰產生平安還生貴子更宜修善守待

其時

第七十

幾番勞力幾番空好似花飄越水東汝既虔誠求我佑賜賢一子奉年終

解曰先憂後喜作善招祥

第七十一

只知口誦經和呪動用欺心不孝親行濁言清難準信當頭事到自捫心

解曰行短招殃聖真責呪詛怨非急宜悔改

第七十二

消悶三盃酒求安一炷香月在梅梢上人來報弄璋

解曰求神了願自有禎祥

第七十三

好笑今番巧方知遇七生梧桐方結子早誦生神經

解曰誦經作善可保平安

第七十四

梅黃麥熟榴噴火柳綠荷香笋已竿且喜臨

盆今有慶神祇保佑得平安

解曰神祇保佑胎產平安

第七十五

既有多聰慧緣何至此危平生親作事善惡不差移

解曰善惡之報如影隨形

第七十六

海棠嬌態看觀賞雨過妖燒亦可誇爭似梅花多結子一枝春色到君家

解曰胎產平安

第七十七

一鑪香透九重天道杰興隆表意度最喜祖玄俱有慶忽然塵俗誕真仙

解曰至誠恭敬拜謝天真胎產有慶喜悉非常

第七十八

燕語雕梁蝶舞枝花開園苑柳垂堤佳音正在春三月好事交君聽曉鷄

解曰祈求平穩

第七十九

金泥紫詔降丹堦寶篆沉煙舞風旗多少慙慙方稱意笑着榮顯老生兒

解曰天恩庇佑稱意榮顯更宜修善莫怨手遲

第八十

鷄聲三唱曉星明紅日東方漸漸昇展戌早

交知報應午卯元來得稱情

解曰胎產平安

第八十一

金玉滿堂宜保守長命富貴慶良緣此時既

遂平生志謹慎行藏答謝天

解曰胎產平安

第八十二

行藏善惡自家知誰教賢良把行欺九天採

訪牒申報不敬堂親只愛兒

解曰輕慢大人天神嗔責急宜改過免致

愆尤

第八十三

欲差帥將體行藏社令城隍上表章夫婦所

為俱不善今因兒女始燒香

解曰所為不善名到雷司急宜改過舊願

了還

第八十四

因君不重祖親神兒女如何得稱心似此謾

餐千日素一朝報應禍臨身

解曰不孝有罪陰譴將臨

第八十五

君要求兒須有法依吾敬奉得賢郎父母公

婆當孝養更宜看誦玉樞章

解曰求子可孝宜誦賢章

第八十六

求子須當孝敬親方得神祇佑汝身孝子慈

良貞與潔恁時有子稱人心

解曰求子當孝修德招祥

第八十七

只因俊慧逞惺惺戲謔玄元慢寶經到此交

卿知律令無情道法不容輕

解曰輕慢道法戲笑天真災難難逃急告

急改

第八十八

食齋持戒誦真經孝敬堂親睦弟兄任你所

求吾俱允賜賢貴子卷虔誠

解曰行藏既善所求稱心

第八十九

行藏不昧鬼神欽有德無私感上真利衆方

知還利已平心自有好收因

解曰平心正直天神庇佑

第九十

瘧瘴疫毒上天行君是凡民自犯刑有慢神

祇并不孝更兼刻剝害生靈

解曰災不妄降凡民有犯

第九十一

夜月瑤琴三五弄梅花角韻兩三聲階下元

戎傳報子更宜廣誦玉樞經

解曰產固平安誦經祈福

第九十二

凜冽寒威萬木枯小橋雪凍酒難沽亭前一

樹梅花放宜訪仙壇告寶符

解曰芳春虛度晚歲成功

第九十三

秋成事了樂堯年道果緣成謝上天千載風

雲今際會一番喜色衆家全

解曰胎產有慶

第九十四

水畔逢佳子溪邊路始通桃花仙洞口人笑

小橋東

解曰遇水逢山佳音歡慶

第九十五

人身難得中土難生假使得生正法難遇

解曰厄難臨身急早告斗大作善福預告

天尊

第九十六

夫婦婚姻事兒女骨內情要令從汝願誦禮

玉樞經

解曰早還心願持誦寶經禮告天真請祈

福佑

第九十七

五男二女伊家慶殿宇蕭然我未安非吾貪

好人間景欲使凡民告與參

解曰聖意設化歡慕民心便民祈告會者

獲吉

第九十八

人間箇箇要求兒休壞吾前寶殿兒你能粧

畫兒童喜他自爭來作你兒

解曰不可損扼寶殿小兒宜添塑造精巧

粧嚴引接小兒自有喜慶

第九十九

上天不負至誠人好事相逢自有因美女佳

兒俱可得管教從願稱人心

解曰至誠感應管稱人心

物五

子

大慈好生九天衛房聖母元君靈應寶籤

洪恩靈濟真君靈籤

第一籤

上吉

龍韜豹略韞奇謀 若遇明時即獻壽

世道風波多勇猛 好從靜處細沉浮

第二籤

上上

吉夢先為兆吉祥 細尋稱意可參詳

生男不獲桑弧志 貴任須還再弄璋

第三籤

中

青帝權當正屆時 深紅淺綠映花枝

上林一夜西風起 天際行人知未知

第四籤

下

蠻觸相傷萬事虛 彼仁禮義却還初

鄒陽繫獄沉消息 誰上緹縈女子書

第五籤

上大吉

閒步前途慢著鞭 好將舟楫度平川

一輪明月今宵滿 第六 萬里雲衢萬里天

第六籤

大吉

一派波流勢欲東 時人正在望洋中

西山犬吠聞風月 此去青雲有路通

第七籤

下

疴羸病證不堪醫 妙藥良方且慢施
遇克逢羊終獲吉 莫教喜事轉成悲

第八籤 中下

喪牛失馬不堪憂 世事何須較贅疣
若遇春初冬末後 佳人休向道傍謀

第九籤 下

薄雲殘霧未掃空 東西南北未亨通
人從生處且投下 一葉秋來鴈過鴻

第十籤 中

盈庭音耗不須多 亦有訛言莫信他

第十一籤 上吉

男子婚姻終獲吉 狐疑未判事能蹉

第十二籤 中下

數行丹詔拆泥封 萬里青雲喜得隆
鷄薦橫空消息好 山間林下莫留蹤

寒谷陽回奪化工 閒花不用怨春風

淒涼外面傳消息 苴莖枝頭著意濃

第十三籤 中平

鱸肥蓴美忽思秋 萬頃波間可下鈞
機露鷗飛空著力 那堪明月滿歸舟

第十四籤 中上

我強彼弱植降旌 休向行人道不平

雨霽雲收猶未歇 春風才到便分明

第十五籤 下

測度何須問再三 冲天羽翼欲圖南

忽然消息相邀阻 事若成時又不堪

第十六籤 下

征夫一箇在天涯 虎在寅方望到家

目斷魂銷音信絕 梨花帶雨一枝斜

第十七籤 中下

朱雀當權屬丙方 不須來問子孫殃

風波靜處堪移步 蜂虿傷人莫自傷

第十八籤 中

佳客龍門喜氣新 天衢附翼且攀鱗

等閒借問吹噓路 免使微才歎析薪

第十九籤 中

萬變枝頭不肯休 誓兄盟母結冤讎

好宜急解從前過 拜佛求神始免憂

第二十籤 吉

朱門桃李已成粧 雨露工夫何艷陽

一奏風雲彈刻到 休言衣錦早還鄉

第二十一籤 中

求財求利意何貪 莫信怡言未盡甘

務是富商皆利息 津津喜色在東南

第二十二籤 吉

車馬遊人任往來 閒花冷蘂苦相催

不蒙一點東風力 偷向牆頭半夜開

第二十三籤 下

非是難尋一片心 汗牛充棟莫追尋

因緣到底有明白 誰向林泉會賞音

第二十四籤 吉

崢嶸頭角在鷄群 無奈薰蕕未肯分

桂子傳香才有信 日邊姓字一朝聞

第二十五籤 下

上食槁壤下黃泉 雙鴈高飛兩處眠

江水兩流人不見 世情險阻甚山川

第二十六籤 中

情歡意合兩諧和 玉燭揚明薦瑞多

却喜門庭無盜跖 三星在戶夕如何

第二十七籤 下

命蹇身逃又值秋 鬼神暗裏却相謀
風前月下逢花酒 只恐歡娛變作憂

第二十八籤

中下

管見終難奪化機 天工巧處未堪爲
一場世事真碁局 東壁龍蛇任奮飛

第二十九籤

上中

酒魚賴尾仰清流 一線微生幾欲休
須待禹門三級浪 明珠不向暗中投

第三十籤

上

冷暖炎涼厭世人 畫蛇斷鶴送天真
却令門戶無淹滯 筆下春風奪化鈞

第三十一籤

上

憂憾何須問是非 但觀人事見天機
人從坎處多如意 一簇孤燈再燄輝

第三十二籤

下

崑山玉石未分明 瓦釜盆中聒耳鳴
小往大來時未泰 你將百計苦經營

第三十三籤

下

甘苦從前幾歷嘗 一生六度闍星霜
憂心似醉人間夢 役役經營底事忙

第三十四籤

下

天上人間幾合離 孤中獨立欲扶危
折支折足應難免 火自焚身尚不知

第三十五籤

中

俄然平地起風波 人事年來雜哄多
准擬鹽梅歸大手 均平五味一調和

第三十六籤

上中

隔阻音書信尚違 春回草木未光暉
西山日落留殘照 更有行人天外歸

第三十七籤

中

水滿舟移等片時 孤歸未判易生疑
行人有意待明月 相見何須問紫芝

第三十八籤

中下

舉頭一片黑雲生 天際求名未得名
須扣黃鐘方大響 好風吹送上蓬瀛

第三十九籤

中

紅水西流欲問舟 等來功績幾時休
傍人相對傳消息 一箭雲頭看此秋

第四十籤

下

求財求利意貪多 西北風來問渡河

得價明珠姑少待 人生一夢到南柯

第四十一籤

下

一枝紅紫開芳菲 片片閒花逐水飛
鶯巢燕子寧無意 休向人間說是非

第四十二籤

中

菊老秋衰萬物殘 追尋舊恨與前歡
驪珠出海猶埋彩 直指東門且挂冠

第四十三籤

中下

入雲青鳥未飛還 信在虛無縹緲間
日落秦樓三萬里 白雲山外有青山

第四十四籤

中

一憂一喜兩相扶 萬事臨頭嘆欲圖
時日有如鷄翼卵 行看末路有亨衢

第四十五籤

中

鼎新革故遇陽來 天際行人獲貴財
回首移公纜咫尺 務緣徒自莫疑猜

第四十六籤

中

利名機會遇三生 萬里鵬程掌上平
牛馬殊途猶不及 命如坎處且運行

第四十七籤

下

出岫濃雲未得閒 淹留何日見青山
一壺一觸空相敵 惹得虛名在世間

第四十八籤 下

世態如兒不可論 事窮勢極有歸根
衣裳在笥先當慎 莫共神交與鬼言

第四十九籤 上吉

田家無歲不豐年 時變相將問老天
玉燭揚明魚吐夢 秋來得價利千千

第五十籤 上上吉

江頭少立避風波 天意從人果若何
直待萬門春浪暖 乘槎一直到天河

第五十一籤 下

人情依舊不如新 五十年來又一旬
是事總由心上斷 道傍築舍不須論

第五十二籤 中下

孤燈剔盡未成眠 拭淚含情在目前
音信未逢人萬里 朝來忽見鶯聲傳

第五十三籤 上吉

時和歲稔世平明 此去鄉間傳泰亨
神喜人歡終獲吉 百年心事幾圓成

洪恩靈濟真君靈籤

靈濟真君注生堂靈籤

納七

第一 上吉

夜來吉夢叶熊羆 嘉慶盈門立可期
孔子釋氏親抱送 定是天上麒麟兒

第二 中平

莫言弄瓦不堪誇 吉夢分明叶虺蛇
異日結縭應貴顯 沉香亭北一叢花

第三 中下

君家瓜瓞遠綿綿 祚胤由來降自天
只恐臨盆生阻滯 更須作福保安然

第四 下下

風雨冥冥花倦開 開花未久點蒼苔
何須更佩宜男草 此事皆從前定來

第五 大吉

奕葉流芳世澤長 雙飛玉燕叶休祥
日來會聽啾啾泣 早掛桑弧射四方

第六 下

璋不純兮瓦不完 更堪平地起波瀾
若非早扣神明力 爭似孤舟渡險灘

第七 上上

一樹梧桐覆苑牆 枝頭鶯鶯已呈祥
這回得箇超凡物 頭玉硤硤不可量

第八

中平

將信將疑事更遲 陰陽奇偶未能知
于今報爾分明道 近水芙蓉吐一枝

第九

上吉

六甲蹉跎期已至 晨昏當見充間氣
臨盆坐草兩無虞 玉果犀錢須早備

第十

中下

石上栽蓮難結實 水中種菊怎開花
假饒求得神明力 夢裏分明見虺蛇

第十一

中平

春入園林雨露備 海棠先吐一枝鮮
莫言空帶宜男草 此事悠悠總在天

第十二

上大吉

革故由來復鼎新 春風和氣喜津津
麒麟會製黃金鎖 來作君家廟廟珍

第十三

下下

造物德尤自不堪 何須贅卜女和男
午前午後知消息 明月清風一擔擔

第十四

平

萬事悠悠屬大鈞 也須盥濯問明神
分明說與中秋後 雲散瑤空月一輪

第十五

上上

玉鶯分明飛入懷 凡情何必更疑猜
親朋早辦黃金賀 好箇文章冠世材

第十六

吉

鬱葱佳氣溢門庭 吉夢曾符太白星
異日必然生貴子 莫言寒舍又添丁

第十七

下

賦命由來有疾徐 何須計較實和虛
為應記得先賢語 緣木求魚不得魚

第十八

中平

碧桃紅否闔芳菲 丹桂何曾見一枝
吉事未來休指望 更煩寧耐待秋時

第十九

中平

能將陰德積冥冥 玉樹芝蘭漸滿庭
繼繼承承茲有望 何須螺贏負螟蛉

第二十

下下

片雲遮月已朦冥 花落寒風子不成

烏鵲共棲仍共噪 吉凶全未見分明

第二十一

中下

年來時運尚乖虞 謾說龍駒與鳳雛
欲問眼前休役事 更須作福默相扶

第二十二

中平

為問胞胎事有因 虺蛇已叶夢中頻
他時會見魚軒貴 非是尋常箕箒人

第二十三

中上

蘭桂芬芳異眾芳 謝庭從此好風光
莫言結實成陰晚 造物安排不在忙

第二十四

下下

不事畊鋤獨守株 守株待兔兔偏無
笑他貪看中秋月 失却盤中照乘珠

第二十五

中

果木逢春已發萌 更資雨露遂生成
枝頭佳實還君採 莫被風吹着一鷲

第二十六

上吉

彩鳳一雛日載陽 羽毛漸次備文章
算來此事非容易 因是君家世澤長

第二十七

中平

笑他連日喜非常 弄瓦由來說弄璋
但得初生如達易 下筮上簣不驚惶

第二十八 中上

積善之家慶有餘 果然入海得明珠
但防好事多修阻 力向神天作福扶

第二十九 中下

昨夢紅花插滿身 今朝到此卜休禎
分明為決狐疑意 在蓍由來帚畔人

第三十 下下

晨昏何必太懸懸 只合悠悠信自然

入海求珠珠未得 更逢川火石皮連

第三十一 上吉

冥冥陰德默相扶 行盡崎嶇見坦途
不久須招田下力 早懸蓬矢與桑弧

第三十二 中下

一輪明月照深閨 欲夢熊羆夢轉迷
莫歎所求非所願 更須陰力默扶持

第三十三 上中

時若來兮事有緣 焚香何必問神天
神天自合從人願 早晚能招力上田

第三十四 下下

力穡辛勤望有秋 懸知萋稗滿田疇
從今莫倦頻看管 作耗仍防二尾牛

第三十五 上中

採山果得連城璞 入水能求照乘珠
玉果犀錢須早備 鬱葱佳氣已充閭

第三十六 中上

運去真金皆失色 時來鐵樹也生花
于今漸得重重喜 不似從前空怨嗟

第三十七 中下

三十年來命未通 勞心勞力總無功
等閑一日遊南海 拾得明珠在掌中

第三十八 中平

向人嚙嚼莫能言 口裏含飴尚未吞
吉事悠悠那可必 幾回清曉與黃昏

第三十九 下下

三蟲食血事多端 陰害相連未得安
縱使開花能結實 他時採摘不堪餐

第四十 中平

陽鳥展翅正南離 這事分明不用疑

投鷺懸鈴雙應瑞 也須祈禱保憂虞

第四十一 中平

嗣續悠悠君莫猜 生來造物早安排
眼前欲識剛柔理 昨夜陰精飛入懷

第四十二 中上

有意栽花花不發 等閑插柳柳成陰
于今剩得東風力 挿柳栽花兩稱心

第四十三 上中

君家華胄已遥遥 鳳子龍駒信可招
眼下欲明遲速意 不過兩日與三朝

第四十四 中中

東君取次布陽和 景物芳菲入興多
須向明神求保佑 免教平地起風波

第四十五 中平

下筮上簣睡朦朧 夢裏分明蛇作龍
此兆必然生貴女 魚軒大後淑人封

第四十六 上中

古來陰極復陽生 君子于今喜漸升
夢斷黃龜吟未就 已聞在蓍望望聲

第四十七 上中

此兆由來地澤臨 臨時萬事稱人心
幾年想像熊羆夢 此日披沙剩得金

第四十八 大吉

好事分明在眼前 安排玉果與犀錢
過門誰敢題凡鳥 頭玉硃硃信可憐

第四十九 中下

消息微茫未有期 却來此處十狐疑
分明不是東林桂 月暎茶蘼花一枝

第五十 下上

從來好事信多魔 採玉求珠枉自過
昨夜後園看月色 分明月裏見姮娥

第五十一 下下

日出三竿春霧收 青山漠漠水悠悠
漁郎莫道無魚覓 此處無魚別下鈎

第五十二 吉

梨實分開見赤蛇 神靈降瑞到君家
他時頭玉硃硃長 裕後光前信可誇

第五十三 上中

荏苒春光尚未過 陰陽交感氣融和
堂前湯餅多佳客 爭獻徐卿二子歌

第五十四 下

淘沙渾未見黃金 爭奈謀為不稱心
去去好求陰力助 石皮川火恐相侵

第五十五 中上

累相列鼎居華屋 不如子萬事足
最好崑山一片玉 得來但看祖宗福

第五十六 下中

心下遲疑喜又驚 一場好事未分明
後園桃李將成實 只恐風吹結不成

第五十七 下下

長江一望遠悠悠 蘆荻蕭蕭兩岸秋
夜半水寒魚不食 漁郎空自下金鈎

第五十八 中中

朝來乾鵲噪前楹 報道堦前玉樹生
更賴陰功相護祐 免教坐庫喜還驚

第五十九 上吉

作善由來降百祥 滿堂歡笑弄圭璋
明朝更有堪誇處 樹穴探環知姓羊

第六十 上中

事在心頭君自知 祖宗陰隔暗相隨

鳩巢問說生佳鷄 虎穴寧無產豹兒

第六十一 下

路上崎嶇未坦平 濛濛煙雨晦前程
為言速走多顛躓 何事優優緩步行

第六十二 中上

焚香扣齒告神天 何似孽孽種福田
眼下所求多透意 果然火裏出紅蓮

第六十三 下下

簾幃高捲迓陽春 爭奈陽春未屬人
石上栽蓮空望藕 勞心勞力又勞神

第六十四

庭外逢春掃綠苔 好將桃李及時栽
東君若果從人願 到底還他一度開

靈濟真君注生堂靈籤

扶天廣聖如意靈籤

納八

第一 上上

乾德之建 元亨利貞 君子體焉 陳紀立經

占陰晴晴田蠶大收墳葬吉利六畜大

旺行人立至求謀大遂求財大利婚姻

大成官事大吉謁見遇費出行大通修

造清吉疾病即愈走失即見生產有喜

捕盜便獲禱祀獲福恠異無咎移徙獲

吉家宅大安文書有就

已上大吉應一五七數及亥卯未年月日

時方位正東

第二 中平

履霜堅冰 陰凝否極 春日載陽 勾萌畢出

占陰晴兩田蠶半收墳葬半利六畜半

吉行人在路求謀半遂求財半利婚姻

晚成官事先凶後吉謁見小阻出行半

遂修造宜遲疾病先凶後吉走失見遲

生產先凶後吉捕盜獲遲禱祀小順恠

異將散移徙動遲家宅向安文書遲滯

已上先凶後吉應二四八數及寅午戌年

月日時方位西南

第三 中平

福不虛降 禍不妄加 居常履道 神保是嘉

占陰晴半陰半晴田蠶穩墳葬平穩行

人逢六畜平常求謀遂意求財有利婚

姻有成官事和平謁見無阻出行宜緩

修造守常疾病可醫走失可尋生產安

好捕盜得獲禱祀無恠恠異無事移徙

守舊家宅平安文書宜求

已上中平應三六九數及巳酉丑年月日

時方位正西

第四 中平

挾我良弓 射獵東阜 路有隳熊 發之中脰

占陰晴兩田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜動疾病不妨走失宜尋生產有驚

捕盜去速禱祀半吉恠異微災移徙小

利家宅終吉文書見遲

已上中凶始末吉應二四八數及寅午戌

年月日時方位正南

第五 下下

東園桃李 紅白其華 風雨凌之 萎絕泥沙

占陰晴晴田蠶無收墳葬後災六畜耗

失行人有阻求謀不遂求財不利婚姻

不成官事難解謁見難遇出行阻滯修

造不吉疾病難醫走失難見生產難捕

盜不獲禱祀不宜恠異有災移徙動凶

家宅不寧文書難得

已上先吉後凶應一五七數及亥卯未年

月日時方位東北

第六 下下

朝經太行 路多詰屈 既過長阪 復行荆棘

占陰晴半陰半晴田蠶失望墳葬不吉

六畜有損行人阻滯求謀不成求財無

利婚姻有破官事累後謁見間阻出行

不順修造不利疾病難瘥走失難見主

產難保捕盜難獲禱祀無益恠異興災

移徙見凶家宅不吉文書難得

已上中吉始末凶應三六九數及申子辰

年月日時方位西北

第七

下下

遠遊絕域常懷故鄉獨行踽踽憂心惶惶

占陰晴晴田蠶不收墳葬敗家六畜災損行人不迴求謀大不遂求財大不利

婚姻大不成官事大凶謁見不遇出行

不宜修造不利疾病危篤走失不見生產見凶捕盜休尋禱祀招禍恠異官事

移徙官非家宅大不安文書不遂

已上全凶應一五七數及亥卯未年月日

時方位正東

第八

上上

隙有桑麻田有黍稷外戶不高畜產蕃息

占陰晴雨田蠶大收墳葬吉利六畜大旺行人立至求謀大遂求財大利婚姻

大成官事大吉謁見遇貴出行大通修

造清吉疾病即愈走失即見生產有喜

捕盜便獲禱祀獲福恠異無欲移徙獲

吉家宅大安文書有就

已上大吉應二四八數及寅午戌年月日

時方位西南

第九

中平

石磴緣雲絕澗在傍白鹿煎學乃至金堂

占陰晴半陰半晴田蠶半收墳葬半利六畜半吉行人在路求謀半遂求財半

利婚姻晚成官事先凶後吉謁見小阻

出行半遂修造宜遲疾病先凶後吉走

失見遲生產先凶後吉捕盜獲遲禱祀

小順恠異將散移徙動運家宅向安文書遲滯

已上先凶後吉應三六九數及巳酉丑年月日時方位正北

月日時方位正北

第十

中平

甕牖繩樞簞食瓢飲所樂者天日晏安寢

占陰晴晴田蠶穩墳葬平穩六畜平常

行人遲求謀遂意求財有利婚姻有成

官事和平謁見無阻出行宜緩修造守

常疾病可醫走失可尋生產安好捕盜

得獲禱祀無應移徙守舊恠異無事家宅平安文書宜求

已上中平應一五七數及亥卯未年月日時方位東北

第十一

中平

九苞催耕我耨我鋤早魁為灾霖雨來蘇

占陰晴晴田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜動疾病不妨走失宜尋生產有驚

捕盜去遠禱祀半吉恠異微災移徙小

利家宅終吉文書見遲

已上中凶始末吉應一五七數及亥卯未年月日時方位正東

第十二

下下

蒼蒼雲木材堪梁棟枝披葉權患生於用

占陰晴雨田蠶無收墳葬後災六畜耗

失行人有阻求謀不遂求財不利婚姻

不成官事難解謁見難遇出行阻滯修

造不吉疾病難醫走失難見生產難捕

盜不獲禱祀不宜恠異有災移徙動凶家宅不寧文書難得

已上先吉後凶應二四八數及寅午戌年月日時方仁正南

第十三 下下

凶歲苦飢投未學仕 宦成而怠 更遭斥棄
占陰晴半陰半晴田蠶失望墳葬不吉
六畜有損行人阻滯求謀不成求財無
利婚姻有破官事累後謁見間阻出行
不順修造不利疾病難癒走失難見生
產難保捕盜難獲禱祀無益恠異興災
移徙見凶家宅不吉文書艱得

已上中吉始末凶應三六九數及申子辰年月日時方位東南

第十四 下下

時運大謬憂心孔艱 窮居莫遂 行者弗還
占陰晴雨田蠶不收墳葬敗家六畜災
損行人不迴求謀大不遂求財大不利
婚姻大不成官事大凶謁見不遇出行
不宜修造不利疾病危篤走失不見生
產見凶捕盜休尋禱祀招禍恠異官事
移徙官非家宅大不安文書不遂

已上全凶應二四八數及寅午戌年月日時方位西南

第十五 上上

日月重輪 河山帶礪 玉泰金書 恩加來齋
占陰晴晴田蠶大收墳葬吉利六畜大
旺行人立至求謀大遂求財大利婚姻
大成官事大吉謁見遇貴出行大通修
造清吉疾病即愈走失即見生產有喜
捕盜便獲禱祀獲福恠異無咎移徙獲
吉家宅大安文書有就

已上大吉應一五七數及亥卯未年月日時方位東北

第十六 中平

魏我三山 濁浪滔天 爰假颿輪 方見神仙
占陰晴半陰半晴田蠶半收墳葬半利
六畜半吉行人在路求謀半遂求財半
利婚姻晚成官事先凶後吉謁見小阻
出行半遂修造宜遲疾病先凶後吉走
失見遲生產先凶後吉捕盜獲遲禱祀
小順恠異將散移徙動遲家宅向安文

書遲滯

已上先凶後吉應三六九數及巳酉丑年月日時方位正西

第十七 中平

病不為殃 財靡倍進 安志守常 主于忠信
占陰晴晴田蠶穩墳葬平穩六畜平常
行人遲求謀遂意求財有利婚姻有成
官事和平謁見無阻出行宜緩修造守
常疾病可醫走失可尋生產安好捕盜
得獲禱祀無應恠異無事移徙守舊家
宅平安文書宜求

已上中平應一五七數及亥卯未年月日時方位正東

第十八 中平

方池混濛 魴鯉涿游 金石流爍 甘雨滂流
占陰晴雨田蠶有望墳葬小吉六畜無
損行人將至求謀晚遂求財利遲婚姻
可成官事無事謁見可許出行宜出修
造宜動疾病不妨走失宜尋生產有驚
捕盜去遠禱祀半吉恠異微災移徙小

利家宅終吉文書見遲

已上中凶始末吉應二四八數及寅午戌年月日時方位正南

第十九

下下

馮婦搏虎攘臂下車奮力而前躡于朽株

占陰晴半陰半晴田蠶無收墳葬後災

六畜耗失行人有阻求謀不遂求財不利婚姻不成官事難解謁見難遇出行阻滯修造不吉疾病難醫走失難見生產難捕盜不獲禱祀不宜恠異有災移

徙動凶家宅不寧文書難得

已上先吉後凶應三六九數及申子辰年月日時方位西北

第二十

下下

潛魚畏鰲曳尾江阜舟人得之鼎俎莫逃

占陰晴雨田蠶失望墳葬不吉六畜有損行人阻滯求謀不成求財無利婚姻有破官事累後謁見間阻出行不順修造不利疾病難癒走失難見生產難保捕盜難獲禱祀無益恠異與災移徙見

占陰晴雨田蠶大收墳葬吉利六畜大旺行人立至求謀大遂求財大利婚姻大成官事大吉謁見過貴出行大通修造清吉疾病即愈走失即見生產有喜捕盜便獲禱祀獲福恠異無欲移徙獲

凶家宅不吉文書難得

已上中吉始末凶應二四八數及寅午戌年月日時方位西南

第二十一

下下

神糾其愆鬼瞰其室履薄臨深匪朝伊夕

占陰晴晴田蠶不收墳葬敗家六畜災

損行人不迴求謀大不遂求財大不利婚姻大不成官事大凶謁見不遇出行不宜修造不利疾病危篤走失不見生產見凶捕盜休尋禱祀招禍恠異官事

移徙官非家宅大不安文書不遂

已上全凶應一五七數及亥卯未年月日時方位東北

第二十二

上上

瞻仰昊穹挾此風雲逍遙容與拜謁天君

占陰晴雨田蠶大收墳葬吉利六畜大旺行人立至求謀大遂求財大利婚姻大成官事大吉謁見過貴出行大通修造清吉疾病即愈走失即見生產有喜捕盜便獲禱祀獲福恠異無欲移徙獲

占陰晴雨田蠶大收墳葬吉利六畜大旺行人立至求謀大遂求財大利婚姻大成官事大吉謁見過貴出行大通修造清吉疾病即愈走失即見生產有喜捕盜便獲禱祀獲福恠異無欲移徙獲

吉家宅大安文書有就

已上大吉應二四八數及寅午戌年月日時方位正南

第二十三

中平

汝有大疑祈我明決災弭福臻室家欣悅

占陰晴半陰半晴田蠶半收墳葬半利

六畜半吉行人在路求謀半遂求財半利婚姻晚成官事先凶後吉謁見小阻

出行半遂修造宜遲疾病先凶後吉走失見遲生產先凶後吉捕盜獲遲禱祀

小順恠異將散移徙動遷家宅向安文書遲滯

已上先凶後吉應三六九數及巳酉丑年月日時方位正北

第二十四

中平

剛焉取禍柔焉取辱克慎于中厥道延毅

占陰晴雨田蠶穩墳葬平穩六畜平常

行人遲求謀遂意求財有利婚姻有成

官事和平謁見無阻出行宜緩修造守

常疾病可醫走失可尋生產安好捕盜

得獲禱紀無應恠異無事移徙守舊家
宅平安文書宜求

已上中平應二四八數及寅午戌年月日
時方位西南

第二十五 中平

娛樂方深哀毀或此 豈曰永憂先號後嘯

占陰晴晴田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜勤疾病不妨走失宜尋生產有驚

捕盜去遠禱祀半吉恠異微災移徙小

利家宅終吉文書見遲

已上中凶始末吉應一五七數及亥卯未
年月日時方位正東

第二十六 下下

鷺其鳴矣遷于喬木 出匪其時復于幽谷

占陰晴半陰半晴田蠶無收墳葬後災

六畜耗失行人有阻求謀不遂求財不

利婚姻不成官事難解謁見難遇出行

阻滯修造不吉疾病難醫走失難見生

產難捕盜不獲禱紀不宜恠異有災移
徙動凶家宅不寧文書難得

已上先吉後凶應三六九數及申子辰年
月日時方位東南

第二十七 下下

牛山之枿材美足珍 翳于近郊終尋斧斤

占陰晴晴田蠶失望墳葬不吉六畜有

損行人阻滯求謀不成求財不利婚姻

有破官事累後謁見阻阻出行不順修

造不利疾病難癒走失難見生產難保

捕盜難獲禱紀無益恠異與災移徙見

凶家宅不吉文書艱得

已上中吉始末凶應一五七數及亥卯未
年月日時方位東北

第二十八 下下

陰為不善陽欲揜之神明爾監 昭報無私

占陰晴雨田蠶不收墳葬敗家六畜災

損行人不迴求謀大不遂求財大不利

婚姻大不成官事大凶謁見不遇出行

不宜修造不利疾病危篤走失不見生

產見凶捕盜休尋禱紀招禍恠異官事
移徙官非家宅大不安文書不遂

已上全凶應二四八數及寅午戌年月日
時方位正南

第二十九 上上

萬善是服 天畀爾祿以熾以昌膺受多福

占陰晴半陰半晴田蠶大收墳葬吉利

六畜大旺行人立至求謀大遂求財大

利婚姻大成官事大吉謁見遇貴出行

大通修造清吉疾病即愈走失即見生

產有喜捕盜便獲禱紀獲福恠異無咎

移徙獲吉家宅大安文書有就

已上大吉應三六九數及巳酉丑年月日
時方位正西

第三十 中平

壘石為梁水落無魚 行獲巨蚌剖之得珠

占陰晴半陰半晴田蠶半收墳葬半利

六畜半吉行人在路求謀半遂求財半

利婚姻晚成官事先凶後吉謁見小阻

出行半遂修造宜遲疾病先凶後吉走

失見遲生產先凶後吉捕盜獲遲禱祀
小順恠異將散移徙動遲家宅向安文
書遲滯

已上先凶後吉應三六九數及申子辰年
月日時方位西北

第三十一

中平

安於自然樂天知命無毀無譽唯以靜勝

占陰晴晴田蠶穉墳葬平穩六畜平常
行人遲求謀遂意求財有利婚姻有成
官事和平謁見無阻出行宜緩修造守
常疾病可醫走失可尋生產安好捕盜
得獲禱祀無應恠異無事移徙守舊家
宅平安文書宜求

已上中平應一五七數及亥卯未年月日
時方位正東

第三十二

中平

瞻彼皓月揚輝于天蟾蜍食之終夕始圓

占陰晴雨田蠶有望墳葬小吉六畜無
損行人將至求謀晚遂求財利遲婚姻
可成官事無事謁見可許出行宜出修

造宜動疾病不妨走失宜尋生產有驚
捕盜去遠禱祀半吉恠異微災移徙小
利家宅終吉文書見遲

已上中凶始末吉應二四八數及寅午戌
年月日時方位西南

第三十三

下下

竊貨牟利所欲皆遂慢藏誨盜終以窮匱

占陰晴半陰半晴田蠶無收墳葬後災
六畜耗失行人有阻求謀不遂求財不
利婚姻不成官事難解謁見難遇出行
阻滯修造不吉疾病難醫走失難見生
產難捕盜不獲禱祀不宜恠異有災移
徙動凶家宅不寧文書難得

已上先吉後凶應三六九數及巳酉丑年
月日時方位正北

第三十四

下下

欲濟無舟東走平路屣弊足傷途長日暮

占陰晴雨田蠶失望墳葬不吉六畜有
損行人阻滯求謀不成求財無利婚姻
有破官事累後謁見問阻出行不順修

造不利疾病難瘥走失難見生產難保
捕盜難獲禱祀無益恠異興災移徙見
凶家宅不吉文書艱得

已上中吉始末凶應二四八數及寅午戌
年月日時方位正南

第三十五

下下

患生于慾禍生于急懼此凶凶連屢覆載

占陰晴晴田蠶不收墳葬敗家六畜災
損行人不迴求謀大不遂求財大不利
婚姻大不成官事大凶謁見不遇出行
不宜修造不利疾病危篤走失不見生
產見凶捕盜休尋禱祀招禍恠異官事
移徙官非家宅大不安文書不遂

已上全凶應一五七數及亥卯未年月日
時方位東北

第三十六

上上

日出而作惟善是從用天之道以成歲功

占陰晴半陰半晴田蠶大收墳葬吉利
六畜大旺行人立至求謀大遂求財大
利婚姻大成官事大吉謁見遇貴出行

大通修造清言疾病即愈走失即見生
產有喜捕盜便獲禱祀獲福恠異無咎
移徙獲吉家宅大安又書有就
已上大吉應三六九數及己酉丑年月日
時方位東南

第三十七

中平

無衣無褐何以卒歲逮及春融風和日麗
占陰晴晴田蠶半收墳葬半利六畜半
吉行人在路求謀半遂求財半利婚姻
晚成官事先凶後吉謁見小阻出行半
遂修造宜遲疾病先凶後吉走失見遲
生產先凶後吉捕盜獲運禱祀小順恠
異將散移徙動遷家宅向安文書遲滯
已上先凶後吉應一五七數及亥卯未年
月日時方位正東

第三十八

中平

富無厚蓄貧不屢空息機非分存心至公
占陰晴兩田蠶穩墳葬平穩六畜平常
行人遲求謀遂意求財有利婚姻有成
官事和平謁見無阻出行宜緩修造守

常疾病可醫走失可尋生產安好捕盜
得獲禱祀無應恠異無事移徙守舊家
宅平安文書宜求
已上中平應二四八數及寅午戌年月日
時方位西南

第三十九

中平

黃卷功成騰茂莖莖黜名科第遂遊公卿
占陰晴半陰半晴田蠶有望墳葬小吉
六畜無損行人將至求謀晚遂求財利
遲婚姻可成官事無事謁見可許出行
宜出修造宜動疾病不妨走失宜尋生
產有驚捕盜去遠禱祀半吉恠異微災
移徙小利家宅終吉文書見遲
已上中凶始末吉應三六九數及申子辰
年月日時方位正西

第四十

下下

檣楫松舟嘯歌中流衝風蹴浪載沉載浮
占陰晴兩田蠶無收墳葬後災六畜耗
失行人有阻求謀不遂求財不利婚姻
不成官事難解謁見難遇出行阻滯修

造不吉疾病難醫走失難見生產難捕
盜不獲禱祀不宜恠異有災移徙動凶
家宅不寧文書難得
已上先吉後凶應二四八數及寅午戌年
月日時方位正南

第四十一

下下

入海求珠風波苦辛雖獲夜光水蟲傷身
占陰晴晴田蠶失望墳葬不吉六畜有
損行人阻滯求謀不成求財無利婚姻
有破官事累後謁見間阻出行不順修
造不利疾病難瘥走失難見生產難保
捕盜難獲禱祀無益恠異與災移徙見
凶家宅不吉文書難得
已上中吉始末凶應一五七數及亥卯未
年月日時方位東北

第四十二

下下

宛宛百草嚴霜悴之信匪松桂胡寧不萎
占陰晴兩田蠶不收墳葬敗家六畜災
損行人不迴求謀大不遂求財大不利
婚姻大不成官事大凶謁見不遇出行

不宜修造不利疾病危篤走失不見生
產見凶捕盜休尋禱祀招禍恠異官事
移徙官非家宅大不安文書不遂
已上全凶應二四八數及寅午戌年月日
時方位西南

第四十三 上上

寒往暑來曰雨曰暘 四時順布 百穀蕃昌
占陰晴半陰半晴田蠶大收墳葬吉利
六畜大旺行人立至求謀大遂求財大
利婚姻大成官事大吉謁見遇貴出行
大通修造清吉疾病即愈走失即見生
產有喜捕盜便獲禱祀獲福恠異無咎
移徙獲吉家宅大安文書有就
已上大吉應三六九數及巳酉丑年月日
時方位西北

第四十四 中平

山深樹暝猿狖悲啼 月出東方 行人適歸
占陰晴兩田蠶半收墳葬半利六畜半
吉行人在路求謀半遂求財半利婚姻
晚成官事先凶後吉謁見小阻出行半

遂修造宜遲疾病先凶後吉走失見遲
生產先凶後吉捕盜獲遲禱祀小順恠
異將散移徙動遲家宅向安文書遲滯
已上先凶後吉應二四八數及寅午戌年
月日時方位正南

第四十五 中平

足無妄動心毋妄思 好善不倦 惟日孜孜
占陰晴晴田蠶穩墳葬平穩六畜平常
行人遲求謀遂意求財有利婚姻有成
官事和平謁見無阻出行宜緩修造守
常疾病可醫走失可尋生產安好捕盜
得獲禱祀無應恠異無事移徙守舊家
宅平安文書宜求
已上中平應一五七數及亥卯未年月日
時方位正東

第四十六 中平

鳴鼓伐鉦 往討不庭 遇敵死樹 逢我援兵
占陰晴半陰半晴田蠶有望墳葬小吉
六畜無損行人將至求謀晚遂求財利
遲婚姻可成官事無事謁見可許出行

宜出修造宜動疾病不妨走失宜尋生
產有驚捕盜去遠禱祀半吉恠異微災
移徙小利家宅終吉文書見遲
已上中凶始末吉應三六九數及申子辰
年月日時方位正北

第四十七 下下

時維鷹揚往遂其伐 道經馬陵 伏弩俱發
占陰晴晴田蠶無收墳葬後災六畜耗
失行人有阻求謀不遂求財不利婚姻
不成官事難解謁見難遇出行阻滯修
造不吉疾病難醫走失難見生產難捕
盜不獲禱祀不宜恠異有災移徙動凶
家宅不寧文書難得
已上先吉後凶應一五七數及亥卯未年
月日時方位東此

第四十八 下下

日出東隅 雲翳其光 桑榆暫照 樂不可長
占陰晴兩田蠶失望墳葬不吉六畜有
損行人阻滯求謀不成求財無利婚姻
有破官事累後謁見間阻出行不順修

造不利疾病難瘥走失難見生產難保
捕盜難獲禱祀無益恠異興災移徙見
凶家宅不吉文書艱得

已上中吉始末凶應二四八數及寅午戌
年月日時方位西南

第四十九 納八 下下 三

株守不變 禍從天來 行人之得 邑人之災

占陰晴半陰半晴田蠶不收墳葬敗家
六畜災損行人不迴求謀大不遂求財
大不利婚姻大不成官事大凶謁見不
遇出行不宜修造不利疾病危篤走失
不見生產見凶捕盜休尋禱祀招禍恠
異官事移徙官非家宅大不安文書不
遂

已上全凶應三六九數及巳酉丑年月日

時方位東南

第五十 上上

青陽肇序 天地載春 熙熙皞皞 樂育至仁
占陰晴晴田蠶大收墳葬吉利六畜大
旺行人立至求謀大遂求財大利婚姻

大成官事大吉謁見遇貴出行大通修
造清吉疾病即愈走失即見生產有喜
捕盜便獲禱祀獲福恠異無欲移徙獲
吉家宅大安文書有就

已上大吉應一五七數及亥卯未年月日

時方位正東 納八 中平 三十一

有魚頰尾 蛭蟻為群 桃花浪暖 乃躍龍門

占陰晴晴田蠶半收墳葬半利六畜半
吉行人在路求謀半遂求財半利婚姻
晚成官事先凶後吉謁見小阻出行半
遂修造宜遲疾病先凶後吉走失見遲
生產先凶後吉捕盜獲遲禱祀小順恠
異將散移徙動遲家宅向安文書遲滯

已上先凶後吉應一五七數及亥卯未年
月日時方位東北

第五十二 中平

時止則止時行則行 君子由之 以永亨貞
占陰晴兩田蠶穩墳葬平穩六畜平常
行人遲求謀遂意求財有利婚姻有成

官事和平謁見無阻出行宜緩修造守
常疾病可醫走失可尋生產安好捕盜
得獲禱祀無應恠異無事移徙守舊家
宅平安文書宜求

已上中平應二四八數及寅午戌年月日

時方位正南

第五十三 中平

煌煌靈芝 荆棘在傍 是采是擷 登彼玉堂

占陰晴半陰半晴田蠶有望墳葬小吉
六畜無損行人將至求謀晚遂求財利
遲婚姻可成官事無事謁見可許出行
宜出修造宜動疾病不妨走失宜尋生
產有驚捕盜去速禱祀半吉恠異微災
移徙小利家宅終吉文書見遲

已上中凶始末吉應三六九數及申子辰
年月日時方位正西 納八 三十二

第五十四 下下

輝輝干將 飾以百金 海寓蕩滌 清光乃沉
占陰晴兩田蠶無收墳葬後災六畜耗
失行人有阻求謀不遂求財不利婚姻

不成官事難解謁見難遇出行阻滯修
造不吉疾病難醫走失難見生產難捕
盜不獲禱祀不宜恠異有災移徙動凶
家宅不寧文書難得

已上先吉後凶應二四八數及寅午戌年
月日時方位西南

第五十五 下下

行遊弗遂 歸我室廬 城門失火 殃及池魚

占陰晴晴田蠶失望墳葬不吉六畜有
損行人阻滯求謀不成求財無利婚姻
有破官事累後謁見間阻出行不順修
造不利疾病難瘥走失難見生產難保
捕盜難獲禱祀無益恠異與災移徙見
凶家宅不吉文書艱得

已上中吉始末凶應一五七數及亥卯未
年月日時方位正東

第五十六 下下

強食行屍 病在心腹 勿謂曷傷 其禍孔速

占陰晴半陰半晴田蠶不收墳葬敗家
六畜災損行人不迴求謀大不遂求財

大不利婚姻大不成官事大凶謁見不
遇出行不宜修造不利疾病危篤走失
不見生產見凶捕盜休尋禱祀招禍恠
異官事移徙官非家宅大不安文書不
遂

已上全凶應三六九數及巳酉丑年月日
時方位西北

第五十七 上上

麒麟鳳凰 景星慶雲 光德之瑞 與物不群

占陰晴晴田蠶大收墳葬吉利六畜大
旺行人立至求謀大遂求財大利婚姻
大成官事大吉謁見遇貴出行大通修
造清吉疾病即愈走失即見生產有喜
捕盜便獲禱祀獲福恠異無效移徙獲
吉家宅大安文書有就

已上大吉應一五七數及亥卯未年月日
時方位東北

第五十八 中平

赫赫炎暎 庶草焦枯 靈雨既降 泮然頓甦

占陰晴雨田蠶半收墳葬半利六畜半

吉行人在路求謀半遂求財半利婚姻
晚成官事先凶後吉謁見小阻出行半
遂修造宜遲疾病先凶後吉走失見遲
生產先凶後吉捕盜獲遲禱祀小順恠
異將散移徙動遲家宅向安文書遲滯

已上先凶後吉應二四八數及寅午戌年
月日時方位正南

第五十九 中平

進退有節 動靜以時 消息從道 君子是宜

占陰晴半陰半晴田蠶穩墳葬平穩六
畜平常行人遲求謀遂意求財有利婚
姻有成官事和平謁見無阻出行宜緩
修造守常疾病可醫走失可尋生產安
好捕盜得獲禱祀無應恠異無事移徙
守舊家宅平安文書宜求

已上中平應三六九數及申子辰年月日
時方位正北

第六十 中平

鼓瑟鼓琴 有鏘其聲 絃絕而續 厥音尤清

占陰晴半陰半晴田蠶有望墳葬小吉

六畜無損行人將至求謀晚遂求財利
遲婚姻可成官事無事謁見_可言_言出行
宜出修造宜動疾病不妨走失宜尋生
產有驚捕盜去遠禱祀半吉恠異微災
移徙小利家宅終吉文書見遲

已上中凶始末吉應三六九數及巳酉丑
年月日時方位東南

第六十一 下下

鱧鮪潑潑 曝腮以遊 唯餌之貪 涸轍是求
占陰晴晴田蠶無收墳葬後六畜耗
失行人有阻求謀不遂求財不利婚姻
不成官事難解謁見難遇出行阻滯修
造不吉疾病難醫走失難見生產難捕
盜不獲禱祀不宜恠異有災移徙動凶
家宅不寧文書難得

已上先吉後凶應一五七數及亥卯未年
月日時方位正東

第六十二 下下

不慎厥載 勞我僮僕 既行坦途 仍墜于谷
占陰晴兩田蠶失望墳葬不吉六畜有

損行人阻滯求謀不成求財無利婚姻
有破官事累後謁見有阻出行不順修
造不利疾病難瘥走失難見生產難保
捕盜難獲禱祀無益恠異與災移徙見
凶家宅不吉文書難得

已上中吉始末凶應二四八數及寅午戌
年月日時方位西南

第六十三 下下

爰有鵬鳥 止于坐隅 微此咎妖 悶絕窮廬
占陰晴半陰半晴田蠶不收墳葬敗家
六畜災損行人不迴求謀大不遂求財
大不利婚姻大不成官事大凶謁見不
遇出行不宜修造不利疾病危篤走失
不見生產見凶捕盜休尋禱祀招禍恠
異官事移徙官非家宅大不安文書不
遂

已上全凶應三六九數及巳酉丑年月日
時方位正西

第六十四 上上

靈既既臻 慶者在門 豈但一時 宜爾後昆

占陰晴兩田蠶大收墳葬吉利六畜大
旺行人立至求謀大遂求財大利婚姻
大成官事大吉謁見遇貴出行大通修
造清吉疾病即愈走失即見生產有喜
捕盜便獲禱祀獲福恠異無咎移徙獲
吉家宅大安文書有就

已上大吉應二四八數及寅午戌年月日
時方位正南

第六十五 中平

羊腸壘車 巫峽覆舟 慎爾登涉 平路安流
占陰晴晴田蠶半收墳葬半利六畜半
吉行人在路求謀半遂求財半利婚姻
晚成官事先凶後吉謁見小阻出行半
遂修造宜遲疾病先凶後吉走失見遲
生產先凶後吉捕盜獲遲禱祀小順恠
異將散移徙動遲家宅向安文書遲滯

已上先凶後吉應一五七數及亥卯未年
月日時方位東北

第六十六 中平

既磨既淬 斯惟利器 敬乃操持 毋敢失墜

占陰晴半陰半晴田蠶穩墳葬平穩六畜平常行人還求謀遂意求財有利婚姻有成官事和平謁見無阻出行宜緩修造守常疾病可醫走失可尋生產安好捕盜得獲禱祀無應怪異無事移徙守舊家宅平安文書宜求

已上中平應三六九數及申子辰年月日時方位西北

第六十七 中平

鸚鵡能言羽儀麗新一目雖加主人見珍

占陰晴晴田蠶有望墳葬小吉六畜無損行人將至求謀晚遂求財利遲婚姻可成官事無事謁見可許出行宜出修造宜動疾病不妨走失宜尋生產有驚捕盜去逐禱祀半吉怪異微災移徙小利家宅終吉文書見遲

已上中凶始末吉應一五七數及亥卯未年月日時方位正東

第六十八 下下

新聲屢泛清歌既登樂往哀來悲啼緣纒

占陰晴雨田蠶無收墳葬後災六畜耗失行人有阻求謀不遂求財不利婚姻不成官事難解謁見難遇出行阻滯修造不吉疾病難醫走失難見生產難捕盜不獲禱祀不宜怪異有災移徙動凶家宅不寧文書難得

已上先吉後凶應二四八數及寅午戌年月日時方位西南

第六十九 下下

卧病新愈炮燄鱗鱗誤觸竈鬼斷絕火煙

占陰晴半陰半晴田蠶失望墳葬不吉六畜有損行人阻滯求謀不成求財徒利婚姻有破官事累後謁見間阻出行不順修造不利疾病難瘥走失難見生產難保捕盜難獲禱祀無益怪異與災移徙見凶家宅不吉文書艱得

已上中吉始末凶應二六九數及巳酉丑年月日時方位正北

第七十 下下

設心無良謫詐不臧鬼錄雖幽天網恢張

占陰晴晴田蠶不收墳葬敗家六畜災損行人不迴求謀大不遂求財大不利婚姻大不成官事大凶謁見不遇出行不宜修造不利疾病危篤走失不見生產見凶捕盜休尋禱祀招禍怪異官事移徙官非家宅大不安文書不遂

已上全凶應一五七數及亥卯未年月日時方位東北

第七十一 上上

詢謀僉同龜筮協吉利行四方遵我成式

占陰晴晴田蠶大收墳葬吉利六畜大旺行人立至求謀大遂求財大利婚姻大成官事大吉謁見遇貴出行大通修造清吉疾病即愈走失即見生產有喜捕盜便獲禱祀獲福怪異無咎移徙獲吉家宅大安文書有就

已上大吉應一五七數及亥卯未年月日時方位正東

第七十二 中平

水有蛟鼉陸有虎狼主人館我石室蘭堂

占陰晴兩田蠶半收墳葬平利六畜半
言行人在路求謀半遂求財半利婚姻
晚成官事先凶後吉謁見小阻出行半
遂修造宜遲疾病先凶後吉走失見遲
生產先凶後吉捕盜獲遲禱祀小願惟
異將散移徙動遲家宅向安文書遲滯
已上先凶後吉應二四八數及寅午戌年
月日時方位正南

第七十三 中平

知常曰明守身為大克謹斯箴無有顛沛
占陰晴半陰半晴田蠶穩墳葬平穩六
畜平常行人遲求謀遂意求財有利婚
姻有成官事和平謁見無阻出行宜緩
修造守常疾病可醫走失可尋生產安
好捕盜得獲禱祀無應惟異無事移徙
守舊家宅平安文書宜求
已上中平應三六九數及申子辰年月日
時方位東南

第七十四 中平

實錄騰輝好熾早照鬻于塵垢磨之增輝

占陰晴兩田蠶有望墳葬小吉六畜無
損行人將至求謀有遂求財利遲婚姻
可成官事無事謁見可許出行宜出修
造宜動疾病不妨走失宜尋生產有驚
捕盜去速禱祀半吉惟異微災移徙小

利家宅終吉文書見遲

已上中凶始末吉應二四八數及寅午戌
年月日時方位西南

第七十五 下下

朝來三秀遠入名山雲深路暗莫知所還
占陰晴晴田蠶無收墳葬後災六畜耗
失行人有阻求謀不遂求財不利婚姻
不成官事難解謁見難遇出行阻滯修
造不吉疾病難醫走失難見生產難捕
盜不獲禱祀不宜惟異有災移徙動凶
家宅不寧文書難得

已上先吉後凶應一五七數及亥卯未年
月日時方位東北

第七十六 下下

踏磴攀蘿登天之難憑高遠意歸路霜寒

占陰晴半陰半晴田蠶失望墳葬不吉
六畜有損行人阻滯求謀不成求財無
利婚姻有破官事累後謁見間阻出行
不順修造不利疾病難癒走失難見生
產難保捕盜難獲禱祀無益惟異與災

移徙見凶家宅不吉文書難得

已上中吉始末凶應三六九數及巳酉丑
年月日時方位正西

第七十七 下下

月盈則虧日中必昃慎終如始以禮凶惡
占陰晴兩田蠶不收墳葬敗家六畜災
損行人不迴求謀大不遂求財大不利
婚姻大不成官事大凶謁見不遇出行
不宜修造不利疾病危篤走失不見生
產見凶捕盜休尋禱祀招禍惟異官事
移徙官非家宅大不安文書不遂

已上全凶應一五七數及亥卯未年月日
時方位正東

第七十八 上上

顯允君子溫其如玉保佑命之介此遐福

占陰晴雨田蠶大收墳葬吉利六畜大旺行人立至求謀大遠求財大利婚姻大成官事大吉謁見遇貴出行大通修造清吉疾病即愈走失即見生產有喜捕盜便獲禱祀獲福恠異無咎移徙獲吉家宅大安文書有就

已上大吉應二四八數及寅午戌年月日時方位正南

第七十九 中平

否極泰生陰消陽續天道好還靡往不復

占陰晴半陰半晴田蠶半收墳葬半利六畜半吉行人在路求謀半遠求財半利婚姻晚成官事先凶後吉謁見小阻出行半遂修造宜遲疾病先凶後吉走失見遲生產先凶後吉捕盜獲遲禱祀小順恠異將散移徙動運家宅向安文書遲滯

第八十 中平

大智若愚大巧若拙庸德之行寔曰明哲

占陰晴雨田蠶穩墳葬平穩六畜平常行人遲求謀遂意求財有利婚姻有成官事和平謁見無阻出行宜緩修造守常疾病可醫走失可尋生產安好捕盜得獲禱祀無恠異無事移徙守舊家宅平安文書宜求

已上中平應二四八數及寅午戌年月日時方位西南

第八十一 中平

智者千慮中有一失既慎所宜乃底元吉

占陰晴晴田蠶有望墳葬小吉六畜無損行人將至求謀晚遂求財利遲婚姻可成官事無事謁見可許出行宜出修造宜動疾病不妨走失宜尋生產有驚捕盜去速禱祀半吉恠異微災移徙小利家宅終吉文書見遲

第八十二 下下

園有奇卉燁若瓊英繁華不實隨風飄零

占陰晴雨田蠶無收墳葬後災六畜耗失行人有阻求謀不遂求財不利婚姻不成官事難解謁見難遇出行阻滯修造不吉疾病難醫走失難見生產難捕盜不獲禱祀不宜恠異有災移徙動凶家宅不寧文書難得


已上先吉後凶應二四八數及寅午戌年月日時方位正南

第八十三 下下

傷弓之鳥高翔雲漢下食川原網羅俄肯

占陰晴半陰半晴田蠶失望墳葬不吉六畜有損行人阻滯求謀不成求財無利婚姻有破官事累後謁見間阻出行不順修造不利疾病難瘥走失難見生產難保捕盜難獲禱祀無益恠異與災移徙見凶家宅不吉文書艱得

第八十四 下下



瞋目恣行 作偽成拙 履水不戒 逢其顛蹶

占陰晴雨田蠶不收墳葬敗家六畜災

損行人不迴求謀大不遂求財大不利

婚姻大不成官事大凶謁見不過出行

不宜修造不利疾病急篤走失不見生

產見凶捕盜休尋禱祀招禍恠異官事

移徙官非家宅大不安文書不遂

已上全凶應二四八數及寅午戌年月日

時方位西南

第八十五 上上

○ 手援北斗 仰挹天漿 身躡箕尾 列星其行

占陰晴晴田蠶大收墳葬吉利六畜大

旺行人立至求謀大遂求財大利婚姻

大成官事大吉謁見遇貴出行大通修

造清吉疾病即愈走失即見生產有喜

捕盜便獲禱祀獲福恠異三十五無咎移徙獲

吉家宅大安文書有就

已上大吉應一五七數及亥卯未年月日

時方位正東 第八十六 中平

慄慄危懼 若墮于淵 神實佑汝 俾獲安全

占陰晴半陰半晴田蠶半收墳葬半利

六畜半吉行人在路求謀半遂求財半

利婚姻晚成官事先凶後吉謁見小阻

出行半遂修造宜遲疾病先凶後吉走

失見遲生產先凶後吉捕盜獲遲禱祀

小順恠異將散移徙動遲家宅向安文

書遲滯

已上先凶後吉應三六九數及申子辰年

○ 第八十七 中平

○ 衡門之下 可以棲遲 雖非兼達 亦足自怡

占陰晴晴田蠶穩墳葬平穩六畜平常

行人遲求謀遂意求財有利婚姻有成

官事和平謁見無阻出行宜緩修造守

常疾病可醫走失可尋生產安好捕盜

得獲禱祀無應恠異無事移徙守舊家

宅平安文書宜求

已上中平應一五七數及亥卯未年月日

時方位東北

第八十八 中平

神蛟蜿蜒 載墊隆冬 春雷震震 騰雲馭風

占陰晴雨田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜動疾病不妨走失宜尋生產有驚

捕盜去遠禱祀半吉恠異微災移徙小

利家宅終吉文書見遲

已上中凶始末吉應二四八數及寅午戌

○ 第八十九 下下

嘉賓雲集 吹笙鼓簧 樂極而悲 淚下沾裳

占陰晴半陰半晴田蠶無收墳葬後災

六畜耗失行人有阻求謀不遂求財不

利婚姻不成官事難解謁見難遇出行

阻滯修造不吉疾病難醫走失難見生

產難捕盜不獲禱祀不宜恠異有災移

徙動凶家宅不寧文書難得

已上先吉後凶應三六九數及巳酉丑年

月日時方位正西

第九十 下下

行商不遂 歸種禾黍 遠欲穫之 乃值霖雨

占陰晴半陰半晴田蠶失望墳葬不吉

六畜有損行人阻滯求謀不成求財無

利婚姻有破官事累後謁見開阻出行

不順修造不利疾病難癒走失難見生

產難保捕盜難獲禱祀無益恠異興災

移徙見凶家宅不吉文書艱得

已上中吉始末凶應三六九數及申子辰

年月日時方位西北

第九十一 下下

禍叢厥身 動罔不凶 日拙心勞 終以困窮

占陰晴晴田蠶不收墳葬敗家六畜災

預行人不迴求謀大不遂求財大不利

婚姻大不成官事大凶謁見不遇出行

不宜修造不利疾病危篤走失不見生

產見凶捕盜休尋禱祀招禍恠異官事

移徙官非家宅大不安文書不遂

已上全凶應一五七數及亥卯未年月日

時方位正東

第九十二 上上

春雷起蟄 品物咸亨 應龍飛躍 風雲勃興

占陰晴兩田蠶大收墳葬吉利六畜大

旺行人立至求謀大遂求財大利婚姻

大成官事大吉謁見遇貴出行大通修

造清吉疾病即愈走失即見生產有喜

捕盜便獲禱祀獲福恠異無咎移徙獲

吉家宅大安文書有就

已上大吉應二四八數及寅午戌年月日

時方位西南

第九十三 中平

林華爛熳 夕萎于地 容色悴矣 佳菓式遂

占陰晴半陰半晴田蠶半收墳葬半利

六畜半吉行人在路求謀半遂求財半

利婚姻晚成官事先凶後吉謁見小阻

出行半遂修造宜遲疾病先凶後吉走

失見遲生產先凶後吉捕盜獲遲禱祀

小順恠異將散移徙動遲家宅向安文

書遲滯

已上先凶後吉應三六九數及巳酉丑年

月日時方位正北

第九十四 中平

至靈者神 至貴者人 人神交孚 在修厥身

占陰晴兩田蠶穩墳葬平穩六畜平常

行人遲求謀遂意求財有利婚姻有成

官事和平謁見無阻出行宜緩修造守

常疾病可醫走失可尋生產安好捕盜

得獲禱祀無應恠異無事移徙守舊家

宅平安文書宜求

已上中平應二四八數及寅午戌年月日

時方位正南

第九十五 中平

策我飛黃 馳騁康莊 歷塊傾仆 還復騰驥

占陰晴晴田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜動疾病無妨走失宜尋生產有驚

捕盜去速禱祀半吉恠異微災移徙小

利家宅終吉文書見遲

已上中凶始末吉應一五七數及亥卯未

年月日時方位東北

第九十六 下下

維蒼之華 樂此春暉 白露既降 搖落何歸

占陰晴半陰半晴田蠶無收墳葬後災
六畜耗失行人有阻求謀不遂求財不

利婚姻不成官事難解謁見難遇出行

阻滯修造不吉疾病難醫走失難見生

產難捕盜不獲禱祀不宜恠異有災移

徙動凶家宅不寧文書難得

○ 已上先吉後凶應三六九數及申子辰年

○ 月日時方位東南

第九十七 下下

弗慮弗圖 既伏其辜 雖逢恩宥 疾病嗟呼

占陰晴晴田蠶失望墳葬不吉六畜有

損行人阻滯求謀不成求財無利婚姻

有破官事累後謁見間阻出行不順修

造不利疾病難瘥走失難見生產難保

捕盜難獲禱祀無益恠異與災移徙見

凶家宅不吉文書艱得

已上中吉始末凶應一五七數及亥卯未

年月日時方位正東

第九十八 下下

恠異迭興 家宅虛耗 殃咎荐臻 速宜禳告

占陰晴兩田蠶不收墳葬敗家六畜災
損行人不迴求謀大不遂求財大不利

婚姻大不成官事大凶謁見不遇出行

不宜修造不利疾病危篤走失不見生

產見凶捕盜休尋禱祀招禍恠異官事

移徙官非家宅大不安文書不遂

○ 已上全凶應二四八數及寅午戌年月日

○ 時方位西南

第九十九 上上

黃道天開 二炁交通 動植飛潛 各獲所從

占陰晴半陰半晴田蠶大收墳葬吉利

六畜大旺行人立至求謀大遂求財大

利婚姻大成官事大吉謁見遇貴出行

大通修造清吉疾病即愈走失即見生

產有喜捕盜便獲禱祀獲福恠異無欲

移徙獲吉家宅大安文書有就

已上大吉應三六九數及巳酉丑年月日

時方位正西

第一百 中平

慾累未澄 勞苦身形 精修妙道 乃得長生

占陰晴晴田蠶半收墳葬半利六畜半
吉行人在路求謀半遂求財半利婚姻

晚成官事先凶後吉謁見小阻出行半

遂修造宜遲疾病先凶後吉走失見遲

生產先凶後吉捕盜獲禱祀小順恠

異將散移徙動遷家宅向安文書遲滯

○ 已上先凶後吉應一五七數及亥卯未年

○ 月日時方位東北

第一百一 中平

毋銛爾舌 自罔于天 神鑑孔昭 毫髮靡偏

占陰晴晴田蠶穩墳葬平穩六畜平常

行人遲求謀遂意求財有利婚姻有成

官事和平謁見無阻出行宜緩修造守

常疾病可醫走失可尋生產安好捕盜

得獲禱祀無應恠異無事移徙守舊家

宅平安文書宜求

已上中平應一五七數及亥卯未年月日

時方位正東

第一百二 中平

鳴鶴在陰 群鷺並食 忽乘天風 超遙八極

占陰晴雨田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜動疾病不妨走失宜尋生產有驚

捕盜去速禱祀半吉恠異微災移徙小

利家宅終吉文書見遲

已上中凶始末吉應二四八數及寅午戌

年月日時方位正南

第一百三 下下

爰有梧桐 材中琴瑟 燬下煙飛 使我太息

占陰晴半陰半晴田蠶無收墳葬後災

六畜耗失行人有阻求謀不遂求財不

利婚姻不成官事難解謁見難過出行

阻滯修造不吉疾病難醫走失難見生

產難捕盜不獲禱祀不宜恠異有災移

徙動凶家宅不寧文書難得

已上先吉後凶應三六九數及申子辰年

月日時方位西北

第一百四 下下

躡跡躡繩 遂之長川 漁者豫且 設網在前

占陰晴雨田蠶失望墳葬不吉六畜有

損行人阻滯求謀不成求財無利婚姻

有破官事累後謁見間阻出行不順修

造不利疾病難瘥走失難見生產難保

捕盜難獲禱祀無益恠異與災移徙見

凶家宅不吉文書艱得

已上中吉始末凶應二四八數及寅午戌

年月日時方位西南

第一百五 下下

曆火積薪 戴寢其上 禍機已構 神不爾相

占陰晴晴田蠶不收墳葬敗家六畜災

損行人不迴求謀大不遂求財大不利

婚姻大不成官事大凶謁見不遇出行

不宜修造不利疾病危篤走失不見生

產見凶捕盜休尋禱祀招禍恠異官事

移徙官非家宅大不安文書不遂

已上全凶應一五七數及亥卯未年月日

時方位東北

第一百六 中平

登山無車 涉水無梁 忽躡青雲 萬里翱翔

占陰晴半陰半晴田蠶半收墳葬半利

六畜半吉行人在路求謀半遂求則半

利婚姻晚成官事先凶後吉謁見小阻

出行半遂修造宜遲疾病先凶後吉走

失見遲生產先凶後吉捕盜獲遲禱祀

小順恠異將散移徙動遲家宅向安文

書遲滯

已上先凶後吉應三六九數及巳酉丑年

月日時方位正北

第一百七 中平

寵辱不加 理亂不聞 抱道而居 與善為倫

占陰晴晴田蠶穩墳葬平穩六畜平常

行人遲求謀遂意求財有利婚姻有成

官事和平謁見無阻出行宜緩修造守

常疾病可醫走失可尋生產安好捕盜

得獲禱祀無應恠異無事移徙守舊家

宅平安文書宜求

已上中平應一五七數及亥卯未年月日時方位正東

第一百八 中平

混混荆璞 孕毓山阿 始同砂礫 終遇下和

占陰晴雨田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜動疾病不妨走失宜尋生產有驚

捕盜去遠禱祀半吉恠異微災移徙小

利家宅終吉文書見遲

已上中凶始末吉應二四八數及寅午戌年月日時方位正南

第一百九 下下

駟駒良驥千里一息 駕駘垂駕 駢死槽檻

占陰晴半陰半晴田蠶無收墳葬後災

六畜耗失行人有阻求謀不遂求財不

利婚姻不成官事難解謁見難遇出行

阻滯修造不吉疾病難醫走失難見生

產難捕盜不獲禱祀不宜恠異有災移

徙動凶家宅不寧文書難得

已上先吉後凶應三六九數及申子辰年月日時方位東南

第一百一十 下下

前車已覆 後者繼轍 載經平野 終焉軸折

占陰晴晴田蠶失望墳葬不吉六畜有

損行人阻滯求謀不成求財無利婚姻

有破官事累後謁見阻阻出行不順修

造不利疾病難癒走失難見生產難保

捕盜難獲禱祀無益恠異與災移徙見

凶家宅不吉文書難得

已上中吉始末凶應一五七數及亥卯未年月日時方位東北

第一百一十一 下下

燕燕求食 有焚其巢 失所憑依 載號載呶

占陰晴晴田蠶不收墳葬敗家六畜災

損行人不迴求謀大不遂求財大不利

婚姻大不成官事大凶謁見不過出行

不宜修造不利疾病危篤走失不見生

產見凶捕盜休尋禱祀招禍恠異官事

移徙官非家宅大不安文書不遂

已上全凶應一五七數及亥卯未年月日時方位正東

第一百一十二 中平

罪惡既盈 災咎是速 頓首自懲 得免顛覆

占陰晴雨田蠶半收墳葬半利六畜半

吉行人在路求謀半遂求財半利婚姻

晚成官事先凶後吉謁見小阻出行半

遂修造宜遲疾病先凶後吉走失見遲

生產先凶後吉捕盜獲遲禱祀小順恠

異將散移徙動遷家宅向安文書遲滯

已上先凶後吉應二四八數及寅午戌年月日時方位西南

第一百一十三 中平

言為禍階 行乃德先 戒謹樞機 樂享天年

占陰晴半陰半晴田蠶穩墳葬平穩六

畜平常行人遠求謀遂意求財有利婚

姻有成官事和平謁見無阻出行宜緩

修造守常疾病可醫走失可尋生產安

好捕盜得獲禱祀無應恠異無事移徙

守舊家宅平安文書宜求

已上中平應三六九數及己酉丑年月日時方位正西

第一百一十四 中平

婉婉芳蘭蒙被蒼葑美人我嘉紉之為佩

占陰晴晴田蠶有望墳葬小吉六畜無

損行人將至求謀晚遂求財利遲婚姻

可成官事無事謁見可許出行宜出修

造宜動疾病不妨走失宜尋生產有驚

捕盜去遠禱祀半吉恠異微災移徙小

利家宅終吉文書見遲

○ 已上中凶始末吉應二四八數及寅午戌年月日時方位正南

第一百一十五 下下

知足不辱知止不殆弗由古訓迺罹災害

占陰晴晴田蠶無收墳葬後災六畜耗

失行人有阻求謀不遂求財不利婚姻

不成官事難解謁見難遇出行阻滯修

造不吉疾病難醫走失難見生產難捕

盜不獲禱祀不宜恠異有災移徙動凶

家宅不寧文書難得

已上先吉後凶應一五七數及亥卯未年月日時方位東北

第一百一十六 下下

上山採藥仰見青童天路漸迷不得相從

占陰晴半陰半晴田蠶失望墳葬不吉

六畜有損行人阻滯求謀不成求財無

利婚姻有破官事累後謁見間阻出行

不順修造不利疾病難瘥走失難見生

產難保捕盜難獲禱祀無益恠異與災

移徙見凶家宅不吉文書難得

○ 已上中吉始末凶應三六九數及申子辰年月日時方位西北

第一百一十七 下下

曲突徙薪弗納其說牛酒勞賔焦頭爛額

占陰晴晴田蠶不收墳葬敗家六畜災

損行人不迴求謀大不遂求財大不利

婚姻大不成官事大凶謁見不遇出行

不宜修造不利疾病危篤走失不見生

產見凶捕盜休尋禱祀招禍恠異官事

移徙官非家宅大不安文書不遂

已上全凶應一五七數及亥卯未年月日時方位正東

第一百一十八 下下

玄蟬飲露嗟于高楊螳螂伺之倏罹其殃

占陰晴兩田蠶無收墳葬後災六畜耗

失行人有阻求謀不遂求財不利婚姻

不成官事難解謁見難遇出行阻滯修

造不吉疾病難醫走失難見生產難捕

盜不獲禱祀不宜恠異有災移徙動凶

家宅不寧文書難得

○ 已上先吉後凶應二四八數及寅午戌年月日時方位西南

第一百一十九 下下

晻晻微月三五始圓暫露清光重雲蔽天

占陰晴半陰半晴田蠶失望墳葬不吉

六畜有損行人阻滯求謀不成求財無

利婚姻有破官事累後謁見間阻出行

不順修造不利疾病難瘥走失難見生

產難保捕盜難獲禱祀無益恠異與災

移徙見凶家宅不吉文書艱得

已上中吉始末凶應三六九數及已酉五
年月日時方位正北

第一百二十 下下

獸落陷弄鳥墜網羅 既昧先知 哀如之何
占陰晴晴田蠶不收墳葬敗家六畜災
損行人不迴求謀大不遂求財大不利
婚姻大不成官事大凶謁見不遇出行
不宜修造不利疾病危篤走失不見生
產見凶捕盜休尋禱祀招禍恠異官事
移徙官非家宅大不安文書不遂

已上全凶應二四八數及寅午戌年月日
時方位正南

扶天廣聖如意靈籤

卐

顛州聖濟廟靈跡理

納九

聖濟廟者初興於顛漸流布於四方所在郡
縣多有之神蓋姓石氏名固顛人也生于秦
代既歿能發祥焉漢高帝六年遣懿侯灌嬰
略定江南至顛顛時屬豫章郡與南粵接壤
尉陀寇邊嬰將兵擊之神降于絕頂峯告以
克捷之期已而有功館神於崇福里人稱為
石固王廟唐大中元年里民聞諒被酒為魅
所惑墜于崖下符奕行賈長汀舟幾覆成有
所禱諒即返其廬奕見神來護之於是卜貢
江東之雷岡相率造新廟琢石為像奉焉相
傳廟初建時天地為之晦冥錄事吳君暨司
戶蕭君令康黃二衙官先後往視皆立化二
君亦繼亡逮今祀為配神云自時厥後神屢
顯嘉應州之東北有二洲曰藍澗曰乾渡每
當長夏水易涸隱起若岡阜舟楫不通宋嘉
祐八年趙抃報政而歸通溝焉亟徵靈于廟
水清漲者八尺清漲俗謂無雨而水自盈也元祐元年夏
五月不雨徧崇山川弗應郡守孔平仲迎神
至鬱孤臺燭未見跋甘霖如瀉四年東城災

風烈火熾將延於庫庾林頰正佩郡章急呼

神曰盍憫我烝民俄反風滅火六年復災老
倪遙望雷岡而拜月明如晝忽陰雲四合大
雨驟至虐獸頓熄建炎三年隆祐太后孟氏
駐蹕于顛金人深入至造水髻髯觀神擁陰
兵甚眾乃旋紹興十九年鄱陽許中為郡欲
新神之祠召大姓二十人立庭下諭之眾推
張銳郭文振心計開敏宜為糾率二人謝不
能許乃分一番紙如其人之數書二為正副
字雜封之令自得墨者職如書各取其一開
之則得書者二人也眾以神與心通不日而
祠成二十七年禁兵合山寇據城逆命子女
金帛驅輦殆盡高宗命都統制李耕穢之陰
霍挾逆颺為患士卒弗能前耕私祈馬嘖之
風順天朗一鼓而城平自是王師南征無不
祀以牲牢乞陰兵為助者溥熙十六年歲當
大比州人士劉文榮以夢徵于神夢三十人
執高竹而立因更名筮遂入鄉選嘉定十年
夏大霖雨江水暴溢城不浸者三版民懼為
魚泣禱甚哀水尋退亡言紹定三年黥卒朱

先帥其徒陳達周進蔡發以叛有音擢荆襄
監軍陳壇提刑江西仍護諸將致討夜駐廬
陵夢神告曰先將竄番禺爾宜速圍壇密命
胡巖起李強疾趨至巖合三寨兵殺之淳祐
七年湖南夷獠曾言肅聚亂聲提江右部

使者鄭逢辰檄王舜進攻如有神立青霄兜
徒沮駭卒就殄滅九年安遠崔文廣為變倚
石壁作窟穴潼川姚希得來持憲節駐兵守
之入且弗拔寇見雲中若旗幟飛翻其膽遂
落渠魁乃擒景定三年郡有黎氏獄胥史受

賂拷掠良民使之承左司具革疑焉神告以
生兆卒白其寃元至元十七年閩卒張彥真
入廟吐舌數寸足懸半空自述其陰私頗悉
類有人鞠讞之蓋神之顯靈其事不翅數百
而於兩陽疫癘之禱驗者尤夥瀛唯各舉其

著書之所不書者可以例見也宋寶慶間莆
田傅燁為賴縣東尉黜神之為撰為錄辭百
章俾人占之其響各吉凶往往如神面語之
者此亦陰翊治化之一端也吳楊溥時以神
能禦苗捍患有合祭法署為昭靈王宋五封

至崇惠顯慶昭烈忠佑王賜廟額曰嘉濟元
三易封為護國普仁崇惠靈聖烈忠佑王
復更之以今額其褒揚尤著可謂備矣至若
高宗所錫楮黃袍纏絲碼帶及南唐李煜
五龍硯至今猶藏廟中云瀛稽諸經國有凶

荒則索鬼神而祭之士有疾病則行禱於五
祀先王必以神為可依故建是祠祝之制也
世之號為儒者多指鬼神於茫昧稍與語及
之弗以為誣則斥以為惑不幾於悖經矣乎
有若神者功在國家德被生民自漢及今孰

不知依之雖近代名臣若劉安世若蘇軾兄
弟若洪邁若辛棄疾若文天祥亦勤勤致敬
而弗之怠是數君子者將非儒也邪何其與
世人異也瀛初被召而起神示以文物之祥
後果入翰林為學士心竊奇之今祀史帝中

及第志勤以靈跡款見唐宋之文使從子法
凱請瀛通述之因不欲辭造文俾刻焉或謂
高帝未嘗伐粵第遣陸賈賈璽綬立佗為南
粵王瀛按傳記嬰之畧定豫章在六年庚子
佗之稱臣在十一年乙巳其未臣之前惡知

不來侵境而嬰擊退之邪恐史家以其事微
故畧之爾敢并及之系之以詩曰
神雷之罔翠參差五螭天矯含精微叢祠四
阿儼翬飛像變翕絕五采施陰爽襲人動會
颺發祥傳自炎劉初粵氛侵徵告捷期豈或

天星隕魄為降靈于人贊化機以石為氏理
則宜大中卜遷墨食龜有聲風派達四垂風
霆號令疑所司禾稂稊稊歲不饑民氓鼓腹
酣以嬉建炎火德值中衰宮車駐蹕賴之糜
完顏黜卒大步追神兵暗樹雲中旗卷甲疾

走如鼠狸莫徭嘯呼引獠夷禁軍荷校據城
池屠劉壯健到嬰兒威神有赫助王師一殲
兇暨無子遺貢江水落洲如坻鉅舟皆膠牢
弗移鞠躬再拜叩靈墀赤日火烈雲不衣鴻
濤清漲沒石磯陰翊王度功何疑紫泥鸞詔

自天題爵為真王手秉珪風馬雲輿時往來
楮袍籠異帶纏絲五龍寶斫角鬣奇製藏山
中夜吐輝陽陰翰運無端倪煮蒿樓恰如見
之休咎有徵神所持委以惚恍邈難知莫不
來索庭中碑

洪武辛亥春正月國子司業金華宋濂撰

護國嘉濟江東王靈籤

第一

巍巍獨步向雲間玉殿千官第一班富貴榮華天付汝福如東海壽如山

解曰雲間獨步拔萃超群名高甲第談笑功勳終身光顯皆天所相祿厚壽高意稱謀望

聖意功名遂福祿全訟得理病即痊桑麻熟婚姻圓孕生子行人選

第二

盈虛消息總天時自此君當百事宜若問前程歸縮地更須方寸好修為

解曰萬事乘除隨時而處否往泰來事無幽語若保終吉更宜修為切勿妄動萬福來宜

聖意訟宜和病宜禱功名有遲莫躁求財平問婚好若妄為言莫保

第三

衣食自然生處有勸君不用苦勞心但能孝悌兼忠信福祿來成禍不侵

解曰富貴前定不必強求徒勞心力反致傷憂事親待人動合循理天必祐之有泰無否

聖意問名利自有時訟和吉病瘥遲求財平婚未宜謹守免憂疑

第四

去年百事頰相宜若較今年時漸衰好把辨香告神佛莫教福謝悔無追

解曰先凶後吉時運將泰謀事無成須非前比秉誠禱神以求福祉否則不覺悔無及已

及已

聖意功名無財祿輕不宜訟婚未成病難愈行阻程若求吉禱神明

第五

子有三般不自由門庭蕭索冷如秋若逢牛鼠交承日萬事迴春不用憂

解曰榮枯有時不由人力泰運將亨終於否極日月子丑凡事皆吉如木逢春轉見榮益

聖意財祿耗功名遲訟終吉病可醫婚宜

審行人歸待時至百事宜

第六

何勞鼓瑟更吹笙寸步如登萬里程彼此懷疑不相信休將私意托濃情

解曰凡事勞力有退無進謀望不成懷疑

不信求和未合將圓未圓只宜守己不宜變遷

聖意功名無財祿散病難痊防難產婚不成訟未判行人遲休嗟歎

第七

仙風道骨本天成又遇仙宗為主盟指日丹成謝巖谷一朝引領向天行

解曰天生富貴沉得人助凡骨成仙昇騰雲路庶人遇貴財物皆聚百事大吉何必疑慮

聖意圖名遂求財豐訟得理病不出行人至夢非熊陰地吉婚姻同

第八

年來耕稼苦無收今歲田疇定有秋况遇太平無事日士農工賈百無憂

解曰凡事求謀昔否今泰時運將亨有喜無害士農工賈悉逢佳會財物倍收悉均

內外

聖意士領薦人獲財訟即解病無災問行人即便回謀望吉嘉慶來

第九

望渠消息向長安常把菱花仔細看見說文書將入境今朝喜色上眉端

解曰謀望已久忽得好音文書到手喜在目前利有攸往財獲千金所謀遂意凡事

稱心

聖意名與利便到頭訟即勝病即瘳孕生男婚可求行人至百無憂

第十

病患時時命蹇衰何須打瓦更鑽龜直教重見一陽復始可求安仗佛持

解曰命運多蹇疾病連綿但宜修省托在蒼天直須冬至禱神方痊凡百謀望作事

必遷

聖意名難圖財祿失病留連訟未息行人

遲求神吉莫貪求宜守一

第十一

今年好事一番新富貴榮華萃一身誰道機關難料處到頭獨立轉傷神

解曰命運難亨亦不如意吉中有凶事實無濟切莫貪求出外不利如或妄動福消禍至

聖意莫貪求名未遂財祿平訟不利病者凶事不濟問行人多阻滯

第十二

營為期望向春前誰料秋來又不然直遇清江貴公子一生活計始安全

解曰作事遲疑求望未遂清江貴人望之如意萬一他求徒勞心志且謹踐修以俟時至

聖意求名遲財未至病改醫訟宜忌行人歸孕生貴有所遇方吉利

第十三

君今庚甲未亨通且向江頭作釣翁玉兔重生應發積萬人頭上逞英雄

幼九

幼九

幼九

幼九

解曰命運當蹇凡事遲遲且宜守舊藏器待時年與日月逢卯則宜或遇望日方稱所為

聖意時未亨宜守舊遇卯日名利就病遲愈訟終利行人歸事終濟

第十四

一見佳人便喜歡誰知向後有多般人情冷暖君休訝歷涉應知行路難

解曰事望團圓反生齟齬人多無情恐難憑據只宜自省毋為他悞戒之戒之且疑且慮

聖意始雖易終則難名利失病未安訟反覆孕生女行未歸事多阻

第十五

兩家門戶各相當不是因緣莫較量直待春風好消息却調琴瑟向蘭房

解曰兩意未合百事難諧門戶可慮亦恐成乖且待來春萬事方佳若或妄動徒勞心懷

聖意婚未合訟未決名利遲信音缺孕難

生防口舌非知已莫妄說

第十六

官事悠悠難辯明不如息了且歸耕傍人扇惑君休信此事當謀親弟兄

解曰訟事未決且宜從和傍人扇惑平地風波慎勿輕信自投網羅謀之兄弟誰能奈何

聖意訟難明和為貴名利無行人至婚未成病有崇財莫貪終無利

第十七

田園價貫好商量事到公庭彼此傷縱是機關得勝定為後世子孫殃

解曰事依本分自有前程若用機關反害其身如作交易當合人情若是妄作難保和平

聖意事悖理訟必傷名利未亦如常行人阻病宜讓且謹慎保安康

第十八

知君指擬似空華底事法法未有涯牢把脚根踏實地善為善應永無差

解曰作事未成空自指擬且宜緩圖急則損已更宜向善禱神求安轉禍為福可免多端

聖意名利無終則有病禱安訟勿聞行人遲事難就且向善祈福佑

第十九

嗟子從來未得時今年星運頗相宜營求動作都如意和合婚姻誕貴兒

解曰久困沉埋時運今泰作事自成名利且快更無阻滯宜為買賣士庶占之皆為吉卦

聖意作事吉名利遂婚姻成訟得理孕生貴行人至病易安皆吉利

第二十

一生心事向誰論十八灘頭說與君世事盡從流水去功名富貴等浮雲

解曰心事未決且宜緩圖時世縱急自有神扶凡事退省終保無虞更加修省可履亨衢

聖意訟終凶止則吉名利輕病即釋行人

還婚遲疑凡作事且隨時

第二十一

與君夙昔結成冤今日相逢那得緣好把經文多諷誦祈求戶口保婢娟

解曰舊有夙冤作事隨緣急宜向善方保

安全力行好事心契上天變凶為吉出自

福田

聖意事無成病禱愈出不宜訟有理疾有冤求神解若欲貪終必敗

第二十二

碧玉池中開白蓮裝嚴色相自天然生來骨格超凡俗正是人間第一仙

解曰事見明白不假人為更宜出入切莫

遲疑士人占此高攀桂枝一切謀望好趁

明時

聖意訟快勝名易成病即愈財即盈婚姻合貴子生家道盛百事亨

第二十三

花開花落任春風貴賤窮通百歲中似子榮華今已矣到頭萬事總歸空

如九

十二

解曰凡百謀事自成自敗始須快意終實

成害吉中有凶否生於泰若不欲藏後愛方大

聖意名與利似虛花訟解散病愈加婚未合行人賒事無就徒咨嗟

第二十四

一春萬事苦憂煎夏裏營求始貼然更過秋成冬至後恰如騎鶴與腰纏

解曰春日謀望事多不成夏秋冬月却始光亨更宜出入福祿豐盈營求如意時至

即行

聖意名利有莫躁為公訟解婚姻宜行人速病瘥遲富與貴自有時

第二十五

寅午戌年多阻滯亥子五月漸亨嘉更逢玉

免金鷄會枯木逢春自放花

解曰春夏秋時作事遲疑直至三冬凡事亨通卯酉月日所謀即吉待此時來枯木

花開

聖意訟多憂終則吉名利還婚姻吉孕欲

如九

十五

保作福力問行人歸有日

第二十六

年來豐歉皆天數自是今年早較多與子定期三日內田疇沾足雨滂沱

解曰吉凶天數目下多延直待時至如木

逢春禱求皆應定在三辰謀望必遂好事

臨門

聖意名與利今雖損若遇時便反本訟可解病可安速行至辛信還

第二十七

世間萬物皆有主一粒一毫君莫取英雄豪傑自天生也須步步循規矩

解曰貧富分定切莫強求若或妄取必獲後憂且宜守舊更勉進修心行平等自獲

天休

聖意訟莫與病醫審名與利付之命行人遲婚未定凡有求且安分

第二十八

公侯將相本無種好把勤勞契上天人事盡時天理見材高豈得困林泉

解曰榮華富貴勤勞得之目下雖困後必
逢時切宜自恕更勉修為人事既盡天理
可知

聖意訟與病久方解名與利始少待若失
物尋必在雖暫困終必泰

第二十九

祖宗積德幾多年源遠流長慶自然更若操
修無倦意天須還改舊青種

解曰積善之家必有多慶子孫衆多門戶
昌盛若更修持福力愈勝依舊榮華事皆

前定

聖意天福善生貴子病者安訟得理名必
得仍得利行人歸皆如意

第三十

奉公謹守莫欺心自有亨通吉利臨目下管
求且休矣秋期與子定佳音

解曰公平處已切莫自欺福祿雖有更可
待時若要進取未可施為凡百謀望秋以
為期

聖意利雖有莫妄作訟宜和病勿藥名待

時婚有約但存心安且樂

第三十一

秋冬作事只尋常春到門庭漸吉昌千里信
音符遠望營堂快樂未渠央

解曰凡百謀望秋冬平平春來謀望次第

光亨遠行有信所作皆成家道清吉可保
安寧

聖意訟漸吉病漸康財始達名始彰行人
近婚姻良家道吉福祿昌

第三十二

勞生汨汨竟何歸疾病兼多是與非事到頭
時渾似夢何如休要用心機

解曰謀事多差徒自勞心口舌交至禍患
來侵何如退步暫隱山林處其所存可遇
知音

聖意訟終凶名未通病者險財亦空婚未
合是非叢行人阻事不同

第三十三

不分南北與西東眼底昏昏耳似聾熟讀黃
庭經一卷不論貴賤與窮通

解曰是非莫管一任紛紛見如不見聞似
不聞毋分貴賤宜養心神定則能應福自
斷臻

聖意訟莫爭病難愈名與利莫貪取問行
人信尚阻能修善有神助

第三十四

春夏繞過秋又冬紛紛謀慮攪心曾貴人垂
手來相援休把私心情意濃

解曰一歲營謀未有發達方得貴人垂手
提挈漸漸亨通可免激括莫信私人巧言

闕謀

聖意訟可憂病未瘳財祿散無遠謀行人
動婚莫求防口舌免悶憂

第三十五

一山如畫對清江門裏團圓事事雙誰料半
途分拆去空帷無語對銀缸

解曰墳宅雖吉命運未通家神招禍好事
成空夫妻離散骨肉西東事皆不遂有始
無終

聖意訟終凶宜謹防病者險作福穰行人

阻財有傷婚不合謹行藏

第三十六

功名富貴自能為偶着仙鞭莫問伊萬里鵬程君有分只小嶺上好鑽龜

解曰富貴分定遲速有時藏器待時君莫

怨遲掀天事業時至即為若到天邊便可決疑

聖意名與利在晚成訟得理病漸亨問遠信阻行程婚可合孕將生

第三十七

焚香來告復何辭善惡平分汝自知屏却昧公心裏事出門無礙是通時

解曰作善降祥作惡降殃何必禱神常自揣量公心莫昧勉為善良前程通大可保安康

安康

聖意訟和吉病禱安求財少問名難婚可合行人還宜向善保團圓

第三十八

蛩吟唧唧守孤帟千里懸懸望信歸等得榮華公子到秋冬括括兩霏霏

九

七

解曰作事無聊空目惆悵縱得好音依然悽愴遠謀不遂心神徒喪家道未安禱神陰相

聖意莫問財休聞訟遠未回病亦重婚無成多恠夢且求神毋妄動

第三十九

北山門下好安居若問終時慎厥初堪笑包藏許多事鴻麟難便好修書

解曰靜地安身莫涉非理欲保終吉作事謀始毋惑人言切防害已勿輕傳信暗中

有鬼

聖息病擇醫訟宜解求財無終必敗婚且審行須待謹修為過必改

第四十

新來換得好規模何用隨它步與趨即聽耳

邊消息到崎嶇歷過見亨衢

解曰謀望更改修為儘好何必依人可宜遠到須歷艱難必獲好報平步青雲榮捧

恩詔

聖意名終成訟得勝孕生男保無病行人

回婚宜定事須遲有餘慶

第四十一

自南自北自東西欲到天涯誰作梯邁屨逢牛三弄笛好將名姓榜頭題

解曰涉歷艱難謀望未就富貴榮華顯達

在後若問名利必待子丑聲譽顯赫題名榜首

聖意訟無定終有遇病多憂擇醫愈信即到婚終好凡所謀慎勿躁

第四十二

我曾許汝事和諧誰料修為汝自乖但改新圖莫依舊營謀應得稱心懷

解曰神許和合自乖所為急須改變方得其宜心行正直毋自奸欺汝能悔悟天自相之

相之

聖意病更醫訟改圖名與利換規模婚別議行人阻謹修為福力助

第四十三

一紙官書火急催扁舟速下浪如雷雖然目下多驚懼保汝平安去復回

解曰官書火急激括之兆目下雖驚終無
紛擾有神陰扶收功談笑往來平安吉星

高照

聖意功名遲好求官訟病險終必安行人
歸失物還婚宜速終不難

第四十四

汝是人中最吉人誤為誤作損精神堅牢一

念酬香願富貴榮華在汝身

解曰本分平等反誤為非急宜遷過切莫
自欺盡誠作福神必祐之榮華富貴付汝

非遲

聖意事多錯訟莫作病禱神且勿藥婚莫
求行未運能自悔利名全

第四十五

好將心地力耕耘彼此山頭總是墳陰地不

如心地好修為到底却輪君

解曰好修心地莫用他求但依本分可獲
天休勿與人競福力自悠子孫之慶皆善

之由

聖意心既好地亦美病即安訟得理財勿

求且守已行人至終有喜

第四十六

君是山中萬戶侯信知騎馬勝騎牛今朝馬

上看山色爭似騎牛得自由

解曰本自富貴已勝常人愈有愈貪禍及

己身宜依本分當享和平勸君靜處可免

災連

聖意名與利勿貪取訟莫與多阻滯行人

遲婚莫許謹踐修當靜處

第四十七

與君萬語復千言祇欲平和雪爾冤訟則終

凶君記取試於清夜把心捫

解曰訟則終凶不必多說若得和平舊冤

可雪凡所謀望皆當謹節反求諸已禍端

自絕

聖意訟勿與恐遭刑財莫貪病未寧行有

阻婚難成且循理保和平

第四十八

登山涉水正天寒兄弟親姻那得安不過虎

頭人一喚全家誰保汝重權

解曰歷涉艱難時運輒左家道不齊事端

坎坷遇富貴人提挈方可倘無所濟難逃

後禍

聖意遇貴人訟方平病驚險莫求名財物

耗婚且停違寅字事漸亨

第四十九

彼此家居只一山如何似隔鬼門關日月如

梭人易老許多勞碌不如開

解曰安開易處出門有阻時逃易過毋自

勞苦且宜守舊隨分而去末運亨通却宜

進取

聖意名利阻且休開訟宜和病有源婚姻

遲行人速欲獲吉且安分

第五十

人說今年勝去年也須步步要同旋一家和

氣多生福莫菲謔言莫聽偏

解曰謀望勝先却宜進步人事稠密禍消

福聚勿信謔言惶惑恩慮慎終如始切勿

尤豫

聖意出入吉財物多亨可保病即痊婚必

成訟宜和問行人奏凱歌

第五十一

君今百事且隨緣水到渠成聽自然莫嘆年來不如意喜逢新運稱心田

解曰目下謀望且隨緣分一朝榮達身顯

如願且休嗟怨待時遷變漸遇亨通好事

疊見

聖意名漸顯訟漸寬財自裕病未安行有信婚可定時將亨心必稱

第五十二

兀坐幽居歎寂寥孤燈隱映度清宵萬念忽報秋光好活計扁舟渡北潮

解曰珍藏待聘休嗟不過忽際明時青雲

穩步好音一來作意高舉凡事必得皆有時趣

聖意名晚成利遲得病且安訟終息行人歸婚姻吉凡求望今勝昔

第五十三

艱難險阻路蹊蹶南鳥孤飛依北巢今日貴人會識面相逢恰似夏秋交

解曰艱難歷徧作事皆非南鳥北巢失其所依夏秋之交貴人相提方稱謀望榮達可期

聖意病與訟皆不利名與財亦阻滯孕有驚行未至若過貴事方濟

第五十四

萬人叢裏逞英豪便欲飛騰霄漢高爭奈乘流風未使青燈黃卷且勤勞

解曰謀望趨高使期遠到爭奈時乖徒自輕躁且宜守己勉行善道直待時亨凡事

皆好

聖意財未遂名未起訟不宜病未消婚難信行路迢待時至百事饒

第五十五

勤耕力作莫蹉跎衣食隨時安分過縱使經商收倍利不如逐歲廩未多

解曰衣食自足強求則損不如歸耕種植為本縱巧經營豈能長遠安分守成榮達未晚

聖意休問名莫貪財訟宜解病未災婚可

就遠行回戒出入福自來

第五十六

心頭理曲強詞遮直欲欺官行路斜一旦醜形臨月鏡身投憲網莫咨嗟

解曰心邪理曲飾詞欺公明鑒照破必致終凶何如退步正直是從庶免其禍可保厥躬

聖意莫與訟勿求財病有崇行未回婚須擇難信媒行正直免凶災

第五十七

事端百出慮雖長莫聽人言自主張一着先機君記取紛紛鬧裏更思量

解曰事務多端紛紛不已三思後行悉歸條理莫信人言自當揣已攬先一着何事不濟

聖意訟急解病早讓信即至才如常孕生男穉神康凡百事自主張

第五十八

蘇秦三寸足平生富貴功名在此行更好修為陰陽事前程萬里自通亨

解曰凡事謀望遠行則吉求財必豐求名必得更行好事以助陰陽富貴榮華始自今日

聖意病即安訟決勝行人回婚宜定孕生男家道盛積陰功福來應

第五十九

門衰戶冷苦伶仃自嘆祈求不一靈幸有祖宗陰陽在香港未斷續蟻蛉

解曰門戶衰微空自祈禱幸有祖宗陰德可保若問後嗣異姓方好更行好事當得

美報

聖意名難得才難圖訟不利病無虞婚可合信音無行方便謹修持

第六十

羨君兄弟好名聲只管謙樞莫自矜丹詔槐

黃相逼近魏巍科甲兩同登

解曰兄弟聯芳聲名自起凡事謙樞以全其美前程遠大好事近矣兩兩高科同登

甲第

聖意宜出入好謀望訟即決財已旺孕生

男病無恙信音回有神相

第六十一

蕭聚山林凶惡僑善良無事苦煎憂主人大笑出門去不用干戈盜賊休

解曰惡少操心欲害良善彼此能為徒逞

強健君子善勝收功不戰有神相之除災禍變

禍變

聖意財平平病漸效訟自散莫與較遠行

歸婚亦宜雖有險終平夷

第六十二

百十八面虎狼心賴汝干戈用力深得勝回

時秋漸老虎頭城裏喜相尋

解曰人多謀害汝善却敵縱有憂驚終自消釋決勝回時定在秋日圖向西方事事

皆吉

聖意訟必勝財不進病終安速有信婚可

成求名稱到秋時百事順

第六十三

曩時敗北且圖南筋力雖衰高一堪欲識前

生君大數前三三與後三三

解曰前後謀望皆有所成晚年經商尚可

一行福分數定不虧不盈若欲多取徒自

勞神

聖意病可醫訟中平財尋常信有準名未

亨婚可聘勿強圖隨分定

第六十四

吉人相遇本和同况有持謀天水翁人力不

勞公論協事成功倍笑談中

解曰與人謀望况遇朝貴援手提攜事皆

稱意勿勞餘力成就甚易出入皆宜吉無

不利

聖意貴遇趙訟即了名亦成病可療財有

餘婚亦好問信音即刻到

第六十五

朔風凜凜正窮冬多羨門庭喜氣濃更入新

春人事後裏言方得信先容

解曰數防於冬窮久則通交季冬月喜氣

重重新春而至和恣愈充好遇貴客百事

皆通

聖意財多得名高中可問婚宜和訟病即

安行人動禍消變福力重

第六十六

耕耘只可在鄉邦何用求謀過外方見說今年新運好門關喜燕事雙雙

解曰出外不宜在家必達時運將享財祿

俱發好事重重門庭改革若欲遠圖弄巧

成拙

聖意病即安訟即決才漸豐名高揭行人

回婚可結莫外圖福儘得

第六十七

○ 纔發君心天已知何須問我決狐疑願子改

圖從孝悌不愁家室不相宜

解曰所謀未善何必禱神當決於心改過

自新但能孝悌敬君事親和自生福學道

回春

聖意訟和貴病改醫財別圖婚姻遲問行

人尚未歸能改過事皆宜

第六十八

南販珍珠北販塩年來幾倍貨財添勸君止

此求田舍心欲多時何日厭

解曰謀望既遂利亦倍收貪心不止必獲

後憂知足不辱可樂優游凡事如意可休

則休

聖意訟已勝莫再戰名已成無復聞婚可

定病自散行人歸且安分

第六十九

捨舟遵路總相宜慎勿嬉遊逐貴兒一夜樽

前兄與弟明朝仇敵又相隨

解曰捨舟登路宜踏實地莫倍貴兒樽前

遊戲好中成惡口舌立至戒之慎之當自

為計

聖意名與利莫強求賢可審婚可謀行人

至訟者休凡出入謹文游

第七十

雷雨風雲各有司至誠禱告莫生疑與君定

約為霖日正是臨隆中伏時

解曰吉凶悔吝各有神司欲問濟事在中

伏時如旱望雨恰慰雲霓凡所謀望且待

其時

聖意訟與病漸可解名與利姑少待婚宜

遲行無信若禱神三日應

第七十一

喜鵲簷前報好音知君千里欲歸心繡幃重

結鴛鴦帶葉落霜飛寒色侵

解曰好音報喜遠涉方回交冬之際家室

重諧凡事終吉且待時來自有成就不必

疑猜

聖意訟二和名漸通婚再合病主凶問求

財時未同凡謀望在秋冬

第七十二

○ 河渠傍路有高低可嘆長途日已西縱有榮

華好時節直須猴大換金鷄

解曰修途崎嶇况當衰晚求事多難徒自

嗟嘆逢申酉戌年月日見若過此時稍可

如願

聖意求財遲占病險名難成信尚遠訟終

凶婚必晚孕必驚地未穩

第七十三

憶昔蘭堂分半釵而今忽把信期乖癡心猶

望成連理到底誰知事不諧

如九

二十八

解曰事多離散難望再成愆心未改尚自留情縱能強合終必敗盟先所謀望宜守初心

聖意名與利訟與婚皆不利莫多言病危險命逆遭宜作福保安全

第七十四

崔嵬崔嵬復崔嵬履險如夷去復來身似菩提心似鏡長安一道放春回

解曰路途歎險心却平夷轉凶為吉終免憂疑更宜守正心莫改移履道坦坦何福不隨

聖意訟與病險而平名與利逆而亨婚先難終必成行人至福自生

第七十五

生前結得好婚姻一笑相逢情自親相當人物無高下得意休論富與貧

解曰既有夙約一見如故所謀皆同事多就緒何必相逢又分爾汝且休而行事無

齟齬

聖意財物聚病即愈若問訟必遇主更修

廿九

二十九

善侍神助行人回事無阻

第七十六

三千法律八千文此事如何說與君善惡兩途君自作一生禍福事由分

解曰吉凶多變非止一端言不盡意當以

心觀福因積善禍胎稔惡知所趨避宜自先覺

聖意問公訟且審理求財祿當揣己病早讓宜求嗣婚更審方吉利

第七十七

木有根芽水有源君當自此究其元莫隨道路人閑語訟到終四是至言

解曰禍因惡積當究其元只宜向善庶獲安全自當謹慎勿信人言否盡徧徧禍及于門

聖意訟當戒病宜禱名不利婚難老防口舌行未到凡事謹毋輕躁

第七十八

家道豐腴自飽温也須肚裏立乾坤財多害已君當省福有胚胎禍有門

解曰家道昂盛猶宜謹守自立主張祈求獲枯輕財重道方能長久善善惡惡自作自受

聖意莫貪財能害已休圖訟當知止病禱神孕生子婚擇良行人至

第七十九

乾亥來龍仔細看坎居午向自當安若移丑辰陰陽逆門戶凋零家道難

解曰立宅安墳當明向正龍穴雖吉向差則病凡百謀望向南為喜一或他向恐不如意

廿九

三十

聖意名與利依理求婚與訟莫妄謀病擇醫方無憂行人至慮且周

第八十

一朝無事忽遭官也是門衰墳未安改換陰陽移禍福勸君莫作等閑看

解曰風水不利門戶衰蹇致招殃欲有此禍變急宜速改避惡向善若能戒意可保人春

聖意名與利宜改圖訟和解保無虞病更

警行漸歸婚別議莫輕為

第八十一

假君財物自當還謀賴心欺他自好幸有當
臺明月鏡請來對照破機關

解曰負人財物欺賴肆奸幽有鬼神顯有

清官一朝照破難逃其禍每事依心無施
不可

聖意訟莫欺依本分病遇醫名休問婚姻
事宜審辨孕保安行人鈍

第八十二

○彼亦儔中一輩賢勸君特達與周全三十一此時實
主歡相遇他日王侯却並肩

解曰事有相干宜與效力君既周全他必
報德凡所謀為遇貴方得神力陰扶福報
有日

聖意財必獲名遇眷訟得理病主願婚必
成行必見發福田因積善

第八十三

隨分堂前赴粥饌何須妄想苦憂煎主張門
戶成難事百歲寬闊得幾年

解曰好事隨緣莫貪莫競且宜守成庶保
安靜若更妄求必生多憂如何退省以遂
優游

聖意莫貪求名與利訟宜和行未至病瘥
遲婚莫議能守待家必利

第八十四

箇中事緒更紛然當局須知一着先長舌婦
人休酷聽力行禮義要心堅

○解曰萬事一理各有先見莫聽人言激成
多變依理而行禍自可免當堅乃心毋或
退轉

聖意訟宜解莫信讒財緩取名莫貪孕較
遲行人遠婚更審莫妄攀

第八十五

一春風雨正蕭蕭千里行人去路遙移寨就
多君得計如何歸路轉無聊

○解曰時之未遇歷涉艱阻口計雖多終於
無補且宜守舊毋過於取庶保已成福來
禍去

聖意財祿富訟得理婚未合病漸止問行

人歸期未莫害人人即已

第八十六

一般行貨好招邀積少成多自富饒長把他
人比自己管須自後勝今朝

○解曰同時經營皆欲成家將人比已不得
矜誇自然天祐福祿亨嘉更宜方便錦上
添花

聖意財祿富訟得理婚和合病漸止問行
人歸期未莫害人人即已

第八十七

○陰裏詳稱恠爾曹舟中敵國笑中刀藩籬剖
破渾無事一種天生惜羽毛

○解曰骨肉乖張操戈入室面上春風背
中荆棘何不思惟人已則一若能和同變凶
為吉

聖意名利無病有崇訟莫興和為貴莫貪
財婚不利孕無憂行未至

第八十八

從前作事總徒勞纔見新春時漸遭百事營
求都得意更須守己莫心高

如九

三十二

如九

三十五

解曰平生勞苦百無一成時運漸泰謀望稱情更宜謹守貪心莫生隨緣受用坐享安榮

聖意名與利且隨緣訟解釋病安痊婚亦合行人還若謀望在新年

第八十九

樽前無事且高歌時未來時奈若何白馬渡江雖日暮虎頭城裏看巍哉

解曰時運未過且自開懷年月逢午好事方來雖臨好景掀轟一回眾人聳看積粟

多財

聖意名未得財尚遲病漸愈行漸歸訟可解孕無危婚和合緩則宜

第九十

崆峒城裏事如麻無事如君有幾家勸汝不須勤致禱徒勞生事苦咨嗟

解曰人事擾擾君獨清閑不必瀆神專求多般反招口舌激起禍端急宜守靜以保平安

聖意訟和吉求財無婚未成病無虞信未

至勿他圖不須禱且安居

第九十一

古說淘沙始見金只緣君子不勞心榮華總得詩書妙效裏工夫仔細尋

解曰淘沙見金勤苦方得富貴榮華皆是書力好處工夫自然有益惰於經營終無所獲

聖意求名利勤苦有訟須勞終無咎問婚姻宜擇友探行人三六九

解曰目下求謀今不如昔口舌疊來病多

第九十二

今年未穀不如前物價喧騰倍百千災數流行多疫癘一陽來復始安全

秋唧時運尚垂至今不吉待冬至後方始

寧息

聖意訟紛紛久自解病患多終無言財祿難時且待孕屬陽福終在

第九十三

春來雨水大連綿入夏晴乾雨又愆節氣直交三伏始喜逢滂沛足田園

解曰盈虛消息天道如常春多稱意夏却乖張直交三伏時運方昌財多積聚事事

平康

聖意財聚散病反覆欲求安候三伏事進退宜作福婚可成審往復

第九十四

一般器用與人同巧斲輪與梓亦二凡事有緣且隨分秋行冬遇主人翁

解曰機關謀望人事雖同隨緣隨分心合

上穹秋冬時至遇主人翁藉此提攜凡事

皆通

聖意遇貴人訟得理財尚遲病未愈婚未

成信尚阻待秋冬方有遇

第九十五

知君袖裏有驪珠生不逢辰亦強圖可嘆頭顧已如許而今方得貴人扶

解曰藏器待時弄巧成拙今當晚景遇貴提挈凡事謀望各有時節福祿勝前自然

發越

聖意財發遲訟終折名晚成婚未失間遠

信在此月遇貴人災難滅

第九十六

婚姻子息莫嫌遲但把精神仗佛持四十年前須報應功圓行滿育馨兒

解曰謀望雖遲終有所遇福神陰相扶持

門戶終年運泰事宜進取凡事稱心咸無

憂慮

聖意名利訟遲方吉病漸瘥婚姻得中年

後得子息問行人未有日

第九十七

五十功名心已灰那知富貴逼人來更行好事存方寸壽比岡陵位鼎台

解曰功名志退一旦逢時逼人富貴皆善

所基更行好事相與扶持壽高貴極大勝

前時

聖意訟即解名可成財漸聚病且寧孕生

男宜婚姻行人至事稱意

第九十八

經商百出費精神南北奔馳運未新玉免交時當得意恰如枯木再逢春

第九

三十六

解曰營謀艱力况逢時否奔北趨南百事未遂卯年月日方可營計轉瘳為榮節節生意

聖意名利有晚方成訟與病久方平孕生子行阻程遇卯運事皆榮

第九十九

貴人相遇水雲鄉冷淡交情滋味長黃閣開

時延故客驛驢應得驟康強

解曰憶昔貴人忽見邂逅從此提挈始運亨泰出入圖謀凡事利快士庶占之亨嘉

遠大

聖意名與利及訟詞家道康皆吉利病即安孕生貴婚早成人至

第一百

我本天仙雷雨師吉凶禍福我先知至誠禱

祝皆靈應抽得終籤百事宜

解曰吉凶禍福神先知之凡百謀望損中

有益數雖已終週而復始更修陰陽

祐之

聖意籤詩百數已終我所知象無凶構神

第九

三十七

扶藉陰陽危處安損中益

護國嘉濟江東玉靈籤